



New Testament

Manumanaw Language

Manumanaw - Bible - New Testament

Matie	3	
Marke	85	
Lukasi	135	
Yowane	223	
Akwa	286	
Roma	362	
1 Koriti	396	
2 Koriti	429	
Galate	450	
Efeze	462	
Filipo	473	
Kolose	482	
1 Tesalonike	490	
2 Tesalonike	497	
1 Timote	501	
2 Timote	511	
Tito	518	
Filemo	522	
Ebre	524	
Jake	548	
1 Petro	557	
2 Petro	567	
1 Yowane	573	
2 Yowane	582	
3 Yowane	584	
Yuda	586	
Køewurøe	589	

Manumanaw - Bible - New Testament

Matie

Matie 1

Aata Yisu

(Wu ba tœ Luk 3.23-38)

- ¹Asœke kœdœ i'iri aata Yisu Kristu, ata Davidi á tshe dœ ndje ata Abrayamo.
- ²Abrayamo zu Izaka, Izaka zu Yakobo, Yakobo zu Yuda œdœ aayanœ.
- ³Yuda zu Perese œdœ Zara, ayi endje kœdœ lima Tamare. Perese zu Eserone, Eserone zu Arame.
- ⁴Arame zu Aminadabe, Aminadabe zu Nashone, Nashone zu Salma.
- ⁵Salma zu Boaz, Rahabe kœdœ lima ayinœ. Boaz zu Obede, Luta kœdœ lima ayinœ. Obede zu Yese.
- ⁶Yese zu gbozugo Davidi, yé Davidi zu Salomo tœ yashe á tshe dœ lima awo Uri.
- ⁷Salomo zu Robowame, Robowame zu Abiya, Abiya zu Asafe.
- ⁸Asafe zu Yozafate, Yozafate zu Yorame, Yorame kœdœ ata Oziase.
- ⁹Oziase zu Yotame, Yotame zu Akaze, Akaze zu Ezekiasse.
- ¹⁰Ezekiasse zu Manase, Manase zu Amɔ, Amɔ zu Yoziase.
- ¹¹Yoziase zu Yekonia œdœ aayanœ dœ lɔndɔ á endje ko lima azu Israyele gu tœnœ ga tshakudu kanga ba lœ Babilone.
- ¹²Manda kœko lima azu Israyele gu tœnœ ga tshakudu kanga ba lœ Babilone, Yekonia zu Shaletiele, yé Shaletiele zu Zorobabele.
- ¹³Zorobabele zu Abiwude, Abiwude zu Eliyakimi, yé Eliyakimi zu Azore.
- ¹⁴Azore zu Shadɔke, Shadɔke zu Akimi, yé Akimi zu Eliwude.
- ¹⁵Eliwude zu Eleazare, Eleazare zu Matane, yé Matane zu Yakobo.
- ¹⁶Yakobo zu Yozefu akɔ Mareya ayi Yisu, á endje sœ kœ'e she Kristu.
- ¹⁷Ataa, kœto kpœtœ Abrayamo œrrr ga tœ Davidi, uwu aatazu sœ ndjokpa dœ vana. Kœto kpœtœ Davidi œrrr ga tœ lɔndɔ á endje ko lima azu Israyele gu tœnœ ga tshakudu kanga ba lœ Babilone, uwu aatazu sœ ndje ndjokpa dœ vana;

yé kœto kpœtoe lœndœnœ asœmœ œerr ga tœ kœzu Kristu, uwu aatazu sœ ndje ndjokpa dœ vana.

Kœzu Yisu Kristu

(Wu ba tœ Luk 2.1-7)

¹⁸Ndœ budu kœzu Yisu Kristu sœ atake: Ayinœ dœ Mareya kœdœ lima koje nœ Yoze fu. Kashe utshunœ adœke endje ngbœtœ endje awa bale ga tœ œsœnœ, tshe gbœ nguzu lœ awa gbœgbœ nœ Ɔtshœ Ishiri.

¹⁹Koje nœ ye dœ Yoze fu kœdœ lima uzu á tshe sœ ndjii, yé tshe yiyi lima kœmitshelœ ye ngbi fœ azu nene. Tshe yi lima kœkatœ ye ti lœ ubunœ.

²⁰Bata á tshe sœ lima kœgbe atake, anga andjelu nœ Gbozu wuta ga tœ ye lœ ulu œ pa fœ she adœke: «Yoze fu, ata Davidi, awa zaza bœ kœza Mareya tœ awo zœ nene. Gbambanœ nene, nguzunœ á sœ lœ ye asœmœ to lœ gbœgbœ nœ Ɔtshœ Ishiri.

²¹Tshe zu bala gbolo yakoshe yé bœ ta i'iri ye Yisu; gbambanœ nene, tshe she bala azu nœ ye lœ ekperœ nœ endje.»

²²œneke kœ mbœrœtœ endje ataa mbœrœ o'onœ á Gbozu pa lima lœ awa nœ ayi kœgbara o'o kœmbœrœtœ endje:

²³«Ɔkpœ yawuru œ gbœ nguzu yé œ zu gbolo yakoshe yé endje ta i'iri ye Emanwele.» Ádá i'iri Emanwele kœdœ «Ndjaba awa bale dœ azœ.»

²⁴Lœkœ á Yoze fu jo, tshe mbœrœtœ ye bata á andjelu nœ Gbozu mi lima ndi nœ fœ she, yé œ za Mareya tœ awonœ.

²⁵Kashe tshe ngbœngbœpa gbarœ olo bale dœ she nene œerr ga tœ kœzu gbolo yakoshe nœ ye ga pa œshœ, yé á Yoze fu ta i'iri Yisu ga pa ye.

Matie 2

Agbangba kœwusœ ádá angerepe na kœwu Yisu

¹Endje zu Yisu ba lœ Beteleme, ba lœ ogo Yuda dœ lœndœ á Erode dœ lima gbozugo. Manda kœzu she, agbangba kœwusœ ádá angerepe to lima ba tœ osho á œlœ œ wuta tœnœ yé œ na. Endje yi lima kumu endje ga lœ Yerusaleme,

²yé á yu adœke: «Gbozugo nœ Ayuda á endje zu she ngœngœ sœ kpœta a? 'A wu angerepe nœ ye œ wuta ba tœ osho á œlœ œ wuta tœnœ, yé á 'a na kœgote ga utshu ye.»

³Lœkœ á gbozugo Erode djindœ upunœ ataa, tshelœ œkœrœ ye œdœ œnœ azu ogo Yerusaleme djigi tshanga ye.

⁴Tshe vwa osho ndœ agbozu tshapa anganga Ndjaba œdœ aayi kœyisœ awa akwa, yé œ yu endje tœ osho á endje li kœzu Masiya tœnœ.

⁵Endje gi fœ she adœke: «Ba lœ Beteleme, ba lœ ogo Yuda. Gbambanœ nene, œneke á ayi kœgbara o'o su dœke:

⁶“œbœ Beteleme, lœ ogo Yuda, bœ sœsœ adja teasho ugurutœ tshalakpi á sœ lœ ogo Yuda nene; gbambanœ nene, gbozunœ á tshe te bala utshu azu nœ mœ, azu Israyele, œ to ba ndœ zœ.”»

⁷Dœ tœnœ ataa, Erode vwa osho ndœ agbangba kœwusœ ádá angerepe lœ ubunœ yé œ yu endje tœ kœwusœ adja lœkœnœ á angerepe wuta lima dœ tœnœ.

⁸Manda nœ, tshe vwa endje ga lœ Beteleme dœ kœpa fœ endje adœke: «'E na œ yu osho pa upu nœ gbolo asœmœ dœ œtshœnœ; yé œdœ 'e kœgbœ she, 'e pandœ nœ fœ mœ adœke œmœ ndje, mœ na kœgote ga utshu ye.»

⁹Manda kœdji o'o á gbozugonœ pa fœ endje, endje tetœ awa dœ kœero endje. Ngbewo, endje wu angerepe á endje wu má utshunœ ba tœ osho á œœ œ wuta tœnœ kœna utshu endje, œrr œ ka ba pa osho á gbolonœ sœ lima tœnœ.

¹⁰Endje sœ lima dœ egerœ yanga manda kœwu tœnœ.

¹¹Endje li ga lœ anda yé œ wu kpengbe gbolo dœ ayinœ, Mareya. Endje gote ga utshu ye yé œ donga she. Endje kœrœ gbarœ nœ endje yé œ ko makabo fœ she: œrœ, zuwa yombo œdœ kada mire.

¹²Manda nœ, Ndjaba pa fœ endje lœ ulu adœke endje kwakwatœ endje ga ndœ Erode nene. Ataa, endje za anga angbi awa á gu dœ tœnœ ga lœ ogo nœ endje.

Kœkpa dœ Yisu ga lœ Ezipito

¹³Lœkœ á agbangba kœwusœ ádá angerepenœ asœmœ gu daye, anga andjelu nœ Gbozu bale wuta ga ndœ Yozefu lœ ulu yé œ pa fœ she adœke: «Aafo, œ za kpengbe gbolo dœ ayinœ yé œ kpa dœ endje ga lœ Ezipito. Sœ ba zœ œrr œdœ mœ kœpa fœ bœ adœke bœ gu yekane. Gbambanœ nene, Erode œ para gbolonœ mbœrœ kœwo she.»

¹⁴Ataa, Yozefu kœalafœ, kœza kpengbe gbolonœ œdœ ayinœ potœ ye lœ butshœ yé á kpa ga lœ Ezipito.

¹⁵Tshe sœ ba zœ œrr ga tœ kuzu Erode. œ sœ ataa, mbœrœ á œneke á Gbozu pandœ nœ lœ awa nœ ayi kœgbara o'o kœmbœrœtœ endje. Tshe pandœ nœ adœke: «Mœ e gbolo nœ mœ adœke tshe wuta lœ Ezipito ye.»

Kœwo aaya agbolo

¹⁶Lœkœ á Erode wusœ nœ adœke agbangba kœwusœ ádá angerepe fara œne, ókó za lima she tœpanœ kpuru. Tshe za o'o adœke endje wo agbolo yakoshe á ungu endje sœ ga tshakudu ungu bisha lakpi Beteleme œdœ lakpi á sœ dje

indirinœ para kɔkɔ. Ungunœ á tshe ka ga panœ asœmœ sœ lindœ œeneke á agbangba kœwusœ ádá angerepenœ za lima fœ she.

¹⁷Kɔkɔ asœmœ mbœrœtœ endje b̄ata á ayi kœgbara o'o Yilimiya pa lima adœke:

¹⁸«Endje dji tshama á sœ kœwuta toenœ ba lœ ogo Rama, iki œdœ egerœ d̄itshelœma. Rashele dá sœ kœki agbolo nœ ye, tshe yiyindœ nœ adœke endje u œene nene, mbœrœ agbolo nœ ye tshu kɔ ye.»

Ayozefu fatœ endje kœgu ga lœ ogo Israyele

¹⁹Manda kuzu Erode, anga andjelu nœ Gbozu bale wuta ga tœ Yozefu lœ ulu ba lœ Ezipito.

²⁰Tshe pa fœ she adœke: «Aalafo œ za gbolo œdœ ayinœ potœ zœ yé œ kwatœ zœ ga lœ ogo Israyele. Gbambanœ nene, endjeneke á endje sœ lima kœpara awa kœwo gbolonœ tshu ye.»

²¹Yozefu áalafo, œ za gbolonœ dœ pe ayinœ potœ ye, yé á endje gu ga lœ ogo Israyele.

²²Kashe kœdjindœ nœ adœke Arkelawose dá te gbozugo Yuda manda abanœ dœ Erode, awa kœgu ga zœ za she. Ndjaba yisœ osho fœ she lœ ulu á tshe gitœ ye á gu ga lœ ogo Galilayi.

²³Tshe na œ sœ ba lœ ongbo á i'irinœ kœdœ Nazarete. Œ sœ ataa yeka á o'o á aayi kœgbara o'o pa lima kœmbœrœtœ endje. Endje pa lima adœke: «Endje e she bala uzu Nazarete.»

Matie 3

Kœyisœrœ nœ Yowane ayi kœza batisimu

(Wu ba tœ Mar 1.1-8; Luk 3.1-18; Yow 1.19-28)

¹Dœ lœndœnœ asœmœ, Yowane ayi kœza batisimu wuta lima œ sœ kœyisœ œrœ ba lœ kpagagasho nœ ogo Yuda adœke:

²«'E fatshalœsu 'e, gbambanœ nene, Ogo gbozu nœ tshalafo ndo ye!»

³Yowane kœdœ uzu á ayi kœgbara o'o Isaya pa lima tœ ye lœkœnœ á tshe pa adœke: «Anga uzu sœ kœta rawa ba lœ kpagagasho adœke: 'E guma ala awa Gbozu, 'e yœrœ ala awa ye ndjii!»

⁴Yowane verœ lima lœba á endje mbœrœ dœ usu shamo, yé œ i lima uwu tshapa lœba á endje mbœrœ dœ œkœ agea ga lœ nguku ye; tshe zi lima ayila yé œ la adja ojoro awaterœ.

⁵Azu tshalakpi Yerusaleme doe azu ogo Yuda ko aedoe pe azu ogo ko á sœ mashenga doe ungu Yordane, na lima ga ndoe ye.

⁶Endje sœ lima koepandoe ekperoe noe endje, yé Yowane sœ lima kœza batisimu foe endje ba la Yordane.

⁷Yowane wu adœke Afarisayi aedoe Asadukayi ndjoro sœ kœna lima ga toe œsœ batisimu noe ye, tshe pa foe endje adœke: «Ukpulu ekpe ayakoro! Uzu de dá yisœ noe foe 'e adœke 'e kpa awa kœwa ngbanga noe Ndjaba á ndo kœna toenœ a?

⁸'E mbœroe œroe á sœ kœma adœke adja 'e fatshalosu 'e ye,

⁹yé 'e papa mbœroe 'e doe toe 'e nene adœke: “Abrayamo koedoe ata azœ.” Gbambanœ nene, mœ sœ koemindœ noe foe 'e adœke, Ndjaba li kœfa badja asœke toe aata Abrayamo!

¹⁰Gonda sœ yindjindjinœ mbœroe kœvwa doe oyo tœtœ œshenœ ko ye, oyo ko á elenœ kœgaga nene, endje de yé œ ko va ga toe owo.

¹¹œmœ, mœ sœ kœza batisimu foe 'e doe ungu mbœroe kœma adœke 'e yapa œtshœ 'e ye. Kashe tsheneke á tshe na manda mœ, tshe za bala batisimu foe 'e doe œtshœ fshiri œdœ doe owo. Tshe ropa mœ doe gbœgbœ ye, mœ lili kœka ga utshu ye doe pe kœzu uwu œrada noe ye nene.

¹²Tshe za tshekara kœpe doe tshelœ indji ngwarœ ga tshaabrœ ye, yé tshe mea indji ngwarœ mbœroe kœkurutshelœ noe doe oforo. Tshe gumasœ indji ngwarœ ga la kogba, yé œ ko oforonœ va ga toe owo neke á ru nene.»

Batisimu noe Yisu

(Wu ba toe Mar 1.9-11; Luk 3.21-22)

¹³Anga œbœ bale, Yisu to ba lœ Galilayi yé œ ro ba ndœ Yowane ba langu Yordane, tshe na ndoo doe Yowane mbœroe adœke tshe za batisimu foe œene.

¹⁴Yowane yi lima ndœ kœvwaratœ ye, yé á pa adœke: «œmœ dá li má adœke bœ za batisimu foe mœ, yé bœ kpa na ga ndœ mœ adœke mœ za batisimu foe bœ a!»

¹⁵Kashe Yisu gi foe she adœke: «Yindœ noe adœke œ mbœrœtoe ye ngœngœnœ asœke ataa. Gbambanœ nene, mara á li adœke a mbœroe œroe á sœ ndjii dœmœ.» Yé Yowane kœyindœ noe ye.

¹⁶Manda kœgbœ batisimu noe Yisu, tshe wuta langu. Kolœ pe doe lœndœnœ asœmœ, tshalafo kœrœ ga pa ye, tshe wu fshiri noe Ndjaba œ jerœ ga pa ye bata mbepa.

¹⁷Yé tshama to ba lafo œ pa adœke: «Tsheneke asœke koedœ Gbolo noe mœ á mœ yindœ ye waa, mœ za yanga noe mœ ko ga ndœ ye.»

Matie 4

Djaboro wu lɔsu Yisu

(Wu ɓa tɔe Mar 1.12-13; Luk 4.1-13)

¹Manda nɔe, Ishiri nɔe Ndjaba to Yisu na tɔenɔe ga lɔe kpagagasho mbɔerɔe adɔeke djaboro wu lɔsu ye.

²Manda kɔembɔerɔe ɔɔ zazu bisha ɔedɔe butshɔ zazu bisha ndɔe kɔeyotshelɔema, Yisu sɔe lima dɔe ogo.

³Djaboro, ayi kɔewu lɔsu, na ndoo dɔe she yɛ ɔe pa adɔeke: «Ɔedɔe ɓɔe kɔedɔe Gbolo nɔe Ndjaba, pa fɔe badja asɔeke ɔe fatɔe ye tɔe mapa.»

⁴Kashe Yisu gi adɔeke: «Endje sɔ́ ɓa la Buku nɔe Ndjaba adɔeke: “Uzu ɔe sɔe dɔe soro kolɔe mbɔerɔe mapa nene, kashe dɔe o'o kɔ á wuta lɔe ama Ndjaba.”»

⁵Dɔe tɔenɔe ataa, djaboro na dɔe she ɔerrr ɓa lɔe Yerusalemɛ á dɔe ongbo á sɔe yerɔe, ɔe za she tɔ ɓa pa kumu Tepelo,

⁶á ɔe pa fɔe she adɔeke: «Ɔedɔe ɓɔe kɔedɔe Gbolo nɔe Ndjaba, i dɔe tɔe zɔe tshiri ga ati. Gbambanɔe nene, endje sɔ́ ɓa la buku nɔe Ndjaba adɔeke: “Ndjaba ɔe za awa o'o fɔe aandjelu nɔe ye mbɔerɔe ɓɔe, endje za ɓɔe ga ati dɔe kane endje mbɔerɔe á ɓɔe kɔezaza ada zɔe tɔ badja nene.”»

⁷Yɛ Yisu gi fɔe she adɔeke: «Endje su ndje ɓa la Buku nɔe Ndjaba adɔeke: “Wuwu lɔsu Gbozu Ndjaba nɔe zɔe nene.”»

⁸Djaboro kpa ɔ dɔe she ɔerrr ɓa tɔe leta kumu ingiri kaga ɔe ma ogo gbozu tshapashɔ djigi dɔe ɔtshɔrɔe, ndje dɔe mokɔnɔe fɔe she,

⁹yɛ á pa fɔe she adɔeke: «Mɔe ko ɔerɔenɔe asɔeke kɔ fɔe ɓɔe ɔedɔe ɓɔe kɔegote ga utshu mɔe mbɔerɔe kɔedonga mɔe.»

¹⁰Yɛ Yisu kɔegi fɔe she adɔeke: «Gitɔe zɔe ga zɔe, Satana! Gbambanɔe nene, endje sɔ́ ɓa la buku nɔe Ndjaba adɔeke: “Donga Gbozu Ndjaba nɔe zɔe, yɛ ɔe za avwala kolɔe fɔe she tshebabale.”»

¹¹Ndara tɔe asɔeke, djaboro kɔekatɔe ye yɛ. Aandjelu kɔegitɔe endje ndoo dɔe she, yɛ á kɔetɔtɔe kɔembɔerɔe akwa fɔe she.

Yisu tetɔe kɔembɔerɔe akwa nɔe ye ɓa lɔe Galilayi

(Wu ɓa tɔe Mar 1.14-15; Luk 4.14-15)

¹²Lɔkɔ á Yisu dji adɔeke endje za Yowane ayi kɔeza batisimu ga lɔe kánga, tshe kwatɔe ye ga lɔe Galilayi.

13 Tshe katœ Nazarete ti, œ na kœsœ ba læ Kaparnawumu, ongbo á sœ tœ mangu egerœ ungu adanga nœ Galilayi, ba læ ogo Zabulone œdœ pe ba læ Nefetali.

14 œ sœ lima ataa mbœrœ adœke o'o á ayi kœgbara o'o Isaya pa tœnœ, kœmbœrœtœ endje. Tshe pa o'onœ adœke:

15 «Ogo Zabulone œdœ Nefetali,

á sœ tœ awa kœero ga la egerœ ungu adanga, ba kele ungu Yœrdane, ogo Galilayi á angbi azu sœ lænœ asœmœ!

16 Azunœ á endje sœ læ ubu osho asœmœ, wu egerœ ingbïsho! Mbœrœ endjeneke á endje sœ læ ubu osho nœ kuzu, ingbïsho wuta ga pa endje!»

17 Pe dœ lœkœnœ asœmœ, Yisu tetœ kœyisœ œrœ adœke: «'E yapa ɔtshɔ 'e, gbambœnœ nene, Ogo gbozu nœ tshalafu ndo ye!»

Yisu e ali ayambarœ nœ ye

(Wu ba tœ Mar 1.16-20; Luk 5.1-11)

18 ɔlɔ bale, Yisu sœ lima kœna tœ mangu egerœ ungu adanga nœ Galilayi, yé œ wu aayazu bisha, Shimu á anga i'iri ye kœdœ Petro œdœ ayancœ dœ Andere á endje dœ lima aayi kœpara ageatshalangu. Endje sœ lima kœvwi gbanda ba la egerœ ungu adanga.

19 Yisu pa fœ endje adœke: «'E na manda mœ, mœ fa 'e tœ aayi kœpara azu.»

20 Pe kpœtœ œsœnœ, endje ka lima tœ gbanda nœ endje ti yé œ na manda ye.

21 Tshe na læ ingirincœ, œ kpa wu anga aayazu bisha, Ayakobo dœ ayancœ dœ Yowane, endje kœdœ agbolo nœ Zebedayi. Endje sœ lima læ agba nœ endje awa bale dœ aba endje dœ Zebedayi, yé œ sœ lima tœ kœguma gbanda nœ endje. Yisu e endje.

22 Pe kpœtœ œsœnœ, endje katœ agba œdœ aba endje ti, yé œ na manda ye.

Yisu yisœ œrœ yé œ she azu

23 Yisu ro djelœ ogo Galilayi djigi; tshe sœ lima kœyisœ œrœ ba læ Sinagoga para. Tshe sœ lima kœmindœ ɔtshɔ O'o nœ ogo gbozu yé œ sœ lima kœshe azu læ kœba œdœ læ gbakindi nœ endje kœ.

24 Upu nœ ye za lima ogo Siri djigi, yé endje sœ lima kœna dœ azu á endje sœ lima dœ tshelœ aka kœba kœ fœ she, azu á endje sœ dœ ekpe ishiri pa endje, dœ azu á endje sœ dœ kœba ɔkœ œdœ endjeneke á ada endje tshu. Yé Yisu she lima endje ye.

²⁵Ukpulu azu ndjoro na lima manda ye: Endje to lima ba lœ Galilayi, ba lœ ogonœ á endje e i'irinœ adœke tshalakpi ndjokpa asœmœ, dœ azu Yerusaleme ndje dœ ogo Yuda, œdœ endjeneke ba lœ ogo á sœ ba kele ungu Yordane.

Matie 5

Yisu yisœ œrœ ba pa kaga

(Wu ba tœ Mar 3.13; Luk 6.12-13,20)

¹Lœkœ á Yisu wu ukpulu azu asœmœ, tshe ɔ ga pa kaga yé œ sœ ga ati. Ayambarœ nœ ye na ga indiri ye,

²yé á tshe tetœ kœyisœ œrœ fœ endje adœke:

Adja yanga

(Wu ba tœ Luk 6.20-23)

³«Yanga nœ azu á endje sœ dœ lœsu nœ oyo, gbambanœ nene, Ogo gbozu nœ tshalafo kœdœ œnœ endje!

⁴Yanga nœ azu á endje sœ tœ iki, gbambanœ nene, Ndjaba œ turu ngola endje!

⁵Yanga nœ azu á endje sœ dœ lœsu ziti, gbambanœ nene, endje gbœ bala ogonœ á Ndjaba pa tœnœ!

⁶Yanga nœ azu á endje sœ dœ adja ogo kœmbœrœ œrœ á sœ ndjii, gbambanœ nene, Ndjaba œ to gbœgbœ kœmbœrœ tœnœ fœ endje!

⁷Yanga nœ azu á endje wu oyo anga endje, gbambanœ nene, Ndjaba œ wu oyo endje!

⁸Yanga nœ azu á lœsu endje sœ yerœ, gbambanœ nene, endje wu bala Ndjaba!

⁹Yanga nœ azu á endje sœ kœmbœrœ adœke kœsœ gee sœ ugurutœ azu, gbambanœ nene, Ndjaba œ e endje agbolo nœ ye!

¹⁰Yanga nœ endjeneke á endje sœ kœmbœrœ œrœ kanga fœ endje mbœrœ œneke á sœ ndjii; gbambanœ nene, Ogo gbozu nœ tshalafo sœ mbœrœ endje!

¹¹Yanga nœ 'e œ kœsœ adœke azu gu 'e, œ mbœrœ œrœ kanga fœ 'e yé œ pa tshelœ áká ekpe o'o kœ ga tœ 'e mbœrœ upu nœ mœ.

¹²'E mœtœ 'e yé œ sœ dœ egerœ yanga; gbambanœ nene, œrœ tshangbanœ sœ kœkate 'e tœ egerœnœ ba lafo. Kolœ dœ maranœ ataa, endje mbœrœ ndje lima œrœ kanga fœ aayi kœgbara o'o á endje sœ lima utshu 'e.»

Ingbiri œdœ Ingbisho

(Wu ba tœ Mar 9.50; Luk 14.34-35; 8.16; 11.33)

13«E'e kœdœ ingbiri tshapashɔ. Kashe œ kœsœ adœke kœnga ingbiri ka lœnœ ye, endje kpa gi ga lœnœ koto o? Endje kpa li kœmbœrœ tœnœ dœ akwa bale nene. Endje za va e ga ushu, yé azu œ na pa nœ dœ ada endje.

14«E'e kœdœ ingbisho tshapashɔ. Ongbo á sœ ba pa kaga, œ li kœzatœ ye yiwa tœnœ nene.

15Endje tata owo ga tœ miinda mbœrœ kœza ga tshakudu losú nene. Kashe endje za ba pa gbarœ kœza miinda ga panœ yekane á kœtshi pa azu kɔ á endje sœ lœ anda.

16Awa bale ndje, œ li adœke ingbisho nœ 'e tshi ba utshu azu mbœrœ adœke endje wu ɔtshœrœ á 'e sœ kœmbœrœ tœnœ, yeka á kœdonga Aba 'e á tshe sœ ba lafo.»

Kœyisœrœ tœ upu nœ awa akwa

17«'E gbegebe adœke mœ na kœwo awa akwa œdœ aayi kœgbara o'o nene. Mœ nana kœwo tœnœ œ wo nene, kashe mœ na adœke œneke á endje pa kœmbœrœtœ endje.

18Mœ mindœ nœ fœ 'e dœ adjapu adœke: 'Bata œndœ tshalafo dœ pe tshapashɔ sœpe kœdi tœnœ, tshakanea a'eara uwu mbeti œneke á endje sú ala buku nœ awa akwa œ 'i nene œrrr ga tœ adœke œrœ kɔ mbœrœtœ ye yekane.

19Mbœrœ tœnœ ataa, œdœ uzu kœvwaratœ ye kœlisœ anga awa o'o teasho lœ awa akwanœ asœke yé á sœ kœyisœ nœ fœ anga azu adœke endje mbœrœ ndje awa bale, uzunœ asœmœ œ dœ bala aya uzu ba lœ Ogo gbozu nœ tshalafo. Kashe uzu á tshe lisœ awa akwanœ yé á yisœ nœ fœ anga azu adœke endje lisœ nœ, uzunœ asœmœ œ dœ bala egerœ uzu ba lœ Ogo gbozu nœ tshalafo.

20Mœ sœ kœpa fœ 'e adœke, œdœ 'e kœsœsœ kœmbœrœ œrœ á sœ ndjii kœropa œnœ aayi kœyisœ awa akwa œdœ Afarisayi nene, 'e li kœli ga lœ Ogo gbozu nœ tshalafo nene.»

Kœyisœrœ tœ upu nœ ókó

(Wu ba tœ Mar 11.25; Luk 12.57-59)

21«'E dji adœke endje pa lima fœ aata azœ adœke: “Bœ wo uzu nene. Uzu kɔ á tshe wo yanganœ, œ li adœke endje na dœ she ga utshu aayi kœwa ngbanga.”»

22Yé œmœ, mœ mindœ nœ fœ 'e adœke: «Uzu kɔ á tshe kœsœ dœ ókó ga tœ ayancœ, œ li adœke endje na dœ she ba utshu aayi kœwa ngbanga. Uzu á tshe kœgu ayancœ adœke: “Wusœrœ wu”, œ li adœke endje na dœ she ba lœ anda kœwa ngbanga nœ azu nœ Ndjaba. Uzu á tshe kœgu ayancœ adœke: “Iyi sœ lœ kumu zœ!” Œ li adœke endje vwi she ga lœ lifelo.»

²³Ɔedœ bœ kœna kœkatœ makabo nœ zœ ga pa ndaba fœ Ndjaba, á bœ gbetshelœ zœ ba zœ adœke aya zœ sœ dœ o'o ga tœ zœ,

²⁴katœ makabo nœ zœ ti kpœtœmœ, ba utshu ndabancœ yé œ na utshuncœ œ guma tshagurutœ zœ dœ aya zœ, yeka á kœna kœkatœ makaboncœ fœ Ndjaba.

²⁵«Ɔedœ bœ kœsœ dœ upu dœ yanga zœ, pa avwara katsha adœke bœ djitœ zœ dœ she damba á 'e sœpe tœ ala awa. Ɔedœ bœ kœmbœmbœrœ ataa nene, tshe za bœ ga utshu ayi kœwa ngbanga, ayi kœwa ngbanga œ za bœ fœ aprusu, yé aprusuncœ œ za bœ vwi ga lœ kánga.

²⁶Mœ mindœ nœ fœ bœ dœ adjapu adœke, œdœ endje kœvwi bœ ga lœ kánga, œrrr bœ ko ngendja á endje di fœ bœ para kœkœ yekane á wuta.»

Kœyisœrœ tœ upu nœ kœpara awo uzu

²⁷«'E dji o'o á endje pa lima adœke: “Bœ para awo uzu nene.”

²⁸Yé œmœ, mœ mindœ nœ fœ 'e adœke: uzu kœ á tshe kœsœ kœtondœ awo yangancœ dœ ala nœ kœyindœsho, tshe para she ye dœmœ.

²⁹Yé œdœ bœ kœsœ kœli ga lœ ekperœ mangba ala zœ á sœ ga tœ kuni zœ, œ li adœke bœ vwata œ za vwi'i lœ ingirincœ tœ zœ. Gbambancœ nene, œ sœ dœ œtshoncœ mbœrœ bœ adœke anga œrœ kote zœ bale ndi, tœ œsœncœ adœke endje za undu zœ djigi vwi ga lœ lifelo.

³⁰Ɔedœ bœ kœsœ kœli ga lœ ekperœ mangba kuni zœ, œ li adœke bœ de œ za vwi'i lœ ingirincœ tœ zœ. Gbambancœ nene, œ sœ dœ œtshoncœ mbœrœ bœ adœke anga tshakala kane zœ bale ndi, tœ œsœncœ adœke endje za undu zœ djigi vwi ga lœ lifelo.»

Kœyisœrœ tœ upu nœ kœkurutshelœ totœ

(Wu ba tœ Mat 19.9; Mar 10.11-12; Luk 16.18)

³¹«Endje kpa pa lima adœke: “Ɔedœ uzu kœkatœ awoncœ ti, œ li adœke tshe za mbeti kœkurutshelœ totœ fœ she.”

³²Yé œmœ, mœ mindœ nœ fœ 'e adœke: Uzu kœ á tshe katœ awoncœ ti mbœrœ á tshe mbœrœ angba budu tshakane ye nene, tshe vwa yashencœ ascœmœ ndœ kœmbœrœ angba budu. Yé uzu kœ á tshe to yashe á akœncœ katœ ye ti, tshe mbœrœ ndje angba budu dœ yashencœ ascœmœ.»

Kœyisœrœ tœ upu nœ kœwa igi

³³«'E kpa dji o'o á endje pa lima fœ aata azœ. Endje pa lima adœke: “Wawa igi zœ ndœ wala nene, kashe mbœrœ œrœ á bœ wa igi zœ ba utshu Gbozu Ndjaba tœ upuncœ.”

³⁴Yé œmœ, mœ pa fœ 'e adœke 'e wawa igi 'e bale nene. 'E wawa dœ i'iri tshalafœ nene; gbambancœ nene, œtœncœ kœdœ ngande tshagbozu nœ Ndjaba.

35'E wawa igi 'e doe i'iri osho nene; gbambanoe nene, oetoenoe koedoe osho koese ae Ndjaba oe ko ada ye ga toene. 'E wawa igi 'e doe i'iri Yerusalemene nene; gbambanoe nene, oetoenoe koedoe ongbo noe egeroe Gbozugo.

36Adja wawa igi zoe bale doe kumu zoe nene; gbambanoe nene, boe li koembaoeroe adoeke anga sukumu zoe bale wuta toe imbinoe too toe ubunoe nene.

37Pa koloenoe "E" oe koedoe "E", ye "ee" oe koedoe "ee". Eneke ko ae boe kpa ko ga pa noe asoemoe, oe to ba ndoe Satana.»

Koeyisoeroe toe upu noe kegi ekperoe mangba ekperoe

(Wu ba toe Luk 6.29-30)

38«'E dji oeneke ae endje pa lima adoeke: "Uzu koesu ala zoe, boe su ndje ala ye; ye uzu koeko iji zoe, boe ko ndje iji ye."

39Ye oemoe, moe pa foe 'e adoeke 'e gigi ekperoe foe uzu ae tshe mbaoeroe ekperoe foe 'e nene. Edoe uzu koeda baga zoe ga toe kuni, fa oenoe gele foe she ye tshe kpa da ndje.

40Edoe uzu koeto meza pa zoe foe ayi koewa ngbanga adoeke oene za loeba okoro noe zoe toe zoe ye, ka ndje toe yogbodo loeba noe zoe ti foe she ye tshe za ndje.

41Edoe uzu koza boe doe ogbo adoeke boe za gbaroe oe gi doe oene mangba uwu ada kutu bale, za gbaroenoe oe gi doe she mangba uwu ada kutu bisha.

42To oeroe foe uzu ae tshe esho ndoe oeroe toe zoe. Edoe uzu koesho ndoe kuda ba ndoe zoe, vwavwaratoe zoe toe koza foe she nene.»

Koese doe koeyindoesho ga ndoe ayingba

(Wu ba toe Luk 6.27-28,32-36)

43«'E dji oeneke ae endje pa lima adoeke: "Yindoe yanga zoe ye oe yiangba yingba zoe."

44Ye oemoe, moe pa foe 'e adoeke 'e yindoe ayingba 'e, ye oe za avwala foe Ndjaba mbaoeroe endjeneke ae endje soe koembaoeroe oeroe kanga foe 'e,

45yeka ae 'e koewuta agbolo noe Aba 'e ae tshe soe ba lafo. Gbambanoe nene, tshe soe koembaoeroe adoeke olo noe ye to ga pa aayi koembaoeroe ekperoe doe aayi koembaoeroe otshoro. Tshe soe koembaoeroe ndje adoeke yavuru ni ga pa azu ae endje soe ndjii doe azu ae endje soeso ndjii nene.

46Gbambanoe nene, oedoe 'e koeyi koloe ndoe azu ae endje yindoe 'e, oeroe tshangbanoe ae 'e gbo koedoe gade? Aayi koeko ngendja lapo mbaoeroe ndje doe toe endje atamo nene a?

47Edoe 'e koese koebala koloe aaya 'e, 'e gbe adoeke 'e mbaoeroe egeroe oeroe a? Azu ae endje wuwusoe Ndjaba nene mbaoeroe ndje atamo nene a?

⁴⁸Ataa, Aba 'e ba lafo sœ yerœ, e'e ndje 'e sœ bata she.»

Matie 6

Kœyisœrœ tœ upu nœ kœto œrœ fœ aayi oyo

¹«Ala 'e gbœ tœ mara á 'e sœ kœmbœrœ dœ akwa nœ Ndjaba tœ ala azu kane. 'E mbœmbœrœ otshœrœ á Ndjaba yindœ nœ kolœ adœke azu wu 'e nene. Œdœ 'e kœmbœrœ ataa, 'e gbœ œrœ tshangba nœ ba ndœ Aba 'e á tshe sœ ba lafo ascœmœ nene.

²Ataa, lœkœ á bœ kœto œrœ fœ ayi oyo, bibi dœ itshi adœke ala azu kœ sœ ga tœ zœ nene, bata á awulapatshœ œ mbœrœ ba lœ Sinagoga œdœ ba tœ ala awa. Endje sœ kœmbœrœ ataa adœke azu donga œne. Mœ mindœ nœ dœ adjapu fœ 'e adœke: Endje gbœ œrœ tshangba œnœ endje ye.

³Kashe œbœ, œdœ bœ kœto œrœ fœ ayi oyo, mbœmbœrœ adœke gele zœ wusœ œneke á kuni zœ mbœrœ nene.

⁴Ataa, œ li adœke œrœnœ á bœ to ascœmœ sœpe lœ ubunœ. Yé Aba zœ á tshe wu œrœ á mbœrœtœ endje lœ ubunœ, œ gi œrœ tshangbœ fœ bœ.»

Kœyisœrœ tœ upu nœ kœza avwala

(Wu ba tœ Luk 11.2-4)

⁵«Œdœ 'e kœsœ kœza avwala fœ Ndjaba, 'e sœsœ bata awulapatshœ nene. Endje yindœ nœ adœke œne li ba lœ Sinagoga too œne wuta ba lœ shangbeda awa, œ ka dœ ada œne yeka á kœza avwala adœke azu kœ kœwu œne. Mœ pa fœ 'e dœ adjapu adœke: Endje gbœ œrœ tshangba œnœ endje ye.

⁶Kashe œbœ, œdœ bœ kœyindœ kœza avwala, li ga lœ gbœshœ nœ zœ œ tshu manda ga tœnœ, yé œ za avwala fœ Aba zœ á tshe sœ ba zœ ba tœ oshœ á sœ lœ ubunœ. Yé Aba zœ á tshe wusœ œrœ kœ á sœ lœ ubunœ, œ gi œrœ tshangba nœ fœ bœ.»

⁷«Œdœ 'e kœsœ kœza avwala, 'e papa o'o œerrr bata azu á endje wuwusœ Ndjaba nene œ pa. Endje sœ kœgbe adœke œdœ œne kœpa o'o œerrr dá Ndjaba œ dji œne dœ otshœnœ.

⁸'E mbœmbœrœ bata endje nene; gbambœnœ nene, Aba 'e wusœ œneke á 'e sœ dœ ogonœ utshunœ adœke 'e yu she tœnœ.

⁹'E wu mara á li adœke 'e za dœ avwala: “Aba 'a á bœ sœ ba lafo, kaka azu kœ wusœ nœ adœke i'iri zœ sœ yerœ.

¹⁰Kaka Ogo gbozu nœ zœ na, kaka gbetshelœ nœ zœ mbœrœtœ endje ba pa shœ bata á mbœrœtœ endje ba lafo.

¹¹To rœgo á li adœke 'a zi kpesheke fœ 'a.

¹²Djercændœ ekperœ nœ 'a, бата 'a djercœ ndje ndœ ekperœ nœ endjeneke á endje mbœrœ fœ 'a.

¹³Yé kakatœ 'a ti adœke 'a li ga lœ kœwu lœsu nene, kashe vvara 'a lœ ekperœ. [Gbambancœ nene, œbœ kœdœ Gbozu, á bœ sœ dœ gbɔgbɔ œdœ moko waa dœ waa. Ame.]”

¹⁴«Yé œdœ 'e kœdjercændœ ekperœ nœ azu, Aba 'e á tshe sœ ba lafo œ djercœ ndje ndœ ekperœ nœ 'e.

¹⁵Kashe œdœ 'e kœdjercændœ ekperœ nœ azu nene, Aba 'e œ djercændœ ekperœ nœ 'e á 'e mbœrœ bale nene.»

Kœyisœrœ tœ upu nœ kœyotshelœma

¹⁶«Lɔkɔ á 'e kœsœ kœyotshelœma 'e, 'e sœsœ dœ oyo бата á awulapatshɔ œ mbœrœ nene. Endje sœ kœndi tshatshu endje dœ mara adœke azu kɔ wusœ nœ adœke œne sœ kœyotshelœma œne. Mœ mindœ nœ fœ 'e dœ adjapu adœke: Endje gbɔ œrœ tshangba œnœ endje ye.

¹⁷Kashe œbœ, œdœ bœ kœsœ kœyotshelœma zœ, djuto tshatshu zœ, yé œ da kada,

¹⁸mbœrœ azu kœwuwusœ nœ adœke bœ sœ kœyotshelœma zœ nene. Kashe kolœ Aba zœ á tshe sœ ba zœ lœ ubuncœ, œshe dá wusœ nœ. Œdœ bœ kœmbœrœ ataa, Aba zœ á tshe wu œrœ á sœ lœ ubuncœ ascœmœ, œ to œrœ tshangbanœ fœ bœ.»

Kœyisœrœ tœ upu nœ kœgbœrœ ba lafo

(Wu ba tœ Luk 12.33-34)

¹⁹«'E ngbɔngbɔba kœgbœrœ tshapashɔ ascœke nene. Gbambancœ nene, ba zœ akɔkɔ œ zi, ngbandji œ ndi kotenœ yé aayi angba œ kavwa manda œ ziangba nœ ye.

²⁰Kashe 'e ngbɔba kœgbœrœ ba lafo. Gbambancœ nene, ba zœ œdœ akɔkɔ œ zi nene, œdœ ngbandji œ ndi nene, yé aayi angba gugu ndje tœ kœkavwa manda á kœzi angbanœ nene.

²¹Gbambancœ nene, osho á kœgbœrœ nœ zœ sœ tœnœ, lœsu zœ œ sœ ndje kpœtœmœ.»

Miinda nœ undu uzu

(Wu ba tœ Luk 11.34-36)

²²«Ala uzu kœdœ miinda nœ undu ye. Œdœ ala zœ kœsœ dœ ɔtshɔnœ, undu zœ djigi œ sœ lœ ingbɔsho.

²³Kashe œdœ ala zœ kœsœ dœ koba, undu zœ djigi œ sœ lœ ubu osho. Ataa, œdœ ingbɔsho á sœ lœ zœ kœdœ ubu osho, ubu oshonœ ascœmœ kpa sœ nari!»

Ndjaba too ngendja

(Wu ba tõe Luk 16.13; 12.22-23)

24«Uzu bale lili kœmbœrœ akwa fœ agbozu bisha nene. Gbambancœ nene, œdœ tshe kœyiangba anga bale, tshe yindœ udu anga. Tshe kœzatœ ye fœ anga bale, tshe titœ ye tœ udu anga. 'E lili kœmbœrœ akwa fœ Ndjaba yé œ kpa za ndje tœ 'e fœ ngendja nene.»

A za lœsu azœ djigi fœ Ndjaba

(Wu ba tõe Luk 12.22-31)

25«'E wu ádánœ á mœ mindœ nœ fœ 'e adœke: 'E zaza lœsu 'e ga lafo tœ upu nœ kœzĩrœ œdœ kœndjorœ á 'e gbe dœ tœncœ mbœrœ soro 'e nene, too kœgbe dœ lœba á 'e yindœ kœverœ ga tœ kote 'e nene. Soro uzu roropa kœzĩrœ nene a? Yé undu uzu roropa lœba nene a?

26'E tondœ ayanu kane. Endje lulu ngwarœ nene, œ kœkœ ndje œrœ nene yé œ gugu dœ kogba kœgumasœ rœgo ga lœncœ nene, kashe Aba 'e á tshe sœ ba lafo sœ kœto kœzĩrœ fœ endje. 'E roropa endje nene a?

27œdœ ugurutœ 'e, lœ kœgbetshelœ ye, dá li kœza anga olo bale ga pa olo soro ye a?

28«Yé mbœrœ gadœ á 'e sœ kœza lœsu 'e ga lafo tœ upu nœ lœba a? 'E wu mara á ndœkœ leyœ œ wuta dœ tœncœ ba lœ kindi kane: œ sœ kœmbœrœ akwa nene, œ sœ ndje kœsu lœba nene.

29Kashe mœ pa fœ 'e adœke, Salomo á tshe dœ lima ayi kœgbœrœ waa, veverœ lima lœba bale bata anga ndœkœ leyœncœ asœke nene.

30Ndjaba dá verœ lœba kpesheke ga tœ gusu á sœ lœ kindi yé ba mbatsha owo œ ju. œdœ Ndjaba kœmbœrœ ataa ga tœ a'eara œyœ, tshe lili kœko lœba fœ 'e kœropa nœ nene a? E'e kœdœ azu á kœyindœrœ nœ 'e sœ teasho!

31'E zaza lœsu 'e ga lafo tœ kœyutœ 'e nene adœke: "'A zĩ gadœ? 'A ndjo gadœ? 'A verœ lœba gadœ?"

32Azu á endje wuwusœ Ndjaba nene dá para œrœncœ asœmœ kœ. Kashe Aba 'e á tshe sœ ba lafo wusœ nœ adœke 'e gbe dœ tœncœ kœ.

33'E para utshunœ Ogo gbozu nœ Ndjaba, œdœ œrœ á sœ ndjii ba utshu Ndjaba, yé udu œrœ kœkœ, Ndjaba œ to fœ 'e.

34Ataa, 'e zaza lœsu 'e ga lafo tœ upu nœ œrœ á mbœrœtœ endje ba mbatsha nene. Tshambatsha sœ ndje dœ upu nœ ye. Olo bale dœ bale sœ dœ o'o nœ ye.»

Matie 7

'E wawa ngbanga pa anga 'e nene

(Wu ba tœ Luk 6.37-38,41-42)

¹«'E wawa ngbanga pa uzu bale nene, mbœrœ á Ndjaba kœwawa ndje ngbanga pa 'e nene.

²Gbambanœ nene, Ndjaba œ wa ngbanga pa 'e bata á 'e wa ga pa anga 'e. Adja mara œrœ á 'e li dœ anga 'e dá tshe li ndje dœ 'e.

³Mbœrœ gafe á bœ sœ kœtondœ oforo ebe á sœ lœ ala aya zœ yé á gbegbe dœ mabaya á sœ lœ ala zœ nene a?

⁴Koto á bœ pa fœ aya zœ adœke: “Kaka mœ tshakavwa oforo ebe á sœ lœ ala zœ”, andaa mabaya sœ lœ œnœ zœ a?

⁵Wulapatshœ, tshakavwa mabaya á sœ lœ ala zœ asœmœ utshunœ œ wu osho ngbi yeka á kœtshakavwa oforo ebe á sœ lœ ala aya zœ.

⁶«'E toto œrœ neke á sœ yerœ fœ ayavoro nene. Œdœ 'e kœmbœrœ ataa, endje fatshelœtœ endje tœ 'e œ lo 'e. 'E koko agbœ œrœ tshelœ igi nœ 'e va fœ akœso nene kparawa adœke endje kœzurutshelœ nœ nene.»

'E kœyœndœ œrœ, endje to fœ 'e ye

(Wu ba tœ Luk 11.9-13)

⁷«'E kœyœndœ œrœ, endje to fœ 'e ye; 'e kœpara œrœ, 'e gbœ ye; 'e kœnge manda, endje kœrœ fœ 'e ye.

⁸Gbambanœ nene, uzu kœ á tshe yœndœ œrœ, endje to fœ she; tsheneke á tshe para œrœ, tshe gbœ; yé tsheneke á tshe nge manda, endje kœrœ fœ she.

⁹Œdœ ugurutœ 'e dá za badja fœ gbolo nœ ye œdœ tshe kœyœndœ kœziœ a?

¹⁰Too œdœ tshe kœyu she ndœ ageatshalangu, tshe za yakoro fœ she a?

¹¹Ataa, œdœ 'e á 'e dœ akpe azu, 'e wusœ kœto œtshœrœ fœ agbolo nœ 'e, yekane Aba 'e á tshe sœ ba lafo kœtoto œtshœrœ fœ endjeneke á endje yœndœ nœ ba ndœ ye nene a?

¹²«'E mbœrœ fœ anga 'e bata œneke á 'e yœndœ nœ adœke endje mbœrœ fœ 'e. Asœ kœdœ œneke á awa akwa œdœ aayi kœgbara o'o nœ Ndjaba yisœ nœ.»

Awa bisha

(Wu ba tœ Luk 13.23-24)

¹³«'E li tœ aya manda. Gbambanœ nene, manda kœro ga ndœ kuzu sœ tœ egerœnœ, awa kœ li ga zœ sœ ndje ngbi yé azu á endje ro tœnœ lœ ndjoro.

¹⁴Kashe manda nœ soro á ka nene sœ teasho, awa á ro ga zœ mi dœ gusu yé azu kœro tœnœ mimi.»

Aayi kœgbara o'o nœ wala

(Wu ba tœ Mat 12.33; Luk 6.43-44)

15«'E sœ dœ gbɔdjela tœ aayi kœgbara o'o nœ wala. Gbambanœ nene, endje sœ kœna ga ndœ 'e b̄ata apata kashe l̄osu endje sœ b̄ata l̄osu amuru á endje wo osho.

16'E wusœ endje mbœrœ akwa tshelœ endje. Gbambanœ nene, endje k̄k̄k̄ ɔtshɔ leyɔ ba tœ ekpe ɔyɔ nene, endje k̄k̄k̄ ndje ele fige ba tœ batima nene.

17ɔtshɔ ɔyɔ k̄ sœ kœzu ɔtshɔ elenœ, yé ɔyɔ á sœ dœ koba sœ kœzu ndje elenœ tœ ekpenœ.

18ɔtshɔ ɔyɔ lili kœzu elenœ tœ ekpenœ nene, yeka ɔyɔ á sœ dœ koba œ zu ndje ɔtshɔ elenœ nene.

19ɔyɔ k̄ á elenœ kœgaga nene, endje de yé œ ko va ga tœ owo.

20Ataa, 'e wusœ aayi kœgbara o'o nœ wala mbœrœ akwa tshelœ endje.»

Kœwusœ adja ayambarœ

(Wu ba tœ Luk 6.46; 13.25-27)

21«œ dœdœ uzu k̄ á tshe e mœ adœke: “Gbozu, Gbozu”, dá li ga lœ Ogo gbozu nœ tshalafœ nene, kashe kolœ endjeneke á endje sœ kœmbœrœ œrœ á Aba mœ á tshe sœ ba lafo yindœ nœ, dá li ga zœ.

22Dœ l̄k̄nœ asœmœ, azu ndjoro œ pa bala adœke: “Gbozu, Gbozu”, 'a gbara lima o'o dœ i'iri zœ; 'a ḡrɔ lima ekpe ishiri dœ i'iri zœ; 'a mbœrœ lima afá ndjoro dœ i'iri zœ!

23Yé mœ pa bala ngbi fœ endje adœke: “Mœ wuwusœ 'e bale nene, e'e dœ aayi kœmbœrœ ekperœ, 'e gitœ 'e tœ ala mœ!”»

Anda bisha

(Wu ba tœ Luk 6.47-49)

24Yisu kpa pa adœke: «Uzu k̄ á tshe kœdji o'o á mœ totœ kœpa tœnœ asœke yé á za ga tœ akwa, tshe sœ b̄ata uzu nœ kœwusœrœ á tshe m̄ anda nœ ye ga pa badja.

25Yavuru ni, ungu sú yé egerœ yugu na œ za k̄p̄k̄p̄k̄p̄, kashe andanœ tete nene. Gbambanœ nene, endje m̄ lima kiti andanœ ga pa badja.

26Kashe uzu k̄ á tshe kœdji o'o á mœ totœ kœpa tœnœ asœke yé á kœzaza ga tœ akwa nene, tshe sœ b̄ata ayi indi á tshe m̄ anda nœ ye ga pa mindu.

27Yavuru ni, ungu sú, egerœ yugu na œ za andanœ yé œ kavwa 'uru ga ati.»

Tshagbozu nœ Yisu

(Wu ba tœ Mar 1.22; Luk 4.32)

²⁸Lɔkɔ á Yisu yi lima sœ œerœncœ á ka, azu kɔ ka lima tœ ama ndje ti ɔsɔ tœ mara kœyisœrœ nœ ye.

²⁹Gbambancœ nene, tshe yiyi lima sœ œerœ b̄ata aayi kœyisœ awa akwa nœ endje nene, kashe tshe yi lima sœ nœ b̄ata uzu á tshe sœ dœ tshagbozu.

Matie 8

Yisu she anga ayi boroma bale

(Wu ba tœ Mar 1.40-45; Luk 5.12-16)

¹Yisu sœ lima kœtara kaga gu tœncœ yé ukpulu azu sœ kœna manda ye.

²Yé anga ayi boroma bale gitœ ye ndoo dœ she œ gote ga utshu ye, œ pa adœke: «Gbozu, œdœ bœ kœyindœ nœ, bœ mbœrœ adœke mœ wuta yerœ.»

³Yisu yi kane ye, œ goro she yé œ pa adœke: «Mœ yindœ nœ adœke bœ wuta yerœ ye.» Petœ œsœncœ, tshe wuta yerœ lœ boroma nœ ye.

⁴Yé Yisu kœpa fœ she adœke: «Mesho! Papandœ nœ fœ uzu bale nene. Kashe gu œ matœ zœ fœ nganḡa Ndjaba yé œ to tokóró b̄ata á Moyize pa lima ndœ nœ, mbœrœ kœma fœ azu kɔ adœke bœ wuta yerœ ye.»

Yisu she ayi akwa nœ gbozu tshapa aturugu

(Wu ba tœ Luk 7.1-10; Yow 4.43-54)

⁵Lɔkɔ á Yisu sœ lima kœli ga lœ Kaparnawumu, anga gbozu tshapa aturugu tshelœ Roma na ndoo dœ she œ k̄i fœ she

⁶adœke: «Gbozu, ayi akwa nœ mœ lo ba sœnda, ada ye tshu tshakudu ye yé tshe sœ kœwu oyo t̄panœ kpuru.»

⁷Yisu pa fœ she adœke: «A gu dœ mœ she she.»

⁸Kashe gbozu tshapa aturuguncœ gi adœke: «Gbozu, mœ sœsœ b̄ata azu á bœ li anda nœ endje nene. Œdœ bœ kœyindœ nœ, pa kolœ o'o bale, ayi akwa nœ mœ œ she ye.

⁹Gbambancœ nene, œmœ ndje, mœ sœ dœ agbozu tshapa mœ yé mœ dœ ndje gbozu tshapa aturugu. Œdœ mœ kœpa fœ anga bale adœke: “Na”, ngbewo tshe na. Œdœ mœ kpa kœpa fœ anga adœke: “Na ga mœ”, ngbewo tshe na ga ndœ mœ. Yé œdœ mœ kœpa fœ anga ayi akwa nœ mœ adœke “mbœrœ œneke”, ngbewo tshe mbœrœ.»

¹⁰Lɔkɔ á yisu dji o'o á gbozu tshapa aturugu sœmœ pa, tshe katœ ama ye ti ɔsɔ œ pa fœ azu á endje sœ lima kœna manda ye adœke: «Mœ sœ kœmindœ nœ fœ 'e dœ adjapu adœke, mœ gb̄gb̄o anga mara kœyindœrœ asœke ndœ anga uzu bale lœ Israyele nene.

11Mœ sœ kæpa ndje fœ 'e adœke, azu ndjoro œ to ba tœ osho á ðl œ wuta tœnœ œdœ ba tœ osho á ðl œ li tœnœ, yé œ gbœ osho kœsœ ba pa ndaba ba lœ Ogo gbozu nœ tshalafo awa bale dœ Abrayamo, dœ Izaka œdœ pe Yakobo.

12Kashe endjeneke á li ma lima adœke endje kœli ga lœ Ogo gbozu nœ Ndjaba, endje vwi endje ga lœ ubu osho ba shu. Yé ba zœ, endje kî œ zî tshelœ daji endje.»

13Yé Yisu kæpa fœ gbozu tshapa aturugunœ adœke: «Gu ga ndœ zœ, Ndjaba mbœrœ œeneke á bœ yœndœ nœ liaka kœyindœrœ nœ zœ ye.» Yé kolœ dœ ada ðlœnœ asœmœ, ayi akwa nœ gbozu tshapa aturugu she ye.

Yisu she aayi koba ndjoro

(Wu ba tœ Mar 1.29-34; Luk 4.38-41)

14Manda nœ, Yisu na ba lœ anda nœ Petro, œ gbœ ayi mbeyanœ, tshe lo ga ati dœ koba biwa.

15Tshe za kane ye, yé koba biwanœ katœ ye yé. Ayi mbeya Petro áafo œ tetœ kœmbœrœ akwa fœ Yisu.

16Dœ lœndœ á ðl li, endje na dœ azu ndjoro á ekpe ishiri sœ pa endje fœ Yisu. Tshe gœrœ ekpe ishiri pa azunœ asœmœ dœ o'o ama ye, yé œ she ndje anga aayi koba kœ.

17Tshe mbœrœ lima ataa mbœrœ o'onœ á Isaya ayi kœgbara o'o nœ Ndjaba pa lima kœmbœrœtœ endje. Tshe pa lima adœke: «œshe dá ko gbakindi nœ azœ yé á ko koba nœ azœ ga pa ye.»

Azu á endje gbe kœna manda Yisu

(Wu ba tœ Luk 9.57-62)

18Lœkœ á Yisu wu ukpulu azu á endje ndiŵiri lima she, tshe za o'o fœ ayambarœ nœ ye adœke œne zu ba itshi egerœ ungu adanga.

19Anga ayi kœyisœ awa akwa gitœ ye ndoo œ pa fœ she adœke: «Ayi kœyisœrœ, mœ na manda zœ tœ osho kœ á bœ na tœnœ.»

20Yisu gi fœ she adœke: «Angbangewo sœ dœ anda nœ endje ba lœ œshœ, yé ayanu sœ ndje dœ koma endje ba lafo, kashe Gbolo nœ uzu gugu dœ osho kœlo tœnœ nene.»

21Anga yambarœ nœ Yisu bale pa fœ she adœke: «Gbozu, za awa fœ mœ, mœ na œ shi aba mœ utshunœ yekane.»

22Yé Yisu kœgi fœ she adœke: «Na manda mœ, yé œ katœ akuzu endje shi akuzu nœ endje.»

Yisu rá yugu

(Wu ba tœ Mar 4.35-41; Luk 8.22-25)

²³Yisu ɔ ga lœ agba yé ayambarœ nœ ye ro awa bale dœ she.

²⁴Ngbangi atake, ndavuru yugu za gu tœnœ kpikpikpi pa egerœ ungu adanga, lokonœ na yé ungu yi lima kœtu ga lœ agba. Kashe Yisu lo lima œnœ ye yé.

²⁵Ayambarœ gitœ endje ndoo dœ she, á jo she lœ olo dœ kœpa dœ ɔgbɔ adœke: «Gbozu, she azœ kane! A tshu ke a!»

²⁶Yisu gi fœ endje adœke: «Mbœrœ gadœ á 'e sœ dœ awaa? Kœyindœrœ nœ 'e sœ teasho! Yé tshe kœafo á kœra yugu œdœ egerœ ungu adanganœ, osho kœyi tá.»

²⁷Azu kœkœ kitœ œsœnœ yé œ sœ lima kœpa adœke: «Uzunœ asœke kœdœ dœ? Tshœ sœ kœpa o'o fœ yugu œdœ fœ ungu yé œ sœ kœdji o'o ama ye!»

Yisu she azu bisha á ekpe ishiri sœ pa endje

(Wu ba tœ Mar 5.1-20; Luk 8.26-39)

²⁸Lœkœ á Yisu yi kumu ye ba atshi egerœ ungu adanga, ba lœ ogo nœ Agadaraye, azu bisha á ekpe ishiri sœ pa endje to ba pa udu yé œ na gu tœnœ ga ndœ ye. Endje nga lima waa dœ mara adœke uzu bale œ li kœsɔ dœ awanœ asœmœ nene.

²⁹Endje tetœ kœta rawa adœke: «Yisu Gbolo nœ Ndjaba, bœ yindœ kœmbœrœ œrœ gadœ tœ 'a a? Bœ na ba ke kœgaga kumu 'a a? Olo nœ 'a lili damba nene.»

³⁰Andaa egerœ ukpulu akœso sœ lima kœpara kœzirœ ndoo kpœmœ.

³¹Aekpe ishirinœ di tshelœma endje fœ Yisu adœke: «œdœ bœ kœyindœ kœgœrɔ 'a, vwa 'a, 'a li ga lœ ukpulu akœso asœ.»

³²Yé Yisu kœpa fœ endje adœke: «'E na zœ!» Endje wuta lœ azu asœmœ yé œ na œ li ga lœ akœso. Ngbewo akœso sœmœ ndjoro to ba pa kaga 'uru 'uru 'uru dœ ɔrɔ tra tœnœ œerr ga la egerœ ungu adanga, yé œ nduru kœ ye.

³³Azu á endje sœ lima kœgbœndœ akœsonœ kpa ye. Endje kpagu ba lœ ongbo œ mindœ œrœ kœ á mbœrœtœ endje ga tœ azu sœmœ bisha á ekpe ishiri sœ pa endje fœ azu.

³⁴Yé azu tshelœ ongbonœ para kœkœ wuta kœgbœtœ endje dœ Yisu. Lœkœ á endje wu she, endje ki fœ she adœke tshe gitœ ye lœ ogo nœ œne ye.

Matie 9

Yisu she uzu á ada ye tshu

(Wu ba tœ Mar 2.1-12; Luk 5.17-26)

¹Yisu ɔ ga lœ agba, œ zu egerœ ungu adanga yé œ gu ga lœ ongbo nœ ye.

²Endje za anga uzu á ada ye tshu, á tshe lo ga pa kelekpa, na tœncœ fœ she. Lœko á Yisu wu kœyindœrœ nœ azunœ asœmœ, tshe pa fœ uzunœ á ada ye tshu adœke: «Sœ dœ gbœgbœ, gbolo nœ mœ! Mœ djerœndœ ekperœ nœ zœ ye!»

³Kœdji atamœ, anga aayi kœyisœ awa akwa tetœ kœpa ugurutœ endje dœ tœ endje adœke: «Uzu asœke sœ kœgu œsœ Ndjaba!»

⁴Kashe Yisu wu lima sœ gbetshelœ nœ endje yé œ pa fœ endje adœke: «Mbœrœ gadœ á 'e sœ dœ ekpe gbetshelœ tœ lœsu 'e ata a?»

⁵œdœ mœ kœpa adœke: “Mœ djerœndœ ekperœ nœ zœ”, too mœ kœpa ndje adœke: “Aalafo œ na ana”, o'o neketa dá dœ œgbœ o'o a?»

⁶Kashe mœ yindœ nœ adœke 'e wusœ nœ adœke: Gbolo nœ uzu sœ dœ gbœgbœ pa œshœ tœ kœdjerœndœ ekperœ.» Manda nœ, tshe kœpa fœ uzu á ada ye tshu asœmœ adœke: «Aalafo, za kelekpa nœ zœ yé œ gu ga ndœ zœ!»

⁷Uzunœ asœmœ kœalafo á kœgu ga lœ anda nœ ye.

⁸Lœko á ukpulu azu wu ataa, awa litœ endje yé endje tetœ kœdonga Ndjaba tœ mara gbœgbœ neke á tshe to fœ azu.

Yisu e Matie

(Wu ba tœ Mar 2.13-17; Luk 5.27-32)

⁹Yisu katœ tshakpœmœ ti yé œ tetœ kœro tœncœ, ngbewo œ wu anga uzu a i'iri ye kœdœ Matie á tshe sœ ga ati ba lœ anda kœko ngendja lapo. Tshe pa fœ she adœke: «Na manda mœ!» Matie áalafo yé œ na manda ye.

¹⁰Manda nœ, Yisu sœ lima kœzirœ ba œenda nœ Matie. Aayi kœko ngendja lapo ndjoro dœ pe azu kœmbœrœ ekperœ sœ lima kœzi œrœ awa bale dœ she œdœ ayambarœ nœ ye.

¹¹Afarisayi wu lima ataa œ yu ayambarœ nœ ye adœke: «Mbœrœ gadœ á ayi kœyisœrœ nœ 'e œ zi œrœ tœ œsœncœ bale dœ aayi kœko ngendja lapo œdœ dœ azu kœmbœrœ ekperœ a?»

¹²Yisu dji endje yé œ pa adœke: «Uzu á tshelœ œko ye sœ yerœ gbegbe dœ monganga nene, kashe aayi kœba dá gbe dœ she.

¹³'E gu œ para ádá o'o á endje sú ba la buku nœ Ndjaba adœke: “'E sœ dœ lœsu nœ kœwu oyo ga ndœ azu, œtœncœ dá mœ yindœ nœ, kashe tokóro nene.” Gbambanœ nene, mœ nana mbœrœ kœ'e azu neke á endje sœ ndjii nene, kashe mœ na mbœrœ aayi kœmbœrœ ekperœ.»

Yisu tœ upu nœ kœyotshelœma

(Wu ba tœ Mar 2.18-22; Luk 5.33-39)

¹⁴Ayambarœ nœ Yowane ayi kœza batisimu na ga ndœ Yisu yé œ yu she adœke: «Mbœrœ gadœ á a'a œdœ Afarisayi, 'a sœ kœyotshelœma 'a kpala kpala yekane á ayambarœ nœ zœ mbœmbœrœ ataa nene a?»

¹⁵Yé Yisu gi fœ endje adœke: «'E gbe adœke azu á endje e endje ndœ angbo totœ œ sœ dœ oyo dœ lœkœ á ayi kœto yashe sœ kpœtœ œsœncœ bale dœ endje a? Œ Œ nene! Kashe manda nœ œrrr, lœkœ á endje kœza she tshakane endje dá endje yotshelœma endje.

¹⁶«Yé Yisu kpa kœpa fœ endje adœke uzu bale zaza tafo lœba œ pi ga pa ongboronœ nene. Gbambanœ nene, tafo ndœma lœbanœ œ suru tshelœ ongboronœ, yé ogoronœ œ kpa sœ dœ egerœncœ.

¹⁷Endje susu tafo ipi ga lœ ongboro anga nene. Atamœ nene, tshelœ anga œ 'u, ipinœ œ tu, yé anganœ œ ndi ye. Kashe endje sú tafo ipi ga lœ tafo anga, atamœ œrœ bale œ ndi nene.»

Anga yawuru yuda œdœ anga yashe koba indji

(Wu ba tœ Mar 5.21-43; Luk 8.40-56)

¹⁸Lœkœ á Yisu sœ kœpa o'onœ asœmœ fœ endje ataa, anga gbozu nœ Ayuda yikumu ye œ gote ga utshu ye, yé œ pa adœke: «Yawuru nœ mœ tshu ngœngœncœ asœke, kashe na œ to kane zœ ga pa ye yé tshe sœ dœ soro.»

¹⁹Yisu áalafo yé endje te manda ye, œshe dœ pe ayambarœ nœ ye.

²⁰Andaa anga yashe bale á tshe sœ lima kœwu oyo dœ koba indji manda ungu ndjokpa dœ bisha, na djagamanda Yisu œ goro ama lœba ye.

²¹Tshe sœ lima kœpa ba lœ ye adœke: «œdœ mœ kœgoro kolœ ama lœba nœ ye, mœ she ye.»

²²Kashe Yisu fatœ ye œ wu she yé á pa adœke: «Sœ dœ gbœgbœ yawuru nœ mœ! Kœyindœrœ nœ zœ she bœ ye.» Yé kolœ dœ ada œlœncœ asœmœ, yashenœ she lœ koba nœ ye yé.

²³Yisu wuta ba lœ anda nœ gbozunœ asœmœ. Lœkœ á tshe wu aayi kœ'uru ngbake œdœ ukpulu azu á endje sœ kœta rawa,

²⁴tshe pa adœke: «'E wuta ga shu, gbambanœ nene, yawurunœ asœke tshutshu nene. Tshe sœ tœ olo.» Kashe endje sœ lima kœmœ she.

²⁵Lœkœ á endje gœrœ ukpulu azunœ ga ushu, Yisu li ba tœ osho á gbolonœ sœ tœncœ, œ za kane ye yé tshe áalafo.

²⁶Yé o'onœ za tshelœ ogo djigi.

Yisu she aayibula bisha

27Lɔndɔ á Yisu katɔe tshakpɔetɔemɔe ti á sɔe kɔero tɔenɔe, anga aayibula bisha te manda ye dɔe rawa adɔeke: «Wu oyo 'a, Gbolo nɔe Davidi!»

28Lɔkɔ á Yisu wuta ba lɔe anda, aayibulanɔe bisha na ndoo dɔe she yé tshe yu endje adɔeke: «Adja 'e yindɔe nɔe adɔeke mɔe mbɔerɔe ala 'e ɔe kɔrɔ a?» Endje gi fɔe she adɔeke: «Œ, Gbozu.»

29Yisu to kane ye ga pa ala endje yé ɔe pa adɔeke: «Kaka ɔe mbɔerɔetɔe ye fɔe 'e liaka kɔeyindɔerɔe nɔe 'e.»

30Yé ala endje kɔrɔ. Á Yisu kɔepa fɔe endje dɔe ɔgbɔ adɔeke: «'E dji mɔe dɔe ɔtshɔnɔe, 'e papandɔe nɔe fɔe uzu bale nene!»

31Kashe endje wuta, ɔe pandɔe o'o nɔe Yisu lɔe ogonɔe djigi.

Yisu she uzu bale á tshe papa o'o nene

(Wu ba tɔe Luk 11.14-15)

32Lɔkɔ á endje yi lima ndɔe kɔewuta tɔenɔe, endje na dɔe anga uzu á tshe papa o'o nene fɔe she. Tshe sɔe lima dɔe ekpe ishiri pa ye.

33Yé Yisu gɔrɔ ekpe ishirinɔe pa ye, á tshe tetɔe kɔepa o'o. Ukpulu azu ki lima tɔe ɔesɔenɔe, ɔe pa adɔeke: «'A wuwu balima mara anga ɔerɔe atake bale lɔe Israyele nene!»

34Kashe Afarisayi pa lima adɔeke: «Gbozu tshapa aekpe ishiri dá to gbɔgbɔ kɔegɔrɔ dɔe ekpe ishiri fɔe she asɔemɔe!»

Yisu wu oyo ukpulu azu

(Wu ba tɔe Mar 6.6b,34; Luk 10.2)

35Yisu na lima dje lɔe ongbo ɔedɔe dje lakpi kɔ, tshe sɔe lima kɔeyisɔe ɔerɔe ba lɔe Sinagoga nɔe endje. Tshe sɔe lima kɔeyisɔe ɔtshɔ O'o nɔe Ogo gbozu nɔe Ndjaba yé ɔe sɔe lima kɔeshe azu lɔe aka kɔba kɔ ɔedɔe lɔe gbakindi kɔ.

36Kɔewu ukpulu azu, tshe sɔe lima dɔe oyo tɔe lɔsu ye. Gbambanɔe nene, endje mɔ lima lɔe gbetshelɔe nɔe endje yé ɔe gugu lima dɔe gbɔgbɔ nene bata apata á aayi kɔegbɔndɔe endje gugu nene.

37Yé tshe kɔepa fɔe ayambarɔe nɔe ye adɔeke: «Leyɔ doro ndjoro lɔe kindi, kashe aayi akwa ngbangba nene.

38Ataa, 'e ki fɔe ayengɔ kindinɔe adɔeke tshe kpa vwa anga aayi akwa mbɔerɔe kɔekɔ tɔenɔe.»

Matie 10

Aayi avwa ndjokpa dɔe bisha (12)

(Wu ba tɔe Mar 3.13-19; Luk 6.12-16)

¹Yisu e ayambarœ nœ ye ndjokpa dœ bisha ascœmœ, œ to gbɔgbɔ kœgɔrɔ dœ ekpe ishiri fœ endje adœke endje kœgɔrɔ dœ endje yé œ she azu lœ aka koba kɔ dœ lœ gbakɪndi kɔ.

²F'iri aayi avwanœ ndjokpa dœ bisha dœke: Utshunœ kœdœ Shimu á anga i'iri ye kœdœ Petro œdœ ayancœ dœ Andere. Ajake dœ Yowane á endje kœdœ agbolo nœ Zebedayi,

³Filipo œdœ Bartelemi, dœ Toma, dœ Matie ayi kœko ngendja lapo, dœ Jake gbolo nœ Alefe, dœ Tade,

⁴dœ Shimu uzu kanana, dœ Yudasi Isikariote, œshe á tshe ka Yisu.

Yisu vwa aayi avwa nœ ye ndjokpa dœ bisha

(Wu ba tœ Mar 6.7-13; Luk 9.1-6)

⁵Yisu vwa aayi avwanœ ndjokpa dœ bisha dœ kœza 'o fœ endje adœke: «'E nana œ li ga lœ ogo nœ angbi azu nene, 'e lili ndje ga lœ ongbo nœ azu Samariya nene.

⁶Kashe 'e na ga ndœ apata á endje djingili awa á endje dœ azu Israyele.

⁷Tœ awa na tœnœ, 'e mindœ o'o adœke: “Ogo gbozu nœ tshalafɔ ndo ye!”

⁸'E she aayi koba, 'e mbœrœ adœke akuzu kpa kwatœ endje ga lœ soro, 'e mbœrœ adœke aayi boroma wuta yerœ, 'e gɔrɔ ekpe ishiri. Bata á 'e gbɔgbɔ lœ awa nœ ngendja nene, 'e toto ndje lœ awa nœ kœ'esho ndœ ngendja nene.

⁹Adja 'e zaza ɔrœ too anga langere ngendja bale ga lœ uwu tœ 'e nene,

¹⁰too ngbade kœna dœ ana nene. 'E koko lœba okoro bisha nene, œdœ œrada, œdœ tshɔngbɔlɔ potœ 'e nene. Gbambancœ nene, ayi akwa li kœgbɔ œrœ tshangba akwa nœ ye.

¹¹«Lɔkɔ á 'e kœwuta ga lakpi too ga lœ anga ongbo, 'e para uzu neke á tshe li kœza osho kœsœ fœ 'e dœ ɔtshɔnœ, yé œ sœ kpœndœ ye kpœtœmœ œrrr ga tœ kœkatœ tshalakpinœ ascœmœ ti.

¹²Lɔkɔ á 'e kœli ga lœ anda nœ uzu, 'e pa adœke: “Kœsœ gee sœ dœ 'e.”

¹³œdœ azu tshascœndancœ kœza osho kœsœ fœ 'e, kœsœ gee nœ 'e œ sœ dœ endje. Kashe œdœ endje kœzaza osho kœsœ fœ 'e nene, 'e gi kœsœ gee nœ 'e pa endje ye.

¹⁴Yé œdœ azu anga tshalakpi bale too anga tshascœnda bale kœvwaratœ endje tœ kœza osho kœsœ fœ 'e, too tœ kœdji o'o ama 'e ye, 'e katœ tshakpœtœmœ ti, yé œ gɔrɔ trusha tshada 'e ti kpœtœmœ.

¹⁵Mœ sœ kœpa dœ adjapu fœ 'e adœke, dœ lɔkɔnœ á Ndjaba œ wa ngbanga pa azu, azu ogonœ ascœmœ œ gbɔ djofele kœropa œncœ azu Sodomo dœ Gomora.

ƆErø kanga á sœ kœna tœnœ

(Wu ƒa tœ Mar 13.9-13; Luk 21.12-17)

- 16«'E wu! Mœ sœ kœvwa 'e ƒata apata ƒa ugurutœ amuru. 'E sœ dœ gbɔdjela ƒata ayakoro yé œ sœ dœ ɔmɔ lɔsu ƒata ambepa.
- 17Ala 'e gbɔ tœ azu. Gbambanœ nene, endje ko 'e na tœnœ ga utshu aayi kœwa ngbanga nœ azu nœ Ndjaba yé œ sɔ 'e dœ ndjapa ƒa lœ Sinagoga nœ endje.
- 18Endje ko ndje 'e bala tɔ ƒa utshu agboro agbozu œdœ pe agbozugo mbœrœ á 'e kœdœ azu nœ mœ. Ataa, œ za awa fœ 'e adœke 'e pa o'o tœ upu nœ mœ fœ endje, azunœ œdœ endje á endje dœdœ Ayuda nene asœmœ.
- 19Lɔkɔ á endje kœto 'e na tœnœ ƒa tœ osho kœwa ngbanga, 'e tɔtɔ lɔsu 'e tœ mara á 'e gi dœ o'o nene. Gbambanœ nene, dœ ada ɔlɔnœ asœmœ, endje to o'o á li adœke 'e pa fœ 'e.
- 20ƆE dœdœ 'e dá pa o'onœ nene, kashe Ishiri nœ Aba 'e œ pa o'o lœ 'e.
- 21«Ayazu œ va ɔtɔ ayanœ adœke endje wo she, yé aba kœzu uzu œ mbœrœ ndje ataa fœ gbolo nœ ye; agbolo œ yiangba aayi kœzu endje yé œ ko endje adœke endje wo endje ye.
- 22Azu para kɔkɔ œ yiangba 'e mbœrœ i'iri mœ kashe uzu á tshe shi gbɔ œrrr ga tœ ndɔngɔlɔnœ, Ndjaba œ she she.
- 23ƆEdœ endje kœmbœrœ œrœ kanga fœ 'e ƒa lœ anga ongbo bale, 'e kpa ga lœ anga angbɔnœ. Mœ pa fœ 'e dœ adjapu adœke, Gbolo nœ uzu œ na, damba 'e nana dje lœ ongbo Israyele kɔkɔ nene.
- 24«Yambarœ bale roropa ayi kœyisœrœ fœ she nene, yé ayi akwa roro ndje pa gbozu nœ ye nene.
- 25Kashe yambarœ œ sœ dœ yanga œdœ endje kœwu she ƒata ayi kœyisœrœ nœ ye, yé ayi akwa œ sœ ndje dœ yanga œdœ endje kœwu she ƒata gbozu nœ ye. ƆEdœ azu kœna œrrr á e ayengɔ anda Belezebula, i'iri gaƒe dá endje e ga tœ azu tshasœnda nœ ye a?»

Uzu á endje li kœkpawa ye

(Wu ƒa tœ Luk 12.1-27)

- 26«Awa uzu bale zaza 'e nene. ƆErœ neke kɔ á zatœ endje yiwa tœnœ œ matœ endje ngbɔ ga shu, yé œneke kɔ á sœ lœ ubunœ, azu œ wusœ nœ kɔ.
- 27O'o á mœ sœ kœpa fœ 'e lœ ubunœ asœmœ, 'e pa tshandœnœ dœ ɔlɔ, yé angba o'o á endje sœ kœpa ga lœ utu 'e, 'e pandœ nœ ngbɔ ga shu.
- 28'E kpakpa awa azu á endje wo undu uzu kashe á endje lili kœwo ishiri uzu nene; 'e kpa awa Ndjaba á tshe li kœwo undu uzu œdœ ishiri ye ƒa lœ lifelo.

²⁹Endje kaka a'eara ayanu bisha ndœ kœgbɔ langere ngendja bale nene a? Andaa, anga bale ugurutœ endje œ te ga tœ ɔshɔ nene œdœ Aba 'e kœyiyindœ nœ nene.

³⁰Kashe e'e, œdœ sukumu 'e, Ndjaba di kɔ.

³¹Mbœrœ tœnœ ataa, 'e sœsœ dœ awa nene, gbambanœ nene, 'e ropa a'eara ayanu ye.»

Kœpa o'o tœ upu nœ Yisu utshu azu

(Wu ba tœ Luk 12.8-9)

³²«Uzu kɔ á tshe yindœ nœ ba tœ ala azu adœke œne kœdœ yambarœ nœ mœ, mœ yi ndje ndœ ye ba utshu Aba mœ á tshe sœ ba lafo adœke œshe kœdœ uzu nœ mœ.

³³Kashe tsheneke á tshe 'ea mœ ba utshu azu, mœ 'ea ndje she ba utshu Aba mœ á tshe sœ ba lafo.»

Kœsœ gee nene kashe ingiri yakamba

(Wu ba tœ Luk 12.51-53; 14.26-27)

³⁴«'E gbegbe adœke mœ na mbœrœ kœza kœsœ gee ba pa ɔshɔ nene. Mœ nana mbœrœ kœza kœsœ gee nene, kashe mœ na dœ ingiri yakamba.

³⁵Adjapu, mœ na kœkurutshelœ gbolo yakoshe dœ abanœ, yawuru dœ ayinœ, yashe dœ yinœ dœ yashe.

³⁶Uzu dœ uzu œ sœ dœ ayingba ye lœ anda nœ ye.

³⁷Uzu á tshe yindœ abanœ too ayinœ kœropa mœ, tshe lili kœdœ uzu nœ mœ nene. Uzu á tshe kœyindœ gbolo yakoshe too gbolo yawuru nœ ye kœropa mœ, tshe lili kœdœ uzu nœ mœ nene.

³⁸Uzu á tshe kœza kurushi nœ ye yé á na manda mœ nene, tshe lili kœdœ uzu nœ mœ nene.

³⁹Uzu á tshe kœyindœ kœgbɔndœ soro ye, œ yiwatœ ye yé. Kashe tsheneke á tshe kœyindœ kœtshu mbœrœ mœ, tshe sœ dœ soro.»

Kœgi tshangba œrœ

(Wu ba tœ Mar 9.41)

⁴⁰«Uzu neke á tshe kœza osho kœsœ fœ 'e, dá tshe za ndje fœ mœ ye. Uzu neke á tshe kœza osho kœsœ fœ mœ, dá tshe za ndje fœ tsheneke á tshe vwa mœ.

⁴¹Uzu á tshe kœza osho kœsœ fœ anga ayi kœgbara o'o nœ Ndjaba mbœrœ á tshe kœdœ ayi kœgbara o'o asœmœ, tshe gbɔ œrœ tshangbanœ b̄ata á Ndjaba sœ kœto fœ ayi kœgbara o'o. Yé tsheneke á tshe za osho kœsœ fœ uzu á tshe

sœ ndjii mboerœ á tshe kœdœ uzu ndjii utshu Ndjaba, tshe gbɔ ndje œrœ tshangbanœ bata uzu á tshe sœ ndjii.

⁴²Mœ mindœ nœ dœ adjapu fœ 'e adœke, uzu kɔ á tshe su ungu kœndjoondjo, œdœ œ kœdœ yashi ziti ungu tshebabale fœ anga aya gbolo lœ agbolonœ asœke mboerœ á tshe dœ yambarœ nœ mœ, Ndjaba œ to œrœ tshangbanœ fœ she.»

Matie 11

Yowane ayi kœza batisimu vwa azu fœ Yisu

(Wu ba tœ Luk 7.18-35)

¹Lɔndɔ á Yisu za o'o fœ ayambarœ nœ ye ndjokpa dœ bisha á ka, tshe katœ tshakpœtœmœ ti œ ro kœyisœ œrœ œdœ kœmindœ Ɔtshɔ O'o nœ Ndjaba dje lœ ongbo nœ endje.

²Andaa, Yowane ayi kœza batisimu sœ lœ kánga, yé tshe djindœ o'o akwa á Kristu sœ kœmbœrœ tœnœ, ngbewo á vwa anga ayambarœ nœ ye

³kœyu Yisu adœke: «œbœ kœdœ tsheneke á tshe sœ kœna tœnœ a, too 'a kate anga angbi uzu?»

⁴Yé Yisu kœgi fœ endje adœke: «'E gu œ pandœ œneke á 'e dji yé á wu fœ Yowane adœke:

⁵Aayibula tetœ kœwu osho, aayi gbada na ana, aayi boroma wuta yerœ, aayi bitu dji o'o, akuzu kwatœ endje ga lœ soro, yé endje mindœ Ɔtshɔ O'o fœ aayi oyo.

⁶Yanga nœ uzu á tshe kakatœ kœyindœrœ nœ ye ga ndœ mœ nene!»

⁷Lɔndɔ á ayambarœ nœ Yowane gu da ye, Yisu tetœ kœpandœ Yowane fœ ukpulu azu adœke: «œrœ gadœ dá 'e na kœwu tœnœ ba lœ kpagagasho a? A'eara ɔyɔ á yugu sœ kœmea tœnœ a? Œ Œ nene.

⁸Yé œrœ gadœ dá 'e na kœwu tœnœ a? 'E na kœwu anga uzu á tshe verœ ɔtshɔ lœba a? Œ Œ nene, azu á endje verœ ɔtshɔ lœba sœ ba lœ anda nœ agbozugo.

⁹Yé ataa, œrœ gadœ dá 'e na kœwu tœnœ a? 'E na kœwu ayi kœgbara o'o a? Œ, mœ mindœ nœ dœ adjapu fœ 'e adœke tshe ropa ayi kœgbara o'o ye.

¹⁰Gbambanœ nene, Yowane ayi kœza batisimu kœdœ uzu á endje sú o'o tœ upu nœ ye ba la buku nœ Ndjaba adœke: “Mœ vwa ayi avwa nœ mœ utshu zœ mboerœ kœguma ala awa zœ.”

¹¹Mœ mindœ nœ dœ adjapu fœ 'e adœke, ugurutœ azu tshapashɔnœ asœke kɔ, anga uzu bale á tshe ropa Yowane ayi kœza batisimu gugu nene. Andaa, tsheneke á tshe sœ teasho ba lœ Ogo gbozu nœ tshalafɔ ropa ye yé.

¹²Koeto tœ lɔkɔ á Yowane ayi kœza batisimu wuta kœyisœ œrœ œrrr ga tœ kpesheke, Ogo gbozu nœ tshalafɔ to toro kœgerœ tœnœ. Aayi gbɔgbɔ dá sœ kœpara awa nœ kœgbɔtœ nœ.

¹³Aayi kœgbara o'o kɔ œdœ awa akwa, gbara o'o œrrr ga tœ Yowane.

¹⁴Yé œdœ 'e kœyindœ kœwusœ nœ dœ ɔtshɔnœ, Yowane kœdœ Eliya á endje pa lima ndœ kœna she.

¹⁵Kaka uzu á tshe kœsœ dœ utu, tshe dji!

¹⁶«Mœ li azu nœ tshakpesheke dœ azu œ? Endje liili dœ agbolo á endje ka ba la wutu kœka œrœ yé á sœ kœpa o'o ugurutœ endje adœke:

¹⁷“A 'uru ngbake fœ 'e, kashe 'e vivi ipi nene! 'A bi itshi kuzu fœ 'e, kashe 'e kiki nene.”

¹⁸Gbambanœ nene, Yowane ayi kœza batisimu na yé œ vwaratœ ye tœ kœzi œrœ œdœ kœndjo ipi, endje pa adœke: “Tshe sœ dœ ekpe ishiri pa ye!”

¹⁹Gbolo nœ uzu na œ sœ kœzi œrœ yé œ sœ kœndjo ipi, endje sœ kœpa adœke: “E wu makœzĩrœ, mœndjondjo. Anganœ kœdœ kolœ aayi kœko ngendja lapo œdœ azu kœmbœrœ ekperœ!” Kashe kœwusœtœ nœ Ndjaba sœ kœmatœ ye ndjii lœ awa akwa nœ ye.»

Kœgbagbara osho tœ upu nœ ongbo Galilayi

(Wu ba tœ Luk 10.13-15)

²⁰Yé Yisu tetœ kœgbagbara azu tshelœ ongbo á tshe mbœrœ lima afá ndjoro lœnœ; gbambanœ nene, endje yayapa lima ɔtshɔ endje nene. Tshe pa fœ endje adœke:

²¹«Oyo nœ zœ, Koraze! Oyo nœ zœ Betesayida! Gbambanœ nene, œdœ afá á mbœrœtœ endje ba ndœ 'e kœmbœrœ má tœ endje ba lœ Tire œdœ ba lœ Sidona, azu ba zœ œ verœ má sake, yé œ dja má tshelœ kumu endje dœ vorowo mbœrœ kœma adœke œne fatshalɔsu œne ye.

²²Mbœrœ tœnœ ataa, mœ sœ kœmindœ nœ fœ 'e adœke dœ lɔkɔ kœwa ngbanga, mœ wa o'o tœ ɔgbɔnœ ga tœ 'e kœropa œnœ azu Tire œdœ Sidona.

²³Yé e'e dœ azu Kaparnawumu, 'e gbe adœke 'e ɔ œrrr ga lafo zœ a? 'E jerœ bala œrrr ba lœ ogo nœ akuzu. Gbambanœ nene, œdœ afá á mbœrœtœ endje ba ndœ 'e, kœmbœrœ má lima tœ endje ba lœ Sodomo ataa, ongbonœ asœmœ œ sœ má œrrr ga tœ kpesheke.

²⁴Mbœrœ tœnœ ataa, mœ sœ kœmindœ nœ fœ 'e adœke dœ lɔkɔ kœwa ngbanga, mœ wa o'o nœ 'e tœ ɔgbɔnœ kœropa œnœ azu ogo Sodomo.»

'E na ga ndœ Yisu œ yatœ 'e

(Wu ba tœ Luk 10.21-22)

²⁵Dœ londɔnœ asœmœ, Yisu pa dœ ɔgbɔ adœke: «Uu Aba, Gbozu nœ tshalafo dœ tshapashɔ, mœ gi mershe fœ bœ mbœrœ á bœ má ngbi fœ azu á endje wuwusœ œrœ nene adjapu á bœ za yiwa tœnœ tœ azu kœwusœtœ œdœ agbangba kœwusœrœ.

²⁶Aba, œbœ dá yindœ nœ adœke œ mbœrœtœ ye ataa.

²⁷«Aba mœ ko œrœ kɔ fœ mœ. Uzu bale wuwusœ Gbolo nene, kolœ Aba dá wusœ ye. Uzu bale wuwusœ Aba nene, kolœ Gbolo dá wusœ ye, œdœ tsheneke á Gbolo yindœ kœma Aba fœ she tako.

²⁸«E'e dœ azu kɔ á 'e mɔ dœ kœko ogboro gbarœ, 'e na ga ndœ mœ, mœ ko gbarœnœ lœ kumu 'e dœ 'e yatœ 'e.

²⁹E za ngbongbo awa bale dœ mœ, yé œ li ga lœ lakɔɔ nœ mœ; gbambœnœ nene, mœ dœdœ ayi gbɔkumu nene kashe mœ dœ ayi ɔmɔ lɔsu. Ataa, 'e li kœyatœ 'e dœ tœ 'e.

³⁰Ngbongbo nœ mœ gbɔgbɔ nene, yé gbarœnœ á a za dœ 'e œ li 'e nene.»

Matie 12

Yisu kœdœ ayengɔ lɔkɔ sabata

(Wu ba tœ Mar 2.23-28; Luk 6.1-5)

¹Manda nœ teasho atake, Yisu ro lima tɔ lœ kindi ble dœ anga lɔkɔ sabata. Ogo li lima tœ ayambarœ nœ ye yé endje tetœ kœverœ ele blœnœ asœmœ á sœ kœzi tœnœ.

²Lɔkɔ á Afarisayi wu ataa, endje pa fœ Yisu adœke: «Wu, ayambarœ nœ zœ sœ kœmbœrœ œrœ á awa akwa vwaratœ ye tœnœ dœ olo sabata!»

³Yisu gi fœ endje adœke: «'E didi œneke á Davidi mbœrœ lima anga ɔlɔ bale á ogo mi lima she dœ azu nœ ye á tshe na lima tœ awanœ dœ endje nene a?

⁴Tshe li, œshe œdœ azu nœ ye ba lœ anda Ndjaba, yé endje zi mapa á endje to dœ tokóró fœ Ndjaba; mapa má œdœ she œdœ azu nœ ye, endje lili má kœzi tœnœ nene, kashe á sœ kolœ mbœrœ anganga Ndjaba kuti endje.

⁵Too 'e didi ndje ba la buku awa akwa nene adœke dœ lɔkɔ sabata, ata anganga Ndjaba sœ kœmbœrœ akwa lœ Tepelo gbaa, endje sœ kœmbœrœ œrœ kpi tœ awa akwa, kashe Ndjaba sœsœ kœwu lœ ala ye bata ekperœ nene.

⁶Andaa mœ sœ kœmindœ nœ dœ adjapu fœ 'e adœke, œrœ á 'e wu asœke, œ ropa Tepelo ye.

⁷Ɔedœ 'e kœwu má sœ ádá o'o á endje sú ala buku nœ Ndjaba adœke: “Mœ yindœ nœ adœke, 'e wu oyo anga 'e kashe tokóró nene;” 'e wawa ngbanga pa azu á endje mbœmbœrœ œrœ bale nene.

⁸Gbambanœ nene, Gbolo nœ uzu kœdœ ayengɔ lɔkɔ sabata.»

Yisu she uzu á kane ye tshu

(Wu ba tœ Mar 3.1-6; Luk 6.6-11)

⁹Yisu katœ tshakpœtœmœ ti, œ na œ li ga lœ Sinagoga nœ endje.

¹⁰Anga uzu bale á kane ye tshu sœ lima kpœtœmœ. Afarisayi yu lima Yisu dœ o'o adœke: «Awa akwa nœ azœ sœ kœyindœ nœ adœke endje she uzu dœ lɔkɔ sabata a?» Endje yu lima she ataa mbœrœ á kœgbɔ awa kœtɔ meza pa ye.

¹¹Yisu gi fœ endje adœke: «Ɔedœ anga uzu ugurutœ 'e kœsœ dœ pata nœ ye tshebabale, á tshe te ga lœ kudu dœ lɔkɔ sabata, tshe lili kœza she ga ushu nene a?

¹²Uzu ropa pata! Mbœrœ tœnœ ataa, awa akwa nœ azœ za awa fœ azœ ndœ kœmbœrœ ɔtshœrœ dœ lɔkɔ sabata.»

¹³Yé Yisu kœpa fœ uzunœ á kane ye tshu adœke: «Yɔrɔ tshelœ kane zœ.» Tshe yɔrɔ tshelœ kane ye, yé œ gumatœ ye b̄ata anga tshakalanœ.

¹⁴Afarisayi gu œ vwarandœ o'o ugurutœ endje tœ kœpara awa ndœ kœwo Yisu.

Ayi akwa á Ndjaba ke she

¹⁵Lɔndɔ á Yisu djindœ o'onœ asœmœ, tshe gitœ ye kpœtœmœ, yé azu ndjoro na manda ye. Tshe she aayi kɔb̄a kɔ,

¹⁶kashe œ pa fœ endje dœ ɔgbɔ adœke endje papa o'o tœ upu nœ œne fœ uzu bale nene.

¹⁷Tshe mbœrœ lima ataa adœke o'o á Ndjaba pa dœ awa nœ ayi kœgbara o'o Isaya kœmbœrœ tœ endje.

¹⁸Tshe pa lima adœke: «Wu ayi akwa nœ mœ á mœ ke she dœke, mœ yindœ ye waa yé mœ sœ dœ yanga mbœrœ she. Mœ vwa ɩshiri nœ mœ kœjerœ ga pa ye, yé tshe yisœ ɔtshɔ awa fœ azu tshapashɔ kɔ.

¹⁹Tshe bœrœtœ ye dœ uzu bale nene, yé œ ta ndje rawa nene; endje dji she kœpa o'o tœ ala awa nene.

²⁰Tshe kavwa tshelœ wara á lu nene, yé tshe ru miinda á ndoo kœru tœnœ nene, œrrr ga tœ adœke œneke á sœ ndjii ropa œrœ kɔ yekane.

²¹Yé azu kɔ á endje wuwusœ mœ nene œ ko lœsu endje ga pa ye.»

Yisu œdœ Belezebula

(Wu ba tœ Mar 3.22-30; Luk 11.14-23)

²²Endje na dœ anga uzu bale á ala ye bu yé á tshe papa o'o nene fœ Yisu. Tshe sœ lima dœ ekpe ishiri pa ye. Yisu she uzunœ dœ mara adœke tshe tetœ kœpa o'o dœ pe kœwu osho.

²³Ukpulu azu á endje sœ lima kpœtœmœ, kitœ œsœnœ yé œ sœ lima kœpa adœke: «Uzunœ asœke kœdœ ata Davidi nene a?»

²⁴Lœkœ á Afarisayi dji endje kœpa o'o ataa, endje pa ngbi adœke: «Belezebula gbozu nœ ekpe ishiri sœ pa ye. Œshe dá za gbœgbœ fœ she tœ kœgœrœ dœ ekpe ishiri pa azu asœmœ!»

²⁵Kashe yisu wu lima sœ gbetshelœ nœ endje, yé œ pa fœ endje adœke: «Ogo gbozu kœ á azu tshelœnœ kœsœ kœnga koshe ugurutœ endje, tshelœ ogonœ asœmœ œ ndi ye. Œdœ azu tshelœ ongbœ bale too læ bingœ bale kœsœ kœnga koshe ugurutœ endje, tshelœ ongbœnœ too bingœnœ œ ndi ye.

²⁶Œdœ Satana kœsœ kœgœrœ œneke á dœ œnœ Satana, asœmœ dá tshe sœ kœnga koshe ga tœ ye dœ tœ ye. Ataa, Ogo gbozu nœ ye œ sœpe koto o?

²⁷'E sœ kœpa adœke Belezebula dá to gbœgbœ fœ mœ yeka á mœ sœ kœgœrœ dœ ekpe ishiri. Yé azu nœ 'e gœrœ ndje ekpe ishiri dœ gbœgbœ nœ dœ? Ataa, azu nœ 'e dœ tœ endje œ yisœ nœ adœke 'e te dœ o'o ye.

²⁸Kashe œdœ mœ kœsœ kœgœrœ ekpe ishiri dœ ishiri nœ Ndjaba, dá œ sœ kœma adœke Ogo gbozu nœ Ndjaba wuta ga ndœ 'e ye.

²⁹«Too ndje, œdœ uzu kœyindœ kœli kœko œrœ dœ œgbœ bœ læ anda nœ uzu nœ gbœgbœ; œ li adœke tshe i she vwagbagba ga tœnœ utshunœ yeka á kœli kœko œrœ nœ ye.

³⁰Uzu á tshe sœsœ awa bale dœ mœ nene, œshe kœdœ yingba mœ. Yé tsheneke á tshe sœsœ kœti kane mœ adœke 'a ngbœbœ azu nene, sœ kœndjœtshelœ endje.

³¹Mbœrœ tœnœ ataa, mœ sœ kœmindœ nœ fœ 'e adœke, Ndjaba œ djerœndœ ekperœ nœ azu kœ œdœ pe kœgu œsœ Ndjaba á endje sœ kœgu tœnœ. Kashe tsheneke á tshe kœsœ kœgu œsœ Œtshœ ishiri, Ndjaba œ djerœndœ ekperœ nœ ye nene.

³²Uzu á tshe pa ekpe o'o dœ upu nœ Gbolo nœ uzu, Ndjaba œ djerœndœ ekperœ nœ ye kashe œdœ tshe kœpa ekpe o'o goro œsœ Œtshœ ishiri, Ndjaba œ djerœndœ ekperœ nœ ye bale nene œdœ læ soro ye pa œshœ œdœ manda kuzu ye.»

Endje wusœ œyœ mbœrœ elenœ

(Wu bœ tœ Luk 6.43-45)

³³«Ɔedœ ɔɔɔ kœdœ ɔtshɔ ɔɔɔ, elenœ œ sœ ndje dœ ɔtshɔnœ. Yé œdœ ɔɔɔ kœdœ ɔɔɔ á sœ dœ kɔbɑ, elenœ œ sœ ndje dœ kɔbɑ. Gbambanœ nene, endje wusœ ɔɔɔ mbœrœ elenœ.

³⁴Ukpulu ekpe ayakoro! Bata 'e kœdœ aekpe azu asœke, mara gadé dá 'e li kœpa ɔtshɔ o'o a? Gbambanœ nene, o'o á wuta lœ ama uzu to ba tœ lœsu ye.

³⁵Ɔtshɔ uzu sœ kœmbœrœ ɔtshɔrœ á sœ kœto lœ ɔtshɔ lœsu nœ ye; yé ekpe uzu sœ kœmbœrœ ndje ekperœ á sœ kœto lœ ekpe lœsu nœ ye.

³⁶Mœ sœ kœmindœ nœ fœ 'e adœke, dœ lœkɔ kœwa ngbanga, Ndjaba œ yu azu tœ o'o á endje pa lima ngbilɔngbilɔ asœmœ kɔ.

³⁷Gbambanœ nene, kolœ lindœ o'o á wuta lœ ama zœ dá bœ te dœ o'o too bœ te ndje dœ o'o nene.»

Ayuda yindœ kœwu ambára afá

(Wu ba tœ Mar 8.11-12; Luk 11.29-32)

³⁸Yé anga aayi kœyisœ awa akwa œdœ anga Afarisayi pa fœ Yisu adœke: «Gbozu, 'a yindœ nœ adœke bœ ma anga ambára afá bale fœ 'a kane.»

³⁹Yisu kœgi fœ endje adœke: «Azu nœ tshakpesheke, endje kœdœ aekpe azu yé œ zazatœ endje fœ Ndjaba nene; endje yindœ nœ adœke œne wu anga ambára afá bale. Kashe endje wu œrœ bale nene, kolœ ambára afá á Ndjaba ma lœ awa nœ ayi kœgbara o'o nœ ye dœ Yona asœmœ.

⁴⁰Gbambanœ nene, bɑta á Yona mbœrœ ɔlɔ votɔ œdœ butshɔ votɔ ba lœ egerœ ageatshalangu, awa bale Gbolo nœ uzu œ mbœrœ ndje ɔlɔ votɔ dœ butshɔ votɔ lœ ɔshɔ.

⁴¹Dœ lœkɔ kœwa ngbanga nœ azu pa ɔshɔ, azu Ninive œ áalafo œ wa o'o ga pa azu nœ tshakpesheke asœke. Gbambanœ nene, azu Ninive fa lima tshalɔsu endje lœkɔ á endje dji Yona kœmindœ o'o ama Ndjaba. Kashe uzunœ á tshe sœ kpœke asœke ropa Yona ye!

⁴²Dœ lœkɔ kœwa bala ngbanga, gbozugo yashe tshapa ogo Saba œ wa o'o ga pa 'e. Gbambanœ nene, tshe to ba tœ ndɔngɔlɔ tshakala ogo pa ɔshɔ á sœ lœ ingirinœ, á na kœdji o'o kœwusœtœ nœ Salomo. Kashe uzunœ á tshe sœ kpœke asœke ropa Salomo ye!»

Kœkwa ekpe ishiri ga lœ uzu

(Wu ba tœ Luk 11.24-26)

⁴³«Ɔedœ ekpe ishiri kœgitœ ye pa uzu, tshe sœ kœkɔrɔ na tœnœ djezœ lœ kpagagasho mbœrœ kœpara osho kœsœ tœnœ. Ɔedœ tshe kœgbɔgbɔ osho kœsœ tœnœ nene,

⁴⁴tshe sœ kæpa adœke: “Mœ kwatœ mœ ga lœ anda nœ mœ á mœ wuta lœ nœ.” Kashe lœkœ á tshe kœkwatœ ye yé á wu adœke uzu gugu lœ andanœ nene, endje ngbœ tshelœncœ œ guma œrcœ tshelœncœ dœ awanœ,

⁴⁵tshe na œ e anga angbi aekpe ishiri mindu dœ bisha (7) á endje sœ tœ ekpenœ kœrosœ ye. Tshe gu dœ endje awa bale œ li ga scœndanœ yé œ gumatœ endje kpœtœmœ. Ataa, oyo á uzunœ asœmœ œ kpa wu œ ropa œneke má utshunœ. Cœ sœ ndje awa bale ataa mbœrcœ aekpe azu nœ tshakpesheke.»

Adja ayi Yisu œdœ pe adja aayanœ

(Wu ba tœ Mar 3.31-35; Luk 8.19-21)

⁴⁶Lœndœ á Yisu sœpe lima kæpa o'o fœ ukpulu azu atake, ayinœ œdœ pe aayanœ yi kumu endje. Endje ka lima ba ushu yé œ sœ kæpara awa kæpa o'o dœ she.

⁴⁷Yé anga uzu bale kæpa fœ Yisu adœke: «Ayi zœ œdœ aaya ka ba ushu œ yindœ kæpa o'o dœ bœ.»

⁴⁸Yisu kœgi fœ uzunœ asœmœ adœke: «Cœdœ dá dœ ayi mœ a? Cœdœ dá dœ aaya mœ a?»

⁴⁹Yé tshe yisœ ayambarœ nœ ye dœ kane ye, œ pa adœke: «'E Wu ayi mœ œdœ aaya mœ, endje dá sœ ati asœke.

⁵⁰Gbambanœ nene, uzu á tshe sœ kœmbœrcœ œneke á Aba mœ á tshe sœ ba lafo yindœ nœ, œshe kœdœ aya mœ, yingœ mœ too ayi mœ.»

Matie 13

Ndœma toro tœ upu nœ ayi kœlu ngwarœ

(Wu ba tœ Mar 4.1-9; Luk 8.4-8)

¹Dœ lœkœncœ asœmœ, Yisu wuta lœ anda œ na kœsœ ga ati ba tœ mangu egerœ ungu adanga.

²Ukpulu azu ngbœtœ endje dje indiri ye á tshe œ ga lœ egerœ agba yé á sœ ga ati. Ukpulu azunœ ka lima ba tœ mangunœ.

³Tshe sœ lima kæpa o'o ndjoro lœ ndœma toro, yé œ pa lima fœ endje adœke: «œlœ bale, anga uzu na lima ga lœ kindi nœ ye mbœrcœ kœlu indji ngwarœ.

⁴Bata á tshe sœ lima kœlu indji ngwarœncœ, anganœ yo ga tœ ama awa, ayanu wu œ de ye.

⁵Anganœ yo lima ga lœ oporo badja ba tœ osho á œshœ scœsœ ndjoro tœncœ nene. Indji ngwarœncœ ko lima katsha mbœrcœ embe œshœncœ lili lima nene.

⁶Lœkœ á œlœ tœ dœ œgbœ, ungbu ngwarœncœ kœkœ œ œrcœ ye; gbambanœ nene, œshœncœ lili waa ga lœ œshœ nene.

⁷Anga indji ngwarœnœ yo ga læ ɔyo ishi. ɔyo ishinœ gboro yé œ napa ungbu ngwarœnœ, awa kœgerœ tœnœ gugu nene.

⁸Kashe anga indji ngwarœ kpa yo ga læ ɔtshɔ ɔshɔ, yé œ zu ɔtshɔ elenœ: Bale le kama, anganœ le zazu votɔ (60) yé anganœ le ndje zazu bale dœ ndjokpa (30).»

⁹Yé Yisu kœpa adœke: «œdœ 'e kœsœ dœ utu, kaka 'e dji!»

Mbœrœ gade á Yisu sœ kœyisœ œrœ læ ndœma toro a?

(Wu ba tœ Mar 4.10-12; Luk 8.9-10)

¹⁰Ayambarœ gitœ endje ndoo dœ she, œ yu she adœke: «Mbœrœ gade á bœ sœ kœpa o'o læ ndœma toro a?»

¹¹Tshe gi fœ endje adœke: «Tœ e'e, 'e li œnœ 'e kœwusœ o'o nœ ádá Ogo gbozu nœ tshalafo á zatœ endje yiwa tœnœ ye, kashe anga azu, endje lili kœwusœ nœ nene.

¹²Gbambanœ nene, uzu á tshe sœ dœ œrœ, endje kpa ko anganœ ga pa nœ yé œ ngba tœ ye waa. Kashe tsheneke á tshe kœgugu dœ œrœ nene, endje kpa ko œneke teasho á tshe sœ dœ tœnœ, tœ ye yé.

¹³'E wu ádánœ á mœ sœ kœpa o'o fœ endje læ ndœma toro mbœrœ endje sœ kœwu œrœ kashe endje sœsœ kœwu tœnœ nene, yé endje sœ kœdji o'o kashe endje sœsœ kœdji tœnœ œdœ kœdji tshelœ katanœ kpœrœ nene.

¹⁴Atamœ, œ mbœrœtœ ye lindœ kœgbara o'o nœ Isaya, á tshe pa adœke: “E dji o'o waa kashe 'e dji tshelœ katanœ nene, 'e wu œrœ waa kashe 'e wu nene.

¹⁵Gbambanœ nene, lœsu azu asœke wuta dœ ɔgbɔnœ adœke; endje be utu endje ga tœnœ, endje be ala endje ga tœnœ mbœrœ á ala endje wuwu osho nene, mbœrœ á utu endje djidji o'o nene, mbœrœ á lœsu endje zaza ádánœ kpœrœ nene yé ataa endje kpa kwa ga ndœ mœ nene mbœrœ á mœ kœshe endje.”

¹⁶«Tœ e'e nœ 'e, 'e sœ œnœ 'e dœ yanga gbambanœ nene, ala 'e sœ kœwu osho zœ, yé utu 'e sœ kœdji o'o zœ.

¹⁷Mœ sœ kœmɪndœ nœ dœ adjapu adœke, aayi kœgbara o'o ndjoro œdœ azu á endje sœ ndjii gbe ndœ kœwu œneke á 'e sœ kœwu tœnœ, kashe endje wuwu nene. Endje gbe ndje kœdji œneke á 'e sœ kœdji tœnœ, kashe endje djidji nene.»

Ádá ndœma toro nœ ayi kœlu ngwarœ

(Wu ba tœ Mar 4.13-20; Luk 8.11-15)

¹⁸«E'e, 'e dji ádá ndœma toro nœ ayi kœlu ngwarœnœ kane.

¹⁹Azu á endje pandœ ogo gbozu fœ endje yé á endje sœsœ kœdji tshelœ katanœ nene, endje læ bata ama awa á indji ngwarœ yo ga tœnœ: Satana na œ kakara œneke á endje lu ga tœ lœsu endje ye.

²⁰Anga azu sœ bata ɔshɔ lœ oporo badja á indji ngwarœ yo ga lœncœ: Endje sœ kœdji o'o yé œ sœ kœyindœ nœ katsha dœ yanga.

²¹Kashe œshe endje gugu nene. Endje yindœ nœ kolœ kwata œndœ nœ œ di nene, lœkɔ á endje kœtetœ kœwu oyo too endje kœsœ kœmbœrcœ œrcœ kanga fœ endje lœ kumu o'o ama Ndjaba, endje ka ngbirɪ lœ kœyindœrcœ nœ endje nene.

²²Anga endje sœ bata indji ngwarœ á yo ba ugurutœ ɔɔ ishi. Endje dji o'o ama Ndjaba kashe ogo œrcœ tshapashɔ œdœ yanga kœgbo œrcœ ndjoro á sœ kœfara azu, œ na pa o'onœ yé œ zuzu elencœ nene.

²³Anga azu sœ bata indji ngwarœ a yo ga lœ ɔtshɔ ɔshɔ. Endje sœ kœdji o'o ama Ndjaba yé œ sœ kœdji tshelœ katanœ. Ataa, endje sœ kœzu elencœ: Angancœ kama bale (100), angancœ zazu votɔ yé angancœ ndje zazu bale dœ ndjokpa.»

Ndœma toro tœ upu nœ ekpe gusu

²⁴Yisu kpa pa anga angbi ndœma toro fœ endje adœke: «Ogo gbozu nœ tshalafo sœ bata anga uzu bale á tshe lu ɔtshɔ ngwarœ ga lœ kindi nœ ye.

²⁵Dœ anga butshɔ bale, dœ lœndɔ á azu lo lima, anga yingba ye bale na, œ lu ekpe gusu ba uguru ble yé œ gu daye.

²⁶Lœkɔ á blencœ gerœ lima yé á tetœ kœle tœncœ, ekpe gusunœ wuta ndje.

²⁷Aayi akwa nœ ayengɔ kindincœ na œ pandœ nœ fœ she adœke: “Gbozu, bœ lu lima ɔtshɔ ngwarœ ga lœ kindi nœ zœ, yé ekpe gusunœ kpa to kpœta a?”

²⁸Tshe gi fœ endje adœke: “Anga yingba bale dá mbœrcœ œrcœncœ ascœmœ.” Yé aayi akwanœ kœyu she adœke: “Bœ yindœ nœ adœke, 'a na œ su ekpe gusunœ ye a?”

²⁹Tshe gi adœke: “Ë œ nene. Gbambancœ nene, œdœ 'e kœsœ kœsu tœncœ, œ mbœrcœ adœke 'e ngbɔba dœ blencœ œ su va 'e.

³⁰'E katœ nœ œ gerœ awa bale œrrr ga tœ kœgbo tœncœ, yé dœ lœkɔ kœkɔ tœncœ, mœ pa bala fœ aayi kœkɔ ngwarœ adœke: 'E su ekpe gusunœ utshuncœ œ i agbancœ dœ agbancœ mbœrcœ kœko va ga tœ owo. Manda nœ, 'e ko ble gu tœncœ ga la kogba nœ mœ.»

Ndœma toro tœ upu nœ ele mutarde

(Wu ba tœ Mar 4.30-32; Luk 13.18-19)

³¹Yisu kpa pandœ anga ndœma toro fœ endje adœke: «Ogo gbozu nœ tshalafo sœ bata ele ɔɔ á i'irincœ kœdœ mutarde á uzu œ za á lu ga lœ kindi nœ ye.

³²Ëtœncœ kœdœ leyɔ á sœ teasho lœ indji ngwarœ kɔ, kashe œ kœgerœ, œ ropa kako dœngɔ kɔ lœ kindi yé œ fa egerœ ɔɔ á ayanu sœ kœna kœmɔ koma endje ga lœ ganeancœ.»

Ndoema toro tœ upu nœ ɔyo kœsuku mapa

(Wu ba tœ Luk 13.20-21)

33Yisu kpa pa anga angbi ndœma toro fœ endje adœke: «Ogo gbozu nœ tshalafœ sœ bata ɔyo kœsuku mapa á anga yashe bale za, á djanga dœ kilo zuwa ble voto œerrr adœke zuwa blenœ suku.»

Ádá á Yisu sœ kœpa o'o lœ ndœma toro dœke

(Wu ba tœ Mar 4.33-34)

34Yisu pa o'onœ kœ asœmœ fœ ukpulu azu lœ ndœma toro. Tshe sœ lima kœpa o'o fœ endje kolœ lœ ndœma toro.

35Tshe mbœrœ lima ataa mbœrœ á o'o á ayi kœgbara o'o gbara lima kœmbœrœtœ endje. Tshe gbara lima adœke: «Mœ pa bala o'o lœ ndœma toro, mœ mindœ œrœ á zatœ ye yiwa tœnœ kœto ba tœ ali kœmbœrœ tshapashɔ.»

Yisu mindœ ádá ndœma toro nœ ekpe gusu

36Manda nœ, Yisu katœ ukpulu azunœ œ gu ga sœnda. Ayambarœ nœ ye na ndoo dœ she, yé œ yu she adœke: «Mindœ ádá ndœma toro nœ ekpe gusu á sœ ba lœ kindi fœ 'a kane.»

37Yisu gi fœ endje atake: «Uzu á tshe lu ɔtshɔ indji ngwarœ, œshe kœdœ Gbolo nœ uzu.

38Kindi kœdœ tshapashɔ. ɔtshɔ indji ngwarœ sœ kœma azu neke á endje zatœ endje ga tshakudu ogo gbozu. Ekpe gusu sœ kœma azu neke á endje sœ kœza awa ekperœ.

39Yingba á tshe lu ekpe gusu kœdœ djaboro. Kœgbɔ ngwarœ kœdœ kœka tshapashɔ; yé aayi kœkɔ ngwarœnœ kœdœ aandjelu.

40Awa bale mara á endje ngbɔba ekpe gusu ndœ kœsho tœnœ ba tœ ala owo, œ sœ ndje awa bale dœ lɔkɔ nœ kœka tshapashɔ.

41Gbolo nœ uzu œ vwa aandjelu nœ ye, endje gi azu kœ á endje sœ kœfa gbetshelœ nœ anga endje tœ kœyindœrœ œdœ pe azu á endje sœ kœmbœrœ ekperœ, ga ushu lœ Ogo gbozu nœ Ndjaba.

42Tshe ko endje va ga la owo; ba zœ endje ki dœ ngola endje ye yé œ zi tshelœ daji endje gbagbara gbagbara.

43Kashe endjeneke á endje zatœ endje fœ Ndjaba, endje tshi bata ishiri ɔlɔ ba lœ Ogo gbozu nœ Aba endje. Kaka uzu á tshe sœ dœ utu, tshe dji!»

Ayi kœgbœrœ œdœ ɔgbɔ œrœ tshelœgi

44«Ogo gbozu nœ tshalafœ sœ bata ɔtshœrœ nœ ngendja á zatœ endje yiwa tœnœ ba lœ kindi á uzu gbɔ yé á kpa za tshandœnœ yiwa tœnœ. Tshe sœ dœ

yanga kœerosœ noe, œ gu œ ka œerœ noe ye kœ á tshe sœ doe tœnoe yé á kwatœ ye á yœ kindinœ asœmœ.»

⁴⁵«Ogo gbozu noe tshalafo sœ bata ayi kœeka œerœ á tshe sœ kœpara œgbœ œerœ tshelœgi.

⁴⁶Lœkœ á tshe kœgbœ œerœnoe á œsœnoe li, tshe ka œerœ kœ á tshe sœ doe tœnoe yé œ yœ doe œgbœ œerœ tshelœginœ asœmœ ye.»

Ndœma toro tœ upu noe gbánda

⁴⁷«Ogo gbozu noe tshalafo kpa sœ bata gbánda á endje vwi ga la egerœ ungu adanga yé á sœ kœeko tshelœ aka ageatshalangu kœ.

⁴⁸Lœndo á kœesu kperœ, aayi kœpara ageatshalangu œ gbota ga tœ mangu, manda noe endje sœ ga ati mbœerœ kœeko ageatshalangunœ loœnoe. Endje kœ œtshœ endje ga lœ kingi yé œ kœ endjeneke á endje lili nene va e.

⁴⁹Bala kœeka ndje tshapashœ œ sœ ndje kolœ ataa: aandjelu œ na bala kœkurutshelœ aayi katshalœsu doe aayi œtshœ azu

⁵⁰mbœerœ kœeko endje va ga la owo. Ba zœ dá azu ndjoro œ ki yé á zi tshelœ daji endje gbagbara gbagbara.»

Tafo kœgbœrœ œdoe pe ongboronœ

⁵¹Yisu yu endje adœke: «'E wusœ ádá o'œnoe asœmœ kœ yé a?» Endje gi adœke: «Œ.»

⁵²Yé tshe kœpa fœ endje adœke: «Dœ tœnoe ataa, ayi kœyisœ awa akwa kœ á tshe te yambarœ noe Ogo gbozu noe tshalafo, tshe sœ bata anga ayengœ œerœ á tshe gbœ tafo œerœ œdoe pe ongboro œerœ lœ kœgbœrœ noe ye.»

Azu Nazarete gugu doe kœyindœerœ ga ndœ Yisu nene

(Wu ba tœ Mar 6.1-6; Luk 4.16-30)

⁵³Lœndo á Yisu pa o'o lœ ndœma toronœ asœmœ á ka, tshe katœ tshakpœtœmœ ti,

⁵⁴yé œ gu ga lakpi noe ye. Tshe tetœ kœyisœ œerœ neke á sœ ndjii ba lœ Sinagoga noe endje yé azu kœ á endje sœ lima kpœtœmœ, ki lima tœ œsœnoe. Endje pa lima adœke: «Tshe gbœ kœwusœtœ œdoe pe gbœgbœ noe kœembœerœ doe afánœ asœke kpœta a?

⁵⁵Œ dœdœé gbolo noe ayi kœguma mabaya dœke nene a? Ayinœ dœdœé Mareya nene a? Jake, Yozefu, Shimu œdoe pe Yuda kœdoe aaya noe nene a?

⁵⁶Yé ayingœnoe kœ sœsœ ba ugurutœ azœ nene a? Tshe gbœ gbœgbœnoe asœke kœ kpœta a?»

⁵⁷Yé œerœncœ ascœmœ mbœrœ lima adœke endje sœ dœ kœyindœrœ ga ndœ ye nene. Á Yisu kœpa fœ endje adœke: «Endje lisœ ayi kœgbara o'o tœ osho kœ, kashe ba lakpi nœ ye œedœ ba lœ bingi nœ ye, endje lisœ ye nene.»

⁵⁸Yisu mbœmbœrœ afá ba zœ ndjoro nene kolœ mangba kœtshapu kœyindœrœ nœ endje.

Matie 14

Kuzu Yowane ayi kœza batisimu

(Wu ba tœ Mar 6.14-29; Luk 9.7-9)

¹Dœ lœndœncœ ascœmœ, Erode á tshe dœ lima gbozu tshapa ogo Galilayi, djindœ œeneke kœ á Yisu mbœrœ

²yé œ pa fœ aayi akwa nœ ye adœke: «Yowane ayi kœza batisimu dœmœ! Œshe dá she lœ akuzu ascœmœ! Mbœrœ tœncœ ataa á tshe sœ dœ gbœgbœ ndœ kœfarœ ascœmœ.»

³Andaa, Erode za lima awa adœke endje za Yowane œ i she dœ djingiri, yé œ vwi she ga lœ anda kánga mangba Erodiade, awo ayancœ dœ Filipino.

⁴Gbambancœ nene, Yowane sœ lima kœpa fœ Erode adœke: «Œ lili adœke fœ za Erodiade tœ awo zœ nene!»

⁵Erode yi lima ndœ kœwo Yowane kashe awa Ayuda dá sœ lima kœza she. Gbambancœ nene, endje kœ, endje wu lima Yowane bata ayi kœgbara o'o tako.

⁶Ataa, dœ lœkœ angbo olo kœzu Erode, yawuru nœ Erodiade vitœ ye ba utshu azu á endje na ndœ angbonœ. Tshe za lima yanga fœ Erode tœpanœ kpuru,

⁷yé Erode dara ama ye adœke œne to œrœ kœ á tshe yu œne tœncœ fœ she ye.

⁸Tshe dji upu á ayincœ mi fœ she yé œ yœsho ndœ œrœ ba ndœ Erode adœke: «Za kumu Yowane ayi kœza batisimu ga lœ saani fœ mœ!»

⁹Oyo za gbozugo. Kashe kolœ mangba kœdarama ye á tshe dara ba utshu azu nœ ye á tshe e endje, tshe za awa adœke endje za tœncœ fœ she.

¹⁰Tshe vwa anga uzu bale adœke tshe na œ wa kumu Yowane ayi kœza batisimu ba lœ anda kánga.

¹¹Endje za kumu ye ga lœ saani gutœncœ, œ za fœ ovoro yawurunœ yé á tshe za fœ ayincœ.

¹²Ayambarœ nœ Yowane na œ za lima oko ye á shi. Manda nœ, endje na lima œ pandœ œeneke á mbœrœtœ endje ascœmœ fœ Yisu.

Yisu to kœzirœ fœ azu kutu mindu (5.000)

(Wu ba tœ Mar 6.30-44; Luk 9.10-17; Yow 6.1-14)

¹³Lɔkɔ á Yisu dji o'onœ asœmœ, tshe katœ tshakpœtœmœ ti yé œ ɔ ga lœ egerœ agba mboerœ kœro ga tœ osho á azu gugu tœnœ nene. Kashe ukpulu azu lakpi djezœ dji œsœnœ yé œ na manda ye.

¹⁴Lɔkɔ á Yisu wuta lœ egerœ agba, tshe wu ukpulu azu ndjoro, œ sœ dœ oyo tœ lœsu ye mboerœ endje yé œ tetœ kœshe agbakɪndi nœ endje.

¹⁵Dœ lɔndɔ á ɔlɔ te lima tœ kœdi tœnœ, ayambarœ nœ Yisu na ndoo dœ she œ pa adœke: «ɔlɔ di ye yé oshonœ asœke azu gugu tœnœ nene; gi ukpulu azunœ asœke dœ endje gu ga lakpi œ yɔ kœzirœ nœ endje.»

¹⁶Yisu gi fœ endje adœke: «Ádánœ adœke endje gu, gugu nene. 'E to kœzirœ fœ endje dœ tœ 'e!»

¹⁷Kashe endje pa fœ she adœke: «'A sœ kolœnœ kpœke dœ mapa mindu œdœ dœ ageatshalangu bisha.»

¹⁸Yisu kœpa fœ endje adœke: «'E ko rotoœnœ fœ mœ ga mœ.»

¹⁹Manda nœ, tshe pa fœ ukpulu azunœ adœke endje sœ ga ati ga pa gusu. Tshe ko mapa sœmœ mindu dœ ageatshalangu bisha œ ti ala ye ga lafo, yé œ donga Ndjaba. Tshe kavwa tshelœ mapa œ ko fœ ayambarœ nœ ye, á endje kurutshelœnœ tœ ukpulu azunœ.

²⁰Uzu dœ uzu zi œrrr kpœtœ ama ogo nœ ye. Ayambarœ ko udunœ á sœpe kperœ kperœ dœ kingi ndjokpa dœ bisha.

²¹Tœ kœdi ayashe dœ pe agbolo nene, azu á endje zi lima œrœnœ, sœ ga pa œrœ nœ ayakoshe kutu mindu (5.000).

Yisu na pa egerœ ungu adanga

(Wu ba tœ Mar 6.45-52; Yow 6.15-21)

²²Manda nœ atake, Yisu pa fœ ayambarœ nœ ye adœke endje ɔ ga lœ egerœ agba dœ œ zu ga itshi egerœ ungu adanga utshu œne. Andaa, tshe sœpe œnœ ye lima kœgi ukpulu azunœ ga manda endje.

²³Yé manda kœgi ukpulu azunœ asœmœ ga manda endje, tshe ɔ ba pa kaga mboerœ kœza avwala. Lɔkɔ á ɔlɔ di, tshe sœpe lima ba zœ kuti ye;

²⁴egerœ agba wuta lima lœ ingirɪnœ tœ ɔshɔ ye. Loko sœ lima kœyakpa egerœ agbanœ; gbambanœ nene, yugu sœ lima kœza gu tœnœ dja ga utshunœ.

²⁵Dœ ɔgbɔ butshɔ, Yisu na pa ɔkɔ ungu dœ ada ye ga ndœ ayambarœ nœ ye.

²⁶Lɔkɔ á endje wu lima she kœna pa ɔkɔ ungu atake, awa za endje yé endje pa adœke: «Asœke kœdœ ngandoro!» Yé endje ve rawa dœ awa kɔ.

²⁷Kashe ngbewo, Yisu kœpa fœ endje adœke: «'E sœ dœ gbɔgbɔ, œmœ dœmœ! Awa zaza 'e nene!»

²⁸Yé á Petro kœpa fœ she adœke: «Gbozu, œ kœdœ adja œbœ doemœ, za awa adœke mœ na pa ɔkɔ ungu ga ndœ zœ.»

²⁹Yisu gi fœ she adœke: «Na ga mœ zœ!» Petro kœjerœ lœ egerœ agba yé œ koetœtœ kœna pa ɔkɔ ungu na tœnœ ga ndœ Yisu.

³⁰Kashe lɔndɔ á tshe wu adœke yugu rosœ nœ ye, awa za she, tshe tetœ koenduru tœnœ ga la ungu yé œ ta rawa adœke: «Gbozu, she mœ kane!»

³¹Ngbewo Yisu kœyi kane ye á kœtepa ye, yé á kœpa fœ she adœke: «Uzu á tshe sœ dœ kœyindœrœ teasho! Mbœrœ gadœ á bœ sœ kœshara upu a?»

³²Endje ɔ bibisha ga lœ egerœ agba yé yugu katœ nœ ye.

³³Ayambarœ á endje sœ lima ba lœ egerœ agba, gote dœ matshukuda endje ga utshu Yisu yé œ pa adœke: «Adja œbœ kœdœ Gbolo nœ Ndjaba!»

Yisu she aayi koba ba lœ ogo Genazarete

(Wu ba tœ Mar 6.53-56)

³⁴Manda kœzu ungunœ, endje wuta ga lœ ogo Genazarete.

³⁵Azu oshonœ ascœmœ wu lima sœ Yisu ye, œ pandœ kœyikumu ye fœ azu dje lœ ogonœ kɔ, yé á endje ko aayi koba kɔ natœnœ fœ she.

³⁶Endje sœ lima kœditshelœma endje fœ she adœke tshe katœ amba ama yɔgbɔɔ lœba nœ ye fœ endje dœ endje goro. Yé endjeneke kɔ á endje sœ lima kœgoro tœnœ, she lima lœ koba nœ endje ye.

Matie 15

Yisu œdœ kœyisœrœ nœ alata

(Wu ba tœ Mar 7.1-13)

¹Afarisayi œdœ aayi kœyisœ awa akwa to ba lœ Yerusaleme œ na ga ndœ Yisu, yé œ yu she adœke:

²«Mbœrœ gadœ á ayambarœ nœ zœ sœsœ kœmbœrœtœ endje liaka o'o ama agbozu Ikrizia nene a? Gbambanœ nene, endje sœsœ kœdjutɔ kane endje utshu kœzœrœ nene.»

³Yisu gi fœ endje adœke: «Ka e'e a, mbœrœ gadœ á 'e zaza awa o'o nœ Ndjaba ga tœ akwa nene yé á sœ kœmbœrœtœ 'e lindœ o'o ama alata 'e a?»

⁴Gbambanœ nene, Ndjaba pa adœke: “Lɩ œsœ aba zœ dœ ayi zœ.” Tshe pa ndje adœke: “Tsheneke á tshe kœgu œsœ abanœ too œsœ ayinœ, tshe li kœgbo djofele nœ kuzu.”

⁵Kashe e'e, 'e sœ kœpa adœke uzu kœpa fœ abanœ too fœ ayinœ adœke: “Œrœ á mœ yi má ndœ kœto tœnœ fœ bœ kœdœ makabo á mœ gumasœ nœ fœ Ndjaba”,

⁶uzunœ asœmœ œ lisœ abanœ too ayinœ nene. Œtœnœ ataa á 'e za o'o ama Ndjaba vwi'i, yé á ga kolœ ndœ kœmbœrœ œrœ lindœ o'o ama aata 'e.

⁷Wulapatshɔ! Ayi kœgbara o'o Isaya gbara lima o'o dœ ɔtshɔnœ tœ upu nœ 'e lɔkɔ á tshe pa adœke:

⁸“Azu asœ sœ kœlisœ mœ kolœ lœ ama endje, kashe lœsu endje sœ zara tœ mœ.

⁹Kœdonga osho nœ endje sœ gbambanœ, gbambanœ nene, œrœ á endje sœ kœyisœ nœ kœdœ kolœ o'o á to lœ ama azu.”»

Œrœ á fa uzu tœ ayi uburu

(Wu ba tœ Mar 7.14-23)

¹⁰Manda nœ, Yisu e ukpulu azu yé œ pa fœ endje adœke: «'E dji yé œ wusœ œneke dœ ɔtshɔnœ kane:

¹¹Œ dœdœ œrœ á li ga lœ ama uzu dá fa she tœ ayi uburu nene. Kashe œneke á wuta lœ ama ye dá fa she tœ ayi uburu.»

¹²Ayambarœ nœ Yisu kœgitœ endje ga ndœ ye, yé á kœyu she adœke: «Bœ wusœ nœ adœke o'o zœ za ókó ga tœ lœsu Afarisayi i?»

¹³Tshe gi adœke: «ɔyɔ kɔ á dœdœ Aba mœ á tshe sœ ba lafo dá lu nene, endje sú ye.

¹⁴'E katœ endje ye: Endje kœdœ aayibula á endje sœ kœyisœ awa fœ aayibula anga endje. Andaa œdœ ayibula kœsœ kœyisœ awa fœ anga ayibula, endje yo kɔkɔ bibisha ga lœ kudu.»

¹⁵Petro za o'o œ pa fœ she adœke: «Mindœ ádá o'o nœ asœmœ fœ a'a kane.»

¹⁶Yisu kœgi adœke: «E'e ndje, 'e gugu damba dœ kœwusœrœ nene a?

¹⁷'E wuwusœ nœ adœke œrœ kɔ á li ga lœ ama uzu sœ kœli ga lœ ye, yé manda nœ á tshe nu ga lœ gbakoto nene a?

¹⁸Kashe œneke á wuta ba lœ ama uzu to ba lœsu, yé œtœnœ dá fa she tœ ayi uburu.

¹⁹Gbambanœ nene, gbetshelœ nœ kœmbœrœ ekperœ to ba tœ lœsu uzu, gbetshelœ бата: Kœwo azu, kœpara awo azu, kœmbœrœ angba budu, kœzi angba, kœpa ekpe o'o tœ upu nœ uzu dœ pe kœgu osho.

²⁰Œrœ á fa uzu tœ ayi uburu dœ mœ! Kashe utshu kœzi œrœ á bœ kœdjjudjuto kane zœ nene, œ fa bœ tœ ayi uburu nene.»

Kœyindœerœ nœ yashe Kanana

(Wu ba tœ Mar 7.24-30)

- ²¹Manda nœ, Yisu áalafo lakpĩnœ asœmœ, œ gitœ ye ga lœ ogo Tire dœ pe Sidona.
- ²²Anga yashe Kanana bale á tshe sœ lima koesœ kpoetœmœ na, yé œ tetœ kœtarawa adœke: «Wu oyo mœ, Gbozu, Gbolo nœ Davidi! Ekpe ishiri sœ kœendanga yawuru nœ mœ tœpanœ kpuru.»
- ²³Kashe Yisu gigi o'o bale fœ she nene. Ayambarœ nœ ye na á ki ga tœ ye adœke: «Gœrœ she ye, mbœerœ tshe sœ kœna manda azœ dœ rawa.»
- ²⁴Yisu kœgi adœke: «Endje vwa mœ kolœ fœ agbolo Israyele á endje sœ bata apata á endje yiwa.»
- ²⁵Kashe yashenœ asœmœ na œ gote ga utshu ye, yé œ pa adœke: «Gbozu, ti kane mœ ga lafo!»
- ²⁶Yisu gi adœke: «œ sœsœ dœ œtshœnœ kœko kizirœ nœ agbolo mbœerœ kœko tœnœ va fœ ayavoro nene.»
- ²⁷Yashenœ gi adœke: «Adjapu Gbozu, kashe ayavoro zi ndœma kœzirœ á yo tœ ama gbozu nœ endje ga tshakudu ndaba kizirœ.»
- ²⁸Yé Yisu gi fœ she adœke: «Yashe, kœyindœerœ nœ zœ gerœ waa! œ mbœerœtœ endje fœ bœ bata á bœ yindœ nœ.» Yé ngbewo, yawuru nœ ye kœshe pe dœ lœkœnœ asœmœ ye.

Yisu she azu indiri egerœ ungu adanga

(Wu ba tœ Mar 7.31)

- ²⁹Yisu wuta lœ ogonœ asœmœ yé œ ro ga tœ mangu egerœ ungu adanga lœ Galilayi. Tshe œ ga pa kaga yé œ sœ ga ati.
- ³⁰Azu ndjoro na ga ndœ ye. Endje na dœ azu á ada endje ndi, dœ aayibula, dœ aayi vwiriti, dœ aayi bitu, dœ pe anga aayi koba ndjoro. Endje katœ endje ga utshu Yisu, yé á tshe she endje.
- ³¹Azu katœ ama endje ti œœ lœkœ á endje wu aayi bitu kœpa o'o; dœ azu á endje ndi, kœshe tœnœ; dœ azu á ada endje ndi, kœna ana; dœ pe azu á ala endje bu, á tetœ kœwu osho. Yé á azu kœ donga mœkœ nœ Ndjaba nœ Israyele.

Yisu to kœzirœ fœ azu kutu vana

(Wu ba tœ Mar 8.1-10)

- ³²Yisu e ayambarœ nœ ye, œ pa fœ endje adœke: «Oyo azunœ asœ ka mœ waa, gbambanœ nene, endje mbœerœ olo votœ dœ mœ, yé endje gugu dœ kœzirœ nene. Mœ yiyindœ kœgi endje dœ ogo nene: Ete nene, endje mbombo tœ ala awa ye.»

³³Ayambarœ pa fœ she adœke: «A gbɔ má rœgo lœ kpagagashonœ asœke kpœta yeka á kœto fœ endje á endje kœzi, á kœle endje a?»

³⁴Yisu yu endje adœke: «'E sœ dœ mapa koto o?» Endje gi fœ she adœke: «Mindu dœ bisha dœ pe a'eara ageatshalangu teasho.»

³⁵Yé á tshe kœpa fœ ukpulu azunœ asœmœ adœke endje lœ ga tœ ɔshɔ.

³⁶Tshe ko mapa mindu dœ bisha dœ pe ageatshalangunœ œ donga Ndjaba, œ ko fœ ayambarœ, yé á ayambarœ kœkurutshelœ nœ tœ ukpulu azunœ.

³⁷Uzu dœ uzu zi œrrr œ le she kpœtœ ama ogo nœ ye. Ayambarœ rɔ ama udu rœgo á sœpe ga lœ kingi mindu dœ bisha (7).

³⁸Andaa, azu á endje zi lima œrœnœ sœ ayakoshe kutu vana, endje didi ayashe dœ agbolo nene.

³⁹Manda kœgi azu gangba endje, Yisu ɔ ga lœ egerœ agba yé œ ro ga lœ ogo Magadane.

Matie 16

Afarisayi œdœ Asadukayi yondœ ambára afá bale ba ndœ Yisu

(Wu ba tœ Mar 8.11-13; Luk 12.54-56)

¹Afarisayi dœ Asadukayi na ga ndœ Yisu œ tetœ kœgi uku ga tœ awa ye. Endje yu she adœke tshe ma anga ambára afá tœ kœma adœke œ to ba lafo.

²Yisu gi fœ endje adœke: «Dœ adila, 'e sœ kœpa adœke: “Yavuru œ ni nene, mbœrœ tshalafœ sœ tshee.”

³Yé pe dœ amazi tuu, 'e sœ kœpa adœke: “Kpesheke yavuru œ ni zœ, mbœrœ tshalafœ bu shoshoshô.” Ataa 'e wusœ kœpandœ mara á tshalafœ sœ dœ tœnœ ye, kashe 'e lili kœpandœ ambára nœ œrœ nœ tshakpesheke asœ nene.

⁴Azu nœ tshakpesheke á endje dœ aekpe azu yé á zatatœ endje fœ Ndjaba nene, sœ kœyondœ ambára! Kashe endje wu anga angbi ambára bale nene, kolœ œnœ Yona œ ka ye. Manda nœ, tshe katœ endje ti kpœtœmœ yé œ ro daye.»

Kœyisœrœ nœ Afarisayi œdœ Asadukayi

(Wu ba tœ Mar 8.14-21)

⁵Lɔkɔ kœzu ayambarœ ga itshi kota, œndœ kœko kœziœ djerœ endje ye.

⁶Yisu kœpa fœ endje adœke: «Ala 'e gbɔ dœ ɔyɔ kœsuku mapa nœ Afarisayi dœ pe Asadukayi kane.»

⁷Ayambarœnœ te lima tœ kœpa ugurutœ endje adœke: «Tshe sœ kœpa ataa mbœrœ á a nana dœ mapa nene.»

⁸Kashe Yisu wu lima sœ gbetshelœ nœ endje, yé œ pa fœ endje adœke: «E'e dœ azu á kœyindœrœ nœ 'e sœ teasho, mbœrœ gade á 'e sœ kœyutœ 'e ugurutœ 'e adœke 'e gugu dœ mapa nene a?

⁹œrrr kpesheke, 'e wuwu damba sœ œrœ nene a? œndœ mapa mindu á 'e kurutshelœ nœ tœ azu kutu mindu (5.000) œdœ kingi kotoo á 'e ko lima dœ udunœ, djerœ 'e ye a?

¹⁰œndœ mapa mindu dœ bisha (7) á 'e kuru lima tshelœ nœ tœ azu kutu vana œdœ kingi kotoo á 'e ko lima dœ udunœ, djerœ 'e ye a?

¹¹Mbœrœ gade á 'e wuwusœ nœ adœke mœ sœsœ lima kœpa o'o tœ mapa fœ 'e nene lœkœ á mœ sœ lima kœpa fœ 'e adœke: Ala 'e gbœ tœ œyœ kœsuku mapa nœ Afarisayi dœ Asadukayi a?»

¹²Yé á ayambarœnœ kœwusœ nœ adœke tshe papa o'o tœ upu nœ kœsœ dœ gbœdjela tœ œyœ kœsuku mapa nene, kashe tshe pa tœ kœyisœrœ nœ Afarisayi dœ pe Asadukayi.

Petro mindœ nœ adœke Yisu kœdœ Kristu

(Wu ba tœ Mar 8.27-30; Luk 9.18-21)

¹³Lœkœ á Yisu yi kumu ye ga lœ ogo Sezaré, ogo gbozu Filipino, tshe yu ayambarœ nœ ye adœke: «Azu sœ kœpa má kotoo tœ upu nœ Gbolo nœ uzu a?»

¹⁴Endje gi adœke: «Anga azu sœ kœpa adœke, œbœ kœdœ Yowane ayi kœza batisimu; anga endje sœ kœpa ndje adœke œbœ kœdœ Eliya; yé anga endje kpa sœ kœ pa œnœ endje adœke, œbœ kœdœ Yilimiya too anga ayi kœgbara o'o ugurutœ aayi kœgbara o'o liya.»

¹⁵Yé Yisu kœyu endje adœke: «Yé ka e'e a, 'e sœ kœpa má œnœ 'e adœke œmœ kœdœ dœ?»

¹⁶Shimu Petro za o'o yé á gi adœke: «œbœ kœdœ Kristu, Gbolo nœ Ndjaba nœ soro.»

¹⁷Yisu kœpa fœ she adœke: «Yanga nœ zœ, Shimu gbolo nœ Yona, mbœrœ œ dœdœ œkœ dœ indji dá pandœ o'o asœ fœ bœ nene, kashe Aba mœ á tshe sœ ba lafo dá pandœ nœ.

¹⁸Yé œmœ, mœ sœ kœpandœ nœ fœ bœ adœke œbœ kœdœ Badja, ga pa badjanœ asœmœ dá mœ mœ bala Ikrizia nœ mœ, yé kuzu œ sœ bala dœ gbœgbo ga pa Ikrizianœ nene.

¹⁹Mœ za bala herela nœ Ogo gbozu nœ tshalafo fœ bœ; œrœ kœ á bœ i ga tœnœ ba pa œshœ, Ndjaba œ i ndje ga tœnœ ba lafo; œrœ kœ á bœ vwara tshelœnœ ba pa œshœ, Ndjaba œ vwara ndje tshelœnœ ba lafo.»

²⁰Manda nœ, Yisu kœkɔ lima ayambarœ nœ ye dœ ɔgbɔ adœke endje papandœ nœ fœ uzu bale adœke œne kœdœ Kristu nene.

Yisu pandœ o'o kuzu dœ pe kœshe nœ ye

(Wu ba tœ Mar 8.31–9.1; Luk 9.22-27)

²¹Kœto kpœtœ lɔkɔnœ asœmœ, Yisu Kristu tetœ kœpandœ nœ fœ ayambarœ nœ ye adœke: «œ li adœke mœ ro ga lœ Yerusalemœ yé œ wu œrœ kanga waa tshakane agbozu Ikrizia, agbozu tshapa anganga Ndjaba ndje dœ aayi kœyisœ awa akwa yekane. Endje wo mœ, yé manda olo votɔ, Ndjaba œ she mœ lœ akuzu.»

²²Yé Petro gi she ga indirinœ yé œ tetœ kœgbagbara she adœke: «Gbozu, Ndjaba œ gbɔndœ zœ lœnœ ye! œrœ ataa œ wuta ga tœ zœ nene.»

²³Kashe Yisu fatœ yé œ pa fœ Petro adœke: «Gitœ zœ tœ mœ, Satana! œbœ kœdœ uzu nœ kœza o'o ga pa mœ adœke mœ te. Gbetshelœ nœ zœ lili dœ œnœ Ndjaba bale nene, kashe œ li dœ œnœ azu.»

²⁴Manda nœ, Yisu pa fœ ayambarœ nœ ye adœke: «œdœ uzu kœyindœ kœna manda mœ, œ li adœke tshe vwaratœ ye tœ undu ye dœ tœ ye, œ za kurushi nœ ye yeka á kœna manda mœ.

²⁵Gbambanœ nene, uzu kɔ á tshe sœ dœ ogo kœsœ dœ soro œ tshu ye; kashe tsheneke á tshe tshu mbœrœ mœ, œshe dá sœ dœ soro.

²⁶Ataa uzu kœgbɔ œrœ tshapashɔ asœke kɔ gbaa, œ sœ dœ she kotoo b̄ata á soro ye ndi a? œrœ gade dá tshe ka á kpa yɔ dœ soro ye a?

²⁷Gbolo nœ uzu œ kwa bala tœ ye awa bale dœ aandjelu nœ ye lœ mokɔ nœ Abanœ, yé tshe gi bala fœ uzu dœ uzu liaka akwa tshelœ ye.

²⁸Mœ sœ kœpa fœ 'e dœ adjapu adœke, ugurutœ 'e á 'e sœ asœ, anga 'e œ tshu nene utshu kœwu Gbolo nœ uzu kœna b̄ata gbozugo.»

Matie 17

Yisu fatœ ye dœ ala ayambarœ nœ ye

(Wu ba tœ Mar 9.2-13; Luk 9.28-36)

¹Manda olo mindu dœ bale, Yisu za Petro, Jake œdœ pe ayanœ dœ Yowane po tœ ye, œ gitœ ye dœ endje ga indirinœ ga pa egerœ kaga.

²Tshe fatœ ye dœ ala endje; tshatshu ye tetœ kœtshi tœnœ b̄ata ɔlɔ, lœba ye wuta tœ imbinœ urrr b̄ata ishiri osho.

³Ngbewo, Eliya œdœ Moyize wuta ga utshu endje, yé œ sœ kœpa tshama endje dœ Yisu.

⁴Petro pa fœ Yisu adœke: «Gbozu, œ sœ dœ ɔtshɔnœ adœke a lœ kpœke. Œdœ bœ kœyindœ nœ, mœ mɔ anda tande votɔ: Bale fœ bœ, bale fœ Moyize œdœ bale ndje fœ Eliya.»

⁵Tshe sœpe damba kœpa 'o atake, trale ondro jerœ ga pa endje, yé anga tshama wu ba lœncœ adœke: «Tsheneke kœdœ Gbolo nœ mœ á mœ yindœ ye waa, mœ za yanga nœ mœ djigi ga ndœ ye. 'E dji she!»

⁶Lɔkɔ á ayambarœ dji tshamancœ asœmœ ataa, awa litœ endje kpakpakpa yé endje yo ga ati œ fa tshatshu endje ga tœ ɔshɔ.

⁷Yisu na ndoo dœ endje œ turutœ endje yé á pa adœke: «'E alafo, 'e sœsœ dœ awa nene.»

⁸Kœmesho ga lafo atake, endje wu kolœ Yisu kuti ye.

⁹Bata endje sœ lima kœjerœ kaga, Yisu kɔ endje adœke: «'E papandœ œrœ kɔ á 'e wu asœke fœ uzu bale nene, œerrr ga tœ adœke Gbolo nœ uzu she lœ akuzu yekane.»

¹⁰Yé ayambarœ nœ ye yu she adœke: «Mbœrœ gadœ á ayi kœyisœ awa akwa pa lima adœke Eliya œ na utshuncœ yekane a?»

¹¹Tshe gi fœ endje adœke: «Adjapu, Eliya œ na utshuncœ mbœrœ kœguma œrœ kɔkɔ.

¹²Kashe mœ sœ kœpa fœ 'e adœke: Eliya na ba lima ye, yé azu yiyindœ ye nene, kashe endje mbœrœ fœ she œneke kɔ á endje yi lima ndœ nœ. Awa bale ndje endje mbœrœ œrœ kanga fœ Gbolo nœ uzu.»

¹³Yé á ayambarœ nœ ye kœwusœ nœ adœke, tshe sœ lima kœpa o'onœ fœ œne tœ Yowane ayi kœza batisimu.

Yisu she gbolo á tshe sœ dœ ekpe ishiri

(Wu ba tœ Mar 9.14-29; Luk 9.37-43a)

¹⁴Lɔkɔ á endje wuta lima ndoo dœ ukpulu azu, anga yakoshe bale na ga ndœ Yisu, œ gote dœ matshukuda ye ga utshu ye á pa adœke:

¹⁵«Gbozu, wu oyo gbolo yakoshe nœ mœ. Tshe sœ dœ koba ɔkɔ á sœ ndœ kœka she waa, œ geta she kpala kpala ga tawo too ga langu.

¹⁶Mœ na dœ she fœ ayambarœ nœ zœ, kashe endje lili tœ kœshe she nene.»

¹⁷Yisu kœpa adœke: «E'e kœdœ aekpe azu, yé 'e gugu dœ kœyindœrœ nene! Mœ kpa sœpe dœ 'e œerrr manda olo koto yekane a? Mœ kpa ru lœsu mœ mbœrœ 'e manda olo koto o? 'E na dœ gboloncœ fœ mœ ga mœ.»

¹⁸Yisu nga fœ ekpe ishiriñœ; tshe wuta lœ gboloncœ yé á tshe kœshe pe dœ lœndœncœ asœmœ ye.

¹⁹Ayambarœ gitœ endje ndoo dœ Yisu, yé á yu she yaa adœke: «Yé ká a'a, mbœrœ gadœ á 'a lili má œnœ 'a kœgɔɔ ekpe ishirinœ nene a?»

²⁰Yisu pa fœ endje adœke: «Mbœrœ kœyindœrœ nœ 'e sœ teasho. Mœ sœ kœpa tœnœ fœ 'e dœ adjapu, œdœ anga ɔɔ bale 'e kœsœ dœ kœyindœrœ á sœ dœ egerœnœ bata ele ɔɔ á i'irinœ kœdœ mutarde, 'e pa fœ kaga asœke adœke: “Aafo kpœke œ tɔ ba e”, kaga œ mbœrœtœ ye liakanœ ye. Œrœ bale á sœ dœ sharapu ba ndœ 'e œ gugu nene.

[²¹Kashe kolœ lœ awa nœ avwala œdœ lœ œnœ kœyotshelœma dá endje li kœgɔɔ dœ mara ekpe ishirinœ asœke.]»

Yisu kpa pa o'o kuzu œdœ kœshe nœ ye

(Wu ba tœ Mar 9.30-32; Luk 9.43b-45)

²²Anga ɔɔ bale, ayambarœ ngbɔba lima tœ endje ba lœ ogo Galilayi, Yisu pa fœ endje adœke: «Endje ka Gbolo nœ uzu ga tshaabrœ azu;

²³endje wo she yé manda olo votɔ, Ndjaba œ she she lœ akuzu.» Ayambarœ nœ ye sœ lima dœ oyo waa.

Yisu dœ Petro yɔ lapo

²⁴ɔɔ á endje li ga lœ Kaparnawumu, azu á endje ka lapo ba lœ Tepelo na ga ndœ Petro, yé á pa fœ she adœke: «Gbozu nœ 'e œ yɔ lapo nœ Tepelo nene a?»

²⁵Petro gi adœke: «Œ, tshe yɔ ye.» ɔɔ á Petro yi kumu ye ga sœnda, Yisu yu she adœke: «Gbetshelœ nœ zœ kœdœ gadœ Shimu? Adœ dá yɔ walaka lapo nœ agbozugo nœ tshapashɔ a? Agbolo nœ endje too anga angbi azu?»

²⁶Petro gi adœke: «Angbi azu.» Yé Yisu kœpa fœ she adœke: «Agbolo nœ endje yɔyɔ ka nene.

²⁷Kashe a yɔ œnœ azœ ye, mbœrœ á kœzaza ókó fœ azunœ asœ nene. Mbœrœ tœnœ, na ga la kota œ vwi ngada; ali ageatshalangu á bœ djo she, a tshelœma ye, bœ gbɔ langere ngendja lœnœ. Za œ gu dœ tœnœ, œ za fœ endje mbœrœ mœ œdœ pe bœ.»

Matie 18

Uzu á tshe ropa azu kɔ ba lœ Ogo gbozu nœ tshalafɔ

(Wu ba tœ Mar 9.33-37; Luk 9.46-48)

¹Dœ lœndœnœ asœmœ, ayambarœ nœ Yisu gitœ endje ga indiri ye, yé á pa fœ she adœke: «Œdœ dá ropa azu kɔ ba lœ Ogo gbozu nœ tshalafɔ a?»

²Yisu e anga gbolo œ za she tɔ ga ugurutœ endje

³yé œ pa adœke: «Mœ sœ kæpa fœ 'e dœ adjapu adœke, œdœ 'e kœyayapatœ 'e yé á sœ bata aya agbolo nene, 'e li bala ga lœ Ogo gbozu nœ tshalafo nene.

⁴Ataa, tsheneke á tshe mbœrœtœ ye bata aya gbolonœ asœ, œshe dá ropa azu kœ ba lœ Ogo gbozu nœ tshalafo.

⁵Uzu á tshe za osho kœsœ fœ gbolo lœ i'iri mœ bata tsheneke asœ, za osho kœsœ fœ mœ dœ tœ mœ ye.

Ɔgbo kœmi upu

(Wu ba tœ Mar 9.42-48; Luk 17.1-2)

⁶«Kashe uzu á tshe mbœrœ adœke anga aya gbolo bale ugurutœ agbolo asœke á endje sœ dœ kœyindœrœ ga ndœ mœ, li ga lœ ekperœ, œ li adœke endje du egerœ badja ga lœ igi ye, œ na dœ œ geta she ga la egerœ ungu.

⁷Oyo nœ azu tshapashœ á endje sœ kœmbœrœ adœke azu li ga lœ ekperœ! Œ li adœke œrœ ataa mbœrœtœ endje, kashe oyo nœ uzu neke á yanganœ œ te mbœrœ she.

⁸Œdœ kane zœ too ada zœ dá sœ kœmbœrœ adœke bœ te, wa œ ko va e zara tœ zœ; œ li dœ Ɔtshœnœ mbœrœ bœ adœke bœ li ga lœ adja soro dœ kane zœ bale too dœ ada zœ bale, tœ œsœnœ adœke bœ sœpe dœ kane zœ bibisha œdœ pe ada zœ bibisha yé endje vwi bœ ga lœ kudu owo á ru nene.

⁹Yé œdœ ala zœ kœvwa bœ ndœ ekperœ, vwata yé œ za vwi'i zara tœ zœ, œ li dœ Ɔtshœnœ mbœrœ bœ adœke bœ li ga lœ adja soro dœ ala zœ bale, tœ œsœnœ adœke bœ sœpe dœ ala zœ bibisha yé endje vwi bœ ga lœ kudu owo nœ lifelo.»

¹⁰«Ala 'e gbœ adœke 'e kœgugu œsœ anga gbolo bale ugurutœ aya agbolo asœke nene. Gbambanœ nene, mœ sœ kæpa fœ 'e, aandjelu nœ endje sœ Ɔlœ dœ Ɔlœ indiri Aba mœ á tshe sœ ba lafo.

[¹¹Gbambanœ nene, Gbolo nœ uzu na ndœ kœshe azu á endje sœ lima lœ djingili.]

Pata á tshe yiwa

(Wu ba tœ Luk 15.3-7)

¹²«'E gbe œnœ 'e koto o? Œdœ anga uzu kœsœ dœ apata kama bale (100), yé anga bale lœ ugurutœ endje kœyiwa, ataa tshe katœ udu endje zazu vana dœ ndjokpa dœ minu dœ amanœ vana (99) ba pa kaga, ndœ kœna kœpara tsheneke tshebale á tshe yiwa asœmœ nene a?

¹³Œ kœsœ adœke tshe gbœ she, mœ sœ kæpa fœ 'e dœ adjapu adœke, tshe sœ dœ yanga ye kœropa udu endje zazu vana dœ ndjokpa dœ minu dœ amanœ vana (99) á endje yiyiwa nene asœmœ.

14 Awa bale, Aba 'e á tshe sœ ba lafo asœmœ, yiyindœ nœ adœke anga gbolo bale ugurutœ aya agbolonœ asœmœ yiwa nene.»

Kœgi aya zœ á tshe sœ lœ djingili ga tœ ɔtshɔ awa

15 «œdœ anga aya zœ kœmbœrœ ekperœ ga tœ zœ, na ga ndœ ye kutu zœ œ gbagbara she tœ ekperœ á tshe mbœrœ, œdœ tshe kœdji bœ, dá tshe kpa wuta aya zœ.

16 œdœ tshe kœdjidji bœ nene, kpa za anga uzu bale too bisha ga ndœ zœ yeka á 'e kœwa o'onœ “mbœrœ œ li adœke atimu bisha too votɔ yindœ o'onœ yekane.”

17 œdœ tshe kœvwaratœ ye ndœ kœdji endje, pandœ nœ ga lœ Ikrizia, yé tshe kœdjidji ndje azu Ikrizia nene, za she b̄ata angbi uzu too b̄ata ayi kœeka lapo.

18 «Mœ sœ kœpa fœ 'e dœ adjapu adœke: œrœ kɔ á 'e i ga tœnœ pa ɔshɔ asœ, endje i ndje ga tœnœ ba lafo; yé œrœ kɔ á 'e vvara tshelœ nœ pa ɔshɔ asœ, endje vvara ndje tshelœ nœ ba lafo.

19 «Mœ kpa sœ kœpa fœ 'e dœ adjapu adœke, œdœ azu bisha ugurutœ 'e pa ɔshɔ kœpa upu ama endje bale ndœ kœyɔndœ œrœ gade, Aba mœ b̄a lafo œ to œrœnœ asœmœ fœ endje ye.

20 Gbambanœ nene, osho á azu bisha too votɔ œ ngbɔtœ endje ga tœnœ dœ i'iri mœ, mœ sœ ugurutœ endje zœ.»

Ayi akwa á tshe vwaratœ ye Kœdjœrœndœ ekperœ nœ ayanœ

21 Ataa, á Petro na ga ndœ ye á yu she adœke: «Gbozu, œdœ aya mœ kœmbœrœ ekperœ fœ mœ, mœ djœrœndœ ekperœnœ awa kotoo? œerrr ga tœ awa minu dœ bisha a (7)?»

22 Yisu kœgi fœ she adœke: «Mœ papa fœ bœ adœke awa minu dœ bisha nene, kashe œerrr ga tœ awa zazu votɔ dœ ndjokpa awa minu dœ bisha.

23 Ogo gbozu nœ tshalafo œ sœ bala kolœnœ ataa: œ sœ b̄ata anga gbozugo bale á tshe yi lima ndœ kœtœndœ o'o tœ upu nœ kud̄a nœ ye dœ aayi akwa nœ ye.

24 Tœ ali nœ, endje na dœ anga ayi akwa á tshe sœ dœ kud̄a nœ ye tɔpanœ kpuru fœ she.

25 Bata á tshe sœsœ lima dœ œrœ bale ndœ kœgi tœnœ nene, gbozunœ za awa adœke endje za she yɔ œrœ dœ awonœ, agbolo nœ ye, œdœ ndje pe dœ œrœ kɔ á tshe sœ dœ tœnœ lœ okoro kud̄a nœ ye.

26 Ayi akwanœ gote ga tœ ada ye, œ di tshelœma ye fœ she adœke: “Gbozu, sœ dœ ugu l̄osu ga ndœ mœ, yé mœ gi fœ bœ para zœ.”

- ²⁷Oyo za gbozu nœ ayi akwanœ, tshe katœ ye adœeke tshe gu zœ yé œ katœ kudã nœ ye lœ kumu ye ti ye.
- ²⁸«Kœwuta ayi akwa ascœmœ atake, tshe togba dœ anga yanganœ á tshe sœ dœ kudã nœ ye teasho lœ kumu ye; tshe za ɔngɔɔ yanganœ kperœ ndœ kœwo she dœ kœpa fœ she adœeke: “Gi kudã nœ mœ fœ mœ.”
- ²⁹Ayi akwa nganœ sœmœ kœgote ga tœ ada ye, yé œ di tshelœma ye fœ she dœ kœpa adœeke: “Sœ dœ ugu lœsu ga ndœ mœ, mœ gi fœ bœ zœ.”
- ³⁰Kashe tshe vwaratœ ye, yé ga pa nœ tshe na dœ she œ za she vwi ga lœ anda kãnga ndœ kœkate adœeke tshe gi kudã nœ œne yekane.
- ³¹Kœwu œrœ á tshe mbœrœ ascœmœ ataa, œ za oyo tœ lœsu aayi akwa anganœ, yé endje na œ pandœ œrœ kɔ á ro ascœmœ fœ gbozu nœ endje.
- ³²Yé gbozu e she, á pa fœ she adœeke: “Ekpe ayi akwa, mœ katœ kudã nœ mœ lœ kumu zœ ti kɔ mbœrœ á bœ ditshelœma zœ fœ mœ.
- ³³œbœ ndje, bœ lili má ndœ kœwu oyo ayi akwa nga zœ bata á œmœ dœ tœmœ mœ wu oyo zœ nene a?”
- ³⁴Oko za gbozu, tshe za she vwi ga lœ anda kãnga ndœ kœkate ndje adœeke tshe kœgi kudã nœ œne kɔ fœ œne yekane.»
- ³⁵«Ataa, Aba mœ ba lafo œ mbœrœ bala mara œrœnœ ascœmœ fœ 'e, œdœ uzu dœ uzu ugurutœ 'e kœdjedjœndœ ekperœ nœ ayanœ dœ lœsu ye bale nene.»

Matie 19

Kœyisœrœ tœ upu nœ kœndjɔtshelœ totœ œdœ kœsœ angara

(Wu ba tœ Mar 10.1-12)

- ¹ɔlɔ á Yisu katœ kœmɔndœ upu ascœmœ, tshe gitœ ye lœ Galilayi ndœ kœro ga lœ ogo Yuda ba kele ungu Yɔrdane.
- ²Azu ndjoro na manda ye, yé ba zœ tshe sœ kœshe endje.
- ³Anga Afarisayi na ga ndœ ye dœ gbetshelœ nœ kœgi uku ga tœ awa ye, yé á yu she adœeke: «œ li dœ yakoshe kovwaratœ ye tœ awonœ lœ upu kɔ a?»
- ⁴Tshe gi fœ endje adœeke: «'E didi lima œneke á endje sú ba la buku nœ Ndjaba adœeke, lœ kœmbœrœ œrœ ga pa ɔshɔ asœeke, Ndjaba mbœrœ lima yakoshe œdœ yashe nene a?»
- ⁵Manda nœ, tshe pa adœeke: Mbœrœ tœnœ ataa á yakoshe œ katœ abanœ dœ ayinœ ti, á sœ ga tœ œsœnœ dœ awonœ, yeka á endje bisha œ wuta undu uzu tshebale.

⁶Ataa, endje kpa sœsœ azu bisha nene kashe undu uzu tshebale. Kaka adœke uzu ndjɔndjɔ tshelœ œeneke á Ndjaba ngbɔba ga tœ nœ nene.»

⁷Endje pa fœ she adœke: «Mbœrœ gafe á Moyize za lima awa adœke yakoshe su mbeti kœkurutshelœ totœ ga tshakane yashe lɔkɔ á tshe kœkatœ ye ti a?»

⁸Yisu gi fœ endje adœke: «Moyize za lima awa ndœ kœkatœ awo 'e ti mbœrœ agbɔ lɔsu nœ 'e, kashe utshunœ œ sœsœ lima ataa nene.

⁹Mœ sœ kœpandœ nœ fœ 'e adœke, œdœ uzu kœkatœ awonœ ti, á kœdœdœ tœ upu nœ angba budu nene, á tshe kpa to anga angbi yashe, tshe sœ kœpara awo uzu.»

¹⁰Ayambarœ kœpa fœ she adœke: «œdœ upu nœ kœtotœsho nœ yakoshe dœ yashe kœsœ ataa, ádá nœ kœtotœsho gugu nene.»

¹¹Yisu gi fœ endje adœke: «œ dœdœ uzu kɔ dá dji tshelœ kata o'o asœ nene, kashe kolœ endjeneke á Ndjaba za awa fœ endje.

¹²Gbambanœ nene, ádá á azu œ vwaratœ endje kœto ayashe sœ ndjoro: Endje zu anga azu dœ kɔba kutshu; anga kœsœ angara to tshakane azu; yé anga azu yiyindœ kœto ayashe nene mbœrœ kœpara Ogo gbozu nœ tshalafɔ. Uzu á tshe li kœdji tshelœkata o'o asœke kɔ, kaka tshe dji!»

Yisu to kane ye ga pa agbolo

(Wu ba tœ Mar 10.13-16; Luk 18.15-17)

¹³Azu na dœ agbolo fœ Yisu adœke tshe to kane ye ga pa endje kashe ayambarœ nœ ye sœ lima kœgeta endje.

¹⁴Yisu pa adœke: «'E katœ agbolo endje na ga ndœ mœ, 'e kɔkɔ endje nene mbœrœ Ogo gbozu nœ tshalafɔ sœ mbœrœ azu á endje lœ bata endje.»

¹⁵Yé manda kœto kane ye ga pa endje, tshe gitœ ye kpœtœmœ ye.

Gbolo modo ayi kœgbœrœ

(Wu ba tœ Mar 10.17-31; Luk 18.18-30)

¹⁶Anga uzu bale na ga ndœ Yisu, yé œ yu she adœke: «Ayi kœyisœrœ, œtshœrœ gafe dá mœ kœmbœrœ yeka á kœgbɔ soro neke á ka nene a?»

¹⁷Yisu kœpa fœ she adœke: «Mbœrœ gafe á bœ sœ kœyu mœ pa œtshœrœ a? Kolœ Ndjaba kuti ye dá dœ œtshɔ uzu. œdœ bœ kœyindœ kœgbɔ soro, gbœndœ awa o'o ama Ndjaba.»

¹⁸Tshe yu Yisu adœke: «œneketa a?» Yisu gi fœ she adœke: «Bœ wo uzu nene, bœ para awo uzu nene, bœ zi angba nene, bœ wa o'o dœ wala ga pa uzu nene.

¹⁹Li œsœ aba zœ dœ ayi zœ, yé bœ yindœ yanga zœ bata á bœ yindœtœ zœ dœ tœ zœ.»

- ²⁰Gbolo modonœ gi fœ she adœke: «œrœnœ asœmœ kɔ, mœ sœ kœmbœrœtœ mœ liakanœ zœ. œrœ gadœ dá kpa sœpe adœke mœ mbœrœ a?»
- ²¹Yisu pa fœ she adœke: «Bœ kœyindœ kœsœ ndjii tœ ala Ndjaba, gu œ ka œrœ nœ zœ, œ kurutshelœnœ tœ aayi oyo, yé bœ gbɔ bala kœgbœrœ ba lafo. Manda nœ, fatœ zœ œ na manda mœ.»
- ²²Manda o'onœ asœmœ, tshe gu dœ oyo tœ ye, mbœrœ tshe sœ lima dœ œrœ waa.
- ²³Yé Yisu kœpa fœ ayambarœ nœ ye adœke: «Mœ sœ kœpa dœ adjapu fœ 'e, œ sœ tœ ɔgbœnœ bala tœ ayi kœgbœrœ kœli ga lœ Ogo gbozu nœ tshalafœ.»
- ²⁴Yisu kpa pa fœ endje adœke: œ gbɔgbɔ adœke agea á i'iri ye kœdœ shamo li tœlœ ogoro imbili. Kashe œ kpa gbɔ kœrosœ nœ adœke ayi kœgbœrœ li ga lœ Ogo gbozu nœ Ndjaba.»
- ²⁵Kœdji o'onœ asœmœ ataa, ayambarœ katœ ama endje ti ɔsɔ, yé œ pa adœke: «Atamœ, uzu œ dá li kœshe tœnœ a?»
- ²⁶Yisu tondœ endje, yé œ pa fœ endje adœke: «Ba tœ azu, œ li nene; kashe ba tœ Ndjaba, œrœ kɔ li ye.»
- ²⁷Yé Petro kœza 'o, á kœpa fœ she adœke: «Wu kane, 'a katœ œrœ nœ 'a ti kɔ á na manda zœ asœ; œ sœ bala dœ a'a koto o?»
- ²⁸Yisu pa fœ endje adœke: «Mœ pa fœ 'e dœ adjapu adœke: ɔlɔ á Ndjaba kpa mbœrœ tshandœ œrœ kɔ tœ tafonœ, olo á Gbolo nœ uzu œ sœ ga lœ ngande mokɔ nœ ye ndœ kœwa ngbanga, e'e á 'e na lima manda mœ, 'e sœ ndje ga pa ngande tshagbozu mokɔ ndjokpa dœ bisha ndœ kœwa ngbanga pa mara azu Israyele ndjokpa dœ bisha.
- ²⁹Yé uzu kɔ á tshe katœ anda nœ ye, dœ aayanœ, ayingœnœ, abanœ, aayinœ, agbolo nœ ye, kindi nœ ye ti mbœrœ i'iri mœ, tshe kpa gbɔ œrœ kœropanœ ye, tshe gbɔ ndje soro nœ waa dœ waa.
- ³⁰Azu ndjoro á endje sœ utshunœ, endje sœ bala tœ ndœngœlœnœ, yé endje nœ ndœngœlœnœ œ te bala azu nœ tshatshunœ.»

Matie 20

Ayi akwa ba lœ kindi vinu

- ¹«Kœgbɔ Ogo gbozu nœ tshalafœ sœ bata anga gbozu akwa, á tshe wuta dœ amazi kœpara aayi akwa nœ tshelœ kindi vinu nœ ye.
- ²Tshe djitœ ye dœ endje dœ ɔtshœnœ pa denari bale á li adœke endje gbɔ dœ ɔlɔ bale, yeka á vwa endje ga lœ kindi vinu nœ ye.

³Kœwuta she dœ ada ɔɔ mindu dœ vana utshu kakpi ɔɔ, tshe wu anga azu, endje sœ gbambanœ,

⁴tshe pa fœ endje adœke: “E'e ndje, 'e na ga lœ kindi vinu nœ mœ, mœ to ndje ngendja á li dœ ɔɔ bale fœ 'e.”

⁵Endje ro ndje da ye. Tshe kpa wuta dœ kakpi ɔɔ œdœ dœ ada ɔɔ voto manda kakpi ɔɔ, œ pa kolœnce ata fœ anga azu á tshe gbœ endje.

⁶Kœwuta ga pa œrœ nœ ada ɔɔ mindu dœ adila, tshe kpa wuta ndje, œ kpa gbœ anga azu á endje sœ ndje ba zœ yé œ pa fœ endje adœke: “Mbœrœ gadé dá 'e sœ kpœke œrrr kpîi á mbœmbœrœ akwa nene a?”

⁷Endje gi fœ she adœke: “Uzu bale zaza akwa fœ 'a nene.” Gbozu akwanœ kœpa fœ endje adœke: “E'e ndje, 'e na ga lœ kindi vinu nœ mœ.”

⁸«Kœwuta ga tœ umbru osho, ayengœ kindi vinunœ pa fœ kapeta adœke: “E ayi akwanœ para dœ œ ko ngendja tshangba akwa nœ endje fœ endje, kœto tœ endjeneke á mœ e endje tœ ndœngœlœncœ asœmœ œrrr ga tœ endjeneke á mœ e má endje utshunœ.”

⁹Azunœ ada ɔɔ mindu nœ adila na œ gbœ uzu dœ uzu denari bale.

¹⁰Kœwuta ga tœ azu á endje na má utshunœ, endje gbe œncœ endje adœke œne dá gbœ topanœ kpuru; kashe endje gbœ ndje uzu dœ uzu denari bale.

¹¹Lœkœ á endje gbœ ngendjanœ, endje te lima tœ kœpulœma endje tœ ayengœ kindinœ.

¹²Endje pa lima adœke: “Aayi akwa á endje na manda nœ, endje mbœrœ akwa kolœ manda ada ɔɔ bale, bœ to ngendja fœ endje awa bale dœ 'a á a wu oyo œrrr kpîi tshakudu ɔɔ dœ kœwoshœ!”

¹³Kashe tshe gi fœ anga bale ugurutœ endje adœke: “Yanga mœ, mœ mbœmbœrœ ekperœ fœ bœ nene; a djidjimatœ azœ dœ mœ tœ denari bale lœ ɔɔ bale nene a?”

¹⁴Za œneke á sœ tshakane zœ asœmœ, œ gu dœ tœncœ zœ. Mœ yindœ kœto ngendja fœ uzu á tshe na tœ ndœngœlœncœ asœmœ awa bale dœ bœ.

¹⁵œ lili dœ mœ kœmbœrœ œneke á mœ yindœ nœ dœ œrœ nœ mœ nene a? Too bœ sœ dœ uku ga tœ mœ mbœrœ á mœ sœ dœ ɔtshœ lœsu a?”

¹⁶Atamœ, azu á endje sœ tœ ndœngœlœncœ œ wuta bala azu utshunœ; yé endjeneke á endje sœ utshunœ, œ wuta tœ ndœngœlœncœ.»

Yisu kpa pandœ mara kuzu dœ pe kœshe nœ ye tœ awa voto

(Wu ba tœ Mar 10.32-34; Luk 18.31-34)

¹⁷Yisu dœ ayambarœ nœ ye ndjokpa dœ bisha (12) sœ lima kœero ga lœ Yerusaleme, yé á tshe sœ kœpa fœ endje na tœnœ tœ awa adœke:

¹⁸«'E wu, a sœ kœœ ga lœ Yerusaleme, ba tœ osho á endje ka Gbolo nœ uzu fœ agbozu tshapa anganga Ndjaba œdœ fœ aayi kœeyisœ awa akwa. Endje wa agbo ngbanga ga pa ye adœke endje wo she.

¹⁹Yé œ za she fœ angbi azu mbœrœ á endje kœemœ she, á kœesœ she, á kœekuru she ga pa kurushi, yé manda olo voto Ndjaba œ she she lœ akuzu.»

Kœeyndœrœ nœ ayi agbolo yakoshe nœ Zebedayi

(Wu ba tœ Mar 10.35-45; Luk 22.25-27)

²⁰Awo Zebedayi na ga ndœ Yisu dœ agbolo yakoshe nœ ye bisha, œ gote ga utshu ye mbœrœ kœeyndœ œrœ bale.

²¹Yisu yu she adœke: «Bœ yindœ gafe?» Tshe pa fœ Yisu adœke: «Mœ ki ga tœ zœ, bœ kœegu bala ga lœ ogo tshagbozu nœ zœ, lœ agbolo yakoshe nœ mœ bisha asœke, za anga bale ga tœ kuni zœ, yé anga bale ga tœ gele zœ.»

²²Yisu gi adœke: «'E wuwusœ œrœnœ á 'e esho ndœnœ ascœmœ nene. Adja 'e li kœendjo ungu lœ yashi nœ œrœ kanga á mœ ndjo bala ye a?» Endje pa fœ Yisu adœke: «'A li dœ tœnœ ye.»

²³Yisu kœpa fœ endje adœke: «Adjapu, 'e ndjo ungu lœ yashi œrœ kangœ á mœ ndjo ye. Kashe tœ kœza awa fœ uzu kœsœ ga ati ga pa kuni mœ too ga pa gele mœ, ascœmœ lili dœ mœ nene. Mbœrœ tœnœ kœdœ osho á sœ fœ endjeneke á Aba mœ guma endje.»

²⁴Udu ayambarœnœ ndjokpa dji o'onœ ataa œ tetœ kœeso ókó ga tœ aayazu bisha, Ajake dœ Yowane.

²⁵Kashe Yisu e endje œ pa fœ endje adœke: «'E wusœ nœ adœke agbozu sœ kœeko azu ogo dœ œgbœ ga tshakudu tshagbozu nœ endje, yé agboro azu sœ kœema gbœgbœ endje ga pa aaya azu.

²⁶œ lili adœke œrœ ataa mbœrœtœ endje ba ugurutœ 'e nene. Kashe œdœ anga uzu bale kœegbe kœsœ tœ egerœ uzu ugurutœ 'e, œ li adœke tshe fatœ ye tœ ayi akwa nœ 'e yekane.

²⁷Yé œdœ anga uzu bale kœeyindœ kœsœ utshunœ ugurutœ 'e, œ li adœke tshe dœ kanga nœ 'e.

²⁸Mbœrœ tœnœ ataa, Gbolo nœ uzu nana adœke azu mbœrœ akwa fœ she nene, kashe tshe na kœmbœrœ akwa fœ azu dœ pe ndje kœzatœ ye fœ kuzu mbœrœ kœshe ukpu azu.»

Yisu she aayibula bisha

(Wu ba tœ Mar 10.46-52; Luk 18.35-43)

- ²⁹Lɔkɔ á endje sœ lima kœwuta lœ Yeriko, ukpulu azu te manda Yisu.
- ³⁰Anga aayibula bisha sœ lima ga atɪ ɪndiri awa. Koedji adœke Yisu dá ro asœmœ, endje tetœ kœta rawa adœke: «Gbozu, ata Davidi, wu oyo 'a kane!»
- ³¹Ukpulu azu sœ lima kœgbagbara endje adœke endje sœ koko, kashe endje kpa ta tshandœ rawanœ dœ agbɔ adœke: «Gbozu, ata Davidi, wu oyo 'a kane!»
- ³²Yisu ka, œ e endje, yé œ pa fœ endje adœke: «œrœ gade dá 'e yindœ nœ adœke mœ mbœrœ fœ 'e a?»
- ³³Endje kœpa fœ she adœke: «Gbozu, kolœnœ adœke ala 'a kɔrɔ.»
- ³⁴Yisu wu oyo endje, yé œ goro ala endje. Trale ala endje kɔrɔ ye, yé endje te manda ye.

Matie 21

Yisu li ga lœ Yerusaleme

(Wu ba tœ Mar 11.1-11; Luk 19.28-40; Yow 12.12-19)

- ¹Lɔkɔ á endje ndo dœ ongbo Yerusaleme œdœ dœ tshalakpi Betefaje, ba pa gaga á i'irincœ kœdœ kaga ɔyɔ Olive, Yisu vwa anga ayambarœ nœ ye bisha utshunœ
- ²dœ kœpa fœ endje adœke: «'E na ba lakpi á sœ utshu 'e ba e. Kœli 'e tshendja, 'e wu aya ane á endje du she kpœtœmœ dœ ayinœ, 'e vwara she œ gu dœ she fœ mœ.
- ³Yé œdœ uzu kœpa o'o fœ 'e; 'e gi fœ she adœke: “Gbozu dá gbe dœ she.” Yé ataa, tshe gi kane ye tœ ye katsha fœ 'e ye.»
- ⁴œ wuta ataa mbœrœ á o'o á ayi kœgbara o'o pa lima kœmbœrœtœ endje. Tshe pa lima adœke:
- ⁵«'E pandœ nœ fœ yawuru nœ Siyona adœke: Wu, gbozugo nœ zœ sœ kœna ga ndœ zœ. Tshe sœ kœna b̄ata amba uzu. Tshe ɔ ga pa ayi ane, œdœ ga pa ayancœ á tshe dœ aya agea nœ akwa.»
- ⁶Ayambarœ ro œ mbœrœ œneke á Yisu pa tœncœ fœ endje.
- ⁷Endje gu dœ ayi ane œdœ ayancœ, yé endje ko lœba nœ endje œ guma ga pa endje, á Yisu ɔ á sœ ga pa nœ.
- ⁸Ukpulu azu ndjoro saka lœba nœ endje ga tœ ala awa; anga endje de lima ganea ɔyɔ, yé œ guma ga tœ awa.
- ⁹Azu á endje sœ lima kœna ba utshu ye dœ pe endjeneke á endje sœ lima kœna manda ye, sœ lima kœta rawa adœke: «Ozana nœ ata Davidi! Kaka Ndjaba to kane ye ga pa uzu á tshe na dœ i'iri Gbozu! Ozana fœ Ndjaba á tshe sœ ba lafo!»

¹⁰Ɔlo á Yisu li ga lœ Yerusaleme, tshelœ ongbo djigi turu, azu tetœ kœyu osho adœke: «Uzu dœ dá a?»

¹¹Azu á endje na lima dœ Yisu gi adœke: «Ayi kœgbara o'o Yisu dœmœ, uzu Nazarete, lœ ogo Galilayi.»

Yisu gɔɔ aayi kœka œrœ lœ Tepelo

(Wu ba tœ Mar 11.15-19; Luk 19.45-48; Yow 2.13-22)

¹²Manda nœ, Yisu li ga lœ Tepelo, yé œ gɔɔ azu á endje sœ lima kœka œrœ dœ pe endjeneke á endje sœ lima kœyɔ œrœ kɔ ga ushu. Tshe ivwi ndaba nœ azu kœyapa ngendja, œ geta ngande nœ aayi kœka ambepa.

¹³Yé tshe pa fœ endje adœke: «Endje sú ba la buku nœ Ndjaba adœke: “Anda nœ mœ œ dœ bala anda nœ kœza avwala, kashe 'e fa tœ wutu nœ aayi angba!”»

¹⁴Aayibula dœ pe agbangevweta na ga ndœ Yisu ba lœ Tepelo yeka á tshe she endje.

¹⁵Agbozu tshapa anganga Ndjaba œdœ pe aayi kœyisœ awa akwa so ókó ndœ kœwu mara œrœ kœza uvuru osho á tshe sœ lima kœmbœrœ tœnœ dœ pe agbolo á endje sœ lima kœta rawa ba lœ Tepelo adœke: «Ozana nœ ata Davidi!»

¹⁶Yé endje pa fœ Yisu adœke: «Bœ sœ kœdji œneke á endje pa asœ zœ a?» Kashe Yisu pa fœ endje adœke: «Mœ dji ye, ataa 'e didi lima mbetinoœ asœmœ nene a? Mbetinoœ á pa adœke: “Bœ mbœrœ dœ mara adœke œdœ agbolo dœ pe aayi mangɔ donga bœ.”»

¹⁷Manda nœ, tshe katœ endje lœ ongbonœ asœmœ, œ gu kœlo ba lœ Betani.

Yisu darandœ yɔ fige

(Wu ba tœ Mar 11.12-14,20-24)

¹⁸Osho kɔɔ panœ dœ amazi, lɔkɔ á tshe sœ kœkwatœ ye ga lœ ongbonœ, ogo mi she.

¹⁹Tshe wu anga yɔ fige ndoo dœ ama awa, œ na ndoo dœ tœnœ, kashe tshe gbɔgbɔ elenœ bale nene, kolœ kakonœ. Yé tshe pa fœ yɔ figenœ adœke: «Bœ kpa le bale nene!» Trale, yɔ figenœ asœmœ ɔɔ ye.

²⁰Kœwu œrœnœ ataa, ayambarœ katœ ama endje ti ɔɔ, yé œ yu Yisu adœke: «Kotoo trale á yɔ fige asœke ɔɔ ata a?»

²¹Yisu gi fœ endje adœke: «Mœ sœ kœmindœ nœ fœ 'e dœ adjapu, œdœ anga ɔɔ bale á 'e kœsœ dœ kœyindœrœ yé á sœsœ dœ sharapu nene, 'e mbœrœ kolœ œrœ á mœ mbœrœ tœ yɔ fige asœ nene, kashe œdœ 'e kœpa fœ kaga asœ adœke: “Gitœ zœ kpœke dœ œ na œ te ga la egerœ ungu adanga”, œ mbœrœ ndje tœ endje liaka nœ.

²²œrœ kɔ á 'e yœndœ nœ lœ avwala dœ kœyindœrœ, 'e gbɔ ye.»

Køyu o'o tœ tshagbozu nœ Yisu

(Wu ƒa tœ Mar 11.27-33; Luk 20.1-8)

²³Ɔlɔ á tshe li ga lœ Tepelo, agbozu tshapa anganga Ndjaba dœ pe agbozu Ikrizia na ga ndœ ye ɔlɔ á tshe sœ køyisœ œrœ, á yu she adœke: «Bœ gbɔ awa kœmbœrœ akwa nœ zœ asœke kpœta a? CEdœ dá za awa kœmbœrœ akwa ata fœ bœ a?»

²⁴Yisu gi fœ endje adœke: «Mœ yindœ køyu 'e dœ o'o bale, œ kœsœ adœke 'e gi o'o fœ mœ gbá yekane á mœ køyisœ osho á mœ gbɔ awa kœmbœrœ dœ œrœnœ asœ kɔ fœ 'e.

²⁵CEdœ dá vwa lima Yowane kœza batisimu fœ azu a? Cœ dœ lima Ndjaba too azu?» Yé endje tetœ kœmirœtshelœ endje ugurutœ endje yé œ pa adœke: «CEdœ a kœgi fœ she adœke: “Ndjaba dá vwa lima she”, tshe yu azœ adœke: “Mbœrœ gadœ á 'e yiylima ndœ o'o ama ye nene a?”

²⁶Yé a kpa pa adœke: “Azu dá vwa lima she”, œ li adœke a kpa awa ukpulu azu, mbœrœ azu para wusœ nœ adœke Yowane kœdœ lima ayi kœgbara o'o.»

²⁷Yé á endje gi fœ Yisu adœke: «'A wuwusœ nœ nene.» A Yisu gi fœ endje adœke: «Cœmœ ndje awa bale, mœ pa ndje ndœ uzu á tshe za awa nœ kœmbœrœ œrœnœ asœke kɔ fœ 'e nene.»

Ndœma toro tœ upu nœ agbolo yakoshe bisha

²⁸«'E gbe œneke adœ gadœ tœ o'o asœ a? Anga yakoshe sœ dœ agbolo yakoshe bisha. Tshe na ga ndœ ali gbolonœ, œ pa fœ she adœke: “Na kpesheke ga lœ kindi vinu œ mbœrœ akwa ƒa zœ.”

²⁹Alinœ gi fœ she adœke: “Cœ ngba mœ ye;” manda nœ tshe gbetshelœ ye œ na da ye.

³⁰Tshe kpa na ga ndœ bishanœ, œ pa kolœ nœ ata fœ she. Tsheneke asœ gi fœ she adœke: “Mœ na zœ Gbozu”, kashe tshe nana ga zœ nene.

³¹Uzu dœ ugurutœ endje bisha dá mbœrœ gbetshelœ nœ abanœ a?» Endje gi adœke: «Ali gbolonœ.» Á Yisu pa fœ endje adœke: «Dœ adjapu, mœ sœ kœmindœ nœ fœ 'e, ayi kœko ngendja lapo dœ pe ayi angba budu œ wuta utshu 'e ga lœ Ogo gbozu nœ Ndjaba.

³²Gbambanœ nene, Yowane na lima ndœ køyisœ awa á sœ ndjii fœ 'e, 'e yiyindœ nœ nene. Kashe aayi kœko ngendja lapo dœ pe aayi angba budu dá yindœ ye. Yé ataa 'e wu gbaa, 'e fafatshalɔsu 'e ndœ kpa køyindœ ye nene.»

Ndœma toro nœ ayi kœdjo kindi

(Wu ƒa tœ Mar 12.1-12; Luk 20.9-19)

³³«'E kpa dji anga ndœma toro. Anga uzu bale djo kindi vinu. Tshe tɔ gbadjadja dji tœnœ tshakpata, œ dji kudu mbœrœ kœpu ele vinunœ ga lœnœ, yé œ mɔ

anda kœgbɔndœ œrœ ga lœ nœ. Manda nœ, tshe za kindi nœ fœ aayi akwa kindi vinu, yé œ na ana.

³⁴Ɔlɔ kœkɔ ele vinunœ li, tshe vwa anga aayi akwa nœ ye fœ aayi akwa kindi vinunœ adœke endje vwa œsœ œnœ œne ele vinu nœ fœ œne.

³⁵Kashe endje ko aayi akwa nœ ye asœmœ, œ bi anga bale, œ wo anga yé œ wo votɔnœ dœ badja.

³⁶Tshe kpa vwa anga aayi akwa ndjoro, kœropa endjeneke má utshunœ, endje mbœrœ kolœ nœ fœ endje awa bale.

³⁷Tœ ndɔngɔlɔ nœ, tshe vwa gbolo yakoshe nœ ye fœ endje dœ gbetshelœ adœke: “Endje kpa li ndara œsœ ye yé.”

³⁸Kashe lɔkɔ á endje wu gbolonœ kœna ga ndœ endje, endje guma o'o lœ ugurutœ endje adœke: “E wu, gbolonœ á tshe sœpe dœ œrœ manda abanœ dœke. A wo she yeka á kindinœ kœte œnœ azœ.”

³⁹Endje za she œ vwi she ga ushu lœ kindi vinunœ yeka á wo she.»

⁴⁰«Ataa, lɔkɔ á ayengɔ kindinœ kœna, tshe mbœrœ œrœ gadœ tœ aayi akwa kindi vinunœ a?»

⁴¹Endje gi fœ she adœke: «Tshe na œ wo aayi akwa kindinœ kɔ dœ oyo nene yé œ kpa za kindinœ fœ anga angbi aayi akwa á endje li kœko ele vinunœ fœ she liaka olo á tshe gbe dœ tœnœ.»

⁴²Yisu kœpa fœ endje adœke: «'E didi damba o'onœ asœke ala buku nœ Ndjaba nene a? Endje su adœke: “Badja á ayi kœmɔ anda za vwi'i, tœnœ dá wuta sharagunda. Œ to ba ndœ Gbozu, yé œ ga tœ ala 'a waa!”»

⁴³«Mœ kpa pa ndje fœ 'e adœke: Endje gi 'e lœ Ogo gbozu nœ Ndjaba, yé œ za fœ angbi azu á endje li kœmbœrœ akwa á œrœ tshangbanœ sœ dœ ɔtshɔnœ.

[⁴⁴Uzu á tshe te pa badja asœmœ, tshe kɔ ngende ngende. Yé tsheneke á badja œ te ga pa ye, œ ndi tshelœ ye krœna.]»

⁴⁵Manda kœdji o'o asœmœ, agbozu tshapa anganga Ndjaba dœ pe Afarisayi wusœ nœ adœke Yisu sœ kœpa o'o asœ tœ œne.

⁴⁶Endje para lima awa ndœ kœtepa ye, kashe endje kpa awa ukpulu azu, mbœrœ endje sœ lima kœza she bata ayi kœgbara o'o.

Matie 22

Ndœma toro tœ upu nœ egerœ angbo totœ

(Wu ba tœ Luk 14.15-24)

¹Yisu tetœ kœpa 'o fœ endje dœ ndœma toro adœke:

²«Ogo gbozu nœ tshalafo sœ b̄ata anga gbozugo á tshe guma kœziroœ angbo totœ nœ gbolo yakoshe nœ ye.

³Tshe vwa aayi akwa nœ ye fœ azu á tshe e má endje ndœ angbonœ, kashe endje yiyindœ kœna tœnœ nene.

⁴Tshe kpa vwa anga angbi aayi akwa ndœ kœm̄indœ nœ fœ azu á tshe e endje adœke: “E na ga mœ ngongɔ asœ, mœ guma kœziroœnœ ye; mœ wo angombe nœ mœ dœ pe agea ojoro. 'E na ga mœ ndœ angbo totœnœ, œrœ kɔ gumatœ endje ye.”

⁵Kashe azunœ gbegbe dœ angbonœ nene, yé œ na ndœ akwa nœ endje: Anga na ga lœ k̄indi, anga na kœpara ngendja nœ ye;

⁶anga endje tepa aayi akwanœ, á mbœrœ œrœ kanga fœ endje yé á wo endje.

⁷Gbozugo su dœ ókó, œ vwa aturugu nœ ye endje wo azu á endje wo aayi akwa nœ ye, yé œ sho ongbo nœ endje.

⁸Manda nœ, tshe pa fœ aayi akwa nœ ye adœke: “Mœ guma kœziroœ angbo ye, kashe azu á mœ e endje, œ dœdœ azu á li má adœke mœ e endje dœmœ nene.

⁹'E ro b̄a lœ shangbeda awa, dœ œ e azu kɔ á 'e gbɔ endje gu tœnœ ndœ kœziroœ.”

¹⁰Aayi akwanœ asœmœ wuta ga lœ shangbeda awa, œ ngbɔba azu kɔ á endje gbɔ endje gu tœnœ: Œdœ aekpe azu, œdœ ɔtshɔ azu. Yé dœ tœnœ ataa, anda angbonœ su kperœ dœ azu.

¹¹«Lɔkɔ á gbozugo li ndœ kœwu azu á endje sœ pa ndaba nœ kœziroœ, tshe wu anga uzu bale, tshe veverœ lœba angbonœ nene.

¹²Tshe yu she adœke: “Yanga mœ, bœ sœsœ dœ lœba angbo nene, bœ li ga mœ koto o?” Tshe gigi o'o nene.

¹³Yé á gbozugo kœpandœ nœ fœ aayi akwa nœ ye adœke: “E i ada ye dœ kane ye ga tœnœ, œ vwi she ga ushu b̄a lœ ubu osho, osho á azu sœ kœki tœnœ dœ kœzi tshelœ daji endje gbagbara gbagbara.”

¹⁴Adjapu, endje e azu ndjoro, kashe endjeneke á endje ke endje ngbangba nene.»

Lapo nœ Sezare

(Wu b̄a tœ Mar 12.13-17; Luk 20.20-26)

¹⁵Yé Afarisayi ngbɔtœ endje ga tœnœ ndœ kœvwarandœ Yisu adœke œne gbɔ she tœ o'o ama ye.

¹⁶Endje vwa anga ayambarœ nœ endje dœ pe azu nœ Erode mbœrœ kœpa fœ Yisu adœke: «Ayi kœyisœrœ, 'a wusœ nœ adœke bœ sœ kœpa okporo o'o, bœ

sœ kœyisœ adja awa Ndjaba, bœ sœ ndje kœekatœ zœ ti fœ uzu adœeke tshe li ga lœ zœ dœ ekpe o'o nene. Bœ kpakpa awa uzu nene, œ wuwu ndje tshatshu uzu nene.

¹⁷Ataa, pandœ gbetshelœ nœ zœ fœ a'a kane: œ li adœeke azu yɔ lapo nœ Sezare a, too nene?»

¹⁸Kashe Yisu wu lima sœ ekpe gbetshelœ nœ endje ye, yé œ pa fœ endje adœeke: «Awulapatshɔ, mbœrœ gadœ á 'e sœ kœyu tshelœema mœ a?

¹⁹'E ma anga ngendja bale nœ kœyɔ dœ laponœ gamœ mœ wu kane.» Endje ma anga denarinœ bale fœ she.

²⁰Yisu yu endje adœeke: «Tshatshu uzu asœeke dœ pe i'iri á endje sũ asœeke kœdœ œnœ dœ?»

²¹Endje gi adœeke: «œnœ Sezare». Yé Yisu kœpa fœ endje adœeke: «'E gi œrœ nœ Sezare fœ Sezare, œnœ Ndjaba fœ Ndjaba.»

²²Kœdji o'onœ asœmœ ataa, endje katœ ama endje ti ɔɔ, œ katœ ye yé œ ro da ye.

Upu nœ kœshe lœ akuzu

(Wu ba tœ Mar 12.18-27; Luk 20.27-40)

²³Kolœ dœ ɔlœnœ asœmœ, anga Asadukayi na ga ndœ Yisu. Endje dá sœ kœpa adœeke kœshe lœ akuzu gugu nene. Á endje yu Yisu adœeke:

²⁴«Ayi kœyisœrœ, Moyize pa adœeke, œdœ uzu kœtshu á kœzuzu gbolo nene, ayancœ œ to koyancœ manda ye mbœrœ á tshe kœmbœrœ angwa fœ ayancœ á tshe tshu asœmœ.

²⁵Andaa ba ndœ 'a, 'a sœ dœ anga ayazu mindu dœ bisha (7). Alinœ to yashe, œ zuzu gbolo dœ she nene, œ tshu ye; bata á endje zuzu lima dœ yashencœ asœmœ nene, tshe katœ ye ti fœ ayancœ.

²⁶œ mbœrœtœ endje awa bale ataa ga tœ bisha ayancœ, ga tœ voto ayancœ œrrr ga tœ tshencœ mindu dœ bisha.

²⁷Manda endje para, yashencœ kœtshu ye.

²⁸Atamœ, dœ olo kœshe lœ akuzu yashencœ asœmœ œdœ awo dœ? Mbœrœ endje mindu dœ bisha (7) kɔ to lima she tœ awo endje yema a!»

²⁹Yisu gi fœ endje adœeke: «'E sœ lœ djingili, mbœrœ 'e wuwusœ buku nœ Ndjaba dœ pe gbɔgbɔ nœ ye nene.

³⁰ɔlœ kœshe lœ akuzu, ayakoshe dœ ayashe œ totœ endje nene kashe endje lœ bata aandjelu ba lafo.

31 Ɖe kœdœ tœ o'o nœ kœshe lœ akuzu, 'e didi o'o á Ndjaba pa fœ 'e ala buku nœ ye nene a? Tshe pa adœke:

32 “Ɖmœ kœdœ Ndjaba nœ Abrayamo, Ndjaba nœ Izaka œdœ Ndjaba nœ Yakobo.” Yisu kpa pa adœke, Ndjaba kœdœ Ndjaba nœ asoro kashe tshenœ akuzu nene.»

33 Kœdji o'onœ ataa, ukpulu azu za lima ama endje ti ɔɔ tœ kœyisœrœ nœ ye.

Awa o'o á ropa anganœ kɔ

(Wu ba tœ Mar 12.28-34; Luk 10.25-28)

34 Lɔkɔ á Afarisayi dji adœke Yisu ngbɔ ama Asadukayi ga tœnœ, endje ngbɔtœ endje ga tœnœ.

35 Yé anga ayi kœyisœ awa akwa yu she ndœ kœdji gbetshelœ nœ ye adœke:

36 «Ayi kœyisœrœ, awa o'o gadœ dá ropa anganœ lœ awa akwa a?»

37 Yisu gi fœ she adœke: «Ɖe li adœke bœ yindœ Gbozu Ndjaba nœ zœ dœ lɔsu zœ bale, dœ ishiri zœ kɔ, dœ pe gbetshelœ nœ zœ kɔ.

38 Asœmœ kœdœ awa o'o á ropa anganœ yé œ sœ ndje dœ ádá waa.

39 Bisha awa o'onœ á sœ ndje dœ ádá waa awa bale dœke: “Bœ yindœ yanga zœ bata á bœ yindœtœ zœ dœ tœ zœ.”

40 Awa akwa kɔ œdœ pe aayi kœgbara o'o kɔ to lœ awa o'onœ bisha asœke.»

Masiya œdœ Davidi

(Wu ba tœ Mar 12.35-37; Luk 20.41-44)

41 Afarisayi ngbɔba lima tœ endje ga tœnœ yé Yisu yu endje dœ o'o atake:

42 «'E gbe má œnœ 'e kotoo tœ upu nœ Masiya a? Ɖshe kœdœ ata dœ?» Endje gi fœ she adœke: «Ata Davidi.»

43 Yisu pa fœ endje adœke: «Koto yeka á ishiri pa lima fœ Davidi adœke tshe e she “Gbozu” a? Gbambanœ nene, Davidi pa adœke:

44 “Gbozu pa fœ Gbozu nœ mœ adœke: na œ sœ ga pa kuni mœ, œerrr ga tœnœ adœke mœ ko ayingba zœ ga tshakudu ada zœ yekane.”

45 «Ɖdœ Davidi kœ'e she lima Gbozu ataa, koto á tshe pkpa dœ ata nœ a?»

46 Uzu bale lili lima kœgi o'o fœ she nene. Yé kœto kpœtœ olonœ asœmœ, uzu bale kpa yuyu she dœ o'o nene.

Matie 23

Yisu gbagbara aayi kœyisœ awa akwa œdœ pe Afarisayi

(Wu ba tœ Mar 12.38-39; Luk 11.43,46; Luk 20.45-46)

- ¹Yé Yisu sœ lima kœpa 'o fœ ukpulu azu dœ pe fœ ayambarœ nœ ye adœke:
- ²«Aayi kœyisœ awa akwa œdœ Afarisayi kœdœ azu á endje sœ mbœrœ kœpandœ awa akwa nœ Moyize.
- ³Ataa, 'e mbœrœtœ 'e lindœ o'o endje yé œ mbœrœ œneke kœ á endje pa fœ 'e; Kashe 'e zaza angwa kœmbœrœ œrœ nœ endje nene, mbœrœ endje sœsœ kœza œneke á endje sœ kœyisœ nœ ga tœ akwa nene.
- ⁴Endje sœ kœi kikili kongba yé œ sœ kœko ga pa kanga azu; kashe endje dœ tœ endje, endje gogoro bale dœ yœkœne endje nene.
- ⁵œrœ kœ á endje sœ kœmbœrœ tœnœ, endje sœ kœmbœrœ dœ mara adœke azu wusœ œne. Ataa, œnœ endje ndœma lœba á endje sú o'o ama Ndjaba ga tœnœ yé á i ga pa ala endje too ga tœ kane endje sœ tœ egerœnœ. œnœ endje apara yœgbœdœ lœba sœ kpi tœ œnœ anga endje.
- ⁶Endje yindœ kœsœ ba utshunœ ba tœ osho á œsœnœ li œdœ kœsœ lœ ngande á sœ ba utshunœ lœ Sinagoga.
- ⁷Endje yindœ nœ adœke azu bala œne tœ osho angbœtœ yé œ e œne “Rabi” yekane.
- ⁸«Kashe e'e, 'e eetœ 'e “Rabi” nene, mbœrœ e'e kœ kœdœ ayazu, yé 'e sœ dœ Rabi kolœ tshebale.
- ⁹E ee uzu bale pa œshœ asœ “Aba” nene, mbœrœ 'e sœ dœ Aba 'e kolœ tshebale á tshe sœ ba lafo.
- ¹⁰E yiyindœ nœ adœke endje e 'e “Agbangba kœyisœrœ” nene, mbœrœ 'e sœ kolœ dœ gbangba kœyisœrœ bale á tshe kœdœ Kristu.
- ¹¹œ li adœke uzu á tshe dœ egerœ uzu ugurutœ 'e dœ ayi akwa nœ 'e.
- ¹²Uzu á tshe titœ ye ga lafo, endje ku she ga ati, yé tsheneke á tshe zatœ ye ga ati, endje ti she ga lafo.»

Yisu gbagbara wulapatshœ nœ aayi kœyisœ awa akwa

(Wu ba tœ Mar 12.40; Luk 11.39-52; Luk 20.45-47)

- ¹³«Oyo nœ 'e dœ ayi kœyisœ awa akwa œdœ awulapatshœ Afarisayi! 'E sœ kœtshu manda Ogo gbozu nœ tshalafœ utshu azu. E'e dœ tœ 'e, 'e sœsœ kœli ga zœ nene, yé 'e sœ kœkœ endjeneke á endje gbe ndœ kœli tœnœ, kœli ga zœ.»
- [¹⁴«Oyo nœ 'e dœ aayi kœyisœ awa akwa œdœ awulapatshœ Afarisayi; 'e sœ kœpara awa kœ kœko œrœ á ayashe koya sœ dœ tœnœ kœ tœ endje, 'e sœ ndje kœza avwala dœ o'o ndjoro mbœrœ kœmatœ 'e. Mbœrœ tœnœ ataa, Ndjaba œ wa bala œgbœ ngbanga ga tœ 'e.]]»

15«Oyo nœ 'e dœ aayi kœyisœ awa akwa œdœ awulapatshɔ Afarisayi, 'e sœ kœkœrɔ na tœnœ djezœ mbœrœ kœpara anga uzu bale adœke tshe fatshalɔsu ye, yé lɔndɔ á 'e mbœrœ á tshe fatshalɔsu ye, 'e kpa sœ kœyi she ga lœ kudu owo nœ lifelo awa bisha kœropa 'e.»

16«Oyo nœ 'e, agbozu aayibula! 'E sœ kœpa adœke: “œdœ uzu kœdarama ye dœ i'iri anda Ndjaba, œ sœsœ dœ o'o nene; kashe œdœ uzu kœdarama ye dœ i'iri œrœ á sœ ba lœ anda Ndjaba, dá tshe mbœrœ dœ œtshœnœ.”

17Aayi indî, aayibula, œrœ gadœ dá sœ dœ ádá kœropa nœ a: œrœ too Tepelo á mbœrœ adœke œrœnœ wuta yerœ a?

18'E kpa sœ kœpa adœke: “œdœ uzu kœdarama ye dœ i'iri ndaba á endje to œrœ ga panœ fœ Ndjaba, œ sœsœ dœ o'o nene; kashe œdœ uzu kœdarama ye tœ tokóró á endje ko ga panœ, dá tshe mbœrœ dœ œtshœnœ.”

19Aayibula! œrœ gadœ dá sœ dœ ádá kœropa nœ a: Tokóró too ndaba á mbœrœ adœke tokórónœ wuta yerœ a?

20Ataa, uzu á tshe dara ama ye dœ i'iri ndaba, dá tshe dara ama ye pa ndabanœ œdœ ndje pe pa œrœ kɔ á sœ panœ.

21Uzu á tshe dara ama ye dœ i'iri Tepelo, dá tshe dara ndje ama ye dœ i'iri Ndjaba á tshe sœ ba zœ.

22Uzu á tshe dara ama ye dœ i'iri tshalafo, dá tshe dara ama ye dœ i'iri ngande tshagbozu œdœ ndje dœ i'iri Ndjaba á tshe sœ panœ.»

23«Oyo nœ 'e, aayi kœyisœ awa akwa œdœ awulapatshɔ Afarisayi! 'E sœ kœko bale lœ ndjokpa lœ kako dœngɔ á tshafunœ ga waa, kashe 'e sœsœ kœmbœrœœtœ 'e lindœ awa akwa á sœ dœ ádá waa nene bata: Kœsœ ndjii, kœwu oyo azu dœ pe kœyindœrœ. œrœ á li má adœke 'e za ga tœ akwa dœmœ, yé œ tshapu kœmbœrœ udunœ nene.

24Agbozu ayibula! 'E sœ kœsa ipi mbœrœ kœwo dœ aya voma, kashe 'e sœ kœmerœ shamo!»

25«Oyo nœ 'e, aayi kœyisœ awa akwa œdœ awulapatshɔ Afarisayi! 'E sœ kœdjutɔ tshapa yashi œdœ pe tshapa saani, kashe tshelœnœ su dœ œrœ nœ angba œdœ dœ œrœ nœ ogo ekperœ nœ 'e.

26Farisayi ayibula, djutɔ tshelœ yashi utshunœ yeka á tshapa nœ kœga ndje.»

27«Oyo nœ 'e, aayi kœyisœ awa akwa œdœ awulapatshɔ Afarisayi! 'E sœ bata udu á endje dja tshapanœ dœ imbi ngbeya, á ga kolœ dja ga pa nœ, kashe tshelœnœ su kperœ dœ ngbabi akuzu œdœ dœ tshelœ aka mara ufu œrœ kɔ.

28'E'e ndje awa bale dja ga ushu, 'e sœ kœmatœ 'e bata azu á endje sœ ndjii tœ ala azu, kashe ba lœ 'e, e'e kœdœ awulapatshɔ œdœ aayi ngbindîrœ.»

29«Oyo nœ 'e, aayi kœyisœ awa akwa œdœ awulapatsho Afarisayi! 'E sœ kœembœrœ otsho udu mbœrœ aayi kœgbara o'o, yé œ sœ kœeguma tshapadu azu á endje sœ ndjii dœ ambara.

30Yé 'e sœ kœpa adœke: “œdœ 'a kœsœ lima lœndœ nœ alata 'a zœ, 'a ngbœtœ 'a lima dœ endje ndœ kœwo aayi kœgbara o'o nene.”

31Ataa, 'e wusœ nœ dœ tœ 'e adœke e'e kœdœ aata azu á endje wo lima aayi kœgbara o'o ye!

32Yé ngœngœ asœke, 'e te lœ kumu kœembœrœ udu akwa nœ aata 'e!

33E'e kœdœ ayakoro, ukpulu akatsha ayakoro! 'E gbe koto kœkpa awa adœke endje wa ngbanga djofele nœ lifelo 'e a?

34Mbœrœ tœnœ ataa, mœ sœ kœvwa aayi kœgbara o'o, dœ aayi kœwusœtœ dœ pe aayi kœyisœ awa akwa fœ 'e. 'E wo anga endje, œ kuru anga endje ga pa kurushi, 'e kpa sœ anga endje dœ ndjapa ba lœ Sinagoga nœ 'e œ gœrœ endje lœ ongbo dœ ongbo.

35Yé indji azu á endje sœ ndjii á tu lima ga pa otsho asœmœ, sœ ga pa kumu 'e, kœto ba tœ indji Abele á tshe sœ ndjii œerrr ga tœ indji Zakariya, gbolo nœ Barashi á 'e wo lima she ba ugurutœ œyerœ osho œdœ ndaba lœ anda Ndjaba.

36Mœ sœ kœpa fœ 'e dœ adjapu adœke: Tshangba œrœnœ asœmœ kœ œ sœ ga pa kumu 'e dœ azu nœ tshakpesheke asœke!»

Kœpulœma tœ upu nœ Yerusaleme

(Wu ba tœ Luk 13.34-35)

37«Yerusaleme, Yerusaleme, œbœ á bœ sœ kœwo aayi kœgbara o'o yé á sœ kœve endjeneke á Ndjaba sœ kœvwa endje fœ bœ dœ badja, awa ndjoro mœ yi lima ndœ kœngbœba azu nœ zœ ga tœ œsœnœ bale bœta á ayi ngato œ ngbœba ayancœ ga tshakudu ombo ye, kashe 'e yiyi lima ndœ nœ nene!

38Mbœrœ tœnœ ataa, Ndjaba œ gi ala ye pa anda nœ 'e, yé anga œrœ bale kpa gu nene.

39Gbambancœ nene, mœ sœ kœpa fœ 'e adœke: Kœto ngœngœnœ asœke, 'e kpa wu mœ nene œerrr ga tœ lœkœ á 'e pa adœke: “Kaka Ndjaba to kane ye ga pa uzu á tshe na dœ i'iri Gbozu.”»

Matie 24

O'o tœ upu nœ kœendi Tepelo

(Wu ba tœ Mar 13.1-2; Luk 21.5-6)

1Lœkœ á Yisu wuta lima lœ Tepelo á tetœ kœero tœnœ, ayambarœ nœ ye na ndoo dœ she mbœrœ kœema mara á endje mœ dœ Tepelo.

²Yisu za o'o yé œ pa fœ endje adœke: «'E wu œerœnce asœmœ kœ? Mœ sœ kœpa dœ adjapu adœke anga badja bale œ kpa ka ga pa anganœ nene; tshelœnce œ ndi para ye.»

Oyo œdœ œerœ kanga

(Wu ba tœ Mar 13.3-13; Luk 21.7-19)

³Lœkœ á Yisu sœ ga ati ba pa kaga œyœ olive, ayambarœ nœ ye gitœ endje ndoo dœ she ga indirœnce, yé œ yu she adœke: «Pa fœ 'a kane, dœ œlœ gadœ dá œerœnce asœmœ œ mbœerœ má tœ endje a? Yé ambára gadœ dá matœ endje dœ olo kœkwa bœ œdœ dœ olo kœka tshapashœ a?»

⁴Yisu gi fœ endje adœke: «Ala 'e gbœ, uzu bale fafara 'e nene.

⁵Gbambanœ nene, azu ndjoro œ na bala dœ i'iri mœ, œ pa adœke: “œmœ kœdœ Masiya!” Yé endje fara azu ndjoro.

⁶œlœ á 'e kœdjindœ upu nœ koshe á sœ lœ ondonœ œdœ œeneke á sœ lœ ingirœnce, awa zaza 'e nene; œ li adœke œerœ ataa wuta yeka, kashe œ dœdœ damba kœka tshapashœ dœmœ nene.

⁷Ogo bale œ nga koshe dœ anga ogo, yé ogo gbozu bale œ nga koshe dœ anga ogo gbozu, egerœ ogo œdœ kœturu œshœ œ za osho ngbangbangba.

⁸œerœnce asœmœ kœ œ sœ bala bata ali kœka œerœ á ka yashe utshu kœzu gbolo.

⁹«Azu œ ko 'e bala mbœerœ adœke endje ndanga 'e yé œ wo 'e. Angbi azu kœ œ yiangba 'e mbœerœ i'iri mœ.

¹⁰Yé azu ndjoro œ katœ kœyindœerœ nœ endje; endje tœ gbandatœ endje dœ pe kœyiangbatœ endje ugurutœ endje.

¹¹Ayi kœgbara o'o nœ wala œ wuta yé œ djingili tshelœ azu ndjoro.

¹²Manda nœ, ngbindirœ œ gerœ lœ azu, yé kœyindœeshœ œ gerœ nene.

¹³Kashe uzu neke á tshe ka ngbiri œerr ga tœ ndœngœlœnce, œshe asœmœ dá she.

¹⁴Endje mindœ œtshœ O'o ogo gbozu pa œshœ djigi; angbi azu kœ œ dji yeka á manda nœ á tshapashœ œ ka.»

Egerœ oyo

(Wu ba tœ Mar 13.14-23; Luk 21.20-24)

¹⁵«'E wu bala tsheneke á endje e she “ayi kœndi œerœ” á ayi kœgbara o'o Daniyele pa lima tœ ye ba tœ œyerœ osho. Kaka tsheneke á tshe di mbetœnce asœke wusœ ádœnce!

¹⁶Yé œ li adœke endjeneke á endje sœ ba lœ ogo Yuda, kpa ga pa kaga.

¹⁷Tsheneke á tshe koesœ ba pa anda, œ lili adœke tshe jerœ ga atĩ mbœrœ kœko gbarœ nœ ye ba sœnda nœ ye nene.

¹⁸Tsheneke á tshe koesœ ba lœ kindi, œ lili adœke tshe kwatœ ye ndœ kœza yœgbœdœ lœba nœ ye nene.

¹⁹«Oyo nœ ayashe nguzu œdœ endjeneke á endje sœ kœko œngœ ga lœ ama agbolo dœ olonœ asœmœ!

²⁰'E za avwala fœ Ndjaba mbœrœ á 'e kœkpakpa dœ yapu nœ izi too dœ olo sabata nene.

²¹Gbambanœ nene, dœ lœkœnœ asœmœ, egerœ oyo œ sœ zœ; œ sœ tœ egerœnœ kœrosœ œneke á endje wu ba lima kœto kœtœ ali kœembœrœ tshapashœ œrrr ga tœ ngœngœ asœke, yé mara œrœ ataa œ kpa mbœrœtœ endje bale nene.

²²œdœ Gbozu kœgbe má lima tœ kœgi ata olonœ nene, uzu bale œ sœpe má dœ soro nene; kashe mbœrœ endjeneke á tshe ke endje dá tshe kundœ átá olonœ asœmœ.

²³«Yé œdœ anga uzu kœpa fœ 'e adœke: “Masiya sœ ba ke” too “tshe sœ ba e”, 'e yiyindœ nœ fœ she nene.

²⁴Gbambanœ nene, aekpe masiya œdœ aayi kœgbara o'o nœ wala œ wuta ndjoro. Endje mbœrœ afá yé œ ma ambárá œrœ ndjoro dœ mara adœke œne djingili tshelœ kumu azu. œdœ œ kœli ndje, endje mbœrœ ndje awa bale fœ endjeneke á Ndjaba ke endje.

²⁵'E dji kane! Mœ va tshelœ utu 'e tœnœ utshunœ ye.

²⁶«œdœ endje kœpa fœ 'e adœke: “'E wu, tshe sœ ba lœ kpagagasho”, 'e nana ga zœ nene. Too œdœ endje kœpa fœ 'e adœke: “'e wu, tshe zatœ ye yiwa tœnœ ba ke”, 'e yiyindœ nœ nene.

²⁷Bata á yavuru œ yerœwa ba lafo, kœto ba tœ osho á œlœ œ wuta tœnœ œrrr ga tœ osho á œlœ œ li tœnœ, dœ mara ataa dá Gbolo nœ uzu œ na bala dœ tœnœ.

²⁸Osho á oko uzu sœ tœnœ dá adivumbala œ ngbœtœ endje ba zœ.»

Ambárá kœna Gbolo nœ uzu

(Wu ba tœ Mar 13.24-27; Luk 21.25-28)

²⁹«Manda kœwu oyo nœ olonœ asœmœ, œlœ œ te ubunœ, yapu œ kpa tœ nene, angerepe œ to ba lafo œ yo ga atĩ, gbœgbœ nœ tshalafœ œ turu.

³⁰Yé ambárá Gbolo nœ uzu œ wuta ba lafo; azu kœ pa œshœ œ dõtshelœema endje, endje wu Gbolo nœ uzu kœna lœ ondoro dœ gbœgbœ djigi œdœ lœ mokœ.

³¹Tshe vwa bala aandjelu nœ ye ndœ kœ'uru ngbake tœ osho kɔ pa ɔshɔ: Tshe ngbɔba bala endjeneke á tshe ke endje tœ osho kɔ ga tœnœ.»

Kœyisœrœ á to lœ ɔyɔ fige

(Wu ba tœ Mar 13.28-31; Luk 21.29-33)

³²«'E dji ádá kœyisœrœ á to lœ ɔyɔ fige: Lɔndɔ á ganeanœ kœyɔrɔtshelœtœ endje, 'e wusœ nœ adœke yapu kœlu ngwarœ ndo ye.

³³Ɛ sœ ndje atamœ fœ 'e, ɔlɔ á 'e kœwu ndje œrœ ataa kœmbœrœtœ endje, 'e wusœ nœ adœke Gbolo nœ uzu ndo ye, tshe sœ lœ manda 'e.

³⁴Mœ sœ kœpa fœ 'e dœ adjapu, azu nœ tshakpesheke, endje tshu kɔ nene á œrœnœ œ mbœrœtœ endje.

³⁵Tshalafœ dœ tshapa ɔshɔ œ ro ye, kashe o'o ama mœ œ ro nene.»

Ndjaba kuti ye dá wusœ ndɔngɔlɔ olo

(Wu ba tœ Mar 13.32-37; Luk 17.26-30,34-36)

³⁶«Kashe olonœ œdœ ada ɔlɔnœ asœmœ, uzu bale wuwusœ nœ nene; œdœ aandjelu ba lafo, œdœ Gbolo nœ uzu, endje wuwusœ nœ nene, Aba kuti ye dá wusœ nœ.

³⁷Lɔndɔ nœ kœna Gbolo nœ uzu, œrœ œ mbœrœtœ endje kolœ bata mara œrœ á mbœrœ lima tœ endje dœ lɔkɔ nœ Nowa.

³⁸Gbambanœ nene, dœ lɔndɔnœ asœmœ, utshu lɔkɔ egerœ kœsu ungu pa ɔshɔ djigi, azu sœ lima kœzɪrœ dœ kœndjorœ, endje sœ lima kœtotœ endje too kœko ayawuru nœ endje ndœ totœ œrrr ga tœ olo á Nowa li lima ga lœ egerœ agba.

³⁹Endje sœsœ lima kœgbe dœ œrœ bale nene œrrr á egerœ kœsu ungu na, á endje tara para kɔkɔ. Ɛ sœ ndje ataa lɔkɔ á Gbolo nœ uzu œ na bala.

⁴⁰Yé ayakoshe bisha œ sœ ba lœ kɪndɪ, endje za anga bale, œ katœ anga tɪ.

⁴¹Ayashe bisha œ sœ kœtɔ œrœ lœ kafuru, endje za anga bale, œ katœ anga tɪ.

⁴²Ataa, ala 'e gbɔ mbœrœ 'e wuwusœ olo neke á Gbozu nœ 'e œ na dœ tœnœ nene.

⁴³'E wusœ nœ adœke, œdœ ayengɔ anda kœwusœ ada ɔlɔ nœ butshɔ á ayi angba œ na kœzɪ angba œrœ nœ ye, tshe lo olo nene yé tshe katœ ye adœke tshe to ogoro lœ anda nœ ye nene.

⁴⁴Mbœrœ tœnœ ataa, e'e ndje, ala 'e gbɔ mbœrœ Gbolo nœ uzu œ na dœ ada ɔlɔ neke á 'e wuwusœ nœ nene.»

Ayi akwa á tshe sœ kœmbœrœtœ ye lindœ nœ

(Wu ba tœ Luk 12.41-48)

⁴⁵«Ataa, œdfe dá dœ ayi akwa á tshe sœ kœmbœrœtœ ye lindœ o'o gbozu nœ ye, yé á sœ ndje dœ kœwusœrœ á gbozu akwa nœ ye za she tœ kapeta nœ anganœ, mbœrœ kœto kœziœ fœ endje liaka ada ɔɔ dali a?

⁴⁶Yanga nœ ayi akwanœ asœmœ œdœ gbozunœ kœgu á gbɔ she lœma akwanœ!

⁴⁷Mœ sœ kœpa dœ adjapu fœ 'e: gbozu œ za she tœ kapeta tshapa œrœ nœ ye kɔ.

⁴⁸Kashe œdœ œshe kœdœ ekpe ayi akwa, á pa ba lœsu ye adœke: “Gbozu nœ mœ œ gu katsha nene”,

⁴⁹yé á tetœ kœbi aayi akwa anganœ, kœzi œrœ dœ pe kœndjo œrœ awa bale dœ aayi kœndjorœ,

⁵⁰gbozu nœ ayi akwanœ asœmœ œ gu dœ olo œdœ dœ ada ɔɔ á ayi akwanœ wuwusœ nœ nene.

⁵¹Tshe gɔɔ ayi akwanœ, œ mbœrœ œrœ kanga nœ awulapatshɔ fœ she, ba tœ osho á azu œ ki dœ pe kœzi tshelœ daji endje gbagbara gbagbara.»

Matie 25

Ndœma toro tœ upu nœ akpɔ ayawuru ndjokpa

¹«Yé Ogo gbozu nœ tshalafœ sœ bata ɔkpɔ ayawuru ndjokpa á endje ko miinda nœ endje, yé á wuta kœna kœtogba dœ yakoshe totœ.

²Anga endje mindu kœdœ aayi indɪ, anga endje mindu kœdœ aayi kœwusœrœ.

³Kœko miindanœ, aayi indɪnœ mindu susu lima kada ga lœ œnœ endje nene;

⁴kashe aayi kœwusœrœnœ mindu su lima kada ga lœ anga á na dœ tœnœ dœ miinda nœ endje.

⁵Bata œndœ yakoshœnœ sœ lima kœdɪ tœnœ waa, olo mbœrœ endje, endje lo para ye.

⁶«Lœ ɔgbɔ butshɔ, anga uzu bale tetœ rawa adœke: “E wu, yakoshœnœ dá yi kumu ye asœ; 'e wuta ndœ ye.”

⁷ɔkpɔ ayawurunœ kœjo para yé kœtetœ kœguma miinda nœ endje.

⁸Aayi indɪnœ kœpa fœ ayi kœwusœrœ adœke: “E su anga kada nœ 'e fœ 'a mbœrœ œnœ 'a miindanœ sœ kœru tœnœ.”

⁹Aayi kœwusœrœ kœgi fœ endje adœke: “œ ngba 'a ye, œ gegerœ yeka á 'a kœsu mbœrœ 'a œdœ fœ 'e nene. 'E na œ yɔ œne 'e ba ndœ aayi kœka œrœ.”

¹⁰Lɔndɔ á aayi indinœ ro kœyɔ kadancœ ga zœ atake, yakoshe totœncœ yi kumu ye. Akpɔ ayawuru mindu á endje guma má tœ endje yindjindjinœ ascœmœ, li dœ she ga scœnda angbo totœncœ, yé endje kœtshu mandancœ ga tœncœ ye.

¹¹Ɔendœncœ di manda nœ, ɔkpɔ ayawuru indinœ gu œ tetœ kœ'e osho adœke: “Gbozu, gbozu, kɔrɔ manda fœ 'a ka!”

¹²Kashe tshe gi adœke: “Mœ scœ kœpa dœ adjapu fœ 'e adœke, mœ wuwuscœ 'e nene.”

¹³Atamœ, ala 'e gbɔ, mbœrcœ 'e wuwuscœ olo dœ pe ada ɔɔ nene.»

Ndœma toro tœ upu nœ ngendja

(Wu ba tœ Luk 19.11-27)

¹⁴«Ɔœ scœ bala b̄ata anga yakoshe á tshe yi lima ndœ kœna ana: Tshe e aayi akwa nœ ye œ katœ œrcœ nœ ye fœ endje.

¹⁵Tshe ko fœ anga talata mindu, anga talata bisha, fœ votœncœ talata bale: Tshe ko fœ uzu dœ uzu liaka gbɔgbɔ nœ ye. Manda nœ, tshe ro daye.

¹⁶Ayi akwa á tshe gbɔ talata mindu gu œ za ga tœ akwa, yé œ kpa gbɔ angancœ mindu ga pancœ.

¹⁷Tsheneke á tshe gbɔ talata bisha mbœrcœ ndje awa bale, yé œ kpa gbɔ talata bisha ga pancœ.

¹⁸Kashe tsheneke á tshe gbɔ talata bale, gu œ dji kudu ba lœ ɔshɔ, yé œ za talata bale nœ gbozu akwa nœ ye yiwa tœncœ ga lœ nœ.»

¹⁹«Ɔendœncœ kœdi œrrr manda nœ, gbozu nœ aayi akwancœ ascœmœ gu, yé œ tetœ kœyu endje tœ akwa á tshe ka lima tœncœ fœ endje.

²⁰Tsheneke á tshe gbɔ lima talata mindu gitœ ye ndoo, œ pa adœke: “Gbozu, wu, bœ ko lima talata mindu fœ mœ. Angancœ mindu á mœ gbɔ ga pancœ dœke.”

²¹Gbozu nœ ye pa fœ she adœke: “Ɔœ scœ dœ ɔtshœncœ, œbœ kœdœ ɔtshɔ ayi akwa yé bœ mbœrcœtœ zœ lindœ nœ. Bata á bœ mbœrcœtœ zœ lindœ nœ lœ aya akwa ataa, mœ za bœ ga pa egerœncœ. Na ga mœ œ scœ dœ yanga awa bale dœ gbozu nœ zœ.”

²²Tsheneke á tshe gbɔ lima talata bisha na ndje œne ye, yé œ pa adœke: “Gbozu, bœ ko lima talata bisha fœ mœ. Angancœ bisha á mœ gbɔ ga pancœ dœke.”

²³Gbozu nœ ye pa fœ she adœke: “Ɔœ scœ dœ ɔtshœncœ, œbœ kœdœ ɔtshɔ ayi akwa yé bœ mbœrcœtœ zœ lindœ nœ. Bata á bœ mbœrcœtœ zœ lindœ nœ lœ aya akwa ataa, mœ za bœ ga pa egerœncœ. Na ga mœ œ scœ dœ yanga awa bale dœ gbozu nœ zœ.”

²⁴«Tsheneke á tshe gbo lima talata bale kœna, yé á kœpa œncœ ye adœke: “Gbozu, mœ wu lima sœ nœ adœke œbœ kœdœ gbozu á bœ ngaanga: Bœ sœ kœkœ ngwarœ á œ dœdœ bœ dá lu nene, bœ sœ kœkœ ngwarœ ba tœ osho á bœ lulu œrcœ bale nene.

²⁵Awa za mœ, yé á mœ na á za talata nœ zœ yiwa tœncœ ga lœ osho. Wu, œrcœ nœ zœ dœke.”

²⁶Kashe gbozu nœ ye gi fœ she adœke: “Ekpe ayi akwa, ayi odo! Bœ wu lima sœ nœ adœke mœ sœ kœkœ ngwarœ á œ dœdœ mœ dá lu nene, mœ sœ kœkœ ngwarœ ba tœ osho á mœ lulu œrcœ bale nene.

²⁷Ataa, œ li má adœke bœ ko ngendja nœ mœ ga lœ anda kœgumasœ ngendja, yé á mœ kœgu má atake, á kœgbo anga œrcœ nœ mœ ga pa nœ.

²⁸'E za talatancœ ascœmœ bale tœ ye, yé œ za fœ tsheneke á tshe sœ dœ tœncœ ndjokpa ascœmœ.

²⁹Gbambancœ nene, uzu kœ á tshe sœ dœ œrcœ ndjoro, endje to angancœ ga pancœ fœ she. Tsheneke á tshe gugu dœ œrcœ nene, endje ko œneke teasho á tshe sœpe dœ tœncœ, tœ ye yé.

³⁰Tœ ayi akwancœ á ádá ye gugu nene ascœ, 'e vwi she ga lœ ubu osho ba shu: Ba zœ kœdœ kolœ iki œdœ kœ zi tshelœ daji gbagbara gbagbara.”»

Ndœngœlœ kœwa ngbanga

³¹«Lœkœ á Gbolo nœ uzu œ na bala lœ mokœ nœ ye dœ aandjelu para, tshe sœ ba pa ngande tshagbozu nœ mokœ nœ ye.

³²Azu ogo kœ pa osho œ ngbœtœ endje ba utshu ye, yé tshe kurutshelœ azu dœ azu bata á ayi kœgbœndœ ayarœ œ kurutshelœ apata dœ ayaburu.

³³Tshe ko apata ga tœ kuni ye, yé œ ko ayaburu ga tœ gele ye.

³⁴Yé gbozugo œ pa fœ endjeneke á endje sœ ga tœ kuni ye adœke: “'E na ga mœ, e'e á Aba mœ to kane ye ga pa 'e. 'E li ga lœ ogo tshagbozu á endje guma ba lima sœ nœ fœ 'e, kœtotœ kœmbœrcœ tshapasho.

³⁵Gbambancœ nene, mœ sœ lima dœ ogo yé 'e to kœziœ fœ mœ; mœ sœ lima dœ ogo ungu yé 'e su ungu fœ mœ; mœ dœ lima gene yé 'e za osho kœscœ fœ mœ;

³⁶mœ sœ lima kpendronœ yé 'e za lœba fœ mœ; mœ sœ lima dœ koba yé 'e na ndœ kœtitœ mœ; mœ sœ lima lœ anda kána yé 'e na kœwu mœ.”

³⁷«Yé azu á endje sœ ndjii gi fœ she adœke: “Gbozu, lœkœ gadœ á 'a wu lima bœ dœ ogo yé á to kœziœ fœ bœ a, dœ ogo ungu yé á su ungu fœ bœ a?

³⁸Lɔkɔ gadɛ á 'a wu lima bœ tœ gene yé á za osho kœsœ fœ bœ a? Lɔkɔ gadɛ dá 'a wu lima bœ kpendronœ yé á za læba fœ bœ a?

³⁹Lɔkɔ gadɛ dá 'a wu lima bœ dœ koba too læ anda kánga yé á 'a na kœwu bœ a?"

⁴⁰Yé gbozugo œ gi fœ endje adœke: "Mœ sœ kœpa fœ 'e dœ adjapu adœke: ɔlɔ kɔ á 'e sœ lima kœmbœrœ œrœncœ asœmœ fœ anga aaya læ aaya mœ á œsœ endje lili nene, œmœ dá 'e sœ lima kœmbœrœ tœncœ fœ mœ asœmœ."

⁴¹«Manda nœ, tshe pa bala fœ endjeneke á endje sœ ga pa gele ye adœke: "'E gitœ 'e zara tœ mœ, e'e dœ azu á endje darandœ 'e! 'E na œ yo ga la owo á ru nene, á endje guma fœ djaboro dœ aandjelu nœ ye.

⁴²Gbambancœ nene, mœ sœ lima dœ ogo yé 'e toto kœziœ fœ mœ nene; mœ sœ lima dœ ogo ungu yé 'e susu ungu kœndjo tœncœ fœ mœ nene;

⁴³mœ na lima tœ gene yé 'e zaza osho kœsœ fœ mœ nene; mœ sœ lima kpendronœ yé 'e zaza læba fœ mœ nene; mœ sœ lima dœ koba yé 'e nana œ titœ mœ nene; mœ sœ lima læ anda kánga yé 'e nana œ wu mœ nene."

⁴⁴Yé endje ndje, endje gi bala adœke: "Gbozu, ɔlɔ gadɛ dá 'a wu lima bœ dœ ogo too dœ ogo ungu, tœ gene too kpendronœ a, dœ koba too læ anda kánga yeka á gbegbe lima dœ bœ nene a?"

⁴⁵Yé tshe gi bala fœ endje adœke: "Mœ sœ kœpa fœ 'e dœ adjapu, ɔlɔ dœ ɔlɔ á 'e mbœmbœrœ lima œrœncœ asœmœ fœ anga aya bale ugurutoe aaya mœ á œsœ endje lili nene, 'e mbœmbœrœ ndje lima fœ mœ nene."

⁴⁶Yé endjeneke œ li bala ga læ djofele neke á ka nene. Andaa, azu á endje sœ ndjii œ li bala ga læ soro nœ waa dœ waa.»

Matie 26

Kœvwarandœ Yisu

(Wu ba tœ Mar 14.1-2; Luk 22.1-2; Yow 11.45-53)

¹Lɔkɔ á Yisu mindœ upuncœ asœmœ kɔkɔ ye, tshe pa fœ ayambarœ nœ ye adœke:

²«'E wusœ nœ adœke œ sœpe olo bisha kœwuta ga tœ angbo nœ pake: Endje za Gbolo nœ uzu yɔ œrœ ndœ kœkuru she ga pa kurushi.»

³Yé agbozu tshapa anganga Ndjaba dœ pe agbozu Ikrizia ngbɔtœ endje ba sœnda nœ egerœ ngangã Ndjaba á i'iri ye kœdœ Kayifa.

⁴Endje djitœ endje yé œ wa adœke œne frandœ Yisu œ tepa ye yeka á kœ wo she.

⁵Endje sœ lima kœpa adœke: «Œ lili adœke a za she dœ lɔndɔ angbonœ nene, ete nene azu œ oma ye.»

Anga yashe su yombo ga læ kumu Yisu

(Wu ba tœ Mar 14.3-9; Yow 12.1-8)

⁶Lɔkɔ á Yisu sœ lima ba læ Betani ba sœnda nœ ayi boroma Shimu,

⁷anga yashe bale na dœ yombo nœ ye læ anga á endje mbœrœ dœ albatre, ama yombonœ gbɔ waa. Tshe su yombonœ ga læ kumu Yisu lɔndɔ á tshe sœ pa ndaba kœzi œrœ.

⁸Lɔkɔ á ayambarœ nœ ye wu ataa, endje sœ dœ ekpe lɔsu yé œ pa adœke: «Mbœrœ gade á tshe ndi ungu yombonœ asœ ataa?

⁹Œ li má adœke endje ka yombonœ asœmœ dœ amanœ tœ ɔgbɔnœ yé œ kurutshelœ ngendjanœ tœ aayi oyo.»

¹⁰Yisu wusœ nœ lima adœke endje sœ kœpa ataa, yé œ pa fœ endje adœke: «Mbœrœ gade á 'e sœ kœendanga yashenœ asœke a? Œrœ á tshe mbœrœ fœ mœ kœdœ ɔtshœrœ.

¹¹Gbambanœ nene, 'e sœ tœ œsœnœ dœ aayi oyo ɔlɔ dœ ɔlɔ. Kashe œmœ, 'e sœ dœ mœ awa bale waa nene.

¹²Tshe su yombonœ asœmœ kpɔɔ ga tœ ɔkɔ mœ mbœrœ kœguma mœ ndœ kœshi mœ.

¹³Mœ sœ kœpa dœ adjapu fœ 'e adœke: Osho kɔ á endje pandœ ɔtshɔ O'onœ asœke tœnœ pa tshapashɔ djigi, endje pandœ œrœ á yashe asœke mbœrœ, yé endje gbe dœ she.»

Kœvato osho nœ Yuda

(Wu ba tœ Mar 14.10-11; Luk 22.3-6)

¹⁴Yé anga yambarœ bale læ andjokpa dœ bisha á i'iri ye kœdœ Yudasi Isikariote, na ga ndœ agbozu tshapa anganga Ndjaba,

¹⁵yé œ pa fœ endje adœke: «Œrœ gade dá 'e za fœ mœ œdœ mœ kœza she yo œrœ fœ 'e a?» Endje di langere ngendja zazu bale dœ ndjokpa (30), yé á ko fœ she.

¹⁶Kœto pe dœ lɔkɔnœ asœmœ, Yuda tetœ kœpara awa ndœ kœza Yisu fœ endje.

Yisu zi œrœ angbo pake dœ ayambarœ nœ ye

(Wu ba tœ Mar 14.12-21; Luk 22.7-14,21-23; Yow 13.21-30)

¹⁷Dœ ali olo nœ angbo nœ mapa á susuku nene, ayambarœ na kœyu Yisu adœke: «Bœ yindœ nœ adœke 'a guma kœzirœ nœ pake fœ bœ kpœta a?»

¹⁸Tshe pa fœ endje adœke: «'E na ba ndœ anga uzu bale lœ ongbo yé œ pa fœ she adœke: “Gbozu pa adœke: Ada ɔɔ nœ mœ li ye; mœ mbœrœ angbo pake dœ ayambarœ nœ mœ ba ndœ zœ.”»

¹⁹Ayambarœnœ mbœrœ bata á tshe pa tœnœ fœ endje, yé œ guma œrœ angbo Pakenœ.

²⁰Lɔkɔ á ɔɔ di, Yisu sœ pa ndaba kœzirœ dœ ayambarœ ndjokpa dœ bisha.

²¹Lɔndɔ á endje sœ kœzirœ, tshe kœpa adœke: «Mœ sœ kœpa fœ 'e dœ adjapu, anga yanga 'e bale œ za mœ yɔ œrœ zœ.»

²²Oyo kœza endje, endje kœtetœ kœyu she uzu dœ uzu adœke: «E dœ mœ a, Gbozu?»

²³Tshe kœgi adœke: «Eshe á tshe ngbɔ kane ye lœ gbarœ kœzirœ awa bale dœ mœ asœmœ, œshe dá za mœ yɔ œrœ.

²⁴Gbolo nœ uzu œ tshu bata á endje sú lima ala buku nœ Ndjaba tœ upu nœ ye. Kashe oyo nœ uzu á tshe za Gbolo nœ uzu yɔ œrœ. E sœ má dœ ɔtshœnœ mbœrœ uzunœ adœke adja endje zuzu she nene!»

²⁵Yudasi, á tshe sœ kœza she yɔ œrœ, za o'o œ pa adœke: «Edœ mœ a, Gbozu?» Yisu gi fœ she adœke: «E bœ dœ tœ zœ bœ pa ye.»

Ndɔngɔɔ kœzirœ nœ Yisu dœ ayambarœ nœ ye

(Wu ba tœ Mar 14.22-26; Luk 22.14-20; 1Ko 11.23-25)

²⁶Dœ lɔndɔ kœzi œrœ, Yisu za mapa œ donga Ndjaba, œ kavwa tshelœnœ, œ ko fœ ayambarœ nœ ye, yé œ pa adœke: «'E ko œ zɔ, asœ kœdœ undu mœ.»

²⁷Manda nœ, tshe za ndje yashi vinu, œ donga Ndjaba, yé œ za fœ endje dœ kœpa adœke: «E'e kɔ 'e ndjo,

²⁸mbœrœ asœke kœdœ indji mœ, indji á guma ayo ugurutœ Ndjaba dœ azu, indji á tu mbœrœ azu ndjoro œdœ mbœrœ kœdjerœndœ ekperœ nœ azu.

²⁹Mœ sœ kœpa dœ adjapu fœ 'e adœke, mœ kpa ndjo vinu nene œrrr ga tœ lɔkɔ á mœ ndjo bala tafonœ dœ 'e ba lœ Ogo gbozu nœ Aba mœ.»

³⁰Manda kœdonga Ndjaba dœ itshi, endje wuta ndœ kœɔ ga pa kaga ɔyɔ Olive.

Yisu pa adœke Petro œ 'ea œne

(Wu ba tœ Mar 14.27-31; Luk 22.31-34; Yow 13.36-38)

³¹Yé Yisu kœpa fœ endje adœke: «Lœ butshɔ asœ, e'e kɔ 'e katœ mœ ti ye. Gbambanœ nene, endje sú ba la buku nœ Ndjaba adœke: “Mœ bi bala ayi kœgbœndœ apata, yé ukpulu apatanœ œ ndjɔtshelœtœ endje.”

³²Kashe, Yisu kpa pa adœke: Lɔkɔ á Ndjaba kœshe mœ lœ kuzu, mœ na utshu 'e ga lœ Galilayi.»

33Petro za o'o œ pa fœ she adœeke: «œdœ azu kɔ kœkatœ zœ ti, œmœ, mœ katœ zœ ti nene.»

34Yisu gi fœ she adœeke: «Mœ pa fœ bœ dœ adjapu adœeke, dœ butshɔnœ asœeke utshunœ adœeke kɔngato ki, bœ 'ea mœ awa votɔ.»

35Petro pa fœ she adœeke: «œdœ œ kœsœ adœeke a tshu dœ bœ, mœ 'ea bœ bale nene.» Yé ayambarœnœ kɔ pa ndje awa bale.

Yisu ba lœ Getesemane

(Wu ba tœ Mar 14.32-42; Luk 22.39-46)

36Yisu wuta dœ ayambarœ nœ ye ba tœ anga osho á endje e i'irinœ Getesemane, yé á pa fœ endje adœeke: «'E sœ ga ati kpœke, mœ sœ kœna kœza avwala ba 'e.»

37Tshe za Petro œdœ agbolo yakoshe nœ Zebedayi bisha á na dœ endje. Tshe tetœ kœgbɔ oyo tœ lœsu ye, yé awa li she gɔrɔ.

38Yé á tshe kœpa fœ endje adœeke: «Lœsu mœ su kperœ dœ oyo nœ kuzu. 'E sœ kpœke yé œ lolo nene awa bale dœ mœ.»

39Tshe gitœ ye zara œ te dœ tshatshu ye ga tœ ɔshɔ, œ za avwala adœeke: «Aba mœ, œdœ œ kœli, gi yashi œrœ kanganœ asœeke zara tœ mœ ye. œ sœsœ adœeke bœ mbœrœ œneke á mœ yindœ nœ nene, kashe mbœrœ b̄ata á bœ yindœ nœ.»

40Manda nœ, tshe gu ga ndœ ayambarœ yé œ gbɔ endje lœ olo. Tshe pa fœ Petro adœeke: «Shimu, 'e sœsœ dœ gbɔgbɔ kœsœ dœ uburu ala 'e awa bale dœ mœ manda ada ɔɔ bale nene a?

41'E lolo nene yé œ za avwala mbœrœ adœeke 'e yoyo ga lœ kœwu lœsu nene. Ishiri uzu su dœ gbɔgbɔ, kashe undu ye gugu dœ gbɔgbɔ nene.»

42Tshe kpa gitœ ye zara tœ bishanœ kœza avwala dœ kœpa adœeke: «Aba mœ, œdœ œ kœli, za yashi œrœ kanganœ asœeke adœeke mœ ndjondjo nene. Kaka bœ mbœrœ b̄ata á bœ yindœ nœ!»

43Tshe kpa gu ga ndœ ayambarœ nœ ye, œ gbɔ endje kolœ lœ olo, mbœrœ ala endje sœ lima dœ kikilinœ, awa kœkɔrɔ tœnœ gugu nene.

44Tshe kpa gitœ ye, yé œ za avwala tœ votɔnœ kolœ dœ kœpa tshetœ o'onœ ascœmœ.

45Manda nœ, tshe kpa gu ga ndœ ayambarœ œ pa fœ endje adœeke: «'E sœpe kœlo tœnœ œdœ pe kœyatœ 'e! Ngɔngɔnœ asœeke, ada ɔɔ á endje za Gbolo nœ uzu ga tshakane aayi kœmbœrœ ekperœ li ye.

46'E alafo, a na zœ. Ayi kumu mœ á tshe za mœ ga tshakane endje na ye.»

Kœza Yisu

(Wu ba tœ Mar 14.43-50; Luk 22.47-53; Yow 18.3-12)

⁴⁷Yisu sœpe kœpa o'o kolœnœ atake, Yudasi, anga yambarœ bale lœ andjokpa dœ bisha yi kumu ye. Tshe na awa bale dœ ukpulu azu ndjoro dœ ñgiri yakamba œdœ pe ndĩndĩ ɔɔ tshakane endje. Agbozu tshapa anganga Ndjaba œdœ agbozu Ikrizia dá vwa endje.

⁴⁸Uzu á tshe za Yisu ga tshakane endje yi lima œsœ ambárá œrœ adœke: «Uzu á mœ kœ'uru tshelœ utu ye, dá œshe dœmœ; 'e za she.»

⁴⁹Trale atake, Yudasi wuta œ na ga ndœ Yisu á pa fœ she adœke: «Abala, Rabi!» Manda nœ, tshe 'uru tshelœ utu ye.

⁵⁰Yisu pa fœ she adœke: «Yanga mœ, mbœrœ œrœ á bœ gbe dœ tœnœ.» Yé azunœ tepa ye, á za she.

⁵¹Anga bale lœ ugurutœ endje á endje na dœ Yisu gbota ñgiri yakamba nœ ye á de anga ayi akwa nœ egerœ nganga Ndjaba, yé á wa utu ye ndja tœnœ.

⁵²Á Yisu pa fœ she adœke: «Gi ñgiri yakamba nœ zœ ga mangbanœ, mbœrœ azu kœ á endje nga koshe dœ ñgiri yakamba, endje tshu kolœ kuzu nœ ñgiri yakamba.

⁵³Bœ wuwusœ nœ adœke œdœ mœ kœyœndœ azu ba ndœ Aba mœ, tshe vwa ngœngœnœ asœ ukpulu aandjelu kœro pa ndjokpa dœ bisha fœ mœ adœke endje ti kane mœ nene a?

⁵⁴Kashe, tœ œneke, dœ mara gadœ dá o'o ala buku nœ Ndjaba li kœmbœrœtœ endje lindœnœ adœke œ sœ ataa.»

⁵⁵Dœ ada ɔlœnœ asœmœ, Yisu pa fœ ukpulu azu adœke: «'E na kœza mœ dœ ñgiri yakamba œdœ pe dœ ndĩndĩ ɔɔ, bata œmœ kœdœ ayi angba a? ɔlœ dœ ɔlœ, mœ sœ lima kœsœ ga ati ba lœ Tepelo kœyisœ œrœ, yé 'e zaza lima mœ nene.

⁵⁶Kashe œneke kœ wuta mbœrœ á o'o aayi kœgbara o'o pa lima kœmbœrœtœ endje.» Yé, ayambarœ kœ katœ ye ti, œ kpa ye.

Yisu ba utshu ayi kœwa ngbanga

(Wu ba tœ Mar 14.53-65; Luk 22.54-55,63-71; Yow 18.13-14,19-24)

⁵⁷Endje á endje za lima Yisu, gu dœ she ba ndœ Kayifa, egerœ nganga Ndjaba á aayi kœyisœ awa akwa œdœ ndje dœ agbozu Ikrizia ngbœtœ endje ba ndœ ye.

⁵⁸Petro sœ lima kœna manda Yisu yima yima lœ ñgiriñœ œerrr ba lœ gbagba nœ egerœ nganga Ndjaba. Tshe li ga zœ œ sœ ga ñdĩri aayi akwa ndœ kœwu mara á o'onœ œ ka dœ tœnœ.

⁵⁹Andaa, agbozu tshapa anganga Ndjaba doe pe aayi koewa ngbanga noe azu noe Ndjaba ko, loe lima koepara awa adoeke oene gbo anga uzu a tshe koepa anga ekpe o'o goro oesoe Yisu yeka a oene koegbo awa koewa ngbanga noe kuzu ga toe ye.

⁶⁰Kashe ataa aayi koepa ekpe o'onoe ma lima toe endje ndjoro gbaa, endje gbo gbo oeroe bale nene. Kwata oerrr, anga endje bisha matoe endje

⁶¹Ye oe pa adoeke: «Uzunoe asoe pa adoeke: “Moe li koendi tsheloe Tepelo noe Ndjaba ye oe mo ga mangbanoe manda olo voto.”»

⁶²Egeroe nganga Ndjaba alafoe oe pa foe she adoeke: «Boe gugu doe o'o koegi toeneoe toe oeneke ko a azu asoe pa ga pa zoe nene a?»

⁶³Kashe Yisu soe lima kokoko. Ye egeroe nganga Ndjabanoe koeyu she adoeke: «Moe soe koeyu boe, boe dara ama zoe doe i'iri Ndjaba noe soro: Oeboe koedoe Masiya Gbolo noe Ndjaba a?»

⁶⁴Yisu gi foe she adoeke: «Boe pa doe toe zoe ye. Kashe moe soe koepa ngbi foe 'e adoeke: Koeto ngongono asoe, 'e wu Gbolo noe uzu koese ga ati ga toe kuni Ndjaba noe gbo gbo ko; 'e wu ndje she koereroe ba pa ondoro ba lafo.»

⁶⁵Ye egeroe nganga Ndjaba suru tsheloe loeba toe ye oe pa adoeke: «Tshe gu oesoe Ndjaba! A kpa gbegbe doe atimu nene! 'E totoe koedji koegu osho a tshe gu toe Ndjaba ye.

⁶⁶'E gbe ma oene 'e toeneoe kotoo?» Endje gi adoeke: «Tshe li doe kuzu.»

⁶⁷Manda noe, endje tetoe koetu ngusha ga tshatshu ye oe soe koedu she, ye anga endje soe koeda ala ye.

⁶⁸Endje pa foe she adoeke: «Masiya, oedoe boe koedoe ayi koegbara o'o, pandoe noe foe 'a: Oede da bi boe a?»

Petro 'ea Yisu

(Wu ba toe Mar 14.66-72; Luk 22.56-62; Yow 18.15-18,25-27)

⁶⁹Andaa Petro soe lima ga ati ba ushu ba loe gbagba, anga yashe akwa na ndoo doe she ye oe pa foe she adoeke: «Oeboe ndje, boe soe lima awa bale doe Yisu uzu Galilayi!»

⁷⁰Kashe tshe vusoe noe utshu azu ko doe koepa adoeke: «Moe wuwusoe o'onoe a boe yindoe koepa toeneoe asoe nene.»

⁷¹Bata a tshe soe lima koena gu ndoe oesoe manda gbagbanoe, anga angbi yashe akwa kpa wu she ye oe pa foe azu a endje soe lima kpoetemoe adoeke: «Uzu asoe soe lima awa bale doe Yisu uzu Nazarete.»

⁷²Petro kpa vusoe noe doe koedarama ye adoeke: «Moe wuwusoe uzunoe asoeke nene.»

⁷³Manda nœ teasho, azu á endje sœ lima kpœtoemœ gitœ endje ndoo dœ Petro, yé œ pa fœ she adœeke: «Adja, œbœ kœdœ anga uzu nœ endje, yé o'o zœ sœ kœema bœ ataa.»

⁷⁴Yé Petro tetœ kœdarama ye dœ kœpa o'o adœeke: «Kaka Ndjaba za djofele fœ mœ œdœ mœ kœpa wala! Mœ wuwusœ uzunœ asœeke nene.» Ngbewo, kœngato ki.

⁷⁵Yé Petro gbetshelœ ye ndœ o'onœ á Yisu pa lima fœ she adœeke: «Utshunœ adœeke kœngato ki, bœ 'ea mœ awa votœ adœeke bœ wuwusœ mœ nene.» Tshe wuta ga ushu, yé ki dœ oyo.

Matie 27

Yisu ba utshu Pilato

(Wu ba tœ Mar 15.1; Luk 23.1-2; Yow 18.28-32)

¹Dœ amazi tuu, agbozu tshapa anganga Ndjaba kœ dœ pe agbozu Ikrizia ngbœtœ endje ga tœnœ kœwa o'o ndœ kœwo Yisu.

²Manda nœ, endje i Yisu ga tœnœ, œ na dœ she yé á za she fœ gbozugo á i'iri ye kœdœ Pilato.

Kuzu Yudasi

(Wu ba tœ Akw 1.18-19)

³Yudasi á tshe za she yœ œrœ, wu adœeke endje wa ngbanga ndœ kœwo Yisu, egerœ gbetshelœ za she, tshe kwa œ gi langere ngendjanœ zazu bale dœ ndjokpa fœ agbozu tshapa anganga Ndjaba dœ pe fœ agbozu Ikrizia,

⁴yé á pa fœ endje adœeke: «Mœ mbœrœ ekperœ, mœ za uzu á tshe mbœmbœrœ ekperœ nene fœ kuzu.» Kashe endje gi fœ she adœeke: «'A sœsœ lœnœ nene! Tœnœ kœdœ o'o nœ zœ!»

⁵Yudasi ko ngendjanœ va ga lœ Tepelo, yé á na kœdu uwu ga lœ igi ye ndœ kœwotœ ye.

⁶Agbozu tshapa anganga Ndjaba rœ ngendjanœ yé á pa adœeke: «Awa akwa nœ azœ yiyindœ nœ adœeke a ko mara ngendja ataa ga ugurutœ kœgbœrœ nœ Tepelo nene, mbœrœ tœnœ á to lœ ngendja indji uzu.»

⁷Manda kœdjitœ endje, endje za œ yœ dœ kindi nœ ayi kœmbœrœ lœsú mbœrœ kœza tœ tshapa udu nœ agene.

⁸Mbœrœ tœnœ ataa œrrr ga tœ kpesheke, i'iri kindinœ asœemœ kœdœ: «Kindi indji uzu.»

⁹Yé œ mbœrœtœ endje ataa mbœrœ o'o á ayi kœgbara o'o Yilimiya pa lima kœmbœrœtœ endje, tshe pa adœke: «Endje za ngendja zazu bale dœ ndjokpa, œtœnœ kœdœ ama ngendja á agbolo Israyele wa lima tœ upu nœ ye;

¹⁰yeka á endje za ndœ kindi nœ ayi kœmbœrœ lœsú, bata á Gbozu vwa lima mœ ndœ kœpandœ nœ.»

Pilato sœ kœyu Yisu

(Wu ba tœ Mar 15.2-5; Luk 23.3-5; Yow 18.33-38)

¹¹Yisu ka ba utshu gbozugo á i'iri ye kœdœ Pilato. Gbozugo yu she adœke: «œbœ kœdœ gbozugo nœ Ayuda a?» Yisu gi fœ she adœke: «œbœ dá sœ kœpa ataa.»

¹²Kashe o'o á agbozu tshapa anganga Ndjaba dœ pe agbozu Ikrizia sœ kœpa ga pa ye, tshe gigi lima o'o nene.

¹³Pilato pa fœ she adœke: «œ djidji o'o á endje sœ kœpa ga pa zœ asœ nene a?»

¹⁴Tshe gigi lima o'o ndœ nœ bale nene, yé gbozugo za lima ama ye ti œœ.

¹⁵Dœ lœndœ angbo Pake bale dœ bale kœ, gbozugo sœ lima kœvwara anga ayi kánga bale á ukpulu azu yindœ ye.

¹⁶Andaa, endje sœ lima dœ anga ayi kánga á endje para wu lima sœ ye, i'iri ye kœdœ Yisu Barabase.

¹⁷Pilato yu ukpulu azunœ á endje ngbœtœ endje ga tœnœ adœke: «œdœ dá 'e yindœ nœ adœke mœ katœ ye a? Yisu Barabase too Yisu á endje e she Kristu?»

¹⁸Mbœrœ tshe wu lima sœ nœ adœke endje sœ dœ úkú ga tœ ye yeka á za she na tœnœ asœmœ.

¹⁹œœ á Pilato sœ kœwa ngbanganœ ba lœ anda kœwa ngbanga, awonœ pa fœ she adœke: «Lili ga lœ o'o nœ uzunœ asœ nene, tshe sœ ndjii. Mbœrœ mœ lu dœ abutshœ asœ, lœsu mœ ka mœ mbœrœ she waa.»

²⁰Agbozu tshapa anganga Ndjaba dœ pe agbozu Ikrizia sœ kœli ga lœ azu adœke endje katœ Barabase kashe œ wo Yisu.

²¹Gbozugo kpa yu endje adœke: «œdœ ugurutœ endje bisha á 'e yindœ nœ adœke mœ katœ ye fœ 'e a?» Endje gi adœke: «Barabase.»

²²Pilato yu endje adœke: «œrœ gadœ á mœ kœmbœrœ tœ Yisu á endje e she Kristu a?» Endje para gi adœke: «'E kuru she ga pa kurushi.»

²³Pilato yu endje adœke: «Ekperœ gadœ dá tshe mbœrœ a?» Kashe endje tetœ kœta rawa dœ agbœ adœke: «'E kuru she ga pa kurushi.»

24Loko á tshe wu adœke œene kpa wusœ œerœ á œene mbœerœ nene, tshe su ungu œ djuto dœ kane ye utshu ukpulu azu dœ kœpa adœke: «Mœ dœdœ ayi kumu upu kuzu ye nene; œtœnœ kœdœ upu nœ 'e.» Gbambanœ nene, azu sœ lima kœoma dœ o'onœ waa.

25Azu para gi adœke: «Kaka adœke indji ye sœ ga pa 'a dœ agbolo nœ 'a.»

26Yeka á tshe kœkatœ Barabase, yé manda kœsɔ Yisu dœ ndjapa, tshe za she fœ endje adœke endje kœkuru she ga pa kurushi.

Aturugu mɔ Yisu

(Wu ba tœ Mar 15.16-20; Yow 19.2-3)

27Manda nœ aturugu nœ gbozugo gu dœ Yisu ga lœ gbagba nœ ye, yé ukpulu azu kpa dji she djikpata.

28Endje verœ læba tœ ye, yé á verœ yɔgbɔɔ odorœ læba ga tœ ye.

29Endje verœ kpoto nœ ishi ga tœ kumu ye bata gbozugo, endje za tshɔngbɔɔ ga tœ kuni ye, á tetœ kœgote ga utshu ye dœ pe kœmɔ she adœke: «'A bala fœ gbozugo nœ Ayuda.»

30Endje sœ kœtu ngusha ga tœ ye, œ za tshɔngbɔɔnœ asœmœ á sɔ dœ kumu ye.

31Manda kœmɔ she, endje verœ yɔgbɔɔ læbanœ tœ ye á gi œene ye ga tœ ye, yé á za she na tœnœ ndœ kœkuru she ga pa kurushi.

Yisu ba pa kurushi

(Wu ba tœ Mar 15.21-32; Luk 23.26-43; Yow 19.17-27)

32Bata endje sœ lima kœwuta tœnœ, endje gbɔ uzu tshalakpi Sirene, á i'iri ye kœdœ Shimu, endje vwa she dœ agbɔ ndœ kœza átá kurushi tœ Yisu.

33Endje wuta ga tœ osho á i'irinœ kœdœ Gologota, œ yindœ kœpa adœke «Osho gbayashi kɔɔ.»

34Endje sú ipi á endje ngbɔba dœ shundɔɔ œerœ œ za fœ Yisu adœke tshe ndjo. Tshe dji œtshœnœ kashe tshe yiyi lima ndœ kœndjo tœnœ nene.

35Endje kuru she ga pa kurushi yé œ ta wuka mbœerœ kœkurutshelœ læba nœ ye.

36Manda nœ, endje sœ ga ati ba zœ mbœerœ kœgbœndœ ye.

37Endje su ádá kœwo she ga pa tsheporo maɓaya yé œ za ga pa kumu ye. O'onœ pa adœke: «Uzu asœ kœdœ Yisu, gbozugo nœ Ayuda.»

38Endje kuru anga aayi angba bisha ga pa kurushi ga indiri ye; anga ga pa kuni, yé anga ga pa gele ye.

³⁹Azu á endje sœ lima kœvwanga tœncœ, sœ kœgu she dœ kœmea kumu endje,
⁴⁰yé œ sœ lima kœpa adœke: «Œbœ á bœ pa lima adœke bœ ndi tshelœ Tepelo
 yé œ kpa mœ angancœ manda olo votœ; œdœ bœ kœdœ Gbolo nœ Ndjaba, shetœ
 zœ dœ tœ zœ yé œ jerœ pa kurushi ga ati!»

⁴¹Awa bale, agbozu tshapa anganga Ndjaba, aayi kœyisœ awa akwa œdœ pe
 agbozu Ikrizia sœ lima kœmœ she yé œ sœ kœpa adœke:

⁴²«Tshe she lima anga azu, tshe shetœ ye dœ tœ ye! Œshe kœdœ gbozugo nœ
 Israyele, tshe jerœ ngœngœncœ asœ pa kurushi yé a kœyindœ nœ ga ndœ ye.

⁴³Tshe za lsu ye ga pa Ndjaba yé œ pa ngbi adœke: “Œmœ kœdœ Gbolo nœ
 Ndjaba.” Œdœ Ndjaba kœyindœ ye, tshe she she ngœngœncœ asœ!»

⁴⁴Aayi angba á endje kuru lima endje ga pa kurushi dœ she gu ndje she awa bale
 dœ mara ataa.

Kuzu Yisu

(Wu ba tœ Mar 15.33-41; Luk 23.44-49; Yow 19.28-30)

⁴⁵Dœ kakpi ɔɔ, osho bu kporokoto pa ogo djigi œrrr ga tœ ada ɔɔ votœ manda
 kakpi ɔɔ.

⁴⁶Kœwuta ga tœ ada ɔɔ votœncœ asœmœ, Yisu ta rawa dœ œgbœ tshama ye
 adœke: «Eli, Eli, lema sabakatani?» Œ yindœ kœpa adœke: «Ndjaba nœ mœ,
 Ndjaba nœ mœ, mbœrcœ gadœ á bœ katœ mœ ti a?»

⁴⁷Anga azu ugurutœ endjeneke á endje sœ lima kpœtœmœ dji she yé œ pa
 adœke: «'E dji ka, tshe sœ kœ'e Eliya!»

⁴⁸Trale, anga uzu bale ugurutœ endje kpa œ nduru ndœhœrœ ga la ikpi vinu yé œ
 vwele ga tœ kumu wara yeka á yi ga tœ ama ye adœke tshe ndjo.

⁴⁹Anga endje pa adœke: «'E kaka kane! A wu œdœ Eliya œ na kœshe she!»

⁵⁰Kashe Yisu kpa ta rawa dœ œgbœ tshama ye, yé œ tshu ye.

⁵¹Dœ lœndœncœ asœmœ, lœba á endje du ba lœ Tepelo suru tshelœtœ ye bisha
 koeto ba lafo œrrr ga ati. ɔshœ turu, tshelœ ogboro badja 'oro,

⁵²udu kœrœ, yé ayindœ Ndjaba ndjoro á endje tshu, kwatœ endje ga lœ soro.

⁵³Manda Ndjaba kœshe Yisu lœ akuzu, manda kœwuta endje lœ udu, endje li ga
 lœ œyerœ ongbo Yerusaleme, yé á azu ndjoro wu endje ba zœ.

⁵⁴Gbozu tshapa aturugu Roma œdœ aturugu á endje sœ kœgbœ lima ndœ Yisu
 dœ she, wu ɔshœ á turu œdœ œneke kœ á wuta lima asœmœ, awa za endje
 tœpanœ kpuru yé endje pa adœke: «Uzu asœke kœdœ lima adja Gbolo nœ
 Ndjaba tako.»

⁵⁵Ayashe ndjoro ka lima zara á sœ koetondœ osho: Endje te lima mangba Yisu koeto ba lœ Galilayi mboerœ koembœerœ akwa fœ she.

⁵⁶Mareya uzu tshalakpi Magadala, dœ Mareya ayi Jake dœ Yozefu, œdœ pe ayi agbolo nœ Zebedayi, sœ lima ugurutœ endje.

Kœshi yisu

(Wu ba tœ Mar 15.42-47; Luk 23.50-56; Yow 19.38-42)

⁵⁷Dœ adila, anga ayi kœgbœrœ ba lœ Arimateyo á i'iri ye kœdœ Yozefu yikumu ye; œshe kœdœ ndje lima yambarœ nœ Yisu.

⁵⁸Tshe na ga ndœ Pilato yé œ yu she tœ oko Yisu. Yé Pilato za awa adœeke endje za fœ she.

⁵⁹Yozefu za oko Yisu œ vwele ga tœnœ dœ otshœ lœba,

⁶⁰yé á za ga lœ tafo udu á tshe totœ kœdji tœnœ ba lœ ɔngœ badja. Manda nœ, tshe vwiri egerœ badja ga tœ mandanœ yé œ gu da ye.

⁶¹Andaa, Mareya uzu Magadala œdœ anga angbi Mareyanœ sœ lima ga ati ba utshu udunœ.

Kœgbœndœ tshapa udu

⁶²Olo bale manda nœ, tœnœ kœdœ lima lœkœ utshu sabata, agbozu tshapa anganga Ndjaba dœ pe Afarisayi na awa bale ga ndœ Pilato.

⁶³Endje pa fœ she adœeke: «Gbozu, 'a gbe dœ o'o á ayi wala asœ pa lima lœkœ á tshe sœpe dœ soro. Tshe pa lima adœeke: “Manda olo votœ, Ndjaba œ she mœ lœ akuzu ye.”

⁶⁴Za awa adœeke endje gbœndœ tshapa udu asœ œerrr ga tœ votœ olo yekane, ete nene ayambarœ nœ ye œ zi angba ye, yé œ pa fœ azu adœeke: “Ndjaba she lœ akuzu ye.” Yé walanœ asœ œ kpa ropa œeneke lima utshunœ ye.»

⁶⁵Pilato kœpa fœ endje adœeke: «Aturugu kœgbœndœ œrœ dœke. 'E na dœ endje dœ endje gbœndœ tshapa udunœ bata á 'e wa asœemœ.»

⁶⁶Ataa, endje na ga pa udu œ guma mara kœgbœndœ nœ: Endje iwwi badjanœ œ tshu dœ mandanœ yé á katœ aturugu ndœ kœgbœndœ nœ.

Matie 28

Kœshe nœ Yisu lœ akuzu

(Wu ba tœ Mar 16.1-10; Luk 24.1-12; Yow 20.1-10)

¹Manda olo sabata, kœli ga lœ ali olo nœ pœsœ, Mareya uzu Magadala dœ pe anga angbi Mareyanœ na kœwu tshapa udu.

²Trale atake, ɔshɔ turu dɔe agbɔnɔe. Anga andjelu nɔe Gbozu to ba lafo ɔe jere, ɔe vwiri egerɔe badja tɔe manda udunɔe yɛ á sɔe ga pa nɔe.

³Tshe sɔe lima bata kɔeyerɔewa yavuru, yɛ lɔeba ye sɔe dɔe imbinɔe bata ondoro.

⁴Aturugu sɔe lima kɔede gbaragbara dɔe awa, yɛ ɔe sɔe bata azu á endje tshu ye.

⁵Kashe andjelu za o'o yɛ ɔe pa fɔe ayashenɔe adɔeke: «Awa zaza 'e nene, mɔe wusɔe nɔe adɔeke 'e sɔe kɔepara Yisu á endje kuru she ga pa kurushi.

⁶Tshe gugu kpeke nene, mbɔerɔe Ndjaba she she lɔe akuzu bata á tshe pandɔe nɔe lima fɔe 'e. 'E na ga mɔe ɔe wu osho á tshe lo lima tɔenɔe.

⁷Yɛ 'e gu katsha ɔe pandɔe nɔe fɔe ayambarɔe nɔe ye adɔeke: “Ndjaba shɛ she lɔe akuzu ye, yɛ tshe ro utshu 'e ga lɔe Galilayi da ye; 'e wu she ba zɔe.” Ɔtɔenɔe dá mɔe pandɔe nɔe fɔe 'e asɔemɔe.»

⁸Endje katɔe tshapa udu ti dɔe awa ɔedɔe pe dɔe yanga, ɔe kpagu kɔepandɔe nɔe fɔe ayambarɔe nɔe ye.

⁹Trale, endje wu Yisu kɔena ga ndɔe endje, á pa fɔe endje adɔeke: «Mɔe bala 'e!» Endje gitɔe endje ndoo ga ndɔe ye, ɔe tepa ada ye yɛ á gote ga utshu ye.

¹⁰Yɛ Yisu pa fɔe endje adɔeke: «Awa zaza 'e bale nene. 'E gu ɔe pandɔe nɔe fɔe aaya mɔe adɔeke endje ro ga lɔe Galilayi: ba zɔe dá endje wu mɔe.»

O'o tɔe upu nɔe aayi kɔegbɔndɔe udu

¹¹Lɔkɔ á endje sɔepe lima tɔe ala awa, anga aturugu lɔe ugurutɔe aturugu kɔegbɔndɔe udu ro ga lɔe ongbo, ɔe pandɔe ɔerɔe kɔ á ro ba zɔe fɔe agbozu tshapa anganga Ndjaba.

¹²Manda kɔengbɔtɔe dɔe kɔedjitɔe agbozu nganga Ndjaba dɔe pe agbozu Ikriزيا, endje to ngendja dɔe egerɔe nɔe fɔe aturugu,

¹³yɛ ɔe pa fɔe endje adɔeke: «'E pa ngbi adɔeke: Lɔkɔ á 'e sɔe tɔe olo, ayambarɔe nɔe ye na dɔe butshɔ ɔe za angba oko ye yɛ.

¹⁴Yɛ ɔedɔe gbozugo kɔedji o'onɔe asɔe, a'a dá ru alanɔe yɛ á mbɔerɔe adɔeke 'e gbɔgbɔ o'o nene.»

¹⁵Aturugu za ngendjanɔe yɛ ɔe tetɔe kɔembɔerɔetɔe endje lindɔe o'onɔe á endje za fɔe endje asɔemɔe. Ataa, o'onɔe asɔe kaka osho ba ndɔe Ayuda ɔerrr ga tɔe kpesheke.

Yisu matɔe ye fɔe ayambarɔe nɔe ye

(Wu ba tɔe Mar 16.14-18; Luk 24.36-49; Yow 20.19-23; Akw 1.6-8)

¹⁶Ayambarɔe nɔe ye ndjokpa dɔe bale na ga lɔe Galilayi ba pa kaga á Yisu yi lima sɔe nɔe fɔe endje.

17Lɔkɔ á endje wu lima she, endje gote ga utshu ye; kashe anga endje ugurutœ endje sœ lima dœ sharapu.

18Yisu na ndoo dœ endje, œ pa fœ endje adœeke: «Ndjaba za tshagbozu kɔ nœ œrœ tshalafo dœ pe œnœ tshapa shɔ fœ mœ.

19'E na djelœ ogo kɔ, 'e fa azu tœ ayambarœ nœ mœ, yé œ za batisimu fœ endje dœ i'iri Aba, dœ Gbolo dœ pe Ɔtshɔ ishiri,

20'e yisœ nœ fœ endje adœeke endje gbɔndœ œneke kɔ á mœ za lima dœ o'o fœ 'e. Yé œmœ, mœ sœ dœ 'e awa bale ɔɔ dœ ɔɔ œerrr ga tœ kœka tshapashɔ.»

Marke

Marke 1

Køeyisøerøe nœ Yowane ayi kœza batisimu

(Wu ƒa tœ Mat 3.1-12; Luk 3.1-18; Yow 1.19-28)

- ¹Asœ kœdœ Ɔtsho O'o nœ Yisu Kristu, Gbolo nœ Ndjaba.
- ²Isaya, anga ayi kœgbara o'o su lima o'o ama Ndjaba la mbeti nœ ye adœke: «Ndjaba pa adœke: “Mœ vwa ayi akwa nœ mœ utshu zœ mbœerøe kœguma ala awa zœ.
- ³Uzu bale sœ kœmĩndœ upu ƒa lœ kpagagasho: ‘E guma ala awa Gbozu, ‘E yoro ala awa ye ndjii.”»
- ⁴Ɔeneke kœ mbœerøe lima tœ endje dœ ɔlɔnœ á Yowane sœ lima ƒa lœ kpagagasho. Tshe sœ lima kœza batisimu fœ azu, œ sœ kœeyisœ œrøe adœke: «'E fatshalɔsu 'e dœ œ gbo batisimu yeka á Ndjaba kœdjerœndœ ekperøe nœ 'e kœ.»
- ⁵Azu tshelœ ogo Yuda dœ tshalakpi Yerusalemœ á endje sœ lima kœna ga ndœ ye, endje sœ lima kœpandœ ekperøe nœ endje ngbii tœ ala azu kœ yeka á Yowane œ za batisimu fœ endje ƒa la ngu Yordane.
- ⁶Yowane verøe lima lœba á endje mbœerøe dœ usu shamo yé uwu tshapa lœbanœ tœ nguku ye kœdœ ɔkœ agea. Kœzirøe ama ye kœdœ lima ayila œdœ pe ojoro awaterøe.
- ⁷Tshe sœ lima kœgbara o'o fœ azu adœke: «Uzunœ á tshe na manda mœ asœ, tshe ropa mœ dœ gbɔgbɔ ye, mœ lili kœka ga utshu dœ pe kœzu uwu œrada nœ ye nene.
- ⁸Mœ za batisimu fœ 'e dœ amba ungu; kashe œshe, tshe za bala batisimu nœ Ɔtsho Ishiri fœ 'e.»

Yisu gbo batisimu yeka á Satana na kœwu lœsu ye

(Wu ƒa tœ Mat 3.13–4.11; Luk 3.21-22; 4.1-13)

- ⁹Dœ ɔlɔ nœ asœmœ, Yisu to ƒa lœ ogo Galilayi ƒa lakpi Nazarete, á na yeka á Yowane za batisimu fœ she ƒa la ngu Yordane.
- ¹⁰Kœwuta lima she kolœ langu atake, tshe wu adœke tshalafo koro ngbii yé Ishiri nœ Ndjaba jerøe ga pa ye ƒata mbepa.
- ¹¹Yé tshe dji tshama kœto ƒa lafo œ pa adœke: «Ɔœbœ kœdœ Gbolo nœ mœ á mœ yĩndœ zœ, yanga zœ sœ tœ mœ waa.»
- ¹²Trale manda nœ, Ishiri nœ Ndjaba to Yisu na tœnœ ga lœ kpagagasho.

¹³Tshe lo lima lœ kpagagasho olo zazu bisha á Satana na ba zœ kœwu lœsu ye. Tshe sœ lima kpœtœ œsœnœ dœ akatshagea tshelœ gusu yé á aandjelu lœ lima kœmbœrœ akwa fœ she.

Yisu e ayambarœ vana

(Wu ba tœ Mat 4.12-17; Luk 3.21-22; 5.1-11)

¹⁴Ɔlœnœ á endje za Yowane ga lœ kánga, Yisu kwatœ ye ga lœ Galilayi yé œ tetœ kœmĩndœ Ɔtshœ O'o ama Ndjaba.

¹⁵Tshe mi lima ndœ nœ adœke: «Ɔlœnœ tœ ye, yé Ogo gbozu nœ Ndjaba ndo ye. Atamœ 'e fatshalœsu 'e œ yindœ Ɔtshœ O'o!»

¹⁶Dœ anga ɔlœ bale, Yisu sœ lima kœna tœ mangu egerœ ungu adanga Galilayi, tshe wu ayi kœpara ageatshalangu bisha, Shimu œdœ aya nœ dœ Andere á endje sœ kœvwi gbanda nœ endje.

¹⁷Yisu pa fœ endje adœke: «'E na manda mœ dœ mœ fa 'e tœ aayi kœpara azu.»

¹⁸Pe kpœtœ œsœnœ, endje katœ gbanda nœ endje ti œ na manda ye.

¹⁹Yisu gitœ ye teasho ga utshunœ, œ wu Jake endje dœ ayancœ dœ Yowane, agbolo nœ Zebedayi. Endje sœ ga atĩ lœ agba á sœ kœdu œsœ gbanda nœ endje.

²⁰Yisu e endje, endje katœ aba endje dœ Zebedayi dœ pe ayi akwa nœ endje ti lœ agba, yé œ na manda ye.

Yisu gœrœ ekpe ishiri

(Wu ba tœ Mat 8.14-17; Luk 4.31-41)

²¹Yisu dœ ayambarœ nœ ye na lima ga lœ ongbo Kaparnawumu. Dœ lœko sabata, tshe li ga lœ Sinagoga œ tetœ kœyisœ œrœ.

²²Azu á endje sœ lima kœdji she kitœ mara Kœyisœrœ nœ ye, mbœrœ tshe sœsœ lima kœyisœ œrœnœ bœta aayi kœyisœ awa akwa nene kashe bœta uzu á tshe sœ dœ tshagbozu.

²³Trale anga uzu á tshe sœ dœ ekpe ishiri pa ye sœ ndje lima lœ Sinagoganœ, á tshe yi ama ye lœ rawa adœke:

²⁴«Yisu uzu Nazarete, bœ yindœ kœmbœrœ gadœ tœ 'a? Bœ na mbœrœ kœwo 'a? Mœ wusœ zœ dœ ɔtshœnœ, œbœ kœdœ œyerœ uzu á Ndjaba vwa she.»

²⁵Yisu ra ekpe ishiri sœmœ adœke: «Sœ koko! Gitœ zœ pa uzunœ asœke!»

²⁶Pe kpœtœ œsœnœ, ekpe ishirinœ yaka uzunœ, œ ve ɔgbœ rawa œ gitœ ye pa ye.

²⁷ƆE za lima awa fœ azu kœkœ yé endje tetœ kœyutœ endje adœke: «Asœ kœdœ gadœ? Tshe yisœ tafo œrœ dœ tshagbozu! Tshe pa o'o fœ ekpe ishiri yé ekpe ishiri sœ kœmbœrœtœ ye lindœ nœ.»

28Pe manda nœ asœmœ, i'iri Yisu za lima tshalakpi ogo Galilayi djigi.

Yisu she anga azu ndjoro

(Wu ba tœ Mat 8.14-17; Luk 4.38-41)

29Dœ lœkœnœ asœmœ, endje wuta lima lœ Sinagoganœ, œ gu ga sœnda nœ Shimu œdœ Andere awa bale dœ Jake dœ pe Yowane.

30Kœwuta Yisu atake, azu pa lima fœ she adœke ayimbeya Shimu lo ga pa kelekpa dœ kœba biwa.

31Yisu gitœ ye ndo dœ she, œ za kane ye, œ ti she ga lafo, kœba biwa nœ ye ka ngbewo. Yé yashe sœmœ tetœ kœmbœrœ akwa fœ endje.

32Dœ adila manda kœli œlœ, azu na lima dœ ayi kœba kœ dœ pe endje á endje lœ ndje lima dœ ekpe ishiri pa endje fœ Yisu.

33Azu tshalakpi ogonœ ngbœba tœ endje kœ ba lœ manda andanœ á Yisu dœ ayambarœ nœ ye sœ lima tœnœ.

34Yisu she lima azu ndjoro á endje sœ dœ mara kœba dœ kœba, œ gœrœ ndje lima ekpe ishiri ndjoro pa azu. Tshe rá lima ekpe ishiri adœke endje i ama endje bale nene, endje pupu o'o teasho nene kolœ mbœrœ á endje wu lima sœ ye dœ Yisu dœ œtshœnœ.

Yisu ba lakpi ogo Galilayi

(Wu ba tœ Mat 4.23; Luk 8.42-44)

35Pe dœ amazi utshu nœ kœwuta œlœ, Yisu katœ Kaparnawumu ti œ na kœsœ ga tœ osho á sœ ziti ba lœ kpagagasho. Ba zœ, tshe tetœ kœ'e tshalafo.

36Shimu dœ anga anganœ na kœpara she.

37Kœgbœ she kpœ atake, endje pa fœ she adœke: «Azu kœkœ lœ kœpara bœ.»

38Yisu gi o'o fœ endje adœke: «A na ga tœ anga angbi osho, ga lœ ongbo á sœ mashenga dœ œneke adœke mœ yi ndje sœ œtshœ O'o ba zœ kane. Mbœrœ mœ na mbœrœ tœnœ.»

39Yé tshe ro lima djelœ ogo Galilayi djigi; œ yi lima sœ œrœ ba lœ Sinagoga nœ endje, œ gœrœ ndje lima ekpe ishiri pa azu.

Yisu she uzu kœba boroma

(Wu ba tœ Mat 8.1-4; Luk 5.12-16)

40œlœ bale, anga ayi boroma na ga ndœ Yisu, œ gote ga utshu ye, œ ki fœ she adœke: «œdœ bœ kœyindœ kœshe mœ, bœ she mœ lœ kobanœ asœke.»

41Yisu wu oyo ye, œ yi kane ye, œ goro she á pa fœ she adœke: «Mœ yindœ nœ adœke bœ she!»

⁴²Kolœ tœ farapu boroma yiwa yé tshe she.

⁴³Yisu gi she toro kœgu ga ndœ ye, œ pa fœ she dœ ɔgbɔ adœke:

⁴⁴«Dji mœ dœ ɔtshɔnœ! Papandœ œrœ á mbœrœtœ endje fœ bœ fœ uzu bale nene, kashe gu œ matœ zœ fœ ngangá Ndjaba, œ to tokóró tœ zœ lindœ œneke á Moyize pa lima ndœ nœ mbœrœ kœma fœ azu kɔ adœke bœ she lœ koba ye.»

⁴⁵Atamœ gbaa, uzu sœmœ gu œ mi tshelœ o'onœ ngele ngele djezœ tɔpanœ kpuru adœke azu kɔkɔ wusœ nœ. Mbœrœ tœnœ ataa, Yisu kpa lili lima kœwuta ngbi ga tœ ala azu ndœ akwa nene. Ataa Yisu gi lima tœ ye kœsœ ga tœ osho á azu ngbangba tœnœ nene gbaa, azu lœ lima kœto tœ osho dœ osho kœna ga ndœ ye.

Marke 2

Yisu she uzu á ada ye tshu

(Wu ba tœ Mat 9.1-8; Luk 5.17-26)

¹Manda anga olo, Yisu kwatœ ye ga lœ Kaparnawumu yé azu dji adœke tshe sœ ba sœnda.

²Azu ngbɔtœ endje ndjoro ba sœnda tɔ ga lœ talamanda œrrr yaba yaba tɔ ba shu. Anga ɔngɔɔ osho sœsœpe nene yé á tshe ka yeka á sœ kœyisœ œrœ fœ endje.

³Anga azu vana za uzu ada ye tshu tshakudu ye œ na dœ she fœ Yisu.

⁴Kolœ mbœrœ kœngba azu, endje lili kœwuta dœ she ba tshatshu Yisu nene. Endje ɔ, œ kɔɔ ogoro ba pa anda kpœtœ osho á Yisu ká tœnœ yeka á yi uzunœ á ada ye tshu asœmœ dœ kondja nœ ye kɔ tara tœnœ ndjii ga tshatshu ye.

⁵Yisu wu kœyindœrœ nœ endje, œ pa fœ uzunœ á ada ye tshu adœke: «Gbolo nœ mœ, mœ djerœndœ ekperœ nœ zœ ye.»

⁶Anga aayi kœyisœ awa akwanœ á ndje lœ ga ati tœ œsœnœ tetœ kœgbetshelœ endje adœke:

⁷«Mbœrœ gade á uzunœ asœke œ pa mara o'o ata a? Asœke kœdœ kœgu œsœ Ndjaba nene a? Œdœ dá li tœ kœdjerœndœ ekperœ a; œ dœdœ Ndjaba kuti ye nene a?»

⁸Yisu wu lima sœ gbetshelœ nœ endje kpa, á yu endje adœke: «Mbœrœ gade á 'e gbe o'o tœ lœsu 'e ataa a?»

⁹Kœpa fœ uzu adœke: “Mœ djerœndœ ekperœ nœ zœ ye”, too ndje kœpa adœke: “Aalafo, œ za kondja nœ zœ yé œ na ana”, o'o neketa dá ga a?

10Mœ pa o'onœ asœke mbœrœ 'e kœwusœ nœ adœke kpœpa ɔshɔ asœke kɔ, Gbolo nœ uzu dá sœ dœ gbɔgbɔ mbœrœ kœdjærœndœ ekperœ». Yé á tshe kœpa fœ uzunœ á ada ye tshu adœke:

11«Mœ pa fœ bœ, áalafo œ za kondja nœ zœ yé œ gu ga ndœ zœ!»

12Gbikivwígbi, ayi kobanœ aalafo, œ za kondja nœ ye, œ wuta ngarr dœ ala azu kɔkɔ á endje sœ lima tœ œsœnœ. Cœ te egerœ o'o loema azu kɔ yé uvuru endje kpa lœ nœ. Endje donga Ndjaba, œ pa adœke: «A wuwu ba lima anga neke bale nene!»

Yisu e Levi

(Wu ba tœ Mat 9.9-13; Luk 5.27-32)

13Yisu fatœ ye kœgu jærœ ngbɔɔ tœ mangu Galilayi. Azu ndjoro na ga ndœ ye á tshe ka á sœ kœyisœ œrœ fœ endje.

14Kœsœ kœdirœ ataa, Yisu wu anga uzu bale, i'iri ye kœdœ Levi, gbolo nœ Alefe á tshe sœ ga ati ba tœ osho kœyɔ lapo. Yisu vwi o'o fœ she adœke: «Na manda mœ.» Levi áafo yé œ na manda ye.

15Manda nœ, Yisu sœ kœzirœ ba sœnda nœ Levi. Azu kœko ngendja lapo ndjoro, dœ pe aayi kœmbœrœ ekperœ sœ lima kœzi œrœnœ dœ she awa bale œdœ pe ayambarœ nœ ye, mbœrœ ili azu á ndje sœ lima kœna manda ye kœdœ kolœ mara azunœ asœmœ.

16Yé aayi kœyisœ awa akwa nœ Afarisayi wu Yisu kœzi œrœ awa bale dœ ayi kœko ngendja lapo dœ pe azu kœmbœrœ ekperœ, á yu ayambarœ nœ ye adœke: «Mbœrœ gadé á tshe zi œrœ kpœtœ œsœnœ bale dœ azu kœko ngendja lapo œdœ pe aayi kœmbœrœ ekperœ a?»

17Yisu dji ataa, œ gi o'o fœ endje adœke: «Azu neke á tshelœ akɔ endje sœ yerœ, endje mbœrœ ogo monganga nene kolœ ayi koba dá gbe ndœ kœna kœwu she. Mœ na kœ'e osho fœ azu á endje sœ ndjii nene, mœ na mbœrœ azu kœmbœrœ ekperœ.»

Azu yu Yisu tœ upu kœyotshelœma

(Wu ba tœ Mat 9.14-17; Luk 5.33-39)

18Dœ anga ɔɔ bale, ayambarœ nœ Yowane ayi kœza batisimu dœ pe endje nœ Afarisayi lœ lima kœyotshelœma endje mbœrœ Ndjaba yeka azu na kœyu Yisu adœke: «Mbœrœ gadé á ayambarœ nœ Yowane ayi kœza batisimu dœ endje nœ Afarisayi œ yotshelœma endje mbœrœ Ndjaba yeka á endje nœ zœ vvara má tœ endje kœmbœrœ awa bale a?»

19Yisu gi fœ endje adœke: «Cœdœ uzu kœto yashe á kœ'e anganœ ndœ angbonœ, endje yotshelœma endje ye a? Bale nene! Bata akɔ yashe sœ kpœtœ œsœnœ dœ endje, endje yotshelœma endje nene.

²⁰Kashe lɔkɔ á endje kœza ako yashenœ ugurutoe anganœ, ɔlɔnœ á endje yotsheloema dœmœ.

²¹«Uzu zaza tafo lœba œ pi ga pa ongboro lœba nene. Œdœ tshe kœembœerœ ataa, tafo ndœma lœbanœ œ suru tshelœ ongboronœ, yé ogoronœ œ kpa gerœ kœeropa ongboro ogoronœ má utshunœ.

²²Awa bale, uzu susu tafo ipi va va va ga lœ ongboro anga nene. Ete nene œ kœsœ adœke ipinœ yuuyu, tshelœ anga œ kpa kiri kiri; á kœede, ipinœ œ tu kpa ga lœ ɔshɔ. Ipi dœ anga kɔkɔ œ ro ye, a wusœ nœ adœke tafo ipi li dœ tafo anga.»

Yisu kœdœ ayengɔ lɔkɔ sabata

(Wu ba tœ Mat 12.1-8; Luk 6.1-5)

²³Dœ anga lɔkɔ sabata bale, Yisu dœ ayambarœ nœ ye ro tɔ lœ kindi ble. Ayambarœ nœ ye yopa kœsɔ ogboro kumu ble na tœnœ indiri ala awa.

²⁴Yé Afarisayi yu she adœke: «Wu œneke kane, mbœerœ gadœ á ayambarœ nœ zœ œ mbœerœ œerœ neke á lili adœke azu mbœerœ dœ olo sabata nene a?»

²⁵Yisu gi o'o fœ endje adœke: «'E didi damba la mbeti dœ ádá œerœ á Davidi mbœerœ lima, dœ ɔlɔnœ á ogo li tœ ye dœ azu nœ ye á endje gugu dœ kœezirœ nene a?»

²⁶Tshe li ba lœ anda nœ Ndjaba, á zɔ rœgo á endje ko fœ Ndjaba dœ lɔkɔ nœ Abiatare á li kolœnœ adœke egerœ nganga Ndjaba kœezi, á Davidi zɔ yeka á kpa to ndje udunœ fœ azu nœ ye.»

²⁷Yisu kpa pa fœ endje adœke: «Ndjaba mbœerœ lɔkɔ sabata mbœerœ uzu, tshe mbœembœerœ uzu mbœerœ lɔkɔ sabata nene.

²⁸'E wu ádánœ á sœ adœke Gbolo nœ uzu kœdœ ayengɔ lɔkɔ sabata.»

Marke 3

Yisu she uzu á kane ye tshu

(Wu ba tœ Mat 12.9-14; Luk 6.6-11)

¹ɔlɔ bale, Yisu kpa li ga lœ Sinagoga, œ gbɔ anga uzu á kane ye tshu.

²Azu á ndje lœ lima tœ œsœnœ, mesho lima lœ ala endje kœewu too Yisu œ she uzunœ asœmœ dœ lɔkɔ sabata, yeka á œne kœegbɔ awa kœetɔ meza pa ye.

³Yé Yisu pa fœ uzunœ á kane ye tshu adœke: «Aalafo, œ na œ ka kpœegurunœ.»

⁴Tshe yu azunœ adœke: «Lɔkɔ sabata yindœ nœ adœke azu mbœerœ ɔtshœrœ too ekperœ? Lɔkɔ sabata yindœ kœshe uzu too kœekatœ ye adœke tshe tshu?» Endje ngbɔ kɔkɔ œ lœ ko ko ko.

⁵Yisu shokɔ endje vvirrr, tshelœ ye voro tœ endje kɔ kɔ kɔ. Tshe sœ lima dœ adja oyo tœ lɔsu ye tœ kœwu ɔgbɔ lɔsu nœ endje, yé œ pa fœ ayi kobanœ adœke: «Yɔrɔ tshelœ kane zœ!» Tshe yɔrɔ tshelœnœ yé tœ farapu, kane ye gumatœ ye ngbewo.

⁶Afarisayi wuta kɔ lœ anda ngbɔtœ, œ ngbɔtœ endje pe kpoetœmœ dœ azu nœ Erode kœvwarandœ o'o tœ kœpara awa ndœ kœwo she dœ Yisu.

Azu ndjoro na ga ndœ Yisu

(Wu ba tœ Mat 4.25; 12.15-16; Luk 6.17-19)

⁷Yisu dœ ayambarœ nœ ye áalafo œ gitœ endje kœna ga tœ mangu Galilayi. Azu ndjoro lœ ogo Galilayi na manda ye. Anga endje to lœ ogo Yuda,

⁸dœ Yerusaleme, ba lœ ogo Idume, œdœ ogonœ á sœ ba atshi Yɔrdane, dœ ogonœ á sœ mashenga dœ tshalakpi Tire dœ Sidona. Azu na lima ndjoro ga ndœ Yisu mbœrœ endje dji lima o'o tœ upu œneke kɔ á tshe sœ lima kœmbœrœ tœnœ.

⁹Yé Yisu pa fœ ayambarœ nœ ye adœke endje gumasœ aya agba bale ndœ ana mbœrœ adœke azu kœpoporo œne nene.

¹⁰Gbambanœ nene, tshe she lima azu tɔpanœ kpuru yeka á endjeneke á endje lœpe dœ koba sœ kœgbugburutshelœtœ endje adœke œne goro she yeka á kœshe.

¹¹œdœ ndje endjeneke á ndje sœ lima dœ ekpe ishiri, endje kœwu she, endje sœ lima kœyo ga tœ koda ye dœ kœve rawa adœke: «œbœ kœdœ Gbolo nœ Ndjaba.»

¹²Yisu rá endje adœke endje papandœ nœ fœ uzu bale nene.

Yisu ke aayi avwa nœ ye ndjokpa dœ bisha

(Wu ba tœ Mat 10.1-4; Luk 6.12-16)

¹³Manda nœ Yisu ɔ ga pa kaga, œ e azu neke á tshe yindœ endje kœna ga ndœ ye.

¹⁴Tshe ke endje ndjokpa dœ bisha yé œ fa endje tœ «ayi avwa» nœ ye. Tshe ke endje kœsœ awa bale dœ she, tœ kœvwa endje ndœ kœyisœ œrœ,

¹⁵œdœ ndje pe kœza gbɔgbɔ kœgɔrɔ dœ ekpe ishiri pa azu fœ endje.

¹⁶I'iri aayi avwanœ ndjokpa dœ bisha kœdœ: Shimu (á Yisu za anga i'iri ye ga panœ adœke Petro),

¹⁷Jake œdœ ayandœ dœ Yowane (endje bisha kœdœ agbolo nœ Zebedayi, Yisu tá i'iri endje adœke Boaneregese, ádánœ adœke, agbolo nœ kœsɔ yavuru),

¹⁸dœ Andere, Filipino, Bartelemi, Matie, Toma, Jake tshenœ Alefe, Tade, Shimu uzu Kanana,

¹⁹dœ Yudasi Isikariote, œshe dá ka lima Yisu.

Yisu œdœ Belezebula

(Wu ba tœ Mat 12.22-32; Luk 11.14-23; 12.10)

²⁰Yisu gu ga sœnda yé azu ndjoro kpa ngbœtœ endje dji she. Mbœrœ tœnœ ataa, tshe gbœgbœ awa kœziœ teasho œdœ ndje ayambarœ nœ ye nene.

²¹Aayanœ dji ataa œ ngbœtœ endje, œ na manda ye ndœ kœto she mbœrœ endje gbe adœke: «Kumu ye djingili ye.»

²²Aayi kœyisœ awa akwa á endje to ba lœ Yerusaleme pa fœ endje adœke: «Belezebula gbozu nœ ekpe ishiri sœ pa ye. Œshe dá za gbœgbœ fœ she tœ kœgœrœ dœ ekpe ishiri pa azu ascœmœ.»

²³Yisu e endje, œ pa fœ endje lœ gbaguru adœke: «Kotoo á Satana œ gœrœ undu ye dœ tœ ye a?

²⁴Œ kœsœ adœke azu lœ ogo bale kœndjœtshelœtœ endje, ogonœ œ kpa dœ ogo nene.

²⁵Œdœ azu lœ mazungu kœsœ dœ o'o lœ oporo tœ endje, mazungunœ œ sœpe nene.

²⁶Œ kœsœ adœke Satana sœ kœnga koshe dœ azu nœ ye too œ kœsœ ndje adœke azu nœ ye kurutshelœtœ endje, gbœgbœ ye œ ka, yé œndœ ye œ di nene.

²⁷«Uzu á tshe kœyindœ kœli kœzi angba œrœ nœ ayi gbœgbœ, œ li adœke tshe i she vwagbagba ga tœnœ dœ uwu yeka á kœko œrœ nœ ye.

²⁸Mœ pa fœ 'e dœ adjapu adœke Ndjaba œ djerœndœ ekperœ nœ azu kœkœ dœ pe o'o ama endje á ndje pa.

²⁹Kashe uzu neke á tshe kœpa ekpe o'o goro œsœ Œtshœ Ishiri, Ndjaba œ djerœndœ ekperœ nœ ye teasho nene mbœrœ tshe mbœrœ ekperœ.»

³⁰Yisu mi lima ndœ nœ fœ endje ataa, mbœrœ endje pa lima adœke: «Ekpe ishiri sœ pa ye.»

Ayi Yisu dœ aaya nœ

(Wu ba tœ Mat 12.46-50; Luk 8.19-21)

³¹Dœ anga œbœ bale, ayi Yisu dœ pe aayanœ na, œ sœpe ba shu œ vwa uzu kœ'e she fœ endje.

³²Azu ndjoro á ndje lœ ati kœdji she pa fœ she adœke: «Oro osho kane! Ayi zœ dœ aaya zœ sœ kœpara bœ ba shu.»

³³Yisu gi fœ endje adœeke: «ƆEde kœdœ ayi mœ a? ƆEde kœdœ aya mœ a?»

³⁴Tshe shokɔ endje á ndje lœ ga ati kœdji she karr, œ pa fœ endje adœeke: «'E wu ayi mœ œdœ aaya mœ; endje dá lœ ati asœeke.

³⁵Uzu neke á tshe mbœrœ œeneke kɔ á Ndjaba yindœ nœ, uzunœ kœdœ aya mœ, yingɔ mœ œdœ ndje pe ayi mœ.»

Marke 4

Ndœma toro nœ ayi kœlu ngwarœ

(Wu ba tœ Mat 13.1-9; Luk 8.4-8)

¹Yisu kpa kwatœ ye ndœ kœyisœ œrœ ba tœ mangu Galilayi. Azu ndjoro ngbɔtœ endje tœ kœdji she. Mbœrœ tœnœ ataa, tshe na œ ɔ ga lœ agba á sœ ga ati yeka azu ka yaba yaba ga tœ ɔshɔ tœ makaga ungunœ á lœ tœ kœdji she.

²Tshe yi lima sœ œrœ ndjoro fœ endje lœ ndœma toro. Lœ kœyisœrœ nœ ye, tshe pa adœeke:

³«E dji mœ dœ ɔshœnœ! Anga uzu bale na lima ndœ kœlu ngwarœ ga lœ kindi nœ ye.

⁴Bata á tshe sœ kœlu ngwarœ natoœnœ, anga indjinœ yo ga indiri ama awa, ayanu wu œ de.

⁵Anga indjinœ yo ga lœ oporo badja. ƆE ko gbaa, kashe œ tooro kœgerœ tœnœ mbœrœ adœeke ɔshɔ mimi tœ oshœnœ nene.

⁶Bata ɔlɔ tɔ vwege vwege, œ ɔrɔ mbœrœ awa adœeke eshœnœ li ɔshɔ gugu nene.

⁷Anga indjinœ yo ga lœ ishi. Ishinœ gerœ œ ropa ɔtshɔ ngwarœnœ yé awa adœeke œ le gugu nene.

⁸Anganœ yo ga lœ ɔtshɔ ɔshɔ. ƆE ko, œ gerœ dœ ɔtshœnœ. ƆE zu tshelœtœ endje, œ le zazu bale dœ ndjokpa (30), anganœ le zazu votɔ (60), anganœ kama bale (100).»

⁹Yisu pa fœ endje adœeke: «Uzu á tshe kœsœ dœ utu kœdji dœ o'o, kaka tshe dji.»

Mbœrœ gade á Yisu œ yisœ œrœ lœ ndœma toro a?

(Wu ba tœ Mat 13.10-17; Luk 8.9-10)

¹⁰Ɔlœnœ á Yisu gi lima tœ ye tœ azu á sœ kuti ye, endje á ndje sœ lima kœna manda ye dœ pe ayambarœ nœ ye ndjokpa dœ bisha gitœ endje ga indiri ye tœ kœyu she tœ ádá ndœma toronœ á tshe pa má asœmœ.

11Yé tshe gi o'o fœ endje adœke: «Mbœrœ e'e, Ndjaba yisœ ádá o'o Ogo gbozu nœ ye á zatœ endje yiwa tœnœ fœ 'e yé, kashe anga azu á ndje lœ ba shu, endje dji o'o kɔ kolœ b̄ata ndœma toro gbambanœ,

12mbœrœ adœke endje li kœtondœ œrœ dœ ɔtshɔnœ kashe endje wu nene, yé endje li kœdji o'o dœ ɔtshɔnœ kashe endje za tshelœ katanœ kporo nene, ete nene endje fa má tshalɔsu endje yé Ndjaba œ yindœ kœdjerœndœ ekperœ nœ endje.»

Yisu pandœ ádá ndœma toro nœ ayi kœlu ngwarœ

(Wu b̄a tœ Mat 13.18-23; Luk 8.11-15)

13Manda nœ, tshe kpa kœyu endje adœke: «E djidji tshelœ kata ndœma toronœ asœke nene a? Atamœ 'e wu má sœ ádá anga udunœ koto o?

14Ayi kœlu ngwarœ nœ asœmœ kœdœ ayi kœyisœ O'o ama Ndjaba fœ azu.

15Anga azu lœ b̄ata ama awa. O'o ama Ndjaba na ga ndœ endje b̄ata indji ngwarœ á yo ga tœ ala awa. Endje kœdji O'o ama Ndjaba, Satana na œ kakara tœ lœsu endje.

16Anga azu lœ ndje b̄ata indji ngwarœ œneke á yo ga lœ djeere badja. ɔlɔ á endje kœdji O'o ama Ndjaba, endje yindœ nœ katsha dœ yanga,

17kashe œndœ kœyindœrœ nœ endje œ di nene mbœrœ eshe endje lili ɔshɔ nene. Endje lili kœla banga mbœrœ O'o ama Ndjaba nene œdœ o'o kœna ga ndœ endje yeka á endje ka ngbiri lœ kœyindœrœ nœ endje nene.

18Anga azu lœ b̄ata indji ngwarœ œneke á yo ga lœ ishi. Endje dji O'o ama Ndjaba dœ ɔtshɔnœ,

19kashe oyo tshapashɔnœ asœke, yanga kœgbɔrœ á sœ kœfara azu, dœ pe tshelœ áká gb̄etshelœ kɔkɔ á zuzu tœ lœsu endje. Tœnœ kɔ dá ndi tshelœ O'o ama Ndjaba. Mbœrœ tœnœ ataa, awa adœke endje mbœrœ ɔtshɔrœ gugu nene.

20Anganœ yo ga lœ ɔtshɔ ɔshɔ. ɔtshɔ ɔshɔnœ kœdœ azu neke á ndje dji O'o ama Ndjaba á gb̄ondœ nœ ga tœ lœsu endje, á matœ endje dœ ɔtshɔ akwa manda kœdji o'onœ. Endje kœdœ ngwarœ neke á gerœ berea berea, œ le zazu bale dœ ndjokpa (30), anganœ zazu votɔ (60), yé anganœ ndje kama bale (100).»

O'o tœ upu nœ miinda

(Wu b̄a tœ Luk 8.16-18)

21Yisu pa fœ endje adœke: «Uzu kœta owo ga tœ miinda, tshe za ga tshakudu lœsú too b̄a tshakudu kelekpa a? Endje za miinda b̄a pa gbarœ kœza miinda ga panœ, œ sœsœ atamœ nene a?

22Kolœnœ ataa, o'o á zatœ endje yiwa tœnœ, œ matœ endje ngbii dœ eshenœ kɔkɔ.

²³Uzu á tshe koesœ doe utu noe koedji doe o'o, kaka tshe dji!»

²⁴Yisu kpa mindœ noe foe endje adœke: «'E gbe doe o'onœ á 'e dji asœke. Kolœ awa bale b̄ata á 'e sœ kœzatœ 'e foe azu, awa bale Ndjaba œ to ɔtshœroe foe 'e tɔpanœ kp̄lirɔ.

²⁵Gbambanœ nene, œshe á tshe koesœ doe œroe ndjoro, endje za anganœ ga pa noe; tsheneke á tshe kœgugu doe œroe nene, endje ko œeneke teasho á sœpe tshakane ye.»

O'o mbœerœ ngwarœ á gerœ kuti ye

²⁶Yisu kpa pa adœke: «Ogo gbozu noe Ndjaba sœ b̄ata uzu lu ngwarœ ga lœ ɔshɔ.

²⁷Uzu á tshe lu ngwarœ lo olo doe butshɔ œ na ana doe ɔlɔ. ɔlɔ kœwuta ngwarœ doe pe kœgerœ tœnœ, ayi kœlu ngwarœnœ wuwusœ noe bale nene.

²⁸ɔshɔ mbœerœ kotoo á ngwarœ œ gere a? Utshunœ kɔ, ungbu ngwarœnœ œ wuta yekane á manda noe elenœ œ u. Tœ votœnœ á kakonœ œ vuru lœ kumunœ yeka á tetœ kœgerœ tœnœ.

²⁹ɔlɔ á elenœ kœgbɔ yeka á azu œ na kœwa tœnœ, kœvere too kœkɔ tœnœ mbœerœ olonœ li ye.»

O'o mbœerœ ele mutarde

(Wu b̄a tœ Mat 13.31-32; Luk 13.18-19)

³⁰Yisu kpa yu osho adœke: «Ogo gbozu noe Ndjaba sœ koto o? Ndœema toro gad̄e dá li doe tœnœ adœke a koedji a?

³¹Ogo gbozu noe Ndjaba sœ b̄ata ele mutarde. Œ koedœ kœlu tœnœ, elenœ sœ teasho ga tshakudu leyɔ kɔ pa ɔshɔ.

³²Manda kœlu tœnœ œ kœko, œ zutshelœtœ ye. Œ gerœ tœ ingir̄inœ kœropa kako d̄ngɔ para kɔkɔ lœ kindi. Ganeanœ œ gboro tœ ɔtshœnœ kœli adœke ayanu mbœerœ koma endje ga tshakudunœ.»

³³Yisu yisœ œroe foe azu lœ ndœema toro ndjoro b̄ata œeneke mbœerœ adœke endje koedji ádá o'onœ á œne sœ tœ kœpa foe endje.

³⁴Tshe sœ lima kp̄alakpala kœpa o'o ko doe ndœema toro kashe endje kœsœ kolœnœ doe ayambarœ noe ye yeka á tshe gbara ala o'onœ ngb̄i foe endje.

Yisu rá yugu

(Wu b̄a tœ Mat 8.23-27; Luk 8.22-25)

³⁵Kolœ doe ɔlœnœ asœmœ, doe ɔgbɔ kidala, Yisu pa foe ayambarœ noe ye adœke œne zu ga atshi egerœ ungu adanga.

³⁶Ataa endje ka lima tœ azu ti, œ za Yisu doe agba neke á tshe sœ lima lœnœ yé anga angb̄i agba lœ lima indiri noe.

³⁷Bata á endje sœ lima kœzu ungu, ndavuru yugu za gu tœnœ kp̄kp̄kp̄. Loko na, yakpa ungu tu yé œ ɔ dœ agba tshé tshé tshé, agba yindœ kœnduru tœnœ.

³⁸Yisu sœ ba tœ budu agba, œ za kumu ye ga pa tikumu, œ lo ye. Ayambarœ nœ ye jo she œ pa fœ she adœke: «Ayi kœyisœrœ, á tshu ke a! Bœ gbe kotoo dœ œrœ á mbœrœ dœ kumu azœ asœke a?»

³⁹Yisu jo læ olo, œ gbagbara yugu, œ pa fœ ungu adœke: «Tuturu nene! Sœ koko!» Tshelœ yugu wa ngbewo yé osho yi tá.

⁴⁰Yisu yu ayambarœ nœ ye adœke: «Mbœrœ gadœ awa sœ tœ 'e ata a? 'E gugu dœ kœyindœrœ nene a?»

⁴¹Uvuru endje i lima gara yeka endje sœ lima kœvwi o'o ugurutœ endje adœke: «Tsheneke kœdœ dœ yeka á ungu dœ pe yugu kœ œ dji she atake a?»

Marke 5

Yisu she uzu á ekpe ishiri sœ pa ye

(Wu ba tœ Mat 8.28-34; Luk 8.26-39)

¹Yisu dœ ayambarœ nœ ye zu ga tshi Galilayi ba tœ ogo nœ Ageresaye.

²Kœjerœ kolœ ga at̄i læ agba atake, anga yakoshe á tshe sœ dœ ekpe ishiri pa ye to ba pa udu akuzu, œ na para tshatshu ye.

³Tshe sœ lima kœsœ sheko ba pa udu akuzu yé uzu bale pa ashœ á tshe li tœ kœi she ga tœnœ gugu nene. Œdœ ndje dœ djingiri gbaa, œ mbœrœ œrœ bale tœ ye nene.

⁴Mbœrœ kpala kpala endje i lima ada ye dœ uwu aza, œ i kane ye dœ djingiri, kashe tshe sœ kœsœtshelœ nœ kœ. Ayi gbœgbœ á tshe li tœ kœza she para adœke tshe kœmœ too gugu bale nene.

⁵Butshœ dœ œbœ kœ, tshe sœ lima kœsœ waa ba pa udu akuzu œdœ pe ba pa kaga kœta rawa œdœ kœgbi kotœ ye dœ badja.

⁶Bata á tshe wu Yisu læ ingir̄inœ, tshe kpa dœ œrœ œ gote ga utshu ye.

⁷Œ ve rawa dœ œgbœ adœke: «Yisu Gbolo nœ Ndjaba ba lafo, bœ yindœ kœmbœrœ gadœ tœ mœ a? Mœ ki fœ bœ dœ i'iri Ndjaba adœke bœ gágága kumu mœ nene!»

⁸Tshe ki lima ataa mbœrœ Yisu pa lima fœ she adœke: «Ekpe ishiri, wuta læ uzunœ asœke!»

⁹Yé Yisu yu she adœke: «i'iri zœ kœdœ dœ?» Tshe gi fœ she adœke: «i'iri mœ kœdœ Kœngba, gbambœ nene 'a sœ azu ndjoro.»

¹⁰Tshe ki dœ œgbœ, œ pa fœ Yisu adœke tshe vwavwa œne ga læ angbi ogo nene.

- 11**Egerœ ukpulu akɔso lœ lima kœzĩrœ tœ ada kaga.
- 12**Atamœ ekpe ishĩrĩnœ ki fœ Yisu adœeke: «Vwa 'a dœ 'a na œ li ga lœ akɔso.»
- 13**Yisu za awa fœ endje yé endje wuta lœ uzunœ, œ kpa œ li ga lœ ukpulu akɔso. Endje lœ lima kutu bisha (2.000) á to ba pa kaga yeka á tara uru uru gu ga la ngu, á nduru kɔkɔ.
- 14**Aayi kœgbɔndœ akɔsonœ kpagu lima dœ ɔɔ ndœ kœpandœ œsœ œrœ á mbœrœtœ endje fœ azu lœ kindi wuta tœnœ kpaa ga lakpi, yé azu ndjoro na lima ndœ kœwu œrœnœ á wuta asœmœ.
- 15**Endje na ndoo dœ Yisu á wu yakoshenœ á tshe sœ lima dœ aekpe ishĩrĩ ndjoro pa ye asœmœ. Tshe sœ kpakparakpa dœ budu ye ga ati, œ verœ lœba ga tœ ye á sœ ko ko ko. Awa za azu kɔ.
- 16**Azu á ndje wu lima œrœ á mbœrœ fœ uzunœ á ekpe ishĩrĩnœ sœ lima pa ye œdœ pe tœ upu nœ akɔsonœ asœmœ, mĩndœ œsœnœ fœ anga endje.
- 17**Endje ki ga tœ Yisu adœeke tshe gitœ ye lœ ogo nœ œne ye.
- 18**Kœgu Yisu ndœ kœɔ ga lœ agba, uzu ekpe ishĩrĩ sœmœ ki ga tœ ye adœeke œdœ tshe kœyĩndœ nœ œne gu dœ she awa bale.
- 19**Kashe Yisu yiyĩndœ nœ nene á pa fœ she adœeke: «Gu ga ndœ ayo zœ, œ pandœ œneke á Gbozu Ndjaba wu oyo zœ á mbœrœ fœ bœ.»
- 20**Yakoshenœ gu lima œ tetœ kœmĩndœ œneke kɔ á Yisu mbœrœ fœ she tara tœnœ ngbɔɔ lœ ogo á i'ĩrĩnœ kœdœ Tshalakpi Ndjokpa. Œ fa o'o gooo na tœnœ lœ ama azu kɔ yi kumu anda yi budu nœ.

Yisu shé yawuru nœ Jaeruse dœ pe yashe koba indji

(Wu ba tœ Mat 9.18-26; Luk 8.40-56)

- 21**Yisu kpa zu ungu dœ agba. Kœwuta she ba atshĩnœ ataa, azu ngbɔtœ endje ndjoro dji she ba tœ makaga ungunœ.
- 22**Anga gbozu tshapa Sinagoga á i'ĩrĩ ye kœdœ Jaeruse na, œ wu Yisu, œ gote ga utshu ye,
- 23^a** ki ga tœ ye adœeke: «Yawuru nœ mœ ndo dœ kuzu. Wu oyo mœ dœ œ to kane zœ ga pa ye, tshe she œ sœ dœ soro.»
- 24**Yisu yĩndœ nœ, œ gu tœ awa bale dœ she. Azu ndjoro te manda ye œ sœ kœgoro she na tœnœ.
- 25**Anga yashe bale dœ koba indji sœ ndje lima ugurutœ azunœ. Tshe lo lima dœ koba indjinœ ungu ndjokpa dœ bisha,

26tshe wu oyo kækɔɔ tœ awa azu kœshe she yé œ ndi ngendja nœ ye kœko gbambanœ. Kobanœ kpa oma dœ ɔgbɔnœ, ga pa nœ dœmœ tshelœ akɔ ye kakara nene.

27Tshe dji ndœ œsœ Yisu, œ na ga lœ oporo tœ azu. Œ gba dœ ɔgɔ ye œrrr á goro lœba nœ ye.

28Mbœrœ tshe gbe lima adœke: «Œdœ mœ kœgoro kolœ lœba nœ ye, koba nœ mœ œ ka.»

29Petœ œsœnœ koba indji nœ ye voro kpa yé tshe wusœ nœ adœke œne she ye.

30Trale Yisu wu lima adœke anga gbɔgbɔ wuta lœ œne. Á fatœ ye karr á yu osho adœke: «Œdœ dá turutœ lœba mœ a?»

31Ayambarœ nœ ye gi o'o fœ she adœke: «Bœ wuwu azu ndjoro á ndje sœ kœero dara bœ asœke nene yeka á yu 'a adœke œdœ dá turutœ lœba nœ zœ a?»

32Ataa gbaa, Yisu para osho djitœ ye tshakpata kœwu uzu á tshe mbœrœ œrœ asœmœ.

33Yashe kobanœ de gbara gbara gbara dœ awa mbœrœ á tshe wusœ œrœ á mbœrœtœ endje fœ she. Tshe na œ te ga utshu Yisu œ pandœ adja o'o kɔ fœ she.

34Yisu pa fœ she adœke: «Gbolo nœ mœ, kœyindœrœ nœ zœ she bœ ye; gu dœ ɔtshɔnœ. Koba nœ zœ ka ye.»

35Damba o'o sœpe lœma Yisu, azu to ba sœnda nœ gbozu Jaeruse, œ pa fœ she adœke: «Gbolo yawuru nœ zœ tshu ye. Ádá kœndanga ayi kœyisœrœ kœdœ gadœ?»

36Kashe Yisu gbegbe dœ o'onœ asœmœ nene, œ pa fœ Jaeruse adœke: «Awa zaza bœ nene, sœ kolœ dœ kœyindœrœ.»

37Tshe pakata udu azu kɔ kœna dœ she, œ za awa kolœ fœ Petro, dœ Jake œdœ pe ayancœ dœ Yowane.

38Kœwuta endje ba sœnda nœ Jaeruse, Yisu wu igbi, œ dji tshama azu ndjoro kœki dœ rawa dœ ɔgbɔnœ.

39Tshe li ga sœndancœ, œ yu endje adœke: «Ádá iki dœ rawa nœ 'e kœdœ gadœ? Gbolonœ tshutshu nene, tshe sœ tœ olo.»

40Endje tetœ kœmɔ she. Tshe gɔɔ endje kɔ ga ushu, œ sœpe kolœ dœ aba gbolo, dœ ayincœ œdœ pe dœ ayambarœ nœ ye votɔ. Endje li ba tœ osho á oko gbolonœ sœ tœncœ.

⁴¹Tshe to kane ye ga pa gbolonœ, œ e she adœke: «Talita kumi!» (Ádánœ adœke: «Yawuru, mœ pa fœ bœ adœke bœ áalafo!»)

⁴²Trale gbolo áafo œ tetœ ana (gbolo nœ ungu ndjokpa dœ bisha). Azu wu atamœ, œ te o'o gooo lœ ama endje natœnœ djezœ.

⁴³Kashe Yisu kœ endje dœ œgbœ adœke endje papandœ nœ fœ uzu bale nene. Tshe pa fœ endje adœke endje para kœzĩrœ fœ she.

Marke 6

Yisu ba lœ Nazarete

(Wu ba tœ Mat 13.53-58; Luk 4.16-30)

¹Yisu katœ oshonœ asœmœ ti œ gu ga lakpi á tshe gerœ lœnœ yé ayambarœ nœ ye na manda ye.

²Dœ lœkœ sabata, tshe tetœ kœyisœ œrœ ba lœ Sinagoga. Œ za awa fœ azu ndjoro á ndje sœ kœdji she, yé endje yu osho adœke: «Asœke kpa to kpoeta a? Tshe kpa gbœ kœwusœrœ œneke ba ndœ dœ? Tshe gbœ awa afá neke bœta ma a?

³Œ dœdœ she kœdœ ayi kœguma mabaya nene a, gbolo nœ Mareya, aya Jake, dœ Joze, dœ Shimu œdœ ndje Yuda nene a? Ayingœnœ lœlœ kpœ ndœ azœ kpœke nene a?» Mbœrœ tœnœ ataa, endje vwara lima tœ endje tœ kœsœ dœ kœyindœrœ ga ndœ ye.

⁴Yeka á Yisu gi o'o fœ endje adœke: «Endje lisœ ayi kœgbara o'o tœ osho kœ. Kolœ ba sœnda nœ ye, ugurutœ ayancœ dœ ayingœnœ, lœ mara ye dá endje lilisœ ye nene.»

⁵Yisu lili lima kœmbœrœ afá lœ Nazarete nene. Kolœ gbadjagara anga azu á ndje sœ dœ koba dá tshe to kane ye ga pa endje á endje she kœ lœ koba nœ endje.

⁶Yé œgbœ lœsu nœ endje za lima awa fœ Yisu waa.

Yisu vwa ayambarœ nœ ye ndjokpa dœ bisha

(Wu ba tœ Mat 9.35; 10.1-15; Luk 9.1-6)

Manda nœ, Yisu na kœyisœrœ djelœ ogo kœ á lœ dje indiri tœ endje.

⁷Tshe e ayambarœ nœ ye ndjokpa dœ bisha, œ tetœ kœvwa endje bisha dœ bisha, œ za gbœgbœ kœropa ekpe ishiri fœ endje.

⁸Œ za o'o fœ endje adœke: «'E zaza œrœ potœ 'e lœ ananœ nene, 'e za kolœ tshœngbœlœ bale. Œdœ rœgo, œdœ ngbade too ngendja, 'e zaza œrœ bale ga lœ uwu tœ 'e nene.

⁹'E verœ œrada nœ 'e ga tœ ada 'e kashe 'e koko lœba bisha nene.»

¹⁰Tshe kpa pa fœ endje adœke: «Œ kœsœ adœke 'e wuta ba lakpi ogo bale, 'e lo kolœ læ anda á ndje yisœ noe fœ 'e œerrr ga tœ ɔɔ á 'e katœ tshakpœtœmœ ti.

¹¹Á œ kœsœ ndje adœke anga azu tshalakpi bale kœvwaratœ endje tœ kœza osho kœsœ fœ 'e too tœ kœdji o'o ama 'e; 'e katœ tshalakpĩnœ ti. Tœ kœma fœ endje adœke endje mbœrœ ekperœ, 'e gɔɔ trusha tshada 'e ti kpœtœmœ.»

¹²Ayambarœ noe ye na kœyisœrœ fœ azu adœke: «'E fatshalɔsu 'e.»

¹³Endje gɔɔ lima ekpe ishiri ndjoro pa azu, yé œ tá kada ga tœ aayi kœba ndjoro á she endje.

Kuzu Yowane ayi kœza batisimu

(Wu ba tœ Mat 14.1-12; Luk 9.7-9)

¹⁴Dœ lɔndɔnœ asœmœ, gbozugo Erode dji o'o dœ i'iri Yisu mbœrœ i'iri ye za osho kɔ. Endje gbe lima tœ ye adœke: «Yowane ayi kœza batisimu dá wuta læ akuzu, ádánœ á tshe sœ dœ gbɔgbɔ tœ kœfa œrœ dœmœ.»

¹⁵Anga endje adœke: «Eliya dœmœ.» Yé ili udu endje pa œnœ endje adœke: «Tshe kœdœ ayi kœgbara o'o ama Ndjaba bata ongboro anga endje á ndje gbara lima utshunœ.»

¹⁶Erode dji o'onœ ataa œ pa ngbewo adœke: «Adja Yowane ayi kœza batisimu á mœ wa lima igi ye dá wuta læ akuzu asœmœ.»

¹⁷Erode vwa lima aturugu noe ye adœke endje za she œ i she dœ djingiri, yé œ vwi she ga læ kána mbœrœ upu noe Erodiade, awo ayancœ dœ Filipino á tshe to lima she.

¹⁸Gbambancœ nene, Yowane pa lima fœ Erode adœke: «Œ lili dœ bœ adœke bœ ka ga tœ awo aya zœ nene.»

¹⁹Mbœrœ o'onœ asœke, Erodiade za lima ókó Yowane ga læ ye, œ yi lima ndœ kœwo she kashe awa gugu damba lima tœ ye nene.

²⁰Gbambancœ nene, Erode sœ lima kœliscœ Yowane mbœrœ tshe wu lima scœnœ adœke tshe kœdœ uzu á tshe sœ ndjii œdœ yerœ, yé tshe sœ lima kœgbɔndœ ye. Dœ lɔndɔ á Erode kœsœ lima kœdji Yowane, tshe wuwu lima sœ œrœ kœmbœrœ tœnœ nene. Ataa atamœ ndje gbaa, tshe sœ lima dœ ogo kœdji she.

²¹Andaa anga olo bale, awa kɔɔ fœ Erodiade dœ lɔkɔ angbo kœzu Erode. Erode e angbo kœgbe dœ olo kœzu she. Tshe e agbozu kumu akwa noe ye dœ pe endje noe tshapa aturugu œdœ ndje pe agbozu tshapa ogo Galilayi á kœkurutshelœ yanga noe ye dœ endje.

²²Yawuru noe Erodiade li ba scœnda, œ vitœ ye yé œ ga tœ Erode dœ azu á tshe e endje ndœ angbonœ tɔpanœ kpuru. Á gbozugo Erode pa fœ yawuru scœmœ adœke: «Yɔndœ œrœ kɔ á bœ yindœ noe, dœ mœ za fœ bœ.»

²³Erode wa igi ye doe osho adoeke: «Eroe neke ko á boe e osho ndoe noe, moe ko foe boe. Edoe boe koegbe ndje doe tshakala ogo á moe soe pa noe, moe wa foe boe.»

²⁴Yawuru wuta oe yu ayinoe adoeke: «Eroe gade dá moe koe'e osho ndoe noe a?» Ayinoe gi foe she adoeke: «E osho ndoe kumu Yowane, ayi koeza batisimu.»

²⁵Yawuru gboegbotoe ye wuta toene ga tshatshu gbozugo Erode, oe pa foe she adoeke: «Moe yindoe noe adoeke boe za kumu Yowane, ayi koeza batisimu ga loe kalango ngongɔ asoeke foe moe.»

²⁶Ɔe za lima oyo toe losu Erode toe koedji ata. Yé awa koefa o'o gugu lima nene mbœroe á tshe wa lima igi ye utshu azu ko á tshe e lima endje ndoe angbo noe ye.

²⁷Pe kpœtoemoe, tshe vwa anga turugu adoeke tshe na oe gu doe kumu Yowane foe œne. Turugunoe na ba loe kánga, oe wa igi Yowane,

²⁸oe za kumu ye ga loe kalango, oe gu doe toene foe yawurunoe á tshe za foe ayinoe.

²⁹Ayambaroe noe Yowane dji o'onoe atamoe, oe na oe za oko ye á shi ba loe udu.

Yisu to rœgo foe azu kutu mindu (5.000)

(Wu ba toe Mat 14.13-21; Luk 9.10-17; Yow 6.1-14)

³⁰Aayi avwanoe fatoe endje gu ga ndoe Yisu, oe pandoe œneke ko á ndje mbœroe loe ana koeyisœroe noe endje ko foe she.

³¹Yisu pa foe endje adoeke: «'E notoe 'e ngerrr ga mabunoe oe yatoe 'e teasho kane.» Mbœroe azu loe lima koedaratoe endje topanoe kpuru, anga ndje koena anga ndje koegu á awa adoeke Yisu doe ayambaroe noe ye yi anga œroe hiaru ga loe ama endje gugu nene.

³²Endje ɔ ga loe agba, oe gitoe endje ga toe osho á azu gugu lima toene nene.

³³Azu ndjoro wu endje koena toene atamoe, oe vwanga endje doe ada endje yé á wuta ba toe oshonoe á endje soe koena ga toene.

³⁴Kœjœroe Yisu loe agba atake, tshe wu azu ndjoro, oe za oyo foe she toe losu ye mbœroe endje soe bata apata neke á ayengɔ endje gugu nene, á tshe tetoe koeyisœ œroe ndjoro foe endje.

³⁵Bata ɔɔ ro ye, ayambaroe noe ye gitoe endje ndoo doe she, oe pa foe she adoeke: «Orosho, asoe koedoe tsheloe kpagagasho, ɔɔ ro yé a loepe kpœke.

³⁶Pandoe noe foe azunoe ndjoro asoeke adoeke endje wuta ga lakpi too ga loe kindi indiri toe azoe oe para kœzirœ.»

³⁷Yé Yisu gi foe endje adoeke: «'E para rœgo doe toe 'e á koeto foe endje.» Endje pa foe she adoeke: «Boe yindoe noe adoeke a na oe yo mapa ndoe denari kama bisha yekane á koeto foe endje a?»

³⁸Á Yisu kœyu endje adœke: «'E sœ dœ mapa kotoo? 'E na dœ wu kane.» Endje na œ di, œ pa fœ she adœke: «A sœ dœ mapa mindu dœ ageatshalangu bisha.»

³⁹Yisu pa fœ ayambarœ nœ ye adœke: «'E pa fœ endje adœke endje kputœ endje ga ati ga pa gusu.»

⁴⁰Endje lœ ga ati œ kputœ endje ga tœncœ kama bale (100), anga endje zazu bisha dœ ndjokpa (50).

⁴¹Yisu ko mapa sœmœ mindu dœ pe ageatshalangu bisha asœmœ, œ me sho ga lafo œ ki fœ Ndjaba. Tshe kavwa tshelœ mapanœ, œ ko fœ ayambarœ nœ ye adœke endje kurutshelœncœ tœ azunœ. Tshe kuru ndje tshelœ ageatshalangunœ bisha asœmœ tœ azu kœkœ.

⁴²Azu kœkœ zi yé uvu endje sú.

⁴³Ayambarœncœ ngbœba udu rœgonœ á sœpe lima manda endje ga lœ kingi ndjokpa dœ bisha.

⁴⁴Ayakoshe á ndje zi lima œrcœncœ lœ kutu mindu (5.000).

Yisu na pa ungu dœ ada ye

(Wu ba tœ Mat 14.22-33; Yow 6.16-21)

⁴⁵Hara manda nœ, Yisu vwa ayambarœ nœ ye kpa kœœ ga lœ agba kœzu utshunœ á kœkate she ba itshi ungu ba tœ awa tshalakpi Betesayida; œ gi udu azu kœ ga tœ ogo endje.

⁴⁶Manda kœkatœ endje ti, tshe œ ga pa kaga ndœ kœki fœ Ndjaba.

⁴⁷Kœwuta ga tœ adila, agba lœ lima ba uguru ungu, yé Yisu sœ kuti ye ba tœ ama œshœ.

⁴⁸Tshe wu lima adœke kœi kayi li lima tœ ayambarœ nœ ye mbœrcœ yugu to ba utshu endje á sœ kœgi endje ga manda nœ. Lœ gurutsha, Yisu na pa ungu dœ ada ye gu tœncœ ga ndœ endje, yé á yindœ kœero endje voro.

⁴⁹Kœwu she kœena pa ungunœ ataa, endje gbe adœke anga ngandoro azu dœmœ á yi ama endje lœ rawa.

⁵⁰Manda nœ, endje wu she kporo yé awa litœ endje. Trale, Yisu vwa o'o fœ endje adœke: «Lœsu 'e sœ ziti; awa mbœmbœrcœ 'e nene. Œmœ kœsœ!»

⁵¹Tshe gitœ ye ndo dœ endje, œ œ ga lœ agbanœ yé yugu ka ngbewo. Œ za lima awa fœ endje tœpanœ kpuru,

⁵²mbœrcœ adœke endje wuwusœ tshelœ kata œrcœ á tshe mbœrcœ adœke mapa gu kpœœ nene, mbœrcœ œgbœ lœsu nœ endje.

Yisu shé ayi kœba ba lœ Genazarete

(Wu ba tœ Mat 14.34-36)

⁵³Manda kœzu ungunœ, endje du agba ga tœ mangu, œ wuta ga lakpi ogo Genazarete.

⁵⁴Kœjerœ endje kolœ lœ agba ataa, azu gbɔ Yisu kpɔ,

⁵⁵œ za ɔɔ kpatœnœ ndœ kœɔ ayi koba lakpi para, œ ko endje dœ kelekpa kpagu tœnœ ga tœ osho á Yisu sœ lima tœnœ.

⁵⁶Osho kɔ á Yisu sœ lima kœna tœnœ, œdœ lœ aya ogo too lœ egerœ ogo too ndje ga indirinœ; endje sœ lima kœko ayi koba ga tœ ala awa, kœki fœ Yisu adœke tshe za awa fœ endje adœke ndje goro amba ama lœba ye. Yé, endje para kɔkɔ á ndje goro lima lœba ye, endje she.

Marke 7

O'o mbœrœ awa akwa nœ Ndjaba

¹Ɔɔ bale, Afarisayi dœ pe anga aayi kœyisœ awa akwa á ndje to ba lœ Yerusaleme ngbɔtœ endje dji Yisu.

²Endje wu anga ayambarœ nœ Yisu kœzi œrœ dœ uburu, œ yindœ kœpa adœke endje djudjutɔ kane endje nene.

³Ádánœ adœke, Afarisayi dœ pe udu Ayuda kɔ zizi œrœ utshu kœdjutɔ kane endje kpaa ba tœ dingini endje nene. Œtœnœ kœdœ o'o á endje gbɔ manda aata endje.

⁴Œdœ endje kœto ba lœ zando á kœgu, utshu kœziœ, œ li adœke endje djuto kane endje yeka. Endje lœpe ndje kœgbɔndœ ata o'o aata endje ndjoro bata: mara kœdjutɔ tshelœ yashi dœ pe lɔsú, œdœ ndje gbarœ á ndje mbœrœ dœ wola kowo.

⁵Ádánœ ataa á Afarisayi dœ aayi kœyisœ awa akwanœ yu Yisu adœke: «Mbœrœ gadœ á ayambarœ nœ zœ za o'o ama aata ndje ti yé á zi œrœ dœ uburu tœ kane endje ma a?»

⁶Yisu gi fœ endje adœke: «Isaya gbara lima o'o dœ ádá 'e adœke 'e kœdœ awulapatshɔ, á su liya la Buku nœ Ndjaba adœke: “Azunœ asœke donga mœ kolœ lœ ama endje gbambanœ, kashe ba tœ lɔsu endje, endje yiyindœ mœ nene.

⁷Endje wu oyo kœdonga mœ gbambanœ mbœrœ endje sœ kœyisœ adja œrœ á to ba ndœ azu.”»

⁸Yé Yisu pa fœ endje adœke: «'E za awa o'o nœ Ndjaba vwi'i, œ ga kolœ kœpa o'o á to ba lœ ama azuzu.»

⁹Yé tshe kpa pa adœke: «'E katœ kœlisœ awa o'o nœ Ndjaba kolœ mbœrœ kœyɔrɔndœ o'o á to ba lœ ama 'e dœ tœ 'e.

¹⁰Gbambanœ nene, Moyize pa lima adœke: “Kpa awa aba zœ dœ ayi zœ,” ndje adœke: “Uzu á tshe kœgu œsœ abanœ dœ ayinœ, endje wo she ye.”

¹¹Kashe ba ndœ 'e, œ kœsœ adœke uzu pa fœ abanœ dœ ayinœ adœke: “œrœ á mœ yi má ndœ kœza fœ 'e kœdœ korba, mœ gbœndœ nœ fœ Ndjaba”,

¹²'e kpa zaza awa fœ she kœmbœrœ œrœ bale fœ abanœ dœ ayinœ nene.

¹³Ataa, 'e sœ kœgbatshelœ o'o ama Ndjaba mbœrœ o'o ama aata 'e á 'e lœ tœ kœyisœ nœ. Awa bale ndje dœ anga œrœ ndjoro a 'e lœpe kœmbœrœ tœnœ.»

œrœ á ndi lœsu uzu

(Wu ba tœ Mat 15.10-20)

¹⁴Yisu kpa e azu ndjoro á pa fœ endje adœke: «E'e kœ 'e dji mœ dœ œtshœnœ yé 'e wusœ nœ adœke,

¹⁵œ dœdœ œrœ á to ba shu á li ga lœ uzu dá ma she tœ ayi uburu nene kashe œneke kœ á to ba tœ lœsu uzu á wuta dá ma she tœ ayi uburu.

[¹⁶Uzu á tshe kœsœ dœ utu ndœ kœdji o'o, tshe dji.]»

¹⁷Yisu katœ azunœ ti œ li ga sœnda. Ayambarœ nœ ye tetœ kœyutœ endje ugurutœ endje tœ ádá o'o á tshe wuta má kœpa tœnœ ascœmœ.

¹⁸Tshe gi o'o fœ endje adœke: «E'e ndje, 'e gugu dœ kœwusœrœ ndœ kœdji dœ tshelœ kata o'onœ asœke nene a? 'E wuwusœ nœ damba nene adœke œrœ kœ á to ba shu á li ga lœ uzu fafa uzu tœ ayi uburu nene na a?

¹⁹œneke á to ba shu lili ga lœsu uzu nene, œ li ga lœ uvu yé manda nœ œ wuta lœ œkœ ye ga ushu.» Tshe yi lima ndœ kœma adœke kœzœrœ bale á dœ uburu gugu nene.

²⁰Yisu kpa pa adœke: «O'o á sœ ba lœ uzu, œ kœwuta ga ushu dá ma uzunœ tœ ayi uburu.

²¹Mbœrœ adœke tshelœ uzu kœdœ tshalœsu ye, osho á gbœtshelœ kœ œ wuta tœ kœmbœrœ dœ œrœ bœta ngbœndœrœ, kœzi angba, kœwo azu,

²²kœpara awo azu too akœ azu, kœsœ dœ ogo œrœ nœ anga azœ, ókó, kœfara osho, djingili, úkú, kœgu osho, kœzatœ osho, œdœ ndje pe kœmbœrœ œgbœrœ.

²³Ambára œrœnœ asœke kœkœ kœwuta lœ uzu yeka á ma she tœ ayi uburu.»

Yashe gene sœ dœ kœyindœrœ ga ndœ Yisu

(Wu ba tœ Mat 15.21-28)

²⁴Yisu áalafœ lakpœnœ ascœmœ œ gitœ ye ga lœ ogo á sœ ndœ dœ tshalœkpi Tire. Tshe li ga sœnda anga anda bale mbœrœ tshe yindœ nœ adœke uzu bale wusœ nœ adœke œne sœ kœœtœmœ nene.

²⁵Ataa, anga yashe bale á gbolo nœ ye sœ dœ ekpe ishiri pa ye, djindœ ye œ na kœgote ga utshu ye.

²⁶Yashe sœmœ dœdœ yuda nene, tshe kœdœ uzu tshalakpi Fenisi ba lœ ogo Siri. Tshe ki fœ Yisu adœke tshe gœœ ekpe ishiri pa yawuru nœ œne.

²⁷Kashe Yisu pa fœ she adœke: «Kaka damba adœke agbolo zi œrœ uvu ndje su yekane, mbœrœ œ sœsœ dœ œtshœnœ nene kœkakara kœziœ nœ agbolo á kœko va fœ ayavoro.»

²⁸Yashe sœmœ gi fœ she adœke: «Gbozu, œdœ adja o'o. Kashe ayavoro zi œrœ á yo tœ ama agbolo ga tshakudu ndaba.»

²⁹Yé Yisu gi fœ she adœke: «Mbœrœ o'o á bœ pa asœke, gu dœ œtshœnœ. Ekpe ishiriœ gitœ ye pa gbolo nœ zœ ye.»

³⁰Kœgu she kœwuta ba sœnda nœ ye atake, tshe wu adœke gbolo nœ ye má lo ga pa kelekpa, yé ekpe ishiri gi ba mámá tœ ye pa ye yé.

Yisu she ayi bitu

³¹Yisu wuta lœ ogonœ á sœ ndoo dœ Tire, œ vwanga tœ lœ Sidona kœgu ndœ mangu Galilayi ba uguru ogo á i'iriœ kœdœ Tshalakpi Ndjokpa.

³²Endje na ga ndœ ye dœ anga uzu bale á utu ye be yé á tshe sœsœ kœpa o'o nene. Endje ki ga tœ ye adœke tshe to kane ye ga pa ye.

³³Yisu gi she zara tœ azunœ, œ yi yakœne ye ga lœ utu ye, œ tu ngusha œ goro dœ tima ye.

³⁴Manda nœ, tshe mesho ga lafo, œ wu faa œ pa adœke: «Efata!» Œ yindœ kœpa adœke: «Kœœ!»

³⁵Kolœ tœ farapu, utu ye bibisha kœœ ngbi yé tshe pa o'o tœ œtshœnœ.

³⁶Yisu kœ endje adœke endje mimindœ nœ fœ uzu bale nene. Atamœ gbaa, endje mi tshelœ o'onœ ngele ngele ngele natœnœ djezœ.

³⁷Œ za awa tœ azu kœ á endje pa adœke: «Œneke kœ á tshe sœ kœmbœrœ tœnœ sœ dœ œtshœnœ! Tshe sœ kœkœœ ogoro utu ayi bitu, œ sœ kœmbœrœ adœke endjeneke á ndje papa o'o nene, pa o'o.»

Marke 8

Yisu to kœziœ fœ azu kutu vana (4.000)

(Wu ba tœ Mat 15.32-39)

¹Dœ œlœnœ ascœmœ, azu kpa ngbœtœ endje lima dji Yisu. Kœwu adœke kœziœ gugu mbœrœ endje nene, tshe e ayambarœ nœ ye œ pa fœ endje adœke:

- ²«Oyo azunœ asœke ká mœ waa, mbœrœ a lo dœ endje olo voto yé endje gugu dœ kœzirœ nene.
- ³Ɔdœ mœ kœgi endje ga ndœ endje dœ ogo ataa, endje mbombo tœ ala awa mbœrœ anga endje ugurunœ to lœ ingirinœ waa.»
- ⁴Ayambarœ nœ ye gi fœ she adœke: «A gbɔ má rœgo lœ kpagagashonœ asœke kpœta yekane á kœto fœ endje á endje kœzi á kœle endje a?»
- ⁵Yisu yu endje adœke: «'E sœ dœ mapa kotoo?» Endje gi fœ she adœke: «Mindu dœ bisha.»
- ⁶Yisu fatœ ye œ pa fœ azunœ ndjoro asœmœ adœke endje lœ ga ati ga tœ ɔshɔ. Tshe ko mapanœ mindu dœ bisha (7) asœmœ, œ donga Ndjaba, œ kavwa tshelœ nœ, œ ko fœ ayambarœ nœ ye adœke endje kurutshelœ nœ tœ azunœ.
- ⁷Endje lœ ndje dœ a'eara ageatshalangu. Yisu donga Ndjaba ndje mbœrœ a'eara ageatshalangu sœmœ, œ pa fœ endje adœke endje kurutshelœ nœ tœ azunœ.
- ⁸Azu para kɔkɔ zi, œ le ndje œ le. Ayambarœ rɔ ama udu rœgo á sœpe ga lœ kingi mindu dœ bisha.
- ⁹Azu sœ lima tœ œsœnœ kutu vana. Yisu pa fœ endje adœke uzu dœ uzu gu ga ndœ ye.
- ¹⁰Trale manda nœ, Yisu ɔ ga lœ agba dœ ayambarœ nœ ye tœ kœgu ga lœ ogo Dalmanuta.

Afarisayi e osho ndœ ambárá

(Wu ba tœ Mat 12.38-39; 16.1-4; Luk 11.16-29; 12.54-56)

- ¹¹Afarisayi na ga ndœ Yisu œ tetœ kœpu lœma endje dœ she mbœrœ kœwu lœsu ye. Endje yu she adœke tshe yisœ anga ambárá œrœ tœ kœma adœke gbɔgbɔ ye to ba lafo.
- ¹²Yisu wu faa dœ oyo tœ lœsu ye œ pa adœke: «Mbœrœ gadœ azu nœ tshakpesheke œ e osho ndœ ambárá! Mœ pa dœ adjapu fœ 'e adœke Ndjaba œ yisœ ambárá bale fœ 'e dœ azu oshonœ asœke nene.»
- ¹³Tshe kwatœ ye œ katœ endje ti, œ ɔ ga lœ agba tœ kœzu ga itshi ungu.

Aya kœwusœrœ nœ ayambarœ

(Wu ba tœ Mat 16.5-12; Luk 12.1)

- ¹⁴Ayambarœ nœ Yisu djerœndœ kœko kœzirœ, œ sœ kolœ dœ mapa bale lœ agba.
- ¹⁵Yisu mi upu fœ endje adœke: «Ala 'e gbɔ dœ ɔyɔ kœsuku mapa nœ Afarisayi dœ pe ndje œnœ azu nœ Erode kane.»

16 Ayambarœne pa o'o ugurutœ endje adœke: «Tshe sœ kœpa atamœ mbœrœ a gugu dœ mapa nene a!»

17 Cœ mbœrœ adœke Yisu wu lima sœ nœ á yu endje adœke: «Mbœrœ gade á 'e yutœ 'e ugurutœ 'e adœke 'e gugu dœ mapa nene a? Damba œrrr kpesheke 'e wuwusœ œrœ nene a? Ala 'e kœkœrœ damba nene a?»

18 'E lœ dœ ala yeka á wuwu dœ œrœ nene a? Cœ lœ dœ utu yeka á djidji dœ o'o nene a? Cœndœ œrœ kœ á mœ mbœrœ djerœ 'e ye a?»

19 Dœnœ á mœ kavwa lima tshelœ mapa mindu kœto fœ azu kutu mindu (5.000), kingi kotoo á sú dœ udunœ á sœ pe liya a?» Endje gi fœ she: «Ndjokpa dœ bisha.»

20 Yisu kpa yu adœke: «Dœnœ á mœ kavwa lima tshelœ mapa mindu dœ bisha (7) ndœ kœto fœ azu kutu vana, kingi kotoo á su dœ udunœ á sœpe liya a?» Endje gi fœ she: «Kingi mindu dœ bisha (7).»

21 Yeka á Yisu pa fœ endje adœke: «Damba 'e wuwusœ œrœ nene a?»

Yisu shé ayibula

22 Yisu dœ ayambarœ nœ ye wuta ba lœ Betesayida. Ba zœ endje na dœ anga uzu á ala ye bu, œ ki fœ she adœke tshe goro she.

23 Yisu za kane ye, œ wuta dœ she lakpĩnœ. Tshe tu ngusha ga la ye, œ to kane ye ga pa ye á yu she adœke: «Bœ wu gade?»

24 Ayibula gi fœ she adœke: «Mœ sœ kœwu azu, mœ wu endje bata œyœ á sœ tœ ana.»

25 Yisu kpa goro ala ye, ngbewo tshe she œ te kœwu œrœ kœ tœ œtshœnœ.

26 Yé Yisu za awa fœ she kœgu ga ndœ ye kashe ngbœlœ lakpi nene.

Petro gbara ngbewo adœke Yisu kœdœ Masiya

(Wu ba tœ Mat 16.13-20; Luk 9.18-21)

27 Yisu dœ ayambarœ nœ ye na ga lœ a'eara ogo á sœ dji indiri Sezaré, ogo gbozu Filipino. Tshe yu endje tœ awa adœke: «Azú sœ kœpa má adœke œmœ kœdœ dœ?»

28 Endje gi fœ she adœke: «Azú pa adœke œbœ kœdœ Yowane, ayi kœza batisimu, anga endje adœke œbœ kœdœ Eliya; anga udu endje pa œnœ endje adœke œbœ kœdœ ongboro anga ayi kœgbara o'o.»

29 Atamœ sœmœ, 'e gbe má œnœ 'e adœke œmœ kœdœ má œnœ mœ uzu dœ? A Petro gi fœ she adœke: «Cœbœ kœdœ Masiya.»

30 Yisu va tshelœ utu endje lœ ubunœ adœke endje papandœ nœ fœ uzu bale nene.

Yisu gbara o'o kuzu doe pe koeshe noe ye

(Wu ba tœ Mat 16.21-28; Luk 9.22-27)

31Manda noe, Yisu tetœ koeyisœ œrœ foe ayambarœ noe ye adœeke: «Gbolo noe uzu œ wu oyo waa. Agbo Ayuda, agbozu tshapa anganga Ndjaba ndje doe aayi koeyisœ awa akwa œ yindœ ye nene, endje wo she yeka manda olo voto á tshe she loe akuzu.»

32Tshe sœ lima koepa o'onœ o'ara o'ara yeka á Petro dji ata á e she ga indirinœ á kœ she adœeke tshe katœ koepa o'o atamœ ye.

33Yisu fatœ ye œ tondœ ayambarœ noe ye, œ ngá foe Petro adœeke: «Gitœ zœ tœ mœ, Satana! Gbetshelœ noe zœ lili doe œnœ Ndjaba bale nene, kashe œnœ azuzu.»

Kœna manda Yisu

(Wu ba tœ Mat 16.24-28; Luk 9.23-27)

34Manda noe kœ, Yisu e azu para doe pe ayambarœ noe ye œ pa foe endje adœeke: «Uzu koeyindœ kœna manda mœ, œ li adœeke tshe vwaratœ ye tœ undu ye doe tœ ye, œ za kurushi noe ye yeka á kœna manda mœ.

35Gbambanœ nene, uzu kœ á tshe sœ doe ogo kœsœ doe soro œ tshu ye; kashe tsheneke á tshe tshu mboerœ mœ œdœ ndje mboerœ Ɔtshœ O'o, œshe dá sœ doe soro.

36Ɔdœ uzu kœgbœ œrœ tshapashœ sœke kœkœ, œ sœ doe she kotoo bata á soro ye ndi a?

37Ɔrœ gadœ dá tshe yapa doe soro ye ascœmœ a?

38Ɔdœ uzu kœmbœrœ tshula mboerœ mœ doe pe mboerœ o'o noe mœ ba utshu azu noe tshakpesheke á endje dœ aayi kœmbœrœ ekperœ yé á zazatœ endje foe Ndjaba nene, Gbolo noe uzu œ mboerœ tshula ye ndje doe ɔbœ á tshe kwatœ ye loe mokœ noe Abanœ awa bale doe ayerœ andjelu.»

Marke 9

1Yisu kpa mindœ noe foe endje adœeke: «Mœ pa foe 'e doe adjapu adœeke anga azunœ asœke œ tshu nene utshu kœwu Ogo gbozu noe Ndjaba kœna doe gbœgbœ.»

Yisu fatœ ye doe ala ayambarœ noe ye

(Wu ba tœ Mat 17.1-13; Luk 9.28-36)

2Manda butshœ mindu doe bale, Yisu za Petro, Jake œdœ pe Yowane œ ɔ doe endje ga pa egerœ kaga. Ba zœ, tshe fatœ ye doe ala endje.

³Lœba nœ ye wuta tœ imbinœ urrr, uzu bale pa ɔshɔ á tshe li kœdjuto lœba ye adœke œ guru atamœ gugu nene.

⁴Eliya œdœ Moyize wuta ga utshu endje, œ ka á sœ kœpa tshama endje dœ Yisu.

⁵Petro pa fœ Yisu adœke: «Ayi kœyisœrœ, œ ga waa adœke a lœpe kpœke! A mɔ anda tande votɔ: Bale fœ bœ, bale fœ Moyize yé udunœ bale ndje fœ Eliya.»

⁶Kashe tshe wuwu lima sœ o'o á tshe sœ kœpa tœnœ nene, awa li lima tœ ye dœ anganœ kɔkɔ asœmœ.

⁷Ondoro jerœ ga pa endje. Ko pe lœ ondonœ, tshama uzu wu adœke: «Tsheneke kœdœ Gbolo nœ mœ á mœ yindœ ye waa; 'e dji she.»

⁸Pe kpœtœmœ, ayambarœ nœ ye mesho djikpata tœ endje, œ wuwu uzu bale nene kolœ Yisu kuti ye ga ndœ endje.

⁹Bata endje sœ lima kœjerœ kaga, Yisu pa fœ endje adœke endje papandœ œrœ kɔ á endje wu fœ uzu bale nene, œrrr Gbolo nœ uzu kœshe bala lœ akuzu yeka á endje kœmindœ nœ.

¹⁰Endje gbœndœ o'onœ ga lœsu endje, kashe endje tetœ kœyutœ endje adœke: «Ádá o'o nœ kœshe lœ akuzu kœdœ gadœ ma a?»

¹¹Yé ayambarœ nœ ye yu she: «Mbœrœ gadœ á aayi kœyisœ awa akwa pa lima adœke Eliya œ na utshunœ yekane a?»

¹²Yisu gi o'o fœ endje adœke: «Adjapu, Eliya œ na utshunœ mbœrœ kœguma œrœ kɔkɔ. Ka mbœrœ gadœ á o'o ama Ndjaba pa liya adœke Gbolo nœ uzu œ wu oyo yé azu œ mbœrœ œrœ kanga fœ she a?»

¹³Mœ pa fœ 'e adœke, Eliya na, yé azu mbœrœ fœ she œneke kɔ á endje yi lima ndœ nœ kœli dœ œneke á endje sú ala Buku nœ Ndjaba tœ upu nœ ye.»

Yisu shé gbolo á tshe sœ dœ ekpe ishiri

(Wu ba tœ Mat 17.14-21; Luk 9.37-43)

¹⁴Ɔlœnœ á Yisu dœ ayambarœ nœ ye votɔ gu ga ndœ udu endje, endje wu azu ndjoro djanga aayi kœyisœ awa akwa á ndje ngbœtœ endje ga tœnœ yeka á lœ kœshara o'o ugurutœ endje.

¹⁵Azunœ wu Yisu, lœsu endje tshi perea yé endje kpa kœbala she.

¹⁶Yisu yu endje adœke: «O'o gadœ da 'e lœ kœsharatœ 'e dœ ayambarœnœ lœ kumu nœ a?»

¹⁷Anga uzu bale lœ ugurutœ azunœ gi o'o fœ she adœke: «Ayi kœyisœrœ, mœ na dœ gbolo yakoshe nœ mœ fœ bœ. Tshe sœ dœ ekpe ishiri pa ye á mbœrœ adœke tshe papa o'o nene.

18Tœ osho kɔ á ekpe ishirinœ œ za gbolonœ, tshe za she vesho, furutsha œ wuta putu putu lœ ama ye, tshe zi tshelœ daji ye ngara ngara yeka á gbɔ kwa kwa kwa ga tœnœ. Mœ yu ayambarœ nœ zœ adœke endje gɔɔ ekpe ishirinœ pa ye yeka á endje lili kœgɔɔ she nene asœmœ.»

19Yisu pa fœ endje adœke: «E'e! 'E sœsœ dœ kœyindœrœ ga ndœ Ndjaba nene a? A lœpe dœ 'e kpœke manda olo koto o? 'E yindœ nœ adœke mœ ru lœsu mœ mbœrœ 'e manda olo koto o? 'E na dœ gbolonœ fœ mœ.»

20Á endje za she na tœnœ fœ she. Ekpe ishirinœ wu Yisu œ tetœ kœyaka gbolonœ tœ œgbœnœ. Gbolonœ te ga ati, œ vwiritœ ye nguru nguru lœ œshœ dœ furutsha lœ ama ye putu putu putu.

21Yisu yu abanœ adœke: «Ekpe ishirinœ mbœrœtœ ye manda ungu koto o?» Abanœ gi fœ she adœke: «Pe lœ gbolo ye.

22Ekpe ishirinœ sœ kœgeta she kpala kpala ga tawo, ga langu adœke tshe tshu ye. Kashe wu oyo 'a, œ mbœrœ œneke á li dœ bœ.»

23Yisu pa fœ she adœke: «Á kœli dœ mœ a? Cœrœ kɔ li kœmbœrœtœ endje fœ uzu tsheneke á tshe kœsœ dœ kœyindœrœ ga ndœ Ndjaba.»

24Pe kpœtœmœ, aba gbolonœ sá rawa adœke: «Mœ sœ dœ kœyindœrœnœ ataa, mbœrœ adœke mœ katœ sharapu!»

25Yisu wu azu kœna ndjoro ga ndœ endje œ nga fœ ekpe ishiri adœke: «Cœbœ dœ ekpe ishiri á bœ mbœrœ adœke gbolo asœke papa o'o nene, œ djidji o'o nene, mœ vwa bœ: Wuta lœ ye, yé kpa kwakwatœ zœ ndœ ye nene!»

26Ekpe ishirinœ ve rawa, œ gaga gbolo dœ œgbœnœ á wuta. Gbolo yœrœtshelœtœ ye œ wuta bata uzu á tshe tshutshu. Ukpulu azu á ndje sœ lima tœ œsœnœ pa adœke: «Tshe tshu ye.»

27Kashe Yisu za kane ye, œ ti she ga lafo yé tshe ka dœ ada ye.

28Yisu li ga sœnda yé ayambarœ nœ ye yu she adœke: «Mbœrœ gadœ yekane 'a lili má œnœ 'a kœgɔɔ ekpe ishirinœ sœmœ nene a?»

29Yé Yisu pa fœ endje adœke: «Kolœ avwala dá li tœ kœgɔɔ dœ mara ekpe ishirinœ asœke.»

Yisu kpa pa o'o kuzu œdœ kœshe nœ ye

(Wu ba tœ Mat 17.22-23; Luk 9.43-45)

30Endje áalafo œ sɔ tɔ lœ ogo Galilayi yé Yisu yiyi lima ndœ nœ adœke azu wusœ nœ nene.

31Mbœrœ tshe sœ lima kœyisœ œrœ fœ ayambarœ nœ ye adœke: «Endje ka Gbolo nœ uzu fœ azu adœke ndje wo she yé manda olo votɔ tshe she.»

³²Ayambarœne djidji lima tshelœ kata o'onœ nene, yé endje sœ lima dœ awa kœyu she.

Œefe dá dœ egerœ uzu a?

(Wu ba tœ Mat 18.1-5; Luk 9.46-48)

³³Endje wuta ba lœ Kaparnawumu, œ li ga sœnda. Yisu yu ayambarœ nœ ye: «O'o gadœ da 'e sœ lima kœvwarandœ nœ na tœnœ tœ ala awa a?»

³⁴Kashe endje lœ ko ko ko, mbœrœ tœ awa, endje sœ lima kœvwarandœ upu adœke œefe dá dœ egerœ uzu ugurutœ œene kœ a?

³⁵Yisu sœ ga ati, œ e ayambarœ nœ ye kœkœ ndjokpa dœ bisha yé œ pa fœ endje adœke: «Uzu kœyindœ kœsœ utshunœ, œ li adœke tshe sœ tœ ndœngœlœnœ. Yé ga panœ, tshe dœ ayi akwa nœ anganœ.»

³⁶Tshe za anga gbolo bale, œ za she tœ ga ugurutœ endje, œ yi kane ye lœ okoro ye; œ pa fœ endje adœke:

³⁷«Uzu á tshe kœza osho kœsœ fœ aya gbolo mbœrœ i'iri mœ, tshe za osho kœsœ fœ adja undu mœ. Yé œshe á tshe kœza osho kœsœ fœ mœ, tshe zaza oshonœ fœ mœ nene, kashe tshe za ndje fœ œshe á tshe vwa mœ.»

Kœsœ awa bale dœ Yisu

(Wu ba tœ Luk 9.49-50)

³⁸Yowane pa fœ Yisu adœke: «Ayi kœyisœrœ, 'a wu anga uzu bale kœgœrœ ekpe ishiri pa uzu dœ i'iri zœ yé 'a kœ she mbœrœ tshe sœsœ kœsœ dœ azœ awa bale nene.»

³⁹Kashe Yisu gi fœ endje adœke: «'E kœkœ she nene! Gbambanœ nene, uzu lili kœmbœrœ afá lœ i'iri mœ yé manda nœ œ pa ekpe o'o dœ i'iri mœ nene.

⁴⁰Mbœrœ uzu á tshe kœyiyiangba azœ nene, tshe kœdœ uzu nœ azœ.

⁴¹Yé uzu kœ á tshe su ungu kœndjoondjo fœ 'e mbœrœ 'e kœdœ azu nœ Kristu, mœ pa fœ 'e adœke; tshe gbœ adja œrœ tshangbanœ.»

Œerœ á yi azu ga lœ ekperœ

(Wu ba tœ Mat 18.6-9; Luk 17.1-2)

⁴²«Uzu kœ á tshe mbœrœ adœke aya gbolo á tshe kœsœ dœ kœyindœrœ ga ndœ mœ li ga lœ ekperœ, œ li adœke endje du egerœ badja ga lœ igi ye, œ na dœ œ geta she ga la egerœ ungu.

⁴³Œ kœsœ adœke kane zœ za bœ vwi ga lœ ekperœ, œ li adœke bœ ta ye. Œ sœ dœ œtshœnœ adœke bœ li ga lœ soro dœ kane zœ bale tœ œsœnœ adœke bœ li ga lœ kudu owo dœ kane zœ bibisha.

[⁴⁴Ba zœ, “angœzu kœzi kote azu tshutshu nene, yé owo ruru nene.”]

⁴⁵Ɔedœ ada zœ kœsœ kœyi bœ ga lœ ekperœ, vwa ye. Ɔe sœ dœ ɔtshœnœ fœ bœ kœli ga lœ soro dœ ada zœ bale tœ œsœnœ adœke bœ sœpe dœ tœnœ bibisha œ li ga lœ kudu owo.

[⁴⁶Ba zœ, “angɔzu kœzi kote azu tshutshu nene, yé owo ruru nene.”]

⁴⁷Ɔedœ ala zœ kœsœ kœyi bœ ga lœ ekperœ, tshagavwa ye. Ɔe sœ dœ ɔtshœnœ fœ bœ kœli ga lœ soro dœ tshakala ala zœ bale tœ œsœnœ adœke bœ wu oyo dœ tœnœ bibisha lœ kudu owo.

⁴⁸Ba zœ, angɔzu á ndje zi ɔkɔ azu tshutshu nene yé owo ruru ba lima nene.

⁴⁹Gbambœ nene, endje yamba uzu kɔ dœ owo bata á endje yamba ndje dɔngɔ kɔ dœ ingbirɪ.

⁵⁰«Ingbirɪ kœdœ ɔtshœrœ kashe œ kœtshɔtshɔ nene, œ kpa dœ ingbirɪ nene. Á œ kœsœ adœke ɔtshɔ ingbirɪ ka lœnœ, endje gi ga lœ nœ koto o? Kaka adœke 'e lœ dœ ingbirɪ lœ ɔkɔ 'e, œ sœ gee ugurutœ 'e dœ anga 'e.»

Marke 10

Yisu mi o'o dœ ádá kœndi totœ

(Wu ba tœ Mat 19.1-9; Luk 16.18)

¹Yisu gitœ ye kœro ga lœ ogo yuda ba kele ungu Yœrdane. Ba zœ, azu ndjoro kpa dji she á tshe sœ kœyisœ œrœ fœ endje bata á tshe sœ ba lima kœmbœrœ tœnœ.

²Anga Afarisayi na ga ndœ ye dœ gbetshelœ nœ kœyu tshelœ ye, yeka á endje yu adœke: «Ɔe li dœ yakoshe kœvwaratœ ye tœ awonœ a?»

³Yisu yu endje adœke: «O'o gadœ dá Moyize pa lima fœ 'e a?»

⁴Endje gi adœke: «Moyize za awa nœ kœkatœ ayashe ti. Utshu nœ kœkatœ ye, bœ su mbeti nœ kœvwaratœ zœ tœ ye.»

⁵Tshe kpa pa fœ endje adœke: «Moyize za lima awa o'onœ asœmœ fœ 'e mbœrœ ɔgbɔ lœsu nœ 'e.

⁶Kashe utshu nœ kœmbœrœ œrœ kɔ pa ɔshɔ asœke, Ndjaba mbœrœ lima yakoshe dœ yashe.

⁷Ádánœ á yakoshe œ katœ abanœ dœ ayinœ ti, á ngbɔtœ ye ga tœ œsœnœ dœ awonœ,

⁸yeka á endje bisha œ wuta uzu bale. Endje kpa sœsœ azu bisha nene kashe uzu bale.

⁹Ataa, œneke á Ndjaba ngbɔba ga tœnœ, uzu œ ndjɔ tshelœnœ nene.»

10Kœwuta endje ba scœnda, ayambarœ nœ ye kpa yu she tœ o'onœ má asœmœ.

11Á tshe kœgi fœ endje adœke: «Uzu kœ á tshe katœ awonœ ti á kpa to anga angbi yashe, tshe mbœrœ angba budu ga tœ ayendœ nœ ye.

12Ɛ kœsœ ndje adœke yashe kœkatœ akœnœ á kpa kœi anga angbi yakoshe, tshe sœ kœmbœrœ angba budu.»

Yisu to kane ye ga pa agbolo

(Wu ba tœ Mat 19.13-15; Luk 18.15-17)

13Azu na dœ agbolo fœ Yisu adœke tshe to kane ye ga pa endje yeka ayambarœ nœ ye sœ lima kœgeta endje.

14Kœwu atamœ, œ za ókó fœ Yisu yé tshe pa fœ ayambarœ nœ ye adœke: «'E katœ agbolo endje na ga ndœ mœ, 'e kœkœ endje nene mbœrœ Ogo gbozu nœ Ndjaba sœ mbœrœ azu á ndje lœ бата endje.

15Mœ sœ kœpa fœ 'e dœ adjapu adœke, œdœ uzu kœza osho kœsœ mbœrœ Ogo gbozu nœ Ndjaba бата gbolo nene, tshe li ga zœ nene.»

16Á Yisu djendœ endje ga tœ igi ye á to kane ye ga pa endje.

Ayi kœgbœrœ waa na ga ndœ Yisu

(Wu ba tœ Mat 19.16-30; Luk 18.18-30)

17Bata Yisu sœ lima kœero tœ awa, anga uzu kpa œ gote ga tshakudu ye, œ yu she adœke: «Ɔtshœ ayi kœyisœrœ, œ li adœke mœ mbœrœ gade á kœgbœ soro neke á kaka nene a?»

18Yisu pa fœ she adœke: «Mbœrœ gade á bœ e mœ Ɔtshœ uzu a? Ɔtshœ uzu bale gugu nene kolœ Ndjaba tshebabale kuti ye.

19Bœ wusœ awa o'o adœke: “Wowo uzu nene, papara awo uzu nene, zizi angba nene, wawa o'o dœ wala ga pa uzu nene, mbœmbœrœ ngbĩndirœ fœ uzu nene, lisœ aba zœ dœ ayi zœ.”»

20Uzunœ gi fœ she adœke: «Ayi kœyisœrœ, mœ sœ kœmbœrœtœ mœ lindœ nœ kœ pe tœ gbolo mœ.»

21Yisu shokœ she, yé dœ ala nœ ayo, œ pa fœ she adœke: «Ɛ sœpe œrœ bale, gu œ ka œrœ nœ zœ para kœkœ, œ kurutshelœ ngendjanœ kœkœ tœ aayi oyo á kœgbœ kœgbœrœ ba lafo. Manda nœ, fatœ zœ œ na manda mœ.»

22Manda o'onœ asœmœ, tshe sœ ko ko ko yé œ gu dœ oyo tœ ye, mbœrœ tshe sœ lima dœ œrœ waa.

23Yisu mesho djitœ ye œ pa fœ ayambarœ nœ ye adœke: «Ɛ sœ tœ œgbœnœ bala tœ aayi kœgbœrœ tœ kœli ga lœ Ogo gbozu nœ Ndjaba!»

24O'onœ ndjingivwi ayambarœ nœ ye. Yé Yisu kœpa pa fœ endje adœke: «Agbolo nœ mœ, Kœli ga lœ Ogo gbozu nœ Ndjaba gbœgbœ.

25œ gbœgbœ adœke agea b̄ata shamo li tœ lœ ogoro ìmbili. Kashe œ kpa gbœ kœrosœ nœ tœ ayi kœgbœrœ adœke tshe li ga lœ Ogo gbozu nœ Ndjaba.»

26Uvuru endje i gara lœ nœ, á endje tetœ kœyutœ endje ugurutœ endje adœke: «Atamœ, uzu d̄e dá li kœshe toœnœ a?»

27Yisu tondœ endje, œ pa adœke: «Ba tœ azu, œ li nene; kashe tœ Ndjaba, œrœ kœ œ li ye. Gbambanœ nene, Ndjaba li kœembœrœ œrœ kœkœ.»

28Yé Petro pa fœ she adœke: «Wu kane, a katœ œrœ nœ 'a ti kœ, á na manda zœ.»

29Yisu gi fœ she adœke: «Mœ pa fœ 'e dœ adjapu adœke, œ kœsœ adœke uzu katœ anda nœ ye, dœ ndje aayanœ, ayingœnœ, ayinœ, abanœ, agbolo nœ ye, kindi nœ ye ti mbœrœ upu nœ mœ ndje dœ pe mbœrœ upu Ɔtshœ O'o,

30dœ oshonœ asœke, tshe gbœ anga anda, aya, ayingœ, ayi, agbolo, kindi œdœ ndje œrœ kanga; yeka dœ oshonœ á na manda nœ, á tshe gbœ soro neke á ka nene.

31Azu ndjoro á ndje sœ utshunœ, endje sœ bala tœ ndœngœlœnœ, yé endje nœ ndœngœlœnœ œ te bala azunœ tshatshu nœ.»

Yisu pa voto o'o kuzu dœ pe kœshe nœ ye

(Wu b̄a tœ Mat 20.17-19; Luk 18.31-34)

32Yisu dœ ayambarœ nœ ye sœ lima tœ awa kœœ gu toœnœ ga lœ Yerusaleme. Yisu te lima utshu endje, yé awa li lima tœ azunœ á ndje lœ lima kœna manda ye, lœsu endje sœ lima ga lafo. Yisu kpa ko ayambarœ nœ ye ndjokpa dœ bisha ga ìndiri tœ ye, á tetœ kœpa o'o tœ upu œrœ a yindœ kœembœrœtœ ye fœ endje atake:

33«'E wu, a œ kœ b̄a lœ Yerusaleme. Endje ka Gbolo nœ uzu fœ agbozu tshapa anganga Ndjaba ndje dœ aayi kœyisœ awa akwa. Endje wa agbœ ngbanga ga pa ye adœke endje wo she, yé œ za she fœ angbii azu.

34Endje mœ she, œ tu ngusha ga tœ ye, œ sœ she dœ ndjapa, œ wo she, yeka manda olo voto á tshe she lœ akuzu.»

Kœyœndœrœ nœ Ajake dœ Yowane

(Wu b̄a tœ Mat 20.20-28; Luk 22.25-27)

35Ajake dœ Yowane, agbolo nœ Zebedayi, na ga ndœ Yisu, œ yu she adœke: «Ayi kœyisœrœ, 'a yindœ nœ adœke bœ mbœrœ œrœ neke á a yu bœ toœnœ fœ 'a.»

36Á Yisu kœyu endje adœke: «œrœ gad̄e dá 'e yindœ nœ adœke mœ mbœrœ fœ 'e a?»

³⁷Endje gi fœ she adœke: «Œ kœsœ adœke bœ sœ kœsœ lœ mokɔ nœ zœ, za awa fœ 'a kœsœ ga indiri tœ zœ, anga uzu bale ga pa kuni zœ, yé anga ga pa gele.»

³⁸Á Yisu kœpa fœ endje adœke: «'E wuwusœ œrœnœ a 'e esho ndœ nœ asœke nene. Adja 'e li kœndjo yashi kanganœ á mœ ndjo bala ye a? 'E li ndje kœgbo batisimunœ á mœ gbo bala ye a?»

³⁹Yé endje gi fœ she adœke: «A li dœ tœnœ ye.» A Yisu gi fœ endje adœke: «Kpœtœpu, 'e ndjo yashi kanganœ á mœ ndjo ye, yé 'e gbo batisimu á mœ gbo ye.

⁴⁰Kashe tœ kœza awa fœ uzu kœsœ ga ati ga pa kuni mœ too ga pa gele mœ, ascœmœ wuwu mœ nene. Mbœrœ tœnœ kœdœ osho á sœ fœ endjeneke má Ndjaba guma fœ endje.»

⁴¹Udu ayambarœnœ ndjokpa dji o'onœ atamœ œ tetœ kœso ókó ga tœ Ajake dœ Yowane.

⁴²Yisu e endje para kɔkɔ œ pa fœ endje adœke: «'E wusœ nœ adœke agbozugo yindœ nœ adœke azu lœpe kolœ tshakudu tshagbozu nœ endje. Yé agboro azu yi ndje ndœ kœma kolœ gbɔgbɔ endje ga pa aaya azu.

⁴³Œneke scœsœ kœmbœrœtœ endje lœ guru tœ 'e nene. Kashe, œ kœsœ adœke uzu gbe kœsœ tœ egerœ uzu ugurutœ 'e, œ li adœke tshe fatœ ye tœ ayi akwa nœ 'e.

⁴⁴Œ kœsœ adœke anga uzu ugurutœ 'e yindœ kœsœ utshunœ, œ li adœke tshe dœ kanga nœ 'e para kɔkɔ.

⁴⁵Mbœrœ Gbolo nœ uzu nana adœke azu mbœrœ akwa fœ she nene, kashe tshe na tœ kœmbœrœ akwa fœ azu dœ pe ndje kœzatœ ye fœ kuzu mbœrœ kœshe ukpu azu.»

Yisu shé Bartime, ayibula

(Wu ba tœ Mat 20.29-34; Luk 18.35-43)

⁴⁶Yisu dœ ayambarœ nœ ye wuta ba lœ Yeriko. Bata á endje sœ kœwuta awa bale dœ azu ndjoro, anga ayibula á i'iri ye kœdœ Bartime, gbolo nœ Time, sœ lima indiri awa tœ kœyɔndœ œrœ.

⁴⁷Tœ kœdji adœke Yisu uzu Nazarete dœke, tshe tetœ kœ'e osho: «Yisu, Gbolo nœ Davidi, wu oyo mœ!»

⁴⁸Azu ndjoro rá she adœke tshe sœ koko, á tshe kpa tá tshandœ rawanœ dœ ɔgbɔnœ adœke: «Gbolo nœ Davidi, wu oyo mœ!»

⁴⁹Yisu ka yé œ pa adœke: «'E e she fœ mœ.» Endje e ayibula scœmœ œ pa fœ she adœke: «Indji zœ ga waa, áalafo, tshe sœ kœ'e bœ.»

⁵⁰Tshe za yɔgbɔɔ lɛba nɔe ye vwi ga ati, œ su gbuu á na ga ndœ Yisu.

⁵¹Yisu yu she adœke: «Bœ yindœ nœ adœke mœ mbœrœ gadœ fœ bœ a?» Ayibula gi fœ she adœke: «Ayi kœyisœrœ, kolœnœ adœke mœ kpa wu osho.»

⁵²Yisu pa fœ she adœke: «Gu zœ, kœyindœrœ nœ zœ she bœ ye.» Trale tshe wu osho œ te ndje tœ kœna manda Yisu.

Marke 11

Yisu li ga lœ Yerusaleme

(Wu ba tœ Mat 21.1-11; Luk 9.28-40; Yow 12.12-16)

¹Yisu dœ ayambarœ nœ ye ndo dœ Yerusaleme, ndo dœ tshalakpi Betefaje œdœ Betani, gu ndœ kaga ɔɔ Olive. Tshe vwa anga ayambarœ nœ ye bisha adœke:

²«'E na ba lakpi á sœ ba utshu 'e ba 'e asœmœ. 'E kœwuta ba zœ, 'e wu aya ane á endje du she kpœtœmœ, á uzu bale ɔɔ damba ga pa ye nene. 'E vvara she œ gu dœ she ga mœ.

³œdœ uzu kœyu 'e adœke: “Mbœrœ gadœ á 'e mbœrœ œrœ ata a?” E gi o'o fœ she adœke: “Gbozu da gbe dœ she yé tshe gi kane ye tœ ye fœ 'e katsha.”»

⁴Endje ro œ gbɔ aya ane á endje du she ba shu ba lœ bingi ndo dœ manda ga indiri ala awa á endje vvara she.

⁵Anga azunœ á endje lœ lima lœ bingine pa fœ endje adœke: «œrœ gadœ dá 'e mbœrœ ataa a? Mbœrœ gadœ a 'e sœ kœvwara aya anenœ a?»

⁶Endje gi o'o kolœ bata á Yisu mi má ndœ nœ fœ ndje, yé endje za awa fœ endje kœgu dœ she.

⁷Endje gu dœ aya ane sœmœ fœ Yisu, œ gbara ala lœba nœ endje ga pa ye yeka á Yisu ɔ á sœ ga pa nœ.

⁸Azu ndjoro saka ndje lœba nœ endje ga tœ ala awa, anga endje ko kako ɔɔ á ndje de ba lœ kindi.

⁹Azu neke á ndje lœ lima utshunœ dœ pe endjeneke á endje lœ manda ye lœ lima kœpa adœke: «Ozana! Ndjaba gbœndœ tsheneke á tshe na dœ i'iri ye!

¹⁰Ndjaba gbœndœ akwa gbozunœ á na asœke, Ogo gbozu nœ aba azœ dœ Davidi! Ozana fœ Ndjaba ba lafo!»

¹¹Yisu li lima ga lœ Yerusaleme, yé œ na ga lœ anda Tepelo. Manda kœwu osho kœkœ indiri tœ ye, tshe wuta awa bale dœ ayambarœ nœ ye ndjokpa dœ bisha tœ kœgu ga lœ Betani mbœrœ ɔɔ ro ye.

Yisu darandœ ɔɔ fige

(Wu ba tœ Mat 21.18-19)

12Osho kɔɔ lima pa nœ, lɔkɔ adœke endje wuta ga lœ Betani, ogo mi Yisu.

13Tshe wu ɔɔ fige lœ ingirinœ dœ kakonœ tœnœ, œ na kœpara tshelœnœ adœke œne gbɔ ete anga elœnœ zœ. Kœndo she dœ tœnœ, tshe wu kolœ kakonœ mbœrœ œ dœdœ lima olo kœle figenœ nene.

14Yisu darandœ ɔɔ figenœ á pa adœke: «Adja uzu kpa zɪ ele zœ nene.» Yé ayambarœ nœ ye dji lima o'o nœ ye.

Yisu gɔɔ ayi kœka œrœ lœ Tepelo

(Wu ba tœ Mat 21.10-17; Luk 19.45-48; Yow 2.13-16)

15Manda nœ endje na ga lœ Yerusaleme. Yisu li ga lœ Tepelo œ tetœ kœgɔɔ azu á ndje sœ lima kœka œrœ nœ endje dœ pe endjeneke á ndje sœ lima kœyɔ œrœ kpa ga ushu. Tshe ivwi ndaba nœ azu kœyapa ngendja, œ geta ngande nœ ayi kœka ambepa.

16Yisu vwaratœ ye adœke, uzu bale vwavwanga dœ gbarœ nœ ye to sœnda Tepelonœ nene.

17Yé tshe tetœ kœyisœ œrœ fœ endje adœke: «'E wuwusœ nœ nene a? Endje sú ba la Buku nœ Ndjaba adœke: “Anda nœ mœ kœdœ anda kœza avwala mbœrœ azu lœ ogo kɔkɔ.” Kashe 'e fa tœ wutu nœ aayi angba!»

18Agbozu tshapa anganga Ndjabanœ dœ aayi kœyisœ awa akwanœ dji ataa, œ tetœ kœpara awa tœ kœwo she. Kashe endje sœ lima kœkpa awa ye mbœrœ kœyisœrœ nœ ye gbɔ lima osho tœ lœsu azu ndjoro.

19Dœ kɪdala, Yisu dœ ayambarœ nœ ye wuta lakpinœ ye.

Kœyindœrœ œdœ avwala

(Wu ba tœ Mat 21.20-22)

20Kpa kœvwanga endje dœ tshamazi, endje wu adœke ɔɔ fige ɔɔ kpa ga tœ eshenœ.

21œndœ o'onœ libi te lœ Petro, tshe pa fœ Yisu adœke: «Ayi kœyisœrœ, wu kane, ɔɔ figenœ á bœ dara libi ndœ nœ ɔɔ ye.»

22Yisu gi fœ endje adœke: «'E sœ dœ kœyindœrœ ga ndœ Ndjaba.

23Mœ sœ kœpa dœ adjapu fœ 'e adœke œ kœsœ adœke uzu pa fœ kaganœ asœke adœke: “Gitœ zœ kpœke yé œ te ga la kota”, á tshe kœsœsœ dœ sharapu tœ lœsu ye nene, á sœ dœ kœyindœrœ adœke o'onœ á œne pa œ mbœrœtœ endje ye, œ mbœrœtœ endje fœ she tako.

24Ádánœ á mœ sœ kœpa fœ 'e adœke: œneke kɔ á 'e e osho ndœ nœ lœ avwala ba ndœ Ndjaba, 'e yindœ nœ adœke 'e gbɔ kɔ, Ndjaba œ to fœ 'e.

25 Ɖe koesoe adoeke 'e ka koeza avwala foe Ndjaba, á 'e koesoe doe o'o toe losu 'e ga toe anga uzu, 'e djerendoe noe yeka á Aba 'e á tshe soe ba lafo koedjerendoe ekperoe noe 'e.

[**26** Kashe oedoe 'e koesoesoe koedjerendoe ekperoe noe anga 'e nene, Aba 'e á tshe soe ba lafo oe djeroe ndje ndoe ekperoe á 'e mboeroe nene.]»

Tshagbozu noe Yisu to kpoea?

(Wu ba toe Mat 21.23-27; Luk 20.1-8)

27 Endje kpa kwa ga loe Yerusaleme, ye doe londoo á Yisu soe koero ga loe Tepelo, agbozu tshapa anganga Ndjaba, aayi koeyisoe awa akwa doe pe agbo Ayuda na ga ndoe ye,

28a yu she adoeke: «Boe gbo awa koemboro akwa noe zoe asoeke kpoea a? Uzu de ndje da za awa koemboro akwa ataa foe boe a?»

29 Yisu gi foe endje adoeke: «Moe yindoe koeyu 'e doe o'o bale, oe koesoe adoeke 'e gi o'o foe moe gba yekane á moe koeyisoe osho á moe gbo awa koemboro doe oeronee asoe ko foe 'e.

30 Ɖede da vwa lima Yowane koeza batisimu foe azu a? Ɖe doe lima Ndjaba too azu? 'E gi o'o foe moe.»

31 Ye endje tetoe koefa o'o ugurutoe ndje adoeke: «Ɖe koesoe adoeke a gi foe she atake: “Ndjaba da vwa lima she”, tshe yu azoe adoeke mboeroe gafe a yiyi lima ndoe o'o ama ye nene a?

32 Ɖe kpa koesoe adoeke a gi adoeke: “Azu da vwa lima she”, oe li ndje nene.» Gbambanoe nene, endje soe lima koekpa awa azu mboeroe azu ko wu lima soenee adoeke Yowane koedoe lima adja ayi koegbara o'o ama Ndjaba kpoeoepu.

33 Yeka á endje gi foe Yisu adoeke: «A wuwusoe noe nene.» Á Yisu koegi foe endje ndje adoeke: «Ɖemoe ndje awa bale, moe yi ndje soe uzu á tshe za awa noe koemboro oeronee asoe ko foe 'e nene.»

Marke 12

Ndoema toro noe ayi koedjo kindi

(Wu ba toe Mat 21.33-46; Luk 20.9-19)

1 Yisu kpa tetoe koepa o'o foe endje loe ndoema toro adoeke: «Anga uzu bale djo lima kindi noe ye, oe shi ada vinu. Tshe to gbadjadja dji toenee tshakpata, oe dji kudu mboeroe koepu doe ele vinunoe; oe mo ingiri anda gbara ga lafo á koesoe tshakudunoe yeka á koemesho pa vinunoe. Manda noe, tshe guma o'o ugurutoe ye doe azu koemboro akwa kindinee, oe na ana.

²Ɔlɔ kɔkɔ ele vinunɔ li, yé tshe vwa anga ayi akwa nɔe ye fɔe endjeneke á endje lɔe ba lɔe kindinɔe adɔeke endje vwa ɔsɔe ɔenɔe ɔene ele vinunɔe fɔe ɔene.

³Endje za she ɔe bi she kɔrɔnɔ kɔrɔnɔ, ɔe gi she tshakane ye gbambanɔe.

⁴Tshe kpa vwa anga angbi ayi akwa fɔe endje, endje bi ɔkɔrɔ tsheneke mɔe, ɔe gu she ga panɔe.

⁵Tshe vwa votɔ uzu fɔe endje, yé endje wo tsheneke mɔe. Ayengɔ kindi kpa vwa anga azu ndjoro, endje bi anga aayi avwanɔe á tshe vwa endje asɔemɔe, ɔe wo anga endje ɔe wo.

⁶Ayengɔ kindinɔe sɔepe dɔe uzu tshebabale, kolɔe gbolo nɔe ye á tshe yindɔe ye waa. Tshe vwa she fɔe endje tɔe ndɔngɔlɔnɔe dɔe gbetshelɔe adɔeke: “Endje kpa ndara ete awa gbolo nɔe mɔe ye.”

⁷Ɔlɔ á endje wu gbolo nɔe ye kɔena ga ndɔe endje, endje guma o'o lɔe oporo tɔe endje adɔeke: “E wu, gbolonɔe á tshe sɔepe dɔe kindinɔe manda aba nɔe dɔeke. A wo she yeka á kindinɔe kɔete ɔenɔe azɔe!”

⁸Endje za she ɔe wo she, ɔe za oko ye vwi zara ga ushu lɔe kindinɔe.

⁹«Ata ayengɔ kindinɔe ɔe mbɔerɔe gadɔe? Tshe na ɔe wo aayi akwa kindinɔe kɔkɔ yé ɔe kpa za akwanɔe fɔe anga angbi aayi akwa.

¹⁰Damba 'e didi o'onɔe asɔeke ala buku nɔe Ndjaba nene a? Endje su adɔeke: “Badja á ayi kɔemɔ anda za vwi'i, ɔetɔenɔe dá wuta badja á anda ɔe shi mbɔerɔe tɔenɔe.

¹¹Gbozu Ndjaba dá mbɔerɔe akwa nɔe asɔemɔe: Yé a wu, ɔe ga tɔe ala azɔe waa!”»

¹²Agbozu ayuda para awa tɔe kɔeza she ga lɔe kánga manda o'o ama ye asɔemɔe mbɔerɔe endje wu lima sɔenɔe adɔeke tshe pa o'onɔe tɔe ɔene. Yé kɔewu adɔeke azu ngba lima waa, endje ka lima tɔe ye, á guda ye.

Kɔeyɔ lapo nɔe Sezare

(Wu ba tɔe Mat 22.15-22; Luk 20.20-26)

¹³Manda nɔe, endje vwa anga Afarisayi dɔe pe azu nɔe Erode fɔe Yisu, mbɔerɔe á endje kɔegbɔ she manda ndɔema ye.

¹⁴Endje na ɔe yu she adɔeke: «Ayi kɔeyisɔerɔe, 'a wusɔe nɔe adɔeke bɔe sɔe kɔepa okporo o'o, bɔe sɔesɔe ndje kɔekatɔe zɔe ti fɔe uzu adɔeke tshe li ga lɔe zɔe dɔe ekpe o'o nene. Bɔe kpakpa awa uzu nene, ɔe wuwu ndje tshatshu uzu nene, kashɔe bɔe sɔe kɔeyisɔe adja awa Ndjaba. Yé pa fɔe 'a kane, ɔe li adɔeke azu yɔ lapo nɔe Sezare a? A yɔ too a yɔ nene?»

¹⁵Bata Yisu wu lima sɔe gbetshelɔe nɔe endje, tshe pa fɔe endje adɔeke: «Mbɔerɔe gadɔe á 'e yu tshelɔema mɔe a? 'E na dɔe anga ngendjanɔe gamɔe dɔe a wu kane»

¹⁶Endje na doe anganoe bale. Yisu pa foe endje adoeke: «Tshatshu uzunoe asoeke doe pe i'iri ye á ndje su asoeke koedoe oenoe de?» Endje gi foe she adoeke: «Oenoe Sezare.»

¹⁷Yisu pa foe endje adoeke: «'E gi oeroe noe Sezare foe Sezare, oenoe Ndjaba koedoe oenoe Ndjaba.» Endje ka tshikingi mbaoeroe o'onoe á tshe gi foe endje.

Asadukayi yu Yisu toe upu noe koeshe loe akuzu

(Wu ba toe Mat 22.23-33; Luk 20.27-38)

¹⁸Anga Asadukayi na ga ndoe Yisu. Endje pa oenoe endje adoeke koeshe loe akuzu gugu nene. Á yu lima Yisu atake:

¹⁹«Ayi koeyisoeroe, Moyize su liya mbeti foe 'a adoeke: Oedoe uzu koesoe doe ayanoe á tshe koeto yashe á endje koezuzu gbolo doe she nene, á tshe koetshu, oe li adoeke tshe to koya manda ayanoe mbaoeroe á tshe koezu gbolo loe oesoe ayanoe á tshe tshu asoemoe.

²⁰Mbaoeroe toenoe ataa, anga ayazu mindu doe bisha (7) loe ayizu bale. Eyanoe za yashe, oe zuzu uzu doe she nene ye oe tshu ye.

²¹Bishanoe to yashenoe manda ye, oe zuzu uzu doe she nene, oe tshu ndje ye. Votoenoe awa bale.

²²Ugurutoe endje mindu doe bisha á ndje to yashe soemoe, anga bale zuzu gbolo doe she nene. Ye manda noe ko, yashenoe za awa oe tshu ndje ye.

²³Ataa, doe olo noe koeshe loe akuzu, yashenoe oe doe awo de, mbaoeroe endje mindu doe bisha ko to lima she toe awo endje yema a!»

²⁴Yisu pa foe endje adoeke: «Koto á oendoe toe 'e oe ro 'e ata a? Adanoe koedoe adoeke 'e wuwusoe buku noe Ndjaba doe pe gbogbo ye nene.

²⁵Ob koesho loe akuzu, azu oe totoe endje nene kashe endje loe bata aandjelu ba lafo.

²⁶Á koedoe toe o'o noe koeshe loe akuzu, 'e didi ala mbeti noe Moyize toe o'o á Ndjaba pa lima foe she ala owo á soe lima koetshi loe oyo nene a? Ndjaba pa lima foe Moyize adoeke: «Oemoe koedoe Ndjaba noe Abrayamo, Ndjaba noe Izaka oedoe Ndjaba noe Yakobo.»

²⁷Tshe doedoe Ndjaba noe akuzu nene, tshe koedoe Ndjaba noe azu á ndje soe doe soro. 'E loe adja loe djingili.»

Upu gade da ropa anganoe koko a?

(Wu ba toe Mat 22.34-40; Luk 10.25-28; Luk 20.39-40)

²⁸Anga ayi koeyisoe awa akwa dji endje koewarandoe o'onoe ataa, oe wu adoeke Yisu gi adja o'o foe Asadukayinoe. Á gitoe ye ndoo doe Yisu á yu she adoeke: «Awa o'o gade da ropa anganoe loe awa akwa a?»

²⁹Yisu gi adœke: «Alinœ kœdœ: Azu Israyele, 'e dji kane, Gbozu, Ndjaba nœ azœ sœ tshebabale.

³⁰Yindœ Gbozu Ndjaba nœ zœ dœ lœsu zœ bale, dœ ishiri zœ kɔ, dœ gbetshelœ nœ zœ kɔ dœ pe gbɔgbɔ zœ kɔ.

³¹Bisha awa o'o dœke: Yindœ yanga zœ bata bœ yindœtœ zœ dœ tœ zœ. Anga upu á ro œneke bisha gugu nene.»

³²Ayi kœyisœ awa akwa pa fœ she adœke: «Adjapu, ayi kœyisœrœ, bœ pa okporo o'o, Ndjaba sœ tshebabale yé anga bata she gugu nene.

³³Yé kœyindœ ye dœ lœsu zœ bale, dœ kœwusœrœ nœ zœ kɔ, dœ gbɔgbɔ zœ kɔ œdœ ndje kœyindœ yanga zœ bata á bœ yindœtœ zœ dœ tœ zœ, ropa kœsho agea pa wopa fœ Ndjaba œdœ tokóró kɔ.»

³⁴Yisu wu adœke tshe gi o'o tœ uzu nœ kœwusœrœ, œ pa fœ she adœke: «Bœ ndo tœ kœte uzu Ogo gbozu nœ Ndjaba.» Anga uzu bale á tshe kpa yu she dœ o'o gugu nene.

Masiya œdœ Davidi

(Wu ba tœ Mat 22.41-46; Luk 20.41-44)

³⁵Ɔlœnœ á Yisu sœ lima tœ kœyisœ œrœ ba lœ Tepelo, tshe yu adœke: «œ mbœrœ kotoo á aayi kœyisœ awa akwa pa adœke Masiya kœdœ gbolo nœ Davidi a?

³⁶Ɔtshɔ Ishiri mbœrœ akwa lœ Davidi, yé tshe pa tœ ye dœ tœ ye adœke: “Gbozu Ndjaba mindœ nœ fœ Gbozu nœ mœ adœke: Sœ ga ati ga pa kuni mœ œrrr mœ kœko ayingba zœ gatshakudu ada zœ yekane.”

³⁷Davidi dœ tœ ye e she Gbozu yé mbœrœ gadœ á tshe kpa fa gbolo nœ ye a?» Azu ndjoro sœ lima kœdji she dœ yanga.

Yisu pa o'o dœ ádá aayi kœyisœ awa akwa

(Wu ba tœ Mat 23.1-12; Luk 20.45-47)

³⁸Lœ kœyisœ œrœ nœ ye, tshe pa lima adœke: «Ala 'e gbɔ dœ aayi kœyisœ awa akwa kane: Endje yindœ kœyisœtœ endje kœro dœ yɔgbɔdɔ lœba tœ ala azu yeka á 'e kœbala endje lœ ukpulu azu.

³⁹Endje yindœ kœsœ lœ ngande á sœ ba utshunœ lœ sinagoga œdœ pe kœsœ ba tœ œsœ agboro azu lœ angbo.

⁴⁰Endje u ayashe koya œ ko œrœ tœ endje kɔ, endje yindœ kœ'e osho œrrr fœ Ndjaba yeka azu kœgbe adœke œne dá dœ ɔtshɔ azu. Mbœrœ tœnœ ataa, Ndjaba œ wa bala ɔgbɔ ngbanga ga tœ endje.»

Tokóró nœ yashe koya

(Wu ba tœ Luk 21.1-4)

⁴¹Yisu sœ ga ati ƒa sœnda Tepelo, ga indiri gbarœ tokóró á sœ kœwu mara kœto œrœ nœ azu ƒœ Ndjaba. Ayi kœgbo ukpulu œrœ sœ lima kœto egerœ ngendja.

⁴²Atamœ yeka anga yashe koya á tshe dœ ayi oyo á akœnœ tshu, na ndje á ko kolœ aya ngendja œnœ ye bibisha va ga lœ gbarœ tokóróœ.

⁴³Yé Yisu e ayambarœ nœ ye, œ pa ƒœ endje: «Mœ pa ƒœ 'e dœ okporo o'o adœke yashe koya nœ asœke to œnœ ye kœropa azu kœ.

⁴⁴Gbambœ nene, azu kœ ko ngendja neke á sœsœ dœ akwa ƒa ndœ endje nene, kashe œshe, tshe ko œneke kœ á tshe sœ dœ tœnœ, á sœ má adœke tshe zi dœ œrœ nœ ye.»

Marke 13

Yisu mindœ nœ adœke anda Tepelo œ ndi

(Wu ƒa tœ Mat 24.1-3; Luk 21.5-7)

¹Lœndœ á Yisu sœ lima kœwuta sœnda Tepelonœ, anga ayambarœ nœ ye pa ƒœ she adœke: «Ayi kœyisœrœ, wu kane! Wu ogboro badjanœ asœ, wu egerœ zamiti andanœ asœ!»

²Yisu pa ƒœ she adœke: «Bœ wu egerœ andanœ asœmœ? Anga badjanœ bale œ ka pe lafo nene, endje ndi tshelœnœ para ye.»

³Yisu na kœsœ ga ati ƒa pa kaga ɔyɔ Olive kpœ tshatshu Tepelo. Petro, Jake, Yowane œdœ Andere á endje sœ lima kpœsœnœ dœ she yu she adœke:

⁴«Pa ƒœ 'a kane. Dœ ɔlɔ gafe dá œrœnœ asœmœ œ mbœrœ má tœ endje a? Yé œrœ gafe dá ma má adœke olonœ tœ ye a?»

Koshe œdœ oyo œ na

(Wu ƒa tœ Mat 10.17-22; Mat 24.4-14; Luk 12.11-12; Luk 21.8-19)

⁵Yisu pa ƒœ endje adœke: «Ala 'e gbœ, uzu bale fafara 'e nene.

⁶Azu ndjoro œ na bala dœ i'iri mœ, yé œ pa adœke: “œmœ kœdœ Masiya.” Endje fara azu ndjoro.

⁷ɔlɔ á 'e kœsœ kœwu koshe lakpi too kœdji o'o nœ koshe zara, awa zaza 'e nene. œ li adœke œrœ ataa mbœrœtœ endje utshunœ, kashe œ dœdœ damba kœka tshapashœnœ dœmœ nene.

⁸Azu tshelœ ogo bale œ tetœ koshe dœ azu tshelœ anga ogo, yé anga ogo gbozu œ nga ndje koshe dœ anga ogo gbozu. ɔshœ œ turutœ ye lœ ogo kœ, yé egerœ ogo œ za osho djigi. œ sœ ngbewo ƒata oyo á yashe œ wu utshu kœzu gbolo nœ ye.»

⁹«Kashe ala 'e gbo pa undu 'e kane. Endje to bala meza pa 'e, endje bi bala 'e ko loe Sinagoga, endje yu ama 'e doe ala agbozugo doe pe ndje agboro agbozu mboeroe mœ, yé 'e pa bala o'o mboerœ upu noe mœ foe endje.

¹⁰Mboerœ œ sœ adœke Ɔtsho O'o wuta ga ndœ azu ko loe ogo utshunœ adœke ndongolo osho œ ka.

¹¹Á kœsœ adœke endje ko 'e na tœnœ ga tœ osho kœwa ngbanga, 'e toto losu 'e tœ o'o á 'e pa nene. Doe lokonœ asœmœ, 'e pa o'o neke á wuta loe gbetshelœ noe 'e. Mboerœ o'onœ toto loe 'e doe tœ 'e nene, kashe Ishiri noe Ndjaba dá to o'onœ foe 'e.

¹²Uzu œ va ato ayanoœ ndœ kuzu, aba gbolo œ za gbolo noe ye adœke endje wo she ye. Agbolo œ gbo upu doe aayi kœzu endje yé œ mboerœ adœke endje wo endje ye.

¹³Azu ko œ yiangba 'e mboerœ i'iri mœ. Kashe uzu neke á tshe ru losu ye œerr kpa ga tœ kœka oshonœ, tshe gbo soro.»

Ɔlo kœwu œrœ kanga

(Wu ba tœ Mat 24.15-25; Luk 21.20-24; 17.23; Luk 21.8)

¹⁴«Uzu á tshe kœdi mbeti noe asœke, tshe gbe doe tœnœ doe Ɔtshonœ kane: Á kœsœ adœke 'e wu ekpe Ayi kœndi œrœ ba tœ osho á li doe she kœsœ tœnœ nene, œ li adœke azu ogo Yuda kpa œ kotœ endje yiwa tœnœ ba pa kaga.

¹⁵Tsheneke á tshe kœsœ bala ba pa anda, tshe kpa jerœ ga ati tœ kœro gbarœ noe ye ba sœnda yeka á kœkpa doe tœnœ nene.

¹⁶Tsheneke á tshe kœsœ bala ba loe kindi, tshe kpa fatœ ye ndœ kœgu ba lakpi ndœ kœza loeba noe ye nene!

¹⁷Egerœ oyo mboerœ ayashe á ndje loe bala doe nguzu œdœ endjeneke á ndje sœ kœko ongœ ga loe ama agbolo doe olonœ asœmœ.

¹⁸'E ki foe Ndjaba adœke œ mboembœrœtœ endje doe olo kpengba izi nene.

¹⁹Mboerœ doe lokonœ asœmœ, azu œ wu bala œrœ kanga œeneke á endje wuwu anganoœ bale nene kœtotœ ali kœmbœrœ tshapasho, doe loko á Ndjaba mboerœ tshalafo doe pe tshaati œerr ga tœ kpesheke noe asœke, yé mara neke kpa mboerœtœ endje nene.

²⁰œdœ Gbozu kœgbe má lima tœ kœgi átá olonœ nene, uzu bale œ sœpe má doe soro nene, kashe mboerœ endjeneke á tshe ke endje dá tshe gi átá olonœ ga utshunœ.

²¹«A kœsœ adœke uzu pa foe 'e adœke: "'E wu, Masiya dœke! 'E wu, tshe sœ ba e!" 'E yiyindœ noe foe she nene.

²²Gbambanœ nene, azu á ndje pa adœke œne kœdœ Masiya dœ pe aayi kœgbara o'o nœ wala œ wuta bala ndjoro. Endje mbœrœ afá dœ pe ambára œrœ ndjoro tœ kœgbɔ awa kœbɪli dœ endjeneke á Ndjaba ke endje.

²³Kashe 'e, ala 'e gbɔ kane! Mœ pandœ nœ kɔ fœ 'e utshunœ ye.»

Kœna Gbolo nœ uzu

(Wu ba tœ Mat 24.29-31; Luk 21.25-28)

²⁴«Manda olo kœwu œrœ kanganœ asœmœ, osho œ bu yé ɔɔ œ tɔ nene,

²⁵angerepe œ yo ga ati œdœ œrœ nœ gbɔgbɔ kɔ ba lafo œ turutœ ye.

²⁶Yeka á 'e wu Gbolo nœ uzu kœna lœ ondro dœ gbɔgbɔ djigi œdœ lœ mokɔ.

²⁷Tshe vwa bala aandjelu nœ ye tœ osho kɔ pa ɔshɔ dœ tshalafœ ndœ kœngbɔba bala endjeneke á Ndjaba ke endje.»

ɔyɔ fige yisœ œrœ

(Wu ba tœ Mat 24.32-36; Luk 21.29-33)

²⁸«'E gbɔ œrœ lœ kœyisœ œrœ á ɔyɔ fige œ yisœ nœ kane. ɔɔnœ á 'e kœwu kako ɔyɔ fige á sœ kœyo tœ ganœnœ kɔ, á tafonœ kœwuta, 'e wusœ nœ adœke olo kœlu ngwarœ ndo ye.

²⁹œ sœ ndje atamœ fœ 'e, ɔɔ á 'e kœwu ndje œrœ ata kœmbœrœtœ endje, 'e wusœ nœ adœke Gbolo nœ uzu ndoo ye, tshe sœ lœ manda 'e.

³⁰Mœ sœ kœpa adjapu fœ 'e, azu nœ tshakpesheke, endje ro kɔ nene á œrœnœ œ mbœrœtœ endje.

³¹Tshalafœ dœ tshapa ɔshɔ œ ro, yé o'o ama mœ œ ro nene.»

'E lolo nene

(Wu ba tœ Mat 24.42; Mat 25.13-15; Luk 12.36-38; 19.12-13)

³²Kashe ɔɔnœ, uzu bale œ wusœ nœ nene, œdœ andjelu ba lafo, œdœ Gbolo nœ uzu, endje wuwusœ nœ nene, kolœ Aba bale dá wusœ nœ.

³³«Ala 'e gbɔ, yé 'e lolo nene mbœrœ 'e wuwusœ olonœ nene.

³⁴œ sœ bata anga uzu na ana, á katœ manda gbagba nœ ye ti fœ aayi kœgbɔndœ nœ. Á pa fœ endje adœke endje ko ala endje tœnœ.

³⁵'E ko ala 'e tœnœ mbœrœ 'e wuwusœ ɔɔ kœgu ayengɔ anda nene, dœ akidala, dœ abutshɔ, lœ iki kœngato too dœ tshamazi,

³⁶mbœrœ tshe wuwuta ngbangi œ gbɔ 'e yé 'e sœ tœ olo nene.

³⁷O'o á mœ pa fœ 'e, mœ sœ kœpa fœ azu kɔ: 'e lolo nene.»

Marke 14

Kœvwarandœ o'o tœ kœza Yisu

(Wu ba tœ Mat 26.1-5; Luk 22.1-2; Yow 11.47,49,53)

¹Ɛ sepe lima olo bisha tœ angbo nœ Pake œdœ pe ndje œnœ mapa neke á susuku nene yeka agbozu tshapa anganga Ndjaba œdœ ndje aayi kœyisœ awa akwa para lima awa adœke œne za Yisu ndœ kœwo she.

²Endje pa ugurutœ endje adœke: «A zaza she læ lœndœ angbonœ nene mbœrœ azu œ vwaratœ endje ye.»

Anga yashe bale su ungu yombo ga læ kumu Yisu

(Wu ba tœ Mat 26.6-13; Luk 7.36-38; Yow 12.1-8)

³Yisu sœ lima læ Betani ba sœnda nœ ayi boroma Shimu kœzi œrœ, anga yashe bale na dœ ungu yombo nœ ye læ anga á endje mbœrœ dœ badja albatre. Yombonœ asœmœ dœ adja narde á amanœ gbœ dœ panœ. Tshe kavwa ama anganœ á su yombonœ ga læ kumu Yisu.

⁴Anga azunœ á ndje læ lima tœ œsœnœ oma dœ ókó á pa læ ugurutœ endje adœke: «Mbœrœ gadœ á tshe ndi ungu yombo nœ ye atamœ a?

⁵Endje za má yombonœ asœmœ, œ za yœ œrœ œ gbœ denari kœropa kama voto á kœkurutshelœ nœ tœ ayi oyo!» Tshelœ endje œœœ gbœ ga tœ yashœnœ asœmœ.

⁶Yé Yisu pa adœke: «'E katœ ye yé, mbœrœ gadœ á 'e suku dœ she a? Tshe mbœrœ œtshœrœ ga tœ mœ.

⁷Ayi oyo, 'e læ dœ endje œœœ dœ œœœ yé œœœ á lœsu 'e kœyindœ nœ, 'e mbœrœ œtshœrœ fœ endje zœ. Kashe œmœ, a læœœpe dœ 'e waa nene.

⁸Ɛrœ á sœ má adœke tshe mbœrœ dá tshe mbœrœ asœmœ: Tshe sú ungu yombo ga tœ mœ utshu nœ kœshi mœ.

⁹Mœ sœ kœpa dœ okporo o'o fœ 'e adœke, osho kœ á endje pandœ œtshœ O'o, endje gbe dœ œrœ á yashe sœke mbœrœ asœ.»

Yudasi za Yisu yœ œrœ

(Wu ba tœ Mat 26.14-16; Luk 22.3-6)

¹⁰Yudasi Isikariote, anga bale læ ayambarœ nœ Yisu ndjokpa dœ bisha, na ga ndœ agbozu tshapa anganga Ndjaba kœza Yisu yœ œrœ.

¹¹Kœdji o'onœ ataa, endje sœ dœ yanga œ di mbulu kœko ngendja fœ she. Yudasi te lima tœ kœmirœtshelœ ye ndœ olo ga œœ dá œne kœza she fœ endje.

Ayambarœ nœ Yisu guma rœgo angbo Pake

(Wu ba tœ Mat 26.17-19; Luk 22.7-13)

¹²Dœ olo angbo nœ mapa á susuku nene, á endje wo lima aya apata pa angbo Pakenœ. Yeka ayambarœ nœ Yisu yu she adœke: «Bœ yindœ nœ adœke a na bata á kœguma kœzirœ Pakenœ fœ bœ a?»

¹³A tshe vwa anga ayambarœ nœ ye bisha adœke: «'E na ba lœ egerœ ongbo, 'e gbœtœ 'e dœ anga yakoshe á tshe za lœsú ungu ga lœ kumu ye. 'E te mangba ye

¹⁴yé osho á tshe li ga tœnœ, 'e pa fœ ayengœnœ adœke: “Ayi kœyisœrœ yu adœke: Osho á mœ zi Pakenœ dœ ayambarœ nœ mœ sœ kpœta a?”

¹⁵Tshe yisœ anga gbœshœ œeneke á sœ tœ egerœnœ ba lafo dœ œrœ neke á li lœnœ kœkœ, yeka á 'e kœguma kœzirœnœ ba zœ fœ azœ.»

¹⁶Ayambarœ ro ba lœ ongbo, œ gbœ œeneke kœ á tshe pa má tœnœ fœ endje asœmœ, yé á endje guma kœzirœ Pakenœ kpœtœmœ.

Anga yambarœ nœ Yisu œ ka she

(Wu ba tœ Mat 26.20-25; Luk 22.14; Yow 13.21-30)

¹⁷Dœ akidala, tshe yikumu ye dœ ayambarœ nœ ye ndjokpa dœ bisha.

¹⁸Ŋbœ á endje sœ pa kœzirœ, Yisu pa fœ endje adœke: «Mœ sœ kœpa dœ okporo o'o fœ 'e adœke, anga uzu bale ugurutœ 'e á tshe sœ kœzi œrœ dœ mœ kpœtœ œsœnœ œ ka mœ.»

¹⁹Kœdji o'o ataa, œ za oyo tœ lœsu endje, yé endje tetœ kœyu she uzu dœ uzu adœke: «œdœ mœ a?»

²⁰Tshe gi fœ endje adœke: «œdœ anga yanga 'e ugurutœ 'e ndjokpa dœ bisha, á 'a sœ kœngbœ kane a lœ gbarœ kœzirœ dœ she bale asœmœ.

²¹Gbambœ nene, Gbolo nœ uzu œ tshu bata á endje sú lima ala buku nœ Ndjaba tœ upu nœ ye. Kashe oyo nœ uzu á tshe ka Gbolo nœ uzu fœ angbœ azu! œ sœ má dœ œtshœnœ mbœrœ uzunœ adœke adja endje zuzu she nene.»

Undu œdœ indji Yisu

(Wu ba tœ Mat 26.26-29; Luk 22.15-20; 1Ko 11.23-26)

²²Ŋbœ á ndje sœtœ kœzi œrœ, Yisu za mapa œ donga Ndjaba, œ kavwa tshelœnœ, œ ko fœ ayambarœ nœ ye, yé œ pa adœke: «'E ko, asœ kœdœ undu mœ.»

²³Manda nœ, tshe za ndje yashi, yé manda kœdonga Ndjaba, tshe za fœ endje, á endje kœ ndjo.

²⁴Yé á tshe mindœ nœ fœ endje adœke: «Asœ kœdœ indji mœ, indji á guma ayo ugurutœ Ndjaba dœ azu, á tu mbœrœ azu kœ.

²⁵Mœ sœ kœpa dœ adjapu fœ 'e adœke, mœ kpa ndjo vinu nene œerr lœkœnœ á mœ ndjo bala tafœnœ ba lœ Ogo gbozu nœ Ndjaba.»

26Manda koedonga Ndjaba doe itshi, endje wuta ndoe koeo ga pa kaga oyo Olive.

Yisu gbara foe Petro adoeke tshe 'ea oene

(Wu ba toe Mat 26.30-35; Luk 22.33-34; Yow 13.37-38)

27Yisu pa foe endje adoeke: «E'e ko 'e katoe moe ti ye, mboeroe endje su ala Buku noe Ndjaba adoeke: “Moe wo bala ayi koegbondoe apata ye apatanoe oe ndjotsheloe endje kpa ye.”

28Kashe manda koeshe moe loe kuzu, moe na bala utshu 'e ga loe Galilayi.»

29Petro pa foe she adoeke: «Ataa azu ko koekatoe zoe ti, moe katoe zoe ti nene.»

30Á Yisu gi foe she adoeke: «Moe pa foe boe doe adjapu adoeke, doe abutshone asoeke, utshu noe bisha iki kongato, boe pa adoeke boe wuwusoe moe nene awa voto.»

31A Petro kpa pa foe she adoeke: «Oe koeli adoeke a tshu doe boe, moe pa bale nene adoeke moe wuwusoe zoe nene.» Ye udu ayambaroene pa ndje awa bale.

Yisu ba loe Getesemane

(Wu ba toe Mat 26.36-46; Luk 22.40-46)

32Manda noe, Yisu doe ayambaroe noe ye wuta ba loe anga osho bale á i'irinoe koedoe Getesemane á tshe pa foe endje adoeke: «'E loe ga ati kpoeke moe na koeki foe Ndjaba kane.»

33Tshe za Petro, Jake oedoe Yowane po toe ye. Oe tetoe koeza oyo foe she ye awa li she goro.

34Á tshe pa foe endje adoeke: «Losu moe soe tshé tshé doe oyo adoeke moe tshu ye. 'E loepe kpoeke kashe 'e lolo nene.»

35Tshe gitoe ye toe endje teasho ga utshunoe, oe gote ga loe osho, oe ki foe Ndjaba adoeke awa oeronee á yindoe koemboroetoe endje, gitoe endje toe oene.

36Tshe pa adoeke: «Aba moe, boe li koemboroeroe oeroe ko, gi yashi kanganoe asoeke utshu moe. Mbemboroeroe oeneke á moe yindoe noe nene kashe mboeroe oeneke á li doe gbetsheloe noe zoe.»

37Tshe fatoe ye, oe gu ga ndoe endje, oe gbo endje loe olo. Tshe e Petro oe yu she adoeke: «Shimu, boe lo lo a! Boe soesoeroe doe gbogbo toe koesoeroe uburu toe ala zoe manda ada olo bale nene a?

38'E lolo nene, ye oe ki foe Ndjaba adoeke Satana fafara 'e nene. Ishiri uzu gbe doe koemboroeroe otshoroeroe yeka á undu ye gugu doe gbogbo nene.»

39Manda noe, tshe kpa kwatoe ye toe bishanoe koeki foe Ndjaba koloe doe o'onee á tshe pa ma utshunoe asoemoe.

⁴⁰Tshe kpa gu ga ndœ ayambarœnœ, œ gbœ endje kolœ lœ olo, ndara olonœ na lima pa endje, awa endje gi lima o'o fœ she gugu nene.

⁴¹Tshe kwa tœ votœnœ, œ pa fœ endje adœke: «'E sœpe kœlo tœnœ œdœ pe kœyatœ 'e a? Ɔlœnœ to ye! 'E wu kane, endje na kœza Gbolo nœ uzu gatshakane ayi kœmbœrœ ekperœ.

⁴²E áalafo, a na! Ayi kumu mœ má na ye!»

Kœza Yisu

(Wu ba tœ Mat 26.47-56; Luk 22.47-53; Yow 18.2-11)

⁴³Lœndœ á Yisu sœpe kœpa o'o kolœnœ atake, Yudasi, anga ayambarœ lœ andjokpa dœ bisha yi kumu ye. Tshe na awa bale dœ azu ndjoro dœ ingiri yakamba œdœ pe ndĩndĩ ɔɔ tshakane endje. Agbozu tshapa anganga Ndjaba, aayi kœyisœ awa akwa œdœ agbœ Ayuda dá vwa lima endje.

⁴⁴Yudasi á tshe za Yisu ɔɔ œrœ pa lima tshelœ o'o dœ endje adœke: «Uzu á mœ kœuru tshelœ utu ye, œshe dœmœ. 'E za she, yé ala 'e gbœ yeka á 'e kœgu dœ she.»

⁴⁵Trale Yudasi wuta, œ na ndo dœ she á pa fœ she adœke: «Ayi kœyisœrœ!» Ngbewo á uru tshelœ utu ye.

⁴⁶Azunœ tepa Yisu, á za she.

⁴⁷Yeka anga yanga endje á tshe sœ lima kpœtœmœ gbota ingiri yakamba nœ ye á de anga ayi akwa nœ egerœ nganga Ndjaba, á wa utu ye ndja.

⁴⁸Yisu pa fœ endje adœke: «'E na dœ ingiri yakamba dœ pe ndje ndĩndĩ ɔɔ tshakane 'e ndœ mœ bata œmœ kœdœ ayi angba a?

⁴⁹Ɔlœ dœ ɔlœ, mœ sœ lima lœguru tœ 'e, mœ yi ndje lima œsœ œrœ lœ Tepelo, yé 'e zaza mœ lima nene. Kashe œneke kœ wuta mbœrœ adœke o'o ala buku nœ Ndjaba kœmbœrœtœ ye.»

⁵⁰Ayambarœnœ kœ katœ ye ti, yé œ kpa kpĩri.

⁵¹Anga gbolo yakoshe bale na lima manda ye, tshe i lima akpa ayi lœba ga tœ igi ye. Endje za she.

⁵²A tshe katœ akpa ayi lœbanœ ti, á djœ dœ ɔɔ kpendro.

Yisu ba utshu aayi kœwa ngbanga

(Wu ba tœ Mat 26.57-68; Luk 22.54-55,63-71; Yow 18.12-18)

⁵³Endje za Yisu gutœnœ ba utshu egerœ nganga Ndjaba. Agbœ ayudanœ ndje dœ aayi kœyisœ awa akwanœ dœ pe agbozu nœ anganga Ndjabanœ kœ ngbœtœ endje gasœnœ.

⁵⁴Petro sœ lima kœna manda Yisu yima yima lœ ingirinœ œrrr ba uguru gbagba anda nœ egerœ nganga Ndjaba, yé á sœ lima ga indiri owo awa bale dœ ayi akwa nœ gbozu nœ anganga Ndjaba.

⁵⁵Agbozu tshapa anganga Ndjaba dœ agboro aayi kœwa ngbanga, sœ kœpara lima awa adœke œne gbœ anga uzu á tshe kœpa anga tshenea o'o goro œsœ Yisu, á œne kœgbœ awa kœwo she. Yé endje gbœgbœ œnœ endje lima uzu bale nene.

⁵⁶Mbœrœ ili azunœ sœ lima kœko o'o ga pa ye, kashe ama endje sœsœ lima bale nene.

⁵⁷Anga endje áalafo, œ za bishu ga pa ye adœke:

⁵⁸«A dji lima she adœke: “œmœ, mœ ndi bala tshelœ anda Tepelonœ á azu mbœrœ dœ kane endje ye, yeka manda olo votœ á mœ kpa mœ anga tafonœ œneke á azu œ li kœmbœrœ dœ kane endje nene.”»

⁵⁹Ata atamœ gbaa, o'o ama endje sœsœ lima ndje awa bale nene.

⁶⁰Yé á egerœ nganga Ndjaba áafo gbara lœ ugurutœ azu á endje ngbœtœ endje ascœmœ, á yu Yisu adœke: «Bœ ii ama zœ ndœ o'o œneke kœ á azu œ ko ga pa zœ asœke nene a?»

⁶¹Yé Yisu sœ œrœ nœ ye ko ko ko, œ ii ama ye bale nene. Egerœ nganga Ndjabanœ kpa yu she adœke: «Bœ kœdœ Masiya, Gbolo nœ Ndjaba á azu œ donga she a?»

⁶²Yisu gi adœke: «œ, œmœ kœdœ she. Yé 'e wu bala Gbolo nœ uzu kœsœ ga ati ga pa kuni Ndjaba á tshe sœ dœ gbœgbœ kœ, yé 'e wu ndje bala she kœjerœ lœ ondro ba lafo.»

⁶³Kœdji ataa, egerœ nganga Ndjaba oma dœ ókó, œ suru tshelœ lœba tœ ye, yé á pa adœke: «Ádá kpa kœdji atimu tœ azœ gugu nene!

⁶⁴'E dji she kœpa ngbindi o'o goro œsœ Ndjaba a! 'E gbe má œnœ 'e dœ tœnœ kotoo?» Yé ngbii endje wa ga tœ ye adœke: «Tshe li dœ kuzu!»

⁶⁵Anga endje ugurunœ tetœ kœtu ngusha ga tœ ye, kœgwa ala ye dœ lœba, kœdu she, á lœ kœyu she adœke: «Pandœ uzunœ á tshe du bœ!» Yé aayi akwanœ tshu ga paye á sœ kœda ala ye.

Petro 'ea Yisu

(Wu ba tœ Mat 26.69-75; Luk 22.56-62; Yow 18.17,25-27)

⁶⁶Bata á Petro sœpe lima ba ati ba lœ gbagba, anga yashe akwa nœ egerœ nganga Ndjaba yi kumu ye.

⁶⁷Tshe wu Petro ba indiri owo, á tondœ ye œrrr, á yu she adœke: «œbœ ndje, bœ kœdœ lima anga uzu nœ Yisu, uzu Nazarete.»

⁶⁸Petro vusœ nœ á pa adœke: «Mœ wuwusœ ye nene yé mœ sœ ndje gene nœ o'onœ á bœ sœ kœpa tœncœ.» Tshe áafo œ wuta œ ká ba tœ manda gbagbanœ.

⁶⁹Yashe scœmœ wu she œ tetœ kœmíndœ nœ fœ azu á ndje lœ lima kpœtœmœ adœke: «Uzunœ á tshe sœ ba e, kœdœ anga azunœ asœmœ.»

⁷⁰Petro kpa vusœ nœ. Manda nœ teasho, azu á ndje lœ lima kpœtœmœ kpa yu Petro adœke: «Adjapu, bœ kœdœ anga uzunœ mbœrcœ bœ kœdœ uzu tshelœ Galilayi.»

⁷¹Petro tetœ kœdarama ye dœ pe kœwa ígí ye adœke: «Mœ wuwusœ yakoshœncœ a 'e pa tœ ye asœmœ nene.»

⁷²Ngbewo, á kœngato kpa kí tœ bishanœ. Yé Petro gbe tshelœ ye ndœ o'onœ á Yisu pa lima fœ she adœke: «Utshunœ adœke kœngato kí awa bisha bœ pa wa bœ wuwusœ mœ nene awa votɔ.» Tshe wuta dœ ɔgbɔ ga ushu, yeka a kí.

Marke 15

Yisu ba utshu Pilato

(Wu ba tœ Mat 27.1-2,11-26; Luk 23.1-5,13-25; Yow 18.28–19.16)

¹Dœ tshamazi tuu, agbozu tshapa anganga Ndjaba vwarandœ o'o dœ agbo Ayuda, aayi kœyisœ awa akwa œdœ pe aayi kœwa ngbanga para kɔkɔ. Endje i Yisu ga tœncœ, œ na dœ she fœ Pilato.

²Pilato yu she adœke: «œbœ kœdœ gbozugo nœ Ayuda a?» Yisu gi fœ she adœke: «œbœ dá pa ataa.»

³Agboro agbozu tshapa anganga Ndjaba pa wala ga pa ye tɔpanœ kpuru.

⁴Pilato kpa yu she: «Bœ í ama zœ nene a? Dji o'o á endje pa ga pa zœ asœke.»

⁵Kashe Yisu gigi o'o bale nene, yé uvuru Pilato kpa ye.

⁶Lɔkɔ angbo Pake lœ ngbugu bale dœ bale kɔ, Pilato sœ lima kœkatœ ayi kána bale, tsheneke á endje kœyɔndœ ye.

⁷Yé tsheneke á endje e she Barabase sœ lima lœ kána dœ anga azu á endje nga koshe œrrr á wo uzu.

⁸Azu ndjoro na ga ndœ Pilato, œ tetœ kœyu she adœke tshe kpa mbœrcœ anga œrcœncœ á tshe mbœrcœ balima fœ œne asœmœ.

⁹Pilato gi fœ endje adœke: «'E yindœ nœ adœke mœ za awa fœ gbozu nœ Ayuda dóe tshe gu da ye a?»

¹⁰Mbœrcœ tshe wu lima scœncœ adœke agbozu tshapa anganga Ndjabanœ mbœrcœ úkú ga tœ Yisu yeka á na dœ she fœ œne asœmœ.

¹¹Agbozu tshapa anganga Ndjabanœ bili azu ndjoro kœyu Pilato adœeke endje za awa fœ Barabase adœeke tshe gu da ye.

¹²Pilato kpa yu endje adœeke: «Mœ mbœrœ gafe dœ uzu á 'e e she adœeke gbozugo nœ Ayuda a?»

¹³Endje ta rawa kœkœ adœeke: «Wo she ba pa kurushi!»

¹⁴Pilato gi fœ endje adœeke: «œrœ gafe dá tshe mbœrœ a?» Endje kpa ve rawa tœ œgbœnœ adœeke: «Wo she ba pa kurushi!»

¹⁵Pilato vwara Barabase tœ kœza yanga fœ azu, œ za Yisu adœeke endje bi she dœ ndjapa, œ za she ga tshakane endje adœeke endje wo she ba pa kurushi.

Aturugu mœ Yisu

(Wu ba tœ Mat 27.27-31; Yow 19.2-3)

¹⁶Aturugu li dœ Yisu ga lœ gbagba anda nœ gbozugonœ, œ e tœ endje para kœkœ.

¹⁷Endje verœ yœgbœdœ odoro lœba ga tœ ye, œ verœ kpoto ishi ga tœ kumu ye.

¹⁸Manda nœ, endje tetœ kœmœ she adœeke: «Abala, gbozugo nœ Ayuda!»

¹⁹Endje sœ kumu ye dœ adja wara, œ tu ngusha ga tœ ye, yé œ ká kœgote dœ pe kœtra kumu endje ga ati ga tshatshu ye.

²⁰Manda kœmœ she, endje sœ lima odoro lœbanœ á endje verœ ga tœ ye yeka á kpa verœ adja lœba nœ ye ga tœ ye, á to she wuta tœnœ ndœ kœwo she.

Kœbi Yisu ga pa kurushi

(Wu ba tœ Mat 27.33-44; Luk 23.36-43; Yow 19.16-24)

²¹Anga uzu bale, i'iri ye kœdœ Shimu, uzu tshalakpi Sirene, aba kœzu Alekezandre dœ pe Rufusi, to lima ba lœ kindi á sœ kœgu dœ awanœ asœmœ. Aturugu za she dœ œgbœ á pa adœeke tshe za átá kurushinœ tœ Yisu.

²²Endje to Yisu natœnœ ba tœ osho á i'irinœ kœdœ Gologota, ádánœ adœeke: «Osho gbayashi kœrœ.»

²³Endje sú vinu á ndje ngbœba dœ shundœdœ œyœ, œ za fœ Yisu adœeke tshe ndjo kashe tshe vwaratœ ye tœ kœndjo tœnœ.

²⁴Endje kuru she ga pa kurushi, œ ta wuka pa lœba nœ ye tœ kœwu adœeke uzu dœ uzu œ gbœ œneketa.

²⁵Endje bi she ga pa kurushi lima dœ ada œlœ mindu dœ vana.

²⁶Endje su ádá kœwo she lima ga pa tsheporo œyœ adœeke: «Gbozugo nœ Ayuda».

²⁷Endje kpa kuru anga aayi angba bisha ga pa kurushi ga indiri tœ ye, anga ga pa kuni, anga ga pa gele ye.

[²⁸Ataa, œ mbœerœtœ endje dœ mara á endje sú lima ala mbeti adœeke: «Endje di lima she ga ugurutœ aayi angba.»]

²⁹Azu á ndje sœ lima kœvwanga tœ awa tœ kpœtœmœ sœ kœgu she, kœvwi kumu endje kœpa pe adœeke: «Ha, bœ pa lima adœeke bœ ndi tshelœ egerœ zamiti anda Tepelo á kpa mœ tshandœnce manda olo votœ,

³⁰bœ she tœ zœ dœ tœ zœ œ jerœ pa kurushincœ ga ati nene a?»

³¹Awa bale, agboro agbozu tshapa anganga Ndjabanœ dœ aayi kœyisœ awa akwanœ mœ tœ endje ugurutœ endje á pa adœeke: «Tshe she lima anga azu, tshe sheshe tœ ye dœ tœ ye nene a!

³²Masiya, Gbozu nœ Israyele, tshe jerœ pa kurushincœ yeka á a kœwu á kœyindœ nœ.» Ayi angba á endje kuru ndje endje lima dœ she ga pa kurushi fa ndje tœ endje kpœtœtœ kœgu she.

Kuzu Yisu

(Wu ba tœ Mat 27.45-56; Luk 23.44-49; Yow 19.28-30)

³³Dœ kakpi œœ, osho wu kporokoto pa œshœ djigi œerrr ga tœ ada œœ votœ manda kakpi œœ.

³⁴Kœwuta ga tœ ada œœ nœ asœmœ, Yisu tá œgbœ rawa adœeke: «Eloyi, Eloyii, lema sabakatani?» œ yindœ kœpa adœeke: «Ndjaba nœ mœ, Ndjaba nœ mœ, mbœerœ gafe á bœ katœ mœ ti a?»

³⁵Anga azu á endje lœ lima kpœtœmœ pa adœeke: «'E dji kane, tshe sœ tœ kœ'e Eliya!»

³⁶Anga uzu kpa œ nduru ndœhœœ gala ikpi vinu á vwele ga tœ kumu wara yeka á yi ga tœ ama ye adœeke tshe ndjo dœ kœpa pa adœeke: «'E kaka a wu Eliyanœ á tshe na tœ kœza she ga ati pa kurushincœ.»

³⁷Kashe Yisu ta œgbœ rawa trale dœ kœtshu she.

³⁸Yé egerœ lœba á endje du ba sœnda Tepelo suru tshelœtœ ye bisha kœto ba lafo kpa ga ati.

³⁹Gbozu tshapa aturugu á tshe sœ lima ba utshu ye wu mara kuzu á Yisu tshu, á pa adœeke: «Adja uzu asœ kœdœ Gbolo nœ Ndjaba.»

⁴⁰Anga ayashe ka lima zara á lœ kœtondœ osho, ugurutœ endje Mareya uzu Magadala, dœ Mareya ayi aya Jake œdœ Joze, dœ pe Salome.

⁴¹Endje sœ lima kœna manda ye tœ kœmbœerœ akwa fœ she lœœ á tshe sœ lima ba lœ Galilayi. Anga azu ndjoro á endje œ lima dœ she ga lœ Yerusaleme lœ ndje lima kpœtœmœ.

Kœshi Yisu

(Wu ba tœ Mat 27.57-61; Luk 23.50-56; Yow 19.38-42)

42-43 Dœ adila, bata tœnœ kœdœ lœkœ sabata, Yozefu uzu tshelœ Arimateyo na ga ndœ Pilato. Tshe kœdœ lima ndje anga uzu ugurutœ agboro ayi kœwa ngbangancœ, á tshe sœ ndje lima dœ gbetshelœ nœ Ogo gbozu nœ Ndjaba. Tshe ru tœ lœsu ye á na kœyu she á kœza oko Yisu á kœshi.

44 Cœ za awa fœ Pilato kœdji adœke Yisu tshu. Tshe e gbozu tshapa aturuguncœ á yu she adœke Yisu tshu ata œndœ nœ dï ye a?

45 Manda kœdji gbozu tshapa aturuguncœ, tshe za awa fœ Yozefu kœza oko Yisu.

46 Yozefu yœ lœba kuzu, œ ì she tœ kurushi, œ vwele she dœ lœba akuzuncœ, á za she ga lœ udu tshelœ badja bale á tshe yœ. Yé á vwiri egerœ tame ga pa ogoro kuduncœ.

47 Mareya uzu Magadala dœ Mareya ayi Joze ká lima kœwu osho á endje za oko Yisu ga tœnœ.

Marke 16

Yisu she lœ akuzu

(Wu ba tœ Mat 28.1-8; Luk 24.1-12; Yow 20.1-10)

1 Olo sabata ro ye, Mareya uzu Magadala dœ Mareya ayi Yakobo dœ Salome yœ yombo kœna kœdja dœ oko Yisu.

2 Pe dœ amazi tuu dœ œlœ yenga, á sœ adœke œlœ mbœrœ œsœ kœwuta tœnœ á endje ro ga pa udu.

3 Endje sœ lima kœpulœma endje natœnœ adœke: «Cœdœ dá vwiri tame tœ manda uduncœ fœ azœ a?»

4 Kœmesho ataa, endje wu adœke endje vwiri bamama egerœ tamenœ pa udu ga indiri nœ.

5 Kœli ga lœ udu, endje wu anga gbolo yakoshe, tshe sœ ga pa kuni endje á verœ yœgbœlœba tœ imbinœ, awa za endje.

6 Kashe tshe pa fœ endje adœke: «Awa zaza 'e nene. 'E sœ kœpara Yisu uzu Nazarete á endje kuru kpœke she ga pa kurushi. Tshe shé ye, tshe sœsœpe kpœke nene. 'E wu uwu oshonœ á endje shi she tœnœ.

7 Yé 'e gu œ pandœ nœ fœ ayambarœ nœ ye œdœ pe Petro adœke: “Tshe ro utshu 'e ga lœ Galilayi da ye, 'e wu she ba zœ bata á tshe pa lima fœ 'e.”»

8 Endje wuta katsha lœ uduncœ, œ za œrœ kpagu tœnœ yé uvuru endje yu. Endje papa o'o fœ uzu bale nene mbœrœ awa li lima tœ endje ye.

Yisu matœ ye manda kuzu ye

(Wu ba tœ Mat 28.9-10; Yow 20.11-18)

⁹Yisu she dœ amazi nœ ali olo lœ pɔsɔ, œ matœ ye utshu nœ fœ Mareya uzu Magadala á tshe gɔrɔ lima ekpe ishirī mindu dœ bisha (7) pa ye.

¹⁰Tshe gu œ pandœ nœ fœ azu á tshe sœ lima sœnda bale dœ iki œdœ ngola lœ ala endje dœ she.

¹¹Kashe, kœdji adœke Yisu sœ dœ soro yé œne wu she dœ ala œne tako, endje yiyi lima ndœ nœ ga tœ ye nene.

¹²Mangba nœ, tshe matœ ye fœ anga anga endje bisha lœguru tœ endje á ndje sœ lima kœro ga lœ anga ogonœ.

¹³Anga endje asœmœ gu œ kpa pandœ nœ fœ endje. Ata gbaa, endje yiyi lima ndœ nœ nene.

Yisu matœ ye fœ ayambarœ nœ ye ndjokpa dœ bale

(Wu ba tœ Mat 28.16-20; Luk 24.36-40; Yow 20.19-23; Akw 1.6-8)

¹⁴Manda nœ kɔ, Yisu kpa matœ ye fœ ayambarœ nœ ye ndjokpa dœ bale, ɔɔ á endje sœ lima awa bale pa ndaba tœ kœzī œrœ. Yé tshe bala endje mbœrœ upu sharapu œdœ pe ɔgbɔ lœsu nœ endje, mbœrœ adœke endje yiyi lima ndœ kœyindœ o'o ama azu á endje pa lima adœke œne wu she dœ soro nene.

¹⁵Tshe za o'o fœ endje adœke: «'E na djelœ ogo kɔ, œ pandœ Ɔtshɔ O'o fœ azu kɔ.

¹⁶Uzu á tshe kœyindœ nœ, yé á kœgbɔ batisimu, tshe gbɔ soro. Kashe uzu tsheneke á tshe kœyiyindœ nœ nene, Ndjaba œ wa bala ɔgbɔ ngbanga ga tœ ye.

¹⁷Azu neke á endje kœyindœ nœ, endje mbœrœ mara œrœ nœ asœke: Endje gɔrɔ ekpe ishirī dœ i'irī mœ, endje pa tafo o'o ama ogo,

^{18a}kœsœ adœke endje tepa ayakoro too adœke endje ndjo ekpe ɔyɔ, œrœ bale œ mbœrœ tœ endje nene. Endje to kane endje ga pa ayi koba, yé endje she.»

Yisu ɔ ga lafo

(Wu ba tœ Luk 24.50-53; Akw 1.9-11)

¹⁹Manda kœza o'o fœ endje, Gbozu Yisu ɔ ga lafo, yé á sœ ga ati ga pa kuni Ndjaba.

²⁰Ayambarœnœ na lima kœpandœ o'onœ tœ osho kɔ. Gbozu Yisu mbœrœ lima akwa dœ endje awa bale. Tshe yi lima œsœ mara œrœ kɔ á li adœke endje kœmbœrœ yeka á kœma adœke o'onœ á endje pa kœdœ okporo o'o.

Lukasi

Lukasi 1

Lukasi sœ kœma buku nœ ye

¹Gbozu Teofile, azu ndjoro tetœ kœsu mbeti tœ œrœ á mboerœ lima tœ endje ugurutœ azœ.

²Endje pandœ œrœnœ bata á endje dji lœ ama endjeneke á endje dœ atimu, á endje wu dœ ala endje lima pe tœ alinœ, yé á wuta aayi kœyisœ o'o ama Ndjaba.

³Mboerœ tœnœ ataa, œmœ ndje, mœ yu osho dœ ɔtshœnœ tœ œneke kœ á mboerœ lima tœ endje kœto ba tœ adanœ. Yé gbozu Teofile, mœ wu dœ ɔtshœnœ adœke mœ su œtœnœ ngbi fœ bœ liaka mara á mboerœ lima tœ endje bale dœ bale dœ awanœ.

⁴Mœ sœ kœmboerœ ataa, mboerœ á bœ kœwusœ nœ adœke œneke kœ á endje yi lima sœ nœ fœ bœ kœdœ adja o'o.

Andjelu pandœ upu kœzu Yowane, ayi kœza batisimu

⁵Lœkœ á Erode dœ lima gbozugo Yuda, anga nganga Ndjaba bale á i'iri ye kœdœ Zakariya sœ lima zœ. Tshe sœ lœ uwu anganga Ndjaba nœ Abiya. Awonœ kœdœ lima anga uzu bale lœ aata Aro, i'iri ye kœdœ Elisabete.

⁶Endje bibisha kœdœ lima azu á endje sœ ndjii ba utshu Ndjaba, yé endje sœ lima kœmboerœtœ endje lindœ awa akwa œdœ lindœ awa o'o nœ Gbozu dœ ɔtshœnœ.

⁷Kashe endje gugu lima dœ gbolo nene, mboerœ Elisabete kœdœ lima yashe mara. Ga pa nœ dœmœ, ungu endje bibisha ro lima sœ nœ ye.

⁸Dœ anga ɔbœ bale, Zakariya na kœmboerœ akwa nœ anganga Ndjaba mboerœ tœnœ kœdœ lima lœkœ nœ uwu anganga Ndjaba á tshe sœ lœ nœ.

⁹Lindœ mara nœ kœmboerœ akwa nœ anganga Ndjaba, endje yu lima kadangba yeka á ke she adœke tshe li ga lœ œyerœ osho nœ Gbozu ndœ kœsho yombo ba zœ.

¹⁰Lœkœ nœ kœsho yombœnœ, azu ndjoro sœ lima ba shu ndœ kœza avwala.

¹¹Tshokombe, anga andjelu nœ Gbozu wuta ga tœ ye, œ ka ga tœ kuni ndaba á endje sho yombo panœ.

¹²Lœkœ á Zakariya wu she, uvuru ye i gara yé awa litœ ye kpakpakpa.

¹³Kashe andjelu pa fœ she adœke: «Zakariya, sœsœ dœ awa nene mboerœ Ndjaba dji avwala nœ zœ ye. Awo zœ dœ Elisabete œ zu bala gbolo yakoshe fœ bœ, bœ ta i'iri ye adœke Yowane.

14Upu nœ ye œ za egerœ yanga fœ bœ, yé azu ndjoro œ sœ dœ yanga tœ kœzu she.

15Gbambanœ nene, tshe dœ bala egerœ uzu tœ ala Gbozu. Tshe ndjo bala vinu œdœ anga ipi á mbœrœ osho nene, yé Ɔtsho ƙshiri œ su bala she pe ba lœ ayinœ.

16Tshe mbœrœ bala adœke azu Israyele ndjoro fatœ endje gu tœnœ ga ndœ Gbozu, Ndjaba nœ endje.

17Tshe na b̄ata ayi avwa nœ Ndjaba dœ ishiri œdœ gb̄ogb̄o nœ Eliya, mbœrœ kœgi ayo ga ugurutœ agbolo dœ aaba endje œdœ pe kœyisœ œrœ fœ azu gb̄okumu adœke endje sœ dœ kœwusœtœ nœ azu á endje sœ ndjii, mbœrœ kœguma azu á endje li fœ Gbozu.»

18Zakariya yu andjelu adœke: «Mœ wusœ nœ kotoo? Mbœrœ œmœ kœdœ yagbozu yé awo mœ fa yawaza ye.»

19Andjelu gi fœ she adœke: «œmœ kœdœ andjelu Gabriyele, mœ sœ kœka ba utshu Ndjaba mbœrœ kœmbœrœ akwa nœ ye. œshe dá vwa mœ mbœrœ adœke mœ pa fœ bœ dœ œ mindœ Ɔtsho O'onœ asœ fœ bœ ndje.

20Kashe b̄ata á bœ yiyindœ nœ adœke o'o ama mœ sœ kœmbœrœtœ endje dali dœ olo á mœ gbe dœ tœnœ nene asœmœ, bœ fa t̄ondu yé bœ kpa pa o'o nene œrrr ga tœ olo adœke œneke k̄o á mœ pandœ nœ fœ bœ, mbœrœtœ endje.»

21Dœ l̄ok̄nœ asœmœ, azu sœ lima kœkate Zakariya, yé œ sœ kœyutœ endje tœ ádá á œndœ ye sœ lima kœdi tœnœ ba lœ œyerœ oshonœ ba zœ.

22Kashe l̄ok̄o á tshe wuta lima, tshe lili lima kœpa o'o ga tœ azu á endje ngb̄otœ endje asœmœ nene. Azunœ wusœ nœ lima adœke tshe wu œrœ lœ ulu ba tœ œyerœ oshonœ ba zœ. Tshe sœ lima kœma œrœ fœ endje kolœ lœ t̄ondunœ.

23L̄ok̄o á akwa nœ Zakariya ba lœ Tepelo ka lima ndœ olonœ asœmœ, tshe gu ga ndœ ye.

24Manda nœ teasho atake, awonœ dœ Elisabete gb̄o nguzu, yé œ zatœ ye yiwa tœnœ manda yapu mindu. Tshe sœ lima kœpa adœke:

25«'E wu egerœ œrœ á Gbozu mbœrœ fœ mœ asœ! Nḡonḡo asœke, tshe fa ala ye ndœ mœ á yindœ kœgi mœ lœ œneke á sœ lima kœza tshula fœ mœ tœ ala azu.»

Andjelu pandœ upu kœzu Yisu

26Manda yapu mindu dœ bale, Ndjaba vwa andjelu Gabriyele ba lœ anga ongbo Galilayi bale á ƙ'iri kœdœ Nazarete.

27Tshe vwa she ba ndœ anga yawuru bale á tshe yindœ kœtotœ ye dœ anga yakoshe bale á ƙ'iri ye kœdœ Yozefu, uzu tshelœ b̄ingi nœ Davidi. ƙ'iri yawurunœ kœdœ lima Mareya.

²⁸Andjelu li ga ndœ ye œ pa fœ she adœke: «Sœ dœ yanga! Gbozu Ndjaba ma ɔtshɔ lɔsu ga ndœ zœ. Tshe sœ awa bale dœ bœ.»

²⁹Kumu Mareya kpa tatalikiri tœ o'onœ ascœmœ ye. Tshe te lima tœ kœyutœ ye tœ ádá abalanœ ascœmœ.

³⁰Andjelu kpa kœpa fœ she adœke: «Mareya, sœsœ dœ awa nene mbœrœ Ndjaba ma ɔtshɔ lɔsu ga ndœ zœ.

³¹Lœ ondonœ asœke, bœ gbɔ nguzu, yé bœ zu bala gbolo yakoshe, œ ta i'iri ye adœke Yisu.

³²Tshe dœ bala egerœ uzu, yé Ndjaba á tshe ropa œrœ kɔ œ e she adœke tshe kœdœ Gbolo nœ œne. Gbozu Ndjaba œ za she bala tœ gbuzugo manda atanœ dœ Davidi.

³³Tshe dœ gbozu tshapa azu Israyele waa dœ waa, yé akwa tshagbozu nœ ye œ ka nene.»

³⁴Mareya yu andjelu adœke: «Ka b̄ata á mœ wuwu damba sœ yakoshe nene asœ, œ mbœrœtœ endje kotoo?»

³⁵Andjelu gi fœ she adœke: «ɔtshɔ Ishiri œ jerœ bala ga pa zœ, yé gbɔgbɔ nœ Ndjaba á tshe ropa œrœ kɔ œ tshu bœ ngbili b̄ata tshaagujara. Mbœrœ tœnœ ataa, gbolo á bœ zu she œ sœ yerœ yé endje e she adœke Gbolo nœ Ndjaba.

³⁶Wu ka, ayo zœ dœ Elisabete á endje e she yashe mara ascœmœ, tshe gbɔ nguzu lœ yawaza tœ ye. Yé ngɔngɔ asœke, nguzunœ mbœrœ yapu mindu dœ bale.

³⁷Gbambanœ nene, œrœ á ropa Ndjaba gugu nene.»

³⁸Yé Mareya gi fœ she adœke: «œmœ kœdœ ayi akwa nœ Gbozu; kaka adœke œneke kɔ á bœ pandœ nœ, mbœrœtœ endje ga tœ mœ.» Yé andjelu gitœ ye tœ ye ye.

Mareya na kœtitœ Elisabete

³⁹Lœ olo manda nœ, Mareya áalafo œ gbɔgbɔtœ ye na tœnœ ga lœ anga ongbo bale á sœ b̄a pa kaga lœ ogo Yuda.

⁴⁰Tshe wuta b̄a zœ œ li ga lœ anda nœ Zakariya, yé œ bala Elisabete.

⁴¹Lɔkɔ á Elisabete dji abala nœ Mareya, gbolo turu b̄a lœ ye, yé ɔtshɔ Ishiri su she kperœ.

⁴²Tshe ta ɔgbɔ rawa yé œ pa adœke: «Ndjaba to kane ye ga pa zœ kœropa ayashe kɔ œdœ pe ga pa gbolo á tshe sœ lœ zœ!

⁴³œmœ kœdœ œdœ adœke ayi Gbozu nœ mœ na kœtitœ mœ a?

⁴⁴Gbambanœ nene, lɔkɔ á mœ dji abala nœ zœ, gbolo turu b̄a lœ mœ dœ yanga.

⁴⁵Ɔe bœ koedœ uzu nœ yanga mbœerœ á bœ dji o'o á Gbozu Ndjaba pa fœ bœ, yé á yindœ nœ adœke œ mbœerœtœ ye.»

Itshi nœ Mareya

⁴⁶Dœ tœnce ataa, Mareya kœpa adœke: «Mœ sœ koedonga Gbozu Ndjaba dœ lœsu mœ bale,

⁴⁷yé lœsu mœ su dœ yanga mangba Ndjaba á tshe dœ ayi kœshe mœ,

⁴⁸mbœerœ á tshe gbe dœ mœ dœ amba ayi akwa nœ ye. Ádánœ ataa, kœto kpesheke œdœ ɔɔ dœ ɔɔ, azu œ e mœ yashe nœ yanga,

⁴⁹mbœerœ Ndjaba nœ gbɔgbɔ kɔ mbœerœ egerœ œrœ fœ mœ. Ɔeshe koedœ Ndjaba á tshe sœ yerœ.

⁵⁰ɔɔ dœ ɔɔ, tshe sœ kœwu oyo endjeneke á endje sœ kœkpawa ye.

⁵¹Tshe ma gbɔgbɔ kane yakoshe nœ ye, yé œ ndjɔ tshelœ azu á endje sœ dœ lœsu nœ kœzatœ endje.

⁵²Tshe ko agbozugo ga ati pa ngande tshagbozu nœ endje, yé œ ti endjeneke á endje gugu dœ ádá nene, ga lafo.

⁵³Tshe to œrœ ndjoro fœ endjeneke á endje sœ dœ ogo, yé œ gi azu á endje sœ dœ œrœ ndjoro tshakane endje gbambanœ.

⁵⁴Tshe ti kane agbolo Israyele á endje dœ ayi akwa nœ ye ga lafo, kœli dœ ɔtshɔ lœsu nœ ye ga ndœ endje.

⁵⁵Tshe mbœerœ ga ndœ Abrayamo œdœ alivunœ waa dœ waa bata á tshe za lima uvu fœ aata azœ.»

⁵⁶Mareya mbœerœ lima ga pa œrœ nœ yapu votɔ ba ndœ Elisabete yeka á gu ga ndœ ye.

Kœzu Yowane, ayi kœza batisimu

⁵⁷Olo kœzu nœ Elisabete li lima, yé tshe zu gbolo yakoshe ga pa ɔshɔ.

⁵⁸Amashenga nœ ye œdœ pe ayonœ djindœ nœ adœke Gbozu Ndjaba má ɔtshɔ lœsu ga ndœ ye, yé œ sœ lima dœ yanga awa bale dœ she.

⁵⁹Kœwuta ga tœ olo mindu dœ votɔ manda kœzunœ, endje na kœwa gbolonœ tœ gaza, yé œ yi lima ndœ kœta i'iri abanœ dœ Zakariya ga pa ye.

⁶⁰Kashe ayinœ za o'o, œ pa adœke: «Ɔẽ œ nene, i'iri ye œ dœ Yowane.»

⁶¹Endje pa fœ she adœke: «Anga uzu bale lœ bingi nœ zœ gugu dœ i'irinœ asœmœ nene.»

⁶²Yé endje yi kane endje ga tœ aba gbolo, mbœrœ kœwusœ i'iri á tshe gbe ma œnœ ye kœta ga tœ gbolonœ.

⁶³Zakariya e osho ndœ œrœ á endje sú mbeti ga pa nœ, yé œ su adœke: «I'iri ye kœdœ Yowane.» Azu kœ ki lima tœ œsœnœ.

⁶⁴Pe tœ œsœnœ, Zakariya kpa tetœ kœpa o'o ye: Tshe tetœ kœdonga Ndjaba dœ œgbœ tshama ye.

⁶⁵Awa litœ amashenga nœ ye kpakpakpa, yé azu kœ pa kaga lœ ogo Yuda tetœ kœpandœ œrœnœ á mbœrœtœ endje ascœmœ.

⁶⁶Endjeneke kœ á endje dji lima o'onœ, endje gbœndœ nœ ga tœ lœsu endje yé œ tetœ kœyutœ endje adœke: «Gbolo ascœke œ te bala œdœ?» Gbœgbœ nœ Gbozu Ndjaba sœ lima adja dœ she awa bale.

Itshi nœ Zakariya

⁶⁷Ɔtshœ Ishiri su Zakariya, aba aya gbolonœ kperœ yé tshe tetœ kœgbara o'o ama Ndjaba adœke:

⁶⁸«A donga Gbozu, Ndjaba nœ azu Israyele, mbœrœ tshe gbe dœ azu nœ ye, yé á gi endje lœ kanga.

⁶⁹Tshe vwa anga ayi kœshe azu á tshe sœ dœ gbœgbœ, fœ azœ ugurutœ aata ayi akwa nœ ye dœ Davidi.

⁷⁰Tshe mbœrœ œneke á tshe pa lima ndœ nœ katshatsha, lœ ama ayerœ aayi kœgbara o'o nœ ye adœke,

⁷¹œne ko azœ tshakane ayingba azœ œdœ tshakane endjeneke kœ á endje sœ kœyangba azœ.

⁷²Tshe ma Ɔtshœ lœsu ga ndœ aata azœ, yé œ djedjœndœ œyerœ madu nœ ye nene.

⁷³Gbambœ nene, Ndjaba za lima uvu fœ ata azœ dœ Abrayamo adœke,

⁷⁴œne gi azœ tshakane ayingba azœ ye,

á kœza awa fœ azœ kœmbœrœ akwa nœ ye dœ awa nene,

⁷⁵adœke a wuta ayerœ azu, œ sœ ndjii utshu œne, œlœ dœ œlœ lœ soro azœ.»

⁷⁶Á Zakariya kœpa adœke: «Yé œbœ, gbolo nœ mœ, bœ dœ bala ayi kœgbara o'o nœ Ndjaba á tshe ropa œrœ kœ. Gbambœ nene, bœ na utshu Gbozu mbœrœ kœguma awa ye.

⁷⁷Yé bœ yisœ nœ fœ azu nœ ye adœke, tshe sœ kœna kœshe endje, lœ awa nœ kœdjœndœ ekperœ nœ endje.

⁷⁸Gbambanœ nene, Ndjaba nœ azœ sœ dœ ɔtshɔ lɔsu, tshe sœ dœ lɔsu kœwu oyo waa. Tshe vwa ishiri ɔlɔ á to ba lafo ga pa azœ bata œneke á wuta dœ tshamazi.

⁷⁹Ishiri ɔlɔnœ œ tɔ ga pa endjeneke kɔ á endje sœ lœ ubu osho œdœ endjeneke á endje sœ kœkpa awa kuzu, mbœrœ kœyisœ awa nœ kœsœ gee fœ azœ.»

⁸⁰Gbolonœ sœ lima kœgerœ tœnœ yé Ndjaba za lima gbɔgbɔ fœ she, tshe sœ lima kœsœ ba lœ kpagagasho œrrr ga tœ lɔkɔ kœwuta she ga tœ ala azu Israyele.

Lukasi 2

Kœzu Yisu

¹Dœ lɔkɔnœ asœmœ, Sezare Oguste á tshe dœ egerœ gbozugo Roma, za o'o fœ azu tshelœ ogo nœ ye kɔ adœke endje ro kœsu i'iri endje gala buku.

²Ali kœsu i'iri azu gala bukunœ asœmœ dœmœ. Kiriniyuse dá dœ lima gbozu tshapa ogo Siri dœ lɔndɔnœ asœmœ.

³Uzu dœ uzu kɔ gu lima ga lœ adja ongbo nœ ye mbœrœ adœke endje sú i'iri ye gala buku.

⁴Yozefu to ndje ba lœ Nazarete, ongbo tshelœ ogo Galilayi, yeka á ro ga lœ Beteleme ba lœ ogo Yuda, ongbo á endje zu lima Davidi lœnœ. Gbambanœ nene, Davidi kœdœ lima ata Yozefu.

⁵Tshe na lima ba zœ dœ awonœ dœ Mareya á tshe sœ lima dœ nguzu, mbœrœ adœke endje sú i'iri endje gala buku.

⁶Dœ lɔkɔ á endje sœ lima ba lœ Beteleme, olo adœke tshe zu, li lima ye.

⁷Tshe zu eya nœ ye tœ gbolo yakoshe, œ vwele she dœ lœba yé á za she ga pa gbarœ kœzirœ nœ agea, mbœrœ osho gugu lima mbœrœ endje ba tœ osho kœsœ á sœ mbœrœ agene nene.

Andjelu wuta ga tœ aayi kœgbɔndœ ayarœ

⁸Aayi kœgbɔndœ ayarœ á endje sœ ba lœ kindi yé á sœ kœsœ indiri ukpulu ayarœ nœ endje dœ butshɔ, sœ ndje lima lakpɔnœ asœmœ zœ.

⁹Anga andjelu nœ Gbozu Ndjaba bale wuta ga tœ endje, mokɔ nœ Gbozu za endje djigi, yé awa litœ endje kpakpakpa.

¹⁰Kashe andjelu pa fœ endje adœke: «'E sœsœ dœ awa nene, mbœrœ mœ na kœpandœ ɔtshɔ O'o fœ 'e; o'o neke á za yanga kœeropanœ fœ azu kɔ.

¹¹Dœ butshɔ asœke, ba lœ ongbo nœ Davidi, endje zu ayi kœshe azu; á tshe kœdœ Kristu, Gbozu nœ azœ.

¹²Yé ambárá œerœ á 'e wusœ ye mbœerœ tœnœ dœke: 'e gbœ anga aya gbolo á endje vwele she dœ læba, yé á za she ga læ gbarœ kœzĩrœ nœ agea.»

¹³Tshokombele, anga aandjelu ndjoro to ba lafo œ ngbœtœ endje ga tœ œsœnœ dœ she, yé á tetœ kœdonga Ndjaba adœke:

¹⁴«Mokœ nœ Ndjaba matœ ye ba lafo! Yé kœsœ gee sœ dœ azu á endje yindœ ye ba pa œshœ.»

Aayi kœgbœndœ ayarœ na ga læ Beteleme

¹⁵Lœkœ á aandjelu fatœ endje kœœ ga lafo, aayi kœgbœndœ ayarœ pa œnœ endje adœke: «A na œerrr ba læ Beteleme, œ wu œerœ á wuta ba zœ kane; œeneke á Gbozu Ndjaba yisœ nœ fœ azœ asœmœ.»

¹⁶Endje gbœgbœ lima tœ endje rotœnœ ga zœ yé œ gbœ Mareya, Yozefu œdœ pe aya gbolo á ndje za she ga læ gbarœ kœzĩrœ nœ agea.

¹⁷Lœkœ á endje wu lima she, endje tetœ kœpandœ o'o á andjelu pa fœ endje tœ upu nœ gbolonœ fœ Amareya dœ Yozefu.

¹⁸Yé azu para á endje læ lima kœdji œeneke á aayi kœgbœndœ ayarœnœ sœ kœpandœ nœ asœmœ, kĩtœ œsœnœ.

¹⁹Andaa Mareya sœ lima kœgbœndœ o'onœ kœ ga lœsu ye, yé œ sœ kœpara ádánœ.

²⁰Manda nœ, aayi kœgbœndœ ayarœnœ fatœ endje kœgu gangba endje dœ kœdonga Ndjaba œdœ dœ kœza mokœ fœ she tœ œeneke kœ á endje wu yé á dji. Gbambanœ nene, œerœnœ kœ mbœerœtœ endje bœta á andjelu pandœ nœ.

Endje ta i'iri Yisu ga pa gbolonœ

²¹Manda olo mindu dœ votœ, olo kœwa gbolo tœ gaza li lima ye. Endje ta i'iri Yisu ga pa ye. Œtœnœ kœdœ i'iri á andjelu ma lima utshunœ adœke ayinœ gbœ nguzu.

Endje na dœ Yisu ga læ Tepelo

²²Lœkœ á olo kœdjutœ kote Amareya dœ Yozefu yeka á endje kœfa ayerœ azu tœ ala Ndjaba, lindœ awa akwa nœ Moyize li lima, endje to Yisu na tœnœ ga læ Tepelo ba læ Yerusaleme mbœerœ kœma she fœ Gbozu.

²³Gbambanœ nene, endje sú bala Buku nœ awa akwa nœ Gbozu adœke: «Ali gbolo yakoshe kœ á endje zu she utshunœ, endje za she fœ Gbozu Ndjaba.»

²⁴Œ li ndje adœke Amareya dœ Yozefu za ndje tokóró dœ akalambonga bisha too dœ ambepa bisha, bœta á awa akwa nœ Gbozu pa ndje tœnœ.

²⁵Dá asœmœ, anga uzu á i'iri ye kœdœ Shimeyo, sœ lima ba læ Yerusaleme. Œshe kœdœ lima uzu á tshe sœ ndjii dœ pe kœlĩsœ Ndjaba. Tshe sœ lima

kœkate tsheneke á tshe na mbœrœ kœgi agbolo Israyele lœ oyo. Ɖtshɔ ƙshiri sœ lima dœ she,

²⁶yé œ ma fœ she adœeke tshe wu Masiya á Gbozu Ndjaba œ vwa she, utshunœ adœeke tshe tshu.

²⁷Ishiri to Shimeyo na tœnœ ga lœ Tepelo. Lœkɔ á agbozu nœ Yisu na dœ she ga lœ Tepelo kœmbœrœ liaka œeneke á endje sú ƒa la buku nœ awa akwa tœ upu nœ ye,

²⁸Shimeyo za she ga tshaabrœ ye, yé œ tetœ kœdonga Ndjaba adœeke:

²⁹«Ngɔngɔ asœeke Gbozu, kaka adœeke ayi akwa nœ zœ, ro dœ kœsœ gee ƒata á ƒœ pa lima ndœ nœ.

³⁰Gbambanœ nene, mœ wu ayi kœshe á ƒœ vwa she dœ adja ala mœ ye.

³¹Ɖœ guma ayi kœshenœ asœmœ mbœrœ azu kɔ.

³²Tshe sœ ƒata ɔɔ á tɔ ga pa angɔi azu, yé tshe dœ mokɔ mbœrœ azu Israyele á endje dœ agbolo nœ zœ.»

Kœgbara o'o nœ Shimeyo

³³Aba Yisu œdœ ayinœ katœ ama endje ti ɔɔ tœ œeneke á Shimeyo sœ lima kœpa tœnœ tœ upu nœ ye.

³⁴Shimeyo to kane ye ga pa endje yé œ pa fœ Mareya, ayi Yisu adœeke: «Ndjaba ke gbolo asœ mbœrœ lœ awa nœ ye, azu ndjoro lœ Israyele œ yo too œ she. Tshe dœ bala ambára nœ Ndjaba kashe azu œ vwaratœ endje tœ ye.

³⁵Tshe ma gbetshelœ nœ azu á zatœ endje yiwa tœnœ ƒa lœsu endje ngɔi ga ushu. Yé tœ ƒœ dœ Mareya, oyo nœ zœ œ sœ bala ƒata endje sú ƒœ peara dœ ingiri yakamba.»

Ana, yashe kœgbara o'o

³⁶Anga yashe kœgbara o'o bale á i'iri ye kœdœ Ana, sœ lima zœ. Œshe kœdœ yawuru nœ Fanuwele, uzu tshelœ mara nœ Azere. Tshe wuta lima ɔgbɔ yawaza ye. Tshe i lima akœnœ pe lœ yawuru tœ ye, yé endje mbœrœ ungu mindu dœ bisha (7) yeka á yakoshenœ tshu.

³⁷Manda nœ, tshe sœpe lima tœ yashe koya yé œ sœ dœ ungu zazu vana dœ vana (84). Tshe gigi lima tœ ye lœ Tepelo nene. Kashe butshɔ dœ ɔɔ, tshe sœ lima kœmbœrœ akwa fœ Ndjaba lœ awa nœ kœyotshelœma ye œdœ pe kœza avwala.

³⁸Tshe yi kumu ye pe dœ lœkœnœ asœmœ, yé œ tetœ kœdonga Ndjaba dœ kœpa o'o tœ upu nœ gbolonœ fœ endjeneke á endje sœ lima kœkate adœeke Ndjaba she Yerusalemœ.

Køegu ga lœ Nazarete

³⁹Lɔkɔ á Ayozeƒu dœ Mareya mbœrœ lima œeneke kɔ á awa akwa nœ Gbozu sœ kœyœndœ nœ, endje gu lima ndœ ogo Galilayi, ba lœ Nazarete á dœ ongbo nœ endje.

⁴⁰Gbolonœ sœ lima kœgerœ tœnœ dœ undu ye œdœ dœ kœwusœtœ, yé kane Ndjaba sœ lima pa ye.

Dœ ungu ndjokpa dœ bisha, Yisu li ga lœ Tepelo

⁴¹Ungu bale dœ bale, agbozu nœ Yisu sœ lima kœro ga lœ Yerusaleme ndœ angbo Pake.

⁴²Lɔkɔ á Yisu sœ lima dœ ungu ndjokpa dœ bisha, endje na dœ she ga lœ Tepelo b̄ata á mbœrœ balima tœ ye lœ mara nœ endje.

⁴³Lɔkɔ á angbonœ ka lima, Ayozeƒu dœ Mareya fatœ endje kœgu tœnœ, kashe Yisu sœ lima pe lœ Yerusaleme yé agbozu nœ ye wuwu she nene.

⁴⁴Endje gbe lima adœke Yisu te manda azu á œne sœ kœgu tœ awanœ dœ endje asœmœ. Endje lo olo bale lœ ana yé osho kɔrɔ, endje tetœ kœpara she lœ ugurutœ ayo endje œdœ pe lœ ugurutœ anga endje.

⁴⁵Kashe endje gbɔgbɔ lima she nene. Endje kwa ga lœ Yerusaleme kœpara she.

⁴⁶Endje totœ kœpara she œerrr manda olo votɔ á gbɔ lima she ba lœ Tepelo. Tshe sœ ga ati ba ugurutœ aayi kœyisœrœ œ sœ kœdji endje, dœ kœyu endje dœ o'o.

⁴⁷Azu kɔ á endje sœ lima kœdji she, ka lima tœ ama endje ti ɔsɔ tœ kœwusœrœ nœ ye dœ pe o'o á tshe sœ kœgi tœnœ.

⁴⁸Lɔkɔ á agbozu nœ ye wu she, endje i gbɔndjuru yé ayinœ pa fœ she adœke: «Gbolo nœ mœ, mbœrœ gađe á bœ mbœrœ mara œrœ ata fœ 'a? A'a dœ aba zœ, 'a para bœ dœ awa.»

⁴⁹Tshe gi fœ endje adœke: «Mbœrœ gađe á 'e para mœ a? 'E wuwusœ nœ nene adœke œ li adœke mœ sœ ba lœ anda nœ Aba mœ a?»

⁵⁰Kashe agbozu nœ ye djidji lima tshelœ kata œeneke á tshe pa fœ endje nene.

⁵¹Yisu gu awa bale dœ endje ga lœ Nazarete; tshe sœ lima kœmbœrœtœ ye lindœ o'o endje. Ayinœ gbɔndœ œrœ á mbœrœtœ endje asœmœ kɔ ga tœ lœsu ye.

⁵²Yisu sœ lima kœgerœ tœnœ dœ undu ye œdœ lœ kœwusœtœ, yé œ sœ kœmbœrœ ɔtshœrœ á sœ kœza yanga fœ Ndjaba œdœ pe fœ azu.

Lukasi 3

Kœyisœrœ nœ Yowane, ayi kœza batisimu

(Wu ba tœ Mat 3.1-6; Mar 1.1-6)

- ¹Lɔkɔ á Tibere, egerœ gbozu tshapa ogo Roma mbœrœ lima ungu ndjokpa dœ mindu tœ akwa, anga agbozugo sœ ndje lima kœmbœrœ akwa tshagudi ye. Agbozugonœ kœdœ lima Pose Pilato á tshe sœ lima pa ogo Yuda, Erode pa ogo Galilayi, ayancœ dœ Filipo sœ lima pa ogo Eturi œdœ Trakonitide, yé Lisaniase sœ lima pa ogo Abilene.
- ²Yé Ana œdœ Kayifa kœdœ lima agbozu tshapa anganga Ndjaba. Dœ lœndœncœ ascœmœ, Ndjaba pa o'o fœ Yowane, gbolo nœ Zakariya ba lœ kpagagasho.
- ³Yowane tetœ kœna djelœ ogo kɔ á sœ indiri ungu Yɔrdane, yé œ sœ kœmindœ o'o fœ azu adœke: «'E fatshalɔsu 'e dœ œ gbɔ batisimu yeka á Ndjaba kœdjerœndœ ekperœ nœ 'e kɔ.»
- ⁴Bata Isaya, anga ayi kœgbara o'o su lima ala mbeti nœ ye adœke: «Anga uzu sœ kœta rawa ba lœ kpagagasho adœke: 'E guma ala awa Gbozu, 'e yɔrɔ ala awa ye ndjii.
- ⁵'E be kudu kɔ, kaga dœ koto kɔ œ fa akpala osho. 'E yɔrɔ ala awa á sœ tœ dengœngœncœ. 'E guma awa á sœ dœ kudu adœke œ sœ kpa.
- ⁶Yé azu kɔ œ wu kœshe nœ Ndjaba.»
- ⁷Ukpulu azu na lima ga ndœ Yowane adœke tshe za batisimu fœ œne. Tshe sœ lima kœpa fœ endje adœke: «Ukpulu ekpe ayakoro! Uzu dœ dá yisœ nœ fœ 'e adœke 'e kpa awa ókó nœ Ndjaba á ndo kœna tœncœ a?
- ⁸'E mbœrœ œrœ á sœ kœma adœke 'e fatshalɔsu 'e ye, yé 'e papa mbœrœ 'e dœ tœ 'e nene adœke: “Abrayamo kœdœ ata azœ” Gbambancœ nene, mœ sœ kœmindœ nœ fœ 'e adœke, Ndjaba li kœfa badja asœke tœ aata Abrayamo.
- ⁹Gonda sœ yindjindjinœ mbœrœ kœvwa dœ ɔyɔ tœtœ œshencœ kɔ ye. ɔyɔ kɔ á elencœ kœgaga nene, endje de yé œ ko va ga tœ owo.»
- ¹⁰Azu sœ lima kœyu Yowane adœke: «Ataa, œrœ gadœ dá 'a kœmbœrœ a?»
- ¹¹Tshe gi lima fœ endje adœke: «Uzu á tshe kœsœ dœ lœba okoro bisha, tshe za angancœ bale fœ tsheneke á tshe gugu dœ tœncœ nene. Yé uzu á tshe kœsœ dœ kœzœrœ, tshe mbœrœ ndje awa bale.»
- ¹²Aayi kœko ngendja lapo na ndje lima adœke Yowane za batisimu fœ œne, yé œ yu she adœke: «Ayi kœyisœrœ, œrœ gadœ dá 'a kœmbœrœ a?»
- ¹³Tshe gi fœ endje adœke: «'E kaka laponœ fœ azu kœrosœ amancœ á endje za fœ 'e nene.»
- ¹⁴Aturugu yu ndje lima she awa bale adœke: «Ka 'a, œrœ gadœ dá 'a kœmbœrœ a?» Tshe gi fœ endje adœke: «'E koko ngendja tshaabrœ azu dœ œgbɔ nene; 'e

papa ndje o'o dœ wala ga pa uzu nene. Kashe 'e gbe kolœ dœ ngendja tshangba akwa nœ 'e.»

¹⁵Azu sœ lima kœkate Masiya, uzu dœ uzu sœ lima kœgbe adœke Yowane kœdœ ete she.

¹⁶Yé Yowane pa fœ endje kœ adœke: «Œmœ, mœ sœ kœza batisimu fœ 'e dœ ungu; kashe tsheneke á tshe na manda mœ, tshe ropa mœ dœ gbœgbœ ye; mœ lili kœka ga utshu ye dœ pe kœzu uwu œrœda nœ ye nene. Œshe, tshe za bala batisimu lœ Œtshœ Ishiri œdœ dœ owo fœ 'e.

¹⁷Tshe za gbarœ kœpe dœ tshelœ indji ngwarœ ga tshaabrœ ye. Manda kœpe tœnœ, tshe gumasœ indji ngwarœnœ gala kogba nœ ye, yé œ ko oforonœ va ga tœ owo neke á ru nene.»

¹⁸Ataa, Yowane mi lima anga angbi upu ndjoro fœ endje, yé œ yisœ Œtshœ O'o fœ azu.

¹⁹Dœ lœkœnœ asœmœ, Yowane gbagbara Erode á tshe dœ gbozugo Galilayi mbœrœ á tshe to lima Erodiade, awo ayancœ œdœ pe anga ngbindirœ ndjoro á tshe mbœrœ lima.

²⁰Yé ga pa upu á tshe mbœrœ kœ, tshe kpa za Yowane ga lœ kánga.

Yowane za batisimu fœ Yisu

(Wu ba tœ Mat 3.13-17; Mar 1.9-11)

²¹Manda kœza batisimu fœ azu kœ, Yowane za ndje batisimu fœ Yisu. Dœ lœkœ á Yisu sœ lima kœza avwala fœ Ndjaba, tshalafœ kœrœ ngbi.

²²Œtshœ Ishiri jerœ ga pa ye bœta mbepa, yé tshama to ba lafo œ pa adœke: «Œbœ kœdœ Gbolo nœ mœ á mœ yindœ zœ waa; mbœrœ bœ, mœ sœ dœ yanga.»

Aata Yisu

(Wu ba tœ Mat 1.1-16)

²³Yisu sœ lima dœ ungu ga pa œrœ nœ zazu bale dœ ndjokpa (30) yeka á tetœ kœmbœrœ akwa nœ ye. Azu gbe lima adœke œshe kœdœ gbolo nœ Yozefu á tshe dœ Yozefu dœ gbolo nœ Eliya,

²⁴yé Eliya kœdœ gbolo nœ Mata, Mata kœdœ gbolo nœ Levi, Levi kœdœ gbolo nœ Meleki, Meleki kœdœ gbolo nœ Yanayi, yé Yanayi kœdœ gbolo nœ Yozefu.

²⁵Yozefu kœdœ gbolo nœ Matatiase, Matatiase kœdœ gbolo nœ Amose, Amose kœdœ gbolo nœ Nawume, Nawume kœdœ gbolo nœ Eseli, yé Eseli kœdœ gbolo nœ Nagayi.

²⁶Nagayi kœdœ gbolo nœ Maate, Maate kœdœ gbolo nœ Matatiase, Matatiase kœdœ gbolo nœ Semeyine, Semeyine kœdœ gbolo nœ Yoseke, yé Yoseke kœdœ gbolo nœ Yoda.

²⁷Yoda kœdœ gbolo nœ Yonane, Yonane kœdœ gbolo nœ Resa, Resa kœdœ gbolo nœ Zorobabele, Zorobabele kœdœ gbolo nœ Salatiyele, yé Salatiyele kœdœ gbolo nœ Neri.

²⁸Neri kœdœ gbolo nœ Meleki, Meleki kœdœ gbolo nœ Adi, Adi kœdœ gbolo nœ Kosame, Kosame kœdœ gbolo nœ Elemadame, yé Elemadame kœdœ gbolo nœ Ere.

²⁹Ere kœdœ gbolo nœ Yisu, Yisu kœdœ gbolo nœ Eliezere, Eliezere kœdœ gbolo nœ Yorime, Yorime kœdœ gbolo nœ Mata, yé Mata kœdœ gbolo nœ Levi.

³⁰Levi kœdœ gbolo nœ Shimeyo, Shimeyo kœdœ gbolo nœ Yuda, Yuda kœdœ gbolo nœ Yozefu, Yozefu kœdœ gbolo nœ Yoname, yé Yoname kœdœ gbolo nœ Eliyakimi.

³¹Eliyakimi kœdœ gbolo nœ Meleya, Meleya kœdœ gbolo nœ Mena, Mena kœdœ gbolo nœ Matata, Matata kœdœ gbolo nœ Nata, yé Nata kœdœ gbolo nœ Davidi.

³²Davidi kœdœ gbolo nœ Yese, Yese kœdœ gbolo nœ Obede, Obede kœdœ gbolo nœ Boaz, Boaz kœdœ gbolo nœ Sala, yé Sala kœdœ gbolo nœ Nashone.

³³Nashone kœdœ gbolo nœ Aminadabe, Aminadabe kœdœ gbolo nœ Adimine, Adimine kœdœ gbolo nœ Arni, Arni kœdœ gbolo nœ Eserone, Eserone kœdœ gbolo nœ Perese, yé Perese kœdœ gbolo nœ Yuda.

³⁴Yuda kœdœ gbolo nœ Yakobo, Yakobo kœdœ gbolo nœ Izaka, Izaka kœdœ gbolo nœ Abrayamo, Abrayamo kœdœ gbolo nœ Tera, yé Tera kœdœ gbolo nœ Nahore.

³⁵Nahore kœdœ gbolo nœ Seruge, Seruge kœdœ gbolo nœ Rewu, Rewu kœdœ gbolo nœ Pelege, Pelege kœdœ gbolo nœ Ebere, yé Ebere kœdœ gbolo nœ Shela.

³⁶Shela kœdœ gbolo nœ Kenane, Kenane kœdœ gbolo nœ Arpakesade, Arpakesade kœdœ gbolo nœ Seme, Seme kœdœ gbolo nœ Nowa, yé Nowa kœdœ gbolo nœ Lameke.

³⁷Lameke kœdœ gbolo nœ Matusaleme, Matusaleme kœdœ gbolo nœ Enoke, Enoke kœdœ gbolo nœ Yerede, Yerede kœdœ gbolo nœ Malaleyele, yé Malaleyele kœdœ gbolo nœ Kenane.

³⁸Kenane kœdœ gbolo nœ Enoke, Enoke kœdœ gbolo nœ Sete, Sete kœdœ gbolo nœ Adamo, yé Adamo kœdœ gbolo nœ Ndjaba.

Lukasi 4

Djaboro na kœwu lœsu Yisu

(Wu ba tœ Mat 4.1-11; Mar 1.12-13)

¹Ɔtsho Ishiri su lima Yisu kperœ loko á tshe to ba langu Yordane á gu; yé Ishiri nœ Ndjaba to she na tœnœ ga lœ kpagagasho.

²Tshe lo lima ba zœ olo zazu bisha, yé á djaboro na kœwu lœsu ye. Tshe zizi lima œrœ lœ olonœ asœmœ nene, yé manda nœ ogo litœ ye kpakpakpa ye.

³Djaboro pa fœ she adœke: «œdœ bœ kœdœ Gbolo nœ Ndjaba, pa fœ badja asœke œ fatœ ye tœ mapa.»

⁴Yisu gi fœ she adœke: «Endje su bala Buku nœ Ndjaba adœke: “Uzu œ sœ dœ soro kolœ mbœrœ mapa nene.”»

⁵Djaboro 'o dœ she œrrr ba tœ anga osho á sœ ba lawutsha, œ yisœ Ogo gbozu nœ tshapasho djigi fœ she.

⁶Yé œ pa fœ she adœke: «Mœ ko ogonœ asœke dœ gbœgbœnœ œdœ œrœ tshelœnœ ko fœ bœ. Gbambœ nene, Ndjaba za lima fœ mœ; mœ li kœza fœ uzu neke á mœ yindœ ye.

⁷œdœ bœ kœgote ga utshu mœ, œrœnœ ko œ te œnœ zœ ye.»

⁸Yisu gi fœ she adœke: «Buku nœ Ndjaba pa adœke: “Bœ gote ga utshu Gbozu Ndjaba nœ zœ, yé bœ donga kolœ she tshebabale.”»

⁹Djaboro kpa na dœ she ba lakpi Yerusaleme œ za she ba pa kumu Tepelo, yé á pa fœ she adœke: «œdœ bœ kœdœ Gbolo nœ Ndjaba, to ba ke œ i tshiri ga ati.

¹⁰Gbambœ nene, endje sú bala Buku nœ Ndjaba adœke: “Ndjaba œ za awa fœ aandjelu nœ ye adœke endje gbœndœ zœ.”

¹¹Yé ga pa nœ: “Endje za bœ dœ kane endje ga ati mbœrœ á bœ kœzaza ada zœ to badja nene.”»

¹²Yisu gi fœ she adœke: «Endje sú ba la Buku nœ Ndjaba adœke: “Papara awa kœwu lœsu Gbozu Ndjaba nœ zœ nene.”»

¹³Manda kœwu lœsu Yisu dœ aka mara afara ko, djaboro gitœ ye tœ ye kœkate œrrr ga tœ anga olo á tshe za.

Yisu tetœ kœmbœrœ ali akwa nœ ye ba lœ Galilayi

(Wu ba tœ Mat 4.12-17; Mar 1.14-15)

¹⁴Yisu su dœ gbœgbœ nœ Ɔtsho Ishiri, œ kwatœ ye ga lœ Galilayi yé i'iri ye za lima osho djigi.

15 Tshe sœ lima kœyisœ œrœ ba lœ Sinagoga nœ endje, yé azu kœ sœ kœpandœ œsœ mokœ nœ ye.

Azu Nazarete yiyi lima ndœ kœyisœrœ nœ Yisu nene

(Wu ba tœ Mat 13.54-58; Mar 6.1-6)

16 Yisu na ga lœ Nazarete, tshalakpi á tshe gerœ lœnœ. Dœ lœkœ sabata, tshe li ga lœ Sinagoga lindœ mara ye. Tshe áalafo ndœ kœdi o'o ama Ndjaba.

17 Endje za buku á ayi kœgbara o'o Isaya su, fœ she. Tshe gbara ala bukunœ ga tœ osho á endje sú adœke:

18 «Íshiri nœ Gbozu sœ pa mœ mbœrœ á tshe ke mœ adœke mœ yisœ Ɔtsho O'o fœ ayi oyo. Tshe vwa mœ kœmindœ nœ fœ aayi kánga adœke endje wuta lœ kánga nœ endje ye, yé fœ aayibula adœke endje kpa wu osho. Tshe vwa mœ adœke mœ ko azu á endje sœ kœmbœrœ œrœ kanga fœ endje ga ushu,

19 yé mœ pandœ nœ fœ azu adœke, ungu á Gbozu yindœ kœma Ɔtsho lœsu nœ ye li ye.»

20 Manda kœdi bukunœ, Yisu dje ga tœnœ œ gi fœ ayi akwa tshelœ Sinagoga, yé œ sœ ga ati. Azu kœ á endje sœ lima sœndanœ, ko ala endje djœrrr ga tœ ye.

21 Yé tshe tetœ kœpa fœ endje adœke: «O'onœ á 'e dji la bukunœ kpesheke asœ, œ mbœrœtœ endje ye.»

22 Azu kœ sœ lima kœpa Ɔtsho o'o tœ upu nœ Yisu. Endje katœ ama endje ti Ɔso tœ Ɔtsho o'o á tshe sœ lima kœpa tœnœ, yé œ tetœ kœyutœ endje adœke: «œ dœdœ gbolo nœ Yozefu dœke nene a?»

23 Yisu mindœ nœ fœ endje adœke: «Mœ wu adja sœ nœ adœke 'e pa ndœma toro asœ fœ mœ: “Monganga, shetœ zœ dœ tœ zœ.” 'E kpa pa ndje fœ mœ adœke: “A wusœ neke kœ á bœ mbœrœ lima ba lœ Kaparnawumu ye. Mbœrœ ndje tshetœ œrœnœ asœmœ ba lœ ongbo nœ zœ dœ tœ zœ ba ke.”»

24 Yé tshe kpa pa adœke: «Mœ sœ kœmindœ nœ fœ 'e dœ adjapu adœke, endje yiyindœ ayi kœgbara o'o ba lakpi á endje zu she tœnœ nene.

25 Mœ sœ kœpa fœ 'e dœ adjapu adœke, ayashe koya do lima panœ ba lœ Israyele lœkœ á Eliya sœ lima kœgbara o'o ye. Dœ lœkœ nœ asœmœ ndje, yavuru nini lima nene œrrr manda ungu votœ dœ yapu mindu dœ bale, yé egerœ ogo za lima tshapa Ɔsho djigi.

26 Andaa, Ndjaba vwavwa lima Eliya fœ anga bale lœ ugurutœ endje nene. Kashe tshe vwa she kolœ ba ndœ anga yashe koya ba lœ Sarepeta, ba lœ ogo Sidona.

27 Aayi boroma sœ lima ndjoro lœ ogo Israyele lœkœ á Elisa dœ lima ayi kœgbara o'o. Andaa anga bale sheshe lima nene, kashe kolœ Namane á tshe kœdœ uzu ogo Siri dá she.»

28Koedji lima o'onoe asoemoe ataa, azu ko á endje soe ba loe Sinagoga, suku doe okó topanoe kpuru.

29Endje áalafo ndoe Yisu oe gi she wuta toenoe ga shu loe ongbo, ye oe to she na toenoe ba toe leta kumu koto á endje mboeroe ongbo noe endje ga panoe mboeroe á koegeta she ga ati.

30Kashe tshe ro to ugurutoe endje, ye oe pu oesoe awa toe ye.

Yisu goró ekpe ishiri

(Wu ba toe Mat 7.28-29; Mar 1.21-28)

31Yisu na ga loe Kaparnawumu, ongbo tsheloe ogo Galilayi, ye oe soe lima koeyisoe oeroe foe azu ko doe lokó sabata.

32Azu ki lima toe mara koeyisoeoe noe ye waa, mboeroe tshe soe lima koepa o'o bata uzu á tshe soe doe tshagbozu.

33Anga uzu á tshe soe lima doe ekpe ishiri pa ye soe ndje lima loe Sinagogaoe. Tshe ta rawa doe ogbo tshama ye adoeke:

34«Ha! Yisu uzu Nazarete, boe yindoe koemberoe gade toe 'a? Boe na mboeroe koewo 'a? Moe wusoe zoe doe otshoene: Oeboe koedoe oeyeroe uzu á Ndjaba vwa she.»

35Yisu ra ekpe ishiri soemoe adoeke: «Soe koko ye oe wuta loe uzunoe asoeke!» Pe kpotoe oesoenoe, ekpe ishiriene za she vesho ga ugurutoe azu ye oe wuta loe ye, kashe oe mboemberoe ekperoe toe ye nene.

36Azu ko ki lima toe oesoenoe ye oe tetoe koeyutoe endje adoeke: «Asoe koedoe mara o'o gade? Tshe pa o'o doe tshagbozu oedoe pe doe gboeboe foe ekpe ishiri, ye ekpe ishiri wuta ye.»

37Ye i'iri Yisu za osho djigi loe tshakala ogonoe asoemoe.

Yisu she aayi koba ndjoro

(Wu ba toe Mat 8.14-17; Mar 1.29-34)

38Yisu wuta lima loe Sinagoga, oe na ba soenda noe Shimu. Ayi mbeya Shimu soe lima doe ogbo koba biwa, ye endje ki foe Yisu adoeke tshe she she.

39Yisu gitoe ye ndo doe she, oe pa o'o doe ogbo ye koba biwanoe katoe ye ye! Pe kpotoe oesoenoe, tshe áalafo oe tetoe koemberoe akwa foe endje.

40Doe kidala, azu na lima doe mara koba noe endje ngbangbangba foe Yisu. Tshe to kane ye ga pa endje bale doe bale, ye endje she ye.

41Ekpe ishiri wuta ndje lima loe azu ndjoro doe koeta rawa adoeke: «Oeboe koedoe Gbolo noe Ndjaba!» Kashe Yisu ra lima aekpe ishiriene adoeke endje pupu o'o bale nene. Gbambaoe nene, endje wusoe noe adoeke Yisu koedoe Masiya.

Yisu yisœ œerœ djelœ Sinagoga

(Wu ba tœ Mar 1.35-39; Mat 4.23)

⁴²Lœkœ á osho kœrœ, Yisu wuta lœ ongbœncœ ascœmœ œ na ga lœ kpagagasho. Azu ndjoro na lima kœpara she. Lœkœ á endje gbœ she, endje yiyindœ nœ adœke tshe gitœ ye tœ œene nene.

⁴³Kashe Yisu pa fœ endje adœke: «œ li adœke mœ mi ndje ndœ Œtshœ O'o nœ ogo Gbozu Ndjaba ba lœ anga angbi ongbo. Gbambœncœ nene, mbœerœ tœncœ dá Ndjaba vwa mœ.»

⁴⁴Yé tshe yi lima sœ œerœ djelœ Sinagoga lœ ogo Yuda.

Lukasi 5

Yisu e ali ayambarœ nœ ye

(Wu ba tœ Mat 4.18-22; Mar 1.16-20; Yow 21.1-11)

¹Dœ anga œlœ bale, Yisu sœ lima kœyisœ œerœ indiri mangu Genazarete, yé azu ndjoro ndivwiri she mbœerœ kœdji o'o ama Ndjaba.

²Tshe wu agba bisha ba tœ manguncœ, kashe ayi kœpara ageatshalangu jœrœ œ sœ kœdjutœ gbanda nœ endje.

³Yisu 'œ ga lœ anga agbœncœ bale á dœ œncœ Shimu, yé œ pa fœ she adœke tshe katœ manguncœ œ gi agbœncœ teasho ga uguru ungu. Tshe sœ ga ati ga lœ agba yé œ tetœ kœyisœ œerœ fœ ukpulu azu.

⁴Lœkœ á tshe yisœ œerœncœ á ka ye, tshe pa fœ Shimu adœke: «Gi agbœncœ ba tœ œsœ dili ungu, yé 'e vwi gbanda nœ 'e mbœerœ kœko ageatshalangu.»

⁵Shimu gi fœ she adœke: «Ayi kœyisœerœ, 'a wu oyo dœ butshœ 'owara, 'a gbœgbœ œerœ bale nene. Kashe bœta á bœ pa fœ mœ ye, mœ vwi gbandœncœ ye.»

⁶Endje vwi gbanda œ ko lima ageatshalangu ndjoro, yé tshelœ gbanda nœ endje te lima tœ kœsuru tœncœ.

⁷Endje wu ata, œ gavwa anga anga endje á endje sœ ba lœ anga angbi agba adœke, endje na dœ œene gbœta gbandœncœ dœ endje. Endje na, yé œ ko ageatshalangu œerr kperœ dœ agba bibisha. Ama agba sœ pe lima teasho adœke œ nduru dœ endje.

⁸Lœkœ á Shimu Petro wu ata, tshe gote dœ matshukuda ye ga utshu Yisu yé œ pa adœke: «Gbozu, gitœ zœ tœ mœ lœ ingirinœ, mbœerœ œmœ kœdœ ayi kœmbœerœ ekperœ.»

⁹Awa za lima Shimu dœ angœncœ kœ á endje na dœ endje, tœ kœwu ageatshalangu ndjoro á endje vwi endje.

10Awa za ndje lima Ajake dœ Yowane, agbolo nœ Zebedayi á endje dœ lima aanga Shimu. Kashe Yisu pa fœ Shimu adœke: «Sœsœ dœ awa nene. Kœto kpesheke, bœ kpa dœ ayi kœpara ageatshalangu nene kashe bœ te ayi kœpara azu.»

11Endje gi agba nœ endje kɔ ga tœ mangu, œ katœ œrœ kɔ yé œ te manda ye.

Yisu she ayi boroma

(Wu ba tœ Mat 8.1-4; Mar 1.40-45)

12Ɔb bale, Yisu sœ lima ba lœ anga ongbo bale á anga ayi boroma sœ loœœ. Lɔkɔ á tshe wu lima Yisu, tshe na œ gote ga utshu ye, œ ki fœ she adœke: «Ayi kœyisœrœ, œdœ bœ kœyindœ nœ, bœ she mœ adœke mœ wuta yerœ.»

13Yisu yi kane ye, œ goro she yé á pa fœ she adœke: «Mœ yindœ nœ adœke bœ she ye.» Pe tœ œsœœœ, koba boromœœ kœkatœ uzunœ ascœœœ ye.

14Yisu kœpa fœ she adœke: «Papandœ nœ fœ uzu bale nene, kashe gu œ matœ zœ fœ nganga Ndjaba, yé œ to tokóró b̄ata á Moyize pa lima ndœ nœ mbœrœ kœma fœ azu adœke bœ she lœ koba ye.»

15Endje sœ lima kœpa o'o tœ œrœ á Yisu sœ kœmbœrœ tœœœ djezœ ngbangbangba. Azu ndjoro sœ lima kœngbɔtœ endje mbœrœ kœdji she, yé œ sœ ndje kœshe lœ koba nœ endje.

16Kashe Yisu gitœ ye ugurutœ azu, œ na ga lœ kpagagasho mbœrœ kœza avwala.

Yisu she uzu á ada ye tshu

(Wu ba tœ Mat 9.1-8; Mar 2.1-12)

17Dœ anga olo bale, Yisu sœ kœyisœ œrœ atake, Afarisayi œdœ agbozu kœyisœ awa akwa sœ lima zœ. Endje to lima dje lakpi ogo Galilayi, lakpi ogo Yuda œdœ ndje lœ ongbo Yerusaleme. Gbɔgbɔ nœ Gbozu Ndjaba sœ lima dœ Yisu, yé tshe sœ kœshe aayi koba.

18Yé azu za anga uzu á ada ye tshu ga pa kondja, œ na dœ she. Endje sœ lima kœpara awa adœke œne li dœ she ga scœnda œ za she ba utshu Yisu.

19Kashe b̄ata á azu ngba lima tɔpanœ kpuru, awa adœke endje li dœ she gugu nene. Endje ɔ, œ kɔrɔ ogoro ba pa anda yé œ yi she dœ kondjanœ ba ugurutœ azu, ndjii kpœtshu Yisu.

20Lɔkɔ á Yisu wu kœyindœrœ nœ endje, tshe pa fœ ayi kobœœ adœke: «Mœ djerœndœ ekperœ nœ zœ ye.»

21Aayi kœyisœ awa akwa dœ Afarisayi te lima tœ kœgbetshelœ endje adœke: «Tsheneke kœdœ uzu d̄e á sœ kœgu œsœ Ndjaba ataa? C̄ed̄e dá li tœ kœdjerœndœ ekperœ nœ uzu a? C̄e d̄œd̄œ Ndjaba kuti ye nene a?»

²²Kashe Yisu wu lima sœ gbetshelœ nœ endje kɔ, yé œ yu endje adœke: «Mbœrœ gadé á 'e gbe o'o tœ lɔsu 'e atake a?

²³Kœpa fœ uzunœ adœke: “Mœ djerœndœ ekperœ nœ zœ” too kœpa adœke: “Aalafo œ na ana”, o'o neketa dá dœ ɔgbɔ o'o a?

²⁴Kashe mœ pa o'onœ asœke mbœrœ á 'e kœwusœ nœ adœke kpœ pa ɔsho asœ, Gbolo nœ uzu dá sœ dœ gbɔgbɔ mbœrœ kœdjerœndœ ekperœ.» Yé tshe kœpa fœ uzu á ada ye tshu adœke: «Mœ pa fœ bœ, alafo œ za kondja nœ zœ yé œ gu ga sœnda nœ zœ.»

²⁵Pe kpœtœ œsœnœ, uzunœ áalafo dœ ala azu kɔ, œ za gbarœ á tshe lo ga panœ, yé œ gu ga sœnda nœ ye dœ kœdonga mokɔ nœ Ndjaba.

²⁶Uvuru azu kɔ kpa lima lœ nœ, endje donga Ndjaba yé awa ko endje kɔ, á endje pa adœke: «A wu kpesheke œrœ á a wuwu ba lima nene.»

Yisu e Levi

(Wu ba tœ Mat 9.9-13; Mar 2.13-17)

²⁷Manda nœ, Yisu wuta yé œ wu anga ayi kœko ngendja lapo bale á i'iri ye kœdœ Levi, tshe sœ ba lœ anda kœko ngendja lapo. Tshe pa fœ she adœke: «Na manda mœ.»

²⁸Levi katœ œrœ nœ ye kɔ, œ áafo yé œ na manda ye.

²⁹Manda nœ, Levi mbœrœ egerœ angbo ba sœnda nœ ye fœ Yisu. Azu kœko ngendja lapo ndjoro, dœ pe anga azu sœ lima kœzi œrœ dœ endje awa bale.

³⁰Afarisayi dœ aayi kœyisœ awa akwa te lima tœ kœpuloema endje, yé œ yu ayambarœ nœ Yisu adœke: «Mbœrœ gadé á 'e sœ kœzi œrœ yé á sœ kœndjo œrœ awa bale dœ aayi kœko ngendja lapo œdœ pe aayi kœmbœrœ ekperœ a?»

³¹Yisu kœgi fœ endje adœke: «œ dœdœ azu á tshelœ ɔkɔ endje sœ yerœ dá gbe kœna kœwu monganga nene, kashe kolœ aayi kœba dá gbe ndœ kœna kœwu she.

³²Mœ nana kœ'e azu á endje sœ ndjii nene, kashe mœ na mbœrœ azu kœmbœrœ ekperœ adœke endje fatshalɔsu endje.»

Azu yu Yisu tœ upu nœ kœyotshelœma

(Wu ba tœ Mat 9.14-15; Mar 2.18-20)

³³Anga azu yu lima Yisu adœke: «Ayambarœ nœ Yowane ayi kœza batisimu œdœ pe endje nœ Afarisayi sœ lima kœyotshelœma endje mbœrœ kœza avwala fœ Ndjaba. Kashe mbœrœ gadé á ayambarœ nœ zœ sœ kœzi œrœ, á sœ kœndjo œrœ a?»

³⁴Yisu kœgi fœ endje adœke: «Œdœ endje kœ'e azu ndœ angbo totœ, yé uzu á tshe to yashenœ sœpe damba tœ œsœnœ dœ endje, 'e li kœpa fœ azunœ asœmœ adœke endje yotshelœma endje ye a? Œ œ nene.

³⁵Kashe lœkœ á endje kœza akœ yashenœ ugurutœ anganœ, dá œlœnœ á endje yotshelœma endje dœmœ.»

³⁶Yisu kpa pa anga ndœma toro bale fœ endje adœke: «Uzu bale zaza ndœma tafo lœba œ pi ga pa ongboro lœba nene. Œdœ tshe kœmbœrœ ataa, tshe ndi tafo lœbanœ, yé ndœma tafo lœba lili dœ ongboro lœbanœ nene.

³⁷Uzu bale susu tafo ipi á sœ kœyu damba vavava ga lœ ongboro anga nene. Atamœ nene, tshelœ anga œ 'u dœ katsha tafo ipinœ á sœ kœyu vavava asœmœ: Tshelœ anga œ ndi yé ipi œ tu kpa ga lœ œshœ.

³⁸Kashe œ li adœke endje sú tafo ipi ga lœ tafo anga.

³⁹Yé uzu bale á tshe yindœ kœndjo tafo ipi manda ongboro ipi gugu nene. Gbambanœ nene, endje pa walaka adœke: “Ongboro ipi dá tshœ kœropa tafonœ.”»

Lukasi 6

Yisu kœdœ ayengœ sabata

(Wu ba tœ Mat 12.1-8; Mar 2.23-28)

¹Dœ anga œlœ sabata bale, Yisu sœ lima kœero tœ lœ kindi ble awa bale dœ ayambarœ nœ ye. Yé ayambarœnœ sœ lima kœverœ indji blenœ, œ sœ kœkœrœnœ dœ kane endje yé á sœ kœzi indjinœ.

²Anga Afarisayi yu endje adœke: «Mbœrœ gadœ á 'e sœ kœmbœrœ œneke á awa akwa pakata nœ dœ olo sabata a?»

³Yisu gi fœ endje adœke: «'E didi œneke á Davidi mbœrœ anga œlœ bale á ogo mi lima she dœ azu nœ ye á tshe na tœ awa dœ endje nene a?

⁴Tshe li dœ endje ba lœ anda nœ Ndjaba, yé œ zi mapa á endje to dœ tokórœ fœ Ndjaba. Tshe zi yé œ to anganœ fœ azu á endje na tœ awa nœ dœ she, mapa á sœ má kolœ mbœrœ anganga Ndjaba.»

⁵Yisu kpa gi fœ endje adœke: «Gbolo nœ uzu kœdœ ayengœ lœkœ sabata.»

Yisu she uzu á kane ye tshu

(Wu ba tœ Mat 12.9-14; Mar 3.1-6)

⁶Œ kpa wuta ga tœ anga lœkœ sabata bale, Yisu li ga lœ Sinagoga œ tetœ kœyi lima sœ œrœ. Anga uzu bale á kuni ye tshu, sœ lima kpœtœmœ.

⁷Aayi kœyisœ awa akwa œdœ pe Afarisayi mesho lima lœ ala endje kœwu too Yisu œ she uzunœ asœmœ dœ lœkœ sabata, yeka á œne kœgbœ awa kœtœ meza pa ye.

⁸Kashe tshe wu lima sœ gbetshelœ nœ endje, yé œ pa fœ uzunœ á kane ye tshu asœmœ adœke: «Aalafo, œ na œ ka ba ugurunœ.» Uzunœ áalafo œ na œ ka ba zœ.

⁹Manda nœ, Yisu yu endje adœke: «œrœ gadœ dá awa akwa nœ azœ yindœ nœ adœke a mbœrœ kolœ dœ lœkœ sabatanœ a? œ yindœ nœ adœke a mbœrœ otshœrœ too a mbœrœ ekperœ a? Kœshe uzu too kœwo she a?»

¹⁰Tshe tondœ endje kœ, yé œ pa fœ uzu kobanœ adœke: «Yœrœ tshelœ kane zœ!» Tshe yœrœ tshelœ kane ye, yé kane ye gumatœ ye.

¹¹Tshelœ aayi kœyisœ awa akwa œdœ Afarisayi sœ gboo dœ ókó, yé endje tetœ kœvwarandœ o'o ugurutœ endje tœ œrœ neke á endje mbœrœ ga tœ Yisu.

Yisu ke aayi avwa nœ ye ndjokpa dœ bisha

(Wu ba tœ Mat 5.1; 10.1-4; Mar 3.13-19)

¹²Lœ œbnœ asœmœ, Yisu œ ga pa kaga mbœrœ kœza avwala, yé œ donga Ndjaba butshœ 'owara.

¹³Lœkœ á osho kœrœ, tshe e ayambarœ nœ ye œ rœtshelœ endje ndjokpa dœ bisha, yé á ta i'iri «aayi avwa» ga pa endje.

¹⁴I'iri aayi avwanœ ndjokpa dœ bisha dœke: Shimu á Yisu za ndje i'iri Petro ga pa ye œdœ ayancœ dœ Andere, Jake œdœ Yowane, Filipo œdœ Bartelemi,

¹⁵Matie œdœ Toma, Jake gbolo nœ Alefe œdœ Shimu á tshe sœ ndje lima ugurutœ azu á endje sœ kœpara adœke ogo nœ œne gbœ lipanda,

¹⁶Yudasi, gbolo nœ Jake œdœ Yudasi Isikariote á tshe ka lima Yisu.

Azu ndjoro na ga ndœ Yisu

(Wu ba tœ Mat 4.24-25; Mar 3.7-11)

¹⁷Yisu to dœ endje ba pa kaga, yé œ jerœ œ ka ga tœ osho á sœ kpa. Dá asœmœ, ayambarœ nœ ye œdœ azu ndjoro: Azu tshelœ ogo Yuda kœ, azu tshalakpi Yerusalem, azu tshalakpi Tire œdœ pe Sidona sœ lima kœtœmœ.

¹⁸Endje na lima kœdji Yisu œdœ kœpara awa kœshe lœ kœba nœ endje. Endjeneke á endje sœ lima dœ ekpe ishiri, she lima ye.

¹⁹Uzu kœ sœ lima kœpara awa kœgoro she mbœrœ gbœgbœ sœ lima kœwuta lœ ye, yé á sœ kœshe azu kœ.

Kœyisœrœ tœ upu nœ ayi yanga œdœ ayi oyo

(Wu ba tœ Mat 5.1-12)

20Yisu tondœ ayambarœ nœ ye œ pa adœke: «Yanga nœ 'e á 'e dœ aayi oyo, gbambanœ nene, Ogo gbozu nœ Ndjaba sœ mbœrœ 'e!

21Yanga nœ 'e á 'e sœ dœ ogo ngõngõnœ asœke, gbambanœ nene, 'e gbõ kœzĩrœ ndjoro! Yanga nœ 'e á 'e sœ tœ ìkĩ ngõngõnœ asœke, gbambanœ nene, 'e mœtœ 'e zœ!

22«Ædœ azu kœyiangba 'e, á kœgrõ 'e, á kœgu 'e yé á sœ kœpa tœ ekperœ nœ 'e mbœrœ a 'e yindœ Gbolo nœ uzu, 'e sœ dœ yanga.

23Lõkõ á œrœ nœ asœmœ kœmbœrœtœ endje, 'e sœ dœ yanga œ i ga lafo dœ yanga mbœrœ egerœ œrœ sœ kœkate 'e ba lafo. Ataa dá aata endje sœ kœmbœrœ lima œrœ kanga fœ aayi kœgbara o'o.

24Kashe oyo nœ 'e dœ aayi kœgbœrœ, gbambanœ nene, 'e gbõ œrœ tshangba œnœ 'e ye!

25Oyo nœ 'e á 'e sœ dœ œrœ ndjoro ngõngõnœ asœke, gbambanœ nene, ogo œ mi 'e zœ! Oyo nœ 'e á 'e sœ kœmœtœ 'e ngõngõnœ asœke, gbambanœ nene, 'e sœ læ oyo, yé 'e kĩ bala zœ!

26Oyo nœ 'e œdœ azu kœsœ kœpatœ òtshœrœ nœ 'e, gbambanœ nene, œtœnœ kœdœ mara á aata endje mbœrœ lima ga tœ aayi kœgbara o'o nœ wala!»

Yisu yisœ œrœ pa kœyindœsho ga ndœ ayingba

(Wu ba tœ Mat 5.39-47)

27«Kashe mœ sœ kœpa fœ 'e á 'e sœ kœdji mœ asœke, adœke: 'E yindœ ayingba 'e œ mbœrœ òtshœrœ fœ endjeneke á endje sœ kœyiangba 'e.

28'E kĩ fœ Ndjaba tshe to kane ye ga pa endjeneke á endje sœ kœdarandœ 'e, yé œ za avwala fœ she mbœrœ endjeneke á endje sœ kœmbœrœ œrœ kanga fœ 'e.

29Ædœ uzu kœda бага zœ, fa tshakalanœ fœ she dœ tshe da ndje. Ædœ uzu kœza yõgbõdõ læba nœ zœ, katœ læba okoro nœ zœ ti fœ she tshe za ndje.

30To œrœ fœ uzu neke kõ á tshe esho ndœ œrœ tœ zœ. Yé œdœ uzu kœza œrœ nœ zœ, yuyu she adœke tshe gi fœ bœ nene.

31'E mbœrœ fœ anga 'e adja b̄ata œeneke á 'e yindœ nœ adœke endje mbœrœ fœ 'e.

32«Ædœ 'e kœyi kolœ ndœ endjeneke á endje yindœ 'e, œrœ tshangbanœ á 'e gbõ kœdœ gadœ? Awa bale ndje, aayi kœmbœrœ ekperœ yiyi ndje ndœ endjeneke á endje læ kœyindœ endje!

33Yé ædœ 'e kœsœ kolœ kœmbœrœ ɔtshœrœ fœ endjeneke á endje mbœrœ ɔtshœrœ fœ 'e, œrœ tshangbanœ á 'e gbɔ kœdœ gadœ? Aayi kœmbœrœ ekperœ sœ ndje kœmbœrœ atamœ.

34Ædœ 'e kœsœ kœdaka kudá kolœ fœ endjeneke á 'e sœ kœgbe kœgbɔ anga œrœ ba ndœ endje, œrœ tshangbanœ á 'e gbɔ kœdœ gadœ? Ayi kœmbœrœ ekperœ sœ ndje kœdaka kudá fœ ayi kœmbœrœ ekperœ yeka á endje gi tshangbanœ awa bale fœ endje.

35Kashe 'e yindœ azu neke á endje yiangba 'e, œ mbœrœ ɔtshœrœ fœ endje. Ædœ 'e kœdaka œrœ tœ kudá fœ endje, 'e sœsœ dœ gbetshelœ adœke endje gi fœ 'e nene. Dœ tœnœ ataa, 'e gbɔ œrœ tshangbanœ dœ egerœnœ, yé 'e te agbolo nœ Ndjaba á tshe ropa œrœ kɔ. Gbambanœ nene, mbœrœ tshe sœ kœmbœrœ ndje ɔtshœrœ fœ endjeneke á endje sœ kœmbœrœ ekperœ fœ she, ædœ pe fœ aayi katshalɔsu.

36'E sœ dœ ɔtshɔ lɔsu ga tœ azu bata á Aba 'e sœ dœ tœnœ.»

'E wawa o'o ga pa azu nene

(Wu ba tœ Mat 7.1-5)

37«'E wawa o'o ga pa uzu bale nene, yeka á Ndjaba kœwa ndje bala o'o ga pa 'e nene. 'E wawa agbɔ ngbanga ga pa anga 'e nene, yeka á Ndjaba kœwawa ndje agbɔ ngbanga bala ga pa 'e nene. 'E wu oyo anga 'e yeka á Ndjaba kœwu ndje bala oyo 'e.

38'E to œrœ fœ anga 'e, yeka á Ndjaba kœto ndje œrœ fœ 'e: Gbambanœ nene, tshe to œrœ ga lœ ngbade læba nœ 'e ndjoro, tshe nduru yé œ yeme œtœnœ adœke œ su kperœ. Ndjaba œ to œrœ fœ 'e kolœ lindœ œneke á 'e sœ kœto tœnœ fœ anga 'e.»

39Yisu kpa pa dœ ndœma toro fœ endje adœke: «'E wu anga ayibula kœyisœ awa fœ yanganœ dœ ayibula ye a? Ædœ tshe kœto she ataa, endje yo kɔ bibisha ga lœ kudu nene a?

40Yambarœ roropa ayi kœyisœrœ fœ she nene. Kashe yambarœ kɔ á tshe wusœ œrœ dœ ɔtshœnœ, tshe wuta ndje bata ayi kœyisœrœ nœ ye.

41Mbœrœ gadœ á bœ sœ kœtondœ oforo ebe á sœ lœ ala aya zœ, yé á gbegbe ndœ mabaya á sœ lœ ala zœ nene a?

42Bœ sœ kœpa fœ aya zœ adœke: “Aya mœ, kaka mœ tshakavwa oforo ebe á sœ lœ ala zœ”, œbœ á bœ sœsœ kœwu mabaya á sœ lœ ala zœ nene, bœ pa má ata kotoo? Wulapatshɔ, tshakavwa mabaya á sœ lœ ala zœ utshunœ œ wu osho ngbi, yeka á kœtshakavwa oforo ebe á sœ lœ ala aya zœ.»

Kœwusœ ɔɔ mbœrœ elenœ

(Wu ba tœ Mat 12.33-35; 7.16-20)

⁴³«Ɔtshɔ ɔyɔ zuzu ekpe leɔ nene, yeka á dœ ɔyɔ á sœ dœ koba kœzu ɔtshɔ leɔ nene.

⁴⁴Endje wusœ ɔyɔ dœ ɔyɔ mangba elenœ. Endje kɔkɔ ele fige ba tœ batima nene. Endje kɔkɔ ndje lekɔ ba lœ nduku akpala nene.

⁴⁵Ɔtshɔ uzu sœ kœma ɔtshɔrœ á sœ ba lɔsu ye, yé ekpe uzu sœ kœma ekperœ á sœ ndje ba lɔsu ye. Gbambanœ nene, o'o kɔ á wuta lœ ama uzu, œ to ba lɔsu ye á su kperœ dœ tœnœ.»

Anda bisha

(Wu ba tœ Mat 7.24-27)

⁴⁶«Mbœrœ gadœ á 'e sœ kœ'e mœ adœke: “Gbozu, Gbozu”, yé á sœsœ kœmbœrœ neke á mœ sœ kœpa tœnœ fœ 'e nene a?

⁴⁷Uzu kɔ á tshe na ga ndœ mœ, á tshe dji o'o ama mœ yé á za ga tœ akwa, tshe li dœ dœ? Mœ sœ kœpa fœ 'e adœke:

⁴⁸Tshe li dœ uzu á tshe mɔ anda: Tshe dji kudu kiti anda ngbii œ gbɔ badja, yeka á ko briki ga lœ œporonœ. Lɔkɔ á ungu su, œ tara kpɔɔ ga tœ ada andanœ, kashe andanœ kakavwa lima nene, mbœrœ endje mɔ lima kiti andanœ ngbiri.

⁴⁹Kashe tsheneke á tshe dji o'o ama mœ yé á zaza ga tœ akwa nene, tshe sœ bata uzu á tshe djidji kudu kiti anda nœ ye á wuta ga pa badja nene, á mɔ ga pa ɔshɔ gbambanœ. Lɔkɔ á ungu su ga tœ ada andanœ, œ kavwa yé tshelœnœ ndjɔ djigi ye.»

Lukasi 7

Yisu she kanga nœ gbozu tshapa aturugu

(Wu ba tœ Mat 8.5-13)

¹Lɔkɔ á Yisu pa o'o nœ ye kɔ fœ azu á endje sœ lima kœdji she, tshe na ga lœ Kaparnawumu.

²Anga gbozu tshapa aturugu tshelœ Roma sœ lima dœ anga kanga nœ ye bale á tshe yindœ ye tɔpanœ kpuru. Kanganœ asœmœ sœ lima dœ koba, ndoo dœ kuzu.

³Lɔkɔ á gbozu tshapa aturugunœ dji upu nœ Yisu, tshe vwa anga agbɔ agbozu Ikrizia adœke endje na œ ki fœ she dœ tshe na œ she kanga nœ œne.

⁴Endje wuta ba ndœ Yisu, yé œ ki fœ she kpœpanœ kpœpanœ adœke: «Uzunœ á tshe vwa 'a kœdœ ɔtshɔ uzu, œ li adœke bœ mbœrœ œrœ á tshe pa tœnœ, fœ she.

⁵Gbambanœ nene, tshe yindœ ogo nœ azœ yé œshe dá mɔ Sinagoga fœ azœ.»

⁶Yé Yisu gu tœ awanœ bale dœ endje. Lɔkɔ á tshe wuta lima ndoo dœ anda, gbozu tshapa aturugu vwa anganœ mbœrœ kœpa fœ Yisu adœke: «Ayi kœyisœrœ, wuwu oyo tœ zœ nene, mbœrœ mœ sœsœ ndjii adœke bœ kœli ga lœ anda nœ mœ nene.

⁷Mbœrœ tœnœ ndje ataa á mœ wa adœke, mœ na dœ tœ mœ œerrr ga ndœ zœ nene; kashe pa kolœ o'o bale dœ kanga nœ mœ á mœ yindœ ye waa, she.

⁸œmœ ndje, mœ sœ dœ agbozu tshapa mœ á mœ sœ kœdji endje, yé dœ aturugu á endje sœ tshakudu mœ. œdœ mœ kœpa fœ anga bale adœke: “Na”, ngbewo tshe na da ye. œdœ mœ kpa kœpa ndje fœ anga adœke: “Na ga mœ”, ngbewo tshe na ye. Yé œdœ mœ kœpa ndje fœ kanga nœ mœ adœke: “Mbœrœ œrœnœ asœ”, ngbewo tshe mbœrœ ye.»

⁹Lɔkɔ á Yisu dji o'onœ asœmœ, tshe sœ dœ yanga ga ndœ ye. Tshe fatœ ye ga ndœ ukpulu azu á endje sœ lima kœna manda ye, yé œ pa fœ endje adœke: «Mœ sœ kœmindœ nœ fœ 'e adœke, œdœ ndje ba ugurutœ azu Israyelœnœ gbaa, mœ gbɔgbɔ mara kœyindœrœ sœke nene.»

¹⁰Lɔkɔ á azunœ á gbozu tshapa aturugu vwa endje, gu ba sœnda nœ gbozu tshapa aturugunœ ba zœ, endje gbɔ ayi akwanœ tshe sœ dœ ɔtshɔ ɔkɔ ye.

Yisu she anga ovoro gbolo yakoshe lœ kuzu

¹¹Manda nœ, Yisu ro ga lœ anga ongbo bale á i'irĩnœ kœdœ Nayine. Ayambarœ nœ ye œdœ pe ukpulu azu ndjoro sœ lima kœna tœ awanœ bale dœ she.

¹²Lɔkɔ á endje wuta lima ndoo tœ kœli ga lœ ongbonœ atake, endje gbɔtœ endje dœ ukpulu azu ndjoro á endje sœ lima kœna ndœ kœshi kuzu: œ dœ lima gbolo yakoshe tshebabale nœ anga yashe koya. Azu tshelœ ongbonœ ndjoro na lima tœ awa bale dœ yashœ.

¹³Lɔkɔ á Gbozu wu yashœnœ asœmœ, oyo ye ká she yé tshe pa fœ she adœke: «Kpa kiki nene.»

¹⁴Yisu gitœ ye ga utshunœ œ goro ngbongbo kuzunœ. Azu á endje za lima ngbongbonœ ka, yé Yisu pa adœke: «Ovoro gbolo yakoshe, mœ pa fœ bœ, jo ye!»

¹⁵Ngbewo kuzunœ sœ ga ati, œ tetœ kœpa o'o. Yé Yisu za she fœ ayinœ.

¹⁶Awa li lima tœ azu para kɔkɔ, yé endje te lima tœ kœdonga Ndjaba adœke: «Egerœ ayi kœgbara o'o wuta ga lœ ugurutœ azœ!» Yé œ kpa pa ndje adœke: «Ndjaba na kœshe azu nœ ye!»

¹⁷Yé o'o tœ upu nœ œrœnœ á Yisu mbœrœ asœmœ za tshelœ lœ ogo Yuda œdœ tshalakpi kɔ á sœ indirĩnœ ndjengene.

Yowane ayi kœza batisimu vwa azu ba ndœ Yisu

(Wu ba tœ Mat 11.2-19)

- 18** Ayambarœ nœ Yowane pandœ akwa kɔ á Yisu mboerœ ascœmœ fœ she. Tshe e anga endje bisha ugurutœ endje,
- 19** yé œ vwa endje fœ Gbozu Yisu kœyu she adœke: «œbœ kœdœ Masiya á tshe sœ kœna tœnœ a, too 'a kate anga angbi uzu?»
- 20** Lɔkɔ á endje wuta ba ndœ Yisu, endje pa fœ she adœke: «Yowane ayi kœza batisimu vwa 'a ba ndœ zœ mboerœ kœyu bœ adœke: “œbœ kœdœ Masiya á tshe sœ kœna tœnœ a, too 'a kate anga angbi uzu?”»
- 21** Kolœ dœ lœndœnœ ascœmœ, Yisu she azu ndjoro lœ koba nœ endje, lœ kœndi nœ endje. Tshe gɔrɔ ekpe ishiri pa endje yé œ she ndje aayibula.
- 22** Manda nœ, tshe gi lima fœ azu á Yowane vwa endje adœke: «'E gu œ pandœ neke á 'e wu dœ ala 'e yé á dji dœ utu 'e, fœ she. 'E pandœ nœ adœke: “Aayibula tetœ kœwu osho, azu á ada endje tshu tetœ kœna ana, aayi boroma she, aayi bitu tetœ kœdji o'o, akuzu kwatœ endje ga lœ soro, yé endje pandœ ɔtshɔ O'o fœ aayi oyo.
- 23** Yanga nœ uzu á tshe kakatœ kœyindœerœ nœ ye ga ndœ mœ nene.”»
- 24** Lɔkɔ á aayi avwa nœ Yowane gu lima da ye, Yisu tetœ kœpa tœ upu nœ Yowane fœ ukpulu azu ascœmœ adœke: «œrœ gadœ dá 'e na kœwu tœnœ ba lœ kpagagasho a? 'E na kœwu mulu á yugu sœ kœmea tœnœ kpangi kpangi a? œ œ nene.
- 25** Yé ata œrœ gadœ dá 'e na lima kœwu tœnœ a? 'E na kœwu uzu á tshe verœ ɔtshɔ lœba a? œ œ nene. Gbambanœ nene, azu á endje sœ kœverœ ɔtshɔ lœba, yé á sœ dœ œrœ waa, endje sœ ba lœ anda nœ agbozugo.
- 26** Ata 'e na lima ndœ kœwu gadœ? 'E na kœwu anga ayi kœgbara o'o a? œ, kashe mœ sœ kœmindœ nœ fœ 'e adœke tshe rosœ ayi kœgbara o'o ye.
- 27** Gbambanœ nene, Yowane kœdœ uzu á endje pa o'o tœ upu nœ ye ba la buku nœ Ndjaba adœke: “Mœ vwa ayi avwa nœ mœ utshu zœ mboerœ kœguma ala awa zœ.”»
- 28** Yé Yisu kpa pa adœke: «Mœ sœ kœmindœ nœ fœ 'e adœke lœ ugurutœ azu tshapashɔ ascœ kɔ, uzu bale á tshe ropa Yowane gugu nene. Kashe aya uzu ba lœ ogo Gbozu nœ Ndjaba ropa ye ye.»
- 29** «Azu para kɔkɔ dœ pe aayi kœko ngendja lapo á endje dji o'o má Yowane pa, wusœ nœ adœke Ndjaba sœ ndjii yé œ gbɔ lima batisimu nœ Yowane.
- 30** Kashe Afarisayi œdœ aayi kœyisœ awa akwa vwaratœ endje kœyindœ œrœ á Ndjaba yindœ kœmbœerœ fœ endje, yé œ tshapu kœgbɔ batisimu nœ Yowane ye.»
- 31** Yisu kpa pa adœke: «Mœ li mara azu nœ ascœ dœ azu dœ? Endje li dœ azu dœ?

³²Endje liili dœ agbolo á endje sœ ba ushu, yé á sœ kœ'etœ endje lœ tœ endje adœke: “A 'uru ngbake fœ 'e, kashe 'e vivi ipi nene! 'A bi itshi kuzu fœ 'e, kashe 'e kiki nene!”

³³Gbambanœ nene, Yowane ayi kœza batisimu na, œ vwaratœ ye tœ kœzi mapa œdœ kœndjo ipi, 'e pa adœke: “Tshe sœ dœ ekpe ishiri pa ye!”

³⁴Gbolo nœ uzu na œ sœ kœzi mapa dœ kœndjo ipi, 'e pa adœke: “E wu uzunœ asœ, tshe gbe kolœ dœ kœziœ œdœ kœndjorœ, yé anganœ kœdœ aayi kœko ngendja lapo œdœ pe azu kœmbœrœ ekperœ.”

³⁵Kashe kœwusœtœ nœ Ndjaba matœ ye ndjii lœ awa nœ azu kœ á endje yindœ nœ.»

Yisu ba sœnda nœ anga Farisayi bale á 'iri ye kœdœ Shimu

³⁶Anga Farisayi bale vwa osho fœ Yisu adœke tshe na kœzi œrœ ba ndœ œne. Yisu li ga sœnda nœ Farisayinœ asœmœ, yé œ sœ ga indiri ndaba kœziœ.

³⁷Kashe anga yashe bale á akwa tshelœ ye gaga nene sœ lima lœ ongbonœ asœmœ. Lœkœ á tshe dji adœke Yisu sœ kœzi œrœ ba ndœ Farisayi, tshe za yombo kperœ dœ anga albatre yé œ na dœ tœnœ.

³⁸Tshe ka djagamanda Yisu, œ gote ndoo dœ ada ye. Tshe sœ lima tœ iki, yé ngola ye sara œ gba lima tshapa ada Yisu. Tshe turu dœ sukumu ye, œ ndjoro tshapanœ dœ ama ye, yé manda nœ á su lima yombo kpœ kpœ ga panœ.

³⁹Lœkœ á Farisayinœ á tshe vwa osho ndœ Yisu asœmœ wu atamœ, tshe pa ba lœ ye dœ tœ ye adœke: «œdœ uzunœ asœ kœdœ má adja ayi kœgbara o'o, tshe wu ma sœ nœ adœke yashenœ á tshe goro œne asœmœ, œshe kœdœ ayi kœmbœrœ ekperœ.»

⁴⁰Yisu za o'o yé œ pa fœ Farisayinœ asœmœ adœke: «Shimu, mœ sœ dœ anga o'o kœpa tœnœ fœ bœ.» Shimu gi fœ she adœke: «Pa 'onœ zœ, Ayi kœyisœrœ!»

⁴¹Yé Yisu kœpa adœke: «Azu bisha sœ lima dœ kudœ nœ anga uzu bale. Anga bale daka lima egerœ ngendja, yé anga yanganœ daka œnœ ye teasho.

⁴²Bata á endje bibisha lili lima kœgi kudœnœ nene, ayengœ kudœnœ wu oyo endje yé œ katœnœ ye. Lœ ugurutœ endje bisha asœmœ, uzu œ dá yindœ ayengœ ngendjanœ asœmœ kœropa nœ a?»

⁴³Shimu gi fœ she adœke: «Mœ wu adœke uzu á kudœ sœ lima dœ egerœnœ lœ kumu ye dá yindœ ye tœpanœ kpuru.» Yisu kœpa fœ she adœke: «Bœ gi adja o'o.»

⁴⁴Manda nœ, tshe fatœ ye ga ndœ yashenœ yé œ pa fœ Shimu adœke: «Bœ wu yashenœ asœ? Mœ li ba sœnda nœ zœ yé bœ susu ungu fœ mœ adœke mœ

djutɔ dœ ada mœ nene, kashe tshe djutɔ ada mœ dœ ngola ye, yé œ turu dœ sukumu ye.

⁴⁵Bœ nana œ uru tshelœ utu mœ nene, kashe tshe kakatœ kœndjoro tshapa ada mœ tœ kœli mœ á mœ li gamœ asœ nene.

⁴⁶Bœ djadja tshapa kumu mœ dœ kada nene, kashe tshe su yombo kpɔɔ ga pa ada mœ.

⁴⁷Mbœrœ tœnœ ataa, mœ sœ kœmindœ nœ fœ bœ adœke: Ndjaba djerœndœ ekperœ nœ ye para mbœrœ egerœ kœyindœsho á tshe ma. Kashe tsheneke á endje djerœndœ ekperœ nœ ye teasho, tshe ma ndje kœyindœsho teasho.»

⁴⁸Yé Yisu kœpa fœ yashenœ adœke: «Mœ djerœndœ ekperœ nœ zœ para ye.»

⁴⁹Azu á endje sœ indiri ndaba kœzirœ bale dœ she, te lima tœ kœyutœ endje lœ tœ endje dœ tœ endje adœke: «Uzunœ asœ kœdœ ma œnœ ye dœ yeka á li ndœ kœdjerœndœ ekperœ nœ azu a?»

⁵⁰Kashe Yisu kœpa fœ yashenœ adœke: «Kœyindœrœ nœ zœ she bœ ye. Gu dœ kœsœ gee.»

Lukasi 8

Ayashe á endje te mangba Yisu

¹Manda nœ, Yisu na lima djelœ ongbo œdœ dje lakpi mbœrœ kœyisœ Ɔtshɔ O'o tœ upu nœ Ogo gbozu nœ Ndjaba. Ayambarœ nœ ye ndjokpa dœ bisha na lima awa bale dœ she,

²œdœ ndje ayashe á tshe gɔɔ ekpe ishiri pa endje, dœ anga endje á tshe she endje lœ koba: Mareya á endje e she uzu Magadala á Yisu gɔɔ ekpe ishiri minu dœ bisha (7) pa ye,

³dœ Jane, awo Suza á tshe dœ egerœ uzu tshelœ buro nœ Erode, dœ Suzana œdœ pe anga endje ndjoro á endje sœ lima kœto œrœ nœ endje fœ she dœ ayambarœ nœ ye.

Ndœma toro nœ ayi kœlu ngwarœ

(Wu ba tœ Mat 13.1-9; Mar 4.1-9)

⁴Azu ndjoro to lima djelœ ongbo dœ ongbo œ na kœngbotœ endje dœ Yisu. Yé tshe pa dœ ndœma toro adœke:

⁵«Anga uzu na lima ndœ kœlu ngwarœ ga lœ kindi nœ ye. Lɔkɔ á tshe sœ lima kœlu ngwarœnœ rotnœ, anga indjinœ yo ga indiri ama awa, azu na panœ yé ayanu de ye.

⁶Anga indjinœ yo ga lœ oporo badja. Cœ ko ye, kashe œ ɔɔ lima mbœrœ eshœœ gbɔgbɔ lima ungu lœ ɔshɔ nene.

⁷Anganœ yo ga lœ ishi. Cœ gerœ lima dœ tœnœ awa bale yé œ vwele ɔtshɔ ngwarœnœ, awa adœke œ gerœ gugu nene.

⁸Kashe anganœ yo ga lœ ɔtshɔ ɔshɔ. Cœ gerœ yé œ le kpo'oro kpo'oro. Kumunœ bale dœ bale sœ lima dœ indjinœ kama bale (100) tœnœ.» Yé Yisu kpa pa adœke: «Uzu á tshe kœsœ dœ utu nœ kœdji o'o, tshe dji!»

Mbœrœ gafe á Yisu sœ kœyisœ œrœ dœ ndœma toro a?

(Wu ba tœ Mat 13.10-13; Mar 4.10-12)

⁹Ayambarœ nœ ye yu she lima tœ ádá ndœma toronœ asœmœ.

¹⁰Tshe gi fœ endje adœke: «Mbœrœ 'e, 'e wusœ ádá o'o nœ Ogo gbozu nœ Ndjaba á zatœ endje yiwa tœnœ ye; kashe mbœrœ anga endje, endje dji kolœnœ batakœ ndœma toro. Ataa, “endje li kœtondœ œrœ, kashe endje wu nene; endje li kœdji o'o, kashe endje dji tshelœ katanœ nene.”»

Yisu pandœ ádá ndœma toro nœ ayi kœlu ngwarœ

(Wu ba tœ Mat 13.18-23; Mar 4.13-20)

¹¹Yisu mindœ nœ fœ endje adœke: «'E dji ádá ndœma toronœ asœmœ: Ngwarœnœ asœmœ, kœdœ o'o ama Ndjaba.

¹²Anga azu lœ batakœ ama awa á indji ngwarœ te ga tœnœ. Endje kœdji O'o ama Ndjaba, Djaboro na œ kakara tœ lœsu endje kparawa adœke endje sœsœ dœ kœyindœrœ nene yé á Ndjaba kœsheshe ndje endje nene.

¹³Anga endje sœ batakœ ɔshɔ badja. Endje dji o'o dœ ɔtshœnœ yé œ yindœ nœ dœ yanga, kashe eshœœ lili ɔshɔ nene. Endje yindœ nœ kolœ kwatake œndœ nœ œ di nene, yé lœkœ á endje kœli ga lœ ɔgbɔ o'o, endje ka ngbirɪ lœ kœyindœrœ nœ endje nene.

¹⁴Indji ngwarœ neke á yo ga ugurutœ ɔyɔ ishi sœ kœma endjeneke á endje sœ kœdji o'o tœ ɔtshœnœ, kashe gbetshelœ, ogo kœgbɔ œrœ ndjoro œdœ pe yanga á sœ kœfara azu lœ soro ndi tshelœ o'o ama Ndjaba kœ tœ endje ye, awa adœke leyœnœ gbɔ, gugu nene.

¹⁵Anga endje sœ batakœ indji ngwarœ á yo ga lœ ɔtshɔ ɔshɔ. Endje sœ kœdji o'o, œ sœ kœgbœndœ nœ ga lœsu endje dœ ɔtshœnœ. Endje shi gbɪ lœ nœ yé œ sœ kœzu ɔtshɔ leyɔ.»

Ndœma toro tœ upu nœ miinda

(Wu ba tœ Mar 4.21-25)

¹⁶Yisu pa fœ endje adœke: «Uzu tata owo ga tœ miinda mbœrœ kœza lœsú tshu ga pa nœ too mbœrœ kœza ba tshakudu kelekpa nene. Kashe endje za gbara ba

pa anga œrœ ba lafo mboœrœ adœke azu kɔ á endje li ga sœnda, kœmesho ngbi tœ ishirinœ.

¹⁷Gbambanœ nene, œrœ kɔ á zatœ endje yiwa tœnœ, œ matœ endje ga shu yé ugurutœ œrœ kɔ á sœ kœmbœrœtœ endje lœ ubunœ, endje wusœ nœ yé œ ma ga shu ngbi.

¹⁸'E sœ dœ gbɔdjela tœ mara á 'e sœ kœdji dœ o'o. Gbambanœ nene, uzu á tshe sœ dœ œrœ ndjoro, endje to anganœ ga panœ fœ she. Kashe tsheneke á tshe gugu dœ œrœ nene, endje gbɔtœ œneke teasho á tshe sœ kœza gbetshelœ nœ ye ga panœ ascœmœ tœ ye yé.»

Ayi Yisu dœ aayanœ

(Wu ba tœ Mat 12.46-50; Mar 3.31-35)

¹⁹Ayi Yisu dœ aayanœ na lima manda ye, kashe awa adœke endje wuta ba zœ gugu lima nene mangba ukpu azu.

²⁰Endje pandœ nœ fœ she adœke: «Ayi zœ dœ pe aaya zœ ka ba shu; endje gbe kœwu bœ.»

²¹Kashe Yisu gi fœ azu kɔkɔ adœke: «Ayi mœ dœ pe aaya mœ kœdœ endjeneke á endje sœ kœdji o'o ama Ndjaba, yé á sœ kœza tœnœ ga tœ akwa.»

Yisu rá yugu

(Wu ba tœ Mat 8.18,23-27; Mar 4.35-41)

²²Anga ɔlɔ bale, Yisu ɔ ga lœ agba dœ ayambarœ nœ ye. Tshe pa fœ endje adœke: «A zu ga atshi egerœ ungu adanga.» Yé endje tetœ kœzu tœnœ.

²³Lɔkɔ á endje sœ lima kœzu ungunœ, Yisu lo ye. Trale, ndavuru yugu za gu tœnœ kpɪkpɪkpɪ ga pa ungu. Ungu tu lima ga lœ agba œ ɔ dœ tœnœ tshé tshé tshé, yé agbanœ yindœ kœnduru dœ endje.

²⁴Ayambarœ gitœ endje ndoo dœ Yisu œ jo she lœ olonœ, yé á pa fœ she adœke: «Gbozu, Gbozu, a tshu ke a!» Yisu jo lœ olo œ ra yugu œdœ pe loko á sœ kœyakpa ungunœ ascœmœ, yé yugu ka, osho yi tá.

²⁵Yisu yu ayambarœ nœ ye adœke: «Kœyindœrœ nœ 'e sœ kpœta a?» Kashe awa li lima tœ endje kpa kpa kpa, uvuru endje i gara yé endje tetœ kœyutœ endje lœ ugurutœ endje adœke: «Uzunœ ascœke kœdœ dœ? Tshe sœ kœpa o'o fœ yugu dœ ungu, yé œ sœ kœmbœrœtœ endje lindœ nœ!»

Yisu she uzu á ekpe ishiri sœ pa ye

(Wu ba tœ Mat 8.28-34; Mar 5.1-20)

²⁶Endje zu ga atshi œ wuta ga lœ ogo nœ Ageresaye á za tshatshu ye tœtœnœ dœ Galilayi.

27Lɔkɔ á Yisu jerœ læ agbanœ ga tœ ɔshɔ, anga uzu tshelœ ongbonœ bale to ba zœ, œ na para tshatshu ye. Uzunœ asœmœ sœ lima dœ ekpe ishiri pa ye. Tshe veverœ læba œ lolo lima ba sœnda nene œndœnœ di ye. Kashe tshe lo lima kolœ ba pa udu.

28Lɔkɔ á tshe wu Yisu, tshe ve rawa œ te ga tœ ada ye, yé œ ki dœ ɔgbɔ fœ she adœke: «Yisu, Gbolo nœ Ndjaba á tshe ropa œrœ kɔ, bœ yindœ kœmbœrœ œrœ gadœ tœ mœ a? Mœ ki fœ bœ, gágága kumu mœ nene!»

29Gbambanœ nene, Yisu pa lima fœ ekpe ishiri adœke tshe gitœ ye pa ye. Ekpe ishirinœ sœ lima kœndanga she kpœpanœ kpœpanœ, endje sœ lima kœi kane ye dœ ada ye dœ djingiri, kashe tshe sœ lima kœsɔ tshelœ nœ, yé ekpe ishirinœ sœ lima kœza she natœnœ ga læ kpagagasho.

30Yisu yu she adœke: «f'iri zœ kœdœ dœ?» Tshe gi fœ she adœke: «f'iri mœ kœdœ ndjoro.» Gbambanœ nene, aekpe ishiri ndjoro dá sœ lima pa ye.

31Yé aekpe ishirinœ asœmœ sœ lima kœditshelœma endje fœ Yisu adœke tshe koko œne va ga læ kudu owo nene.

32Dá asœmœ, egerœ ukpulu akɔso sœ lima kœzi œrœ ba pa kaga. Aekpe ishiri asœmœ di lima tshelœma endje adœke Yisu za awa fœ œne dœ œne na œ li ga læ akɔso. Dœ tœnœ ataa, Yisu za awa fœ endje.

33Aekpe ishirinœ wuta læ uzu asœmœ, œ kpa yé œ li gɔrrr ga læ akɔso. Akɔso sœmœ ndjoro to ba pa kaga 'uru 'uru 'uru dœ ɔrɔ tra tœnœ œrrr ga la egerœ ungu adanga, yé œ nduru kɔkɔ ye.

34Lɔkɔ á aayi kœgbœndœ akɔsonœ wu œrœ á mbœrœtœ endje ataa, endje kpagu kœmindœ nœ fœ azu ba læ ongbɔ, œdœ ndje fœ anga endje á endje sœ læ kindi.

35Azu wuta lima mbœrœ kœwu œrœ á mbœrœtœ endje asœmœ. Endje na ndoo dœ Yisu yé œ gbɔ lima uzunœ á aekpe ishiri gitœ endje pa ye asœmœ, tshe verœ læba ga tœ ye, yé œ sœ dœ ɔkɔ ye dœ ɔtshœnœ ba tœ ada Yisu. Awa li lima tœ endje ye.

36Endjeneke á endje wu lima œrœ á mbœrœtœ endje kɔ asœmœ, endje mindœ mara á uzunœ á ekpe ishiri sœ lima pa ye, she dœ tœnœ.

37Yé azu kɔ læ ogo Geresaye pa fœ Yisu adœke tshe gitœ ye læ ogo nœ œne ye. Gbambanœ nene, endje sœ lima dœ awa waa ye. Yé Yisu ɔ ga læ agba œ gu da ye.

38Uzu á aekpe ishiri wuta læ ye asœmœ, yu Yisu adœke œne na dœ she awa bale. Kashe tshe vwaratœ ye, yé œ pa fœ she adœke:

³⁹«Gu ga sœnda nœ zœ yé œ mindœ œeneke kɔ á Ndjaba mbœrœ fœ bœ.» Tshe gu yé œ tetœ kœmindœ œrœ á Yisu mbœrœ fœ she djelœ ongbo kɔ.

Yisu she yawuru nœ Jaeruse dœ pe anga yashe

(Wu ba tœ Mat 9.18-26; Mar 5.21-43)

⁴⁰Lɔkɔ á Yisu kwatœ ye lima ga tœ makaga egerœ ungu adanganœ, azu ndjoro na para tshatshu ye mbœrœ endje para kɔkɔ sœ lima kœkate she.

⁴¹Anga uzu á i'iri ye kœdœ Jaeruse, œshe kœdœ gbozu tshapa Sinagoga. Tshe na lima œ gote ga tshu Yisu, yé œ ki fœ she adœke tshe na ba ndœ œne.

⁴²Gbambanœ nene, tshe sœ lima dœ yawuru nœ ye tshebabale á tshe sœ lima dœ ungu ndjokpa dœ bisha. Yawurunœ sœ lima ndoo dœ kuzu. Lɔkɔ á Yisu sœ lima kœna ga zœ, azu ndjoro sœ lima kœpoporo she.

⁴³Anga yashe bale á tshe mbœrœ ungu ndjokpa dœ bisha dœ koba indji, sœ lima kpœtœmœ. Tshe ndi ngendja nœ ye kɔ á tshe sœ dœ tœnœ dje ndœ amonganga, kashe uzu bale á tshe li lima kœshe she gugu nene.

⁴⁴Tshe gitœ ye ndoo ba ngba Yisu yé œ goro ama lœba ye. Pe kpœtœ œsœnœ, indji katœ kœi tœ ye yé.

⁴⁵Yisu yu adœke: «Uzu dœ dá turutœ mœ a?» Azu kɔ vusœ nœ, yé Petro pa adœke: «Gbozu, azu ndjoro kpa dji bœ, yé œ sœ kœturutœ zœ tœ osho kɔ.»

⁴⁶Kashe Yisu pa adœke: «Anga uzu turutœ mœ, mbœrœ mœ wu adœke anga gbɔgbɔ wuta lœ ɔkɔ mœ.»

⁴⁷Yashe kobanœ wusœ nœ adœke Yisu wusœ œne ye. Tshe na dœ kœgugu tœnœ œ te ga tshu Yisu, yé œ pandœ ádá á tshe turutœ ye dœ mara á tshe she ngbewo lœ koba nœ ye, ba utshu azu kɔ.

⁴⁸Yisu pa fœ she adœke: «Yawuru nœ mœ, kœyindœrœ nœ zœ she bœ ye. Gu dœ kœsœ gee.»

⁴⁹Yisu sœpe damba kœpa o'o lœ ama ye ataa, anga ayi avwa to ba sœnda nœ gbozu tshapa Sinagoga yé œ pa fœ she adœke: «Yawuru nœ zœ tshu ye. Ndandanga ayi kœyisœrœ nene.»

⁵⁰Kashe Yisu dji o'onœ asœmœ yé œ pa fœ Jaeruse adœke: «Awa zaza bœ nene, sœ kolœ dœ kœyindœrœ, yé tshe she ye.»

⁵¹Lɔkɔ á Yisu wuta ba sœnda ba zœ, tshe zaza lima awa kœli ga sœnda dœ she fœ uzu bale nene, kashe kolœ Petro, Yowane, Jake œdœ pe aba gbolo dœ ayi gbolonœ asœmœ dá tshe za awa fœ endje.

⁵²Azu kɔ sœ lima kœki tœnœ yé œ sœ kœditshelœma endje. Yisu pa adœke: «'E kiki nene. Tshe tshutshu nene, kashe tshe sœ tœ olo.»

- ⁵³Endje sœ lima kœmɔ she mbœrœ endje wu lima sœ nœ adœke tshe tshu ye.
- ⁵⁴Andaa, Yisu tepa kane ye, yé œ pa dœ ɔgbɔ adœke: «Gbolo nœ mœ, áalafo!»
- ⁵⁵Ishiri ye kwa ga lœ nœ yé trale tshe kœalafo. Yisu pa fœ endje adœke endje to kœzirœ fœ she.
- ⁵⁶Agbozu nœ ye sœ lima kœkitœ œsœnœ, kashe Yisu pa fœ endje adœke endje papandœ œrœ á mbœrœtœ endje ascœmœ fœ uzu bale nene.

Lukasi 9

Yisu vwa ayambarœ ndjokpa dœ bisha

(Wu ba tœ Mat 10.1-9,11-14; Mar 6.6-13)

- ¹Yisu ngbɔba andjokpa dœ bishanœ á to gbɔgbɔ œdœ kœlisœtœ fœ endje mbœrœ kœgɔɔ dœ ekpe ishiri œdœ pe kœshe kɔba.
- ²Tshe vwa endje kœyisœ upu nœ akwa tshagbozu nœ Ndjaba œdœ pe kœshe aayi kɔba.
- ³Yé tshe pa fœ endje adœke: «'E zaza œrœ bale potœ 'e lœ ananœ nene: Œdœ tshɔngbɔɔ, œdœ ngbade, œdœ kœzirœ, œdœ ngendja; uzu bale nana dœ lœba bisha nene.
- ⁴Osho kɔ á endje kœza osho kœsœ fœ 'e tœnœ, 'e lo kolœ lœ andanœ ascœmœ œrrr ga tœ olo á 'e katœ tshakpœtœmœ ti.
- ⁵Osho kɔ á azu kœvwaratœ endje tœ 'e tœnœ, 'e katœnœ ti, yé œ gɔɔ trusha tshada 'e ga atɔ kpœtœmœ ndœ kœma fœ endje adœke endje mbœrœ ekperœ.»
- ⁶Ayambarœ i tɔ tœ awa, œ na kœyisœ ɔtshɔ O'o dje lakpi bale dœ bale, œ sœ ndje kœshe aayi kɔba.

Erode sœ dœ gbetshelœ tœ upu nœ Yisu

(Wu ba tœ Mat 14.1-2; Mar 6.14-16)

- ⁷Erode, gbozugo tshapa ogo Galilayi, dji lima ndœ œneke kɔ á mbœrœtœ endje ascœmœ. Kashe tshe wuwu lima sœ œrœ á tshe mbœrœ nene. Gbambanœ nene, anga azu sœ lima kœpa adœke: «Yowane ayi kœza batisimu dá she lœ akuzu ascœmœ.»
- ⁸Anga endje sœ lima kœpa adœke: «Eliya dá wuta ascœmœ.» Anga endje kpa sœ lima kœpa ndje adœke: «Anga ayi kœgbara o'o bale ugurutœ aayi kœgbara o'o liya utshunœ, dá she lœ akuzu ascœmœ.»
- ⁹Kashe Erode pa ngbi adœke: «Mœ wa lima igi Yowane ayi kœza batisimu ye. Tsheneketa dá mœ kpa sœ kœdjindœ ye kœpa mara o'onœ ascœmœ kɔ a?» Yé tshe tetœ kœpara awa adœke œne wu Yisu.

Yisu to kœziroƚ fœ azu kutu mindu (5.000)

(Wu ƚa tœ Mat 14.13-21; Mar 6.30-44; Yow 6.1-14)

¹⁰Ayi avwa gu ga ndœ Yisu œ pandœ œneke kœ á endje mbœroƚ fœ she. Yisu to endje, yé œ gitœ ye dœ endje ga indiri anga ongbo á i'irinoƚ kœdœ Betesayida.

¹¹Kashe azu ndjoro djindœ o'onœ, yé œ na manda ye. Yisu za osho kœsœ fœ endje, yé œ tetœ kœpa lima o'o fœ endje tœ upu nœ Ogo gbozu nœ Ndjaba. Tshe she ndje lima aayi kœba á endje yindœ kœshe tœnœ.

¹²Dœ lœkœ á œlœ tetœ kœdi tœnœ, ayambarœ ndjokpa dœ bisha gitœ endje ndoo dœ she, œ pa fœ she adœke: «Za awa fœ ukpulu azunœ asœke, endje gu œ lo ƚa lakpi œdœ ƚa lœ kindi nœ endje yeka á kœgbo osho kœlo tœnœ dœ pe kœziroƚ. Gbambanœ nene, a sœ ƚa ke ƚa lœ kpagagasho.»

¹³Kashe Yisu pa fœ endje adœke: «'E to kœziroƚ fœ endje dœ tœ 'e!» Yé ayambarœ gi fœ she adœke: «A sœ kolœ dœ mapa mindu œdœ ageatshalangu bisha gbambanœ. 'Bœ sœ ete kœyindœ nœ adœke 'a na dœ œ yœ kœziroƚ fœ azunœ asœ kœ a?»

¹⁴Ayambarœnœ papa ataa gbambanœ nene, ayakoshe sœ lima ga pa œroƚ nœ kutu mindu (5.000). Yisu pa fœ ayambarœ nœ ye adœke: «'E pa fœ endje adœke endje sœ ga ati, azu zazu bisha dœ ndjokpa (50) lœ ukpulu azu bale dœ bale.»

¹⁵Endje mbœroƚœ endje lindœ nœ, yé œ guma adœke azunœ kœ sœ ga ati.

¹⁶Yisu ko mapa mindu œdœ pe ageatshalangu bisha asœmœ, œ mesho ga lafo, yé œ tetœ kœza avwala pa nœ fœ Ndjaba. Tshe kurutshelœnœ yé œ ko fœ ayambarœ adœke endje kurutshelœnœ tœ ukpulu azunœ.

¹⁷Azu para kœkœ zi lima, yé uvu ndje sú. Ayambarœnœ ngbœƚa lima udu kœziroƚnœ á sœpe manda endje, ga lœ kingi ndjokpa dœ bisha.

Petro pandœ nœ ngbi adœke Yisu kœdœ Masiya

(Wu ƚa tœ Mat 16.13-19; Mar 8.27-29)

¹⁸Dœ anga œlœ bale, Yisu sœ lima kœza avwala kuti ye, yé ayambarœ nœ ye na œ gbœ she. Tshe yu endje lima adœke: «Azú sœ kœpa má adœke œmœ kœdœ dœ?»

¹⁹Endje gi adœke: «Azú sœ kœpa adœke œbœ kœdœ Yowane ayi kœza batisimu; anga endje adœke ƚœ kœdœ Eliya; anga endje kpa sœ ndje kœpa adœke, œbœ kœdœ anga ayi kœgbara o'o bale ugurutœ aayi kœgbara o'o liya á she lœ akuzu asœmœ.»

²⁰Yisu yu endje adœke: «'E gbe má œnœ 'e adœke œmœ kœdœ dœ?» Petro gi fœ she adœke: «œbœ kœdœ Masiya á Ndjaba vwa she.»

Yisu pandœ upu nœ kuzu œdœ pe kœshe nœ ye lœ akuzu

(Wu ƚa tœ Mat 16.20-28; Mar 8.30–9.1)

- ²¹Yisu va tshelœ utu endje adœke endje papandœ nœ fœ uzu bale nene.
- ²²Tshe kpa pa adœke: «œ li adœke Gbolo nœ uzu wu oyo waa yekane. Agbozu Ikrizia, agbozu tshapa anganga Ndjaba œdœ ndje aayi kœyisœ awa akwa œ vwaratœ endje tœ ye. Endje wo she, yé tshe she lœ akuzu manda olo votœ.»
- ²³Manda nœ, tshe pa fœ azu kœ adœke: «œdœ uzu kœyindœ kœna manda mœ, œ li adœke tshe vwaratœ undu ye dœ tœ ye, œ za kurushi nœ ye œb dœ œb yeka á kœna manda mœ.
- ²⁴Gbambanœ nene, uzu á tshe sœ dœ ogo kœsœ dœ soro, tshe tshu; kashe tsheneke á tshe tshu mbœrœ mœ, œ sœ dœ soro.
- ²⁵Yé œ kœsœ adœke uzu gbœ œrœ kœ á sœ pa œshœ kashe á tshe kœgbœgbœ soro á ka nene, œrœ gadœ dá tshe gbœ manda kœgbœ œrœ tshapashœnœ a?
- ²⁶Gbambanœ nene, œdœ uzu kœembœrœ tshula mœ œdœ pe ndje o'o nœ mœ, œmœ Gbolo nœ uzu, mœ mbœrœ ndje tshula ye lœkœ á mœ kwa bala tœ mœ lœ mokœ nœ mœ, dœ œnœ Aba œdœ œnœ ayerœ aandjelu.
- ²⁷Adja mœ sœ kœpa fœ 'e adœke, lœ ugurutœ azu á endje sœ kpœke asœ, anga endje œ tshu utshu kœwu Ogo gbozu nœ Ndjaba nene.»

Mokœ nœ Gbolo nœ Ndjaba

(Wu ba tœ Mat 17.1-8; Mar 9.2-8)

- ²⁸Olo mindu dœ votœ manda kœpa o'onœ asœmœ, Yisu za Petro, Yowane œdœ pe Jake potœ ye, yé œ œ dœ endje ga pa kaga mbœrœ kœza avwala.
- ²⁹Lœkœ á tshe sœ lima kœza avwala, tshatshu ye yapatœ ye, yé lœba ye kpa wuta dœ œmbinœ rurrr.
- ³⁰Trale, azu bisha sœ lima kœpa tshama endje dœ she. Azunœ asœmœ kœdœ Amoyize dœ Eliya.
- ³¹Endje wuta lima dœ mokœ nœ Ndjaba, yé œ sœ lima kœpa o'o tœ mara á akwa nœ Yisu œ ka lœ awa nœ kuzu ye ba lœ Yerusaleme.
- ³²Petro œdœ anganœ á endje na tœ awanœ dœ endje lo lima kpakpakpa ye. Kashe lœkœ á endje jo lima, endje wu mokœ nœ Yisu œdœ pe azu bisha á endje ka kpoetœ œscœnœ dœ she.
- ³³Dœ lœndœ á azunœ asœmœ kuru lima tshelœtœ endje dœ Yisu, Petro pa fœ she adœke: «Gbozu, œ sœ dœ œtshœnœ adœke a sœ kpœke. A mœ gbanda votœ: Anganœ bale mbœrœ bœ, anganœ bale mbœrœ Moyize, yé anganœ bale mbœrœ Eliya.» Tshe wuwu lima sœ o'o á tshe sœ lima kœpa tœnœ nene.
- ³⁴Lœkœ á tshe sœ lima kœpa o'o atake, ondoro jerœ kpilî ga pa endje. Kœwu adœke ondoronœ jerœ ga pa endje ataa, awa za ayambarœ.

35Tshama kœpa o'o lœ ondonœ adœke: «Tsheneke kœdœ Gbolo nœ mœ, œshe dá mœ ke she. 'E dji she.»

36Manda tshamanœ kœpa o'o, Yisu sœ lima pe kolœ kuti ye. Ayambarœ sœ lima kokoko, yé endje papandœ œneke á endje wu lima fœ uzu bale nene dœ lœkonœ ascœmœ.

Yisu gɔɔ ekpe ishiri pa anga gbolo

(Wu ba tœ Mat 17.14-18; Mar 9.14-27)

37Olo manda nœ, endje to lima ba pa kaga œ sœ kœgu tœnœ, azu ndjoro na para tshatshu Yisu.

38Yé anga uzu bale ba ugurutœ ukpulu azunœ tetœ kœta rawa adœke: «Ayi kœyisœrœ, mœ ki fœ bœ adœke bœ tondœ gbolo yakoshe nœ mœ kane, mbœrœ œshe kœdœ gbolo yakoshe nœ mœ tshebabale dœ mœ.

39Ishiri sœ kœza she trale dœ kœta rawa kpala kpala. Ishirinœ sœ kœyaka she, tshe dœtœ ye ndœr ndœr ndœr, yé furutsha ama ye oma putu putu. Ishirinœ mbœrœ tœ ye le'ere le'ere yeka á gitœ ye pa ye, kashe katsha nene.

40Mœ ki fœ ayambarœ nœ zœ adœke endje gɔɔ she, kashe endje lili nene.»

41Yisu pa fœ endje adœke: «E'e dœ aekpe azu, 'e sœsœ dœ kœyindœrœ nene! Mœ kpa sœpe dœ 'e awa bale manda olo kotoo yeka á kœru lœsu mœ tœ otsho 'e? Manda nœ, tshe pa fœ yakoshœ adœke: Na dœ gbolo nœ zœ gamœ!»

42Lœndœ á gbolonœ na ndoo dœ Yisu, ekpe ishirinœ za she vesho ga tœ œsho yé, tshe dœ tœ ye ndœr ndœr. Kashe Yisu nga dœ ishirinœ adœke tshe wuta, yé á tshe wuta lœ gbolonœ yeka á tshe gi she fœ abanœ.

43Yé azu kœ katœ ama endje ti œsœ tœ kœwu egerœ gbœgbœ nœ Ndjaba.

Yisu kpa pa bisha o'o tœ upu nœ kuzu ye

(Wu ba tœ Mat 17.22-23; Mar 9.30-32)

Bata á azu kœ sœ lima kœkitœ œsœ œneke kœ á Yisu mbœrœ, tshe pa fœ ayambarœ nœ ye adœke:

44«'E dji œneke á mœ yindœ kœpa tœnœ fœ 'e asœke dœ otshœnœ kane: Endje ka Gbolo nœ uzu ga tshakane azu.»

45Kashe ayambarœ nœ ye djidji tshelœ kata ndœma toronœ ascœmœ nene. Ádánœ mamatœ endje ngbi nene mbœrœ á endje kœdjidji tshelœ katanœ nene. Yé endje kpa awa kœyu Yisu tœ ádánœ ye.

œfœ dá dœ egerœ uzu lœ ugurutœ ayambarœ a?

(Wu ba tœ Mat 18.1-5; Mar 9.33-37)

⁴⁶Ayambarœ te lima tœ kœgbugburu tshelœ o'o mbœrœ kœwusœ tsheneke á tshe dœ egerœ uzu lœ ugurutœ endje.

⁴⁷Yisu wu lima sœ gbetshelœ nœ endje kɔ, œ za anga aya gbolo ga indiri tœ ye,

⁴⁸yé á pa fœ endje adœke: «Uzu kɔ á tshe za osho kœsœ fœ gbolo asœke dœ i'iri mœ, dá tshe za osho kœsœ fœ mœ. Yé uzu á tshe za osho kœsœ fœ mœ, za ndje osho kœsœ fœ tsheneke á tshe vwa mœ. Gbambanœ nene, uzu á tshe sœ teasho lœ ugurutœ 'e kɔ, œshe dá dœ egerœ uzu.»

Uzu á tshe kœyiyiangba 'e nene, œshe kœdœ uzu nœ 'e

(Wu ba tœ Mar 9.38-41)

⁴⁹Yowane pa fœ Yisu adœke: «Gbozu, 'a wu anga uzu bale, tshe sœ kœgɔɔ ekpe ishiri dœ i'iri zœ, yé 'a para awa kœkɔ she mbœrœ tshe sœsœ awa bale dœ azœ nene.»

⁵⁰Kashe Yisu gi fœ she adœke: «'E kɔkɔ she nene, mbœrœ tsheneke á tshe kœyiyiangba 'e nene, œshe kœdœ uzu nœ 'e.»

Anga azu Samariya tshapu kœza osho kœsœ fœ Yisu

⁵¹Lɔkɔ á olo kœ'ɔ Yisu ga lafo ndo lima, tshe wu dœ ɔtshɔnœ adœke œne ro ga lœ Yerusaleme.

⁵²Tshe vwa aayi avwa utshu ye. Endje tetœ awa, œ na œ li ga lakpi Samariya mbœrœ kœguma osho kœsœ fœ she.

⁵³Kashe azu tshalakpinœ zaza osho kœsœ fœ she nene, mbœrœ tshe sœ kœna ga lœ Yerusaleme.

⁵⁴Kœwu ataa, ayambarœ nœ ye, Jake œdœ Yowane pa adœke: «Gbozu, bœ yindœ nœ adœke 'a pa fœ yavuru ba lafo, œ sɔ œ ko azunœ asœmœ dœ endje ju trulu ye a?»

⁵⁵Kashe Yisu fatœ ye ga ndœ endje, yé œ gbagbara endje.

⁵⁶Yé endje na ga lœ anga angbi tshalakpi.

O'o tœ upu nœ azu á endje yindœ kœna manda Yisu

(Wu ba tœ Mat 8.19-22)

⁵⁷Lɔkɔ á endje sœ lima kœna tœ ala awa, anga uzu pa fœ Yisu adœke: «Mœ na manda zœ tœ osho kɔ á bœ na tœnœ.»

⁵⁸Yisu gi fœ she adœke: «Angbangewo sœ dœ ogoro endje yé ayanu sœ ndje dœ koma endje. Kashe Gbolo nœ uzu gugu dœ osho kœlo tœnœ nene.»

⁵⁹Tshe pa fœ anga uzunœ adœke: «Na manda mœ.» Uzunœ asœmœ gi fœ she adœke: «Za awa fœ mœ dœ mœ na œ shi aba mœ utshunœ yekane.»

⁶⁰Kashe Yisu gi fœ she adœke: «Katœ akuzu dœ endje shi akuzu nœ endje. Tœ bœ nœ zœ, na kœmindœ upu nœ Ogo gbozu nœ Ndjaba.»

⁶¹Anga uzu kpa pa fœ she adœke: «Gbozu, mœ yindœ kœna mangba zœ, kashe za awa fœ mœ dœ mœ na œ pu dœ azu tshelœ bingï nœ mœ utshunœ yekane.»

⁶²Yisu gi fœ she adœke: «Uzu á tshe kœza ngapo mbœrœ kœdjo kindi yé á sœ kœmesho ga ngba ye, tshe lili kœmbœrœ akwa mbœrœ Ogo gbozu nœ Ndjaba nene.»

Lukasi 10

Yisu vwa ayambarœ zazu voto dœ ndjokpa dœ bisha (72)

(Wu ba tœ Mat 9.37-38; 10.7-16; Mar 6.8-11)

¹Manda nœ, Gbozu ke anga ayambarœ zazu voto dœ ndjokpa dœ bisha, yé œ vwa endje bisha bisha utshu ye dje lœ ongbo œdœ pe dje lakpi á tshe yindœ kœna lœ nœ dœ tœ ye.

²Tshe pa fœ endje adœke: «Leyœ doro ndjoro ba lœ kindi, kashe ayi kœkœ tœnœ ngbangba nene. Mbœrœ tœnœ ataa, 'e ki fœ ayengœ leyœnœ adœke tshe vwa anga aayi akwa mbœrœ kœkœ tœnœ.

³'E na zœ! Mœ sœ kœvwa 'e bœta apata ba ugurutœ amuru.

⁴œdœ ngendja, œdœ ngbade, œdœ œrada, 'e zaza œrœ bale nene. 'E kaka tœ ala awa waa mbœrœ kœgo o'o dœ azu nene.

⁵Lœkœ á 'e kœli ba sœnda nœ uzu, 'e pa utshunœ adœke: “Kœsœ gee sœ sœndanœ asœke.”

⁶œdœ uzu nœ kœsœ gee kœsœ sœndanœ, kœsœ gee nœ 'e œ sœ pa ye. Á kœsœsœ atamœ nene, kœsœ geenœ œ kwa ga ndœ 'e.

⁷'E sœ ba sœndanœ asœmœ, 'e zi œrœ dœ œ ndjo œrœ á endje to fœ 'e. Gbambanœ nene, œ li adœke ayi akwa gbœ œrœ tshangba akwa nœ ye. 'E lolo lœ anda bale dœ bale na tœnœ nene.

⁸«œdœ 'e kœwuta ga lœ ongbo yé á endje kœza osho kœsœ fœ 'e tœnœ, 'e zi œneke á endje to fœ 'e.

⁹'E she aayi kœba á endje sœ kpœtœmœ, yé œ pa fœ endje adœke: “Ogo gbozu nœ Ndjaba wuta œrrr ga ndœ 'e ye.”

¹⁰Kashe lœ ongbo á 'e kœli ga lœ nœ yé á endje kœzaza osho kœsœ fœ 'e nene, 'e wuta ga tœ ala awa dœ œ pa adœke:

¹¹“A gœrœ trusha tshelœ ongbo nœ 'e á tope tshada 'a ga ati fœ 'e. Andaa 'e wusœ nœ adœke, Ogo gbozu nœ Ndjaba wuta ga ndœ 'e ye.”

¹²Mœ sœ kæmindœ nœ fœ 'e adœke: Dœ lɔkɔ kœwa ngbanga pa azu, ngbanga nœ azu tshelœ ongbonœ asœmœ œ sœ dœ ɔgbɔnœ kœropa œnœ azu Sodomo.»

Ongbo á gugu dœ kæyindœrœ nene

(Wu ba tœ Mat 11.20-24)

¹³«Oyo nœ 'e, azu tshalakpi Koraze! Oyo nœ 'e, azu tshalakpi Betesayida! Gbambanœ nene, œdœ afá á mœ mbœrœ ba ndœ 'e kæmbœrœ má tœ endje ba lakpi Tire œdœ ba lakpi Sidona, azu tsha ba zœ œ verœ má sake yé œ sœ ga lœ vorowo, mbœrœ kœma adœke œne fatshalɔsu œne ye.

¹⁴Mbœrœ tœnœ ataa, dœ olo kœwa ngbanga, endje wa o'o nœ azu Tire œdœ azu Sidona tœ ɔgbɔnœ bata œnœ 'e nene.

¹⁵Yé e'e dœ azu Kaparnawumu, 'e gbe adœke 'e 'ɔ œerrr ga lafo zœ a? 'E jerœ bala œerrr ba lœ ogo nœ akuzu.»

¹⁶Yisu kpa pa fœ ayambarœ nœ ye adœke: «Uzu á tshe dji o'o ama 'e; dá tshe dji ndje o'o ama mœ ye. Yé tsheneke á tshe kæyiyindœ o'o ama 'e nene, dá tshe yiyi ndje ndœ o'o ama mœ nene. Dœ tœnœ ataa tshe yiyi ndje ndœ tsheneke á tshe vwa mœ nene.»

Kœgu ayambarœ zazu votɔ dœ ndjokpa dœ bisha

¹⁷Ayambarœ zazu votɔ dœ ndjokpa dœ bisha gu lima dœ yanga, yé œ pa adœke: «Gbozu, aekpe ishiri mbœrœtœ endje lindœ o'o ama 'a dœ lɔkɔ á 'a pu o'o fœ endje dœ i'iri zœ.»

¹⁸Yisu pa fœ endje adœke: «Mœ wu lima Satana, tshe to ba lafo, œ te ga ati bata kœyerœwa yavuru.

¹⁹'E dji mœ kane! Mœ za awa fœ 'e adœke 'e zuru ayakoro œdœ akpalakongo dœ ada 'e, yé gbɔgbɔ 'e ropa œnœ yingba 'e. Ekperœ bale œ mbœrœtœ 'e nene.

²⁰Ataa atamœ gbaa, 'e sœsœ dœ yanga mbœrœ á aekpe ishiri mbœrœtœ endje lindœ o'o ama 'e nene, kashe 'e sœ dœ yanga mbœrœ á Ndjaba su i'iri 'e ga la buku nœ ye ba lafo.»

Yisu sœ dœ yanga

(Wu ba tœ Mat 11.25-27; 13.16-17)

²¹Pe kpœtœ œsœnœ, ɔtshɔ ishiri za yanga fœ Yisu yé tshe pa adœke: «Aba, œbœ kœdœ Gbozu nœ tshalafo œdœ tshapashɔ! Mœ donga bœ mbœrœ bœ ma œneke á bœ za yiwa tœnœ tœ azu á endje sœ dœ kœwusœtœ dœ pe azu á endje sœ dœ kœwusœrœ, yé á yisœ nœ fœ a'eara azu. Adjapu Aba, œbœ dá yindœ nœ adœke œ mbœrœtœ ye atamœ asœmœ.

²²Aba mœ katœ œrœ kɔ fœ mœ. Uzu œ wusœ ádá Gbolo nene, kashe kolœ Aba dá wusœ nœ; uzu bale œ wusœ ádá Aba nene, kashe kolœ Gbolo dá wusœ nœ œdœ pe endjeneke á Gbolo yindœ kœyisœ ye fœ endje.»

²³Manda nœ, Yisu fatœ ye ga ndœ ayambarœ nœ ye œ pa fœ endje dœ kuti endje adœke: «Yanga nœ azu á endje sœ kœwu œeneke á 'e sœ kœwu tœnœ.»

²⁴Gbambanœ nene, mœ pa ngbi fœ 'e adœke aayi kœgbara o'o œdœ agbozugo ndjoro gbe kœwu œeneke á 'e sœ kœwu tœnœ, kashe endje wuwu nene. Endje gbe lima kœdji œeneke á 'e dji, kashe endje djidji lima nene.»

Kœyindœsho kœdœ awa soro á ka nene

(Wu ba tœ Mat 22.34-40; Mar 12.28-31)

²⁵Anga ayi kœyisœ awa akwa bale áalafo lima mbœrœ kœwu lœsu Yisu, yé á yu she adœke: «Ayi kœyisœrœ, œrœ gafe dá mœ kœmbœrœ yeka á kœgbɔ soro neke á ka nene a?»

²⁶Yisu gi fœ she adœke: «O'o gafe dá endje sú ba la buku nœ awa akwa a? Bœ di ma œnœ zœ kotoo?»

²⁷Uzunœ gi fœ she adœke: «œ li adœke bœ yindœ Gbozu Ndjaba nœ zœ dœ lœsu zœ bale, dœ ishiri zœ djigi, dœ gbɔgbɔ zœ œdœ pe dœ gbetshelœ nœ zœ kɔ. œ li ndje adœke bœ yindœ yanga zœ bata á bœ yindœtœ zœ dœ tœ zœ.»

²⁸Yisu pa fœ she adœke: «Bœ gi o'onœ dœ ɔtshœnœ. Mbœrœ atamœ yeka á kœgbɔ soro neke á ka nene.»

Ndœma toro tœ upu nœ uzu Samariya

²⁹Kashe ayi kœyisœ awa akwanœ yi lima ndœ kœma adœke œene tete dœ o'o nene, œ yu Yisu adœke: «Yé ataa, œdœ dá dœ yanga mœ a?»

³⁰Yisu gi fœ she adœke: «Anga uzu bale to lima ba lœ Yerusaleme œ sœ kœero ga lœ Yeriko, yé œ wuta ga tœ ayi angba. Endje verœ lœba tœ ye, œ ko œrœ kɔ tœ ye, yé œ bi she ndoo dœ kuzu yeka á katœ ye dœ kœero endje.

³¹Manda nœ teasho, anga nganga Ndjaba bale sœ lima kœero dœ awanœ asœmœ. Lɔkɔ á tshe wu uzunœ asœmœ, tshe sha pa ye, yé œ ro zara da ye.

³²Manda nœ, anga Levi wuta ndje ga tœ oshonœ asœmœ. Lɔkɔ á tshe wu uzunœ asœmœ, tshe sha pa ye, yé œ ro zara da ye.

³³Kashe anga uzu Samariya bale á tshe sœ lima kœena gene, wuta ga tœ uzunœ asœmœ. Lɔkɔ á tshe wu she, oyo ye ka she.

³⁴Tshe gitœ ye ndoo dœ she, œ djutɔ uku tœ ye, yé œ ta kada œdœ vinu ga la nœ. Manda nœ, tshe za she ga pa mbarata nœ ye, œ na dœ she ga tœ anda nœ agene, yé á gbœndœ ye.

³⁵Osho kɔrɔ pa nœ, tshe ko langere ngendja bisha fœ ayengɔ kœgbɔndœ anda nœ agenence, yé œ pa fœ she adœke: “Gbɔndœ uzunœ asœke. Œdœ bœ kœndi anga angbi ngendja pa ye kœropa nœ, mœ gi fœ bœ lɔkɔ á mœ kœgu to kpœke.”»

³⁶Yé Yisu kpa yu ayi kœyisœ awa akwanœ adœke: «Ba tœ zœ nœ zœ, œdœ lœ ugurutœ azunœ asœmœ votɔ dá matœ ye adœke œshe kœdœ yanga uzu á ayi angba bi she a?»»

³⁷Ayi kœyisœ awa akwanœ gi adœke: «Tsheneke á tshe wu oyo ye, yé á gbɔndœ ye asœmœ.» Ngbewo Yisu kœpa fœ she adœke: «Gu zœ, yé œ mbœrœ ndje atamœ.»

Yisu na ba ndœ Amarata dœ Mareya

³⁸Lɔkɔ á Yisu dœ ayambarœ nœ ye sœ lima tœ awa, tshe wuta ga lœ anga tshalakpi bale, yé anga yashe bale lakpinœ á i'iri ye kœdœ Marta, za osho kœsœ fœ she ba scœnda nœ ye.

³⁹Tshe sœ lima dœ anga yingɔnœ á i'iri ye kœdœ Mareya. Tshe sœ lima ga ati ba tœ ada Yisu, yé á sœ kœdji o'o á tshe sœ lima kœpa tœnœ.

⁴⁰Marta sœ lima dœ akwa ngbangbangba á ropa ye. Tshe na ndoo dœ Yisu œ pa fœ she adœke: «Gbozu, mara á yingɔ mœ ka kolœ tœ mœ ti kuti mœ kœmbœrœ akwa kɔ asœke, sœsœ kœmbœrœ œrœ bale ba ndœ zœ nene a? Pa fœ she tshe na, œ ti kane mœ ga lafo.»

⁴¹Gbozu Yisu gi fœ she adœke: «Marta, Marta, mœ wu adœke lœsu zœ sœ ga lafo yé bœ sœ kœdɔtœ zœ mbœrœ œrœ ndjoro.

⁴²Kashe wusœ nœ adœke kolœ œrœ tshebabale dá sœ dœ ádá kœrosœ nœ. Œtœnœ dá Mareya ke œnœ ye asœmœ, uzu bale œ kakara tœ ye nene.»

Lukasi 11

Kœyisœrœ tœ upu nœ kœza avwala

(Wu ba tœ Mat 6.9-13; 7.7-11)

¹Dœ anga ɔlɔ bale, Yisu sœ lima kœza avwala fœ Ndjaba ba tœ anga osho bale. Lɔkɔ á tshe za avwalanœ á ka, anga yambarœ nœ ye bale pa fœ she adœke: «Gbozu, yisœ mara kœza avwala fœ 'a bata á Yowane yi lima sœ nœ fœ ayambarœ nœ ye.»

²Yisu pa fœ endje adœke: «Lɔkɔ á 'e kœsœ kœza avwala, 'e pa adœke: “Aba, œ li adœke azu kɔ lisœ œyerœ i'iri zœ kaka adœke Ogo gbozu nœ zœ jerœ.

³To rœgo á li adœke 'a zi ɔlɔ dœ ɔlɔ fœ 'a.

⁴Djercendœ ekperœ nœ 'a, gbambanœ nene a'a ndje, 'a sœ kœdjercendœ ekperœ nœ anga azu á endje sœ kœmbœrœ fœ 'a. Yé gbœndœ 'a adœeke 'a lili ga lœ ekperœ nene."»

⁵Yisu kpa pa fœ endje adœeke: «œ kœdœ adœeke anga uzu bale lœ ugurutœ 'e kœsœ dœ yanganœ yé á na ga ndœ ye dœ œgbœ butshœ mbœrœ kœpa fœ she adœeke: "Yanga mœ, daka mapa votœ fœ mœ.

⁶Gbambanœ nene, anga yanga mœ bale á tshe sœ kœna gene yi kumu ye ga ndœ mœ ngœngœ asœeke, yé mœ gugu dœ œrœ kœto fœ she bale nene."

⁷Yé á kœsœ adœeke yanganœ á tshe lo ba sœnda gi fœ she adœeke: "Katœ mœ, ndandanga mœ nene mbœrœ mœ tshu manda nœ mœ ga tœnœ ye. A'a dœ agbolo nœ mœ á sœ tœ olo; mœ áalafo ndœ kœza mapa fœ bœ nene."

⁸Mœ sœ kœpa fœ 'e adœeke: Ataa œdœ tshe kœáalafo ndœ kœko mapa fœ she mbœrœ á tshe dœ yanganœ nene, tshe áalafo yé œ to œneke kœ á yanganœ gbe dœ tœnœ fœ she mbœrœ á yanganœ shi ngbirœ dœ kœ'e she kpœ pa nœ kpœ pa nœ.

⁹«Mbœrœ tœnœ ataa, mœ sœ kœpa fœ 'e adœeke: 'e kœyœndœ œrœ, endje to fœ 'e. 'E kœpara œrœ, 'e gbœ ye. 'E kœnge manda, endje kœrœ fœ 'e.

¹⁰Gbambanœ nene, uzu kœ á tshe yœndœ œrœ, endje to fœ she; tsheneke á tshe para œrœ, tshe gbœ; yé tsheneke á tshe nge manda, endje kœrœ fœ she ye.

¹¹Aba gbolo neketa ugurutœ 'e dá yœndœ nœ adœeke œne za yakoro fœ gbolo nœ œne tœ œsœ ageatshalangu á tshe yœndœ nœ a?

¹²Too œdœ tshe kœyœndœ oporo ngato, tshe za kpalakongo fœ she a?

¹³Ataa, œdœ e'e á 'e dœ aekpe azu, 'e kœwusœ kœto œtshœrœ fœ agbolo nœ 'e, Aba azœ á tshe sœ ba lafo œ vwaratœ ye tœ kœto œtshœ ishœri fœ endjeneke á endje yœndœ nœ ye a?»

Yisu mbœmbœrœ akwa dœ gbœgbœ nœ Satana nene

(Wu ba tœ Mat 12.22-30; Mar 3.22-27)

¹⁴Anga uzu bale sœ dœ ekpe ishœri pa ye. Ekpe ishœrinœ asœmœ mbœrœ adœeke uzœnœ papa o'o nene. Lœkœ á Yisu gœrœ ekpe ishœrinœ pa ye, ngbewo tshe tetœ kœpa o'o yé azu ndjoro ki lima tœ œsœnœ waa.

¹⁵Kashe anga azu pa lima adœeke: «Tshe sœ kœgœrœ ekpe ishœrinœ dœ gbœgbœ nœ Belezebula á tshe dœ gbœzu tshapa aekpe ishœri.»

¹⁶Anga endje yi lima ndœ kœwu lœsu ye, yé œ pa fœ she adœeke tshe mbœrœ anga afá bale á sœ kœma adœeke gbœgbœ nœ ye to ba ndœ Ndjaba.

17 Kashe Yisu wu lima sœ gbetshelœ nœ endje, œ pa fœ endje adœke: «œdœ azu lakpi ogo bale kœsœ kœnga koshe ugurutœ endje, tshalakpinœ œ ndi, yé anda œ yo para kœkœ ga ati.

18 œdœ Satana kœsœ kœnga koshe ga tœ ye dœ tœ ye, Ogo gbozu nœ ye œ shi pa œshœ koto o? Gbambanœ nene, 'e sœ kœpa adœke mœ sœ kœgœrœ ekpe ishiri dœ gbœgbœ nœ Belezebula.

19 Yé ataa œdœ mœ kœsœ kœgœrœ ekpe ishiri dœ gbœgbœ nœ Belezebula, azu nœ 'e sœ ndje kœgœrœ endje dœ gbœgbœ nœ de? 'E kœpa ataa, azu nœ 'e œ wa bala ngbanga ga pa 'e dœ tœ endje.

20 Kashe œdœ mœ kœsœ kœgœrœ ekpe ishiri pa azu dœ gbœgbœ nœ Ndjaba, dá œ sœ kœma adœke Ogo gbozu nœ Ndjaba wuta ga ndœ 'e ye.

21 «Lœkœ á uzu gbœgbœ kœza œrœ koshe á sœ kœgbœndœ anda nœ ye, œrœ bale œ turutœ œrœ nœ ye nene.

22 Kashe œdœ anga angbi uzu á tshe ropa ye dœ gbœgbœ kœyi kumu ye á gœrœ she, tshe gbœtœ œrœ koshe nœ ye á tshe za lœsu ye ga pa nœ asœmœ ye. Tshe kurutshelœ œrœ kœ á tshe ko tœ ye.

23 «Uzu á tshe sœsœ awa bale dœ mœ nene, œshe kœdœ yingba mœ. Yé tsheneke á tshe sœsœ kœeti kane mœ adœke 'a ngbœba azu nene, sœ kœendjœtshelœ endje.»

Kœkwa ekpe ishiri ga pa uzu

(Wu ba tœ Mat 12.43-45)

24 «Lœkœ á ekpe ishiri kœgitœ ye pa uzu, tshe na djezœ lœ kpagagasho mbœrœ kœpara osho kœsœ tœnœ. œdœ tshe kœgbœgbœ osho kœsœ tœnœ nene, tshe pa ba lœ ye adœke: “Mœ kwatœ mœ ga lœ anda nœ mœ á mœ wuta lœ nœ.”

25 Tshe kwatœ ye yé œ wu adœke endje ngbœ tshasœnda, œ guma œrœ tshelœnœ dœ awanœ.

26 Kœwu ataa, tshe na œ e anga aekpe ishirinœ minu dœ bisha (7) á endje ropa ye, endje gu œ li ga sœndanœ, yé œ sœ kpœtœmœ. Mara kœsœ uzunœ asœmœ kpa sœ tœ ekpenœ kœrosœ œneke utshunœ.»

Adja yanga

27 Lœkœ á Yisu pa o'onœ asœmœ á ka, anga yashe á tshe sœ lima ba uguru ukpulu azu, pa fœ she adœke: «Yanga nœ yashe á tshe gbœ nguzu zœ á zu bœ, yé á gbœndœ zœ dœ œngœ.»

28 Kashe Yisu gi fœ she adœke: «Azu á endje sœ kœedji o'o ama Ndjaba yé á sœ kœza ga tœ akwa, endje asœmœ dá sœ dœ yanga kœropanœ.»

Ambára afá nœ Gbolo nœ uzu

(Wu ba tœ Mat 12.38-42)

²⁹Bata á azu ndjoro sœ lima koengbotœ endje ga indiri Yisu, tshe tetœ kœpa o'o fœ endje adœke: «Azú nœ tshakpesheke asœ kœdœ aekpe azu. Endje yindœ nœ adœke œne wu anga ambára afá bale á sœ kœma adœke mœ to ba ndœ Ndjaba. Kashe endje wu bale nene, kolœ ambára œneke á Ndjaba ma lœ awa nœ Yona.

³⁰Gbambanœ nene, bata á azu Ninive wu lima ambára lœ awa nœ Yona, Gbolo nœ uzu œ dœ ambára mbœrœ azu nœ tshakpesheke.

³¹Dœ lœko kœwa ngbanga, gbozu yashe tshapa ogo ba lœ Sudi, œ to meza pa azu nœ tshakpesheke. Gbambanœ nene, tshe to ba lœ ndœnglœ tshakala ogo pa osho á na kœdji o'o á sú dœ kœwusœtœ nœ Salomo. Kashe anga uzu á tshe sœ ba ke, tshe ropa Salomo ye.

³²Dœ lœko kœwa ngbanga, azu tshalakpi Ninive œ to meza pa azu nœ tshakpesheke. Gbambanœ nene, azu Ninive fatshalœsu endje lœko á Yona yisœ o'o ama Ndjaba fœ endje. Kashe anga uzu á tshe sœ ba ke, tshe ropa Yona ye.»

O'o tœ upu nœ miinda

(Wu ba tœ Mat 5.15; 6.22-23; Mar 4.21; Luk 8.16)

³³«Uzu bale tata owo ga tœ miinda mbœrœ kœza yiwa tœnœ too kœza ga tshakudu lœsu nene; kashe tshe za ga pa gbarœ á endje za miinda ga pa nœ mbœrœ adœke azu ko á endje li ga sœnda, mesho ngbi tœnœ.

³⁴Miinda nœ undu zœ kœdœ ala zœ. Œdœ ala zœ kœsœ dœ otshœnœ, undu zœ djigi œ sœ ndje lœ ingbisho. Kashe œdœ ala zœ kœsœ dœ kœba, undu zœ ndje œ sœ lœ ubu osho.

³⁵Ataa, sœ dœ gbœdjela adœke miinda á sœ ba ndœ zœ, œ dœ ubu osho nene.

³⁶Œdœ undu zœ djigi kœsœ tœ ingbisho yé anga osho bale kœsœsœ lœ ubu osho nene, undu zœ œ sœ lœ ingbisho bata ishiri miinda á tshi ga tœ zœ.»

Yisu gbagbara Afarisayi œdœ aayi kœyisœ awa akwa

(Wu ba tœ Mat 23.4-36)

³⁷Lœko á Yisu pa o'o á ka, anga Farisayi bale e she adœke tshe na dœ œ zi œrœ ba ndœ œne. Yisu na œ li ga sœnda nœ ye, yé œ sœ ga indiri ndaba kœziœ.

³⁸Kœwu lima adœke Yisu djudjuto kane ye bata awa akwa pa tœnœ utshu kœziœ nene, Farisayinœ kitœ œsœnœ.

³⁹Yé Gbozu kœpa fœ she adœke: «E'e dœ Afarisayi, 'e sœ kœdjuto kolœ tshapa yashi œdœ tshapa saani, kashe lœsu 'e sú dœ ogo kœzi angba œdœ pe dœ ókó.

⁴⁰E'e kœdœ agbakindi! Ndjaba á tshe mbœrœ tshapa œrœ, œ dœdœ she dá mbœrœ ndje tshœlœnœ nene a?

41'E ko œerœ á sœ ba læ yashi œdœ œeneke ba læ saane nœ 'e, tœ makabo fœ aayi oyo. Yé atamœ, œerœ kɔ á 'e mbœerœ, œ sœ yerœ.

42«Kashe oyo nœ 'e dœ Afarisayi! Mbœerœ 'e sœ kœto bale læ ndjokpa læ kako dɔngɔ bata tshalumba, dimbili œdœ tshelœ aka dɔngɔ kɔ, fœ Ndjaba. Kashe 'e sœ kœdjercœndœ kœmbœerœ œerœ á sœ ndjii œdœ pe kœyindœ Ndjaba. Œerœ á li adœke 'e mbœerœ dœmœ, kashe 'e kaka ndje tœ asœmœ nene.

43«Oyo nœ 'e dœ Afarisayi! Mbœerœ ba læ Sinagoga, 'e yindœ kœsœ kolœ ba utshunœ ba tœ osho agboro azu, yé œ sœ kœyi kolœ ndœ nœ adœke azu bala 'e ba tœ œsœ angbɔtœ.

44Oyo nœ 'e! Mbœerœ 'e sœ bata tshapa udu á anga œerœ bale sœsœ pa nœ nene, yé á azu wuwusœ nœ nene á sœ kœna tɔpanœ.»

45Yé kœdji o'onœ ataa, anga ayi kœyisœ awa akwa nœ Ayuda bale pa fœ Yisu adœke: «Ayi kœyisœerœ, o'onœ á bœ pa asœmœ, bœ sœ kœgu ndje 'a!»

46Yisu gi fœ she adœke: «Oyo nœ 'e ndje dœ aayi kœyisœ awa akwa nœ Ayuda! Mbœerœ 'e sœ kœko ogboro kongba ga pa kumu azu, kashe 'e tuturutœ anganœ dœ yɔkœne 'e bale nene tœ kœti kane endje.

47Oyo nœ 'e! Mbœerœ 'e sœ kœguma tshapa udu aayi kœgbara o'o á endje tshu, andaa aata 'e dá wo lima endje.

48Ataa, 'e sœ kœma adœke 'e yindœ œerœ á aata 'e mbœerœ lima ye. Gbambanœ nene, endje wo lima aayi kœgbara o'o yé á 'e sœ kœguma tshapa udu endje.

49Mbœerœ tœnœ ataa dá Ndjaba læ kœwusœtœ nœ ye, pa adœke: “Mœ vwa bala aayi kœgbara o'o œdœ aayi avwa fœ endje; endje wo anga endje, yé œ mbœerœ œerœ kanga ga tœ anga endje.”

50Mbœerœ tœnœ ataa, Ndjaba œ za djofele fœ azu nœ tshakpesheke mangba kuzu nœ aayi kœgbara o'o kɔ á endje wo lima endje, kœto ba tœ ali kœmbœerœ tshapashɔ,

51Kœto kpœtœ kuzu Abele œerr ga tœ œnœ Zakariya á endje wo lima she ba uguru ndaba tokóro œdœ œeyerœ osho. Adjapu, mœ sœ kœmindœ nœ ngbi fœ 'e adœke, azu nœ tshakpesheke œ gbɔ djofele tshaangbanœ.

52«Oyo nœ 'e dœ aayi kœyisœ awa akwa nœ ayuda! Mbœerœ 'e za herela nœ kœwusœerœ: E'e dœ tœ 'e 'e lili ga zœ nene, yé 'e sœ kœpakata endjeneke á endje yindœ kœli tœnœ.»

53Lɔkɔ á Yisu wuta læ andanœ asœmœ, ayi kœyisœ awa akwa nœ ayuda dœ pe Afarisayi, sœ dœ ókó yé œ te lima tœ kœyu she tœ mara tshelœ áká o'o kɔ.

54Endje sœ lima dœ gbetshelœ nœ kœgi uku ga tœ awa ye yeka á kœgbɔ she læ o'o ye.

Lukasi 12

Yisu gbota tshelœ utu ayambarœ nœ ye tœ upu nœ awulapatsho

(Wu ba tœ Mat 10.26-27)

¹Dœ lœkœnœ asœmœ, azu ngbœtœ endje kofokofo ga tœnœ dœ mara adœke endje zurutœ endje. Yisu pa utshunœ fœ ayambarœ nœ ye adœke: «'E gbœndœtœ 'e tœ ɔɔ kœsuku mapa nœ Afarisayi, œ yindœ kœpa adœke œrœ wulapatsho nœ endje.

²Gbambanœ nene, œneke kœ á zatœ endje yiwa tœnœ œdœ pe œneke kœ á patœ endje lœ ubunœ, œ wuta.

³Mbœrœ tœnœ ataa, o'o kœ á 'e pa lœ ubunœ, azu kœ œ dji ngbi dœ ɔɔ. Yé o'o kœ á 'e pa ga lœ utu anga uzu ba lœ gbœsho, œ wuta ga shu ga pa anda ye.»

Kœza lœsu ga tœ Ndjaba

(Wu ba tœ Mat 10.28-31)

⁴«Mœ sœ kœpandœ nœ fœ 'e dœ anga mœ adœke: 'e kpakpa awa azu á endje wo ɔkœ nene, mbœrœ endje kpa mbœrœ œrœ bale manda nœ nene.

⁵Mœ sœ kœyisœ uzu á li adœke 'e kpa awa ye fœ 'e: 'e kpa awa Ndjaba á tshe sœ dœ gbœgbœ kœvwi 'e ga lœ kudu owo manda kuzu 'e. Mœ pa fœ 'e adœke œshe dá 'e kœkpa awa ye.

⁶Endje kaka a'eara ayanu minu dœ ama ngendja teasho nene a? Kashe Ndjaba djedjerœndœ anga bale lœ ugurutœ endje nene.

⁷œdœ ndje sukumu 'e, Ndjaba di kœ. Awa mbœmbœrœ 'e nene, gbambanœ nene, œsœ 'e li kœropa a'eara ayanu.»

Kœvwaratœsho too kœyindœ Yisu Kristu

⁸«Mœ sœ kœpa fœ 'e atake: Tsheneke á tshe matœ ye ngbi ba utshu azu adœke œne kœdœ uzu nœ mœ, Gbolo nœ uzu œ ma ndje she ngbi ba utshu aandjelu nœ Ndjaba adœke œshe kœdœ uzu nœ œne.

⁹Kashe tsheneke á tshe vwaratœ ye tœ mœ ba utshu azu kœ; œmœ dœ Gbolo nœ uzu, mœ vvara ndje tœ mœ tœ ye ba utshu aandjelu nœ Ndjaba kœ, adœke mœ wuwusœ ye nene.

¹⁰Yé ekpe o'o á uzu kœ œ pa tœ upu nœ Gbolo nœ uzu, Ndjaba œ djerœndœ ekperœ nœ ye. Kashe tsheneke á tshe kœgusœ ɔtshœ Ishiri, Ndjaba œ djerœndœ ekperœ nœ ye nene.

¹¹Dœ lœkœ á endje kœto 'e na tœnœ ba utshu Sinagoga too ba utshu aayi kœwa ngbanga too ba utshu agbozu nœ Lita, 'e tœtœ lœsu 'e tœ mara á 'e gi dœ o'o fœ endje nene.

¹²Gbambanœ nene, Ðtshɔ Ishiri œ yisœ o'o á li adœke 'e pa kolœ pe dœ ada olɔnœ asœmœ fœ 'e.»

Ndœma toro nœ ayi indi

¹³Anga uzu ba ugurutœ ukpulu azu pa fœ Yisu adœke: «Ayi kœyisœrœ, pandœ nœ fœ aya mœ dœ tshe kurutshelœ œrœ á aba 'a katœ nœ ti fœ 'a, tœ mœ dœ she.»

¹⁴Yisu gi fœ she adœke: «œdœ dá za mœ tœ ayi kœwa ngbanga too tœ ayi kœkurutshelœ œrœ nœ 'e a?»

¹⁵Manda nœ, tshe pa fœ endje kɔ adœke: «Ala 'e gbɔ kane! 'E sœsœ dœ egerœ lɔsu mbœrœ kœgbɔ œrœ tshapashɔ asœke nene. Gbambanœ nene, soro nœ uzu sœsœ mbœrœ œrœ nœ ye nene, œdœ tshe kœdœ ndje ayi kœgbɔrœ gbaa.»

¹⁶Yé manda nœ, Yisu pa anga ndœma Toro bale fœ endje adœke: «Anga ayi kœgbɔrœ bale sœ lima dœ egerœ kindi nœ ye á tshe sœ lima kœgbɔ rœgo lœ nœ waa.

¹⁷Tshe sœ lima kœgbe tshelœ ye yé œ sœ kœyutœ ye adœke: “œrœ gadœ dá mœ kœmbœrœ a? Mœ gugu dœ osho kœngbɔba rœgo nœ mœ kɔ ga tœnœ nene.”

¹⁸Tshe kpa pa adœke: “œrœ á mœ mbœrœ dœke: Mœ ndi tshelœ kogba nœ mœ, yé œ mɔ anga yɔngɔngɔnœ á li adœke mœ ngbɔba ble œdœ anga œrœ nœ mœ kɔ ga lœ nœ.

¹⁹Manda nœ, mœ kpa pa tœ upu nœ mœ dœ tœ mœ adœke: Mœ sœ dœ œrœ waa mangba ungu ndjoro. œ li adœke mœ yatœ mœ, mœ zi œrœ, mœ ndjo œrœ yé œ sœ dœ yanga.”

²⁰Kashe Ndjaba pa fœ she adœke: “Indi, dœ butshɔ asœke bœ sœ dœ soro nene. Yé œrœnœ á bœ ngbɔba tsho tsho tsho ga tœnœ asœke œ dœ œnœ dœ?”»

²¹Yisu kpa pa adœke: «Asœ kœdœ œneke á wuta ga tœ uzu á tshe ngbɔba œrœ tshapashɔ kolœ mbœrœ she dœ tœ ye, kashe á dœdœ ayi kœgbɔrœ ba utshu Ndjaba nene.»

A za lɔsu azœ djigi fœ Ndjaba

(Wu ba tœ Mat 6.25-34)

²²Manda nœ, Yisu pa fœ ayambarœ nœ ye adœke: «'E wu ádánœ á mœ pa fœ 'e adœke: 'e zaza lɔsu 'e ga lafo tœ upu nœ kœzirœ á 'e gbe dœ tœnœ mbœrœ soro, too tœ upu nœ lœba á 'e gbe dœ tœnœ mbœrœ œkɔ 'e nene.

²³Gbambanœ nene, soro nœ uzu ropa kœzirœ, yé undu uzu ropa lœba ye.

24'E tondœ adiigbaga: endje lulu ngwarœ nene yé œ kɔkɔ ndje ngwarœ ba læ kindi nene. Endje gugu dœ kudu too dœ kogba kœngbɔba rœgo nœ endje ga læncœ nene, kashe Ndjaba sœ kœto rœgo fœ endje. E'e, œsœ 'e li kœropa ayanu.

25Ɔdœ læ ugurutœ 'e dá li kœza anga olo soro nœ ye ga pancœ læ awa nœ gbetsheleœ á tshe sœ dœ tœncœ a?

26Ɔdœ 'e kœsœsœ dœ gbɔgbɔ kœmbœrœ aya œrœ nene, mbœrœ gadœ á 'e za lœsu 'e ga lafo tœ udu œrœ a?

27'E tondœ mara á ndɔkɔ leyɔ sœ kœgboro dœ tœncœ ba læ kindi. Ɔ sœsœ kœmbœrœ akwa nene, yé œ susu ndje læba nene. Kashe mœ sœ kœpa fœ 'e adœke, ataa Salomo á tshe dœ ayi kœgbœrœ gbaa, tshe gbɔgbɔ lima læba á ga bata anga ndɔkɔ leyɔncœ asœmœ bale nene.

28Ɔdœ Ndjaba kœverœ læba ga tœ oforo á sœ læ kindi kpesheke asœ, yé ba mbatsha á endje li ndœ kœko va ga tœ owo; kœropa nœ kɔ, œncœ 'e dœ azu á 'e sœ dœ kœyindœrœ teasho, Ndjaba œ mbœrœ œrœ fœ 'e.

29«'E zaza lœsu 'e ga lafo tœ upu nœ œrœ gadœ dá 'e zi too á 'e ndjo nene.

30Azu tshapashœncœ asœke á endje wuwusœ Ndjaba nene dá sœ kœpara œrœncœ asœmœ kɔ. Kashe e'e, 'e sœ dœ anga Aba 'e bale á tshe wusœ nœ adœke 'e gbe dœ tœncœ.

31'E para utshunœ Ogo gbozu nœ Ndjaba; yé udu œrœ kɔkɔ, Ndjaba œ to fœ 'e manda nœ.»

Kœgbɔ œrœ ndjoro ba lafo

(Wu ba tœ Mat 6.19-21)

32«Aya ukpulu apata nœ mœ, 'e sœsœ dœ awa nene. Gbambancœ nene, Aba 'e sœ dœ yanga kœza ogo tshagbozu nœ ye fœ 'e.

33'E ka œrœ nœ 'e yé œ ko ngendjancœ tœ makabo fœ ayi oyo. 'E su ngbade ngendja á li kœndi tœncœ bale nene, 'e gbœndœ œrœ ndjoro ba lafo, mbœrœ ba zœ, aayi angba œ zi angbancœ nene, akɔkɔ œ zi nene.

34Gbambancœ nene, osho á kœgbœrœ nœ 'e sœ tœncœ, lœsu 'e sœ ndje kpœtœmœ.»

Ndœma toro tœ upu nœ kœkotœsho ga læ vola

(Wu ba tœ Mat 24.43-44)

35«'E verœ læba akwa, œ kotœ 'e ga læ vola, yé œ gbœndœ miinda nœ 'e adœke œ ruru nene.

36'E sœ bata aayi akwa á endje sœ kœkate gbozu nœ endje adœke lœkɔ á tshe kœto ba tœ œsœ ngbœtœ totœ á gu, yé á nge manda yeka œne kœkœrɔ fœ she.

³⁷Yanga nœ aayi akwa á gbozu nœ endje kœgu, á gbɔ endje dœ óvóro ala endje. Mœ sœ kœpa dœ adjapu fœ 'e adœke: Tshe verœ læba akwa, œ pa fœ endje adœke endje sœ ga ati mbœrœ kœzi œrœ, yé tshe ko rœgo na tœnœ fœ endje.

³⁸Ɔdœ tshe kœkwatœ ye dœ midi nœ butshɔ too ndje lœ iki kɔngato, yé á tshe kœgbɔ aayi akwanœ dœ óvóro ala ndje, endje sœ dœ yanga waa.

³⁹«'E wusœ œneke dœ ɔtshɔnœ: Ɔdœ ayengɔ anda kœwusœ ada ɔlɔ á ayi angba œ na dœ tœnœ, tshe katœ ye adœke tshe kavwa manda anda nœ ye nene.

⁴⁰E'e ndje, œ kotœ 'e ga lœ vola! Gbambanœ nene, Gbolo nœ uzu œ na dœ ada ɔlɔ neke á 'e wuwusœ nœ nene.»

Ndœma toro tœ upu nœ ɔtshɔ ayi akwa dœ ekpe ayi akwa

(Wu ba tœ Mat 24.45-51)

⁴¹Yé Petro yu adœke: «Gbozu, bœ sœ kœpa ndœma Toronœ asœmœ kolœ fœ 'a too fœ azu kɔ?»

⁴²Gbozu gi fœ she adœke: «Atamœ œdœ dá dœ kapeta á tshe yɔrɔtœ ye yé á sœ dœ kœwusœrœ adœke gbozu za she ga pa aayi akwa nœ ye mbœrœ kœkurutshelœ rœgo tœ endje dœ lɔkɔnœ á li a?

⁴³Yanga nœ ayi akwa neke á gbozu nœ ye kœgu á gbɔ she lœ ama akwanœ.

⁴⁴Adjapu, mœ sœ kœmindœ nœ ngbi fœ 'e adœke gbozu œ za she tœ kapeta tshapa œrœ nœ ye kɔ.

⁴⁵Kashe œdœ ayi akwanœ kœpa adœke: “Gbozu nœ mœ œ gu katsha nene”, yé á tetœ kœbi udu anga ayi akwanœ: Agbolo yakoshe œdœ ayawuru; œdœ tshe kœzi œrœ yé á ndjo œrœ á mbœrœ she,

⁴⁶gbozu nœ ayi akwanœ asœmœ œ gu dœ olo œdœ pe dœ ada ɔlɔ á tshe wuwusœ nœ nene, tshe bi ayi akwanœ œ gɔrɔ she yé œ mbœrœ œrœ kanga fœ she bata á endje mbœrœ ga tœ endjeneke á endje sœsœ dœ kœyindœrœ nene.

⁴⁷«Ayi akwa á tshe wusœ œrœ á gbozu nœ ye sœ kœyindœ nœ yé á tshapu kœgumatœ ye yindjindjinœ, tshe sɔ she dœ ndjapa awa ndjoro.

⁴⁸Kashe ayi akwa á tshe kœwuwusœ œrœ á gbozu nœ ye yindœ nœ nene, yé á mbœrœ ataa, gbozunœ œ sɔ she dœ ndjapa awa ndjoro nene. Uzu á endje kœto œrœ fœ she ndjoro, endje yu she tœ œrœ ndjoro. Yé tsheneke á endje ko œrœ fœ she ropa nœ, endje kpa yu she tœ œrœ kœropa nœ.»

Yisu na mbœrœ gadœ?

(Wu ba tœ Mat 10.34-36)

⁴⁹Yisu pa adœke: «Mœ na kœyi owo ga pa ɔshɔnœ asœ, yé ogo nœ mœ adœke owonœ tetœ kœtshi tœnœ ye.

50Mœ yindœ kœgbo batisimu, yé œ li adœke mœ wu oyo œerrr ga tœnœ adœke œ mbœrœtœ endje.

51'E gbe adœke mœ na kœza kœsœ gee ba pa ɔshɔnœ asœke a? Œ œ nene, mœ pa fœ 'e adœke mbœrœ upu nœ mœ azu œ li ga lœ kœkurutshelœtœsho.

52Ngɔngɔnœ asœke, azu minu á endje sœ sœnda bale, endje kurutshelœtœ endje: Azu votɔ œ yindœ anga endje bisha nene, yé azu bisha œ yi ndje ndœ anga endje votɔ nene.

53Aba œ yindœ gbolo yakoshe nœ ye nene, yé gbolo yakoshe œ yi ndje ndœ abanœ nene. Ayi gbolo œ yindœ yawuru nœ ye nene, yé yawuru œ yi ndje ndœ ayinœ nene. Yini yashe œ yindœ awo gbolo yakoshe nene, yé awo gbolo nœ ye dœ yakoshe œ yi ndje ndœ yinœ dœ yashe nene.»

Kœwusœ ambárá œrœ nœ tshakpesheke

54Yisu pa ndje lima fœ ukpulu azu adœke: «Œdœ 'e kœwu ondoro á za tititi ba tœ osho á ɔɔ œ li tœnœ, atamœ 'e pa kolœnœ adœke: “Yavuru œ ni zœ”, ngbewo œ mbœrœ adja tœ ye ata ye.

55Yé œdœ 'e kœwu yugu kœto ba lœ sudi kœza gu tœnœ, yé á 'e pa adœke: “osho œ owo zœ”, ngbewo œ mbœrœ adja tœ ye ata ye.

56E'e dœ awulapatshɔ, 'e li kœwusœ ambárá œrœ tshapa ɔshɔ œdœ œnœ tshalafɔ, kashe mbœrœ gadœ á 'e wuwusœ ádá œrœ nœ tshakpesheke á sœ kœmbœrœtœ ye asœke nene a?»

'E guma tshagurutœ 'e utshu kœwa ngbanga

(Wu ba tœ Mat 5.25-26)

57Yisu kpa pa adœke: «Mbœrœ gadœ á 'e wawa ngbanga dœ tœ 'e tœ œneke á sœ ndjii nene a?»

58Œdœ bœ kœsœ kœna dœ uzu á bœ sœ dœ o'o dœ she ga utshu ayi kœwa ngbanga, mbœrœ adœke 'e guma o'onœ lœ ugurutœ 'e dœ she tœ ala awa. Bœ mbœrœ atamœ kpa awa adœke ayi kœwa ngbanganœ kœzaza bœ ga tshakane aprusu nene, yé aprusunœ kœvwivwi bœ ga lœ kánga nene.

59Mœ sœ kœpandœ nœ fœ bœ adœke, bœ wuta lœ kánga nene œerrr ga tœ kœgi ngendja kɔ ye kane.»

Lukasi 13

Kœfatshalɔsu too kœtshu kuzu

1Dœ lœkœnœ ascœmœ, anga azu na ga ndœ Yisu ndœ kœpandœ upu nœ azu Galilayi á Pilato wo lima endje lœkɔ á endje sœ kœza tokórɔ fœ Ndjaba.

²Yisu kœgi fœ endje adœke: «'E gbe adœke azu Galilayinœ asœmœ kœdœ aekpe azu á endje ropa udu azu Galilayi kœ dœ ekperœ yekane á tshu kuzunœ asœmœ a?

³Mœ sœ kœpa fœ 'e adœke, wala dœmœ. Kashe œdœ 'e kœfifatshalœsu 'e nene, e'e para 'e tshu ndje bata endje.

⁴Yé azu ndjokpa dœ mindu dœ amanoœ votœ lœ Yerusaleme á endje tshu lima lœkœ á egerœ anda ba lœ Silowe kavwa, 'e gbe adœke ekperœ nœ endje ropa œnœ azu para lœ Yerusaleme ye a?

⁵Mœ sœ kœpa fœ 'e adœke, wala dœmœ. Kashe œdœ 'e kœfifatshalœsu 'e nene, e'e para 'e tshu ndje bata endje.»

Ndœma Toro tœ upu nœ œyo fige á tshapu kœle tœnœ

⁶Yé Yisu kœpa Ndœma Toro asœke fœ endje adœke: «Anga uzu bale lu lima œyo fige ga lœ kindi nœ ye. Anga œlœ bale, tshe na ndœ kœkœ ele figenœ, kashe tshe gbœgbœ nene.

⁷Yé tshe pa fœ ayi akwa tshelœ kindi nœ ye adœke: “wu kane, ungu votœ kœ, mœ sœ kœna ndœ kœkœ ele fige asœ yé mœ sœsœ kœgbœ tœnœ nene. De ga ati ye. Œ sœ kœndi œshœ gbambanoœ.”

⁸Kashe ayi akwa kindinœ gi fœ she adœke: “Gbozu, kpa katœnœ dœ ungunœ asœke kane; mœ dji kudu dji adanoœ, œ va oforo ga zœ.

⁹Anganoœ nene ungu manda nœ, œ le zœ. Á œ kœsœsœ ataa nene, bœ kœde ga ati.”»

Yisu she anga yashe bale dœ œlœ sabata

¹⁰Dœ anga œlœ sabata bale, Yisu sœ lima kœyisœ œrœ ba lœ Sinagoga.

¹¹Anga yashe bale sœ lima dœ ekpe ishiri á lu she manda ungu ndjokpa dœ mindu dœ amanoœ votœ, tshe lu vwerele, yé tshe lili ndœ kœyœrœ tshelœtœ ye ndjii nene.

¹²Kœwu she ataa, Yisu e she œ pa fœ she adœke: «Yashe, bœ she ye, kœba nœ zœ ka ye.»

¹³Tshe to kane ye ga pa ye; trale atake, yashe kœka ndjii yé œ kœtetœ kœdonga Ndjaba.

¹⁴Kashe gbozu tshapa Sinagoga wu lima tœ ekpenœ mboerœ á Yisu she uzu dœ œlœ sabata, yé œ pa fœ ukpulu azunœ adœke: «A sœ dœ olo mindu dœ bale nœ kœmboerœ akwa; 'e na lœ olonœ asœmœ á endje kœshe 'e, kashe dœ œlœ sabata nene.»

15Gbozu kœgi fœ she adœke: «E'e kœdœ aayi tsheloema, 'e sœsœ kœkœro angombe too ambarata nœ 'e dœ ɔɔ sabata adœke endje na ndœ kœndjo ungu nene a?

16Yé yashe asœ, ata Abrayamo á Satana i ba lima she ga tœnœ manda ungu ndjokpa dœ mindu dœ amance votɔ, œ lili má adœke mœ vvara she dœ ɔɔ sabata nene a?»

17Manda o'onœ asœ, ayingba ye gbɔ tshula kashe ukpulu azu para sœ lima dœ yanga nœ ɔtshɔ akwa á Yisu sœ kœmbœrœ tœnœ.

Ndœma toro tœ upu nœ a'eara ele mutardeœdœ ɔɔ kœsuku mapa

(Wu ba tœ Mat 13.31-33; Mar 4.30-32)

18Yisu kœpa adœke: «œrœ gade dá li dœ Ogo gbozu nœ Ndjaba? Mœ li dœ œrœ gade?

19œ lili dœ a'eara ele mutarde á uzu œ ko angwanœ ndœ kœlu ga lœ kindi nœ ye. œ ko, œ gerœ bata ɔɔ á ayanu œ mbœrœ koma endje ga lœ ganeance.»

20Yisu kpa pa adœke: «œrœ gade dá mœ li dœ Ogo gbozu nœ Ndjaba ma a?

21Ogo gbozu nœ Ndjaba lili dœ ɔɔ kœsuku mapa á yashe œ to ga ndœ zuwa ndjoro lœ egerœ gbarœ adœke œ suku.»

œEde dá li ga lœ Ogo gbozu nœ Ndjaba a?

(Wu ba tœ Mat 7.13-14,21-23)

22Yisu ro lima tɔ lœ ongbo dœpe lakpi kœyisœ œrœ fœ azu tœ awa ndœ kœero ga lœ Yerusaleme.

23Anga uzu kœyu she adœke: «Gbozu, azu á endje she bala, endje ngba zœ a?» Yisu kœgi fœ endje adœke:

24«'E pa avwara ndœ kœli tœ manda neke á sœ teasho. Gbambance nene, mœ sœ kœpa fœ 'e adœke azu ndjoro œ para bala awa ndœ kœli tœnœ, kashe endje li nene.

25«Lœko á ayengɔ anda kœalafo á tshu manda nœ ye ga tœnœ, e'e, 'e sœ ba shu, 'e tetœ kœnge manda yé œ pa adœke: “Gbozu, kœro manda fœ 'a.” Kashe tshe gi fœ 'e adœke: “Mœ wuwusœ osho á 'e to tœnœ nene!”

26Yé, 'e pa fœ she adœke: “A zi lima œrœ yé œ ndjo lima œrœ kœœsœnœ bale dœ bœ, bœ yisœ œrœ dje lœ ongbo nœ 'a.”

27Kashe tshe kpa pa fœ 'e adœke: “Mœ wuwusœ osho á 'e totoœnœ nene, 'e gitœ 'e indiri mœ ga zœ, e'e para dá sœ lima kœmbœrœ œrœ á sœsœ ndjii nene.”

²⁸«Dœ londɔnœ asœmœ, 'e tetœ iki dœpe kœzi tshelœ da iji 'e, lɔkɔ á 'e kœwu Abrayamo, Izaka, Yakobo œdœ pe aayi kœgbara o'o para á endje sœ ba lœ Ogo gbozu nœ Ndjaba; yé e'e, endje ko 'e va ga shu.

²⁹Azu ndjoro œ to ba tœ osho á ɔlɔ œ wuta tœnœ œdœ ba tœ osho á ɔlɔ œ li tœnœ, ba tœ nœrœ dœ pe ba tœ sudi, yeka á na kœgbɔ osho ba lœ Ogo gbozu nœ Ndjaba.

³⁰«Yé ataa, azu á endje sœ tœ ndɔngɔlɔnœ kpesheke, endje te azu nœ kœsœ utshunœ, yé anga azu á endje sœ lima utshunœ, œ te azu nœ ndɔngɔlɔnœ.»

Yisu ki tœ upu nœ Yerusaleme

(Wu ba tœ Mat 23.37-39)

³¹Kolœ dœ ɔlɔnœ asœmœ, anga azu Farisayi na ga ndœ Yisu, œ pa fœ she adœke: «Gitœ zœ kpœke, œ na ga tœ anga osho, mbœrœ Erode yindœ kœwo bœ.»

³²Yisu kœgi fœ endje adœke: «'E na œ pa fœ uzunœ á tshe sœ bata rawo kœko angato asœmœ adœke, mœ sœ kœgrɔ ekpe ishiri dœ pe kœshe ayi koba kpesheke dœ ba mbatsha, tœ votɔ olonœ dá akwa nœ mœ ka ye.

³³Kashe œ li adœke mœ áalafo ndœ awa ana nœ mœ kpesheke, ba mbatsha œdœ pe bambiya, mbœrœ œ lili adœke ayi kœgbara o'o tshu ba shu nene, kashe ba lœ Yerusaleme.

³⁴«Yerusaleme, Yerusaleme, œbœ á bœ sœ kœwo aayi kœgbara o'o yé á sœ kœve endjeneke á Ndjaba sœ kœvwa endje fœ 'e dœ badja! Awa ndjoro, mœ yi lima ndœ kœngbɔba azu nœ zœ ga tœ œsœnœ bale bata á ayi ngato œ ngbɔba ayancœ dœ ombo ye ga tshakudu ye, kashe 'e yiyi lima ndœ nœ nene.

³⁵Mbœrœ tœnœ ataa, Ndjaba œ gi ala ye pa tshalakpi nœ 'e ye. Mœ sœ kœpa fœ 'e, 'e kpa wu mœ nene œrrr ga tœ lɔkɔ á 'e pa adœke: “Kaka Ndjaba to kane ye ga pa uzu á tshe na dœ i'iri Gbozu!”»

Lukasi 14

Yisu she ayi koba dœ lɔkɔ sabata

¹Dœ anga ɔlɔ sabata bale, Yisu na lima ba sœnda nœ anga gbozu nœ Afarisayi ndœ kœzirœ. Azu á endje sœ lima ba zœ sœ kœtondœ Yisu dœ kœwusœrœ.

²Anga uzu bale á kotœ ye memœrœ dœ koba ungu, ka lima ba utshu ye.

³Yisu kœyu ayi kœyisœ awa akwa dœpe Afarisayi adœke: «Awa akwa nœ ogo nœ azœ sœ kœza awa fœ uzu adœke tshe she ayikoba dœ ɔlɔ sabata a too nene?»

⁴Kashe endje sœ lima kokoko. Yé Yisu kœtepa ayikobancœ asœmœ, œ she she, yé á za awa fœ she.

⁵Manda nœ, Yisu kœpa fœ endje adœke: «Uzu dœ ugurutœ 'e á gbolo yakoshe nœ ye too ngombe nœ ye kœte ga lœ kudu dœ ɔɔ sabata, á tshe jercœ katsha ndœ kœza she nene a?»

⁶Yé endje lili kœgi lima o'o bale ndœ nœ nene.

Kœpara osho neke á sœ ba tœ ndɔngɔɔnœ

⁷Yisu wu lima mara á Afarisayi á tshe e endje, sœ ndœ kœpara ɔtshɔ osho yeka á sœ lima kœsœ ga tœncœ, yé á pa lœ ndœma toro fœ endje para kœkœ adœke:

⁸«œdœ uzu kœ'e bœ ndœ angbo nœ totœ, nana œ sœ ba utshuncœ nene. Mbœrcœ angancœ, endje e ndje uzu á œsœ ye li kœropa zœ.

⁹Yé á kœsœ adœke tshe na manda nœ, á ayi angbonœ pa fœ bœ adœke: “Katœ osho ti fœ she.” Ataa dœ tshula tœ ala zœ kœ, bœ na œ sœ ba tœ ndɔngɔɔnœ.

¹⁰Kashe, endje kœ'e bœ ba tœ œsœ angbo, na œ sœ ba tœ ndɔngɔɔnœ. Yeka á ayi angbonœ kœna, á kœpa fœ bœ adœke: “Yanga mœ, aalafo œ na œ sœ ba utshuncœ.” Ataa dá œsœ zœ œ li tœ ala endjeneke á 'e sœ dœ endje pa ndaba kœzœrœ bale.

¹¹Gbambancœ nene, uzu kœ á tshe zatœ ye dœ tœ ye ga lafo, endje ku she ga atœ, yé tsheneke á tshe zatœ ye ga atœ, endje ti she ga lafo.»

¹²Manda nœ, Yisu kœpa fœ uzu á tshe e she adœke: «œdœ bœ kpa kœsœ dœ angbo, e e anga zœ, aaya zœ, aayo zœ, amashenga nœ zœ á endje dœ aayi kœgbœrcœ nene. Gbambancœ nene, endje e ndje bœ ndœ œncœ endje, yé œ gi œrcœ nœ zœ asœmœ kœ fœ bœ ye.

¹³Kashe œdœ ɔɔ á bœ kœsœ dœ angbo, e aayi oyo, agbakindœ azu, aayi gbada œdœ pe aayibula ndœ nœ.

¹⁴Ataa bœ sœ dœ yanga mbœrcœ endje gugu dœ œrcœ kœgi fœ bœ nene, kolœ Ndjaba dá gi fœ bœ lœkœ á tshe she bala ɔtshɔ azu lœ akuzu.»

Ndœma toro tœ upu nœ egerœ angbo

(Wu ba tœ Mat 22.1-10)

¹⁵Kœdji o'onœ asœmœ ataa, anga uzu bale á tshe sœ lima ugurutœ azu á endje sœ lima pa ndaba kœzœrœ yu Yisu adœke: «Yanga nœ uzu á tshe gbœ osho lœ angbo á Ndjaba œ mbœrcœ bala ba lœ ogo tshagbozu nœ ye.»

¹⁶Yisu kœpa fœ she adœke: «Anga uzu bale yi lima ndœ kœmbœrcœ egerœ angbo nœ ye, yé tshe e azu ndjoro.

¹⁷Ada ɔɔ nœ kœzɪrœ li, tshe vwa ayi akwa nœ ye fœ azu á tshe e má endje adœke: “E na ga mœ, ngɔngɔnœ asœke mœ guma œrœnœ para ye.”

¹⁸Kashe endje para, awa bale, endje tetœ kœyɔndœ nœ adœke tshe wu oyo œne. Ali uzunœ pa adœke: “Mœ totœ kœyɔ kindi bale, yé œ li adœke mœ na kœwu tœnœ, mœ ki fœ bœ adœke bœ wu oyo mœ.”

¹⁹Anga pa œnœ ye adœke: “Mœ totœ kœyɔ angombe ndjokpa, yé mœ yindœ kœna kœwu endje œdœ endje kœsœ dœ gbɔgbɔ kœmbœrœ akwa, mœ ki fœ bœ adœke bœ wu oyo mœ.”

²⁰Anga kpa pa adœke: “Mœ totœ kœto yashe ngɔngɔnœ asœke; mbœrœ tœnœ ataa mœ na nene.”

²¹«Ayi akwanœ gu œ pandœ o'onœ kɔ bata á endje pa ascœmœ fœ gbozu nœ ye. Gbozu anda su dœ ókó yé œ pa fœ ayi akwa nœ ye adœke: “Na katsha ba tœ osho kœka œrœ œdœ ba tœ ala awa lœ ongbo, œ gu dœ ayi oyo, agbakindi azu, aayi gbada œdœ aayibula.”

²²Manda nœ teasho, ayi akwa gu œ pa adœke: “Gbozu, mœ mbœrœ neke á bœ pa bama tœnœ ye, kashe osho œepe.”

²³Gbozu kpa pa fœ ayi akwa nœ ye adœke: “Na dœ awa kindi, œ tovworogbo azu adœke endje li, mbœrœ á anda nœ mœ kœsu dœ azu.

²⁴Gbambanœ nene, mœ pa fœ 'e adœke uzu bale ugurutœ azu á mœ e bamama endje utshunœ ascœmœ, œ gbɔ osho lœ angbo nœ mœ nene.”»

Kœkatœ œrœ kɔ mbœrœ kœna manda Yisu

(Wu ba tœ Mat 10.37-38)

²⁵Ukpulu azu ndjoro sœ lima kœro tœ awanœ dœ Yisu, tshe kœfatœ ye yé á kœyu endje adœke:

²⁶«œdœ uzu kœyindœ kœna manda mœ, á kœsœpe kœyindœ abanœ, ayinœ, awonœ, agbolo nœ ye, aayanœ, ayingɔnœ œdœ pe soro ye dœ tœ ye kœropa mœ, tshe te yambarœ nœ mœ nene.

²⁷Tsheneke á tshe kœzaza kurushi nœ ye yé á te manda mœ nene, tshe te yambarœ nœ mœ nene.

²⁸«Gbambanœ nene, œdœ uzu kœyindœ kœmɔ egerœ anda, tshe mbœrœ kotoo? Utshunœ tshe sœ ga ati, œ mirœ tshelœ ye tœ ama œrœ kɔ á li ndœ kœmɔ dœ andanœ. Manda nœ, tshe wu œdœ ngendja á tshe sœ dœ tœnœ œ li kœka dœ akwanœ.

²⁹Kashe œdœ tshe kœmbœrœ kiti andanœ, á andanœ kœkaka nene, azu kɔ á endje wu, ataa endje tetœ kœmɔ she

³⁰yé œ pa adœeke: “Uzu asœ te lima tœ kœmœ anda, kashe tshe lili kœmbœerœ akwanœ adœeke œ ka nene!”

³¹«Awa bale ndje, œdœe anga gbozugo á tshe sœ dœ aturugu kutu ndjokpa kœyindœ kœnga koshe dœ anga gbozugo á tshe sœ dœ aturugu kutu zazu bale, tshe mbœerœ kotoo? Utshunœ tshe mirœ tshelœ ye, œ tondœ mara á tshe nga dœ koshœne mbœerœ á kœza yanganœ vesho.

³²«Edœe tshe kœwu adœeke œne li kœza she vesho nene, bata á yanganœ sœpe lœ ingirine, tshe vwa azu nœ ye fœ she adœeke œne djitœ œne dœ she.»

³³Yisu kpa pa adœeke: «Awa bale ndje ataa, uzu kœ ugurutœ 'e á tshe kœkakatœ œerœ nœ ye kœ á tshe sœ dœ tœnœ nene, tshe li kœdœe yambarœ nœ mœ nene.»

Ingbirî neke á nganga nene

(Wu ba tœ Mat 5.13; Mar 9.50)

³⁴«Ingbirî kœdœe otshœrœ. Kashe œdœe œ kœnganga nene, endje gi otshœnœ ga lœnœ kotoo?

³⁵Endje li kœdjanga tshelœnœ dœ otshœ too kœko bata oforo á endje lu dœ dœngœ ba lœ kindi nene, kashe endje za va e ga shu ye. Kaka uzu á tshe kœsœ dœ utu nœ kœdji dœ o'o, tshe dji.»

Lukasi 15

Ndœema toro tœ upu nœ pata á tshe yiwa

(Wu ba tœ Mat 18.12-14)

¹Aayi kœko ngendja lapo dœ pe aayi ngbirîrœ na ga indiri Yisu ndœ kœdji she.

²Afarisayi dœ pe aayi kœyisœ awa akwa tetœ kœle lœ ma endje adœeke: «Uzu asœ sœ kœyindœ aayi ngbirîrœ, yé œ sœ kœzi œerœ tœ œsœnœ dœ endje!»

³Yé Yisu pa lœ ndœema toro fœ endje adœeke:

⁴«Edœe anga uzu bale ugurutœ 'e kœsœ dœ apata nœ ye kama bale (100) yé anga bale kœyiwa, tshe katœ udu endje zazu vana dœ ndjokpa dœ mindu dœ amanœ vana (99) ti lœ gusu yé œ na kœpara tsheneke asœmœ œerr œ gbœ she yekane nene a?

⁵Yé lœkœ á tshe kœgbœ she, tshe za she dœ yanga ga pa igi ye,

⁶yé œ gu dœ she ga ndœ ye. Manda nœ, tshe e anganœ dœ amashenga nœ ye ndœ kœpandœma nœ fœ endje adœeke: “E na ga mœ a kurutshelœ yanganœ asœ dœ 'e, mbœerœ mœ gbœ pata nœ mœ á tshe yiwa kpœeke ye!”

⁷Mœ sœ kœpandœ nœ fœ 'e adœeke, yanga ba lafo œ sœ bala atamœ, mbœerœ anga ayi ngbirîrœ bale á tshe kœfatshalœsu ye. Yanganœ œ ropa yanga

mbœrœ ɔtshɔ azu zazu vana dœ ndjokpa dœ mindu dœ amance vana (99) á endje sœ ndjii yé á gbegbe ndœ kœfatshalɔsu endje nene.»

Ndœma toro tœ upu nœ ngendja á yiwa

⁸«œdœ ndje anga yashe bale kœsœ dœ langere ngendja nœ ye ndjokpa yé á anganœ bale yiwa, tshe ta owo, tshe ngbɔ osho yé œ para œrrr yé œ gbɔ yekane nene a?

⁹Yé lɔkɔ á tshe kœgbɔ, tshe e anganœ dœ pe amashenga nœ ye ndœ kœpandœ nœ fœ endje adœke: “E na ga mœ a kurutshelœ yanganœ asœke dœ 'e, langere ngendja nœ mœ á yiwa kpœke, mœ gbɔ ye!”

¹⁰Mœ sœ kœpa fœ 'e adœke, aandjelu nœ Ndjaba œ sœ dœ yanga ataa, mbœrœ anga ayi ngbindirœ bale á tshe kœfatshalɔsu ye.»

Ndœma toro tœ upu nœ gbolo yakoshe á tshe yiwa

¹¹Yisu kpa pa adœke: «Anga yakoshe bale sœ lima dœ agbolo yakoshe nœ ye bisha.

¹²Inginœ pa fœ abanœ adœke: “Aba, kurutshelœ œrœ á bœ sœ dœ tœnœ, œ ko œsœ œnœ mœ fœ mœ.” Yé, abanœ kurutshelœ œrœnœ tœ endje bisha dœ ayance.

¹³Manda olo teasho, ingi gbolo yakoshenœ ko œnœ ye œrœnœ yɔ œrœ para, yé œ ro ga lœ anga ogo zara. Ba zœ, tshe li ga lœ djingili, yé œ ndi ngendja nœ ye para.

¹⁴«Manda kindi ngendja nœ ye para kɔkɔ, egerœ ogo li ga lœ ogonœ asœmœ, yé tshe li ga lœ oyo.

¹⁵Tshe na œ li akwa ba ndœ anga uzu ogonœ asœmœ, uzunœ vwa she ga lœ kindi nœ ye mbœrœ kœgbɔndœ akɔso.

¹⁶Tshe sœ lima dœ ogo kœzi leyɔ á akɔsonœ sœ kœzi tœnœ, kashe uzu bale toto fœ she nene.

¹⁷Tshe tetœ kœgbœ tshelœ ye, yé œ pa adœke: “Aayi akwa nœ aba mœ para sœ kœzi œrœ bata á endje yindœ nœ, kashe ba ke, mœ sœ kœtshu dœ ogo!”

¹⁸Mœ gu ga ndœ aba mœ, yé œ pa fœ she adœke: Aba, mœ mbœrœ lima ekperœ fœ Ndjaba œdœ pe fœ bœ.

¹⁹Mœ kpa lili ndœ kœsœ tœ gbolo yakoshe nœ zœ nene, kashe fa mœ tœ anga ayi akwa nœ zœ.”

²⁰Yé tshe tetœ awa ndœ kœgu ga ndœ abanœ. Abanœ wu she lima lœ uguncœ, yé oyo ye ka she, á tshe kœkpa dœ ɔrɔ para tshatshu ye œ kœtepa ye dœ kœuru tshelœ utu ye.

²¹Gbolo yakoshe kœpa fœ she adœke: “Aba, mœ mbœrœ ekperœ fœ Ndjaba œdœ pe fœ bœ, mœ kpa lili adœke bœ e mœ gbolo yakoshe nœ zœ nene.”

²²Kashe abanœ pa fœ ayi akwa nœ ye adœke: “E na dœ ɔtshɔ læba ga mœ katsha œ verœ ga tœ ye, œ yi bingi ga tœ yɔkœne ye œ verœ œrada ga tœ ada ye.

²³E na dœ za ɔtshɔ ovoro ngombe á tshe sœ dœ ojoro, œ wo she. A mbœrœ angbo œ zi she.

²⁴Gbambanœ nene, gbolo yakoshe nœ mœ á e wu she asœke, tshu lima yé á kpa kwatœ ye dœ soro asœ, tshe yiwa lima yé á mœ gbɔ she asœ.” Yé endje tetœ kœmbœrœ angbo.

²⁵«Dœ lɔndœnœ asœmœ, eya gbolo yakoshe nœ ye sœ lima ba læ kindi. Lɔkɔ á tshe to lima ba læ kindi kœgu she, ndoo dœ anda atake, tshe dji œsœ itshi dœ pe ipi.

²⁶Tshe kœ'e anga ayi akwa, yé á kœyu she tœ œrœ á sœ kœmbœrœtœ endje ba sœnda.

²⁷Ayi akwanœ kœgi fœ she adœke: “Aya zœ dá gu, yeka á aba zœ wo ɔtshɔ ovoro ngombe á tshe sœ dœ ojoro mbœrœ á tshe wu she kœgu tœnœ dœ ɔtshɔ ɔko ye.”

²⁸«Eyanœ dji ataa, œ so ókó, yé œ vwaratœ ye kœli anda ye. Abanœ wuta ndœ kœu she.

²⁹Kashe tshe gi fœ abanœ adœke: “Aba, mœ mbœrœ akwa b̄ata kanga fœ bœ manda ungu ndjoro, mœ vwavwaratœ mœ tœ anga awa o'o nœ zœ bale nene, kashe ɔlɔ bale á bœ za anga ngombe nœ zœ fœ mœ adœke mœ mbœrœ angbo dœ she dœ anga mœ gugu nene.

³⁰Kashe lɔkɔ á gbolo yakoshe nœ zœ asœ gu, œshe á tshe ndi œrœ nœ zœ ndœ agugati, bœ wo ɔtshɔ ovoro ngombe á tshe sœ dœ ojoro mbœrœ she!”

³¹Yé abanœ kœpa fœ she adœke: “Gbolo nœ mœ, œbœ, bœ sœ œnœ zœ dœ mœ waa kpœke. Œrœ nœ mœ para kœdœ œnœ zœ.

³²Kashe, œ li adœke a mbœrœ angbo œ sœ dœ yanga, mbœrœ aya zœ asœke tshu lima yé á kwatœ ye dœ soro asœke. Tshe yiwa lima yé á mœ gbɔ she asœke.”»

Lukasi 16

Ndœma toro tœ upu nœ ekpe kapeta

- ¹Manda nœ, Yisu pa fœ ayambarœ nœ ye adœke: «Anga ayi ngendja sœ lima dœ kapeta nœ ye, yé anga azu na œ pandœ nœ fœ she adœke kapetanœ sœ kœndi œrœ nœ ye.
- ²Tshe kœ'e kapeta œ pa fœ she adœke: “O'o gadé dá mœ dji dœ i'iri zœ ata a? Ma mara á bœ mbœrœ akwa dœ ngendja fœ mœ dœ mœ wu, mbœrœ ngongo asœ bœ kpa dœdœ kapeta nœ œrœ nœ mœ nene.”
- ³«Kapeta kœtetœ kœpu lœ ma ye adœke: “Gbozu nœ mœ yindœ kœza akwa tshakane mœ. Mœ mbœrœ kotoo? Mœ gugu dœ gbɔgbɔ ndœ kœdjo kindi nene. Mœ sœ dœ tshula kœyœndœ œrœ.
- ⁴Mœ wusœ œrœ á mœ mbœrœ ye! Mœ tetœ kœyindœ azu á endje kœyindœ mœ kœna ga ndœ endje ɔɔ á akwa kapeta nœ mœ kœka.”
- ⁵Tshe e uzu dœ uzu á tshe sœ lima dœ kudá nœ gbozu nœ ye, yé œ yu tsheneke á tshe na utshunœ adœke: “Kudá nœ gbozu sœ lima lœ kumu zœ kotoo?”
- ⁶Uzunœ kœgi fœ she adœke: “Ngbongolo kada kama bale (100).” Kapeta kœpa fœ she adœke: “Za mbeti kudá nœ zœ, sœ ga ati œ su adœke: Ngbongolo kada zazu bisha dœ ndjokpa.”
- ⁷Tshe kpa yu anga adœke: “Bœ sœ dœ kudánœ kotoo?” Uzunœ gi fœ she adœke: “Sake nœ indji ble kama bale (100).” Kapeta kœpa fœ she adœke: “Za mbeti kudá nœ zœ, yé œ su adœke: Zazu vana.”
- ⁸Gbozu donga ekpe kapetanœ mbœrœ á tshe mbœrœ akwa nœ ye dœ kœwusœrœ, yé œ pa adœke: “Azu á endje sœ kœgbe dœ kœgbɔ œrœ nœ tshapashɔ asœke sœ hara hara lœ kœmbœrœ ayo ugurutœ endje dœ anga endje kœropa endjeneke á endje dœ azu nœ ingbisho.”»
- ⁹Yisu kpa pa adœke: «'E mbœrœ ayo dœ azu lœ awa nœ kœgbœrœ nœ tshapashœnœ asœke á sœ kœfara osho mbœrœ á 'e kœgugu dœ tœnœ nene, yeka á Ndjaba kœza osho kœsœ nœ waa dœ waa fœ 'e.
- ¹⁰«Uzu á tshe kœzatœ ye ndjii lœ aya akwa, tshe za ndje tœ ye ndjii lœ egerœ akwa. Yé tsheneke á tshe dœ ayi wala lœ aya akwa, tshe dœ ndje ayi wala lœ egerœ akwa.
- ¹¹œdœ 'e kœsœsœ kœzatœ 'e ndjii lœ mara kœmbœrœ akwa dœ ngendja á dœ œrœ afara nene, œdœ dá to adja ɔtshœrœ fœ 'e a?
- ¹²Yé œdœ 'e kœmbœmbœrœtœ 'e ndjii lœ kœza œrœ nœ anga azu ga tœ akwa nene, œdœ dá to œrœ neke á sœ mbœrœ 'e fœ 'e a?
- ¹³«Ayi akwa bale lili kœmbœrœ akwa fœ agbozu bisha nene. Gbambanœ nene, œdœ tshe kœsœ kœyindœ anga bale, tshe yiangba anga; too œdœ tshe kœzatœ

ye ga ndœ tsheneke utshunœ, tshe vwaratœ ye tœ anga. 'E lili adœke 'e mbœrœ akwa fœ Ndjaba dœ kœdœ akanga nœ ngendja nene.»

Awa akwa œdœ ogo Gbozu nœ Ndjaba

(Wu ba tœ Mat 11.12-13; 5.31-32; Mar 10.11-12)

14Afarisayi á endje yindœ ngendja waa, dji lima o'onœ ataa yé œ tetœ kœmo Yisu.

15Yisu kœpa fœ endje adœke: «E'e, 'e sœ kœmatœ 'e bata azu á endje sœ ndjii tœ ala azu, kashe Ndjaba wu lœsu 'e ye. Gbambanœ nene, œneke á azu sœ kœza dœ ádá waa, Ndjaba wu tœ ekpenœ.

16«œndœ buku nœ awa akwa nœ Moyize œdœ buku á aayi kœgbara o'o su lima, di œrrr ga tœ kœna Yowane ayi kœza batisimu. Dœ lœndœnœ asœmœ, endje sœ lima kœyisœ Ōtshœ O'o nœ Ogo gbozu nœ Ndjaba, yé uzu dœ uzu sœ kœpa lima avwara ndœ kœli ga zœ.

17Andaa tshalafo dœ tshapashœ œ yiwa ye, kashe endje wa œrœ bale lœ awa akwa nene, œdœ ndje tshakanea a'eara uwu mbeti nene.

18«Yakoshe kœ á tshe katœ awonœ ti yé á to ata anga, tshe mbœrœ angba budu. Tsheneke á tshe to yashe á akœnœ katœ ye ti, tshe sœ kœmbœrœ ndje angba budu.»

Ndœma toro tœ upu nœ ayi kœgbœrœ œdœ Lazaro

19«Anga uzu bale kœdœ lima ayi kœgbœrœ, tshe verœ kolœ ōtshœ lœba nœ ngendja. Ōlœ dœ ōlœ tshe sœ lima kœzi ōtshœrœ bata uzu sœ dœ angbo.

20Anga ayi oyo á i'iri ye kœdœ Lazaro, sœ lima kœlo ba pa manda anda nœ ye; tshe sœ lima dœ uku gbajja tœ kotœ ye.

21Tshe sœ lima kœyindœ kœzi kutiri kœziœ á sœ kœyo ba tshakudu ndaba kœziœ nœ ayi kœgbœrœ sœmœ kashe tshe lili lima nene. Yé ayavoro sœ ndje lima kœna kœla tshala uku gbajja nœ ye.

22«Ayi oyo tshu, yé aandjelu to she na tœnœ ndoo dœ Abrayamo. Ayi kœgbœ œrœ tshu ndje, yé endje shi she.

23Ayi kœgbœ œrœ sœ lima kœwu oyo waa ba lœ ogo nœ akuzu. Tshe mesho ga lafo atake, œ wu Lazaro á tshe sœ ndoo dœ Abrayamo.

24Tshe kœve rawa adœke: “Aba mœ dœ Abrayamo, wu oyo mœ dœ œ vwa Lazaro tshe yi yœkœne ye ga la ngu dœ œ sa ga pa tima mœ kane, mbœrœ mœ sœ kœwu oyo ba la wo ba ke waa.”

25Kashe Abrayamo pa fœ she adœke: “Gbolo nœ mœ, wusœ nœ adœke bœ gbo lima œrœ tshapashœ lœ soro zœ ndjoro, kashe Lazaro sœ lima dœ oyo kœrosœ nœ. Ngœngœ asœke, oyo nœ ye ka ye, andaa œbœ, bœ sœ kœwu oyo.

²⁶Ga pa nœ, egerœ kudu wa mapaka ugurutœ zœ dœ a'a ye. Uzu œ to ba ke œ na ga ndœ 'e ba zœ nene, uzu œ to ndje ba ndœ 'e ba zœ œ na ndje ga ndœ 'a nene.”

²⁷«Ayi kœgbœrœ kœpa adœke: “Mœ sœ kœdi tshelœma mœ fœ bœ, aba, vwa Lazaro ba scœnda nœ aba mœ,

²⁸mbœrœ mœ katœ aaya mœ minu ba zœ. Tshe mindœ nœ fœ endje mbœrœ adœke endje kœnana ba tœ osho á mœ wu oyo tœncœ ba ke asœ nene.”

²⁹Abayamo kœpa fœ she adœke: “Aaya zœ wusœ buku nœ awa akwa nœ Moyize dœ pe kœmi upu nœ aayi kœgbara o'o, yé endje dji œ za ga tœ akwa.”

³⁰Ayi kœgbœrœncœ kpa pa adœke: “œ scœsœ ataa nene Abayamo aba mœ, œdœ uzu kœtshu lima, yé á wuta á na ga ndœ endje, endje fatshalœsu endje ye.”

³¹Kashe Abayamo kpa kœgi fœ she adœke: “œdœ endje kœdjidji Moyize dœ pe aayi kœgbara o'o nene, œdœ ndje uzu á tshe kœtshu, á she, á na ga ndœ endje, endje yi ndje ndœ o'o ye nene.”»

Lukasi 17

Kœmi upu nœ Yisu

(Wu ba tœ Mat 18.6-7; Mar 9.42)

¹Yisu pa fœ ayambarœ nœ ye adœke: «œrœ á sœ kœyi azu ndœ kœmbœrœ ekperœ sœ zœ. Kashe oyo nœ tsheneke á tshe yi angancœ ga lœ ekperœ!

²œ li dœ she adœke endje du egerœ badja ga tœ igi ye œ vwi she ga la egerœ ungu. œ sœ dœ œtshœncœ mbœrœ she ata tœ œscœncœ adœke tshe yi anga gbolo bale lœ agbolo asœ ga lœ ekperœ.

³'E sœ dœ gbœdjela! «œdœ aya zœ kœmbœrœ ekperœ fœ bœ, gbagbara she. Yé œdœ tshe kœgbœtshelœ ye ndœncœ á fatshalœsu ye, wu oyo ye.

⁴œdœ tshe kœmbœrœ ekperœ fœ bœ awa minu dœ bisha (7) lœ œlœ bale, yé á na ndje ga ndœ zœ awa minu dœ bisha (7) kœpa fœ bœ adœke: “œneke á mœ mbœrœ sœ tœ ekpencœ”, wu kolœ oyo ye.»

Kœyindœrœ

(Wu ba tœ Mat 17.20)

⁵Aayi avwa kœpa fœ Gbozu adœke: «Mbœrœ adœke kœyindœrœ nœ 'a gerœ.»

⁶Gbozu kœgi adœke: «œdœ adja 'e kœsœ má dœ kœyindœrœ dœ egerœncœ bœta ele œy á i'irinœ kœdœ mutarde, 'e pa má fœ œy asœ adœke: “Gitœ zœ kpœke œ na œ tœ ba la kota ba e”, yé œ mbœrœtœ ye liaka o'o 'e ye.»

œrœ á li adœke ayi akwa mbœrœ

⁷«Uzu dɛ ugurutɔ 'e á tshe kɔsɔ dɔe ayi akwa nɔe ye á tshe djo kindi too á tshe gbɔndɔe ayarɔe, yé á ayi akwanɔe to ba lɔe kindi á gu, á tshe pa fɔe she kpuru adɔeke: “Na katsha ɔe zi ɔerɔe a?”

⁸Ɛ̃ ɔ̃ nene, tshe pa fɔe she adɔeke: “Fa kɔezirɔe fɔe mɔe, yapa lɔeba zɔe yeka á kɔeko kɔezirɔe ga pa ndaba fɔe mɔe. Mɔe kɔezi ɔerɔe á kɔendjo ɔerɔe yeka á bɔe kɔezi á kɔendjo ndje ɔenɔe zɔe manda nɔe.”

⁹Gbozu lili kɔegi ɔtshɔrɔe fɔe ayi akwanɔe mbɔerɔe ɔerɔe neke á tshe pa tɔenɔe fɔe she, yé á tshe mbɔerɔe liakanɔe nene a?

¹⁰Ɛ̃ sɔe ndje awa bale mbɔerɔe 'e, ɔedɔe 'e kɔembɔerɔe neke kɔ á endje pa tɔenɔe fɔe 'e, 'e pa adɔeke: “A'a kɔedɔe ayi akwa gbambanɔe, 'a mbɔerɔe kolɔe akwa neke á li adɔeke 'a mbɔerɔe.”»

Yisu she aayi boroma ndjokpa

¹¹Bata á Yisu sɔe lima kɔero ga lɔe Yerusaleme, tshe ro tɔ lɔe ogo Samariya ɔedɔe Galilayi.

¹²Ɔlɔ á tshe li lima ga lakpi anga ongbo bale, aayi boroma ndjokpa na ndɔe kɔetogba dɔe she. Endje ka lima zara,

¹³yé ɔe tetɔe kɔ'e she dɔe ɔgbɔ adɔeke: «Yisu, ayi kɔeyisɔerɔe, wu oyo 'a kane.»

¹⁴Yisu wu endje ɔe pa fɔe endje adɔeke: «'E na ɔe matɔe 'e fɔe anganga Ndjaba.» Andaa kɔena ga zɔe, tɔe ala awa, endje she ye.

¹⁵Anga bale ugurutɔe endje, kɔewu adɔeke ɔene she ye, á kwatɔe ye dɔe kɔedonga Ndjaba dɔe agbɔ tshama ye.

¹⁶Tshe gote ga tɔe ada Yisu, ɔe tara kumu ye ga atɔi yé ɔe za mershe fɔe she. Kashe uzunɔe asɔemɔe lima kɔedɔe uzu Samariya.

¹⁷Yé Yisu kɔepa adɔeke: «Ataa ɔe dɔédɔé endje ndjokpa kɔkɔ dá she nene a? Anga endje mindu dɔe vana, sɔe ɔenɔe endje kpɔeta a?

¹⁸Anga uzu ugurutɔe endje gbege ndɔe kɔekwa kɔedonga Ndjaba nene, kashe kolɔe genenɔe asɔeke!»

¹⁹Yé Yisu kɔepa fɔe she adɔeke: «Alafo, ɔe gu zɔe. Kɔeyindɔerɔe nɔe zɔe she bɔe ye.»

Akwa tshagbozu nɔe Ndjaba

(Wu ba tɔe Mat 24.23-28,37-41)

²⁰Afarisayi kɔeyu she adɔeke: «Ɔlɔ gadɔe dá akwa tshagbozu nɔe Ndjaba ɔe na a?» Yisu kɔegi fɔe endje adɔeke: «Akwa tshagbozu nɔe Ndjaba ɔe na dɔe mara adɔeke uzu wu nene.

²¹«Endje pandɔe nɔe adɔeke: “Wu, tɔenɔe dá sɔe asɔe, too ɔetɔenɔe dá sɔe ba e” nene. Gbambanɔe nene, akwa tshagbozu nɔe Ndjaba sɔe ugurutɔe 'e zɔe.»

²²Yé Yisu kœpa fœ ayambarœ nœ ye adœke: «Osho sœ kœendo tœnœ zœ, osho á 'e sœ dœ ogo nœ kœwu amba anga olo bale ugurutœ olo nœ Gbolo nœ uzu, kashe 'e wu nene.

²³Endje tetœ kœpa fœ 'e adœke: “Tshe sœ ba 'e”, too “tshe sœ ba ke.” Kashe, 'e nana ga zœ nene, 'e kpakpa ndje ɔɔ ga zœ nene.

²⁴Gbambanœ nene, ɔɔ á Gbolo nœ uzu œ na, œ sœ bata Yavuru á yerœwa ba lafo, yé á ishirinœ œ za osho djigi.

²⁵Kashe utshunœ, œ li adœke tshe wu oyo waa, yé azu nœ ngɔngɔnœ asœke vwaratœ endje tœ ye yekane.

²⁶«Lɔndɔ á olo kœna Gbolo nœ uzu kœli, œrœ œ mbœrœtœ endje bata œnœ lɔkɔ nœ Nowa lima.

²⁷Azu sœ lima kœzi œrœ dœ kœndjo œrœ, endje sœ lima kœtotœ endje dœ kœko ayawuru nœ endje ndœ totœ œrrr ga tœ olo á Nowa li lima ga lœ egerœ agba, yeka á yavuru ni lima, á ungu su lima pa ɔshɔ kpɔlirɔ, yé á wo endje lima para.

²⁸œ sœ ndje bata œnœ lɔkɔ nœ Lota lima: Azu sœ lima kœzi œrœ dœ kœndjo œrœ, endje sœ kœyɔ œrœ dœ kœka œrœ, endje sœ lima kœlu œrœ ga lœ kindi dœ kœmɔ anda.

²⁹Kashe olo kœwuta lima Lota lœ Sodomo, Ndjaba vwa owo bata yavuru, œ to ba lafo kœyo ga atɪ dœ pe jiwonœ á di yeee, yeka á wo lima azu para kɔkɔ.

³⁰œ mbœrœ bala tœ endje ataa lɔkɔ á Gbolo nœ uzu œ ma bala tœ ye.

³¹«Dœ olonœ asœmœ, uzu á tshe kœsœ ba pa kumu anda á œrœ nœ ye sœ ba sœnda, tshe kpa gerœ ga atɪ kœza tœnœ nene; œ sœ ndje ataa fœ uzu á tshe kœsœ ba lœ kindi, tshe kpa kwatœ ye ga mangba ye nene.

³²'E gbetshelœ 'e tœ upu nœ awo Lota kane.

³³Uzu neke á tshe para awa ndœ kœgbɔndœ soro ye, tshe tshu; kashe tsheneke á tshe gbɔndœ nœ nene dá she.

³⁴Mœ sœ kœpandœ nœ fœ 'e, lœ butshɔnœ asœmœ, ayakoshe bisha œ lopa gbarœ bale: Endje za anga bale, yé anga œ sœpe.

³⁵Ayashe bisha œ sœ kœtɔ œrœ tœ œsœnœ bale: Endje za anga bale, yé anga œ sœpe.

[³⁶Ayakoshe bisha œ sœ kœmbœrœ akwa ba lœ kindi, endje za anga bale yé anga œ sœpe.]»

³⁷Ayambarœ nœ Yisu yu she adœke: «Œroenœ atamœ œ mbœerœtœ endje kpœta Gbozu?» Yé tshe kœgi fœ endje adœke: «Osho á oko uzu œ sœ tœnœ, dá adivumbala, œ na kœngbœtœ endje ba zœ.»

Lukasi 18

Ndœma toro tœ upu nœ yashe koya œdœ ayi kœwangbanga

¹Yisu pa ndœma toro asœke mbœerœ kœma fœ endje adœke endje shi gbï lœ kœza avwala, endje gbœgbœ dœkœngœ nene.

²Tshe pa fœ endje adœke: «Anga ayi kœwa ngbanga á tshe kpakpa awa Ndjaba nene yé á lili ndje œsœ uzu bale nene, sœ lima ba lœ anga ongbo bale.

³Yé anga yashe koya sœ lima kœna ga ndœ ye œlœ dœ œlœ kœpa fœ she adœke: “Wa ngbanga ugurutœ mœ dœ ayingba mœ asœke kane.”

⁴Katshatsha ayi kœwangbangancœ sœ ba lima kœvwaratœ ye, yé tshe sœ kœpa dœ tœ ye adœke: “Ataa mœ kœkpakpa awa Ndjaba nene yé á kœlilisœ azu nene,

⁵kashe bœta á yashe koya asœ sœ kœndanga mœ, mœ wa œtshœ ngbanga fœ she mbœerœ á tshe kpa kœkwakwatœ ye ndœ kœetshanga kumu mœ nene.”»

⁶Yé Gbozu kpa kœpa ga pa nœ adœke: «'E dji o'o á ayi kœwangbanga á tshe sœsœ ndjii nene, sœ kœpa tœnœ dœ œtshœnœ kane!

⁷Yé dœ mara ataa, Ndjaba œ wa œtshœ ngbanga ga tœ azu á tshe ke endje á endje sœ kœki ga tœ ye butshœ dœ œlœ nene a? Tshe gbeletœ ye ndœ kœeti kane endje ga lafo ye a?

⁸Mœ sœ kœpa fœ 'e ngbï adœke: Tshe wa œtshœ ngbanga fœ endje katsha ye. Kashe lœkœ á Gbolo nœ uzu œ kwa bala, tshe gbœ azu á endje sœ dœ kœeyindœrœ ga ndœ Ndjaba pa œshœ zœ a?»

Ndœma toro tœ upu nœ Farisayi dœ ayi kœko ngendja lapo

⁹Tshe kpa pa ndœma toro asœke fœ anga azu á endje sœ kœgbe adœke œne sœ ndjii tœ ala Ndjaba, yé á sœ kœgu œsœ anga endje adœke:

¹⁰«Anga azu bisha na lima ga lœ Tepelo ndœ kœza avwala; anga bale kœdœ Farisayi yé anga kœdœ ayi kœko ngendja lapo.

¹¹Farisayinœ ka ga lafo, œ sœ lima kœza avwala tœ upu nœ ye dœ tœ ye adœke: “Uu Ndjaba, mœ sœ kœdonga bœ mbœerœ mœ sœsœ bœta anga azu nene, endje kœdœ aayi angba, aayi djingili, aayi angba budu, mœ sœsœ ndje bœta ayi kœko ngendja laponœ á tshe sœ ba e asœ nene.

¹²Mœ sœ kœeyotshelœma mœ olo bisha lœ pœsœ bale, yé œ sœ kœeto œrœ bale lœ ndjokpa lœ œrœ nœ mœ kœ á mœ sœ kœgbo tœnœ fœ bœ.”

¹³Ayi kœko ngendja lapo sœ œncœ ye zara; tshe yiyi lima ndœ kœmesho ga lafo nene, kashe tshe sœ kœda okoro ye yé œ sœ lima kœpa adœke: “Uu Ndjaba, wu oyo mœ dœ ekpe uzu á mœ sœ asœke.”

¹⁴«Yisu kœpa fœ endje adœke: “Mœ sœ kœm̄ndœ nœ fœ 'e, ayi kœko ngendja lapo wuta lima ndjii tœ ala Ndjaba lœkœ á tshe gu ga ndœ ye, kashe œ dœdœ Farisayincœ nene. Gbambancœ nene, uzu kœ á tshe t̄tœ ye dœ tœ ye ga lafo, Ndjaba œ ku she ga at̄i, kashe tsheneke á tshe zatœ ye ga at̄i, Ndjaba œ t̄i she ga lafo.”»

Yisu to kane ye ga pa aaya agbolo

(Wu ba tœ Mat 19.13-15; Mar 10.13-16)

¹⁵Azu sœ lima kœna ndje dœ aaya agbolo fœ Yisu mbœrcœ adœke tshe to kane ye ga pa endje. Kœwu ataa, ayambarœ sœ lima kœgeta endje.

¹⁶Kashe Yisu e agbolo ga ndœ ye, yé á kœpa adœke: «'E katœ agbolo dœ endje na ga ndœ mœ! 'E kœkœ endje nene, mbœrcœ ogo Gbozu Ndjaba sœ mbœrcœ azu á endje sœ bata endje.

¹⁷Mœ sœ kœpa dœ adjapu fœ 'e adœke: Uzu neke á tshe yiyindœ ogo Gbozu Ndjaba bata gbolo nene, tshe li bala ga zœ nene.»

Ayi kœgbœrcœ

(Wu ba tœ Mat 19.16-30; Mar 10.17-31)

¹⁸Anga gbozu tshapa ayuda bale yu Yisu adœke: «Ōtshœ ayi kœyisœrcœ, œrcœ gadœ dá mœ kœmbœrcœ á kœgbœ soro á ka nene a?»

¹⁹Yisu kœpa fœ she adœke: «Mbœrcœ gadœ á bœ e mœ ōtshœ uzu a? Uzu bale sœsœ dœ ōtshœncœ nene, kolœ Ndjaba kut̄i ye.

²⁰Bœ wusœ awa o'o ye: “Mbœmbœrcœ angba budu nene, wowo uzu nene, z̄izi angba nene, papa wala ga pa uzu nene, lisœ aba zœ dœ pe ayi zœ.”»

²¹Gbozu tshapa ayudancœ ascœmœ kœgi adœke: «Mœ sœ kœmbœrcœtœ mœ ba lima liakancœ pe lœ gbolo mœ.»

²²Yisu kœdji ataa yé á kœpa fœ she adœke: «Œ sœpe œrcœ bale á bœ mbœmbœrcœ nene: Œrcœ kœ á bœ sœ dœ tœncœ, ka œ kurutshelœ ngendjancœ tœ aayi oyo. Ataa, bœ gbœ bala kœgbœrcœ ba lafo. Manda nœ, na ga mœ yé œ te manda mœ.»

²³Lœkœ á tshe dji o'onœ ascœmœ ataa, oyo za she waa, mbœrcœ œshe kœdœ lima ayi kœgbœrcœ.

²⁴Yisu wu adœke tshe sœ lima dœ oyo, œ pa adœke: «Tœ adœke aayi kœgbœrcœ li ga lœ Ogo gbozu nœ Ndjaba, œ sœ tœ œgbœncœ.

²⁵Gbambanœ nene, agea á i'iri ye kœdœ Shamo li kœli tœ lœ ogoro ìmbìli dœ ɔtshɔnœ, kashe œ kpa gbɔ kœrosœ nœ adœke ayi kœgbɔrœ li ga lœ Ogo gbozu nœ Ndjaba.»

²⁶Azu á endje sœ lima kœdji o'onœ ascœmœ yu adœke: «Atamœ, œde dá li kœshe tœnce a?»

²⁷Yisu kœgi adœke: «œrœ á azu lili ndœ kœmbœrœ tœnce nene, Ndjaba œ mbœrœ ye.»

²⁸Yé Petro pa adœke: «Dji 'a kane. 'A katœ œrœ nœ 'a yé œ te manda zœ.»

²⁹Yisu kœgi fœ endje adœke: «Mœ sœ kœpa dœ adjapu fœ 'e adœke, uzu kɔ á tshe katœ anda nœ ye, awonœ, ayingɔnœ, abanœ dœ aayanœ too agbolo nœ ye mbœrœ kœzatœ ye ndœ Ogo gbozu nœ Ndjaba,

³⁰tshe gbɔ œrœ kœropanœ dœ osho asœke. Yé dœ osho á na manda nœ, tshe gbɔ ndje soro á ka nene.»

Yisu kpa pandœ kuzu ye œdœ kœshe nœ ye lœ akuzu

(Wu ba tœ Mat 20.17-19; Mar 10.32-34)

³¹Yisu ko ayambarœ nœ ye ndjokpa dœ bisha, œ pa fœ endje adœke: «'E dji kane, a sœ kœro ga lœ Yerusaleme, yé ba zœ dá o'o para á aayi kœgbara o'o su lima tœ upu nœ Gbolo nœ uzu œ mbœrœtœ endje.

³²Endje za she ga tshakane azu á endje wuwusœ Ndjaba nene. Endje mɔ she, endje gu she dœ pe kœtu ngusha ga tœ ye;

³³manda kœsɔ she dœ ndjapa, endje wo she. Yé manda olo votɔ, tshe she lœ akuzu.»

³⁴Kashe, ayambarœ wuwu lima sœ œrœ bale lœ nœ nene. Ádá o'onœ za lima tœ endje yiwatœ nœ tœ endje ye. Endje djidji lima tshelœ kata o'onœ á Yisu yi lima ndœ kœpa tœnce nene.

Yisu she ayibula ba lœ Yeriko

(Wu ba tœ Mat 20.29-34; Mar 10.46-52)

³⁵Lɔkɔ á Yisu wuta lima ndoo dœ Yeriko, anga ayibula sœ lima ga atɪ ga tœ ama awa, á sœ kœyɔndœ œrœ.

³⁶Kœdji œsœ azu ndjoro kœro tœ awa, tshe yu lima osho adœke: «œrœ gadœ dá sœ kœmbœrœtœ endje ascœmœ a?»

³⁷Endje pandœ nœ fœ she adœke: «Yisu, uzu Nazarete dá ro ascœmœ.»

³⁸Tshe kœta rawa adœke: «Yisu Gbolo nœ Davidi, wu oyo mœ kane!»

³⁹Azu á endje sœ lima kœna utshunœ, te lima tœ kœgbagbara she adœke tshe sœ koko. Kashe, tshe kpa ta rawa dœ ɔgbɔ adœke: «Gbolo nœ Davidi, wu oyo mœ kane!»

⁴⁰Yisu ka, yé œ pa adœke endje na dœ she fœ œne. Lɔndɔ á ayibula sœmœ wuta ndoo, Yisu yu she adœke:

⁴¹«Œrœ gadœ dá bœ yindœ nœ adœke mœ mbœrœ fœ bœ a?» Tshe kœgi adœke: «Gbozu, mœ yindœ kpa kœwu osho.»

⁴²Yisu kœpa fœ she adœke: «Wu osho. Kœyindœrœ nœ zœ she bœ ye.»

⁴³Petœ œsœnœ tshe wu osho, yé œ te lima kœna manda Yisu dœ kœdonga Ndjaba. Kœwu tœnœ ataa, azu kɔ tetœ kœdonga Ndjaba.

Lukasi 19

Yisu œdœ pe Zakayo

¹Manda kœli Yisu ga lœ Yeriko, tshe ro lima tɔ lœ ongbonœ.

²Anga uzu á i'iri ye kœdœ Zakayo, sœ lima ba zœ; œshe kœdœ gbozu tshapa aayi kœko ngendja lapo, yé œshe lima kœdœ ayi kœgbœrœ.

³Tshe sœ lima kœpara awa kœwu Yisu adœke œshe kœdœ œdœ; kashe bata á tshe sœ lima tœ ondonœ, awa adœke tshe wu she gugu lima nene mbœrœ azu ro lima sœ nœ ye.

⁴Tshe kpa utshunœ, œ ɔ ga lœ ɔyɔ á i'irinœ kœdœ Sikomore, mbœrœ kœwu Yisu á tshe yi lima ndœ kœro tɔ kpœtœmœ.

⁵Lɔkɔ á Yisu wuta kpœtœ oshonœ asœmœ, tshe mesho ga lafo yé œ pa fœ she adœke: «Zakayo, jerœ ga atɪ katsha, mbœrœ kpesheke œ li adœke mœ lo ba sœnda nœ zœ.»

⁶Katsha Zakayo kœjerœ ga atɪ katsha yé œ za osho kœsœ fœ she dœ yanga.

⁷Kœwu tœnœ ataa, azu kɔ te lima tœ kœpulœma endje adœke: «Uzu asœ na kœlo ba ndœ ayi ngbɪndɪrœ!»

⁸Kashe Zakayo na ga tshu Gbozu œ pa adœke: «Wu, Gbozu, mœ kurutshelœ œrœ nœ mœ kpekpeka, œ ko tshakalanœ fœ aayi oyo, yé œdœ mœ kœza lima œrœ nœ anga uzu dœ ɔgbɔ, mœ gi ga manda nœ fœ she awa vana.»

⁹Yé Yisu kœgi fœ she adœke: «Kpœsheke, bœ she dœ azu tshasœnda nœ zœ ye, mbœrœ œbœ kœdœ ndje anga ata Abrayamo.

¹⁰Gbambanœ nene, Gbolo nœ uzu na ndœ kœpara œdœ kœza kœshe fœ azu á endje djingili.»

Ndœma toro tœ upu nœ ngendja

(Wu ba tœ Mat 25.14-30)

- ¹¹Bata á azu sœ lima kœdji o'onœ asœmœ, Yisu kpa pa lœ ndœma toro asœ mbœrœ tshe sœ lima ndoo dœ Yerusaleme. Azu sœ lima kœgbe adœke Ogo gbozu nœ Ndjaba œ matœ ye pe kpœtœ œsœnœ.
- ¹²Ataa, Yisu kœpa adœke: «Anga uzu bale lœ mara nœ agbozu á œsœ endje li, yi lima ndœ kœna ga lœ anga angbi ogo, mbœrœ azunœ ba zœ kœza œne tœ gbozu yekane á œne kœfatœ œne á kœgu á kœdœ gbozu tshapa ogo nœ œne.
- ¹³Utshu kœro she, tshe e anga aayi akwa nœ ye ndjokpa œ ko langere ngendja nœ ye ndjokpa fœ uzu dœ uzu yé œ pa fœ endje adœke: “E kotœ 'e bishu dœ ngendjanœ œrrr ga tœ olo á mœ gu.”
- ¹⁴Kashe azu ogo nœ ye sœ lima kœyiangba ye, yé œ vwa anga azu manda ye ndœ kœpa adœke: “A yiyindœ nœ adœke tshe te gbozu tshapa 'a nene.”
- ¹⁵Andaa manda kœza akwa gbozugonœ fœ she, tshe gu œ e aayi akwa nœ ye á tshe ko lima ngendja fœ endje ndœ kœwusœ ngendja á uzu dœ uzu gbœ ga pa nœ.
- ¹⁶Uzu á tshe na utshunœ matœ ye œ pa adœke: “Gbozu, mœ gbœ langere ngendja ndjokpa ga pa œneke á bœ ko lima fœ mœ.”
- ¹⁷Tshe kœpa fœ she adœke: “œ sœ dœ œtshœnœ, œbœ kœdœ œtshœ ayi akwa, bata á bœ mbœrœtœ zœ lindœ nœ lœ aya akwa atake, mœ za bœ tœ gbozu tshapa ongbo ndjokpa.”
- ¹⁸Bisha uzu na yé œ pa adœke: “Gbozu, mœ gbœ langere ngendja minu ga pa œneke á bœ ko lima fœ mœ.”
- ¹⁹Tshe kœpa ndje fœ she adœke: “Mœ za bœ tœ gbozu ga pa ongbo minu.”
- ²⁰Anga kpa kœna yé œ kœpa adœke: “Gbozu, wu langere ngendja nœ zœ dœke, mœ guma lima sœ nœ ga lœ lœba.
- ²¹Gbambœ nene, awa zœ za lima mœ waa, mbœrœ bœ gbœgbœ: Bœ sœ kœko œrœ á dœdœ œnœ zœ nene, bœ sœ kœkœ ele ngwarœ neke á dœdœ bœ dá lu nene.”
- ²²Tshe kœpa fœ she adœke: “Ekpe ayi akwa! Kolœ liaka o'o ama zœ, mœ wa ngbanga ga tœ zœ. Bœ wu lima sœ nœ adœke œmœ kœdœ uzu á mœ gbœgbœ, mœ ko œrœ neke á dœdœ œnœ mœ nene yé œ kœ ele ngwarœ neke á œ dœdœ mœ dá lu nene.
- ²³Yé mbœrœ gadœ á bœ zaza má ngendja nœ mœ ga lœ anda nœ kœgumasœ ngendja nene a? Atamœ á mœ kœgu má, á endje kœgi fœ mœ dœ anga œrœ ga pa nœ nene a?”

²⁴Manda nœ, tshe kœpa fœ azu á endje sœ lima kpœmœ adœke: “E za langere ngendja nœ ye tshakane ye, yé œ za fœ tsheneke á tshe sœ dœ tœnœ ndjokpa.”

²⁵Endje pa fœ she adœke: “Gbozu, tshe sœ dœ anga langere ngendjanœ ndjokpa zœ!”

²⁶Tshe kœgi adœke: “Mœ sœ kœpa fœ 'e adœke, uzu kœ á tshe sœ dœ œrœ, endje kpa to anganœ ga pa nœ fœ she kœrosœ nœ, kashe tsheneke á tshe gugu dœ œrœ nene, endje gbœtœ œneke teasho á tshe sœ dœ tœnœ tshakane ye.

²⁷Tœ ayingba mœ, azu á endje yiyi lima ndœ nœ adœke mœ dœ gbozu tshapa endje nene, 'e na dœ endje ga mœ dœ œ wa ɔngɔɔ endje kpœtshu mœ.”»

Yisu li ga lœ Yerusaleme bata gbozugo

²⁸Manda kœpu o'onœ asœmœ ataa, Yisu te utshunœ kœœ ga lœ Yerusaleme.

²⁹Lœkœ á tshe ndœ dœ tshalakpi Betefaje œdœ Betani, ndoo dœ tshapa kaga á i'iriœ kœdœ kaga ɔyɔ Olive, tshe vwa ayambarœ bisha utshunœ,

³⁰yé œ pa adœke: «'E ro ba lakpi á sœ ndjii utshu azœ asœke. Kœli 'e tshendja, 'e wu aya ane á endje du she kpœtœmœ yé á uzu bale ɔɔ damba ga pa ye nene, 'e vwara she œ gu dœ she ga mœ.

³¹Yé œdœ uzu kœyu 'e adœke: “Mbœrœ gadœ á 'e vwara she a?” 'E gi fœ she adœke: “Gbozu dá gbe dœ she.”»

³²Aayi avwanœ na, œ wu ndje kolœ œrœnœ bata á Gbozu pandœ nœ fœ endje asœmœ.

³³Lœkœ á endje sœ kœvwara anenœ, ayengœ ye yu endje adœke: «Mbœrœ gadœ á 'e vwara anenœ asœ a?»

³⁴Endje gi adœke: «Gbozu dá gbe dœ she.»

³⁵Endje gu dœ anenœ fœ Yisu, manda nœ endje ko yœgbœdœ lœba nœ endje va ga pa ye, á za Yisu ga pa nœ.

³⁶Lœkœ á Yisu sœ ndœ kœro tœnœ, azu sœ lima kœsaka lœba nœ endje ga tœ ala awa.

³⁷Kœendo dœ awa á jerœ ga tœ kaga ɔyɔ Olive, ayambarœ nœ Yisu ndjoro sœ dœ yanga, œ tetœ kœdonga Ndjaba dœ avwara mbœrœ afá á Yisu mbœrœ á endje wu.

³⁸Endje sœ lima kœpa adœke: «Kaka Ndjaba to kane ye ga pa gbozugo á tshe na dœ i'iri ye. Kaka kœsœ gee sœ ba lafo yé mokœ nœ Ndjaba matœ ye ba zœ!»

³⁹Kashe anga Afarisayi á endje sœ lima ugurutœ ukpulu azunœ, pa fœ Yisu adœke: «Ayi kœyisœrœ, pa fœ ayambarœ nœ zœ adœke endje sœ koko!»

⁴⁰Yisu kœgi adœke: «Mœ sœ kœpa fœ 'e adœke: Œdœ endje kœsœ koko, badja œ ta rawa.»

iki nœ Yisu mbœrœ Yerusaleme

⁴¹Lœkœ á Yisu ndo dœ ongbœncœ yé á wu, tshe ki mbœrœ tœncœ.

⁴²Tshe pa lima adœke: «Uu Yerusaleme, œdœ bœ kœwu má sœ œrœ á na ndœ kœza kœsœ gee fœ bœ, œ sœ má dœ ɔtshœncœ waa. Kashe ngœngœncœ asœke, œ zatœ ye yiwa tœncœ tœ ala zœ ye.

⁴³Yé wusœ nœ adœke, bala mbatsha, ayingba zœ œ tœ gbadjadja nœ endje dji bœ djikpata, œ kpakundœ zœ dje tœ osho kœ.

⁴⁴Endje ndi tshalakpi nœ zœ, œ wo bœ œdœ agbolo nœ zœ para. Endje katœ anga badja bale ti ga pa angancœ nene, mbœrœ bœ wuwu lima sœ lœkœ á Ndjaba na ndœ kœti kane zœ ga lafo nene.»

Yisu gœrœ azu lœ Tepelo

(Wu ba tœ Mat 21.12-17; Mar 11.15-19; Yow 2.13-22)

⁴⁵Manda nœ, Yisu li ga lœ Tepelo, œ tetœ kœgœrœ azu á endje sœ lima kœka œrœ.

⁴⁶Tshe pa lima fœ endje adœke: «Endje sú ba la Buku nœ Ndjaba adœke: “Anda nœ mœ œ dœ bala anda nœ kœza awala, kashe 'e fa tœ wutu nœ aayi angba.”»

⁴⁷Yisu sœ lima œlœ dœ œlœ kœyisœ œrœ ba lœ Tepelo. Agbozu tshapa anganga Ndjaba, aayi kœyisœ awa akwa œdœ ndje pe agbozu tshapa azu sœ lima kœpara awa kœwo she.

⁴⁸Kashe endje gbœgbœ lima awa nene, gbambancœ nene, azu ndjoro za lima lœsu endje djigi ndœ kœdji kolœ she.

Lukasi 20

Tshagbozu nœ Yisu to kpœta a?

(Wu ba tœ Mat 21.23-27; Mar 11.27-33)

¹Anga œlœ bale, Yisu sœ lima kœyisœ œrœ fœ azu ba lœ Tepelo, œ sœ lima kœpandœ ɔtshœ O'o yé agbozu tshapa anganga Ndjaba, aayi kœyisœ awa akwa œdœ pe agbozu Ikrizia yi kumu endje.

²Endje yu she adœke: «Pandœ nœ fœ 'a ka, tshagbozu nœ zœ to kpœta a? Œdœ ndje dá za gbœgbœ kœmbœrœ tœncœ fœ bœ a?»

³Tshe gi fœ endje adœke: «Œmœ ndje, mœ yindœ kœyu 'e dœ anga o'o bale. 'E pandœ nœ fœ mœ ka:

⁴Batisimu á Yowane sœ lima kœza tœncœ, to ba lafo too ba ndœ azu?»

⁵Endje tetœ køsharatœ endje lœ tœ endje adœke: «Ædœ a kœpa adœke: “Æ to ba lafo”, tshe pa adœke: “Mbœrœ gadœ á a yiyi lima ndœ nœ fœ she nene a?”

⁶Yé œdœ a kpa kœgi adœke: “Ba ndœ azu, azu para œ ve azœ dœ badja yé œ kœwo azœ mbœrœ endje wusœ nœ adœke Yowane kœdœ lima ayi kœgbara o'o.”»

⁷Yeka á endje kœgi fœ she adœke: «'A wuwusœ uzu á tshe vwa lima she nene.»

⁸Yé Yisu kœpa fœ endje adœke: «Æmœ ndje, mœ pandœ osho á tshagbozu nœ mœ to tœncœ fœ 'e nene.»

Ndœma toro tœ upu nœ ekpe aayi kœdjo kindi

(Wu ba tœ Mat 21.33-46; Mar 12.1-12)

⁹Manda nœ, Yisu tetœ kœpa ndœma toro fœ azu adœke: «Anga uzu lu lima ðyo vinu ga lœ kindi nœ ye, œ guma o'o ugurutœ ye dœ anga aayi akwa adœke endje djo tshelœ kindincœ yeka á œne kœkurutshelœ ele vinuncœ dœ endje, yé œ na ana manda olo ndjoro.

¹⁰Olo kœkœ ele vinuncœ li, tshe vwa anga ayi akwa nœ ye ba ndœ endjeneke á endje sœ ba lœ kindi adœke endje vwa œncœ œne œsœ ele ðyœncœ fœ œne. Kashe aayi akwa ba lœ kindincœ za she œ bi she œrrr, œ gi she tshakane ye gbambancœ.

¹¹Ayengœ kindi kpa vwa anga angbi ayi akwa, endje kpa za she, œ bi she œrrr, œ gu she, yé œ kpa gi she tshakane ye gbambancœ.

¹²Tshe kpa vwa votœ anga, endje to uku tœ ye yé œ vwi she ga shu.

¹³Yekane á ayengœ kindincœ kœpa adœke: “Gadœ dá mœ kœmbœrœ a? Mœ vwa gbolo yakoshe nœ mœ á mœ yindœ ye waa, angancœ endje dji she dœ œtshœncœ.”

¹⁴Kashe, kœwu gbolo yakoshe nœ ye kœna tœncœ, aayi kœdjo tshelœ kindi vinuncœ tetœ kœpalœtœ endje adœke: “E wu ayi kœsœpe dœ œrœ manda abancœ dá na asœ; a wo she yeka á kindincœ kœte œncœ azœ!”

¹⁵Endje wuta dœ she lœ kindincœ ga ushu yé œ wo she. «Ataa, ayengœ kindincœ œ mbœrœ œrœ gadœ tœ endje a?

¹⁶Tshe na, œ wo aayi akwancœ para kœkœ, yé œ za akwa kindincœ fœ anga angbi aayi akwa.» Lœkœ á azu dji o'onœ ataa, endje pa adœke: «Æ œ nene, œ mbœrœtœ endje atamœ nene!»

¹⁷Kashe Yisu mesho ga lœ ala endje, œ pa adœke: «O'o ala mbetincœ asœ yindœ kœpa adœ gadœ: “Badja á aayi kœmœ anda za vwi'i, œtœncœ dá te sharagunda?”

¹⁸Uzu kœ á tshe te ga pa badjancœ ascœmœ, tshe kœ ngende ngende, yé tsheneke á badjancœ œ te ga pa ye, œ ndi tshelœ ye krœna ye.»

¹⁹Aayi kœyisœ awa akwa dœ pe agbozu tshapa anganga Ndjaba para lima awa ndœ kœza she ga lœ kánga dœ ðlœncœ ascœmœ, kashe awa azu dá za lima endje. Gbambanœ nene, endje wu lima sœ nœ adœke Yisu pa ndœma toronœ ascœmœ fœ œne.

²⁰Yé endje tetœ kœvu Yisu. Endje vwa azu á endje sœ kœmatœ endje adœke endje kœdœ azu á endje sœ ndjii fœ she. Azunœ ascœmœ sœ lima kœkate kœdji ekpe o'o lœ ama ye yeka á kœgbœ awa nœ kœtœ meza pa ye ba ndœ agbozu tshalakpi œdœ ba ndœ gbozugo.

²¹Endje yu she dœ o'o atake: «Ayi kœyisœrœ, 'a wusœ nœ adœke o'o á bœ sœ kœpa tœncœ yé á sœ kœyisœ nœ sœ dœ awanœ. Bœ sœsœ kœtondœ tshatshu azu nene yé bœ sœ kœyisœ awa Ndjaba fœ azu lindœ adjapu.

²²Pandœ nœ fœ 'a ka, 'a li kœyœ lapo nœ Sezare ye a, too nene?»

²³Yisu wusœ ekpe gbetshelœ nœ endje lima, yé œ pa fœ endje adœke:

²⁴«'E ma anga langere ngendja bale fœ mœ kane. Tshatshu uzu dœ œdœ i'iri dœ dá endje sú ga alanœ a?» Endje gi adœke: «œncœ Sezare.»

²⁵Tshe kœpa fœ endje adœke: «Tœncœ dœ mœ! 'E za œrœ nœ Sezare fœ Sezare, œncœ Ndjaba fœ Ndjaba.»

²⁶Endje lili lima kœgbœ she dœ ekperœ lœ o'onœ á tshe pa ba utshu azu ko ascœmœ nene, kashe endje ka lima tœ ama endje ti œœ tœ o'o á tshe sœ lima kœgi tœncœ, yé œsœ endje yi lima taa.

Kœyu o'o nœ Asadukayi tœ upu nœ kœshe lœ akuzu

(Wu ba tœ Mat 22.23-33; Mar 12.18-27)

²⁷Anga Asadukayi na ga ndœ Yisu. Endje dá sœ kœpa adœke kœshe lœ akuzu gugu nene. Endje yu Yisu adœke:

²⁸«Ayi kœyisœrœ, Moyize su lima awa akwa fœ 'a adœke: “œdœ uzu kœsœ dœ ayancœ á tshe za yashe á kœzuzu gbolo dœ she nene yé á tshu, œ li adœke ayancœ to yashe koyancœ mbœrœ kœmbœrœ angwa fœ ayancœ á tshe tshu ascœmœ.”

²⁹Andaa, anga aaya lœ yabo bale sœ lima minu dœ bisha (7). Eyancœ to yashe, œ zuzu gbolo dœ she nene, yé œ tshu.

³⁰Bishanœ to yashe koyancœ yé œ tshu awa bale,

³¹manda nœ, votœncœ kpa to ndje she, œ tshu ye. Ko atamœ sœmœ œrrr endje minu dœ bisha tshu para, anga bale zuzu gbolo dœ she nene.

³²Ba tœ ndœngœlœncœ, yashœncœ tshu ndje ye.

³³Yé ataa, yashœncœ ascœmœ, lœkœ á akuzu œ kpa she, tshe dœ awo dœ, mbœrœ endje minu dœ bisha kœ to lima she tœ awo endje yema a!»

³⁴Yisu kœpa fœ endje adœke: «Ba pa ɔshɔ asœ, ayashe dœ ayakoshe œ totœ endje ye.

³⁵Kashe ayakoshe dœ pe ayashe á endje tshu, á Ndjaba wu adœke endje li koeshe lœ akuzu yé á li kœli ga lœ tafo ogo neke á na manda nœ, endje kpa totœ endje nene.

³⁶Endje kpa tshu nene; gbambanœ nene, endje sœ b̄ata aandjelu. Endje kœdœ agbolo nœ Ndjaba mbœrœ á endje she lœ akuzu ye.

³⁷Moyize pa lima ngbi adœke azu á endje tshu, endje she bala lœ kuzu. Gbambanœ nene, ala mbeti á pa o'o tœ upu nœ ɔɔ á owo sœ lima kœtshi lœnœ, tshe e lima Gbozu adœke “Ndjaba nœ Abrayamo, Ndjaba nœ Izaka œdœ Ndjaba nœ Yakobo.”

³⁸Ndjaba dœdœ Ndjaba nœ akuzu nene, kashe Ndjaba nœ asoro. Gbambanœ nene, azu kɔ sœ dœ soro mbœrœ she.»

³⁹Anga aayi kœyisœ awa akwa za o'o œ pa adœke: «Ayi kœyisœrœ, bœ pa o'o nœ zœ dœ ɔtshœnœ.»

⁴⁰Gbambanœ nene, endje kpa gugu lima dœ awa ndœ kœyu anga o'o nene.

Masiya œdœ Davidi

(Wu ba tœ Mat 22.41-45; Mar 12.35-37)

⁴¹Yisu kœyu endje adœke: «Koto yeka á azu sœ kœpa adœke Masiya kœdœ gbolo nœ Davidi a?

⁴²Gbambanœ nene, Davidi dœ tœ ye pa ba la buku nœ Itshi nœ Ayuda adœke: “Gbozu Ndjaba pa fœ Gbozu nœ mœ adœke, sœ ga ati ga pa kuni mœ œrrr

⁴³adœke mœ fa ayingba zœ ga tshagudi ada zœ yekane.”

⁴⁴Adja Davidi dœ tœ ye sœ kœ'e she Gbozu. Yé dœ mara gafe dá Masiya kpa fa gbolo nœ Davidi a?»

Yisu yisœ œrœ tœ upu nœ aayi kœyisœ awa akwa

(Wu ba tœ Mat 23.1-36; Mar 12.37-40)

⁴⁵Yisu kœpa fœ ayambarœ nœ ye tœ ala azu kɔ á endje sœ lima kœdji she adœke:

⁴⁶«Ala 'e gbɔ dœ aayi kœyisœ awa akwa á endje sœ kœro dœ ɔɔgbɔdɔ lœba tœ endje, á endje sœ kœyindœ nœ adœke azu sœ kœbala œne tœ osho á ukpulu azu sœ tœnœ. Endje yi kolœ ndœ kœsœ ga tœ osho á sœ utshunœ lœ Sinagoga dœ pe osho kœsœ nœ agbozu azu lœ angbo.

⁴⁷Endje sœ kœbîli ayashe koya mbœrœ kœyi angwa œrœ tœ endje. Yé œdœ endje kœsœ kœza avwala fœ Ndjaba, œndœ endje œ di œerrr tœ kœma adœke œne kœdœ ɔtshɔ azu. Ndjaba œ wa bala ɔgbɔ ngbanga ga tœ endje.»

Lukasi 21

Kœtorœ nœ anga yashe koya

(Wu ba tœ Mar 12.41-44)

¹Yisu mesho œ wu aayi kœgbœrœ á endje sœ lima kœko ngendja nœ endje ga lœ gbarœ makabo ba lœ Tepelo.

²Tshe wu ndje anga yashe koya á tshe dœ ayi oyo, kœko ndje a'eara langere ngendja nœ ye bisha ga zœ.

³Yé Yisu kœpa adœke: «Adja mœ sœ kœpa fœ 'e adœke, yashe koyanœ asœ á tshe dœ ayi oyo dá ko ngendja nœ ye kœropa azu kɔ.

⁴Gbambanœ nene, ngendja á endje ko asœ, endje sœsœ dœ œrœ kœmbœrœ dœ tœnœ nene, kashe œshe, tshe ko ngendja nœ ye kɔ á sœ má adœke tshe zî dœ œrœ.»

Yisu pandœ upu nœ kœndi tshelœ Tepelo

(Wu ba tœ Mat 24.1-2; Mar 13.1-2)

⁵Anga azu sœ lima kœpa o'o tœ upu nœ Tepelo, yé œ sœ lima kœpa adœke œ ga waa dœ mara á endje mbœrœ dœ ɔtshɔ badja dœ pe œrœ á azu to fœ Ndjaba. Kashe Yisu pa adœke:

⁶«Lœ olo manda nœ, œrœnœ kɔ á 'e wu asœmœ, anga badja bale á kpa sœpe ga pa anganœ œ gu nene. Endje ndi tshelœnœ para kɔkɔ ye.»

Oyo œdœ œrœ kanga

(Wu ba tœ Mat 24.3-8; Mar 13.3-8)

⁷Yé endje yu she adœke: «Ayi kœyisœrœ, lɔkɔ gadœ dá œrœnœ asœmœ œ wuta ndje a, ambárá gadœ dá matœ endje ɔlɔ á œrœnœ œ mbœrœtœ endje a?»

⁸Yisu gi adœke: «Ala 'e gbɔ, uzu bale fafara 'e nene. Gbambanœ nene, azu ndjoro œ na bala dœ i'iri mœ yé œ pa adœke: “œmœ kœdœ Masiya”, yé lɔkœnœ li ye! Kashe 'e tete manda endje nene.

⁹ɔlɔ á 'e kœsœ kœdji o'o nœ kœtɔ kowo œdœ azu á endje sœ kœoma dœ anga endje, awa zaza 'e nene. Gbambanœ nene, œ li adœke œrœ ataa wuta utshunœ yeka, kashe œ dœdœ damba kœka tshapashœnœ ngœngœnœ asœ dœmœ nene.»

¹⁰Yé tshe kpa pa fœ endje adœke: «Ogo gbozu dœ ogo gbozu œdœ pe ogo dœ ogo œ tɔ kowo lœ tœ endje.

11Ɔshɔ ɔe turu tɔe osho kɔ, yé ekpe koba ɔedɔe egerɔe ogo ɔe za osho kɔ. Ɔerɔe á za awa tɔe azu ɔedɔe ambárá afá ɔe matɔe endje ba lafo.

12«Kashe utshu ɔerɔenɔe asɔeke kɔ, endje bi 'e ɔe mbɔerɔe ɔerɔe kanga fɔe 'e, endje tɔ meza pa 'e ba lɔe Sinagoga, endje ko 'e va ga lɔe anda kánga, endje gbota 'e na tɔenɔe ba utshu agbozugo dɔe pe agboro agbozu mangba i'iri mɔe.

13Mara ɔerɔe ataa ɔe za awa fɔe 'e ndɔe kɔema o'o tɔe upu nɔe mɔe.

14Atamɔe, 'e tɔtɔ lɔsu 'e tɔe mara á 'e pa dɔe ngbanga nene.

15Gbambanɔe nene, mɔe to o'o ɔedɔe kɔewusɔetɔe ga lɔe 'e dɔe mara adɔeke, anga ayingba 'e bale á tshe li tɔe kɔeshara o'onɔe lɔe ama 'e too kɔevwaratɔe ye tɔenɔe ɔe gu nene.

16Aaba 'e ɔedɔe aayi 'e, aaya 'e, aayo 'e ɔedɔe anga 'e ɔe vastɔ 'e, ɔe wo ndje anga anga 'e ugurutɔe 'e.

17Azu kɔ ɔe yiangba 'e mbɔerɔe i'iri mɔe,

18kashe anga sukumu 'e bale ɔe yiwa nene.

19'E shi gbi lɔe kɔeyindɔerɔe nɔe 'e yeka á kɔegbɔ soro neke á ka nene.»

Yisu pandɔe upu nɔe kɔendi tshelɔe Yerusalemɔe

(Wu ba tɔe Mat 24.15-21; Mar 13.14-19)

20«Lɔkɔ á 'e kɔewu adɔeke aturugu kpa dji ongbo Yerusalemɔe djikpata, 'e wusɔe nɔe adɔeke olo kɔendi tshelɔe ongbonɔe ndo ye.

21Atamɔe, azu á endje sɔe ba lɔe ogo Yuda ɔe kpa ga pa kaga, endjeneke á endje sɔe ba lɔe ongbo Yerusalemɔe ɔe wuta ga shu. Azu á endje sɔe ba lɔe kɔendi, endje kpa gu ga lɔe ongbo nene!

22Gbambanɔe nene, ɔlɔnɔe asɔemɔe ɔe dɔe ɔlɔ kɔetɔ gɔda, yekane ɔeneke á endje pa ala Buku nɔe Ndjaba kɔembɔerɔetɔe endje.

23Dɔe ɔlɔnɔe asɔemɔe, oyo ɔe sɔe mbɔerɔe ayashe má endje sɔe dɔe nguzu dɔe pe endjeneke á endje sɔe kɔeza ɔngɔ ga lɔe ama agbolo. Gbambanɔe nene, azu tshelɔe ogonɔe asɔemɔe ɔe wu egerɔe oyo, yé Ndjaba ɔe ma ókó nɔe ye ga tɔe azu.

24Anga azu ɔe tshu kuzu nɔe ingiri yakamba, endje ko anga endje gu tɔenɔe tɔe kɔefa endje tɔe akanga dje lɔe angbi ogo kɔ. Angbi azu ɔe ndi tshalakpi Yerusalemɔe kpakpakpa ɔerrr adɔeke olo nɔe endje ka yekane.»

Kɔekwa Gbolo nɔe uzu

(Wu ba tɔe Mat 24.29-31; Mar 13.24-27)

25«Ambárá ɔerɔe ɔe matɔe endje ba la ɔlɔ, ba la yapu ɔedɔe ba la angerepe. Yé ba pa ɔshɔ, azu lɔe angbi ogo para ɔe sɔe dɔe awa, tshama ungu kota dɔe lokonɔe ɔe za ndje awa fɔe endje.

²⁶Azu œ tshu dœ awa lɔkɔ á endje gbe dœ œrœ á mbœrœ bala tœ endje pa ɔshɔ kɔ, mbœrœ gbɔgbɔ nœ tshalafɔ œ turu.

²⁷Dœ tœnœ ataa, endje wu Gbolo nœ uzu á tshe kwa lœ ondoro dœ gbɔgbɔ kɔ œdœ lœ mokɔ.

²⁸Lɔkɔ á œrœ ata kœtetœ kœmbœrœtœ nœ, 'e shi gbɪ yé œ kpa sœ dœ gbɔgbɔ mbœrœ olo nœ kœwuta 'e lœ ekperœ ndo ye.»

²⁹Manda nœ, Yisu pa ndœma toro fœ endje adœke: «'E wu ɔyɔ fige asœ dœ pe anga ɔyɔ para:

³⁰Lɔkɔ á 'e kœwu adœke kakonœ tetœ kœtɔ tœnœ, 'e wusœ nœ adœke olo ungu yavuru ndo ye.

³¹Awa bale ndje, ɔlɔ á 'e kœsœ kœwu œrœ ata kœwuta tœnœ, 'e wusœ nœ adœke Ogo gbozu nœ Ndjaba ndo ye.

³²Dœ adjapu, mœ sœ kœpa fœ 'e adœke azu nœ tshakpesheke œ ka kɔ nene, yeka á œrœ asœke œ mbœrœtœ endje.

³³Tshalafɔ dœ tshapa ɔshɔ œ ro ye, kashe o'o ama mœ œ ro nene.»

Kœsœ dœ gbɔdjela

³⁴«Ala 'e gbɔ, 'e ndɪndɪ lɔsu 'e dœ upu nœ kœmbœrœ angbo, dœ kœndjo ipi œrrr adœke œ mbœrœ 'e too mbœrœ oyo nœ tshapashɔ asœ nene, adœke olonœ asœmœ kœwuwuta ga tœ 'e ngbangi

³⁵bata úkú dá endje gɪ nene. Gbambanœ nene, œ wuta ga tœ azu tshapashɔ para.

³⁶Kashe ala 'e gbɔ, 'e za avwala ɔlɔ dœ ɔlɔ mbœrœ á kœsœ dœ gbɔgbɔ nœ kœwuta lœ œrœnœ kɔ á na bala, yeka á 'e kœli kœka ga utshu Gbolo nœ uzu.»

³⁷Dœ ɔlɔ, Yisu sœ lima kœyisœ œrœ ba lœ Tepelo, kashe dœ butshɔ, tshe na kœlo ba pa kaga á i'irinœ kœdœ kaga ɔyɔ Olive.

³⁸Yeka á dœ amazi, á azu œ na ga ndœ ye ba lœ Tepelo mbœrœ kœdji she.

Lukasi 22

Kœvwarandœ Yisu

(Wu ba tœ Mat 26.1-5; Mar 14.1-2; Yow 11.45-53)

¹Egerœ angbo nœ kœzi mapa á susuku nene á endje e i'irinœ Pake asœmœ, ndo lima ye.

²Agbozu tshapa anganga Ndjaba dœ pe aayi kœyisœ awa akwa sœ lima kœpara awa ndœ kœwo Yisu, kashe endje sœ lima kœkpa awa azu.

³Yé Satana li lima ga tœ lœsu Yudasi Isikariote, á tshe kœdœ lima bale lœ andjokpa dœ bishancœ asœmœ.

⁴Tshe na ndœ kœvwarandœ o'o dœ agbozu tshapa anganga Ndjaba dœ pe agbozu tshapa aayi kœgbondœ Tepelonœ, yé œ pa o'o dœ endje pa mara kœza Yisu yœ œrœ fœ endje.

⁵Endje sœ dœ yanga yé œ pa fœ she adœke œne ko ngendja fœ she.

⁶Yudasi yindœ nœ yé œ tetœ kœpara awa á sœ tœ otshoncœ mbœrœ kœza she yaa fœ endje adœke azu kœwuwusœ nœ nene.

Ayambarœ guma osho kœzirœ angbo Pake

(Wu ba tœ Mat 26.17-25; Mar 14.12-21; Yow 13.21-30)

⁷Lœkœ angbo nœ mapa á susuku nene ndo, yé œ li adœke endje wo aaya apata á kœzi pa angbonœ asœmœ.

⁸Yisu kœvwa Apetro dœ Yowane adœke: «'E na dœ œ fa kœzirœ Pakencœ fœ azœ, yeka á a kœzi.»

⁹Yé endje kœyu Yisu adœke: «Bœ yindœ nœ adœke 'a na kœfa kœzirœncœ bata a?»

¹⁰Á tshe kœgi fœ endje adœke: «Kœli 'e ga lœ ongbonœ, 'e togba dœ anga yakoshe dœ lœsú ungu lœ kumu ye. 'E te manda ye gu tœncœ ga tœ anda á tshe li,

¹¹yé 'e pa fœ ayengœ andancœ adœke: “Ayi kœyisœrœ yu bœ adœke osho á œne zi kœzirœ angbo Pake dœ ayambarœ nœ œne sœ kpœta a?”

¹²Yé tshe yisœ anga gbœshœ ba lafo, á endje guma dœ œrœ kœ lœncœ; 'e fa kœzirœ angbonœ kpœtœmœ.»

¹³Endje na œ gbœ œrœ kœ bata á tshe pa má tœncœ fœ endje, yé œ fa kœzirœ Pakencœ kpœtœmœ.

Kœzirœ Pake nœ Gbozu dœ ayambarœ

(Wu ba tœ Mat 26.26-30; Mar 14.22-26; 1Ko 11.23-25)

¹⁴Lœndœ á ada œlœ kœzirœ li ye, Yisu sœ ga indiri ndaba kœzirœ awa bale dœ aayi avwa nœ ye.

¹⁵Yé tshe kœpa fœ endje adœke: «Adja mœ yindœ kœzi Pake asœ dœ 'e utshu kœwu oyo nœ mœ.

¹⁶Gbambancœ nene, mœ sœ kœpa fœ 'e adœke, mœ kpa zi angancœ nene œrrr ga tœ œlœ á mbœrœ bala tœ endje ba lœ Ogo gbozu nœ Ndjaba.»

¹⁷Yé tshe za kopo, œ donga Ndjaba yé á pa adœke: «'E za œ su tshelœncœ tœ 'e.

¹⁸Gbambanœ nene, mœ sœ kœpa fœ 'e ataa: Mœ kpa ndjo vinu nene œerrr ga tœ lœkœ á Ogo gbozu nœ Ndjaba œ ma bala tœ endje.»

¹⁹Manda nœ, tshe kœza mapa œ donga Ndjaba, œ kavwa tshelœnœ yé œ kœkurutshelœ nœ tœ endje dœ kœpa adœke: «Asœ kœdœ undu mœ dá mœ to fœ 'e asœ. 'E mbœrœ ataa á kœgbe bala dœ mœ.»

²⁰Kolœnœ ataa, tshe za kopo manda kœziroœ, á pa adœke: «Yashi asœ kœdœ tafo ayo lœ indji mœ á tu mbœrœ 'e.»

²¹Kashe 'e wu kane: Kane uzu á tshe sœ kœza mœ yœ œrœ, za kœziroœ pa ndaba awa bale dœ mœ kpœke.

²²Gbambanœ nene, Gbolo nœ uzu œ gu bata á Ndjaba pa lima tœnœ. Kashe oyo nœ uzu á tshe za she yœ œrœ!

²³Yé endje tetœ kœyutœ endje lœ tœ endje adœke uzu dœ ugurutœ endje dá yindœ kœmbœrœ œrœ ataa.

Lœ ugurutœ ayambarœ, œdœ dá ropa anganœ a?

(Wu ba tœ Mat 18.1; Luk 20.25-28; Mar 9.34; 10.42-45)

²⁴Endje tetœ kœgbugburutshelœ o'o lœ tœ endje mbœrœ kœwusœ uzu á tshe ropa anganœ.

²⁵Yisu kœpa fœ endje adœke: «Agbozugo tshapa angbi ogo sœ kœmbœrœ akwa nœ endje dœ gbœgbœ, yé endjeneke á endje sœ kœgbœndœ ogo yi balima ndœ nœ adœke azu e œene “œtshœ azu”.

²⁶Tœ 'e, 'e mbœmbœrœ œnœ 'e ata nene, kashe œ li adœke tsheneke ugurutœ 'e á tshe ropa 'e, tshe sœ bata rodonga, yé œ li adœke tsheneke á tshe sœ tœ gbozu, tshe sœ bata ayi akwa.

²⁷Yé ataa, œdœ dá ropa anganœ a? Uzu neke á tshe sœ pa ndaba too tsheneke á tshe sœ kœko kœziroœ fœ azu a? Œ dœdœ uzu á tshe sœ pa ndaba nene a? Kashe tœ mœ, mœ sœ ugurutœ 'e bata uzu kœmbœrœ akwa fœ 'e.

²⁸«E'e kœdœ azu á 'e kaka lima tœ mœ ti nene lœkœ á mœ li lima ga lœ kœwu lœsu.

²⁹Yé œmœ, mœ za akwa ogo gbozu fœ 'e bata á Aba mœ za ndje lima fœ mœ.

³⁰Ataa, 'e zi bala œrœ œ ndjorœ pa ndaba dœ mœ awa bale ba lœ Ogo gbozu nœ mœ, yé 'e sœ ndje bala ga pa ngande tshagbozu mbœrœ kœwa ngbanga nœ mara ndjokpa dœ bisha lœ ogo Israyele.»

Yisu pa fœ Petro adœke tshe 'ea œne zœ

(Wu ba tœ Mat 26.31-35; Mar 14.27-31; Yow 13.36-38)

³¹Gbozu pa fœ Shimu adœke: «Shimu, Shimu, Satana esho ndœ gbɔgbɔ adœke œne pe tshelœ 'e bata á endje pe tshelœ indji ble.

³²Kashe œmœ, mœ za avwala tœ upu nœ zœ mbœrœ adœke kœyindœrœ nœ zœ kœ kaka nene. Yé œbœ, lɔkɔ á bœ kœkwatœ zœ, bœ to gbɔgbɔ fœ aaya zœ.»

³³Petro pa fœ she adœke: «Gbozu, œdœ lœ kánga œdœ lœ kuzu, mœ yindœ nœ adœke mœ li, too mœ tshu dœ bœ awa bale.»

³⁴Yisu gi adœke: «Mœ sœ kœpa fœ bœ ngbi, Petro, utshunœ adœke kɔngato ki, bœ 'ea mœ awa votɔ adœke bœ wuwusœ mœ nene.»

³⁵Yé tshe kœpa fœ endje adœke: «Lɔkɔ á mœ vwa lima 'e, œdœ ngendja, œdœ ngbade, œdœ œrœ ada, 'e zaza lima œrœ bale nene. Atamœ 'e sœsœ lima dœ œrœ nene a?» Endje gi adœke: «'A sœ lima dœ œrœ zœ.»

³⁶Tshe pa fœ endje adœke: «Kashe ngɔngɔ asœ, uzu á tshe kœsœ dœ ngendja, tshe za; awa bale ndje mbœrœ uzu á tshe sœ dœ ngbade. Yé tsheneke á tshe gugu dœ ingiri yakamba nene, tshe ka yɔgbɔdɔ lœba nœ ye dœ œ yɔ dœ anganœ bale.

³⁷Gbambanœ nene, mœ sœ kœpa ngbi fœ 'e, œ li adœke o'o á endje sú bala buku nœ Ndjaba mbœrœtœ endje ga tœ mœ liakanœ: Endje di she ga ugurutœ aayi kœmbœrœ ngbindiœ. Dœ tœnœ ataa, o'o á endje pa lima tœ upu nœ mœ, œ mbœrœtœ endje ye.»

³⁸Endje kœpa adœke: «Gbozu, ingiri yakamba bisha dœke». Tshe kœgi fœ endje adœke: «œ li ye».

Yisu za avwala ba pa kaga ɔyɔ Olive

(Wu ba tœ Mat 26.36-46; Mar 14.32-42)

³⁹Yisu wuta œ ro ga pa kaga ɔyɔ Olive bata á tshe ro ba lima, yé ayambarœ nœ ye na manda ye.

⁴⁰Lɔndɔ á tshe yi kumu ye ba zœ, tshe pa fœ endje adœke: «'E za avwala nœ 'e fœ Ndjaba adœke 'e kœlili ga lœ kœbili osho nœ Satana nene.»

⁴¹Manda nœ, tshe gitœ ye zara tœ endje, œ gote dœ koda ye yé œ tetœ kœza avwala fœ Ndjaba adœke:

⁴²«Aba, œdœ bœ kœyindœ nœ, bœ mbœrœ adœke yashi oyonœ asœke gitœ ye utshu mœ ye. Mbœmbœrœ œrœ á mœ yindœ nœ nene, kashe mbœrœ œrœ á bœ yindœ nœ.»

[⁴³Ataa, anga andjelu to ba lafo œ wuta ga ndœ ye mbœrœ kœto gbɔgbɔ fœ she.

⁴⁴Lɔsu ye su lima dœ oyo, tshe kpa za avwala ga pa nœ ga pa nœ fœ Ndjaba, yé ili sara tœ ye tea tea ga tœ ɔshɔ bata indji.]

45 Manda kœza avwalanœ, Yisu áalafo œ gu ga ndœ ayambarœ nœ ye œ gbo endje, endje mœ œ lo ye.

46 Tshe pa fœ endje adœke: «Koto o! 'E lo ye a? 'E áalafo yé œ za avwala fœ Ndjaba adœke 'e lili ga lœ kœwu lœsu nœ Satana nene.»

Kœtepa Yisu

(Wu ba tœ Mat 26.47-56; Mar 14.43-50; Yow 18.3-11)

47 Tshe sœpe damba kœpa o'o trale atake, ukpulu azu kœyi kumu endje. Anga bale ugurutœ andjokpa dœ bishanœ asœmœ á ì'ìrì ye kœdœ lima Yudasi, te utshu endje. Tshe na ndoo dœ Yisu ndœ kœbala she dœ kœuru tshelœ utu ye.

48 Kashe Yisu pa fœ she adœke: «Yudasi, bœ za Gbolo nœ uzu fœ angbi azu lœ awa nœ kœuru tshelœ utu ye a?»

49 Lœkœ á azu á endje ro tœ awanœ dœ Yisu wu lima œrœ á yindœ kœmbœrœtœ endje, endje yu she adœke: «Gbozu, 'a nga koshe dœ endje dœ ìngìrì yakamba a?»

50 Yé anga bale ugurutœ endje gbota ìngìrì yakamba nœ ye, œ de ayi akwa nœ egerœ ngangã Ndjaba, á wa utu ye dja ga pa kuni ndja tœnœ ye.

51 Kashe Yisu pa adœke: «'E katœ nœ dœ endje mbœrœ œrœ á endje yindœ nœ.» Á za utu ye tœ ga ngbanœ.

52 Manda nœ, Yisu pa fœ azu á endje na lima kœza she, agbozu tshapa anganga Ndjaba, agbozu tshapa azu á endje gbœndœ Tepelo dœ pe agbozu Ikrizia ayuda adœke: «'E na dœ ìngìrì yakamba dœ pe ndìndì òyœ ndœ mœ bata œmœ kœdœ ayi angba a?»

53 Òlœ dœ òlœ á mœ sœ lima dœ 'e lœ Tepelo, 'e tuturutœ mœ nene. Kashe ngangã asœke kœdœ olo nœ 'e œdœ gbœgbœ akwa nœ aayi butshœ.»

Petro 'ea Yisu

(Wu ba tœ Mat 26.57-58,69-75; Mar 14.53-54,66-72; Yow 18.12-18,25-27)

54 Endje za Yisu, œ gu dœ she ba lœ anda nœ egerœ ngangã Ndjaba. Petro sœ lima kœna manda endje lœ ìngìrìnœ.

55 Bata á endje ngbœ lima egerœ owo ga lœ gbagba á ngbœtœ endje ga ìndìrìnœ, Petro na œ sœ ga ugurutœ endje.

56 Anga yashe akwanœ bale wu she kœsœ ga ìndìrì owonœ, tshe shokœ she yé œ pa adœke: «Uzu asœ ba e sœ ndje lima dœ she awa bale.»

57 Kashe Petro 'eatœ ye, œ pa adœke: «Yashe, mœ wuwusœ ye nene.»

58 Teasho manda nœ, anga uzu kpa wu she, œ pa adœke: «œbœ ndje kœdœ uzu nœ endje.» Petro gi adœke: «œœ, œ dœdœ mœ nene.»

⁵⁹Ga pa œrœ nœ ada ɔɔ bale manda nœ, anga uzu kpa shi kɔɔɔ dœ o'onœ adœke: «Adja upu, uzu asœ ba e sœ lima dœ she awa bale; ga panœ dœmœ, œshe kœdœ uzu Galilayi.»

⁶⁰Petro kœgi adœke: «Mœ wuwusœ o'o á bœ yindœ kœpa tœnœ ascœmœ nene.» Petœ œsœnœ á tshe sœ lima pe kœpa o'o lœma ye, trale kɔngato kœki.

⁶¹Gbozu fatœ ye œ tondœ Petro, yé Petro kœgbe dœ o'o á Gbozu pa lima fœ she adœke: «Utshunœ adœke kɔngato ki, bœ 'ea mœ awa votɔ.»

⁶²Petro wuta yé œ tetœ iki tshuru tshuru tshuru.

Azu gu Yisu œ bi she

(Wu ba tœ Mat 26.67-68; Mar 14.65)

⁶³Ayakoshe á endje sœ lima kœsœ indiri Yisu, tetœ kœmɔ she dœ pe kœbi she.

⁶⁴Endje i tshatshu ye ga tœnœ dœ lœba á sœ kœyu she adœke: «Ma adœke œbœ kœdœ ayi kœgbara o'o! Uzu œ dá bi bœ a?»

⁶⁵Yé endje sœ ndje lima kœgu she dœ ekpe o'o waa.

Yisu ba utshu egerœ angbɔtœ kœwa ngbanga

(Wu ba tœ Mat 26.59-66; Mar 14.55-64; Yow 18.19-24)

⁶⁶Lɔkɔ á osho kɔɔ, agbɔ Ayuda, agbozu tshapa anganga Ndjaba œdœ aayi kœyisœ awa akwa ngbɔtœ endje ga tœnœ, yé œ na dœ Yisu ba tœ egerœ angbɔtœ kœwa ngbanga nœ endje.

⁶⁷Endje pa fœ she adœke: «œdœ bœ kœdœ Masiya, pandœ nœ fœ 'a.» Yisu gi fœ endje adœke: «œdœ mœ kœpandœ nœ fœ 'e, 'e yindœ nœ ga ndœ mœ nene;

⁶⁸yé œdœ mœ kœyu 'o, 'e gi o'o fœ mœ nene.

⁶⁹Kashe ngɔngɔ asœ, Gbolo nœ uzu œ sœ ga tœ kuni Ndjaba nœ gbɔgbɔ.»

⁷⁰Endje para kɔkɔ yu adœke: «œbœ kœdœ Gbolo nœ Ndjaba a?» Tshœ kœgi fœ endje adœke: «E'e dœ tœ 'e 'e sœ kœpa tœnœ adœke, œmœ kœdœ Gbolo nœ ye.»

⁷¹Endje kœpa adœke: «Ádá kœgbe dœ anga timu kpa gugu nene! Gbambanœ nene, azœ dœ tœ azœ a dji o'onœ lœ adja ama ye dœ tœ ye!»

Lukasi 23

Endje na dœ Yisu ba utshu Pilato

(Wu ba tœ Mat 27.2,11-14; Mar 15.1-5; Yow 18.28-38)

¹Azu para á endje sœ lima tœ œsœ egerœ angbɔtœnœ áalafo yé œ na dœ she ba utshu Pilato.

²Endje tetœ koetɔ meza pa ye dœ o'onœ adœke: «'A gbɔ yakoshe asœ, tshe sœ koedjingili tshelœ kumu azu ogo nœ azœ: Tshe sœ kœpakata azu ndœ kœyɔ lapo nœ Sezare, tshe sœ kœpa adœke œne koedœ Masiya, œne ndje koedœ gbozugo.»

³Pilato kœyu she adœke: «œbœ koedœ gbozugo nœ Ayudancœ a?» Yisu kœgi fœ she adœke: «œbœ dá sœ kœpa ataa.»

⁴Pilato pa fœ agbozu tshapa anganga Ndjaba dœ pe ukpulu azuncœ á endje na lima adœke: «Mœ wuwusœ anga o'o á li adœke mœ wa ɔgbɔ ngbanga ga tœ yakoshe asœ liaka nœ nene.»

⁵Kashe endje shi kɔfɔ adœke: «Tshe sœ koedjingili tshelœ kumu azu dœ kœyisœ œrœ adœke azu oma lakpi. Tshe tetœ nœ lœ ogo Galilayi, lœ ogo Yuda œrrr á wuta dœ tœncœ ba ke asœke.»

Endje na dœ Yisu ba utshu Erode

⁶Manda koedji endje, Pilato kœyu endje adœke: «Yakoshe asœ koedœ uzu Galilayi a?»

⁷Yé endje yindœ nœ ngbi adœke œshe koedœ uzu Galilayi. Koedji adœke Yisu koedœ uzu ogo á Erode koedœ gbozuncœ, tshe vwa she ga ndœ Erode, mbœrœ lœ olo asœmœ tshe na lima kpœmœ ga lœ Yerusaleme.

⁸Kœwu Yisu atake, Erode sœ dœ yanga tɔpanœ kpuru. Gbambancœ nene, tshe sœ lima kolœ koedjindœ œtrœ ye, yé œ sœ dœ ogo kœwu she. Tshe sœ lima kœgbe adœke Yisu œ mbœrœ anga afá dœ ala œne zœ.

⁹Tshe yu she dœ o'o ga pa nœ ga pa nœ, kashe Yisu gigi 'o bale fœ she nene.

¹⁰Agbozu tshapa anganga Ndjaba dœ pe aayi kœyisœ awa akwa sœ lima koetɔ meza pa ye dœ agbɔ.

¹¹Erode dœ pe aturugu nœ ye te lima tœ kœmɔ Yisu, œ sœ lima kœgu œsœ ye. Endje verœ ɔtshɔ lœba á ga waa ga tœ ye, yé œ gi she fœ Pilato.

¹²Pe dœ ɔlɔncœ asœmœ, Erode œdœ Pilato á endje sœ lima kœyiangbatœ endje utshuncœ, tetœ kœyindœtœ endje ye.

Pilato wa ngbanga nœ kuzu ga tœ Yisu

(Wu ba tœ Mat 27.15-26; Mar 15.6-15; Yow 18.39–19.16)

¹³Pilato kpa e agbozu tshapa anganga Ndjaba, agbozugo dœ pe azu ogo kɔ,

¹⁴yé á kœpa fœ endje adœke: «'E na dœ yakoshe asœ fœ mœ b̄ata uzu á tshe sœ koedjingili tshelœ kumu azu tœ awa á sœ ndjii, kashe œmœ á mœ yu she utshu 'e, mœ gbɔgbɔ anga œrœ á li adœke mœ wa ɔgbɔ ngbanga ga tœ ye liakancœ ugurutœ o'o á 'e tɔ meza pa ye ndœncœ nene.

¹⁵Gbozu Erode gbɔgbɔ ndje she dœ ekpe 'o nene, yeka á gi she fœ azœ gamœ asœke. Mbœrœ tœnœ ataa, anga œrœ á tshe mbœrœ á li dœ kuzu gugu bale nene.

¹⁶Ataa, mœ sɔ kolœ she dœ ndjapa, œ za awa fœ she ye.»

[¹⁷Lɔkɔ angbo nœ Pake bale dœ bale, Pilato sœ balima kœvwara anga uzu bale lœ anda kánga.]

¹⁸Endje tetœ kœtarawa para kɔkɔ adœke: «Wo uzunœ asœmœ ye! Œ katœ Barabase fœ 'a!»

¹⁹Endje za lima Barabase ga lœ anda kánga mbœrœ anga kœoma dœ o'o á wuta lima lœ ongo, á tshe wo lima uzu lœ nœ.

²⁰Pilato kpa yu ndje dœ gbetshelœ adœke œne katœ Yisu.

²¹Kashe endje tara rawa adœke: «Tshe tshu pa kurushi, tshe tshu pa kurushi!»

²²Tœ votœnœ, tshe kœpa fœ endje adœke: «Ekperœ gadœ á yakoshe asœ mbœrœ a? Mœ gbɔgbɔ anga œrœ bale á tshe mbœrœ á li adœke tshe tshu nene. Mœ yindœ kœbi kolœ she, yé œ za awa fœ she.»

²³Kashe endje sœ kolœ kœta rawa dœ agbɔ adœke tshe tshu pa kurushi, yé rawa nœ endje sœ kolœ kœgerœ tœnœ.

²⁴Yé Pilato kœwa b̄ata á endje yœndœ nœ asœmœ.

²⁵Tshe kœkatœ uzu á tshe za she vwi ga lœ anda kánga mbœrœ kœoma dœ 'o œdœ mbœrœ kœwo uzu, yé á endje sœ lima kœyœndœ ye. Kashe tshe pa adœke endje mbœrœ dœ Yisu b̄ata á endje yindœ nœ.

Ba tœ awa kurushi

(Wu ba tœ Mat 27.32-44; Mar 15.21-32; Yow 19.17-27)

²⁶Bata á aturugu sœ lima kœna dœ Yisu, endje togba dœ anga uzu bale á i'iri ye kœdœ Shimu, uzu tshalakpi Sirene. Tshe to lima b̄a lœ kindi á sœ kœgu tœnœ yé endje za she dœ œgbɔ, œ za kurushinœ ga pa kanga ye adœke tshe za manda Yisu.

²⁷Ukpulu azu yaba yaba sœ lima kœna manda ye. Endje ngbɔ lima dœ anga ayashe á endje sœ lima kœda okoro endje, á sœ lima kœditshelœama endje tœ upu nœ ye.

²⁸Yisu kœfatœ ye ga ndœ endje á kœpa fœ endje adœke: «Ayashe Yerusaleme, 'e kiki mœ nene! Kashe 'e kitœ 'e dœ tœ 'e dœ pe agbolo nœ 'e!

²⁹Gbambœ nene, lœkœnœ ndo á endje pa adœke: “Yanga nœ ayashe mara, dœ endjeneke á endje zuzu damba nene, dœ endjeneke á endje zaza damba œngɔ ga lœ ama agbolo nene asœmœ!”

³⁰Azu œ tetœ kæpa fœ kaga adœke: “Te ga pa 'a” yé œ pa fœ koto adœke: “Ko 'a yiwa tœnœ!”

³¹Gbambanœ nene, œdœ endje kæmbœrœ atake ga tœ tungboyu ꝑꝑ, endje mbœrœ kotoo tœ ꝑꝑ ꝑꝑ a?»

³²Endje na ndje lima dœ anga aayi ngbindĩrœ bisha adœke endje wo endje awa bale dœ Yisu.

Endje kuru Yisu ga pa kurushi

(Wu ba tœ Mat 27.33-34; Mar 15.22-32)

³³Kœwuta endje ga tœ osho má endje e tœnœ adœke: «Gbayashi kœrœ», endje kuru Yisu ga pa kurushi dœ pe aayi ngbindĩrœ asœmœ bisha, anga ga pa kuni anga ga pa gele.

³⁴Yé Yisu pa adœke: «Aba, djerœndœ ekperœ nœ endje gbambanœ nene, endje wuwusœ œrœ á endje sœ kæmbœrœ tœnœ nene.» Yé endje ta wuka pa lœba nœ Yisu, œ kurutshelœ nœ tœ endje ye.

³⁵Azu ndjoro ka lima ba zœ yé œ sœ kœwu tœnœ. Agbozu ayudanœ tetœ kœmœ she, œ pa adœke: «Tshe she lima anga azu. Œdœ tshe kœdœ adja Masiya á Ndjaba ke she asœmœ, kaka tshe shetœ ye dœ tœ ye!»

³⁶Aturugu mœ ndje lima she. Endje na lima ndoo dœ she, œ za ikpi vinu fœ she,

³⁷yé œ pa adœke: «Œdœ bœ kœdœ gbozugo nœ Ayuda, shetœ zœ dœ tœ zœ.»

³⁸Endje su ndje lima mbeti á bi ga tœ kumu kurushinœ adœke: «Uzunœ asœke kœdœ gbozugo nœ Ayuda.»

³⁹Anga ayi ngbindĩrœnœ bale á endje kuru she ga pa kurushi tetœ kœgu she, œ pa adœke: «Œ dœdœ bœ kœdœ Masiya nene a? She tœ zœ dœ tœ zœ œ she ndje a'a!»

⁴⁰Kashe anga gbagbara she yé œ pa adœke: «Bœ kpa awa Ndjaba nene a? Œrœ á endje mbœrœ fœ azœ, œtœnœ dá endje mbœrœ ndje fœ she!

⁴¹Tœ azœ, djofelœnœ asœ li dœ azœ; gbambanœ nene, œneke á a gbœ kœdœ œrœ tshangba œneke á a mbœrœ. Kashe œshe, tshe mbœmbœrœ ekperœ teasho nene.»

⁴²Manda nœ, tshe pa fœ Yisu adœke: «Yisu, gbe dœ mœ lœkœ á bœ kwa bala tœ zœ kæmbœrœ akwa gbozu nœ zœ kane.»

⁴³Yisu kœgi fœ she adœke: «Mœ sœ kæpa fœ bœ dœ adjapu adœke, kpesheke, bœ sœ dœ mœ awa bale ba lœ Paradizo.»

Kuzu Yisu

(Wu ba tœ Mat 27.45-56; Mar 15.33-41; Yow 19.28-30)

⁴⁴Ɖe na kœwuta ndoo dœ kakpi ɔɔ, osho bu kporokoto pa ɔsho djigi œrrr ga tœ ada ɔɔ voto manda kakpi ɔɔ,

⁴⁵ɔɔ kpa tɔtɔ nene. Yé egerœ læba á endje du ba sœnda Tepelo asœmœ suru tshelœtœ ye bisha.

⁴⁶Yisu ta rawa dœ ɔgbɔ yé œ pa adœke: «Aba, mœ katœ ishiri mœ ga tshakane zœ.» Manda kœpa o'onœ asœke, ngbewo tshe tshu ye.

⁴⁷Kœwu œrœ kɔ á mbœrœ lima tœ endje, gbozu tshapa aturugu Roma donga Ndjaba, œ pa adœke: «Ɖkporo o'o, yakoshe asœke kœdœ uzu á tshe sœ ndjii.»

⁴⁸Yé azu ndjoro á endje ngbɔba lima tœ endje kpœtœmœ, wu œrœnœ á mbœrœ lima tœ endje asœmœ, yé œ fatœ endje gu tœnœ dœ kœda okoro endje dœ oyo.

⁴⁹Aayi kœna manda Yisu para kɔkɔ, dœ pe ayashe á endje to lima dœ she ba læ ogo Galilayi, ka lima zara á sœ kœtondœ œrœnœ kɔ á sœ lima kœmbœrœtœ endje asœmœ.

Endje shi oko Yisu

(Wu ba tœ Mat 27.57-61; Mar 15.42-47; Yow 19.38-42)

⁵⁰Anga uzu bale á i'iri ye kœdœ Yozeffu, anga ayi kœwa ngbanga nœ Ayuda, tshe kœdœ lima ɔtsho uzu, uzu á tshe sœ ndjii.

⁵¹Uzu tshalakpi Arimateyo, tshe za lima lœsu ye djigi kœkate dœ lɔkɔ á Ndjaba œ tetœ kœmbœrœ akwa tshagbozu nœ ye. Tshe vwara lima tœ ye tœ ngbanganœ á endje wa ga tœ Yisu dœ pe œrœnœ á endje mbœrœ ga tœ ye asœmœ.

⁵²Tshe na ga ndœ Pilato kœyu she adœke, œne za oko Yisu.

⁵³Yé tshe na œ i oko Yisu tœ kurushi ga atɪ, œ vwele dœ imbi læba yé œ na kœshi tœnœ ba læ kudu á endje dji læ badja. Endje shishi lima anga uzu bale ga læ kudunœ asœmœ nene.

⁵⁴Tœnœ kœdœ lima olo bale utshu sabata, olo kœguma œrœ yé lɔkɔnœ asœmœ ndo lima ye.

⁵⁵Ayashe á endje to lima dœ Yisu ba læ ogo Galilayi asœmœ, na lima awa bale dœ Yozeffu. Endje na lima kœwu kudunœ yé œ wu mara á endje shi dœ oko Yisu ga lænœ.

⁵⁶Manda nœ, endje gu ga manda endje, œ guma kada dœ pe yombo ndœ kœna kœdja ga tœ kote Yisu. Dœ lɔkɔ sabata, endje yatœ endje liaka œneke á awa akwa pa tœnœ.

Lukasi 24

Yisu she lœ akuzu

(Wu ba tœ Mat 28.1-10; Mar 16.1-8; Yow 20.1-10)

- ¹Dœ ɔɔ yenga lœ gurutsha, ayashenœ ro ga pa udu dœ yombonœ á endje guma lima asœmœ.
- ²Kœwuta endje ba zœ, endje gbɔ adœke endje vwiri egerœ badjanœ tœ ama kudunœ ye.
- ³Endje li ba lœ kudunœ ba zœ, kashe endje gbɔgbɔ lima oko Gbozu Yisu nene.
- ⁴Uvuru endje i gara, yé trale endje wu azu bisha á endje verœ læba á tshiiitshi, endje ka ndoo dœ endje.
- ⁵Awa za endje, endje kœtra kumu endje ga ati, yé azu asœmœ kœyu endje adœke: «Mbœrœ gadœ á 'e sœ kœpara uzu á tshe sœ dœ soro ugurutœ akuzu a?
- ⁶Tshe sœsœ kpœke nene, kashe tshe she ye. 'E gbe dœ o'o á tshe pa lima fœ 'e lœkœ á tshe sœpe lima ba lœ Galilayi kane.
- ⁷Tshe pa lima adœke: “Œ li adœke endje za Gbolo nœ uzu ga tshakane ekpe azu, endje wo she ba pa kurushi, yé manda olo votɔ, tshe she lœ akuzu ye.”»
- ⁸Ataa, œndœ o'onœ á Yisu pa lima asœmœ kœte lœ ayashenœ asœmœ,
- ⁹endje to ba pa udu ba zœ, œ gu œ pandœ o'onœ kœ fœ ayambarœnœ ndjokpa dœ bale asœmœ dœ pe udu endje kœ.
- ¹⁰Ayashenœ lima kœdœ: Mareya uzu Magadala, Jane œdœ Mareya ayi Jake. Anga angbi ayashe á endje ro lima awa bale dœ endje mi ndje ndœ nœ fœ aayi avwa.
- ¹¹Aayi avwanœ gbe lima œne endje adœke o'onœ á endje pa asœmœ kœdœ o'o nœ ayi iyi, yé endje yiyi lima ndœ nœ ga tœ ayashenœ nene.
- ¹²Petro áafo, œ kpa ga pa udunœ ba zœ, œ ti, œ wu kolœ a'eara imbi ndœma læba. Œ gu ga ndœ ye, yé œ tetœ kœkitœ œsœ œrœ á mbœrœ tœ endje asœmœ.

Yisu matœ ye fœ azu bisha tœ awa Emawuse

(Wu ba tœ Mar 16.12-13)

- ¹³Kolœ dœ lœkœnœ asœmœ, anga azu bisha ugurutœ endje na lima ga lakpi Emawuse. Kœto lœ Yerusaleme œrrr ga lœ Emawuse, endje mbœrœ ada ɔɔ bisha nœ ana.
- ¹⁴Kœna endje, endje tetœ kœpa o'o tœ œrœnœ á mbœrœ lima tœ endje asœmœ na tœnœ.
- ¹⁵Bata á endje sœ lima kœkitœ œsœnœ dœ pe kœsharatœ endje, Yisu dœ tœ ye te ga ndœ endje, œ tetœ kœna dœ endje tœ awanœ.

- ¹⁶Kashe, ala endje bu lima tœ kœwusœ nœ adœke Yisu dœmœ.
- ¹⁷Yisu kœyu endje adœke: «O'o gadœ dá 'e sharatœ 'e ugurutœ 'e tœ awa lœ kumu nœ a?» Yé endje kœka tshikingi dœ oyo.
- ¹⁸Yeka á anga bale ugurutœ endje, á i'iri ye kœdœ Kleyopase, kœgi fœ she adœke: «Kolœ œbœ bale lœ Yerusaleme asœke dá wuwusœ o'o á ro kpœke nene a?»
- ¹⁹Tshe kœyu endje adœke: «O'o gadœ e?» Endje kœgi fœ she adœke: «O'o nœ Yisu uzu Nazarete. Œshe kœdœ lima ayi kœgbara o'o nœ Ndjaba. Tshe sœ lima dœ gbœgbœ nœ kœembœrœ œrœ dœ pe kœpa o'o utshu Ndjaba œdœ azu.
- ²⁰Yeka agbozu tshapa anganga Ndjaba dœ pe agbozu nœ azœ ka she, á kuru she ga pa kurushi, á wo she ye.
- ²¹'A ko lima lœsu 'a ga pa ye adœke œshe dá Ndjaba vwa she ndœ kœshe azu Israyele. Kashe œ ro kpesheke olo voto á œrœnœ mbœrœtœ endje asœmœ.
- ²²'A wusœ nœ lœ awa nœ anga ayashe ugurutœ 'a á endje za o'onœ ga ati yekane á tshanga kumu 'a. Gbambanœ nene, endje kpa lima lœ gurutsha ga pa udunœ ba zœ,
- ²³kashe endje gbœgbœ oko ye nene. Endje fatœ endje œ gu á pa fœ 'a adœke, aandjelu wuta á pa fœ œne adœke, tshe kpa œepe dœ soro.
- ²⁴Anga anga 'a na ba pa udunœ ba zœ, œ gbœ œrœnœ kœ liaka œneke á ayashœnœ gu á pandœ nœ fœ 'a asœmœ, kashe anga œrœ bale kœdœ adœke endje wuwu she nene.»
- ²⁵Yé tshe kœpa fœ endje adœke: «Uu, azu á endje sœsœ dœ kœwusœrœ nene, o'o kœ á aayi kœgbara o'o pa ba lima, 'e yiyindœ nœ katsha nene!
- ²⁶'E wuwusœ nœ nene a? Œ li adœke Masiya wu oyo yeka á kœsœ lœ mokœ nœ ye.»
- ²⁷Manda nœ, á tetœ kœmindœ o'o á endje sú tœ upu nœ ye la buku nœ Ndjaba, kœto tœ Moyize œrrr ga tœ aayi kœgbara o'o.
- ²⁸Kœendo dœ ogo á endje yi lima ndœ kœna ga lœnœ, Yisu mbœrœ bata œnœ sœ kœna œnœ œne lœ ingirinœ.
- ²⁹Endje kœpa fœ she adœke: «Sœpe dœ 'a mbœrœ ba mãmá œrrr œbœ di ye, osho bu ndje ye.» Yé tshe kœli ndœ kœelo dœ endje.
- ³⁰Endje ngbœtœ endje indiri ndaba ndœ kœziœ, tshe kœza mapa, kœdonga Ndjaba, kœva tshelœnœ ndœ kœkurutshelœ nœ tœ endje.
- ³¹Trale ala endje kœkœrœ, á endje kœwusœ nœ adœke œshe dœmœ. Œne kpa mesho atake, titiwiri tshe kœyiwa tœ endje ye.

32Endje koetetoe koeyutoe endje, anga manda yanganoe adoeke: «Dlo á tshe soe koepa o'o doe azoe toe awa doe pe koemindoe o'o ama Ndjaba la buku, oe soe koeru losu azoe ba ta owo a?»

33Pe kpoetoe oesoenoe, endje aafu oe gu ga loe Yerusaleme, ye á gbo ayindoe Yisu ndjokpa doe bale á endje ngboba toe endje doe pe anga anga endje

34 soe koepa lima adoeke: «Adjapu, Gbozu she loe akuzu ye, tshe matoe ye foe Shimu.»

35Ye ayindoe Yisu bisha asoemoe, koepandoe o'o á ro toe awa Emawuse foe endje, doe pe mara á endje wusoe Yisu dlo á tshe va tsheloe mapa.

Yisu matoe ye foe ayambaroe noe ye ndjokpa doe bale

36Bata á endje soepe lima damba koepa o'onoe, trale Yisu wuta ga ugurutoe endje, á koepa foe endje adoeke: «Koesoe gee soe doe 'e.»

37Uvuru endje i gara doe awa, mboeroe endje gbe adoeke endje wu ngandoro.

38Ye tshe koepa foe endje adoeke: «Mboeroe gade da losu 'e soe ga lafo a? Mboeroe gade da 'e soe doe ashara ata a?»

39'E wu tshakane moe doe ada moe, oemoe doemoe. 'E goro moe doe oe wu, ngandoro soesoe doe songba doe pe ngbabi bata á moe soe doe toenoe asoe nene.»

40Manda o'onoe asoemoe, tshe koema tshakane ye doe ada ye foe endje.

41Bata á yanga soe zoe doe pe uvuru endje á i gara, endje yiyi lima damba ndoenoe nene, Yisu koepa foe endje adoeke: «'E soe doe koerore toenoe kpoeke zoe a?»

42Endje za anga ndindi ageatshalangu á endje zoozo foe she.

43Ye tshe za oe zi toe ala endje.

44Manda noe, tshe pa foe endje adoeke: «'E wu, dlo á moe soe lima damba doe 'e, moe pa lima foe 'e adoeke: O'o á endje su lima la buku awa akwa noe Moyize, la buku noe aayi koegbara o'o doe pe la oenoe Itshi, oe mboeroetoe endje liakanoe.»

45Mboeroe toenoe ataa, Yisu koru koewuseroe noe endje ndoe koewusoe ada buku noe Ndjaba.

46Tshe pa foe endje adoeke: «Bata á o'o ama Ndjaba soe lima koepa toenoe: Endje ndanga Masiya oerrr ga toe koewo she, kashe manda olo votu tshe she ugurutoe akuzu.

47Oe li adoeke, endje mindoe i'iri ye loe angbi ogo ko koeto loe Yerusaleme, mboeroe adoeke azu fatshalosu endje á Ndjaba koedjoroendoe ekpero noe endje.

48Mboeroe e'e da doe atimu noe oeroenoe ko asoemoe.

49Yé æmœ, mœ vwa Ɔtshɔ Ishiri fœ 'e bata á Aba mœ pa lima ndœ nœ. 'E sœ damba læ Yerusaleme kpœke œrrr ga tœ olo á gbɔgbɔ nœ Ndjaba kœjerœ ga pa 'e yekane.»

Yisu ɔ ga lafo

50Manda nœ, Yisu to endje na tœncœ ndoo dœ Betani. Tshe ti kane ye ga lafo, á to kane ye kapa endje.

51Lɔndɔ á tshe sœ lima kœto kane ye ga pa endje, tshe katœ endje yé œ ɔ ga lafo.

52Manda kœdonga she, endje gu dœ yanga ga læ Yerusaleme.

53Ɔlɔ dœ ɔlɔ endje sœ lima kœna kœdonga Ndjaba ba læ Tepelo.

Yowane

Yowane 1

O'o á za soro fœ uzu

- ¹Utshunœ adœeke Ndjaba mbœerœ tshalafo dœ tshapashɔ, O'o sœ lima zœ. O'o sœ lima awa bale dœ Ndjaba, yé O'o kœdœ lima Ndjaba.
- ²O'o sœ lima awa bale dœ Ndjaba utshunœ adœeke tshe mbœerœ tshalafo dœ tshapashɔ.
- ³Ndjaba mbœerœ œerœ kɔ dœ awa nœ ye, yé anga œerœ bale mbœembœerœtœ ye kpi tœ ye nene.
- ⁴O'o sœ lima dœ soro, yé soro kœdœ lima ingbɪsho nœ azu.
- ⁵Yé ingbɪsho matœ ye lœ ubu osho kashe ubu osho sœsœ dœ gbɔgbɔ tœ kœwo ishirinœ nene.
- ⁶Ndjaba vwa lima anga yakoshe bale á i'iri ye kœdœ Yowane.
- ⁷Tshe na lima bata timu mbœerœ kœpa o'o tœ upu nœ ingbɪsho. Tshe na adœeke azu para kɔkɔ sœ dœ kœyindœerœ ga ndœ ingbɪshonœ.
- ⁸Tshe dœdœ lima ingbɪsho má nene, kashe tshe na lima adœeke œene pandœ adja o'o tœ upu nœ ingbɪshonœ.
- ⁹O'onœ kœdœ lima adja ingbɪsho, œeneke á na ga pa ɔshœnœ asœeke yé œ tɔ ga ndœ azu para kɔkɔ.
- ¹⁰O'o sœ lima pa tshapashœnœ asœeke. Ndjaba mbœerœ lima tshapashœnœ asœeke dœ awa nœ ye kashe azu tshapashɔ wuwu lima sœ ye nene.
- ¹¹O'o na lima ga lœ ogo nœ ye dœ tœ ye, kashe azu nœ ye zaza lima osho kœsœ fœ she nene.
- ¹²Andaa, mbœerœ azu neke á endje za lima osho kœsœ fœ she, á sœ lima dœ kœyindœerœ dœ i'iri ye, tshe za lima awa fœ endje adœeke endje te agbolo nœ Ndjaba.
- ¹³Endje tete agbolo nœ Ndjaba lœ indji dœ pe lœ mara nœ azu nene, bata á yakoshe œ zu gbolo tœ yashe liaka ogo nœ endje nene, kashe Ndjaba dá zu lima endje liaka gbetshelœ nœ ye dœ tœ ye.
- ¹⁴Yé O'o wuta uzu, œ lo ugurutœ azœ. A wu mokɔ nœ ye, yé œtœnœ kœdœ mokɔ á Ndjaba Aba za fœ Gbolo nœ ye tshebale, á tshe sú dœ ɔtshɔ lœsu œdœ adjapu.
- ¹⁵Yowane te lima tœ kœpandœ o'o tœ upu nœ ye, á gbara lima o'o adœeke: «'E wu uzu á mœ mi lima ndœ o'o tœ upu nœ ye lœkɔ á mœ pa adœeke: "Tshe sœ

koena manda mœ, kashe tshe ropa mœ ye, gbambanœ nene, utshu mœ tshe sœ lima zœ.”»

¹⁶Lœ ɔtshɔ lɔsu nœ ye, tshe to kane ye ga pa azœ para kɔkɔ, yé tshe kpa to anganœ ga pa nœ.

¹⁷Ndjaba za lima awa akwa fœ azœ lœ awa nœ Moyize, kashe ɔtshɔ lɔsu nœ ye œdœ pe adja o'o nœ ye na ga ndœ azœ dœ awa nœ Yisu Kristu.

¹⁸Adja uzu bale wuwu Ndjaba nene, kashe Gbolo nœ Ndjaba tshebale á tshe kœdœ Ndjaba, yé á sœ awa bale dœ Abanœ, œshe dá yisœ Ndjaba fœ azœ.

O'o á Yowane pa tœ upu nœ Yisu

(Wu ba tœ Mat 3.1-12; Mar 1.2-8; Luk 3.15-17)

¹⁹Yé asœke kœdœ o'o á Yowane pa lima lɔkɔ á agbozu tshapa Ayuda á endje lœ lima lœ Yerusalem vwa lima anganga Ndjaba œdœ pe alevite ndœ kœyu she adœke: «œbœ kœdœ uzu dœ e?»

²⁰Tshe vwavwara lima tœ ye tœ kœgi o'o nene, tshe pa lima o'ara adœke: «Mœ dœdœ Kristu nene.»

²¹Á endje kœyu she adœke: «Ataa, bœ kœdœ má œdœ e? œbœ kœdœ Eliya a?» Á tshe kœgi adœke: «Mœ dœdœ she nene.» «œbœ kœdœ ayi kœgbara o'o a?» Á tshe kœgi adœke: «œ.»

²²Endje kœpa fœ she adœke: «Atamœ, œbœ kœdœ má dœ e? Mbœrœ œ li adœke 'a gu dœ o'o fœ azu á endje vwa 'a. Bœ pa kotoo tœ zœ dœ tœ zœ a?»

²³Á tshe gi fœ endje adœke: «œmœ kœdœ “tshama á sœ kœki ba lœ kpagagasho adœke, 'e guma ala awa Gbozu!”» Bata ayi kœgbara o'o Isaya pa lima.

²⁴Andaa azu á endje vwa lima endje fœ Yowane kœdœ lima Afarisayi.

²⁵Endje kpa yu she adœke: «œdœ bœ kœdœdœ Kristu nene, bœ dœdœ Eliya nene, á dœdœ ndje ayi kœgbara o'o nene, mbœrœ gadœ á bœ sœ kœza batisimu fœ azu a?»

²⁶Yowane kœgi fœ endje adœke: «Mœ sœ kœza batisimu fœ azu ba la ungu. Kashe anga uzu bale sœ ugurutœ 'e á 'e wuwusœ ye nene,

²⁷tshe na manda mœ, yé mœ li kœzu uwu œrada nœ ye nene.»

²⁸œneke kɔ mbœrœ lima tœ endje ba lœ Betani ba kele ungu Yœrdane ba tœ osho á Yowane sœ lima kœza batisimu fœ azu tœnœ.

Yisu kœdœ Aya Pata nœ Ndjaba

²⁹Osho kɔrɔ pa nœ, Yowane wu Yisu koena ga ndœ ye á pa adœke: «Wu Aya Pata nœ Ndjaba á tshe gi ekperœ pa azu tshapashɔ.

³⁰Ɔeshe dá mœ pa lima o'o tœ upu nœ ye adœke: “Anga uzu bale œ na manda mœ, kashe tshe ropa mœ ye; gbambanœ nene, utshunœ adœke mœ wuta ga pa osho asœ, tshe sœ lima zœ.”

³¹Ɔemœ ndje, mœ wuwu lima sœ ye nene, kashe mœ na kœza batisimu ba la ungu á koembœrœ adœke azu Israyele kœwusœ ye.»

³²Yowane kpa pa adœke: «Mœ wu Ɔtsho Ishiri bata mbepa á tshe to ba lafo á jerœ kœsœ ga pa ye.

³³Yé mœ wuwu lima damba sœ ye nene, kashe Ndjaba á tshe vwa mœ ndœ kœza batisimu fœ azu ba la ungu dá pa fœ mœ adœke: “Uzu á bœ wu Ishiri kœjerœ kœsœ ga pa ye, œshe dá za batisimu nœ Ɔtsho Ishiri fœ azu.”

³⁴Yé œmœ, mœ wu lima yeka á sœ kœpa tœ upu nœ ye adœke, œshe kœdœ Gbolo nœ Ndjaba.»

Ali ayambarœ nœ Yisu

³⁵Olo bale manda nœ, Yowane kpa sœ lima kpœtœ oshonœ asœmœ dœ anga ayambarœ nœ ye bisha.

³⁶Lokɔ á tshe wu Yisu kœero tœncœ, tshe pa adœke: «Wu Aya Pata nœ Ndjaba.»

³⁷Ayambarœ nœ Yowane dji o'onœ á tshe pa lima asœmœ yé œ na manda Yisu.

³⁸Yisu fatœ ye ngarr œ wu, endje sœ kœna manda œne, á yu endje adœke: «'E sœ kœpara gafe?» Endje gi fœ she adœke: «Rabi, bœ sœ kœlo bata a?»

³⁹Tshe gi fœ endje adœke: «'E na gamœ yeka á kœwu.» Ɔœ sœ lima ada ɔlo vana manda kakpi ɔlo. Endje na lima, œ wu osho á tshe sœ lima kœlo tœncœ, yé œ sœ lima kpœtœmœ awa bale dœ she.

⁴⁰Anga bale ugurutœ abishanœ á endje dji o'o ama Yowane, á na manda Yisu asœmœ kœdœ lima Andere, aya Shimu Petro.

⁴¹Tshe na utshunœ œ gbo ayancœ dœ Shimu, á pa fœ she adœke: «'A gbo Masiya» – Ɔœ yindœ kœpa adœke «Kristu». –

⁴²Tshe to Shimu na ga ndœ Yisu. Á Yisu kœeshokɔ she kukuku, á kœpa adœke: «Ɔœbœ kœdœ Shimu, gbolo nœ Yowane. Endje e bœ Sefase.» – Ɔœ yindœ kœpa adœke «Petro».

Yisu e Afilipo dœ Natanaye

⁴³Osho kœrɔ pa nœ, Yisu gbe kœkwa ga lœ Galilayi. Tshe gbo lima Filipino á pa fœ she adœke: «Na manda mœ!»

⁴⁴Andaa Filipino kœdœ lima uzu tshalakpi Betesayida, osho á endje zu Andere œdœ Petro tœncœ.

⁴⁵Manda nœ, Filipino na œ gbɔ Natanayeले á pa fœ she adœke: «'A gbɔ uzunœ á endje sú o'o lima tœ upu nœ ye ga la awa akwa nœ Moyize œdœ aayi kœgbara o'o: Œshe kœdœ Yisu, gbolo nœ Yozefu uzu tshalakpi Nazarete.»

⁴⁶Á Natanayeले kœyu she adœke: «Lœ Nazarete, adja anga ɔtshœœ œ wuta zœ a?» Á Filipino kœpa fœ she adœke: «Na gamœ, yé œ wu.»

⁴⁷Yisu wu Natanayeले kœna lima ga ndœ ye, á pa tœ ye adœke: «Tsheneke kœdœ adja uzu Israyele, tshe pa kolœ adja o'o fœ azu.»

⁴⁸Yeka á Natanayeले kœyu she adœke: «'Bœ wusœ mœ bata a?» Yisu kœpa fœ she adœke: «Lœkœ á bœ sœ ba tshakudu ɔɔ fige, mœ wu bœ utshunœ adœke Filipino e bœ.»

⁴⁹Natanayeले kœpa fœ she adœke: «Rabi, bœ kœdœ Gbolo nœ Ndjaba, bœ kœdœ gbozugo nœ azu Israyele.»

⁵⁰Yisu kœgi fœ she adœke: «'Bœ sœ dœ kœyindœœ ga ndœ mœ mbœœ á mœ pa fœ bœ adœke mœ wu má bœ ba tshakudu ɔɔ fige a? 'Bœ kpa wu ogboro œœ á ropa œneke.»

⁵¹Á Yisu kpa kœpa adœke: «Mœ pa fœ 'e dœ adjapu adœke, 'e wu bala tshalafo kœkœœ tœnœ dœ aandjelu nœ Ndjaba kœœ kœjœœ pa Gbolo nœ uzu.»

Yowane 2

Angbo totœ ba lakpi Kanana

¹Olo bisha manda nœ, angbo totœ sœ lima ba lapki Kanana lœ ogo Galilayi. Ayi Yisu sœ lima ba zœ.

²Yé endje e ndje lima Yisu dœ ayambarœ nœ ye kœna ndœ angbonœ.

³Bata vinu ka lima ye, ayi Yisu pa fœ she adœke: «Azu kpa gugu dœ vinu nene.»

⁴Kashe Yisu gi fœ she adœke: «Yashe, o'o gafe tœ zœ dœ mœ a? Ada ɔɔ nœ mœ lili damba nene.»

⁵Ayinœ kœpa fœ azu kœmbœœ akwa adœke: «'E mbœœ œneke kœ á tshe pa tœnœ fœ 'e adœke 'e mbœœ.»

⁶Ngarambo mindu dœ bale á endje mbœœ dœ badja lœ lima kpœœmœ. Ayuda mbœœ lima ngarambonœ asœmœ mbœœ kœdjuto dœ kotœ endje utshu kœ'e Ndjaba. Tshelœ ngarambo bale dœ bale li lima litere ndoo dœ kama bale (100).

⁷Yisu pa fœ ayi akwa adœke: «'E su ungu pete ga lœ ngarambonœ asœke.» Endje su ungu ga lœ nœ yé œ su pete pete.

⁸Á Yisu pa fœ endje adœke: «Ngɔngɔ asœke, 'e su, œ na dœ tœnœ fœ ayengo angbonœ.» Yé endje sú œ na dœ tœnœ fœ she.

⁹Tshe dji ɔtshɔ ungunœ á wuta lima vinu. Tshe wuwu lima sœ osho á vinunœ to tœnœ nene, kashe ayi akwanœ á endje sú lima ungunœ, á na dœ tœnœ fœ she dá wu lima sœ nœ. Tshe e ndje yakoshe totoœnœ,

¹⁰ pa fœ she adœke: «Uzu kɔ te balima tœ kœsu ala vinu fœ azu lœ angbo, yé azu kœndjo œrrr á kœmbœrœ endje yekane á aa su sabala manda nœ. Kashe bœ gbɔndœ ala vinunœ œrrr ga tœ ngɔngɔ asœke a!»

¹¹Ali kœtetœ kœmbœrœ ambárá afá nœ Yisu sœ lima ba lakpi Kanana, lœ ogo Galilayi. Tshe ma lima mokɔ nœ ye lœ awa kœfa œrœnœ asœke, yé ayambarœ nœ ye sœ lima dœ kœyindœrœ ga ndœ ye.

¹²Manda nœ, tshe jerœ lima ga lœ Kaparnawumu awa bale dœ ayinœ, dœ aayanœ œdœ pe ayambarœ nœ ye. Œndœ endje didi lima ba zœ nene.

Yisu gɔrɔ aayi kœka œrœ lœ anda Tepelo

(Wu ba tœ Mat 21.12-17; Mar 11.15-17; Luk 19.45-46)

¹³Bata olo angbo pake nœ Ayuda ndo lima ye, Yisu ɔ lima ga lœ Yerusaleme.

¹⁴Kœli she ga lœ Tepelonœ atake, tshe gbɔ azu á endje lœ tœ kœka angombe, apata œdœ pe ambepa. Tshe gbɔ ndje lima azu kœyapa ngendja á endje lœ ga indiri meza nœ endje.

¹⁵Kœwu ataa, tshe mbœrœ ndjapa dœ uwu, œ gɔrɔ dœ endje kɔ, œdœ apata œdœ angombe nœ endje. Tshe gigi tshelœ ngendja nœ aayi kœyapa ngendja, œ ivwi meza nœ endje.

¹⁶Tshe pa fœ aayi kœka ambepa adœke: «'E gitœ 'e dœ œrœ kɔ kpœke, 'e fafa anda nœ Aba mœ bata anda kœka œrœ nœ 'e lœnœ nene.»

¹⁷Ayambarœ nœ ye kœgbe dœ o'onœ á endje sú ga la Buku nœ Ndjaba adœke: «Uu Ndjaba, ayo á mœ sœ dœ tœnœ ga tœ anda nœ zœ ju mœ bata owo.»

¹⁸Yé agbozu Ikrizia kœyu she adœke: «Ambárá afá gade dá bœ mbœrœ yeka á kœma fœ 'a adœke bœ gbɔ awa ndœ kœmbœrœ œrœ atake a?»

¹⁹Yisu gi fœ endje adœke: «'E ndi tshelœ anda Tepelo asœke, yé manda olo voto mœ kpa mɔ anganœ ga mangba nœ.»

²⁰Agbozu Ayudanœ kpa yu she adœke: «Endje mɔ anda Tepelo asœke manda ngbugu zazu bisha dœ mindu dœ bale (46), yé œbœ á bœ sœ ke, bœ li tœ kœmœ tœnœ manda olo voto a?»

²¹Kashe Yisu pa lima tœ Tepelo nœ undu ye.

²²Ɔerrr manda nœ, dœ lɔkɔ á Ndjaba she lima Yisu lœ akuzu dá ayambarœ gbe dœ o'onœ á tshe pa lima tœnœ ataa. Endje yi lima ndœ o'o á Buku nœ Ndjaba pa œdœ pe o'onœ á tshe pa.

Yisu wusœ lœsu azœ

²³Lɔkɔ á Yisu sœ lima lœ Yerusaleme, dœ lɔndɔ angbo pake, azu ndjoro sœ lima dœ kœyindœrœ ga ndœ i'iri ye mbœrœ ambára afá ndjoro á tshe sœ lima kœmbœrœ tœnœ.

²⁴Kashe Yisu zaza lima lœsu ye ga pa endje nene mbœrœ tshe wu lima sœ endje dœ ɔtshœnœ.

²⁵Ádá adœke endje pa lima o'o fœ she tœ upu nœ azu gugu nene, mbœrœ œshe dœ tœ ye tshe wu lima sœ o'o á sœ tœ lœsu endje kɔ.

Yowane 3

Yisu œdœ Nikodeme

¹Anga yakoshe bale á i'iri ye kœdœ Nikodeme, sœ lima ugurutœ Afarisayi, yé œ dœ lima anga gbozu tshapa Ayuda.

²Anga butshɔ bale, tshe na ga ndœ Yisu œ pa fœ she adœke: «Rabi, 'a wusœ nœ adœke Ndjaba dá vwa bœ adœke bœ yisœ œrœ fœ 'a mbœrœ uzu œ li kœmbœrœ ambára afá bata á bœ mbœrœ asœke œdœ Ndjaba kœsœsœ dœ she awa bale nene.»

³Yé Yisu gi fœ she adœke: «Mœ pa fœ bœ dœ adjapu adœke, uzu bale œ li kœwu Ogo gbozu nœ Ndjaba nene œdœ endje kpa kœzuzu she tœ bishanœ nene.»

⁴Nikodeme kœyu she adœke: «Mara gadœ dá uzu á tshe gbɔ ye á endje kpa zu she tœ bishanœ a?»

⁵Yisu gi fœ she adœke: «Mœ pa fœ bœ dœ adjapu adœke, uzu bale lili tœ kœli ga lœ Ogo gbozu nœ Ndjaba nene œdœ endje kœzuzu she dœ awa nœ ungu œdœ ndje dœ awa nœ Ɔtshɔ ƙshiri nene.

⁶Ɔeneke á to lœ undu uzu kœdœ undu uzu; yé œeneke á to lœ ƙshiri, kœdœ ƙshiri.

⁷Uvuru zœ kpakpa lœ zœ nene mbœrœ o'onœ á mœ pa fœ bœ adœke: “Ɔe li adœke endje zu 'e lœ awa nœ tshalafœ.”

⁸Yugu sœ kœna tœ osho á yindœ nœ, yé bœ sœ kœdji œsœnœ kashe bœ wusœ osho á to tœnœ too osho á sœ kœna ga tœnœ nene. Asœke kœdœ mara œrœ á sœ kœmbœrœtœ ye mbœrœ uzu kɔ á endje zu she lœ awa nœ ƙshiri.»

⁹Á Nikodeme kœpa fœ she adœke: «Mara œrœ atake œ li kœmbœrœtœ ye koto o?»

¹⁰Yisu gi fœ she adœke: «Œbœ kœdœ ayi kœyisœrœ fœ azu Israyele yé bœ wuwusœ œrœnœ asœke nene a?

¹¹Mœ sœ kœpa fœ bœ dœ adjapu adœke: 'a sœ kœpa o'o tœ upu nœ œrœ á 'a wusœ nœ œdœ pe œneke á 'a wu, kashe 'e wu o'o nœ 'a gbambancœ.

¹²Œdœ mœ kœpa o'o tœ œrœ á sœ kœmbœrœtœ ye pa ɔshɔ asœke fœ 'e á 'e kœdjidji mœ nene, 'e yi má ndœ o'o ama mœ kotoo œ kœsœ adœke mœ pa o'o tœ œrœ á mbœrœtœ ye ba lafo fœ 'e a?

¹³Gbambancœ nene, uzu bale ɔɔ ba lafo nene, kolœ Gbolo nœ uzu á tshe to ba lafo á jerœ ga ati.

¹⁴«Bata Moyize i lima anga yakoro á endje mbœrœ she de yarakowo ga tœ ɔɔ ndœ kœti she ga lafo ba lœ kpagagasho, awa bale azu œ za Gbolo nœ uzu œ ti she ga lafo,

¹⁵yekane uzu kɔ á tshe sœ dœ kœyindœrœ ga ndœ ye, tshe gbɔ soro neke á ka nene.

¹⁶Gbambancœ nene, Ndjaba yindœ tshapashɔ waa yeka á vwa Gbolo nœ ye tshebale adœke uzu kɔ á tshe yindœ ye, tshe tshu nene, kashe tshe sœ dœ soro á ka nene.

¹⁷Ndjaba vwavwa Gbolo nœ ye ga pa ɔshɔ mbœrœ kœwa ngbanga ga tœ tshapashɔ nene, kashe Ndjaba vwa she adœke tshapashɔ gbɔ kœshe lœ awa nœ ye.

¹⁸«Uzu á tshe kœsœ dœ kœyindœrœ ga ndœ ye, Ndjaba œ wa ngbanga ga tœ ye nene. Kashe uzu á tshe kœsœsœ dœ kœyindœrœ ga ndœ ye nene, Ndjaba wa balima o'o ga tœ ye yé mbœrœ á tshe sœsœ dœ kœyindœrœ ga ndœ i'iri Gbolo tshebale nœ Ndjaba nene.

¹⁹Yé ngbanga kœwa tœncœ dœke: Ingbisho na ga pa tshapashɔ, kashe azu yindœ ubu osho kœropa ingbisho, mbœrœ akwa tshelœ endje sœ tœ ekpenœ.

²⁰Atamœ, uzu kɔ á tshe sœ kœmbœrœ ekperœ, yiangba ingbisho. Tshe na ga ndœ ingbisho nene kparawa adœke ekperœ nœ œne wuta ngbi ga ushu.

²¹Kashe uzu á tshe te manda adja o'o, sœ kœna ga ndœ ingbisho adœke endje wu ngbi adœke akwa á tshe sœ kœmbœrœ tœncœ sœ kœlisœ Ndjaba.»

Yisu œdœ Yowane

²²Manda nœ, Yisu na awa bale dœ ayambarœ nœ ye ga lœ ogo Yuda. Tshe lo lima awa bale dœ endje ba zœ yé œ sœ kœza lima batisimu fœ azu.

²³Yowane za ndje lima batisimu fœ azu ba lakpi Eno ndoo dœ Salime mbœrœ ungu lœ lima kœtœmœ waa. Azu sœ lima kœna ga ndœ ye yé œ sœ kœgbɔ batisimu.

²⁴Andaa, endje zaza lima damba Yowane ga lœ kánga nene.

²⁵Ɔb bale, anga ayambarœ nœ Yowane te lima tœ kœgbugburu tshelœ o'o dœ anga uzu Yuda bale tœ upu nœ kœdjuto kote utshu nœ kœ'e Ndjaba.

²⁶Endje na lima ga ndœ Yowane, œ yu lima she adœke: «Rabi, uzu á tshe sœ lima dœ bœ ba atshi ungu Yordane, œshe á bœ pa o'o tœ upu nœ ye asœmœ; wusœ nœ adœke, tshe sœ ndje kœza batisimu fœ azu yé azu kœ sœ kœna ga ndœ ye.»

²⁷Yowane gi fœ endje adœke: «Uzu gbœ kolœ œrœ á Ndjaba œ to fœ she.»

²⁸E'e dœ tœ 'e, 'e li kœpandœ nœ adœke 'e dji lima mœ kœpa adœke: «Mœ dœdœ Kristu nene, kashe Ndjaba vwa mœ kœwuta utshunœ adœke tshe na.»

²⁹Ayi kœto yashe kœdœ akœ yashe. Kashe yanga ayi kœto yashe œ ka kpœ indiri ye yeka á dji she. Tshe sœ dœ yanga tœ kœdji tshadœngœ ayi kœto yashenœ. Yanganœ asœmœ kœdœ œnœ mœ, yé lœsu mœ sú ngœngœ asœ dœ tœnœ pete.

³⁰œ li adœke uzunœ asœmœ wuta egerœ uzu, yé mœ sœ œnœ mœ teasho.

Uzu á tshe to ba lafo

³¹«Uzu á tshe to ba lafo ropa œrœ kœ. Uzu tshapashœ kœdœ uzu tshapashœ yé tshe pa kolœ o'o tshapashœ. Tsheneke á tshe to ba lafo,

³²tshe sœ kœpa o'o tœ œrœ á tshe wu yé á dji. Kashe uzu bale yiyindœ œneke á tshe sœ kœmindœ nœ nene.

³³Uzu á tshe kœyindœ o'o nœ ye, uzunœ asœmœ yi ndje ndœ nœ adœke Ndjaba pa kolœ adja o'o.

³⁴Tsheneke á Ndjaba vwa she pa kolœ o'o nœ Ndjaba mbœrœ Ishiri nœ Ndjaba sœ lœ ye.

³⁵Ndjaba Aba yindœ Gbolo nœ ye, yé œ za she tœ gbozu tshapa œrœ kœ.

³⁶Uzu á tshe sœ dœ kœyindœrœ ga ndœ Gbolonœ asœke, tshe gbœ soro á ka nene. Kashe tsheneke á tshe kœvwaratœ ye tœ kœsœ dœ kœyindœrœ ga ndœ Gbolonœ, tshe gbœ soronœ nene, yé ókó nœ Ndjaba œ sœ waa pa ye.»

Yowane 4

Yisu œdœ yashe Samariya

¹Afarisayi dji lima ndœ nœ adœke Yisu sœ lima dœ ayambarœ waa yé œ sœ kœza batisimu fœ azu kœropa Yowane.

²Kashe Yisu dœ tœ ye zaza lima batisimu fœ azu nene, ayambarœ nœ ye dá sœ lima kœza batisimunœ.

- ³Ɔlɔ á Yisu dji o'onœ á endje sœ lima kœpa tœnœ, tshe katœ ogo Yuda ti yé œ gu ga lœ Galilayi.
- ⁴Andaa tœ kœgu she ga zœ, œ li lima adœeke tshe ro tɔ lœ ogo Samariya.
- ⁵Tshe wuta ndoo dœ anga tshalakpi Samariya á i'irincœ kœdœ Sishare. Sishare sœ ndoo dœ kindi á Yakobo za lima fœ gbolo nœ ye dœ Yozefu.
- ⁶Ɔtœnœ kœdœ ndje osho á kudu ungu nœ Yakobo sœ tœnœ. Yisu mɔ lœ ana, yé œ sœ ga ati ga tœ ama kudu ungunœ. Ɔ sœ lima ndoo dœ kakpi ɔlɔ.
- ⁷Anga yashe Samariya bale na ndœ kœsu ungu á Yisu pa fœ she adœeke: «Su ungu fœ mœ dœ mœ ndjo.»
- ⁸Ayambarœ nœ ye kɔ wuta lima ga lœ ongbo mbœrœ kœpara kœzirœ.
- ⁹Yashe Samariyanœ kœpa fœ Yisu adœeke: «Ɔbœ kœdœ uzu Yuda, mbœrœ gadœ á bœ eshondœ ungu kœndjo ba ndœ œmœ dœ uzu Samariya?» Mbœrœ Ayuda mbœmbœrœ balima ayo dœ Asamariya nene ma!
- ¹⁰Yisu kœgi fœ she adœeke: «Ɔdœ bœ kœwu má sœ œrœ á Ndjaba œ to, œdœ pe uzu á tshe esho ndœ ungu kœndjo ndœ zœ asœke; œbœ dá yu má she ndœ ungu yeka á tshe su má ungu á za soro fœ azu fœ bœ.»
- ¹¹Yashe Samariya kœyu she adœeke: «Gbozu, bœ sœsœ dœ œrœ kœsu dœ ungu nene, yé kudu ungunœ li waa, ataa bœ gbɔ ungu á za soro fœ azu bata ma a?»
- ¹²Ata 'a dœ Yakobo dá za kudu ungunœ asœke fœ 'a. Tshe ndjo ndje lima ungunœ œshe dœ agbolo nœ ye œdœ pe ayarœ nœ ye. Ataa bœ gbe adœeke bœ ropa ye ye a?»
- ¹³Yisu gi fœ she adœeke: «Uzu kɔ á tshe ndjo ungu asœke, tshe kpa sœ dœ ogo ungu.
- ¹⁴Kashe uzu á tshe ndjo ungu á mœ su fœ she, tshe kpa sœ dœ ogo ungu nene. Gbambanœ nene, ungu á mœ su fœ she œ sœ lœ ye bata kumu ungu á za soro á ka nene.»
- ¹⁵Yashe Samariya kœpa fœ she adœeke: «Gbozu, su ungunœ á bœ pa tœnœ asœke fœ mœ, adœeke ogo ungu kpa mimi mœ nene yé mœ kpa nana kpœke ndœ kœsu ungu nene.»
- ¹⁶Yisu kœpa fœ she adœeke: «Na œ e akɔ zœ dœ 'e kwatœ 'e dœ she ba ke.»
- ¹⁷Yashe Samariya pa fœ she adœeke: «Mœ gugu dœ yakoshe nene.» Á Yisu kœpa fœ she adœeke: «Adjapu adœeke bœ gugu dœ yakoshe nene.
- ¹⁸Gbambanœ nene, bœ i ayakoshe mindu yé tsheneke á bœ sœ dœ she ngɔngɔ asœke dœdœ akɔ zœ nene. Bœ pa adja o'o.»

- ¹⁹Á yashe kœki paa adœke: «Gbozu, mœ wu adœke œbœ kœdœ ayi kœgbara o'o.
- ²⁰Aata 'a donga Ndjaba pa kaga asœke, kashe e'e dœ Ayuda, 'e pa adœke osho á li kœdonga Ndjaba tœncœ kœdœ Yerusaleme.»
- ²¹Yisu kœpa fœ she adœke: «Yashe, dji mœ kane. Anga ɔl œ tɔ á 'e kpa donga Ndjaba Aba ba pa kaga too ba lœ Yerusaleme nene.
- ²²E'e dœ Asamariya, 'e sœ kœdonga Ndjaba kashe 'e wuwusœ ye nene. Kashe a'a dœ Ayuda, 'a sœ kœdonga Ndjaba neke á 'a wusœ ye mbœrœ kœshe wuta lœ awa nœ Ayuda.
- ²³Kashe dœ anga ɔl bale, yé ɔlɔncœ tɔ ye, adja azu kœdonga Ndjaba, endje donga she dœ Ishiri œdœ pe lœ adjapu. Gbambancœ nene, Ndjaba yindœ nœ adœke azu donga œne dœ marancœ asœmœ.
- ²⁴Ndjaba kœdœ Ishiri, yé endje á endje yindœ kœdonga she li kœdonga she dœ Ishiri œdœ pe lœ adjapu.»
- ²⁵Yashe Samariya kœpa fœ she adœke: «Mœ wusœ nœ adœke Masiya, á tshe kœdœ Kristu, œ na zœ. ɔl á tshe kœna, tshe mindœ œrœ kɔ.»
- ²⁶Yisu kœgi fœ she adœke: «œmœ kœdœ she, œmœ á mœ sœ kœpa o'onœ fœ bœ asœke.»
- ²⁷Dœ lɔndɔncœ asœmœ, ayambarœ nœ Yisu yi kumu endje, yé uvuru endje kpa lœ nœ tœ kœwu adœke tshe sœ kœpa o'o dœ yashe. Kashe anga bale yuyu she nene adœke: «Bœ sœ kœpara gadœ e? Too o'o gadœ dá 'e sœ kœpa dœ she a?»
- ²⁸Yé yashencœ katœ lɔsú ungu nœ ye ti kpœtœmœ, yé á kpagu kœpandœ nœ fœ azu ba lakpi adœke:
- ²⁹«'E na dœ wu anga yakoshe bale á tshe sœ ba e kane, tshe pandœ œrœ kɔkɔ á mœ mbœrœ fœ mœ. œrrr á tshe dœ ete Kristu a?»
- ³⁰Ataa, azu wuta lœ ongbo, œ na ga ndœ ye.
- ³¹Kolœ kpœtœmœ, ayambarœ nœ ye tetœ kœtovworogbo she adœke tshe zi œrœ. Endje pa fœ she adœke: «Rabi, zi rœgo kane.»
- ³²Kashe Yisu gi fœ endje adœke: «Mœ sœ dœ kœziœ á 'e wuwusœ nœ nene.»
- ³³Ayambarœ kœtetœ kœyutœ endje ugurutœ endje adœke: «Ataa anga uzu na dœ kœziœ fœ she a?»
- ³⁴Yisu kœpa fœ endje adœke: «Kœziœ nœ mœ dœke: œ li adœke mœ mbœrœ œrœ á ayi kœvwa mœ yindœ nœ, œdœ ndje kœgi akwa á tshe vwa mœ ndœ kœmbœrœ tœncœ ga tœ ndɔngɔlɔncœ.

³⁵E'e, 'e sœ kæpa adœke: “Œ sœpe yapu vana tœ kœkɔ ngwarœ.” Kashe œmœ, mœ pa fœ 'e adœke, 'e wu kindi dœ ɔtshœnœ; leyɔ doro ye œ sœ ndoo tœ kœkɔ tœnœ!

³⁶Uzu á tshe kœkɔ, tshe gbɔ ngendja tshangba akwa nœ ye, yé tshe ngbɔba leyɔnœ mbœrœ soro á ka nene. Uzu á tshe lu leyɔ ga lœ kindi dœ pe tsheneke á tshe kɔ, endje sœ dœ yanga awa bale.

³⁷Gbambanœ nene, azu pa anga gbaguru adœke: “Uzu gi ngwarœ kashe ayi kœkɔ tœnœ sœ kpi”.

³⁸Mœ vwa 'e ndœ kœkɔ leyɔ tshelœ kindi á œ dœdœ 'e dá djo nene. Anga angbi azu dá djo kindinœ yeka á 'e li ga lœ akwanœ manda endje tœ kœkɔ leyɔnœ.»

³⁹Hĩ azu Samariya kpœlœ ongbonœ asœmœ sœ lima dœ kœyindœrœ ga ndœ Yisu mbœrœ o'o á yashœnœ pa adœke: «Tshe pandœ œrœ kɔ á mœ mbœrœ, fœ mœ.»

⁴⁰Ádánœ ataa, lœkɔ azu Samariya na lima ga ndœ ye, endje ki lima ga tœ ye adœke tshe sœpe dœ œne. Yisu mbœrœ lima kpœtœmœ olo bisha.

⁴¹Anga azu kpi ndjoro kpa sœ ndje lima dœ kœyindœrœ ga ndœ Yisu mbœrœ o'o á tshe sœ lima kæpa tœnœ dœ tœ ye.

⁴²Endje pa lima fœ yashœnœ adœke: «Ngɔngɔ asœ, 'a sœsœ dœ kœyindœrœ ga ndœ ye kolœ mbœrœ o'o á bœ pa fœ 'a nene. 'A sœ dœ kœyindœrœ ga ndœ ye mbœrœ 'a dji ndje o'o á tshe pa dœ tœ ye. Yé 'a wusœ nœ adœke œshe kœdœ adja ayi kœshe azu tshapashɔ.»

Yisu she gbolo nœ anga gbozu akwa nœ lita

(Wu ba tœ Mat 8.5-13; Luk 7.1-10)

⁴³Manda kœlo olo bisha kpœtœmœ, Yisu áafo œ na ga lœ Galilayi.

⁴⁴Tshe pa lima dœ tœ ye adœke: «Azu lilisœ ayi kœgbara o'o ba lœ ogo nœ ye nene.»

⁴⁵Ŭɔ á tshe wuta ga lœ Galilayi, azu sœ dœ yanga mbœrœ kœwuta she ga lœ ogo nœ endje; mbœrœ á endje na ndje lima ndœ angbo pake ba lœ Yerusaleme, yé œ wu œrœ kɔ á tshe mbœrœ lima.

⁴⁶Tshe kwa lima tœ ye ga lakpi Kanana lœ ogo Galilayi ba tœ osho á tshe fa lima ungu tœ vinu. Ba zœ, anga gbozu tshapa akwa nœ lita bale lakpi Kaparnawumu sœ lima dœ gbolo yakoshe nœ ye á tshe sœ dœ kɔba.

⁴⁷Ŭɔ á tshe dji adœke Yisu to ba lœ ogo Yuda œ na ga lœ Galilayi, tshe na ga ndœ ye, yé œ ki fœ she adœke tshe na œ she gbolo nœ œne á tshe yindœ kœtshu tœnœ.

⁴⁸Yisu kœpa fœ she adœke: «Œdœ 'e kœdjidji má ndœ ambárá afá œdœ pe ɔtshɔ akwa á azu pandœ nœ gooo asœke nene, 'e sœ má dœ kœyindœrœ ga ndœ mœ nene.»

⁴⁹Yé gbozu akwa nœ litanœ pa fœ she adœke: «Gbozu, wuta ga ndœ mœ utshunœ adœke gbolo nœ mœ kœtshu.»

⁵⁰Yisu kœgi fœ she adœke «Gu zœ, gbolo nœ zœ she ye.» Yakoshe kœyindœ o'o á Yisu pa fœ she, yé œ gu da ye.

⁵¹Tshe sœ damba tœ awa kœgu she atake, aayi akwa nœ ye kœna para tshatshu ye á kœpa fœ she adœke: «Gbolo nœ zœ she bamama ye.»

⁵²Tshe yu endje adœke, gbolo nœ œne she dœ ada ɔlɔ gadœ e? Endje kœpa fœ she adœke: «Ada ɔlɔ bale manda kakpi ɔlɔ libi dá kobanœ katœ ye.»

⁵³Aba gbolonœ kœwusœ nœ adœke kolœ dœ ada ɔlonœ asœmœ libi dá Yisu pa fœ œne adœke: «Gbolo nœ zœ she ye.» Ataa, œshe dœ pe azu tshasœnda nœ ye kɔ endje sœ dœ kœyindœrœ ga ndœ Yisu.

⁵⁴Asœ kœdœ bisha ambárá afá á Yisu mbœrœ lɔkɔ á tshe to ba lœ Yuda á kwatœ ye ga lœ ogo Galilayi.

Yowane 5

Yisu she uzu á ada ye tshu

¹Manda nœ, anga angbo nœ Ayuda sœ lima ba lœ Yerusaleme, yé Yisu na ga tœnœ.

²Andaa ba lœ ongbonœ, endje dji lima ungu kœdjuto kotœ azu á i'irínœ dœ o'o ama Ayuda kœdœ Betezata ndoo dœ manda gbagba nœ apata. Awa kœna ga tœ ungunœ sœ lima minu,

³yé aayi koba ndjoro lo lima lœ ala awanœ asœmœ: Ayibula, azu á tshakala ada endje ndi œdœ pe endjeneke á ada endje tshu. [Endje sœ lima kœkate yakpa ungunœ kœturu tœnœ;

⁴gbambanœ nene, anganœ andjelu sœ lima kœjerœ tœnœ yé œ sœ lima kœturu tœ ungu. Yekane ali ayi koba á tshe kœjerœ ga lœ yakpa ungunœ, tshe she lima lœ koba nœ ye. Œdœ kobanœ kœdœ lima koba gadœ gbaa, œ katœ ye.]

⁵Anga yakoshe bale á tshe lo lima dœ koba ngbugu zazu bale dœ ndjokpa dœ minu dœ amanœ voto (38) sœ lima kpœtœmœ.

⁶Yisu wu she á tshe lo ga ati yé kœdji adœke œndœ ye di dœ koba tœpanœ kpuru, tshe kœpa fœ she adœke: «Bœ yindœ kœshe tœnœ ye a?»

⁷Ayi kobanœ kœgi o'o fœ she adœke: «Gbozu, mœ gugu dœ uzu á tshe kœnduru mœ ga la ngunœ lɔkɔ á yakpa ungunœ œ tetœ kœmbœrœ tœnœ nene. Mœ

køgea øerrr adøeke mœ wuta ga zœ atake, anga uzu jeroe ga la noe utshu mœ ye.»

⁸Yisu pa foe she adøeke: «Aalafo, œ za kondja noe zœ œ na ana.»

⁹Trale ayi koba køeshe ye. Tshe áafo, œ za kondja noe ye, yé œ tetœ ana. Andaa øerœnoe asœmœ kœ mboerœ lima tœ endje dœ lœkœ sabata.

¹⁰Ayuda køpa foe uzunœ á Yisu she she adøeke: «Asœeke kœdœ lœkœ sabata, œ lili adøeke bœ za kondja noe zœ yé œ na ana dœ tœnoe nene.»

¹¹Kashe tshe gi foe endje adøeke: «Uzunœ á tshe she mœ lœ kobanoe asœeke, œshe dá pa foe mœ adøeke mœ za kondja noe mœ, yé œ na ana.»

¹²Endje kœyu she adøeke: «Yakoshenoœ á tshe pa foe bœ adøeke bœ za kondja noe zœ, yé œ na ana asœmœ kœdœ œdœ e?»

¹³Kashe ayikobanoœ á Yisu she she kpa wuwu lima sœ ye nene mboerœ tshe wuta lima œnoe ye lœ ukpulu azunœ á endje sœ lima kpœtœmœ ye.

¹⁴Øerrr manda noe, Yisu kœgbœ she ba lœ anda Tepelo á køpa foe she adøeke: «Wu, bœ she ngœngœ asœ ye. Kpa mboemboerœ ekperœ nene kparawa adøeke bœ kpa gbœ anga œgbœ koba kœropa œneke nene.»

¹⁵Yakoshe kœna, œ kœpandoe noe foe Ayuda adøeke Yisu dá she œne.

¹⁶Kotœ lœ kumunœ, Ayuda para lima awa kœza o'o foe Yisu mboerœ á tshe mboerœ øerœnoe asœmœ dœ lœkœ Sabata.

¹⁷Kashe Yisu pa foe endje adøeke: «Aba mœ sœ kœmboerœ akwa øerrr kpesheke, yé œmœ ndje mœ sœ tœ kœmboerœ akwa.»

¹⁸Manda o'onœ á tshe pa asœmœ, Ayuda para lima awa adøeke œne wo she. Ø dœdœ kolœ mboerœ á tshe mboerœ akwa dœ lœkœ sabata nene, kashe mboerœ á tshe pa ndje adøeke Ndjaba kœdœ adja Aba œne, á zatœ ye adøeke œne li dœ she.

Tshagbozu noe Gbolo noe Ndjaba

¹⁹Yisu za o'o yé œ pa foe endje adøeke: «Mœ pa foe e dœ adjapu adøeke, Gbolo noe Ndjaba lili kœmboerœ øerœ á to tœ lœsu ye dœ tœ ye nene, kashe tshe mboerœ øerœ á tshe wu abanoe kœmboerœ tœnoe. Gbambanoe nene, øerœ á Aba œ mboerœ dá Gbolo œ mboerœ adja tœnoe.

²⁰Mboerœ Aba yindœ Gbolo, tshe sœ kœyisœ œneke kœ á tshe mboerœ foe she. Tshe kpa yisœ ogoro øerœ kœropa œneke foe she adøeke 'e kœwu, uvuru 'e kpa lœ noe.

²¹Bata Aba œ she akuzu á za soro foe endje, awa bale Gbolo œ za soro foe azu neke á tshe yindœ kœza foe endje.

²²Aba œ wa ngbanga ga tœ uzu bale nene, kashe tshe za Gbolo nœ ye tœ gbozu kœwa ngbanga pa azu,

²³adœke azu kœ lisœ Gbolo bata á endje li ndje œsœ Abanœ. Uzu á tshe kœlilisœ Gbolo nene, tshe lili ndje œsœ Abanœ á tshe vwa she nene.

²⁴«Mœ sœ kœpa fœ 'e dœ adjapu adœke uzu á tshe dji o'o ama mœ, á tshe kœsœ dœ kœyindœrœ ga ndœ tsheneke á tshe vwa mœ asœke, uzunœ sœ dœ soro á ka nene. Mœ wa œgbœ ngbanga ga tœ ye nene, kashe tshe wuta lœ kuzu, yé tshe sœ dœ soro.

²⁵Mœ pa fœ 'e dœ adjapu adœke, londœnœ sœ kœna tœnœ, yé œ na ngœngœ asœ ye, akuzu œ dji tshama Gbolo nœ Ndjaba. Yé endjeneke á endje dji tshama ye, endje sœ dœ soro.

²⁶Gbambanœ nene, bata Aba kœdœ soro dœ tœ ye, awa bale tshe za fœ Gbolo kœdœ soro dœ tœ ye.

²⁷Yé tshe za Gbolo tœ gbozu kœwa ngbanga pa azu mbœrœ œshe kœdœ Gbolo nœ uzu.

²⁸«Adja 'e koko ama 'e ti œsœ nene! Gbambanœ nene, anga œlœ sœ kœna tœnœ, á akuzu kœ á endje sœ lœ koto œ dji tshama ye,

²⁹yeka endjeneke á endje mbœrœ lima œtshœrœ, Ndjaba œ she endje mbœrœ kœgbœ soro, kashe endjeneke á endje mbœrœ ekperœ, Ndjaba œ she endje adœke Gbolo nœ uzu wa œgbœ ngbanga pa endje.

³⁰«œmœ, mœ lili kœmbœrœ œrœ á to ba lœsu mœ dœ tœ mœ nene. Mœ wa ngbanga kœli dœ œeneke á mœ sœ kœdji tœnœ yé kœwa ngbanga nœ mœ sœ ndjii mbœrœ mœ sœsœ kœpara awa kœmbœrœ œrœ á to ba lœsu mœ nene, kashe œeneke á lœsu ayi kœvwa mœ yindœ nœ.»

œrœ á má adœke Ndjaba vwa Yisu

³¹«œdœ mœ kœpa o'o tœ upu nœ mœ dœ tœ mœ, uzu bale á tshe dji mœ gugu nene.

³²Kashe œdœ anga angbi uzu kœpa o'o tœ upu nœ mœ, mœ wusœ nœ adœke o'onœ á tshe pa tœ upu nœ mœ ascœmœ dœ adja o'o.

³³'E vwa lima azu fœ Yowane, yé tshe pa lima o'o tœ upu nœ adja o'o.

³⁴Tœ œmœ, mœ sœsœ dœ ogo adœke uzu pa o'o tœ upu nœ mœ nene, kashe mœ sœ kœpa o'o ataa adœke 'e gbœ kœshe.

³⁵Yowane sœ lima bata miinda á endje ta owo ga tœ nœ yé á tshi. 'E yi lima ndœ kœsœ dœ yanga lœ anga osho tœ ishiri ye.

³⁶Andaa, mœ sœ dœ anga œrœ á pa o'o tœ upu nœ mœ á ropa o'o á Yowane pa. Cœtœncœ kœdœ akwa á Aba za fœ mœ adœke mœ mbœrœ. Mœ sœ kœmbœrœ tœncœ yé œtœncœ dá sœ kœpa o'o tœ upu nœ mœ adœke Aba vwa mœ.

³⁷«Aba á tshe vwa mœ pa o'o tœ upu nœ mœ dœ tœ ye. Kashe bale 'e djidji tshama ye yé 'e wuwu tshatshu ye nene,

³⁸yé 'e sœsœ kœgbœndœ o'o ama ye ga tœ lœsu 'e nene mbœrœ á 'e sœsœ dœ kœyindœrœ ga ndœ ayi avwa nœ ye nene.

³⁹'E sœ kœyamba Buku nœ Ndjaba mbœrœ á 'e gbe kœgbœ soro á ka nene lœ awancœ: Andaa, œtœncœ dá sœ kœpa o'o tœ upu nœ mœ.

⁴⁰Yé 'e yiyindœ kœna ga ndœ mœ yeka á kœgbœ adja soro nene.

⁴¹«Mœ gbege adœke azu donga mœ nene.

⁴²Kashe mœ wusœ 'e ye. 'E sœsœ dœ kœyindœsho ga ndœ Ndjaba nene.

⁴³Aba mœ dá vwa mœ yé 'e vwaratœ 'e kœza osho kœsœ fœ mœ. Kashe œdœ anga uzu kœna dœ mara nœ ye dœ tœ ye bale, 'e za osho kœsœ fœ she ye.

⁴⁴'E yindœ kœdonga kolœ anga 'e, yé á endje kœdonga ndje 'e. Kashe 'e papara awa adœke kolœ Ndjaba kœdonga 'e nene asœke, ataa 'e sœ má dœ kœyindœrœ ga ndœ mœ koto o?

⁴⁵Kashe 'e gbege adœke mœ va œtœ 'e fœ Aba mœ nene. Kolœ Moyize á 'e ko lima lœsu 'e ga tœ ye asœmœ, œshe dá va œtœ 'e.

⁴⁶Cœdœ 'e kœsœ dœ kœyindœrœ ga ndœ Moyize, 'e sœ má ndje dœ kœyindœrœ ga ndœ mœ mbœrœ tshe sú mbetincœ tœ upu nœ mœ.

⁴⁷Kashe bœta 'e yiyindœ o'o á tshe sú nene, 'e yi má ndœ o'o ama mœ koto o?»

Yowane 6

Yisu to rœgo fœ azu kutu mindu (5.000)

(Wu bœ tœ Mat 14.13-21; Mar 6.30-44; Luk 9.10-17)

¹Manda nœ, Yisu zu ga atshi egerœ ungu adanga Galilayi á anga i'irincœ kœdœ ndje Tiberiade.

²Azu ndjoro sœ lima kœna manda ye mbœrœ á endje wu ambára afá á tshe sœ lima kœmbœrœ tœncœ lœ kœshe aayi kœba asœmœ.

³Mbœrœ tœncœ atamœ, Yisu œ ga pa kaga yé œ sœ ga ati awa bale dœ ayambarœ nœ ye.

⁴Cœ sœ lima ndoo dœ Pake á dœ angbo nœ Ayuda.

⁵Yisu mesho, ɔ wu azu ndjoro á endje sɔ tɔ kɔna ga ndɔ ye. Á kɔyu Filipino adɔke: «A yɔ kɔzɔrɔ kpɔeta yeka á to fɔ azunɔ asɔke á endje kɔzi a?»

⁶Tshe yu lima oshonɔ ataa tɔ kɔwu lɔsu Filipino, gbambanɔ nene, tshe wu lima sɔ ɔrɔ á li adɔke tshe mbɔrɔ ye.

⁷Filipo kɔgi fɔ she adɔke: «Ɔdɔ a kɔyɔ ndje kɔzɔrɔ mangba denari kama bisha gbaa, ɔ li adɔke uzu dɔ uzu gbɔ teasho teasho nene.»

⁸Yé anga yambarɔ bale á i'iri ye kɔdɔ Andere, aya Shimu Petro kɔpa fɔ she adɔke:

⁹«Anga ovoro gbolo yakoshe kpɔke sɔ dɔ mapa mindu á endje mbɔrɔ dɔ zuwa orje ɔdɔ pe ageatshalangu bisha kashe ɔ li mbɔrɔ azunɔ kɔkɔ asɔke za a?»

¹⁰Yisu kɔpa adɔke: «'E pa fɔ azu adɔke endje lɔ ga ati.» Yé endje kɔsɔ ga ati ga pa gusu á sɔ lima yaba yaba kpɔtɔmɔ. Ayakoshe sɔ lima ga pa ɔrɔ nɔ kutu mindu (5.000).

¹¹Yeka á Yisu ko mapanɔ, á za awala fɔ Ndjaba, á kurutshelɔnɔ tɔ azu á endje lɔ lima kpɔtɔmɔ. Tshe kpa ko ndje ageatshalangunɔ, ɔ mbɔrɔ ndje awa bale, yé endje zi kɔli dɔ ogo nɔ endje.

¹²Bata uvu azu su ye, Yisu pa fɔ ayambarɔ nɔ ye adɔke: «'E ngbɔba udu ɔrɔ á sɔpe manda endje ga tɔnɔ adɔke anganɔ teasho yiyiwa nene.»

¹³Endje ngbɔba ama udu ɔrɔnɔ, yé kingi ndjokpa dɔ bisha sú dɔ ndindi mapa manda azunɔ á endje zi lima.

¹⁴Azu wu ambára afá á Yisu mbɔrɔ asɔmɔ ɔ pa adɔke: «Adjapu, tsheneke kɔdɔ adja ayi kɔgbara o'o nɔ Ndjaba á tshe sɔ kɔna ga pa ɔshɔ.»

¹⁵Bata á Yisu wu lima sɔ nɔ adɔke endje yindɔ kɔna kɔza ɔne tɔ ɔgbɔnɔ adɔke ɔne te gbozugo, tshe gi lima tɔ ye kpɔtɔmɔ, yé ɔ dɔ kuti ye ga pa kaga.

Yisu na pa ungu dɔ ada ye

(Wu ba tɔ Mat 14.22-33; Mar 6.45-53)

¹⁶Lɔkɔ á osho tetɔ kɔete mburumburu, ayambarɔ nɔ ye jɔrɔ ga tɔ mangu egerɔ ungu adanga,

¹⁷endje ɔ lima ga lɔ agba bale mbɔrɔ kɔna ga lɔ Kaparnawumu, ba atshi ungunɔ. Osho bu lima ye, yé Yisu yiyi lima damba kumu ye ga ndɔ endje nene.

¹⁸Egerɔ yugu na kpɔkpɔpi, yé loko za tshalangu djigi.

¹⁹Ayambarœ i kayi œ vwi endje tœ mangu ga tœ œrœ nœ kilometere ndoo dœ minu too minu dœ bale, á endje kœwu Yisu kœna pa ungu gutœncœ ga tœ egerœ agba, yé awa litœ endje.

²⁰Á Yisu kœpa fœ endje adœke: «œmœ dœmœ, awa mbœmbœrœ 'e nene!»

²¹Endje yi lima ndœ nœ adœke tshe ɔ ga lœ egerœ agbanœ, kashe katsha, kumu egerœ agbanœ za ama osho ga tœ mangu á endje gbe lima kœna ga tœncœ.

Azu ndjoro para Yisu

²²Osho kœrœpa nœ, azunœ ndjoro á endje œepe lima ba atshi ungunœ wusœ nœ adœke egerœ agba œepe bale yé Yisu ɔ lima ga lœ egerœ agba awa bale dœ ayambarœ nœ ye nene. Endje zu lima ungunœ dœ kuti endje.

²³Kashe anga ogboro agba to ba lakpi Tiberiade, yé œ na ndoo dœ oshonœ á endje zi lima mapa tœncœ manda kœza mershe nœ Gbozu Yisu fœ Ndjaba.

²⁴Lœkœ á ukpulu azu wu adœke Yisu œdœ ayambarœ nœ ye sœsœ kpœtœmœ nene, endje ɔ ga lœ ogboro agbanœ asœmœ œ ro ga lœ Kaparnawumu mbœrœ kœpara Yisu.

Yisu kœdœ kœzirœ á za soro

²⁵Endje gbœ she ba atshi ungunœ, yé á yu she adœke: «Rabi, bœ wuta kpœke dœ ada ɔb koto o?»

²⁶Yisu gi fœ endje adœke: «Mœ pa fœ 'e dœ adjapu adœke, 'e para awa mœ mbœrœ á 'e zi mapa á le 'e, kashe 'e papara mœ mbœrœ á 'e wu ambára afá á mœ mbœrœ nene.

²⁷Adja 'e mbœmbœrœ akwa mbœrœ kœgbœ kœzirœ á ndi nene, kashe 'e mbœrœ akwa mbœrœ kœgbœ kœzirœ á œendœncœ œ di, yé á to soro á ka nene fœ azu. Gbolo nœ uzu dá to kœzirœncœ asœmœ fœ 'e mbœrœ œshe dá Aba dœ Ndjaba za she ga pa ngande tshagbozu.»

²⁸Endje kœgi fœ she adœke: «œ li adœke 'a mbœrœ gadœ tœ kœmbœrœ akwa á Ndjaba yindœ nœ a?»

²⁹Tshe kœgi fœ endje adœke: «Akwa á Ndjaba yindœ nœ adœke 'e mbœrœ, kœdœ kœsœ dœ kœyindœrœ ga ndœ tsheneke á tshe vwa she.»

³⁰Endje kpa kœyu she adœke: «Kashe œbœ a, ambára afá gadœ dá bœ mbœrœ yeka á 'a kœwu yekane á kœyindœ o'o ama zœ a? Akwa gadœ dá bœ mbœrœ a?

³¹Aata 'a zi liya mane ba lœ kpagagasho bata á endje sú ala Buku nœ Ndjaba adœke: “Tshe to kœzirœ á dœ mapa á to ba lafo fœ endje.”»

³²Yisu kœgi fœ endje adœke: «Mœ pa fœ 'e dœ adjapu adœke, œ dœdœ Moyize dá to mapanœ á to liya ba lafo fœ 'e nene, kashe Aba mœ dá sœ kœto adja mapa á to ba lafo fœ 'e asœmœ.

³³Gbambanœ nene, kœzĩrœ á Ndjaba œ to, kœdœ œneke á to ba lafo yé á za soro fœ azu tshapashœnœ asœke.»

³⁴Azunœ kœpa fœ she adœke: «Gbozu, to kolœ kœzĩrœnœ asœmœ sheko fœ 'a.»

³⁵Yé Yisu kœpa fœ endje adœke: «œmœ kœdœ kœzĩrœ á za soro fœ azu. Uzu á tshe kœna ga ndœ mœ, ogo œ mi she bale nene yé uzu á tshe sœ dœ kœyindœrœ ga ndœ mœ, ogo ungu kpa mi she bale nene.

³⁶Kashe mœ pa fœ 'e adœke: 'E wu mœ tako, yé 'e sœsœ dœ kœyindœrœ ga ndœ mœ nene.

³⁷Azu neke á Aba ko endje fœ mœ, endje na ga ndœ mœ yé uzu á tshe na ga ndœ mœ, mœ za bala she vwi'i nene.

³⁸Gbambanœ nene, mœ toto ba lafo œ jœrœ tœ kœmbœrœ œrœ á lœsu mœ yindœ nœ nene, kashe mœ na mbœrœ kœmbœrœ œneke á lœsu ayi kœvwa mœ yindœ nœ.

³⁹œrœ á lœsu ayi kœvwa mœ yindœ nœ adœke mœ mbœrœ dœke: Adja anga uzu bale ugurutœ azu á tshe ko endje fœ mœ yiyiwa nene kashe mœ she endje lœ kuzu dœ ndœngœlo olo.

⁴⁰œrœ á lœsu Aba mœ yindœ nœ kœdœ adœke, uzu á tshe kœwu gbolo nœ ye, á kœsœ dœ kœyindœrœ ga ndœ ye, tshe gbœ soro á ka nene, yé mœ she she lœ akuzu dœ ndœngœlo olo.»

⁴¹Tĩ kpœtœmœ, Ayuda kœtetœ kœpulœma endje mbœrœ o'o á Yisu pa adœke: «œmœ kœdœ kœzĩrœ á to ba lafo, yé á jœrœ.»

⁴²Endje kœpa adœke: «œ dœdœ Yisu dœke na a, gbolo nœ Yozefu a? Á 'a wusœ abanœ dœ ayinœ ndje na a? Kotoo á tshe pa ngœngœ asœke adœke œne to ba lafo á jœrœ a?»

⁴³Yisu kœgi fœ endje adœke: «'E katœ kœpulœma 'e ugurutœ 'e ye na!

⁴⁴Uzu bale œ li kœna ga ndœ mœ nene œdœ Aba á tshe vwa mœ kœtoto she na tœnœ nene, yekane á mœ kœshe she lœ akuzu dœ ndœngœlo olo.

⁴⁵Endje sú ala mbeti nœ aayi kœgbara o'o adœke: “Ndjaba œ yisœ œrœ fœ azu kœkœ.” Uzu kœ á tshe dji Aba, á yindœ œrœ á tshe yisœ nœ, tshe na ga ndœ mœ.

⁴⁶œ yindœ kœpa adœke uzu bale wuwu Aba nene, kolœ tsheneke á tshe to ba ndœ Ndjaba; œshe dá wu Aba.

⁴⁷Mœ sœ kæpa fœ 'e dœ adjapu adœke uzu tsheneke á tshe kœsœ dœ kœyindœrœ ga ndœ mœ, tshe sœ dœ soro á ka nene.

⁴⁸Ɔmœ kœdœ kœzĩrœ á za soro fœ azu.

⁴⁹Aata 'e zĩ liya mane ba lœ kpagagasho, yé endje tshu lima ye.

⁵⁰Asœ kœdœ kœzĩrœ á to ba lafo á jerœ adœke, uzu á tshe kœzi, tshe tshu bala nene.

⁵¹Ɔmœ kœdœ kœzĩrœ á za soro fœ azu, œ to ba lafo á jerœ asœke. Uzu á tshe kœzi kœzĩrœncœ asœke, tshe sœ bala dœ soro á ka nene. Kœzĩrœncœ á mœ za fœ she kœdœ songba mœ. Mœ za adœke tshapasho gbɔ soro.»

⁵²Kolœ pa o'o asœke, ayuda te lima tœ kœyutœ endje ugurutœ endje dœ ɔgbɔ adœke: «Kotoo á uzuncœ asœke pa adœke œne za songba œne fœ azœ yekane á kœzi a?»

⁵³Yisu kæpa fœ endje adœke: «Mœ pa fœ 'e dœ adjapu adœke œdœ 'e kœzĩzi songba Gbolo nœ uzu yé œ ndjo pe indji ye nene, 'e sœ dœ soro lœ 'e nene.

⁵⁴Uzu tsheneke á tshe zĩ songba mœ, á ndjo ndje indji mœ, sœ dœ soro á ka nene, yé œmœ mœ she she lœ kuzu dœ ndɔngɔɔ olo.

⁵⁵Gbambancœ nene, songba mœ kœdœ adja kœzĩrœ, yé indji mœ kœdœ adja kœndjorœ.

⁵⁶Uzu á tshe zĩ songba mœ á ndjo indji mœ, sœ lœ mœ yé œmœ mœ sœ ndje lœ ye.

⁵⁷Yé bata Aba á tshe vwa mœ sœ dœ soro á mœ sœ dœ soro lœ awa nœ ye, ataa uzu á tshe kœzi songba mœ, tshe gbɔ soro lœ awa nœ mœ.

⁵⁸Asœ kœdœ kœzĩrœ á to ba lafo á jerœ. Ɔ sœsœ bata kœzĩrœ á aata 'e zĩ liya nene. Mbœrœ endje zĩ liya kœzĩrœ asœmœ yé endje tshu. Kashe uzu á tshe zĩ kœzĩrœncœ asœke, tshe sœ dœ soro á ka nene.»

⁵⁹Yisu pa lima o'onœ asœke ba lœ Kaparnawumu, lɔkɔ á tshe sœ lima tœ kœyisœ œrœ ba lœ Sinagoga.

O'o á za soro fœ azu

⁶⁰Manda kœdji she, ìlì ayambarœ nœ ye tetœ kæpa adœke: «O'onœ asœ gbɔɔgbɔ, adja œdœ dá dji a?»

⁶¹Kashe bata á Yisu wu lima sœ nœ adœke ayambarœ nœ œne sœ tœ kœpulœma endje, tshe pa fœ endje adœke: «Mbœrœ gadœ á o'onœ asœke ndjingivwi tshelœ kumu 'e a?

⁶²Ɔ kœsœ má adœke 'e wu Gbolo nœ uzu kœ ɔ ga tœ osho á tshe to lima toœncœ, œ sœ koto o?

⁶³Ishiri dá za soro fœ azu. Ðko lili tœ koembœrœ œrœ ataa nene. O'onœ á mœ pa fœ 'e asœke kœdœ Ishiri œdœ pe soro.

⁶⁴Kashe kolœ ugurutœ 'e asœke, anga endje á endje yiyindœ o'o ama mœ nene, endje lœ zœ.» Gbambanœ nene, Yisu wu lima sœ endjeneke á endje sœsœ dœ kœyindœrœ nene œdœ pe tsheneke á tshe ka bala she.

⁶⁵Á tshe kpa kœpa adœke: «Adja ádánœ á mœ pa fœ 'e adœke uzu bale œ na ga ndœ mœ nene œ kœdœdœ Aba dá za awa fœ she kœna tœnœ nene.»

⁶⁶Kœto kpœtœmœ, ìli anga ayambarœ nœ ye gitœ endje manda ye, yé œ katœ kœna tœ awa bale dœ she.

⁶⁷Á Yisu kœyu ayambarœnœ ndjokpa dœ bisha adœke: «Ka e'e nœ 'e a, 'e gitœ 'e nœ 'e nene a?»

⁶⁸Yeka á Shimu Petro kœgi fœ she adœke: «Gbozu, 'a kpa na má ga ndœ uzu dœ? Œbœ dá sœ dœ o'onœ á za soro á ka nene.

⁶⁹'A sœ dœ kœyindœrœ, yé 'a wusœ nœ adœke œbœ kœdœ Œyerœ Uzu nœ Ndjaba.»

⁷⁰Yisu pa fœ endje adœke: «Œmœ dá ke 'e ndjokpa dœ bisha kashe ugurutœ 'e kœ, anga uzu bale kœdœ djaboro.»

⁷¹Tshe sœ lima kœpa tœ Yudasi, gbolo nœ Shimu Isikariote mbœrœ œshe kœdœ lima uzu á tshe ka Yisu. Œshe kœdœ lima anga yambarœ ugurutœ andjokpa dœ bishanœ asœmœ.

Yowane 7

Œgbo Iosu nœ aaya Yisu

¹Manda nœ, Yisu sœ lima kœna lœ ogo Galilayi. Tshe yiyi lima ndœ kœna lœ ogo Yuda nene mbœrœ Ayuda sœ lima kœpara awa ndœ kœwo she.

²Andaa angbo nœ ayuda á dœ angbo gbanda tande ndo lima ye.

³Aaya Yisu kœpa fœ she adœke: «Gitœ zœ kpœke, yé œ na ga lœ ogo Yuda adœke ayambarœ nœ zœ wu ndje akwa á bœ sœ tœ koembœrœ tœnœ.

⁴Uzu mbœmbœrœ œrœ lœ ubunœ nene œdœ tshe kœgbe adœke azu wusœ œne. Bata á bœ sœ koembœrœ akwa atake, matœ zœ dœ tœnœ ga ushu tshapashœ wusœ nœ.»

⁵Gbambanœ nene, aayanœ dœ tœ endje sœsœ lima dœ kœyindœrœ ga ndœ ye nene.

⁶Yisu kœpa fœ endje adœke: «Œlœ nœ mœ tœtœ damba nene. Tœ e'e nœ 'e, œlœ kœ sœ dœ œtshœnœ.

⁷Tshapashɔ ɔ li tɔe kɔeyiangba 'e nene, kashe ɔmɔe, ɔe yiangba mɔe mbɔerɔe á mɔe sɔe kɔepandɔe nɔe ngbi adɔeke akwa nɔe ye sɔe tɔe ekpenɔe.

⁸'E ɔ ndɔe angbonɔe zɔe. Kashe ɔmɔe, mɔe ɔ ga zɔe nene mbɔerɔe ɔɔ nɔe mɔe tɔtɔ damba nene.»

⁹Manda kɔepa o'onɔe ataa, tshe sɔepe lima ti lɔe Galilayi.

Yisu na ga tɔe angbo gbanda tande

¹⁰Lɔkɔ á aayanɔe áafo á ro ndɔe angbonɔe da ye, Yisu áalafo yaa ɔe na ndje ga zɔe dɔe mara adɔeke azu wuwusɔe nɔe nene.

¹¹Dɔe lɔkɔ á ala angbonɔe doro, agbozu Ikrizia sɔe lima kɔepara she yé endje sɔe lima kɔeyu osho adɔeke: «Tshe sɔe kpɔeta a?»

¹²Endje ndivwiri lima o'o waa tɔe upu nɔe ye. Anga azu pa lima adɔeke: «Uzunɔe asɔeke kɔedɔe ɔtshɔ uzu.» Yé anga endje pa ndje adɔeke: «Œ ɔe nene, ɔeshe kɔedɔe ayi kɔedjingili tshelɔe kumu azuzu.»

¹³Yé uzu bale papa o'o o'ara tɔe upu nɔe ye nene mbɔerɔe á endje lɔe lima dɔe awa agbozu Ikrizia.

¹⁴Kɔewu adɔeke tshelɔe angbonɔe za, Yisu na lima ga lɔe anda Tepelo, yé ɔe tetɔe kɔeyisɔe ɔerɔe.

¹⁵Uvuru Ayuda kpa lima lɔenɔe, yé endje pa lima adɔeke: «Uzunɔe asɔe didi ɔerɔe nene, yé kotoo á tshe sɔe dɔe kɔewusɔerɔe tshaata a?»

¹⁶Yisu kɔegi o'o fɔe endje adɔeke: «Œrɔenɔe á mɔe sɔe kɔeyisɔe nɔe asɔeke toto ba ndɔe mɔe nene, kashe ɔe to ba ndɔe tsheneke á tshe vwa mɔe.

¹⁷Œdɔe uzu kɔegbe kɔembɔerɔe ɔerɔeneke á Ndjaba yindɔe nɔe, tshe wusɔe nɔe adɔeke kɔeyisɔerɔenɔe asɔeke to ba ndɔe Ndjaba, too mɔe sɔe kɔepa o'o tɔe upu nɔe mɔe dɔe tɔe mɔe.

¹⁸Uzu á tshe sɔe kɔepa o'o tɔe upu nɔe ye dɔe tɔe ye, tshe sɔe kɔepara awa adɔeke azu donga ɔene. Kashe uzu tsheneke á tshe sɔe kɔepara awa adɔeke azu donga ayi kɔevwa she, tshe kɔedɔe uzu nɔe adja o'o, yé ekperɔe gugu lɔe ye nene.

¹⁹Œ dɔédɔé Moyize dá za liya awa akwa fɔe 'e nene a? Kashe uzu bale ugurutɔe 'e á tshe sɔe kɔembɔerɔetɔe ye liakanɔe gugu nene. Mbɔerɔe gadɔe á 'e sɔe kɔepara awa ndɔe kɔewo mɔe a?»

²⁰Á ukpulu azunɔe kɔepa fɔe she adɔeke: «Ekpe ishiri sɔe pa zɔe a! Œdɔe dá sɔe kɔepara awa ndɔe kɔewo bɔe a?»

²¹Yisu kpa kɔeza o'o á kɔepa fɔe endje adɔeke: «Mɔe mbɔerɔe kolɔe akwa bale yé ɔevuru 'e kɔkɔ kpa lɔenɔe ataa!

²²Moyize za liya o'o fœ 'e adœke 'e wa agbolo yakoshe nœ 'e tœ gaza. Cœ dœdœ Moyize kœdœ ali uzu kœmbœrœ tœnœ nene, kashe œ to liya ba ndœ aata 'e, yé 'e sœ kœza ga tœ akwa dœ lœkœ Sabata.

²³Á 'e kœwu adœke kœwa anga gbolo yakoshe dœ lœkœ Sabata kœndĩndĩ awa akwa nœ Moyize nene, mbœrœ gadœ á 'e so ókó ga tœ mœ mbœrœ á mœ she uzu djigi dœ lœkœ sabata a?

²⁴'E katœ kœwa ngbanga liaka œrœ á 'e wu dœ ala 'e ye, kashe 'e wa ngbanga dœ mara á sœ ndjii kane.»

Adja Yisu kœdœ Masiya a?

²⁵Anga azu lœ Yerusaleme sœ lima kœpa adœke: «Cœ dœdœ uzunœ á endje sœ kœpara she á kœwo she dœke nene a?

²⁶'E wu, œshe dá pa o'o o'ara o'ara á uzu kœpa o'o fœ she gugu nene asœke! Ataa agbozu tshapa azœ wu ete œscœnœ adœke œshe kœdœ Kristu ye na a?

²⁷Andaa a wusœ osho á yakoshœnœ asœke to tœnœ ye, kashe Kristu, uzu bale œ wu bala sœ osho á tshe to tœnœ á yi kumu ye nene.»

²⁸Yeka á Yisu á tshe sœ lima kœyisœ œrœ lœ anda Tepelonœ pa adœke: «'E wusœ mœ ye! 'E wu ndje sœ osho á mœ to tœnœ ye! Mœ nana dœ tœ mœ nene. Tsheneke á tshe vwa mœ, tshe kœdœ adja o'o; œshe á 'e wuwusœ ye nene ascœmœ.

²⁹Cœmœ, mœ wusœ ye mbœrœ á mœ to ba indiri ye, yé œshe dá vwa mœ.»

³⁰Endje para lima awa kœtepa ye kashe uzu bale toto lima kane ye ga tœ ye nene mbœrœ á olo ye lili damba lima nene.

³¹Azu ndjoro lœ ukpulu azunœ sœ lima dœ kœyindœrœ ga ndœ ye. Endje pa lima adœke: «Lœkœ á Kristu œ na, tshe mbœrœ ambára afá kœropa œeneke á tsheneke œ mbœrœ asœke ye a?»

³²Cœneke á ukpulu azu sœ kœpuloœma endje tœ upu nœ ye li ga lœ utu Afarisayi. Ataa, agbozu tshapa anganga Ndjaba œdœ Afarisayi vwa lima atshendjerœ nœ endje ndœ kœna kœtepa ye.

³³Yisu kœpa fœ endje adœke: «Mœ sœpe dœ 'e manda olo teasho, yé manda nœ, mœ gu ga ndœ tsheneke á tshe vwa mœ.

³⁴'E para bala mœ kashe 'e gbœ mœ nene. Gbambœnœ nene, osho á mœ sœ tœnœ, 'e li kœna ba zœ nene.»

³⁵Ayuda kœte lima tœ kœyutœ endje ugurutœ endje adœke: «Tshe na má gata yekane á a gbœ she nene a? Tshe na manda azunœ á endje ndjœtshelœtœ endje djelœ angbi azu a? Tshe na ndœ kœyisœ œrœ fœ angbi azunœ a?

36Ádá o'onœ á tshe pa asœke kœdœ gafe: 'E para bala mœ, kashe 'e gbɔ mœ nene. Yé osho á mœ sœ tœnœ, 'e li kœna ba zœ nene!»

Yisu pa o'o tœ upu nœ Ishiri

37Ndɔngɔɔ olo kœka angbo kœdœ balima ikpili olo angbonœ. Dœ ɔlɔnœ asœmœ, Yisu ka lœ angbonœ œ tetœ kœmindœ o'o adœke: «œdœ uzu kœsœ dœ ogo ungu, kaka tshe na ga ndœ mœ yé œ ndjo.

38Uzu á tshe kœsœ dœ kœyindœrœ ga ndœ mœ, egerœ ungu á za soro œ tara tœ lœsu ye, bata á endje sú ala Buku nœ Ndjaba.»

39Yisu pa lima o'onœ asœ tœ upu nœ Ishiri á azu á endje sœ dœ kœyindœrœ ga ndœ ye œ gbɔ má. Yé Ndjaba zaza lima damba awa fœ azu kœgbɔ Ishirinœ nene mbœrœ Ndjaba gigi mokɔ nœ ye fœ she nene.

40Manda kœdji o'onœ asœke, anga azu lœ ukpulu azunœ pa lima adœke: «Adja tsheneke kœdœ ayi kœgbara o'o tako.»

41Anga endje pa lima adœke: «Kristu dœmœ.» Kashe anga udu endje pa ndje lima adœke: «Adja Kristu œ li kœwuta lœ Galilayi a?

42Buku nœ Ndjaba papa adœke tshe wuta bala lœ aata Davidi yé œ sœ ba lakpi Beteleme ogo obo Davidi nene a?»

43Ataa, azu kuru lima tshelœtœ endje kpœ lœ kumu Yisu.

44Anga endje yi lima ndœ kœtepa ye kashe uzu bale toto lima kane ye ga tœ ye nene.

ɔgbɔ lœsu nœ agbozu yuda

45Atshendjerœ gu lima ga ndœ agbozu tshapa anganga Ndjaba œdœ pe Afarisayi á endje pa fœ endje adœke: «Mbœrœ gafe á 'e gugu dœ she nene a?»

46Atshendjerœ kœgi adœke: «Bale anga uzu papa o'o bata yakoshe asœmœ nene.»

47Afarisayi kœpa fœ endje adœke: «E'e kɔ, tshe djingili ndje tshelœ kumu 'e a?

48œdœ ugurutœ agbozu Ikrizia œdœ ugurutœ Afarisayi, anga uzu bale wuta dœ kœyindœrœ ga ndœ ye ye a?

49Azunœ ndjoro asœmœ, anga bale á tshe wusœ awa akwa gugu nene. Azu á endje darandœ endje dœmœ!»

50Kashe anga uzu bale ugurutœ Afarisayi á i'iri ye kœdœ Nikodeme, œshe á tshe na lima utshunœ ga ndœ Yisu, pa fœ endje adœke:

51«Awa akwa nœ azœ wawa ngbanga ga tœ uzu utshu kœdji she too kœwusœ œrœ á tshe mbœrœ nene.»

⁵²Á endje kœyu she adœke: «Atamœ œbœ kœdœ uzu Galilayi, œbœ ndje a? Mirœ tshelœ zœ dœ ɔtshɔnœ yé bœ wusœ nœ adœke ayi kœgbara o'o wuwuta bale lœ ogo Galilayi nene.»

Yisu œdœ yashe angba budu

[⁵³Manda nœ, uzu dœ uzu gu ga ndœ ye.

Yowane 8

¹Kashe Yisu ɔ lima ga pa kaga á i'irincœ kœdœ kaga ɔyɔ Olive.

²ɔlɔ á osho kɔrɔ, Yisu kwatœ ye ga lœ anda Tepelo. Bata azu ndjoro na lima ga ndœ ye, tshe sœ ga ati, œ tetœ kœyisœ œrœ fœ endje.

³Aayi kœyisœ awa akwa œdœ pe Afarisayi za anga yashe bale na tœncœ fœ Yisu. Endje gbɔ yashencœ ascœmœ kœlo dœ yakoshe á tshe dœdœ akɔncœ nene, yé á za she tɔ ba ugurutœ azu.

⁴Endje kœyu Yisu adœke: «Ayi kœyisœrœ, 'a ɔ pa yashe ascœke endje sœ kœlo dœ yakoshe á tshe dœdœ akɔncœ nene.

⁵Ala awa akwa, Moyize za awa fœ 'a adœke 'a ve mara yashe atake dœ badja. Ataa, bœ pa œncœ zœ kotoo?»

⁶Endje yu lima Yisu á kœwu lɔsu ye yeka á kœtɔ meza pa ye. Kashe Yisu djo ga ati, œ tetœ kœwa œrœ ga lœ ɔshɔ.

⁷Bata endje yɔrɔ lima pa kœyu she kpala kpala, Yisu áafo œ pa fœ endje adœke: «Uzu á tshe kœembœmbœrœ ekperœ bale nene, tshe ve yashe ascœke dœ badja utshuncœ.»

⁸Tshe kpa djo ga ati yé œ sœ kolœ tœ kœwa œrœ ga lœ ɔshɔ.

⁹Lɔkɔ á endje dji o'o á Yisu pa ascœmœ, endje te lima tœ kœgitœ endje bale dœ bale kœto tœ agbozu, yé Yisu sœpe lima kuti ye. Bata á yashencœ á endje kpa lima dji she sœpe lima kpœtœmœ,

¹⁰Yisu áafo yé œ pa fœ she adœke: «Yashe, endje sœ kpœta a? Uzu bale wawa ngbanga ga tœ zœ nene a?»

¹¹Tshe kœgi adœke: «Uzu bale nene, Gbozu.» Á Yisu kœgi fœ she adœke: «œmœ ndje awa bale, mœ wa ngbanga ga tœ zœ nene. Gu zœ, kashe kpa mbœmbœrœ ekperœ nene.»]

Yisu kœdœ ingbisho nœ tshapashɔ

¹²Yisu kpa pa fœ endje adœke: «œmœ kœdœ ingbisho nœ tshapashɔ. Uzu á tshe na manda mœ, tshe na lœ ubu osho nene, kashe tshe gbɔ ingbisho á za soro fœ azu.»

¹³Afarisayi kœpa fœ she adœke: «Bœ sœ kœpa o'o tœ zœ dœ tœ zœ, yé o'onœ á bœ pa dœdœ adja o'o nene.»

¹⁴Yisu kœgi fœ endje adœke: «E sœ tako adœke mœ sœ kœpa o'o tœ mœ dœ tœ mœ, kashe o'onœ á mœ sœ kœpa tœ mœ asœmœ kœdœ adja o'o, mbœrœ mœ wusœ osho á mœ to tœnœ œdœ pe osho á mœ sœ kœna ga tœ nœ. Kashe e'e, 'e wuwusœ osho á mœ to tœnœ œdœ pe osho á mœ sœ kœna ga tœnœ nene.

¹⁵'E sœ kœwa o'o adja b̄ata azu, kashe œmœ, mœ wa o'o pa uzu bale nene.

¹⁶Yé œ kœli adœke mœ wa o'o, mœ wa o'onœ liaka adja o'o mbœrœ mœ sœsœ dœ kuti mœ nene: Ayi kœvwa mœ sœ ndje dœ mœ awa bale.

¹⁷Endje sú ala awa akwa nœ 'e adœke, œdœ azu bisha kœpa kolœ o'o bale dœ ádá œrœ, o'onœ á endje pa asœmœ kœdœ adja o'o.

¹⁸Mœ sœ kœpa o'o tœ mœ dœ tœ mœ, yé Aba á tshe vwa mœ sœ ndje kœpa o'o tœ upu nœ mœ.»

¹⁹Endje kpa kœpa fœ she adœke: «Aba zœ sœ kœta a?» Yisu kœgi fœ endje adœke: «'E wuwusœ mœ nene yé 'e wuwusœ Aba mœ nene. E dœ 'e kœwu má sœ mœ, 'e wu má ndje sœ Aba mœ ye.»

²⁰Yisu pa lima o'onœ asœke ɔb̄ á tshe sœ lima kœyisœ œrœ b̄a lœ anda Tepelo b̄a tœ osho á endje ko ngendja makabo ga tœnœ. Uzu bale toto lima kane ye ga tœ ye nene mbœrœ olo ye lili lima damba nene.

Yisu pandœ upu kœgu she ga ndœ Abanœ

²¹Yisu kpa pa fœ endje adœke: «Mœ gu da ye, 'e para bala mœ kashe 'e tshu lœ ekperœ nœ 'e. Osho á mœ na ga tœnœ, 'e li kœna b̄a zœ nene.»

²²Ayuda kœyu lima tœ endje ugurutœ endje adœke: «Tshe sœ dœ gbetshelœ nœ kœwotœ ye dœ tœ ye a? Mbœrœ á tshe pa adœke: “Osho á mœ na ga tœnœ, 'e li kœna b̄a zœ nene a?”»

²³Yisu kœpa fœ endje adœke: «E'e kœdœ azu tshaati, œmœ kœdœ uzu tshalafo. 'E kœdœ azu tshapashœnœ asœke, kashe mœ dœdœ uzu tshapashœnœ asœke nene.

²⁴Mbœrœ tœnœ dá mœ pa fœ 'e adœke 'e tshu lœ ekperœ nœ 'e. Gbambanœ nene, œdœ 'e kœyiyindœ nœ adœke œmœ, mœ sœ zœ nene, 'e tshu lœ ekperœ nœ 'e.»

²⁵Endje kœyu Yisu adœke: «E b̄œ kœdœ uzu œdœ e?» Yé tshe kœgi fœ endje adœke: «E mœ kœdœ tsheneke á mœ pa o'o fœ 'e katshatsha utshunœ.

²⁶Mœ sœ dœ o'o ndjoro kœpa œdœ pe kœwa tœ upu nœ 'e. Kashe tsheneke á tshe vwa mœ kœdœ uzu nœ adja o'o yé œeneke á mœ dji ba ndœ ye, œtœnœ dá mœ sœ kœpa fœ tshapashɔ.»

²⁷Endje wuwu lima sœ nœ nene adœke Yisu sœ lima kœpa o'onœ fœ œene tœ Aba.

²⁸Yisu kpa kœpa fœ endje adœke: «Dlo á 'e tshi Gbolo nœ uzu ga lafo, 'e wusœ nœ adœke “œmœ, mœ sœ zœ”. 'E wu ndje sœ nœ adœke mœ mbœmbœrœ œrœ bale dœ tœ mœ nene, kashe mœ sœ kœpa o'o á Aba yisœ nœ fœ mœ.

²⁹Tsheneke á tshe vwa mœ sœ awa bale dœ mœ, tshe katœ mœ ti kuti mœ nene, mbœrœ mœ sœ kœmbœrœ kolœ œrœ á za yanga fœ she.»

³⁰Bata á Yisu sœ lima kœpa o'o ataa, azu ndjoro wuta lima dœ kœyindœrœ ga ndœ ye.

Adja aata Abrayamo

³¹Yisu pa fœ Ayuda á endje yi lima ndœ o'o ama ye adœke: «œdœ 'e kœsœpe kœgbœndœ o'o ama mœ ga tœ lœsu 'e, 'e kœdœ adja ayambarœ nœ mœ.

³²Ataa, 'e wusœ adja o'o tœ upu nœ Ndjaba yé adja o'onœ œ ko 'e lœ kanga ga ushu ye.»

³³Endje kœpa fœ she adœke: «Abrayamo kœdœ ata 'a yé 'a dœdœ balima akanga nœ uzu nene. Kotoo á bœ pa adœke 'a wuta lœ kanga ye a?»

³⁴Yisu kœgi fœ endje adœke: «Mœ pa fœ 'e dœ adjapu adœke, uzu kœ á tshe sœ kœsœ kœmbœrœ ekperœ, kœdœ kanga nœ ekperœ.

³⁵Kanga sœsœ waa lœ anda nene, kashe gbolo anda dá sœ waa.

³⁶œdœ Gbolo kœko 'e ga ushu lœ kanga, 'e wuta adja lœnœ ye.

³⁷Mœ wusœ nœ adœke Abrayamo kœdœ ata 'e. Kashe 'e sœ kœpara awa kœwo mœ mbœrœ á 'e yiyindœ kœdji o'o ama mœ nene.

³⁸Mœ sœ kœpandœ œeneke á mœ wu ba ndœ Aba mœ, yé 'e sœ kœmbœrœ œeneke á aba 'e mindœ nœ fœ 'e.»

³⁹Endje kœpa fœ she adœke: «Aba 'a kœdœ Abrayamo.» Yé Yisu kœpa fœ endje adœke: «œdœ 'e kœdœ agbolo nœ Abrayamo, 'e mbœrœ akwa nœ Abrayamo.

⁴⁰Andaa, 'e sœ ngœngœ asœ kœpara awa ndœ kœwo mœ, œmœ á mœ pa adja o'o á mœ dji ba ndœ Ndjaba. Abrayamo mbœmbœrœ œrœ á li dœ tœnœ bale nene.

⁴¹Kashe 'e, 'e sœ kœmbœrœ akwa nœ aba 'e.» Endje kœgi fœ she adœke: «'A dœdœ agbolo gugati nene, 'a sœ kolœ dœ aba bale á tshe kœdœ Ndjaba.»

⁴²Á Yisu kœpa fœ endje adœke: «Œdœ Ndjaba kœdœ má Aba 'e, 'e yi má ndœ mœ ye. Gbambanœ nene, mœ to ba ndœ ye yeka á na asœke. Mœ nana dœ tœ mœ nene kashe œshe dá vwa mœ.

⁴³Mbœrœ gadœ á 'e sœsœ kœdji tshelœ kata o'o nœ mœ nene a? Mbœrœ gadœ á 'e lili kœdji o'o ama mœ nene.

⁴⁴Aba 'e, œshe kœdœ djaboro yé 'e sœ dœ ogo kœmbœrœ gbetshelœ nœ aba 'e. Tshœ kœdœ ayi kœwo azu balima katshatsha. Tshœ papa adja o'o nene mbœrœ adja o'o gugu lœ ye nene. Lɔkɔ á tshœ kœpa wala, mara kœpa o'o nœ ye dœmœ mbœrœ tshœ kœdœ ayi wala œdœ aba wala.

⁴⁵Kashe œmœ, mœ pa œnœ mœ adja o'o yé mbœrœ tœnœ ataa, 'e sœsœ kœdji mœ nene.

⁴⁶Uzu dœ ugurutœ 'e kɔ dá li kœma adœke mœ mbœrœ ekperœ a? Yé œdœ mœ kœpa adja o'o, mbœrœ ga dœ á 'e yiyindœ kœdji mœ nene a?

⁴⁷Uzu tsheneke á tshœ kœdœ uzu nœ Ndjaba, tshœ dji o'o ama Ndjaba; bata 'e dœdœ azu nœ Ndjaba nene, 'e li kœdji o'o ama mœ nene.»

Yisu œdœ Abrayamo

⁴⁸Ayudanœ gi fœ Yisu adœke: «Œdœ 'a kœpa fœ bœ adœke œbœ kœdœ uzu Samariya yé ekpe ishiri sœ pa zœ, 'a pa wala dœmœ a?»

⁴⁹Yisu gi fœ endje adœke: «Mœ sœsœ dœ ekpe ishiri pa mœ nene, kashe mœ sœ kœlisœ Aba mœ yeka á 'e vwaratœ 'e kœlisœ mœ asœmœ.

⁵⁰Mœ sœsœ kœpara ndje adœke azu donga mœ nene. Kashe anga uzu sœ zœ á sœ kœmbœrœ adœke azu donga mœ yé œshe dá sœ kœwa o'o.

⁵¹Mœ sœ kœpa fœ 'e dœ adjapu adœke, œdœ uzu kœsœ kœgbœndœ o'o ama mœ, tshœ wu bala kuzu nene.»

⁵²Ayudanœ kœpa fœ she adœke: «Ngɔngɔ asœ, 'a wusœ nœ adœke ekpe ishiri sœ pa zœ. Abrayamo tshu, aayi kœgbara o'o tshu ndje, yé œbœ, bœ pa adœke: “Uzu á tshœ kœgbœndœ o'o ama zœ, tshœ wu bala kuzu nene.”

⁵³Bœ gbe adœke bœ ropa aba 'a dœ Abrayamo á tshœ tshu ye a? Œdœ ndje aayi kœgbara o'o á endje tshu, ataa adja bœ sœ kœzatœ zœ bata œdœ e?»

⁵⁴Á Yisu kœpa fœ endje adœke: «Œdœ mœ kœsœ má kœdongatœ mœ dœ tœ mœ, kœdongatœsho nœ mœ œ sœ má gbambanœ. Aba mœ dá sœ kœdonga mœ, œshe á 'e sœ kœpa tœ ye adœke: “Tshœ kœdœ Ndjaba nœ 'a”,

⁵⁵andaa 'e wuwusœ ye nene. Œdœ mœ kœpa adœke mœ wuwusœ ye nene, mœ tsha ayi wala bata 'e. Kashe mœ wusœ ye yé mœ sœ kœgbœndœ o'o ama ye.

⁵⁶Aba 'e dœ Abrayamo sœ lima dœ yanga dœ agbe adœke œne wu olo kœzu dœ mœ. Tshe wu lima olonœ yé œ za lima yanga fœ she.»

⁵⁷Ayudancœ kœgi fœ she adœke: «Bœ wuwuta damba dœ ungu zazu bisha dœ ndjokpa nene, yé bœ pa adœke bœ wu Abrayamo a?»

⁵⁸Á Yisu kœgi fœ endje adœke: «Mœ sœ kœpa fœ 'e dœ adjapu adœke, utshu adœke endje zu Abrayamo, “mœ sœ zœ.”»

⁵⁹Ayudancœ kœko badja kœve dœ she, kashe Yisu zatœ ye yiwa tœncœ yé œ wuta lœ anda Tepelo ye.

Yowane 9

Yisu she ayibula

¹Ɔb bale, Yisu sœ kœro tœncœ yé œ wu anga yakoshe bale á endje zu she ala ye bu trale.

²Ayambarœ nœ ye kœyu she adœke: «Rabi, mbœrœ gadœ á endje zu yakoshe asœke trale ala ye bu a? Ataa, œ to lœ ekperœ nœ ye, too œ to lœ ekperœ nœ aayi kœzu she a?»

³Yisu kœgi fœ endje adœke: «œ toto lœ ekperœ nœ ye too lœ ekperœ nœ aayi kœzu she nene. Kashe œneke wuta ga tœ ye mbœrœ á Ndjaba kœyisœ akwa nœ ye lœ ye.

⁴Bata á osho kœrœ, œ li adœke a mbœrœ akwa nœ uzu á tshe vwa mœ. Osho ndo tœ kœbu tœncœ, yé uzu bale kpa li tœ kœmbœrœ akwa nene.

⁵Bata á mœ sœ damba pa tshapashœ, œmœ kœdœ ingbisho nœ tshapashœ.»

⁶Manda kœpa o'onœ asœke, Yisu kœtu ngusha ga tœ œshœ, á kœmbœrœ kpata dœ tœncœ yé œ kœpi ga pa ala ayibulanœ,

⁷á kœpa fœ she adœke: «Na œ djutœ kote zœ ba la kudu ungu á endje dji á ta i'irinœ Silowe.» – Ádá i'iri Silowe kœdœ «Ayi avwa» – Ayibula kœna œ kœdjutœ kote ye yé kœfatœ ye ndœ kœgu she, tshe kœte lima tœ kœwu osho.

⁸Amashenga nœ ye œdœ pe azu á endje sœ lima kœwu she kœ'eshondœ œrœ, yu lima tœ endje adœke: «œ dœdœ Tsheneke á tshe sœ lima ati á sœ kœ'eshondœ œrœ dœke nene a?»

⁹Anga azu pa lima adœke: «œshe dœmœ.» Anga endje pa ndje adœke: «œ œ, uzunœ tsha bata sheshe.» Kashe ayibulanœ yi lima ndœ nœ adœke: «Adja œmœ dœke.»

¹⁰Endje kœyu she adœke: «Ala zœ kœrœ kotoo?»

11 Tshe kœgi fœ endje adœke: «Yakoshencœ á endje sœ kœ'e i'iri ye adœke Yisu dá mbœrœ kpata, á pi ga pa ala mœ yé á pa fœ mœ adœke: “Na dó djutɔ kote zœ ba la ungu Silowe.” Mœ na ba zœ, yé manda kœdjutɔ kote mœ, ala mœ kœrɔ ye.»

12 Endje kœyu she adœke: «Uzunœ ascœmœ sœ kpoeta a?» Tshe kœgi fœ endje adœke: «Mœ wuwusœ nœ nene.»

Afarisayi yu ayibula

13 Anga azu to yakoshe á ala ye bu lima ascœmœ natœncœ ga ndœ Afarisayi.

14 Andaa Yisu mbœrœ lima kpata á kœrɔ ala ye dœ tœncœ dœ lœkɔ sabata.

15 Afarisayi kœyu ndje œncœ endje yakoshe ascœmœ tœ kœwusœ mara œrœ á mbœrœ fœ she adœke tshe tetœ kœwu osho. Tshe kœpa fœ endje adœke: «Tshe pi kpata ga pa ala mœ, mœ djutɔ kote mœ yé mœ sœ kœwu osho.»

16 Anga Afarisayi pa lima adœke: «Uzunœ asœke dódcœ uzu nœ Ndjaba nene mbœrœ á tshe mbœrœ œrœ ascœ dœ lœkɔ Sabata.» Anga endje pa ndje adœke: «Ayi kœmbœrœ ekperœ œ gbɔ awa kœmbœrœ mara ambárá afá atake kotoo?» Yé azu kuru lima tshelœtœ endje.

17 Afarisayi kpa kœyu ayibula á kœba nœ ye ka ascœmœ adœke: «Yé œbœ, bœ sœ dœ o'o gadœ tœ upu nœ uzunœ á tshe mbœrœ á ala zœ kœrɔ asœke a?» Tshe kœgi fœ endje adœke: «Œshe kœdcœ ayi kœgbara o'o.»

18 Utshunœ adœke agbozu yudancœ e aayi kœzu she ndœ kœdji endje, endje yiye lima ndœ nœ nene adœke ala yakoshencœ bu lima yeka á ngœngœ asœke ala ye kœrɔ.

19 Ayudancœ kœyu aayi kœzu she adœke: «Adja yakoshe ascœ kœdcœ gbolo yakoshe nœ 'e a? 'E pa adœke ala ye bu trale á 'e zu dœ she a? Ka œ mbœrœ kotoo ngœngœ ascœ á tshe sœ kœmesho?»

20 Ayi kœzu yakoshe scœmœ kœpa adœke «'A wusœ nœ adœke œshe kœdcœ gbolo nœ 'a yé ala ye bu trale yekane á 'a zu she dœ tœncœ.

21 Kashe 'a wuwusœ œrœ á mbœrœ adœke tshe tetœ kœwu osho ngœngœncœ asœke nene. 'A wuwu ndje sœ uzu á tshe kœrɔ ala ye nene. 'E yu she, tshe dódcœ gbolo nene, tshe sœ dœ o'o kœpa fœ 'e.»

22 Aayi kœzu she pa lima o'o ascœmœ ataa mbœrœ endje sœ lima dœ awa agbozu yudancœ. Mbœrœ Ayuda guma lima o'o ugurutœ endje adœke: Uzu kœyindœ nœ adœke Yisu kœdcœ Kristu, œ li adœke endje gœrɔ she ga ushu lœ Sinagoga ye.

23 Ádánœ á ayi kœzu ayibula pa lima adœke: «'E yu she, tshe dódcœ gbolo nene, tshe sœ dœ o'o kœpa fœ 'e.»

²⁴Afarisayi kpa e yakoshe á tshe dóe lima ayibula yé œ kpa kœyu she adœke: «Pa adja o'o utshu Ndjaba. 'A wusœ nœ adœke uzu á tshe she bœ kœdœ ayi kœmbœrœ ekperœ.»

²⁵Tshe kœgi fœ endje adœke: «Mœ wuwusœ nœ nene œdœ œshe kœdœ ayi kœmbœrœ ekperœ. Kashe œneke á mœ wusœ nœ tshebale kœdœ adœke ala mœ bu lima ye, yé ngɔngɔ asœke mœ sœ kœwu osho.»

²⁶Afarisayi kœyu she adœke: «œrœ gadé dá tshe mbœrœ fœ bœ a? Adja gadé dá mbœrœ adœke ala zœ kɔrɔ a?»

²⁷Yakoshenœ kœgi fœ endje adœke: «Mœ mindœ nœ fœ 'e kashe 'e vwaratœ 'e kœdji mœ ye. 'E kpa yindœ nœ adœke mœ pa bisha o'o gadé e? 'E yi ndje má ndœ kœte ayambarœ nœ ye a?»

²⁸Afarisayinœ kœtetœ kœgu she á kœpa fœ she adœke: «Adja œbœ kœdœ yambarœ nœ ye, yé a'a, 'a kœdœ ayambarœ nœ Moyize.

²⁹'A wusœ nœ adœke Ndjaba pa lima o'o fœ Moyize kashe œshe asœmœ, 'a wuwusœ osho á tshe to tœnœ nene.»

³⁰Yakoshe kœpa fœ endje adœke: «Kœdji œneke á 'e pa asœke, uvuru mœ kpa lœ nœ ye. Gbambanœ nene, 'e pa adœke 'e wuwusœ osho á tshe to tœnœ nene andaa œshe dá kɔrɔ ala mœ!

³¹A wusœ nœ adœke, Ndjaba gigi o'o ndœ avwala nœ ayi kœmbœrœ ekperœ nene; kashe œdœ uzu kœsœ kœlísœ ye, á sœ kœmbœrœ œneke á tshe yindœ nœ, tshe gi o'o ndœ avwala nœ ye.

³²Bale endje djidji balima o'o adœke anga uzu kɔrɔ ala uzu á endje zu she trale dœ bula nene.

³³œ kœdœdœ Ndjaba dá vwa yakoshe asœke nene, tshe mbœrœ má œrœ bale nene.»

³⁴Afarisayi kœpa fœ she adœke: «œbœ á kœto tœ kœzu bœ œerrr kpesheke bœ sœ kolœ ekperœ asœke, œrœ gadé dá bœ yindœ kœyísœ nœ fœ 'a!» Yé endje kœgɔrɔ she lœ Sinagoga ga ushu.

œdœ kœdœ adja ayibula?

³⁵Yisu dji adœke Afarisayi gɔrɔ yakoshe asœmœ ga ushu, yé œ na œ gbɔ she á yu she adœke: «Adja bœ sœ dœ kœyindœrœ ga ndœ Gbolo nœ uzu zœ a?»

³⁶Yakoshe asœmœ kœyu she adœke: «Gbozu, œshe kœdœ œdœ yeka á mœ kœsœ dœ kœyindœrœ ga ndœ ye a?»

³⁷Yisu kœgi fœ she adœke: «Bœ wu she ye, œshe dá sœ kœpa o'o fœ bœ asœke.»

³⁸Yakoshe kœpa fœ she adœke: «Gbozu, mœ sœ dœ kœyindœrœ.» Yé tshe kœgote ga utshu ye.

³⁹Á Yisu kœpa adœke: «Mœ na ga pa tshapashœ asœke mbœrœ kœwa ngbanga, adœke aayibula sœ kœwu osho yé azu á endje sœ lima kœwu osho te ayibula.»

⁴⁰Yekane anga Afarisayi á endje lœ ndje lima tœ œsœncœ, á sœ kœdji o'onœ ascœmœ kœyu she adœke: «A'a, bœ gbe adœke a'a ndje kœdœ aayibula a?»

⁴¹Yé Yisu kœgi fœ endje adœke: «œdœ 'e kœdœ má aayibula, 'e mbœrœ má ekperœ nene. Kashe b̄ata nḡonḡo asœ á 'e sœ kœpa adœke "'a sœ kœwu osho zœ", ekperœ nœ 'e sœpe.»

Yowane 10

Ndœma toro tœ upu nœ ayi kœgb̄ondœ apata

¹Yisu kpa pa fœ endje adœke: «Mœ sœ kœpa fœ 'e dœ adjapu adœke, œdœ uzu kœkatœ kœli ga lœ gbagba nœ apata lœ manda nœ, á kœli tœ anga ogoro kpi, uzu ascœmœ kœdœ ayingba too ayi kœndi œrœ.

²Kashe uzu tsheneke á tshe li ga lœ gbagba lœ manda nœ, kœdœ ayi kœgb̄ondœ apata.

³Tshendjerœ manda sœ kœk̄r̄o manda fœ she yé apata sœ kœdji tshama ye. Apata á endje kœdœ endje nœ ye, tshe sœ kœ'e pata dœ pata dœ i'iri ye yé tshe sœ kœto endje wuta tœncœ ga ushu.

⁴Lœk̄o á tshe kœto endje wuta tœncœ k̄o ga ushu, tshe te utshu endje yé apata ȳr̄o manda ye mbœrœ á endje sœ kœdji tshama ye kporo.

⁵Bale apata œ ȳr̄o manda angbi uzu nene. Endje œ kparawa ye mbœrœ endje sœsœ kœdji tshama angbi azu kporo nene.»

⁶Yisu pa lima ndœma toro asœke fœ azu kashe endje djidji lima tshelœ kata o'onœ á tshe gbe kœpa fœ endje nene.

Yisu, œtshœ ayi kœgb̄ondœ apata

⁷Yeka á Yisu kœpa adœke: «Mœ pa fœ 'e dœ adjapu adœke, œmœ kœdœ manda gbagba nœ apata.

⁸Azu k̄o á endje na utshu mœ kœdœ ayingba œdœ aayi kœndi œrœ. Kashe apata djidji lima endje nene.

⁹œmœ kœdœ manda. Uzu á tshe kœli dœ awa nœ mœ tshe gb̄o bala soro. Tshe li bala, tshe wuta bala yé tshe gb̄o bala kœziœ nœ ye.

¹⁰Ayingba sœ kœna kolœ ndœ kœzi angba, kœwo œrœ œdœ kœndi tœncœ. œmœ, mœ na adœke azu gb̄o soro yé œ sœ dœ soro á rop̄a nœ.

11«Ɔemœ kœdœ ɔtshɔ ayi kœgbɔndœ apata. Ɔtshɔ ayi kœgbɔndœ apata œ zatœ ye fœ kuzu mbœrœ endje.

12Uzu á tshe kœdœdœ ayi kœgbɔndœ apata nene, tshe mbœrœ akwa ko ndœ ngendja, mbœrœ apata dœdœ endje nœ ye nene. Ataa œdœ tshe kœwu muru kœna tœnœ, tshe katœ apata ti œ kpa ye. Murunœ œ za anga pata yé œ ndjo tshelœ udu endje ngbangbangba.

13'E wu œrœ á mbœrœtœ endje, gbambanœ nene, uzunœ sœ kolœ kœembœrœ akwa mbœrœ ngendja yé œ sœsœ dœ oyo mbœrœ apata nene.

14Ɔemœ kœdœ ɔtshɔ ayi kœgbɔndœ apata. Mœ wusœ apata nœ mœ yé endje wu ndje sœ mœ,

15bata Aba wusœ mœ á mœ wu sœ ye, mœ sœ kœzatœ mœ fœ kuzu mbœrœ apata nœ mœ.

16Mœ sœ dœ anga apata á endje sœsœ lœ gbagbanœ asœke nene. Mbœrœ endje asœmœ, œ li adœke mœ to ndje endje, endje dji bala tshama mœ yé endje œ wuta ukpulu apata tshebale œdœ ayi kœgbɔndœ endje tshebale.

17«Aba yindœ mœ mbœrœ á mœ sœ kœzatœ mœ fœ kuzu yeka manda nœ á mœ kpa sœ dœ soro.

18ƆE sœsœ adœke anga uzu wo mœ nene, kashe œmœ dœ tœ mœ dá zatœ mœ fœ kuzu. Mœ sœ dœ gbɔgbɔ adœke mœ tshu, yé mœ sœ ndje dœ gbɔgbɔ adœke mœ kpa sœ dœ soro. Asœke kœdœ awa o'o á Aba mœ za fœ mœ.»

19Kpœpa kœpa o'o á Yisu pa asœmœ, Ayudanœ kpa kuru lima tshelœtœ endje.

20Yé ìlì endje ugurunœ pa lima adœke: «Ekpe ishiri sœ pa ye. Tshe sœ dœ iyi yé mbœrœ gadœ á 'e sœ kœdji she a?»

21Anga udu endje kœpa adœke: «ƆE dœdœ o'o nœ uzu á tshe sœ dœ ekpe ishiri dœke nene. Anga ekpe ishiri mbœrœ balima adœke ayibula wu osho a?»

Ayuda vwaratœ endje tœ Yisu

22ƆEtœnœ kœdœ lima yapu á izi œ mi waa, lɔkɔ angbo kœgbe dœ olo á endje za lima avwala pa anda Ndjaba ba lœ Yerusaleme.

23Yisu sœ lima kœna œ kœgu ba lœ Tepelo ngbɔɔ tshakudu Kɔlɔne andanœ á endje e i'irinœ adœke Kɔlɔne nœ Salomo.

24Ayuda kœngbɔbatœ endje dji Yisu á kœpa fœ she adœke: «Bœ sœ tœ kœkate gadœ tœ kœpa má fœ 'a adœke œbœ kœdœ Kristu a? Pandœ nœ fœ 'a dœ 'a wusœ nœ ngbi.»

- 25**Yisu kœgi fœ endje adœke: «Mœ pandœ nœ fœ 'e kashe 'e sœsœ kœyindœ o'o ama mœ nene. Akwa á mœ sœ kœmbœrœ tœnœ dœ i'iri Aba mœ dá sœ kœpa o'o tœ upu nœ mœ.
- 26**Kashe 'e sœsœ dœ kœyindœrœ ga ndœ mœ nene mbœrœ á 'e dœdœ apata nœ mœ nene.
- 27**Apata nœ mœ sœ kœdji tshama mœ, mœ wusœ endje yé endje sœ kœero manda mœ.
- 28**Yé œmœ, mœ sœ kœza soro á ka nene fœ endje. Endje tshu bala bale nene, yé uzu á tshe ko endje tshakane mœ gugu nene.
- 29**Aba mœ á tshe ko endje fœ mœ, tshe ropa azu kœ. Uzu bale á tshe sœ dœ gbœgbœ kœkakara œrœ tshakane Aba gugu nene.
- 30**œmœ dœ Aba 'a sœ uzu bale.»
- 31**Ayudanœ kpa kœko lima badja adœke œne ve dœ she.
- 32**Kashe Yisu kœpa fœ endje adœke: «œmœ, mœ mbœrœ akwa ndjoro á to ba ndœ Aba, yé 'e wu dœ ala 'e. Ataa akwa neketa dá 'e yindœ kœve mœ dœ badja mbœrœ tœnœ a?»
- 33**Ayudanœ kœgi fœ she adœke: «œ dœdœ mbœrœ upu nœ œshœ akwa dá 'a yindœ kœve bœ dœ badja nene, kashe 'a yindœ kœve bœ kolœ mbœrœ á bœ sœ kœgu œsœ Ndjaba. Bœ kœdœ kolœ uzu yé bœ fatœ zœ tœ Ndjaba!»
- 34**Yisu kœpa fœ endje adœke: «Endje su ala awa akwa nœ 'e adœke: Mœ pa: “E'e kœdœ andjaba.”
- 35**Yé Ndjaba e endjeneke á tshe pa o'o fœ endje ala Buku nœ ye adœke andjaba. Andaa a wusœ nœ adœke œneke á endje sú ala Buku nœ Ndjaba œ sœpe waa dœ waa.
- 36**Yé œmœ, Aba ke mœ yé œ vwa mœ ga pa tshapashœ asœke. 'E pa adœke: “Mœ sœ kœgu œsœ Ndjaba” mbœrœ á mœ pa tœ mœ adœke mœ kœdœ Gbolo nœ Ndjaba a?
- 37**œdœ mœ kœsœsœ kœmbœrœ akwa nœ Aba mœ nene, 'e vwaratœ 'e tœ kœsœ dœ kœyindœrœ ga ndœ mœ!
- 38**Ká mœ kœsœ kœmbœrœ akwanœ zœ, á 'e kœsœsœ dœ kœyindœrœ ga ndœ mœ nene gbaa, œ yindœ akwanœ asœke yeka á 'e kœwu sœ nœ dœ œtshœnœ adœke Aba sœ lœ mœ, yé mœ sœ lœ Aba.»
- 39**Trale endje kpa kœpara awa tœ kœtepa ye á tshe kœtœ tshakane endje ye.
- 40**Yisu kœkwatœ ye ga atshi ungu Yœrdane ba tœ osho á Yowane te lima tœ kœza batisimu fœ azu yé á sœ ba zœ.

⁴¹Azu ndjoro sœ lima kœna ga ndœ ye yé á sœ lima kœpa adœke: «Yowane mboembœrœ lima ambárá afá bale nene. Kashe o'o kɔ́ á tshe pa lima tœ upu nœ yakoshe asœke, kœdœ lima adja o'o.»

⁴²Yé ba zœ, azu ndjoro sœ lima dœ kœyindœrœ ga ndœ Yisu.

Yowane 11

Kuzu Lazaro

¹Anga yakoshe bale á ì'irì ye kœdœ Lazaro sœ lima dœ koba. Tshe sœ lima ba lœ Betani, ba lakpì nœ Amareya dœ yingɔ́nœ dœ Marta.

²Mareyanœ asœke kœdœ yashenœ á tshe su lima ungu yombo ga pa ada Yisu, á turu dœ sukumu ye. Œshe dá yingɔ́nœ dœ Lazaro sœ lima dœ koba.

³Ayingɔ́nœ bisha asœke vwa lima uzu mbœrœ kœpandœ nœ fœ Yisu adœke: «Gbozu, yanga zœ á bœ yindœ ye sœ dœ koba.»

⁴Yisu djindœ o'onœ, œ pa adœke: «Koba nœ Lazaro œ wo she nene, yé œ sœ mbœrœ kœyisœ mokɔ́ nœ Ndjaba yekane á azu kœza mokɔ́ fœ Gbolo nœ ye.»

⁵Andaa Yisu yi lima ndœ Marta dœ yingɔ́nœ œdœ pe lazaro.

⁶Yisu dji adœke Lazaro sœ dœ koba gbaa, kashe tshe kpa mbœrœ lima olo bisha tœ osho á tshe sœ lima tœnœ.

⁷Manda nœ, tshe kœpa fœ ayambarœ nœ ye adœke: «A kwatœ azœ, œ gu ga lœ ogo Yuda.»

⁸Ayambarœnœ kœgi fœ she adœke: «Rabi, ngɔ́ngɔ́ngɔ́ kpœke, Ayudanœ yi lima ndœ kœve bœ dœ badja yé bœ kpa sœ kœgbe kœkwatœ zœ ga zœ a?»

⁹Yisu kœgi fœ endje adœke: «Olo bale sœsœ dœ ada ɔ́ɔ́ ndjokpa dœ bisha nene a? Œdœ uzu kœna ana dœ ɔ́ɔ́, tshe gbota ada ye nene mbœrœ á tshe sœ kœwu ingbisho nœ tshapashɔ́nœ asœke.

¹⁰Kashe œ kœsœ adœke uzu sœ kœna ana dœ abutshɔ́, tshe gbota ada ye mbœrœ ingbisho gugu tœ ye nene.»

¹¹Manda kœpa o'onœ asœ, Yisu kpa kœpa adœke: «Yanga azœ dœ Lazaro sœ tœ olo, yé mœ sœ kœna ndœ kœjo she.»

¹²Ayambarœ kœgi fœ she adœke: «Gbozu, œdœ tshe kœsœ tœ olo, tshe she ye.»

¹³Yisu yi lima ndœ kœma adœke Lazaro tshu ye, kashe ayambarœ gbe lima adœke Yisu pa o'o tœ adja olo.

¹⁴Á Yisu kœpa fœ endje ngbi adœke: «Lazaro tshu ye,

¹⁵Yé mœ sœ dœ yanga mbœrœ 'e gugu lima tœ œscœncœ ba zœ nene yeka á 'e kœsœ dœ kœyindœrœ. Kashe 'a na ga indiri ye.»

¹⁶Yeka á Toma á endje e ndje she Meya kœpa fœ anga ayambarœncœ adœke: «A ngbɔ kɔ œ na ga zœ dœ œ tshu awa bale dœ she.»

Yisu kœdœ ayi kœshe azu lœ kuzu

¹⁷Lɔkɔ á Yisu wuta, endje pa fœ she adœke endje shi Lazaro œ mbœrœ olo vana.

¹⁸Bata tshalakpi Betani sœ ndoo dœ Beteleme manda ana nœ Kelometere voto gbambancœ,

¹⁹Ayuda ndjoro na lima ga indiri Amareya dœ Marta kœu endje manda kuzu yingɔ endje.

²⁰Lɔkɔ á Marta dji adœke Yisu sœ tœ awa, tshe na para tshatshu ye kashe Mareya sœpe lima basœnda.

²¹Marta kœpa fœ Yisu adœke: «Gbozu, œdœ bœ kœsœ má lima kpœke, kuzu œ wo má yingɔ mœ nene.

²²Kashe ngɔngɔ nœ asœke ndje, mœ wusœ nœ adœke œneke kɔ á bœ eshondœ nœ ga ndœ Ndjaba, tshe to fœ bœ.»

²³Yisu kœpa fœ she adœke: «Ndjaba œ she yingɔ zœ lœ kuzu zœ.»

²⁴Marta kœgi adœke: «Adjapu, mœ wusœ nœ adœke Ndjaba œ she she dœ lɔkɔ nœ kœshe akuzu tœ ndɔngɔlɔ olo.»

²⁵Á Yisu kœpa fœ she adœke: «œmœ kœdœ Ayi kœshe azu lœ kuzu œdœ pe Ayi kœza soro. Uzu á tshe kœsœ dœ kœyindœrœ ga ndœ mœ, ngɔngɔ asœke œdœ tshe kœtshu gbaa, tshe kpa sœpe dœ soro.

²⁶Yé uzu kɔ á tshe kœsœ dœ soro, á sœ dœ kœyindœrœ ga ndœ mœ, tshe tshu bale nene. Bœ sœ dœ kœyindœrœ ataa?»

²⁷Marta kœgi adœke: «Adjapu Gbozu, adja mœ yindœ nœ adœke œbœ kœdœ Kristu, Gbolo nœ Ndjaba á tshe sœ kœna ga pa tshapashɔ.»

²⁸Manda o'onœ asœke, Marta kœaafo, kœna kœ'e Mareya á kœpa fœ she lœ hoyancœ adœke: «Ayi kœyisœrœ sœ kpœke yé œ sœ kœ'e bœ.»

²⁹Kœdji kolœncœ ataa, Mareya kœaafo gbara, á kœna ga ndœ Yisu.

³⁰Yisu lili lima damba ga lakpi nœ nene, tshe sœpe lima ba tœ oshonœ á Marta gbɔ she tœncœ.

³¹Ayudancœ sœ lima scœnda dœ Mareya yé œ sœ lima kœpara awa kœu she. Gba, endje kœwu she kœaafo kœwuta ga ushu yé endje kœte manda ye. Endje gbe lima adœke tshe sœ kœero ete kœki tœncœ ba pa udu.

³²Lɔkɔ á Mareya wuta ba tœ osho á Yisu sœ lima tœncœ, á wu she; tshe te lima ga tœ ada ye á pa fœ she adœke: «Gbozu, œdœ bœ kœsœ má lima kpœke, kuzu œ wo má yingɔ mœ nene.»

³³Kœwu adœke Mareya sœ tœ iki yé Ayuda á endje na lima dœ she awa bale yo ndje dœ iki, lɔsu Yisu su dœ oyo yé uvuru ye i gara lœncœ.

³⁴Á Yisu kœyu adœke: «'E shi she kpœta a?» Endje kœgi fœ she adœke: «Gbozu, na gamœ dœ œ wu.»

³⁵Á Yisu kœki.

³⁶Ayudancœ kœpa lima adœke: «'E wu, bata á tshe yi lima ndœ Lazaro!»

³⁷Anga azu kœpa adœke: «Œshe á tshe kɔrɔ ala ayibula, mbœrœ gade á tshe mbœrœ adœke kuzu za Lazaro nene na a?»

Yisu she Lazaro lœ kuzu

³⁸Lɔsu Yisu kpa su lima dœ oyo, yé tshe na lima ga pa udu. Tœncœ kœdœ lima kudu badja á endje vwiri egerœ badja ga tœ amanœ.

³⁹Yisu kœpa adœke: «'E vwiri egerœ badjanœ asœke.» Yeka á Marta á tshe kœdœ yingɔ kuzuncœ kœpa fœ she adœke: «Gbozu, tshe fu ye mbœrœ tshe mbœrœ lœ koto olo vana.»

⁴⁰Yisu kœgi fœ she adœke: «Mœ papa fœ bœ adœke: Œdœ bœ kœsœ dœ kœyindœrœ, bœ wu bala mokɔ nœ Ndjaba nene a?»

⁴¹Endje kœvwiri egerœ badjanœ. Á Yisu kœmesho ga lafo á kœpa adœke: «Aba, mœ sœ kœza mershe fœ bœ mbœrœ á bœ dji mœ.

⁴²Mœ wu má sœ nœ adœke bœ sœ kolœ kœdji mœ zœ. Kashe mœ pa o'o mbœrœ ukpulu azu á endje sœ indiri mœ asœke adœke endje sœ dœ kœyindœrœ adœke œbœ dá vwa mœ.»

⁴³Manda kœpa o'onœ asœ, Yisu pa dœ avwara adœke: «Lazaro, wuta ga ushu!»

⁴⁴Yé uzu á tshe tshu má lima ye kœwuta dœ uwu lœba á endje vwele dœ ada ye, dœ kane ye, œdœ ndje pe ndœma lœba á endje vwele dœ tshatshu ye. Yisu kœpa fœ azu adœke: «'E vwara uwu lœba tœ ye, œ katœ ye ti tshe gu.»

Agbozu Ayuda vwarandœ Yisu

(Wu ba tœ Mat 26.1-5; Mar 14.1-2; Luk 22.1-2)

⁴⁵Kolœ ugurutœ Ayuda á endje na lima ga ndœ Mareya yé á wu œrœ á Yisu mbœrœ lima ascœmœ, ili endje wuta lima dœ kœyindœrœ ga ndœ Yisu.

⁴⁶Kashe anga endje ugurunœ, na lima kœgbɔtœ endje dœ Afarisayi á pa lima ndœ œrœ á Yisu mbœrœ fœ endje.

⁴⁷Mbœrœ tœnœ ataa, agbozu tshapa anganga Ndjaba dœ Afarisayi ngbɔ lima tœ endje ɓa lœ anda kœwa ngbanga nœ azu nœ Ndjaba á pa adœke: «A mbœrœ kotoo? Yakoshe asœke sœ kœmbœrœ ambára afá waa ye kea?»

⁴⁸Ɔdœ a kœkatœ ye ti kœmbœrœ ataa, azu kɔ œ sœ kœyindœrœ ga ndœ ye, yé azu Roma œ na kœndi œyerœ osho nœ azœ œdœ pe ogo nœ azœ ye!»

⁴⁹Anga bale ugurutœ endje á i'iri ye kœdœ lima Kayifa, tshe kœdœ lima egerœ nganga Ndjaba dœ ungunœ asœmœ. Tshe kœpa fœ endje adœke: «'E zaza ada o'onœ asœ nene

⁵⁰yé 'e wuwu ndje sœ nœ nene adœke œ sœ dœ ɔtshɔnœ mbœrœ 'e adœke uzu bale tshu lœ kumu azu para yekane á ogo nœ azœ kœndindi djigi nene.»

⁵¹O'onœ toto lima lœ Kayifa dœ tœ ye nene, kashe ɓata œshe kœdœ lima egerœ nganga Ndjaba dœ ungunœ asœmœ, Ndjaba za o'o ga lœ ama ye kœgbara lima adœke œ li adœke Yisu tshu mbœrœ azu ogo.

⁵²Ɔ sœsœ kolœ mbœrœ azu ogo nene, kashe œ sœ ndje mbœrœ agbolo nœ Ndjaba á endje ndjɔtshelœtœ endje djezœ adœke endje ngbɔbatœ endje œ wuta bale.

⁵³Pe dœ ɔlɔnœ asœmœ, agbozu Ikrizianœ gbɔ lima gbetshelœ nœ kœwo Yisu.

⁵⁴Ádánœ á Yisu kpa sœsœ lima kœna œdœ kœwuta ngbi ga ugurutœ Ayudánœ nene dœke. Kashe tshe gi lima tœ ye ndoo ga lœ kpagagasho, œ sœ ɓa lakpi bale á i'irinœ kœdœ Efrayime, yeka á sœ ɓa zœ dœ ayambarœ nœ ye.

⁵⁵Andaa angbo nœ Pake ndo kœte lima tœnœ, azu ndjoro ɔ lima ga lœ Yerusalemœ utshu angbo mbœrœ kœdjutɔ kolœ endje á kœza avwala fœ Ndjaba.

⁵⁶Endje sœ lima kœpara Yisu, yé ɓata endje sœ lima ɓa lœ Tepelo, endje sœ lima kœyutœ endje ugurutœ endje adœke: «'E gbe kotoo? Ɔerrr á tshe na ndœ angbonœ asœke nene a!»

⁵⁷Yeka á agbozu tshapa anganga Ndjaba œdœ Afarisayi kœza o'o fœ azu adœke: «Ɔdœ uzu bale kœwu lima sœ osho á Yisu sœ tœnœ, tshe yi lima sœ nœ yeka á endje kœtepa ye.»

Yowane 12

Mareya su yombo ga pa ada Yisu

(Wu ɓa tœ Mat 26.6-13; Mar 14.3-9)

¹Olo mindu dœ amánœ bale utshu angbo Pake, Yisu na lima ga lœ Betani, tshalakpi á tshe she lima Lazaro lœ kuzu tœnœ.

²Ba zœ, endje fa kœziroœ fœ Yisu, yé Marta dá kuru lima tshelœ kœziroœœ á endje sœ lima kœzi tœœœ awa bale dœ Lazaro.

³Mareya za ungu yombo á endje mbœroœ dœ adja narde á amanœ gbœ dœ panœ ga lœ anga. Tshe za lima anganœ, œ su yombonœ ga pa ada Yisu yé œ turu dœ sukumu ye. Tshafu yombonœ za lima tshasœnda djigi.

⁴Anga yambarœ nœ Yisu bale á i'iri ye kœdœ Yudasi Isikariote, œshe á tshe va ɔɔ Yisu, pa adœke:

⁵«Mbœroœ gafe á ka má yombonœ œ gbœ denari kama votɔ dœ kurutshelœœ tœ aayi oyo nene a?»

⁶Yudasi papa lima o'onœ mbœroœ á tshe gbe dœ aayi oyo nene, kashe mbœroœ á tshe kœdœ ayi angba. Kashe bœta tshe kœdœ lima ayi kœgbœndœ ngbade ngendja, tshe sœ lima kœzi angba ngendja á endje sœ kœko tœœœ.

⁷Yisu kœpa adœke: «'E toto oyo fœ she nene. Tshe mbœroœ œtœœœ mbœroœ kœgbe dœ olo á endje za bala dœ mœ ga lœ koto.

⁸'E sœ awa bale dœ aayi oyo ɔɔ dœ ɔɔ kashe œmœ, mœ sœsœpe dœ 'e ɔɔ dœ ɔɔ nene.»

⁹Ayuda ndjoro dji lima adœke Yisu sœ lœ Betani. Endje sœsœ lima kœna ga zœ kolœ mbœroœ Yisu bale nene, kashe endje na lima ndje mbœroœ kœwu Lazaro á Yisu shé lima she lœ kuzu.

¹⁰Mbœroœ tœœœ ataa, agbozu tshapa anganga Ndjabanœ wa lima o'o adœke œne wo ndje Lazaro ye,

¹¹mbœroœ Ayuda ndjoro ka lima tœ endje ti, yé œ sœ lima dœ kœyindœroœ ga ndœ Yisu lœ kumu ye.

Yisu li ga lœ Yerusaleme

(Wu ba tœ Mat 21.1-11; Mar 11.1-11; Luk 19.28-40)

¹²Osho kœro pa nœ, Ayuda ndjoro á endje na lima ndœ angbo Pakenœ dji adœke Yisu œ na lima ga lœ Yerusaleme.

¹³Endje de kako ngima yé œ wuta para tshatshu ye. Endje sœ lima kœta rawa adœke: «Mokɔ fœ Ndjaba! Kaka Ndjaba to kane ye ga pa tsheneke á tshe sœ kœna dœ i'iri Gbozu, gbozugo Israyele!»

¹⁴Yisu wu ovoro ane yé œ na œ ɔ ga pa ye bœta á endje sú ala Buku nœ Ndjaba adœke:

¹⁵«Azú tshelœ ongbo Siyona, awa zaza 'e nene! 'E wu, gbozu nœ 'e dá na asœke, tshe ɔ ga pa ovoro ane.»

¹⁶Ayambarœ nœ Yisu wuwu damba lima sœ œeneke á sœ kœero tœnœ ascœmœ nene. Cœrrr manda kœœ she lima ga lafo ga lœ mokœ nœ ye yekane á œendœnœ te lima lœ endje adœeke endje sũ lima o'onœ tœ upu nœ ye, yé endje mbœerœ ga tœ ye kolœ adja œeneke á endje sũ.

¹⁷Azu kœ á endje sœ lima dœ Yisu lœkœ á tshe she lima Lazaro yé á e she adœeke tshe wuta ga ushu, endje sœ lima kœepandœ o'o tœ œeneke á endje wu.

¹⁸Mbœerœ tœnœ dá azu ndjoro sœ lima kœena para tshatshu Yisu; gbambanœ nene, endje dji lima ndœ ambára afá á tshe mbœerœ.

¹⁹Yeka Afarisayi kœpa ugurutœ endje adœeke: «'E sœ kœewu tœnœ, 'e kpa li kœembœerœ œœœ bale nene mbœerœ azu kœ yœœœ kolœ manda ye.»

Mokœ œœœ kurushi

²⁰œœ angbo li yé anga angbi azu ro ndje lima ga lœ Yerusaleme mbœerœ kœdonga Ndjaba.

²¹Endje na ga ndœ Filipino, uzu tshalakpi Betesayida lœ ogo Galilayi, á kœpa lima fœ she adœeke: «Gbozu 'a gbe kœewu Yisu.»

²²Filipo kœena kœpa fœ Andere á endje na dœ she kœepandœ nœ fœ Yisu.

²³Yisu kœpa fœ endje adœeke: «Ngœngœ asœ, ada œœœ li adœeke Gbolo nœ uzu gbo mokœ nœ ye.

²⁴Mœ sœ kœpa fœ 'e dœ adjapu adœeke œœœ ele ble kœelili ga lœ œshœ á gba nene, œ œœœ kolœ tœnœ bale. Kashe œ kœeli ga lœ œshœ á kœœgba, œ ko yekane á zu elenœ ndjoro.

²⁵Uzu á tshe kœeyindœ soro ye, tshe œœœ dœ tœnœ nene; kashe tsheneke á tshe kœœwaratœ ye kœœœœ tœnœ pa tshapashœnœ asœeke, tshe gbœndœ nœ waa dœ waa.

²⁶œœœ uzu kœeyindœ kœembœerœ akwa fœ mœ, œ li adœeke tshe ro manda mœ yé oshœ á mœ sœ tœnœ dá ayi akwa nœ mœ œ sœ ndje tœnœ. œœœ uzu kœœœ kœembœerœ akwa fœ mœ, Aba œ donga she.»

²⁷Ngœngœ asœ, œœœ mœ sœ ga lafo yé o'o gadœ dá mœ kœpa a? Mœ pa adœeke: «Aba, she mœ tœ ada œœœnœ asœeke a? Kashe œ sœ mbœerœ ada œœœnœ asœeke dá mœ na.

²⁸Aba, mbœerœ adœeke azu donga i'iri zœ.» Yé anga tshama wu ba lafo adœeke: «Mœ mbœerœ, yé mœ kpa mbœerœ adœeke azu donga i'iri mœ.»

²⁹Ukpulu azu á endje lœ lima tœ œœœnœ á dji o'onœ asœeke pa adœeke: «Yavuru dá œœœ ascœmœ.» Anga endje pa ndje adœeke: «Anga aandjelu dá pa o'o fœ Yisu.»

30Yisu gi adœke: «Tshamanœ á ki asœmœ, kiki mbœrœ mœ nene kashe œ ki mbœrœ 'e.»

31Ngɔngɔ asœ dá Ndjaba œ wa ngbanga nœ tshapashɔ asœke, yé ngɔngɔ asœ tshe vwi gbozu tshapashɔnœ ga ushu.

32Yé œmœ, ɔɔ á endje kœti mœ ga lafo pa ɔshɔ, mœ gbota bala azu para kɔko ga ndœ mœ.

33Tshe pa lima o'o asœ mbœrœ kœyisœ mara kuzu á tshe tshu dœ tœnœ.

34Ukpulu azunœ kœgi fœ she adœke: «A di ala mbeti awa akwa adœke, Kristu œ sœ dœ soro waa dœ waa. Ka kotoo á bœ pa adœke endje bi Gbolo nœ uzu ga pa kurushi á za she tɔ ga lafo a? Gbolo nœ uzunœ asœmœ kœdœ œdœ?»

35Yisu kœgi fœ endje adœke: «Ingbisho sœ damba ugurutœ 'e manda olo teasho. 'E na ana bata á 'e sœ dœ ingbisho mbœrœ adœke ubu osho kœndondondoro 'e nene. Gbambanœ nene, uzu á tshe sœ kœna lœ ubu osho, wuwusœ osho á tshe sœ kœna ga tœnœ nene.

36Bata 'e sœ dœ ingbisho, 'e sœ dœ kœyindœrœ ga ndœ ingbisho á 'e kœwuta agbolo nœ ingbisho. Manda kœpa o'onœ asœke, Yisu gitœ ye ugurutœ azu ndjoronœ yé œ zatœ ye yiwa tœnœ tœ endje.»

Ɔgbɔ Iɔsu nœ Ayuda

37Ayuda wu lima ambára afá ndjoro á Yisu mbœrœ gbaa, kashe endje sœsœ lima dœ kœyindœrœ ga ndœ ye nene,

38liaka o'o á ayi kœgbara o'o Isaya pa lima adœke: «Gbozu Ndjaba, œdœ dá yindœ o'o á 'a pa lima? Yé Gbozu Ndjaba má lima gbɔgbɔ nœ ye fœ uzu œdœ e?»

39Isaya kpa pandœ ádá á azu vvara lima tœ endje tœ kœsœ dœ kœyindœrœ:

40«Tshe mbœrœ adœke ala endje bu, mbœrœ á endje kœwuwu osho nene, tshe za ndje œrœ tshu ga pa kœwusœrœ nœ endje, mbœrœ endje kœwusœ œrœ nene, yeka endje kœfatœ endje ga ndœ ye nene, adœke tshe she endje.»

41Isaya gbara lima o'onœ asœ mbœrœ á tshe wu lima mokɔ nœ Yisu yeka á pa lima o'o tœ upu nœ ye.

42Andaa anga agbozu yuda ndjoro sœ lima dœ kœyindœrœ ga ndœ Yisu. Kashe kolœ mbœrœ awa Afarisayi, endje lili lima kœma tœnœ ngbi nene adœke endje gɔrɔ endje lœ Sinagoga.

43Endje yi lima ndœ nœ adœke azu donga œne kœropa œneke á Ndjaba œ donga dœ œne ye.

Kœwa ngbanga lœ awa o'o Yisu

⁴⁴Yisu pa ngbi adœke: «Uzu á tshe sœ dœ kœyindœrœ ga ndœ mœ, tshe sœsœ kolœ dœ kœyindœrœ ga ndœ mœ nene; tshe sœ dœ tœnœ ga ndœ tsheneke á tshe vwa mœ.

⁴⁵Yé uzu á tshe sœ kœwu mœ, sœ ndje kœwu tsheneke á tshe vwa mœ.

⁴⁶Ɔmœ, mœ kœdœ ingbïsho. Mœ na ga pa tshapasho adœke uzu á tshe kœsœ dœ kœyindœrœ ga ndœ mœ sœ lœ ubu osho nene.

⁴⁷Ɔdœ uzu kœsœ kœdji o'o ama mœ á kœgbœgbœndœ nœ nene, œ dœdœ mœ dá wa ngbanga pa ye nene; gbambanœ nene, mœ nana mbœrœ kœwa ngbanga pa tshapasho nene kashe mœ na ndœ kœshe tshapasho.

⁴⁸Uzu á tshe kœvwaratœ ye tœ mœ á kœsœ kœdji o'o ama mœ nene, tshe gbo ayi kœwa ngbanga pa ye: O'o á mœ pa œ wa ngbanga pa ye bala tœ ndœnglœ olo.

⁴⁹Mœ papa o'o tœ mœ dœ tœ mœ nene, kashe Aba á tshe vwa mœ dá za o'o fœ mœ dœ tœ ye adœke mœ pa yé œ mindœ nœ.

⁵⁰Yé mœ wusœ nœ adœke awa oo nœ ye kœdœ soro á ka nene. Ɔeneke á mœ sœ kœpandœ nœ, mœ sœ kœpa tœnœ bata Aba pa fœ mœ.»

Yowane 13

Yisu djuto ada ayambarœ nœ ye

¹Ɔ sœpe lima olo bale tœ angbo Pake. Yisu wu lima sœ nœ adœke olo kœkatœ tshapashœnœ ti á kœgu ga ndœ Aba œne li ye. Tshe yi lima ndœ ayambarœ nœ ye á endje sœ pa osho, yé œ yi ndje ndœ endje œrrr ga tœ ndœnglœnœ.

²Yisu sœ lima kœzirœ awa bale dœ ayambarœ nœ ye. Andaa Satana za gbetsheleœ ga lœsu Yudasï Isikariote, gbolo nœ Shimu adœke tshe ka Yisu.

³Yisu wu lima sœ nœ adœke Aba za tshagbozu nœ tshapa œrœ ko fœ œne. Ɔene to ba ndœ Ndjaba yé œne sœ kœgu ga ndœ Ndjaba.

⁴Yisu áafo indiri ndaba kœzirœ, œ verœ lœba œnœ tshapanœ tœ ye, œ za anga akpa lœba œ i ga lœ ye.

⁵Manda nœ, tshe su ungu ga lœ saane, œ tetœ kœdjuto ada ayambarœ nœ ye, á sœ kœturu dœ lœbanœ á tshe i ga lœ ye.

⁶Kœwuta ga tœ Shimu Petro, tshe kœpa fœ she adœke: «Gbozu œbœ dá djuto ada mœ a?»

⁷Yisu kœgi adœke: «Ngœngœ asœ, bœ wuwusœ œrœ á mœ sœ kœembœrœ tœnœ asœke nene kashe bœ wu bala sœ nœ manda nœ.»

⁸Petro kœpa fœ she adœke: «Œœ nene, bœ djuto ada mœ bale nene.» Yisu kœgi fœ she adœke: «Œdœ mœ kœdjjudjuto ada zœ nene, bœ gbœ œrœ bale ba ndœ mœ nene.»

⁹Á Petro kœpa fœ she adœke: «Gbozu, œ kœsœ adja ataa, djudjuto kolœ ada mœ nene, djuto ndje kane mœ œdœ pe kumu mœ.»

¹⁰Yisu kœgi fœ she adœke: «Uzu á tshe kœdjuto kote ye, œ li adœke tshe djuto kolœ ada ye, gbambanœ nene, tshe sœ djigi yerœ. Yé e'e, 'e sœ yerœ kashe œ dœdœ e'e kœ dá sœ yerœ nene.»

¹¹Tshe wu lima sœ tsheneke á tshe ka she dœ otshœnœ yekane á pa adœke: «'E dœdœ e'e kœ dá sœ yerœ nene.»

¹²Manda kœdjuto ada endje, tshe kpa verœ lœba tshapanœ ga tœ ye, œ kwa ga pa ndaba kœzœrœ, á pa adœke: «'E wusœ ádá œrœ á mœ mbœrœ fœ 'e asœke ye a?

¹³'E sœ kœ'e mœ Ayi kœyisœrœ, 'e e ndje mœ Gbozu. 'E sœ kœ'e mœ tako mbœrœ œmœ kœdœ ayi kœyisœrœ, œmœ kœdœ ndje Gbozu.

¹⁴Bata œmœ á mœ dœ ayi kœyisœrœ, á dœ Gbozu, mœ djuto ada 'e, œ li adœke e'e ndje, 'e djuto ada 'e ugurutœ 'e dœ anga 'e.

¹⁵Gbambanœ nene, œdœ mœ kœna œrrr ga tœ kœdjuto ada 'e, œmœ á mœ dœ Ayi kœyisœrœ œdœ ndje Gbozu, e'e ndje 'e djuto ada 'e ugurutœ 'e dœ anga 'e.

¹⁶Mœ pa fœ 'e dœ adjapu adœke, ayi akwa roro gbozu tshapa ye nene, yé ayi avwa roropa ayi kœvwa she nene.

¹⁷Œdœ 'e kœwusœ nœ ataa, 'e sœ dœ yanga œdœ 'e kœza o'onœ asœke ga tœ akwa.

¹⁸Mœ sœsœ kœpa o'o fœ 'e kœkœ nene yé mœ wusœ endjeneke á mœ ke endje. Œ li adœke o'o á endje sú ala Buku nœ Ndjaba mbœrœtœ endje: “Uzunœ á 'a zœ lima kœzœrœ awa bale dœ she, œshe dá wuta uzu kœka mœ.”

¹⁹Mœ sœ kœpa o'o fœ 'e ngœngœ asœke utshunœ adœke o'onœ wuta, yeka á 'e kœsœ dœ kœyindœrœ adœke “mœ sœ zœ.”

²⁰Mœ sœ kœpa fœ 'e dœ adjapu adœke uzu á tshe za osho kœsœ fœ tsheneke á mœ vwa she, za ndje osho kœsœ fœ mœ. Yé uzu á tshe za osho kœsœ fœ mœ, tshe za osho kœsœ fœ tsheneke á tshe vwa mœ.»

Yisu gbara adœke Yudasi œ ka œne

(Wu ba tœ Mat 26.20-25; Mar 14.17-21; Luk 22.21-23)

²¹Manda kœpa o'onœ asœ, lœsu Yisu sœ ga lafo yé tshe pa 'oara adœke: «Mœ sœ kœpa fœ 'e dœ adjapu adœke, anga uzu bale ugurutœ 'e œ ka mœ.»

- ²²Ayambarœ koete lima tœ koemesho ugurutœ endje yé á sœ lima kœyutœ endje tœ koewusœ uzu á tshe pa o'o tœ ye asœmœ.
- ²³Anga yambarœ bale, tsheneke á Yisu yi lima ndœ ye, sœ lima kpœndiri Yisu.
- ²⁴Shimu Petro mbœrœ ala ye fœ she adœke tshe yu Yisu tœ uzunœ á tshe sœ kœpa o'onœ tœ ye.
- ²⁵Á yambarœncœ asœmœ kœgitœ ye ga lakoro Yisu á kœyu she adœke: «Gbozu, uzunœ á bœ patœ ye asœmœ kœdœ œde e?»
- ²⁶Yisu gi adœke: «Uzu á mœ kœyi ndĩndĩ mapa ga la ungu kœziroœ á kœza fœ she dá œshe dœmœ.» Atamœ, Yisu kœza ndĩndĩ mapanœ á kœza fœ Yudasi Isikariote á tshe kœdœ gbolo nœ shimu.
- ²⁷Lœkœ á Yudasi za ndĩndĩ mapanœ tshakane Yisu, Satana kœli ga lœ Yudasi. Yisu kœpa fœ she adœke: «œneke á bœ yindœ kœmbœrœ tœncœ, mbœrœ katsha.»
- ²⁸Uzu bale ugurutœ endje á endje sœ lima pa ndaba kœziroœ á tshe wu lima sœ ádá o'onœ á tshe pa fœ she gugu nene.
- ²⁹Bata ngbade kœgbœndœ ngendja sœ lima ba tshakane Yudasi, anga endje gbe lima adœke Yisu pa fœ she adœke tshe yœ œrœ á endje sœ dœ ogonœ mbœrœ angbo too ndje adœke tshe to anga œrœ fœ aayi oyo.
- ³⁰Yudasi zi ndĩndĩ mapa asœmœ, yé trale œ wuta ga ushu. Osho bu lima ye.

O'o tœ upu nœ tafo awa o'o

- ³¹Manda kœwuta Yudasi ga ushu, Yisu kœpa adœke: «Ngœngœ asœke, mokœ nœ Gbolo nœ uzu matœ ye, yé mokœ nœ Ndjaba ma ndje tœ ye lœ awa nœ Gbolo nœ uzu.
- ³²Ndjaba œ ma mokœ nœ Gbolo nœ uzu dœ tœ ye, yé œndœncœ œ di nene á tshe mbœrœ œtœncœ.
- ³³Agbolo nœ mœ, mœ sœpe dœ 'e kolœ manda olo teasho. 'E para mœ yé bata á mœ pa fœ Ayuda: Osho á mœ na ga tœncœ, 'e li kœna ba zœ nene. œtœncœ dá mœ sœ ndje kpa kœpa ngœngœ asœ fœ 'e asœke.
- ³⁴Mœ sœ kœza tafo awa o'o fœ 'e: 'e yindœtœ 'e ugurutœ 'e. œ li adœke 'e yindœtœ 'e ugurutœ 'e bata á mœ yindœ 'e.
- ³⁵Atamœ, azu kœ œ wusœ nœ adœke e'e kœdœ ayambarœ nœ mœ lœ awa nœ kœyindœsho á 'e sœ dœ tœncœ ugurutœ 'e.»

Yisu mindœ nœ adœke Petro œ 'ea œne

(Wu ba tœ Mat 26.31-35; Mar 14.27-31; Luk 22.31-34)

³⁶Shimu Petro yu she adœke: «Gbozu, bœ na ga ta a?» Yisu kœgi fœ she adœke: «Osho á mœ sœ kœna ga tœnœ, bœ li kœna ga tœnœ ngɔngɔ asœke nene, kashe bœ na bala mangba mœ manda nœ.»

³⁷Petro kœpa fœ she adœke: «Gbozu, mbœrœ gadœ á mœ li kœna mangba zœ ngɔngɔ asœke nene a? Gbambanœ nene, mœ gumatœ mœ mbœrœ kœzatœ mœ fœ kuzu tœ upu nœ zœ.»

³⁸Yisu kœgi adœke: «Adja bœ gumatœ zœ mbœrœ kœzatœ zœ fœ kuzu mbœrœ mœ ye a? Mœ sœ kœpa fœ bœ dœ adjapu adœke, utshunœ adœke kɔngato ki, bœ 'ea mœ awa votɔ.»

Yowane 14

Yisu kœdœ awa kœgu ga ndœ Aba

¹Yisu kpa pa fœ endje adœke: «Lɔsu 'e tɔtɔ nene. 'E sœ dœ kœyindœrœ ga ndœ Ndjaba, yé œ sœ ndje dœ kœyindœrœ ga ndœ mœ.

²Ba lœ anda nœ Aba mœ, osho kœsœ sœ ndjoro. Œ kœdœdœ má adjapu nene, mœ pa má ndœ nœ fœ 'e nene. Kashe mœ sœ kœna ba zœ kœguma osho á 'e kœsœ bala tœnœ.

³Yé manda kœna mœ ndœ kœguma oshonœ fœ 'e, mœ kwa bala tœ mœ ndœ kœko 'e adœke osho á mœ sœ tœnœ; 'e sœ ndje bala tœnœ.

⁴'E wusœ awa á sœ kœna ga tœ osho á mœ sœ kœna ga tœnœ ye.»

⁵Toma kœpa fœ she adœke: «Gbozu, 'a wuwusœ osho á bœ sœ kœna ga tœnœ bale nene. Ataa 'a wu má sœ nœ kotoo?»

⁶Yisu kœgi fœ she adœke: «Œmœ kœdœ awa, œmœ kœdœ adja o'o, œmœ kœdœ ndje soro. Uzu bale lili kœwuta ba ndœ Aba, œdœ tshe kœwuwuta ba ndœ mœ nene.

⁷Œdœ 'e kœwu má sœ mœ, 'e wu má ndje sœ Aba mœ ye. Ngɔngɔ asœke, 'e wusœ ye, yé 'e wu ndje she ye.»

⁸Á Filipino kœpa fœ she adœke: «Gbozu, yisœ Aba fœ 'a yé 'a kpa gbe dœ anga œrœ nene.»

⁹Yisu kœgi fœ she adœke: «Filipo, balima a sœ dœ 'e œrrr asœke, bœ wuwusœ mœ nene a? Uzu á tshe wu mœ, wu ndje Aba. Mbœrœ gadœ á bœ pa adœke: “Yisœ Aba fœ 'a?”

¹⁰Bœ yiyindœ nœ adœke mœ sœ lœ Aba yé Aba sœ lœ mœ nene a? O'o á mœ sœ kœpa fœ 'e toto lœ mœ dœ tœ mœ nene. Kashe Aba á tshe sœ lœ mœ dá sœ kœmbœrœ adja akwa nœ ye.

11'E yindœ o'o ama mœ: Aba sœ lœ mœ yé mœ sœ lœ Aba. CEdœ 'e kœyiyindœ o'o ama mœ nene, 'e yindœ nœ kolœ mbœrœ akwanœ asœke.

12Mœ sœ kœpa dœ adjapu fœ 'e adœke: Uzu á tshe kœsœ dœ kœyindœrœ ga ndœ mœ, tshe mbœrœ ndje akwa á mœ sœ tœ kœmbœrœ tœnœ. Tshe mbœrœ bala ndje ogboro akwa kœropa œneke, mbœrœ mœ sœ kœgu ga ndœ Aba.

13Yé œrœ kœ á 'e eshondœ nœ dœ i'iri mœ, mœ mbœrœ bala œtœnœ dœ mara adœke mokœ nœ Aba matœ ye lœ Gbolo.

14CEdœ 'e kœ'eshondœ œrœ dœ i'iri mœ, mœ mbœrœ bala œtœnœ.»

Aba œ vwa Ishiri

15CEdœ 'e kœyindœ mœ, 'e mbœrœtœ 'e liaka awa o'o nœ mœ,

16œmœ, mœ ki fœ Aba adœke tshe vwa anga ayi kœti kane manda mœ fœ 'e, á tshe kœsœ dœ 'e awa bale waa dœ waa.

17Cœshe kœdœ Ishiri nœ adja o'o, tsheneke á tshapashœ œ li kœza osho kœsœ fœ she nene; gbambanœ nene, tshe sœsœ kœwu she yé œ wu ndje sœ ye nene. Kashe e'e, 'e wusœ ye yé mbœrœ tshe sœ awa bale dœ 'e yé tshe sœ lœ 'e.

18Mœ ka bala tœ 'e ti tœ ayasuru nene, kashe mœ sœ kœkwatœ mœ ndœ 'e.

19Manda olo teasho, tshapashœ œ kpa wu mœ nene. Kashe e'e, 'e wu bala mœ mbœrœ á mœ sœ dœ soro yé 'e sœ ndje bala dœ soro.

20Dœ lœkœnœ asœmœ, 'e wu bala sœ nœ adœke mœ sœ lœ Aba, 'e sœ lœ mœ yé mœ sœ lœ 'e.

21«Uzu á tshe sœ kœdji awa o'o nœ mœ á sœ kœza ga tœ akwa, sœ kœyindœ mœ. Aba mœ œ yindœ uzu á tshe sœ kœyindœ mœ. Cœmœ, mœ yi bala ndœ ye yé mœ ma bala tœ mœ fœ she.»

22Yuda (œ dœdœ Yuda Isikariote nene) kœyu she adœke: «Gbozu, mbœrœ gadœ á bœ matœ zœ kolœ fœ 'a kashe fœ tshapashœ nene a?»

23Yisu kœgi fœ she adœke: «CEdœ uzu kœyindœ mœ, tshe li bala sœ o'o ama mœ. Aba mœ œ yindœ ye yé œmœ dœ pe Aba 'a na ga ndœ ye, œ guma osho kœsœ nœ 'a ba ndœ ye.

24Uzu á tshe kœyiyindœ mœ nene, tshe lisœ o'o ama mœ nene. O'o á 'e sœ kœdji mœ kœpa tœnœ toto lœ mœ nene kashe œ to ba ndœ Aba á tshe vwa mœ.

25Mœ pa o'o asœ fœ 'e damba á mœ sœpe lima awa bale dœ 'e

26Kashe Ayi kœti kane 'e á tshe dœ Otshœ Ishiri á Aba œ vwa bala she dœ i'iri mœ, tshe yi bala sœ œrœ kœ yé œ kpa pa bala ndœ œneke kœ á mœ pa fœ 'e.

²⁷«Mœ sœ kœkatœ kœsœ gee fœ 'e, œtœnœ kœdœ kœsœ gee nœ mœ á mœ sœ kœza fœ 'e. Mœ zaza kœsœ geenœ fœ 'e liaka œneke á tshapashœ œ za nene. Adja lœsu 'e tœtœ nene yé awa mbœmbœrœ ndje 'e nene.

²⁸'E dji mœ lima kœpa fœ 'e adœke: "Mœ ro da ye, yé mœ kpa kwatœ mœ ga ndœ 'e." Œdœ 'e kœyi má ndœ mœ, 'e sœ má dœ yanga kœwu adœke mœ sœ kœna ga ndœ Aba, gbambanœ nene Aba gerœ kœropa mœ.

²⁹Mœ pandœ o'onœ asœ fœ 'e ngœngœ asœke, utshunœ adœke œrœnœ wuta; mbœrœ lœkœ á kœwuta yekane á 'e kœyindœ nœ.

³⁰Kœto kpesheke, mœ kpa pa tshama mœ dœ 'e nene, gbambanœ nene, gbozu tshapashœ asœ sœ kœna tœnœ. Tshe dœdœ gbozu tshapa mœ nene.

³¹Kashe tshe na mbœrœ á tshapashœ kœwusœ nœ adœke mœ yindœ Aba yé mœ sœ kœmbœrœ kolœ œneke á Aba za fœ mœ adœke mœ mbœrœ. 'E aafœ dœ a gitœ azœ kpœke ye.»

Yowane 15

Yisu kœdœ adja œyœ vinu

¹«Œmœ kœdœ adja œyœ vinu yé Aba mœ kœdœ ayi kœmbœrœ akwa kindi vinunœ.

²Ganea kœ á tœ ga tœ mœ á kœle nene, tshe de ye. Yé ganea á kœle, tshe gbœndœ nœ adœke œ kpa le tœpanœ kpuru.

³Kœyisœrœ nœ á mœ yisœ nœ fœ 'e asœke guma 'e.

⁴'E zatœ 'e ga tœ mœ bœta á mœ zatœ mœ ga tœ 'e. Bœta ganea á kœsœsœ tœ œyœ nene, œ zu elœnœ nene; awa bale ndje 'e zu nene œdœ 'e kœzazœtœ 'e ga tœ mœ nene.

⁵«Œmœ kœdœ œyœ vinu yé e'e kœdœ ganeanœ. Œdœ uzu kœsœ lœ mœ á mœ sœ lœ ye, tshe zu leyœ tœ pa nœ kpuru; gbambanœ nene, 'e li kœmbœrœ œrœ bale kpi tœ mœ nene.

⁶Uzu á tshe kœsœsœ lœ mœ nene, Aba mœ œ za she vwœ'i bœta ganea asœmœ yé tshe œrœ ye. Œœrœ ganea, endje zoma, œ ko va ga tœ owo yé œ ju.

⁷Œdœ 'e kœsœ lœ mœ, á o'o mœ kœsœ lœ 'e, 'e eshondœ œrœ á 'e gbe dœ tœnœ yé 'e gbœ.

⁸Œrœ á ma mokœ nœ Aba mœ kœdœ adœke 'e zu leyœ tœ pa nœ kpuru yé 'e dœ ayambarœ nœ mœ.

⁹«Bœta Aba yindœ mœ, œmœ ndje mœ yindœ 'e; 'e sœ lœ kœyindœshœ nœ mœ.

¹⁰ƆEdœ 'e kœliscœ awa o'o nœ mœ, 'e sœ lœ kœyindœsho nœ mœ, бата á mœ liscœ awa o'o nœ Aba mœ á sœ lœ kœyindœsho nœ ye.

¹¹«Mœ pandœ œeneke fœ 'e adœke 'e sœ dœ yanga бата mœ, yé lœsu 'e kœsu pete dœ tœnœ.

¹²Awa o'o nœ mœ dœke: 'E yindœtœ 'e ugurutœ 'e бата á mœ yindœ 'e.

¹³Egerœ kœyindœsho á uzu li kœma kœdœ kœzatœ ye fœ kuzu mbœrœ anganœ.

¹⁴'E dœ anga mœ, œdœ 'e kœsœ kœmbœrœ œrœ á mœ pandœ nœ fœ 'e adœke 'e mbœrœ.

¹⁵Mœ kpa e 'e aayi akwa nene, mbœrœ aayi akwa wuwusœ œrœ á ayengœ ye œ mbœrœ nene. E'e kœdœ anga mœ; gbambanœ nene, œeneke kœ á mœ dji ba ndœ Aba mœ, mœ pandœ nœ fœ 'e adœke 'e wusœ nœ.

¹⁶ƆE dœdœ 'e dá ke mœ nene, œmœ dá ke 'e á ko 'e ga tœ akwa adœke 'e na, œ zu ɔtshœ leyœ yé œndœ akwanœ di. Atamœ, Aba œ to fœ 'e œeneke kœ á 'e eshondœ nœ dœ i'iri mœ ba ndœ ye.

¹⁷Ɔeneke á mœ sœ kœ'eshondœ nœ ga ndœ 'e kœdœ adœke, 'e yindœtœ 'e ugurutœ 'e.»

Tshapashœ yangba Yisu dœ ayambarœ nœ ye

¹⁸«ƆEdœ tshapashœ kœyiangba 'e, 'e wusœ nœ adœke tshe yangba mœ utshunœ.

¹⁹ƆEdœ 'e kœdœ má lima azu tshapashœ, tshapashœ œ yi má ndœ 'e. Kashe 'e dœdœ azu tshapashœ nene mbœrœ á mœ ke 'e á ko 'e ga indirinœ, ádá á tshe sœ kœyiangba 'e dœmœ.

²⁰'E gbe dœ o'o á mœ pa lima fœ 'e adœke: “Ayi akwa roropa gbozu nœ ye nene.” ƆEdœ endje kœmbœrœ œrœ kanga fœ mœ, endje mbœrœ ndje œrœ kanga fœ 'e ndje awa bale. ƆEdœ endje kœliscœ o'o ama mœ, endje li ndje sœ œnœ 'e ye.

²¹Yé kpœ lœ kumu i'iri mœ, endje mbœrœ œrœ asœke kœ ga tœ 'e, mbœrœ á endje wuwusœ uzu á tshe vwa mœ nene.

²²ƆEdœ mœ kœnana má lima nene, á mœ kœpapa má ndje lima o'o fœ endje nene, endje mbœrœ má ekperœ nene. Kashe ngœngœ asœ endje kpa gugu dœ o'o kœpa tœ upu ekperœ nœ endje nene.

²³Uzu á tshe kœyiangba mœ, yi ndje angba Aba mœ.

²⁴ƆEdœ mœ kœmbœmbœrœ lima ugurutœ endje akwa má anga angbi uzu œ mbœrœ nene, endje mbœrœ má ekperœ nene. Kashe ngœngœ asœke бата á endje wu œtœnœ ye, œ sœpe kœyiangba mœ dœ Aba mœ.

²⁵Kashe œeneke wuta yeka á o'o á endje sú lima ala awa akwa nõe endje kœmboerœtœ ye. Endje su lima adœeke: “Endje yiangba mœ gbambanœ.”

²⁶«Uzu neke á tshe na ndœ kœti kane 'e, œ na zœ: Cœshe kœdœ Ishiri nõe adja o'o á tshe to ba ndœ Aba. Mœ vwa bala she fœ 'e lœ awa nõe Aba yé tshe pa bala o'o tœ upu nõe mœ.

²⁷E'e ndje, 'e pa o'o tœ upu nõe mœ mbœerœ á 'e sœ lima dœ mœ awa bale pe tœ ali kœtetœ kœmboerœ akwa nõe mœ.

Yowane 16

¹«Mœ pa o'onœ asœ kœ fœ 'e adœeke 'e kakatœ kœyindœerœ nõe 'e ti nene.

²Endje gœrœ 'e lœ anda Sinagoga. Ga pa nõe, œb œ tœ dœ anga osho, azu á endje wo 'e œ gbe adœeke œene sœ ndje kœdonga Ndjaba.

³Endje mbœerœ ataa mbœerœ endje wuwusœ Aba œdœ ndje mœ nene.

⁴Kashe mœ pa tœnœ fœ 'e adœeke bala olo nõe endje kœli yekane á œndœnœ œ te lœ 'e adœeke mœ turu lima tœ o'o asœeke fœ 'e ye.»

Akwa nõe Ishiri

«Mœ papa lima o'o fœ 'e utshunœ nene mbœerœ á mœ sœ lima awa bale dœ 'e.

⁵Kashe ngœngœ asœeke, mœ sœ kœgu ga ndœ tsheneke á tshe vwa mœ. Yé uzu bale ugurutœ 'e sœsœ kœyu mœ nene adœeke: “Bœ gu gata a?”

⁶Kashe lœsu 'e su dœ oyo mbœerœ á mœ pa fœ 'e atamœ.

⁷Yé œ li adœeke mœ pa adja o'o fœ 'e: Cœ ga waa mbœerœ 'e adœeke mœ gu da ye, mbœerœ œdœ mœ kœgugu nene, tsheneke á li adœeke tshe na kœti kane 'e, œ na nene. Cœdœ mœ kœgu da ye yekane á mœ vwa she fœ 'e.

⁸Yé lœkœ á tshe kœna, tshe ma djingili nõe tshapashœ fœ she tœ upu nõe ekperœ, upu nõe kœsœ ndjii œdœ pe kœwa ngbanga.

⁹Tœ upu nõe ekperœ, mbœerœ á endje sœsœ dœ kœyindœerœ ga ndœ mœ nene;

¹⁰tœ upu nõe kœsœ ndjii, mbœerœ á mœ sœ kœgu ga ndœ Aba yé 'e kpa wu mœ nene;

¹¹tœ upu nõe kœwa ngbanga, mbœerœ á Ndjaba wa œgbœ ngbanga ga tœ gbozu tshapashœnœ asœeke œ ka ye.

¹²«Mœ sœ dœ anga o'o ndjoro tœ kœpa fœ 'e, kashe 'e li kœdji tshelœ katanœ damba ngœngœ asœeke nene.

13Lɔkɔ á ʃshiri nœ adja o'o œ na, tshe za awa fœ 'e adœke 'e wusœ adja o'o para kɔkɔ. Tshe pa bala o'o tœ upu nœ ye dœ tœ ye nene kashe o'o neke á tshe dji, yé œ mi ndje ndœ œrœ neke kɔ á wuta manda nœ.

14Tshe yi bala sœ mokɔ nœ mœ; gbambanœ nene, tshe mi bala ndœ œneke á tshe gbɔ ba ndœ mœ fœ 'e.

15Ɔrœ kɔ á Aba sœ dœ tœncœ kœdœ œncœ mœ, ádánœ á mœ pa adœke tshe mi bala ndœ œneke á tshe gbɔ ba ndœ mœ fœ 'e.

Oyo nœ 'e œ wuta bala yanga

16«Manda olo teasho, 'e kpa wu mœ nene, yeka manda nœ á 'e kpa wu mœ»

17Yé anga ayambarœ nœ ye yutœ endje ugurutœ endje adœke: «Ɔneta dá ki lœ ama ye ataa: “Manda aya olo, 'e kpa wu mœ nene, yeka teasho manda nœ á 'e kpa wu mœ”, too ndje: “Mœ gu ga ndœ Aba.”

18Ádá olo teashonœ á tshe sœ kœpa tœncœ kœdœ gadœ e? 'A wuwusœ o'o á tshe yindœ kœpa tœncœ nene!»

19Yisu wu lima sœ nœ adœke endje yi lima ndœ kœyu œne yé á pa fœ endje adœke: «'E sœ kœyutœ 'e ugurutœ 'e tœ ádá o'o á mœ pa: “Manda aya olo, 'e kpa wu mœ nene, yeka teasho manda nœ á 'e kpa wu mœ.”

20Mœ sœ kœpa fœ 'e dœ adjapu adœke 'e ki, 'e ta rawa kashe tshapashɔ œ sœ dœ yanga. 'E sœ dœ oyo kashe oyo nœ 'e œ fatœ endje tœ yanga.

21Lɔkɔ á yashe nguzu œ zu, tshe wu oyo mbœrœ olo kuzu she li ye. Manda kœwuta gbolo, tshe kpa gbe dœ oyo á tshe wu nene, tshe sœ kolœ dœ yanga mbœrœ uzu á tshe zu she ga pa tshapashɔ.

22Mbœrœ tœncœ ataa dá e'e ndje ngɔngɔ asœ, 'e sœ dœ oyo kashe mœ kpa wu 'e yé lɔsu 'e œ su dœ yanga neke á uzu bale œ za tœ lɔsu 'e nene.

23«Yé dœ lɔkɔncœ asœmœ, 'e kpa yu mœ dœ upu bale nene. Mœ sœ kœpa fœ 'e dœ adjapu adœke, œdœ 'e kœ'eshondœ anga œrœ ba ndœ Aba dœ i'iri mœ, tshe to bala tœncœ fœ 'e.

24Ɔerrr kpesheke 'e yɔyɔ damba ndœ œrœ bale dœ i'iri mœ nene. 'E yɔndœ nœ yé 'e gbɔ bala yeka á lɔsu 'e kœsu dœ yanga.»

Yisu ropa tshapashɔ

25«Mœ pandœ œneke kɔ fœ 'e lœ ndœma toro. Ɖlɔncœ kœtɔ, mœ kpa pa o'o fœ 'e ataa nene, kashe mœ mindœ o'o ngbi tœ upu nœ Aba.

26Lɔkɔncœ asœmœ, 'e eshondœ œrœ dœ i'iri mœ andaa mœ pa fœ 'e adœke mœ za avwala fœ Aba tœ upu nœ 'e nene.

²⁷Gbambanœ nene, Aba yindœ 'e dœ tœ ye mbœrœ á 'e yindœ mœ, á sœ dœ kœyindœrœ adœke mœ to ba ndœ Ndjaba.

²⁸Mœ to ba ndœ Aba yé á na ga pa ɔshɔ. Ngɔngɔ asœ mœ katœ tshapashɔ ti œ sœ kœgu ga ndœ Aba.»

²⁹Ayambarœ nœ ye kœpa fœ she adœke: «Wu ngɔngɔ asœke bœ sœ kœsɔ ala o'onœ ngbi, œ ka ndje tœ kœpa o'o lœ ndœma toro ye.

³⁰Ngɔngɔ asœke 'a wusœ nœ adœke bœ wusœ œrœ kɔ, yé ádá adœke uzu yu bœ gugu nene. Mbœrœ tœnœ dá 'a yindœ nœ adœke bœ to ba ndœ Ndjaba.»

³¹Yisu kœgi fœ endje adœke: «'E yindœ nœ ngɔngɔ asœke a?

³²'E wu adœke ɔlɔnœ yindœ kœtɔ tœnœ yé œ tɔ ye á 'e ndjɔtshelœtœ 'e, uzu dœ uzu dœ awa nœ ye á katœ mœ ti dœ kuti mœ. Kashe mœ sœsœ dœ kuti mœ nene, mbœrœ Aba sœ dœ mœ awa bale.

³³Mœ pa o'onœ asœke fœ 'e adœke 'e sœ dœ kœsœ gee lœ mœ. 'E wu oyo pa tshapashɔnœ asœ kashe 'e shi gbi! Mœ ropa tshapashɔ dœ gbɔgbɔ ye.»

Yowane 17

Avwala nœ Yisu

¹Manda kœpa o'onœ asœ, Yisu meosho ga lafo œ pa adœke: «Aba, ɔlɔnœ tɔ ye. Yisœ mokɔ nœ Gbolo nœ zœ adœke Gbolo nœ zœ yi ndje œsœ œnœ zœ.

²Yé mbœrœ tshagbozu á bœ za fœ she ga pa azu kɔ, tshe za soro neke á ka nene fœ azu kɔ á bœ ko endje fœ she.

³Andaa soro á ka nene, œtœnœ kœdœ adœke endje wusœ zœ á bœ dœe adja Ndjaba tshebale, œ wu ndje sœ Yisu Kristu á bœ vwa she.

⁴Mœ yisœ mokɔ nœ zœ fœ azu pa ɔshɔnœ asœke, mœ mbœrœ akwa kɔ á bœ za fœ mœ adœke mœ mbœrœ.

⁵Yé Ngɔngɔ asœke, Aba, gi mœ ga lœ mokɔ á mœ sœ lima lœ nœ utshunœ adœke tshalafo dœ pe tshaati sœ zœ.

⁶Mœ má i'iri zœ fœ azu á bœ ke endje pa tshapashɔ á ko endje fœ mœ. Endje kœdœ lima azu nœ zœ, á bœ ko endje fœ mœ yé endje dji o'o ama zœ.

⁷Endje wusœ nœ ngɔngɔ asœke adœke, œneke kɔ á bœ ko fœ mœ to ba ndœ zœ,

⁸adœke o'o á mœ pa fœ endje kœdœ o'o á bœ to fœ mœ. Endje dji œtœnœ, œ wu adja sœ nœ adœke mœ to ba ndœ zœ, yé endje yindœ nœ adœke œbœ dá vwa mœ.

- ⁹«Mœ sœ kœza avwala mbœrœ endje, mœ sœsœ kœza avwala mbœrœ azu tshapashɔ nene, kashe mbœrœ endjeneke á bœ ko endje fœ mœ. Endje kœdœ azu nœ zœ.
- ¹⁰Yé œeneke kɔ á mœ sœ dœ tœnœ kœdœ œnœ zœ bata œeneke kɔ á dœ œnœ zœ kœdœ œnœ mœ. Mokɔ nœ mœ matœ ye lœ awa nœ endje.
- ¹¹Mœ kpa sœsœpe pa tshapashɔ nene, kashe endje sœpe pa tshapashɔnœ asœke, andaa mœ sœ kœgu ga ndœ zœ. Œeyerœ Aba, gbɔndœ endje lœ i'iri zœ á bœ za fœ mœ adœke endje wuta uzu bale bata œbœ dœ mœ a sœ uzu bale.
- ¹²Lɔkɔ á mœ sœ lima dœ endje, mœ sœ lima kœgbɔndœ endje lœ i'iri zœ á bœ za fœ mœ. Mœ gbɔ lima ndœ endje yé anga bale djidjingili awa nene kolœ tsheneke á li lima adœke tshe djingili awa yekane á œeneke á endje sú ala Buku nœ zœ koemboerœtœ endje.
- ¹³«Ngɔngɔ asœke, mœ sœ kœgu ga ndœ zœ. Mœ sœ kœpa o'onœ asœ damba mœ sœpe pa ɔshɔ adœke endje sú dœ yanga bata á mœ sú dœ tœnœ.
- ¹⁴Mœ yi lima sœ o'o ama zœ fœ endje, yé azu tshapashɔ yiangba endje mbœrœ endje dœdœ azu tshapashɔ nene bata œmœ, mœ dœdœ uzu tshapashɔ nene.
- ¹⁵Mœ sœsœ kœyu bœ adœke bœ gi endje pa tshapashɔ nene kashe bœ gbɔndœ endje tœ ekperœ.
- ¹⁶Endje dœdœ azu tshapashɔnœ asœke nene bata mœ dœdœ uzu tshapashɔ nene.
- ¹⁷Mbœrœ adœke lœ awa nœ adja o'o, endje te ayerœ azu. O'o ama zœ kœdœ adja o'o.
- ¹⁸Bata á bœ vwa mœ ga pa tshapashɔ, awa bale mœ vwa endje ga pa tshapashɔ.
- ¹⁹Mœ sœ kœza soro mœ mbœrœ endje adœke endje te adja azu nœ zœ lœ awa nœ adja o'o.
- ²⁰«Mœ sœsœ kœza avwala kolœ mbœrœ ayambarœ nœ mœ nene, mœ za ndje avwala mbœrœ azu kɔ á endje sœ dœ kœyindœrœ ga ndœ mœ lœ awa o'o ama endje.
- ²¹Kaka adœke endje para kɔkɔ endje sœ uzu bale bata œbœ Aba á bœ sœ lœ mœ, á mœ sœ lœ zœ; endje ndje, endje sœ lœ azœ yeka á tshapashɔ kœwusœ nœ adœke œbœ dá vwa mœ.
- ²²Yé œmœ, mœ za mokɔ á bœ za fœ mœ fœ endje adœke endje sœ uzu bale bata á a sœ dœ bœ uzu bale,

²³æmœ loe endje бата œbœ loe mœ, adœke endje wuta adja bale yekane á azu tshapasho kœwusœ noe adœke œbœ dá vwa mœ, yé bœ yindœ endje бата á bœ yindœ mœ.

²⁴«Aba, bœ dá ko endje fœ mœ. Mœ yindœ noe adœke osho á mœ sœ toenœ, endjeneke á bœ ko endje fœ mœ sœ ndje toenœ awa bale dœ mœ, adœke endje wu mokɔ á bœ za fœ mœ. Gbambanœ nene, bœ yi lima ndœ mœ utshu adœke bœ mbœrœ tshapasho.

²⁵Aba á bœ sœ ndjii, tshapasho wuwusœ zœ nene kashe mœ wusœ zœ yé endjeneke á endje sœ asœke, endje wusœ noe adœke œbœ dá vwa mœ.

²⁶Mœ yisœ i'iri zœ fœ endje yé mœ kpa yisœ noe adœke kœyindœsho noe zœ ga ndœ mœ sœ loe endje yé æmœ dœ toe mœ loe endje.»

Yowane 18

Kœtepa Yisu

(Wu ba toe Mat 26.47-56; Mar 14.43-50; Luk 22.47-53)

¹Manda o'onœ asœke, Yisu ro awa bale dœ ayambarœ noe ye ba kele yangangu Sedroni. Anga aya kindi sœ lima ba zœ á tshe li ga loenœ dœ ayambarœ noe ye.

²Yudasi á tshe ka she wu lima sœ oshonœ; gbambanœ nene, Yisu sœ lima kœngbɔtœ ye kpala kpala dœ ayambarœ noe ye ba zœ.

³Yudasi te utshu ukpulu aturugu, dœ aayi kœngbɔndœ anda Tepelo á agbozu tshapa anganga Ndjaba œdœ Afarisayi vwa endje. Endje wuta ba loe aya kindinœ dœ owo tadjá, dœ miinda œdœ pe œrœ kœnga dœ koshe.

⁴Yé Yisu á tshe wu lima sœ œrœ kɔ á mbœrœ ga toe ye, na á yu endje adœke: «'E sœ kœpara dœ e?»

⁵Endje gi fœ she adœke: «Yisu, uzu Nazarete.» Á Yisu kœpa fœ endje adœke: «Æmœ dœke.» Andaa, Yudasi á tshe ka she sœ ndje lima ugurutœ azunœ zœ.

⁶Lɔkɔ á Yisu pa fœ endje adœke «Æmœ dœke», endje gitœ endje kitrikitri ga mangbanœ yé œ yo ga ati.

⁷Yisu kpa kœyu endje adœke: «'E sœ kœpara dœ e?» Endje kœgi adœke: «Yisu, uzu Nazarete.»

⁸Á Yisu kœpa fœ endje adœke: «Mœ pa fœ 'e adœke, æmœ dœke. Œdœ 'e kœsœ toe kœpara mœ, 'e katœ endjeneke ti dœ endje gu.»

⁹Œ sœ ataa yeka á o'o á tshe pa lima kœmbœrœtœ ye. Tshe pa lima adœke: «Endjeneke á bœ ko endje fœ mœ, anga bale djidjingili awa nene.»

10Ataa, Shimu Petro á tshe sœ lima dœ ìngìrì yakamba, gbota lœ òkòncœ á wa utu ayi akwa nœ egerœ nganga Ndjaba ndja toencœ. Cœ dœ lima utu ga pa kuni nœ ayi akwa á ì'ìrì ye kœdœ Malkusu.

11Kashe yisu pa fœ Petro adœke: «Gi ìngìrì yakamba nœ zœ ga lœ òkòncœ. Bœ gbe adœke mœ vwaratœ mœ tœ kœndjo yashi kangancœ á Aba za fœ mœ ye a?»

Endje gu dœ Yisu ba utshu Ana

(Wu ba tœ Mat 26.57-58; Mar 14.53-54; Luk 22.54)

12Ukpulu aturuguncœ dœ gbozu tshapa endje œdœ pe aayi kœgbòndœ anda Tepelo á Ayuda vwa endje na œ za Yisu, œ i she ga toencœ.

13Endje gu dœ she utshuncœ ba ndœ Ana. Tshe kœdœ lima aba mbeya Kayifa á tshe dœ lima egerœ nganga Ndjaba lœ unguncœ ascœmœ.

14Cœshe dœ Kayifa dá pa lima fœ Ayuda adœke: «Cœ sœ dœ òtshòncœ adœke uzu bale tshu lœ kumu azu kò.»

Petro 'ea Yisu

(Wu ba tœ Mat 26.69-70; Mar 14.66-68; Luk 22.55-57)

15Shimu Petro dœ anga yambarœ bale na lima manda Yisu. Bata egerœ nganga Ndjaba wu lima sœ anga yambarœncœ dœ òtshòncœ, tshe li awa bale dœ Yisu ga lœ gbagba anda nœ egerœ nganga Ndjabancœ.

16Kashe Petro sœpe lima œncœ ye ba pa gbagba ndo dœ manda nœ. Yé yambarœncœ á egerœ nganga Ndjaba wu lima sœ ye ascœmœ kœwuta, á kœyu yashe kœgbòndœ manda gbagbancœ, á to Petro li ga lœncœ.

17Yashe akwancœ á tshe sœ lima kœgbòndœ manda gbagba kœyu Petro adœke: «Cœbœ ndje, œdœ bœ kœdœ anga yambarœ nœ yakoshe ascœke nene a?» Petro kœgi adœke: «Cœ dœdœ mœ nene!»

18Aayi akwa dœ pe aayi kœgbòndœ anda Tepelo ngbò lima owo mbœrcœ ìzì, yé á sœ lima kœya kote endje ìndìrìncœ. Petro sœ lima awa bale dœ endje á ka ndje ìndìrì owoncœ.

Egerœ nganga Ndjaba yu Yisu

(Wu ba tœ Mat 26.59-66; Mar 14.54-64; Luk 22.66-71)

19Egerœ nganga Ndjaba tetœ kœyu Yisu tœ ayambarœ nœ ye œdœ pe œercœncœ á tshe yi lima sœ nœ.

20Á Yisu kœgi fœ she adœke: «Mœ pa o'o ngbì fœ azu tshapashò. Mœ yi lima sœ œercœ ba lœ Sinagoga dœ pe ba lœ Tepelo ba tœ osho á Ayuda kò sœ kœngbòbatœ endje. Mœ papa anga o'o wutoencœ œ wu nene.

21Mbœrcœ gadœ á bœ yu mœ a? Yu azu á endje dji mœ mbœrcœ endje wusœ o'o á mœ pa dœ òtshòncœ.»

22Koedji Yisu ataa, anga ayi koegbondoe egeroe ngangana Ndjaba koeda ala ye á koepa foe she adoeke: «Mara koegi doe o'o foe gbozu ngangana Ndjaba doeke a?»

23Yisu koegi foe she adoeke: «Edeoe moe koepa toe ekpenoe, ma foe moe adoeke moe pa ekpe o'o. Á moe koepa otsho o'o, mboeroe gade á boe da moe a?»

24Á Ana koewwa Yisu doe uwu á endje i doe she toe ye ga ndoe Kayifa egeroe ngangana Ndjaba.

Petro kpa 'ea Yisu

(Wu ba toe Mat 26.71-75; Mar 14.69-72; Luk 22.58-62)

25Loe noe ko asoemoe, Petro soe koloe ba loe gbagba á soe koeya kote ye. Endje koepa foe she adoeke: «Adja boe doedoe anga yambaroe noe yakoshe asoeke nene a?» Petro ko'eatoe ye adoeke: «E doedoe moe nene!»

26Anga ayi akwa noe egeroe ngangana Ndjabanoe, á tshe doe ayo noe uzu á Petro wa lima utu ye, koepa foe she adoeke: «E doedoe boe dá moe wu kpoeke 'e doe she ba loe kindi nene a?»

27Petro kpa ko'eatoe ye, ye trale kongato koeki.

Yisu ba utshu Pilato

(Wu ba toe Mat 27.1-2,11-14; Mar 15.1-5; Luk 23.1-5)

28Manda noe, endje to Yisu ba ndoe Kayifa á ro doe she ba loe egeroe anda olo noe gbozugo Roma. Kashe doe amazi tuu, agbozu yuda á endje na lima doe she lili ga soenda nene kparawa koeli ga loe angwa yekane á koeki roego Pake.

29Pilato koewuta ga ndoe endje á koeyu endje adoeke: «Mboeroe gade á 'e na koeto meza pa yakoshe asoeke a?»

30Endje gi adoeke: «Edeoe tshe koembomboeroe má ekperoe nene, adá koena má doe she foe boe koedoe gade e?»

31Pilato koepa foe endje adoeke: «'E za she oe wa o'o doe toe 'e ga toe ye liaka awa akwa noe 'e.» Ayudanoe koepa adoeke: «Endje zaza awa foe 'a adoeke 'a wo uzu nene.»

32Eneke wuta mboeroe koema o'o á Yisu pa lima toe koeyisoe mara kuzu á tshe tshu bala doe toeno.

33Pilato li ga soenda, á e Yisu, ye á yu she adoeke: «Eboe koedoe gbozugo noe Ayuda a?»

34Yisu koegi foe she adoeke: «Boe pa ataa doe toe zoe too anga azu dá pa foe boe atamo toe upu noe moe a?»

35Pilato koegi: «Emoe koedoe uzu Yuda a? Adja azu ogo noe zoe doe agbozu tshapa anganga Ndjaba dá za boe foe moe, oeroe gade dá boe mboeroe a?»

³⁶Yisu kœgi adœke: «Ogo gbozu nœ mœ dœdœ œnœ tshapashœnœ asœke nene. Œ kœdœ má œnœ tshapashœ asœke, aayi kœte manda mœ œ nga má koshe tshangba mœ adœke endje za mœ fœ ayuda nene. Kashe Ogo gbozu nœ mœ, lœ ngœngœ asœke dœdœ œnœ tshakpœke nene.»

³⁷Pilato kœyu she adœke: «Bœ dœ gbozugo a?» Yisu kœgi adœke: «Œbœ dá pa adœke œmœ kœdœ gbozugo. Endje zu mœ yé mœ na ga pa œshœ mbœrœ kœpa o'o tœ upu nœ adja o'o. Uzu kœ á tshe na manda adja o'o, tshe dji o'o á mœ pa.»

³⁸Á Pilato kœyu she adœke: «Adja o'o kœdœ gafe e?»

Endje wa ngbanga kuzu ga tœ Yisu

(Wu ba tœ Mat 27.15-31; Mar 15.6-20; Luk 23.13-25)

Pa o'onœ asœke, Pilato kœwuta á kœgbœ Ayuda ba ushu, á pa fœ endje adœke: «Tœ œmœ nœ mœ, mœ gbœgbœ anga ekperœ bale á li ndœ kœwa ngbanga ga tœ ye nene.

³⁹Ka bata ungu dœ ungu, œ li adœke mœ vwara anga uzu bale dœ lœkœ Pake, 'e yindœ nœ adœke mœ vwara gbozugo nœ Ayuda a?»

⁴⁰Yé endje kœtetœ kœta rawa adœke: «Œ dœdœ tshenekemœ nene, kashe Barabase!» Andaa Barabase kœdœ lima ayi kœmbœrœ ngbœndœrœ.

Yowane 19

¹Á Pilato kœza awa adœke endje za Yisu yé œ sœ she dœ ndjapa.

²Aturugu djo lima kpoto dœ ishi, œ za ga tœ kumu ye, yé œ verœ yœgbœdœ odorœ lœba ga tœ ye.

³Endje gi lima tœ endje ndœ dœ she yé œ pa lima adœke: «Abala, gbozugo nœ Ayuda!» Yé œ tetœ kœda tshatshu ye.

⁴Pilato kœli ga sœnda á kœpa fœ Ayuda adœke: «'E dji mœ ka! Mœ sœ kœna kœto she wuta tœnœ fœ 'e. Kashe 'e wusœ nœ adœke mœ gbœgbœ anga ekperœ bale lœ ye tœ kœwa ngbanga ga tœ ye nene.»

⁵Yisu wuta lima ga ushu. Tshe verœ lima kpoto dœ ishi tœnœ œdœ pe egerœ odorœ lœba. Yeka á Pilato pa adœke: «Yakoshœnœ dœke!»

⁶Lœkœ á agbozu tshapa anganga Ndjaba dœ aayi kœgbœndœ anda Tepelo wu lima she, endje te lima tœ kœta rawa adœke: «Wo she ba pa kurushi! Wo she ba pa kurushi!» Á Pilato kœpa fœ endje adœke: «'E za she dœ tœ 'e œ wo she pa kurushinœ. Kashe œmœ, mœ gbœgbœ anga œrœ bale lœ ye tœ kœwa ngbanga ga tœ ye nene.»

⁷Ayuda kœgi fœ she adœke: «'A sœ dœ awa akwa bale, yé awa akwanœ pa adœke tshe li dœ kuzu; gbambanœ nene, tshe pa adœke œne kœdœ Gbolo nœ ndjaba.»

⁸Lɔkɔ á Pilato dji o'onœ atamœ, awa li tœ ye kpakpakpa.

⁹Tshe kœli ga sœnda, á kœyu Yisu adœke: «Œbœ kœdœ uzu bata a?» Kashe Yisu ì ama ye bale dœ o'o fœ she nene.

¹⁰Yé Pilato kœpa fœ she adœke: «Bœ yiyindœ kœgi o'o fœ mœ nene a? Bœ wuwusœ nœ nene adœke mœ sœ dœ gbɔgbɔ tœ kœza awa fœ bœ, bœ gu bata á mœ sœ ndje dœ gbɔgbɔ tœ kœwo bœ pa kurushi nene a?»

¹¹Kashe Yisu gi adœke: «Bœ sœsœ dœ gbɔgbɔ bale pa mœ nene, kolœ œneke á Ndjaba za fœ bœ. Mbœrœ tœnœ ataa, uzu á tshe ka mœ fœ bœ mbœrœ egerœ ekperœ.»

¹²Kœto kpœtœmœ, Pilato para lima awa ndœ kœvwara she kashe Ayuda te lima tœ kœta rawa dœ ɔgbɔ adœke: «Œdœ bœ kœvwara she dá bœ dœdœ yanga Sezare nene. Gbambanœ nene, uzu kɔ á tshe pa adœke œne kœdœ gbozugo, sœ kœyiangba Sezare.»

¹³Pilato kœdji ataa á kœto Yisu wuta tœnœ, á tshe kœsœ ga atì ba tœ osho kœwa ngbanga á ì'ìrìnœ kœdœ «osho kœsœ á endje guma dœ badja ga lafo.» – Dœ o'o ama ogo nœ Ayuda kœdœ «Gabata».

¹⁴Œ sœpe lima olo bale utshu angbo pake ndoo dœ kakpi ɔɔ Pilato kœpa fœ Ayuda adœke: «Gbozugo nœ 'e dœke!»

¹⁵Kashe endje lœ kolœ kœta rawa adœke: «Wo she ye! Wo she ye! Wo she pa kurushi!» Pilato kœpa adœke: «Mœ wo gbozugo nœ 'e ba pa kurushi a?» Agbozu tshapa anganga Ndjaba kœpa adœke: «'A sœsœ dœ anga gbozugo nene, kolœ Sezare tshebale.»

¹⁶Mbœrœ tœnœ ataa, Pilato kœvwara Yisu fœ endje adœke endje wo she ba pa kurushi.

Yisu ba pa kurushi

(Wu ba tœ Mat 27.32-44; Mar 15.21-32; Luk 23.26-43)

Endje kœza Yisu.

¹⁷Tshe za kurushi nœ ye dœ tœ ye, œ wuta kœro ga tœ osho á endje ta ì'ìrìnœ adœke «osho gbayashi kɔrɔ», á endje e dœ o'o ama ogo Ayuda adœke «Gologota.»

¹⁸Ba zœ dá endje kuru lima Yisu ga pa kurushi awa bale dœ aayi angba bisha; bale ga pa kuni, bale ga pa gele yé Yisu sœ lima kpœgurutœ endje.

¹⁹Pilato za lima awa adœke endje sù anga mbeti œ bi ga pa kurushinœ. Mbetinœ pa adœke: «Yisu uzu Nazarete, gbozugo nœ Ayuda.»

²⁰Ayuda ndjoro di lima mbetinœ mbœrœ osho á endje bi lima Yisu ba pa kurushi tœnœ sœ lima ndoo dœ tshelœ ongbo. Ga pa nœ dœmœ, endje kpa su lima mbetinœ dœ o'o ama ogo nœ Ayuda, dœ o'o ama ogo nœ azu Roma ndje dœ o'o ama ogo Agreke.

²¹Agbozu tshapa anganga Ndjaba nœ Ayudanœ pa lima fœ Pilato adœke: «Susu adœke “gbozugo nœ Ayuda nene”, kashe adœke “uzunœ asœke pa adœke œne kœdœ lima gbozugo nœ Ayuda.”»

²²Pilato kœgi fœ endje adœke: «œEneke á mœ su, mœ su ye.»

²³Manda kœbi Yisu ga pa kurushinœ, aturugu ko lœba nœ ye, œ kurutshelœ nœ vana yé uzu dœ uzu gbœ œsœ œnœ ye. œ sœpe lima kolœ egerœ ingiri lœba nœ ye á endje guguma kœsu tœnœ nene asœmœ, œtœnœ kœdœ akpa lœba bale á endje sù ba tœ igi ye œrrr ga ati.

²⁴Aturugu pa lima ugurutœ endje adœke: «A susuru tshelœ œneke nene. A ta wuka á kœwusœ uzu á tshe za lœba œneke.» œEneke wuta lima adœke ataa mbœrœ o'o á endje sù ala Buku nœ Ndjaba kœmbœrœtœ ye. Endje su lima adœke: «Endje kurutshelœ lœba nœ mœ tœ endje, yé endje ta wuka pa egerœ ingiri lœba nœ mœ.» 'E wu œrœ á aturugu mbœrœ lima.

²⁵Anga ayashe ka lima ndoo dœ kurushinœ. Ayashe asœmœ kœdœ lima Mareya ayi Yisu, dœ yingœ ayinœ dœ Mareya, awo Kolopase œdœ ndje Mareya uzu Magadala.

²⁶Yisu kœwu ayinœ, á kœwu ndje ndoo dœ she yambarœ á tshe yi lima ndœ ye. Yisu kœpa fœ ayinœ adœke: «Yashe, wu gbolo nœ zœ.»

²⁷Á kpa kœpa ndje fœ yambarœnœ adœke: «Wu ayi zœ.» Pe dœ ada œlœnœ asœmœ, yambarœnœ kœza Mareya ga ndœ ye.

Kuzu Yisu

(Wu ba tœ Mat 27.45-56; Mar 15.33-41; Luk 23.44-49)

²⁸Manda nœ, bata á Yisu wu lima sœ nœ adœke akwa nœ œne ka kœ ye, adœke o'o á endje sù ala Buku nœ Ndjaba kœmbœrœtœ ye, tshe pa adœke: «Ogo ungu sœ kœmi mœ.»

²⁹Anga yashi sœ lima kpœtœmœ, á su dœ ikpi vinu. Aturugu yi ndœhœrœ ga la ikpi vinunœ, á vwele ga tœ ganea œyœ Izope, á yi ga tœ ama Yisu.

³⁰Lœkœ á Yisu ndjo ikpi ipinœ asœmœ, tshe pa adœke: «Akwa nœ mœ ka kœ ye.» Tshe tara kumu ye ga ati yé œ tshu ye.

Anga turugu su djokoro Yisu dœ udu

³¹Andaa, bata œ dœ lima biko mindu utshu lɔkɔ sabata - Sabatance ascemœ koedœ lima egerœ lɔkɔ sabata, agbozu yuda yiya lima ndœ nœ adœke oko endje œpe pa kurushi nene. Endje na lima kœyu Pilato adœke œne na œ kavwa tshelœ ada endje yé œ gbota endje ga ati.

³²Á aturugu kœna, á koekavwa tshelœ ada ali uzuncœ ye, œ kpa na œ kavwa œncœ anga bishancœ ye, á endje bi lima endje ga pa kurushi awa bale dœ Yisu.

³³Yé kœwuta endje ndoo dœ Yisu atake, endje wu adœke tshe tshu bamama ye. Mbœrcœ tœncœ dá endje kakavwa lima tshelœ ada ye nene.

³⁴Kashe anga turugu bale su djokoro Yisu dœ udu yé ngbewo indji dœ ungu wuta.

³⁵Uzu tsheneke á tshe wu lima dœ ala ye pa lima o'o tœ upuncœ, yé o'o á tshe pa koedœ adja o'o. Uzuncœ ascemœ wusœ nœ adœke œne pa o'o á dœ adja o'o adœke e'e ndje, 'e yindœ nœ.

³⁶œ wuta lima atamœ adœke o'o á endje sú ala Buku nœ Ndjaba kœmbœrcœtœ ye. Endje su lima adœke: «Endje kavwa bala tshelœ anga ngbabi ye bale nene.»

³⁷Endje su ndje lima anga o'o ala Buku adœke: «Endje wu bala uzuncœ á endje sú she.»

Kœshi Yisu

(Wu ba tœ Mat 27.57-61; Mar 15.42-47; Luk 23.50-56)

³⁸Manda nœ kɔ, Yozefu uzu Arimateyo, á tshe dœ anga yambarœ nœ Yisu lœ ubuncœ, na lima kœyu Pilato adœke œne za oko Yisu. Pilato za lima awa fœ she yé tshe na lima œ za oko Yisu.

³⁹Nikodeme á tshe na lima ga ndœ Yisu dœ abutshɔ, na ndje dœ yombo á endje mbœrcœ dœ mire á ngbɔba dœ ɔyɔ alowe á wuta litere zazu bale dœ ndjokpa.

⁴⁰Endje za oko Yisu, œ vwele dœ a'eara lœba á endje yi ga la kada yombo liaka akwa Ayuda œ mbœrcœ utshu kœshi akuzu nœ endje.

⁴¹Anga kindi tshamadungba œ lima ndoo dœ osho á endje kuru lima dœ Yisu ga pa kurushi, yé anga tafo udu bale á endje dji lima lœ badja, á damba endje shishi uzu ga lœncœ nene œ lima lœncœ.

⁴²Bata á dœ lima olo ndoo dœ lɔkɔ sabata, yé kœwu adœke kuduncœ œ lima ndoo kpœtœmœ, endje shi lima Yisu ga lœncœ.

Yowane 20

Ndjaba she Yisu lœ akuzu

(Wu ba tœ Mat 28.1-10; Mar 16.1-8; Luk 24.1-12)

- ¹Ɔlɔ yenga pe dœ amazi á osho sœpe kœde damba howaa, Mareya uzu Magadala na ga pa udu. Tshe wu adœke azu iwwi badja á endje vwiri lima ga tœ ama kudunœ.
- ²Tshe kpagu dœ ɔrɔ ga ndœ Shimu Petro dœ yambarœnœ á Yisu yi lima ndœ ye á kœpa fœ endje adœke: «Endje za Gbozu lœ koto yé a wuwusœ osho á endje za she tœnœ nene.»
- ³Á Apetro dœ yambarœnœ ascœmœ wuta lima kœna ga pa udunœ.
- ⁴Endje te lima tœ ɔrɔ bibisha kpa tœnœ awa bale, kashe anga yambarœnœ kpa kœropa Petro yé œ wuta utshunœ ga pa udunœ.
- ⁵Tshe ti ga lœ udunœ yé œ wu ndœma lœba lœnœ kashe tshe lili lima ga lœ udunœ nene.
- ⁶Petro wuta œnœ ye manda ye, œ li ga lœ udunœ, œ wu ndje ndœma lœbanœ ascœmœ ati ba zœ,
- ⁷ndje dœ pe lœba á endje za lima tshu ga pa kumu ye. Lœbanœ sœsœ lima tœ œsœnœ bale dœ a'eara ndœma lœbanœ nene. Kashe œ sœ lima kpi ga tœ anga angbi osho.
- ⁸Trale, anga yambarœnœ á tshe wuta má utshunœ kœli ga lœ udunœ, œ wu yekane á yindœ nœ.
- ⁹Ɔerrr ga tœ ɔlɔnœ ascœmœ, ayambarœ wuwu lima damba sœ ádá o'o á endje sú adœke Ndjaba œ she bala Yisu lœ akuzu nene.
- ¹⁰Manda nœ, ayambarœnœ bibisha fatœ endje kœgu ga ndœ endje.

Yisu matœ ye fœ Mareya uzu Magadala

(Wu ba tœ Mat 28.9-10; Mar 16.9-11)

- ¹¹Mareya ka lima ba ushu ndoo dœ tshapadunœ á sœ lima tœ iki. Tshe sœ lima tœ iki, œ sœ ndje kœti ga lœ udunœ.
- ¹²Á tshe kœwu aandjelu bisha á endje verœ imbi lœba. Endje lœ ga ati ba tœ osho á endje za lima oko Yisu ga tœnœ; anga bale ba tœ osho á endje fa kumu ye ga tœnœ yé anga ba tœ œsœ ada ye.
- ¹³Aandjelunœ kœyu Mareya adœke: «Mbœrœ gade á bœ ki a, yashe?» Tshe kœgi fœ endje adœke: «Endje za oko Gbozu nœ mœ yé mœ wuwusœ osho á endje za she tœnœ nene.»
- ¹⁴Tshe kœfatœ ye manda kœgi o'onœ, œ wu Yisu á tshe ka lima kpœtœmœ kashe tshe wuwu lima sœ nœ adœke Yisu dœmœ nene.
- ¹⁵Yisu kœyu she: «Mbœrœ gade á bœ ki a, yashe? Ɔede dá bœ sœ kœpara she a? Mareya gbe adœke ayi kœguma tshelœ kindi tshamadungbanœ dœmœ yeka

á pa fœ she adœke: «Edœ bœ dá za oko ye, yisœ oshonœ á bœ za she ga tœnœ dœ mœ na œ za she.»

¹⁶Yisu kœpa fœ she adœke: «Mareya!» Tshe i gbandjuru á pa fœ she adœke: «Rabuni» - Œ yindœ kœpa dœ o'o ama ogo Ayuda adœke «Ayi kœyisœrœ».

¹⁷Yisu kœpa fœ she adœke: «Gogoro mœ nene mbœrœ mœ ð damba ga ndœ Aba mœ nene.» Kashe, gu œ pandœ nœ fœ aaya, mœ sœ kœgu ga ndœ Aba mœ á tshe kœdœ Aba 'e, ga ndœ Ndjaba nœ mœ á tshe kœdœ Ndjaba nœ 'e.

¹⁸Mareya uzu Magadala kœgu á kœpandœ nœ fœ ayambarœ adœke: «Mœ wu Gbozu, yé 'e dji œeneke á tshe pa fœ mœ.»

Yisu matœ ye fœ ayambarœ nœ ye

(Wu ba tœ Mat 28.16-20; Mar 16.14-18; Luk 24.36-49)

¹⁹Kolœ dœ adila yenganœ asœmœ, ayambarœ ngbœba lima tœ endje ba sœnda. Endje tshu lima manda kperœ ga tœnœ kparawa Ayuda. Yisu na lima œ ka ba ugurutœ endje á pa fœ endje adœke: «Kœsœ gee sœ dœ e'e.»

²⁰Manda kœpa fœ endje ataa, tshe kœma tshakane ye œdœ pe djokoro ye fœ endje. Lœsu ayambarœ su dœ yanga mbœrœ kœwu Gbozu.

²¹Yé Yisu kpa kœpa fœ endje adœke: «Kœsœ gee sœ dœ e'e! Bata Aba vwa mœ, œmœ ndje mœ sœ kœvwa 'e.»

²²Manda kœpa o'onœ asœke, tshe uru izi ga pa endje, á pa adœke: «'E gbœ Œtsho fshiri.

²³Azu neke á 'e djerœ bala ndœ ekperœ nœ endje, Ndjaba œ djœœndœ nœ. Yé endjeneke á 'e vwaratœ 'e tœ kœdjœœndœ ekperœ nœ endje, Ndjaba œ vvara ndje tœ ye tœ kœdjœœndœ nœ.»

Yisu matœ ye fœ Toma

²⁴Andaa lœkœ á Yisu má lima tœ ye fœ ayambarœ ba sœnda, Toma, anga andjokpa dœ bishanœ á endje e she Didime gugu lima nene.

²⁵Anga udu anganœ pa lima fœ she adœke: «'A wu Gbozu!» Kashe tshe pa fœ endje adœke: «Edœ mœ kœwuwu tshangba uku sete tshakane ye nene, œdœ mœ kœyiyi yœkœne mœ ga lœ kudu setenœ nene, yé œdœ mœ kœyiyi kane mœ ga lœ djokoro ye nene, mœ yi ndœ nœ nene.»

²⁶Andaa olo mindu dœ votœ manda nœ, ayambarœ kpa ngbœba lima tœ endje ba sœnda, œ tshu manda kperœ ga tœnœ yé Toma sœ lima ugurutœ endje. Yisu na lima œ ka ba ugurutœ endje á pa adœke: «Kœsœ gee sœ dœ 'e!»

²⁷Manda nœ tshe pa fœ Toma adœke: «Yi yœkœne zœ kpœke dœ œ wu tshakane mœ. Yi kane zœ œ nduru ga lœ djokoro mœ. Katœ sharapu, œ te uzu nœ kœyindœrœ.»

²⁸Toma kœgi fœ she adœeke: «Gbozu nœ mœ œdœ Ndjaba nœ mœ.»

²⁹Yisu kœpa fœ she adœeke: «Bœ yindœ nœ mbœerœ á bœ wu mœ a? Yanga nœ azu neke á endje wuwu nene, kashe endje yindœ nœ.»

Ádá kœsu buku nœ Yowane

³⁰Yisu mbœerœ lima anga angbi ambárá afá ndjoro dœ ala ayambarœ nœ ye, kashe endje súsú kœ ga la bukunœ asœeke nene.

³¹Kashe œeneke á endje sù ga la bukunœ asœeke sœ mbœerœ á 'e kœyindœ nœ adœeke Yisu kœdœ Kristu, Gbolo nœ Ndjaba. Œdœ 'e kœsœ dœ kœyindœerœ ga ndœ ye, 'e gbœ soro dœ í'iri ye.

Yowane 21

Yisu matœ ye fœ anga ayambarœ mindu dœ bisha (7)

¹Manda nœ, Yisu kpa matœ ye fœ ayambarœ nœ ye ba tœ mangu egerœ ungu adanga Tiberiade. Tshe ma lima tœ ye fœ endje dœ mara atake:

²Shimu Petro, Toma á endje e ndje she Didime, Natanayele uzu tshalakpi Kanana ba lœ ogo Galilayi, agbolo nœ Zebedayi, œdœ pe anga angbi ayambarœ bisha sœ lima kpœtœ œscœnœ bale.

³Shimu Petro kœpa fœ endje adœeke: «Mœ sœ kœtara ndœ kœvwi gbanda.» Yé endje kœpa fœ she adœeke: «'A ro dœ bœ.» Endje ro lima œ œ ga lœ egerœ agba kashe dœ butshœnœ ascœmœ, endje gbœgbœ œerœ bale nene.

⁴Lœkœ á osho tetœ kœkœrœ tœnœ, Yisu ka lima ga tœ mangu kashe ayambarœnœ wuwu lima sœ nœ adœeke œshe dœmœ nene.

⁵Yisu kœpa fœ endje adœeke: «Agbolo, 'e gbœgbœ anga ageatshalangu teasho nene a?» Endje kœgi fœ she adœeke: «Œerœ bale nene.»

⁶Yisu kœpa fœ endje adœeke: «'E vwi gbandanœ ga pa kuni yé 'e œ gbœ endje ye.» Endje kœvwi gbandanœ, yé ageatshalangu do lima pa nœ dœ mara adœeke endje lili lima kœgbota tœnœ ga ushu nene.

⁷Yambarœ á Yisu yi lima ndœ ye kœpa fœ Petro adœeke: «Gbozu dœmœ!» Lœkœ á tshe dji adœeke Gbozu dœmœ, tshe kœverœ lœba ga tœ ye; gbambanœ nene, tshe sœ lima kpendro, á tshe kœete lima ga la ngu.

⁸Udu ayambarœnœ kœgu dœ egerœ agbanœ dœ kœgbota gbandanœ pete dœ ageatshalangu: endje sœsœ lima lœ ingirœnœ tœ ama osho nene, ga pa œerœ nœe metere kama bale (100).

⁹Lœkœ á endje wuta ga tœ mangu, endje wu lima jiwo á endje ko ageatshalangu dœ pe mapa ga pa nœ.

¹⁰Yisu kœpa fœ endje adœke: «'E na dœ ageatshalangunœ á 'e wuta kœgbo endje asœke gamœ.»

¹¹Shimu Petro kœɔ ga lœ egerœ agba á kœgbota gbandanœ ga ati dœ agboro ageatshalangu lœ nœ kama dœ zazu bisha dœ ndjokpa dœ voto (153). Agea ngba lima waa kashe tshelœ gbanda susuru lima nene.

¹²Yisu kœpa fœ endje adœke: «'E na œ zi œrœ.» Anga uzu bale ugurutœ endje á tshe ì lima ama ye tœ kœyu she adœke: «Dá œbœ kœdœ dœ e?» gugu nene. Endje wu lima sœ nœ dœ ɔtshœnœ adœke Gbozu dœmœ.

¹³Yé Yisu na, œ za mapa á kurutshelœ nœ tœ endje, á mbœrœ ndje awa bale dœ ageatshalangunœ.

¹⁴Asœ kœdœ lima awa voto kœematœ Yisu fœ ayambarœ nœ ye kœto tœ lœkœnœ á Ndjaba she lima she lœ kuzu.

Yisu œdœ Petro

¹⁵Manda kœzi œrœ, Yisu kœyu Shimu Petro adœke: «Shimu, gbolo nœ Yowane, bœ yindœ mœ kœropa endjeneke kœ a?» Yé tshe kœgi adœke: «Ë, Gbozu, bœ wusœ nœ adœke mœ yindœ zœ.» Yisu kœpa fœ she adœke: «Gbœndœ apata nœ mœ.»

¹⁶Tœ bishanœ, Yisu kpa yu she adœke: «Shimu, gbolo nœ Yowane, bœ yindœ mœ?» Petro gi adœke: «Ë, Gbozu, bœ wusœ nœ adœke mœ yindœ zœ ye.» Yisu kœpa fœ she adœke: «Sœ uzu nœ kœgbœndœ apata nœ mœ.»

¹⁷Tœ votœnœ, Yisu yu she adœke: «Shimu, gbolo nœ Yowane, bœ yindœ mœ?» Oyo kœza Petro kœwu adœke Yisu kpa yu she tœ votœnœ adœke: «Bœ yindœ mœ?» Yé tshe kœpa fœ she adœke: «Gbozu, œbœ á bœ wusœ œrœ kœ, bœ wusœ nœ dœ ɔtshœnœ adœke mœ yindœ zœ ye.» Á Yisu kœpa fœ she adœke: «Gbœndœ apata nœ mœ.»

¹⁸Mœ sœ kœpa fœ bœ dœ adjapu adœke ɔlœ á bœ sœpe lima aya gbolo, bœ du lima uwu tshapa lœba nœ zœ dœ tœ zœ, œ na lima tœ osho á bœ yi lima ndœ nœ. Kashe ɔlœ á bœ kœwuta yagbozu, bœ ko kane zœ ga lafo yé anga uzu kpi dá ì uwu ga pa lœba fœ bœ, yé á to bœ na tœnœ ba tœ osho á bœ yiyindœ nœ nene.»

¹⁹Yisu pa lima ataa mbœrœ kœma mara á Petro œ yisœ mokœ nœ Ndjaba lœ kuzu ye. Manda kœpa o'onœ asœke, Yisu pa fœ she adœke: «Na manda mœ.»

²⁰Petro kœfatœ ye, á kœwu yambarœ á Yisu yi lima ndœ ye, tsheneke á dœ lœko á endje sœ lima kœzi œrœ á tshe ði lima tœ ye ga lakoro Yisu yekane á yu she adœke: «Gbozu, œdœ dá ka bala bœ a?»

²¹Lœko á Petro wu lima she, tshe pa fœ Yisu adœke: «Ka œshe a Gbozu, œrœ gadœ dá mbœrœ fœ she a?»

²²Yisu kœgi fœ she adœke: «Œ kœsœ adœke œndœ ye di œrrr ga tœ kpa kœkwa mœ, œnœ zœ lœ nœ kœdœ gadœ? Œbœ, na manda mœ.»

²³Kœto pa o'onœ asœke dá o'o ki gooo ugurutœ alaya adœke yambarœnœ ascœmœ œ tshu nene. Andaa Yisu papa lima fœ she nene adœke: tshe tshu nene. Kashe tshe pa adœke: «Œdœ mœ kœyindœ nœ adœke œndœ ye di œrrr ga tœ kpa kœkwa mœ, œnœ zœ lœ nœ kœdœ gadœ e?»

²⁴Adja yambarœnœ ascœmœ dœ tœ ye dá pandœ o'onœ asœke, á su ga la mbeti yé 'a wusœ nœ adœke œneke á tshe pa kœdœ adja o'o.

Ndɔngɔɔ o'o

²⁵Yisu mbœrœ lima anga angbi œrœ ndjoro á kœsœ má adœke endje sú kœ bale dœ bale, mœ gbe adœke, osho œ li mbœrœ kœko bukunœ ga tœnœ pa œsho asœke nene.

Akwa

Akwa 1

Yisu pandœ Ɔtshɔ ƙshiri fœ aayi avwa

- ¹Gbozu Teofile, ƙa la ali mbeti á mœ su fœ ƙœ, mœ pandœ œrœ ƙɔ á Yisu mbœrœ lima œdœ pe ndje œneke ƙɔ á tshe yi lima sœ nœ ƙœto ƙa tœ adanœ
- ²œrrr ga tœ olo ƙœɔ she lima ga lafo. Utshu ƙœɔ she, tshe za o'o fœ aayi avwa nœ ye dœ gbɔgbɔ nœ Ɔtshɔ ƙshiri.
- ³Tshe ma lima tœ ye fœ endje manda kuzu á tshe tshu tœ ƙœma fœ endje adœke tshe sœ dœ soro. Tshe ma lima tœ ye fœ endje yé œ tetœ ƙœpa o'o tœ upu nœ Ogo gbozu nœ Ndjaba manda olo zazu bisha.
- ⁴Anga ƙɔɔ bale á tshe sœ lima ƙœzi œrœ dœ endje, tshe za o'o fœ endje adœke: «'E gigi damba tœ 'e lœ Yerusaleme nene kashe 'e kate œneke á Aba pa lima ndœ nœ adœke œne za fœ 'e bata á 'e dji lima lœ ama mœ.
- ⁵Gbambanœ nene, Yowane za lima batisimu nœ ungu, kashe lœ ondonœ asœke, Ndjaba œ za batisimu nœ Ɔtshɔ ƙshiri fœ 'e.»

Yisu ɔ ga lafo

- ⁶Aayi avwanœ á endje ngbɔba lima tœ endje, yu Yisu adœke: «Gbozu, kolœ ngɔngɔnœ asœke dá ƙœ gi tshagbozu nœ ogo Israyele a?»
- ⁷Tshe ƙœpa fœ endje adœke: «O'o nœ 'e gugu mbœrœ ƙœwusœ ada ɔlɔnœ too olonœ á Aba za lœ tshagbozu nœ ye nene.
- ⁸Kashe Ɔtshɔ ƙshiri œ jerœ ga pa 'e, yé 'e gbɔ gbɔgbɔ mbœrœ ƙœna ƙœmindœ o'o nœ mœ lœ Yerusaleme, lœ ogo Yuda œdœ lœ Samariya djigi œrrr vesho ga tœ osho ƙɔ pa ɔshɔ.»
- ⁹Manda ƙœgi o'onœ ataa, tshe ɔ ngarrr dœ ala endje ga lafo yé œ yiwa lœ ondoro tœ ala endje.
- ¹⁰Bata á endje sœpe lima ƙœmesho ƙrɔrrr ga lafo, anga azu bisha dœ imbi lœba á endje ka lima ndoo dœ endje
- ¹¹ƙœpa fœ endje adœke: «Azu Galilayi, mbœrœ gafe á 'e sœpe ƙœmesho ga lafo a? Yisunœ á tshe ɔ dœ ala 'e asœmœ, tshe kwa ndje bala tœ ye bata á 'e wu she ƙœɔ tœnœ ga lafo asœmœ.»

Matiase za akwa manda Yudasi

- ¹²Manda nœ, aayi avwanœ to ƙa pa kaga ɔyɔ Olive yé œ jerœ ga lœ Yerusaleme; kaganœ sœ lima ga pa œrœ nœ Kelometere bale tœ Yerusaleme.

¹³Lɔkɔ á endje wuta, endje li ga lœ gbɔshɔ á endje lœ lima kœlo lœ nœ ba lafo. Œ dœ lima Petro, Yowane, Jake dœ Andere; Filipino dœ Toma; Bartelemi dœ Matie; Jake gbolo nœ Alefe, Shimu uzu kœ'e osho ndœ lipanda œdœ pe Yudasi gbolo nœ Jake.

¹⁴Endje kɔ, endje sœ lima dœ gbetshelœ bale, yé œ ngbɔbatœ endje mbœrœ kœki fœ Ndjaba ɔlɔ dœ ɔlɔ awa bale dœ anga ayashe b̄ata Mareya á tshe zu Yisu œdœ pe ndje aaya Yisu.

¹⁵Lœ anga olonœ ascœmœ bale, Petro áalafo ba ugurutœ ayindœ Yisu kama bale dœ zazu bale á endje ngbɔba lima tœ endje, yé œ pa ngbi adœke:

¹⁶«Aaya, œ li adœke o'o á Ɔtshɔ Ɔshiri pa lima ndœ nœ ala Buku nœ Ndjaba, lœ ama gbozu Davidi tœ upu nœ Yudasi á tshe to lima azu na tœnœ ndœ kœza Yisu, mbœrœtœ endje.

¹⁷Andaa Yudasi sœ lima awa bale dœ 'a yé tshe sœ lima ndje dœ akwa nœ ye.

¹⁸Uzunœ ascœmœ yɔ lima kindi dœ ngendja á endje ko lima fœ she manda ekperœ nœ ye. Tshe te lima dœ kumu ye, uvu ye de wuruu yé sheta ye yaranga ga ati.

¹⁹Azu lœ Yerusaleme kɔ wusœ o'o ascœke. Ádánœ á endje e i'iri kindinœ dœ o'o ama ogo endje adœke: Hakeldama, œ yindœ kœpa adœke “ɔshɔ indji”.

²⁰Yé endje sú ala mbeti nœ Itshi adœke: “Tshelœ gbagba nœ ye œ fa gusu yé uzu bale œ sœ lœ nœ nene.” Yé ga pa nœ dœmœ: “Anga angbi uzu œ za akwa nœ ye.”

²¹A sœ dœ anga azu á endje na lima tœ awa dœ 'a dœ lɔkɔ á Gbozu Yisu sœ lima pa 'a,

²²kœto kpœpa batisimu nœ Yowane œrrr ga tœ olo kœɔ she ga lafo. Œ li adœke anga uzu bale ugurutœ endje, te timu awa bale dœ 'a ndœ kœmindœ kœshe nœ ye ugurutœ akuzu.»

²³Endje yisœ azu bisha: Yozefu á endje e she Barsabase á endje donga ndje she dœ i'iri Yustushe œdœ pe Matiase.

²⁴Yé manda nœ endje za avwala nœ endje para kɔkɔ adœke: «Œbœ, Gbozu á bœ wusœ lɔsu uzu kɔ. Yisœ uzu tsheneke á bœ ke she ugurutœ azu bisha ascœke

²⁵adœke tshe mbœrœ akwa nœ aayi avwa lœ kudu Yudasi á tshe katœ nœ ti, á na ga tœ osho á li dœ she ascœmœ.»

²⁶Endje ta wuka mbœrœ kœgbɔ uzu bale yé wukanœ te ga pa Matiase. Ádánœ á tshe li ga ugurutœ aayi avwanœ ndjokpa dœ bale dœmœ.

Akwa 2

Ndjaba vwa Ɔtshɔ Ishiri

- ¹Lɔkɔ á olo angbo Patekɔte li, ayindɔe Yisu ngbɔbatɔe endje para kɔkɔ ga tɔenɔe.
- ²Trale, ingiri to ba lafo bata egerɔe yugu yé ɔe su tshelɔe anda á endje sɔe lima tɔenɔe djigi.
- ³Endje wu ɔerɔe á wuta ga ndɔe endje bata owo, ɔe kurutshelɔetɔe endje á sɔe ga pa kumu uzu dɔe uzu.
- ⁴Endje para kɔkɔ gbɔ Ɔtshɔ Ishiri yé ɔe tetɔe kɔepa angbi o'o ama ogo bata á Ishiri to fɔe endje.
- ⁵Anga Ayuda nɔe ɔtshɔ lɔsu sɔe ndje lima lɔe Yerusaleme, endje to lima djelɔe ogo kɔ pa ɔshɔ.
- ⁶Ingiri yugunɔe za lima osho djigi, yé ukpulu azu ngbɔbatɔe endje ɔe sɔe kɔekitɔe ɔesɔenɔe, mbɔerɔe uzu dɔe uzu sɔe lima kɔedji o'o dɔe adja o'o ama ogo ye.
- ⁷Endje kitɔe ɔesɔenɔe, ɔe sɔe dɔe yanga yé á pa adɔeke: «Azunɔe asɔe para kɔkɔ á endje pa o'o asɔe, dɔédɔé azu Galilayi nene a?»
- ⁸Ɖe mbɔerɔe koto á uzu dɔe uzu lɔe ugurutɔe azɔe sɔe kɔedji endje dɔe o'o ama ogo ye a?
- ⁹Ugurutɔe azɔe, a sɔe dɔe Aparte, Amede dɔe Elame, azu ogo Mezopotami, azu ogo Yuda dɔe kapadose, azu ogo Ponte dɔe Azi,
- ¹⁰azu ogo Friji dɔe Pafili, azu ogo Ezipito dɔe azu tshakala ogo Sirene ba lɔe Libi; anga endje kɔedɔe endjeneke á endje to lɔe Roma,
- ¹¹adja Ayudanɔe ɔedɔe azu neke á endje wuta aayi kɔedonga Ndjaba nɔe Ayuda asɔemɔe; azu ogo Krete dɔe endje nɔe Arabi. Kashe azɔe para kɔkɔ, a dji endje kɔepa o'o dɔe ama ogo azɔe, kɔegbara ogboro ɔerɔe á Ndjaba mbɔerɔe.»
- ¹²Endje kɔkɔ, endje ki lima tɔe ɔesɔenɔe, yé ɔe yutɔe endje adɔeke: «Ɖe yindɔe kɔepa adɔeke gadɔe dɔe mɔe a?»
- ¹³Kashe anga azu sɔe lima kɔemɔ endje adɔeke: «Ipi dá mbɔerɔe endje asɔemɔe.»

Kɔeyisɔerɔe nɔe Petro

- ¹⁴Yé Petro kɔeza o'o ugurutɔe aayi avwa ndjokpa dɔe bale á endje sɔe lima tɔe ɔesɔenɔe, á kɔepa dɔe ɔgbɔ adɔeke: «E'e dɔe Ayuda ɔedɔe pe 'e dɔe azu para kɔkɔ á 'e sɔe lɔe Yerusaleme kpɔeke, 'e wusɔe ɔeneke á sɔe kɔerotɔe nɔe, 'e dara utu 'e yé ɔe dji mɔe dɔe ɔtshɔnɔe.
- ¹⁵Wala, azunɔe asɔeke ndjondjo ipi bata á 'e sɔe kɔegbe tɔenɔe asɔemɔe nene: mbɔerɔe a sɔe damba kolɔe dɔe ada ɔlɔe minu dɔe vana gbambanɔe.

16 Kashe œeneke á sœ kœematœ endje ngɔngɔ asœeke kœedœ o'o á ayi kœegbara o'o Jowele pa lima. Tshe gbara lima adœeke:

17 “Ndjaba pa adœeke: Lɔkɔ kœeka tshapashɔ, mœ vwa fshiri nœ mœ ga pa azu kɔ, agbolo yakoshe œdœ pe ayawuru nœ 'e œ te aayi kœegbara o'o, alanga nœ 'e œ wu bala œerœ lœ ulu, ayagbozu nœ 'e œ wu ndje bala œerœ lœ ulu.

18 Adjapu, ɔlɔnœ asœemœ mœ vwa fshiri nœ mœ ga pa aayi akwa nœ mœ dœ ayakoshe œdœ pe ayashe, yé endje te bala aayi kœegbara o'o.

19 Mœ mbœerœ bala ogboro œerœ ba lafo, yé œ ma ambara afá ba pa ɔshɔ ba ke: indji œ tu, owo œ tshi yé ngawo œ da.

20 ɔlɔ œ fa butshɔ, yé yapu œ sœ bata indji, utshunœ adœeke olo kœena Gbozu li, egerœ olo œdœ olo nœ mokɔ.

21 Yé uzu kɔ á tshe ki dœ i'iri Gbozu, tshe she.”

22 «Azú tshelœ Israyele, 'e dji o'o mœ: Yisu, uzu tshœlœ Nazarete kœedœ lima uzu á Ndjaba ma gbɔgbɔ nœ ye fœ 'e lœ ye dœ awa nœ kœembœerœ afá, ogboro œerœ œdœ kœema ambárá œerœ ba ugurutœ 'e bata á 'e wusœ nœ dœ tœ'e.

23 Uzunœ asœemœ, 'e za lima she ga tshaabrœ azu á endje wuwusœ Ndjaba nene, yekane á endje wo she á kuru she ga pa kurushi lindœ agbe nœ Ndjaba á tshe guma.

24 Kashe Ndjaba she she, yé œ gbota she lœ kanga nœ kuzu mbœerœ œ lili adœeke kuzu ropa ye dœ gbɔgbɔ nene.

25 Davidi pa lima o'o tœ upu nœ ye adœeke: “ɔlɔ dœ ɔlɔ mœ sœ kœewu Gbozu utshu mœ, mbœerœ á tshe sœ ga tœ kuni mœ adja awa œ za mœ bale nene.

26 Mbœerœ tœnœ ataa, lœsu mœ su dœ yanga yé ama mœ œ bi ndje itshi dœ yanga. Ga pa nœ kɔ, undu mœ œ yatœ ye lœ kœesœ gee mbœerœ á mœ za lœsu mœ ga tœ zœ.

27 Gbambanœ nene, Gbozu, bœ katœ mœ ti lœ ogo nœ akuzu nene, bœ yi ndje ndœ nœ adœeke œmœ dœ œeyerœ uzu nœ zœ mœ fu lœ koto akuzu nene.

28 Bœ yi lima sœ awa soro fœ mœ, lœsu mœ œ su dœ yanga mbœerœ kœesœ awa bale dœ bœ.”

29 «Aaya, œ li adœeke mœ pa o'ara fœ 'e tœ upu nœ ata azœ dœ Davidi: tshe tshu lima, endje shi she yé tshapa udu ye sœpe damba œerrr kpesheke ndœ azœ.

30 Kashe œeshe kœedœ lima ayi kœegbara o'o, yé tshe wusœ nœ adœeke Ndjaba dara lima ama ye adœeke anga gbolo tshelœ ye œ te gbozu manda ye.

³¹Davidi wu lima sœ œrœ á yindœ kœwuta bala tœncœ, yé tshe gbara lima o'o kœshe nœ Masiya. Tœncœ dá tshe pa lima adœke: “Tshe sœsœpe lima lœ ogo nœ akuzu nene, yé tshe fufu lima nene.”

³²Adja Ndjaba she Yisu lœ akuzu. A'a para kœkœ kœdœ atimu nœ o'onœ.

³³Ndjaba za she ba tœ kuni ye, œ to Ɔtshœ f'iri á tshe pa lima tœ ye fœ she á tshe kurutshelœ nœ tœ 'a bata á 'e sœ kœwu tœncœ á sœ kœdji tœncœ.

³⁴Davidi ɔɔ ga lafo nene gbaa, kashe tshe pa adœke: “Gbozu Ndjaba pa fœ Gbozu nœ mœ: sœ ga atɪ ga tœ kuni mœ,

³⁵œerrr ga tœ lœkœ á mœ fa azu á endje yiangba zœ, ga tshada zœ bata mbata.”

³⁶«Azu Israyele, 'e wusœ nœ dœ ɔtshœncœ adœke: Yisu á 'e kuru she lima ga pa kurushi ascœmœ, Ndjaba mbœrœ adœke tshe fa Gbozu, yé œ fa Kristu.»

Ali kœfatshalœsu azu

³⁷Lœkœ á azu dji o'onœ ascœmœ ataa, lœsu endje ka endje, yé endje yu Petro œdœ pe anga udu aayi avwa adœke: «Aaya, 'a mbœrœ gafe?»

³⁸Petro gi fœ endje adœke: «'E fatshalœsu 'e: uzu dœ uzu gbœ batisimu dœ f'iri Yisu Kristu yeka á Ndjaba kœdjerœndœ ekperœ nœ 'e. Yé Ndjaba œ to Ɔtshœ fshiri fœ 'e.

³⁹Gbambanœ nene, o'o nœ Ɔtshœ fshiri á Ndjaba pa lima tœncœ, œ sœ mbœrœ e'e dœ agbolo nœ 'e, œdœ ndje pe azu á endje sœ lœ ingirinœ, endjeneke á Gbozu Ndjaba nœ azœ œ 'e bala endje.»

⁴⁰Petro kpa pa o'o ndjoro fœ endje. Tshe pa ala o'o kœ adœke endje yindœ œeneke á œne pa, yé œ gbota gbetshelœ nœ endje dœ kœpa adœke: « 'E yindœ soro á Ndjaba za fœ 'e mbœrœ á kœgitœ 'e ugurutœ azu osho ascœ á ɔtshœ endje gaga nene!»

⁴¹Endje neke á endje yi lima ndœ o'o nœ ye, endje gbœ batisimu. Yé dœ ɔlœncœ ascœmœ, azu ga pa œrœ nœ kutu votœ te lima ga ndœ ukpulu ayindœ Yisu.

Ali kœngbœbatœ ayindœ Yisu

⁴²Endje zatœ endje djigi ga tœ kœyisœrœ nœ aayi avwa yé œ sœ kœngbœbatœ endje lœ yazu, œ sœ kœkurutshelœ mapa tœ endje dœ pe kœki fœ Ndjaba kpœtœ œscœncœ awa bale.

⁴³Awa li lima tœ endje kpa kpa kpa ye: Aayi avwa mbœrœ ogboro œrœ yé œ má ndje ambárancœ.

⁴⁴Ayindœ Yisu para kœkœ sœ lima kpœtœ œscœncœ bale yé œ ngbœba œrœ nœ endje kœ ga tœ nœ bale.

⁴⁵Endje ka lima kindi noe endje ndje doe oeroe noe endje á kurutsheloe ngendjanoe doe mara adoeke uzu doe uzu gbo liaka ogo noe ye.

⁴⁶Endje soe lima koengbotoe endje olo doe olo ba loe Tepelo, ye oe soe lima koezi oeroe kpotoe oesoenoe bale ba loe anda noe endje. Endje soe lima kozi oeroe doe yanga oedoe otsho losu.

⁴⁷Endje soe lima koedonga Ndjaba, ye azu ko yi lima ndoe endje waa. Olo doe olo, Gbozu soe koeyi endjeneke á endje gbo koesho ga ugurutoe azu Ikrizia.

Akwa 3

Petro she uzu á ada ye tshu

¹Anga kidala bale doe ada olo votu, Apetro doe Yowane ro lima koedonga Ndjaba ba loe Tepelo.

²Anga yakoshe bale á ada ye tshu tshakudu ye pe loe gbolo ye soe lima koese ndoo doe manda gbagba Tepelo á endje e «Otsho Manda». Endje soe lima koena doe she olo doe olo ga zoe mberoe á tsho koeyondoe oeroe tshakane azu á endje soe koeli ga loe Tepelonoe.

³Loko á tsho wu Petro oedoe Yowane koeli ga loe Tepelonoe, tsho yondoe oeroe toe endje.

⁴Ye Apetro doe Yowane tondoe ye, oe pa foe she adoeke: «Tondoe 'a.»

⁵Uzunoe tondoe endje doe gbetsheloe adoeke endje to oeroe foe oene zoe.

⁶Á Petro koepa foe she adoeke: «Moe gugu doe ngendja bale nene, kashe oeneke á moe soe doe toene, moe to foe boe: doe i'iri Yisu Kristu, uzu Nazarete, áalafo oe na ana!»

⁷Petro za kuni ye, oe ti she ga lafo. Trale, ada ye doe tsheloe porongato ada ye yoro tsheloe toe endje;

⁸ye gbikivigbi, tsho áalafo oe tetoe ana. Tsho li awa bale doe aayi avwa ga loe Tepelonoe, oe ka, oe i kpitikpiti doe pe koedonga Ndjaba.

⁹Azu para koko soe lima koewu she koena ana oedoe pe koedonga Ndjaba.

¹⁰Azu tra she tuu, oe pa adoeke: «Ee doedoe oeshe dá soe koese lima ba pa otsho manda Tepelo yekane á soe koeyondoe oeroe nene a!» Uvuru endje kpa lima loe noe toe koewu oeroe á mberotoe endje lima foe uzunoe á ada ye tshu asoemo.

O'o noe Petro

¹¹Bata á uzu soemo yiyi lima ndoe koegitoe ye toe Apetro doe Yowane nene, azu para do ga lafo oe soe koekpa ga ndoe endje ngbollo tshakudu mbarasane á endje e i'irinoe adoeke mbarasane noe Salomo.

12Petro kœwu endje á kœpa adœke: «Azu Israyele, mbœrœ gafe á uvuru 'e œ kpa lœ nœ tœ kœshenœ asœke a? Mbœrœ gafe dá 'e sœ kœtondœ 'a b̄ata gb̄ogb̄o nœ 'a dœ tœ 'a too manda Ndjaba á tshe sœ dœ 'a dá mbœrœ adœke á uzunœ asœke na ana a?

13'E wusœ nœ adœke Ndjaba nœ Abrayamo, Ndjaba nœ Izaka œdœ Yakobo, Ndjaba nœ aata azœ, œshe dá ma mok̄o nœ ayi akwa nœ ye dœ Yisu. E'e dá ka lima she adœke endje wo she; yé ɔlɔ á Pilato yi lima ndœ kœkatœ ye t̄i, 'e vvara lima tœ 'e ye.

14'E vwaratœ 'e tœ uzu á tshe sœ yerœ, á sœ ndjii, yeka á yu lima Pilato adœke tshe za anga ayi kœwo azu fœ 'e.

15'E wo lima Gbozu nœ soro, kashe Ndjaba she she ugurutœ akuzu yé 'a kœdœ atimunœ.

16Nḡonḡo asœ 'e wu yakoshe asœke. 'E wusœ ye dœ ɔtsh̄onœ: i'iri Yisu dá she she mbœrœ 'a sœ dœ kœyindœrœ ga ndœ ye. Mbœrœ gb̄ogb̄o nœ i'iri ye dá tshe wuta dœ ɔtsh̄o ɔk̄o b̄ata á 'e wu utshu 'e para k̄ok̄o asœke.

17«Kashe aaya, mœ wusœ nœ adœke e'e dœ agbozu nœ 'e, 'e mbœrœ lima atamœ mbœrœ á 'e wuwusœ adja o'o nene.

18Kashe Ndjaba mbœrœ ndœma ye á tshe pa lima tœnœ lœ ama aayi kœgbara o'o. Tshe pa lima adœke Masiya á tshe na, tshe wu oyo waa.

19Mbœrœ tœnœ atamœ, aaya, 'e fatshal̄osu 'e dœ œ kwa ga ndœ Ndjaba. Œdœ 'e kœmbœrœ ataa, tshe mbœrœ adœke ekperœ nœ 'e yiwa ye.

20Atamœ ndje, Gbozu Ndjaba œ mbœrœ adœke 'e gb̄o ɔtsh̄o olo nœ kœyatœ 'e, yé tshe vwa Masiya á tshe ke lima she utshunœ katshatsha mbœrœ 'e asœmœ, fœ 'e. Œshe kœdœ Yisu.

21Kashe nḡonḡo asœke, Yisu Kristu œ sœ b̄a lafo œerr ga tœ l̄ok̄o á œrœ k̄o œ gumatœ ye liaka œeneke á Ndjaba pa lima ndœ nœ lœ ama ayerœ aayi kœgbara o'o nœ ye.

22Moyize pa lima adœke: “Gbozu Ndjaba œ vwa bala ayi kœgbara o'o bale b̄ata mœ, tshe dœ anga aya 'e. 'E dji bala œeneke k̄o á tshe pa fœ 'e.

23Azu á endje tshapu kœdji she, endje sœ ugurutœ azu nœ Ndjaba nene yé endje tshu.”

24Yé aayi kœgbara o'o k̄o, kœto kpœpa Samwele œerr ga tœ azu á endje sœ angba ye, uzu dœ uzu gbara lima o'o tœ upu nœ l̄ok̄onœ asœke.

25E'e kœdœ agbolo nœ ayi kœgbara o'o, 'e kœdœ ndje agbolo ayo á Ndjaba guma lima dœ aata azœ l̄ok̄o á tshe pa lima fœ Abrayamo adœke: “Lœ awa nœ aata zœ, mœ to kane mœ ga pa azu k̄o pa ɔsh̄o.”

²⁶Mbœerœ 'e dá Ndjaba vwa ayi akwa nõe ye utshunœ. Tshe vwa she adœeke tshe to kane ye ga pa 'e, yé uzu dœ uzu katœ kœembœerœ ekperœ.»

Akwa 4

Apetro dœ Yowane ba utshu aayi kœwa ngbanga nõe Ayuda

¹Lœkœ á Apetro dœ Yowane sœpe kœpu o'o, agbozu tshapa anganga Ndjaba, gbozu tshapa aayi kœgbœndœ Tepelo œdœ Asadukayi, yi lima kumu endje.

²Endje sœ lima dœ ókó tœpanœ kpuru kœwu adœeke aayi avwa sœmœ bisha sœ kœyisœ œrœ yé œ sœ kœpandœ nõe adœeke bœta á Yisu shé lœ kuzu, azu á endje tshu lima, endje she ndje lœ kuzu.

³Endje tepa endje, œ ko endje va ga lœ kánga œerrr ga tœ kœkœrœ osho mbœerœ œlœ di lima ye.

⁴Lœ ugurutœ azu á endje dji lima Ōtshœ O'o, azu ndjoro sœ lima dœ kœyindœerœ ga ndœ Yisu, yé ayindœ Yisunœ wuta azu ga pa œrœ nõe kutu mindu (5.000) dœ œlœnœ asœmœ.

⁵Osho kœrœ pa nõe yeka á agbozu tshapa Ayuda, agbozu Ikrizia, aayi kœyisœ awa akwanœ á endje sœ lœ Yerusaleme, ngbœba lima tœ endje.

⁶Ana á tshe dœ egerœ ngangã Ndjaba, dœ Kayifa, dœ Yowane, dœ Alekezandre œdœ pe azu kœ lœ bingĩ nõe agboro anganga Ndjaba dá ngbœba lima tœ endje ba zœ.

⁷Endje to Apetro dœ Yowane ro tœnœ ga utshu endje, yé endje yu endje adœeke: «'E mbœerœ œrœnœ asœeke dœ gbœgbœ ndje pe dœ i'iri dœ e?»

⁸Yé Petro á tshe sœ lima dœ gbœgbœ nõe Ōtshœ Ishiri kœpa fœ endje adœeke: «Agbozu tshapa azu ogo œdœ agbozu,

⁹'a mbœerœ œtshœrœ fœ uzu á ada ye tshu yekane á endje sœ kœyu 'a kpesheke adœeke 'a pandœ mara œrœ á 'a mbœerœ á uzunœ asœ she.

¹⁰Ataa œ li adœeke e'e kœkœ œdœ azu Israyele, 'e wusœ nõe dœ œtshœnœ adœeke uzunœ á tshe ka utshu 'e asœeke, tshe she mbœerœ i'iri Yisu Kristu, uzu Nazarete á 'e kuru lima she ga pa kurushi yeka á Ndjaba she she lœ akuzu.

¹¹Œshe kœdœ badja á e'e dœ aayi kœmœ anda za lima vwi'i, tshe fa badja á anda œ shi mbœerœ tœnœ.

¹²Azu œ gbœ kœshe kolœ ba ndœ ye. Gbambanœ nene, pa œshœnœ asœeke, angã angbi i'iri á Ndjaba za adœeke azu gbœ kœshe lœ awanœ, gugu nene.»

¹³Kœwu adœeke Apetro dœ Yowane ka kolœ mbimbimbi ga pa o'o nõe endje, aayi kœwa ngbanga i lima gbandjuru mbœerœ endje kœdœ amba azu á endje

wuwusœ œrœ nene. Kashe endje wu ndje lima sœ nœ adœke endje kœdœ azu á endje sœ lima awa bale dœ Yisu.

¹⁴Kashe бата á endje sœ lima kœtondœ uzunœ á tshe she, á tshe ka lima utshu endje, awa kœgi o'o tœ endje gugu lima nene.

¹⁵Á endje kœza awa fœ Apetro dœ Yowane kœwuta damba ga shu yé endje kœtetœ kœyutœ endje ugurutœ endje:

¹⁶«A mbœrœ gadœ tœ azunœ asœke a? Mbœrœ azu para kœkœ lœ Yerusaleme wusœ nœ ngbi adœke, endje dá mbœrœ afá asœ, yé a shara nene.

¹⁷Kashe œ li adœke a mbœrœ kœ adœke o'onœ tete lœ utu azu para kœkœ nene. A za uvuru endje adœke endje kpa papa o'o bale dœ i'iri uzu nœ endje asœmœ nene.»

¹⁸Manda nœ, endje 'e endje, œ pakata endje kœpa o'o œdœ pe kœyisœ œrœ dœ i'iri Yisu.

¹⁹Kashe Apetro dœ Yowane gi fœ endje adœke: «œrœ gadœ dá sœ ndjii utshu Ndjaba a? 'A dji 'e too 'a dji Ndjaba? 'E wa ngbanganœ dœ tœ 'e kane.

²⁰Yé tœ a'a nœ 'a, 'a vu ama 'a tœ œrœ á 'a wu dœ ala 'a yé á dji dœ utu 'a nene.»

²¹Kœdji o'onœ ataa, aayi kœwa ngbanganœ gbagbara endje œrr œ katœ endje ti. Endje gbœgbœ lima awa ndœ kœwa ngbanga ga tœ œkœ endje nene gbambancœ nene, azu para kœkœ sœ lima kœdonga Ndjaba mbœrœ œrœncœ á wuta.

²²Yakoshencœ á endje she she lœ awa nœ afá asœmœ, sœ lima dœ ungu kœropa zazu bisha.

Ayindœ Yisu sœ kœdonga Ndjaba

²³Apetro dœ Yowane gu ga ndœ anga endje lœkœ á aayi kœwa ngbanganœ mi lima kane endje tœ endje, œ pandœ neke kœ á agboro anganga Ndjaba dœ agbo Ayuda pa fœ endje.

²⁴Manda kœdji o'onœ, aka endje para kœkœ awa bale, endje za avwala fœ Ndjaba dœ o'onœ atake: «Gbozu Ndjaba, œbœ dá mbœrœ tshalafœ, dœ œshœ, dœ ungu œdœ pe œeneke kœ á sœ lœncœ,

²⁵œbœ dá za o'onœ asœke lœ awa nœ Ōtshœ Ishiri ga lœ ama ata 'a dœ Davidi á tshe kœdœ ayi akwa nœ zœ: “Mbœrœ gadœ á ogo kœ sœ kœturu tœncœ, yé mbœrœ gadœ á azu sœ kœvwarandœ kœmbœrœ œrœ kashe œ gugu dœ ádá nene?”

²⁶Agbozu tshapa œshœ gumatœ endje, yé agbozu kuma akwa ngbœtœ endje mbœrœ kœnga koshe ga tœ Gbozu Ndjaba œdœ pe ga tœ Masiya nœ ye.”

²⁷Gbamba nœ nene, œtœncœ kœdœ adjapu adœke Aerode dœ Pose Pilato ngbœbatœ endje dœ angbi azu œdœ pe azu ogo Israyele ba lœ ongboncœ asœke

mbœrœ koenga koshe ga tœ Yisu, œyerœ ayi akwa nœ zœ á tshe dœ Masiya nœ zœ.

²⁸Dœ tœnœ ataa, endje mbœrœ liaka gbetshelœ nœ zœ kɔ́ á bœ za lima dœ gbɔgbɔ œdœ œeneke kɔ́ á bœ yi lima ndje ndœ nœ dœ tœ zœ.

²⁹Yé ngɔngɔ asœke Gbozu, tondœ mara á endje ndanga 'a asœke yé œ to uvuru fœ aayi akwa nœ zœ dœ endje mindœ o'o ama zœ dœ gbɔgbɔ kɔ́.

³⁰To kane zœ ga pa kumu azu kɔ́ mbœrœ adœke kœshe azu, ambára œrœ dœ pe afá, mbœrœtœ endje dœ i'iri Yisu á tshe dœ œyerœ ayi akwa nœ zœ.»

³¹Manda kœza avwala nœ endje, osho á endje sœ lima tœnœ turu yé endje para kɔ́kɔ́, endje gbɔ́ ɔ́tshɔ́ Ishiri œ tetœ kœpandœ ɔ́tshɔ́ O'o dœ gbɔgbɔ.

Ayindœ Yisu ngbɔba œrœ nœ endje ga tœ œsœnœ

³²Ukpulu azu á endje fa lima ayindœ Yisu, sœ lima dœ lɔ́su œdœ pe dœ gbetshelœ bale. Anga uzu bale pa pa lima adœke œrœ nœ œne sœ pa undu œne dœ tœ œne nene, kashe endje sœ kœngbɔba lima kɔ́ ga tœ œsœnœ bale.

³³Aayi avwa nœ Yisu sœ lima kœmindœ o'o kœshe nœ Gbozu Yisu ugurutœ akuzu dœ gbɔgbɔ, yé Ndjaba sœ lima kœza ɔ́tshɔ́ lɔ́su ye ga pa endje kɔ́.

³⁴Uzu bale dœdœ lima ayi oyo ugurutœ endje nene. Gbambanœ nene, endjeneke á endje sœ lima dœ kindi too dœ anda, endje ka lima œ na dœ ngendjanœ,

³⁵yé œ ko fœ aayi avwa. Lœ kœkurutshelœ nœ, uzu dœ uzu sœ lima kœgbɔ lindœ œeneke á li dœ she.

³⁶Anga uzu bale lœ mara nœ Alevi sœ ndje lima ugurutœ endje. I'iri ye kœdœ Yozefu á endje zu she lakpi Shipre. Aayi avwa e ndje lima she Barnabase, œ yindœ kœpa adœke «uzu kœto gbɔgbɔ».

³⁷Tshe sœ ndje lima dœ kindi nœ ye, yé œ ka, œ na dœ ngendjanœ yeka á ko fœ aayi avwa.

Akwa 5

Anania dœ Safira

¹Anga uzu bale á i'iri ye kœdœ Anania, dji lima tœ ye dœ awonœ yé œ ka kindi nœ endje.

²Manda nœ, endje sœ lima dœ egerœ lɔ́su dœ awonœ, yé œ gumasœ tshakala ngendjanœ mbœrœ endje yeka á na dœ udunœ fœ aayi avwa.

³Kashe Petro pa adœke: «Anania, mbœrœ gade á Satana li ga lɔ́su zœ ata a? Bœ fara ɔ́tshɔ́ Ishiri, yé œ gbœtœ tshakala ngendja kindi.

⁴Bœ ka má tœ kœka kindĩnœ ye nene a? Too bœ kœka, mbœrœ gadœ bœ mbœrœ má œrœ á bœ yindœ nœ dœ ngendjanœ nene a? Gbetshelœnœ asœmœ li ga lœsu zœ koto o? Œ dœdœ azu dá bœ fara endje nene, kashe Ndjaba dá bœ fara she asœmœ.»

⁵Lœkœ á tshe dji o'onœ asœmœ ataa, tshe nœ vwi œ te, œ tshu ye. Awa za azu á endje dji lima o'onœ.

⁶Agbolo modo vwele lima she dœ lœba, yé œ na œ shi she ye.

⁷Manda ada ɔɔ voto, awonœ wuwusœ œneke á mbœrœtœ endje nene, yé œ li tœndu tœndu ga sœnda ga zœ.

⁸Petro kœyu she adœke: «Pandœ nœ fœ mœ kane, pa ngendja kindĩnœ á 'e ka dœ mœ a?» Tshe kœyindœ nœ adœke: «Adjapu, pa ngendjanœ dœ mœ!»

⁹Yé Petro kpa yu she adœke: «Mbœrœ gadœ á bœ djitœ zœ dœ akœ zœ á fara ɔtshœ ishiri nœ Gbozu Ndjaba a? Dji kane, azu á endje to tœ kœshi akœ zœ, endje ka ba lœ manda ba zœ. Œbœ ndje awa bale, endje shi ndje bœ.»

¹⁰Pe kpœlœ ma ye atake, tshe te ga tœ ada Petro œ tshu ye. Lœkœ á agbolo modo li lima, endje wu adœke tshe tshu ye, yé œ za lima she á na á shi ndje she ndoo dœ akœnœ.

¹¹Egerœ awa li lima tœ azu Ikrizia œdœ pe azu á endje dji lima ndœ o'onœ asœmœ.

Afá nœ aayi avwa

¹²Aayi avwa sœ lima kœmbœrœ afá ndjoro, yé œ sœ lima kœma ambáránœ ba ugurutœ azu. Ayindœ Yisu sœ lima kœngbœtœ endje kœ ba tshakudu mbarasane nœ Salomo dœ gbetshelœ bale.

¹³Uzu á tshe gugu dœ kœyindœrœ nene œ li kœli ga ndœ endje nene, andaa azu sœ lima kœpandœ ɔtshœrœ nœ ayindœ Yisu.

¹⁴Ayakoshe dœ pe ayashe ndjoro sœ lima kœfatshalœsu endje ga ndœ Gbozu, yé œ sœ lima ga ugurutœ ayindœ Yisu asœmœ.

¹⁵Endje sœ lima kœwuta dœ aayi koba ga tœ ala awa, yé œ sœ lima kœko endje ga pa kelekpa œdœ ga pa kondja mbœrœ adœke Petro kœsœ kœro tœnœ, á ishiri ye kœna ga pa anga endje ugurutœ endje.

¹⁶Anga ukpulu azu ogo á sœ mashenga dœ Yerusaleme na ndje lima dœ aayi koba œdœ pe azu á ekpe ishiri sœ pa endje, yé endje she lima para kœkœ.

Œrœ kanga á aayi avwa wu

¹⁷Dœ lɔkɔnœ asœmœ, egerœ nganga Ndjaba œdœ endjeneke kɔ á endje sœ indiri ye, œ yindœ kœpa adœke azu tshelœ ngbɔtœ nœ Asadukayi, endje sœ lima dœ ókó.

¹⁸Endje ko aayi avwa, yé œ vwi endje ga lœ kánga.

¹⁹Kashe dœ butshɔ, andjelu nœ Gbozu kɔrɔ manda kánga yé œ ko endje ga shu, á pa fœ endje adœke:

²⁰«'E na œ sœ ba lœ Tepelo. Yé ba zœ, 'e pandœ o'o upu nœ tafo soro fœ azu.»

²¹Manda kœdji o'onœ, endje ro pe dœ amazi tuu ga lœ Tepelo, yé œ tetœ kœyisœ œrœ ba zœ. Egerœ nganga Ndjaba yikumu ye, œshe œdœ azu á endje sœ indiri ye. Endje e lima osho ndœ angbɔtœ nœ endje dœ agboro azu kœwa ngbanga, yé œ vwa azu adœke endje e aayi avwa á endje sœ ba lœ kánga.

²²Kashe lɔkɔ á aayi akwa wuta lima ba lœ kánga ba zœ, endje gbɔgbɔ lima endje nene. Endje gu yé œ pa adœke:

²³«'A wu manda kánganœ, endje tshu dœ ɔtshɔnœ yé aayi kœgbɔndœ manda nœ ka ga pa nœ. Kashe lɔkɔ á 'a kɔrɔ atake, a wuwu uzu bale ba lœ nœ ba zœ nene.»

²⁴Kœdji o'onœ ataa, gbozu nœ aayi kœgbɔndœ Tepelo œdœ pe agboro anganga Ndjaba i gbɔndjuru tœ upunœ, yé œ tetœ kœyutœ endje tœ neke á mbœrœtœ endje asœmœ.

²⁵Kashe anga uzu na lima œ pandœ nœ fœ endje adœke: «'E wu, azu á 'e ko lima endje ga lœ kánga asœmœ, endje ka ba lœ Tepelo yé œ sœ kœyisœ œrœ fœ azu.»

²⁶Yé gbozu tshapa aayi kœgbɔndœ Tepelo na dœ aturugu nœ ye, œ to aayi avwa lœ zitɔnœ kparawa adœke azu kœeveve œne dœ badja nene.

²⁷Endje na dœ endje ga lœ osho kœwa ngbanga, yé egerœ nganga Ndjaba te lima tœ kœwa ngbanga ga pa endje.

²⁸Tshe pa fœ endje adœke: «'A kɔ 'e lima dœ ɔgbɔ tœ kœyisœ œrœ dœ i'iri uzu asœmœ ye. 'E wu, 'e mbœrœ œrrr kœyisœrœ nœ 'e za tshelœ ongbo Yerusaleme djigi. Atamœ, 'e yindœ kœmɔndœ nœ adœke a'a dá wo yakoshœ asœke a?»

²⁹Kashe Apetro dœ anga udu aayi avwa gi adœke: «œ li adœke a mbœrœtœ azœ lindœ o'o ama Ndjaba, kashe œ dœdœ lindœ œnœ azu nene.

³⁰Ndjaba nœ aata azœ she Yisu á e'e, 'e wo lima she á za she ga pa kurushi ugurutœ akuzu.

31 Tshe za she ga pa kuni ye, œ fa she tœ Gbozu œdœ ayi kœshe azu mbœrœ adœke azu Israyele fatshalœsu endje yekane á Ndjaba kœdjerœndœ ekperœ nœ endje.

32 Yé tshe vwa 'a ndœ kœmĩndœ o'onœ asœke, a'a œdœ Ɔtshœ Ɔshiri á Ndjaba za fœ azu neke á endje sœ kœmbœrœtœ endje liaka o'o ama ye.»

33 Kœdji o'onœ ataa, aayi kœwa ngbanga sœ dœ ókó tœ pa nœ kpuru, yé œ yindœ kœwo aayi avwa.

34 Kashe anga Farisayi bale á Ɔ'iri ye kœdœ Gamaliyele, œshe kœdœ egerœ ayi kœyisœ awa akwa á azu kœ yindœ ye, sœ lima kpœtœmœ zœ. Tshe áalafo ba ugurutœ aayi kœwa ngbanga asœmœ, yé á pa adœke endje ko damba aayi avwa ga shu kane.

35 Manda nœ, tshe pa ngbi adœke: «Azu tshelœ Israyele, 'e gbetshelœ 'e tœ œneke á 'e yindœ kœmbœrœ fœ azu asœke kane.

36 Cœndœncœ didi damba nene, Teyudase má kpœke tœ ye b̄ata uzu á œsœ ye li, yé azu ga pa œrœ nœ kama vana te mangba ye. Endje wo she yé endjeneke kœ á endje te lima mangba ye, endje kurutshelœtœ endje dœ ɔɔ yé anga œrœ bale kpa gugu manda endje nene.

37 «Manda ye, dœ lœkœ kœdi azu, Yudasu uzu tshelœ Galilayi kpa wuta, yé azu ndjoro te mangba ye. Kashe œshe ndje tshe tshu lima, yé endjeneke kœ á endje te lima mangba ye kpa kuru ndje tshelœtœ endje.

38 Ngœngœ asœke, mœ pa fœ 'e adœke 'e kpa gbegbe dœ azunœ asœke nene; 'e katœ endje dœ endje ro. Mbœrœ œdœ gbetshelœ too akwa nœ endje kœto ba ndœ azu, œ yiwa dœ tœ endje zœ.

39 Cœdœ œ kœto ba ndœ Ndjaba, 'e li kœwo tœncœ nene. 'E mbœmbœrœ adœke 'e gbœ o'o dœ Ndjaba nene!» Aayi kœwa ngbanga para kœkœ yindœ o'o Gamaliyele ngbi.

40 Yé œ kpa e aayi avwa, œ sœ endje dœ ndjapa. Manda kœmi upu fœ endje adœke endje kpa tata Ɔ'iri Yisu nene, endje katœ endje ti.

41 Aayi avwa gitœ endje utshu aayi kœwa ngbanga yé lœsu endje sú dœ yanga, mbœrœ á endje wu oyo mangba Ɔ'iri Yisu.

42 Ɔlœ dœ ɔlœ, œdœ ba lœ Tepelo too ba sœnda, endje sœ kolœ kœyisœ œrœ nœ endje dœ pe kœpandœ Ɔtshœ O'onœ adœke Yisu kœdœ Masiya.

Akwa 6

Azu mindu dœ bisha mbœrœ kœti kane aayi avwa

¹Dœ lɔkɔnœ asœmœ, ayindœ Yisu wuta lima ndjoro. Ayudancœ á endje zu endje lima lœ angbi ogo, á endje sœ kœpa o'o ama Greke tetœ kœpulœma endje tœ upu nœ anga endje á endje zu endje ba lœ ogo Israyele. Gbambancœ nene, endje pa lima adœke ɔɔ dœ ɔɔ á endje sœ kœkurutshelœ œrœ, endje sœsœ kœgbe dœ ayashe koya á endje to lœ angbi ogo dœ ɔtshɔnœ nene.

²Aayi avwa ndjokpa dœ bisha ngbɔba ayindœ Yisu kɔ ga tœ œsœncœ, yé œ pa adœke: «œ lili adœke 'a katœ kœyisœ o'o ama Ndjaba ti yé œ gbe kolœ dœ akwa nœ kœzirœ nene.

³Mbœrœ tœncœ ataa, aaya, 'e ke azu minu dœ bisha (7) ugurutœ 'e á ɔtshɔ endje ga, endjeneke á endje sú dœ ɔtshɔ Ishiri œdœ pe kœwusœtœ yeka á a kœza akwanœ asœmœ fœ endje.

⁴Tœ a'a nœ 'a, 'a sœpe kœza avwala œdœ kœyisœ ɔtshɔ O'o.»

⁵Ayindœ Yisu para kɔkɔ yindœ o'onœ asœmœ ngbi fœ endje. Endje ke Etiene, uzu nœ kœyindœrœ œdœ ɔtshɔ Ishiri, Filipino, Prokœre, Nikanœre, Timo, Parenase œdœ pe Nikola á tshe kœdœ uzu á tshe yindœ Ndjaba nœ Ayuda ba lœ ongbo Atishe.

⁶Endje ma endje fœ aayi avwa yeka á endje za avwala, yé á to kane endje ga pa endje.

⁷O'o ama Ndjaba sœ lima kœza osho kɔ, yé ayindœ Yisu kpa ngba tɔpanœ kpuru lœ Yerusaleme. Anganga Ndjaba ndjoro fa lima lœsu endje, œ yindœ o'o nœ Yisu.

Kœtœpa Etiene

⁸ɔtshɔ lœsu œdœ pe gbɔgbɔ nœ Ndjaba su lima Etiene kperœ, tshe fa lima œrœ yé œ má ambárancœ lœ ugurutœ azu.

⁹Kashe dœ lɔkɔ asœmœ, azu tshelœ Sinagoga á endje e endje «akanga á endje za awa fœ endje», endje kœdœ anga azu ogo Sirene, dœ anga azu ogo Alekezandri, dœ anga azu tshelœ Silisi œdœ pe endje nœ Azi tetœ kœgbugburu tshelœ o'o dœ Etiene.

¹⁰Kashe b̄ata á tshe sœ lima kœpa o'o lœ kœwusœtœ á ɔtshɔ Ishiri to fœ she, awa adœke endje shara she gugu lima nene.

¹¹Endje fara lima azu dœ kowo mbœrœ á endje kœpa adœke: «'A dji she kœpa ekpe o'o ga tœ Moyize œdœ pe ga tœ Ndjaba!»

¹²Endje b̄ili azu, agbɔ Ayuda œdœ aayi kœyisœ awa akwa. Yé endje na ndoo dœ Etiene œ bopa ye, á to she rotœncœ ga lœ angbɔtœ kœwa ngbanga.

¹³Endje na dœ ekpe atimu ba zœ, yé á endje pa adœke: «Uzuncœ á tshe sœ asœke kakatœ kœpa o'o tœ œyerœ Tepelo nœ zœ œdœ pe tœ awa akwa nœ Moyize nene.

¹⁴'A dji she kœpa adœke, Yisu, uzu tshelœ Nazaretenœ asœmœ œ ndi tshelœ Tepelo asœke, yé œ yapa ndje mara kœsœ nœ aata azœ á Moyize ka lima tœ nœ fœ azœ.»

¹⁵Endjeneke kœ á endje sœ lima tœ œsœ angbœtœ kœwa ngbanganœ, endje to lima ndœ Etiene, yé œ wu tshatshu ye бата œnœ andjelu.

Akwa 7

Etiene pu o'o

¹Egerœ ngangã Ndjaba yu Etiene adœke: «œeneke á endje pa dœ i'iri zœ kœdœ adja o'o a?»

²Etiene gi adœke: «Alaya mœ œdœ pe alaba mœ, 'e dji mœ kane. Ndjaba nœ mokœ wuta lima ga tœ ata azœ dœ Abrayamo lœkœ á tshe sœ lima ba lakpi Mezopotami, utshunœ adœke tshe gu kœmbœrœ ogo Harane.

³Tshe pa lima fœ she adœke: “Katœ ogo zœ œdœ pe bingi nœ zœ ti, yé œ gu ndœ ogo á mœ yisœ nœ fœ bœ.”

⁴Yé Abrayamo katœ ogo nœ ye ba lakpi Kalade ti, œ ro kœmbœrœ ogo ba lakpi Harane. Aba Abrayamo tshu ba zœ yé manda kuzu ye, Ndjaba gi lima Abrayamo ga lœ ogo á 'e sœ lœ nœ ngœngœ asœke.

⁵Kashe Ndjaba fafa lima Abrayamo tœ ayengœ œshœnœ bale nene, á œdœ ndje osho nœ kœto ada ye ga tœnœ nene. Kashe tshe pa lima ndœ nœ fœ she adœke œne za bala ogonœ asœke fœ she dœ aatanœ, andaa œshe dœ Abrayamo gugu lima damba dœ gbolo nene.

⁶Yé Ndjaba kpa pa lima fœ she atake: “Aata zœ œ mbœrœ bala angbi ogo. Endje te bala akanga ba zœ, yé œ wu oyo manda ungu kama vana.

⁷Kashe œmœ Ndjaba, mœ pa adœke mœ wa bala ngbanga ga tœ ogo á endje te akanga lœ nœ. Manda nœ, endje wuta ba zœ yé œ gu ndœ kœza awala fœ mœ kpœtœ oshonœ asœke.”

⁸«Ndjaba lu madu dœ Abrayamo yé ambáránœ kœdœ kœwa gaza ayakoshe. Mbœrœ tœnœ dá Abrayamo wa gbolo nœ ye dœ Izaka tœ gaza œlœ á tshe mbœrœ olo mindu dœ votœ manda kœzu she. Awa bale Izaka wa lima gbolo nœ ye dœ Yakobo yé Yakobo wa ndje agbolo yakoshe nœ ye ndjokpa dœ bisha, á endje dœ aata azœ tœ gaza.»

⁹«Aata azœ mbœrœ lima uku ga tœ Yozefu yé œ ka lima she mbœrœ kœte kanga ba lœ Ezipito, kashe Ndjaba sœ lima dœ she awa bale.

10 Tshe gi she lœ oyo nœ ye kɔ, œ to kœwusœtœ fœ she yé á mbœrœ adœke tshe wuta ɔtshɔ uzu utshu Farawo, gbozugo Ezipito. Farawo za she tœ ayi kœtondœ ogo Ezipito œdœ pe œrœ tshasœnda nœ ye kɔ.

11 A sœ atake, egerœ ogo za Ezipito œdœ pe ogo Kanana djigi. Oyo ro lima sœ nœ yé awa kœgbo kœzĩrœ gugu lima tœ aata azœ nene.

12 Lɔkɔ á Yakobo dji lima adœke kœzĩrœ sœ ba lœ Ezipito, tshe vwa aata azœ utshunœ.

13 Tœ bisha kœro endje ga zœ, Yozefu pandœtœ ye fœ aayanœ, yé œ pandœ mara nœ ye fœ Farawo.

14 Manda nœ, Yozefu vwa osho adœke endje para abanœ dœ Yakobo œdœ pe ayonœ kɔ na tœnœ. Endje sœ lima kɔ azu zazu votɔ dœ ndjokpa dœ mindu.

15 Yakobo na ga lœ Ezipito, yé œ tshu ba zœ œdœ ndje pe aata azœ.

16 Endje ko lima oko endje ro tœnœ ba lœ Sikeme yeka á shi endje ba lœ udu á Abrayamo yɔ lima tshakane agbolo nœ Amore.

17 «Bata á olo kœmbœrœ œrœ má Ndjaba pa lima tœnœ fœ Abrayamo ndo ye, aata azœ zu lima azu yé œ kpa wuta ndjoro lœ ogo Ezipito,

18 yekane á anga tafo gbozugo á tshe wuwu lima sœ o'o tœ upu nœ Yozefu nene, za akwa kœgbɔndœ ogo Ezipito.

19 Gbozugonœ sœ lima kœfara azu nœ azœ, tshe ma lima ekpe ɔtshɔ ye fœ aata azœ œrrr ga tœ kœpa fœ endje adœke endje ko aaya agbolo nœ endje á endje sœpe kœɔ ɔngɔ va e mbœrœ adœke endje tshu ye.»

20 Dœ lɔkɔnœ ascœmœ dá endje zu lima Moyize. Tshe kœdœ lima ɔtshɔ gbolo tœ ala Ndjaba. Tshe mbœrœ lima yapu votɔ ba lœ anda nœ abanœ.

21 Yé manda nœ, endje katœ ye ti, yawuru nœ Farawo za she œ gbɔndœ ye lima bata adja gbolo nœ ye.

22 Endje yi lima sœ œrœ tshelœ Ezipito kɔ fœ she, yé tshe sœ lima dœ gbɔgbɔ lœ o'o œdœ pe lœ akwa nœ ye.

23 «Lɔkɔ á tshe wuta lima ga tœ ungu zazu bisha, tshe gbɔ gbetshelœ kœro ba ugurutœ aayanœ, azu tshelœ Israyele.

24 Tshe wu lima uzu Ezipito kœbi anga uzu Israyele bale. Mbœrœ kœnga pa ayonœ ascœmœ œdœ pe kœtɔ geda tshangba ye, tshe bi uzu Ezipitonœ yerœwa fœ kuzu.

25 Tshe gbe lima adœke aaya œne wusœ nœ adœke Ndjaba œ she endje lœ awa nœ œne. Andaa endje wuwu lima sœ nœ nene.

- 26 Olo bale manda nœ, Moyize kɔ tshelœ azu Israyele bisha á endje sœ tœ koshe, yé œ ngbɔba endje ga tœnœ dœ o'o atake: "Anga mœ, e'e kœdœ aayazu! Mbœrœ gadœ á 'e bitœ 'e a?"
- 27 Kashe tsheneke á tshe sœ kœbi yanganœ gɔɔ Moyize dœ o'o take: "Uzu dœ dá za bœ tœ gbozu œdœ ayi kœwa ngbanga pa 'a?"
- 28 Bœ yindœ kœwo mœ bata á bœ wo libi uzu Ezipito a?"
- 29 Kœdji o'onœ asœmœ ata, Moyize kpa œ zatœ ye yiwa tœnœ ba lœ ogo nœ Amadiane. Tshe zu lima agbolo bisha ba zœ.»
- 30 «Manda ungu zazu bisha, andjelu wuta ga tœ ye bala laba owo, ba lœ a'eara ɔɔ á sœ ba lœ kpagagasho kaga Sinayi.
- 31 Moyize i gbɔndjuru lɔkɔ á tshe wu œrœnœ asœmœ. Cœne gitœ œne ndoo á kœtondœ nœ kane, tshe dji tshama Gbozu Ndjaba kœpa adœke:
- 32 "Cœmœ kœdœ Ndjaba nœ aaba zœ, Ndjaba nœ Abrayamo, nœ Izaka dœ pe Yakobo." Awa litœ Moyize kpa kpa kpa ye; awa adœke tshe tondœ oshonœ gugu tœ ye nene.
- 33 Á Gbozu Ndjaba kœpa fœ she adœke: "Gi ada zœ lœ œrada mbœrœ osho á bœ ka ga tœnœ kœdœ œyerœ osho.
- 34 Adjapu, mœ wu oyo á azu nœ mœ sœ kœwu tœnœ ba lœ ogo Ezipito, œ dji ndœ iki endje; mbœrœ tœnœ ataa dá mœ jerœ kœshe endje. Na zœ, mœ yindœ kœvwa bœ ngɔngɔ asœke ba lœ Ezipito."
- 35 «Tshetœ Moyize á azu Israyele gɔɔ lima she á pa fœ she adœke: "Cœdœ dá za bœ tœ gbozu œdœ ayi kœwa ngbanga a?" Cœshe dá Ndjaba vwa she bata gbozu, bata ayi kœshe azu lœ awa nœ andjelu á tshe wuta ga ndœ ye ba lœ a'eara ɔɔ.
- 36 Cœshe dá ko endje wuta tœ nœ ga shu lœ ogo Ezipito. Tshe fa œrœ yé œ má ambáránœ lœ ogo Ezipito, ba tœ egerœ ungu Fala œdœ ba lœ kpagagasho manda ungu zazu bisha.
- 37 Moyize dá kpa pa fœ azu Israyele adœke: "Ndjaba œ to bala ayi kœgbara o'o bale bata mœ fœ 'e lœ ugurutœ aaya 'e."
- 38 Cœshe dá ka lima lœ ugurutœ aata azœ dœ pe andjelu á tshe pa lima o'o fœ she ba pa kaga Sinayi. Moyize dá sœ lima kœgbɔ o'o nœ soro ba ndœ Ndjaba mbœrœ kœyisœ nœ fœ azœ.
- 39 «Kashe aata azœ yiyi lima ndœ kœdji she nene; endje vwaratœ endje tœ ye yé œ yi lima ndœ kœkwatœ endje ga lœ ogo Ezipito.

⁴⁰Endje pa lima fœ Aro adœke: “Mbœrœ anga andjaba fœ 'a adœke endje gbɔndœ 'a, mbœrœ Moyize má á tshe ko azœ wuta tœnœ ga shu lœ ogo Ezipitonœ ascœmœ, 'a wuwusœ œrœ á wuta ga tœ ye nene.”

⁴¹Endje mbœrœ lima ishiri aya ngombe dœ ɔlɔnœ ascœmœ œ sœ kœto okoro ga tœnœ, yé œ mbœrœ angbo dœ yanga mbœrœ œneke á endje mbœrœ lima dœ tœ endje.

⁴²Tœ kœgi œrœ tshangbanœ fœ endje, Ndjaba dɔ tshapa ye gbɔ endje yé œ katœ endje adœke endje donga angerepe ba lafo, bata á endje sú ba la mbeti nœ ayi kœgbara o'o adœke: “Azú Israyele, œmœ dá 'e to lima agea œdœ pe tokóró fœ mœ manda ungu zazu bisha ba lœ kpagagasho a?

⁴³œ nene. 'E za gbanda tande nœ ndjaba Moloke, œdœ ishiri nœ ndjaba angerepe nœ e'e dœ Refane, ishirinœ á 'e mbœrœ dœ tœ 'e á sœ kœdonga tœnœ ascœmœ. Mbœrœ tœnœ ataa, mœ gɔrɔ 'e lœ ogo nœ 'e dœ œ vwa 'e waa ba kele Babilone.”

⁴⁴«Aata azœ sœ lima dœ gbanda tande á sœ kœma adœke Ndjaba sœ dœ azœ awa bale ba lœ kpagagasho. Ndjaba pa lima fœ Moyize adœke tshe mɔ anda tandœnœ bata œneke á tshe wu lima.

⁴⁵Aata azœ gbɔ gbanda tande ba ndœ aba endje, yé œ te œnœ endje. Lɔkɔ á Yosúwa sœ lima kœgbɔndœ endje, endje li dœ tœnœ djelœ ogo neke á endje gbɔtœnœ lœ koshe, ogo á Ndjaba gɔrɔ azú lœnœ utshu endje. Gbanda tandœnœ sœ kpœtœmœ œrrr ga tœ lɔkɔ á Davidi wuta lima gbozugonœ.

⁴⁶Davidi gbɔ ɔtshœrœ ba ndœ Ndjaba, yé œ yu osho adœke œne mɔ anda fœ Ndjaba nœ Yakobo.

⁴⁷Kashe Salomo dá mɔ lima andanœ fœ she.

⁴⁸«Andaa Ndjaba á tshe ropa œrœ kɔ sœsœ lœ anda á azú mbœrœ dœ kane endje nene. Bata á Ndjaba pa lœ awa nœ aayi kœgbara o'o adœke:

⁴⁹“Tshalafœ kœdœ osho tshagbozu nœ mœ, yé ɔshɔ kœdœ osho kœto ada mœ ga tœnœ. Anda gadé dá 'e mɔ fœ mœ a? Yé osho gadé dá mœ kœyatœ mœ tœnœ a?

⁵⁰œ dœdœ kane mœ dá mbœrœ œrœnœ ascœmœ kɔ nene a?”

⁵¹«Etiene kpa pa fœ azú kœwa ngbanga adœke: “Azú gbɔkumu, lɔsu 'e œdœ utu 'e be pa 'e tœ upu nœ Ndjaba, 'e sœ kœvwaratœ 'e ɔlɔ dœ ɔlɔ tœ ɔtshɔ ishiri. 'E sœ adja awa bale bata aata 'e.

⁵²Aayi kœgbara o'o neketa dá aata 'e ndandanga she nene a? Endje wo lima endjeneke á endje sœ kœpandœ kœna uzu á tshe sœ ndjii. Yé ngɔngɔ nœ ascœke, tshetœ ye dá 'e va ɔtɔ ye yé á wo she.

⁵³'E dji awa akwa nœ Ndjaba á aandjelu pandœ nœ foe 'e, yé œ tshapu kœza ga tœ akwa ye.»

Kuzu Etiene

⁵⁴Lɔkɔ á aayi kœwangbanga dji o'onœ ascœmœ ataa, tshatshu endje fa agba ɔkɔ, yé endje zi tshelœ daji endje gbagbara gbagbara dœ ókó ga tœ Etiene.

⁵⁵Kashe b̄ata á Etiene su lima dœ Ɔtshɔ ƙshiri, tshe tondœ tshalafo, œ wu moko nœ Ndjaba œdœ Yisu á tshe ka ga tœ kuni ye.

⁵⁶Tshe pa adœke: «'E wu, mœ tondœ tshalafo ngbi yé Gbolo nœ uzu ka ga tœ kuni Ndjaba.»

⁵⁷Kœdji o'onœ ata, endje ve ɔgbɔ rawa yé œ be utu endje ga tœncœ. Manda nœ, endje tshu kɔ ga pa ye.

⁵⁸Endje gbota she lœ ongbo ga shu yeka á tetœ kœve lima she dœ badja. Atimuncœ ka lima tœ lœba nœ endje ga tœ ada anga gbolo yakoshe bale á ƙ'iri ye kœdœ Sawulo.

⁵⁹Lɔkɔ á endje sœ lima kœve Etiene dœ badja, tshe sœ lima kœza avwala adœke: «Gbozu Yisu, za ƙshiri mœ.»

⁶⁰Manda nœ, tshe te dœ matshukuda ye, yé œ ve ɔgbɔ rawa adœke: «Gbozu, gbegbe dœ ekperœ nœ endje nene.» Manda kœpu o'o ascœmœ, tshe tshu ye.

Akwa 8

¹Sawulo sœ lima ugurutœ azu á endje yindœ nœ adœke endje wo Etiene ye.

Ali kœmbœrœ œrœ kanga foe ƙkrizia

Dœ ɔlɔncœ ascœmœ, ƙkrizia tshelœ Yerusalemte te lima tœ kœwu ɔgbɔ œrœ kanga. Kolœ aayi avwa dá lœpe lima lœ Yerusalemte kashe ayindœ Yisu para kɔkɔ kuru lima tshelœtœ endje lœ ogo Yuda œdœ pe lœ Samariya.

²Azu nœ ɔtshɔ lɔsu shi lima Etiene manda kœki she dœ oyo kɔ.

³Andaa Sawulo sœ lima kœpa avwara kœndi ƙkrizia. Tshe sœ lima kœli anda bale dœ bale yekane á gbota ayindœ Yisu, ayakoshe, ayashe yé á gu kœko endje va ga lœ kánga.

⁴Endjeneke á endje ndjɔ lima tshelœtœ endje, tetœ kœpandœ Ɔtshɔ O'o djelœ ogo djezœ kɔ.

Filipo yisœ Ɔtshɔ O'o ba lœ Samariya

⁵Filipo na œncœ ye ba lœ anga ongbo bale lœ Samariya, œ sœ kœyisœ œrœ dœ upu nœ Kristu ba zœ.

⁶Ukpulu azu kɔ yindɔe o'o ama Filipino mbɔerɔe á endje sɔe lima kɔedji she, á sɔe ndje kɔewu afá á tshe sɔe lima kɔembɔerɔe tɔenɔe.

⁷Ekpe ishiri ndjoro sɔe lima kɔewuta lɔe aayi kɔba dɔe kɔeve ɔgbɔ rawa. Azu ndjoro á ada endje tshu ɔedɔe pe agbakindi she ndje lima ye.

⁸Yé egerɔe yanga sɔe lima lɔe ongbonɔe asɔemɔe.

⁹Anga uzu má i'iri ye kɔedɔe Shimu, á tshe sɔe ndje utshunɔe lɔe ongbɔ sɔemɔe, sɔe lima kɔefa ɔerɔe tsharawo yé azu tshelɔe Samariya ki lima tɔe ɔesɔenɔe waa. Tshe zatɔe ye lima bata egerɔe uzu.

¹⁰Azu para kɔkɔ, kɔeto tɔe aaya agbolo ɔerrr ga tɔe agbozu, dji lima she tɔpanɔe kpuru. Endje pa lima adɔeke: «Yakoshenɔe asɔeke sɔe dɔe gbɔgbɔ nɔe Ndjaba, á endje e tɔenɔe egerɔe gbɔgbɔ.»

¹¹Endje zatɔe endje lima ga tɔe ye mbɔerɔe kɔefa ɔerɔe tsharawo nɔe ye á sɔe kɔeza uvuru endje lɔe nɔe.

¹²Kashe lɔkɔ á endje dji lima Ɔtshɔ O'o á Filipino yisɔe nɔe tɔe upu tshagbozu nɔe Ndjaba ɔedɔe pe i'iri Yisu Kristu, ayakoshe ɔedɔe ayashe gbɔ lima batisimu.

¹³Shimu yindɔe nɔe dɔe tɔe ye, yé ɔe gbɔ batisimu. Manda nɔe, tshe te mangba Filipino. Tshe sɔe lima kɔewu ogboro ambára ɔedɔe pe afá á Filipino sɔe kɔembɔerɔe tɔenɔe, ɔe ki tɔe ɔesɔenɔe dɔe yanga.

¹⁴Aayi avwa á endje sɔe lima ba lɔe Yerusaleme dji adɔeke, azu tshelɔe Samariya yindɔe Ɔtshɔ O'o, yé ɔe vwa Apetro dɔe Yowane fɔe endje.

¹⁵Lɔkɔ á endje wuta ba zɔe, endje 'e tshalafo mbɔerɔe azu Samariya adɔeke endje gbɔ Ɔtshɔ Ishiri,

¹⁶mbɔerɔe Ishiri jejerɔe lima damba ga pa uzu bale ugurutɔe endje nene; endje gbɔ lima kolɔe batisimu dɔe i'iri Gbozu Yisu.

¹⁷Apetro dɔe Yowane to kane endje ga pa endje, yé azu Samariya gbɔ Ɔtshɔ Ishiri.

¹⁸Kashe lɔkɔ á Shimu wu adɔeke aayi avwa to kane endje ga pa endje yeka á endje gbɔ Ɔtshɔ Ishiri, tshe yindɔe kɔeto ngendja fɔe endje.

¹⁹Ɔe pa fɔe endje adɔeke: «'E to ndje gbɔgbɔnɔe asɔeke fɔe mɔe, mbɔerɔe ɔedɔe mɔe kɔeto kane mɔe ga pa anga azu, endje gbɔ ndje Ɔtshɔ Ishiri.»

²⁰Petro kɔegi fɔe she adɔeke: «Kaka Ndjaba mbɔerɔe adɔeke bɔe yiwa awa bale dɔe ngendja nɔe zɔe, mbɔerɔe á bɔe gbe adɔeke endje yɔ ɔerɔe á Ndjaba ɔe to fɔe azu gbambanɔe dɔe ngendja.

²¹Bɔe lili kɔesɔe dɔe 'a awa bale lɔe akwanɔe asɔeke nene, bɔe gbɔ ndje anga ɔerɔe bale lɔe nɔe nene, mbɔerɔe á lɔsu zɔe sɔesɔe ndjii ba utshu Ndjaba nene.

²²Fa tshalɔsu zœ yé œ donga Gbozu á œ kœli yekane á tshe djercœndœ ekpe gbetshelœ á li ga ɔsu zœ.

²³Mbœrcœ tœncœ ataa, mœ wu adœeke bœ sœ dœ egerœ ɔsu, yé bœ fa kanga nœ ngbindircœ.»

²⁴Shimu gi adœeke: «Adja e'e kœdonga Gbozu mbœrcœ mœ, kparawa adœeke œeneke á 'e pa kœwuwuta ga tœ mœ nene.»

²⁵Manda kœgbara o'o ndje dœ kœyisœ o'o ama Gbozu, Apetro dœ Yowane kwatœ endje lima ga lœ Yerusaleme. Kœgu endje tœ ala awa, endje yi lima sœ ɔtshɔ O'o lakpi ndjoro lœ ogo Samariya.

Filipo pandœ Yisu fœ uzu Etiopi

²⁶ɔɔ bale, andjelu nœ Gbozu pa fœ Filipo adœeke: «Aafo œ na yorrr dœ awa á ro ga lœ Sudi, tœ awa á jercœ kœto lœ Yerusaleme kœna ga tœ Gaza. Tœncœ kœdœ awa á azu kpa sœsœ kœna tœncœ nene.»

²⁷Ngbewo, Filipo áalafo dœ kœero she. Kœna she yorrr tœ awancœ ascœmœ, tshe wu anga uzu tshelœ ogo Etiopi bale, á tshe dœ egerœ ayi akwa nœ Kandase, gbozu yashe ogo Etiopi. Uzunœ ascœmœ kœdœ ndje lima ayi kœgbœndœ ngendja œdœ ukpulu œrcœ nœ gbozu yashenœ yekane á ro lima ga lœ Yerusaleme mbœrcœ kœdonga Ndjaba,

²⁸yé á sœ kœgu tœncœ ga ndœ ye. Tshe sœ lima ga lœ share nœ ye œ sœ kœdi mbeti á ayi kœgbara o'o Isaya su.

²⁹ɔtshɔ Ishiri kœpa fœ Filipo adœeke: «Gitœ zœ ga utshuncœ œ togba dœ sharencœ ascœmœ.»

³⁰Filipo na dœ ɔɔ, œ dji uzu ogo Etiopinœ á tshe sœ kœdi mbeti á ayi kœgbara o'o Isaya su dœ avwara ga lafo. Á tshe kœyu she adœeke: «Adja bœ wusœ ádá œeneke á bœ di ascœke ye a?»

³¹Uzunœ gi fœ she adœeke: «œdœ uzu kœyisœ ádáncœ ngbi fœ mœ nene, mœ wu má sœ nœ koto o?» Yé tshe e Filipo adœeke tshe ɔ œ sœ ga indiri œne.

³²œeneke á endje sú lima ba la mbetinœ á tshe sœ kœdi lima tœncœ dœke: «Tshe sœ bata pata á endje na dœ she ga tœ osho kœwo apata, tshe sœ bata aya pata á tshe kiki utshu ayi kœli usu kote ye nene, tshe ii lima ama ye bale nene.

³³Endje za tshula fœ she, yé œ wa ɔgbɔ ngbanga ga pa ye. œdœ dá pa bala o'o mbœrcœ agbolo tshangba ye a? Gbambancœ nene, endje wa tshelœ olo ye pa ɔshɔ.»

³⁴Uzu ogo Etiopi scœmœ yu Filipo adœeke: «Wu oyo mœ kane, œdœ dá ayi kœgbara o'o patœ ye ataa? Tshe patœ ye dœ tœ ye too tshe patœ anga angbi uzu?»

³⁵Filipo kœto kpœpa œeneke á endje sú ba la mbeti ascœmœ yeka á yisœ Ɔtsho O'o nœ Yisu fœ she.

³⁶Endje ngbœtœ awa ana nœ endje œ na œerrr, œ wuta ga tœ anga ungu á sœ ba indiri awa, yé uzu Etiopi kœyu adœke: «Wu ungu ascœke, œrœ gadœ dá pakata mœ ndœ kœgbo batisimu a?»

[³⁷Filipo kœpa fœ she adœke: «œdœ bœ kœyindœ nœ dœ lœsu zœ bale, mœ za batisimu fœ bœ ye.» Yé uzu sœmœ kœgi fœ she adœke: «Mœ yindœ nœ adœke Yisu Kristu kœdœ Gbolo nœ Ndjaba.»]

³⁸Tshe kœpa fœ ayi kœkpa dœ share adœke endje ka kpœke. Afilipo kœjerœ dœ she ga la ngu yé Filipino kœza lima batisimu fœ she.

³⁹Lœkœ á endje wuta langunœ, Ishiri nœ Gbozu za Filipino yé uzu Etiopi kpa wuwu she nene. Kashe tshe te lima tœ awa kœgu she dœ yanga.

⁴⁰Filipo wuta ba lakpi Azote, yé tshe ro kœyisœ Ɔtsho O'o na tœnœ lœ ongbo bale dœ bale djezœ œerrr vesho ga lakpi Sezaré.

Akwa 9

Sawulo fatshalœsu ye

¹Dœ lœkœnœ ascœmœ, Sawulo sœ kolœ dœ gbetshelœ nœ kœmbœrœ œrœ kanga fœ azu Ikrizia œdœ pe kœpara awa nœ kœyiangwa endje. Tshe na ga ndœ egerœ nganga Ndjabanœ,

²œ yœndœ mbeti á za awa fœ she kœli djelœ Sinagoga á sœ lakpi Damaseke. œdœ tshe kœwuta ba zœ á gbœ azu, ayakoshe too ayashe má endje sœ kœza awa Yisu, tshe i endje dœ djingiri yé œ gu dœ endje ga lœ Yerusaleme.

³Lœkœ á tshe te lima tœ awa yé á wuta lima ndœ dœ Damaseke, ishiri owo to ngbai ba lafo œ jerœ ga pa ye zakpi.

⁴Tshe te ga tœ œshœ, œ dji tshama uzu kœpa adœke: «Sawulo, Sawulo, mbœrœ gadœ á bœ mbœrœ œrœ kanga fœ mœ ataa?»

⁵Tshe yu adœke: «Gbozu, œbœ kœdœ dœ?» Yé tshamanœ kœgi adœke: «œmœ kœdœ Yisu, œmœ á bœ mbœrœ œrœ kanga fœ mœ.

⁶Kashe aalafo œ li ga lœ ongbo, yé ba zœ dá endje pandœ œeneke á li adœke bœ mbœrœ, fœ bœ.»

⁷Azu á endje na tœ ala awa dœ Sawulo ka lima, œ sœ kokoko; endje dji lima tshama uzu kashe endje wuwu lima she nene.

⁸Sawulo áalafo lœ ɔshɔ, kashe ataa tshe kɔrɔ ala ye gbaa, tshe wuwu lima osho bale nene. Anganœ á tshe na lima tœ ala awanœ dœ endje dá za ama kane ye yeka á gbotá she duru duru rotœnœ ga lakpi Damaseke.

⁹Tshe mbœrœ lima olo votɔ lœ bula; tshe zizi lima œrœ yé œ ndjo ndje ungu nene.

¹⁰Anga yindœ Yisu bale á i'iri ye kœdœ Anania sœ lima ba lœ Damaseke. Gbozu e she lœ ulu adœke: «Anania!» Tshe gi fœ she adœke: «Mœ sœ kea, Gbozu!»

¹¹Gbozu kpa pa adœke: «Na dœ ala awa má endje e tœnœ awa Ndjii, œ yu osho ba lœ anda nœ Yudasi tœ anga yakoshe tshalakpi Tarse bale á i'iri wu Sawulo. Tshe sœ kœza avwala ba zœ,

¹²yé lœ ulu, tshe wu anga yakoshe bale á i'iri ye kœdœ Anania kœli yé á to kane ye ga pa ye adœke tshe kpa wu osho.»

¹³Anania gi adœke: «Gbozu, mœ dji azu ndjoro kœpa o'o tœ yakoshenœ asœke œdœ kœpandœ ngbindiœ kɔ á tshe mbœrœ fœ azu kœyindœ zœ ba lœ Yerusaleme.

¹⁴Yé ngɔngɔ asœ, tshe wuta ba ke dœ mbeti á tshe gbɔ ba ndœ agbozu tshapa anganga Ndjaba mbœrœ kœi endjeneke kɔ á endje e i'iri zœ lœ ama endje, dœ djingiri.»

¹⁵Kashe Gbozu pa fœ she adœke: «Na zœ, gbambanœ nene, mœ ke yakoshenœ ascœmœ tœ uzu akwa nœ mœ, yé kpœpa ye dá i'iri mœ œ to lœ ogo nœ angbi azu, ba utshu agbozugo œdœ pe ndje ba utshu azu Israyele.

¹⁶œmœ dœ tœ mœ, mœ yisœ mara á li dœ she kœwu œrœ kanga mbœrœ i'iri mœ.»

¹⁷Anania ro œ li ga lœ anda, œ to kane ye ga pa Sawulo yé œ pa adœke: «Aya mœ, Sawulo! Gbozu dá vwa mœ. Yisu á tshe wuta lima ga tœ zœ tœ ala awa á bœ na lima tœnœ, œshe dá vwa mœ adœke bœ kpa tondœ osho yé œ gbɔ ɔtshɔ fshiri.»

¹⁸Pe kpœtœ œsœnœ, œrœ bata djepɛ yo lœ ala ye dœ Sawulo. Tshe tetœ kœwu osho, œ áalafo yé œ gbɔ batisimu.

¹⁹Manda nœ, tshe zi œrœ yeka á uvuru gu ga lœ nœ.

Sawulo yisœ o'o ama Ndjaba ba lakpi Damaseke

Tshe mbœrœ lima olo teasho dœ ayambarœ nœ Yisu á endje sœ lima lœ Damaseke.

²⁰œndœ ye didi lima nene á tshe tetœ kœpandœ nœ lœ Sinagoga adœke, Yisu kœdœ Gbolo nœ Ndjaba.

²¹Endjeneke kɔ́ á endje sœ lima kœdji she, endje katœ ama endje ti ɔsɔ́ yé œ pa adœke: «œ dœdœ yakoshe asœ dá sœ lima kœmbœrœ œrœ kanga fœ azu á endje yindœ i'irí Yisu ba lœ Yerusaleme nene a? Tshe nana lima ndœ kœi endje dœ djingiri, yé á kœgu dœ endje fœ agbozu tshapa anganga Ndjaba nene a?»

²²Kashe gbɔgbɔ́ kœyisœ ɔtshɔ́ O'o nœ Sawulo gerœ lima dœ pa nœ: bataká tshe sœ lima kœma ngbi adœke Yisu kœdœ Masiya, Ayuda á endje mbœrœ lima ogo lakpí Damaseke kpa gugu lima dœ o'o ndœ kœgi fœ she nene.

²³œndœncœ di manda nœ œrrr atake, Ayuda vwarandœ upu kœwo she.

²⁴Kashe Sawulo wusœ kœvwarandœ upu nœ endje asœmœ ye. Endje sœ kœgbɔndœ egerœ manda ongbonœ butshɔ́ dœ ɔlɔ́ mbœrœ á endje kœwo she.

²⁵Dœ anga butshɔ́ bale, ayambarœ nœ ye za she ga lœ kingi, œ gi she dœ uwu yorrr ga ati dja gakele gbagba.

Sawulo ba lœ Yerusaleme

²⁶Sawulo wuta ba lœ Yerusaleme œ yindœ kœli ga ugurutœ ayindœ Yisu, kashe endje kpa lima awa ye kɔ́ mbœrœ endje yiyi lima ndœ nœ katsha nene adœke tshe te yindœ Yisu.

²⁷Yé Barnabase za she po tœ ye, œ gi she fœ aayi avwa. Tshe pandœ mara á Sawulo wu Gbozu tœ ala awa œdœ mara á Gbozu pa lima o'o fœ she. Tshe kpa pa ndje fœ endje mara á tshe sœ lima kœyisœ œrœ ngbi dœ i'irí Yisu ba lœ Damaseke.

²⁸Pe ndœ lɔkɔncœ asœmœ, Sawulo te ga ndœ endje yé endje tetœ kœyisœ œrœ ngbi dœ i'irí Gbozu lœ Yerusaleme.

²⁹Tshe pa lima o'o fœ Ayuda á endje sœ kœpa o'o ama Greke yé endje sœ lima kœgbugburu tshelœ o'o dœ endje. Kashe endje sœ lima kœpara awa ndœ kœwo she.

³⁰Ayanœ lœ Yisu dji o'onœ ataa, œ to she ro tœncœ ga lœ Sezaré yeka á gbɔ́ awa kœgi she ga lœ Tarse.

³¹Azu Ikriزيا sœ lima gee lœ ogo Yuda djigi, lœ ogo Galilayi œdœ pe ndje lœ Samariya. Endje sœ lima kœkpa awa Gbozu, yé ɔtshɔ́ ɩshirí za lima gbɔgbɔ́ fœ endje adœke kœyindœrœ nœ endje gerœ.

Ene she lœ koba nœ ye ba lakpi Lida

³²Petro á tshe sœ lima kœro dje lœ ogonœ asœmœ kɔ́, na dœ anga ɔlɔ́ bale ba ndœ ayindœ Yisu á endje sœ lima ba lœ Lida.

³³Tshe gbɔ́ anga yakoshe á i'irí ye kœdœ Ene á tshe lo ga ati dœ koba mangba ungu mindu dœ votɔ́, gbambancœ nene, ada ye tshu lima tshakudu ye.

³⁴Petro pa fœ she adœke: «Ene, Yisu Kristu she bœ ye. Aalafo œ guma gbarœ olo zœ!» Yé katsha Ene áalafo.

³⁵Azu kɔ lakpi Lida œdœ pe endje nœ akpala osho Sarone wu she ataa, œ fatshalɔsu endje ga ndœ Gbozu.

Tabita she lœ kuzu

³⁶Anga yashe bale sœ lima ba lœ Yope, œshe lima kœdœ yindœ Yisu; endje e she lima Tabita. Endje fa tshelœ i'iriñœ lima dœ o'o ama Greke «Dorkase», œ yindœ kœpa adœke «mbele». Tshe sœ lima kœmbœrœ ɔtshœrœ waa, yé œ sœ kœto œrœ fœ aayi oyo.

³⁷Dœ olonœ asœmœ, tshe gbɔ koba yé œ tshu. Manda kœdjutɔ she, endje za she ga lœ gbɔshɔ ba lafo.

³⁸Bata á tshalakpi Lida sœ ndoo dœ Yope, ayindœ Yisu dji lima ndœ nœ adœke Petro sœ lœ Lida, œ vwa azu bisha dœ o'o fœ she adœke: «Vava ada zœ nene, na ga ndœ 'a katsha ga mœ kane.»

³⁹Petro na ga ndœ endje katsha. Lɔkɔ á tshe wuta ba zœ, endje 'ɔ dœ she ba lœ gbɔshɔ á sœ ba lafo, yé ayashe koya para kɔkɔ ka ga utshu ye dœ ngola lœ ala endje. Endje yisœ lœba okoro œdœ pe yɔgbɔdɔ lœba á Dorkase sœ lima kœmbœrœ tœnœ lɔkɔ á tshe sœ dœ soro.

⁴⁰Petro gɔrɔ azu ga shu para kɔkɔ œ gote dœ matshukuda ye, yé œ ki fœ Ndjaba. Manda nœ, tshe fatœ ye yorrr ga tœ oko uzunœ, œ pa adœke: «Tabita, áalafo.» Tshe kɔrɔ ala ye œ tondœ Petro, œ yɔrɔtshelœtœ ye yé œ sœ ga ati dœ budu ye.

⁴¹Petro bopa kane ye œ ti she ga lafo, yé œ e ayindœ Yisu œdœ pe ayashe koya yeka á ma she dœ soro fœ endje.

⁴²Endje dji o'onœ lœ ongbo Yope djigi, yé azu ndjoro fatshalɔsu endje ga ndœ Gbozu.

⁴³Petro lo olo ndjoro ba lakpi Yope ba ndœ Shimu á tshe dœ ayi kœguma ɔko agea.

Akwa 10

Apetro dœ Korneye

¹Anga yakoshe bale ba lœ Sezaré, i'iri ye kœdœ Korneye; œshe kœdœ gbozu tshapa ukpulu aturugu lœ Roma á endje e tœnœ «ukpulu aturugu tshelœ Itali».

²Tshe sœ dœ kœyindœrœ ga ndœ Ndjaba, œ sœ kœkpa awa ye awa bale ndje dœ azu tshasœnda nœ ye. Dœ tœnœ ataa, tshe sœ lima kœto œrœ fœ Ayuda á endje sœ lima dœ oyo, yé œ sœ ndje kœki lima fœ Ndjaba ɔlɔ dœ ɔlɔ.

- ³Anga ɔɔ bale, dɔe ada ɔɔ voto manda kakpi ɔɔ, tshe wu andjelu nɔe Ndjaba lɔe ulu kɔeli ga ndɔe ye, yɛ andjelunɔe e she adɔeke: «Korneye!»
- ⁴Korneye tondɔe ye dɔe awa, yɛ ɔe gi fɔe she adɔeke: «O'o gade, Gbozu?» Andjelu pa fɔe she adɔeke: «Ndjaba dji avwala nɔe zɔe ɔedɔe pe ɔtshɔrɔe á bɔe sɔe kɔembɔerɔe tɔenɔe fɔe aayi oyo yɛ tshe djedjerɔendɔe zɔe nene.
- ⁵Ngɔngɔ asɔeke, vwa azu ba lakpi Yope kɔ'e Shimu á anga i'iri ye kɔedɔe Petro gu tɔenɔe ga mɔe.
- ⁶Tshe sɔe kɔelo ba ndɔe anga ayi akwa kɔeguma ɔkɔ agea á i'iri ye kɔedɔe Shimu; á anda nɔe ye sɔe ba tɔe ama egerɔe ungu.»
- ⁷Lɔkɔ má andjelu á tshe pa o'o fɔe she yiwa, Korneye e anga aayi akwa nɔe ye bisha ɔedɔe pe anga turugu nɔe ɔtshɔ lɔsu á tshe sɔe tshakudu ye katshatsha.
- ⁸Tshe yisɔe ɔerɔe kɔ á mbɔerɔetɔe ye fɔe endje, yɛ ɔe vwa endje ba lakpi Yope.
- ⁹Osho kɔrɔ pa nɔe, endje sɔepe tɔe awa kɔero tɔenɔe ɔe wuta ndoo dɔe Yope, Petro ɔ ga tɔe akpala osho ba pa kumu anda mbɔerɔe kɔeza avwala fɔe Ndjaba. ɔɔ wuta lima ga pa ɔerɔe nɔe kakpi ɔɔ.
- ¹⁰Kashe tshe sɔe lima dɔe ogo, yɛ ɔe yindɔe kɔezi ɔerɔe. Lɔkɔ á endje sɔe lima kɔefa kɔezirɔe fɔe she, tshe wu ɔerɔe lɔe ulu.
- ¹¹Tshe wu tshalafo kɔrɔ yɛ anga ɔerɔe bata egerɔe lɔeba tshapa meza á endje du uwu ga tɔe amance vavana kɔ sɔe kɔerɔe ga ati.
- ¹²Yɛ agea kɔ á ada endje sɔe vana, endjeneke á endje sɔe kɔe'ɔrɔ dɔe lavu endje tɔe ɔshɔ ɔedɔe pe endjeneke á endje sɔe kɔeru ba lafo, sɔe lima ba lɔe nɔe.
- ¹³Tshe dji tshama uzu kɔepa fɔe she adɔeke: «Petro! Áafo, ɔe wo ageance asɔe yɛ ɔe zi endje.»
- ¹⁴Petro gi fɔe she adɔeke: «Bale nene, Gbozu. Mbɔerɔe lɔe soro mɔe, mɔe zizi ɔerɔe uburu too ekperɔe nene.»
- ¹⁵Tshe kpa dji tshama uzu kɔepa fɔe she tɔe bishance adɔeke: «Eneke á Ndjaba mbɔerɔe yerɔe, ɔe lili dɔe bɔe kɔepa adɔeke ɔetɔenɔe kɔedɔe ɔerɔe uburu nene.»
- ¹⁶Tshamance wu awa voto yɛ katsha manda nɔe, ɔerɔenɔe ɔ ga lafo.
- ¹⁷Petro sɔe kɔeyutɔe ye tɔe ádá ɔerɔe á tshe wu lɔe ulu atake, tshokombe azu á Korneye vwa endje á endje sɔe kɔeyu osho djezɔe djezɔe tɔe anda nɔe Shimu, kɔeyi kumu endje ga pa egerɔe manda gbagba.
- ¹⁸Endje e osho yɛ, ɔe yu adɔeke: «Shimu á anga i'iri ye kɔedɔe Petro sɔe kɔelo kpɔeke a?»

19Petro sœpe lima kolœ kœgbe tshelœ ye tœ œrœ á tshe wu lœ ulu asœmœ, kashe Ishiri pa fœ she adœke: «Wu, azu votɔ á endje sœ kœpara bœ asœke.

20Aafo œ Jerœ yé œ gu tœ awanœ bale dœ endje. Awa zaza bœ nene mbœrœ œmœ dá vwa endje.»

21Petro jerœ ga ndœ endje, œ pa fœ endje adœke: «œmœ dœke. Uzunœ á 'e sœ kœpara she kœdœ œmœ. 'E na ndœ gafe?»

22Endje gi fœ she adœke: «Gbozu tshapa ukpulu aturugu á i'iri ye kœdœ Korneye dá vwa 'a. œshe kœdœ ɔtshɔ uzu á tshe sœ kœkpawa Ndjaba, yé Ayuda para kɔkɔ yindœ ye waa. Anga andjelu nœ Ndjaba bale dá pandœ nœ fœ she lœ ulu adœke tshe 'e bœ ba lœ anda nœ ye á kœdji œneke á bœ pa fœ she.»

23Petro pa adœke endje li gasœnda, yé œ yisœ osho olo fœ endje. Osho kɔrɔ pa nœ bale, tshe gu tœ awanœ dœ endje. Anga ayindœ Yisu lakpi Yope gu tœ awanœ dœ endje.

24Yé tœ bisha olo manda nœ, tshe wuta ga lœ Sezaré. Dá asœmœ ba ndœ Korneye, tshe e ayo nœ ye œdœ pe anganœ á tshe yindœtœ ye dœ endje waa, yeka á endje sœ lima kœkate endje.

25Lɔkɔ á Petro yi kumu ye, Korneye na para tshatshu ye œ gote ga tœ ada ye mbœrœ kœma ɔtshɔ lɔsu ga ndœ ye.

26Petro pa fœ she dœ kœti she ga lafo adœke: «Aalafo, œmœ ndje kœdœ amba uzu gbambanœ.»

27Manda nœ, tshe sœ kœpu o'o dœ Korneye li tœnœ ga sœnda, tshe wu azu ndjoro á endje ngbɔtœ endje ba zœ.

28Tshe pa ngbi fœ endje adœke: «Bata á 'e wusœ nœ, œ sœ dœ ekpenœ adœke Ayuda yindœ angbi uzu too kœsœ dœ she tœ œsœnœ bale. Kashe Ndjaba má fœ mœ adœke, mœ papa fœ uzu bale adœke œshe kœdœ ayi uburu too adœke Ndjaba vwaratœ ye tœ ye nene.

29Mbœrœ tœnœ ataa dá mœ vwavwaratœ mœ kœna ga mœ lɔkɔ á bœ vwa osho ndœ mœ nene. Kashe ngɔngɔ asœke, mœ yindœ kœwusœ ádá á bœ 'e mœ ga mœ.»

30Korneye kœgi fœ she adœke: «Mœ sœ lima kœza avwala fœ Ndjaba ba sœnda nœ mœ, œ mbœrœ lima olo votɔ dœ ada ɔlɔ votɔ manda kakpi ɔlɔ. Mœ sœ atake, anga uzu bale á tshe verœ imbi lœba uruuu ka ga utshu mœ,

31yé œ pa fœ mœ adœke: “Korneye, Ndjaba dji avwala nœ zœ yé œ djedjerœndœ œrœ á bœ to lima fœ aayi oyo nene.

³²Vwa anga uzu ba lœ Yope kœ'e Shimu á anga i'iri ye kœdœ Petro kœgu ba ke. Tshe sœ kœlo ba sœnda nœ Shimu, ayi kœguma ɔkɔ agea á anda nœ ye sœ ba tœ mangu egerœ ungu.”

³³Mœ vwa uzu ndœ kœpara bœ, yé bœ yindœ kœna tœnœ dœ ɔtshɔnœ. Ngɔngɔ asœke, a'a kɔ 'a ka ga utshu Ndjaba mbœrœ kœdji œneke á Gbozu za awa fœ bœ adœke bœ pandœ nœ fœ 'a.»

O'o nœ Petro

³⁴Yé Petro za o'o œ pa adœke: «Mœ wu adja sœ nœ ngɔngɔ asœ adœke Ndjaba keke azu mbœrœ tshatshu endje nene.

³⁵Yé lœ ogo kɔ, uzu á tshe sœ kœkpawa Ndjaba yé á sœ kœmbœrœ œrœ á sœ ndjii, Ndjaba œ yindœ ye.

³⁶Tshe vwa o'o fœ azu tshelœ Israyele, ɔtshɔ O'o kœsœ gee lœ awa nœ Yisu Kristu á tshe dœ Gbozu nœ azu kɔ.

³⁷«'E wusœ œneke á wuta lima utshunœ ba lœ Galilayi, lœ ogo Yuda djigi dœ lɔkɔ á Yowane sœ lima kœyisœ œrœ, á sœ ndje kœza batisimu fœ azu.

³⁸'E wusœ mara á Ndjaba to gbɔgbɔ nœ ɔtshɔ Ishiri fœ Yisu á tshe dœ uzu Nazarete. Tshe na djetœ osho kɔ dœ kœmbœrœ ɔtshɔrœ, tshe she endjeneke para á endje dœ lima akanga nœ djaboro, mbœrœ Ndjaba sœ lima awa bale dœ she.

³⁹«Yé a'a, 'a kœdœ atimu nœ œrœ kɔ á tshe mbœrœ ba lœ ogo nœ Ayuda œdœ ba lœ Yerusaleme. Endje wo she œ kuru she ga pa kurushi.

⁴⁰Kashe Ndjaba she she ugurutœ akuzu manda olo votɔ, yé œ to uvuru fœ she adœke tshe kpa matœ ye.

⁴¹œ dœdœ mbœrœ azu djigi nene, kashe fœ 'a á Ndjaba ke 'a katshatsha utshunœ bata atimu. 'A zi œrœ œ ndjo œrœ awa bale dœ she manda kœshe she ugurutœ akuzu.

⁴²Mbœrœ tœnœ ataa, tshe pa fœ 'a adœke 'a yisœ nœ fœ azu yé œ ma ndœlanœ fœ endje adœke, œshe dá Ndjaba za she ndœ kœwa ngbanga pa asoro œdœ akuzu.

⁴³Aayi kœgbara o'o kɔ pa lima tœ ye adœke uzu kɔ á tshe sœ dœ kœyindœrœ ga ndœ Yisu, lœ gbɔgbɔ nœ i'iri ye dœ Yisu dá Ndjaba œ djerœndœ ekperœ nœ ye.»

ɔtshɔ Ishiri jœrœ ga pa angbi azu

⁴⁴Lɔkɔ á Petro sœpe lima kœpu o'o, ɔtshɔ Ishiri jœrœ ga pa endjeneke kɔ á endje dji lima o'o ye.

⁴⁵Ayindœ Yisu á endje kœdœ Ayuda á endje na lima tœ awanœ dœ Petro ka lima tœ ama endje ti ɔɔ kœwu adœke: Ɔtshɔ Ishiri á Ndjaba vwa, jœrœ ndje lima ga pa angbi azu.

⁴⁶Yé endje sœ lima kœdji angbi azunœ kœdonga Ndjaba ndje kœpa o'o ama ogo á endje sœsœ lima kœdji tœncœ nene. Petro kpa kœpa adœke:

⁴⁷«Bata á azu asœke gbɔ ndje Ɔtshɔ Ishiri bata azœ, œde dá kpa kɔ endje tœ kœgbɔ batisimu dœ ungu a?»

⁴⁸Tshe za o'o adœke endje za batisimu fœ endje dœ i'iri Yisu Kristu. Manda nœ, angbi azunœ yu she adœke œne yatœ œne dœ she manda olo teasho kane.

Akwa 11

O'o nœ Petro utshu Ikrizia lœ Yerusaleme

¹Aayi avwa œdœ ayindœ Yisu á endje sœ lima ba lœ Yuda dji adœke angbi azu yi ndje ndœ o'o ama Ndjaba.

²Lɔkɔ á Petro ɔ ga lœ Yerusaleme, anga ayindœ Yisu á endje dœ Ayuda, tetœ kœgbugburu tshelœ o'o dœ she

³adœke: «Bœ li ga ndœ angbi azu yé œ zi œrœ dœ endje!»

⁴Yé Petro pandœ œneke kɔ á ro, kœto ba tœ adanœ bale dœ bale fœ endje adœke:

⁵«Lɔkɔ á mœ sœ lima kœki fœ Ndjaba ba lakpi Yope, mœ wu œrœ lœ ulu: anga œrœ bale bata egerœ lœba tshapa meza á endje du uwu ga tœ amanœ vavana kɔ. Ɔœrœncœ asœmœ to ba lafo, œ jœrœ ga ati ndɔɔ ndoo dœ mœ.

⁶Mœ to lima ndœ nœ yima yé œ wu agea gusu á ada endje sœ vana, endjeneke á endje ɔɔ dœ lavu endje œdœ pe endjeneke á endje ru ba lafo.

⁷Manda nœ, mœ dji tshama uzu kœpa fœ mœ adœke: “Petro! Aalafo, œ wo agea asœke yé œ zi endje.”

⁸Yé mœ pa adœke: “Bale nene, Gbozu. Gbambanœ nene, lœ soro mœ, mœ zizi œrœ uburu too ekperœ nene.”

⁹«Tœ bishanœ, tshama uzu to ba lafo adœke: “œneke á Ndjaba mbœrœ yerœ, œ lili dœ bœ kœpa adœke œtœncœ kœdœ uburu nene.”

¹⁰Ɔœrœncœ wu ata awa votɔ, yé œ ɔ ga lafo.

¹¹Yé tshokombele, azu tshelœ Sezaré votɔ yi kumu endje ba tœ anda á 'a sœ tœncœ. Endje na ndœ kœpara mœ.

¹²Ɔtshɔ Ishiri pa fœ mœ adœke mœ gu katsha tœ awanœ dœ endje. Ayakoshencœ minu dœ bale á mœ to endje rotœncœ ga mœ asœke, 'a na tœ

awanœ dœ endje œrrr ba læ Sezaré yé œ li dœ endje kɔ ga læ anda nœ yakoshenœ asœmœ á i'iri ye kœdœ Korneye.

¹³Tshe pandœ mara á andjelu wuta ga tœ ye ba sœnda yé á pa fœ she adœke: “Vwa anga uzu ba læ Yope kœ'e Shimu á anga i'iri ye kœdœ Petro, tshe gu ba ke.

¹⁴Tshe pandœ o'o á za kœshe fœ bœ dœ azu tshascœnda nœ zœ kɔ.”

¹⁵«Lɔkɔ á mœ sœ kœpa o'o, Ɔtshɔ Ishiri jerœ ga pa endje bata á jerœ lima utshunœ ga pa azœ.

¹⁶Mœ gbe tshelœ mœ ndœ o'o á Gbozu pa lima adœke: “Yowane za lima batisimu nœ ungu, kashe e'e, 'e gbɔ batisimu læ Ɔtshɔ Ishiri.”

¹⁷Ɔdœ Ndjaba kœto ɔtshœrœ fœ azunœ asœke bata á tshe to fœ azœ á ayindœ o'o Gbozu Yisu Kristu, œmœ kœdœ œdœ yeka á kɔ Ndjaba tœ kœmbœrœ œrœ a?»

¹⁸Manda kœdji o'onœ asœmœ, endje sœ koko yé œ za mokɔ fœ Ndjaba dœ kœpa adœke: «Adjapu, Ndjaba to ndje awa kœfatshalɔsu œdœ pe awa kœgbɔ soro fœ angbi azu.»

Ali Ikrizia læ Atiŝhe

¹⁹Ɔrœ kanga á mbœrœtœ endje lima dœ lɔndɔ á endje wo lima Etiene, mbœrœ adœke ayindœ Yisu ndjɔ lima tshelœtœ endje nɔngbangɔ djezœ. Anga endje ro lima ga læ Fenisi, ga læ Shipre œdœ ga læ Atiŝhe; kashe endje sœ lima kœyisœ Ɔtshɔ O'o nœ Ndjaba kolœ fœ Ayuda.

²⁰Andaa, anga endje ugurutœ endje á endje kœdœ azu tshelœ Shipre œdœ Sirene, endje na ba læ Atiŝhe yé œ yi ndje sœ Ɔtshɔ O'o nœ Gbozu Yisu fœ Agreke.

²¹Gbɔgbɔ nœ Gbozu sœ lima dœ endje awa bale dœ mara adœke azu ndjoro fatœ endje ga ndœ Gbozu yé œ wuta ayindœ Yisu.

²²Azu Ikrizia læ Yerusaleme dji o'onœ, yé œ vwa Barnabase ba læ Atiŝhe.

²³Lɔkɔ á Barnabase yi kumu ye á wu mara ɔtshœrœ á Ndjaba mbœrœ fœ ayindœ Yisunœ asœmœ, tshe sœ dœ yanga yé œ pa fœ endje kɔ adœke endje za lɔsu endje djigi fœ Gbozu.

²⁴Barnabase kœdœ ɔtshɔ uzu, tshe sœ dœ Ɔtshɔ Ishiri œdœ pe kœyindœrœ waa. Ukpulu azu ndjoro te lima azu nœ Gbozu.

²⁵Manda nœ, Barnabase na kœpara Sawulo ba læ Tarse.

²⁶Tshe gbo she ba zoe oe gu doe she ga loe Atioshe. Endje bibisha, endje mboeroe lima ungu bale ba loe Ikriziane asoemoe ye oe yisoe eroe foe azu ndjoro. Ba loe Atioshe da endje e i'iri «Akristu» toe alinoe ga toe ayindo Yisu.

Ceroe a ma koeroe loe ugurute azu

²⁷Doe lokone asoemoe, anga aayi koegbara o'o to ba loe Yerusaleme oe soe koena ga loe Atioshe.

²⁸Anga bale a i'iri ye koedoe Agabuse, a Jtsho Ishiri soe koema eroe foe she, mindoe noe adoeke egeroe ogo oe za tshapasho djigi loe ondone zoe. Manda noe, oe mboeroeto endje lima doe londo a Klode doe lima gbozugo Roma.

²⁹Mboeroe tene ataa, ayindo Yisu wa o'o adoeke ene vwa eroe foe anga ene a endje soe ba loe Yuda. Uzu doe uzu oe to liaka gbo gbo noe ye.

³⁰Endje mboeroe lindoe eneke a endje wa, ye oe vwa eroe a endje gbo, loe awa noe Abarnabase doe Sawulo foe agbozu loe ogo Yuda.

Akwa 12

Kuzu Jake edoe koza Petro ga loe kanga

¹Doe londone asoemoe, gbozugo Erode soe lima koemboeroe eroe kanga foe anga azu Ikrizia.

²Tshe mboeroe adoeke endje wo Jake, aya Yowane, doe ugu kamba.

³Ye loko a tshe wu adoeke eroe ma ene mboeroe za yanga foe Ayuda waa, tshe kpa pa adoeke, endje za Petro. Oe soe lima doe loko angbo noe mapa a susuku nene.

⁴Tshe bopa ye oe vwi she ga loe kanga, ye oe pa foe ukpulu aturugu vana a ngboba aturugu vana vana, mboeroe koegbondo ye. Tshe soe koegbe lima adoeke manda angbo Pake yeka a ene koedji she ba utshu azu para koko.

⁵Endje gbo lima ndoe Petro ba loe kanga, kashe azu Ikrizia kaka lima toe koza avwala doe i'iri ye foe Ndjaba nene.

⁶Erode yi lima ndoe koewa ngbanga noe ye toe ala azu para koko. Doe butshone asoemoe, Petro lo ba ugurute aturugu bisha, endje i she vwagbagba doe djingiri bisha ye aayi koegbondo manda ka ba utshu manda kangane.

⁷Kashe tshokombele, andjelu noe Gbozu yikumu ye, ye ishiri owo za osho djigi. Andjelu turutoe ye oe jo she, a pa foe she adoeke: «Aalafu katsha!» Djingirine koze toe kane Petro.

⁸Yé andjelu kpa pa fœ she adœke: «I uwu tshapa lœba nœ zœ, œ soro uwu œerada nœ zœ.» Petro mbœerœtœ ye lindœ o'o ye. Andjelu kpa pa adœke: «Verœ yœgbœdœ lœba nœ zœ yé œ te manda mœ.»

⁹Petro wuta lœ kánga œ te manda andjelu. Tshe gbe œnœ ye adœke œeneke á andjelu mbœerœ ascœmœ dœdœ adja œerœ nene, kashe œene wu œerœ lœ ulu.

¹⁰Endje ro ali azu kœgbœndœ manda, manda nœ endje ro bisha endje yé œ wuta ga tœ manda yarakowo á wuta kpuru ga lœ ongbo: mandanœ kœrœ dœ tœ ye utshu endje. Lœkœ á endje wuta ga shu, endje ro tshatœ ama gbœlœ, yé titivwiri andjelu kœyiwa ye.

¹¹Uvuru Petro kœkwa ga lœ nœ, á tshe kœpa adœke: «Ngœngœ asœke, mœ wu adœke œ dœ adjapu: Gbozu vwa andjelu nœ ye á tshe vvara mœ tshakane Erode dœ pe lœma ekperœ á Ayuda guma ndœ mœ.»

¹²Manda kœgbe tshelœ ye tœ œeneke á mbœerœ fœ she, tshe gu ga lœ anda nœ Mareya, ayi Yowane á anga i'iri ye kœdœ Marke. Azu ndjoro sœ lima kœdonga Ndjaba ba zœ.

¹³Lœkœ á tshe nge manda, anga yawuru akwa bale á i'iri ye kœdœ Rode, na mbœerœ kœkœrœ tœnœ.

¹⁴Tshe dji tshama Petro œ sœ dœ yanga, œ tshapu kœkœrœ manda, yé œ kpa dœ rœ mbœerœ kœpandœ nœ adœke, Petro ka ba pa manda ba shu.

¹⁵Endje pa fœ she adœke: «Iyi sœ lœ kumu zœ a!» Kashe tshe pa fœ endje adœke, œeneke á œene sœ kœpa fœ endje kœdœ adjapu. Á endje kœpa adœke: «Ascœmœ kœdœ andjelu á tshe sœ kœgbœndœ Petro dœmœ.»

16

¹⁶Petro sœpe kolœ kœnge manda. Lœkœ á endje kœrœ manda, endje wu she yé œ i gbœndjuru.

¹⁷Tshe mbœerœ kane ye fœ endje adœke endje sœ koko, yé œ pandœ mara á Gbozu za she ga shu lœ kánga fœ endje. Tshe kpa pa adœke: «'E na œ pandœ nœ fœ Jake œdœ pe fœ anga ayindœ Yisu.» Manda nœ, tshe wuta yé œ na ga tœ angbi osho.

¹⁸Osho kœrœ, aturugu yakatœ endje ngbangbangba. Endje tetœ kœyutœ endje lœtœ endje adœke Petro fatœ ye tœ dœ!

¹⁹Erode vwa azu kœpara Petro œerrr toroboka, endje gbœ gbœ she nene. Tshe yu aayi kœgbœndœ manda kánganœ, yé á pa adœke endje wo endje ye. Manda nœ, Erode to ba lœ ogo Yuda œ na ga lœ Sezaré, yé œ mbœerœ olo teasho ba zœ.

Kuzu gbozu Erode

²⁰Erode sœ lima dœ geda dœ azu ogo Tire œdœ azu ogo Sidona. Azu ogonœ bibisha asœke yindœ kœwuta ga utshu ye. Endje u Blastuse á tshe dœ uzu tshapa ayi akwa nœ Erode, œ dji o'o tshelœ ye. Endje na kœyu Erode adœke tshe mbœrœ adœke œne sœ gee. Gbambanœ nene, ogo nœ endje gbœ œrœ kœto ba lœ œnœ ye dœ gbozugo.

²¹Dœ lœkœnœ á endje guma tœ kœgbœtœ endje, Erode verœ lœba tshagbozu nœ ye, œ sœ ga pa ngande gbozu nœ ye, yé œ tetœ kœpu o'o ba utshu azu kœ.

²²Azu tetœ kœta rawa adœke: «Asœ kœdœ tshama ndjaba, œ dœdœ œnœ uzu nene!»

²³Kashe, pe tœ œscœnœ, andjelu nœ Gbozu bi Erode mbœrœ á tshe tshapu kœdonga Ndjaba ti, yé á sœ kœlisœtœ ye adœke œne kœdœ Ndjaba. Angœzu zi she lœ œkœnœ yé tshe tshu.

²⁴O'o ama Ndjaba ka aka osho kœ, yé azu á endje yindœ nœ wuta lima ndjoro.

²⁵Lœkœ á akwa nœ Abarnabase dœ Sawulo ka lima lœ Yerusaleme, endje za lima Yowane á anga i'iri ye kœdœ Marke potœ endje á gu dœ she.

Akwa 13

Ɔtshœ Ishiri vwa Abarnabase dœ Sawulo ndœ akwa

¹Aayi kœgbara o'o œdœ aayi kœyisœrœ sœ lima ba lœ Ikrizia nœ Atiœshe. Œ dœ lima Barnabase, Shimeyo á anga i'iri ye kœdœ Ubu Uzu œdœ pe Lukiyuse uzu tshelœ Sirene, dœ Sawulo œ ga ndœ Manaene yanga Erode á tshe sœ lima kœna tœ awanœ dœ she pe dœ tshagbolo ye.

²Anga œbœ bale á endje sœ lima kœdonga Gbozu yé á sœ kœyotshelœma endje, Ɔtshœ Ishiri pa adœke: «'E ko Abarnabase dœ Sawulo ga indiriœ mbœrœ adœke endje mbœrœ œrœ œneke á mœ e endje ndœ nœ.»

³Yé manda kœyotshelœma endje dœ pe kœdonga Ndjaba, endje to kane endje ga pa endje yé œ za awa fœ endje.

Asawulo dœ Barnabase ba lakpi Shipre

⁴Bata á Ɔtshœ Ishiri vwa Barnabase dœ Sawulo, endje na ba lakpi Selœsi, œ œ egerœ agba ba zœ yeka á ro ga lœ Shipre.

⁵Lœkœ á endje wuta ga lœ Salamine, endje tetœ kœmindœ o'o ama Ndjaba ba lœ Sinagoga nœ Ayuda. Yowane á anga i'iri ye kœdœ Marke sœ ndje lima kpœtœmœ mbœrœ kœti kane endje.

⁶Manda kœzu tshiki para œrrr kœwuta ba lœ Pafose, endje gbœ anga ayi kœpandœ ulu bale á i'iri ye kœdœ Bare Yisu; œshe kœdœ Yuda á tshe zatœ ye bata ayi kœgbara o'o.

⁷Tshe sœ lima ba ndœ gbozu Sereyuse Pawuluse á tshe kœdœ ayi kœwusœrœ, á tshe e Barnabase dœ Sawulo mbœrœ tshe sœ lima dœ ogo kœdji o'o ama Ndjaba.

⁸Kashe ayi kœpandœ ulu Elimase (i'iri Bare Yisu dœ Greke dœmœ) yiyi lima ndœ o'o ama endje nene, yé œ para awa kœndi tshelœ gbetshelœ nœ gbozu asœmœ adœke tshe sœsœ kœyindœrœ ga ndœ Yisu nene.

⁹Yé Sawulo á anga i'iri ye kœdœ Polo á Ɔtsho Ishiri su she kperœ, za ala ye kukuku ga tœ ye,

¹⁰yé œ pa adœke: «œbœ, afara œdœ pe ekperœ su bœ kperœ. œbœ kœdœ gbolo nœ djaboro, uzu á tshe yiyindœ djakata o'o nene. Bœ katœ kœndi awa nœ Gbozu á sœ ndjii nene a?

¹¹Ngongœ asœke, kane Ndjaba sœ pa zœ. Bœ fa ayibula, yé bœ wu ɔɔ nene œrrr ga tœ olo á tshe yindœ nœ.» Pe kpœtœ œsœnœ, tshelœ ala ye wu shuu yé osho bu kporokoto tœ ye. Tshe fatœ ye djikirili djikirili kœpara uzu adœke tshe za ama kane œne.

¹²Lœko á gbozugo wu œneke á mbœrœtœ endje, tshe te yindœ Yisu; gbambœnœ nene, o'o ama Gbozu za lima uvuru ye lœnœ.

Polo pa o'o ba lakpi Atishe nœ ogo Pisidi

¹³Polo dœ anganœ á tshe na tœ awa dœ endje ɔ lima ga lœ egerœ agba ba lœ Pafose, œ ro ga lœ Perje ba lœ Pafili. Yé Yowane katœ endje, œ kwatœ ye ga lœ Yerusaleme.

¹⁴Endje katœ tshalakpi Perje ti, yé œ wuta ba lœ Atishe nœ ogo Pisidi. Lœko sabata, endje li ga lœ Sinagoga yé œ sœ lima ga ati.

¹⁵Manda kœdi buku á ngbœba awa akwa nœ Moyize dœ œnœ aayi kœgbara o'o, agbozu tshelœ Sinagoga pa fœ endje adœke: «Aaya, 'e kœsœ dœ anga o'o á sœ kœto gbœgbœ fœ uzu, 'e pa!»

¹⁶Polo áalafo œ mbœrœ kane ye, yé œ pa adœke: «Azú tshelœ Israyele œdœ pe e'e dœ angbi azú á 'e sœ kœkpa awa Ndjaba, 'e dji mœ kane.

¹⁷Ndjaba nœ azú Israyele ke aata 'a. Tshe mbœrœ adœke endje ngba lœko á endje sœ lima ba lœ Ezipito. Manda nœ, tshe ko endje lima ga shu dœ gbœgbœ nœ ye.

¹⁸Tshe gbœndœ endje lima ba lœ kpagasho manda ungu zazu bisha.

¹⁹Manda nœ, tshe wo lima ogo minu dœ bisha lœ ogo Kanana yé œ kurutshelœ nœ tœ azú nœ ye.

20 Ɖe tœnœ kɔ mbœrœ lima ga pa œrœ nœ ungu kama vana dœ zazu bisha dœ ndjokpa (450). «Manda nœ, tshe ko aayi kœwa ngbanga fœ endje œrrr ga tœ ayi kœgbara o'o Samwele.

21 Endje yu osho tœ gbozugo yé Ndjaba za Sawulo, gbolo nœ Kise á tshe kœdœ uzu lœ mara nœ Bendjame, fœ endje. Tshe sœ pa endje manda ungu zazu bisha.

22 Manda kœza Sawulo ga shu tœ akwa, Ndjaba za Davidi tœ gbozugo. Tshe ma o'o nœ ye ngbi adœke: “Mœ gbɔ Davidi, gbolo nœ Yese, uzu á lœsu mœ yindœ ye. Tshe mbœrœ œneke kɔ á mœ gbe dœ tœnœ.”

23 Ba lœ aatœnœ dá Ndjaba za Yisu tœ ayi kœshe azu Israyele b̄ata á tshe pa lima tœnœ.

24 Utshu kœna lima Yisu, Yowane pandœ nœ lima fœ azu Israyele adœke endje fatshalœsu endje, yé œ gbɔ batisimu.

25 Yé lœkɔ á Yowane mbœrœ lima akwa nœ ye á ka ye, tshe sœ lima kœpa adœke: “E gbe adœke œmœ kœdœ ede e? Ɖe dœdœ mœ kœdœ tsheneke á 'e kate she nene! Kashe anga uzu á tshe na manda mœ, mœ li kœzu uwu œrada nœ ye nene.”

26 «E'e dœ aaya mœ, aata Abrayamo ndje dœ angbi azu á 'e sœ kœkpa awa Ndjaba asœke, endje vwa Ɖtshɔ O'onœ asœke á pandœ kœshe fœ azœ.

27 Azu Yerusaleme œdœ pe agbozu tshapa endje wuwusœ Yisu nene, endje wuwu ndje sœ ádá o'o má aayi kœgbara o'o su á endje sœ kœdi tœnœ ɔlɔ sabata bale dœ bale nene. Kashe endje wa œgbɔ ngbanga ga pa Yisu liaka o'onœ asœmœ.

28 Ataa endje para lima awa kœwo she œrrr toro ye, endje kapa Pilato adœke tshe wo she.

29 Lœkɔ á endje mbœrœ lima œneke kɔ á Buku nœ Ndjaba pandœ nœ tœ upu nœ ye, endje za lima she pa kurushi ga atɪ, yé œ shi lima she b̄a lœ anga udu bale.

30 Kashe Ndjaba she lima she lœ akuzu ye.

31 Tshe wuta lima lœ olo ndjoro ga tœ endjeneke á endje na lima dœ she awa bale kœto b̄a lakpi Galilayi œrrr ga lœ Yerusaleme, endje á endje kœdœ atimu ngœngœ asœke b̄a utshu azu ogo Israyele.

32 «A'a ndje, 'a sœ kœyisœ Ɖtshɔ O'onœ asœke fœ 'e, œrœ á Ndjaba pa lima tœ nœ fœ aata 'a adœke œne mbœrœ,

33 tshe mbœrœ fœ azœ má a dœ agbolo nœ endje, lœkɔ á tshe she lima Yisu lœ akuzu b̄ata á endje sú b̄ala bisha mbeti nœ Itshi adœke: “Ɖe b̄œ kœdœ gbolo nœ mœ, kœto kpesheke, œmœ dá zu b̄œ.”

³⁴Ndjaba pa lima adœke œene shé she lœ akuzu, yé tshe gba nene. Tshe pa lima ngbi adœke: “Mœ to kane nœ mœ dœ adja œeyerœ kœto kane ga pa 'e, бата á mœ pa lima ndœ kœto fœ Davidi.”

³⁵Mbœrœ tœnœ dá Davidi pa ndje ala anga mbeti adœke: “Bœ katœ œeyerœ uzu nœ zœ adœke tshe gba nene.”

³⁶Lœkœ á Davidi sœpe lima dœ soro, tshe mbœrœ lima œeneke á Ndjaba yisœ nœ. Manda nœ, tshe tshu lima, endje shi she ndoo dœ aatanœ yé œkœ ye gba.

³⁷Kashe tsheneke á Ndjaba shé she, gbagba lima nene.

³⁸Aaya mœ, 'e wusœ nœ dœ œtshœnœ adœke mangba Yisu dá endje pandœ o'o kœdjœœndœ ekperœ fœ 'e á awa akwa nœ Moyize lili lima ndœ kœvwara 'e lœnœ nene.

³⁹Uzu kœ á tshe sœ dœ kœyindœrœ ga ndœ ye, tshe wuta uzu ndjii tœ ala Ndjaba.

⁴⁰Mbœrœ tœnœ ataa, 'e sœ dœ gbœdjela mbœrœ á o'o neke á aayi kœgbara o'o su kœwuwuta ga tœ 'e nene:

⁴¹“E wu kane! E'e dœ adjipudji, 'e katœ ama 'e ti œœ yé œ ndjœtshelœtœ 'e! Gbambanœ nene, mœ yindœ kœembœrœ anga œrœ bale lœ soro 'e, œrœ neke á 'e yindœ nœ nene, œdœ uzu kœpandœ nœ fœ 'e.”»

⁴²Lœkœ á Polo dœ Barnabase sœ lima kœwuta tœnœ, endje tetœ kœki fœ endje adœke endje kwa dœ œlœ sabata manda nœ œ kpa yisœ o'onœ asœmœ.

⁴³Manda angbœtœnœ, Ayuda œdœ pe angbi azu á endje sœ kœkpa awa Ndjaba te manda Polo dœ Barnabase. Lœ o'o á endje sœ kœpa tœnœ, Polo dœ Barnabase pa fœ endje adœke: «'E zatœ 'e djigi ga tœ œtshœrœ nœ Ndjaba.»

Polo dœ Barnabase na ga ndœ angbi azu

⁴⁴Lœkœ sabata manda nœ, œ sœ бата azu kœ lœ ongbo ngbœtœ endje lima mbœrœ kœdji o'o ama Gbozu.

⁴⁵Kœwu ukpulu azunœ ataa, Ayuda mbœrœ uku yé œ tetœ kœgu Polo dœ kœyiangba o'o ye.

⁴⁶Polo dœ Barnabase mindœ nœ dœ awanœ adœke: «œ li má lima adœke endje yisœ œtshœ O'onœ asœke utshunœ fœ 'e! Бата á 'e vwaratœ 'e tœnœ, yé á wa ngbanga dœ tœ 'e adœke 'e lili kœgbœ soro nœ wa dœ wa nene asœmœ, 'a fatœ 'a ngœngœ asœ ga ndœ angbi azu.

⁴⁷Awa akwanœ á Gbozu pa tœnœ fœ 'a dœke: “Mœ za bœ бата œlœ kœtshi pa angbi azu lœ ogo kœ, mbœrœ adœke bœ yisœ o'o nœ kœshe œerrr tœ ga tœ ndœngœlœ osho.”»

⁴⁸Koedji o'onoe ascemoe ataa, angbi azu tetoe koedonga Gbozu doe yanga. Endjeneke á endje soe lima mberoe soro noe wa doe wa, endje te lima ayindoe Yisu.

⁴⁹O'o ama Gbozu za lima tsheloe ogonoe djigi.

⁵⁰Kashe Ayuda bili ayashe á aesoe endje li, á endje soe koedonga Ndjaba aedoe pe agbozu tshapa ongbo. Endje mberoe eroe kanga ga toe Polo doe Barnabase, ye oe goro endje loe ogo noe endje ye.

⁵¹Polo aedoe Barnabase goro trusha tshada endje foe endje, ye oe ro ga loe Ikoniyume.

⁵²Da ascemoe ayindoe Yisu ba lakpi Atioshe soe lima doe yanga waa, ye oe su doe Otsho Ishiri.

Akwa 14

Polo aedoe Barnabase ba loe ogo Ikoniyume

¹Polo aedoe Barnabase na ba lakpi Ikoniyume oe li ndje ga loe Sinagoga noe Ayuda oe pa o'o ye Ayudaoe doe pe Agreke ndjoro te lima ayindoe Yisu.

²Kashe Ayuda neke á endje yiyi lima ndoe noe nene, to gbetsheloe koemeroe ekperoe ga toe ayindoe Yisu foe angbi azu.

³Andaa Polo aedoe Barnabase mberoe lima olo ndjoro ba loe Ikoniyume. Endje pa lima o'o doe awa nene loe koeyinderoe noe endje ga ndoe Gbozu. Koewu tenee ataa, Gbozu ma adoeke o'onoe á endje soe koepa tenee toe upu otshoro noe ye koedoe adja o'o, á tshe to gbo gbo noe koefa eroe doe koema ambaranoe foe endje.

⁴Azu tsheloe ongbo kurutshelotoe endje: anga endje yindoe Ayuda ye anga endje yindoe aayi avwa.

⁵Angbi azu, Ayuda doe pe agbozu tshapa endje vwara lima ndoe koemeroe eroe kanga ga toe Polo doe Barnabase aedoe koewe endje doe badja.

⁶Endje wusoe o'onoe ye oe kpa gu tenee doe awa ongbo Listre aedoe Derbe loe ogo Likawoni aedoe pe ndje ogo para indirinoe.

⁷Endje soe lima koepa ndje ndoe Otsho O'o ba zoe.

Polo aedoe Barnabase ba lakpi Listre

⁸Anga yakoshe bale á ada ye tshu, soe lima ba lakpi Listre. Bata á endje zu lima she toe ayi vwiriti, tshe nana lima ana bale nene.

⁹Anga olo bale á tshe soe koedji o'o á Polo soe koepa tenee, Polo za ala ye kukuku ga toe ye, ye oe wu adoeke tshe soe doe koeyinderoe mberoe koeshe tenee.

¹⁰Polo pa dœ ɔgbɔ fœ she adœke: «Aalafo œ ka ndjii dœ ada zœ!» Yakoshencœ i ga lafo yé œ tetœ kœna lima ana.

¹¹Kœwu œneke á Polo mbœrcœ asœmœ, azu ndjoro oma kekeke œ pa dœ o'o ama ogo Likawoni adœke: «Andjaba fatœ endje tœ azu yé á jerœ ga ndœ azœ asœke.»

¹²Endje e Barnabase «Zewuse», yé œ e Polo «Ermese» mbœrcœ œshe dá sœ lima kœmindœ o'o.

¹³Nganga ndjaba lœ anda nœ Zewuse á sœ ba ushu nœ ongbo, na dœ ako angombe á endje guma endje dœ flere. Œshe œdœ azu ndjoro, endje yi lima ndœ kœsho endje tœ tokóró fœ Polo dœ Barnabase.

¹⁴Dœ lœndɔ á endje dji ataa, endje súru lima tshelœ lœba tœ endje yé œ gbɔgbɔtœ endje dœ ana gutœncœ ga lœ ukpulu azu. Endje pa dœ ɔgbɔ adœke:

¹⁵«Uu aaya, mbœrcœ gafe á 'e mbœrcœ ataa? A'a kœdœ ndje azu bata 'e! 'A sœ kœpandœ Ɔtshɔ O'o fœ 'e adœke 'e katœ œrcœ á ádnœcœ gugu nene, mbœrcœ kœfatœ 'e ga ndœ Ndjaba á tshe sœ dœ soro yé á mbœrcœ tshalafo, dœ ɔshɔ, dœ egerœ kota œdœ pe œneke kɔ á sœ lœncœ.

¹⁶Lœkɔ nœ aata azœ, tshe ka lima tœ azu ogo para kœza awa nœ endje dœ tœ endje.

¹⁷Kashe atamœ gbaa, tshe kakatœ kœma adœke œne sœ zœ lœ awa nœ ɔtshœrcœ nœ ye fœ endje nene. Ɔtshœrcœncœ asœmœ dœke: tshe vwa yavuru fœ 'e mbœrcœ kœmɔ ɔshɔ tshelœ kindi nœ 'e adœke 'e gbɔ kœzœrcœ á li, yé lœsu 'e sœ dœ yanga.»

¹⁸Ataa ukpulu azuncœ dji lima o'o nœ aayi avwa gbaa, endje sœ lima dœ sharapu utshu kœkatœ kœza tokórœncœ fœ endje.

¹⁹Anga Ayuda á endje to ba lœ Atiœshe œdœ ba lœ Ikoniyyume, te ga ndœ ukpulu azu asœmœ. Endje ve lima Polo dœ badja, yé œ gbe adœke tshe tshu ye yeka á gbota she lœ ongbo ga shu.

²⁰Kashe lœkɔ á ayindœ Yisu ngbœtœ endje ga indiri ye, tshe áalafo yé œ kwatœ ye ga lœ ongonœ. Osho kœrcɔ pa nœ, endje ro dœ Barnabase ga lœ Derbe.

Polo dœ Barnabase fatœ endje kœgu ga lœ Atiœshe nœ Siri

²¹Endje pandœ Ɔtshɔ O'o lœ ongbo Derbe yé œ gbɔ ayindœ Yisu ndjoro. Manda nœ, endje kpa kwatœ endje tɔ lœ Listre, lœ Ikoniyyume œdœ pe tɔ lœ Atiœshe.

²²Endje sœ lima kœto gbɔgbɔ ga tœ lœsu ayindœ Yisu yé œ pa fœ endje adœke endje shi gbi lœ kœyindœrcœ. Endje pa adœke: «Œ li adœke a wu oyo waa yeka á kœli ga lœ tshagbozu nœ Ndjaba.»

²³Lœ Ikrizia bale dœ bale, endje ke agbozu Ikrizia fœ endje, œ donga Ndjaba dœ kœyotsheloema endje, yé œ katœ endje ti fœ Gbozu á endje sœ dœ kœyindœrœ ga ndœ ye.

²⁴Endje ro tœ lœ Pisidi, yé á na ga lœ Pafili.

²⁵Endje pandœ Ɔtshœ O'o ba tœ Perje, manda nœ á ro ga lœ Atali.

²⁶Endje ɔ ga lœ egerœ agba ba zœ yé á gu ga lœ Atiŝshe nœ Siri, tshalakpi á endje ko lima endje ga tshakane Gbozu adœke endje gbœ ɔtshœrœ nœ Ndjaba mbœrœ akwa á endje totœ kœembœrœ tœnœ.

²⁷Lœkœ á endje wuta lima ga lœ Atiŝshe, endje ngbœba azu Ikrizia yé œ pandœ œneke kœ á Ndjaba mbœrœ lima fœ endje dœ pe mara á tshe kœrœ awa kœyindœrœ fœ angbi azu.

²⁸Yé endje lo olo ndjoro tœ œsœnœ bale dœ ayindœ Yisu.

Akwa 15

O'o ba lœ Atiŝshe tœ upu nœ gaza

¹Anga ayakoshe to ba lœ Yuda, œ tetœ kœyisœ œrœ fœ aayazu lœ Yisu adœke: «œdœ 'e kœvwaratœ 'e tœ kœwa gaza fata awa akwa nœ Moyize pandœ nœ, 'e gbœ kœshe nene.»

²Polo œdœ Barnabase vwaratœ endje tœ kœyisœ œrœ nœ ayakoshœnœ asœmœ, œ gbugburu tshelœ o'o dœ endje tœ upunœ. Manda nœ, endje wa adœke Polo œdœ Barnabase, ndje dœ anga aayazu lœ Yisu ɔ ga lœ Yerusalem ndœ kœgbœtœ endje dœ aayi avwa œdœ agbœ Azu Ikrizia mbœrœ kœyœrœ o'onœ asœmœ.

³Azu Ikrizia lœ Atiŝshe to œrœ á li mbœrœ anœnœ fœ endje. Kœro endje tœ lœ Fenisi dœ Samariya, endje sœ kœpandœ mara á angbi azu fa lœsu endje yé œ za yanga waa fœ aayazu lœ Yisu para.

Angbœtœ ba lœ Yerusalem

⁴Ɔlœ á endje wuta ga lœ Yerusalem, azu Ikrizia, aayi avwa dœ pe agbozu Ikrizia za osho kœsœ fœ endje yé endje pandœ œrœ kœ á Ndjaba mbœrœ lœ awa nœ endje fœ endje.

⁵Kashe anga ayindœ Yisu á endje to lœ Afarisayi za o'o œ pa adœke: «œ li adœke angbi azu á endje wuta ayindœ Yisu wa gaza, œ li ndje sœ awa akwa nœ Moyize.»

⁶Aayi avwa œdœ agbozu Ikrizia ngbœbatœ endje mbœrœ kœgbe o'o tœ upunœ asœmœ.

⁷Manda kœgbugburu tshelœ o'o œerrr, Petro áalafo yé œ pa adœke: «Aaya, 'e wusœ nœ adœke Ndjaba ke lima mœ ugurutœ 'e katshatsha ndœ kœpandœ Ɔtshɔ O'o fœ angbi azu adœke endje dji, œ yindœ nœ.

⁸Yé Ndjaba á tshe wusœ lœsu azu para kœkœ, za Ɔtshɔ Ishiri fœ endje tœ kœma adœke œene yi ndje ndœ endje awa bale b̄ata á tshe mbœerœ ndje fœ azœ.

⁹Tshe yiyi ko ndœ azœ yé œ vwaratœ ye tœ endje nene; gbambanœ nene, lœ awa nœ kœyindœerœ nœ endje ga ndœ Yisu, tshe djutœ ekperœ nœ endje.

¹⁰Ngœngœ asœ, mbœerœ gade á 'e sœ kœeshokœ o'o dœ Ndjaba a? 'E yindœ kœza egerœ gbarœ á azœ dœ aata azœ, a zaza lima nene ga pa kumu ayindœ Yisu a?

¹¹Kashe a wusœ nœ adœke, a she kolœ mangba Ɔtshɔ lœsu nœ Gbozu Yisu, yé endje ndje awa bale.»

¹²Manda nœ, azu lœ kokoko ndœ kœdji Polo œdœ Barnabase, á endje sœ kœemindœ œerœ á sœ kœma mara œerœ á Ndjaba mbœerœ lœ awa nœ endje ugurutœ angbi azunœ asœemœ.

¹³Lœkœ á endje pa o'o nœ endje á ka, Jake áalafo œ pa adœke: «Aaya, 'e dji mœ kane.

¹⁴Shimu wuta kœemindœ nœ fœ azœ mara á Ndjaba gbe balima katshatsha á ke anga azu ugurutœ angbi azu adœke endje dœ azu nœ œene.

¹⁵œerœ á Ndjaba mbœerœ li dœ o'o ama aayi kœgbara o'o. Gbambanœ nene, Ndjaba pa adœke:

¹⁶“Manda nœ kœ, mœ kpa kwatœ mœ ndœ kpa kœemœ anda nœ Davidi á te. Agbanœ á sœ ati, mœ kpa mœ tshandœnœ, yé mœ kpa za ga lafo.

¹⁷Kœto kpœtœemœ, udu azu œ para awa Gbozu, œdœ pe angbi azu kœ á mœ ke endje. œemœ Gbozu dá pa o'onœ asœeke, mœ sœ kœguma o'o nœ mœ

^{18a} mœ gbe balima katshatsha.”»

¹⁹Jake kpa kœpa adœke: «Mœ gbe œnœ mœ adœke œ lili adœke a mbœerœ œerœ kanga fœ azu á endje fatshalœsu endje fœ Yisu nene.

²⁰Kashe a su kolœ mbeti fœ endje adœke, endje zizi agea á to b̄a pa ndaba nœ andjaba nene, endje zizi songba agea á tshe tshu á indji ye tutu nene, endje zizi indji nene yé adja endje mbœembœerœ angba budu nene.

²¹Mbœerœ katshatsha balima, endje yisœ awa akwa nœ Moyize dje lakpi ko mbœerœ á endje sœ kœedi tœnœ lœkœ sabata bale dœ bale lœ anda ngbœtœ.»

Mbeti fœ ayindœ Yisu lakpi Atishe

²²Ataa aayi avwa, dœ agbozu Ikrizia œdœ pe azu Ikrizia para kœkœ wu dœ Ɔtshœnœ adœke, endje ke anga azu ugurutœ œene dœ vwa endje b̄a lœ Atishe

awa bale dœ Polo œdœ Barnabase. Yekane á endje ke Yuda á anga i'iri ye kœdœ Barsabase œdœ pe Sila. Endje bibisha kœdœ azu á endje sœ lima kœliscœ endje ugurutœ ayindœ Yisu.

²³Mbeti á endje sú ga tshakane endje pa adœke: «Aaya 'a dœ angbi azu á 'e sœ lœ Atiſshe, lœ Siri, œdœ ndje lœ Silisi: aayi avwa, dœ agbozu Ikrizia œdœ azu Ikrizia para kœkœ za abala fœ 'e.

²⁴A dji adœke anga azu á endje to ba ndœ 'a ba ke, á na ga ndœ 'e kœdjingili tshelœ kumu 'e, endje ndi gbetshelœ nœ 'e kashe œ dœdœ 'a dá vwa endje nene.

²⁵Ádánœ á 'a wa kœ dœ lœsu 'a bale adœke 'a ke anga azu dœ vwa endje fœ 'e. Endje ro tœ awanœ dœ aaya 'a á 'a yindœ endje waa, Polo œdœ Barnabase

²⁶á endje za soro endje djigi mbœrœ akwa nœ Gbozu nœ azœ dœ Yisu Kristu.

²⁷'A vwa Yuda dœ Sila adœke endje kpa pandœ œneke kœ á 'a su ala mbetinœ asœke fœ 'e dœ ama endje.

²⁸Gbambanœ nene, Ōtshœ Ishiri dœ pe a'a wa adœke, 'a kpa za egerœ gbarœ ga pa kumu 'e nene. Kashe œrœ á li dœ 'e kœmbœrœ tœnœ dœke:

²⁹adja 'e zizi agea á to ba pa ndaba nœ andjaba nene, 'e zizi indji nene, 'e zizi songba agea á tshe tshu á indji tutu nene, 'e mbœmbœrœ angbabudu nene. Œdœ 'e kœliscœ œrœnœ asœke kœ, dá 'e mbœrœ dœ ōtshœnœ waa. 'E sœpe dœ ōtshœnœ.»

³⁰Endje za awa fœ endje yé endje ro ga lœ Atiſshe. Lœkœ kœwuta endje ba zœ, endje ngbœba ayindœ Yisu, œ za mbetinœ fœ endje.

³¹Manda kœdi mbetinœ, ayindœ Yisu sœ lima dœ yanga waa mbœrœ mbetinœ guma gbetshelœ nœ endje.

³²Yuda dœ Sila á endje dœ lima aayi kœgbara o'o, endje mi upu fœ endje adœke endje shi gbi yé œ gbœndœ kœyindœrœ nœ endje.

³³Endje mbœrœ lima olo teasho kpœtœmœ. Manda nœ, ayindœ Yisu za awa fœ endje adœke endje gu dœ kœsœ gee ga ndœ azu á endje vwa lima endje.

[³⁴Kashe Sila wa lima kœsœpe œnœ ye kpœtœmœ.]

³⁵Polo œdœ Barnabase sœ lima œnœ endje ba lœ Atiſshe. Ba zœ, endje sœ kœyiscœ œrœ œdœ pe kœmindœ Ōtshœ O'o nœ Gbozu awa bale dœ anga azu ndjoro.

Polo œdœ Sila kurutshelœtœ endje

³⁶Olo teasho manda nœ, Polo pa fœ Barnabase adœke: «A kwatœ azœ lakpi bale dœ bale á a yi lima sœ o'o ama Gbozu tœnœ dœ œ wu mara á aaya azœ sœ dœ tœnœ.»

³⁷Barnabase yi lima ndœ kœkwa dœ Yowane á anga i'iri ye kœdœ Marke.

³⁸Kashe Polo gbe adœke kœkwa dœ she œ li nene, mbœrœ tshe ka lima tœ endje ti ba lœ Pafili, œ vwara lima tœ ye kœna dœ endje lœ ma akwa nœ Ndjaba.

³⁹Mbœrœ tœncœ ataa, endje djidji lima tœ endje nene, yé endje kurutshelœtœ endje. Barnabase za Marke po tœ ye, œ za egerœ agba œ ro ga lœ Shipre,

⁴⁰kashe Polo ke Sila ndœ kœro dœ she. Manda nœ, ayindœ Yisu ko endje ga tshakane Ndjaba adœke ɔtshɔ lœsu nœ Gbozu gbœndœ endje.

⁴¹Endje ro lima tɔ lœ Siri œdœ Silisi, œ yisœ œrœ fœ azu Ikrizia adœke endje gbœndœ kœyindœrœ nœ endje.

Akwa 16

Timote te mangba Polo œdœ Sila

¹Polo li ndje ga lœ Derbe dœ pe Listre. Ba zœ anga yindœ Yisu á i'iri ye kœdœ Timote, gbolo yakoshe nœ anga uyu Yuda á tshe yindœ Yisu, abancœ dœdœ Yuda nene.

²ɔtshɔ ye ga lima waa ugurutœ aayanœ lœ Listre dœ pe Ikoniyyume.

³Polo gbe lima kœgu dœ she awa bale. Kœwu adœke Ayuda lœ ndjoro tœ oshonœ ba zœ, tshe za she, œ wa she tœ gaza lindœ awa akwa nœ Ayudancœ, mbœrœ Ayuda kɔ á endje sœ lima dœ endje tœ œsœncœ wu lima sœ nœ adœke abancœ dœdœ Yuda nene.

⁴Lœ ongbo á endje ro lima tœncœ, Polo dœ Sila sœ lima kœmindœ o'o á aayi avwa nœ Yisu dœ agbozu lœ Yerusalem wa, á endje sœ kœpa fœ endje adœke endje mbœrœ tœ endje lindœ nœ.

⁵Azu Ikrizia sœ lima kœru lœsu endje lœ kœyindœrœ nœ endje, ɔlɔ dœ ɔlɔ anga azu sœ lima kœli ga ndœ endje yé endje te lima kœngba tœncœ.

ɔtshɔ Ishiri vwa Polo ga lœ Masedwane

⁶Polo œdœ Sila na lœ Friji œdœ pe lœ Galate; gbambancœ nene, ɔtshɔ Ishiri pakata lima endje kœpandœ ɔtshɔ O'o ba lœ Azi.

⁷Kœwuta endje ga tœ ndɔngɔlɔ ogo Misi, endje gbe kœro ga lœ Bitini yeka á Ishiri nœ Yisu pakata endje.

⁸Endje ro tɔ lœ Misi yé œ jerœ ga lœ Trowase.

⁹Anga butshɔ bale, Polo kœwu œrœ lœ ulu: anga yakoshe Masedwane bale na ga ndœ ye, œ ka kœdi tshelœma ye fœ she adœke: «Fa djaga lœ Masedwane, mbœrœ kœti kane 'a ga lafo!»

¹⁰Manda kœwu œerœ lœ ulu nœ Polo asœmœ, trale 'a para awa kœero ga lœ Masedwane, mbœerœ 'a wu lima sœ nœ adœke Ndjaba sœ kœ e 'a kœna kœpandœ Ɔtsho O'o ba zœ.

Kœfatshalœsu Lidi ba lœ Filipino

¹¹'A ɔ ga lœ egerœ agba lœ Trowase, 'a za awa ndjii ndœ Samotrasedwane mbœerœ á osho kœkœro á 'a kœwuta ga lœ Neyapolise.

¹²Yé ba zœ 'a na ga lœ Filipino, egerœ ongbo lœ ogo Masedwane, azu á endje sœ lœ nœ sœ tshakudu tshagbozu nœ ogo Roma. Œendœ 'a di lima teasho lœ ongbonœ asœmœ.

¹³Dœ lœko sabata, 'a wuta lœ ongbonœ kœna ga lakpi ogo neke á sœ ndoo dœ ama ungu, tœnœ kœdœ lima œsœ osho nœ kœdonga Ndjaba, yeka á 'a sœ ga ati, á pa o'o dœ ayashe á endje ngbœtœ endje kpœtœmœ.

¹⁴Anga bale ugurutœ endje, i'iri ye kœdœ Lidi, œshe kœdœ lima yashe lœ ongbo Tiyatire á tshe sœ kœka odorolœba yé á wu lima sœ kœdonga Ndjaba. Tshe dji 'a yé Ndjaba kœro gbœtshelœ nœ ye adœke tshe yindœ o'o ko á Polo pa.

¹⁵Manda kœgbo batisimu, œshe dœ azu sœnda nœ ye para, tshe pa fœ 'a adœke: «Œendœ 'e kœwusœ nœ adœke, œmœ kœdœ uzu á mœ yindœ Ndjaba ye, 'e na œ lo ba ndœ mœ.» Yé tshe toworogbo 'a kœyindœ nœ.

Polo œdœ Sila lœ kœnga

¹⁶Œbœ bale á 'a sœ lima kœna ndœ kœ e Ndjaba, anga yashe kœnga bale á tshe sœ lima dœ ekpe ishiri nœ kœgbara o'o sœ ugurutœ 'a. Ayengœ ye sœ lima kœgbo œerœ waa manda akwa nœ ye.

¹⁷Tshe te manda 'a dœ Polo, yé œ sœ kœpa dœ œgbo adœke: «Ayakoshœnœ asœ kœdœ aayi akwa nœ Ndjaba á tshe ropa œerœ ko; endje sœ kœyisœ awa kœgbo kœshe fœ 'e.»

¹⁸Yé tshe mbœerœ ataa manda olo ndjoro. Polo mo dœ she, á kœfatœ ye yé á kœpa fœ ishirinœ adœke: «Dœ i'iri Yisu Kristu, mœ pa fœ bœ adœke: wuta lœ yashe asœke!» Trale ishiri wuta lœ ye yé.

¹⁹Bata aayengœ yashe kœnga asœmœ wu adœke œne kpa gbo œerœ lœ awa nœ ye nene, endje tepa Polo œdœ Sila œ gbœta endje na tœnœ fœ agbozu kœwa ngbanga œerrr ba la wutu ga utshu azu ko.

²⁰Endje ko endje na tœnœ fœ agbozunœ asœmœ yé œ pa adœke: «Ayakoshœnœ asœ kœdœ Ayuda, endje ndi tshalakpi nœ azœ kpa ye.

²¹Endje sœ kœpara awa ndœ kœyisœ angbi mara kœsœ neke á azœ dœ azu Roma á lili adœke a mbœerœ nene.»

- 22 Yé œ ivwi azu kekeke ga tœ Polo œdœ Sila. Agbozu kœwa ngbanga kœza o'o adœke endje sœ lœba tœ endje dœ œ bi endje dœ ndjapa.
- 23 Manda kœbi endje dœ ndjaba, endje ko endje va ga lœ kánga, yé œ pa fœ ayi kœgbœndœ manda kánga adœke ala ye gbœ dœ endje.
- 24 Ayi kœgbœndœ manda kánga dji ataa, œ ko endje li tœnœ waa ba ndœ kumu gbœshœ kánga yé œ soro ada endje dœ djingiri.
- 25 Dœ butshœ, Polo œdœ Sila tetœ kœza avwala fœ Ndjaba dœ pe kœdonga she dœ itshi yé anga aayi kánga dji endje.
- 26 Kolœ ngbangi atake, œshœ turu dœ œgbœ, muru anda turu, Trale manda kœwœ wuu, yé tshelœ djingiri sœ tœ aayi kánga para.
- 27 Ayi kœgbœndœ manda kánga kœjo, œ kœwu adœke manda kánga kœwœ wuu á kœgbe adœke aayi kánga kpa para kœkœ ye. Tshœ kœgbœta ugu yakamba nœ ye á yindœ kœwotœ ye.
- 28 Á Polo kœera she dœ œgbœ adœke: «Wowotœ zœ nene, 'a lœ para kœkœ zœ!»
- 29 Ayi kœgbœndœ manda kánga kœ'e oshœ ndœ owo, kœgbœgbœtœ ye li tœnœ dœ awa, á kœgote ga tœ ada Polo dœ Sila.
- 30 Manda nœ, tshœ kœto Polo œdœ Sila wuta tœnœ ga shu, á kœpa fœ endje adœke: «Agbozu, œrœ gadœ dá mœ kœembœrœ yeka á kœeshe a?»
- 31 Polo œdœ Sila kœgi fœ she adœke: «Sœ dœ kœyindœrœ adœke Yisu kœdœ Gbozu yekane á tshœ kœeshe fœ awa bale dœ azu tshasœnda nœ zœ.»
- 32 Endje kœpandœ o'o ama Gbozu fœ she, dœ azu kœ á endje sœ lima sœnda nœ ye.
- 33 Kolœ dœ abutshœnœ asœmœ, ayi kœgbœndœ manda kánga na dœ endje na tœnœ œ djutœ uku tœ endje yé pe kœœtœmœ tshœ gbœ batisimu awa bale dœ azu tshasœnda nœ ye kœ.
- 34 Tshœ to Polo dœ Sila gu tœnœ ga sœnda nœ ye, œ to kœzœrœ fœ endje, yé tshœ sœ lima dœ yanga awa bale dœ azu tshasœnda nœ ye kœ, mœrœ endje yi lima ndœ Ndjaba.
- 35 Oshœ kœwœ pa nœ, agbozu kœwa ngbanga vwa aturugu fœ ayi kœgbœndœ manda kánga adœke: «Tshœ za awa fœ azu asœmœ!»
- 36 Á tshœ kœpa fœ Polo adœke: «Agbozu kœwa ngbanga vwa oshœ fœ mœ adœke mœ za awa fœ 'e. Ngœngœ asœke, 'e li kœwuta tœnœ, yé œ gu dœ kœsœ gee.»
- 37 Kashe Polo pa fœ aturugu adœke: «Endje yuyu lima 'a nene, œ bi 'a tœ ala azu kœ, andaa a'a kœdœ adja azu Roma. Endje ko 'a va ga lœ kánga, yé endje yindœ

kœko 'a ngɔngɔ asœ ga shu lœ ubunœ. Cœ mbœrœtœ endje atamœ nene. Ɔtsho nœ kœdœ adœke endje na ga mœ dœ tœ endje œ ko 'a ga shu!»

³⁸Aturugunœ gu œ pandœ nœ fœ agbozu kœwa ngbangancœ, yé awa za endje mbœrœ kœdji adœke endje kœdœ ndje azu Roma.

³⁹Endje na kœki fœ Polo dœ Sila adœke endje wu oyo œne. Manda nœ, endje za awa fœ endje kœwuta lœ kánga yé œ pa fœ endje adœke endje wuta lœ ongbo ye.

⁴⁰Manda kœwuta endje lœ kángancœ, endje na ga lœ Lidi. Ba zœ, endje gbo ayindœ Yisu œ pa fœ endje adœke endje shi gbi lœ kœyindœrœ nœ endje, yé manda nœ endje ro da ye.

Akwa 17

Polo œdœ Sila ba lœ Tesalonike

¹Endje ro tɔ lœ Afipolisi dœ Apoloni yeka á wuta ga lœ Tesalonike, ba zœ Ayuda sœ lima dœ Sinagoga.

²Bata á tshe mbœrœ ba lima katshatsha, Polo li ga lœ Sinagoganœ. Manda lœko sabata votɔ, tshe sœ lima kœpu o'o pa Buku nœ Ndjaba awa bale dœ azu á endje sœ kpœtœmœ.

³Tshe sœ lima kœyisœ nœ fœ endje ngbi adœke, œ li adœke Masiya wu oyo, œ tshu, œ she ugurutœ akuzu. Tshe pa fœ endje adœke: «Yisunœ á mœ mindœ ye fœ 'e asœke kœdœ Masiyanœ.»

⁴Anga Ayuda ugurutœ endje yindœ o'o á Polo pa, yé œ te ga ndœ Polo dœ Sila. Awa bale ndje dœ angbi azu Agrekenœ ndjoro á endje donga Ndjaba œdœ pe ndje ayashe ndjoro á azu sœ kœlisœ endje, te ga ndœ Polo dœ Sila.

⁵Kashe anga Ayudancœ mbœrœ úkú. Endje ro anga ekpe azu á endje na tœ ala awa kpɔɔ, œ zi tshelœ o'o dœ endje yé œ ndi kœsœ gee lakpi ogo. Endje na ba scœnda nœ Jasone kœpara Polo dœ Sila á kœko endje wuta tœncœ ga utshu azu tshalakpinœ.

⁶Bata á endje gbɔgbɔ Polo dœ Sila nene, endje za Jasone awa bale dœ anga ayindœ Yisu, œ gbota endje gu tœncœ ga utshu aayi kœwa ngbanga tshalakpinœ asœmœ, yé œ pa adœke: «Azu á endje djingili tshelœ kumu azu pa ɔshɔ djigi, endje dá wuta ngɔngɔ asœ ba ke asœke.

⁷Jasone za osho kœsœ fœ endje ba scœnda nœ ye yé endje kɔ, endje mbœmbœrœ œrœ á awa akwa nœ gbozugo Roma yindœ nœ nene; endje pa adœke anga angbi gbozu kpi sœ zœ, yé i'iri ye kœdœ Yisu.»

⁸O'o ama endje za ókó fœ azu para kɔkɔ, œ za ndje ókó fœ agbozu tshelœ ongbonœ,

⁹yé endje di lima ngendja fœ Jasone œdœ anga ayindœ Yisunœ yekane á endje za awa fœ endje adœke endje gu.

Polo œdœ Sila ba læ Bere

¹⁰Pe dœ lɔkɔnœ asœmœ dœ abutshɔ, ayindœ Yisu gi Polo œdœ Sila ga tœ awa á endje ro ga læ Bere. Endje wuta ba zœ yé œ na ga læ Sinagoga nœ Ayuda.

¹¹Ayuda nœ Bere sœ lima dœ ɔtshɔ lɔsu kœropa endjeneke læ Tesalonike, endje yindœ ɔtshɔ O'o dœ lɔsu endje djigi, yé ɔlɔ dœ ɔlɔ, endje sœ lima kœdi Mbeti nœ Ndjaba, mbœrœ kœwu œdœ ádá o'onœ á Polo œdœ Sila pa asœmœ kœdœ adjapu.

¹²Anga azu ndjoro ugurutœ endje sœ dœ kœyindœrœ ga ndœ Yisu, yé ugurutœ azu Greke, ayashe ndjoro á azu œ lisœ endje dœ pe ayakoshe.

¹³Kashe, ɔlɔ á Ayuda læ Tesalonike dji adœke Polo sœ kpa kœmindœ ɔtshɔ O'o læ Bere, endje wuta ba zœ yé œ tetœ kœndi tshelœ gbetshelœ nœ azu ndjoro.

¹⁴Yé pe kpœtœmœ, ayindœ Yisu gi Polo na toœnœ ga tœ ama egerœ ungu kashe Asila dœ Timote læpe lima œnœ endje kpœtœmœ læ Bere.

¹⁵Azu á endje za lima Polo kpatœnœ œrrr ba læ Atene, endje gu dœ o'o adœke Sila dœ Timote ro katsha manda œne.

Polo ba læ Atene

¹⁶ɔlɔ á Polo sœ lima kœkate Asila dœ Timote læ Atene, tshe sœ dœ oyo tœ lɔsu ye mbœrœ kœwu adœke ongbonœ sœ lima dœ andjaba waa lœnœ.

¹⁷Tshe sœ lima kœpa o'o pa o'o ama Ndjaba dœ Ayuda œdœ angbi azu á endje sœ kœdonga Ndjaba læ Sinagoga œdœ pe ndje azu neke á tshe li kœgbɔtœ ye dœ endje ɔlɔ dœ ɔlɔ ala wutunœ asœmœ.

¹⁸Anga azu kœwusœrœ á endje sœ kœyisœ gbetshelœ nœ Aepikure ndje dœ astoyise tetœ kœpa o'o dœ she. Anga endje sœ lima kœpa adœke: «O'o gade dá kulupunœ asœ œ pa ata a?» Anga endje á endje dji she kœpa o'o tœ upu nœ Yisu œdœ pe tœ o'o kœshe nœ ye læ kuzu pa adœke: «œ sœ bata tshe kœdœ ayi kœyisœ o'o ama andjaba tshelœ anga angbi ogo.»

¹⁹Yé endje za she, œ ro dœ she ga tœ osho kœwa ngbanga toœnœ á i'irinœ kœdœ Areopaje yé œ yu she adœke: «'A li kœwusœ tafo kœyisœrœ nœ zœ á bœ sœ kœyisœ nœ asœ nene a?

²⁰Gbambanœ nene, asœ kɔ kœdœ tafo œrœ yé bœ sœ kœpa o'o á sœ kœko uvuru 'a lœnœ, yé 'a yindœ kœwusœ ádánœ.»

21Mbœrœ azu kɔ lœ ogo Atene œdœ pe agene á endje sœ ba zœ, sœ ɔlɔ dœ ɔlɔ kolœ mbœrœ kœdji too mbœrœ kœpatœ œsœ tafo œrœnœ á wuta asœ.

22Yé Polo ka kpœguru Areopaje, œ pa adœke: «E'e dœ azu lœ Atene, mœ wu adœke e'e kœdœ azu á 'e sœ kœzatœ 'e waa ga tœ andjaba nœ 'e.

23ɔlɔ á mœ sœ kœna lœ ongbo nœ 'e, mœ sœ kœwu œrœ á 'e gi á ko tɔ bata andjaba nœ 'e œdœ pe ndaba á 'e mbœrœ á su mbeti ga tœ nœ adœke: “Fœ anga ndjaba á 'a wuwusœ ye nene.” Andaa mœ na kœpandœ Ndjaba á 'e sœ kœdonga she, ataa 'e wuwusœ ye nene.

24Ndjabanœ asœke kœdœ tsheneke á tshe mbœrœ tshapa ɔshɔ asœ dœ œrœ kɔ pa nœ, œshe kœdœ Gbozu nœ tshalafo dœ tsha ati. Tshe sœsœ lœ anda á azu mbœrœ dœ kane endje nene.

25Tshe sœsœ dœ gbetshelœ adœke azu gbe dœ œne bata tshe sœ dœ ogo anga œrœ nene, kashe œshe dá sœ kœto soro fœ azu kɔ, dœ izi á azu œ wu asœmœ œdœ pe udu œrœ kɔ.

26«Kœto tœ uzu bale, tshe mbœrœ azu kɔ adœke endje sœ pa ɔshɔnœ asœke. Kashe utshu kœmbœrœ endje, tshe di olo kœsœ nœ endje yé œ wa mapaka ogo kɔ á li adœke endje sœ tœnœ.

27Ndjaba mbœrœ endje adœke endje para œne, œdœ endje kœsœ kœetafa osho na tœnœ, endje gbɔ œne á œne sœsœ lœ ingirinœ tœ azœ nene asœmœ.

28Gbambanœ nene, “lœ awa nœ ye dá a sœ dœ soro, á sœ kœna ana, yé á sœpe dœ soro.”» «Mbœrœ tœnœ atamœ dá anga aayi kœsu itshi nœ 'e pa lima ndœ nœ adœke: “Azœ kœdœ ndje agbolo nœ ye.”»

29«Bata azœ kœdœ agbolo nœ ye, a katœ kœgbe adœke Ndjaba li dœ œrœ á endje gi dœ ɔrœ, dœ kowo œdœ dœ badja á endje mbœrœ dœ kane liaka gbetshelœ nœ uzu.

30Utshunœ liya, Ndjaba djerœndœ nœ kɔ gbambanœ nene, azu wuwu lima sœ œrœ á endje sœ kœmbœrœ tœnœ nene. Kashe ngɔngɔ asœke, tshe pa fœ azu kɔ, tœ osho kɔ adœke endje fatshalɔsu endje.

31Mbœrœ tœnœ ataa, tshe guma anga olo bale tœ kœwa ngbanga pa azu para dœ mara ndjii lœ awa nœ uzu á tshe ke she. Tshe she uzunœ asœmœ lœ akuzu mbœrœ kœma fœ azu adœke œne dá ke she.»

32Kœdji adœke Polo pa o'o nœ kœshe lœ akuzu, anga endje tetœ ɔmɔ, yé anga endje pa fœ she adœke: «'A kpa dji bœ kœpa o'o asœ lœ anga olo.»

33Ataa, Polo kœwuta lima ugurutœ endje.

³⁴Kashe, anga endje na lima manda ye, yé œ te ayindœ Yisu. Azunœ dœke: Denise anga ayi kœwa ngbanga lœ Areopaje dœ anga yashe bale á i'iri ye kœdœ Damarise œdœ pe anga azunœ.

Akwa 18

Polo ɓa lœ Koriti

¹Manda Atene, Polo ro ga lœ Koriti.

²Tshe togba dœ anga uzu Yudanœ bale i'iri ye kœdœ Akila, endje zu she ɓa lœ ogo Pone. Tshe to lima kolœ olonœ asœmœ ɓa lœ Itali awa bale dœ awonœ dœ Prisile, mbœrœ gbozugo Klode za o'o adœke Ayuda para wuta lœ Roma. Polo sœ lima kœna ga ndœ endje.

³Yé bata á endje sœ lima lœ akwa bale, ayi kœmbœrœ ɔkɔ agea dœ gbanda, tshe gu ndœ kœlo ɓa ndœ endje yé endje sœ liya kœmbœrœ akwanœ asœmœ.

⁴Lɔkɔ sabata bale dœ bale, Polo sœ lima kœmindœ Ɔtshɔ O'o sœnda Sinagoga œdœ pe kœtetœ kœfa gbetshelœ nœ Ayuda dœ Agreke.

⁵Lɔkɔ á Atimote dœ Sila yi lima kumu endje kœto lœ Masedwane, Polo zatœ ye ti djigi ndœ Ɔtshɔ O'o, tshe ma fœ Ayuda adœke Yisu kœdœ Masiya.

⁶Kashe endje sœ lima kœshara she dœ kœgu she, Polo mea lœba ye, œ pa fœ endje adœke: «Indji 'e œ sœ pa kumu 'e dœ tœ 'e, mœ sœ yerœ lœ nœ, yé kœto kpesheke, mœ na ga ndœ angbi azu.»

⁷Manda kœgitœ ye kpœtœmœ, tshe na ga ndœ anga uzu bale á i'iri ye kœdœ Titiuse Justuse, á tshe kœdœ uzu kœdonga Ndjaba nœ Ayuda yé anda nœ ye sœ lima indiri Sinagoga.

⁸Krispuse, gbozu tshapa Sinagoganœ asœmœ, yi lima ndœ Gbozu, œshe dœ azu tshasœnda nœ ye para. Anga azu ndjoro lœ Koriti á endje sœ ndje lima kœdji Polo, yi ndje ndœ Yisu yé œ gbɔ batisimu.

⁹Anga butshɔ bale, Gbozu pa fœ Polo lœ ulu adœke: «Sœsœ dœ awa nene, sœsœ ndje koko nene,

¹⁰gbambanœ nene, mœ sœ dœ ɓœ awa bale. Uzu bale œ li kœto kane ye ga tœ zœ á kœmbœrœ œrœ kanga fœ ɓœ nene, mbœrœ ili azu á endje sœ lœ ongbonœ asœ kœdœ azu nœ mœ.»

¹¹Polo lo lœ Koriti ungu bale dœ yapu mindu dœ bale, ndœ kœyisœ o'o ama Ndjaba.

Kœpa ngbanga nœ Polo

¹²Loko á Galiyo kœdœ lima gbozugo Akayi, Ayuda zi tshelœ o'o ndœ kœmbœrœ ekperœ tœ Polo, endje za she œ na dœ she ba tœ osho kœwa ngbanga.

¹³Yé œ pa adœke: «Uzu asœ sœ kœdjingili tshelœ kumu azu dœ o'o adœke endje donga Ndjaba neke á awa akwa ogo nœ azœ wa adœke 'a dodonga she nene.»

¹⁴Polo kœyindœ kœpa o'o kane, Galiyo kœgi fœ Ayuda adœke: «œ kœdœ má adœke uzu asœ mbœrœ ekperœ, too œ ta bango, mœ dji ma 'e ye.

¹⁵Kashe bata œ sœ tœ upu nœ kœshara o'o ugurutœ ye tœ kœyisœrœ, dœ anga i'iri œdœ pe ndje awa o'o nœ 'e dœ tœ 'e, œ wu 'e. Mœ yiyindœ mara ngbanga atake nene.»

¹⁶Yé á gɔɔ endje tœ œsœ kœwa ngbanga ye.

¹⁷Endje para tepa Sosetene gbozu tshapa Sinagoga, œ bi she ba utshu osho kœwa ngbanga. Kashe Galiyo gbegbe lima dœ tœncœ nene.

Polo ro ga lœ Atishe

¹⁸œndœ Polo di lima waa lœ Koriti, manda nœ á tshe katœ aayanœ lœ Yisu, á za awa kœro ga lœ Siri. Prisile dœpe Akila ro lima tœ awanœ dœ she. Ba tœ mangu nœ ongbo Sakre utshu kœli she ga lœ egerœ agba, tshe tshowa sukumu ye pa ye mbœrœ uvu á tshe za liya fœ Ndjaba.

¹⁹œ á endje wuta ga lœ Efeze, Polo katœ Akila dœ Prisile ti kpœtœmœ á na œncœ ye ga lœ Sinagoga ndœ kœpa o'o dœ Ayuda.

²⁰Bata endje kpœtœmœ sœ lima kœdi tshelœma endje adœke œndœ ye di dœ œne kane, Polo vwaratœ ye.

²¹Kashe ndœ kœro lima she ga utshunœ, tshe pa o'o fœ endje adœke: «Mœ kwa bala tœmœ ga ndœ 'e, œdœ Ndjaba kœyindœ nœ.» Tshe kœœ ga lœ egerœ agba la ungu lœ Efeze.

²²Kœjerœ ga lœ Sezaré, tshe ro ga lœ Yerusalemœ mbœrœ kœbala azu tshelœ anda Ndjaba, manda nœ dœ kœro she ga lœ Atishe.

²³Ba zœ, olo ye ngbangba lima nene. Manda nœ, tshe kœkwa lakpi bale dœ bale lœ ogo Galate dœ Friji, tshe ka kœpa fœ ayindœ Yisu adœke endje shi gbi lœ kœyindœrœ nœ endje.

Apolo lœ Efeze dœ Koriti

²⁴Anga uzu Yuda bale i'iri ye kœdœ Apolo, uzu lakpi Alekezandri lœ ogo Ezipito, na lima ga lœ Efeze. œshe kœdœ uzu nœ kœwusœ kœpa o'o dœ œtshœncœ, œ wu ndje sœ Buku nœ Ndjaba tœ œtshœncœ waa.

²⁵Endje yi lima sœ œrœ fœ she tœ upu nœ awa nœ Gbozu. Ishiri ye su dœ gbɔgbɔ, tshe mindœ o'o yé œ yisœ œrœ tœ pu nœ Yisu dœ ɔtshɔnœ waa. Kashe tshe wu lima kolœ œsœ batisimu á Yowane za lima fœ azu.

²⁶Tshe sœ lima kœpandœ Yisu dœ gbɔgbɔ kɔ lœ Sinagoga. Kashe manda kœdji she, Prisile œdœ Akila e she ba ndœ endje, yé œ kpa ma adja awa nœ Ndjaba fœ she.

²⁷Bata á tshe sœ lima dœ gbetshelœ nœ kœro ga lœ Akayi, ayancœ lœ Yisu sœ dœ yanga nœ agbe nœ ye, yé œ su mbeti fœ ayindœ Yisu ba zœ adœke endje za osho kœsœ fœ she. Manda kœwuta she ba zœ, tshe ti kane ayindœ Yisu ndjoro dœ ɔtshɔ lɔsu nœ Ndjaba.

²⁸Gbambancœ nene, tshe pa ngbi fœ Ayuda tœ ala azu adœke endje dji awa adja o'o, yé œ sœ lima kœma lœ awa nœ Buku nœ Ndjaba adœke Yisu kœdœ Masiya.

Akwa 19

Polo ba lœ ongbo Efeze

¹ɔlɔ á Apolo sœ lima ba lœ Koriti, Polo ro lima tɔ lœ kaga lœ aya Azi yeka á jerœ ga lœ Efeze. Ba zœ, tshe gbɔ lima anga ayindœ Yisu,

²á yu endje adœke: «'E gbɔ lima ɔtshɔ Ishiri ɔlɔ á 'e te ayindœ Yisu ye a?» Endje kœgi fœ she adœke: «'A djidji ndje anga nœ adœke ɔtshɔ Ishiri sœ zœ nene.»

³Polo kpa kœyu endje adœke: «Ka batisimu gade dá 'e gbɔ a?» Endje kœgi fœ she adœke: «'A gbɔ batisimuncœ á Yowane ayi kœza Batisimu yisœ nœ.»

⁴Polo kœgi adœke: «Adjapu Yowane sœ lima kœza batisimu fœ azu á endje fatshalɔsu endje, yé tshe sœ lima kœpa fœ endje adœke endje yindœ uzu á tshe na manda œne, œ yindœ kœpa adœke Yisu.»

⁵Endje dji o'onœ ascœmœ, yé œ gbɔ lima batisimu dœ i'iri Gbozu Yisu.

⁶Polo kœto kane ye ga pa endje, yé endje kœgbɔ ɔtshɔ Ishiri. Endje tetœ kœpa tafo o'o ama ogo dœ pe kœmindœ o'o á to ba ndœ Ndjaba.

⁷Azu wuta lima kɔkɔ ga pa œrœ nœ ndjokpa dœ bisha.

Kœyisœrœ nœ Polo ba lœ ongbo Efeze

⁸Polo sœ lima kœro ga lœ Sinagoga, yé lœ yapu voto, tshe sœ lima kœyisœ œrœ tœ upu nœ Ogo gbozu nœ Ndjaba dœ awa nene, yé œ pa o'o dœ mara adœke endje á endje dji she, yindœ o'o á tshe sœ kœpa tœncœ.

⁹Kashe anga azu sœ lima dœ gbɔkumu, œ vwaratœ endje tœ kœyindœ nœ yé œ sœ kœmɔ awa nœ Gbozu kpœtœ ala angbɔtœ. Polo katœ endje ti œ ko ayindœ

Yisu potœ ye, yé œ tetœ kœyisœ œrœ fœ endje ɔɔ dœ ɔɔ ɓa lœ anda lakɔɔ nœ Tiranuse.

¹⁰Tshe mbœrœ lima ataa manda ungu bisha yeka á azu kɔ á endje sœ lœ ogo Azi, œdœ Ayuda œdœ Agreke, endje dji lima o'o nœ Gbozu.

O'o tœ upu nœ kœgɔɔ ekpe ishiri

¹¹Ndjaba sœ lima kœmbœrœ ogboro œrœ lœ awa nœ Polo.

¹²Mbœrœ tœnœ ataa, anga azu sœ lima kœgu dœ siriki á goro ɔkɔ Polo fœ aayi koba. Koba nœ endje ka lima tœ endje yé ekpe ishiri gi lima tœ ye pa azu.

¹³Anga Ayuda á endje sœ lima kœro dje tœ osho kɔ kœgɔɔ ekpe ishiri pa azu koba asœmœ yamba lima kœgɔɔ ekpe ishiri dœ i'iri Gbozu. Endje pa lima adœke: «Mœ pa fœ 'e adœke dœ i'iri Gbozu Yisu á Polo œ yisœ œrœ tœ upu nœ ye asœmœ, 'e wuta ye!»

¹⁴Azu á endje le lima œrœ nœ asœmœ kœdœ agbolo yakoshe mindu dœ bisha (7) nœ anga gbozu ngangá Ndjaba nœ Ayuda á i'iri ye kœdœ Seva.

¹⁵Kashe ɔɔ bale, ekpe ishiri gi lima fœ endje adœke: «Yisu a? Mœ wusœ ye, yé mœ wu ndje sœ Polo. Kashe e'e a, 'e kœdœ adœ e?»

¹⁶Yé yakoshe á tshe sœ dœ ekpe ishiri nœ pa ye kœi ga ugurutœ endje dœ gbɔgbɔ kɔ, œ kœtetœ kœbi lima endje, œ suru tshelœ lœba, dœ pe kœtu uku tœ endje, á endje tɔ lima sœnda dœ ɔɔ á kpa ye.

¹⁷Azu para lœ Efeze, Ayuda dœ pe angbi azu dji lima o'onœ asœmœ, yé awa za endje yeka á endje li lima œsœ i'iri Gbozu Yisu.

¹⁸Azu ndjoro á endje yi lima ndœ Yisu, tetœ kœna tœnœ mbœrœ kœpandœ ekperœ á endje mbœrœ lima dœ tshama endje ga lafo.

¹⁹Anga endje ndjoro á endje sœ lima kœfa œrœ tsharawo, ko œrœ nœ endje para ga shu, yé á endje sho lima ukpulunœ tœ ala azu para. Endje di lima œrœnœ kɔ mbœrœ kœwusœ amanœ, œ wu lima adœke mbetinœ kɔ á endje sho li dœ Langere ngendja kutu zazu bisha dœ ndjokpa (250.000).

²⁰Mbœrœ tœnœ ataa, ɔtshɔ O'o za lima osho, azu ndjoro yi lima ndœ nœ lœ awa nœ gbɔgbɔ nœ Gbozu.

Kœoma azu lœ Efeze

²¹Manda o'onœ asœmœ, Polo wa o'o lœ awa nœ Ishiri kœro ga lœ Yerusaleme yé tshe vwanga tɔ lœ Masedwane dœ pe Akayi. Tshe pa ndje adœke: «ɔɔ á mœ kœwuta ɓa zœ, œ li ndje adœke mœ kpa ro ndje ga lœ Roma.»

²²Tshe vwa anga anganœ bisha, Atimote dœ Eraste ga lœ Masedwane, yé œ sœpe damba œnœ ye lima kœlo lœ Azi.

23 Kolœ dœ londœnœ asœmœ dá egerœ djingili wuta lima tœ upu nœ awa nœ Gbozu ba lœ Efeze.

24 Anga ayi kœfatshelœ ɔrœ, á i'iri ye kœdœ Demetriyuse, sœ lima kœembœrœ a 'eara anda tepelo nœ Artemise dœ kœwo, yé œ sœ lima kœete ngendja fœ endje waa.

25 Tshe ngbœba lima aayi kœfatshelœ ɔrœ dœ pe anga aayi akwa kœ á endje sœ lima kœembœrœ mara akwanœ asœmœ, á pa fœ endje adœke: «'E wusœ nœ ye anga mœ; a kœsœ dœ ɔtshœnœ, œ to kolœ manda akwa nœ azœ asœ.

26 Yé 'e sœ kœwu tœnœ too 'e sœ kœdji azu kœpa adœke: Polonœ asœmœ sœ kœmindœ nœ adœke andjaba á azu mbœrœ endje dœ kane endje dœdœ ɔtshœ andjaba nene. Azu ndjoro dji o'onœ yé œ fa lœsu endje ndœ nœ. Tshe mbœmbœrœ kolœ ba lœ Efeze nene, kashe dje ndje lœ Azi para.

27 Œ dœdœ kolœ azœ dá o'onœ asœ œ ndi akwa nœ azœ nene, kashe œ ndi ndje anda Tepelo nœ egerœ ndjaba yashe Artemise. Azu œ wu andanœ gbambanœ yé endje kpa lisœ nœ nene. Mbœrœ Azi dœ pe ogo djigi sœ lima kœdonga ndjabanœ asœmœ.»

28 Manda kœpa o'onœ asœmœ ataa, azu kœ á endje dji djerœ ókó, œ sœ kœta rawa adœke: «Artemise, egerœ ndjaba yashe lœ ongbo Efeze!»

29 Azu tshelœ ongbonœ djigi oma dœ o'o kekeke. Endje ko anga Polo á endje na tœ awa akwanœ bale dœ she, Agayuse dœ pe Aristarke azu Masedwane, na tœnœ ga la wutu mœlœ.

30 Polo yi lima ndœ kœwuta ga utshu azunœ ga zœ, kashe ayambarœ pakata she yé.

31 Anga aayi akwa nœ lita á endje dœ lima anga Polo mi lima upu fœ she adœke, tshe kpa nana ga la wutu mœlœnœ nene.

32 Dœ londœnœ asœmœ, uzu dœ uzu sœ lima kœta rawa nœ ye dœ o'o nœ ye kpikpikpi, yé azu ndjoro ugurutœ endje kpa wuwusœ ádá á endje ngbœtœ endje ndœ nœ nene.

33 Anga azu lœ ukpulu azunœ mindœ upunœ fœ anga uzu bale á i'iri ye kœdœ Alekezandre á Ayuda gavwa she ba utshu endje. Á tshe yi kane ye ga lafo ndœ kœyu o'o.

34 Kashe ɔlœ á ndje wusœ nœ adœke œshe kœdœ uzu Yuda, endje kpa ta rawa manda ada ɔlœ bisha adœke: «A donga Artemise lœ Efeze!»

35 Manda nœ, anga gbozu tshelœ ongbonœ u endje ga tœnœ yé á pa adœke: «Azu Efeze, uzu dœ dá wuwusœ nœ adœke ongbo Efeze sœ dœ anda tepelo nœ Artemise œdœ pe œrœ á endje gi á to ba lafo á te nene a?

³⁶Uzu bale œ shara o'onœ asœ nene, œ li adœke a sœ koko, yé a katœ koemboerœ œrœ á ádánœ gugu nene.

³⁷Azu á 'e to endje na tœnœ ga mœ asœ gugu œsœ ndjaba nœ azœ nene, endje zizi ndje angba nene.

³⁸Ɛ kœsœ adœke Demetriyuse dœ pe azu akwa nœ ye asœ sœ dœ o'o dœ uzu, uzunœ na œ tœ meza pa ye, ayi kœwa o'o sœ zœ dœ pe olo ngbanga sœ ndje zœ.

³⁹Yé anga o'o kœsœ ndje zœ, osho á azu œ ngbœtœ endje ga tœnœ kœguma o'o, œ wa o'onœ zœ.

⁴⁰A gbœ o'o tœ œrœ á a ngbœtœ azœ ga tœnœ kpesheke á mbœrœ asœ. Azu œ e azœ tœ aayi kœoma dœ o'o. Gbambanœ nene, anga uzu kœtœ meza pa azœ, o'o nœ kœpa tœnœ œ gu nene.» Manda o'onœ asœ, tshe pa fœ azu adœke endje gu ga mangba endje.

Akwa 20

Ana gene nœ Polo lœ Masedwane dœ pe lœ Grese

¹Ɔbœ á djingili o'onœ ka ye, Polo ngbœba ayambarœ ga tœnœ œ mi upu fœ endje, œ bala endje dœ kœza awa ga lœ Masedwane.

²Kœro she tœ lœ ogonœ ascœmœ, tshe mi lima upu waa fœ ayanœ lœ Yisu, manda nœ á wuta ga lœ Grese.

³Tshe mbœrœ lima yapu votœ ba zœ. Ɔbœ á tshe yi lima ndœ kœœ ga lœ egerœ agba kœro ga lœ Siri, bœta Ayuda sœ lima kœvwarandœ ye á tshe dji, á kpa kwa dja ga lœ Masedwane.

⁴Anganœ lœ ana kœdœ lima: Sapatrose gbolo yakoshe nœ Piruse uzu Bere, Aristarke dœ pe Sekunduse azu Tesalonike, Gayushi uzu Derbe, Timote, Tishike dœ pe Trofime azu ogo Azi.

⁵Kœwuta ga lœ ogo Masedwane, endje ro lima œnœ endje utshunœ kœkate 'a ba lœ Trowase.

⁶Yé a'a nœ 'a, manda angbo nœ mapa á susuku nene, á œ ga lœ egerœ agba tœ mangu Filipino œ mbœrœ olo mindu, á togba dœ endje lœ Trowase á mbœrœ pœœ bale dœ endje.

Kœshe nœ Etike lœ Trowase

⁷Dœ œbœ yenga dœ akidala, 'a ngbœ lima tœ 'a ga tœnœ ndœ kœkurutshelœ mapa, Polo sœ kœmindœ 'o ama Ndjaba fœ aayanœ lœ Yisu œerrr ga tœ tshaguru butshœ mbœrœ œ li lima adœke osho kœkœrœ tshe ro.

⁸Miinda sœ lima zœ lœ gbœshœ ba lafo á angbœtœ 'a ga lœ nœ.

⁹Anga djagbala yakoshe á ì'ìrì ye kœdœ Etike, tshe sœ lima ga tœ ape izi, olo za she kpakpakpa, bata Polo kaka lima damba tœ o'onœ nene, lœ olo, tshe djo œ te kœto ba tœ voto gboshœ ba lafo œrrr ba ati. Kœyindœ kœti she ga lafo atake tshe tshu lima ye.

¹⁰Polo jerœ ga ati, á na katsha ga ndœ ye á za she ga lakoro ye á pa adœke: «Awa zaza 'e nene, tshe sœpe dœ soro!»

¹¹Kpa kœœ she ga lafo ga zœ, Polo kurutshelœ mapa tœ endje yé endje zì, manda nœ tshe pa 'o œrrr o 'ara yeka á ro.

¹²Gbolo yakoshe ascœmœ she ye, endje gu dœ she ga ndœ endje, yé lœsu azu para kœkœ zì tii.

Polo na ga lœ Mile

¹³'A afo utshunœ, œ li ga lœ egerœ agba ndœ kœero ga lœ Arose. 'A yindœ kœza Polo ga ndœ 'a mbœrœ tshe yi lima ndœ kœero ga zœ dœ ada ye.

¹⁴Ɔlœ á tshe gbœ 'a ba lœ Arose, 'a za she ga ndœ 'a ga lœ egerœ agba mbœrœ kœero ga lœ Mitilene.

¹⁵Osho kœrœ panœ, 'a to kpœtoœmœ 'a na ndœ dœ tshiki Kio. Manda olo bale 'a wuta ga tœ tshiki Samose, tœ bisha olo yeka á 'a wuta ga lœ Mile.

¹⁶Polo wa lima adœke œne ka lœ Efeze nene, mbœrœ olo œ ro tœ œne lœ ogo Azi waa. Ogo nœ ye kœdœ lima kœwuta katsha ga lœ Yerusaleme lœkœ Patekœte.

Polo pu o'o fœ agbozu Ikrizia lœ Efeze

¹⁷Ba lœ Mile, Polo vwa osho ndœ agbozu Ikrizia lœ Efeze.

¹⁸Ɔlœ á endje wuta ga ndœ ye, tshe pa fœ endje adœke: «'E wusœ ɔtshœ mœ ugurutœ 'e, kœto tœ ali olo mœ á mœ na ga ndœ 'e lœ ogo Azi.

¹⁹Mœ zaza tœmœ lœ ama akwa nœ Gbozu nene, mœ mbœrœ akwa dœ ngola lœ ala mœ, mœ wu oyo waa mbœrœ Ayuda sœ lima kœvwarandœ mœ.

²⁰Mœ zaza anga œrœ á li kœti kane 'e yiwatœ nœ tœ 'e nene, mœ mindœ Yisu fœ 'e, mœ yisœ œrœ fœ 'e lœ ukpulu azu too ba scœnda nœ 'e.

²¹O'o mœ sœ lima kœ'e Ayuda dœ Agreke adœke endje fa lœsu endje fœ Ndjaba dœ pe kœyindœ Gbozu nœ azœ dœ Yisu.

²²«Ngœngœ asœ, Ìshiri sœ kœvwa mœ ga lœ Yerusaleme, mœ wuwusœ neke á wuta ga tœ mœ ba zœ nene.

²³Kashe œneke á mœ wusœ nœ kœdœ lœ ongbo kœ á mœ ro lœ nœ, Ɔtshœ Ìshiri sœ kœma fœ mœ adœke, kánga dœ pe œrœ oyo kœ sœ kœekate mœ.

- ²⁴Kashe mœ wu adœke soro mœ sœ bata œrœ gbambancœ, ogo nœ mœ kœdœ mœ na œrrr ga tœ ndɔngɔɔ akwa nœ mœ, yé ga tœ kœka akwa á Gbozu Yisu za fœ mœ adœke: mœ mindœ ɔtshɔ O'o nœ ɔtshɔ lɔsu nœ Ndjaba ga ndœ azu.
- ²⁵«Ngɔngɔ nœ asœ, mœ wusœ nœ adœke 'e kpa wu mœ nene, e'e má mœ sœ lima ugurutœ 'e mbœrœ kœpandœ Ogo gbozu nœ Ndjaba fœ 'e.
- ²⁶Mbœrœ tœncœ ataa á mœ sœ kœpandœ nœ fœ 'e kɔ kpesheke adœke: indji 'e œ tu ga lœ kumu mœ nene.
- ²⁷Gbambancœ nene, mœ zaza anga o'onœ yiwa tœncœ tœ 'e nene, mœ pandœ awa akwa nœ Ndjaba para fœ 'e ye.
- ²⁸'E gbɔndœtœ 'e dœ tœ 'e, yé œ gbɔndœ azu á ɔtshɔ Ishiri ko 'e tœ aayi kœgbɔndœ endje. 'E gbɔndœ Ikrizia nœ Ndjaba bata aayi kœgbɔndœ apata. 'E gbɔndœ nœ mbœrœ Ndjaba dá yɔ dœ indji Gbolo nœ ye dœ tœ ye.
- ²⁹Mœ wusœ nœ adœke aekpe azu œ na manda mœ, endje sœ bata amuru, endje wu oyo apatancœ nene.
- ³⁰Ugurutœ 'e ndje, anga anga 'e œ tetœ kœpa wala mbœrœ kœgbota ayindœ Yisu ga ndœ endje.
- ³¹Ataa, ala 'e gbɔ, adja œndœ tœ 'e roro 'e nene. 'E gbe dœ ungu votɔ butshɔ dœ ɔɔ dœ ngola lœ la mœ, mœ sœ lima kolœ kœna manda uzu dœ uzu ndœ kœgi she ga ugurutœ 'e.
- ³²«Yé ngɔngɔ asœ, mœ sœ kœko 'e ga tshakane Ndjaba, ɔtshɔ O'o nœ ɔtshɔ lɔsu nœ ye gbɔndœ 'e, œ li kœza gbɔgbɔ fœ 'e ndje dœ kœko œrœ kɔ á tshe guma mbœrœ azu á tshe ke endje fœ 'e.
- ³³Mœ scœsœ lima dœ ogo œrœ nœ uzu bale nene, œdœ ngendja, ɔrœ too lœba.
- ³⁴'E wusœ nœ dœ tœ 'e adœke mœ mbœrœ lima akwa dœ kane mœ dœ tœ mœ yé á gbɔ œrœ á li dœ mœ dœ pe anga mœ á mœ na tœ awancœ bale dœ endje.
- ³⁵Mbœrœ tœncœ ataa, mœ sœ lima kœma fœ 'e adœke, 'e mbœrœ akwa yeka á kœto œrœ fœ endjeneke á endje mœmœ ugurutœ 'e, 'e gbe dœ o'o á Gbozu Yisu pa dœ tœ ye lima adœke: “Yanga nœ kœto œrœ fœ azu ropa œncœ kœgbɔ tœncœ ye.”»
- ³⁶Manda o'onœ, Polo gote ga atɪ dœ endje para ndœ kœ e Ndjaba.
- ³⁷Endje para endje tetœ iki ye, œ yo ga dagɪ Polo ndœ kœ'uru tshelœ utu ye.
- ³⁸Endje sœ lima dœ oyo mbœrœ Polo pa fœ endje adœke, œne kpa wutœ œne dœ endje nene. Manda nœ á endje gi she na tœncœ œrrr ga lœ egerœ agba.

Akwa 21

Kœɔ Polo ga lœ Yerusaleme

- ¹Manda kœkurutshelœtœ 'a dœ endje, 'a li ga lœ egerœ agba, 'a ro ga lœ tshiki Kose, osho kœɔ panœ 'a wuta ga lœ Rode, kœto kpœtoœmœ dá 'a ro ga lœ Patara.
- ²Kpœtoœmœ, 'a gbɔ anga egerœ agba á sœ kœero ga lœ Fenisi, yeka 'a ɔ ga lœ nœ á ro.
- ³Kœendo dœ Shipre, 'a katœ tshikinœ ga pa gele 'a, 'a za awa Siri, 'a jerœ ba lœ Tire ba tœ osho á endje yi lima ndœ kœeko œerœ lœ egerœ agba ga shu.
- ⁴'A mbœrœ lima pœɔ bale kpœtoœmœ mbœrœ 'a gbɔ ayindœ Yisu. Lœ awa nœ Ishiri, endje pa fœ Polo adœeke tshe nana ga lœ Yerusaleme nene.
- ⁵Kashe ɔɔ á olo 'a ka, endje na kœekatœ 'a ga tœ awa dœ awo endje dœ pe agbolo nœ endje. Yeka á 'a gote ba tœ mangu yé á za awala.
- ⁶Manda kœbala ndangba tœ 'a dœ endje, 'a ɔ ga lœ egerœ agba yeka á endje gu ga ndœ endje.
- ⁷Kœto lœ Tire, 'a ro œerrr ga lœ Petolemayise, 'a mbœrœ kpœtoœmœ olo bale ndœ kœebalatœ 'a dœ aaya 'a lœ Yisu.
- ⁸Osho kœɔ panœ, 'a ro ga lœ Sezaré, ba zœ 'a ro ga ndœ ayi kœeyisœ Ɔtshɔ O'o á i'iri ye kœdœ Filipo, 'a lo ba ndœ ye. Œshe kœdœ anga aayi kœeti kane aayi avwa á 'a ke lima endje minu dœ bisha (7) lœ Yerusaleme.
- ⁹Tshe sœ dœ ayawuru vana á endje sœpe dœ akpœnœ, á sœ kœegbara o'o á to ba ndœ Ndjaba.
- ¹⁰Yé 'a mbœrœ olo ndjoro lima kpœtoœmœ, anga ayi kœegbara o'o to lœ Yuda œ na, i'iri ye kœdœ Agabuse.
- ¹¹Kœgbɔ 'a, tshe za uwu tshapa lœba nœ Polo á i dœ ada ye dœ pe kane ye, á pa adœeke: «Ɔtshɔ Ishiri pa adœeke mara á Ayuda œ i bala dœ ayengɔ uwu tshapa lœbanœ asœ ba lœ Yerusaleme á za she fœ anga angbi azu dœmœ.»
- ¹²Manda kœedji o'onœ asœ, a'a dœ pe aaya lœ Yisu lœ ongbonœ, di tshelœma 'a fœ Polo adœeke, tshe nana ga lœ Yerusaleme nene.
- ¹³Kashe Polo gi adœeke: «Mbœrœ gade dá 'e sœ kœeki tœnœ á sœ kœeyi awa ga lœsu mœ a? Mœ guma tœ mœ ndje adœeke, endje za mœ ga lœ kána dœ pe kœewo mœ ba lœ Yerusaleme mangba i'iri Gbozu Yisu ye.»
- ¹⁴Bata á tshe yiyindœ o'o nœ 'a lima nene, 'a katœ kœeshosho she yé á pa adœeke: «Kaka adœeke Gbozu mbœrœ lindœ gbetshelœ nœ ye.»
- ¹⁵Manda olo teasho, 'a guma tœ 'a ndœ kœero ga lœ Yerusaleme.

¹⁶Anga ayindœ Yisu lœ Sezaré á 'a ro tœ awanœ dœ endje lima, endje gbo osho kœlo tœnœ fœ 'a ba ndœ anga uzu bale lœ Shipre, i'iri ye kœdœ Manasone, œshe kœdœ anga yindœ Yisu balima katshatsha.

Polo dœ Jake gbœtœ endje ba lœ Yerusaleme

¹⁷Ŋlœ á 'a wuta ga lœ Yerusaleme, alaya lœ Yisu uru tshelœ utu 'a dœ yanga.

¹⁸Osho kœrœ panœ, 'a ro tœ awanœ bale dœ Polo ga ndœ Jake, osho á agbozu kuma akwa kœ lœ Ikrizia œ ngbœtœ endje ga tœnœ.

¹⁹Manda kœbala endje, Polo pandœ œrœ kœ á Ndjaba mbœrœ lima dœ she awa bale lœma akwa nœ ye ugurutœ angbi azu.

²⁰Endje dji Polo, yé œ donga Ndjaba. Á pa fœ she adœke: «Bœ wu, aya, Ayuda andjoro yindœ Yisu, endje kœ sœ kœpara awa kœmbœrœtœ endje liaka awa akwa á Ndjaba za fœ Moyize dœ lœsu endje bale.

²¹Kashe endje dji adœke, bœ yisœ œrœ fœ Ayuda para á endje sœ lœ oporotœ angbi azu adœke, endje katœ awa akwa nœ Moyize yé œ ka ndje tœ kœwa agbolo nœ endje tœ gaza dœ pe kœmbœrœ œrœ mara ogo nœ azœ.

²²A mbœrœ kotoo? Mbœrœ endje dji ndœ zœ adœke bœ sœ kpœke zœ.

²³Mbœrœtœ zœ lindœ neke á 'a pa fœ bœ asœke. 'A sœ dœ anga azu vana á endje dra ama endje fœ Ndjaba.

²⁴Ko endje potœ zœ dœ 'e na œ mbœrœ adœke œkœ 'e sœ yerœ, gi œrœ tokórœ tshangba endje. Endje li ndje kœwa sukumu endje yé azu para œ gbe adœke o'o á ki dœ i'iri zœ kœdœ wala. Kashe œ li ndje adœke bœ mbœrœtœ zœ liaka awa akwa.

²⁵Yé mbœrœ angbi azu á endje te ayindœ Yisu, 'a su mbeti dœ o'o á 'a wa adœke: endje zizi œrœ á endje to dœ okoro fœ andjaba nene, indji, dœ agea á indji ye tutu ga ati nene, yé endje mbœmbœrœ angba budu nene.»

²⁶Osho kœrœ panœ, Polo ko ayakoshe asœmœ yé œ mbœrœ adœke œkœ œne sœ yerœ awa bale dœ endje. Endje na dœ endje ga lœ Tepelo mbœrœ kœpandœ kœka olo nœ kœmbœrœ adœke œkœ œne sœ yerœ, yekane á uzu dœ uzu kœzo agea tokórœnœ ga utshu Ndjaba.

Kœza Polo

²⁷Œ sœpe lima teasho adœke olo mindu dœ bisha nœ kœmbœrœ adœke œkœ azu sœ yerœ ka, yeka Ayuda lœ ogo Azi wu Polo lœ Tepelo. Endje bili azu ndjoro ndœ ye yé á za she.

²⁸Endje sœ lima kœta rawa adœke: «Azu Israyele, 'e na ga mœ œ ti kane 'a ga lafo! Uzunœ á tshe sœ kœyisœ œrœ fatœnœ djezœ, á tshe sœ kœndi tshelœ

koelisœetœ ogo Israyele, á yiyindœ awa akwa nœ Moyize nene, á tshe ko angbi azu ga lœ Tepelo, á ndi œeyerœ osho dœeke.»

²⁹Mbœerœ endje wu lima Trofime uzu Efeze dœ she ba lœ ongbo á gbe adœeke Polo li dœ she ga lœ Tepelo.

³⁰Tshelœ ongbo djigi turu dœ o'onœ, yé azu ndjoro na lima ye. Endje tepa Polo lœ Tepelo œ wuta dœ she ga shu, trale dœ koetshu mandanœ ga tœnœ.

³¹Bata á endje sœ lima ndœ kœpara awa kœwo she, o'onœ wuta lima ba ndœ gbozu tshapa aturugu nœ Roma lœ Yerusaleme adœeke: «Ekpe o'o li ga lœ Yerusaleme ye!»

³²Katsha, tshe ngbœba aturugu dœ agbozu tshapa endje, á endje na ga tœ osho á o'o sœ tœnœ. Lœkœ á azu wu aturugu dœ gbozu tshapa endje yeka á katœ kœbi Polo.

³³Yé gbozu tshapa aturugu na ndoo dœ she, á za 'o fœ endje adœeke endje i Polo ga tœnœ dœ djingiri bisha. Manda nœ á tshe yu osho adœeke œshe kœdœ dœ yé œerœ gadœ dá tshe mbœerœ a.

³⁴Kashe lœ ukpulu azu, uzu dœ uzu sœ kœta rawa dœ o'o nœ ye kpi, bata gbozu nœ aturugu sœ lima kœdji ádá o'onœ dœ œtshœ nœ nene mbœerœ ukpulu azu, á wa adœeke endje gu dœ Polo ga lœ pada nœ aturugu.

³⁵Lœkœ á endje wuta ga pa esekaliye, aturugu za Polo ga lafo mbœerœ azu sœ lima kœendanga endje waa.

³⁶Yé azu kœ te manda endje dœ rawa adœeke: «'E wo she!»

Kœpa ngbanga nœ Polo ba utshu Ayuda

³⁷Ŭb á endje yindœ koeli dœ she ga lœ padanœ, Polo pa fœ gbozu nœ aturugunœ adœeke: «Bœ yindœ nœ adœeke mœ pa o'o ye a?» Tshe gi fœ she adœeke: «Bœ wu ndje sœ o'o ama Greke ye!»

³⁸œ dœdœ bœ kœdœ uzu Ezipito á tshe za djingili lœ olo á ro kpœke ga ugurutœ azu, yé á bili azu á kpa ndje dœ azu koshe kutu vana ga lœ kpagagasho nene a?»

³⁹Polo gi fœ she adœeke: «œœ nene, œmœ kœdœ uzu Yuda, endje zu mœ lœ Tarse lœ ogo Silisi. œmœ kœdœ gbolo ongbo á i'irincœ to waa. Wu oyo mœ, œ za awa fœ mœ, mœ pa o'o fœ azu.»

⁴⁰Tshe za awa fœ she, Polo ka ga pa esekaliye, œ ti kane ye ga lafo ndœ kœma adœeke azu katœ kœta rawa, azu wu œ sœ kokoko. Yé tshe tetœ kœpa 'o fœ endje dœ o'o ama ogo Ayuda á dœ Ebre adœeke:

Akwa 22

¹«Alaba dœ pe alaya, 'e dji o'o ngbanga nœ mœ á mœ yindœ kœgi ngɔngɔ asœke ga utshu 'e kane.»

²Kœdji adœke Polo sœ kœpa 'o fœ endje dœ o'o ama Ebre, osho kpa yi taa, yé á tshe pa fœ endje adœke:

³«œmœ kœdœ uzu Yuda, endje zu mœ lœ Tarse lœ ogo Silisi, kashe mœ gerœ lœ ongbonœ asœ, mœ mbœrœ lakɔɔ á sœ kœyisœ o'o á pandœ awa akwa nœ aata azœ tshakudu Gamaliyele, œmœ kœdœ lima uzu á mœ zatœ mœ waa fœ Ndjaba bata 'e para kɔkɔ á 'e sœ kœmbœrœ tœnœ kpesheke.

⁴Mœ sœ ndje lima kœwo azu á ndje sœ kœza awa Gbozu, mœ ko ayakoshe dœ pe ayashe va ga lœ kánga.

⁵Egerœ nganga Ndjaba dœ ukpulu agbozu tshapa azu o'o œ pa ndje ndœmanœ fœ 'e ye. Endje dá vwa lima mœ adœke mœ na œ katœ mbeti á sœ kœza awa fœ mœ kœro ndœ aaya mœ dœ Ayuda á endje sœ ba lœ Damaseke. Mœ na lima ga zœ ndœ kœko azunœ asœmœ, kœgu dœ endje ga lœ Yerusaleme mbœrœ á endje kœgbɔ djofele.»

Polo pandœ mara á tshe fa lima tshalɔsu ye

(Wu ba tœ Akw 9.1-19; Mat 26.12-18)

⁶«Mœ sœ lima lœ awa ana, yé lɔkɔ á mœ ndo dœ tshalakpi Damaseke, ngbangi dœ gbɔku ɔlɔ atake, ishiri owo to ba lafo œ za mœ djigi.

⁷Mœ te ga ati, yé œ dji tshama uzu kœ'e mœ adœke: “Sawulo, Sawulo, mbœrœ gadœ á bœ mbœrœ œrœ kanga fœ mœ ata a?”

⁸Mœ gi adœke: “œbœ kœdœ œdœ, Gbozu?” Tshama uzu kpa pa adœke: “œmœ kœdœ Yisu ba lœ Nazarete, œmœ dá bœ mbœrœ œrœ kanga fœ mœ asœmœ.”

⁹Anga mœ á 'a na lima dœ endje wu ishiri owonœ ye, kashe endje djidji lima o'onœ á uzunœ sœ kœpa tœnœ fœ mœ nene.

¹⁰Mœ yu adœke: “œrœ gadœ dá mœ kœmbœrœ a, Gbozu nœ mœ?” Yeka á Gbozu gi fœ mœ adœke: “Alafo œ na ga lœ Damaseke, yé ba zœ, endje yisœ akwa á li adœke bœ mbœrœ.”

¹¹Bata ishiri owonœ bu lima ala mœ ye, anga mœ dá za kane mœ wuta tœnœ ga lœ Damaseke.

¹²«Anga uzu lima bale ba zœ i'iri ye kœdœ Anania, œshe kœdœ uzu nœ ɔtshɔ lɔsu, tshe sœ kœgbɔndœ awa akwa nœ Moyize waa, yé Ayuda para á endje sœ lima kpœtœmœ sœ kœpa ɔtshɔ o'o nœ ye waa.

¹³Tshe na œ gbɔ mœ œ pa fœ mœ adœke: “Sawulo, aya mœ, ala zœ kɔɔ!” Trale ala mœ kɔɔ yé mœ mesho œ wu she.

¹⁴Yeka á tshe kœpa fœ mœ adœke: “Ndjaba nœ aata azœ ke bœ adœke bœ wusœ œrœ á tshe yindœ nœ, bœ wu uzu á tshe sœ ndjii yé bœ dji o'o nœ ye.

¹⁵Mbœrœ bœ dœ bala timu nœ ye utshu azu para, tœ œrœ á bœ wu dœ pe neke á bœ dji.

¹⁶Bœ sœ kœkate œrœ gadœ? 'A ro bœ gbœ batisimu dœ i'iri Yisu yé œ ta i'iri ye dœ ekperœ nœ zœ kœyiwa.”

¹⁷«Mœ gu ga lœ Yerusaleme, yé anga ɔɔ bale mœ sœ kœ'e Ndjaba ba lœ Tepelo, mœ wu œrœ lœ ulu.

¹⁸Mœ wu lima Gbozu á tshe sœ kœpa fœ mœ adœke: “Katœ Yerusaleme ngɔngɔ asœ ti, mbœrœ azunœ œ yi bala ndœ o'o á bœ pa fœ endje dœ i'iri mœ nene.”

¹⁹Mœ gi adœke: “Kashe Gbozu, endje wusœ nœ adœke mœ sœ lima kœna kœli ga lœ Sinagoga kœko azu á endje sœ dœ kœyindœrœ ga ndœ zœ, œ bi endje yé œ ko endje gu tœnœ ga lœ kánga.

²⁰ɔɔ á endje wo lima Etiene, timu nœ zœ, mœ sœ lima zœ; mœ yindœ nœ ga ndœ endje, yé œ gbœndœ lœba nœ endje.”

²¹Yeka á Gbozu pa fœ mœ adœke: “Na zœ, mœ yindœ kœvwa bœ lœ ingirinœ, ba ndœ angbi azu.”»

Polo pa adœke œne kœdœ gbolo ogo Roma

²²Ayuda á endje sœ lima kpœtœmœ dji o'o nœ ataa, œ oma dœ Polo yé œ tetœ kœta rawa adœke: «'E wo mara uzu atake ye! Tshe lili kœsœpe dœ soro nene!»

²³Bata endje sœ lima kœta rawa, kœko lœba nœ endje va e dœ pe kœgi trusha ga lafo,

²⁴gbozu tshapa aturugu pa adœke endje za Polo li tœnœ ga lœ pada œ sɔ she, yeka á kœwusœ ádá rawanœ á endje ta pa ye asœmœ.

²⁵Endje sœ kœi she dœ uwu ga tœnœ, Polo yu gbozu nœ aturugu adœke: «œ li adœke endje bi gbolo ogo Roma utshu kœwa ngbanga nœ ye ye a?»

²⁶Manda kœdji o'onœ ataa, gbozu nœ aturugunœ pandœ nœ fœ gbozu tshapa endje adœke: «Bœ mbœrœ kotoo! Mbœrœ uzu asœ kœdœ gbolo ogo Roma!»

²⁷Gbozu tshapa aturugu kwatœ ye œ yu Polo adœke: «Pandœ nœ fœ mœ ka, adja bœ kœdœ gbolo ogo Roma a?» Polo yindœ nœ adœke: «œ.»

²⁸Gbozu tshapa aturugu kpa pa adœke: «œmœ, mœ ko egerœ ngendja ndœ kœfa gbolo ogo Roma.» Polo pa adœke: «œmœ, mœ kœdœ adja gbolo ogo Roma.»

²⁹Trale, azu á endje sœ lima kœbi she, gitœ endje indiri ye yé. Awa za ndje lima gbozu tshapa aturugunœ mbœrœ kœwusœ nœ adœke œnœ i gbolo ogo Roma ga tœnœ dœ uwu.

Polo ƒa utshu aayi kœwa ngbanga

³⁰Osho kœrœ panœ, gbozu tshapa aturugu yindœ kœwusœ ádá á Ayuda sœ kœza o'o ga pa Polo. Tshe zu djingiri tœ ye, yé manda nœ á e angbotœ nœ agbozu tshapa anganga Ndjaba dœ pe aayi kœwa ngbanga para, á jerœ dœ Polo, á za she tœ ga utshu endje.

Akwa 23

¹Polo ko ala ye tœ lœ la agboro aayi kœwa ngbanganœ, á pa fœ endje adœke: «Alaya, soro mœ sœ yerœ utshu Ndjaba œrrr ga tœ ngœngœ asœke yé lœsu mœ sœ dœ kœsœ gee mbœrœ tœnœ.»

²Kashe egerœ nganga Ndjaba á i'iri ye kœdœ Anania za o'o fœ azu á endje sœ ndoo dœ Polo adœke endje du ama ye.

³Yé Polo pa fœ she adœke: «Ndjaba œ ƒi ƒœ, ƒœ sœ ƒata imbi muru anda á kavwa! ƒœ sœ ƒa zœ mbœrœ kœwa ngbanga pa mœ liaka œneke á awa akwa pandœ nœ, yé ƒœ kpa katœ awa akwa ti œ pa adœke endje da mœ a?»

⁴Azu á endje ka lima ndoo dœ Polo pa fœ she adœke: «ƒœ gu egerœ nganga Ndjaba a?»

⁵Polo gi fœ endje adœke: «Alaya, mœ wuwusœ nœ nene adœke œshe kœdœ egerœ nganga Ndjaba. Gbambanœ nene, Buku nœ Ndjaba pa adœke: “ƒœ pa ekpe o'o goro œsœ gbozu tshapa azu nœ zœ nene.”»

⁶Polo wu lima sœ nœ adœke anga aayi kœwa ngbanganœ kœdœ Asadukayi, yé anga endje kœdœ Afarisayi. Mbœrœ tœnœ, tshe pa o'o ga utshu endje adœke: «Aaya, œmœ kœdœ uzu Farisayi, aata mœ kœdœ Afarisayi. Endje yindœ kœwa ngbanga pa mœ mbœrœ á mœ za lœsu mœ ga pa neke á pa adœke azu á endje tshu, endje she bala lœ akuzu ye.»

⁷Trale manda o'onœ á Polo pa ataa, a'ea wuta ugurutœ Afarisayi dœ pe Asadukayi, yé endje kurutshelœtœ endje.

⁸Gbambanœ nene, Asadukayi pa adœke azu á endje tshu endje she lœ akuzu nene yé aandjelu dœ pe ishiri azu gugu nene. Kashe Afarisayi yi œnœ endje ndœ o'onœ asœmœ kœ.

⁹O'o wuta lima ngbangbangba, yé anga aayi kœyisœ awa akwa á endje dœ Afarisayi áafo, œ vwaratœ endje dœ œgbœ, œ pa adœke: «'A wuwusœ ekperœ bale á yakoshe asœ mbœrœ nene. Anganœ nene ishiri dá pa o'o fœ she a, too andjelu a?»

¹⁰Bata o'onœ sœ lima kœgerœ tœncœ, kœkpa awa adœeke endje súru tshelœ Polo nene, gbozu tshapa aturugu za o'o adœeke aturugu jerœ œ za Polo ugurutœ endje dœ œ gi she ga lœ pada.

¹¹Dœ abutshœ manda nœ, Gbozu wuta ga utshu Polo á pa fœ she adœeke: «Ka ngbiri, bata á bœ pa djakata o'o tœ upu nœ mœ lœ Yerusaleme kpœke, awa bale œ li adœeke bœ mbœrcœ ndje ataa ba lœ Roma.»

Ayuda vwarandœ Polo

¹²Osho kœrcœ panœ pe dœ amazi, anga Ayuda ngbœtœ endje ga tœncœ mbœrcœ kœvwarandœ o'o. Endje dara ama endje adœeke, œne zi œrcœ nene, œ ndjo ndje œrcœ nene œrrr adœeke œne wo Polo yekane.

¹³Azu á endje dara lima ama endje sœ kœropa zazu bisha.

¹⁴Endje ro ga ndœ agbozu tshapa anganga Ndjaba œdœ pe agbœ Ayudancœ œ pa adœeke: «'A dara ama 'a dœ i'iri Ndjaba adœeke, 'a kpa zi œrcœ nene yé 'a ndjo ndje ungu nene œrrr adœeke 'a wo Polo yekane.

¹⁵Yé e'e dœ agboro aayi kœwa ngbanga kœ, 'e vwa osho fœ gbozu tshapa aturugu adœeke, endje za Polo na tœncœ mbœrcœ 'e kpa tondœ o'o nœ ye kpœrcœ kpœrcœ kane. Kashe kolœ 'a, 'a gbe adœeke 'a wo she utshuncœ adœeke tshe yi kumu ye kpœke.»

¹⁶Kashe gbolo yakoshe nœ yingœ Polo dji lengere o'onœ ascœmœ, œ na ga lœ pada ndœ kœva Polo nea dœ o'onœ.

¹⁷Yé Polo kœ'e anga turugu á tshe kœdœ gbozu tshapa aturugu kama, á kœpa fœ she adœeke: «Na dœ gbolo yakoshe ascœ fœ gbozu tshapa 'e, tshe sœ dœ o'o kœpandœ nœ fœ she.»

¹⁸Turuguncœ ascœmœ kœna dœ gbolo yakoshencœ ascœmœ fœ gbozu tshapa endje, œ kœpa fœ she adœeke: «Ayi kánga Polo dá e mœ á pa adœeke, mœ na dœ gbolo yakoshe ascœ fœ bœ, mbœrcœ tshe sœ dœ o'o kœpa fœ bœ.»

¹⁹Gbozu tshapa aturugu kœza ama kane ye, kœgitœ ye dœ she ga indirincœ, kœyu she adœeke: «O'o gadœ dá bœ yindœ kœpandœ nœ fœ mœ a?»

²⁰Gbolo yakoshencœ kœgi fœ she adœeke: «Ayuda zi tshelœ o'o ndœ kœfara bœ adœeke, bœ za Polo na tœncœ ba mbatsha ga utshu agboro aayi kœwa ngbanga. Endje mbœrcœ adœeke œne gbe kœtondœ o'o nœ ye dœ œtshœncœ kane.

²¹Kashe yiyindœ nœ nene. Gbambancœ nene, endje lœ kœropa azu zazu bisha á endje gi uku ga tœ awa ye. Endje dara ama endje dœ i'iri Ndjaba adœeke œne zi œrcœ nene, œ ndjo ndje ungu nene œrrr adœeke œne wo Polo yekane. Adja endje gumatœ endje kœ yé œ sœ kolœ kœkate adœeke bœ yindœ nœ awa bale dœ œne.»

²²Utshu kœza awa fœ gbolo yakoshencœ, gbozu tshapa aturuguncœ pa fœ she adœke: «Kpa mimindœ nœ fœ anga uzu bale nene.»

Kœvwa Polo ga lœ Sezaré

²³Gbozu tshapa aturugu kœ'e anga aturugu nœ ye bisha, kœpa fœ endje adœke: «'E gumatœ 'e mbœrœ kœro ga lœ Sezaré, dœ ada ɔlɔ mindu dœ vana lœ butshɔ asœ, e ko aturugu kama bisha, endjeneke á endje ɔ ga pa ambarata zazu voto dœ ndjokpa dœ azu kœnɔ wele kama bisha.

²⁴'E ko ndje ambarata mbœrœ kœgi dœ Polo dœ soro fœ gbozu Felikisi.»

²⁵Yé tshe kœsu mbeti adœke:

²⁶«Abala nœ zœ. Œmœ Klode Lisiyase, mœ sœ kœsu mbetinœ asœke fœ bœ dœ gbozu Felikisi, á endje lisœ zœ waa asœmœ.

²⁷Ayuda za uzu asœ yé œ yindœ kœwo she. Lɔkɔ á mœ dji adœke œshe kœdœ gbolo ogo Roma, mœ na dœ aturugu nœ mœ á za she tshakane endje.

²⁸Bata á mœ yi lima ndœ kœwusœ ádá o'o á endje tɔ lima meza pa ye ndœ nœ, mœ na dœ she ga utshu agboro aayi kœwa ngbanga nœ Ayuda.

²⁹Mœ wu adœke, endje tɔ mezanœ pa ye mbœrœ o'o á wu awa akwa nœ endje dœ tœ endje. Kashe tshe mbœmbœrœ anga ekperœ bale á li adœke endje wo she too endje za she ga lœ kángá nene.

³⁰Bata endje pandœ nœ fœ mœ adœke, Ayuda sœ dœ ekpe gbetshelœ tœ kœwo she, mœ vwa she fœ bœ, œ pa fœ endje adœke endje na ndje kœtɔ mezanœ pa ye ba utshu zœ.»

³¹Aturugu mbœrœtœ endje liaka o'o á gbozu tshapa endje pa. Endje za Polo yé œ gi she na tœnœ butshɔ butshɔ œrrr ga ndœ Atipatrisi.

³²Osho kœrɔ panœ, aturugu á endje sœ lima kœna dœ ada endje kwatœ endje ga lœ padanœ, yé á katœ endjeneke á endje ɔ ga pa ambarata kœro tœ awanœ dœ Polo.

³³Lɔkɔ á endje wuta ga lœ Sezaré, ayi kœkpa dœ ambarata za mbetinœ fœ gbozu tshapa ogo lœ ongbonœ, yé œ katœ Polo tɔ ga tshakane ye.

³⁴Gbozu tshapa ogo lœ ongbo Yuda kœdi mbetinœ yé á yu Polo tœ kœwusœ ogo nœ ye. Manda kœwusœ nœ adœke œshe kœdœ uzu lœ ogo Silisi,

³⁵tshe pa fœ she adœke: «Mœ dji bœ dœ lɔkɔ á azu kœtɔ meza pa zœ kœyikumu endje.» Tshe kœpa fœ aturugu nœ ye adœke endje gbœndœ Polo ba sœnda nœ gbozu Erode.

Akwa 24

Ayuda tɔ meza pa Polo

¹Manda olo mindu, gbozu nganga Ndjaba Anania wuta ba lœ Sezaré awa bale dœ agbɔ Ayuda ndje dœ ayi kɔkɔ bale á i'iri ye kœdœ Tertuluse. Endje wuta ga utshu gbozu Felikisi ndœ kœtɔ meza pa Polo.

²Endje e Polo, yé Tertuluse tetœ kœpa œnœ ye ngbangancœ dœ o'o atake: «Gbozu Felikisi, mœ lisœ zœ waa! Œ ga mbœrœ kœwusœtœ nœ zœ dá bœ guma ogonœ asœ adœke œ ga waa. Mbœrœ bœ dá 'a sœ dœ adja kœsœ gee lœ ogo nœ 'a.

³'A lisœ zœ, gbozu Felikisi, mbœrœ œrœ kɔ 'a gbɔ tœ osho dœ osho.

⁴Kashe mœ yiyindœ kœwo ada ɔlɔ nœ zœ nene. Mœ ki fœ bœ adœke bœ sœ dœ ɔtshɔ lɔsu ndœ kœdji mœ teasho kane.

⁵'A wu adœke uzu asœ kœdœ ekpe uzu tɔpanœ kpuru, tshe sœ kœli dœ djingili ga ugurutœ Ayuda tœ osho kɔ, yé œshe kœdœ gbozu tshapa Anazareye.

⁶Tshe yi ndje lima ndœ kœndi Tepelo á dœ œyerœ anda nœ Ndjaba dœ uburu yeka á 'a za she. ['A yi lima ndœ kœwa ngbanga ga tœ ye liaka awa akwa nœ 'a,

⁷kashe gbozu tshapa aturugu á tshe dœ Lisiyase, kakara she dœ ɔgbɔ tshakane 'a,

⁸yeka á vwa 'a adœke 'a na kœtɔ meza pa ye ba ndœ zœ.] Œdœ bœ kœyu she dœ tœ zœ, bœ wu adœke o'o á 'a tɔ meza pa ye ndœ nœ kœdœ adja o'o.»

⁹Manda o'o nœ ye, Ayuda para kœyindœ nœ adœke: «Adja upu dá tshe pa.»

Kœpa ngbanga nœ Polo

¹⁰Gbozu tshapa ogo lœ ongbo kœza awa fœ she ndœ kœpa o'o. Polo kœgi adœke: «Mœ wusœ nœ adœke œbœ dá wa ngbanga ba lima lœ ogo nœ 'a manda ungu ndjoro. Mœ sœ dœ yanga ndœ kœpa o'o utshu zœ.

¹¹Bœ kœyu ndje osho dœ tœ zœ, œ mbœrœ kolœ olo ndjokpa dœ bisha ɔlɔ á mœ ro ga lœ Yerusaleme kœdonga Ndjaba.

¹²ɔlɔ bale á endje na á gbɔ mœ ba sœnda Tepelo too ba lœ Sinagoga too lœ ongbo, á mœ sœ tœ œbœrœ, too kœvwa azu adœke endje shoka ama dœ anga endje gugu nene.

¹³Azu asœ tɔ meza pa mœ kolœncœ gbambancœ.

¹⁴Andaa œneke á mœ yindœ nœ kœdœ adœke mœ sœ kœmbœrœ akwa fœ Ndjaba nœ aata 'a lœ awa nœ Gbozu kashe endje pa adœke awancœ dœdœ ɔtshɔ awa nene. Mœ yi ndje ndœ o'o á endje sú ala mbeti nœ awa akwa œdœ pe œneke á aayi kœgbara o'o pa.

¹⁵Ɔmœ dœ pe endje, 'a sœ kœza lœsu 'a ga pa Ndjaba tœ œeneke á pa adœeke ɔtshɔ azu œdœ ekpe azu œ she bala lœ akuzu.

¹⁶Mbœerœ tœnœ ataa á mœ sœ kœpa avwara adœeke mœ mbœerœ ekperœ utshu Ndjaba nœ mœ œdœ pe azu nene.

¹⁷«Mœ mbœerœ ungu ndjoro lœ ana, yé á mœ gu mbœerœ kœto œerœ fœ azu ogo nœ mœ œdœ pe makabo fœ Ndjaba.

¹⁸Yeka á endje na á gbɔ mœ lœ awa kœmbœerœ adœeke ɔkɔ mœ sœ yerœ ba lœ Tepelo. Kashe azu sœsœ lima ndjoro nene, yé œbœerœ gugu ndje nene.

¹⁹Anga Ayuda lœ Azi, endje dá sœ lima kpœtœmœ, endje dá li má ndœ kœto meza pa mœ œdœ endje kœsœ má dœ o'o dœ mœ.

²⁰Yé azu á endje sœ asœ, endje pandœ ekperœ á mœ mbœerœ lima ɔɔ á endje sœ kœyu mœ utshu ayi kœwa ngbanga.

²¹Too kolœ manda rawa á mœ ta dœ o'o adœeke: “Mbœerœ á mœ yindœ nœ adœeke akuzu œ she lœ akuzu dá 'e yindœ kœwa ngbanga ga tœ mœ a?”»

²²Felikisi á tshe wu lima sœ o'o nœ ayindœ Yisu dœ ɔtshɔnœ, kœpa fœ endje adœeke: «'E gu zœ, ɔɔ á Lisiyase gbɔzu tshapa aturugu œ na, dá mœ kœwa ngbanga nœ 'e.»

²³Tshe kœvwa anga turugu ndœ kœgi Polo ga lœ kána. Kashe tshe sœsœ kœnga tœ ye nene, tshe za awa fœ azu nœ ye ndœ kœna kœwu she.

Polo lœ kána

²⁴Manda olo teasho, Felikisi kœna ba lœ kána dœ awonœ á i'iri ye kœdœ Drusile, œshe kœdœ uyu Yuda. Tshe e Polo mbœerœ tshe sœ lima dœ ogo ndœ kœdji o'o nœ Yisu.

²⁵Kashe, bata á Polo sœ lima kœmɔndœ o'o nœ ɔtshɔ ɔtshɔ uzu, mara nœ kœgbɔndœ tœ zœ dœ uzu dœ pe mara á Ndjaba œ wa bala ngbanga nœ azu, awa za Felikisi yé tshe pa adœeke: «Bœ lii kœgu œnœ zœ ngɔngɔ asœ da ye. Mœ e bœ bala manda nœ.»

²⁶Tshe sœ kœgbe adœeke Polo œ to ngendja fœ œne, yeka á sœ lima kœ'e she kpœpanœ kpœpanœ ndœ kœpa o'o dœ she.

²⁷Manda ungu bisha, Porsiyuse Festuse kœza akwa manda Felikisi. Bata á Felikisi yindœ nœ adœeke Ayuda yindœ œne, á ka lima tœ Polo ti lœ kána.

Akwa 25

Polo ba utshu Festuse

¹Olo votɔ manda kœwuta Festuse ga lœ ogonœ asœmœ, tshe to ba lœ Sezaré œ ro ga lœ Yerusaleme.

²Agbozu tshapa anganga Ndjaba dœ pe agbozu Yuda na kœtɔ meza pa Polo fœ she. Endje yu lima she kpœpanœ kpœpanœ adœke

³tshe za awa fœ œne dœ œne to she gu tœnœ ga lœ Yerusaleme. Andaa, endje vvara lima ndœ kœwo she tœ ala awa.

⁴Kashe Festuse gi adœke tshe sœ lœ kánga ba lœ Sezaré, yé œne yindœ kœro dœ tœ œne ga zœ ngɔngɔnœ asœke.

⁵Tshe kpa pa ga pa nœ adœke: «œ li adœke agbozu tshapa 'e ro tœ awanœ bale dœ mœ ba lœ Sezaré, yé œ kœsœ adœke uzunœ asœmœ mbœrœ lima ekperœ á endje kœtɔ mezanœ pa ye.»

⁶Festuse mbœrœ lima kolœ olo mindu dœ votɔ too ndjokpa gbambanœ ba ndœ endje kpœtœmœ, yeka á gu ga lœ Sezaré. Osho kœrɔpa nœ, tshe sœ ga atɪ ba tœ osho kœwa ngbanga yé á za awa adœke endje na œ to Polo na tœnœ.

⁷Lœkɔ á Polo yi kumu ye, Ayuda á endje to lima ba lœ Yerusaleme ndɪvwiri she yé œ te lima tœ kœpa ogboro o'o ga pa ye, ogboro o'o neke á endje kœyu endje tœ ádá o'onœ, endje li kœpandœ nœ nene.

⁸Kashe Polo pa lima ngbanga nœ ye adœke: «œdœ ga tœ awa akwa nœ Ayuda, œdœ ga tœ Tepelo too fœ egerœ gbozugo, mœ mbœmbœrœ ekperœ bale nene.»

⁹Festuse yindœ kœza yanga fœ Ayuda yé œ yu Polo adœke: «Bœ yindœ kœro ga lœ Yerusaleme adœke endje wa ngbanga nœ zœ ba utshu mœ a?»

¹⁰Polo gi adœke: «Mœ ka ga utshu osho kœwa ngbanga nœ egerœ gbozugo, yé kpœke dá endje wa ngbanga nœ mœ. Mœ mbœmbœrœ ekperœ bale fœ Ayuda nene bata á bœ wusœ nœ dœ ɔtshɔ nœ dœ tœ zœ asœmœ.

¹¹œdœ adja mœ kœmbœrœ má ekperœ, yé á mbœrœ ekperœ neke á li dœ kuzu, mœ vwaratœ mœ ndœ kœtshu tœnœ nene. Kashe œdœ o'o á endje to meza pa mœ ndœ nœ kœdœdœ okporo o'o nene, uzu bale á tshe za mœ ga tshakane endje gugu nene. Mœ yindœ nœ adœke mœ wuta ga utshu egerœ gbozugo.»

¹²Festuse kœte ga ndœ aayi kœmi upu nœ ye, œ kœgi fœ Polo adœke: «Bata á bœ yindœ kœwu egerœ gbozugo ndœ kœwa ngbanga nœ zœ, bœ ro ga utshu ye tako.»

Polo ba utshu Agripa dœ pe Berenise

¹³Olo teasho manda nœ, gbozu Agripa dœ pe yingɔ nœ á i'iri ye kœdœ Berenise, ro ga lœ Sezaré yé œ na kœwu Festuse.

14Bata ændœ ndje di lima ndje kpœtœmœ, Festuse pandœ o'o nœ Polo fœ Agripa adœeke: «Anga yakoshe bale á Felikisi ka lima tœ ye ti lœ kánga sœ kpœeke.

15Lɔkɔ á mœ na lima ga lœ Yerusaleme, agbozu tshapa anganga Ndjaba dœ pe agbo Ayuda na kœtɔ meza pa ye, yé endje pa fœ mœ adœeke mœ wa ɔgbo ngbanga ga tœ ye.

16Yeka á mœ gi fœ endje adœeke, awa akwa nœ azu Roma pa adœeke: ædœ endje kœtɔ meza pa uzu, œ li adœeke endje dji she tshe pa o'o ɔkɔ ye ba utshu aayi kœtɔ mezanœ yekane á endje kœwa ngbanga ga tœ ye.

17Endje kœaafo, á 'a kœgu tœ awanœ dœ endje ga mœ. Mœ kpakpalatœ mœ lɔkɔ á osho kɔrɔ nene, yé mœ na œ sœ ga ati ba tœ osho kœwa ngbanga yeka á vwa osho adœeke endje gu dœ uzunœ ga mœ.

18Azunœ á endje tɔ meza pa ye áafo kashe endje papa anga ngbindi o'o tœ upu nœ ye liaka œneke á mœ gbe má kœdji tœnœ nene.

19Endje sœ lima kœshara upu dœ she pa mara kœdonga Ndjaba nœ endje dœ tœ endje, ndje tœ upu nœ anga uzu á i'iri ye kœdœ Yisu á tshe tshu ye, yeka á Polo kpa pa adœeke, tshe sœ dœ soro zœ.

20Mœ wuwu lima sœ œrœ á mœ mbœrœ tœ kœwa mara ngbanga atamœ nene. Mbœrœ tœnœ dá mœ yu Polo adœeke tshe yindœ nœ dœ endje na ga lœ Yerusaleme adœeke endje wa ngbanga pa ye tœ o'onœ asœmœ.

21Kashe Polo yindœ nœ lima adœeke œne wuta ba utshu egerœ gbozugo yeka á tshe kœwa ngbanga pa o'o nœ œne. Yé á kœpa adœeke endje gbɔndœ ye lœ kánga œrrr ga tœ olo á mœ vwa she fœ egerœ gbozunœ.»

22Agripa kœpa fœ Festuse adœeke: «Mœ yi ndje ndœ kœdji ndje yakoshenœ asœmœ.» Festuse kœgi fœ Agripa adœeke: «Ba mbatsha bœ dji she zœ.»

23Osho kœkɔrɔ pa nœ, Agripa dœ Berenise na, dœ azu ndjoro, yé œ li dœ kœlisœtœ ga sœnda awa bale dœ agbozu tshapa aturugu dœ pe agbozu tshapa ongbo. Festuse vwa osho yé endje na œ za Polo gu tœnœ.

24Festuse kœpa adœeke: «Gbozu Agripa ædœ pe 'e kɔ á 'e sœ dœ 'a ati asœke, 'e wu yakoshenœ asœ. Ayuda ndjoro na kœtɔ meza pa ye ba ndœ mœ, ba lœ Yerusaleme, dœ pe ndje ba lakpɪnœ asœke. Endje pa dœ ɔgbo adœeke, tshe lili kœsœpe dœ soro nene.

25Ba ndœ mœ, mœ wusœ nœ adœeke tshe mbœmbœrœ anga ekperœ bale á li adœeke tshe tshu lœ kumunœ nene. Kashe bata á Polo dœ tœ ye yindœ nœ adœeke, egerœ gbozu kœwa ngbanga pa œne, mœ wa o'o tœ kœvwa she fœ egerœ gbozunœ.

²⁶Bata á mœ wuwusœ o'o neke á mœ kœsu pa ye fœ egerœ gbozu nene, dá mœ sœ kœyu she utshu 'e, utshu œbœ dœ gbozu Agripa, adœke bœ yu she yeka á mœ kœgbœ o'o kœsu fœ she tœ upu nœ ye.

²⁷Mœ wu adœke œ sœsœ dœ ɔtshœnœ nene kœvwa ayi kánga fœ egerœ gbozu œdœ ádá o'o á endje tœ meza pa ye kœsœsœ ngbi nene.»

Akwa 26

Polo pa ngbanga ba utshu Agripa

¹Agripa kœpa fœ Polo adœke: «Mœ za awa fœ bœ ndœ kœpa ngbanga nœ zœ.» Polo kœti kane ye ga lafo ndœ kœpa o'o yé œ pa adœke:

²«Gbozu Agripa, mœ sœ dœ yanga kpesheke ndœ kœpa ngbanga ba utshu zœ tœ o'o kœ á Ayuda tœ meza pa mœ tœnœ,

³gbambœ nene, bœ wusœ mara kœmbœrœtœ nœ Ayuda dœ pe kœshara upu pa mara kœdonga Ndjaba nœ endje dœ ɔtshœnœ. Mœ ki fœ bœ adœke lœsu zœ zï tii á bœ kœdji mœ.

⁴«Ayuda para wusœ soro mœ pe dœ gbolo mœ ye, mbœrœ mœ gœrœ lœ Yerusaleme ugurutœ azu ogo nœ mœ.

⁵Endje wusœ mœ katshatsha. Œdœ endje kœyindœ nœ, endje pa adœke œmœ kœdœ anga Afarisayinœ á endje ro anga Ayuda dœ kœdonga Ndjaba dœ pe kœlœsœ awa akwa nœ azœ waa.

⁶Yé ngœngœ asœke, mœ sœ kœpa ngbanga mbœrœ á mœ za lœsu mœ ga pa anga o'o á Ndjaba pa lima fœ aata azœ.

⁷Mara azu ndjokpa dœ bisha (12) lœ Israyele sœ kœdonga Ndjaba butshœ dœ ɔlœ dœ lœsu adœke œne wu œrœnœ ascœmœ. Uu gbozu Agripa! Mangba o'onœ á mœ za lœsu mœ ga tœ nœ ascœmœ dá Ayuda tœ meza pa mœ.

⁸Ayuda, mbœrœ gadœ á 'e gbe adœke Ndjaba œ she azu á endje tshu lœ kuzu nene a?

⁹«Œmœ ndje lima, mœ sœ kœpakata azu adœke endje yiyindœ Yisu uzu Nazarete nene.

¹⁰Œtœnœ dá mœ mbœrœ lima lœ Yerusaleme. Agbozu tshapa anganga Ndjaba za awa fœ mœ yé mœ ko ayindœ Yisu ndjoro gu tœnœ ga lœ kánga. Yé œ kœsœ lima adœke endje wo endje ye, mœ sœ lima kœyindœ nœ.

¹¹Mœ mbœrœ lima kœ adœke endje wu œrœ kanga lœ Sinagoga, adœke endje katœ kœyindœrœ nœ endje ga ndœ Yisu ti ye. Tshelœ mœ fa lima ga tœ endje dœ mara adœke, mœ sœ lima kœza awa endje œrrr dje lœ ongbo á sœ lœ ingirœnœ.»

Polo pandœ kæfatshalɔsu nœ ye

(Wu ba tœ Akw 9.1-19; Mat 22.6-16)

12«Mbœerœ tœnœ ataa, mœ sœ lima kœna ɔɔ bale ga lœ Damaseke dœ mbeti á agbozu tshapa anganga Ndjaba su fœ mœ adœke œ za awa nœ kœmbœerœ œrœ fœ mœ.

13Uu gbozu! Tɪ damba tœ ala awa, ndoo dœ midi, mœ wu ishiri owo á ropa ɔɔ koeto ba lafo kœjerœ ga pa mœ, dœ pe anga mœ á 'a sœ lima kœro tœ awanœ dœ endje.

14'A kœyo kɔ ga lœ ɔshɔ, mœ kœdji tshama uzu kœ e mœ dœ o'o ama Ebre adœke: "Sawulo, Sawulo, mbœerœ gade á bœ sœ kœmbœerœ œrœ kanga fœ mœ a? Bœ sœ kœwu oyo tœ zœ bata yaburu á ayengɔ ye du uwu ga lœ igi ye á sœ kœgbota she á tshe sœ kœvwaratœ ye tœ kœna manda ye."

15«Mœ kœyu adœke: "œbœ kœdœ dœ, Gbozu?" Gbozu kœpa adœke: "œmœ kœdœ Yisu, œmœ dá bœ mbœerœ œrœ kanga fœ mœ asœmœ.

16Kashe alafo, œ ka dœ ada zœ! Wu, mœ wuta ga ndœ zœ mbœerœ kœfa bœ tœ ayi akwa nœ mœ. Bœ dœ timu nœ mœ adœke bœ pandœ nœ fœ azu mara á bœ wu dœ mœ kpesheke dœ pe œneke á mœ kpa yisœ nœ fœ bœ manda nœ.

17œdœ ba ndœ Ayuda, œdœ ba ndœ angbi azu, mœ gbœndœ zœ tœ osho kɔ á mœ vwa bœ tœnœ,

18mbœerœ kœkɔɔ ala endje, ndœ kœgi endje lœ ubu osho ga tœ ingbisho, mbœerœ endje vwaratœ endje tœ Satana yé œ na ga ndœ Ndjaba. œdœ endje kœsœ dœ kœyindœrœ ga ndœ mœ, mœ djerœndœ ekperœ nœ endje yé œ za osho kœsœ ugurutœ ayerœ azu nœ Ndjaba fœ endje.»

19«Kœto tœ olonœ asœmœ, gbozu Agripa, mœ mbœerœ œneke kɔ á to ba ndœ Ndjaba á tshe yisœ nœ fœ mœ.

20Utshunœ, mœ tetœ kœmindœ nœ fœ azu tshalakpi Damaseke dœ Yerusaleme. Manda nœ, mœ mindœ nœ fœ azu tshelœ ogo Yuda kɔ ndje dœ angbi azu. Mœ sœ kœpa fœ endje adœke endje fatshalɔsu endje, œ na ga ndœ Ndjaba yé œ mbœerœ akwa á sœ kœma adœke endje fa adja tshalɔsu endje ye.

21Ádánœ á Ayuda tepa mœ ba lœ Tepelo, á yindœ kœwo mœ dœ mœ.

22Kashe Ndjaba sœ kœgbœndœ mœ œerr ga tœ kpesheke, yé mœ sœpe damba dœ soro mbœerœ kœpa œneke asœke fœ azu para kɔkɔ, fœ agbolo ndje fœ agbozu. œneke á mœ sœ kœpandœ nœ asœke kœdœ kolœ œneke á aayi kœgbara o'o œdœ mbeti nœ Moyize pa lima ndœ nœ adœke œ wuta.

23Endje mi lima ndœ nœ adœke, Masiya œ wu oyo, yé œ tshu yeka á she lœ akuzu utshu azu kɔ. Tshe mindœ o'o nœ Ndjaba á sœ bata ɔɔ á za kœshe fœ Ayuda dœ pe angbi azu.»

- ²⁴Polo sœpe damba kœpa ngbanga, á Festuse pa o'o dœ ɔgbɔ adœke: «Iyi te lœ kumu zœ a! Œrœncœ á bœ wusœ nœ waa dá mbœrœtœ zœ asœke a!»
- ²⁵Kashe Polo kœgi adœke: «Mœ sœsœ dœ iyi nene, gbozu Festuse, o'onœ á mœ sœ kœpa tœncœ kœdœ adja o'o, yé ádánœ sœ zœ.
- ²⁶Gbozu Agripa dji o'onœ asœke, yé mœ li kœpa o'o ba utshu ye dœ awa nene. Tshē wusœ o'onœ asœ bale bale kɔ, gbambancœ nene, œ mbœmbœrœtœ endje wutœncœ nene.
- ²⁷Gbozu Agripa, bœ yindœ o'o á aayi kœgbara o'o pa lima ye a? Mœ wusœ nœ adœke bœ yindœ nœ.»
- ²⁸Agripa kœpa fœ Polo adœke: «Œ sœpe teasho adœke bœ fa gbetshelœ nœ mœ adœke mœ wuta uzu nœ Kristu!»
- ²⁹Polo gi adœke: «Olo sœ ndoo, olo sœ lœ ingirincœ, mœ sœ kœ'e Ndjaba mbœrœ œbœ dœ pe azu para á endje sœ kœdji mœ kpesheke asœ adœke 'e wuta b̄ata mœ, kashe endje ii 'e dœ uwu ga tœncœ b̄ata mœ nene!»
- ³⁰Gbozu Agripa kœaafo awa bale dœ gbozu ongbo Festuse dœ Berenise, dœ pe azu para á endje sœ lima kpœtœmœ,
- ³¹yé kœgitœ endje ga indirincœ, kœpa lœ ugurutœ endje adœke: «Uzunœ asœ mbœmbœrœ ekperœ á li adœke a wo she too a za she ga lœ kánga nene.»
- ³²Agripa kœpa fœ Festuse adœke: «Œdœ uzu asœ kœyɔyɔ lima ndœ nœ adœke gbozu Roma kœwa o'o nœ œne nene, dá a za má she ga shu ye.»

Akwa 27

Kœvwa Polo ga lœ Roma

- ¹Œɔ á endje gbe adœke 'a ro ga lœ Itali dœ egerœ agba, endje za Polo dœ pe anga aayi kánga fœ anga gbozu nœ aturugu bale á i'iri ye kœdœ Juliyuse, tshē kœdœ gbozu uguru ukpulu aturugu lœ ogo Roma á endje e endje adœke «ukpulu aturugu nœ egerœ gbozu.»
- ²'A ɔ ga lœ egerœ agba á to ba lœ Adramite á yindœ kœro kœka ga tœ mangu lœ ogo Azi. 'A ro lima tœ awancœ dœ Aristarke uzu Tesalonike lœ ogo Masedwane.
- ³Osho kɔrɔ pa nœ, 'a ka lima ba tœ Sidona, Juliyuse sœ kœmbœrœ ɔtshɔrœ ga tœ Polo, á za awa fœ she kœna ndœ kœwu angancœ á endje kœto œrœ á tshē sœ dœ ogonœ fœ she.
- ⁴Manda kœkatœ Sidona ti, 'a áafo, œ ro ndoo dœ tshiki lœ Shipre mbœrœ yugu sœ lima kœgi 'a ga ngbancœ.

⁵A zu ungu kota ga tœ ama ungu ndoo dœ Silisi œdœ Pafili, yeka á 'a wuta ga lœ Mire lœ ogo Lisi.

⁶Ba zœ, gbozu nœ aturugu wu anga egerœ agba á to ba lœ Alekezandri, á sœ kœero ga lœ Itali, á ko 'a ga lœ nœ.

⁷A mbœrœ lima olo ndjoro la ngu mbœrœ egerœ agba sœ lima kœkpa yima yima, yé 'a wu lima oyo á wuta lima ga lœ Kinide. Bata 'a lili kœna ndjii ga zœ nene mbœrœ yugunœ á sœ kœendanga 'a, 'a fa dja ga lœ Salemane tœ osho á tshiki Krete ko 'a yiwa tœnœ tœ yugunœ.

⁸Yé manda nœ, 'a mbœrœ oyo tœ 'a, á wuta ga tœ osho á i'irĩnœ kœdœ Ōtsho Mangu ndoo dœ ongbo Lase.

⁹Kashe œndœ 'a di lima lœ ananœ waa, yé loko dopa nœ, awa adœke egerœ agba na ana gugu nene. Olo á Ayuda œ yo tshelœ ama endje ro lima ye, á Polo kœpa fœ endje adœke:

¹⁰«Anga mœ, mœ wu adœke ana asœ ngaanga dœ azœ. Anganœ ete, egerœ agba dœ pe œrœ kœ á sœ lœ nœ œ ndi, azœ ndje 'a tshu.»

¹¹Kashe gbozu nœ aturugu vwaratœ ye kœdji Polo, yé á dji kolœ ayi kœkpa dœ egerœ agba dœ pe ayingœ egerœ agbanœ.

¹²Bata mangunœ gaga lima adœke endje sœ tœnœ dœ lœkœ nœ izi nene, ili azu yindœ nœ adœke œne ro. Endje yindœ kœero ga lœ Fenikise, anga mangu ogo Krete, á sœ ga tœ osho á œlœ œ li tœnœ.

Ndavuru yugu

¹³Aya yugu to ba aki á sœ kœna tœnœ, yé endje gbe adœke œne li kœembœrœ œneke á œne yindœ nœ. Endje gbotœ longonœ yé œ afo kœero tœnœ kperœ tœ ama mangu tshiki Krete.

¹⁴Kashe œndœnœ di teasho, ndavuru yugu á to ga pa gele ndo dœ osho á œlœ œ wuta tœnœ, ba pa kaga tshiki á jerœ ga pa endje.

¹⁵Yugunœ gi agba dœ œgbœ ga manda nœ, awa adœke 'a mbœrœ anga œrœ gugu nene yé 'a katœ nœ ti adœke œ gi 'a.

¹⁶Á ro tœ indiri aya tshiki bale á i'irĩnœ kœdœ Koda á sœ lima kœwandœ ata gbœgbœ yugunœ pa 'a, yé uvuru 'a kpa lima lœ nœ tœ kœza aya agba kœshe dœ azu.

¹⁷Manda kœti tœnœ ga lafo, endje ko ogboro uwu á du ga tœ egerœ agbanœ mbœrœ loko kœkakavwa nene. Bata awa kœshi pa minu dja ga tœ Libi sœ lima kœza endje, endje geta egerœ mabaya á endje du ga tœ egerœ agbanœ vwi ga la ngu, á tetœ kœna la ngu yima yima.

¹⁸Osho kɔɔ pa nɔ, bata yugunɔ sɔpe lima kɔvwi 'a dɔ agbɔnɔ, 'a tetɔ kɔko ata gbarɔ va ga la ngu.

¹⁹Yɛ olo bisha manda nɔ, aayi kɔmbɔrɔ akwa lɔ egerɔ agbanɔ dɔ tɔ endje, te ndje tɔ kɔko ɔrɔ kote egerɔ agbanɔ va e.

²⁰'A kpa sɔ lima kɔwu ɔɔ too angerepe nene, manda olo ndjoro, yugu sɔ kɔna kolɔ dɔ agbɔ, yɛ gbetshelɔ nɔ soro kpa gugu lima lɔ kumu 'a nene.

²¹Azu á endje lɔ lima lɔnɔ zizɔ ɔrɔ nene manda olo ndjoro, yɛ Polo afo ugurutɔ endje á pa adɔke: «'E wu, anga mɔ, ɔdɔ 'e kɔdji lima o'o mɔ, á 'a sɔpe lɔ Krete, gbarɔ ɔdɔ ɔrɔ kote egerɔ agba ɔ ndɔ má nene.

²²Kashe ngɔngɔ asɔ, mɔ sɔ kɔpa fɔ 'e adɔke 'e ru lɔsu 'e, uzu bale ugurutɔ 'e ɔ tshu nene, kolɔ egerɔ agba dá ndɔ.

²³Ndjaba nɔ mɔ á mɔ mbɔrɔ akwa fɔ she vwa anga andjelu fɔ mɔ dɔ abutshɔnɔ asɔ.

²⁴Tshe pa fɔ mɔ adɔke: “Polo, awa zaza bɔ nene, ɔ li adɔke bɔ pa ngbanga utshu egerɔ gbozu yeka. Ndjaba ɔ she azu para lɔ egerɔ agbanɔ asɔ mbɔrɔ ɔtshɔ lɔsu nɔ ye ga ndɔ zɔ.”

²⁵'E ru lɔsu 'e alaya, gbambanɔ nene, mɔ za lɔsu mɔ ga tɔ Ndjaba yɛ ɔrɔ ɔ mbɔrɔtɔ ye liaka ɔneke á andjelu pandɔ nɔ fɔ mɔ asɔmɔ.

²⁶Kashe egerɔ agbanɔ ɔ zatɔ ye tɔ ama ɔshɔ tɔ ama anga tshiki bale.»

Egerɔ agba li ungu

²⁷Manda pɔsɔ bisha, egerɔ yugunɔ vwi 'a lima na tɔnɔ ɔerrr ga la egerɔ ungu á i'irɔnɔ kɔdɔ Adriyatike. Kɔndo dɔ ɔgbɔ butshɔ, azu akwa tshelɔ egerɔ agba gbe adɔke 'a ndo dɔ ama ɔshɔ ye.

²⁸Endje du uwu ga tɔ badja, á vwi ga la ngu ndɔ kɔwusɔ dili ungunɔ. Endje wu adɔke ungunɔ li metere zazu bale dɔ ndjokpa dɔ amannɔ mindu dɔ bisha. Yɛ endje gitɔ endje ga utshunɔ, ɔ kpa vwi uwunɔ, á wu adɔke ɔ sɔ dɔ metere zazu bisha dɔ amannɔ mindu dɔ votɔ.

²⁹Endje sɔ lima dɔ awa adɔke egerɔ agbanɔ zazatɔ ye tɔ badja nene. Mbɔrɔ tɔnɔ ataa, endje du longo vana ga tɔ budunɔ, á ko va ga la ngu, yɛ á sɔ lima kɔkate dɔ lɔsu endje ga lafo adɔke osho kɔɔ.

³⁰Bata aayi akwa yi lima ndɔ kɔkpa tɔnɔ, endje gi lima aya agba kɔshe dɔ azu ga la ngu yɛ ɔ fara adɔke ɔne jerɔ ga lɔ nɔ á kɔdu longonɔ ga utshu egerɔ agbanɔ.

³¹Polo kɔpa fɔ gbozu nɔ aturugu dɔ pe aturugu adɔke: «Ɔdɔ azu asɔ kɔsɔsɔpe lɔ egerɔ agbanɔ asɔ nene, e'e, 'e sɔpe dɔ soro nene.»

³²Yeka á aturugu na, á wa tshelœ uwu tœ aya agbanœ, yé á ka tœnœ ti á te ga la ngu.

³³Kœekate adœeke osho kœrœ, Polo kœki ga tœ azu para adœeke endje zi œerœ. Tshe pa fœ endje adœeke: «'E wu, œ mbœerœ kpesheke pœsœ bisha á 'e sœ kœegugu dœ awa yugu yé á zizi anga œerœ bale nene asœeke.

³⁴Mœ sœ kœki ga tœ 'e adœeke 'e zi œerœ, gbambanœ nene, œ li adœeke 'e mbœerœ ataa yekane á kœshe. Uzu bale ugurutœ 'e œ tshu nene.»

³⁵Manda kœpa ataa, Polo za mapa, á gi mershe fœ Ndjaba tœ ala endje para, á tetœ kœzi tœnœ.

³⁶Yeka á endje gbœ gbœgbœ á tetœ kœzi œnœ endje rœgonœ.

³⁷A'a para lœ egerœ agbanœ 'a sœ lima azu kama bisha dœ zazu votœ dœ ndjœkpa dœ amanœ mindu dœ bale.

³⁸Manda kœzirœ, uvu azu para su, yé endje tetœ kœko ble va ga la ngu mbœerœ egerœ agbanœ kœlilî nene.

³⁹Manda kœkœrœ osho, aayi kœmbœerœ akwa lœ egerœ agba wu adœeke œene ndo dœ œshœ ye. Kashe endje wuwu lima sœ ogo mangunœ nene, bata á endje wu osho á ungu li ga lœ mindu, endje gbe kœpara awa kœza agba ga tœ ama œshœ ba zœ.

⁴⁰Endje wa uwu tœ longonœ á katœ nœ ti ga la egerœ ungunœ, endje vvara kayi œ jerœ ga la ngu. Manda nœ, endje du lœba siriki ga utshunœ adœeke yugu kœmbœerœ tœnœ á kœvwi egerœ agbanœ ga utshunœ yé œ tetœ kœna gutœnœ ga tœ ama œshœ.

⁴¹Kashe egerœ agbanœ shi pa mindu á sœ uguru gbœgbœ ungu bisha. Tshatshu egerœ agbanœ li lima ga lœ mindu, œ sœsœ lima kœeturutœ ye nene, yé gbœgbœ loko kavwa lima budunœ ye.

⁴²Aturugu kœwu adœeke egerœ agba sœ kœndi tœnœ, á gbe kœwo aayi kána mbœerœ endje kœdœ ungu yeka á kœkpa nene.

⁴³Kashe gbozu nœ aturugu yindœ kœshe lima Polo, yé á pakata aturugunœ, yé á pa fœ azu neke á endje wusœ ungu adœeke endje i ga la nœ, œ dœ zutœnœ ga pa œshœ.

⁴⁴Anga endje zu dœ mabaya too dœ agba ndindi egerœ agbanœ. Mara á azu para zu lima ungu dœ œtshœ nœ dœ mœ.

Akwa 28

Polo ba lœ tshiki Malte

- ¹Manda koeshe 'a, 'a dji adoeke i'iri tshikinoe asoe koedoe Malte.
- ²Ayengɔ ogonoe mbœeroe ɔtshoroefoe 'a. Endje ngbo egeroe owo, á e 'a para ga indirinoe, mbœeroe yavuru soe koeni toenoe ye izi soe waa.
- ³Polo ro lima agba yawo á za vwi ga ta wo, anga yakoro wuta mbœeroe katsha owonoe, á de kane ye á tɔpe toenoe.
- ⁴Kœwu adoeke yakoronoe de kane Polo, ayengɔ ogonoe pa loe toe endje adoeke: «Adjapu, yakoshe asoe koedoe ayi kœwo azu, tshe tsho loenoe la ngu, kashe ayi kœwa ngbanga tshalafo yiyindoe noe adoeke tshe soe doe soro nene.»
- ⁵Yé Polo vwi tsheloe kane ye, yakoronoe te ga ta wo, kashe katsha yakoronoe mboembœeroe she nene.
- ⁶Anga azunoe soe lima kœkate kœwu mara á katsha yakoronoe oe mbœeroe she too ndje tshe gbo kukuku oe tshu, kashe endje ka œerrr anga œeroe bale mboembœeroe nene. Endje kœfa tsheloe o'o ama endje á kœpa adoeke: «Yakoshe asoe koedoe anga ndjaba.»
- ⁷Egeroe uzu bale ndo doe osho á soe indirinoe á i'iri ye koedoe Publiyuse, soe lima doe osho koesoe ndo doe tshikinoe ascemoe kpœtoemoe. Tshe za osho koesoe foe 'a doe ɔtsho losu ye 'a lo kpœtoemoe olo voto.
- ⁸Aba Publiyuse soe lima doe koba biwa œdoe pe awa. Polo na kœwu she, á e Ndjaba toe ayi kobanoe, á to kane ye ga pa ye ngbewo á koba noe ye kœka ye.
- ⁹Manda noe, anga azu tshikinoe á endje soe lima doe koba, na ga ndoe Polo ndoe kœgbo koeshe ye tshe she endje ye.
- ¹⁰Endje lisee 'a lima waa, ɔɔ á 'a jeroe ga la ngu ndoe kœero toenoe, endje to œeroe ko á 'a soe lima doe ogonoe foe 'a.

Kœto loe tshiki Malte kœero ga loe Roma

- ¹¹'A mbœeroe yapu voto loe Malte, manda noe 'a ɔ ga loe egeroe agba, á soepe lima loe tshiki loe izi á soe ba zoe. Toenoe koedoe lima egeroe agba tsheloe Alekezandri á i'iri ye koedoe: «Ameya ndjaba.»
- ¹²'A na œerrr ye oe wuta ba lakpi Sirakuse, ye 'a mbœeroe kpœtoe olo voto.
- ¹³Kœto kpœtoemoe, 'a afo kpœtoe, 'a za tshandiri mangunoe oe ro œerrr gbuu ga loe Rejio. Osho koro pa noe, yugu to dja ga mangba 'a ye á tagala 'a manda olo bisha á 'a wuta ga loe Puzole.
- ¹⁴Ba zoe, 'a gbo anga ayindoe Yisu, á endje ki ga toe 'a adoeke 'a mbœeroe doe œene pɔso bale, yeka manda noe á 'a kœeli ga loe Roma.

¹⁵Aaya lœ Yisu ba lœ Roma dji ndœ 'a, á na para tshatshu 'a, á kate 'a ba lœ zando Apiuse œdœ osho á endje e «anda agene». Lœko á Polo wu endje, tshe gbœgbœ, yé œ za mershe fœ Ndjaba.

Polo ba lœ Roma

¹⁶Kœyi kumu 'a ga lœ Roma, endje za awa fœ Polo ndœ kœgbœ anda nœ ye kœlo tœnœ dœ pe turugu á tshe sœ kœza ala ye tœ ye.

¹⁷Manda olo votœ, Polo kœvwa osho fœ agbozu tshapa Ayuda ndœ kœngbœtœ endje ga tœ nœ. Ŋlœ á endje ngbœtœ endje ga tœnœ, Polo kœpa fœ endje adœke: «Alaya, mœ mbœmbœrœ ekperœ ga tœ azu ogo nœ azœ nene, too ga tœ o'o á aata azœ katœ nœ ti fœ azœ nene, yeka á Ayuda nœ Yerusaleme tœ meza pa mœ fœ azu nœ Roma asœ.

¹⁸Endje yu osho œ yindœ kœkatœ mœ; gbambancœ nene, endje gbœgbœ ekperœ bale á mœ mbœrœ yeka á endje kœwa o'o ndœ kœwo mœ nene.

¹⁹Kashe Ayuda vwaratœ endje ye, mœ sœsœ lima dœ anga œrœ kœmbœrœ tœnœ nene, á mœ yœndœ nœ adœke gbozugo Roma kœwa ngbanga nœ mœ. Kashe mœ sœsœ dœ gbetshelœ kœndi ogo nœ azœ nene.

²⁰Mbœrœ tœnœ ataa á mœ vwa osho ndœ 'e adœke a pa 'o mbœrœ tœnœ kane. Adja upu adœke endje i kane mœ mbœrœ uzu á azu Israyele sœ kœza lœsu endje ga tœ ye.»

²¹Endje gi fœ she adœke: «'A gbœgbœ anga mbeti á to lœ Yuda mbœrœ o'o nœ zœ nene, yé lœ ugurutœ alaya á endje na asœ, anga bale á tshe na dœ ndœ trœrœ zœ too tshe pa ekpe o'o mbœrœ bœ gugu nene.

²²Kashe 'a yindœ kœdji bœ kœmindœ neke á bœ na dœ tœnœ mbœrœ osho kœ, azu sœ kœvwaratœ endje tœ awa nœ zœ á bœ zatœ zœ ndœ nœ.»

²³Endje kœdi mbulu dœ Polo, yé lœkœnœ, endje kœna ndjoro ga lœ bingĩ nœ ye. Kœto dœ amazi œrrr kp̄ii, Polo sœ kolœ kœyisœ 'o tœ upu nœ Ogo gbozu nœ Ndjaba fœ endje kœto tœ mbeti nœ Moyize dœ pe œncœ aayi kœgbara o'o mbœrœ kœma fœ endje adœke endje yindœ Yisu.

²⁴Anga endje sœ lima kœyindœ o'o á tshe sœ kœpa tœnœ, kashe anga endje vwaratœ endje kœyindœ nœ ye.

²⁵Kœgu endje tœ awa, endje sœ lima kœdjitœ endje lœ tœ endje nene; á Polo kpa kœpa ga pa nœ fœ endje adœke: «Tœnœ kœdœ adja o'o nœ Ŋtshœ l̄shiri á ayi kœgbara o'o Isaya mi lima ndœ nœ fœ aata 'e adœke:

²⁶“Na ga ndœ azu asœmœ yé œ pa fœ endje adœke: ‘e dji dœ œtshœncœ kashe 'e wusœ adancœ nene, ‘e mesho dœ œtshœncœ kashe 'e wu dœ œtshœncœ nene.

²⁷Gbambancœ nene, lœsu azu asœ gbœgbœ; endje be utu endje dœ pe ala endje ye, mbœrœ endje yiyindœ kœwu œrœ nene, yé œ yiyi ndje ndœ kœdji o'o nene,

endje yiyindœ kœefa lœsu endje fœ mœ dœ Ndjaba nene. Yé mœ she bala endje koto o?"»

²⁸Polo kœpa fœ endje adœke: «'E wusœ nœ adœke, Ndjaba vwa kœshe fœ anga angbi azu; endje, endje dji bala zœ.»

[²⁹Kœdji Polo ataa, Ayuda gitœ endje yé œ tetœ kœshara o'o ugurutœ endje dœ tœ endje.]

³⁰Polo mbœrœ lima ungu bisha tshakudu anda dœ ngendja nœ ye dœ tœ ye, yé tshe sœ kœpa o'o dœ azu kœ á endje sœ lima kœna ga ndœ ye.

³¹Tshe sœ lima kœmindœ Ogo gbozu nœ Ndjaba, kœyisœ o'o nœ Gbozu Yisu Kristu dœ awa nene, yé uzu bale kœpakata she gugu lima nene.

Roma

Roma 1

Abala

¹Ɔemœ Polo, ayi akwa nœ Yisu Kristu mœ sœ kœsu mbetinoœ asœke fœ 'e. Ndjaba e mœ mboerœ kœdoœ ayi avwa yé tshe ke mœ ndœ kœpandoœ Ɔtsho O'o nœ ye.

²Ɔtsho O'onœ á Tshe pa lima ndœ nœ lœ awa nœ aayi kœgbara o'o ala œyerœ Buku,

³tœ upu nœ Gbolo nœ ye, á endje zu she bata uzu lœ uwu aata Davidi.

⁴Á lœ awa nœ Ɔtsho Ishiri, Ndjaba she lima she lœ akuzu. Tshe yi lima sœ nœ adœke, tshe kœdoœ gbolo nœ œne á tshe sœ dœ gbɔgbɔ waa.

⁵Dœ awa nœ ye œdoœ mboerœ moko nœ ye dá Ndjaba ma Ɔtsho lœsu nœ ye ga ndœ mœ yeka á e mœ adœke mœ te ayi avwa nœ ye, dóe mœ gbara fœ angbi azu kɔ adœke endje sœ dœ kœyindœerœ ga ndœ Yisu Kristu, yé œ dji o'o ama ye.

⁶E'e ndje, 'e lœ ugurutœ azunœ asœmœ mboerœ á Yisu Kristu e ndje 'e.

⁷Ga ndœ 'e dóe azu Roma kɔ, Ndjaba yindœ 'e yé tshe e 'e adœke 'e wuta ayerœ azu. Kaka adœke Aba azœ dœ Ndjaba œdoœ Gbozu nœ azœ dœ Yisu Kristu ma Ɔtsho lœsu nœ endje fœ 'e, yé œ za kœsœ gee fœ 'e.

Polo yindœ kœna kœwu ayindœ Kristu tshelœ Roma

⁸Utshunœ kɔ, mœ donga Ndjaba nœ mœ lœ awa nœ Yisu Kristu mboerœ 'e para kɔkɔ. Gbambanœ nene, tshapasho djigi sœ kœpa o'o tœ upu nœ kœyindœerœ nœ 'e.

⁹Mœ kœsœ tœ kœyisœ Ɔtsho O'o nœ Gbolo nœ Ndjaba, mœ sœ kœmboerœ akwa nœ Ndjaba dœ lœsu mœ bale. Yé tshe wusœ nœ adœke mœ sœ tœ kœpa adja o'o, adœke mœ sœ kœgbe dœ e'e lœ avwala nœ mœ.

¹⁰Ɔlɔ dœ ɔlɔ, mœ sœ kœki fœ Ndjaba adœke œdoœ tshe kœyindœerœ nœ, tshe kɔrɔ awa fœ mœ dóe mœ wuta ga ndœ 'e.

¹¹Gbambanœ nene, mœ sœ adja dœ ogo kœwutœ mœ dœ 'e yeka á gbɔgbɔ kœmboerœ akwa nœ Ɔtsho Ishiri kœmatœ ye lœ 'e adœke kœyindœerœ nœ 'e kœgerœ.

¹²Adja mœ yindœ kœna kœwutœ mœ dœ 'e mboerœ a ngbɔba gbetshelœ nœ azœ lœ kœyindœerœ á a sœ dœ tœnœ á kœza gbɔgbɔ fœ azœ kɔ.

¹³Aaya mœ, 'e wusœ nœ adœke mœ gbe tœ kœna ga ndœ 'e awa ndjoro kashe œerrr ngɔngɔ asœke, awa kɔkɔrɔ fœ mœ nene. Mœ yi lima ndœ nœ adœke ndœla

akwa nœ mœ wuta ngbi ugurutœ 'e bata á wuta ndje ngbi ugurutœ anga angbi azu á endje wuwusœ Yisu nene.

¹⁴Mœ sœ dœ kudá nœ azu kɔ: azu á ala endje kɔɔ œdœ endjeneke á ala endje kɔkɔɔ nene, azu á endje sœ dœ kœwusœrœ dœ endjeneke á endje gugu dœ kœwusœrœ nene;

¹⁵kudánœ asœmœ kœdœ kœna kœyisœ Ɔtshɔ O'o fœ endje. Atamœ, mœ yi ndje ndœ kœna ba lœ Roma mbœrœ kœyisœ Ɔtshɔ O'onœ asœmœ fœ 'e.

Ɔtshɔ O'o kœdœ gbɔgbɔ nœ Ndjaba

¹⁶Mœ sœsœ dœ tshula mbœrœ kœyisœ Ɔtshɔ O'o nene. Tœnœ kœdœ gbɔgbɔ nœ Ndjaba mbœrœ kœshe uzu kɔ á tshe sœ dœ kœyindœrœ: Ayuda utshunœ œdœ ndje angbi azu manda nœ.

¹⁷Gbambanœ nene, Ɔtshɔ O'onœ asœ dá yisœ kœsœ ndjii nœ Ndjaba á uzu œ wuta ga tœ nœ lœ awa nœ kœyindœrœ. Mbœrœ endje sú bala Buku adœke: «Uzu neke á tshe wuta ndjii lœ awa nœ kœyindœrœ, tshe gbɔ soro.»

Azu para kɔkɔ mbœrœ ekperœ

¹⁸Ndjaba ma lima ókó nœ ye kœto ba lafo ga tœ ekperœ œdœ ga tœ azu kɔ á endje sœ kœmbœrœ œrœ á sœsœ ndjii nene. Gbambanœ nene, ekperœnœ asœmœ sœ kœmbœrœ adœke endje za œrœ ku ala awa adja o'o.

¹⁹Andaa, œneke á œ li adœke a wusœ nœ ba ndœ Ndjaba sœ ngbi mbœrœ azu kɔ. Ndjaba dœ tœ ye dá ma ngbi fœ endje.

²⁰Pe tœ ali kœmbœrœ tshapashɔ, œrœ á Ndjaba mbœrœ sœ kœma gbɔgbɔ nœ ye waa dœ waa œdœ ndje mara ye dœ tœ ye. Ataa, bata azu wuwusœ nœ nene adœke tshe kœdœ Ndjaba, endje gbɔ o'o ye.

²¹Endje wusœ Ndjaba kashe endje sœsœ kœdonga she bata Ndjaba nene, œ sœsœ ndje kœgi mershe fœ she nene. Andaa gbetshelœ nœ endje ndi yé kœwusœrœ nœ endje sœ kolœ ubu osho.

²²Endje sœ kœpa adœke œne kœdœ azu nœ kœwusœtœ, andaa endje kœdœ aayi indi.

²³Tœ œsœ kœdonga Ndjaba á tshe tshutshu nene, endje tetœ kœdonga œrœ á endje mbœrœ dœ kane azu á tshutshu, bata ayanu, agea too ayakoro.

²⁴Mbœrœ tœnœ ataa dá Ndjaba katœ endje ti kœmbœrœ œneke á endje gbe dœ tœnœ, á endje lœ kœdjatœ endje lœ ngbindiroœ yeka á sœ kœgbɔ tshula.

²⁵Endje ka balima tœ Ndjaba ti œ yi kolœ ndœ wala, endje sœ kolœ kœdonga œrœ á Ndjaba mbœrœ. Kashe Ndjaba á tshe mbœrœ lima œrœ kɔ, endje yiyindœ kœdonga she nene. Œshe kœdœ Ndjaba má œ li adœke azu donga she waa dœ waa. Ame.

²⁶Ádánœ á Ndjaba katœ endje ti adœke endje za awa œrœ á endje gbɔ tshula manda nœ dœmœ. Awo endje sœsœ kœlo dœ ayakoshe nene, kashe endje lo kolœ dœ ayashe anga endje.

²⁷Ayakoshe mbœrœ ndje awa bale. Endje katœ kœlo dœ ayashe, œ sœ dœ ogo anga endje dœ ayakoshe, á sœ kœlo dœ endje. Endje mbœrœ ugurutœ endje œrœ á gaga nene yé endje gbɔ œrœ tshangba djingili nœ endje.

²⁸Bata á endje vwaratœ endje tœ kœwusœ Ndjaba, Ndjaba katœ endje ti adœke endje sœpe lœ indi kœwusœrœ nœ endje. Ataa, endje sœ kœmbœrœ œrœ á li adœke endje mbœrœ nene.

²⁹Endje su dœ tshelœ aka œrœ á sœsœ ndjii nene, dœ ekperœ, dœ egerœ lœsu, kœmbœrœ anga endje dœ œgbɔ œrœ, endje sú dœ uku, dœ kœwo azu, dœ œbœrœ, afara, œdœ pe ndje kœpa wala,

³⁰kœpatœ osho, ayingba Ndjaba, kœgu osho, egerœ kumu œdœ pe kœzatœ endje. Endje sœ kœpara dœ awa kɔ ndœ kœmbœrœ ekperœ, yé endje lilisœ aayi kœzu endje nene.

³¹Endje gugu dœ kœwusœrœ nene, endje mbœmbœrœ œrœ liaka ndœma endje nene, endje sœ dœ œgbɔ lœsu yé endje wuwu ndje oyo azu nene.

³²Endje wusœ nœ dœ œtshœnœ adœke Ndjaba pa liya adœke: azu á endje mbœrœ mara œrœ ataa li dœ kuzu. Kashe endje lœ kolœ kœmbœrœ œrœ atake, yé œ sœ ndje dœ yanga azu á endje lœ kœmbœrœ mara ekperœ œrœ asœmœ.

Roma 2

Ndjaba œ wa ngbanga pa azu kɔ

¹Endje wu oyo zœ nene, œbœ, œdœ bœ kœdœ œde, á sœ kœwa ngbanga pa anga zœ. Gbambanœ nene, bœ kœsœ kœwa ngbanga pa uzu, bœ sœ ndje kœwa o'o ga tœ zœ dœ tœ zœ mbœrœ bœ sœ ndje awa bale œbœ á bœ sœ kœwa ngbanga.

²Andaa a wusœ nœ adœke kœwa ngbanga nœ Ndjaba sœ kœmbœrœtœ ye lœ adja o'o mbœrœ azu á endje sœ kœmbœrœ mara œrœ ataa.

³Yé œbœ á bœ sœ kœpa adœke azu sœ kœmbœrœ ekperœ, andaa œbœ ndje bœ sœ tœ kœmbœrœ awa bale, bœ gbe adœke Ndjaba œ wa ngbanga pa zœ nœ zœ nene a?

⁴Bœ sœ kœwu egerœ ayo nœ Ndjaba, dœ œtshɔ lœsu ndje dœ ugu lœsu nœ ye ga ndœ zœ gbambanœ a? Bœ wuwusœ nœ nene adœke ayo nœ Ndjaba sœ kœmbœrœ adœke bœ fa lœsu zœ a?

⁵Kashe mbœrœ ɔgbɔ lɔsu nœ zœ, dœ gbɔkumu nœ zœ, bœ sœ kœpara adœke Ndjaba za egerœ djofele fœ bœ dœ lɔkɔ á tshe ma ókó á ma kœwa ngbanga nœ ye á sœ ndjii.

⁶Gbambanœ nene, Ndjaba œ to fœ uzu dœ uzu kœli dœ œneke á tshe mbœrœ.

⁷Ndjaba œ za soro á ka nene fœ azu neke á endje sœ kœmbœrœ ɔtshɔ akwa, á sœ dœ kœru lɔsu, á sœ kœpara awa kœgbɔ mokɔ, kœlɔsœtœ œdœ pe ɔkɔ á tshu nene.

⁸Kashe azu á endje vwaratœ endje tœ adja o'o á tshapu kœza awa œrœ á sœ ndjii, ókó œdœ kœyangbarœ nœ Ndjaba œ te ga pa endje.

⁹Azu kɔ á endje sœ kœmbœrœ ekperœ, œ wu kanga œdœ egerœ oyo: œdœ Ayuda œdœ ndje angbi Azu.

¹⁰Kashe uzu kɔ á tshe kœsœ kœmbœrœ ɔtshœrœ, Ndjaba œ za mokɔ, kœlɔsœtœ œdœ kœsœ gee fœ she; Yuda utshunœ œdœ angbi uzu manda nœ.

¹¹Gbambanœ nene, Ndjaba wuwu tshatshu uzu nene.

¹²Azu á endje wuwusœ awa akwa nene, œdœ endje kœtshu, awa akwa gugu dœ ádá bale pa endje nene. Kashe endjeneke kɔ á endje wusœ awa akwa, œdœ endje kœmbœrœ ekperœ, Ndjaba œ wa ngbanga pa endje liaka awa akwa.

¹³Gbambanœ nene, azu á endje dji awa akwa kolœ ndœ kœdji tœnœ, endje sœsœ ndjii tœ ala Ndjaba nene. Kashe endjeneke á endje mbœrœtœ endje lindœ awa akwa, endje dá lœ ndjii tœ ala Ndjaba.

¹⁴Lɔkɔ á angbi azu á endje wuwusœ awa akwa nene kœsœ kœmbœrœtœ endje lindœ nœ, œ sœ kœma bata œ sœ lœ endje andaa endje gugu dœ tœnœ nene.

¹⁵Atamœ, œ sœ kœma bata endje sú awa akwanœ ga tœ lɔsu endje. Œdœ endje kœmbœrœ ɔtshœrœ, œdœ endje kœmbœrœ ndje ekperœ; gbetshelœ nœ endje sœ kœyisœ nœ fœ endje kɔ œdœ ndje œneke á sœ tœ lɔsu endje á sœ kœwa ngbanga too kœpa o'o tshapa endje.

¹⁶Kɔkɔ asœke œ wuta bala ngbi dœ lɔkɔ á Ndjaba œ wa ngbanga pa kœmbœrœtœ lœ ubunœ nœ azu lœ awa nœ Yisu Kristu. Asœ kœdœ ɔtshɔ O'onœ á mœ sœ tœ kœpandœ nœ.

Sharapu nœ azu Israyele

¹⁷Kashe œbœ á bœ dœ Yuda, á bœ ka ga pa awa akwa á sœ tœ kœdu okoro zœ mbœrœ Ndjaba nœ zœ,

¹⁸œbœ á bœ wusœ gbetshelœ nœ ye, œbœ á awa akwa nœ ye yisœ œrœ fœ bœ adœke bœ wusœ kœke œrœ á sœ dœ ɔtshœnœ,

¹⁹æbœ á bœ gbe adœke bœ kœdœ ayi kœgbota aayibula, ingbisho mbœrœ azu á endje sœ lœ ubu osho,

²⁰æbœ, bœ gbe adœke bœ kœdœ ayi kœmbœrœ ala fœ azu á endje wuwusœ œrœ nene œdœ amba azu. Bata á bœ wusœ awa akwa á dœ ada kœwusœrœ œdœ adja o'o.

²¹Æbœ á bœ kœdœ ayi kœyisœrœ fœ azu, mbœrœ gadœ á bœ sœsœ kœyisœ œrœ fœ bœ dœ tœ zœ nene a? Bœ sœ kœyisœ œrœ adœke: Zizi angba nene, yé mbœrœ gadœ á bœ sœ kœzi angba a?

²²Bœ sœ kœpakata kœlo dœ awo azu, mbœrœ gadœ á bœ lo dœ awo azu a? Bœ sœ kœtshene andjaba, yé mbœrœ gadœ á bœ kpa zi angba œrœ tshelœ anda kœdonga dœ andjaba a?

²³Bœ sœ kœdu okoro zœ adœke bœ wusœ awa akwa, kashe bœ sœsœ kœlisœ i'iri Ndjaba nene dœ kœmbœrœ œrœ á sœ kœndi awa akwa.

²⁴Gbambanœ nene, endje sú bala Buku nœ Ndjaba adœke: «Angbi azu œ gu œsœ Ndjaba kolœ manda 'e.»

²⁵Ádá gaza sœ tœncœ œdœ bœ kœsœ kœmbœrœtœ zœ lindœ awa akwa. Ká bœ kœsœsœ kœmbœrœtœ zœ lindœ awa akwa nene, bœ li ndje dœ uzu á tshe wawa gaza nene.

²⁶Ædœ angbi uzu á tshe wawa gaza nene kœsœ kœmbœrœtœ ye lindœ awa akwa, endje wu ndje she bata uzu á tshe wa gaza.

²⁷Uzu á tshe wawa gaza nene, á tshe kœsœ kœmbœrœtœ ye lindœ awa akwa, tshe wa ngbanga pa zœ; æbœ á bœ wa gaza, á sœ dœ awa akwa kashe á sœsœ kœmbœrœtœ zœ lindœ nœ nene.

²⁸Æ dœdœ œneke á a wu ba ushu dá mbœrœ uzu tœ Yuda nene, œ dœdœ ndje sherœwa uku gaza nœ œkœ dá mbœrœ gaza nene.

²⁹Kashe adja Yuda kœdœ tsheneke á tshe dœ Yuda ba tœ lsu ye. Adja gaza kœdœ œncœ lsu uzu, œneke á to lœ fshiri kashe œ toto lœ mbeti nœ awa akwa nene. Mara uzu ataa, kolœ Ndjaba dá donga she kashe azu nene.

Roma 3

Uzu bale á tshe sœ ndjii gugu nene

¹Atamœ, Ayuda ropa angbi azu dœ gadœ? Otshœrœ nœ kœwa gaza kœdœ gadœ e?

²Adjapu, otshœrœncœ sœ waa kashe œneke á ropa nœ kœ utshunœ kœdœ adœke Ndjaba za lima o'o ama ye fœ Ayuda.

³Atamœ, œdœ anga Ayudancœ kœvwaratœ endje tœ kœyindœ o'o ama Ndjaba, œ mbœrœ adœke Ndjaba kpa gbe dœ o'o ama ye á tshe pa nene a?

⁴Ɔe sœ atamœ nene. A wusœ œeneke: Ndjaba sœ kœpa adja o'o kashe uzu tshapashœ kœdœ ayi wala. Bata endje sú bala Buku nœ Ndjaba adœke: «Ɔe li adœke azu para kœkœ wusœ nœ adœke bœ sœ ndjii lœ o'o ama zœ, yé œdœ endje kœtœ meza pa zœ bœ te dœ ngbanga nene.»

⁵Kashe œdœ kœmbœrœ œrœ nœ azœ á sœsœ ndjii nene kœsœ kœma adœke Ndjaba sœ ndjii, atamœ a pa koto o? Mœ sœ kœyutœ mœ bata uzu kœ œ yutœ ye: «Ndjaba sœsœ ndjii nene yeka á za djofele fœ azœ ascœmœ a?» Mœ sœ kœpa o'o ascœ bata azu.

⁶Bale nene! Gbambancœ nene, œdœ Ndjaba kœsœsœ ndjii nene, kotoo á tshe wa ngbanga pa tshapashœ a?

⁷Kashe œ kœsœ adœke kœpa wala nœ mœ ma adja o'o nœ Ndjaba ngbi mbœrœ mokœ nœ ye, ataa mbœrœ gadœ á tshe kpa wa ngbanga ga tœ mœ bata uzu kœmbœrœ ekperœ a?

⁸Yé mbœrœ gadœ a tete má lima tœ kœmbœrœ ekperœ œrrr yeka á kœwuta ga tœ œtshœrœ nene, bata anga aayi wala lœ kœmindœ nœ fœ azœ nene a? Azuncœ alcœmœ œ yo dœ ngbanga nœ Ndjaba bata œ li dœ endje.

Uzu bale sœsœ ndjii nene

⁹Atamœ o'o gadœ dá a kpa kœpa a? Azœ dœ Ayuda, a ropa angbi azu dœ gadœ e? Bale nene. Mœ yisœ nœ ngbi fœ 'e adœke, œdœ Ayuda œdœ angbi azu ndje, endje kœ kœdœ akanga nœ ekperœ.

¹⁰Bata endje sú bala Buku nœ Ndjaba adœke: «Uzu á tshe sœ ndjii gugu, amba anga bale gugu nene.»

¹¹Uzu kœwusœ tshelœ kata o'o gugu, uzu bale kœpara awa Ndjaba gugu nene.

¹²Azu para kœkœ fa tshaangba endje fœ Ndjaba, endje djingili awa. Uzu kœmbœrœ œtshœrœ gugu, amba uzu bale nene.

¹³Tshadœngœrœ endje sœ bata udu á kœrœ. Tima endje sœ tœ kœfara dœ azu, kongwa ama endje sú dœ girishi yakoro.

¹⁴O'o kœdarandœ azu dá su pete dœ tshelœ ama endje œdœ pe ushu o'o.

¹⁵Endje sœ gbœgbœtœ endje ndœ kœwo azu.

¹⁶Endje sœ kœndi azu œdœ kœmbœrœ œrœ kanga fœ endje.

¹⁷Endje wuwusœ awa nœ kœsœ gee nene.

¹⁸Endje sœ kœlisœ Ndjaba nene.

¹⁹Andaa a wusœ nœ adœke, o'o á awa akwa pa, œ sœ kœpa tœncœ fœ azu á endje sœ tshakudu awa akwa adœke azu vu ama endje yé tshapasho djigi wu adœke œne gbo o'o utshu Ndjaba.

²⁰Ádánœ á ba utshu Ndjaba, uzu bale sœsœ ndjii lœ awa nœ akwa nene. Gbambancœ nene, awa akwa sœ kolœ tœ kœma fœ azu adœke endje mbœrcœ ekperœ.

Mara á Ndjaba œ she dœ azu

²¹Ngongɔ asœke, Ndjaba yisœ mara á tshe mbœrcœ adœke azu wuta ndjii fœ azœ yé œ dóédóé lœ awa nœ kœna manda awa akwa nene. Kashe awa akwa œdœ aayi kœgbara o'o dá sœ kœpa o'o tœ upu nœ.

²²Ndjaba mbœrcœ adœke azu kɔ á endje sœ dœ kœyindœrcœ ga ndœ Yisu Kristu wuta ndjii. Tshe mbœrcœ atamœ mbœrcœ azu kɔkɔ sœ awa bale.

²³Azu para kɔkɔ mbœrcœ ekperœ yé endje lili kœli ga lœ mokɔ nœ Ndjaba nene.

²⁴Kashe Ndjaba yisœ ɔtsho lœsu nœ ye fœ endje á mbœrcœ adœke endje wuta ndjii gbambancœ. Tshe mbœrcœ adœke lœ awa nœ Yisu Kristu endje she lœ ekperœ ye.

²⁵Ndjaba vwa Yisu Kristu adœke tshe tshu yeka á indji ye kœdjuto ekperœ nœ azu, lœ awa nœ kœyindœrcœ mbœrcœ kœma œrcœ á sœ ndjii. Ndjaba mbœrcœ ataa tœ kœma adœke ekperœ á azu mbœrcœ lima œne kpa gbe dœ tœncœ nene.

²⁶Mbœrcœ Ndjaba lœ ugu lœsu nœ ye, yindœ kœma fœ azu adœke œne kœdœ ayi kœmbœrcœ œrcœ á sœ ndjii. Tshe sœ kœma kœsœ ndjii nœ ye ngongɔ asœ adœke azu á endje sœ dœ kœyindœrcœ ga ndœ Yisu wuta Ndjii tœ ala œne.

²⁷Atamœ, adja œdœ dá li kœdu okoro ye a? Uzu bale nene. Mbœrcœ gafe? Akwa nœ awa akwa a? Bale nene, kashe kolœ dœ i'iri kœyindœrcœ.

²⁸Azu wuwuta ndjii mbœrcœ kœmbœrcœtœ endje liaka akwa nœ awa akwa nene, kashe kolœ mbœrcœ kœsœ dœ kœyindœrcœ.

²⁹A gbe kane. Ndjaba kœdœ kolœ Ndjaba nœ Ayuda a? Tshe dóédóé Ndjaba nœ angbi azu nene a? Tshe kœdœ ndje Ndjaba nœ angbi azu.

³⁰Gbambancœ nene, Ndjaba sœ tshebale á sœ kœmbœrcœ adœke Ayuda œdœ pe angbi azu wuta ndjii lœ awa nœ kœyindœrcœ.

³¹Yé bata a sœ dœ kœyindœrcœ, œ li adœke a wu awa akwa gbambancœ a? Œ sœsœ atamœ nene. Kashe a za awa akwa ga tœ adja œsœ awa akwa.

Roma 4

Kœyindœrcœ nœ Abrayamo

¹O'o gade dá a kpa pa tœ ata azœ dœ Abrayamo bata uzu a? Ɔerœ gade dá tshe gbo a?

²Ɔedœ tshe kœwuta lima ndjii utshu Ndjaba mbœerœ akwa, tshe li kœdu okoro ye. Kashe tshe lili lima kœdu okoro ye utshu Ndjaba nene.

³Gbambanœ nene, endje sú ala Buku nœ Ndjaba adœke: «Abrayamo sœ lima dœ kœyindœerœ ga ndœ Ndjaba, yé mbœerœ kœyindœerœ nœ ye, Ndjaba wu she tœ ala ye ndjii.»

⁴Ayi akwa gbo ngendja tshangba akwa á tshe mbœerœ, gbozu nœ ye œ ko ngendja fœ she gbambanœ nene. Tshe ko fœ she mbœerœ akwa á tshe mbœerœ.

⁵Kashe œdœ uzu kœsœsœ kœmbœerœ akwa nene, á kœsœ dœ kœyindœerœ ga ndœ Ndjaba á tshe sœ kœmbœerœ adœke ekpe azu wuta ndjii tœ ala œne, Ndjaba œ wu she ndjii tœ ala ye mbœerœ kœyindœerœ nœ ye.

⁶Mbœerœ tœnœ dá Davidi sœ kœdonga kœlisœtœ nœ uzu á Ndjaba wu she ndjii tœ ala ye kashe œ dóédœ lœ kumu akwa nœ ye nene. Endje su ala Buku nœ Ndjaba adœke:

⁷«Yanga nœ azu á Ndjaba djerœndœ ekperœ nœ endje yé á gi pa endje ye.

⁸Yanga nœ uzu á Gbozu gbegbe dœ ekperœ nœ ye nene.»

⁹Yanganœ asœmœ sœ kolœ mbœerœ Ayuda a? Bale nene. Yanganœ sœ ndje mbœerœ angbi azu, gbambanœ nene a sœ kœpa adœke: «Ndjaba wu lima Abrayamo ndjii tœ ala ye mbœerœ tshe sœ lima dœ kœyindœerœ ga ndœ ye.»

¹⁰Kashe lœkœ gade dá œerœnœ asœke wuta lima a? Ɔ sœ lima utshunœ adœke Abrayamo wa gaza too manda kœwa gaza? Ɔ sœsœ lima manda kœwa gaza nene kashe utshu kœwa gaza.

¹¹Gazanœ yi lima sœ nœ adœke tshe gbo ambárá, yé œ wuta ndjii tœ ala Ndjaba lœ kumu kœyindœerœ nœ ye. Mbœerœ œtœnœ ataa, Abrayamo wuta aba azu á endje sœ dœ kœyindœerœ, á endje wawa gaza nene á Ndjaba sœ ndje kœwu endje bata ndjii tœ ala ye.

¹²Ɔeshe kœdœ ndje aba aayi kœwa gaza, œ yindœ kœpa adœke, kolœ endjeneke á endje za lœsu endje ga pa kœ wa gaza, kashe ndje endjeneke á endje sœ kœna tœ awa nœ kœyindœerœ nœ aba azœ dœ Abrayamo utshu adœke tshe wa gaza.

Azu œ gbo œerœ á Ndjaba pa tœnœ manda kœyindœerœ

¹³Ndjaba pa lima fœ Abrayamo dœ aatanœ adœke endje gbo tshapashœnœ asœke djigi bata œerœ nœ endje. Tshe papa lima o'o asœ fœ Abrayamo mbœerœ á tshe sœ lima kœmbœerœtœ ye liaka awa akwa nene, kashe mbœerœ á tshe sœ lima ndjii tœ ala ye lœ awa nœ kœyindœerœ.

¹⁴Ɔdɔe Ndjaba kɔesɔe mǎ kɔeto ɔerɔe á tshe pa lima tɔenɔe kolɔe fɔe azu á endje lɔe kɔembɔerɔetɔe endje lindɔe awa akwa, atamɔe ádá kɔeyindɔerɔe gugu nene, yé ádá ɔerɔenɔe á tshe pa tɔenɔe gugu ndje nene.

¹⁵Gbambanɔe nene, awa akwa sɔe kɔembɔerɔe adɔeke ókó nɔe Ndjaba te ga pa azu. Kashe osho á awa akwa gugu tɔenɔe nene, awa kɔevwaratɔe azu tɔe awa akwa gugu bale nene.

¹⁶Ataa, azu ɔe gbɔ ɔerɔe á Ndjaba pa tɔenɔe mbɔerɔe kɔeyindɔerɔe adɔeke ɔe dɔe kɔetɔerɔe á tshe to gbambanɔe, á ádáncɔe sɔe zɔe mbɔerɔe aata Abrayamo para. Ɔ dɔédɔé kolɔe mbɔerɔe endjeneke á endje sɔe kɔena manda awa akwa nene, kashe ndje mbɔerɔe azu á endje sɔe dɔe kɔeyindɔerɔe bɔta Abrayamo. Abrayamo kɔedɔe aba azɔe para kɔkɔ.

¹⁷Bata á endje sú ala Buku adɔeke: «Mɔe za bɔe kɔesɔe tɔe ata ukpulu azu ogo.» Tshe kɔedɔe ata azɔe ba utshu Ndjaba á tshe sɔe dɔe kɔeyindɔerɔe ga ndɔe ye, tsheneke á tshe sɔe kɔeshe azu lɔe kuzu yé á sɔe kɔembɔerɔe adɔeke ɔeneke á gugu nene sɔe zɔe.

¹⁸Abrayamo sɔe lima dɔe kɔeyindɔerɔe dɔe pe kɔeza lɔsu ye ga pa Ndjaba. Andaa, gbetshelɔe kɔ ka lima ye yeka á tshe kpa wuta lima ata ukpulu azu ogonɔe, liaka o'o á endje sú adɔeke: aata zɔe ɔe ngba atake.

¹⁹Abrayamo ndo lima dɔe ngbugu ga pa ɔerɔe nɔé kama bale (100), kashe tshe mɔmɔ lima lɔe kɔeyindɔerɔe nɔe ye nene. Tshe wu lima sɔe nɔe adɔeke ɔene mɔ, yé awo ɔene dɔe Sara kɔedɔe lima ayi mara.

²⁰Tshe sɔesɔe lima dɔe sharapu tɔe ɔerɔe á Ndjaba pa lima tɔenɔe fɔe she nene. Kashe kɔeyindɔerɔe nɔe ye ga ndɔe Ndjaba za lima gbɔgbɔ fɔe she yé tshe donga lima Ndjaba.

²¹Tshe wu lima sɔe nɔe adɔeke ɔeneke á ndjaba pa tɔenɔe, tshe sɔe dɔe gbɔgbɔ nɔe kɔembɔerɔe tɔenɔe.

²²Ádáncɔe á Ndjaba wu lima she ndjii tɔe ala ye dɔemɔe.

²³Andaa, o'o á endje sú ala Buku nɔe Ndjaba adɔeke: «Ndjaba wu Abrayamo Ndjii tɔe ala ye», endje súsú kolɔe mbɔerɔe ɔeshe dɔe kuti ye nene,

²⁴kashe endje sú ndje mbɔerɔe azɔe á Ndjaba sɔe kɔewu ndje azɔe bɔta azu á endje sɔe ndjii mbɔerɔe kɔeyindɔerɔe nɔe azɔe ga ndɔe tsheneke á tshe she Gbozu nɔe azɔe dɔe Yisu lɔe akuzu.

²⁵Ɔeshe á endje wo she mbɔerɔe ekperɔe nɔe azɔe, á Ndjaba she she lɔe akuzu adɔeke tshe mbɔerɔe a wuta ndjii.

Roma 5

Ndjaba guma tshagurutœ ye dœ azu

- ¹Bata á Ndjaba wu azœ ndjii mbœrœ kœyindœrœ, a sœ dœ kœsœ gee ugurutœ azœ dœ Ndjaba lœ awa nœ Gbozu nœ azœ dœ Yisu Kristu.
- ²Yisu á a sœ dœ kœyindœrœ ga ndœ ye dá kɔɔ awa adœke a wusœ ɔtshɔ lɔsunœ á Ndjaba sœ dœ tœnœ ga ndœ azœ. A sœ dœ yanga mbœrœ ɔtshɔ lɔsunœ asœmœ yekane á kœza lɔsu azœ ga tœ kœli ga lœ mokɔ nœ Ndjaba.
- ³Ga pa nœ, ata lœ œrœ kanga nœ azœ gbaa, a sœ ndje dœ yanga mbœrœ a wusœ nœ adœke œrœ kanga œ za kœru lɔsu fœ azœ;
- ⁴kœru lɔsu œ to gbɔgbɔ adœke a ropa ɔgbɔ œrœ á na ga ndœ azœ, kœropa ɔgbɔ œrœ á ro ga ndœ azœ œ mbœrœ adœke a ko lɔsu azœ ga tœ œrœ á Ndjaba pa lima tœnœ fœ azœ.
- ⁵Yé tshangba kœko lɔsu azœ ga tœ Ndjaba œ sœ gbambanœ nene, mbœrœ á tshe yisœ kœyindœsho ga ndœ azœ lœ awa nœ ɔtshɔ ɩshiri á tshe za she fœ azœ.
- ⁶Gbambanœ nene, ɔɔ á a gugu lima damba dœ gbɔgbɔ nene, dœ lɔkɔ á Ndjaba guma, Kristu tshu lima lœ kumu aayi kœmbœrœ ekperœ.
- ⁷œ sœ tœ ɔgbɔnœ waa kœyindœ nœ adœke uzu á tshe sœ ndjii tshu. Anga uzu œ yi ete ndœ nœ adœke œne tshu mbœrœ ɔtshɔ uzu.
- ⁸Kashe Ndjaba ma kœyindœsho nœ ye ga ndœ azœ. A dœ lima aayi kœmbœrœ ekperœ yé Kristu tshu mbœrœ azœ.
- ⁹Yé bata ngɔngɔ asœ, bata indji ye mbœrœ adœke a wuta ndjii tœ ala Ndjaba, œ ma adja adœke tshe she bala azœ lœ awa nœ ye lœ ókó nœ Ndjaba.
- ¹⁰Gbambanœ nene, a dœ lima utshunœ ayingba Ndjaba, kashe Ndjaba guma tshaguru tœ ye dœ azœ lœ awa nœ kuzu Gbolo nœ ye. Asœke ma adja adœke Ndjaba œ she bala azœ lœ awa soro nœ Gbolo nœ ye.
- ¹¹Ga pa nœ ngɔngɔ asœke, a sœ kœdu okoro azœ mbœrœ Gbozu nœ azœ dœ Yisu Kristu á lœ awa nœ ye dá Ndjaba guma tshagurutœ ye dœ azœ.

Adamo œdœ Yisu Kristu

- ¹²Ekperœ li lima ga pa tshapashɔ mangba uzu bale, á tshe kœdœ Adamo. Yé ekperœnœ mbœrœ adœke azu tshu kuzu. Yé kuzu te ga pa azu kɔ mbœrœ azu kɔ mbœrœ ekperœ.
- ¹³Ekperœ sœ lima pa tshapashɔ zœ utshunœ adœke Ndjaba za awa akwa. Kashe Ndjaba gbegbe lima dœ ekperœ nene mbœrœ awa akwa gugu lima nene.

¹⁴Andaa, koeto tœ Adamo œerrr ga tœ Moyize, kuzu sœ lima tœ kœwo azu zœ. Yé azu á endje mbœembœerœ lima ekperœ bata Adamo mbœerœ nene tshu ndje lima. Adamo koedœ lima ishiri uzu á sœ adœeke tshe na manda nœ.

¹⁵Kashe ɔtshɔ lɔsu á Ndjaba za fœ azœ ropa ekperœ á Adamo mbœerœ ye. Ekperœ nœ uzu bale za kuzu ga pa azu para kɔkɔ. Kashe ɔtshɔ lɔsu á Ndjaba to gbambanœ lœ awa nœ uzu bale, Yisu Kristu na ga pa azu para kɔkɔ.

¹⁶ɔtshɔ lɔsu nœ Ndjaba lili dœ ekperœ á uzu bale mbœerœ nene. Gbambanœ nene, mbœerœ ekperœ nœ uzu bale, Ndjaba wa ɔgbɔ ngbanga ga pa azu para kɔkɔ. Kashe mbœerœ ekperœ ndjoro, ɔtshɔ lɔsu á ndjaba to gbambanœ mbœerœ adœeke azu para kɔkɔ wuta lœ ngbanga.

¹⁷Gbambanœ nene, mbœerœ uzu bale, lœ awa ekperœ nœ ye bale á kuzu na ga pa azu para kɔkɔ; awa bale lœ awa nœ Yisu Kristu bale, azu á ɔtshɔ lɔsu nœ Ndjaba œ tu ga pa endje œ sœ bala dœ soro yé endje œ wuta ndjii gbambanœ.

¹⁸Bata ekperœ nœ Adamo bale gbota ngbanga ga pa azu para kɔkɔ, akwa nœ kœsœ ndjii nœ uzu bale mbœerœ adœeke azu para kɔkɔ wuta ndjii tœ ala Ndjaba, yé œ sœ dœ soro.

¹⁹Bata azu para kɔkɔ wuta aayi kœembœerœ ekperœ lœ kumu uzu bale, awa bale ndje azu para kɔkɔ wuta ndjii mbœerœ uzu bale á tshe dji o'o ama Ndjaba.

²⁰Awa akwa wuta lima yé ekperœ wuta lima ndjoro, kashe tœ osho á ekperœ wuta ndjoro, ɔtshɔ lɔsu nœ Ndjaba kpa gerœ kœeropa nœ.

²¹Yé bata ekperœ sœ lima dœ gbɔgbɔ ndœ kœwo azu, awa bale ɔtshɔ lɔsu nœ Ndjaba sœ dœ gbɔgbɔ tœ kœshe azu adœeke œ to azœ na tœnœ ndœ soro á ka nene lœ awa nœ Gbozu nœ azœ dœ Yisu Kristu.

Roma 6

Kuzu too soro lœ Yisu Kristu

¹Atamœ, a kpa pa koto o? A lœpe kolœ kœembœerœ ekperœ yekane á Ndjaba kœma ɔtshɔ lɔsu waa ga ndœ azœ a?

²Bale nene. Lœ kumu ekperœ, a sœ lima bata akuzu, yé kotoo yeka a kpa sœpe kœembœerœ ekperœ a?

³Yé a wusœ nœ adœeke a gbɔ batisimu kœma adœeke a ngbɔbatœ azœ awa bale lœ kuzu nœ Yisu Kristu.

⁴Batisimu nœ azœ má adœeke, a tshu yé endje shi azœ awa bale dœ she, adœeke bata gbɔgbɔ mokɔ nœ Aba dá she Kristu lœ akuzu, azœ ndje a wuta dœ tafo soro.

- ⁵Gbambanœ nene, ɓata á a ngɓɓatœ azœ bale, á kuzu nœ azœ li dœ œnœ ye, a ngɓɓa bala ndje tœ azœ dœ she dœ Kristu lœ kœshe lœ akuzu nœ ye.
- ⁶A wusœ nœ dœ ɔtshɔnœ adœke, Ndjaba wo ongboro uzu nœ azœ awa bale dœ Kristu pa Kurushi adœke ɔkɔ nœ ekperœ ndi yekane a kpa kœdœdœ akanga nœ ekperœ nene.
- ⁷Gbambanœ nene, uzu kœtshu, tshe kpa dœdœ kanga nœ ekperœ nene.
- ⁸Kashe œdœ a kœtshu awa bale dœ Kristu, a sœ dœ kœyindœœ adœke a sœ ndje bala dœ soro awa bale dœ she.
- ⁹Mbœœ a wusœ nœ adœke Ndjaba she Kristu lœ akuzu, tshe kpa tshu bale nene yé kuzu kpa sœsœ dœ gbɔgbɔ pa ye nene.
- ¹⁰Gbambanœ nene, tshe tshu lima awa bale ngbewo mbœœ ekperœ œ ka, yé tshe kpa tshu nene. Ngɔngɔ asœke, tshe sœ dœ soro mbœœ Ndjaba.
- ¹¹E'e ndje awa bale, 'e wutœ 'e adœke 'e tshu ndje tœ upu nœ ekperœ yé ngɔngɔ asœke 'e sœ dœ soro mbœœ Ndjaba lœ awa nœ Yisu Kristu.
- ¹²Kaka adœke ekperœ kpa sœsœ dœ gbɔgbɔ bale pa ɔkɔ 'e á tshu nene. Adja 'e kpa mbœmbœœ ogo kœza awa ekpe gbetshelœ nœ ɔkɔ nene.
- ¹³Adja 'e kpa koko œœ kote 'e ga tœ akwa nœ ekperœ ɓata œœ kœmbœœ dœ ekperœ nene. Kashe 'e zatœ 'e fœ Ndjaba ɓata azu á endje to lœ kuzu á kwa ga lœ soro, 'e kotœ 'e djigi ga tœ akwa nœ ye ɓata œœ mbœœ akwa á sœ ndjii.
- ¹⁴Gbambanœ nene, ekperœ kpa li tœ kœsœ tœ gbozu pa 'e nene mbœœ 'e kpa sœsœ tshakudu awa akwa nene, kashe 'e sœ tshakudu ɔtshɔ lœsu nœ Ndjaba.

A mbœœ œœ á sœ ndjii

- ¹⁵Ataa, a kpa pa koto o? A mbœœ ekperœ mbœœ a sœsœ tshakudu awa akwa nene, kashe a sœ tshakudu ɔtshɔ lœsu a? Bale nene.
- ¹⁶E wusœ nœ dœ ɔtshɔnœ adœke œdœ 'e kœzatœ 'e tœ akanga nœ uzu bale ndœ kœdji she, 'e wuta akanga nœ uzunœ á 'e sœ kœdji she. Œdœ ekperœ, œ to uzu ga lœ kuzu; œdœ kœdji o'o, œ to uzu na tœnœ ga tœ awa nœ œœ á sœ ndjii.
- ¹⁷A gi mershe fœ Ndjaba mbœœ lima utshunœ, 'e kœdœ akanga nœ ekperœ, kashe ngɔngɔ asœke 'e dji kœyisœœ á endje yisœ nœ fœ 'e yé 'e yindœ nœ dœ lœsu 'e bale.
- ¹⁸E kpa dœdœ akanga nœ ekperœ nene, kashe 'e wuta akanga nœ œœ á sœ ndjii.
- ¹⁹Mara kœpa o'o nœ mœ sœ mbœœ kœza awa fœ 'e kœdji tshelœ kata o'o á mœ sœ kœpa tœnœ. Utshunœ lima, 'e zatœ 'e djigi ndœ kœmbœœ œœ tshula œdœ pe ekperœ á fa lima 'e tœ azu kœyiangba Ndjaba. Awa bale œ li adœke 'e

zatœ 'e ngɔngɔ asœke bata akanga nœ kœmbœerœ œrœ á sœ ndjii á sœ kœmbœerœ adœke azu wuta yerœ.

²⁰ɔlɔ á 'e dœ lima akanga nœ ekperœ, œrœ bale á tovworogbo 'e lima ndœ kœmbœerœ œrœ á sœ ndjii gugu nene.

²¹Leyɔ gadœ dá 'e ko lima lœnœ a? Kpœsheke tshula tshangbanœ zaza 'e nene a? Œrœ tshangba nœ kœdœ kuzu.

²²Kashe ngɔngɔ asœke 'e kpa dœdœ akanga nœ ekperœ nene, 'e wuta akanga nœ Ndjaba. Atamœ 'e zu leyɔ á sœ kœmbœerœ adœke 'e wuta yerœ, gbambanœ nene, œrœ tshangba nœ kœdœ soro á ka nene.

²³Gbambanœ nene, œrœ tshangba ekperœ kœdœ kuzu, kashe œrœ á Ndjaba œ to gbambanœ kœdœ soro á ka nene lœ awa nœ Gbozu nœ azœ dœ Yisu Kristu.

Roma 7

Awa akwa kpa gugu dœ gbɔgbɔ pa azu nœ Kristu nene.

¹Aaya, e'e á 'e wusœ awa akwa, 'e wusœ nœ adœke awa akwa sœ dœ gbɔgbɔ pa azœ dœ azu kolœ dœ ɔlɔ á a sœ dœ soro.

²Bata tœ awo uzu, awa akwa pa adœke œdœ yakoshe kœtshutshu nene, yashenœ lili kœpara anga angbi yakoshe nene. Œ kœsœ adœke yakoshe tshu yeka á yashœ totœ œ wuta tshakudu awa akwa asœmœ.

³Œ kœsœ adœke yakoshe sœpe dœ soro á tshe katœ ye ti á kpa para anga angbi yakoshe, endje pa adœke tshe mbœerœ angba budu. Kashe akœnœ kœtshu dá tshe wuta tshakudu awa akwanœ. Á tshe kœpara anga angbi yakoshe, endje pa adœke tshe mbœerœ angba dœ yakoshenœ asœmœ nene.

⁴Aaya, œ sœ ndje awa bale mbœerœ 'e. Bata á Kristu tshu lima, 'e tshu awa bale dœ she yé awa akwa kpa sœsœ dœ gbɔgbɔ pa 'e nene. Ngɔngɔ asœke, 'e ngbɔbatœ 'e dœ Kristu á Ndjaba shé she lœ akuzu asœmœ. Atamœ œ li adœke a zu leyɔ fœ Ndjaba.

⁵Mbœerœ lœkɔ á a sœpe lima lœ ɔkɔ, ekpe gbetshelœ lœ awa nœ awa akwa sœ lima kœmbœerœ akwa lœ undu azœ djigi adœke a zu leyɔ fœ kuzu.

⁶Kashe ngɔngɔ asœke, a kpa dœdœ akanga nœ awa akwa nene, a wuta bata azu á endje tshu balima tœ upu nœ awa akwa. Ataa, a kpa mbœmbœerœ akwa fœ Ndjaba dœ kœro manda ongboro mbeti nene, kashe a mbœerœ akwa fœ Ndjaba dœ tafo awa kwa nœ Ishiri.

Akwa nœ awa akwa.

⁷Atamœ a kpa pa koto o? Awa akwa kœdœ ekperœ a? Œ sœ ataa bale nene. Kashe awa akwa dá yisœ ekperœ fœ mœ. Ataa, mœ wu má ndje lima œsœ

egerœ losu nene œdœ awa akwa kœpa fœ mœ nene adœke: «Sœsœ dœ egerœ losu nene.»

⁸Yé mbœrœ awa akwa, ekperœ za awa fœ mœ kœza losu mœ ga tœ tshelœ aka egerœ losu kœ lœ awa nœ awa o'o. Gbambanœ nene, œdœ awa akwa kœgugu nene, ekperœ tshu ye.

⁹Utshunœ lima adœke awa akwa wuta, mœ sœ lima dœ soro. Yé ɔɔ á awa o'o na, ekperœ gbɔ soro,

¹⁰yeka á e kuzu ga pa mœ. Ataa, awa akwa á li má lima adœke œ za soro fœ mœ, œ kpa e kuzu ga pa mœ.

¹¹Gbambanœ nene, ekperœ gbɔ awa kœfara mœ lœ awa nœ awa o'o yé, lœ awa nœ ye, œ za kuzu ga pa mœ.

¹²Atamœ, awa akwa sœ yerœ yé awa o'o sœ yerœ, ndjii œdœ pe dœ ɔtshɔnœ.

¹³Ataa ɔtshɔrœ li kœwo uzu a? Œ sœ ataa bale nene. Kashe ekperœ dá wo mœ, œtœnœ dá matœ ye ngbii. Tshe za œrœ á sœ dœ ɔtshɔnœ á fa tœ kuzu. Œ yindœ kœpa adœke, ekperœ sœ kœmatœ ye tœ egerœnœ kœropanœ dœ tœ ye.

Uzu kœdœ kanga nœ ekperœ

¹⁴A wusœ nœ adœke awa akwa kœdœ ishiri kashe œmœ kœdœ uzu nœ ɔkɔ, endje ka mœ bata kanga nœ ekperœ.

¹⁵Mœ wuwusœ ádá œrœ á mœ sœ kœmbœrœ tœnœ nene. Œrœ á mœ gbe kœmbœrœ tœnœ, mœ sœsœ kœmbœrœ œtœnœ nene yé œneke á mœ sœ kœyiangba nœ, mœ sœ kœmbœrœ œtœnœ.

¹⁶Andaa œdœ œneke á mœ yiyindœ nœ nene, mœ kœsœ kœmbœrœ œtœnœ, mœ sœ awa bale dœ awa akwa yé mœ yindœ nœ adœke awa akwa sœ dœ ɔtshɔnœ.

¹⁷Œ dóédœ mœ dá sœ kœmbœrœ ataa nene, kashe ekperœ á sœ lœ mœ.

¹⁸Gbambanœ nene, mœ wusœ nœ adœke lœ mœ – mœ yindœ kœpa adœke lœ ɔkɔ mœ – ɔtshɔrœ sœsœ lœ mœ nene: kœgbe kœmbœrœ ɔtshɔrœ sœ zœ kashe kœza ga tœ akwa gugu nene,

¹⁹mbœrœ ɔtshɔrœ á mœ gbe dœ tœnœ, mœ sœsœ kœmbœrœ tœnœ nene, yé ekperœ á mœ gbege dœ tœnœ nene, mœ sœ kœmbœrœ tœnœ.

²⁰Andaa, œdœ mœ kœsœ kœmbœrœ œrœ á mœ gbege dœ tœnœ nene, œ dóédœ mœ dá sœ kœmbœrœ tœnœ nene, kashe ekperœ á sœ lœ mœ.

²¹Mœ sœ kœgbɔ awa akwa asœke: œmœ á mœ sœ kœyindœ kœmbœrœ ɔtshɔrœ, mœ sœ kolœ dœ gbɔgbɔ ndœ kœmbœrœ ekperœ.

²²Gbambanœ nene, ba tœ losu mœ, mœ sœ dœ yanga awa akwa nœ Ndjaba,

²³kashe ba lœ undu mœ, mœ sœ kœwu angbi awa akwa á sœ kœnga koshe dœ awa akwa neke á kœwuscœrœ nœ mœ yindœ nœ yé œ i mœ bata kanga nœ ekperœ á sœ lœ mœ.

²⁴œmœ kœdœ adja ayi oyo! œdœ dá vwara mœ lœ œkœ á sœ kœvwi mœ ga lœ kuzu asœke a?

²⁵A gi mershe fœ Ndjaba lœ awa nœ Yisu Kristu, Gbozu nœ azœ! Ataa, mœ sœ kanga nœ awa akwa nœ Ndjaba lœ awa kœwuscœrœ nœ mœ, kashe bata uzu, mœ kœdœ kanga nœ awa akwa nœ ekperœ.

Roma 8

Soro á to ba ndœ Ndjaba

¹Ataa, ngœngœ asœke Ndjaba kpa wa œgbœ ngbanga ga tœ azu á endje ngbœbatœ endje dœ Yisu Kristu nene.

²Gbambanœ nene, awa akwa nœ Ishiri á za soro lœ Yisu Kristu, vwara bœ lœ awa akwa nœ ekperœ œdœ pe œnœ kuzu.

³Awa akwa lili kœvwara uzu lœ ekperœ nene, mboœrœ awa akwa nœ œkœ sœ kœmboœrœ adœke œ sœ dœ gbœgbœ nene. Kashe Ndjaba dá mboœrœ œtoœnœ. Ndjaba vwa adja Gbolo nœ ye kœna ga pa œshœ bata azœ dœ azu kœmboœrœ ekperœ, yé tshe wo gbœgbœ nœ ekperœ lœ œkœ.

⁴Tshe mboœrœ adœke a wuta azu nœ kœmboœrœ œrœ á sœ ndjii bata œeneke á awa akwa yindœ nœ. Gbambanœ nene, a kpa sœsœpe dœ ogo kœmboœrœ œrœ nœ œkœ nene kashe a za awa á œtshœ Ishiri yisœ nœ fœ azœ.

⁵Gbambanœ nene, azu á œkœ kœdœ gbozu ga pa endje, endje sœ kœpara œrœ á œkœ endje sœ dœ ogonœ. Kashe endjeneke á Ishiri kœdœ Gbozu pa endje, endje para œrœ á Ishiri yindœ nœ.

⁶Uzu á tshe sœ kœpara œrœ á œkœ ye sœ dœ ogonœ, sœ kœpara awa kuzu. Kashe tsheneke á tshe sœ kœpara œrœ á Ishiri yindœ nœ, za awa soro œdœ pe awa kœsœ gee.

⁷Gbambanœ nene, endjeneke á endje sœ kœpara awa œrœ á œkœ endje sœ dœ ogonœ, kœdœ ayingba Ndjaba. Endje sœsœ kœmboœrœtœ endje lindœ awa akwa nœ Ndjaba nene yé endje sœsœ ndje dœ gbœgbœ kœro manda nœ nene.

⁸Azu neke á endje para œrœ á œkœ endje sœ dœ ogonœ, endje ga tœ ala Ndjaba nene.

⁹Kashe e'e, 'e kpa nana manda œrœ á œkœ sœ dœ ogonœ nene, kashe 'e para awa Ishiri nœ Ndjaba mboœrœ á tshe sœ lœ 'e. Uzu á Ishiri nœ Kristu sœsœ lœ ye nene, tshe dœdœ uzu nœ Kristu nene.

- 10**Ɔedœ Kristu kœsœ lœ 'e, ɔkɔ 'e tshu tœ upu nœ ekperœ, kashe Ishiri kœdœ soro 'e adœke 'e wuta ndjii tœ ala Ndjaba.
- 11**Yé œdœ Ishiri nœ tsheneke á tshe she Yisu lœ akuzu kœsœ lœ 'e, tsheneke á tshe she Yisu lœ akuzu œ za bala ndje soro fœ ɔkɔ 'e á tshu lœ awa nœ Ishiri á tshe sœ lœ 'e.
- 12**Atamœ aaya, a sœ dœ kufa pa azœ. Kashe œ dœdœ kufa nœ kœpara awa ndœ kœna manda ogo nœ ɔkɔ azœ nene.
- 13**Gbambanœ nene, œ kœsœ adœke 'e na manda ogo nœ ɔkɔ 'e, 'e tshu. Kashe œ kœsœ adœke 'e wo ogo nœ ɔkɔ 'e dœ gbɔgbɔ nœ Ishiri, 'e she.
- 14**Mbœrœ azu neke á Ishiri nœ Ndjaba sœ kœyisœ awa fœ endje, kœdœ agbolo nœ Ndjaba.
- 15**Yé Ishiri nœ á Ndjaba za she fœ 'e asœmœ, mbœmbœrœ adœke 'e dœ akanga yé 'e sœ dœ awa nene; kashe tshe mbœrœ adœke 'e te agbolo nœ Ndjaba yé tshe za awa fœ azœ ndœ kœ'e Ndjaba adœke: «Aba!»
- 16**Ishiri nœ Ndjaba sœ kœpa dœ tœ ye lœ gbetshelœ nœ azœ adœke azœ kœdœ agbolo nœ Ndjaba.
- 17**Yé bata agbolo nœ Ndjaba, a gbɔ ndje œrœ manda Ndjaba. A gbɔ awa bale dœ Kristu; gbambanœ nene, œ kœsœ adœke a wu oyo awa bale dœ Kristu, a sœ ndje bala dœ she awa bale lœ mokɔ nœ ye.

Mokɔ á agbolo nœ Ndjaba œ wu

- 18**Mœ wusœ nœ adœke mokɔ nœ Ndjaba á agbolo nœ ye œ wu bala ropa oyonœ á a sœ kœwu tœnœ ngɔngɔ asœke ye.
- 19**Ɔœrœ kɔ á Ndjaba mbœrœ sœ kœkate dœ lœsu ga lafo adœke œne wu ɔlɔnœ á tshe ma mokɔ nœ agbolo nœ ye.
- 20**Gbambanœ nene, œrœnœ kɔ œ yo ga tshakudu tshagbozu nœ gbɔgbɔ á ádánœ gugu nene, œ sœsœ mbœrœ á œrœnœ yindœ nœ nene kashe mbœrœ á Ndjaba yindœ nœ ataa. Kashe œrœnœ ko lœsu endje ga tœ Ndjaba.
- 21**Ɔœ yindœ kœpa adœke œrœ á ndjaba mbœrœ sœ kœkate kœwuta ɔlɔ bale tshakudu gbɔgbɔ kœndirœ á sœ kœtepa œrœnœ tœ akanga, yé œ gbɔ kœvwara osho œdœ mokɔ nœ agbolo nœ ye.
- 22**A wusœ nœ adœke œrœ kɔ á Ndjaba mbœrœ sœ ngɔngɔ asœke kœwu oyo mara á yashe œ wu dœ lœkɔ kœzu gbolo.
- 23**Ɔœ dœdœ kolœ œrœ á Ndjaba mbœrœ nene. Ɔœ dœ ndje azœ á a gbɔ Ishiri bata ali tshakala kœtorœ nœ Ndjaba, a sœ ndje kœwu oyo tœ lœsu azœ kœkate adœke Ndjaba fa azœ tœ agbolo nœ ye yé œ vwara azœ djigi.

²⁴Gbambanœ nene, a she lima kolœ lœ awa nœ kœza lœsu azœ ga ndœ Ndjaba, Kashe a kœsœ kœwu œrœ á a za lœsu azœ ga pa nœ, œ kpa dœédœ kœza lœsu ga pa œrœ nene. Uzu dœ dá za lœsu ye ga tœ œrœ á tshe wu a?

²⁵Kashe œ kœsœ adœke a za lœsu azœ ga tœ œrœ á a wuwu damba nene, œ li adœke a kate dœ kœru lœsu.

²⁶Ga pa nœ dœmœ, Ishiri œ ti kane azœ lœ kœmœ nœ azœ mbœrœ a wuwusœtœ azœ tœ kœza awala fœ Ndjaba bata á li nene. Kashe Ishiri dœ tœ ye œ za awala mbœrœ azœ fœ Ndjaba dœ mara á uzu œ li kœza œtœnœ nene.

²⁷Yé Ndjaba á tshe wusœ lœsu azœ dœ azu kœ, tshe wusœ œneke á Ishiri yindœ kœyu she tœnœ ye. Gbambanœ nene, Ishiri sœ kœza awala nœ ye mbœrœ ayerœ azu liaka gbetshelœ nœ Ndjaba.

²⁸A wusœ nœ adœke Ndjaba mbœrœ adœke œrœ kœ sœ dœ œtshœnœ mbœrœ azu á endje yindœ ye, á tshe e endje liaka œneke á tshe guma lima utshunœ.

²⁹Gbambanœ nene, Ndjaba ke endje utshunœ, á wa adœke endje li dœ ishiri Gbolo nœ ye á tshe kœdœ eya nœ aaya ndjoro.

³⁰Azunœ á Ndjaba wa o'o mbœrœ endje utshunœ asœmœ, tshe e ndje endje; endjeneke á tshe e endje, tshe mbœrœ adœke endje wuta ndjii yé endjeneke á tshe mbœrœ adœke endje wuta ndjii, tshe mbœrœ adœke endje sœ lœ moko nœ ye.

Kœyindœsho nœ Ndjaba

³¹Ataa, a kpa pa koto o? œdœ Ndjaba kœsœ mbœrœ azœ, œdœ dá yiangba azœ a?

³²Ndjaba vwavwara lima tœ ye tœ kœza Gbolo nœ ye tshebale fœ azœ nene, kashe tshe za lima she mbœrœ azœ para kœkœ. Bata á tshe za Gbolo nœ ye tshebale fœ azœ, œrœ gadœ dá tshe kpa duru azœ tœnœ a?

³³œdœ dá tœ meza pa azu á Ndjaba ke endje a? Uzu bale nene. Gbambanœ nene, Ndjaba mbœrœ adœke endje wuta ndjii.

³⁴œdœ dá wa œgbœ ngbanga pa endje a? Uzu bale nene! Gbambanœ nene, Yisu Kristu tshu œ she lœ kuzu yé œ sœ ga tœ kuni Ndjaba; á sœ kœza awala tœ upu nœ azœ.

³⁵œdœ dá li kœkurutshelœ azœ dœ kœyindœsho nœ Kristu a? œdœ œrœ kanga, œdœ awa, œdœ kœwu œrœ kanga, œdœ ogo, œdœ oyo œrœ tshapashœ, œdœ œrœ á yindœ kœndi soro œdœ pe ugu kamba a? œrœ bale nene!

³⁶Gbambanœ nene, endje sú adœke: «œœ dœ œœ endje para awa nœ kœwo 'a lœ kumu zœ; endje wu 'a bata apata á endje na kœwo endje.»

³⁷Kashe lœ œerœnœ kɔ asœeke, a wuta kœropa nœ kolœ dœ gbɔgbɔ nœ Ndjaba á tshe yi ndœ azœ.

³⁸Gbambanœ nene, mœ wu adja sœ nœ adœeke: œdœ kuzu œdœ ndje soro, œdœ aandjelu œdœ ndje ekpe ishiri, œdœ kpesheke œdœ ba mbatsha, œdœ gbɔgbɔ,

³⁹œdœ gbɔgbɔ ba lafo, œdœ ndje ba budu ɔshɔ, œdœ anga œrœ á Ndjaba mbœrœ, œrœ bale nene œ li kœkurutshelœ azœ dœ kœyindœsho nœ Ndjaba, á matœ ye lœ Gbozu nœ azœ dœ Yisu Kristu gugu nene.

Roma 9

Ndjaba ke azu Israyele

¹Ɔeneke á mœ sœ kœpa fœ 'e kœdœ adja o'o. Gbambanœ nene, mœ kœdœ uzu nœ Kristu; mœ sœsœ kœpa wala nene, gbetshelœ nœ mœ sœ kœpa tœ upu nœ mœ lœ awa nœ Ɔtshɔ Ishiri.

²Lɔsu mœ su dœ egerœ oyo yé œ sœ kœka mœ ɔɔ dœ ɔɔ.

³Mœ sœ má kœyindœ nœ adœeke Ndjaba darandœ mœ yé œ kurutshelœ mœ dœ Kristu lœ kumu aaya mœ dœ Ayuda á endje zu mœ dœ endje lœ mara bale.

⁴Endje kœdœ azu Israyele, á Ndjaba ke lima endje adœeke endje dœ agbolo nœ œne á yi lima sœ mokɔ nœ ye fœ endje. Tshe guma lima ayo dœ endje, œ za lima awa akwa nœ ye fœ endje yé œ yi lima sœ mara á endje li kœdonga dœ she fœ endje. Tshe pa lima tœ œrœ fœ endje.

⁵Endje kœdœ aata azœ. Kristu wuta uzu yé endje zu she lœ mara nœ endje. Tshe ropa œrœ kɔ. Ɔshe kœdœ Ndjaba á endje donga she waa dœ waa. Ame!

⁶Andaa, o'o á Ndjaba katœ nœ lima fœ endje sœsœ gbambanœ nene. Kashe œ dœdœ azu Israyele para kɔkɔ dá dœ azu Israyele nene.

⁷Ugurutœ aata Abrayamo kɔ, anga endje dœdœ agbolo nœ ye nene. Mbœrœ tœnœ dá Ndjaba pa liya adœeke: «Agbolo á mœ pa tœ endje fœ bœ, endje to lœ Izaka.»

⁸Ɔe má adœeke: œ dœdœ agbolo nœ ɔkɔ dá dœ agbolo nœ Ndjaba nene. Kashe kotœ agbolo á Abrayamo zu lima endje liaka o'o á Ndjaba pa tœnœ dá dœ adja agbolo nœ ye.

⁹Ndjaba ka lima tœ o'o fœ Abrayamo adœeke: «Ngbugu manda nœ, mœ kwa bala tœ mœ ga ndœ zœ kolœ dœ olonœ asœeke, yé awo zœ dœ Sara œ zu gbolo yakoshe.»

¹⁰Ɔe dœdœ kolœ asœmœ nene, kashe Rebeka gbɔ ndje lima nguzu ameya á aba endje bale kœdœ ata azœ dœ Izaka.

11-12 Andaa, utshu kœzu endje, damba endje wuwu lima sœ tshelœ kata ekperœ dœ ɔtshœrœ nene, Ndjaba pa lima fœ Rebeka adœke: «Ɔgbɔ gbolonœ œ dœ kanga nœ inginœ.» Tshe pa lima atamœ mbœrœ kœma adœke œne ke liaka gbetshelœ nœ œne. Tshe para kolœ endjeneke á tshe e endje, tshe wuwu akwa nœ endje nene.

13 Endje su bala Buku nœ Ndjaba adœke: «Mœ yindœ Yakobo yé mœ yiangba Esawu.»

14 Ataa a kpa pa koto o? Ndjaba sœsœ ndjii nene a? Bale nene!

15 Ndjaba pa lima fœ Moyize adœke: «Mœ wu oyo uzu á mœ yindœ kœwu oyo ye, yé mœ má ɔtshɔ lœsu ga tœ uzu á mœ yindœ kœma ɔtshɔ lœsu ga tœ ye.»

16 Œ yindœ kœpa adœke ɔtshɔ lœsu nœ Ndjaba sœsœ mbœrœ œneke á azu yindœ nœ too ndje mbœrœ gbɔgbɔ nœ azu nene, kashe œ sœ kolœ mbœrœ á tshe wu oyo uzu dœ tœ ye.

17 Endje su lima adœke Ndjaba pa fœ gbozugo Ezipito adœke: «Mœ za bœ tɔ bata gbozu mbœrœ kœma gbɔgbɔ nœ mœ á azu tshapashɔ djigi kœwu mokɔ nœ mœ.»

18 Œtœnœ ataa dá Ndjaba kœyindœ nœ yekane á tshe wu oyo uzu; yé tshe kœyi ndje ndœ nœ, tshe mbœrœ adœke uzu sœ dœ gbɔkumu.

Ókó œdœ lœsu kœwu oyo nœ Ndjaba

19 Anganœ uzu œ yu mœ adœke: «Œ kœsœ ataa, œ mbœrœ kotoo á Ndjaba œ gbagbara azœ dœ azu a? Ka œdœ dá li kœvwaratœ ye tœ œrœ á tshe yindœ kœmbœrœ tœnœ a?»

20 Kashe bœ kœdœ œdœ yekane á vwaratœ zœ tœ upu nœ Ndjaba a? Œdœ dá wu balima lœsú kœyu uzu á tshe mbœrœ she adœke: «Mbœrœ gadœ á bœ mbœrœ mœ atake a?»

21 Ayi kœmbœrœ lœsú lili kœmbœrœ œneke á tshe yindœ nœ dœ óto nœ ye nene a? Tshe li kœa ótó: œ mbœrœ anganœ dœ ɔgbɔ lœsú yé œ mbœrœ ndje anganœ dœ amba lœsú. Œ sœsœ ataa nene a?

22 A wusœ nœ adœke Ndjaba yi lima ndœ kœma ókó nœ ye œdœ pe gbɔgbɔ nœ ye. Kashe tshe sœ lima dœ ugu lœsu mbœrœ azu á li lima adœke endje gbɔ djofele, á endje li lima dœ kuzu.

23 Tshe mbœrœ ataa, mbœrœ kœyisœ egerœ mokɔ nœ ye ga ndœ azu á tshe wu oyo endje yé á ke endje lima utshunœ á guma endje kœli ga lœ mokɔ nœ ye.

24 Azœ kœdœ azunœ á tshe e endje asœmœ, azœ á tshe e azœ ko ugurutœ Ayuda nene kashe ugurutœ angbi azu ndje.

²⁵Tœnœ kœdœ o'o ama Ndjaba á Oze su lima adœke: «Azú ogo á endje dœdœ azu nœ mœ nene, mœ e endje bala azu nœ mœ; yé angbi azu á mœ yiwi lima ndœ endje nene, mœ yindœ endje waa.

²⁶Ba tœ osho á endje pa lima fœ endje adœke: “E dœdœ azu nœ mœ nene”, ba zœ asœmœ, endje e endje agbolo nœ Ndjaba nœ soro.»

²⁷Isaya gbara ndje lima atake tœ upu nœ azu Israyele: «Edœ azu Israyele kœngba ndje b̄ata mindu tshatœ ama kota gbaa, kolœ udu endje teasho dá she.

²⁸Gbambanœ nene, œneke á Ndjaba pa tœnœ, tshe mbœrœ adœke œ mbœrœtœ endje djigi œdœ gbara pa osho.»

²⁹Kolœ Isaya kpa pa ndje lima utshunœ adœke: «Edœ Gbozu nœ gbogbo ko kœkaka lima tœ anga aata azœ ti fœ azœ nene, dá a wuta má ndje b̄ata azu ongbo Sodomo, a liili má b̄ata azu ongbo Gomora.»

Azu Israyele œdœ kœshe lœ awa nœ kœyindœrœ

³⁰Atamœ a kpa pa kotoo? A pa adœke: azu neke á endje dœdœ Ayuda nene yé á papara awa adœke œne wuta ndjii tœ ala Ndjaba nene, Ndjaba mbœrœ adœke endje wuta ndjii tœ ala œne mbœrœ kœyindœrœ.

³¹Andaa, azu Israyele para lima awa adœke œne wuta ndjii tœ ala Ndjaba lœ awa nœ kœmbœrœtœ endje liaka awa akwa kashe endje wuwuta lima ndjii nene.

³²Mbœrœ gadœ e? Ádánœ kœdœ adœke endje gbegbe lima kœsœ dœ kœyindœrœ nene kashe endje za lima lœsu endje ga pa akwa nœ endje. Endje za ada endje tœ badja á sœ kœko endje vesho.

³³Endje su ala Buku nœ Ndjaba adœke: «'E dji, mœ za badja tœ ba lakpi Siyona, œtœnœ kœdœ badja á azu œ ko ada endje tœ tœnœ á ko endje vesho. Kashe uzu á tshe kœsœ dœ kœyindœrœ ga ndœ ye, tshe gb̄o tshula nene.»

Roma 10

Ayuda dœ angbi azu sœ dœ Gbozu bale

¹Aaya, œrœ á mœ yindœ nœ dœ lœsu mœ bale, yé á sœ kœza avwala nœ mœ fœ Ndjaba tœnœ kœdœ adœke tshe she Ayuda.

²Gbambanœ nene, mœ wusœ nœ adœke endje sœ dœ egerœ ogo kœmbœrœ akwa nœ Ndjaba kashe endje wuwusœ awa kœmbœrœ tœnœ dœ otshœnœ nene.

³Endje wuwusœ mara á Ndjaba mbœrœ adœke uzu wuta ndjii tœ ala ye nene. Endje para kœwuta ndjii dœ awa nœ endje dœ tœ endje. Mbœrœ tœnœ atamœ,

endje zazatœ endje fœ Ndjaba yeka á tshe kœmbœrœ adœke endje wuta ndjii nene.

⁴Gbambanœ nene, Kristu mbœrœ œneke kœ á li má adœke awa akwa mbœrœ yekane á endjeneke kœ á endje sœ dœ kœyindœrœ ga ndœ ye kœwuta ndjii tœ ala Ndjaba.

Uzu kœ á tshe sœ dœ kœyindœrœ ga ndœ Yisu, tshe she

⁵E dji o'o á Moyize sũ tœ upu nœ kœsœ ndjii á to lœ awa akwa: uzu kœero manda awa akwa, œ sœ dœ soro lœ awa nœ awa akwa.

⁶Kashe tœ kœwuta ndjii dœ awa nœ kœyindœrœ, tshe pa lima adœke: «Yuyutœ zœ nene adœke: œdœ dá ɔ ga lafo a?» Œ sœ b̄ata kœza Yisu jerœ tœnœ ga ati.

⁷E yuyu ndje tœ 'e nene adœke: «Œdœ dá jerœ ga lœ ogo nœ akuzu a?» Œ sœ b̄ata 'e kpa yindœ kœmbœrœ adœke Yisu kpa she lœ akuzu.

⁸Kashe Moyize pa lima kotoo? Tshe pa lima atake: «O'o ama Ndjaba sœ ndoo dœ bœ, œ sœ lœ ama zœ; œ sœ ndje tœ lœsu zœ.» O'onœ asœmœ kœdœ o'o nœ kœyindœrœ á a sœ kœm̄indœ nœ.

⁹Œdœ bœ kœpa dœ ama zœ adœke Yisu kœdœ Gbozu, á yindœ nœ dœ lœsu zœ adœke Ndjaba she she lœ akuzu ye, bœ she bala ye.

¹⁰Mbœrœ kœyindœ nœ dœ lœsu zœ dá Ndjaba œ mbœrœ adœke bœ sœ ndjii, yé bœ kœpandœ nœ dœ ama zœ dá Ndjaba œ she bœ.

¹¹Gbambanœ nene, endje sũ bala Bukunœ adœke: «Uzu kœ á tshe sœ dœ kœyindœrœ ga ndœ Yisu, tshe gb̄o tshula nene.»

¹²Ádánœ á Ayuda dœ angbi azu sœsœ kpi nene. Gbozu nœ endje kœdœ Yisu Kristu á tshe to ɔtshœrœ nœ ye fœ azu para kœkœ á endje e i'iri ye.

¹³Mbœrœ á endje sũ bala Buku nœ Ndjaba adœke: «Uzu kœ á tshe e i'iri Gbozu, tshe she.»

¹⁴Kashe endje e i'iri ye kotoo œdœ endje kœsœ dœ kœyindœrœ ga ndœ ye nene a? Yé endje sœ dœ kœyindœrœ ga ndœ ye kotoo œdœ endje kœdjidji damba o'o nœ ye nene a? Endje dji o'o nœ ye kotoo œdœ a kœm̄im̄indœ nœ nene a?

¹⁵Endje m̄indœ o'onœ kotoo œdœ endje kœvwavwa azu nene a? Endje su bala Buku nœ Ndjaba adœke: «Yanga waa kœwu azu á endje na dœ ɔtshœ O'o fœ azu.»

¹⁶Kashe azu para kœkœ dá yindœ ɔtshœ O'onœ nene. Isaya pa lima tœ upunœ adœke: «Gbozu, œdœ dá yindœ o'onœ

á 'a sœ kœm̄indœ nœ a?»

¹⁷Ataa, kœyindœrœ to læ kœmindœ o'o ama Ndjaba yé kœmindœ o'o ama Ndjaba kœdœ kœmindœ Ɔtshɔ O'o nœ Kristu.

¹⁸Mœ sœ kœyu adœke: ataa azu Israyele djidji lima o'onœ asœke nene a? Adjapu, endje dji lima kɔ. Mbœrœ Buku nœ Ndjaba pa adœke: «Endje dji tshama endje na tœnœ pa ɔshɔ djigi, yé o'o ama endje œ na rotœnœ tœ osho kɔ pa ɔshɔnœ asœke.»

¹⁹Mœ sœ kpa kœyu adœke: Ataa azu Israyele djidji lima dœ ɔtshɔnœ nene a? Ndjaba pa lima ndœ nœ læ ama Moyize adœke: «Mœ mbœrœ adœke 'e sœ dœ úkú ga tœ azu á endje dœdœ azu nœ mœ nene. Mœ mbœrœ adœke 'e sœ dœ ókó ga tœ angbi azu á endje gugu dœ kœwusœrœ nene.»

²⁰Isaya kpa na œrrr kœpa adœke: «Azu á endje sœsœ lima kœpara mœ nene, gbɔ mœ, mœ matœ mœ fœ azu neke á endje sœsœ lima kœyu mœ tœ œrœ nene.»

²¹Yé mbœrœ azu Israyele, tshe pa lima adœke: «Ɔlɔ kɔ, mœ yi lima kane mœ mbœrœ kœ'e endje kashe endje djidji lima o'o ama mœ nene. Endje kœdœ aayi gbɔkumu œdœ adjipudji.»

Roma 11

Ndjaba vwavwara lima tœ ye tœ azu Israyele nene.

¹Mœ sœ kœyutœ mœ adœke: Adja Ndjaba vwaratœ ye tœ azu nœ ye ye a? Bale nene! Gbambanœ nene, œmœ ndje kœdœ uzu Israyele, ata Abrayamo læ mara nœ Abendjame.

²Ndjaba vwavwaratœ ye tœ azu nœ ye á tshe ke lima endje katshatsha nene. 'E wuwusœ o'o á Eliya pa lima ala Buku nœ Ndjaba ɔlɔ á tshe sœ kœki oyo tœ upu nœ azu Israyele fœ Ndjaba nene a?

³Tshe ki lima adœke: «Gbozu, endje wo aayi kœgbara o'o nœ zœ, œ kavwa wopa nœ zœ. Mœ sœpe dœ kuti mœ tshebale yé endje kpa sœ kœpara awa ndœ kœwo mœ.»

⁴Kashe Ndjaba gi lima o'o gade fœ she a? Tshe gi lima fœ she adœke: «Mœ gumasœ azu kutu mindu dœ bisha á endje kukuku ga utshu ndjaba Bala nene.»

⁵Awa bale ndje ngɔngɔ asœke, anga udu azu á Ndjaba ke endje liaka ɔtshɔ lœsu nœ ye sœpe zœ.

⁶Tshe keke lima endje mbœrœ akwa nœ endje nene, kashe kolœ mbœrœ ɔtshɔ lœsu nœ ye. Ete nene, ɔtshɔ lœsu nœ Ndjaba kpa dœ ɔtshɔ lœsu nene.

⁷Atamœ a kpa pa kotoo? Azu Israyele gbɔgbɔ œrœ á endje sœ lima kœpara tœnœ nene, kolœ endjeneke á Ndjaba ke endje dá gbɔ. Anga endje wuta lima dœ gbɔkumu,

⁸Ɔata á endje sú ala Bukunœ adœke: «Ndjaba mbœrœ adœke kœwusœrœ nœ endje papara awa kœwusœ ádá o'o nene. Tshe pakata ala endje kœwu œrœ œdœ utu endje kœdji o'o œerrr ngɔngɔ asœke.»

⁹Davidi pa ndje adœke: «Kaka kœzĩrœ nœ endje fa úkú œdœ gbanda, œ kɔɔ awa kœyo endje dœ endje gbɔ œneke á li dœ endje,

¹⁰Kaka adœke endje kpa wuwu œrœ nene œerrr ala endje bu, mbœrœ adja adœke ovoro endje lu ga tœnœ.»

¹¹Mœ kpa sœ kœyutœ mœ adœke: «Lɔkɔ á Ayuda ko lima ada endje tɔsho, endje yo lima waa ye a?» Bale nene. Kashe ekperœ nœ endje kɔɔ awa fœ angbi azu adœke endje gbɔ kœshe, á kœvwa Ayuda kœmbœrœ úkú.

¹²Andaa, œdœ ekperœ nœ Ayuda kœza kœgbɔrœ fœ tshapashɔ, á kœyo endje kœza kœgbɔrœ fœ angbi azu, ataa ɔtshɔrœ kpa ropa nœ ɔlɔ á endje kpa kwatœ endje kɔ ga pa awa kœshe.

Angbi azu œ she

¹³Mœ sœ kœpa fœ e'e dœ azu á 'e dœdœ Ayuda nene: œmœ kœdœ ayi avwa á Ndjaba ke mœ mbœrœ angbi azu yé mbœrœ tœnœ ataa, mœ sœ dœ yanga mbœrœ akwa á mœ mbœrœ asœke waa.

¹⁴Mœ gbe kœmbœrœ ataa adœke aaya mœ wuta dœ úkú yeka anga endje kœshe.

¹⁵Gbambanœ nene, ɔlɔ á Ndjaba vvara lima tœ ye tœ Ayuda, tshe guma lima tshaguru tœ ye dœ tshapashɔ. Atamœ ɔlɔ á tshe kpa kœguma tshagurutœ ye dœ endje, œ sœ Ɔata uzu to lœ kuzu á kwa ga lœ soro nene a?

¹⁶Ɔedœ uzu kœza ali kumu œrœ kindi nœ ye fœ Ndjaba, udu œrœnœ kɔ kœdœ œnœ Ndjaba. Ɔedœ uzu kœza ndje eshe ɔyɔ fœ Ndjaba, ganeanœ ndje kœdœ œnœ ye.

¹⁷Azu Israyele sœ Ɔata ɔyɔ olive á Ndjaba de anga ganeanœ tœnœ yé tœ œsœ ganeanœ asœmœ, tshe za Ɔœ tɔɔ ga zœ œƆœ dœ angbi uzu Ɔata ganea olive tshelœ gusu. Ɔœ sœ ndje kœgbɔ kœzĩrœ á sœ kœto lœ eshe ɔyɔ olive á sœ kœœ tœnœ.

¹⁸Ádánœ á lili adœke Ɔœ sœ dœ egerœ kumu nene utshu ganea á endje de. Kotoo á Ɔœ ti kanga zœ a? Ɔœ dœdœ Ɔœ dá sœ kœza eshe ɔyɔ nene kashe eshe ɔyɔ dá sœ kœza Ɔœ.

¹⁹Anganœ bœ sœ kæpa ndje adœke: «Endje de lima ganea ɔɔ asœke yeka á mœ kægbɔ osho kæesœ tœnœ.»

²⁰Adjapu. Endje de ganeanœ asœmœ mbœrœ á endje gugu lima dœ kæyindœrœ nene yeka á bœ gbɔ osho tshangbanœ mbœrœ kæyindœrœ. Kashe dudu okoro zœ nene, yé ala zœ gbɔ kane.

²¹Gbambanœ nene, œdœ Ndjaba kœde Ayuda á endje kœdœ adja ganea ɔɔ, ala zœ gbɔ anganœ tshe de ndje bœ awa bale.

²²'E wu mara á Ndjaba sœ kæma ɔtshɔ lɔsu nœ ye œdœ kœza djofele nœ ye kane: tshe za djofele fœ azu á endje yo yé œ má ɔtshɔ lɔsu ga ndœ zœ. Mbœrœ adœke œndœ zœ ði lœ ɔtshɔ lɔsunœ asœmœ ete nene, endje de ndje bœ ye.

²³Kashe lɔkɔ á Ayuda kpa kæfatshalɔsu endje, endje kwa ga tœ osho á endje sœ lima tœnœ utshunœ. Gbambanœ nene, Ndjaba sœ dœ gbɔgbɔ kægi endje ga tœ ɔɔ ga manda œsœ endje.

²⁴œbœ dœ angbi uzu, bœ kœdœ ganea tshelœ gusu á ndjaba de bœ á za bœ tɔɔ ga tœ ɔɔ á bœ sœsœ lima tœnœ nene. Kashe Ayuda, endje kœdœ adja ganea ɔɔ olivencœ, Ndjaba li kpa kægi endje ga manda endje tɔɔ ga tœ ɔɔ á endje sœ lima tœnœ.

Ndjaba œ she Ayuda

²⁵Aaya, mœ yindœ nœ adœke, 'e wusœ o'o nœ Ndjaba á zatœ ye yiwa tœnœ asœke, á 'e kœzazatœ 'e nene adœke 'e kœdœ aayi kœwusœtœ. O'onœ asœke dœke: anga tshakala azu Israyele œ wuta kœdji tshelœ kata o'o asœ nene œrrr adœke angbi azu djigi wuta ga tœ kœshe.

²⁶Yé manda nœ dá Azu Israyele kɔ œ she bata á endje sú ala Buku nœ Ndjaba adœke: «Ayi kœvwara azu œ to ba lakpi Siyona, tshe gi ekperœ tœ aata Yakobo.

²⁷'E wu ayo á mœ mbœrœ bala dœ endje, lɔkɔ á mœ i ekperœ nœ endje.»

²⁸Ayuda vwara lima tœ endje tœ ɔtshɔ O'o yé œ wuta lima ayingba Ndjaba yekane á kɔɔ awa fœ 'e. Kashe Ndjaba sœ kæyindœ endje waa dœ waa mbœrœ á tshe ke lima aata endje.

²⁹Gbambanœ nene, Ndjaba kœza œrœ fœ uzu tshe kpa za tshakane ye nene. Tshe kœ'e uzu, tshe kpa fatshelœ ama ye nene.

³⁰Utshunœ lima 'e sœsœ kœdji Ndjaba nene yé ngɔngɔ asœke Ndjaba wu oyo 'e mbœrœ Ayuda vwaratœ endje tœ kœdji she.

³¹Awa bale ngɔngɔ asœke endje vwaratœ endje tœ kœdji o'o adœke Ndjaba kœwu oyo 'e, á manda nœ yekane á tshe kœwu ndje oyo endje.

³²Gbambanœ nene Ndjaba mbœrœ lima adœke azu para kɔkɔ vvara lima tœ endje tœ kœdji o'o ama œene. Tshe mbœrœ lima atamœ adœke œene ma lœsu kœwu oyo endje para kɔkɔ.

³³Adja Ndjaba gerœ waa. Œsœ kœwusœtœ nœ ye dœ pe kœwusœrœ nœ ye gerœ ndje waa. Uzu bale á tshe wusœ ada kœwa o'o nœ ye gugu, uzu bale á tshe wu ndje sœ œrœ á tshe yindœ kœmbœrœ tœnœ gugu nene.

³⁴Buku nœ Ndjaba pa adœke: «Œdœ dá wusœ gbetshelœ nœ Ndjaba? Œdœ dá li tœ kœmĩ upu fœ she a?

³⁵Œdœ dá to œrœ tœ alinœ fœ she, yekane á tshe kœgi tshangbanœ fœ she a?»

³⁶Gbambanœ nene, œrœ kɔ to ba ndœ ye, œrœ kɔ sœ dœ soro lœ awa nœ ye yé œrœ kɔ sœ mbœrœ she. Kaka mokɔ nœ Ndjaba sœ waa dœ waa. Ame!

Roma 12

Tafo soro lœ Yisu Kristu

¹Aaya, bata á Ndjaba má ɔtshɔ lœsu nœ ye fœ azœ, mœ yindœ nœ adœke 'e zatœ 'e fœ she bata tokóró nœ soro, á endje gi ga indirincœ yé á sœ kœza yanga fœ she. Asœke kœdœ adja mara kœdonga Ndjaba á li dœ 'e kœdonga dœ she.

²'E mbœmbœrœtœ 'e bata azu tshapashœnœ asœke nene kashe 'e za awa fœ Ndjaba kœto tafo kœwusœrœ fœ 'e yeka á 'e kœwusœ œeneke á Ndjaba yindœ nœ, œeneke á sœ dœ ɔtshœnœ, œeneke á za yanga fœ she, œeneke á li.

³Yé mbœrœ ɔtshɔ lœsu nœ Ndjaba ga ndœ mœ, mœ sœ kœpa fœ 'e adœke 'e zazatœ 'e ga lafo kœero mara á 'e sœ dœ tœnœ nene. Kashe 'e sœ dœ gbetshelœ neke á li, adœke uzu dœ uzu wutœ ye liaka kœyindœrœ á Ndjaba to fœ she.

⁴Gbambanœ nene, undu azœ sœ bale kashe œrœ kotencœ ngba waa. Akwa á œrœ kote undu azœ bale dœ bale œ mbœrœ sœsœ awa bale nene.

⁵Awa bale a ngba waa, kashe a wuta undu uzu bale lœ kœngbœtœ azœ bale dœ Kristu yé uzu dœ uzu kœdœ œrœ kote undunœ.

⁶Uzu dœ uzu sœ dœ gbœgbœ kœmbœrœ dœ akwa kpikpi dœ mara á Ndjaba to fœ she lœ ɔtshɔ lœsu nœ ye. Œ kœsœ adœke Ndjaba to gbœgbœ nœ kœgbara dœ o'o fœ uzu, œ li adœke tshe gbara lindœ kœyindœrœ.

⁷Uzu á tshe kœsœ dœ gbœgbœ nœ kœti kane angancœ, kaka adœke tshe ti kane angancœ. Yé uzu á tshe kœsœ dœ gbœgbœ nœ kœyisœ œrœ, kaka tshe yisœ œrœ.

⁸Uzu á tshe kœsœ dœ gbœgbœ nœ kœto gbœgbœ fœ angancœ, kaka tshe to gbœgbœ fœ angancœ. Uzu á tshe kœsœ dœ gbœgbœ nœ kœto œrœ, kaka tshe to dœ lœsu ye bale. Uzu á tshe kœsœ tœ gbozu tshapa angancœ, kaka tshe zatœ ye djigi ndœ

nœ. Uzu a tshe kœsœ dœ gbɔgbɔ ndœ kœwu oyo azu, kaka tshe mbœrœ dœ yanga.

⁹ƆE li adœke 'e yindœ anga 'e dœ adja kœyindœsho. 'E kpa awa ekperœ yé œ zatœ 'e djigi ndœ kœmbœrœ ɔtshœrœ.

¹⁰'E yindœtœ 'e ugurutœ 'e bata aaya azu: 'e lisoetœ 'e ugurutœ 'e.

¹¹'E mbœrœ akwa dœ gbɔgbɔ yé 'e mbœmbœrœ ɔɔ nene. 'E mbœrœ akwa fœ Gbozu dœ lœsu 'e bale.

¹²'E sœ dœ yanga lœ kœko lœsu nœ 'e ga tœ Ndjaba. 'E sœ dœ ugu lœsu lœ oyo yé œ sœ dœ kœru lœsu lœ avwala.

¹³'E ti kane ayerœ azu nœ Ndjaba á endje sœ lœ oyo yé œ za osho kœsœ ɔɔ dœ ɔɔ fœ agene.

¹⁴'E pa ɔtshɔ o'o ga tœ azu á endje sœ kœmbœrœ œrœ kanga fœ 'e. 'E to kane 'e ga pa endje kashe 'e dadarandœ endje nene.

¹⁵'E sœ dœ yanga awa bale dœ azu á endje sœ dœ yanga, œ ki awa bale dœ azu á endje sœ dœ iki.

¹⁶'E sœ dœ gbetshelœ bale ugurutœ 'e. 'E kpa awa kœsœ dœ egerœ kumu kashe 'e zatœ 'e ga ati. Adja 'e gbegbe nene adœke 'e kœdœ azu nœ kœwusœtœ.

¹⁷Ɔdœ uzu kœmbœrœ ekperœ fœ 'e, 'e gigi ekperœ fœ she nene kashe 'e para awa kœmbœrœ ɔtshœrœ utshu azu para kœkœ.

¹⁸'E mbœrœ œneke kœ á li dœ gbɔgbɔ nœ 'e adœke tshagurutœ 'e sœ dœ kœsœ gee.

¹⁹Aaya á mœ yindœ 'e, œdœ azu kœmbœrœ ekperœ fœ 'e, 'e gigi ekperœ dœ tœ 'e nene. Kashe 'e za awa adœke ókó nœ Ndjaba kœmbœrœ akwa. Gbambanœ nene, endje sú ala Buku nœ Ndjaba adœke: «Ɔmœ dá gi tshangba ekperœ, œmœ ndje dá gi kuda tshangba ekperœ kœ», Ndjaba dá pa ataa.

²⁰Yé ga pa nœ, endje kpa su ndje adœke: «Ɔdœ yingba zœ kœsœ dœ ogo, to kœzœrœ fœ she; œdœ tshe kœsœ dœ ogo ungu, su ungu fœ she; gbambanœ nene, œdœ bœ kœsœ kœmbœrœ atamœ, bœ sœ kœva jiwo ga pa kumu ye.»

²¹Zaza awa fœ ekperœ adœke œ ropa zœ nene kashe ropa ekperœ lœ awa nœ kœmbœrœ ɔtshœrœ.

Roma 13

A zatœ azœ ga tshakudu agbozu nœ Lita

¹ƆE li adœke uzu kœ zatœ ye ga tshakudu agbozu nœ Lita mbœrœ akwa tshagbozu kœ to ba ndœ Ndjaba; yé agbozu á a sœ dœ endje, Ndjaba dá ko endje.

²Atamœ uzu kɔ á tshe kœvwaratœ ye tœ kœzatœ ye ga tshakudu agbozu nœ Lita, tshe vwaratœ ye tœ kœmbœrœtœ ye liaka œneke á Ndjaba guma yé Ndjaba œ wa ɔgbɔ ngbanga ga tœ ye.

³Gbambanœ nene, azu á endje sœ kœmbœrœ ɔtshɔrœ, endje kpa awa agbozu nœ Lita nene kashe azu neke á endje mbœrœ ekperœ dá kpa awa endje. Œdœ uzu kœyindœ nœ adœke awa agbozu nœ Lita mbœrœ œne nene, œ li adœke tshe mbœrœ ɔtshɔrœ yekane á endje kœlisœ ye.

⁴Gbambanœ nene, agbozu nœ lita kœdœ aayi akwa nœ Ndjaba mbœrœ kœyisœ kœmbœrœ ɔtshɔrœ fœ azu. Œdœ bœ kœmbœrœ ekperœ, œ li adœke awa endje mbœrœ bœ, mbœrœ endje gbɔgbɔ akwanœ gbambanœ nene. Lœ kœza djofele fœ azu, endje sœ tœ akwa nœ Ndjaba adœke œne ma ókó nœ ye ga ndœ azu á endje sœ kœmbœrœ ekperœ.

⁵Mbœrœ tœnœ ataa, œ li adœke a zatœ azœ ga tshakudu agbozu nœ Lita. 'E kpakpa kolœ awa ókó nœ Ndjaba nene kashe 'e zatœ 'e ga tshakudu agbozu nœ Lita mbœrœ á a wusœ nœ adœke œ li dœ azœ kœmbœrœ atamœ.

⁶Œtœnœ kœdœ ndje ádánœ á li dœ 'e adœke 'e yɔ lapo. Ndjaba ko aayi akwa nœ kœko ngendja lapo adœke endje zatœ endje ga tœ akwanœ dœ ɔtshɔnœ.

⁷Yé 'e gi kudá nœ uzu kɔ fœ she. 'E yɔ lapo á li adœke 'e yɔ, 'e yɔ takeshe á li adœke 'e yɔ, œ kpa awa azu neke á li dœ 'e kœkpa awa endje yé œ lisœ endjeneke á li dœ 'e kœlisœ endje.

Kœyindœtœ azœ

⁸'E sœsœ dœ kudá nœ uzu bale pa 'e nene. 'E sœ kolœ dœ kudá á li dœ 'e kœsœ dœ tœnœ adœke: 'e yindœtœ 'e. Uzu á tshe sœ kœyindœ anganœ sœ kœmbœrœtœ ye liaka awa akwa djigi.

⁹Gbambanœ nene, awa o'o pa adœke: «Papara awo yanga zœ nene, wowo uzu nene, zizi angba nene; zaza lsu zœ ga pa œrœ nœ yanga zœ nene.» Awa akwanœ asœke œdœ pe udu awa akwa para kɔkɔ li ga lœ awa akwa bale á pa adœke: «Yindœ yanga zœ bata á bœ yindœtœ zœ dœ tœ zœ.»

¹⁰Uzu á tshe kœyindœ yanganœ, tshe mbœrœ ekperœ fœ she nene, ádánœ á uzu á tshe sœ kœyindœ yanganœ tshe sœ kœmbœrœtœ ye liaka awa akwa djigi.

¹¹Bata 'e wusœ lɔndɔ á a sœ dœ tœnœ, lɔkɔ kœjo 'e lœ olo wuta ye. Kpœsheke kœshe na ndo dœ azœ kœto tœ ɔlɔ á a yi lima ndœ œrœ.

¹²Œndœ butshɔ dɔ yé osho ndo kœkɔrɔ tœnœ ye. A katœ akwa nœ ubu osho yé a ko œrœ kœnga dœ koshe nœ ingbɔsho.

¹³Ɔe li adœeke akwa tshelœ azœ dœ akwa nœ ingbisho, a katœ egerœ lœsu, dœ kœndjo ipi tœpanœ kpuru, dœ angba budu, dœ œrœ tshula, dœ œbœrœ œdœ úkú.

¹⁴Kashe 'a matœ azœ b̄ata azu nœ Yisu Kristu, yé 'e papara kœmbœrœ œneke á ogo nœ œkœ 'e œ vwa 'e ndœ kœmbœrœ tœnœ nene.

Roma 14

A wawa ngbanga ga pa anga azœ nene

¹E za osho kœsœ fœ uzu á kœyindœrœ nœ ye sœ teasho, kashe 'e wawa ngbanga pa gbetshelœ nœ ye nene.

²Anga uzu sœ dœ kœyindœrœ adœeke œne li kœzi œrœ kœ, andaa anga á kœyindœrœ sœ teasho, sœ kœzi kolœ dœngœ.

³Atamœ uzu á tshe sœ kœzi œrœ tshetshene tsheneke á tshe zizi nene, yé tsheneke á tshe zizi nene wawa o'o ga tœ tsheneke á tshe sœ kœzi tœnœ nene. Gbambanœ nene, Ndjaba za osho kœsœ fœ she ndje.

⁴Ɔœbœ kœdœ dœ á kœwa ngbanga pa ayi akwa á tshe dœdœ tshenœ zœ nene a? Ɔœdœ tshe kœmbœrœ akwa nœ ye dœ œtshœnœ œdœ tshe mbœmbœrœ dœ œtshœnœ nene, œ dœ o'o nœ ayengœ ye. Tshe shi gb̄i; gbambanœ nene, Gbozu sœ dœ gbœgbœ kœti kane ye.

⁵Tœ upu nœ anga bale, olo sœ kpikpikpi, andaa tœ anga olo kœ liili. Kaka uzu dœ uzu wusœ nœ b̄a lœsu ye dœ tœ ye adœeke œneke á œne gbe kœdœ adjapu.

⁶Uzu á tshe kœgbe adœeke anga olo bale ropa udu olo kœ, sœ kœmbœrœ tœnœ mbœrœ kœl̄isœ Gbozu; uzu á tshe sœ kœzi œrœ kœ, sœ ndje kœmbœrœ tœnœ mbœrœ kœl̄isœ Gbozu; gbambanœ nene, tshe sœ kœza mershe fœ Ndjaba mbœrœ kœziœ nœ ye. Tsheneke á tshe zizi œrœ nene sœ kœmbœrœ tœnœ mbœrœ kœl̄isœ Gbozu yé œ sœ ndje kœza mershe fœ Ndjaba.

⁷Uzu bale ugurutœ azœ á tshe sœ dœ soro mbœrœ tœ ye dœ tœ ye gugu nene yé uzu bale á tshe tshu mbœrœ tœ ye dœ tœ ye gugu nene.

⁸Ɔœdœ a kœsœ dœ soro, a sœ dœ tœnœ mbœrœ Gbozu, yé œdœ á kœtshu, a tshu mbœrœ Gbozu. Atamœ œdœ a kœsœ dœ soro, œdœ á kœtshu, a kœdœ azu nœ Gbozu.

⁹Gbambanœ nene, Kristu tshu yé Ndjaba she she lœ akuzu adœeke tshe dœ Gbozu nœ akuzu œdœ asoro.

¹⁰Kashe œbœ, mbœrœ gadœ á bœ wa ngbanga pa aya zœ a? Yé œbœ, mbœrœ gadœ á bœ tshene aya zœ a? A ka bala utshu Ndjaba adœeke tshe wa ngbanga pa azœ.

¹¹Gbambanœ nene, endje sú ala Buku nœ ndjaba adœke: Œmœ Gbozu nœ soro, mœ pa adœke: azu kɔ œ gote ga utshu mœ, yé uzu dœ uzu œ pa dœ ama ye adœke œmœ kœdœ Ndjaba.

¹²Atamœ uzu dœ uzu ugurutœ azœ œ pa o'o utshu Ndjaba tœ upu nœ ye dœ tœ ye.

¹³Mbœrœ tœnœ ataa, a kate kœwa ngbanga ugurutœ azœ dœ anga azœ. Kashe uzu dœ uzu wa ngbanga ba tœ lœsu ye adœke, œne mbœrœ œrœ á mbœrœ adœke aya œne zaza ada ye tœsho too tshe tete ga lœ ekperœ nene.

¹⁴Lœ Gbozu Yisu, mœ wusœ nœ adœke anga rœgo á dœ uburu dœ tœ ye gugu nene. Rœgo sœ kœfa uburu mbœrœ uzu á tshe gbe adœke œtœnœ kœdœ uburu.

¹⁵Œ kœsœ adœke bœ sœ kœzi rœgo á sœ kœza oyo fœ aya zœ, œ yindœ kœpa adœke bœ mbœmœrœtœ zœ liaka kœyindœsho nene. Mbœmœrœ adœke, rœgo ama zœ ndi yanga zœ á Kristu tshu tœ upu nœ ye.

¹⁶Kaka adœke, œrœ á 'e wu tœ ɔtshœnœ tœ ala 'e, zaza awa fœ anga azu kœpa ekpe o'o tœnœ nene.

¹⁷Gbambanœ nene, Ogo gbozu nœ Ndjaba wuwu kœziœ too kœndjœrœ nene, kashe œ wu kœsœ ndjii, kœsœ gee œdœ pe yanga lœ ɔtshœ Ishiri.

¹⁸Uzu á tshe sœ kœmbœrœ akwa nœ Kristu dœ mara atake, sœ kœza yanga fœ Ndjaba yé azu œ lisœ ye.

¹⁹Atamœ a para awa kœmbœrœ œrœ á yi kœsœ gee ga ugurutœ azœ yé á li kœmbœrœ adœke a gerœ awa bale lœ kœyindœrœ.

²⁰Adja a ndĩndĩ akwa nœ Ndjaba mbœrœ o'o nœ kœziœ nene. A li kœziœ kɔ kashe œ sœ tœ ekpenœ tœ kœzi anga œrœ á vwa uzu ga lœ ekperœ.

²¹Œ ga waa adœke bœ vwaratœ zœ tœ kœzi agea, kœndjo ipi, kœvwaratœ zœ tœ œrœ kɔ á mbœrœ adœke aya zœ te ga lœ ekperœ.

²²Œneke á bœ gbe adœke œ dœ ekperœ too ɔtshœrœ, œ wu kolœ œbœ dœ Ndjaba nœ zœ. Yanga nœ uzu á gbetshelœ nœ ye sœsœ kœwa ngbanga ga tœ ye nene.

²³Kashe uzu á tshe zi œrœ á tshe sœ dœ sharapu tœnœ, Ndjaba œ wa œgbo ngbanga pa ye. Gbambanœ nene, tshe mbœrœ œrœ á sœsœ ga pa kœyindœrœ nœ ye nene. Yé œrœ kɔ á sœsœ ga pa kœyindœrœ nene kœdœ ekperœ.

Roma 15

A para awa kœza yanga fœ anga azœ

¹Azœ á sœ dœ egerœ kœyindœerœ, œ li dœ azœ kœti kane anga azœ á kœyindœerœ nœ endje gegerœ nene yé œ katœ kœmbœerœ œerœ á za yanga ko fœ azœ dœ tœ azœ.

²Kaka uzu dœ uzu ugurutœ azœ para awa ndœ kœmbœerœ œerœ á za yanga fœ mashenga mbœerœ otshœrœ nœ ye. Lœ awanœ ataa, œ ti kane ye yé œ mbœerœ adœke kœyindœerœ nœ ye gerœ.

³Gbambanœ nene, Kristu mbœmbœerœ lima kolœ œerœ á za yanga fœ she dœ tœ ye nene. Bata endje sú ala Buku nœ Ndjaba adœke: «Kœgu osho á endje gu lima bœ, yo ga pa mœ.»

⁴O'o kœ á endje sú ala Buku nœ Ndjaba, endje sú mbœerœ kœyisœerœ fœ azœ. Gbambanœ nene, œ ti kane azœ adœke a sœ dœ ugu lsu, dœ kœru lsu yé á kœwuta dœ kœko lsu azœ ga tœ Ndjaba.

⁵Kaka Ndjaba á tshe za ugu lsu œdœ pe kœto gbœgbœ mbœerœ adœke 'e sœ dœ gbetshelœ bale bœta á Yisu Kristu yisœ nœ fœ azœ.

⁶Atamœ dœ lsu bale œdœ ama bale, 'e donga Ndjaba á tshe dœé Aba Gbozu nœ azœ dœ Yisu Kristu.

'E yindœetœ 'e

⁷Atamœ 'e za osho kœsœ ugurutœ 'e dœ anga 'e bœta á Kristu za osho kœsœ fœ 'e mbœerœ mokœ nœ Ndjaba.

⁸Mœ sœ kœpa fœ 'e dœ adjapu adœke, Kristu te lima ayi akwa nœ Ayuda liaka o'o á Ndjaba pa lima tœnœ utshunœ fœ aata endje. Tshe ma adœke Ndjaba yayapa o'o ama ye nene.

⁹Tshe na ndje adœke angbi azu donga ndje Ndjaba mbœerœ otshœ lsu nœ ye bœta á endje sú ala Buku nœ Ndjaba adœke: «Mbœerœ tœnœ ataa mœ donga bœ ugurutœ angbi azu yé œ bi itshi fœ bœ.»

¹⁰Endje su ndje adœke: «'E dœ angbi azu, 'e sœ dœ yanga awa bale dœ azu á Ndjaba ke endje!»

¹¹Endje kpa su ndje lima adœke: «'E dœ angbi azu, 'e donga Gbozu, 'e bi itshi fœ she, 'e dœé azu para kœkœ!»

¹²Isaya pa ndje lima adœke: «Anga ata Yese œ wuta, tshe sœ gbozu tshapa angbi azu, endje ko lsu endje ga pa ye.»

¹³Kaka adœke Ndjaba á tshe mbœerœ adœke azu za lsu endje ga pa ye, mbœerœ adœke lsu 'e su dœ yanga œdœ kœsœ gee, mbœerœ kœyindœerœ nœ 'e ga ndœ ye. Otshœ fshiri za gbœgbœ fœ 'e adœke 'e za lsu 'e djigi fœ Ndjaba.

Polo, ayi akwa nœ Kristu

¹⁴Aaya mœ, mœ wusœ nœ adœke 'e dœ azu nœ ɔtshɔ lɔsu. 'E wu ndje sœ œrœ kɔ á sœ adœke 'e wusœ nœ, yé 'e li kœmi upu ugurutœ 'e dœ tœ 'e.

¹⁵Yé mœ su anga o'o ala mbetincœ asœke ngbewo fœ 'e adœke 'e kpa gbe dœ o'o á endje yi lima sœ nœ fœ 'e kane. Mœ su œneke kolœ mbœrœ ɔtshɔ lɔsu á Ndjaba za fœ mœ,

¹⁶adœke mœ te ayi akwa nœ Yisu Kristu mbœrœ angbi azu. Cœshe dá za akwa nœ kœyisœ ɔtshɔ O'o nœ Ndjaba tœ nganga Ndjaba adœke angbi azu wuta ɔtshɔ makabo á wuta yerœ lœ awa nœ ɔtshɔ Ishiri adœke œ ga tœ ala Ndjaba.

¹⁷Lœ kœngbɔtœ mœ dœ Kristu, mœ sœ kœdu okoro mœ tœ akwanœ á mœ sœ kœmbœrœ fœ Ndjaba.

¹⁸Atamœ œdœ mœ kœyindœ kœpa o'o tœ anga œrœ, mœ pa kolœ tœ œrœ á Kristu mbœrœ lœ awa nœ mœ adœke angbi azu wuta kœdji Ndjaba. Tshe mbœrœ lœ awa nœ o'o œdœ akwa,

¹⁹dœ gbɔgbɔ nœ ambárá afá, dœ gbɔgbɔ nœ Ishiri. Ataa, kœto lœ Yerusaleme œrrr ga lœ ogo Iliri, mœ mindœ ɔtshɔ O'o nœ Kristu tœ osho kɔ.

²⁰Kashe mœ yi lima ndœ kœmindœ ɔtshɔ O'onœ kotœ osho á azu djidji damba i'iri Kristu nene. Mœ mbœrœ atamœ mbœrœ á mœ yiyindœ kœsœ bata uzu á tshe mɔ anda nœ ye ga pa kiti anda á yanganœ mɔ nene.

²¹Ataa, mœ gbe dœ œneke á endje sú ala Buku nœ Ndjaba adœke: «Azu neke á endje yiyisœ œrœ fœ endje nene tœ upu nœ ye, endje wu she. Endjeneke á endje djidji lima o'o nene tœ upu nœ ye, endje dji.»

Polo gbe kœna ga lœ Roma

²²Cœtœncœ kœdœ œrœ á kundœ mœ awa ndjoro tœ kœna ga ndœ 'e.

²³Yé ngɔngɔ asœ akwa nœ mœ lœ ogo ba ke ka ye. Yé ungu ndjoro ro, mœ sœ dœ ogo kœna ga ndœ 'e,

²⁴mœ gbe adœke ɔɔ á mœ za awa kœro ga lœ Espane dá mœ ro tɔ tshandœ 'e yé mœ gbe kœgbɔ kœti kane nœ 'e mbœrœ ananœ asœmœ. Yé œtœncœ manda yanga nœ kœwutœ azœ dœ 'e.

²⁵Kashe ngɔngɔ asœ, mœ sœ kœro damba ga lœ Yerusaleme mbœrœ kœti kane ayerœ azu nœ Ndjaba:

²⁶gbambanœ nene, aaya azœ lœ Masedwane œdœ endjeneke lœ Akayi gbe lima ndœ kœrɔ makabo mbœrœ azu nœ Ndjaba ba lœ Yerusaleme á endje sœ lœ oyo.

²⁷Endje dœ tœ endje yi lima ndœ kœmbœrœ ataa. Kashe dœ adjapu, endje sœ dœ kudá nœ Ayuda. Gbambanœ nene, akristu Ayuda kuru lima tshelœ ɔtshœrœ nœ ishiri nœ endje dœ endjeneke á endje dœdœ Ayuda nene. Mbœrœ tœncœ

ataa, endje ti ndje kane Ayuda dœ œrœ á dóédóe œnœ ishiri nene, á endje sœ dœ oyonœ.

²⁸Lɔkɔ á mœ kœko œrœnœ fœ endje dá akwanœ ka ye, yé mœ tara ga lœ Espane dœ kœro tɔ tshandœ 'e.

²⁹Yé mœ wusœ nœ adœke ɔɔ á mœ wuta ga ndœ 'e, mœ na dœ ɔtshœrœ nœ Kristu ndjoro fœ 'e.

³⁰Kashe aaya, 'e wu œneke á mœ sœ kœ'eshondœ nœ lœ Gbozu nœ azœ dœ Yisu Kristu œdœ lœ kœyindœsho á ɔtshɔ ʃshiri œ za adœke 'e nga koshe awa bale dœ mœ tœ kœza avwala fœ Ndjaba tœ upu nœ mœ.

³¹'E za avwala adœke Ayuda á endje vwaratœ endje tœ Kristu mbœmbœrœ ekperœ ga tœ mœ nene yé ayindœ Yisu lœ Yerusaleme yindœ kœti kane oshonœ á mœ sœ kœna dœ tœnœ fœ endje dœ ɔtshœnœ.

³²Atamœ œdœ Ndjaba kœyindœ nœ, mœ wuta ba ndœ 'e dœ egerœ yanga ndœ kœyatœ mœ teasho ugurutœ 'e.

³³Kaka adœke Ndjaba á tshe za kœsœ gee fœ azu sœ dœ 'e para kɔkɔ! Ame.

Roma 16

Abala

¹Mœ yindœ kœyisœ Foebe á tshe dœ yingɔ azœ lœ kœyindœrœ, á tshe sœ kœmbœrœ akwa lœ Ikrizia ba lakpi Sakre fœ 'e adœke 'e wusœ ye.

²'E za osho kœsœ fœ she dœ i'iri Gbozu liaka œneke á ayerœ azu œ mbœrœ. 'E ti kane ye lœ œrœ kɔ á tshe sœ dœ ogonœ ba ndœ 'e. Gbambanœ nene, tshe ti kane azu waa œdœ pe ndje mœ.

³'E bala Prisika œdœ Akilase á endje dœ anga mœ lœ akwa nœ Yisu Kristu.

⁴œ sœpe lima teasho adœke endje tshu mbœrœ kœshe mœ, yé œ dóédóe kolœ mœ dá za mershe fœ endje nene kashe Ikrizia kɔ lœ tshapashɔ nœ angbi azu gi ndje mershe fœ endje.

⁵'E za abala nœ mœ fœ Ikrizia á sœ kœngbɔbatœ ye ba lœ anda nœ endje. 'E za ndje abala fœ yanga mœ dœ Epayinete á tshe kœdœ ali uzu kœyindœ Kristu ba lœ ogo Azi.

⁶'E za abala fœ Mareya á tshe za lima tœ ye ti djigi mbœrœ 'e ascœmœ.

⁷'E za abala fœ Andronikuse œdœ Juniyase á endje kœdœ ayo mœ œdœ anga mœ á a li lima kánga dœ endje awa bale. Endje wuta azu nœ Kristu utshu mœ, yé endje dóe aayi avwa á œsœ endje li.

⁸'E za abala fœ Apliyatuse á mœ yindœ ye waa lœ Gbozu.

⁹'E za abala fœ Urbe á tshe kœdœ yanga azœ lœ ma akwa nœ Kristu, œdœ pe Stakisi á mœ yindœ ye waa.

¹⁰'E za abala fœ Apelese á tshe má lima tœ ye adœke œne yindœ Kristu waa. 'E za abala fœ azu kœ lœ anda nœ Aristobile.

¹¹'E za abala fœ Erodiyone, á tshe kœdœ uzu lœ bingĩ nœ mœ. 'E za abala fœ azu kœ lœ anda nœ Narsise á endje sœ lœ Gbozu.

¹²'E za abala fœ Trifene œdœ Trifose. Endje kœdœ ayashe á endje zatœ endje ga tœ akwa nœ Gbozu, œdœ Pereside á tshe mbœrœ akwa waa mbœrœ she.

¹³'E za abala fœ Rufusi á Gbozu ke she, œ bala pe ayinœ á tshe dœ ndje ayi mœ.

¹⁴'E za abala fœ Asikrite, Flegœne, Ermese, Patrobese, Ermese œdœ pe aaya á endje sœ awa bale dœ endje.

¹⁵'E za abala fœ Filologe, dœ Juliyuse, Nere dœ yingœnœ, Olipase œdœ ndje ayerœ azu kœ á endje sœ awa bale dœ endje.

¹⁶'E za œyerœ abala ugurutœ 'e. Azu Ikrazia nœ Kristu para kœkœ vwa abala nœ endje fœ 'e.

¹⁷Aaya, mœ pa fœ 'e adœke, ala 'e gbœ tœ azu á endje œ kurutshelœ azu yé á ndi kœyindœrœ nœ anga endje. Endje sœ kœvwaratœ endje tœ kœyisœrœ á endje gbœ lima utshunœ; 'e kpa awa endje.

¹⁸Gbambanœ nene mara azu atamœ, sœsœ kœmbœrœ akwa fœ Kristu nene, kashe endje sœ kœgbe kolœ dœ uvu endje. Endje sœ kœndi tshelœ œkœrœ azu á endje wuwusœ œrœ nene dœ o'o nœ wala.

¹⁹Azu para kœkœ wusœ mara á 'e sœ tœ kœdji Gbozu yé mœ sœ dœ yanga mbœrœ 'e, kashe mœ yindœ nœ adœke 'e sœ dœ kœwusœtœ á kœmbœrœ œtshœrœ, yé œ sœsœ dœ uburu nene á kœkpa awa ekperœ.

²⁰œ sœpe teasho adœke Ndjaba á tshe za kœsœ gee fœ azu zuru tshelœ Satana ga tshada 'e. Kaka adœke œtshœ lœsu nœ Gbozu nœ azœ dœ Yisu sœ dœ 'e.

²¹Timote á tshe kœdœ yanga mœ lœ akwa nœ Gbozu dœ Lukiyuse, dœ Jasone, dœ Sosipatrose á endje kœ kœdœ azu bingĩ nœ mœ vwa abala fœ 'e.

²²œmœ Tertiyuse, á mœ su o'o ama Polo fœ 'e asœke, mœ za abala ndje fœ 'e lœ Gbozu.

²³Gayushi á mœ lo lœ anda nœ ye œdœ aayi kœyindœrœnœ á endje ngbœbatœ endje ba ndœ ye bala 'e. Eraste ayi kœgbœndœ ngendja lakpi asœke, dœ aya azœ dœ Kwartuse vwa abala fœ 'e.

[²⁴Kaka adœke œtshœ lœsu nœ Gbozu nœ azœ dœ Yisu Kristu sœ dœ 'e kœ! Ame.]

A donga Ndjaba

²⁵A donga Ndjaba mbærœ á tshe sœ dœ gbɔgbɔ nœ kœmbærœ adœke a gerœ lœ kœyindœrœ nœ azœ liaka Ɔtshɔ O'o nœ Yisu Kristu á mœ mɪ lima ndœ nœ. Ɔtshɔ O'onœ kœdœ avwanœ á Ndjaba za balima yiwa tœnœ katshatsha.

²⁶Kashe ngɔngɔ asœke, œneke á za lima tœ ye yiwa tœnœ, endje va ɔtɔnœ ngbɪ lœ awa nœ mbeti nœ aayi kœgbara o'o liaka o'o ama Ndjaba á tshe sœ waa dœ waa; tshe mbærœ adœke angbɪ azu para kɔkɔ wusœ nœ á kœsœ dœ kœyindœrœ ga ndœ ye yé œ lisœ ye.

²⁷Kaka endje donga Ndjaba á tshe dœ Uzu kœwusœtœ tshebale lœ Yisu Kristu waa dœ waa! Ame.

1 Koriti

1 Koriti 1

Abala

¹Ɔemœ Polo, Ndjaba e mœ lindœ gbetshelœ nœ ye adœke mœ te ayi avwa nœ Yisu Kristu. Ɔemœ œdœ aya mœ dœ Sostene,

²'a su mbeti asœke fœ 'e dœ azu Ikrizia nœ Ndjaba ɓa lœ Koriti. Ndjaba ke 'e adœke 'e dœ adja azu nœ œne yé 'e wuta ayerœ azu lœ kœngbœtœ 'e bale dœ Yisu Kristu, 'e dœ azu nœ ye awa bale dœ endjeneke á endje sœ kœlisœ Gbozu nœ azœ dœ Yisu Kristu. Ɔeshe kœdœ Gbozu nœ endje œdœ œnœ azœ.

³Kaka Aba azœ dœ Ndjaba œdœ Gbozu Yisu Kristu ma ɔtshɔ lœsu ga tœ 'e, yé œ za kœsœ gee fœ 'e.

Polo gi mershe fœ Ndjaba tœ upu nœ azu Koriti

⁴Mœ sœ kœgi mershe fœ Ndjaba ɔlɔ dœ ɔlɔ tœ upu nœ ɔtshɔ lœsu á tshe ma fœ 'e lœ awa nœ Yisu Kristu.

⁵Gbambanœ nene, lœ kœngbœtœ 'e dœ Kristu, Ndjaba to kœtorœ kɔ fœ 'e, œnœ o'o œdœ pe œnœ kœwusœrœ nœ Ndjaba.

⁶Ɔeneke kœdœ kœmarœ tœ upu nœ Yisu Kristu á to gbɔgbɔ ga lœ kœyindœrœ nœ 'e.

⁷Ataa, e'e á 'e sœ kœkate lœkɔ á Gbozu nœ azœ dœ Yisu Kristu œ kwatœ ye, 'e sœ kœgbɔ kœtorœ nœ Ndjaba.

⁸Ndjaba œ mbœrœ ndje bala adœke 'e shi gbi œrrr ga tœ ndœngɔlœnœ adœke, lœkɔ kœkwa Gbozu nœ azœ dœ Yisu Kristu, á endje kœgbagbagbara 'e tœ ekperœ bale nene.

⁹Ndjaba sœ kœmbœrœtœ ye lindœ œneke á tshe pa, œshe dá e 'e adœke 'e ngbœtœ 'e awa bale dœ Gbolo nœ œne Yisu Kristu, á tshe dœ Gbozu nœ azœ.

Kœkurutshelœtœsho nœ azu lœ Ikrizia

¹⁰Kashe alaya, mœ sœ kœki fœ 'e dœ i'iri Gbozu nœ azœ dœ Yisu Kristu adœke: o'o ama 'e sœ bale, yé 'e kukurutshelœtœ 'e nene. 'E ngbœtœ 'e ga tœ œsœnœ bale, œ sœ dœ lœsu bale œdœ ndje pe dœ gbetshelœ bale.

¹¹Gbambanœ nene, aaya mœ, azu tshelœ bingi nœ Kolowe pandœ nœ fœ mœ adœke 'e kurutshelœtœ 'e ye.

¹²Ɔeneke á mœ yindœ kœpa tœnœ fœ 'e dœke: lœ ugurutœ 'e, uzu dœ uzu sœ kœpa adœke: «Ɔemœ, mœ kœdœ uzu nœ Polo»; anga: «Ɔemœ kœdœ uzu nœ

Apolo»; anga kpa sœ kæpa adœke: «Œmœ koedœ uzu nœ Petro»; yeka á anga pa adœke: «Œmœ koedœ uzu nœ Kristu.»

13'E sœ kœgbe adœke endje lili kœkurutshelœ Kristu ye a? Polo dá tshu lima pa kurushi mbœrœ 'e a? Yé ataa, endje za batisimu fœ 'e dœ i'iri Polo a?

14Mœ gi mershe fœ Ndjaba mbœrœ á mœ zaza batisimu fœ uzu bale ugurutœ 'e nene, kashe mœ za kolœncœ fœ Krispuse dœ Gayushi.

15Ataa, uzu bale lili kæpa adœke endje za batisimu fœ 'e dœ i'iri mœ nene.

16Ha! Œ sœ adjapu adœke mœ za ndje batisimu fœ azu tshelœ bingi nœ Esetefanase, kashe mœ kpa wuwusœ anga uzu á mœ za fœ she nene.

17Gbambancœ nene, Yisu Kristu vwavwa lima mœ ndœ kœza batisimu fœ azu nene, kashe tshe vwa mœ mbœrœ kœmindœ Œtshœ O'o. Mœ yiyisœ nœ dœ kœwusœtœ nœ azu nene, mbœrœ á gbœgbœ kuzu nœ Kristu pa kurushi kœsœsœ gbambancœ tœ ala azu nene.

Yisu Kristu, gbœgbœ œdœ kœwusœtœ nœ Ndjaba

18Ba tœ azu á endje sœ lœ djingili, kœpandœ kuzu Yisu pa kurushi koedœ agba o'o, kashe ba tœ azœ á a sœ kœshe mbœrœ tœncœ, tœncœ koedœ gbœgbœ nœ Ndjaba.

19Gbambancœ nene, endje sú bala Buku nœ Ndjaba adœke: «Mœ nditshelœ kœwusœtœ nœ azu á endje wusœtœ endje, yé œ fa kœwusœrœ nœ azu á endje wusœ œrœ, gbambancœ.»

20Azu á endje wusœtœ endje sœ kpœta a? Agbangba kœwusœ awa akwa sœ kpœta a? Azu nœ tshakpesheke á endje wusœ kœtœndœ ádá o'o sœ kpœta a? Ndjaba mama adœke kœwusœtœ nœ azu tshapashœ koedœ agba o'o nene a?

21Yé ataa, azu tshapashœ dœ kœwusœtœ nœ endje kœ, lili lima kœwusœ Ndjaba lœ kœwusœtœ nœ ye nene. Mbœrœ tœncœ ataa á Ndjaba wa o'o adœke œne she azu á endje sœ dœ kœyindœrœ tœ upu nœ kuzu Yisu pa kurushi lœ awa nœ kœyisœrœ á sœ bœta agba œrœ ascœmœ.

22Ayuda sœ kœyu osho tœ ambárá, yé Agreke sœ œncœ endje kœpara kœwusœtœ.

23Kashe tœ a'a nœ 'a, 'a sœ kœmindœ O'o kuzu Masiya pa kurushi. Œtœncœ koedœ O'o á sœ kœbi tshelœ ada Ayuda, yé á dœ agba o'o ba tœ ala angbi azu.

24Kashe tœ endjeneke á Ndjaba e endje, Ayuda too Agreke, Masiya koedœ gbœgbœ œdœ kœwusœtœ nœ Ndjaba.

25Gbambancœ nene, agba o'o nœ Ndjaba rosœ kœwusœtœ nœ azu ye, yé kœmœ nœ Ndjaba ro ndje gbœgbœ nœ azu ye.

²⁶Alaya mœ, 'e gbe dœ mara á 'e sœ lima dœ tœnœ lœkœ á Ndjaba e 'e kane: azu nœ kœwusœtœ tœ ala azu ngbangba ugurutœ 'e nene, azu á endje sœ dœ gbœgbœ waa ngbangba nene, endjeneke á endje sœ lœ ɔtshœ bĩngĩ ngbangba ndje nene.

²⁷Kashe œeneke á dœ agba o'o ba pa tshapashœ, Ndjaba ke mbœrœ kœza tshula fœ endjeneke á endje sœ dœ kœwusœtœ, tshe ke ɔmœ œrœ mbœrœ kœza tshula fœ œeneke á sœ dœ gbœgbœ.

²⁸œeneke á sœ ba pa tshapashœ, á gugu dœ ádá bale nene yé á azu yiyi ndje ndœ nœ nene, Ndjaba ke mbœrœ kœndĩ œeneke á azu sœ kœgbe adœke œ sœ dœ ádá waa,

²⁹mbœrœ adœke anga uzu bale pa ɔshœ asœke lili kœdu okoro ye ba utshu Ndjaba nene.

³⁰Lœ awa nœ Ndjaba dá 'e ngbœbatœ 'e ga tœnœ dœ Yisu Kristu á tshe dœ kœwusœtœ nœ azœ á to ba ndœ Ndjaba, yé tshe sœ kœmbœrœ adœke á sœ ndjii, á sœ yerœ dœ pe kœwuta lœ ekperœ.

³¹Dœ tœnœ ataa, endje sú bala Buku nœ Ndjaba adœke: «œdœ uzu kœyindœ kœdu okoro, tshe du okoro ye tœ œeneke á Gbozu mbœrœ.»

1 Koriti 2

Kœyisœrœ tœ upu nœ kuzu Yisu pa kurushi

¹Aaya mœ, lœkœ á mœ na lima ba ndœ 'e ndœ kœyisœ O'o ama Ndjaba á zatœ ye yiwatœnœ fœ 'e, mœ mamatœ mœ adœke mœ wusœ kœpa o'o too mœ wusœ œrœ waa ye nene.

²Gbambanœ nene, mœ wa o'o adœke adja mœ gbegbe kœwusœ anga angbi œrœ nene, kashe kolœ dœ Yisu Kristu, œshe á endje kuru she ga pa kurushi.

³Ádá nœ ataa, mœ ka ga utshu 'e dœ kœmœ œdœ pe dœ kœgugu dœ awa.

⁴Mœ sœsœ lima kœyisœ œrœ dœ kœwusœtœ nœ azu tshapashœ nene, kashe mœ sœ lima kœyisœ nœ dœ gbœgbœ nœ ɔtshœ ishiri, á sœ kœma fœ azu adœke tœnœ kœdœ adjapu.

⁵Ataa, kœyindœrœ nœ 'e sœsœ ga pa kœwusœtœ nœ azu nene, kashe œ sœ ga pa gbœgbœ nœ Ndjaba.

Kœwusœtœ nœ Ndjaba

⁶Andaa, 'a sœ kœyisœ kœwusœtœ fœ ayindœ Kristu á endje dœ agbozu lœ ishiri, kashe 'a yiyisœ œrœ dœ kœwusœtœ nœ azu tshapashœ œdœ dœ kœwusœtœ nœ agbozugo tshapashœ á sœ mbœrœ kœndĩ tœ nœ nene.

⁷A sœ kœyisœ kœwusœtœ nœ Ndjaba á zatœ ye yiwa tœnœ tœ azu, kœwusœtœ neke á lili adœke azu wusœ ádánœ nene, á Ndjaba guma lima utshunœ adœke tshe mbœrœ tshapashɔ, yé á sœ mbœrœ mokɔ nœ azœ.

⁸Anga uzu bale læ agbozugo tshapashɔnœ asœke sœsœ dœ kœwusœtœnœ ascœmœ nene. Cœdœ endje kœsœ má dœ tœnœ, dá endje kuru Gbozu nœ mokɔ ga pa kurushi nene.

⁹Kashe b̄ata á endje s̄ú b̄ala Buku nœ Ndjaba adœke: «Cœneke á uzu bale wuwu yé á dji dœ utu ye nene, œneke á uzu bale sœsœ dœ gbetshelœnœ nene, Ndjaba guma mbœrœ endjeneke á endje yindœ ye.»

¹⁰Andaa, azœ dá Ndjaba ma œrœnœ ascœmœ fœ azœ læ awa nœ ɔtshɔ ɩshiri ascœmœ. Gbambanœ nene, ɩshiri wusœ kœtondœ œrœ kɔ dœ ádánœ, ataa œdœ gbetshelœ nœ Ndjaba.

¹¹Cœdœ ugurutœ azu dá wusœ gbetshelœ nœ uzu, á kœdœdœ ɩshiri á sœ læ ye nene a? Awa bale ndje, gbetshelœ nœ Ndjaba, uzu bale wuwusœ nœ nene, kolœ ɩshiri nœ Ndjaba dœ tœ ye dá wusœ nœ.

¹²Tœ upu nœ azœ, a gbɔgbɔ ɩshiri ba ndœ azu tshapashɔ asœ nene, kashe a gbɔ ɩshiri á to ba ndœ Ndjaba yeka á kœwusœ kœtorœ á Ndjaba to dœ ɔtshɔ ɩsu ye fœ azœ.

¹³Yé 'a sœsœ kœyisœ œrœ dœ kœwusœtœ nœ azu tshapashɔ nene, kashe 'a sœ kœyisœ nœ dœ ɩshiri á Ndjaba to fœ 'a. Cœtœnœ ataa á 'a sœ kœyisœ adjapu tœ upu nœ ɩshiri nœ Ndjaba fœ azu á endje læ dœ tœnœ læ endje.

¹⁴Uzu á tshe sœ kolœ kœgbe dœ kœwusœrœ nœ ye dœ tœ ye, yiyindœ o'o neke á to ba ndœ ɩshiri nœ Ndjaba nene. Tshe sœ kœdji b̄ata agba o'o læ utu ye, yé tshe lili kœwusœ ádánœ nene, mbœrœ uzu œ wusœ ádánœ kolœ œdœ tshe kœsœ dœ ɩshiri nœ Ndjaba.

¹⁵Uzu á tshe sœ dœ ɩshiri nœ Ndjaba, tshe sœ kœwa ngbanga kɔ ga tœ undu ye, kashe uzu bale œ wa ngbanga ga tœ ye nene.

¹⁶Gbambanœ nene, endje s̄ú b̄ala Buku nœ Ndjaba adœke: «Uzu dœ dá wusœ gbetshelœ nœ Gbozu a? Uzu dœ dá li kœm̄i upu fœ she a?» Kashe tœ azœ, a lii kœwusœ ádánœ mbœrœ á a sœ dœ gbetshelœ nœ Kristu.

1 Koriti 3

Aayi akwa nœ Ndjaba

¹Tœ upu nœ mœ, aaya mœ, lɔkɔ á mœ sœ lima awa bale dœ 'e, mœ papa o'o fœ 'e b̄ata á mœ pa fœ azu á endje sœ dœ ɩshiri nœ Ndjaba nene, kashe mœ pa o'o fœ 'e kolœ b̄ata fœ azu nœ tshapashɔ, b̄ata fœ aaya agbolo læ kœyindœrœ ga ndœ Kristu.

- ²Ungu ɔngɔ dá mœ to fœ 'e, kashe œ dóédóé adja kœziroœ nene. Gbambanœ nene, 'e li má kœru lœsu 'e tœnœ nene. Ataa ngɔngɔnœ asœke, 'e li má ndje nene,
- ³mbœroœ 'e sœpe kœmbœroœtœ 'e b̄ata mara œroœ nœ azu nœ tshapashɔ. 'E sœ kœmbœroœ úkú œdœ kœbœroœtœ 'e ugurutœ 'e. Atamœ sœmœ 'e dóédóé azu nœ tshapashɔ asœke yé œ sœ kœmbœroœ mara œroœ nœ azu kɔ nene a?
- ⁴Dœ lɔkɔ á anga yanga 'e bale kœpa ngbi adœke: «Œmœ kœdœ uzu nœ Polo», yé anga kpa pa adœke: «Œmœ kœdœ uzu nœ Apolo», 'e mbœmbœroœtœ 'e b̄ata azu nœ tshapashɔ kɔ nene dœ mœ a?
- ⁵Apolo kœdœ dœ? Yé á Polo kœdœ ndje dœ? Endje kɔ kœdœ aayi akwa nœ Ndjaba á endje gi 'e ga lœ kœyindœroœ ga ndœ Kristu. Kashe lœ ugurutœ endje, uzu dœ uzu sœ dœ mara kœmbœroœ akwa nœ ye á Gbozu to fœ she.
- ⁶Œmœ, mœ lu ngwarœ yé Apolo dá su ungu ga panœ. Kashe Ndjaba dá mbœroœ adœke ngwarœnœ gboro.
- ⁷Ataa, œdœ ayi kœlu ngwarœ œdœ ayi kœsu ungu ga panœ, endje gugu dœ ádá bale nene. Kashe kolœ Ndjaba dá sœ dœ ádá, œshe á tshe mbœroœ adœke ngwarœnœ gboro asœmœ.
- ⁸Tsheneke á tshe lu ngwarœ dœ tsheneke á tshe su ungu ga panœ, endje sœ awa bale yé uzu dœ uzu œ gbɔ œroœ tshangba akwa nœ ye kœli dœ mara akwa nœ ye dœ tœ ye.
- ⁹Gbambanœ nene, a'a, 'a sœ kœmbœroœ akwa nœ Ndjaba awa bale, yé e'e kœdœ k̄ind̄i nœ Ndjaba. E'e ndje kœdœ anda nœ Ndjaba.
- ¹⁰Mœ mbœroœ akwa b̄ata ɔtshɔ ayi kœmɔ anda, œ tɔ kiti anda lindœ kœtorœ á Ndjaba to fœ mœ, yé anga uzu dá mɔ udunœ ga panœ. Kashe ala uzu dœ uzu gbɔ tœ mara á tshe sœ kœmɔ dœ andanœ.
- ¹¹Gbambanœ nene, kiti andanœ sœ zœ, œtœnœ kœdœ Yisu Kristu. Uzu bale kpa lili kœmɔ anga angbi kiti anda nene.
- ¹²Ataa anga endje kœmɔ udu andanœ ga pa kitinœ dœ ɔroœ, dœ kowo, dœ badja á amanœ gbɔ waa, dœ ɔyɔ, dœ muru too dœ ebe gbaa,
- ¹³akwa nœ uzu dœ uzu œ matœ ye ngbi ɔlɔ kœwa ngbanga. Gbambanœ nene, dœ ɔlɔnœ asœmœ, owo œ tshi yé akwa nœ uzu dœ uzu œ matœ ye ngbi.
- ¹⁴Tsheneke á akwa nœ ye kœjuju nene, tshe gbɔ œroœ tshangbanœ ye.
- ¹⁵Tsheneke á akwa nœ ye kœju, tshe gbɔ œroœ tshangbanœ bale nene, œshe kutu ye tshe she ye, kashe œ sœ b̄ata tshe ro tɔ la owo.
- ¹⁶'E wusœ nœ dœ ɔtshɔnœ adœke e'e kœdœ Tepelo nœ Ndjaba, yé Ishiri nœ Ndjaba sœ lœ 'e.

- ¹⁷Ɔedœ uzu kœndi tshelœ Tepelo nœ Ndjaba, Ndjaba œ ndi ndje tshelœ ye. Gbambanœ nene, Tepelo nœ Ndjaba sœ yerœ, yé e'e dá dœ Tepelonœ asœmœ.
- ¹⁸Uzu bale fafaratœ ye nene. Ɔedœ anga uzu ugurutœ 'e bale kœsœ kœgbe adœke œne sœ dœ kœwusœtœ waa dœ mara nœ tshapashœ asœ, iyi za she mbœrœ adœke tshe sœ adja dœ kœwusœtœ.
- ¹⁹Gbambanœ nene, kœwusœtœ dœ mara nœ tshapashœ asœke kœdœ agba o'o tœ ala Ndjaba. Mbœrœ tœnœ ataa, endje sú bala buku nœ Ndjaba adœke: «Ndjaba sœ kœgbœ aayi kœwusœtœ lœ afara nœ endje dœ tœ endje.»
- ²⁰Buku nœ kpa sœ kœpa adœke: «Gbozu wusœ gbetshelœ nœ ayi kœwusœtœ ye, tshe wusœ nœ adœke œ gugu dœ ádá bale nene.»
- ²¹Ataa, uzu bale dudu okoro ye ga pa azu nene, mbœrœ œrœ kœ kœdœ œnœ 'e:
- ²²Ɔedœ Polo, œdœ Apolo too Petro, œdœ tshapashœ, œdœ soro, œdœ kuzu, œdœ œrœ á sœ ngœngœ asœke, œdœ œrœ á sœ bala mbatsha, kœkœ kœdœ œnœ 'e.
- ²³Kashe e'e nœ 'e kœdœ azu nœ Kristu, yé Kristu kœdœ uzu nœ Ndjaba.

1 Koriti 4

Aayi avwa nœ Kristu

- ¹Ataa, œ li adœke 'e wu 'a bata aayi akwa nœ Kristu œdœ bata endje á endje sœ mbœrœ kœgbœndœ adja o'o nœ Ndjaba á zatœ ye yiwa tœnœ.
- ²Andaa, œrœ kœ á endje sœ kœyœndœ nœ ba ndœ aayi kœgbœndœrœ, kœdœ kœmbœrœtœ osho lindœ nœ.
- ³Tœ œmœ, œdœ e'e too anga azu kœwa ngbanga pa mœ, œ mbœrœ œrœ tœ mœ nene. Gapa nœ, mœ wa ngbanga nœ mœ dœ tœ mœ nene.
- ⁴Dœ adjapu, gbetshelœ nœ mœ sœsœ kœgbagbara mœ tœ œrœ bale nene, kashe œ dóédóé œtœnœ dá sœ kœma adœke mœ sœ ndjii nene. Tsheneke á tshe wa ngbanga nœ mœ kœdœ Gbozu.
- ⁵Mbœrœ tœnœ ataa, 'e wawa ngbanga ga pa uzu utshu nœ lœkœ kœwa ngbanga nene. 'E kate adœke Gbozu na yeka. Ɔeshe dá ma œneke kœ á zatœ endje yiwa tœnœ œdœ gbetshelœ á sœ ba lœsu azu ngbi ga ushu. Dœ tœnœ ataa, uzu dœ uzu œ gbœ kœdonga osho nœ Ndjaba á kwatœ endje ga ndœ ye.
- ⁶Alaya mœ, mœ pa o'onœ asœmœ tœ upu nœ mœ œdœ tœ upu nœ Apolo mbœrœ adœke œ yisœ œrœ fœ 'e. Mœ yindœ nœ adœke lœ awa nœ kœmarœ nœ 'a, 'e wusœ ádá awa o'onœ asœ: «Ɔe li adœke 'e ka kpœpa mapaka neke á endje sú», yé 'e dudu okoro 'e kolœ pa uzu bale nene, yé œ yiangba anga nene.

⁷Gbambanœ nene, bœ ropa uzu ðe? Œ dœdœ Ndjaba dá to œrœ á bœ sœ dœ tœnœ fœ bœ nene a? Yé á kœdœ Ndjaba dá to fœ bœ, mbœrœ gadœ á bœ sœ kœdu okoro zœ bata bœ gbɔgbɔ ba ndœ ye nene a?

⁸E'e, 'e gbɔ œnœ 'e œrœ kɔ á 'e gbe dœ tœnœ ye! 'E te œnœ 'e aayi kœgbœrœ ye! Ataa 'a dœdœ agbozugo nene, 'e te œnœ 'e agbozugo ye! Adjapu dœ mœ a? 'A yindœ nœ adœke 'e dœ adja agbozugo mbœrœ á ì'iri 'a kœto ndje dœ 'e awa bale.

⁹Gbambanœ nene, mœ sœ kœgbe adœke Ndjaba ko 'a dœ aayi avwa tɔ ba tœ ndɔngɔɔ azu kɔ: 'a sœ bata azu á endje wa agbɔ ngbanga nœ kuzu ga tœ endje, endje fa 'a tœ œrœ mɔɔ nœ tshapashɔ, ba tœ ala aandjelu œdœ ba tœ ala azu kɔ.

¹⁰Anga azu sœ kœwu 'a tœ aayi iyi mangba Kristu, kashe e'e, 'e sœ kœzatœ 'e bata aayi kœwusœtœ lœ kœngbœtœ 'e bale dœ Kristu. Anga azu sœ kœwu adœke 'a mɔɔmɔ, kashe e'e, 'e sœ kœzatœ 'e tœ aayi gbɔgbɔ. Endje sœ kœlœsœ 'e, kashe œ sœ kœwu 'a tœ ayi odo.

¹¹Lœ ada ɔlœnœ asœ, 'a sœ kœwu oyo dœ ogo kœzœrœ œdœ dœ ogo ungu, 'a gugu dœ lœba nene, endje sœ kœbi 'a, 'a na yame yame djezœ;

¹²'a sœ kœwu djofele dœ akwa dœ kane 'a yeka á gbɔ kœzœrœ. Œdœ endje kœgu 'a, 'a sœ kœgi ɔtshɔ o'o. Lɔkɔ á endje kœsœ kœmbœrœ œrœ kanga fœ 'a, 'a sœ kœru lœsu 'a.

¹³Lɔkɔ á endje kœsœ kœpa ekpe o'o nœ 'a, 'a sœ kœgi o'o dœ ɔtshɔ lœsu. Ngɔngɔ asœke, endje kpa wu 'a bata tshapandikɔ nœ tshapashɔ, bata uyu œrœ nœ tshapashɔ.

¹⁴Mœ sœsœ kœsu mbeti asœmœ mbœrœ kœza tshula fœ 'e nene, kashe mœ su mbœrœ kœgbota tshelœ utu 'e bata agbolo nœ mœ á mœ yindœ endje waa.

¹⁵Gbambanœ nene, ataa œdœ 'e kœsœ dœ aayi kœyisœ o'o nœ Kristu kutu ndjokpa gbaa, 'e sœ kolœ dœ aba tshebabale. Œmœ dá zu 'e lœ Yisu Kristu lœ awa nœ kœyisœ ɔtshɔ O'o fœ 'e.

¹⁶Mœ sœ kœki fœ 'e adœke 'e mbœrœtœ 'e lindœ mara kœmbœrœtœ nœ mœ.

¹⁷Mbœrœ tœnœ ataa dá mœ vwa Timote fœ 'e, gbolo nœ mœ á mœ yindœ ye waa yé á tshe sœ kœzatœ ye fœ Gbozu. Tshe kpa yi bala sœ awa akwa nœ soro nœ mœ ga ndœ Kristu fœ 'e bata á mœ sœ kœyisœ nœ tœ osho kɔ œdœ pe djelœ Ikrizia kɔ.

¹⁸Andaa, anga azu ugurutœ 'e gbe adœke mœ na nene, yé mbœrœ tœnœ ataa á endje sœ kœdu okoro endje.

¹⁹Kashe œdœ Gbozu kœyindœ nœ, mœ na lœ ondonœ asœke kœwu 'e zœ. Dœ tœnœ ataa, mœ para adœke mœ tondœ kolœ o'o nœ aayi kœdu okoro endje

asœmœ nene, kashe mœ para ndje awa kœwu mara akwa á endje sœ kœmbœrœ tœnœ.

²⁰Gbambanœ nene, Ogo gbozu nœ Ndjaba dœdœ o'o nœ tshelœ ama nene, kashe tœnœ kœdœ kœmbœrœ akwa dœ gbɔgbɔ nœ Ndjaba.

²¹Ɔrœ gadœ dá 'e gbe dœ tœnœ a? 'E yindœ nœ adœke mœ na ga ndœ 'e dœ ndjapa too dœ ɔmɔ lɔsu a?

1 Koriti 5

Ekpe ɔtshɔ nœ anga uzu lœ Ikrizia

¹Azu sœ kœpa tœ osho kɔ adœke anga o'o bale tœ upu nœ angba budu, angba budu neke á endje lili kœgbɔ tœnœ ɓa ndœ angbi azu nene: anga yanga 'e bale sœ kœlo dœ awo abanœ.

²Yé 'e sœ kœdu okoro 'e tɔpanœ kpuru! Ɔ li má adœke 'e sœ dœ oyo tœ lɔsu 'e yé œ gɔɔ má ayi kœmbœrœ œrœnœ asœmœ ugurutœ 'e.

³Tœ œmœ nœ mœ, mœ gugu ugurutœ 'e dœ undu mœ nene kashe mœ sœ dœ 'e ngɔngɔnœ asœke bale lœ ishiri, yé mœ wa ngbanga nœ uzu á tshe mbœrœ mara œrœnœ asœmœ ɓata mœ sœ má lima tœ œscœnœ zœ:

⁴lɔndɔ á 'e kœngbɔtœ 'e ga tœnœ yé á mœ sœ ugurutœ 'e lœ ishiri, 'e wa ngbanganœ asœmœ lœ gbɔgbɔ nœ Gbozu nœ azœ dœ Yisu,

⁵dœ mara adœke 'e za uzu ataa fœ Satana mbœrœ adœke undu ye ndi, yeka á ishiri ye kœshe dœ lɔkɔ á Gbozu œ wa dœ ngbanga.

⁶Ádá nœ kœdu okoro 'e gugu nene. 'E wuwusœ nœ dœ ɔtshɔnœ adœke ɔyo kœsuku mapa kœsœ teasho, œ suku kœdjanga mapa djigi nene a?

⁷'E gitœ 'e lœ ongboro ɔyo kœsuku mapa yé œ te tafo mapa, mbœrœ ɔyo kœsuku mapa gugu lœ 'e nene. Gbambanœ nene, Kristu á tshe dœ Aya pata Pake nœ azœ, endje za lima she tœ tokóró.

⁸Ataa, a mbœmbœrœ angbo nœ azœ dœ mapa á suku dœ ongboro ɔyo kœsuku mapa too dœ ɔyo kœsuku mapa nœ ngbindirœ nene, kashe a mbœrœ tœnœ dœ mapa neke á gugu dœ ɔyo kœsuku mapa lœnœ nene, œneke á sœ yerœ œdœ lœ adjapu.

⁹Bala mbeti á mœ su utshunœ, mœ su o'o fœ 'e adœke 'e sœsœ tœ œscœnœ bale dœ azu á endje sœ kœmbœrœ angba budu nene.

¹⁰Mœ gbege lima ga pa azu kɔ pa ɔshɔ á endje sœ kœmbœrœ angba budu, á endje sœ dœ tshalɔsu, á endje dœ aayi angba too aayi kœdonga andjaba nene. Ɔ kœsœ má ataa, œ li má adœke 'e gi tœ 'e pa tshapashɔ asœke ye.

¹¹Mœ su ga la mbetincœ fœ 'e adœke 'e ngbɔngbɔtœ 'e dœ uzu á tshe za i'iri Kristu ga pa ye, yé á dœ ayi angba budu, aayi tshalɔsu, aayi kœdonga andjaba, aayi kœpa o'o nœ wala, amœndjondjo too aayi angba nene. Œ lili adœke 'e zi œrœ tœ œsœncœ dœ mara uzu ataa nene.

¹²Yé upu nœ mœ kœdœ adœke mœ wa ngbanga nœ azu á endje sœ ba ushu a? Œ œ nene. Kashe, œ dœdœ azu nœ Kristu dá 'e li má kœwa ngbanga nœ endje nene a?

¹³Ndjaba dá wa bala ngbanga nœ azu tshashu. 'E gɔɔ hawo uzu ugurutœ 'e ye.

1 Koriti 6

Kœpa ngbanga ugurutœ aayazu

¹Lɔkɔ á 'e kœsœ dœ o'o ugurutœ 'e, mbœrœ gadœ á 'e sœ kœgbe kœna kœto meza ba ndœ ayingba Ndjaba adœke endje wa ngbanganœ, yé á tshapu kœna ga ndœ ayerœ azu a?

²E wuwusœ nœ adœke azu á endje sœ yerœ œ wa bala ngbanga nœ azu tshapashɔ asœke nene a? Yé á kœsœ adœke 'e wa ngbanga nœ azu tshapashɔ, 'e li kœwa ngbanga nœ o'o á sœ dœ ádá teasho nene a?

³'E wuwusœ nœ adœke a wa bala ngbanga nœ aandjelu nene a, yeka á kœdœ tœ o'o nœ soro asœ a?

⁴Andaa, lɔkɔ á 'e kœsœ dœ mara ngbanga ataa, 'e sœ kœpandœ nœ fœ angbi azu á endje gugu lœ lkrizia nene adœke endje wa o'onœ a?

⁵Mœ sœ kœpa tœncœ mbœrœ kœza tshula fœ 'e. Ataa, anga uzu kœwusœrœ á tshe li kœwa ngbanga ugurutœ aayazu gugu ugurutœ 'e nene a?

⁶Kashe, œ li adja adœke anga yazu bale pa ngbanga dœ ayancœ ba utshu ayingba Ndjaba ye a?

⁷Œ sœ adjapu adœke kœpa ngbanga ugurutœ 'e sœ kœma adœke 'e yo ye. Mbœrœ gadœ á 'e wuwusœ kœru lɔsu 'e tœ œrœ á sœsœ ndjii nene, tœ œsœncœ adœke 'e pa ngbanga dœ aaya 'e a? Mbœrœ gadœ á 'e kakatœ nœ adœke endje ko œrœ tœ 'e nene a?

⁸Kashe e'e dá sœ kœmbœrœ œrœ á sœsœ ndjii nene, yé á sœ kœko œrœ tœ anga azu. 'E sœ kœmbœrœ ataa ga tœ aaya 'e!

⁹'E wuwusœ nœ adœke azu á endje sœ kœmbœrœ œrœ á sœsœ ndjii nene œ gbɔ bala Ogo gbozu nœ Ndjaba nene a? Uzu fafara 'e nene! Œdœ aayi angba budu, œdœ aayi kœdonga andjaba, œdœ aayi kœpara awo azu, œdœ ayakoshe á endje sœ bata ayashe, œdœ ayakoshe too ayashe á endje sœ kœlo dœ anga endje,

¹⁰ædœ aayi angba, ædœ aayi tshalɔsu, ædœ amœndjondjo, ædœ aayi kœpa o'o nœ wala, ædœ agbangba kœzi angba, uzu bale œ gbɔ Ogo gbozu nœ Ndjaba nene.

¹¹'E wu mara á anga anga 'e sœ lima dœ tœnœ ugurutœ 'e dœ mœ. Kashe Ndjaba nœ azœ djuto 'e, tshe fa 'e tœ ayerœ azu, tshe fa 'e tœ azu ndjii lœ ì'iri Gbozu Yisu Kristu ædœ pe lœ awa Ìshiri nœ ye.

Kœdonga Gbozu dœ undu zœ

¹²Anga azu ugurutœ 'e sœ kœpa adœke: «Endje papakata mœ tœ œrœ bale nene», kashe œ dœdœ œrœ kɔ dá sœ dœ ɔtshœnœ nene. Mœ li má kœpa adœke: «Endje papakata mœ tœ œrœ bale nene», kashe mœ yiyindœ nœ adœke mœ te kanga nœ œrœ bale nene.

¹³'E sœ kœpa adœke: «Rœgo sœ mbœrœ uvu, yé uvu sœ mbœrœ rœgo.» Œ sœ adjapu, kashe Ndjaba œ ndi tshelœ nœ kɔ bibisha ye. Kashe undu uzu sœsœ mbœrœ angba budu nene. Undu uzu sœ mbœrœ Gbozu, yé Gbozu sœ mbœrœ undu uzu.

¹⁴Andaa Ndjaba á tshe she Gbozu lœ akuzu, tshe she ndje azœ bala lœ akuzu dœ gbɔgbɔ nœ ye.

¹⁵'E wuwusœ nœ adœke undu 'e kœdœ œrœ kotœ undu Yisu Kristu nene a? Mœ lii kœza œrœ kotœ undu Yisu bale adœke mœ fa tœ œrœ kotœ undu gugati ye a? Adja mœ mbœrœ ataa bale nene!

¹⁶'E wuwu ndje sœ nœ adœke uzu á tshe kœngbœtœ ye bale dœ gugati, endje wuta dœ she undu bale nene a? Gbambœnœ nene, endje sú bala buku nœ Ndjaba adœke: «Endje bibisha œ wuta uzu bale.»

¹⁷Kashe uzu á tshe ngbœtœ ye bale dœ Gbozu, endje ngbœtœ endje dœ she bale lœ ishiri.

¹⁸'E kpa awa angba budu. Anga ekperœ kɔ á uzu œ mbœrœ, sœ fa ushu tœ undu ye. Kashe ayi angba budu sœ kœndi undu ye dœ tœ ye.

¹⁹'E wuwusœ nœ adœke undu 'e kœdœ Tepelo nœ ɔtshœ Ìshiri dá sœ lœ 'e ascœmœ nene a? Œ dœdœ Ndjaba dá to fœ 'e nene a? Yé e'e kœdœ ayengɔ undu 'e a?

²⁰Ndjaba yɔɔyɔ 'e œ yɔ. Ataa, œ li adœke 'e donga she dœ undu 'e.

1 Koriti 7

O'o tœ upu nœ totœ

¹Ngɔngɔ ascœke, mœ yindœ kœgi o'o tœ upu á 'e yu lima mœ dœ tœnœ la mbeti nœ 'e adœke: «Œ sœ dœ ɔtshœnœ adœke yakoshe lolo dœ yashe nene.»

²Andaa, ndœ kœkatœ kœmbœrœ œrœ tshula kɔ, œ li dœ ɔtshɔnœ adœke yakoshe bale dœ bale sœ dœ awonœ, yé yashe ndje bale dœ bale sœ dœ akɔnœ.

³œ li adœke yakoshe mbœrœ akwa tsha yakoshe nœ ye ga tœ awonœ, yé yashe ndje awa bale, tshe mbœrœ akwa tsha yashe nœ ye ga tœ akɔnœ.

⁴Yashe lili kœmbœrœ œneke á tshe yindœ nœ ga tœ undu ye dœ tœ ye nene, undu ye sœ mbœrœ akɔnœ. Awa bale ndje, yakoshe lili kœmbœrœ œneke á tshe yindœ nœ ga tœ undu ye dœ tœ ye nene, undu ye sœ mbœrœ awonœ.

⁵'E kukurutshelœtœ 'e pa gbarœ olo nene, kolœnœ adœke 'e kœdjitœ 'e awa bale ndœ olo teasho mbœrœ kœza avwala yekane. Kashe manda nœ, 'e kwatœ 'e ga pa gbarœ olo 'e. Ete nene, 'e li kœru lɔsu 'e nene yé œ za awa fœ Satana adœke tshe wu lɔsu 'e.

⁶O'onœ á mœ sœ kœpa fœ 'e asœmœ, œ dœdœ adœke mœ sœ kœshosho 'e nene, kashe tœnœ kœdœ œrœ á 'e gbe dœ tœnœ á mœ li kœyindœ nœ.

⁷Mœ yi má ndœ nœ adœke uzu kɔ sœ tœ angara b̄ata mœ; kashe Ndjaba sœ kœto kœtorœ fœ uzu dœ uzu kpi tœ œnœ yanga, œneke asœ fœ anga, œneke b̄a 'e fœ angbi anga.

⁸Ataa, mœ sœ kœpa fœ aangara œdœ pe fœ ayashe koya adœke: œ sœ dœ ɔtshɔnœ adœke endje sœpe ataa, b̄ata mœ.

⁹Kashe œdœ endje kœlili kœru lɔsu endje nene, endje totœ endje. Gbambanœ nene, œ sœ dœ ɔtshɔnœ kœro panœ kœtotœ endje tœ œsœnœ adœke undu ndi dœ ogo nœ ɔkɔ.

¹⁰Tœ upu nœ endjeneke á endje totœ endje ye, mœ za awa o'o á toto b̄a ndœ mœ nene kashe á to b̄a ndœ Gbozu, fœ endje adœke: œ lili adœke yashe kurutshelœtœ ye dœ akɔnœ nene.

¹¹œdœ tshe kœkurutshelœtœ ye dœ akɔnœ, œ li adœke tshe kpa i anga yakoshe nene, too œ li adœke tshe kpa djitœ ye dœ akɔnœ. Yé œ lili ndje adœke yakoshe gɔrɔ awonœ nene.

¹²Tœ upu nœ anga endje, œmœ dœ tœ mœ dá sœ kœpa tœnœ kashe œ dœdœ Gbozu nene, adœke: œdœ yakoshe bale á tshe dœ yindœ Ndjaba kœto yashe á tshe dœdœ yindœ Ndjaba nene, yé á yashœnœ yindœ kœsœ dœ she, tshe gɔgɔrɔ she nene.

¹³Yé œdœ anga yashe bale á tshe dœ yindœ Ndjaba kœi ndje yakoshe á tshe dœdœ yindœ Ndjaba nene yé á yakoshœnœ yindœ kœsœ dœ she, tshe vwavwaratœ ye tœ ye nene.

¹⁴Gbambanœ nene, yakoshe á tshe dœdœ yindœ Ndjaba nene, tshe wuta ndoo dœ Ndjaba mbœrœ awonœ á tshe dœ yindœ Ndjaba. Awa ndje bale dœ yashe á tshe dœdœ yindœ Ndjaba nene, tshe wuta ndje ndoo dœ Ndjaba mbœrœ akɔnœ

á tshe dœ yindœ Ndjaba. Ɛ kœsœsœ má atamœ nene, agbolo nœ 'e œ sœ má yerœ nene andaa endje sœ yerœ.

¹⁵Kashe œdœ tsheneke á tshe dœdœ yindœ Ndjaba nene kœyindœ kœkurutshelœtœ ye dœ yindœ Ndjaba á endje totœ endje dœ she, endje katœ ye tshe wuta kolœnœ. Dœ mara o'o ataa, ayindœ Ndjaba á endje totœ endje, œdœ yakoshe too yashe, uzu kaka pa endje nene, mbœrœ Ndjaba e 'e adœke 'e sœ gee lœ soro 'e.

¹⁶Yé œbœ dœ yashe, dœ mara gadœ dá bœ she akœ zœ a? Too œbœ ndje dœ yakoshe, dœ mara gadœ dá bœ she awo zœ a?

Kœsœpe lœ mara á Ndjaba e bœ

¹⁷Andaa, œ li adœke uzu dœ uzu mbœrœtœ ye lindœ kœtorœ á Gbozu to fœ she, yé á tshe sœ lœnœ lœkœ á Ndjaba e lima she. Ɛneke á mœ sœ kœpandœ nœ lœ Ikrizia kœ dœmœ.

¹⁸Ɛdœ endje kœwa lima anga uzu bale tœ gaza dœ lœkœ á Ndjaba e she, tshe papara awa kœmbœrœ adœke œ yiwa nene. Yé œdœ tsheneke á endje kœwawa lima she tœ gaza utshunœ adœke Ndjaba e she nene, œ lili adœke endje wa she nene.

¹⁹Kœwa gaza too kœwawa gaza nene, œ gugu dœ ádá bale nene, kolœnœ adœke 'e mbœrœtœ 'e lindœ awa o'o nœ Ndjaba.

²⁰Ɛ li adœke uzu dœ uzu sœ kolœ lœ mara á tshe sœ lima dœ tœnœ lœkœ á Ndjaba e she.

²¹Ɛbœ kœdœ lima kanga lœkœ á Ndjaba e bœ a? Tœtœ lœsu zœ nene. Kashe œdœ awa kœsœ zœ adœke bœ wuta lœ kanga, mbœrœtœ zœ lindœ nœ.

²²Gbambœnœ nene, kanga á Gbozu e she kœdœ uzu á tshe kpa dœdœ kanga nene yé tshe te uzu nœ Gbozu. Awa bale ndje dœ uzu á tshe dœdœ kanga nene yé á Ndjaba e lima she, œshe kœdœ kanga nœ Kristu.

²³Ndjaba yœ lima 'e lœ kanga ye; 'e tete akanga nœ azu nene.

²⁴Aaya mœ, œ li adœke uzu dœ uzu sœpe tœ ala Ndjaba kolœ bœta á tshe sœ lima utshunœ lœkœ á tshe e she.

Aangara œdœ pe ayashe koya

²⁵Tœ upu nœ aangara, Gbozu kakatœ awa o'o ti fœ mœ nene, kashe mœ sœ kœza gbetshelœ nœ mœ bœta uzu á tshe zatœ ye ndjii, mbœrœ Gbozu ma œtsho lœsu nœ ye ga ndœ mœ.

²⁶Mbœrœ oyo nœ ngœngœ asœke, œneke á mœ sœ kœgbe tœnœ dœke: œ sœ dœ œtshœnœ adœke uzu dœ uzu sœ kolœnœ bœta á tshe sœ asœmœ.

27Ɔedœ bœ kœto yashe ye, papara adœke bœ kurutshelœtœ zœ dœ she nene. Ɔedœ bœ kœtoto yashe nene, papara ndje adœke bœ to yashe nene.

28Kashe œdœ bœ kœto yashe, bœ mbœmbœrœ ekperœ nene. Yé œdœ ovoro yawuru kœi yakoshe, tshe mbœmbœrœ ndje ekperœ nene. Kashe endje á endje totœ endje ascœmœ, endje gbœ kœndanga osho lœ soro nœ endje œncœ ɔkɔ, yé œmœ, mœ yi má ndœ kœgbœndœ 'e mbœrœ tœncœ.

29Aaya mœ, o'o á mœ yindœ kœpa fœ 'e dœke: a kpa sœsœpe dœ olo ndjoro nene. Kœto ngœngœncœ ascœke, œ li adœke endjeneke á endje to ayashe, endje sœ bœta endje gugu dœ ayashe nene;

30endjeneke á endje sœ tœ iki, endje sœ bœta endje sœsœ tœ iki nene; endjeneke á endje sœ dœ yanga, endje sœ bœta endje gugu dœ yanga nene; endjeneke á endje sœ kœyɔ œrœ, endje sœ bœta endje gugu dœ tœncœ nene.

31Ɔe li adœke azu á endje sœ kœshe mbœrœ œrœ nœ tshapashɔ ascœke, sœ bœta endje sheshe mbœrœ tœncœ nene. Gbambœncœ nene, tshapashɔncœ bœta á sœ ascœ, œndœncœ œ di nene.

32Mœ yiyindœ nœ adœke 'e sœ dœ gbetshelœ nene. Tsheneke á tshe toto yashe nene, tshe sœ kœzatœ ye ga tœ akwa nœ Gbozu: Tshe sœ kœpara adœke œne mbœrœ œrœ á sœ kœza yanga fœ Gbozu.

33Kashe tsheneke á tshe to yashe ye, tshe sœ kœgbe kolœ dœ œrœ nœ tshapashɔ ascœke: tshe sœ kœpara adœke œne mbœrœ œrœ á sœ kœza yanga fœ awo œne.

34Yé dœ tœncœ ataa, lœsu ye sœ ga pa œrœ bisha. Ɔe sœ ndje awa bale ataa mbœrœ yashe too ovoro yawuru á tshe i i yakoshe nene, yé á sœ kœgbe kolœ kœmbœrœ akwa nœ Gbozu mbœrœ á kœsœ yerœ lœ undu ye œdœ lœ ishiri. Kashe yashe á tshe i yakoshe, tshe sœ kœgbe dœ œrœ nœ tshapashɔ ascœke yé œ sœ kœpara adœke œne mbœrœ œrœ á sœ kœza yanga fœ ako œne.

35Mœ pa o'œncœ ascœmœ mbœrœ ɔtshœrœ á sœ mbœrœ 'e, kashe mœ sœsœ kœkapa 'e nene. Mœ yindœ nœ adœke 'e mbœrœ œneke á li adœke 'e sœ dœ ɔtshœncœ, yé œ zatœ 'e djigi fœ Gbozu.

36Ɔedœ anga ovoro yakoshe kœyindœ kœto yashe, yé á endje kpa wa adœke œne totœ œne nene, endje mbœrœ dœ ɔtshœncœ. Á ovoro yakoshœncœ kœwu adœke œne sœ dœ ogo awo œne tœpanœ kpuru, yé á wu ndje adœke œne kœtoto she nene dá œne mbœrœ ekperœ, œ sœ dœ ɔtshœncœ adœke endje totœ endje bœta á endje gbe dœ tœncœ. Ascœmœ dœdœ œ ekperœ nene.

37Kashe œdœ ovoro yakoshœncœ kœdjidji azu á endje sœ kœshosho she nene, yé á wa dœ tœ ye ba lœsu ye adœke œne to koje nœ œne nene, œdœ tshe kœli kœeru lœsu ye tœ ogo ɔkɔ, tshe mbœrœ ɔtshœrœ.

³⁸Ataa, tsheneke á tshe kœto koje nõe ye, tshe mbœerœ ɔtshœrœ. Kashe tsheneke á tshe kœvwaratœ ye kœto koje nõe ye, œshe asœmœ kpa mbœerœ ɔtshœrœ kœrosœnœ.

³⁹Yashe á tshe dœ awo uzu, sœ tœ œsœnœ dœ ɔkœnœ lœkœ á tshe sœpe dœ soro. Kashe œdœ akœnœ kœtshu ye, tshe li kœi angbi yakoshe á tshe yindœ ye. Œ li ndje adœke yakoshœnœ dœ yindœ Kristu.

⁴⁰Andaa, tœ mœ, mœ gbe adœke tshe sœ dœ yanga kœrosœ nõe œdœ tshe kœsœ kolœ ataa. Yé œmœ ndje, mœ wusœ nõe adœke Ishiri nõe Ndjaba sœ dœ mœ awa bale.

1 Koriti 8

Songba agea á endje to tœ tokóró fœ andjaba

¹Tœ upu nõe songba agea á endje to dœ tokóró fœ andjaba, œ sœ adjapu adœke azœ kœ, a sœ dœ kœwusœrœ lœ nõe bœta á 'e sœ kœpa tœnœ. Kœwusœrœ sœ kœza egerœ kumu fœ uzu, kashe kœyindœsho sœ kœto gbœgbœ ga ugurutœ azu.

²Œdœ uzu kœsœ kœgbe adœke œne wusœ œrœ waa, asœmœ sœ kœma adœke tshe wuwu damba sœ œrœ bœta á li má adœke tshe wusœ nõe nene.

³Kashe tsheneke á tshe yindœ Ndjaba, Ndjaba wu ndje sœ ye yé.

⁴Ataa, a li kœzi songba agea á endje za tœ tokóró fœ andjaba ye a? A wusœ nõe adœke andjaba kœdœ œrœ gbambœnœ pa tshapashœ, yé anga andjaba gugu nene, kolœ Ndjaba tshebabale.

⁵Gbambœnœ nene, ataa œdœ anga azu kœgbe adœke andjaba sœ ba lafo too ba pa ɔshœ, œ sœ adjapu adœke andjaba œdœ agbozu sœ ndjoro,

⁶a wusœ nõe adœke Ndjaba sœ kolœ tshebabale. Œshe kœdœ Aba azœ á tshe mbœerœ œrœ kœ, yé a sœ kœshe mbœerœ she. A sœ dœ Gbozu nõe azœ tshebabale Yisu Kristu. Lœ awa nõe ye dá Ndjaba mbœerœ œrœ kœ, yé a sœ dœ soro mbœerœ she.

⁷Kashe ayindœ Kristu kœ wuwusœ adjapunœ asœ nene. Anga endje sœpe dœ gbetshelœ nõe andjabanœ asœmœ lœ kumu endje dœ mara adœke œdœ endje kœzi songba agea á endje to tœ tokóró fœ andjaba, endje sœ kœgbe adœke endje to fœ adja Ndjaba, yé endje mœ lœ gbetshelœ nõe endje. Mbœerœ tœnœ ataa, endje gbe adœke œne kœdœ aayi uburu.

⁸Andaa, œ dœdœ rœgo dá gi azœ ndoo dœ Ndjaba nene. Œdœ a kœvwaratœ azœ kœzi tœnœ, a sœ ga manda nõe nene. Yé œdœ a kœzi ndje gbaa na, a gbœ œrœ bale nene.

⁹Kashe, 'e sœ dœ gbɔdjela adœke mara á 'e sœ kœmbœrœ dœ œrœ kɔ asœmœ, yiyi endjeneke á endje mɔɔmɔ lœ kœyindœrœ nœ endje ga lœ ekperœ nene.

¹⁰Gbambanœ nene, œdœ uzu á tshe mɔɔmɔ lœ kœwusœrœ nœ ye asœmœ kœwu bœ á bœ sœ dœ kœwusœrœ, yé á bœ li ga lœ Tepelo nœ andjaba, tshe gbɔ gbɔgbɔ nœ kœzi songba agea á endje to dœ tokóró fœ andjabanœ asœmœ nene a?

¹¹Yé mbœrœ tœnœ ataa, kœwusœrœ nœ zœ œ ndi uzu á tshe mɔɔmɔ asœmœ. Kashe wusœ nœ adœke œshe kœdœ aya zœ á Kristu tshu mbœrœ she!

¹²œdœ 'e kœmbœrœ mara ekperœ ataa ga tœ aaya 'e yé á ndi gbetshelœ nœ uzu á tshe mɔɔmɔ, dá 'e mbœrœ ekperœ fœ Kristu dœ tœ ye.

¹³Mbœrœ tœnœ ataa, œdœ kœzirœ kœsœ kœyi aya mœ ga lœ ekperœ, mœ kpa zi songba agea bale nene, mbœrœ á kœyiyi aya mœ ga lœ djingili nene.

1 Koriti 9

Mara kœmbœrœ akwa nœ Polo

¹œmœ kœdœ kanga a? Mœ dœdœ ayi avwa nene a? Mœ wuwu Yisu á tshe dœ Gbozu nœ azœ nene a? 'E dœdœ azu ndœla akwa nœ mœ lœ Gbozu nene a?

²œdœ mbœrœ anga azu mœ kœdœdœ ayi avwa nene, kashe mbœrœ 'e nœ 'e, œmœ kœdœ ayi avwa. Gbambanœ nene, e'e kœdœ œrœ á sœ kœma tshambele akwa nœ mœ bata ayi avwa lœ Gbozu.

³O'o á mœ sœ kœgi fœ azu á endje sœ kœpatœ mœ dœke:

⁴'A lili má kœyœndœ kœzirœ too kœndjœrœ ba ndœ 'e nene a?

⁵'A lili má kœna dœ anga yashe á tshe dœ yindœ Kristu bata anga aayi avwa, aaya Gbozu œdœ pe Petro sœ kœmbœrœ tœnœ nene a?

⁶Kolœ mœ kutu mœ œdœ Barnabase dá li ndœ kœmbœrœ akwa yeka á kœzi œrœ a?

⁷œdœ lœ akwa turugu dá mbœrœ akwa dœ ngendja nœ ye dœ tœ ye a? œdœ dá lu ɔyɔ vinu, yé á zizi elenœ nene a? Too uzu dœ dá sœ kœgbœndœ angombe yé á ndjondjo ungu œngœ endje nene a?

⁸Tœnœ kœdœ kolœ o'o nœ azu dá mœ pa asœmœ, too awa akwa sœsœ kœpa awa bale ataa nene a?

⁹Gbambanœ nene, endje sú bala buku nœ awa akwa nœ Moyize adœke: «Bœ i ama ngombe ga tœnœ nene lœkɔ á bœ kœsœ kœmbœrœ she dœ akwa ble.» Ndjaba sœ kœkitœ œsœ angombe a?

10 Ɔe dóédóé azoé dá tshe sœ kœpa o'onœ tœ azoé nene a? Adjapu, endje sù o'onœ asœmœ mbœrœ azoé. Gbambanœ nene, uzu á tshe djo kindi dœ pe tsheneke á tshe bi indji ngwarœ, uzu dœ uzu sœ kœmbœrœ dœ gbetshelœ nœ kœgbœ œsœ œnœ ye.

11 Ɔedœ 'a kœyi lima sœ o'o ama Ndjaba fœ 'e, œ sœ má dœ ekpenœ waa ye adœke 'a yœndœ œrœ tœ 'e a?

12 Ɔedœ anga azu kœsœ kœyœndœ œrœ tœ 'e, mbœrœ gadœ á a'a nene a? Andaa, 'a yœyœ lima ndœ œrœ nene. Kashe 'a gbœndœtœ 'a mbœrœ á 'a kœzaza œrœ ku lœ awa Ɔtshœ O'o nœ Kristu nene.

13 'E wuwusœ nœ adœke azu neke á endje sœ kœmbœrœ akwa ba lœ anda nœ Ndjaba sœ kœgbœ kœzœrœ kpœtœmœ nene a? Yé endjeneke á endje sœ kœto tokóró ba pa ndaba, sœsœ ndje kœgbœ œsœ œnœ endje kœzœrœ kpœpa ndabanœ nene a?

14 Awa bale, Gbozu za awa tœ upu nœ endjeneke á endje sœ kœpandœ Ɔtshœ O'o adœke endje sœ ndje dœ soro mbœrœ tœnœ.

15 Kashe œmœ, mœ zaza awa o'onœ asœmœ bale ga tœ akwa nene, yé mœ susu mbetœnœ asœmœ mbœrœ kœyœndœ œrœ nene. Mœ yi má ndœ kœtshu tœnœ, tœ œsœnœ adœke endje gbœtœ upu nœ egerœ kumunœ asœ tœ mœ.

16 Dœ adjapu, kœpandœ Ɔtshœ O'o dóédóé œrœ nœ egerœ kumu ba ndœ mœ nene, kashe tœnœ kœdœ œrœ á li adœke mœ mbœrœ. Mœ sœ dœ oyo tœ lœsu mœ œdœ mœ kœpapandœ Ɔtshœ O'o nene.

17 Ɔedœ mœ dœ tœ mœ dá wa lima adœke mœ mbœrœ akwanœ asœmœ, mœ yi má lima ndœ nœ adœke endje ko ngendja tshangbanœ fœ mœ ye. Kashe bata á endje za mœ dœ œgbœ ga tœnœ, mœ mbœrœ kolœ akwa á Gbozu za fœ mœ.

18 Ataa, ngendja tshangba akwa nœ mœ kœdœ ga œ? Tœnœ kœdœ kœpandœ Ɔtshœ O'o gbambanœ á mœ sœ kœpandœ nœ, kashe mœ zaza awa o'o á Ɔtshœ O'onœ asœmœ za fœ mœ ga tœ akwa nene.

19 Mœ dóédóé kanga nœ uzu bale nene. Andaa, mœ zatœ mœ tœ kanga nœ azu para mbœrœ kœgbœ azu ndjoro fœ Yisu.

20 Mœ sœ lima kœsœ ugurutœ Ayuda bata Yuda mbœrœ kœgbœ Ayuda. Ataa mœ sœsœ tshakudu awa akwa nœ Moyize nene gbaa, mœ sœ kœmbœrœtœ mœ bata azu á endje sœ tshakudunœ mbœrœ kœgbœ endjeneke á endje sœ tshakudu awa akwa.

21 Awa bale ndje, lœkœ á mœ kœsœ dœ endjeneke á endje sœsœ tshakudu awa akwa nene, mœ sœ kœmbœrœtœ mœ bata endje, kashe mœ sœsœ kœgbe dœ awa akwanœ asœmœ nene mbœrœ kœgbœ endje. Ɔe yiyœndœ kœpa adœke mœ

wuwusœ awa akwa nœ Ndjaba nene, gbambancœ nene, mœ zatœ mœ ga tshakudu awa akwa nœ Kristu.

²²Mœ sœ ugurutœ azu á endje mɔɔmɔ lœ kœyindœrœ bata œmœ ndje mœ mɔɔmɔ mbœrœ kœgbɔ endje. Mœ zatœ mœ djigi fœ endje para mbœrœ kœshe angata endje dœ mara kɔ.

²³Yé œneke asœmœ kɔ, mœ sœ kœmbœrœ tœncœ mbœrœ Ɔtshɔ O'o yeka á kœgbɔ œrœ á to lœ awa nœ Ɔtshɔ O'onœ asœmœ.

²⁴'E wuwusœ nœ adœke aayi kœkpa ɔɔ kœkpa ɔɔ nœ endje œrrr, kolœ anga bale dá gbɔ œrœ tshangbancœ nene a? 'E kpa ɔɔncœ dœ mara adœke 'e wuta utshunœ.

²⁵Aayi mɔɔ kɔ sœ kœpa avwara ndœ kœgbɔ kpoto tshagbozu á ndi bala ye, kashe œncœ azœ kœdœ kpoto tshagbozu á ndi bala bale nene.

²⁶Mbœrœ tœncœ ataa, œmœ, mœ sœ kœkpa ɔɔ dœ mara ataa: mœ sœsœ kœkpa ɔɔ nœ ayibula nene; yé mœ sœ kœdu koshe atake: mœ dudu koshe lœ angbalancœ nene.

²⁷Kashe mœ sœ kœmbœrœ ɔgbɔrœ ga tœ undu mœ, yé œ sœ kœgbɔndœ nœ dœ ɔgbɔ kparawa adœke manda kœmɔndœ Ɔtshɔ O'o fœ anga azu, á Ndjaba kœvwaratœ ye tœ mœ nene.

1 Koriti 10

O'o tœ upu nœ andjaba

¹Alaya, mœ yiyindœ nœ adœke œndœ œrœ á wuta lima ga tœ alata azœ lɔndo nœ Moyize djedjerœ 'e nene: ondoro gbɔ lima ndœ alata azœ para, endje para kɔkɔ zu lima tɔ la egerœ ungu.

²Endje para gbɔ lima batisimu lœ kœngbɔtœ endje bale dœ Moyize ba lœ ondoro dœ pe la egerœ ungu.

³Endje para sœ lima kœzi ala œrœ bale nœ ishiri.

⁴Endje para sœ lima kœndjo ungu bale nœ ishiri. Gbambancœ nene, ungu á endje sœ lima kœndjo tœncœ to lœ badja nœ ishiri á sœ kœna dœ endje awa bale. Badjancœ asœmœ kœdœ lima Kristu.

⁵Andaa, ɔtshɔ anga endje ndjoro ugurutœ endje gaga lima tœ ala Ndjaba nene, mbœrœ endje sœ lima kœtshu tœncœ kpɔɔ lœ kpagagasho.

⁶œrœ ataa mbœrœ lima tœ endje mbœrœ á ala azœ kœgbɔ adœke a kœsœsœ dœ ekpe ogo œrœ bata á endje sœ lima dœ tœncœ nene.

⁷E dodonga andjaba bata anga endje ugurutœ endje mbœerœ nene. Ataa, endje sú ba la buku nœ Ndjaba adœeke: «Azú sœ lima ga atí ndœ kœzi œerœ dœ pe kœndjo œerœ; manda nœ endje alafo ndœ mɔɔ.»

⁸A kakatœ tœ azœ tí ndœ angba budu bata anga endje ugurutœ endje mbœerœ lima nene: azú tshu kutu zazu bale dœ voto (23.000) kolœ ndœ ɔɔ bale.

⁹A papara kœwu lœsu Gbozu nœ azœ nene, bata anga azú ugurutœ endje mbœerœ yeka á tshu lima kuzu kœde osho nœ ayakoro.

¹⁰Ataa, 'e pupu lœ ma 'e bata anga endje ugurutœ endje sœ lima kœpu lœ ma endje nene, yé á andjelu nœ kuzu wo lima endje.

¹¹œerœ ataa wuta lima ga tœ endje mbœerœ adœeke ala anga endje kœgbɔ, yé endje sú ga la mbeti ndœ kœmí dœ upu fœ azœ á a ndo dœ ndɔngɔɔ tshapashɔ.

¹²Ataa, kaka tsheneke á tshe gbe adœeke œene ka dœ ada œene, zatœ ye ga lœ vola adœeke œene tete nene.

¹³Kœwu lœsu á 'e sœ lænœ, sœ awa bale mbœerœ azú kɔ. Ndjaba sœ kœmbœerœtœ ye lindœ o'o ye; tshe yindœ nœ adœeke endje wu lœsu 'e kœropa gbɔgbɔ nœ 'e nene. Lœ kœwu lœsu, tshe yisœ mara nœ kœwuta lœ nœ œdœ gbɔgbɔ nœ kœshi gbí lœ nœ fœ 'e.

¹⁴Mbœerœ tœnœ ataa, aaya mœ á mœ yindœ 'e waa, 'e titœ 'e tœ andjaba.

¹⁵Mœ sœ kœpa o'o fœ 'e bata fœ azú á endje wusœ kœtondœ o'o, 'e wa œeneke á mœ sœ kœpa fœ 'e asœ dœ tœ 'e.

¹⁶Yashi á a sœ kœdonga Ndjaba mbœerœ tœnœ, ngbɔngbɔba azœ ga tœnœ bale dœ indji Kristu nene a? Mapa á a sœ kœkavwatshelœ nœ, ngbɔngbɔba azœ ga tœnœ bale dœ undu Kristu nene a?

¹⁷Mapa sœ tshebabale, ataa a sœ ndjoro gbaa, a wuta undu tshebabale. Gbambanœ nene, azœ para a sœ kœzi kolœ mapanœ á sœ tshebabale asœmœ.

¹⁸'E wu azú Israyele: endje á endje sœ kœzi agea á endje to tœ tokóró, ngbɔngbɔtœ endje awa bale ndœ kœdonga Ndjaba ba indiri ndaba nene a?

¹⁹O'o gadœ dá mœ kœpa a? Songba agea á endje to tœ tokóró fœ andjaba too andjabanœ dœ tœ endje sœ dœ ádá waa ye a?

²⁰œ nene! Kashe tokórónœ á ayingba Ndjaba sœ kœto tœnœ, kœdœ œnœ ekpe ishiri yé œ dœdœ œnœ Ndjaba nene. Mœ yiyindœ nœ adœeke 'e ngbɔbatœ 'e ga tœ œsœnœ bale dœ aekpe ishiri nene.

²¹œ lili adœeke 'e sœ kœndjo œerœ dœ yashi nœ Gbozu œdœ ndje dœ œnœ ekpe ishiri nene. œ lili adœeke 'e zi œerœ pa ndaba kœzirœ nœ Gbozu œdœ ndje pa œnœ ekpe ishiri nene.

³Andaa, mœ yindœ nœ adœke 'e wusœ neke: gbozu tshapa azu para kœdœ Kristu, gbozu tshapa yashe kœdœ yakoshe; gbozu tshapa Kristu kœdœ Ndjaba.

⁴Yakoshe kɔ á tshe sœ kœza avwala too á tshe sœ kœgbara o'o ama Ndjaba á i kumu ye, gu œsœ gbozu nœ ye.

⁵Kashe yashe kɔ á tshe sœ kœza avwala too á tshe sœ kœgbara o'o ama Ndjaba á i i kumu ye nene, gu œsœ gbozu nœ ye. Gbambanœ nene, œ sœ adja bata tshe li sukumu ye pa ye.

⁶Ɔdœ yashe kœi i kumu ye dœ siriki nene, tshe li sukumu ye! Kashe œsœ tshula mbœrœ yashe kœli sukumu ye too kœwa tshapanœ; œ li adœke tshe i kumu ye dœ siriki.

⁷Ɔ lili adœke yakoshe i kumu ye dœ siriki nene; œshe kœdœ ishiri dœ pe moko nœ Ndjaba. Kashe yashe kœdœ moko nœ yakoshe.

⁸Gbambanœ nene, œ dœdœ yakoshe dá to lœ yashe nene, kashe yashe dá to lœ yakoshe.

⁹Yé Ndjaba mbœmbœrœ yakoshe mbœrœ yashe nene, kashe yashe dá tshe mbœrœ she mbœrœ yakoshe.

¹⁰Mbœrœ tœnœ ataa, œ li adœke yashe i kumu ye dœ siriki ndœ kœma ambára tshagbozu nœ ye ba utshu aandjelu.

¹¹Andaa ba utshu Gbozu, yashe sœ mbœrœ yakoshe, yé yakoshe sœ mbœrœ yashe.

¹²Gbambanœ nene, ataa yashe to lima lœ yakoshe gbaa, yashe dá zu yakoshe, yé kɔkɔ to ba ndœ Ndjaba.

¹³'E wa ngbanganœ dœ tœ 'e, œ sœ dœ ɔtshɔnœ adœke yashe kœsœ kœza avwala fœ Ndjaba, tshe i i kumu ye dœ siriki nene a?

¹⁴Tshapashɔ dœ tœ ye yiyisœ œrœ fœ 'e adœke œ sœ dœ ekpenœ mbœrœ yakoshe kœsœ dœ ugu sukumu nene na a?

¹⁵Tœnœ kœdœ moko mbœrœ yashe, gbambanœ nene, Ndjaba to lima ugu sukumu fœ she tœ œsœ siriki.

¹⁶Kashe œdœ uzu kœyindœ kœshara tœnœ, a'a œdœ azu Ikrizia nœ Ndjaba, 'a sœsœ dœ anga angbi mara kœsœ nene.

Kœzirœ nœ Gbozu

(Wu ba tœ Mat 26.26-29; Mar 14.22-25; Luk 22.15-20)

¹⁷Bata á mœ sœ kœmi upu fœ 'e, mœ sœsœ kœdonga 'e nene. Gbambanœ nene, angbɔtœ nœ 'e sœsœ kœgi 'e ga utshunœ nene, kashe œ sœ kœyi 'e ga lœ ekperœ.

18Utshunœ kɔ, azu sœ kœpa fœ mœ adœke lɔkɔ á 'e sœ kœngbɔtœ 'e lœ angbɔtœ, 'e sœ kœkurutshelœtœ 'e ugurutœ 'e, yé mœ wu adœke anganœ, œtœnœ kœdœ adjapu.

19ƆE li adœke 'e kurutshelœtœ 'e ataa yeka á a kœwusœ endjeneke ugurutœ 'e á endje sœ kœshi gbi lœ kœwu lœsunœ asœmœ.

20Kashe, lɔkɔ á 'e sœ kœngbɔtœ 'e awa bale ndœ kœzĩrœ nœ Gbozu, œ dœdœ adja kœzĩrœ nœ Gbozu dá 'e sœ kœzi tœnœ nene.

21Gbambanœ nene, dœ lɔkɔ kœzi œrœ, uzu dœ uzu sœ kœgbɔgbɔtœ ye ndœ kœzĩrœ nœ ye dœ tœ ye, dœ mara adœke anga uzu sœ dœ ogo, yé anga ndjo œrœ œ mbœrœ she.

22Ataa, 'e sœsœ dœ anda ndœ kœzi œrœ dœ pe kœndjo œrœ nene a? Too 'e sœ kœtshene Ikrizia nœ Ndjaba yé œ yindœ kœgu endjeneke á endje gugu dœ œrœ nene a? O'o gadœ á mœ kœpa fœ 'e a? ƆE li adœke mœ donga 'e a? Bale nene, kpœpa o'onœ asœmœ, mœ sœsœ kœdonga 'e nene.

23Yé, 'e wu œneke á mœ gbɔ ba ndœ Gbozu dá mœ sœ kœyisœ nœ fœ 'e asœ: Gbozu Yisu, lœ butshɔ á endje za lima she ga tshaabrœ azu asœmœ, tshe za mapa,

24yé manda kœdonga Ndjaba, tshe kavwa tshelœnœ yé á pa adœke: «Asœke kœdœ undu mœ á sœ mbœrœ 'e, 'e mbœrœ atamœ mbœrœ kœgbe dœ mœ.»

25Tshe mbœrœ awa bale ataa manda kœzĩrœ, œ za yashi á pa adœke: «Yashinœ asœke kœdœ tafo ayo lœ indji mœ, 'e mbœrœ ataa ɔlɔ dœ ɔlɔ á 'e kœsœ kœndjo tœnœ, mbœrœ kœgbe dœ mœ.»

26Gbambanœ nene, ɔlɔ dœ ɔlɔ á 'e kœsœ kœzi mapa asœ dœ pe kœndjo vinu asœ, 'e sœ kœmindœ kuzu Gbozu œrrr ga tœ olo kœkwa she.

27Mbœrœ tœnœ ataa, tsheneke á tshe sœ kœzi mapa too á tshe sœ kœndjo vinu nœ Gbozu dœ mara adœke tshe lilisœ ye nene, tshe gbɔ bala o'o mbœrœ undu œdœ indji Gbozu.

28Uzu dœ uzu tondœtœ ye dœ tœ ye utshu nœ yeka á kœzi mapa œdœ kœndjo vinu asœ.

29Gbambanœ nene, tsheneke á tshe zi yé á ndjo tœnœ, á wuwusœ ádánœ nene, sœ kœwa ɔgbɔ ngbanga ga tœ ye dœ tœ ye.

30Wu mbœrœ tœnœ ataa, aayi koba dœ agbakĩndi sœ ugurutœ 'e ndjoro, yé anga endje ndjoro tshu ye.

31ƆEdœ a kœsœ kœtondœtœ azœ dœ tœ azœ, Gbozu œ wa ngbanga ga tœ azœ nene.

³²Kashe Gbozu sœ kœwa ngbanga ga tœ azœ mbœrœ kœyɔɔ azœ adœke endje kœwawa ɔgbɔ ngbanga ga tœ azœ œdœ azu nœ tshapashɔ nene.

³³Ataa, aaya mœ, lɔkɔ á 'e kœngbɔtœ 'e ndœ kœzi kœziɔœ nœ Gbozu, 'e kate anga anga 'e.

³⁴œdœ uzu kœsœ dœ ogo, tshe zi œrœ ba sœnda nœ ye mbœrœ adœke 'e kœgbogbota kœwa ɔgbɔ ngbanga ga pa 'e lœ kœngbɔtœ 'e nene. Mbœrœ udu anga o'o, mœ guma dœ lɔkɔ á mœ na bala ga ndœ 'e.

1 Koriti 12

Kœtorœ nœ ɔtshɔ Ishiri

¹Alaya, tœ upu nœ kœtorœ nœ ɔtshɔ Ishiri, mœ yiyindœ nœ adœke 'e tshapu kœwusœ nœ nene.

²'E wusœ nœ adœke, lɔkɔ á 'e dœdœ lima ayindœ Yisu nene, 'e lili lima kœru lɔsu 'e nene kœna manda andjaba á endje sœsœ kœpa o'o nene.

³Mbœrœ tœnœ ataa, mœ sœ kœpandœ nœ fœ 'e adœke: uzu bale nene á tshe sœ dœ Ishiri nœ Ndjaba, lili kœpa nene adœke: «Mœ darandœ Yisu» yé uzu bale nene lili kœpa nene adœke: «Yisu kœdœ Gbozu», œdœ ɔtshɔ Ishiri kœpapandœ nœ fœ she nene.

⁴Tshelœ aka kœtorœ nœ ɔtshɔ lɔsu ngba waa, kashe kolœ tshetœ Ishiriœ ascœmœ kutu ye dá sœ kœkurutshelœ nœ.

⁵Tshelœ aka kœmbœrœ akwa fœ Gbozu ngba waa, kashe a sœ kœmbœrœ kolœ fœ tshetœ Gbozu.

⁶Tshelœ aka mara kœmbœrœ dœ akwa ngba waa, kashe kolœ Ndjaba tshebabale dá sœ kœza kɔ ga tœ akwa.

⁷ɔtshɔ Ishiri sœ kœmatœ ye lœ uzu dœ uzu mbœrœ ɔtshœrœ nœ azu para.

⁸Ishiri sœ kœto o'o nœ kœwusœtœ fœ anga uzu, yé tshetœ Ishiriœ ascœmœ sœ kœto o'o nœ kœwusœrœ fœ anga.

⁹Tshetœ Ishiriœ ascœmœ sœ kœto egerœ kœyindœrœ fœ anga uzu, yé œ sœ kœto kœtorœ nœ kœshe azu lœ koba fœ anga.

¹⁰Ishiri sœ kœto fœ anga uzu gbɔgbɔ nœ kœmbœrœ afá ndjoro; fœ anga, kœtorœ nœ kœgbara o'o; fœ anga uzu, kœtorœ nœ kœwusœ kœkurutshelœ ekpe ishiri dœ adja Ishiri; fœ anga uzu, kœtorœ nœ kœpa angbi o'o ama ogo ndjoro; yé fœ anga, kœtorœ nœ kœpandœ tshelœkata angbi o'o ama ogonœ.

¹¹Kashe ɔerɔnɔe asɔemɔe kɔ, kolɔe tshetɔe Ishirinɔe á tshe sɔe kɔeto mara kɔetɔrɔe ndjoro fɔe uzu dɔe uzu asɔemɔe, ɔe za tɔenɔe ga tɔe akwa bɔta á tshe yindɔe nɔe.

Undu uzu bale dɔe ɔerɔe kotɔe ye ndjoro

¹²Kristu sɔe bɔta undu uzu á ɔerɔe kotɔenɔe ngba waa, kashe ɔe ngbɔtɔe endje ga tɔenɔe, yé ɔe wuta undu uzu bale.

¹³Gbambanɔe nene, azɔe para, a gbɔ lima batisimu mbɔerɔe kɔewuta undu bale lɔe awa nɔe Ishiri. Ayuda too Greke, akanga too akanga nene, kashe Ndjaba to Ishiri bale asɔemɔe ga lɔe azɔe kɔ.

¹⁴Undu uzu bale sɔesɔe dɔe ɔerɔe kolɔe bale nene, kashe dɔe ɔerɔe kotɔenɔe ndjoro.

¹⁵Ɔedɔe ada kɔepa lima adɔeke: «Bata á mɔe dɔédɔé kane nene, mɔe dɔédɔé ɔerɔe kotɔe undu uzu nene», mbɔerɔe tɔenɔe ataa ɔe li má adɔeke tshe katɔe kɔesɔe ga tɔe undu uzu ye a?

¹⁶Ɔedɔe utu kɔepa lima adɔeke: «Bata á mɔe dɔédɔé ala nene, mɔe dɔédɔé anga ɔerɔe kotɔe undu uzu nene», mbɔerɔe tɔenɔe ataa ɔe li má adɔeke tshe katɔe kɔesɔe ga tɔe undu uzu ye a?

¹⁷Ɔedɔe undu uzu djigi kɔedɔe lima ala ye, utu ye ɔe sɔe má kpɔeta a? Ɔedɔe undu uzu djigi kɔedɔe lima utu ye, ngawu ɔe sɔe má kpɔeta a?

¹⁸Kashe Ndjaba ko ɔerɔe kotɔe bale dɔe bale ga tɔe undu uzu dɔe mara á tshe yindɔe nɔe.

¹⁹Ɔedɔe ɔerɔe kotɔe uzu kɔ kɔesɔe lima tshebale, ataa undu uzu ɔe sɔe má koto o?

²⁰Dɔe tɔenɔe ataa, ɔerɔe kotɔe undu uzu sɔe ndjoro, kashe undu uzu sɔe tshebale.

²¹Ala lili kɔepa fɔe kane nene adɔeke: «Mɔe gbege dɔe bɔe nene.» Yé kumu lili ndje ndɔe kɔepa fɔe ada nene adɔeke: «Mɔe gbege dɔe 'e nene.»

²²Ga panɔe, ɔerɔe kotɔe undu uzu á sɔe bɔta ɔe gugu dɔe gbɔgbɔ nene, sɔe dɔe ádá waa.

²³Yé ɔeneke á a zaza dɔe ádá nene, ɔetɔenɔe dá a sɔe kɔelisɔe nɔe. Ɔeneke á sɔe kɔeza tshula, a sɔe kɔegbɔndɔe nɔe dɔe ɔtshɔnɔe.

²⁴Ɔeneke á sɔesɔe kɔeza tshula fɔe azɔe nene, a sɔesɔe dɔe ogo kɔegbɔndɔe nɔe nene. Kashe Ndjaba mbɔerɔe undu uzu dɔe mara adɔeke ɔerɔe kotɔenɔe á gugu dɔe ádá nene, endje lisɔe nɔe kɔerosɔe nɔe:

²⁵ataa, undu uzu ɔe kurutshelɔetɔe ye nene, kashe ɔerɔe kotɔe kɔ sɔe dɔe gbetshelɔe bale mbɔerɔe kɔeti kane endje ugurutɔe endje dɔe anga endje.

²⁶Ɔedœ anga œerœ kotœ bale kœsœ dœ koba, undu uzu kœ œ sœ dœ koba; œdœ endje kœlisœ anga œerœ kotœ bale, œerœ kotœ kœ œ sœ dœ yanga awa bale dœ she.

²⁷Andaa, e'e kœdœ undu Kristu, yé uzu bale dœ bale ugurutœ 'e kœdœ anga œerœ kotœ bale nœ unduncœ asœmœ.

²⁸Dœ tœncœ ataa dá Ndjaba kurutshelœ akwa kpikpikpi tœ azu lœ Ikrizia: utshuncœ kœdœ aayi avwa, bishancœ kœdœ aayi kœgbara o'o yé votœncœ kœdœ aayi kœyisœerœ. Manda nœ, tshe to kœtorœ nœ kœmbœerœ dœ afá, œncœ kœshe dœ aayi koba, œncœ kœti kane osho, œncœ kœdœ gbozu tshapa akwa œdœ œncœ kœpa angbi o'o ama ogo.

²⁹Ɔe dœdœ endje kœ dá dœ aayi avwa, aayi kœgbara o'o too aayi kœyisœerœ nene. Ɔe dœdœ endje kœ dá sœ dœ kœtorœ nœ kœmbœerœ afá,

³⁰nœ kœshe dœ aayi koba, nœ kœpa angbi o'o ama ogo too nœ kœpa tshelœ katanœ nene.

³¹Ataa, 'e sœ dœ egerœ agbe nœ kœtorœ á ga waa. Yé ga pa nœ, mœ yindœ kœyisœ awa nœ waa dœ waa á ropancœ kœ fœ 'e.

1 Koriti 13

Kœyindœsho

¹Mœ li má kœpa angbi o'o ama ogo dœ pe œncœ aandjelu, kashe œdœ mœ kœgugu dœ kœyindœsho nene, œmœ kœdœ ngbongolo á sœ kœki tœncœ too lenga á sœ kœki klu klu klu.

²Mœ li má kœsœ dœ kœtorœ nœ kœgbara o'o, œncœ kœwusœerœ nœ œerœ kœ á zatœ ye yiwatœncœ dœ pe œncœ kœwusœerœ kœ; mœ li má kœsœ dœ kœyindœerœ djigi á li kœza kaga na tœncœ ga tœ anga osho, kashe œdœ mœ kœgugu dœ kœyindœsho nene, mœ sœ gbambancœ.

³Mœ li má kœkurutshelœ œerœ nœ mœ kœ tœ aayi ogo, mœ li má kœzatœ mœ adœke endje sho mœ dœ owo, kashe œdœ mœ kœgugu dœ kœyindœsho nene, mœ gbœ œerœ bale nene.

⁴Kœyindœsho kœdœ kœsœ dœ ugu lœsu, tœncœ kœdœ kœmbœerœ akwa fœ yanga zœ, œ sœsœ dœ úkú nene, œ sœsœ kœmatœ ye nene, œ sœsœ dœ egerœ kumu nene.

⁵Kœyindœsho sœsœ kœmbœerœ œerœ tshula nene, œ sœsœ kœgbe kolœ dœ undu ye dœ tœ ye nene, œ sœsœ dœ oko nene, œ sœsœ dœ œ'ele nene.

⁶Kœyindœsho sœsœ dœ yanga nœ ekperœ nene, kashe œ sœ dœ yanga lœ adjapu.

⁷Køeyindøesho sœ kœru lœsu tœ œrœ kœ, œ sœ dœ køeyindœrœ lœ œrœ kœ, œ sœ kœza lœsu ga pa œrœ kœ, œ sœ kœshi gbi lœ œrœ kœ.

⁸Køeyindøesho œ ka bale nene. Kashe kœgbara o'o œ kpa gu nene. Kœpa angbi o'o ama ogo œ ka ye. Kœwusœrœ œ kpa gu nene.

⁹Gbambanœ nene, kœwusœrœ nœ azœ sœ dœ mapaka, yé kœgbara o'o nœ azœ sœsœ ga pa œrœ kœ nene.

¹⁰Kashe lœkœ á œrœ kœ œ li bala, œeneke á sœ dœ mapaka œ kpa gu nene.

¹¹Lœkœ á mœ sœ lima tœ gbolo, mœ sœ lima kœpa o'o bœta gbolo, mœ sœ lima dœ gbetshelœ dœ pe kœwusœrœ bœta gbolo. Lœkœ á mœ wuta gbozu, mœ katœ œrœ tshagbolo ye.

¹²Ngœngœ asœke, a sœ kœwu ishiri ngbangbangba ala wushiri, kashe a wu bala tshatshu azœ dœ Ndjaba. Ngœngœ asœke, kœwusœrœ nœ mœ sœ dœ mapaka; yé dœ anga lœndœ bale, mœ wusœ Ndjaba bœta á tshe wu ndje sœ mœ.

¹³Ngœngœ asœke, œrœnœ asœmœ voto sœpe: køeyindœrœ, kœza lœsu ga pa œrœ œdœ køeyindøesho; kashe køeyindøesho dá sœ tœ egerœnœ kœropanœ kœ.

1 Koriti 14

Kœgbara o'o œdœ kœpa angbi o'o ama ogo

¹Utshunœ kœ, 'e para køeyindøesho. 'E sœ dœ egerœ ogo ndœ kœgbœ kœtorœ nœ ishiri, kœropa nœ kœ, œnœ kœgbara dœ o'o.

²Gbambanœ nene, tsheneke á tshe sœ kœpa angbi o'o ama ogo, tshe sœsœ kœpa fœ azu nene, kashe tshe sœ kœpa fœ Ndjaba. Uzu bale œ dji tshelœ katanœ nene: lœ awa nœ ishiri, tshe sœ kœpa tœ œrœ á a wuwusœ ádánœ nene.

³Kashe tsheneke á tshe sœ kœgbara o'o sœ kœpa o'o fœ azu: tshe sœ kœmbœrœ adœke azu gboro lœ køeyindœrœ, tshe sœ kœto gbœgbœ fœ azu, yé œ sœ kœu endje ga tœnœ.

⁴Tsheneke á tshe sœ kœpa angbi o'o ama ogo, tshe sœ kœmbœrœ adœke kolœ køeyindœrœ nœ œne kuti œne kœgerœ, kashe tsheneke á tshe sœ kœgbara o'o sœ kœmbœrœ adœke azu Ikrizia gboro lœ køeyindœrœ nœ endje.

⁵Mœ sœ køeyindœ nœ adœke e'e para kœkœ 'e pa angbi o'o ama ogo, kashe kœropa nœ kœ, ogo nœ mœ kœdœ adœke 'e gbara o'o nœ Ndjaba. Uzu á tshe sœ kœgbara o'o nœ Ndjaba ropa tsheneke á tshe sœ kœpa angbi o'o ama ogo ye. Kashe tshe ropa ye nene œdœ uzu á tshe sœ kœpa angbi o'o ama ogo kœsœ dœ anga uzu á tshe wusœ kœpandœ ádánœ mbœrœ adœke azu Ikrizia gboro lœ køeyindœrœ.

⁶Atamœ alaya, œ kœsœ adœke mœ kœna kœwu 'e yé á sœ kœpa angbi o'o ama ogo fœ 'e, mœ sœ dœ ádá ba ndœ 'e lœ œrœ gafe? Lœ œrœ bale nene. Mœ sœ dœ ádá ba ndœ 'e œdœ mœ kœpandœ o'o tœ upu nœ adjapu á zatœ ye yiwa tœncœ, tœ upu nœ kœwusœrœ, tœ upu nœ kœgbara o'o ama Ndjaba œdœ pe tœ upu nœ kœyisœrœ fœ 'e yekane.

⁷œ sœ ndje ataa tœ œrœ kœbi dœ itshi, бата ngbake too kundi: œ kœsœsœ kœwa tshelœ itshinœ ngbi nene, bœ wusœ itshinœ á yindœ kœbi tœncœ koto o?

⁸Yé œdœ aga kœmama tshelœ ikinœ ngbi nene, œdœ dá guma tœ ye ndœ kœna ndœ koshe a?

⁹E'e ndje, œdœ o'o á 'e kœsœ kœpa tœncœ kœsœsœ ngbi nene, azu œ dji tshelœkata œneke á 'e sœ kœpa tœncœ koto o? 'E pa o'o ga lœ yugu.

¹⁰Mara o'o ama ogo ngba waa pa tshapashɔ, kashe angancœ bale á azu sœsœ kœdji ádáncœ nene gugu nene.

¹¹Andaa, œdœ mœ kœsœsœ kœdji tshelœ kata angbi o'o ama ogo á uzu sœ kœpa tœncœ nene, mœ wu she бата gene, yé tshe wu ndje mœ бата gene.

¹²E'e ndje awa bale, 'e sœ dœ egerœ ogo kœpara kœtorœ nœ Ishiri, kashe 'e para œneke á li adœke kœyindœrœ nœ azu Ikrizia gerœ.

¹³Mbœrœ tœncœ ataa, uzu á tshe sœ kœpa angbi o'o ama ogo, œ li adœke tshe za avwala fœ Ndjaba á kœgɔ kœtorœ nœ kœmindœ ádáncœ.

¹⁴œdœ mœ kœsœ kœza avwala dœ angbi o'o ama ogo, Ishiri á sœ lœ mœ dá sœ kœmbœrœ akwa, kashe œ dœdœ kœwusœrœ nœ mœ nene.

¹⁵Ataa, mœ mbœrœ koto o? Mœ za avwala lœ awa nœ Ishiri, kashe mœ za ndje avwala dœ mara nœ kœwusœrœ. Mœ bi itshi lœ awa nœ Ishiri, kashe mœ bi ndje itshi dœ mara nœ kœwusœrœ.

¹⁶Gbambancœ nene, œdœ bœ kœsœ kœdonga Ndjaba kolœ lœ awa nœ Ishiri, uzu á tshe sœ kolœ kœdji o'onœ œ yindœ nœ adœke «Ame» kotoo ndœ avwala nœ kœgi mershe nœ zœ a? Gbambancœ nene, tshe djidji ndje ádá o'o á bœ sœ kœpa tœncœ nene.

¹⁷Ataa avwala nœ kœgi mershe nœ zœ kœsœ dœ ádá waa ye gbaa, œ sœsœ kœmbœrœ adœke kœyindœrœ nœ anga uzu gerœ nene.

¹⁸Mœ gi mershe fœ Ndjaba mbœrœ á mœ sœ kœpa angbi o'o ama ogo kœrosœ 'e kɔ.

¹⁹Kashe lœ angbɔtœ, mœ sœ kœgbe kœpa o'o nœ kœwusœrœ mindu mbœrœ kœyi ndje sœ œrœ fœ anga azu tœ œscœncœ adœke mœ pa angbi o'o ama ogo kutu ndjokpa (10.000).

²⁰Alaya, 'e gbegbe o'o bata agbolo nene; læ ekperœ, 'e sœ bata aaya agbolo, kashe 'e gbe o'o bata agbozu.

²¹Endje su bala buku nœ Ndjaba adœke: «Gbozu pa adœke: “mœ pa o'o fœ azu nœ mœ læ awa nœ angbi o'o ama ogo œdœ læ awa nœ o'o ama agene.” Yé ataa atamœ gbaa, endje dji mœ nene.»

²²Mbœrœ tœncœ ataa, kœpa angbi o'o ama ogo dœdœ ambára mbœrœ ayindœ Ndjaba nene, kashe tœncœ kœdœ ambára mbœrœ ayingba Ndjaba. Kœgbara o'o dœdœ ambára mbœrœ ayingba Ndjaba nene, kashe œtœncœ kœdœ ambára mbœrœ ayindœ Ndjaba.

²³œdœ azu Ikrizia djigi kœngbœtœ endje, yé á endje para sœ kœpa angbi o'o ama ogo, azu á endje sœ kœdjidji gbambœncœ too ayingba Ndjaba á endje li ga zœ, œ wu endje ba ta aayi iyi nene a?

²⁴Kashe œdœ azu para kœsœ kœgbara o'o, uzu á tshe dœ yingba Ndjaba too uzu á tshe djidji gbambœncœ yé á sœ kœli ga zœ, tshe wusœ ekperœ nœ ye yé œneke kœ á tshe sœ kœdji tœncœ œ wa ngbanga nœ ye.

²⁵O'o á zatœ ye wutœncœ ba tœ lœsu ye œ matœ endje ngbi ga shu. Tshe gote dœ kœfa tshatshu ye ga tœ œshœ, yé œ donga Ndjaba dœ kœpa adœke: «Ndjaba sœ adja ugurutœ 'e!»

Awa o'o ba læ Ikrizia

²⁶œrœ gade dá a kœembœrœ a, alaya? Lœkœ á 'e kœngbœtœ 'e, uzu dœ uzu li ndœ kœbi itshi, kœyisœ œrœ too kœpandœ adjapu á zatœ ye yiwatœncœ, kœpa angbi o'o ama ogo too kœpandœ ádœncœ: œ li adœke œrœ ataa mbœrœtœ endje á kœyindœrœ nœ azu kœgerœ awa bale.

²⁷œdœ azu kœtetœ kœpa angbi o'o ama ogo, œ li adœke azu bisha too voto kœropanœ pa ndje o'onœ ascœmœ, uzu dœ uzu manda anga, yé anga uzu kœsœ kœpandœ ádœncœ.

²⁸œdœ uzu kœpandœ ádœncœ kœgugu nene, ayi kœpa angbi o'o ama ogonœ sœ koko læ angbœtœ yé œ pa o'o ga tœ ye dœ tœ ye œdœ fœ Ndjaba.

²⁹Tœ upu nœ kœgbara o'o, œ li adœke azu bisha too voto pa o'o yé anga endje kœwa o'onœ.

³⁰œdœ anga uzu ugurutœ endje kœwusœ o'o á sœ kœto ba ndœ Ndjaba, œ li adœke tsheneke á tshe sœ kœpa o'o sœ koko.

³¹E'e para, 'e li kœgbara o'o, kashe uzu dœ uzu pa œsœ œncœ ye mbœrœ adœke uzu kœ kœwusœ œrœ, yé á kœsœ dœ gbœgbœ.

³²œ li adœke ayi kœgbara o'o dœ ayengœ kœtorœ nœ kœgbara o'o nœ ishiri á sœ kœembœrœ akwa læ ye.

³³Gbambanœ nene, Ndjaba dóédóé Ndjaba nœ djingili nene, kashe œshe kœdœ Ndjaba nœ kœsœ gee. Bata á sœ kœmboerœtœ endje lœ Ikrizia para nœ azu á endje sœ yerœ,

³⁴œ li adœke ayashe sœ koko lœ angbœtœ: endje zaza awa fœ endje ndœ kœpapa o'o nene. Œ li adœke endje zatœ endje ga ati bata á awa akwa nœ Moyize sœ kœpa ndje tœ nœ.

³⁵Œdœ endje kœyindœ kœwusœ anga ádá o'o bale dœ bale, œ li adœke endje yu akœ endje ba sœnda. Œ sœsœ dœ œtshœnœ nene adœke yashe pa o'o lœ angbœtœ.

³⁶'E gbe adœke, o'o ama Ndjaba to ba ndœ 'e a? Œ na kolœnœ mbœrœ 'e a?

³⁷Œdœ uzu kœgbe adœke, œne kœdœ ayi kœgbara o'o too œne gbœ fshiri, œ li adœke tshe wusœ nœ adœke o'o á mœ su fœ 'e kœdœ awa o'o nœ Gbozu.

³⁸Œdœ uzu kœwuwusœ nœ nene, œ yindœ kœpa adœke Ndjaba wuwu ndje sœ ye nene.

³⁹Ataa, alaya mœ, 'e sœ dœ ogo nœ kœte aayi kœgbara o'o yé 'e papakata adœke endje pa angbi o'o ama ogo nene.

⁴⁰Kashe, 'e sœ dœ gbœdjela adœke œrœnœ kœ mbœrœtœ endje dœ œtshœnœ œdœ pe dœ awanœ.

1 Koriti 15

Kœshe lœ akuzu nœ Kristu

¹Alaya, mœ kpa yindœ kœpandœ Œtshœ O'o á mœ pa lima ndœ nœ fœ 'e, á 'e yi lima ndœ nœ, á 'e sœpe kœyindœ nœ œerrr kpesheke.

²Œdœ 'e kœtepa nœ kperœ bata á mœ yisœ nœ fœ 'e, œ she 'e lœ awanœ ye. Œdœ 'e kœtete lima pa nœ kperœ nene, kœyindœrœ nœ 'e sœ má gbambanœ.

³O'o nœ utshunœ kœ kœdœ œneke á mœ gbœ yé á mindœ nœ fœ 'e kœdœ adœke: Kristu tshu mbœrœ ekperœ nœ azœ, bata á endje sú lima ga la buku nœ Ndjaba.

⁴Endje shi she, yé tœ voto olo, tshe she lœ ugurutœ akuzu, bata endje sú bala buku nœ Ndjaba.

⁵Tshe wuta ga ndœ Petro, manda nœ ga ndœ Andjokpa dœ bisha (12).

⁶Tshe kpa wuta ga ndœ ayambarœ nœ ye kœropa kama mindu (500), awa bale. Anga endje ndjoro ugurutœ endje sœpe dœ soro, kashe anga ata endje tshu ye.

⁷Manda nœ, tshe kpa wuta ndje ga ndœ Jake, yé œ kpa wuta ga ndœ aayi avwa para.

⁸Manda nœ para, tshe kpa wuta ga ndœ mœ ndje, œmœ á mœ sœ b̄ata endje zu mœ tœ uzunœ.

⁹Gbambanœ nene, œmœ kœdœ aya ayi avwa kœrosœnœ lœ ugurutœ aayi avwa para, œ lili adœke endje e mœ ayi avwa nene, mbœrœ mœ mbœrœ lima œrœ kanga fœ azu Ikrizia nœ Ndjaba.

¹⁰Kashe lœ ɔtshɔ l̄osu nœ Ndjaba dá mœ sœ b̄ata á mœ sœ asœ. ɔtshɔ l̄osu nœ ye ga ndœ mœ sœsœ gbambanœ nene. Kashe mœ mbœrœ akwa kœrosœ endje para. Dœ adjapu, œ dœdœ mœ dá sœ kœmbœrœ akwa nene, kashe ɔtshɔ l̄osu nœ Ndjaba dá sœ kœmbœrœ akwa lœ mœ.

¹¹Ataa, kœto ba ndœ mœ too ba ndœ anga aayi avwa, tœnœ kœdœ o'o kœshe nœ Yisu lœ akuzu á 'a mindœ nœ yé á 'e yindœ nœ.

Kœshe lœ akuzu

¹²œdœ 'a kœsœ kœmindœ nœ adœke Kristu she lœ akuzu, mbœrœ gadœ á anga azu ugurutœ 'e sœ kœpa adœke kœshe lœ akuzu gugu nene a?

¹³œdœ kœshe lœ akuzu kœgugu nene, Kristu sheshe ndje lœ akuzu nene,

¹⁴œdœ Kristu kœsheshe lœ akuzu nene, kœpandœ o'o nœ 'a sœ gbambanœ, yé kœyindœrœ nœ 'e sœ ndje gbambanœ.

¹⁵œ sœ kœmatœ endje b̄ata a'a kœdœ akpe atimu nœ Ndjaba, mbœrœ 'a pa wala kœyindœ nœ adœke Ndjaba she Kristu lœ akuzu andaa tshe sheshe she nene, œdœ œ kœsœ adjapu adœke akuzu œ she nene.

¹⁶Gbambanœ nene, œdœ akuzu kœsheshe nene, Kristu sheshe ndje lœ akuzu nene.

¹⁷œdœ Kristu kœsheshe lœ akuzu nene, kœyindœrœ nœ 'e sœ gbambanœ, 'e sœpe damba lœ ekperœ nœ 'e.

¹⁸œ yindœ kœpa adœke, ataa endjeneke á endje tshu lœ kœyindœrœ ga ndœ Kristu, djingili ndje ye.

¹⁹œdœ œ kœsœ kolœ mbœrœ soronœ asœke dá a sœ kœza l̄osu azœ ga pa Kristu, azœ kœdœ aayi oyo kœropa azu para.

²⁰Kashe dœ adjapu, Kristu she lœ akuzu ye; tshe she lœ akuzu utshu endjeneke á endje tshu b̄alima b̄ata ali ngwarœ á endje kɔ mbœrœ kœmindœ nœ adœke akuzu œ she bala lœ akuzu.

²¹Bata á kuzu na lima lœ awa nœ uzu bale, kœshe lœ akuzu na ndje lœ awa nœ uzu bale:

²²b̄ata azu para œ tshu lœ awa nœ Adamo, azu para œ gbɔ bala soro lœ awa nœ Kristu.

²³Kashe, uzu dœ uzu sœ dœ ɔɔ nœ ye: Kristu dá sœ utshunœ, yé manda nœ kœdœ endjeneke á endje dœ azu nœ Kristu lɔkɔ á tshe kwa bala tœ ye.

²⁴Yé manda nœ kɔ, ndɔngɔɔ osho œ na bala lɔkɔ á Kristu œ gi akwa nœ ogo tshagbozu fœ Aba azœ dœ Ndjaba manda kœndi tshelœ tshagbozu kɔ œdœ gbɔgbɔ nœ ishiri kɔ.

²⁵Gbamba nœ nene, œ li adœke Kristu mbœrœ akwa tshagbozu nœ ye œrrr ga tœ adœke Ndjaba fa ayingba ye ga tshada ye.

²⁶Ndɔngɔɔ yingba á Ndjaba œ nditshelœ ye kœdœ kuzu.

²⁷Gbambanœ nene, endje sú bala buku nœ Ndjaba adœke: «Ndjaba ko œrœ kɔ ga tshakudu ada ye.» Kashe Ndjaba á tshe sœ kœko œrœ nœ kɔ ga tshakudu ada Kristu asœmœ, sœsœ lœ nœ nene.

²⁸Lɔkɔ á Ndjaba œ ko œrœ kɔ ga tshakudu ada Kristu, Gbolo nœ Ndjaba dœ tœ ye œ zatœ ye ga tshakudu Ndjaba á tshe ko œrœ kɔ ga tshakudu ada ye asœmœ. Ataa, Ndjaba œ dœ gbozu tshapa œrœ kɔ.

²⁹Ɔdœ œ kœsœ lima kpi, œrœ gadœ dá azu á endje sœ kœgbɔ batisimu mbœrœ akuzu sœ lima kœpara tœ nœ a? Ɔ kœsœ adjapu adœke akuzu œ she lœ akuzu nene, mbœrœ gadœ á azu sœ kœgbɔ batisimu mbœrœ endje a?

³⁰Yé a'a dœ tœ 'a, mbœrœ gadœ á 'a sœ kœzatœ 'a ɔɔ dœ ɔɔ ga tœ œrœ á li kœndi 'a?

³¹Alaya, ɔɔ dœ ɔɔ mœ sœ lœ kuzu. Ɔ sœ ndje adjapu adœke mœ sœ kœdu okoro mœ pa 'e mbœrœ á 'e ngbɔtœ 'e bale dœ Yisu Kristu á tshe dœ Gbozu nœ azœ.

³²Koshe á mœ nga ga tœ aagea ba lœ Efeze, œ mbœrœ má lima gadœ ba ndœ mœ œdœ œ kœsœ má lima dœ mara kœtondœrœ nœ azu a? Ɔdœ akuzu kœsœsœ kœshe lœ akuzu nene, a zi œrœ œ ndjo œrœ, mbœrœ mbatsha a tshu ye.

³³'E fafaratœ 'e nene: «Ekpe uzu á tshe na tœ awa dœ anga uzu, sœ kœndi ɔtsho tshasœmœ.»

³⁴'E kwatœ 'e ndœ gbetshelœ nœ 'e bata á li, yé œ tshapu kœmbœrœ ekperœ! Gbambanœ nene, mœ sœ kœpa o'onœ tœ œrœ tshula nœ 'e adœke anga azu ugurutœ 'e wuwusœ Ndjaba nene.

Undu azu á endje she lœ akuzu

³⁵Kashe anga azu sœ kœyu osho adœke: «Dœ mara gadœ á akuzu sœ kœshe lœ akuzu a? Endje sœ kœkwa dœ undu asœta a?»

³⁶Ɔbœ kœdœ gbakindi! Ɔdœ bœ kœlu indji ngwarœ, œ tshu yeka á rœgo œ ko.

³⁷Yé œeneke á bœ sœ kœlu tœnœ dóédœ dɔngɔ á sœ kœwuta tœnœ nene, kashe œetœnœ kœdœ djameya indji ngwarœ, indji ble too anga angbi œerœ.

³⁸Manda nœ, Ndjaba sœ kœmbœerœ adœke indji ngwarœ to undu fœ dɔngɔ b̄ata á tshe yindœ nœ. Indji ngwarœ bale dœ bale sœ dœ ala dɔngɔ nœ ye dœ tœ ye.

³⁹Anga songba bale á liili dœ anganœ gugu nene: azu sœ dœ œene endje kpi, agea sœ dœ œene ndje kpi, ayanu sœ dœ œene endje kpi, ageatshalangu sœ ndje dœ œene endje kpi.

⁴⁰œerœ tshalafœ sœ zœ, yé œenœ tshapa ɔshɔ sœ ndje zœ, kashe kœtshinœ sœsœ awa bale nene.

⁴¹Kœtshi ɔɔ sœ kpi, kœtshi yapu sœ kpi, kœtshi angerepe sœ kpi. Angerepe ndje dœ tœ ye sœ kœtshi ndje kpi tœ anganœ.

⁴²œsœ ndje ataa mbœerœ kœshe lœ akuzu nœ akuzu. Lɔkɔ á endje kœshi undu uzu, undu œ gba ye. Lɔkɔ á tshe kœshe lœ akuzu, tshe kpa tshu nene.

⁴³Lɔkɔ á endje kœshi undu uzu, œetœnœ kœdœ œerœ á gaga nene yé œ gugu dœ gbɔgbɔ nene. Lɔkɔ á œ kœshe lœ akuzu ye, œ sœ dœ mokɔ œdœ dœ gbɔgbɔ. œ dœ undu uzu kœ sœ zœ,

⁴⁴Lɔkɔ á endje kœshi undu uzu, œetœnœ kœdœ amba undu uzu á sœ lima dœ soro. Lɔkɔ á œ kœshe lœ akuzu, œ fa undu uzu á sœ kœmbœerœ akwa lœ awa nœ Ishiri. Ataa, amba undu uzu á sœ dœ soro sœ zœ, yé undu uzu á sœ kœmbœerœ akwa lœ awa nœ Ishiri sœ ndje zœ.

⁴⁵Mbœerœ tœnœ ataa, endje sú ga la buku nœ Ndjaba adœke: «Ali uzu lima, Adamo, fa lima uzu á tshe sœ dœ soro.» Kashe ndɔngɔɔ Adamo kœdœ Ishiri á sœ kœza soro.

⁴⁶œ dóédœ œeneke á dœ Ishiri dá na utshunœ nene, kashe œeneke á dœ amba undu uzu á sœ dœ soro. œeneke á sœ kœmbœerœ akwa lœ awa nœ Ishiri na manda nœ.

⁴⁷Ndjaba mbœerœ lima ali uzu dœ ɔshɔ. Bisha uzu to b̄a lafo.

⁴⁸Azu tshapa ɔshɔ liili dœ tsheneke á endje mbœerœ lima she dœ ɔshɔ, yé azu tshalafœ liili ndje dœ uzu á tshe to b̄a lafo.

⁴⁹Yé awa bale a sœ b̄ata ishiri uzu á endje mbœerœ she dœ ɔshɔ, awa bale ndje, a sœ ndje bala b̄ata tœ ishiri uzu á tshe to b̄a lafo.

⁵⁰Alaya, 'e wu œeneke á mœ yindœ kœpa tœnœ dœke: œeneke á to lœ songba œdœ lœ indji lili kœli ga lœ Ogo gbozu nœ Ndjaba nene, yé œeneke á gbaagba lili kœsœ awa bale dœ œeneke á gba nene.

⁵¹Mœ sœ ndœ koema o'o neke á zatœ ye yiwatœnœ foe 'e. A tshu kœ nene, kashe a fa bala tœ azœ kœ

⁵²ngbangi, dœ iki aga ba tœ ndœngœbœ osho. Gbambanœ nene, lœkœ á endje kœuru aga, akuzu œ she lœ kuzu dœ mara adœeke endje kpa gba nene, yé azœ, a fatœ azœ bala ye.

⁵³œ li adœeke œeneke á gbaagba fa tœ œœœ á gba nene, yé œeneke á tshuutshu fatœ endje tœ œeneke á tshu nene.

⁵⁴Ataa, lœkœ á œeneke á gbaagba kœfa tœ œœœ á gba nene, yé œeneke á tshuutshu kœfatœ endje tœ œeneke á tshu nene, o'o ba la buku nœ Ndjaba á mbœœœ bala tœ endje dœeke: «Kuzu kpa gugu nene! Gbœgbœ nœ Ndjaba ropa kuzu ye!»

⁵⁵«Kuzu, gbœgbœ nœ zœ sœ kpœeta a? Kuzu, œœœ kowo kœwo dœ azu nœ zœ sœ kpœeta a?»

⁵⁶œœœ kowo nœ kuzu kœdœ ekperœ, yé gbœgbœ nœ ekperœ kœdœ awa akwa.

⁵⁷Kashe a donga Ndjaba á tshe sœ kœmbœœœ adœeke a ropa ekperœ œdœ kuzu lœ awa nœ Gbozu nœ azœ dœ Yisu Kristu!

⁵⁸Ataa, alaya á mœ yindœ 'e waa, 'e shi gbi, 'e tuturutœ 'e nene, 'e zatœ 'e œœ dœ œœ ndœ akwa nœ Gbozu, mbœœœ á 'e wusœ nœ adœeke œgbœ akwa á 'e sœ kœmbœœœ tœnœ sœsœ gbambanœ lœ akwa nœ Gbozu nene.

1 Koriti 16

Kœngbœba ngendja foe azu Ikrizia ba lœ Yerusaleme

¹Tœ upu nœ kœngbœba ngendja mbœœœ azu nœ Ndjaba ba lœ Yerusaleme, 'e mbœœœtœ 'e lindœ awa o'o á mœ za foe azu Ikrizia kœ ba lœ Galate.

²Ali olo lœ pœœœ bale dœ bale, uzu dœ uzu œ ko ngendja á tshe gbœndœ nœ ga indirœnœ mbœœœ adœeke endje kpa kœkakate adœeke mœ na yeka á endje kœngbœba nene.

³Lœkœ á mœ kœwuta ga zœ, mœ vwa endjeneke á 'e ke endje dœ mbeti adœeke endje na dœ kœtorœ nœ 'e foe azu Ikrizia ba lœ Yerusaleme.

⁴œ kœli adœeke mœ na ga zœ dœ tœ mœ, endje na tœ awanœ bale dœ mœ.

Kœgumatœsho ndœ ana gene

⁵Mœ na ga ndœ 'e manda kœero tœ lœ Masedwane; gbambanœ nene, œ li adœeke mœ vwanga djaga zœ.

⁶Mœ sœ kœwu adœeke œndœ mœ idi teasho kpœendœ 'e zœ, anganœ yapu nœ izi djigi œ ro ye, mbœœœ á 'e kœti kane mœ lœ udu ana gene nœ mœ.

⁷Mœ yiyindœ kœwu 'e ndara kolœ lafo nene, œdœ Gbozu kœyindœ nœ, mœ gbe ndœ kœlo kpœtœ manda olo ndjoro.

⁸Kashe mœ sœ lœ Efeze œerrr ga tœ olo nœ Patekœte.

⁹Gbambanœ nene, manda kœrœ kpœmœ dœ egerœncœ adœke mœ mbœrœ akwa nœ mœ ye, ataa ayingba sœ ndjoro gbaa.

¹⁰œdœ Timote kœna, 'e mbœrœ adœke tshe sœsœ dœ awa ugurutœ 'e nene, mbœrœ tshe sœ kœmbœrœ akwa nœ Gbozu b̄ata mœ.

¹¹Uzu bale vwavwaratœ ye tœ Timote nene. 'E ti kane ye ga lafo adœke tshe gu dœ kœsœ gee ga ndœ mœ, mbœrœ mœ sœ kœkate she dœ aaya lœ kœyindœrœ.

¹²Tœ upu nœ aya azœ dœ Apolo, mœ sœ kœto gb̄gb̄ fœ she adœke tshe ro ga ndœ 'e, œshe dœ aaya lœ kœyindœrœ, kashe tshe yiyindœ kœna ngœngœncœ asœ nene. Tshe na ga zœ œdœ tshe kœgb̄ awa.

Ndœngb̄ o'o dœpe abala

¹³Ala 'e gb̄, 'e shi gb̄i lœ kœyindœrœ, 'e sœ tœ ayakoshe, 'e sœ dœ gb̄gb̄.

¹⁴'E mbœrœ akwa kœ dœ kœyindœsho.

¹⁵Aaya lœ kœyindœrœ, anga o'o bale á kpa sœ mbœrœ 'e dœke: 'e wusœ nœ adœke Esetefanase dœ azu tshelœ b̄ngi nœ ye kœdœ azu á endje yindœ Ndjaba utshunœ b̄a lœ Akayi; endje zatœ endje djigi ndœ kœmbœrœ akwa nœ azu nœ Ndjaba.

¹⁶Ataa, 'e mbœrœtœ 'e lindœ o'o mara azu ataa œdœ fœ endjeneke kœ á endje sœ kœmbœrœ œgb̄ akwa awa bale dœ endje.

¹⁷Mœ sœ dœ yanga ndœ kœwu Esetefanase, Fortunatuse dœ pe Akayikuse. Lœkœ á mœ wu endje, œsœ b̄ata mœ wu 'e para.

¹⁸Gbambanœ nene, endje mbœrœ adœke lœsu mœ œdœ œncœ 'e sœ ziti. 'E wusœ kœlisœ mara azu ataa.

¹⁹Azu lœ Ikrizia kœ b̄a lœ Azi vwa abala fœ 'e. Akilase, Prisika œdœ pe azu Ikrizia á endje sœ kœngb̄tœ endje ga tœncœ b̄a ndœ endje, vwa abala fœ 'e lœ i'iri Gbozu.

²⁰Alaya para kœkœ lœ kœyindœrœ bala 'e. 'E za œyerœ abala lœ ugurutœ 'e.

²¹œmœ Polo, mœ bala 'e, mœ su abala asœ dœ adja kane mœ dœ tœ mœ.

²²œdœ uzu kœyiyindœ Gbozu nene, endje darandœ ye. Maranata!

²³Kaka œtshœ lœsu nœ Gbozu Yisu sœ dœ 'e.

²⁴Mœ yindœ 'e kœ lœ kœngb̄tœ 'e bale dœ Yisu Kristu.

2 Koriti

2 Koriti 1

Abala

¹Ɔemœ Polo, Ndjaba e mœ lindœ gbetshelœ nœ ye adœke mœ te ayi avwa nœ Yisu Kristu. A'a dœ aya azœ dœ Timote dá su mbetinoe asœke fœ 'e dœ azu Ikrizia nœ Ndjaba ba lœ Koriti œdœ fœ ayerœ azu nœ Ndjaba kœ ba lœ ogo Akayi djigi.

²Kaka adœke Aba azœ dœ Ndjaba œdœ Gbozu nœ azœ dœ Yisu Kristu ma ɔtshɔ lœsu ga ndœ 'e yé œ za kœsœ gee fœ 'e.

Polo gi mershe fœ Ndjaba

³A donga Ndjaba, Aba Gbozu nœ azœ dœ Yisu Kristu, Aba á tshe sœ dœ lœsu nœ kœwu oyo yé á dœ Ndjaba á tshe sœ kœto gbɔgbɔ fœ azœ dœ mara kœ.

⁴Tshe sœ kœto gbɔgbɔ fœ azœ lœ oyo nœ azœ kœ mbœrœ adœke a li kœto ndje gbɔgbɔ á a gbɔ dœ tœ azœ ba ndœ Ndjaba fœ endjeneke á endje sœ lœ oyo.

⁵Gbambanœ nene, bata á a ngbɔtœ azœ awa bale dœ Kristu lœ kœwu œrœ kanga nœ ye asœmœ, Ndjaba œ to ndje egerœ gbɔgbɔ fœ azœ lœ awa nœ Kristu.

⁶Yé œdœ 'a kœsœ kœwu oyo, œ sœ mbœrœ adœke 'e gbɔ gbɔgbɔ œdœ kœshe. Ɔœdœ 'a kœgbɔ gbɔgbɔ, œ sœ mbœrœ adœke 'e gbɔ gbɔgbɔ á mbœrœ adœke 'e shi gbi dœ ugu lœsu lœ tshetœ oyo nœ 'a ndje á 'a sœ kœwu tœnœ.

⁷Ataa, 'a ko lœsu 'a djigi ga pa 'e. Gbambanœ nene, 'a wusœ nœ adœke bata á 'e wu oyo awa bale dœ 'a asœmœ, Ndjaba œ to ndje gbɔgbɔ á tshe to ndje fœ 'a asœmœ fœ 'e.

⁸Alaya 'a, 'a yindœ nœ adœke 'e wusœ mara oyo á 'a wu ba lœ ogo Azi: kikili oyo ro lima pa 'a ye, 'a lili lima kœru lœsu 'a nene yé 'a kpa gbege lima adœke 'a sœ dœ soro nene.

⁹Dœ adjapu, 'a sœ lima kœwu adœke endje wa ɔgbɔ ngbanga nœ kuzu ga tœ 'a. Ɔœ mbœrœtœ ye lima ataa mbœrœ á 'a kœzaza lœsu 'a ga tœ 'a dœ tœ 'a nene, kashe kolœ fœ Ndjaba á tshe sœ dœ gbɔgbɔ kœshe azu lœ kuzu.

¹⁰Ɔeshe dá she 'a lœ mara kuzu asœmœ, tshe kpa she 'a bala zœ. Dœ adjapu, 'a ko lœsu 'a ga tœ ye adœke tshe kpa she 'a zœ.

¹¹E'e ndje, 'e sœ kœti kane 'a ga lafo lœ awa nœ avwala nœ 'e. Ataa, Ndjaba œ ma ɔtshɔ lœsu mangba avwala á azu ndjoro za tœ upu nœ 'a, tshe to bala ɔtshœrœnœ asœmœ fœ 'a yé azu ndjoro œ gi bala mershe fœ she tœ upu nœ 'a.

Polo fa gbetshelœ nœ ye lœ ana gene

¹²Ɔerø á a sœ kœzatœ azœ dœ yanga tœnœ dœke: бата á l̄su 'a sœ kœma tœnœ, mara kœmbœrœtœ 'a pa tshapashœnœ œdœ mara kœmbœrœtœ 'a ga ndœ 'e, 'a sœ kœmbœrœ dœ œm̄ l̄su œdœ dœ adjapu nœ Ndjaba, 'a mboembœrœ dœ kœwusœtœ nœ azu nene, kashe 'a mbœrœ lœ awa nœ ɔtshœ l̄su nœ Ndjaba.

¹³Yé bala mbeti nœ 'a, 'a su kolœ œeneke á 'e sœ kœdi tœnœ yé á sœ kœwusœ ádánœ. Kashe mœ wu adœke 'e wu bala sœ ádá œeneke dœ ɔtshœnœ,

¹⁴mbœrœ 'e wu kolœ sœ tshakalanœ: 'a dœ bala yanga nœ 'e бата e'e ndje, 'e dœ bala œnœ 'a dœ olo kœkwa Gbozu Yisu.

¹⁵Yé lœ kœko l̄su mœ ascœmœ, mœ gbe lima kœna ga ndœ 'e utshunœ mbœrœ adœke Ndjaba to bisha ɔtshœ l̄su nœ ye fœ 'e.

¹⁶Mœ yi lima ndœ kœna ba ndœ 'e, manda nœ á kœro ga lœ Masedwane. L̄ko á mœ katœ Masedwane ti, mœ kwatœ mœ ga ndœ 'e mbœrœ adœke 'e ti kane mœ lœ ana nœ mœ ga lœ ogo Yuda.

¹⁷L̄ko á mœ pa fœ 'e adœke mœ mbœrœ ataa, mœ pa o'o bisha lœ ama mœ a? L̄ko á mœ kœka ga pa œeneke á mœ yindœ kœmbœrœ tœnœ, mœ sœ kœmbœrœ tœnœ бата azu tshapashœ dœ kœpa pa tshetœ œrœ adœke «œ» œdœ «œœ» a?

¹⁸Ndjaba kœdœ timu nœ mœ tœ œeneke á mœ pa lima fœ 'e, mœ papa fœ 'e «œ» œdœ «œœ» pa tshetœ œrœ bale nene.

¹⁹Gbambanœ nene, Yisu Kristu, Gbolo nœ Ndjaba á 'a mindœ ye fœ 'e: Silve, Timote œdœ œmœ, papa «œ» œdœ «œœ» pa tshetœ œrœ bale nene. Kashe, œshe kœdœ kolœ «œ».

²⁰Yé œshe kœdœ «œ» á sœ kœma œeneke á Ndjaba pa tœnœ. Lœ awa nœ Yisu Kristu dá 'a sœ kœpa «Ame» mbœrœ kœza mokœ fœ Ndjaba.

²¹Yé Ndjaba dœ tœ ye dá sœ kœtepa azœ dœ 'e ngbir̄i lœ kœngbœtœ azœ dœ Kristu. Ndjaba dá sœ kœke azœ dœ tœ ye.

²²Tshe ta ambara á sœ kœma adœke azœ kœdœ agbolo nœ ye ga tœ azœ, yé œ to ɔtshœ Ishiri ga l̄su azœ бата ɔtshœrœ á tshe gbœndœ nœ fœ azœ.

²³Mœ za Ndjaba tœ timu œdœ mœ kœsœ kœpa wala, tshe wo mœ ye: œ sœ mbœrœ kœgbœndœ 'e dá mœ wa adœke mœ kwatœ mœ ga lœ Koriti nene.

²⁴'A sœsœ kœpara awa kœza œeneke á li dœ kœyindœrœ nœ 'e dœ œgbœ fœ 'e nene, kashe 'a gbe ndœ kœte ga ndœ yanga nœ 'e mbœrœ á 'e zatœ 'e dœ ɔtshœnœ lœ kœyindœrœ.

2 Koriti 2

¹Tœ mœ nœ mœ, mœ wa adœke mœ kwatœ mœ ga ndœ 'e mbœrœ á kpa kœza oyo fœ 'e nene.

²Gbambanœ nene, œdœ mœ kœza oyo fœ 'e, ede dá za yanga fœ mœ a? Œ dœdœ uzunœ á mœ za oyo fœ she asœmœ nene a?

³Mbœrœ tœnœ ataa dá mœ su mbetinoe asœ fœ 'e kparawa adœke lœkœ á mœ kœwuta ba zœ, azu á sœ má adœke endje za yanga fœ mœ kœzaza oyo fœ mœ nene. Andaa mœ wusœ 'e kœ, mœ wusœ nœ adœke œdœ mœ kœsœ dœ yanga, e'e ndje kœ 'e sœ dœ yanga.

⁴Lœkœ á mœ su mbetinoe asœmœ fœ 'e, mœ sœ lima dœ oyo œdœ dœ gbetshelœ waa œrrr ga tœ iki. Mœ susu mbetinoe mbœrœ kœza oyo fœ 'e nene, kashe mœ su mbœrœ 'e wusœ nœ adœke mœ yindœ 'e kœrosœ nœ.

Kœdjerœndœ ekperœ nœ anga azœ

⁵Œdœ uzu kœmbœrœ œrœ oyo fœ mœ, œ dœdœ kolœ fœ mœ kuti mœ dá tshe mbœrœ fœ mœ nene, kashe mbœrœ 'e kœ yé a papa tœ œsœ nœ kœropanœ nene.

⁶Mbœrœ mara uzu ataa, œ li adœke azu ndjoro ugurutœ 'e gbagbara she.

⁷Mbœrœ tœnœ ataa, ngœngœnœ asœke, œ li adœke 'e ma œtshœ lœsu yé œ to gbœgbœ fœ she kparawa adœke tshe sœsœ kolœ lœ egerœ oyo waa nene.

⁸Mœ sœ kœpa fœ 'e adœke, 'e ma kœyindœsho nœ 'e ga ndœ ye.

⁹Gbambanœ nene, ádánœ á mœ su mbetinoe fœ 'e dœke: mœ yi má ndœ kœwu lœsu 'e œdœ 'e kœsœ kœmbœrœtœ 'e djigi lindœ o'o ama mœ.

¹⁰Œdœ 'e kœdjerœndœ ekperœ nœ uzu, mœ djerœ ndje ndœ nœ ye. Yé œdœ mœ kœdjerœndœ ekperœ nœ ye dœ mara bœta á mœ mbœrœ asœmœ, mœ mbœrœ mbœrœ 'e ba utshu Kristu,

¹¹mbœrœ adœke Satana kœgbœgbœ awa kœfara azœ nene. Gbambanœ nene, a wusœ gbetshelœ nœ ye dœ œtshœnœ.

Polo ba lakpi Trowase

¹²Lœkœ á mœ wuta ba lœ Trowase mbœrœ kœpandœ Œtshœ O'o nœ Kristu, mœ wu adœke Gbozu za lima œtshœ awa á li fœ mœ adœke mœ pandœ nœ.

¹³Andaa, mœ sœ lima dœ awa waa mbœrœ á mœ gbœgbœ lima aya mœ dœ Tito nene. Mœ ka lima tœ azu Trowase ti yé á ro ga lœ Masedwane.

Kœropa koshe mbœrœ Kristu

¹⁴A donga Ndjaba mbœrœ á tshe gi azœ na tœnœ adœke a ropa koshe lœ awa nœ Kristu, yé á sœ kœmbœrœ adœke tshafu yombo nœ kœwusœ ye za osho djigi lœ awa nœ azœ.

¹⁵Yé azœ kædœ yombo nœ Kristu á tshafunœ ga waa á tshe to fœ Ndjaba mbœrœ endjeneke á endje she œdœ endjeneke á endje sœ lœ djingili.

¹⁶Mbœrœ anga azu, œtœnœ kædœ tshafu kuzu á sœ kœyi osho ga lœ kuzu; mbœrœ anga endje, œtœnœ kædœ tshafu soro á sœ kœyi osho ga lœ soro. Yé eðe dá li kæmbœrœ mara akwanœ ata a?

¹⁷A sœsœ bata anga azu á endje za o'o ama Ndjaba tœ kœyœrœ nene, kashe mbœrœ á Ndjaba dá vwa 'a, 'a sœ kæpa dœ adjapu ba utshu ye lœ kængbœtœ 'a awa bale dœ Kristu.

2 Koriti 3

Aayi akwa nœ tafo ayo

¹A kpa donga tœ 'a dœ tœ 'a a? Too 'a gbe kæmbœrœ bata anga azu adœke 'a ma mbeti á endje donga 'a alanœ fœ 'e too 'a yœshondœ nœ ba ndœ e'e a?

²Mbeti nœ 'a kædœ e'e, mbeti á endje sú ga lœsu 'a á azu kœ wusœ nœ ye á ði.

³œ sœ adjapu adœke, e'e kædœ mbeti á Kristu su yé 'a sœ kægbœndœ nœ. Mbetinœ ascœmœ, tshe susu dœ tadjá nene kashe tshe su dœ ðshiri nœ Ndjaba nœ soro; tshe susu tœnœ ga pa ndaba tame nene, kashe tshe su ga pa ndaba songba ba tœ lœsu 'e.

⁴A sœ kæpa ataa gbambœnœ nene, 'a za lœsu 'a ga pa Ndjaba lœ awa nœ Kristu.

⁵A wusœ nœ adœke 'a lili kæmbœrœ ataa dœ gbœgbœ nœ 'a dœ tœ 'a nene, kashe gbœgbœ nœ 'a to ba ndœ Ndjaba.

⁶œshe dá to gbœgbœ fœ 'a adœke 'a wuta aayi akwa tœ upu nœ kæmœndœ tafo ayo. Tafo ayonœ ascœmœ dœdœé awa akwa á endje sú nene, kashe ðtshœ ðshiri dá sœ kœyisœ awa fœ 'a. Awa akwa á endje sú sœ kœyi azu ga lœ kuzu utshu Ndjaba, kashe ðtshœ ðshiri sœ kœto soro.

⁷Ndjaba su lima akwa nœ kuzu dœ mbeti ga pa tame yé mokœ nœ ye sœ lima kœtshi panœ. Tshatshu Moyize sœ lima kœtshi tœnœ dœ mara adœke azu Israyele li kœtondœ ye nene, andaa œndœ kœtshi tœnœ ðiði lima nene.

⁸Ataa, akwa neke á ðshiri sœ kæmbœrœ tœnœ œ sœ dœ mokœ tœpanœ kpuru nene a?

⁹Yé œdœ akwa á sœ lima kœyi azu ga lœ kuzu kœsœ dœ mokœ, œneke á sœ kæmbœrœ adœke azu sœ ndjii ba utshu Ndjaba œ sœ dœ mokœ tœpanœ kpuru ye!

¹⁰A li kæpa ndje adœke mokœ á sœ lima kœtshi tœnœ katshatsha, œ djerœwa ba utshu mokœ neke á ropœnœ ngœngœ asœke.

¹¹Gbambanœ nene, œdœ œeneke á œendœnœ didi lima nene kœsœ dœ moko, œnœ œeneke á sœ waa dœ waa œ sœ koto o?

¹²Bata á 'a sœ kœko lœsu 'a ga tœ adja o'onœ asœmœ ataa, 'a yindœ nœ dœ lœsu 'a.

¹³A sœsœ kœmbœrœ bata Moyize á tshe za lima siriki tshu ga utshu ye mbœrœ adœke agbolo Israyele kœwuwu mara á kœtshinœ, á œendœnœ didi nene asœmœ, œ yiwa dœ tœnœ nene.

¹⁴Kashe kœwusœrœ nœ endje sœ lima lœ ubu osho! Yé œerrr ga tœ olo asœke, tshetœ sirikinœ asœmœ sœ zœ lœkœ á endje kœsœ kœdi buku nœ ongboro ayo. Kolœ lœ awa nœ Kristu dá sirikinœ asœmœ œ yiwa.

¹⁵Dœ adjapu, œerrr kpesheke nœ asœ, lœkœ bale dœ bale á endje kœsœ kœdi buku nœ Moyize, siriki sœ ba lœsu endje.

¹⁶œ sœ kolœ lœ awa nœ kœfatshalœsu ga ndœ Gbozu dá sirikinœ œ te.

¹⁷Gbambanœ nene, Gbozu kœdœ Ishiri. Yé osho á Ishiri nœ Gbozu sœ tœnœ, œtœnœ kœdœ osho á azu dœdœ akanga nene.

¹⁸Azœ kœ a gi siriki tshatshu azœ ye, a ma moko nœ Gbozu. Ataa, a fatœ azœ mbœrœ kœsœ awa bale bata Gbozu dœ moko á sœ kolœ tœ egerœnœ lœ awa nœ ye á tshe dœ Ishiri.

2 Koriti 4

Gbœgbœ nœ azœ to ba ndœ Ndjaba

¹Bata á Ndjaba wu oyo 'a yé á za akwanœ asœke fœ 'a, 'a mœmœ lœ œkœ 'a nene.

²A vwaratœ 'a tœ œrœ nœ tshula kœ á zatœ endje yiwa tœnœ, 'a sœsœ kœmbœrœ œrœ dœ afara nene yé œ sœsœ ndje kœfatshelœ o'o ama Ndjaba nene. Kashe 'a sœ kœyisœ adjapu ngbi, yé œ sœ kœpara awa adœke azu kœ yindœ 'a ba utshu Ndjaba.

³Andaa, œdœ Ōtshœ O'o á 'a sœ kœmindœ nœ kœsœsœ ngbi nene, œ sœ kolœ mbœrœ azu á endje sœsœ dœ kœyindœrœ nene.

⁴Endje sœsœ dœ kœyindœrœ nene mbœrœ ndjaba nœ tshapashœ asœke, bu ala endje dœ kœwusœrœ nœ endje ga tœnœ ye. Tshe sœ kœpakata endje adœke endje wu ishiri osho á Ōtshœ O'o tœ upu nœ moko nœ Kristu á tshe dœ ishiri Ndjaba, sœ kœmindœ nœ.

⁵A yiyisœ œrœ tœ 'a dœ tœ 'a nene, kashe á sœ kœyisœ œrœ tœ upu nœ Gbozu Yisu Kristu. Tœ a'a nœ 'a, 'a sœ kœpa ngbi adœke a'a kœdœ aayi akwa nœ 'e mangba Yisu.

⁶Gbambanœ nene, Ndjaba á tshe pa lima adœke: «Kaka adœke ishiri osho tshi ba ugurutœ ubu osho nari!» Œshe dœ tœ ye dá tshi ba tœ lœsu 'a mbœrœ kœto kœwusœrœ lœ mokœ nœ ye á matœ ye ba tshatshu Kristu.

⁷Kashe a'a dá Ndjaba za kœgbœrœnœ asœmœ fœ 'a, yé á sœ kœgbœndœ nœ ba lœ lœsú. 'A sœ kœyisœ nœ adœke gbœgbœnœ á rosœ nœ asœmœ to ba ndœ Ndjaba, kashe œ toto ba ndœ a'a nene.

⁸'A sœ kœwu tshelœ áká oyo ngbangbangba kashe œ roropa 'a nene; 'a sœ dœ awa tœ lœsu 'a, kashe 'a gigi lœsu 'a tœ Ndjaba nene.

⁹Azu mbœrœ œrœ kanga fœ 'a, kashe Ndjaba kakatœ 'a nene. Endje ko 'a vesho, kashe 'a tshutshu nene.

¹⁰Œlœ dœ Œlœ, 'a sœ dœ kobœ kuzu nœ Yisu lœ Œkœ 'a mbœrœ adœke soro nœ ye yi ndje tœ ye ga lœ Œkœ 'a.

¹¹Lœ soro nœ 'a djigi, 'a sœ lœma kuzu mangba Yisu, mbœrœ adœke soro nœ ye li ndje ga lœ undu 'a œnœ kuzu.

¹²Ataa, kuzu sœ kœli dœ akwa ga lœ 'a, kashe 'e sœ kœgbœ soro.

¹³Endje sú ba la Buku nœ Ndjaba adœke: «Mœ sœ dœ kœyindœrœ mbœrœ tœnœ á mœ pa o'o.» A'a ndje lœ tshetœ gbetshelœ nœ kœyindœrœ asœmœ, 'a sœ dœ kœyindœrœ yé mbœrœ tœnœ dá 'a sœ kœpa o'o.

¹⁴Gbambanœ nene, 'a wusœ nœ adœke Ndjaba á tshe she Gbozu Yisu lœ akuzu, tshe she ndje azœ awa bale dœ Yisu yé œ ko 'a dœ 'e ga indiri ye.

¹⁵Œeneke kœ á 'a sœ kœshi gbi lœ nœ, œ sœ mbœrœ 'e mbœrœ adœke azu sœ kœli ga panœ ga panœ ga lœ œtshœ lœsu nœ Ndjaba. Ataa, azu œ ngba mbœrœ kœgi mershe œdœ mbœrœ kœdonga mokœ nœ Ndjaba.

Soro lœ awa nœ kœyindœrœ

¹⁶Mbœrœ tœnœ ataa, 'a mœmœ nene. Ataa œdœ soro nœ 'a œnœ azu kœsœ kœmœ tœnœ yima yima, soro nœ 'a œnœ ishiri sœ kœkwa tœnœ Œlœ dœ Œlœ.

¹⁷Gbambanœ nene, oyo á 'a sœ kœwu tœnœ manda olo teasho, œ sœ kœguma mokœ neke á sœ waa dœ waa yé á gerœ kœropœ, fœ azœ.

¹⁸'A koko lœsu 'a nene ga pa œrœ á a wu, kashe 'a ko lœsu 'a ga pa œeneke á a wuwu nene. Gbambanœ nene, œndœ œrœ á a wu didi nene, kashe œndœ œeneke á a wuwu nene sœ kœdi tœnœ waa dœ waa.

2 Koriti 5

¹Gbambanœ nene, a wusœ nœ adœke œdœ undu azœ œnœ œshœ asœke á sœ bata anda tande kœndi, a sœ dœ anga anda á Ndjaba mœ á sœ waa dœ waa ba lafo. Œ dœdœ azu dá mœ andœnœ asœmœ dœ kane endje nene.

²Ngongɔ asœke, a sœ kœpulœema azœ mbœrœ á a sœ dœ egerœ ogo adœke a li ga lœ anda œnœ tshalafɔ.

³Ɛ mbœrœtœ endje kolœnœ adœke a sœ dœ lœba tœ azœ yé a sœsœ kpendronœ nene.

⁴Adjapu, b̄ata á a sœpe damba lœ anda tandœnœ asœmœ, a pulœema zœ b̄ata a gbɔ upu. Ɛ sœsœ adœke a yindœ kœ'eatœ azœ tœ ɔkɔ azœ œnœ tshapashɔ nene, a yindœ kœverœ tafo ɔkɔ azœ œnœ tshalafɔ ga panœ mbœrœ adœke œneke á tshuutshu, fa tœ œneke á tshu nene.

⁵Tsheneke á tshe guma azœ mbœrœ tshambatshanoœ asœmœ, kœdœ Ndjaba. Tshe za Ishiri nœ ye fœ azœ tœ ndanga nœ ɔtshœrœ á tshe gbœndœ nœ fœ azœ b̄a lafo.

⁶Mbœrœ tœnœ ataa, a su kolœnœ dœ kœyindœrœ tœ lœsu azœ. A wusœ nœ adœke b̄ata á a sœpe damba lœ ɔkœnœ asœke, a sœ b̄a ushu tœ anda nœ azœ, lœ ingirinœ tœ Gbozu.

⁷Gbambanœ nene, a sœ kœro manda kœyindœrœ kashe œ dœdœé manda œneke á a sœ kœwu dœ ala azœ nene.

⁸Adjapu, a su dœ kœyindœrœ tœ lœsu azœ yé a gbe kœkatœ anda œnœ ɔkɔ azœ asœke mbœrœ kœna kœsœ ndoo dœ Gbozu.

⁹Kashe ataa œdœ a kœsœ lœ ɔkɔ asœke too a kœgitœ azœ lœnœ, ogo nœ azœ utshunœ kɔ kœdœ adœke a za yanga fœ she.

¹⁰Gbambanœ nene, œ li adœke azœ kɔ a na ga utshu Kristu mbœrœ adœke tshe wa ngbanga nœ azœ. Dœ tœnœ ataa, uzu dœ uzu œ gbɔ œrœ tshangba œneke á tshe mbœrœ lœ soro ye b̄a pa ɔshɔ, too lœ ɔtshœrœ too lœ ekperœ.

O'o tœ upu nœ kœgi ayo

¹¹Bata á 'a wusœ mara á li adœke a kpa dœ awa Gbozu asœmœ, 'a sœ kœmbœrœ kɔ adœke azu yindœ o'onœ asœmœ. Ndjaba wusœ azœ dœ ɔtshœnœ yé mœ sœ kœgbe adœke b̄a lœ 'e dœ tœ 'e, 'e wu ndje sœ mœ ye.

¹²A kpa yiyindœ kœdonga tœ 'a dœ tœ 'a b̄a utshu 'e nene, kashe 'a sœ kœgbe adœke 'e donga tœ 'e mbœrœ 'a. Ataa, á 'e kœwusœ kœgi o'o fœ azu á endje sœ kœdonga tœ endje tœ œneke á sœ kœmatœ endje ngb̄i ga tœ ala azu, kashe á endje wuwusœ œneke á sœ b̄a lœsu uzu nene.

¹³Ɛ kœsœ dœ adjapu adœke 'a wuta agbak̄indi azu, 'a wuta ataa mbœrœ upu nœ Ndjaba. Kashe œ kœsœ adœke 'a wuta azu nœ ɔtshɔ gbetshelœ, 'a wuta ataa mbœrœ 'e.

¹⁴Gbambanœ nene, kœyindœsho nœ Kristu ropa azœ, yé a wusœ nœ adœke uzu bale tshu tœ upu nœ azu kɔ, azu kɔ tshu dœ she awa bale.

¹⁵Tshe tshu tœ upu nœ azu kɔ mbœrœ adœke endjeneke á endje sœ dœ soro, kœsœsœ dœ tœnœ mbœrœ endje dœ tœ endje nene, kashe endje sœ dœ tœnœ mbœrœ tsheneke á tshe tshu yé á kwatœ ye ga lœ soro mbœrœ endje.

¹⁶Mbœrœ tœnœ ataa, kœto kpesheke, 'a kpa wuwusœ uzu bale tœ mara nœ azu nene. Ataa œdœ 'a kœwu lima sœ Kristu бата uzu gbaa, ngɔngɔnœ asœke 'a kpa wuwusœ ye atamœ nene.

¹⁷œdœ uzu kœngbɔtœ ye bale dœ Kristu, tshe wuta tafo uzu ye: œeneke á dœ ongboro œrœ yiwa ye, kashe tafo œrœ dá sœ zœ.

¹⁸œrœ asœmœ kɔ to ba ndœ Ndjaba. Tshe gi ayo ga ugurutœ azœ dœ she lœ awa nœ Kristu yé œ za akwa nœ kœgi ayo fœ azœ.

¹⁹Gbambanœ nene, lœ awa nœ Kristu, Ndjaba gi ayo ga ugurutœ ye dœ azu kɔ; tshe gbegbe dœ ekperœ nœ endje nene. Yé tshe za o'o nœ kœgi ayonœ asœmœ fœ azœ.

²⁰Dœ i'iri Kristu dá 'a dœ aayi avwa, yé Ndjaba dœ tœ ye dá sœ kœ'e 'e lœ awa nœ 'a. 'A sœ kœki fœ 'e dœ i'iri Kristu adœke 'e zatœ 'e ti adœke Ndjaba gi ayo ga ugurutœ 'e dœ she.

²¹Kristu mbœmbœrœ lima ekperœ nene, tshe gbɔ œtœnœ mbœrœ azœ. Tshe li ga lœ ekperœ nœ asœmœ mbœrœ adœke a kœwuta ndjii tœ ala Ndjaba lœ awa nœ ye.

2 Koriti 6

¹Ataa, бата á 'a sœ kœmbœrœ akwa awa bale dœ Ndjaba, 'a sœ kœki fœ 'e adœke 'e wuwu ɔtshɔ lœsu á tshe ma ga ndœ 'e gbambanœ nene.

²Gbambanœ nene, Ndjaba pa adœke: «Dœ lɔndɔ á mœ sœ lima kœma ɔtshɔ lœsu nœ mœ, mœ dji lima bœ. Dœ olo nœ kœshe, mœ ti kane zœ ga lafo.» 'E wu ngɔngɔ asœke lœkɔ á li dœ Ndjaba kœma ɔtshɔ lœsu nœ ye ga ndœ azu dœke. œtœnœ kœdœ olo kœgbɔ kœshe.

³'A yiyindœ kœmbœrœ œrœ á li adœke uzu bale te nene mbœrœ 'a yiyindœ nœ adœke endje kitœ œsœ akwa nœ 'a nene.

⁴Kashe 'a sœ kœpara lœ œrœ kɔ adœke 'a sœ бата ɔtshɔ aayi akwa nœ Ndjaba, 'a sœ kœru lœsu 'a lœ œrœ oyo kɔ tœ lœsu 'a, lœ œrœ kanga kɔ œdœ lœ œeneke kɔ á sœ kœza lœsu 'a ga lafo.

⁵Endje bi 'a yé œ ko 'a ga lœ kána, endje tshi azu ga lafo ndœ 'a. 'A mɔ dœ ɔgbɔ akwa, 'a lolo olo yé œ zi œrœ nene.

⁶A matœ 'a tœ aayi akwa nœ Ndjaba lœ awa nœ œeyerœ lœsu 'a, lœ awa nœ kœwusœrœ nœ 'a, lœ awa nœ ugu lœsu, lœ awa nœ ɔtshó ɔtshɔ, lœ awa nœ akwa nœ ɔtshɔ Ishiri, œdœ pe lœ awa nœ adja kœyindœsho nœ 'a.

⁷A matœ 'a tœ aayi akwa nœ Ndjaba lœ awa nœ kœyisœ adja o'o œdœ mangba gbɔgbɔ nœ Ndjaba. Kowo nœ 'a kœyi dœ koshe œdœ kœkɔ dœ koshe kœdœ kœmbœrœ œeneke á sœ ndjii tœ ala Ndjaba.

⁸Azu sœ kœlisœ 'a, anga endje sœ kœmɔ 'a. Azu sœ kœpa ekpe o'o tœ upu nœ 'a, anga endje sœ kœpa ɔtshɔ o'o nœ 'a. Azu sœ kœwu 'a b̄ata aayi wala andaa 'a sœ kœpa adja o'o.

⁹Azu sœ kœwu 'a b̄ata angbi azu, andaa endje wusœ 'a dœ ɔtshɔnœ. Azu sœ kœwu 'a b̄ata a'a kœdœ akuzu, andaa 'a sœ dœ soro. Azu sœ kœza djofele fœ 'a, kashe endje wowo 'a nene.

¹⁰Azu sœ kœza oyo ga tœ lœsu 'a, andaa 'a sœ kolœ dœ yanga. A'a kœdœ aayi oyo, kashe azu ndjoro te aayi kœgbœrœ mangba 'a. 'A sœ b̄ata azu á endje gugu dœ œrœ nene, andaa 'a sœ dœ œrœ kɔ.

¹¹E'e dœ azu Koriti, 'a pa adja o'o fœ 'e, 'a kœrɔ lœsu 'a tœ egerœnœ fœ 'e.

¹²'A yindœ 'e waa, kashe e'e dá yiyindœ 'a nene.

¹³Mbœrœ tœnœ ataa, mœ sœ kœpa fœ 'e b̄ata mœ sœ kœpa fœ agbolo nœ mœ adœke, 'e yi ndje ndœ 'a b̄ata á 'a yindœ 'e asœmœ yé œ kœrɔ lœsu 'e tœ egerœnœ fœ 'a.

Polo gbota tshelœ utu azu Koriti

¹⁴Adja 'e ngbɔngbɔtœ 'e awa bale dœ azu á endje gugu dœ kœyindœrœ ga ndœ Kristu asœmœ nene. Gbambœ nene, œrœ á sœ ndjii li kœngbɔtœ ye dœ ekperœ ye a? Ingbisho li kœngbɔtœ ye dœ ubu osho ye a?

¹⁵Kristu li kœdjitœ ye dœ djaboro ye a? Too ga panœ, œrœ gadœ dá yindœ Kristu œ gbɔ awa bale dœ uzu á tshe yiyindœ Kristu nene a?

¹⁶œrœ gadœ bale dá li kœngbɔb̄a Tepelo nœ Ndjaba dœ andjaba nœ angbi azu a? Gbambœ nene, a'a, 'a kœdœ Tepelo nœ Ndjaba nœ soro b̄ata á Ndjaba pa dœ tœ ye adœke: «Mœ sœ bala yé œ na bala ana ugurutœ endje. Mœ dœ bala Ndjaba nœ endje yé endje dœ bala azu nœ mœ.»

¹⁷Mbœrœ tœnœ ataa, Gbozu pa adœke: «œ li adœke 'e gitœ 'e tœ endje yé œ sœ kpi. 'E tuturu tœ œrœ uburu nœ endje nene, yé atamœ, mœ yi bala ndœ 'e.

¹⁸œmœ Gbozu nœ gbɔgbɔ kɔ, mœ pa adœke mœ dœ bala aba 'e, yé 'e dœ ndje bala agbolo yakoshe œdœ ayawuru nœ mœ.»

2 Koriti 7

¹E'e dœ anga mœ á mœ yindœ 'e waa, œrœncœ asœmœ kɔ á Ndjaba pandœ nœ sœ dœ ɔtshɔncœ mbœrcœ azœ. Mbœrcœ tœncœ ataa, a vwaratœ azœ tœ œrcœ kɔ á mbœrcœ adœke ɔkɔ uzu too ishiri uzu sœ dœ uburu. A pa avwara kœsœ adja ayercœ azu lœ kœkpa awa Ndjaba.

Yanga nœ Polo

²E kɔrɔ lɔsu 'e fœ 'a! 'A mbœmbœrcœ ekperœ fœ uzu bale nene, 'a mbœmbœrcœ adœke uzu bale te nene, 'a bibilɔ ndje anga uzu bale mbœrcœ kœgbɔ œrcœ tshaabrœ ye nene.

³Mœ sœsœ kœpa ataa mbœrcœ kœwa ɔgbɔ ngbanga ga tœ 'e nene. Gbambancœ nene, mœ pandœ nœ fœ 'e adœke e'e kœdœ azu á 'e sœ ba tœ lɔsu 'a, azu á 'a ngbɔtœ 'a bale dœ endje lœ soro too lœ kuzu.

⁴Mœ za lɔsu mœ tœ egerœncœ ga ndœ 'e, mœ donga tœ mœ mbœrcœ 'e waa. Lœ oyo nœ 'a kɔ tœ lɔsu 'a, mœ sœ kolœ dœ gbɔgbɔ œdœ dœ yanga kœropa nœ.

⁵Ataa ndje dœ lɔkɔ kœwuta 'a ga lœ ogo Masedwane, 'a yaya lima tœ 'a nene. 'A gbɔ tshelœ aka oyo kɔ tœ lɔsu 'a: oyo neke á sœ ba shu tœ 'a œdœ awa á sœ ba ugurutœ 'a.

⁶Kashe Ndjaba á tshe sœ kœgi gbɔgbɔ fœ azu neke á endje mɔ, to gbɔgbɔ fœ 'a lœ awa nœ kœyi kumu Tito.

⁷Yé œ dœdœ kolœ mbœrcœ kœyi kumu ye asœmœ dá to gbɔgbɔ fœ 'a nene, kashe lœ awa nœ gbɔgbɔ á tshe gbɔ ba ndœ 'e. Tshe pandœ egerœ agbe nœ 'e ndœ kpa kœwu mœ, iki nœ 'e œdœ ɔtshɔ lɔsu nœ 'e ga ndœ mœ, fœ 'a ye. Yé mbœrcœ tœncœ ataa, mœ kpa sœ dœ yanga kœropancœ.

⁸Ataa œdœ mbeti á mœ su fœ 'e kœza oyo ga tœ lɔsu 'e, mœ gbegetshelœ mœ ndœ nœ ngɔngɔncœ asœke nene. Mœ gbe má tshelœ mœ œdœ mœ kœwu má adœke œndœ oyo á mbetincœ asœmœ za fœ 'e œ di nene.

⁹Kashe ngɔngɔncœ asœke mœ sœ dœ yanga; œ dœdœ mbœrcœ á za oyo ga tœ lɔsu 'e nene, kashe mbœrcœ á oyoncœ asœmœ mbœrcœ adœke 'e fatshalɔsu 'e. Ataa 'a mbœmbœrcœ ekperœ bale fœ 'e nene gbaa, oyoncœ asœmœ, Ndjaba dá yi lima ndœ nœ.

¹⁰Gbambancœ nene, oyo tœ lɔsu á sœ lindœ gbetshelœ nœ Ndjaba sœ kœto tœ kœfatshalɔsu uzu á sœ kœgi osho ndœ kœshe dœ mara adœke gbetshelœ sœ mbœrcœ tœncœ nene. Kashe oyo tœ lɔsu á to tœ tshapashɔ asœke, sœ kœza kuzu.

¹¹Ngɔngɔncœ asœke, 'e wu œrcœ tshangba oyo tœ lɔsu 'e á sœ lindœ gbetshelœ nœ Ndjaba dœke: 'a sœ dœ yanga kœpa o'o tshapa 'e, 'e vwaratœ 'e tœ œneke á ro utshuncœ, 'e sœ kœkpa awa Ndjaba, 'e sœ dœ ogo nœ kpa kœwu mœ, 'e sœ kœzatœ 'e ga tœ akwa yé œ sœ kœza djofele fœ uzu á tshe mbœrcœ lima ekperœ.

Kòkò asœmœ sœ kœma ngbi adœke 'e gugu lima dœ upu lœ o'onœ asœmœ nene.

¹²Ataa œdœ mœ kœsu lima mbeti asœke fœ 'e, œ sœsœ lima mbœrœ uzu á tshe mbœrœ ekperœ nene, œ sœsœ ndje lima mbœrœ tsheneke á endje mbœrœ ekperœ fœ she nene. Kashe œ sœ lima mbœrœ kœma ba utshu 'e ba tœ ala Ndjaba adœke ogo nœ 'e ga ndœ 'a sœ tœ egerœnœ.

¹³Mbœrœ tœnœ ataa, œrœ á 'e mbœrœ to gbɔgbɔ fœ 'a. Œ dœdœ kolœ mbœrœ tœnœ nene, kashe 'a sœ dœ yanga kœropa nœ kœwu mara á Tito sœ lima dœ yanga mbœrœ á 'e mbœrœ lima adœke lœsu ye sœ ziti.

¹⁴Œdœ mœ kœsœ kœdonga tœ mœ tœ upu nœ 'e ba utshu ye, œ sœ mbœrœ á 'e zaza ókó fœ mœ nene. Kashe bata o'o kɔ á 'a pa fœ 'e kœdœ adja o'o, awa bale ndje, kœdonga tœ 'a tœ upu nœ 'e ba utshu Tito wuta ndje adja o'o.

¹⁵Yé ataa, lɔkɔ á tshe kœsœ kœgbe dœ mara á 'e zatœ 'e fœ she œdœ dœ mara á 'e za osho kœsœ fœ she dœ kœkpa awa ye dopanœ, kœyindœsho nœ ye ga ndœ 'e sœ kœgerœ tœnœ.

¹⁶Mœ sœ dœ yanga mbœrœ kœza lœsu mœ djigi á mœ za ga pa 'e.

2 Koriti 8

Kœto œrœ dœ lœsu nœ yanga

¹Alaya, 'a yindœ nœ adœke 'e wusœ mara á Ndjaba ma ɔtshɔ lœsu nœ ye ga ndœ azu Ikrizia ba lœ ogo Masedwane.

²Lœ oyo ndjoro tœ lœsu endje, endje sœ dœ egerœ yanga. Yé ataa endje sœ lœ egerœ oyo gbaa, endje to œrœ kœrosœ nœ.

³Œmœ kœdœ timunœ, endje to œrœ lindœ kœgbɔ œrœ nœ endje. Endje to œrrr tɔpanœ kpuru. Endje to œrœnœ lindœ gbetshelœ nœ endje.

⁴Endje shendœ kœyu 'a adœke 'a za awa fœ œne dœ œne ngbɔtœ œne dœ 'a tœ upu nœ kœvwa œrœ fœ ayindœ Ndjaba ba lœ ongbo Yerusaleme.

⁵Endje to œrœ kœrosœ œneke á 'a gbe má adœke endje to. Utshunœ, endje zatœ endje fœ Gbozu, yé manda nœ, endje zatœ endje fœ 'a lindœ œrœ á Ndjaba yindœ nœ.

⁶Mbœrœ tœnœ ataa, 'a ki fœ Tito adœke tshe na ba ndœ 'e ba zœ œ mbœrœ udu akwa nœ ɔtshɔ lœsunœ asœmœ œrrr ga tœ ndɔngɔlɔnœ, akwanœ á tshe te lima kœmbœrœ tœnœ asœmœ.

⁷'E sœsœ dœ oyo œrœ bale nene: kœyindœrœ, kœwusœ kœpa o'o, kœwusœrœ, egerœ ogo kœmbœrœ akwa œdœ pe kœyindœsho á 'a yisœ nœ fœ 'e. Mbœrœ

tœnœ ataa, 'a yindœ nœ adœke 'e ma ndje tœ 'e tœ aayi kœgbœrœ lœ kœto œrœ nœ 'e dœ lœsu nœ yanga.

⁸œ dœdœ awa o'o dâ mœ sœ kœza fœ 'e nene, kashe mœ kœsœ kœpandœ kœmbœrœ œrœ dœ yanga nœ anga azu fœ 'e, mœ sœ kœza awa fœ 'e adœke 'e tondœ adja kœyindœsho nœ 'e.

⁹Gbambanœ nene, 'e wusœ ɔtshɔ lœsu nœ Gbozu nœ azœ dœ Yisu Kristu ye. Ataa tshe dœ lima ayi kœgbœrœ gbaa, tshe zatœ ye tœ ayi oyo mbœrœ 'e adœke 'e gbɔ œrœ ndjoro lœ oyo nœ œne.

¹⁰Ataa, mœ sœ kœza gbetshelœ nœ mœ lœ upunœ asœke fœ 'e: œ li dœ 'e adœke 'e mbœrœ kolœ akwa b̂ata á 'e mbœrœ lima ungu utshunœ, e'e lima kœdœ azu á 'e gbɔ gbetshelœncœ asœmœ utshunœ œdœ aayi kœmbœrœ tœnœ dœ akwa.

¹¹Ataa, ngɔngɔ asœke, 'e mbœrœ adœke akwanœ asœmœ ka. 'E mbœrœ akwanœ dœ lœsu 'e bale adœke œ ka b̂ata á 'a pa tœnœ yé dœ tœnœ ataa, lindœ kœgbœrœ nœ 'e.

¹²Gbambanœ nene, œdœ uzu kœza lœsu ye bale ga panœ, Ndjaba œ yindœ œrœ nœ uzunœ asœmœ á tshe to dœ kœgbe dœ œrœ á tshe sœ dœ tœnœ, kashe œ dœdœ dœ kœgbe dœ œneke á tshe gugu dœ tœnœ nene.

¹³œ sœsœ adœke uzu ko œrœ nœ ye kɔ mbœrœ kœshe dœ anganœ á kpa kœsœ œncœ ye lœ oyo nene, kashe œ li adœke tshe kurutshelœncœ li tœnœ œ li.

¹⁴Mbœrœ tœnœ ataa, e'e kœdœ aayi kœgbœrœ yé œ li adœke 'e t̂i kane endjeneke á endje gugu dœ œrœ nene ga lafo. Manda nœ, œdœ 'e kœgugu dœ œrœ nene yé á endje sœ dœ tœnœ ndjoro, endje li kœt̂i ndje kane 'e ga lafo. Atamœ dâ 'e liili,

¹⁵b̂ata á endje sú b̂a la Buku nœ Ndjaba adœke: «Uzu á tshe rɔ lima rœgo ndjoro, œ ngbangba tshaabrœ ye nene, yé tsheneke á tshe rɔ lima teasho, sœ dœ œrœ ndjoro.»

Tito œdœ pe anganœ

¹⁶'A gi ɔtshœrœ fœ Ndjaba á tshe za egerœ ogo nœ kœmbœrœ awa bale b̂ata á 'a sœ ndje dœ tœnœ, fœ Tito adœke tshe mbœrœ fœ 'e.

¹⁷Tito yindœ kœyœndœrœ nœ 'a. Ga panœ dœmœ, tshe kpa yi lima ndœ nœ dœ tœ ye adœke œne na b̂a ndœ 'e.

¹⁸'A vwa she awa bale dœ anga aya azœ á azu Ikrizia kɔ sœ kœdonga she tœ upu nœ kœyisœ ɔtshɔ O'o.

¹⁹Ga panœ, azu Ikrizia dá ke she adœke tshe ro tœ awanœ bale dœ 'a mbœrœ kœmbœrœ akwa nœ ɔtshɔ lɔsu. 'A sœ kœmbœrœ akwanœ mbœrœ mokɔ nœ Gbozu dœ tœ ye œdœ kœmbœrœ œrœ dœ ɔtshɔ gbetshelœ.

²⁰'A sœ kœmbœrœ adœke azu gbagbagbara 'a tœ mara kœkurutshelœ ngendja ndjoro á 'a sœ kœgbɔndœ nœ nene.

²¹'A yiyindœ kœmbœrœ kolœ ɔtshœrœ ga tœ ala Gbozu nene, kashe 'a yi ndje ndœ kœmbœrœ ba tœ ala azu kɔ.

²²'A vwa azunœ bisha tœ awanœ bale dœ anga aya azœ á 'a sœ kœwu lɔsu ye ɔɔ dœ ɔɔ, yé tshe sœ dœ egerœ ogo kœmbœrœ akwa dœ ɔtshɔ lɔsu. Kashe ngɔngɔnœ asœke, egerœ ogo kœmbœrœ akwa dœ ɔtshɔ lɔsu nœ ye kpa gerœ kœrosœ nœ. Gbambanœ nene, tshe ma ɔtshɔ lɔsu nœ ye ga ndœ 'e.

²³Tœ upu nœ Tito, œshe kœdœ yanga mœ á 'a na tœ awa bale dœ she ba ndœ 'e, œshe ndje kœdœ uzu á 'a sœ lœ ama akwa bale dœ she. Kashe tœ udu aaya azœ bisha asœke, azu Ikrizia dá vwa endje fœ 'e yé endje sœ kœmbœrœ akwa mbœrœ mokɔ nœ Kristu.

²⁴'E ma fœ endje adœke 'e yindœ endje tako mbœrœ á azu Ikrizia kœyindœ nœ yé á kœwusœ nœ adœke 'a sœ kœdu okoro 'a mbœrœ 'e.

2 Koriti 9

O'o tœ upu nœ kœti kane ayindœ Ndjaba

¹Adja ádá adœke mœ su mbeti fœ 'e tœ upu nœ kœti kane ayindœ Ndjaba ba lœ ongbo Yerusaleme gugu nene.

²Gbambanœ nene, mœ wusœ ɔtshɔ gbetshelœ nœ 'e ye, yé mœ sœ kœdu okoro mœ tœ upu nœ 'e fœ azu ogo Masedwane adœke: «Azu Akayi gumatœ endje kœto œrœ dœ ngbugu á ro lima utshunœ asœke.» Egerœ ogo kœmbœrœ akwa dœ ɔtshɔ lɔsu nœ 'e ndjingɔvwɪ azu Ikrizia ndjoro.

³Mœ vwa anga aaya azœ fœ 'e mbœrœ adœke kœdu okoro mœ mbœrœ 'e tœ upunœ asœmœ kœsœsœ gbambanœ nene. Mœ yindœ nœ adœke 'e kotœ 'e ga lœ vola bata á mœ pa lima ndœ nœ.

⁴Gbambanœ nene, œdœ 'a kœna ba zœ awa bale dœ azu ogo Masedwane yé á kœgbɔ 'e á 'e kœgugumatœ 'e nene, 'a gbɔ tshula mbœrœ á 'a ko adja lɔsu 'a ga pa 'e. Yé atamœ, tshulanœ œdœ ndje œnœ 'e.

⁵Mbœrœ tœnœ ataa, mœ gbe dœ ɔtshœnœ adœke mœ vwa aaya azœ asœke utshunœ ba ndœ 'e mbœrœ kœngbɔba œrœ á 'e pa lima tœnœ. Ataa œ kœsœ zœ á mœ yikumœ mœ ga zœ, œ ma adœke 'e to dœ lɔsu 'e bale kashe œ dœdœ dœ lɔsu bisha nene.

⁶E gbe dœ o'o asœke kane: uzu á tshe lu ngwarœ teasho, tshe kɔ ndje teasho, yé tsheneke á tshe lu ndjoro, tshe kɔ ndje ndjoro.

⁷Ɖe li adœke uzu dœ uzu to bata á lɔsu ye yindœ nœ, kashe dœ oyo tœ lɔsu ye too adœke uzu kakapa ye nene. Gbambanœ nene, Ndjaba yindœ uzu á tshe sœ kœto œrœ dœ yanga.

⁸Yé Ndjaba li tœ kœgi tshelœ aka anga œrœ kɔ ga mangbanœ fœ 'e mbœrœ adœke 'e sœ kolœ dœ œrœ á li, yé ga panœ dœmœ 'e sœ dœ œrœ yeka á kœsœ kœto ndœ ɔtshɔ akwa kɔ.

⁹Bata á endje sú ba la Buku nœ Ndjaba adœke: «Tshe kurutshelœ œrœ, œ to fœ aayi oyo, yé mara kœmbœrœ œrœ nœ ye ndjii sœpe waa dœ waa.»

¹⁰Ndjaba á tshe sœ kœto indji ngwarœ fœ aayi kœlu ngwarœ œdœ kœziroœ, tshe to bala indji ngwarœ kɔ á 'e gbe dœ tœnœ fœ 'e. Tshe mbœrœ adœke 'e mbœrœ œrœ á sœ ndjii waa dœ waa.

¹¹Tshe fa 'e tœ aayi kœgbœrœ dœ mara kɔ œdœ dœ ada ɔɔ kɔ mbœrœ adœke á 'e kœkakatœ kœto œrœ fœ anga 'e nene. Ataa, azu ndjoro œ gi mershe fœ Ndjaba tœ upu nœ 'e mbœrœ œrœ á 'e sœ kœto fœ endje lœ awa nœ 'a.

¹²Gbambanœ nene, akwa á 'e sœ kœmbœrœ tœnœ sœsœ kolœnœ adœke ayindœ Ndjaba gbɔ œrœ á endje gbe dœ tœnœ nene, kashe œ sœ ndje kœmbœrœ adœke azu ndjoro gi mershe fœ Ndjaba mbœrœ tœnœ.

¹³Azu ndjoro á endje wu adœke akwanœ asœke sœ dœ ádá waa, endje donga bala Ndjaba mbœrœ mara kœmbœrœtœ 'e lindœ Ɖtshɔ O'o nœ Kristu asœmœ. Endje donga ndje Ndjaba mbœrœ mara á 'e kurutshelœ œrœ nœ 'e tœ endje œdœ tœ anga azu kɔ.

¹⁴Endje za bala avwala mbœrœ 'e dœ kœma kœyindœsho nœ endje ga ndœ 'e mangba ɔtshɔ lɔsu á ropa nœ, á Ndjaba za fœ 'e.

¹⁵Kaka adœke a gi mershe fœ Ndjaba mbœrœ kœtorœ nœ ye á ropa œrœ kɔ.

2 Koriti 10

Kœgi o'o nœ Polo tœ upu nœ kœtɔ meza pa akwa nœ ye

¹Ɖemœ Polo, mœ sœ kœpa fœ 'e dœ tœ mœ dœ ɔmɔ lɔsu œdœ dœ ɔtshɔ lɔsu nœ Kristu adœke, anga azu sœ kœpa adœke œdœ mœ kœsœ ugurutœ 'e, mœ sœ kœzatœ mœ ga atɪ ga ndœ 'e, yé œdœ mœ kœgugu ugurutœ 'e nene, mœ gbɔɔgbɔ ga ndœ 'e.

²Mœ sœ kœkɪ fœ 'e adœke 'e kakapa mœ adœke mœ mbœrœ œrœ dœ ɔgbɔ, lɔkɔ á mœ kœna ba ndœ 'e nene. Gbambanœ nene, mœ gbe kœyisœ gbɔgbɔ nœ

mœ fœ azu á endje sœ kœpa adœke 'a sœ kœmbœrœ akwa tœ mara nœ azu nœ tshapashɔ.

³Ɔ sœ adjapu adœke a'a kœdœ azu tshapashɔ, kashe 'a sœsœ kœnga koshe dœ mara nœ adja azu tshapashɔ nene.

⁴Lœ kœnga koshe nœ 'a, œrœ kœnga dœ koshe nœ 'a toto ba ndœ azu nene, kashe gbɔgbɔnœ to ba ndœ Ndjaba mbœrœ kœndi tshelœ gbɔgbɔ nœ ayingba. 'A sœ kœndi tshelœ gbetshelœ nœ egerœ kumu

⁵œdœ gbɔgbɔ kɔ á sœ kœza egerœ kumu adœke azu kœwuwusœ Ndjaba nene. 'A sœ kœmbœrœ adœke endje fa gbetshelœ nœ endje kɔ mbœrœ adœke endje mbœrœtœ endje lindœ Kristu.

⁶Yé lɔkɔ á 'e kœsœ kœmbœrœtœ 'e dœ ɔtshɔnœ, 'a kpalatœ 'a nene kœza djofele fœ endjeneke á endje sœsœ kœmbœrœtœ endje dœ awanœ nene.

⁷'E sœ kœwu kolœ tshapa œrœ. Ɔdœ anga uzu kœgbe adœke œne kœdœ uzu nœ Kristu, tshe gbetshelœ ye tœ œrœ asœke kane: azœ kœdœ azu nœ Kristu awa bale dœ she ndje.

⁸Ataa œdœ mœ kœdu okoro mœ tœ tshagbozu á Gbozu Yisu za lima fœ mœ, mœ sœ dœ tshula mbœrœ tœnœ nene. Tshe za lima fœ mœ mbœrœ kœguma 'e, kashe œ dœdœ mbœrœ adœke œ ndi 'e nene.

⁹Mœ yiyindœ nœ adœke mbeti nœ mœ á mœ su za awa fœ 'e nene.

¹⁰Gbambanœ nene, anga azu sœ kœpa adœke: «Mbeti nœ Polo lili dœ pe gbɔgbɔ, kashe lɔkɔ á tshe kœsœ ugurutœ azœ, tshe mɔmɔ yé mara kœpa o'o ye lili nene.»

¹¹Ɔ li adœke uzu á tshe pa mara o'o ataa wusœ nœ dœ ɔtshɔnœ adœke, mara á 'a su dœ mbeti nœ 'a lœ ingirinœ, tshetœ maranœ asœmœ dá 'a mbœrœ dœ tœnœ œdœ 'a kœsœ ba ugurutœ 'e.

¹²'A yiyindœ kœzatœ 'a awa bale too kœzatœ 'a bata anga azu á endje sœ kœdonga tœ endje dœ tœ endje asœmœ nene. Gbambanœ nene, endje kœdœ agbakindi azu. Endje sœ kœwutœ endje dœ tœ endje. Endje sœ kœzatœ endje bata kœgerœ œrœ.

¹³Tœ a'a nœ 'a, 'a sœ dœ egerœ kumu adœke 'a rosœ mapaka kɔ nene, kashe 'a mbœrœ akwa kolœ kpœtœ ama osho neke á Ndjaba to fœ 'a, yé á yindœ nœ adœke 'a wuta œrrr ba ndœ 'e.

¹⁴Gbambanœ nene, a'a dá dœ adja azu utshunœ á 'a na dœ Ɔtshɔ O'o nœ Kristu fœ 'e. 'A roropa mapaka nœ akwa nœ 'a nene ataa œdœ 'a kœroro má ga ndœ 'e nene.

¹⁵Dœ tœnœ ataa, 'a sœsœ kœdu okoro 'a kœropanœ mbœrœ akwa nœ anga angbi azu nene, kashe 'a wusœ nœ adœke kœyindœrœ nœ 'e œ gerœ yé 'a kpa mbœrœ adœke œ sœ kolœ kœgerœ tœnœ lindœ mapaka nœ 'a.

¹⁶Manda nœ, 'a na kœyisœ Ɔtshɔ O'o ƒa lœ anga angbi ogo djagakele 'e. Ataa, 'a du okoro 'a mbœrœ akwa nœ anga angbi azu á endje mbœrœ ƒa tœ osho akwa nœ endje nene.

¹⁷Andaa, endje sú ƒa la buku nœ Ndjaba adœke: «Ɔdœ uzu kœyindœ kœdu okoro ye, tshe du okoro ye tœ œneke á Gbozu mbœrœ.»

¹⁸Gbambanœ nene, endje dodonga uzu á tshe sœ kœzatœ ye mbœrœ gbetshelœ nœ ye dœ tœ ye bale nene, kashe endje donga tsheneke á Gbozu sœ kœema o'o tœ upu nœ ye.

2 Koriti 11

Polo œdœ aayi avwa nœ wala

¹Mœ yindœ nœ adœke 'e ru lœsu 'e tœ o'o mœ á sœ ƒata œnœ ayi iyi. Adja 'e ru lœsu 'e tœ mœ.

²Mœ sœ dœ úkú tœ upu nœ 'e waa, yé úkúnœ ascœmœ to ƒa ndœ Ndjaba. Gbambanœ nene, mœ pandœ kœko 'e fœ anga yakoshe bale adœke 'e i she, yakoshœnœ kœdœ Kristu. Yé mœ gbe ndœ kœema 'e fœ she ƒata akpɔ yawuru á tshe wuwu damba sœ yakoshe nene.

³Kashe mœ sœ dœ awa adœke, ƒata á yakoro fara lima Eva dœ ekpe ɔtshɔ ye, mœ sœ kœgbe adœke anga uzu ƒafara ndje kœwusœrœ nœ 'e yé œ gi 'e zara tœ mara á 'e zatœ 'e yé á sœ yerœ ga ndœ Kristu nene.

⁴Gbambanœ nene, mœ wu adœke œdœ anga uzu kœna kœmĩndœ anga angbi Yisu á 'a mĩmĩndœ ye fœ 'e nene, 'e sœ kolœ kœdji she; 'e sœ kœyindœ ishiri á sœ kpi tœ ƒshiri neke á 'e gbɔ lima; 'e sœ ndje kœyindœ Ɔtshɔ O'o á sœ kpi tœ œneke á 'a yi lima sœ nœ fœ 'e.

⁵Azu á 'e sœ kœwu endje ƒata agboro aayi avwa nœ 'e ascœmœ, roropa mœ nene.

⁶Ataa mœ wuwusœ kœpa o'o dœ ɔtshɔnœ nene gbaa, kashe œ dœdœ tœ upu nœ kœwusœrœ nene. 'A yi lima sœ nœ fœ 'e para œdœ dœ mara kɔ.

⁷Lɔkɔ á mœ yisœ Ɔtshɔ O'o nœ Ndjaba fœ 'e, mœ yi lima sœ nœ gbambanœ. Mœ za lima tœ mœ ga ati mbœrœ kœti 'e ga lafo. Ataa, œrœnœ á mœ mbœrœ ascœmœ kœdœ ekperœ a?

⁸Azu tshelœ anga angbi Ikrizia dá to lima œrœ fœ mœ, yé œ ma lima tœ ye adœke mœ sœ kœshe mbœrœ endje mbœrœ kœmbœrœ akwa fœ 'e.

⁹Yé dœ lɔndɔ á mœ sœ lima ba ndœ 'e, ataa mœ sœ lima dœ ogo œrœ gbaa, mœ yɔyɔndœ œrœ tshaabrœ uzu bale nene. Gbambanœ nene, aaya azœ á endje to ba læ Masedwane dá na lima dœ œrœ á mœ gbe lima dœ tœnœ fœ mœ. Mœ gbɔndœtœ mœ lima mbœrœ kœdœdœ egerœ kongba pa 'e nene, yé mœ gbɔndœtœ mœ kolœ atamœ waa dœ waa.

¹⁰Lœ awa nœ adja o'o nœ Kristu á sœ læ mœ, mœ sœ kœpa tœnœ ngbi adœke: uzu bale ba læ ogo Akayi œ li kœkɔ mœ tœ upu nœ kœdongatœshonœ asœmœ nene.

¹¹Mbœrœ gadœ á mœ pa o'onœ asœmœ a? Œ sœ kœma adœke mœ yiyindœ 'e nene a? Ndjaba wusœ nœ dœ adœke mœ yindœ 'e ye!

¹²Mœ sœpe kolœ kœmbœrœ bata á mœ mbœrœ ngɔngɔ nœ asœke mbœrœ á kœgi ekpe gbetshelœ læ azu á endje sœ kœdu okoro endje bata endje liili dœ 'a.

¹³Azunœ asœmœ kœdœ aayi avwa nœ wala, endje sœ kœfatœ endje adœke œne kœdœ aayi avwa nœ Kristu.

¹⁴Anga œrœ bale kœkatœ ama osho ti ɔsɔ ndœnœ gugu kpœtœmœ nene, Satana dœ tœ ye sœ kœfatœ ye tœ andjelu nœ ɔɔ.

¹⁵Ataa œdœ aayi akwa nœ ye kœsœ kœfatœ endje adœke œne kœdœ aayi akwa á œne sœ ndjii, œ dœdœ upu kœkitœ œsœnœ nene. Ba tœ ndɔngɔlɔnœ, endje gbɔ kolœ œrœ neke á liili dœ akwa nœ endje.

Polo shi gbi læ kœwu oyo

¹⁶Mœ kpa sœ kœpa o'onœ asœmœ adœke: uzu bale zaza mœ bata ayi iyi nene. Kashe œdœ 'e kœgbe adœke mœ sœ dœ iyi, 'e yindœ nœ adœke mœ sœ dœ tœnœ mbœrœ adœke mœ donga tœ mœ ndje teasho.

¹⁷Adjapu, œneke á mœ sœ kœpa tœnœ ngɔngɔ asœke, mœ sœsœ kœpa bata á Gbozu yindœ nœ nene, kashe mœ sœ kœpa bata mœ sœ dœ iyi læ kœza lœsu mœ ga pa œneke á mœ sœ kœdongatœ mœ tœnœ.

¹⁸Bata á azu ndjoro sœ kœdonga tœ endje tœ œrœ nœ endje œnœ tshapashɔ, œmœ ndje mœ donga ndje bala tœ mœ.

¹⁹E'e dœ azu á 'e sœ dœ kœwusœtœ, 'e yindœ nœ dœ tœ 'e kœru lœsu 'e tœ aayi iyi.

²⁰E sœ kœru lœsu 'e adœke endje mbœrœ œrœ bata akanga fœ 'e, endje gbɔtœ œrœ nœ 'e, endje fara 'e, endje wu 'e gbambanœ tœ ala endje yé œ da ala 'e.

²¹Mœ sœ dœ tshula kœpa adœke a'a kœdœ azu á 'a mœmœ. Andaa, o'o á endje sœ kœpa tœnœ, mœ sœ kœpa bata ayi iyi: œmœ ndje, mœ lii kœpa tœnœ.

²²Endje sœ kœdonga tœ endje adœke œne kœdœ Aebre, œmœ ndje kœdœ Ebre! Endje kœdœ azu ogo Israyele, œmœ ndje kœdœ uzu ogo Israyele! Endje kœdœ aata Abrayamo, œmœ ndje kœdœ atanœ.

²³Endje kœdœ aayi akwa nœ Kristu, œmœ ndje, mœ mbœrœ akwa nœ ye kœropa endje. Mœ sœ kœpa o'o b̄ata mœ sœ dœ iyi. Mœ m̄o lima lœ akwa kœrosœ endje, endje za mœ ga lœ k̄anga kœropa endje, endje bi mœ kœrosœ endje, mœ li lima ga lœ kuzu awa ndjoro kœrosœ endje.

²⁴Ayuda s̄o mœ dœ ndjapa zazu bale dœ ndjokpa dœ mindu dœ amanœ vana. Endje s̄o mœ ataa awa mindu.

²⁵Azu ogo Roma s̄o mœ dœ ndjapa awa voto yé œ ve mœ dœ badja awa bale. Mœ nduru dœ agba awa voto yé œ mbœrœ olo bale dœ butsh̄o bale la ungu.

²⁶Lœ ana nœ mœ ndjoro á mœ na dœ ada mœ, œgb̄o œrœ á wuta ga tœ mœ to ba tœ ungu á sœ kœtu ga lœ agba too ba ndœ aayi angba; œgb̄o œrœ á to ba ndœ anga mœ dœ Ayuda too ba ndœ angbi azu; œgb̄o œrœ á wuta ga tœ mœ ba lœ ongbo too ba lœ kpagagasho, œ wuta ga tœ mœ ba la ungu ingbir̄i œdœ ba ugurutœ ekpe azu á endje pa adœke œne kœdœ azu nœ Kristu.

²⁷Mœ m̄o dœ akwa yé œ wu oyo waa. Kpala kpala, mœ lolo olo nene; mœ sœ kœsœ dœ ogo kœzirœ œdœ pe dœ ogo ungu yé œ sœ kœmbœrœ lima adœke mœ sœ kœyotshelœma mœ kpala kpala. Mœ wu oyo dœ izi œdœ tœ upu nœ lœba waa.

²⁸Tœ kœdi udu œrœnœ k̄o nene, œl̄o dœ œl̄o mœ sœ kœgbe dœ Ikrizia para k̄k̄o.

²⁹œdœ anga uzu nœ Kristu kœm̄o, ngbewo mœ m̄o ndje ye. œdœ anga kœtitœ ye tœ kœyindœrœ, ngbewo l̄osu mœ sœ kœka mœ.

³⁰œ kœsœ adœke mœ donga tœ mœ, mœ donga tœ mœ tœ kœm̄o nœ mœ.

³¹Ndjaba, Aba Gbozu nœ azœ dœ Yisu á endje sœ kœdonga she waa dœ waa, wusœ nœ adœke mœ sœsœ kœpa wala nene.

³²L̄k̄o á mœ sœ lima ba lœ Damaseke, gbozu á tshe sœ kœmbœrœ akwa nœ gbozugo Aretase, ko azu ba tœ manda ongbo mbœrœ á endje kœza mœ.

³³Kashe endje za mœ ga lœ kingi yé œ yi mœ ga ati ba ushu lœ anga ogoro bale á sœ lœ egerœ muru nœ ongbonœ, yé á mœ kpa.

2 Koriti 12

Gbozu yisœ œrœ lœ ulu fœ Polo

¹œ li adœke mœ donga tœ mœ ataa œ gugu dœ ádá nene gbaa. Kashe nḡonḡonœ asœke mœ yindœ kœpa o'o tœ upu nœ kœwu œrœ lœ ulu œdœ tœ upu nœ kœma œrœ á Gbozu yisœ nœ fœ mœ.

²Manda ungu ndjokpa doe vana, mœ wusœ anga uzu nœ Kristu bale á Ndjaba ti she œerrr ba lafo ba ndœ ye. Œdœ undu ye dá ɔ adja lima ga lafo too œdœ ulu dá mœ lu, mœ wuwusœ nœ nene, kashe kolœ Ndjaba kuti ye dá wusœ nœ.

³⁻⁴Adjapu, mœ wusœ nœ adœke Ndjaba ti uzunœ asœmœ œerrr ba lœ paradizo. (Œdœ undu ye dá ɔ adja ga lafo too œdœ ulu dá mœ lu, mœ wuwusœ nœ nene, kashe kolœ Ndjaba kuti ye dá wusœ nœ). Ba zœ, tshe dji o'o á azu lili kœpa tœnœ nene yé endje zaza ndje awa fœ uzu bale ba pa ɔshɔ kpa kœpa tœnœ nene.

⁵Mœ donga bala tœ mœ tœ upu nœ uzunœ asœmœ ye, kashe tœ œmœ nœ mœ, mœ donga bala kolœ tœ mœ tœ kœmɔ nœ mœ.

⁶Œdœ mœ kœyi má ndœ kœdonga tœ mœ, mœ sœ má doe iyi nene, mbœrœ mœ pa má adja o'o. Kashe mœ sœ kœkpawa kœdonga tœ mœ. Gbambanœ nene, mœ yiyindœ nœ adœke endje gbɔ gbetshelœ neke á ropa œrœ á endje sœ kœwu mœ kœmbœrœ tœnœ too œeneke á endje sœ kœdji ba ndœ mœ nene.

⁷Yé mbœrœ kœmarœnœ asœmœ á ro lima panœ ye, kparawa adœke mœ dodonga tœ mœ nene, Satana za koba ga lœ ɔkɔ mœ lœ awa nœ andjelu nœ ye á tshe sœ kœbi mœ kparawa adœke mœ dodonga tœ mœ nene.

⁸Tœ upunœ asœke, mœ za avwala fœ Gbozu awa votɔ adœke tshe gi kobanœ lœ ɔkɔ mœ ye.

⁹Tshe gi fœ mœ adœke: «Œtshɔ lœsu nœ mœ ga ndœ zœ li doe bœ ye. Gbɔgbɔ nœ mœ œ matœ ye œdœ bœ kœmɔmɔ.» Mœ gbe kœdonga tœ mœ tœ kœmɔ nœ mœ mbœrœ adœke gbɔgbɔ nœ Kristu kœsœ ga pa mœ.

¹⁰Mbœrœ tœnœ ataa dá mœ sœ doe yanga lœ kœmɔ, lœ kœgu osho, lœ œrœ neke á mœ yiyi má kœmbœrœ tœnœ nene, lœ œrœ kanga œdœ lœ œeneke á sœ kœza lœsu mœ ga lafo tœ upu nœ Kristu. Gbambanœ nene, lœndɔ á mœ kœsœ doe kœmɔ, doe lœndœnœ asœmœ dá mœ sœ kœsœ doe gbɔgbɔ.

Lœsu Polo sœ ga lafo tœ upu nœ azu Koriti

¹¹Mœ sœ kœpa o'o bata mœ sœ doe iyi, kashe e'e dá shosho mœ ndœ nœ. E'e dá pa má o'o tshapa mœ. Gbambanœ nene, ataa mœ sœ gbambanœ gbaa, agboro aayi avwanœ asœmœ, roropa mœ nene.

¹²Yé doe lœkɔ á mœ sœ lima ba ndœ 'e, mœ mbœrœ lima akwa doe ugu lœsu, yé Ndjaba mbœrœ ambárá afá doe afá œdœ pe akwa nœ gbɔgbɔ ndjoro lœ awa nœ mœ. Ambáránœ asœmœ ngbangbangba sœ kœema adœke œmœ kœdœ adja ayi avwa.

¹³Œrœ gadœ dá mœ ko fœ anga angbi Ikriزيا yé á tshaapu kœko tœnœ fœ 'e a? Mbœrœ á mœ yœyœndœ œrœ ba ndœ 'e nene a? 'E wu oyo mœ tœ mara á mœ sœsœ ndjii nene asœmœ.

14Mœ ndo kœna voto ana gene nœ mœ ga ndœ 'e ye, yé mœ yøndœ œrœ tshaabrœ 'e nene. E'e dá mœ sœ kœpara 'e, kashe œ dœdœ œrœ nœ 'e nene. Gbambanœ nene, œ dœdœ agbolo dá ngbœba œrœ fœ agbozu nœ endje nene, kashe agbozu dá ngbœba fœ agbolo nœ endje.

15Tœ œmœ nœ mœ, mœ sœ dœ yanga kœndi œneke kœ á mœ sœ dœ tœnœ œdœ kœzatœ mœ djigi fœ 'e. Œdœ mœ kœyindœ 'e tœpanœ kpuru ataa, 'e yindœ mœ kœrosœ nœ nene a?

16Adja 'e wusœ nœ adœke mœ yœyœ lima ndœ œrœ tshaabrœ 'e nene. Kashe anga endje ugurutœ 'e pa adœke mœ na dœ afara mbœrœ kœko œrœ tshaabrœ 'e.

17'E za tsheneke á 'e gbe kœza she ugurutœ azu á mœ vwa endje fœ 'e: mœ ko œrœ tshaabrœ 'e lœ awa nœ anga bale ugurutœ endje a?

18Mœ shosho Tito adœke tshe na ga ndœ 'e, mœ vwa she awa bale dœ aya azœ á 'e wusœ ye. Tito ko œrœ tshaabrœ 'e a? A'a dœ she, 'a mbœmbœrœ lima œrœ dœ she dœ gbetshelœ bale nene a? 'A sœsœ ndje lima kœza awa tshebabale nene a?

19Katshatsha 'e sœ kœgbe adœke 'a sœ kœpara awa kœpa ngbanga ba utshu 'e a? Œ! 'A sœ kœpa o'o lœ awa nœ Kristu ba utshu Ndjaba. Yé e'e dœ aaya 'a á 'a yindœ 'e waa, 'a sœ kœpa o'onœ asœmœ fœ 'e ataa mbœrœ á kœgi 'e lœ kœyindœrœ ga utshunœ.

20Mœ sœ dœ awa adœke dœ lœkœ á mœ kœwuta ga ndœ 'e, 'e mbœrœtœ 'e kpi tœ œneke á mœ yindœ nœ yé œ gbœ ndje mœ kpi tœ œneke á 'e gbe dœ tœnœ. Mœ sœ dœ awa adœke mœ gbœ œbœrœ œdœ úkú, ókó œdœ kœsœ dœ gbetshelœ kpi, kœpa ekpe o'o œdœ kœdondœrœ, kœtshapu kœlissœ uzu œdœ pe djingili.

21Mœ sœ dœ awa adœke mœ kpa kœna ga ndœ 'e, Ndjaba nœ mœ zaza tshula ga tœ ala mœ ba utshu 'e nene, yé á mœ kœkiki nene mbœrœ azu ndjoro á endje mbœrœ lima ekperœ utshunœ yé á tshaapu kœfatshalœsu endje tœ œrœ uburu nœ endje, tœ ekpe œtshœ endje œdœ tœ angba budu nœ endje.

2 Koriti 13

Ndœngœlœ kœmi upu nœ Polo

1Awa voto kœna mœ ga ndœ 'e dœke. Œdœ atimu bisha too voto kœpa o'o ama endje bale, endje wa o'o ye.

2Mœ sœ dœ o'o bale kœpa fœ azu á endje mbœrœ ekperœ œdœ fœ udu azu kœ. Mœ pa lima o'onœ lœ bisha ana nœ mœ ga ndœ 'e ye, kashe mœ kpa sœ kœpa

tœnœ ngɔngɔ asœke bata á mœ gugu nene; mœ kpa kœkwatœ mœ manda nœ kœwu 'e, mœ sœ dœ lɔsu nœ kœwu oyo uzu bale nene.

³E sœ kœyindœ nœ adœke mœ ma adœke Kristu sœ kœpa o'o lœ awa nœ mœ. Kristu mama kœmɔ ga ndœ 'e nene, kashe tshe sœ kœma gbɔgbɔ nœ ye ba ugurutœ 'e.

⁴Adjapu, tshe sœ lima dœ kœmɔ lɔkɔ á endje kuru she ga pa kurushi, kashe ngɔngɔnœ asœke tshe sœ dœ soro lœ awa nœ gbɔgbɔ nœ Ndjaba. A'a ndje, 'a sœ dœ kœmɔ mbœrœ á 'a ngbɔtœ 'a bale dœ she. Kashe 'a sœ kœyisœ nœ fœ 'e adœke 'a sœ bala dœ soro dœ she lœ awa nœ gbɔgbɔ nœ Ndjaba.

⁵E tondœtœ 'e dœ tœ 'e, 'e ma œdœ 'e kœsœ dœ kœyindœrœ. 'E wuwusœ nœ adœke Yisu Kristu sœ ugurutœ 'e nene a? 'E wu lɔsu 'e dœ tœ 'e. Too 'e kœma ete adœke 'e te yekane.

⁶Mœ gbe adœke 'e wu bala sœ nœ adœke 'a mbœrœ œnœ 'a œrœnœ ye.

⁷A sœ kœza avwala fœ Ndjaba adœke 'e mbœmbœrœ ekperœ bale nene. 'A gbegbe kœguma o'onœ ba utshu 'e nene, kashe 'a gbe adœke 'e mbœrœ ɔtshɔrœ ataa á kœmatœ endje adœke 'a te.

⁸Gbambanœ nene, 'a lili kœmbœrœ œrœ neke á sœ kpi tœ adja o'o nene, 'a mbœrœ kolœ œneke á dœ adja o'o.

⁹A sœ kœsœ dœ yanga lɔkɔ kɔ á 'a kœmɔ, yé á 'e sœ dœ gbɔgbɔ. Ádá kœza avwa nœ 'a kœdœ adœke 'e wuta azu á endje li.

¹⁰Mbœrœ tœnœ ataa dá mœ su mbetincœ asœ fœ 'e lœ ingirincœ adœke: œ sœsœ mbœrœ adœke mœ kœsœ ugurutœ 'e, mœ wa o'o dœ ɔgbɔ ga tœ 'e lindœ tshagbozu á Gbozu za fœ mœ nene. Tshagbozunœ asœmœ sœ mbœrœ kœgi kœyindœrœ nœ 'e ga utshunœ, kashe œ dœdœ mbœrœ kœndi tœnœ nene.

¹¹Yé ngɔngɔ asœke alaya, 'e sœ dœ yanga, 'e mbœrœ akwa adœke œ gi 'e ga utshunœ, 'e to gbɔgbɔ lœ tœ 'e, 'e djitœ 'e dœ ɔtshɔnœ, 'e sœ gee, yé Ndjaba nœ kœyindœsho œdœ œnœ kœsœ gee, œ sœ dœ 'e awa bale.

¹²E za œyerœ abala nœ ayazu ugurutœ 'e. Ayerœ azu nœ Ndjaba para bala 'e.

¹³Kaka adœke ɔtshɔ lɔsu nœ Gbozu Yisu Kristu, dœ kœyindœsho nœ Ndjaba œdœ pe ɔtshɔ Ishiri á ngbɔtœ ye dœ endje bale ga tœnœ, sœ dœ 'e para kɔkɔ.

Galate

Galate 1

Abala

¹Ɔemœ Polo, ayi avwa nœ Yisu Kristu, œ dóédóé azu dá ke mœ kœdœ ayi avwa nene. Ɔé dóédóé ndje uzu dá vwa mœ adœke mœ wuta ayi avwa nene. Kashe Yisu Kristu œdœ Aba dœ Ndjaba á tshe she she lœ akuzu asœmœ dá vwa mœ.

²Aaya kɔ́ á endje sœ dœ mœ kpœke te ga ndœ mœ yekane á 'a su mbetinœ asœke fœ Ikrizia lœ ogo Galate:

³Kaka Aba azœ dœ Ndjaba œdœ pe Gbozu Yisu Kristu ma ɔ́tshɔ́ lɔ́su nœ endje ga ndœ 'e yé œ za kœsœ gee fœ 'e.

⁴Kristu tshu lima lœ kumu ekperœ nœ azœ, tshe gbota azœ lœ ekperœ nœ tshapashɔ́nœ asœ, liaka œneke á Aba azœ dœ Ndjaba yi lima ndœ nœ adœke tshe mbœrœ.

⁵Kaka tshe sœ dœ mokɔ́ ngbugu dœ ngbugu. Ame.

Ɔtshɔ́ O'o sœ kolœnœ bale

⁶Mœ katœ ama mœ ti ɔ́sɔ́ kœwu adœke 'e fa tshangba 'e katsha gbɔ́ tsheneke á tshe e 'e lœ awa nœ ɔ́tshɔ́ lɔ́su nœ Kristu, mbœrœ kœkpa mangba anga tafo Ɔtshɔ́ O'o.

⁷Anga tafo Ɔtshɔ́ O'o gugu nene, kashe anga azu dá sœ kœdjingili tshelœ kumu 'e yé á sœ kœfa tshelœ Ɔtshɔ́ O'o nœ Kristu.

⁸Kashe œdœ anga uzu bale, œdœ a'a, œdœ ndje anga andjelu á tshe kœto ba lafo, á kœmɔ́ndœ anga Ɔtshɔ́ O'o á kœsœ kpi tœ œneke á 'a mi lima ndœ nœ fœ 'e, kaka Ndjaba darandœ ye.

⁹A pa lima ndœ nœ utshunœ yé mœ kpa sœ kœpa tœnœ ngɔ́ngɔ́ asœ adœke: Uzu á tshe kœpandœ Ɔtshɔ́ O'o á sœ kpi tœ œneke á 'e gbɔ́ lima, kaka Ndjaba darandœ ye.

¹⁰Yé atamœ 'e sœ kœgbe ngɔ́ngɔ́ asœ adœke mœ sœ kœpara awa adœke azu yindœ mœ a? Bale nene, mœ sœ kœpara awa adœke mœ za yanga fœ Ndjaba. Ɔœdœ mœ kœpara awa kœza yanga fœ azu, mœ kpa dœ ayi kœmbœrœ akwa nœ Kristu nene.

Mara á Polo te ayi avwa nœ Yisu

¹¹Aaya mœ, mœ sœ kœpa ngbi fœ 'e adœke: Ɔtshɔ́ O'onœ á mœ mi lima ndœ nœ fœ 'e asœmœ toto lœ gbetshelœ nœ uzu nene.

¹²Gbambanœ nene, mœ gbɔgbɔ tshakane uzu nene, œ dóédóé ndje uzu dá yisœ nœ fœ mœ nene. Kashe Yisu Kristu dá ma lima fœ mœ.

¹³'E dji lima ndœ mara kœmbœrœtœ mœ lɔkɔ á mœ sœpe lima lœ awa akwa nœ Ayuda. Mœ mbœrœ lima œrœ kanga fœ Ikrizia nœ Ndjaba waa, yé mœ para lima dœ awa kɔ adœke œ ndi ye.

¹⁴Mœ sœ lima dœ kœyindœrœ ga tœ awa akwa nœ Ayuda dœ kœza ga tœ akwa, yé œ za lima tœ mœ ga tœ awa nœ aata azœ kœropa anga anga mœ kɔ á 'a gerœ dœ endje lœ ogo nœ azœ.

¹⁵Kashe, lɔkɔ á Ndjaba wu lima dœ ɔtshɔnœ, tshe ke lima mœ katshatsha utshunœ adœke endje zu mœ, yé œ e lima mœ lœ ɔtshɔ lɔsu nœ ye.

¹⁶Tshe mbœrœ lima adœke mœ wusœ Gbolo nœ ye, yekane á kœyisœ ɔtshɔ O'o nœ ye fœ azu á endje dóédóé Ayuda nene. Ataa, mœ nana ga ndœ anga uzu kœyu she ndœ kœmi upu fœ mœ nene.

¹⁷Mœ nana ndje lima ga lœ Yerusaleme ndœ kœwu endjeneke á endje dœ lima aayi avwa nœ Kristu utshunœ nene. Kashe mœ ro lima ba lœ ogo Arabi, yeka manda nœ, á mœ kwatœ mœ ga lœ Damaseke.

¹⁸Yé manda ungu votɔ, mœ na ga lœ Yerusaleme mbœrœ kœgbɔtœ mœ dœ Petro. Mœ lo ba ndœ ye olo ndjokpa dœ mindu.

¹⁹Mœ wuwu anga angbi ayi avwa bale nene, kashe kolœ Jake á tshe kœdœ aya Gbozu.

²⁰œneke á mœ sœ kœsu fœ 'e asœke, mœ sœ kœpa adja utshu Ndjaba adœke œ dóédóé wala nene.

²¹Manda nœ, mœ na ba lœ ogo Siri dœ pe Silisi,

²²kashe endje wuwu lima sœ mœ ba lœ Ikrizia nœ Kristu lœ ogo Yuda nene.

²³Endje djidji lima kolœnœ adœke: «œshe á tshe sœ lima kœmbœrœ œrœ kanga fœ azœ, dá kpa tetœ kœyisœ œrœ ngɔngɔnœ asœ tœ upu nœ kœyindœrœnœ á tshe pa lima avwara adœke œne wo ye.»

²⁴Yé endje te lima tœ kœdonga Ndjaba tœ upu nœ mœ.

Galate 2

Polo gbɔtœ ye dœ anga aayi avwa nœ Yisu ba lœ Yerusaleme

¹Yé manda ungu ndjokpa dœ vana, 'a kpa kwatœ 'a dœ Barnabase ga lœ Yerusaleme; mœ za ndje lima Tito potœ mœ.

²Mœ kwa lima tœ mœ mbœrœ á Ndjaba ma lima tœ ye, á pa fœ mœ adœke mœ na ga zœ. 'A ngbɔba lima tœ 'a kolœ dœ agbozu Ikrizia á œsœ endje li, á mœ

pandœ œsœé Ɔtshɔ O'onœ á mœ sœ kœmĩndœ nœ fœ azu á endje dœédœé Ayuda nene fœ endje. Gbambanœ nene, mœ sœ dœ awa adœeke akwa á mœ sœ kœmbœrœœ tœncœ œdœœ pe œeneke á mœ kpa mbœrœœ sœsœ gbambanœ nene.

³Kashe Tito, uzu Greke á 'a na tœ awanœ dœ she, endje shoshosho she adœeke endje wa she tœ gaza nene.

⁴Anga aayi kœna manda Yisu dœ wala yi lima ndœ nœ adœeke endje wa she tœ gaza. Endje li lima yagele ga ugurutœ 'a mbœrœœ kœwu mara á 'a wuta lœ awa akwa nœ Ayuda, á ngbœtœ 'a bale dœ Yisu Kristu asœmœ. Endje para awa adœeke œene kpa gi 'a ga lœ œrœœ kanga nœ awa akwa nœ Ayudanœ.

⁵'A vvara tœ 'a kara kœdji azunœ asœmœ, mbœrœœ 'a yi lima ndœ kœgbœndœ adjapu nœ Ɔtshɔ O'o ugurutœ 'e.

⁶Kashe agbɔ agbozunœ á œsœœ endje li asœmœ, œdœœ mara á endje lœ dœ tœncœ wuwu mœ nene. Gbambanœ nene, utshu Ndjaba, azu kɔ sœ awa bale. Endje papa anga o'o kpi ga pa œeneke á mœ pa nene.

⁷Kashe endje wu adœeke Ndjaba za akwa kœyisœ Ɔtshɔ O'o fœ angbi azu ga tshakane mœ bœta á tshe za lima fœ Petro adœeke tshe yisœ nœ fœ Ayuda.

⁸Gbambanœ nene, Ndjaba á tshe mbœrœœ lima akwa lœ Petro adœeke tshe yisœ Ɔtshɔ O'o fœ Ayuda, dá mbœrœœ ndje lœ mœ adœeke mœ yisœ nœ fœ angbi azu.

⁹Jake, Petro œdœœ Yowane á azu nœ Kristu wu lima endje bœta agbozu tshapa endje, endje yi lima ndœ nœ adœeke Ndjaba dá za akwanœ asœeke fœ mœ. Mbœrœœ tœncœ atamœ, 'a ko lima tshelœ ama kane 'a dœ endje tœ kœma fœ azu adœeke 'a ngbɔ lœma akwanœ asœeke bale dœ endje. Atamœ, 'a yi lima ndœ nœ awa bale dœ endje adœeke, a'a dœ Barnabase 'a na kœmĩndœ Ɔtshɔ O'o fœ angbi azu, yé endje na œncœ endje kœyisœ nœ fœ Ayuda.

¹⁰Endje pa lima fœ 'a kolœncœ adœeke 'a gbe dœ aayi oyo. Yé mœ za lima tœ mœ djigi ndœ kœmbœrœœ tœncœ.

Polo gbagbara Petro ba lœ Atishe

¹¹Kashe lœkɔ á Petro na ba lœ Atishe, mœ gbagbara she tœ ala azu mbœrœœ œrœœ á tshe mbœrœœ lima sœsœœ dœ œtshœncœ nene.

¹²Yé utshunœ adœeke azu á Yakobo vwa endje na, tshe sœ lima kœzi œrœœ tœ œsœncœœ dœ angbi azu. Kashe manda kœyi kumu endje, tshe gitœ ye ugurutœ angbi azu œ kpa katœ kœzi œrœœ awa bale dœ endje kparawa Ayuda.

¹³Anga Ayuda mbœrœœtœ endje ndje bœta Petro, yé œ bili Barnabase á tshe te ndje ga lœ mara kœmbœrœœ œrœœ nœ endje.

¹⁴Kashe lœkɔ á mœ wu adœeke endje sœsœœ lima kœna ndjii lœ adja awa nœ Ɔtshɔ O'o nene, mœ pa fœ Petro tœ ala azu kœkœ adœeke: «œœbœ á bœ dœ Yuda, bœ

sœsœ koembœœtœ zœ b̄ata Yuda nene, kashe b̄ata angbi uzu. 'Bœ ka pa angbi azu adœeke endje mbœœtœ endje b̄ata Ayuda kotoo?»

Ayuda dœ pe angbi azu wuta ndjii lœ awa nœ kœyindœœ

¹⁵Azœ kœdœ adja Ayuda tako, a dœdœ angbi azu á ndje dœ aayi kœmbœœœ ekperœ nene.

¹⁶A wusœ nœ adœeke uzu œ wuta ndjii tœ ala Ndjaba mbœœœ kœlisœ awa akwa nœ Ayuda nene, kashe tshe wuta ndjii mbœœœ kœyindœœœ nœ ye ga ndœ Yisu Kristu. Azœ ndje awa bale, a yindœ Yisu Kristu mbœœœ a kœwuta ndjii mbœœœ kœyindœœœ nœ azœ ga ndœ Kristu, kashe œ sœsœ mbœœœ kœlisœ awa akwa nene. Gbambanœ nene, lœ awa nœ kœlisœ awa akwa, uzu bale œ sœ ndjii nene.

¹⁷Kashe, œdœ 'a kœpara awa kœte azu ndjii lœ Kristu, œ sœ b̄ata 'a dœ ndje lima ekpe azu b̄ata angbi azu. Atamœ, œ yindœ kœpa adœeke Kristu dá sœ kœvwa azu ga lœ ama ekperœ a? Œ, œ sœsœ ataa bale nene.

¹⁸œdœ mœ kpa kœkwatœ mœ ndœ kœlisœ awa akwa á mœ vwaratœ mœ tœnœ, dá mœ sœ kœma dœ tœ mœ adœeke œmœ kœdœ ayi kœmbœœœœ ekperœ.

¹⁹Gbambanœ nene, tœ œmœ nœ mœ, tœ upu á wu awa akwa, mœ sœ b̄ata uzu á tshe tshu ye. Awa akwanœ dá wo mœ, mbœœœ adœeke mœ sœ dœ tafo soro á kœmbœœœœ akwa fœ Ndjaba. Endje kuru mœ ga pa kurushi awa bale dœ Kristu.

²⁰Soro á mœ sœ dœ tœnœ dœdœ tœ mœ nene, kashe Kristu dá sœ dœ soro lœ mœ. Gbambanœ nene, mbœœœœ lœ soro nœ mœ ngŋŋŋ asœ lœ ŋkŋ, mœ sœ dœ tœnœ lœ kœyindœœœ ga ndœ Gbolo nœ Ndjaba á tshe yindœ mœ yé á tshu mbœœœœ mœ.

²¹Mœ yiyindœ nœ adœeke ŋtshŋ lœsu nœ Ndjaba ga ndœ mœ sœ gbambanœ nene. Mbœœœœ œdœ uzu kœsœ kœpara kœwuta ndjii lœ awa nœ kœmbœœœœtœ ye liaka awa akwa, œ yindœ kœpa adœeke ádá kuzu nœ Kristu gugu nene.

Galate 3

Awa akwa too kœyindœœœ

¹Uu, azu ogo Galate, œœœ sœ lœ kumu 'e a! Œdœ dá mbœœœœ œœœ e'e a? Andaa mœ yi lima sœ mara kuzu á Yisu tshu pa kurushi dœ tœnœ fœ 'e ngbi ye o!

²Mœ yindœ kœyu 'e dœ o'o bale: 'E gbŋ ŋshiri nœ Ndjaba mbœœœœ á 'e lisœ awa akwa nœ Ayuda a, too 'e gbŋ ŋshiri nœ Ndjaba mbœœœœ ŋtshŋ O'o á 'e dji yé á yindœ nœ?

³Kotoo, œœœ sœ lœ kumu 'e a? 'E te lima tœ kœna mangba Kristu dœ gbŋgbŋ nœ ŋtshŋ ŋshiri yé ngŋŋŋ asœ, 'e yindœ kœwuta ga tœ ndŋŋŋlŋœœ dœ gbŋgbŋ nœ 'e dœ tœ 'e a?

⁴Atamœ, œeneke kɔ á 'e wu sœ gbambanœ a? Œ li adœke œ sœ gbambanœ nene.

⁵Lɔkɔ á Ndjaba sœ kœto ʃshiri nœ ye fœ 'e yé á sœ kœmbœrœ afá ugurutœ 'e, tshe sœ kœmbœrœ tœnœ mbœrœ á 'e sœ kœlissœ awa akwa a? Bale nene, tshe sœ kœmbœrœ tœnœ mbœrœ á 'e dji ɔtshɔ O'o yé á yindœ nœ.

⁶E gbe dœ Abrayamo kane. Endje sú ʃa la Buku nœ Ndjaba adœke: «Abrayamo sœ lima dœ kœyindœrœ ga ndœ Ndjaba, yé Ndjaba za she ʃata uzu á tshe sœ ndjii lœ kumu kœyindœrœ nœ ye.»

⁷E wusœ nœ ngɔngɔ asœke adœke ayindœ Yisu kœdœ adja agbolo nœ Abrayamo.

⁸Endje sú ʃa la Buku nœ Ndjaba utshunœ adœke, Ndjaba œ fa bala angbi azu tœ azu á endje sœ ndjii mbœrœ kœyindœrœ nœ endje. Ndjaba pa lima ndœ ɔtshɔ o'onœ asœ utshunœ fœ Abrayamo adœke: «Mœ to kane mœ ga pa azu tshaphanœ asœke kɔ lœ awa nœ zœ.»

⁹Abrayamo yindœ nœ, yé Ndjaba to kane ye ga pa ye, ataa azu kɔ á endje sœ dœ kœyindœrœ, Ndjaba œ to kane ye ga pa endje ʃata á tshe to kane ye ga pa Abrayamo.

¹⁰Kashe azu á endje sœ kœgbe adœke œne she mbœrœ kœlissœ awa akwa asœmœ, Ndjaba darandœ endje kɔ. Gbambanœ nene, endje sú ala Buku nœ Ndjaba adœke: «Uzu á tshe kœsœsœ kœlissœ œrœ kɔ á endje sú ga la Buku awa akwa yé á sœ kœza ga tœ akwa nene, Ndjaba darandœ ye yé.»

¹¹Œ matœ endje ngbi adœke uzu bale œ sœ ndjii utshu Ndjaba lœ kœmbœrœtœ ye lindœ awa akwa nene. Gbambanœ nene, endje sú ala Bukunœ adœke: «Uzu á tshe kœsœ ndjii tœ ala Ndjaba lœ awa nœ kœyindœrœ, tshe sœ bala dœ soro.»

¹²Andaa kœlissœ awa akwa lili dœ kœsœ dœ kœyindœrœ nene. Kashe uzu á tshe lissœ awa akwa kɔ, tshe gbɔ soro lœ awa nœ awa akwanœ asœmœ.

¹³Kristu yɔ azœ lœ ndœkidji nœ awa akwa á yi ma ndœ kœte ga pa azœ. Ndœkidjinœ te ga pa ye lœ kudu azœ. Gbambanœ nene, endje sú ala Buku nœ Ndjaba adœke: «Uzu kɔ á endje kuru she ga pa ɔyɔ, Ndjaba darandœ ye yé.»

¹⁴Dœ tœnœ ataa, kœto kane á endje pa lima tœnœ fœ Abrayamo œ wuta ga ndœ angbi azu lœ awa nœ Yisu Kristu, yé azœ kɔ a gbɔ ɔtshɔ ʃshiri á Ndjaba pa lima tœnœ lœ awa nœ kœyindœrœ.

Awa akwa œdœ kœpandœ kœmbœrœ œrœ

¹⁵Aaya mœ, a tondœ kœmbœrœ œrœ nœ azu: Lɔkɔ á uzu kœsu mbeti kœkatœ uvu, uzu bale á tshe li kœvwara tœ ye tœnœ too kpa kœsu anga angbi œrœ ga pa nœ gugu nene.

¹⁶A wusœ nœ dœ ɔtshœnœ adœke Abrayamo dœ atanœ dá Ndjaba pa lima ndœ kœmbœrœ œrœ fœ endje. Endje susu ala Bukunœ adœke: «dœ aatanœ», ʃata

azu ndjoro dá endje pa tõe endje nene. Kashe endje sú ala Bukunœ adœke: «dœ ata zœ», tõe kœyisœ uzu bale á tshe kœedœ Kristu.

17Ádá o'onœ á mœ yindœ kœpa fœ 'e dœke: lima utshunœ, Ndjaba guma ayo dœ Abrayamo yé œ pandœ nœ adœke œne gbøndœ nœ. Manda nœ, œndœnœ dî ngbugu kama vana dœ zazu bale dœ ndjokpa yekane á awa akwanœ wuta. Bata awa akwa lili kœwo ayo á Ndjaba guma lima utshunœ nene, œ li ndje ndœ kœwo o'o á Ndjaba pa lima ndœ nœ nene.

18Kashe œ kœsœ adœke Ndjaba to anga œrœ mbœrœ kœlisœ awa akwa, azu œ gbœ ma œneke á tshe pa lima ndœ nœ nene. Andaa lœ awa nœ kœpandœ œrœ dá Ndjaba má lima ɔtshɔ lœsu nœ ye ga ndœ Abrayamo.

19Ataa, ádá awa akwa kœdœ gafe? Ndjaba za lima awa akwa mbœrœ kœma ekperœ œerrr ga tõe kœwuta ata Abrayamonœ á tshe pa lima o'o tõe upu nœ ye. Aandjelu ko lima awa akwanœ ga tshakane uzu á tshe sœ lima ugurutœ Ndjaba dœ azu.

20Andaa, Ndjaba za lima o'o fœ abrayamo lœkœ á tshe sœ kuti ye. Yé œ kœsœ adœke uzu mbœrœ œrœ dœ kuti ye, anga uzu œ gu ugurutœ ye dœ anga azu nene.

Ádá nœ awa akwa kœdœ gafe e?

21œneke yindœ kœpa adœke, awa akwa vwaratœ ye tõe o'o á Ndjaba pa lima ndœ nœ ye a? Œ œ nene. Œdœ awa akwa kœsœ ma dœ gbœgbœ tõe kœto soro fœ azu, œ mbœrœ ma adœke azu wuta ndjii utshu Ndjaba mbœrœ á endje sœ kœlisœ awa akwa.

22Kashe endje sú ba la Buku nœ Ndjaba adœke, ekperœ vwele azu tshapashœ ko ga tœnœ yekane á ayindœ Yisu kœgbœ ɔtshœrœ á Ndjaba pa lima ndœ nœ lœ awa nœ kœyindœrœ nœ endje ga ndœ Yisu Kristu.

23Lima utshunœ, damba Kristu nana lima adœke a sœ dœ kœyindœrœ ga ndœ ye nene, awa akwa vwele lima azœ bata akanga. Œ mbœrœ lima tõe ye atamœ œerrr ga tõe lœkœ á Ndjaba yisœ kœyindœrœ fœ azœ.

24Yé atamœ, awa akwa dá sœ lima kœtondœ azœ œerrr ga tõe kœna Kristu, adœke a wuta azu á endje sœ ndjii tõe ala ye lœ awa nœ kœyindœrœ.

25Kashe manda kœna kœyindœrœ, a kpa sœsœ tshakudu awa akwa nene.

26Gbambanœ nene, e'e kœkœ kœdœ agbolo nœ Ndjaba lœ awa nœ kœyindœrœ á sœ kœngbœba 'e dœ Yisu Kristu.

27Adjapu, e'e kœkœ á 'e gbœ batisimu, 'e ngbœtœ 'e bale dœ Kristu, yé ngœngœ asœke, 'e za mara Kristu dœ tõe ye.

²⁸Ádá kœkuru tshagurutœ azu kpa gugu nene. Œdœ Ayuda, œdœ angbi azu, œdœ akanga, œdœ ayengɔ ogo, œdœ ayakoshe, œdœ ayashe, e'e para kɔkɔ 'e wuta uzu bale læ kœngbɔtœ 'e dœ Yisu Kristu.

²⁹Yé œdœ 'e kœdœ azu nœ Kristu, dá 'e kœdœ aata Abrayamo, yé 'e dœ ayengɔ kœgbɔ œrœ tshangbanœ á Ndjaba pa lima tœncœ.

Galate 4

¹'E wu gbetshelœ nœ mœ: Œdœ uzu á tshe kœdœ ayengɔ kœgbɔrœ tshangbanœ kœsœ pe damba gbolo, œdœ œrœ para kɔkɔ kœdœ œncœ ye gbaa, tshe sœ kolœ b̄ata kanga.

²Kashe tshe zatœ ye ga ati, yé aayi kœgbɔndœ ye œ gbɔndœ ye dœ œrœ nœ ye kɔ œrrr ga tœ olo á abanœ za.

³Azœ ndje awa bale, a dœ lima akanga lɔkɔ á a dœ lima agbolo tshakudu œrœ nœ tshapashɔ.

⁴Kashe lɔkɔ á olo á Ndjaba za lima li, tshe vwa Gbolo nœ ye á tshe wuta læ yashe yé á sœ lima kœl̄isœ awa akwa nœ Ayuda,

⁵mbœrœ kœvwara endjeneke á endje sœ tshakudu awa akwa ga ushu, dœ pe kœza awa fœ azœ adœke a te agbolo nœ Ndjaba.

⁶Tœ kœma adœke e'e kœdœ agbolo nœ Ndjaba, tshe vwa Ishiri nœ Gbolo nœ ye ga tœ l̄osu azœ, á sœ kœpa adœke: «Aba!»

⁷Ataa, bœ kpa dœdœ kanga nene, kashe gbolo. Yé b̄ata gbolo, bœ kœdœ ayengɔ kœgbɔ œrœ tshangbanœ: œtœncœ kœdœ akwa nœ Ndjaba.

iki nœ Polo tœ upu nœ azu Galate

⁸Utshunœ, 'e wuwu lima sœ Ndjaba nene yé 'e dœ lima akanga nœ andjaba á endje dœdœ adja andjaba nene.

⁹Kashe ngɔngɔ asœke b̄ata á 'e wusœ Ndjaba, too Ndjaba wusœ 'e ye, œ li adœke 'e kpa kwatœ 'e ndœ œrœ tshapashɔ á gugu dœ gbɔgbɔ nene yé á sœ gbambanœ, dœ mara adœke 'e kpa dœ akanganœ ye a?

¹⁰'E sœpe tœ kœl̄isœ olo, dœ yapu, dœ tshakala ungu œdœ ungu!

¹¹Œeneke á 'e mbœrœ asœke sœ kœza awa fœ mœ waa. Œerrr á tshangba akwa nœ mœ ugurutœ 'e œ sœ gbambanœ a!

¹²Alaya mœ, mœ sœ kœki fœ 'e adœke 'e mbœrœtœ 'e b̄ata mœ; gbambanœ nene, mœ sœ kœmbœrœ ndje tœ mœ b̄ata 'e. Bale 'e mbœmbœrœ lima anga ekperœ fœ mœ nene.

- 13'E wusœ nœ dœ ɔtshɔnœ adœke, œ sœ lima dœ lɔkɔ á mœ sœ dœ koba dá mœ yi lima sœ ɔtshɔ O'o ama Ndjaba tœ alinœ utshunœ fœ 'e.
- 14'E wu lima oyo dœ mœ dœ kobanœ waa, yé bale 'e mɔmɔ lima dœ mœ nene yé œ wuwu mœ djerœ djerœ lœ ala 'e nene. 'E fafa ndje tshangba 'e fœ mœ nene. Kashe 'e za lima osho kœsœ fœ mœ bata œmœ kœdœ andjelu nœ Ndjaba, too bata œmœ kœdœ Kristu Yisu má dœ tœ ye.
- 15'E sœ lima dœ yanga utshunœ waa, yé ngɔngɔnœ asœ, œ kpa mbœrœ kotoo o? Mœ pa ngbi adœke, œdœ 'e kœgbɔ liya awa, 'e tshagavwa ala 'e mbœrœ kœko fœ mœ.
- 16'Yé ngɔngɔ asœke, 'e sœ kœyiangba mœ, mbœrœ á mœ sœ kœpa adja o'o a?
- 17'Anga azu sœ kœma adœke œne sœ dœ egerœ ogo 'e tœ lɔsu œne, kashe gbetshelœ nœ endje sœsœ dœ ɔtshɔnœ nene. Endje sœ kœpara kœkuru tshagurutœ azœ dœ 'e yekane á 'e kœsœ dœ egerœ ogo endje.
- 18'œneke á ga kœdœ kœma ogo nœ kœmbœrœ ɔtshɔrœ á ka nene, œdœ mœ sœ ugurutœ 'e œdœ mœ sœ ugurutœ 'e nene.
- 19'Agbolo nœ mœ, mœ kpa sœ kœwu oyo mbœrœ 'e bata yashe á tshe sœ dœ koba kœzu œrrr adœke 'e wuta kœmbœrœtœ 'e bata Kristu yekane.
- 20'Uu! Mœ gbe má adœke 'a sœ dœ 'e ngɔngɔnœ asœke, mbœrœ á mœ kœwusœ mara á li adœke mœ pa dœ o'o fœ 'e. Gbambanœ nene, mœ kpa wuwusœ o'o á mœ pa nene.

O'o tœ upu nœ Agare dœ Sara

- 21'E pandœ nœ fœ mœ ka, e'e á 'e yindœ kœzatœ 'e ga tœ awa akwa nœ Ayudanœ asœke, 'e sœsœ kœdji œneke á awa akwa sœ kœpa tœnœ nene a?
- 22'Endje su lima adœke, Abrayamo zu lima agbolo yakoshe bisha. Anga bale tœ Agare á tshe dœ yashe kanga, anga tœ Sara á tshe dœdœ yashe kanga nene.
- 23'Kashe tshe zu gbolo tœ yashe kanganœ lœ awa nœ ɔkɔ, yé gbolo nœ yashenœ á tshe dœdœ kanga nene, tshe zu she liaka o'o á Ndjaba pa lima tœnœ fœ she.
- 24'O'onœ á ro liya asœ sœ kœma anga œrœ fœ azœ. Œ sœ atake: ayashenœ bibisha asœ sœ kœma ayo bisha á Ndjaba guma lima. Bale kœdœ ayo á to ba pa kaga Sinayi, œtœnœ kœdœ Agare. Ayonœ asœke dá sœ kœzu agbolo kanga.
- 25'Agare kœdœ kaga Sinayi á sœ ba lœ ogo Arabi. Tshe kpa sœ bata ongbo Yerusalemœ nœ ngɔngɔ asœke, mbœrœ ongbonœ dœ agbolo tshelœnœ kœ kœdœ akanga.
- 26'Kashe Yerusalemœ nœ tshalafœ dœdœ kanga nene, yé œtœnœ kœdœ ayi azœ.
- 27'Gbambanœ nene, endje sú ala Buku nœ Ndjaba adœke: «Sœ dœ yanga, œbœ dœ yashe mara á bœ sœsœ lima kœzu tœnœ nene. Ta rawa dœ yanga, œbœ á

koba kœzu agbolo kaka bœ nene, gbambanœ nene, yashe á akɔnœ katœ ye, tshe zu agbolo ndjoro kœropa yashe á tshe sœ dœ akɔnœ.»

²⁸Yé alaya mœ, e'e kœdœ ndje agbolo á endje zu 'e liaka o'o á Ndjaba pa lima tœnœ, bata endje zu ndje dœ Izaka.

²⁹Kashe utshunœ lima, gbolo á endje zu she bata agbolo á azu œ zu endje, sœ lima kœmbœrœ œrœ kanga fœ gbolo á endje zu she lœ awa nœ Ishiri. Yé ngɔngɔ asœke, œrœnœ sœpe ndje kœmbœrœtœ ye awa bale.

³⁰Yé Buku sœ kœpa o'o kotoo o? Œ sœ kœpa adœke: «Gɔɔ yashe kanga dœ gbolo yakoshe nœ ye, gbambanœ nene, œ lili adœke gbolo nœ yashe kanga ngbɔpa kœgbɔ œrœ tshangba abanœ awa bale dœ gbolo nœ yashe á tshe dœdœ kanga nene.»

³¹Mbœrœ tœnœ ataa alaya mœ, a dœdœ agbolo nœ yashe kanga nene, kashe azœ kœdœ agbolo nœ yashe á tshe dœdœ kanga nene.

Galate 5

'E shi gbi lœ kœyindœrœ nœ 'e ga ndœ Kristu

¹Kristu gi azœ lœ kanga mbœrœ adœke a kpa dœdœ akanga nene. Adja 'e shi gbi yé 'e mbœmbœrœ adœke 'e kpa kwatœ 'e dœ akanga nene.

²Œmœ Polo, mœ sœ kœpa fœ 'e adœke, œdœ endje kœsœ kœwa 'e tœ gaza, 'e kœsœpe kœza lœsu 'e ga pa gaza, œ yindœ kœpa adœke ádá œrœnœ á Kristu mbœrœ fœ 'e gugu nene.

³Yé mœ kpa sœ kœpandœ nœ fœ uzu kɔ adœke angbi uzu á tshe kœyindœ nœ adœke endje wa œne tœ gaza, œ li adœke tshe mbœrœtœ ye lindœ awa akwa djigi.

⁴Œdœ 'e kœsœ kœpara kœsœ ndjii ba utshu Ndjaba lœ awa akwa, dá œ yindœ kœpa adœke 'e kurutshelœtœ 'e dœ Kristu ye. Atamœ, 'e wusœ nœ adœke 'e vwaratœ 'e tœ ɔtshɔ lœsu nœ Ndjaba ye.

⁵Tœ azœ, a za gbetshelœ nœ azœ ga tœ Ndjaba á tshe sœ kœmbœrœ adœke a sœ ndjii tœ ala ye, yé œtœnœ dá a sœ kœkate tœnœ lœ awa nœ ɔtshɔ Ishiri á sœ kœmbœrœ akwa lœ kœyindœrœ nœ azœ.

⁶Gbambanœ nene, uzu á tshe ngbɔtœ ye bale dœ Yisu Kristu, endje wa she too endje wa she nene, œ gugu dœ ada bale nene. Œneke á sœ dœ ádá kœdœ kœsœ dœ kœyindœrœ á sœ kœmatœ endje lœ awa nœ kœyindœsho.

⁷Utshunœ, 'e sœ lima kœmbœrœtœ 'e dœ ɔtshɔnœ. Œdœ dá kpa ko œrœ ku lœ awa 'e, yé á pakata 'e kœmbœrœtœ 'e lindœ adja o'o a?

⁸Ɔeneke á endje pa fœ 'e á 'e yindœ nœ ascœmœ, toto ba ndœ Ndjaba á tshe e 'e nene.

⁹Azu pa walaka adœke: «Ɔœdœ ɔyɔ kœsuku mapa kœsœ teasho, á endje djanga dœ zuwa mapanœ, œ suku mapanœ djigi.»

¹⁰Ɔœmœ, mœ za lœsu mœ fœ Gbozu mbœrœ 'e. Mœ wusœ nœ adœke 'e za anga angbi awa kpi tœ œnœ mœ nene. Kashe uzu á tshe sœ kœdjingili kumu 'e ascœmœ, tshe dœ uzu œdœ gbaa, Ndjaba œ za djofele fœ she.

¹¹Alaya mœ, tœ upu nœ mœ, œdœ mœ kœsœ pe kœyisœ o'o kœwa gaza, mbœrœ gafe á endje mbœrœ œrœ kanga fœ mœ a? Ɔœ kœsœ atamœ, kœmindœ upu kuzu Kristu pa kurushi œdœ œrœ kœza o'o fœ uzu bale nene.

¹²Tœ upu nœ azu á endje sœ kœdjingili tshelœ kumu 'e ascœmœ, kaka endje 'oro tshashe endje.

Ɔkɔ œdœ Ishiri

¹³Alaya mœ, Ndjaba e 'e adœke 'e wuta lœ kanga ye. 'E gbegbe adœke bata á 'e wuta lœ kanga ascœmœ, 'e kpa na kœmbœrœ œrœ á ogo ɔkɔ 'e œ vwa 'e ndœ nœ nene. Kashe œ li adœke 'e mbœrœ akwa fœ anga 'e lœ awa nœ kœyindœsho.

¹⁴Gbambanœ nene, awa akwa kɔ sœ lœ o'o tshebabale asœ: «Yindœ yanga zœ bata á bœ sœ kœyindœtœ zœ dœ tœ zœ.»

¹⁵Kashe œdœ 'e kœsœ kœlotœ 'e yé á sœ kœto uku tœ 'e dœ tœ 'e bata agea tshelœ gusu, ala 'e gbɔ: ete nene, 'e wotœ 'e ugurutœ 'e kɔ ye.

¹⁶Mbœrœ tœnœ, mœ sœ kœpa fœ 'e adœke: 'e mbœrœtœ 'e liaka œeneke á Ɔtshɔ Ishiri œ yisœ nœ fœ 'e. Ɔœdœ 'e kœsœ kœmbœrœ ataa, 'e mbœrœ œrœ á ɔkɔ œ vwa 'e ndœ kœmbœrœ tœnœ nene.

¹⁷Gbambanœ nene, agbe nœ Ɔtshɔ Ishiri sœsœ awa bale dœ œnœ ɔkɔ nene yé œnœ ɔkɔ lili ndje dœ œnœ Ɔtshɔ Ishiri nene. Adjapu, ɔkɔ œdœ Ɔtshɔ Ishiri sœ kœnga koshe ugurutœ endje. Mbœrœ tœnœ ataa, 'e kpa lili kœmbœrœ œrœ á 'e gbe má kœmbœrœ tœnœ ascœmœ nene.

¹⁸Kashe, œ kœdœ Ɔtshɔ Ishiri dá sœ kœyisœ awa fœ 'e, dá 'e kpa sœsœ tshakudu awa akwa nene.

¹⁹'E wu mara kœmbœrœtœsho œeneke á ogo kœna manda ɔkɔ œ vwa azu kœmbœrœ tœnœ: kœmbœrœ angba budu, kœmbœrœ œrœ uburu, kœmbœrœ œrœ tshula,

²⁰kœdonga andjaba, kœmbœrœ afá, kœsœ dœ ekpe lœsu, kœkurutshelœtœ osho, kœmbœrœ uku, kœsœ dœ ókó, kœgbugburu tshelœtœ osho, kœ'ea osho, kœli ga lœ anga ukpulu azu,

²¹koesœ dœ egerœ lœsu, kœndjorœ dopa nœ, kœziroœ tœpanœ kpuru œdœ pe anga œrœ á li dœ œeneke kœ. Mœ sœ kœpandœ nœ fœ 'e ngœngœ asœke bœta á mœ pa lima utshunœ adœeke: «Azœ á endje sœ kœembœrœ œrœnœ asœ, endje gbœ Ogo gbozu nœ Ndjaba nene.»

²²Kashe akwa á Œtshœ Ishiri œ vwa uzu kœembœrœ tœnœ dœeke: Kœeyindœesho, kœsœ dœ yanga, kœsœ gee, kœsœ dœ ugu lœsu, kœsœ dœ œtshœ lœsu, kœembœrœ ayo, kœeyindœerœ,

²³kœsœ dœ œmœ lœsu, kœdœ gbozu tshapa undu zœ. Awa akwa á vwaratœ ye tœ œrœnœ asœ gugu nene.

²⁴Endjeneke á endje ngbœtœ endje bale dœ Yisu Kristu, endje wo ekpe ogo nœ œkœ á vwa lima endje kœembœrœ ekperœ ba pa kurushi.

²⁵Bœta a sœ dœ soro lœ awa nœ Œtshœ Ishiri, œ li adœeke a na kolœ tœ awa á tshe sœ kœyisœ nœ fœ azœ.

Awa akwa nœ Kristu

²⁶Adja a sœsœ dœ egerœ kumu nene, a katœ kœeshokœ anga azœ dœ ama œdœ kœsœ dœ egerœ lœsu ugurutœ azœ.

Galate 6

¹Alaya mœ, œdœ 'e kœegbœ anga uzu bale á tshe kœsœ kœembœrœ ekperœ, e'e má 'e sœ dœ Œtshœ Ishiri asœmœ, 'e za she ga tœ awa ndjii dœ œmœ lœsu adœeke tshe wuta lœ ekperœ. Yé ala 'e gbœ, uzu dœ uzu adœeke adja lœsu ye bibili she ndje nene.

²'E ti kane anga 'e lœ œgbœ œrœ kœ. Œdœ 'e kœembœrœ atamœ dá 'e mbœrœtœ 'e liaka awa akwa nœ Kristu.

³Gbambœnœ nene, œdœ uzu bale kœegbe adœeke œne ropa anga œne, andaa tshe kœsœsœ ataa nene, tshe sœ kœefaratœ ye dœ tœ ye.

⁴Kashe uzu dœ uzu tondœ œtshœ ye dœ tœ ye kane. Œdœ œ kœsœ dœ œtshœnœ, tshe sœ dœ yanga tœ akwa á tshe mbœrœ dœ tœ ye. Kashe œ dœdœ mbœrœ á tshe ropa anga yangœnœ nene.

⁵Gbambœnœ nene, uzu dœ uzu œ za kongba tshangba œrœ á tshe mbœrœ dœ tœ ye.

⁶Œ li adœeke uzu á endje sœ kœyisœ o'o ama Ndjaba fœ she, ko anga tshakala œrœ nœ ye djigi fœ tsheneke á tshe sœ kœyisœrœnœ fœ she.

⁷Adja lœsu 'e fœfara 'e nene: endje mœmœ Ndjaba nene. Uzu dœ uzu œ kœ œeneke á tshe lu.

⁸Ɔedœ uzu kœlu œrœ kolœ mbœrœ ogo ɔkɔ ye, ngwarœ á tshe kɔ kœdœ kuzu. Kashe œdœ tshe kœlu œrœ neke á za yanga fœ Ɔtshɔ Ishiri, ataa Ishiri nœ Ndjaba œ to soro á ka nene fœ she.

⁹Bata œ sœ ataa, œ li adœke a mɔ dœ kœmbœrœ ɔtshɔrœ nene. Gbambancœ nene, lɔkɔncœ kœwuta, a kœgbɔ œrœ tshangba œneke á lu œdœ a kœkakatœ kœmbœrœ tœncœ nene.

¹⁰Dœ tœncœ ataa, œdœ a kœgbɔ awa tœ kœmbœrœ ɔtshɔrœ, a mbœrœ fœ azu para kɔkɔ. Kœropa nœ, a mbœrœ fœ aaya azœ dœ ayindœ Kristu.

Ndangba kœmi upu nœ Polo

¹¹'E wu ogboro mbetinœ asœke: mœ su fœ 'e dœ adja kane mœ!

¹²Azu á endje sœ kœgbɔgbɔ 'e adœke endje wa 'e tœ gaza asœmœ, endje kœdœ azu á endje sœ kœpu awa adœke œne matœ œne bata ɔtshɔ azu lœ ɔkɔ. Endje mbœrœ ataa adœke azu kœmbœmbœrœ œrœ kanga ga tœ œne lœ kumu kœyisœ œrœ tœ upu nœ kuzu Kristu pa kurushi nene.

¹³Ɔedœ ndje azuncœ á endje wa endje tœ gaza asœmœ, endje lili ndje sœ awa akwa nœ Ayudancœ nene. Kashe endje yindœ nœ adœke, endje wa 'e yekane á œne kœdonga tœ œne mbœrœ á 'e dji o'o ama œne.

¹⁴Tœ mœ nœ mœ, mœ sœ kœdonga tœ mœ kolœ mbœrœ kuzu Gbozu nœ azœ dœ Yisu Kristu pa kurushi. Yé lœ awa nœ kurushi, œrœ tshapashɔncœ asœke wuta bata œrœ á tshu ye mbœrœ mœ yé œmœ ndje mœ wuta bata uzu á tshe tshu utshu œrœ kɔ pa ɔshɔncœ asœke.

¹⁵Dœ tœncœ ataa, endje wa uzu too endje wawa uzu nene, œ gugu dœ ádá bale nene. Kashe œneke á ropa nœ kœdœ adœke, Ndjaba sœ kœmbœrœ azœ dœ atafœ azu.

¹⁶Kaka Ndjaba yisœ lɔsu kœwu oyo œdœ pe kœsœ gee nœ ye ga ndœ azu kɔ á endje za awa kœyisœœrœncœ asœke, œdœ ndje ga pa adja azu nœ Ndjaba.

¹⁷Kœto ngɔngɔ asœ, uzu bale kpa ndandanga mœ nene, gbambancœ nene, sherœwa á sœ tœ ɔkɔ mœ asœke, má adœke œmœ kœdœ uzu nœ Yisu.

¹⁸Aaya mœ, kaka Gbozu nœ azœ dœ Yisu Kristu ma ɔtshɔ lɔsu nœ ye ga ndœ 'e. Ame.

Efeze

Efeze 1

Abala

¹Ɔemœ Polo, ayi avwa nœ Yisu Kristu lindœ gbetshelœ nœ Ndjaba, mœ sœ kœsu mbetincœ asœke fœ 'e dœ ayerœ azu lakpi Efeze á 'e sœ dœ kœyindœrœ ga ndœ Yisu Kristu.

²Kaka Aba azœ dœ Ndjaba, dœ Gbozu Yisu Kristu ma ɔtshɔ lsu nœ endje ga ndœ 'e yé œ za kœsœ gee fœ 'e.

Ɔtshœrœ nœ Ndjaba lœ awa nœ Kristu

³Kaka a donga Ndjaba, Aba Gbozu nœ azœ dœ Yisu Kristu: Tshe to kane ye ga pa azœ lœ awa nœ Kristu á a ngbɔtœ azœ dœ she bale, yé á to ɔtshœrœ nœ ishiri kɔ ba lafo fœ azœ.

⁴Gbambanœ nene, Ndjaba ke lima azœ utshunœ adœke tshe mbœrœ tshapashœnœ asœ, adœke a sœ yerœ yé œ sœsœ ndje dœ ekperœ teasho utshu ye nene. Lœ ayo nœ ye,

⁵Ndjaba wa lima o'o utshunœ dœ tœ ye adœke a wuta agbolo nœ œne lœ awa nœ Kristu. Tshe yi lima ndœ kœmbœrœ œtœnœ ataa mbœrœ á ga tœ ala ye.

⁶Ataa, a donga she mbœrœ ɔtshɔ lsu á tshe yisœ nœ fœ azœ lœ awa nœ Gbolo nœ ye á tshe yindœ ye waa asœmœ.

⁷Gbambanœ nene, lœ awa indji Kristu Ndjaba vwara azœ lœ ngbindiœ, yé œ djerœndœ ekperœ nœ azœ liaka egerœ ɔtshɔ lsu nœ ye.

⁸Tshe yisœ egerœ ɔtshɔ lsu nœ ye ga ndœ azœ ropa nœ ye, yé œ za awa tœ kœwusœtœ œdœ pe kœwusœrœ fœ azœ.

⁹Tshe yisœ gbetshelœ nœ ye á tshe za yiwatœnœ adœke a wusœ nœ, gbetshelœ á tshe gbe lima katshatsha utshunœ ndœ kœza ga tœ akwa lœ awa nœ Kristu.

¹⁰Ɔtœnœ, Ndjaba œ mbœrœ dœ lœkɔ á tshapashœ œ ka dœ tœnœ. Tshe ngbɔba œneke á sœ ba lafo dœ œnœ tshaati adœke Kristu te Gbozu tshebabale panœ.

¹¹Lœ kœngbɔtœ nœ azœ dœ Kristu, a wuta ndje azu nœ Ndjaba. Gbambanœ nene, tshe ke lima azœ katshatsha utshunœ lindœ œneke á tshe guma; yé tshe sœ kœmbœrœ œrœ kɔ liaka œneke á tshe wa á ga tœ ala ye.

¹²Atamœ, a donga she bata tshe sœ tœ egerœnœ, azœ á a dœ ali azu kœko lsu azœ ga tœ Kristu.

¹³E'e ndje, lɔkɔ á 'e dji o'o tɔe upu nɔe adjapu, Ɔtshɔ O'o á za kɔeshe fɔe 'e, 'e sɔe dɔe kɔeyindɔerɔe ga ndɔe Kristu. Ataa, Ndjaba ta ambara nɔe ye ga tɔe 'e lɔe awa nɔe kɔeto Ɔtshɔ Ishiri á tshe pa lima tɔenɔe fɔe 'e.

¹⁴Yé Ɔtshɔ Ishiri kɔedɔe ndanga mbɔerɔe kɔegbɔ ɔtshɔerɔe á Ndjaba gumasɔe nɔe mbɔerɔe azu nɔe ye. Ɔe sɔe ataa ɔerrr bala dɔe lɔkɔ á azu nɔe Ndjaba ɔe gbɔ kɔeshe. Kaka a donga Ndjaba mbɔerɔe egerɔe ɔerɔe á tshe mbɔerɔe.

Avwala nɔe Polo fɔe Ndjaba

¹⁵Wu mbɔerɔe tɔenɔe ataa, ɔemɔe ndje, lɔkɔ á mɔe djindɔe kɔeyindɔerɔe nɔe 'e ga ndɔe Gbozu Yisu ɔedɔe kɔeyindɔesho nɔe 'e ga tɔe ayerɔe azu kɔ,

¹⁶mɔe sɔesɔe kɔekatɔe kɔegi mershe fɔe Ndjaba mbɔerɔe 'e nene, mɔe sɔe kɔegbe dɔe 'e lɔe avwala nɔe mɔe.

¹⁷Mɔe za avwala nɔe mɔe adɔeke, Ndjaba nɔe Gbozu nɔe azɔe dɔe Yisu Kristu á tshe dɔe Aba nɔe mokɔ, tshe za ishiri nɔe kɔewusɔetɔe fɔe 'e, ɔe yisɔe ye fɔe 'e adɔeke 'e wusɔe ye dɔe ɔtshɔnɔe.

¹⁸Mɔe kpa za avwala nɔe mɔe fɔe she adɔeke tshe kɔrɔ tshalɔsu 'e adɔeke 'e wusɔe ɔerɔe á tshe e 'e mbɔerɔe tɔenɔe dɔe ɔtshɔnɔe, ɔedɔe ɔeneke á 'e li kɔeko lɔsu 'e ga pa nɔe. Yé á 'e kpa kɔewusɔe ɔtshɔerɔe ndjoro á ga waa á tshe gumasɔe nɔe kate ayerɔe azu nɔe ye asɔemɔe.

¹⁹Mɔe kpa za avwala nɔe mɔe adɔeke 'e wusɔe gbɔgbɔ nɔe ye á ropa ɔerɔe kɔ á tshe za fɔe azɔe dɔe ayindɔe Ndjaba. Gbɔgbɔnɔe asɔemɔe kɔedɔe ɔeneke á Ndjaba ma dɔe gbɔgbɔ kɔ.

²⁰Tshe za lima ɔetɔenɔe ga tɔe akwa lɔkɔ á tshe she lima Kristu lɔe akuzu, á za she ga pa kuni ye ba lafo.

²¹Kristu sɔe ga pa tshagbozu kɔ, ga pa awa kɔembɔerɔe ɔerɔe, ga pa gbɔgbɔ kɔ, ga pa ɔerɔe para kɔkɔ yé ga pa i'iri á ropa i'iri kɔkɔ, ɔedɔe pa ɔshɔnɔe asɔeke ɔedɔe pa ɔshɔ á na manda nɔe.

²²Ndjaba kɔ ɔerɔe kɔ ga tshada Kristu, ɔe za she tɔ ga tɔe kumu ɔerɔe kɔ adɔeke tshe dɔe kumu Ikrizia,

^{23a}dɔe undu ye djigi, lɔe Ikrizia, Kristu sɔe djigi zɔe, ɔeshe á tshe sɔe ndje djigi tɔe osho kɔ.

Efeze 2

Soro manda kɔeshe nɔe azu

¹Lima utshunɔe, 'e lɔe bata azu á endje tshu lima mbɔerɔe ngbindiriɔe ɔedɔe ekperɔe nɔe 'e.

²'E sœ lima kœmbœrœtœ 'e lindœ mara azu tshapasho asœke. 'E sœ lima kœmbœrœtœ 'e lindœ o'o gbozu nœ gbɔgbɔ nœ aekpe ishiri lœ izi, ekpe ishiri á tshe sœ kœmbœrœ akwa ngɔngɔ asœke lœ ayingba Ndjaba.

³Azœ para kɔkɔ, 'a sœ lima bata endje. A sœ lima kœmbœrœtœ azœ lindœ mara nœ azœ dœ tœ azœ, a sœ lima kœmbœrœ œneke á undu azœ œdœ lœsu azœ yindœ nœ. Adjapu, a sœ lima bata azu kɔ, mara kœmbœrœtœ nœ azœ sœ lima kœza ókó nœ Ndjaba ga pa azœ.

⁴Kashe Ndjaba wu oyo azœ waa, yé œ yi ndje ndœ azœ tɔpanœ kpuru.

⁵Gbambanœ nene, a sœ lima bata azu á endje tshu mbœrœ ekperœ nœ azœ, tshe za soro fœ azœ dœ awa nœ kœngbɔtœ azœ dœ Kristu. Adja 'e she mbœrœ ɔtsho lœsu nœ Ndjaba.

⁶Lœ kœngbɔtœ azœ dœ Yisu Kristu, Ndjaba she azœ lœ kuzu, yé œ guma ɔtsho osho kœsœ fœ azœ ba lafo.

⁷Tshe ma ayo nœ ye ga ndœ azœ lœ awa nœ Yisu Kristu, tshe mbœrœ lima kɔ adœke azu kœwu ɔtsho lœsu nœ ye á dopa nœ asœmœ manda osho á na manda œneke asœke.

⁸Yé mbœrœ ɔtsho lœsu nœ Ndjaba dá 'e she lœ awa nœ kœyindœrœ. Œ toto lœ gbɔgbɔ nœ 'e nene kashe tœnœ kœdœ œrœ á Ndjaba to fœ 'e gbambanœ.

⁹Œ toto lœ akwa nœ 'e yekane á uzu kœdu okoro ye mbœrœ tœnœ nene.

¹⁰Gbambanœ nene, Ndjaba dá mbœrœ azœ ataa. Tshe mbœrœ azœ lima lœ kœngbɔtœ azœ bale dœ Yisu Kristu adœke a mbœrœ ɔtsho akwa á tshe guma lima katshatsha adœke a zatœ azœ ndœ nœ.

Kœngbɔtœsho bale dœ Kristu

¹¹'E gbe dœ mara á 'e sœ lima dœ tœnœ utshunœ. Ayuda pa lima adœke 'e dœdœ azu nœ Ndjaba nene, mbœrœ á 'e wawa gaza nene. Kolœ endje dá dœ lima azu nœ Ndjaba mbœrœ á endje wa gaza nœ ɔkɔ.

¹²'E wusœ nœ adœke dœ lɔkɔnœ asœmœ, 'e wuwu lima damba sœ Kristu nene; 'e dœdœ ndje lima azu Israyele nene. 'E dœdœ lima azu á endje li kœgbɔ œrœ tshangba madu á Ndjaba lu nene. 'E gugu lima dœ œrœ kœko lœsu 'e ga pa nœ pa ɔsho nene, yé 'e wuwu lima ndje sœ Ndjaba nene.

¹³Kashe ngɔngɔ asœke, e'e á 'e sœ lima lœ ñgĩrĩnœ tœ Ndjaba, 'e wuta ndoo dœ she lœ kœngbɔtœ 'e bale dœ Yisu Kristu mbœrœ indji ye á tu lima mbœrœ 'e.

¹⁴Gbambanœ nene, œshe dá dœ kœsœ gee nœ azœ, œshe dá mbœrœ adœke Ayuda œdœ pe angbi azu wuta uzu bale. Lœ kœza undu ye fœ kuzu, tshe ndjɔtshœlœ muru nœ kœyiangbatoesho á kuru lima tshagurutœ azu.

¹⁵Tshe wo awa akwa œdœ pe awa o'onœ dœ œrœ kɔ á yindœ nœ adœke endje mbœrœ. Tshe ngbofa endje ga tœnœ bale dœ angbi azu adœke endje wuta tafo azu lœ kœngbɔtœsho dœ she; dœ mara ataa dá tshe za kœsœ gee ga ugurutœ endje.

¹⁶Yé dœ awa kuzu nœ ye pa kurushi, tshe ndi tshelœ kœtshene osho ugurutœ endje bibisha, œ guma tshagurutœ Ndjaba dœ endje mbœrœ adœke endje wuta uzu bale.

¹⁷Tshe na kœmindœ kœsœ gee fœ azu á endje sœ lœ ingirinœ dœ Ndjaba œdœ pe ndje endjeneke á endje lœ ndoo dœ Ndjaba.

¹⁸Yé mbœrœ Kristu, azœ dœ Ayuda dœ pe angbi azu, a gbɔ awa nœ kœli ga ndœ Aba dœ awa nœ Ishiri bale.

¹⁹Ataa, e'e dœ azu á 'e dœdœ Ayuda nene, 'e kpa dœdœ angbi azu nene, 'e dœdœ ndje agene nene; kashé 'e kœdœ azu bingí nœ Ndjaba. 'E wuta agbolo ogo awa bale dœ azu nœ Ndjaba.

²⁰E'e œdœ endje kɔ 'e sœ bata badja á Ndjaba sœ kœmɔ dœ anda nœ ye. Aayi avwa œdœ pe aayi kœgbara o'o kœdœ kitinœ yeka á Kristu kœdœ egerœ badja neke á tepa andanœ djigi.

²¹œshe dá sœ kœto gbɔgbɔ fœ anda djigi yé á sœ kœti tœnœ adœke œ gerœ yé œ fa œyerœ Tepelo nœ Gbozu.

²²Lœ kœngbɔtœ 'e bale dœ Kristu, e'e ndje 'e sœ lœ kœmɔ anda mbœrœ kœwuta dœ anga azu kɔ, anda nœ Ndjaba lœ awa nœ Ishiri.

Efeze 3

Akwa nœ Polo ugurutœ angbi azu

¹Mbœrœ tœnœ ataa, œmœ Polo, mœ wuta ayi kánga ndœ akwa nœ Yisu Kristu mbœrœ e'e dœ angbi azu.

²Adjapu, 'e djindœ o'o tœ upu nœ ɔtshɔ lɔsu á Ndjaba ma fœ mœ mbœrœ kœmbœrœ dœ akwa nœ ye mbœrœ 'e.

³Ndjaba dœ tœ ye dá yisœ gbetshelœ á tshe za lima yiwa tœnœ fœ mœ, yeka á mœ su dœ aya mbetinœ asœke.

⁴Yé 'e kœsœ kœdi mbetinœ asœke dá 'e wusœ mara á mœ wusœ gbetshelœnœ á zatœ ye yiwa tœnœ ascœmœ tœ upu nœ Kristu.

⁵Lima utshunœ, Ndjaba mama gbetshelœnœ fœ azu nene. Kashe ngɔngɔ asœke, ɔtshɔ Ishiri nœ ye pandœ nœ ngbi fœ œyerœ aayi avwa œdœ aayi kœgbara o'o.

⁶Gbetshelœncœ asœmœ kœdœ adœke, angbi azu li ndje kœgbœ ɔtshœœ á Ndjaba guma fœ azu nœ ye dœ awa nœ kœyindœ ɔtshœ O'o awa bale dœ Ayuda. Endje wuta uzu bale yé Ndjaba œ to œrœ á tshe pa lima tœncœ fœ endje kœ.

⁷Mœ te ayi akwa kœyisœ ɔtshœ O'onœ asœ mbœrœ ɔtshœ lœsu nœ Ndjaba œdœ pe gbœgbœncœ á tshe za lima fœ mœ.

⁸œmœ kœdœ ndœngœlœ uzu ugurutœ ayerœ azu nœ Ndjaba para kœkœ. Ngœngœ asœke, Ndjaba má ɔtshœ lœsu ga ndœ mœ adœke mœ yisœ dili kœgbœrœ nœ Kristu fœ angbi azu.

⁹Ndjaba á tshe mbœrœ œrœ kœ za lima o'onœ asœ yiwa tœncœ katshatsha, yé ngœngœ asœke tshe za mœ adœke mœ kœyisœ nœ fœ azu kœ adœke endje wusœ œeneke á tshe yindœ kœmbœrœ tœncœ.

¹⁰Atamœ, lœ mara akwa á Ikrizia sœ kœmbœrœ tœncœ ngœngœncœ asœke, tshagbozu œdœ pe gbœgbœ ba lafo wusœ egerœ kœwusœtœ nœ Ndjaba lœ aka œrœ kœ.

¹¹Ndjaba mbœrœ adja liaka œeneke á tshe gbe lima ndœ kœmbœrœ tœ nœ lœ awa nœ Gbozu nœ azœ dœ Yisu Kristu.

¹²Mbœrœ kœyindœrœ ga ndœ Kristu, a ngbœtœ azœ bale dœ she yé a li kœna ga utshu Ndjaba dœ lœsu ziti.

¹³Mbœrœ tœncœ ataa, mœ ki fœ 'e adœke 'e mœmœ lœ ɔkœ 'e mbœrœ egerœ oyo á mœ sœ kœwu mbœrœ 'e nene. œ sœ mbœrœ ɔtshœrœ nœ 'e.

Kœyindœsho nœ Kristu

¹⁴Mbœrœ tœncœ ataa, mœ gote dœ koda mœ ba utshu Ndjaba Aba,

¹⁵á mbœrœ she dá bingi kœ, œdœ ba lafo œdœ ba pa ɔshœ gbœ i'iri ye.

¹⁶Lindœ kœgbœrœ nœ mokœ nœ ye, mœ yindœ nœ adœke tshe to gbœgbœ ga lœ 'e dœ awa nœ fshiri nœ ye yeka á 'e kœwuta agbozu lœ kœyindœrœ.

¹⁷Yé dœ tœncœ ataa á Kristu kœsœ tœ lœsu 'e lœ awa nœ kœyindœrœ. Mœ yindœ nœ adœke 'e ka ngbiri yé œ shi gbi lœ kœyindœsho.

¹⁸Atamœ, e'e œdœ ayerœ azu para kœkœ, 'e sœ dœ gbœgbœ kœwusœ kœyindœsho nœ Kristu á ropa nœ yé á gugu dœ ndœngœlœncœ nene;

¹⁹œ ro ndje sœ kœwusœrœ djigi. œrœ á mœ eoshœ ndœ nœ ga ndœ 'e kœdœ adœke 'e su dœ gbœgbœ nœ Ndjaba.

²⁰Ndjaba li kœmbœrœ œrœ kœropa œeneke á a gbe dœ tœncœ. Tshe mbœrœ œrœ kœ dœ gbœgbœ á sœ kœmbœrœ akwa lœ azœ.

²¹Kaka mokœ nœ Ndjaba matœ ye ugurutœ azu Ikrizia, œ ma ndje tœ ye dœ awa nœ Yisu Kristu manda ngbugu dœ ngbugu. Ame!

Efeze 4

Azu nœ Kristu sœ undu bale

- ¹Mbœrœ tœncœ ataa, œmœ á mœ te kanga mbœrœ kœmbœrœ akwa nœ Gbozu, mœ yindœ nœ adœke 'e mbœrœtœ 'e liaka mara á Ndjaba yindœ nœ.
- ²'E zatœ 'e ga atĩ, dœ lœsu 'e ziti œdœ ndje pe dœ ugu lœsu. 'E sœ dœ kœru lœsu ga tœ anga 'e yé œ mbœrœ akwa dœ kœyindœsho.
- ³'E pa avwara kœgbœndœ kœngbœtœsho bale á Ɔtshœ Ishiri to lœ awa nœ kœsœ gee.
- ⁴Azu nœ Kristu sœ kolœ undu bale, yé Ɔtshœ Ishiri sœ ndje bale, awa bale Ndjaba e azœ adœke a ko lœsu azœ bale.
- ⁵Gbozu sœ bale, kœyindœrœ sœ bale, batisimu sœ ndje bale.
- ⁶Ndjaba sœ bale. Tshe kœdœ Aba azœ kœ, tshe sœ kœmbœrœ akwa lœ azœ kœ yé œ sœ ndje lœ azu kœ.
- ⁷Andaa, gbœgbœ nœ kœmbœrœ dœ akwa á a gbœ sœsœ awa bale nene. A gbœ liaka œneke á Kristu yindœ kœto fœ uzu dœ uzu.
- ⁸œ sœ liaka œneke á endje sú ala Buku nœ Ndjaba adœke: «Lœkœ á tshe œ lima ga lafo, tshe tepa akanga, tshe to gbœgbœ kœmbœrœ dœ akwa fœ azu.»
- ⁹Tshe œ lima ga lafo! œ yindœ kœpa kotoo? œ má ndje adœke Kristu jerœ ga atĩ ba budu œshœ a?
- ¹⁰Uzu á tshe jerœ lima, œshe ndje kœdœ uzu á tshe œ waa kœropa tshalafœ djigi adœke tshe su tshelœ oshœ kœ.
- ¹¹œshe dá kurutshelœ gbœgbœ kœmbœrœ dœ akwa fœ azu. Tshe ko anga azu kœsœ dœ aayi avwa, anga azu tœ aayi kœgbara o'o, anga azu tœ aayi kœmindœ Ɔtshœ O'o, anga azu tœ aayi kœgbœndœ Ikrizia, anga azu tœ aayi kœyisœrœ.
- ¹²Tshe mbœrœ kœ atamœ mbœrœ kœguma azu nœ Ndjaba adœke endje mbœrœ akwa nœ ye dœ mara adœke endje mœ undu Kristu,
- ¹³œerrr ga tœ adœke a wuta kœ dœ kœyindœrœ bale yé a wusœ Gbolo nœ Ndjaba. Ataa, a te agbœ azu yé œ wuta adja bœta Kristu.
- ¹⁴Dœ mara atamœ, a kpa dœdœ aya agbolo á endje yaka kumu endje dœ tshelœ aka kœyisœrœ kœ nene. Aayi kœbili oshœ œ ko ndje azœ lœ gbanda nœ endje dœ o'o lima nœ endje nene. A kpa za awa aayi djingili yeka á endje kœgaga kumu azœ dœ kœyisœrœ wala nœ endje nene.
- ¹⁵Kashe œdœ a kœsœ kœpa adja o'o lœ kœyindœsho, a gerœ bala lœ œrœ kœ ga ndœ Kristu á tshe dœ kumu Ikrizia.

16Yé æshe dá ngbɔba ɔrɔe kɔ á sɔe tɔe undu ye ga tɔenɔe bale. Ɔɔdɔe ɔrɔe bale dɔe bale á sɔe tɔe undu ye kɔembɔerɔe akwa nɔe ye dɔe kɔeyindɔerɔe dɔe ɔtshɔnɔe, undu djigi ɔe gerɔe dɔe ɔtshɔnɔe yé ɔe gerɔe lɔe kɔeyindɔesho.

Tafo soro lɔe kɔengbɔtɔesho bale dɔe Kristu

17'E wu ɔeneke á mɔe sɔe kɔeyu 'e kpalakpala tɔenɔe dɔe i'iri Gbozu: 'e katɔe ongboro kɔembɔerɔetɔe 'e bɔta azu á endje wuwusɔe Ndjaba nene, á kɔewusɔerɔe nɔe endje fu ye.

18Ubu osho ndi tshelɔe gbetshelɔe nɔe endje, yé endje wuwusɔe soro á Ndjaba za fɔe azu nene lɔe kumu kɔewusɔerɔe nene ɔedɔe lɔe kumu ɔgbɔ lɔsu nɔe endje.

19Endje kpa gugu dɔe tshula nene; endje zatɔe endje kɔ ndɔe kɔembɔerɔe angba budu yé ɔe kaka ndje tɔe kɔembɔerɔe anga angbi ɔerɔe tshula nene.

20Mbɔerɔe e'e nɔe 'e, ɔe dɔédɔé mara á endje yisɔe o'o tɔe upu nɔe Kristu fɔe 'e dɔemɔe nene.

21Ɔɔdɔe o'o á 'e dji lima kɔesɔe adja tɔe upu nɔe ye, ɔedɔe endje kɔeyi lima sɔe ye fɔe 'e kɔeli dɔe adja o'o á dɔe Kristu,

22'e katɔe ongboro kɔembɔerɔetɔe 'e lima utshunɔe, ɔetɔenɔe á ogo kɔembɔerɔe ɔerɔe ɔe vwa osho ga lɔe kuzu.

23ƆE li adɔeke Ishiri nɔe Ndjaba fa lɔsu 'e dɔe pe ishiri 'e adɔeke 'e wuta atafo azu.

24'E za angwa kɔembɔerɔe ɔerɔe nɔe atafo azu, mbɔerɔe 'e te atafo azu á Ndjaba mbɔerɔe endje liaka angwa ye dɔe tɔe ye lɔe ɔerɔe á sɔe ndjii ɔedɔe yerɔe, á to lɔe adja o'o.

25Mbɔerɔe tɔenɔe ataa, 'e katɔe wala ye. Uzu dɔe uzu pa adja o'o fɔe yanganɔe; gbambanɔe nene, azɔe para kɔkɔ a wuta ɔerɔe kote undu uzu bale.

26Ɔɔdɔe 'e kɔesɔe dɔe ókó, 'e mbɔembɔerɔe ekperɔe nene. 'E gbɔgbɔndɔe nɔe ɔerrr adɔeke ɔɔ li tɔenɔe nene.

27'E zaza awa fɔe djaboro bale nene.

28Uzu á tshe sɔe lima kɔezi angba, kpa zizi angba nene, kashe ɔe li dɔe she kɔembɔerɔe akwa dɔe kane ye yeka á kɔegbɔ ɔerɔe tshangba nɔe, yekane á tshe kɔeto ndje anganɔe fɔe aayi oyo.

29Kaka adɔeke ekpe o'o bale wuwuta lɔe ama 'e nene. Kashe ɔedɔe o'o kɔesɔe zɔe, ɔe li dɔe 'e kɔepa o'o á li kɔeguma azu yé á to ɔtshɔ lɔsu fɔe endjeneke á endje sɔe kɔedji tɔenɔe.

30'E mbɔembɔerɔe adɔeke Ɔtshɔ Ishiri nɔe Ndjaba sɔe dɔe oyo nene. Gbambanɔe nene, ɔeshe kɔedɔe ambara á Ndjaba ta ga tɔe 'e mbɔerɔe olo á tshe she bala 'e lɔe ekperɔe djigi.

31'E katœ ushu lœsu, kœyi uzu ga lœ ókó, kœsœ dœ ókó, kœpa o'o dœ ɔgbɔ tshama œdœ kœgu osho ye. 'E katœ kœmbœrœ œrœnœ asœmœ kɔ ye.

32'E sœ dœ ɔtshɔ lœsu yé œ yindœtœ 'e ugurutœ 'e, 'e wu oyo ekperœ nœ anga 'e b̄ata á Ndjaba wu lima oyo 'e lœ awa nœ Kristu.

Efeze 5

'E mbœrœtœ 'e b̄ata azu nœ ingb̄isho

1'E'e kœdœ agbolo á Ndjaba yindœ 'e waa. Mbœrœ tœnœ ataa, œ li adœke 'e mbœrœtœ 'e b̄ata she.

2'E yindœtœ 'e b̄ata á Kristu yi lima ndœ azœ, yé á za lima tœ ye fœ kuzu mbœrœ azœ b̄ata makabo œdœ b̄ata tokóró á endje zo á tshafunœ ga waa tœ Ndjaba.

3'E'e kœdœ ayerœ azu nœ Ndjaba, 'e katœ kœmbœrœ angba budu, kœsœ dœ egerœ lœsu, kœmbœrœ œrœ tshula œdœ pe kœsœ dœ ogo ukpulu œrœ.

4œ lili ndje dœ 'e kœpa o'o nœ egerœ kumu nene, kœpa o'o ngb̄ilingb̄ili b̄ata agbak̄indi azu nene. œ li dœ 'e kœza mershe fœ Ndjaba.

5'E wusœ nœ adœke ayi angba budu, dœ ayi ngbind̄irœ dœ pe ayi kœgb̄otœ œrœ nœ anga endje asœmœ – ayi kœdonga andjaba – endje gb̄ɔ œrœ b̄a lœ ogo nœ Kristu œdœ œnœ Ndjaba nene.

6Anga uzu bale b̄ib̄ili 'e dœ gb̄etshelœ nœ afara nene. Tœnœ dá sœ kœgb̄ota ókó nœ Ndjaba ga pa azu á endje djidji she nene.

7'E ngb̄ɔngb̄otœ 'e dœ endje lœ ekperœnœ á endje mbœrœ asœmœ nene.

8'E lœ lima utshunœ lœ ubu osho, nḡɔnḡɔ asœke 'e ngb̄otœ 'e bale dœ Gbozu, yé 'e wuta azu nœ ingb̄isho.

9Gbambanœ nene, azu nœ ingb̄isho mbœrœ kolœ ɔtshœrœ, œrœ á sœ ndjii œdœ pe ndje adja o'o.

10'E pa avwara kœwusœ œrœ œneke á ga tœ Gbozu.

11'E ngb̄ɔngb̄otœ 'e nene dœ azu nœ ubu osho á endje mbœrœ œrœ á ádánœ gugu nene asœmœ. Kashe 'e gbara ekperœ nœ endje á endje mbœrœ ngb̄i ga ushu.

12œrœ á endje mbœrœ yaa lœ ubunœ, œ sœ tshula tœ kœpa tœnœ.

13Kashe 'e dœ azu nœ ingb̄isho, œ li dœ 'e kœpa tœnœ ga utshu azu.

14Gbambanœ nene, œrœ kɔ á sœ tœ ingb̩sho wuta ingb̩sho. Mbœrœ tœnœ ataa dá endje pa adœke: «Œbœ á bœ sœ tœ lo, jo ga lafo, yé œ she ugurutœ akuzu, yeka ishiri nœ Kristu kœma bœ ngb̩ ga ushu.»

15Ala 'e gbɔ tœ ɔtshɔ 'e. Adja 'e mbœmbœrœtœ 'e b̩ata aayi indi nene kashe 'e mbœrœtœ 'e b̩ata azu nœ kœwusœtœ.

16'E gbɔgbɔtœ 'e kœmbœrœ ɔtshɔrœ; gbambanœ nene, olo á a sœ lœnœ asœ sœ tœ ekpenœ.

17Ataa, 'e dœdœ aayi indi nene, kashe 'e para awa kœwusœ œrœ á Gbozu yindœ nœ.

18'E ndjondjo ipi adœke œ mbœrœ 'e nene. Ete nene 'e li ga lœ djingili, kashe 'e su dœ ɔtshɔ Ishiri.

19'E to gbɔgbɔ lœ tœ 'e dœ tshelœ aka itshi kɔ œdœ anganœ á ɔtshɔ Ishiri yisœ nœ; 'e bi itshi yé œ donga Gbozu dœ lɔsu 'e djigi.

20'E gi mershe fœ Ndjaba Aba dœ i'iri Gbozu nœ azœ dœ Yisu Kristu dœ ɔlɔ kɔ œdœ mbœrœ œrœ kɔ.

O'o tœ upu nœ ayakoshe dœ ayashe

21'E dœ azu á 'e sœ kœkpawa Kristu, 'e lisœtœ 'e ugurutœ 'e dœ tœ 'e.

22E'e dœ ayashe, 'e lisœ aakɔ 'e b̩ata á 'e lisœ Kristu.

23Gbambanœ nene, yakoshe kœdœ gbozu tshapa yashe b̩ata á Kristu dœ ndje gbozu tshapa Ikrizia. Dœ mara ataa, Kristu kœdœ ayi kœshe Ikrizia á dœ undu ye dœ tœ ye.

24Ataa, œ li dœ ayashe kœlisœ aakɔ endje lœ œrœ para kɔkɔ b̩ata Ikrizia œ lisœ Kristu.

25E'e dœ ayakoshe, 'e yindœ awo 'e b̩ata Kristu yi lima ndœ Ikrizia yé á zatœ ye fœ kuzu mbœrœ tœnœ.

26Tshe djutɔ Ikrizia dœ ungu batisimu œdœ pe o'o ama Ndjaba adœke Ikrizia wuta yerœ.

27Tshe yindœ nœ adœke œ wuta tœ ala ye b̩ata ɔtshɔ yashe á œsœ ye li. Tshe yindœ nœ adœke Ikrizia wuta adja yerœ yé œ sœ dœ ekpenœ bale nene.

28Dœ mara ataa, œ li adœke ayakoshe yindœ aawo endje b̩ata á endje yindœ undu endje dœ tœ endje. Uzu á tshe yindœ awonœ, yindœtœ ye dœ tœ ye.

29Œ dœ adjapu adœke uzu bale lili kœtshene undu ye dœ tœ ye nene. Kashe tshe to rœgo fœ undu ye, œ gbɔndœ nœ b̩ata á Kristu œ mbœrœ dœ Ikrizia.

30Gbambanœ nene, azœ kœdœ œrœ kote ye.

³¹Endje su adœke: «Mbœrœ tœnœ ataa, yakoshe œ katœ abanœ dœ ayinœ ti, œ ngbœtœ ye dœ awonœ, yé endje bibisha kœ œ wuta uzu bale.»

³²Adja o'onœ asœ sœ tœ egerœnœ: œmœ, mœ pa fœ 'e ngbi adœke œ sœ tœ upu nœ Kristu œdœ pe Ikrizia.

³³Kashe œ wu ndje 'e: Œ li dœ yakoshe bale dœ bale kœyindœ awonœ bata á tshe yindœ tœ ye dœ tœ ye, yé œ li ndje dœ yashe bale dœ bale kœzatœ ga ati fœ akœnœ.

Efeze 6

Agbolo œdœ aayi kœzu endje

¹Agbolo, 'e dji aayi kœzu 'e. 'E mbœrœ ataa liaka œeneke á Gbozu yindœ nœ; gbambanœ nene, ascœmœ dá sœ ndjii.

²O'o á Ndjaba pa lima tœnœ lœ awa o'o nœ ye utshunœ kœdœ adœke: Dji aba zœ dœ ayi zœ,

³mbœrœ á bœ kœsœ dœ yanga á œndœ zœ kœdi waa pa œshœ.

⁴E'e dœ aayi kœzu agbolo, 'e mbœmbœrœ œrœ adœke œ za ókó ga lœ agbolo nœ 'e nene, kashe 'e gbœndœ endje dœ kœyisœrœ œdœ kœmi upu dœ o'o á to ba ndœ Gbozu.

Akanga œdœ agbozu tshapa endje

⁵E'e dœ akanga, 'e dji agbozu tshapa 'e pa œshœ asœke. 'E mbœrœtœ 'e lindœ o'o endje yé œ dji endje dœ lœsu 'e bale bata 'e sœ kœmbœrœ akwa fœ Kristu.

⁶E mbœmbœrœ kolœ ataa dœ lœndœ á endje sœ kœko ala endje tœ 'e nene, œ sœ bata 'e sœ kœpara awa kœza yanga fœ endje. Kashe 'e mbœrœ dœ lœsu 'e kœ bata akanga nœ Kristu á endje zatœ endje tœ kœmbœrœ œeneke á Ndjaba yindœ nœ.

⁷E mbœrœ akwa fœ agbozu tshapa 'e dœ œtshœnœ bata 'e sœ kœmbœrœ fœ Gbozu, kashe œ dœdœ mbœrœ azu nene.

⁸E wusœ nœ adœke, œdœ kanga œdœ tsheneke á tshe dœdœ kanga nene, uzu dœ uzu œ gbœ tshangba œtshœrœ á tshe mbœrœ ba ndœ Gbozu.

⁹Yé e'e dœ agbozu, 'e mbœrœ ndje awa bale ga ndœ akanga nœ 'e. 'E katœ kœmbœrœ œgbœrœ ga tœ endje, mbœrœ 'e wusœ nœ adœke e'e dœ endje; 'e sœ dœ Gbozu pa 'e bale ba lafo á tshe keke azu mbœrœ tshatshu endje nene.

Œrœ koshe nœ kœyindœrœ

¹⁰Tœ ndœngœlœnœ, 'e para gbœgbœ lœ kœngbœtœ 'e bale dœ Gbozu lœ awa gbœgbœ nœ ye á ropanœ.

11'E ko œerœ koshe kɔ á Ndjaba ko fœ 'e á kœka dœ tœnœ ngbirì adœke djaboro kœkoko 'e vesho nene.

12Gbambanœ nene, a sœsœ kœnga koshenœ dœ azu бата азœ nene. Kashe a sœ kœnga koshenœ dœ aekpe ishiri nœ tshapashɔ, dœ agboro azu, dœ gbɔgbɔ œdœ dœ aayi gbɔgbɔ nœ ubu osho nœ tshapashɔnœ asœke.

13Mbœrœ tœnœ ataa, 'e ko œerœ koshenœ kɔ á Ndjaba ko fœ 'e mbœrœ lɔkɔ á ekpe olo kœli, á 'e kœka ngbirì utshu ayingba 'e. Yé manda kœnga koshenœ œerrr ga tœ ndɔngɔlɔnœ, 'e shi gbi.

14Ataa, 'e kote 'e ga lœ vola. 'E za adja o'o бата uwu tshapa lœba tœ budu 'e; 'e za œerœ á sœ ndjii бата balangba nœ 'e.

15'E sœ dœ yanga nœ kœmindœ Ɔtshɔ O'o nœ kœsœ gee fœ azu бата œrada tœ ada 'e.

16'E za kœyindœrœ ɔlɔ dœ ɔlɔ бата balangba nœ 'e: œ za awa fœ 'e adœke 'e ru owo tœ wele á yiangba 'e sœ kœnɔ tœnœ.

17'E yindœ kœshe бата kpoto wáyá yé œ tepa o'o ama Ndjaba ngbirì бата ingiri yakamba á Ɔtshɔ ƙshiri za fœ 'e.

18'E za avwala nœ 'e tœ œerœnœ asœmœ kɔ fœ Ndjaba yé ɔlɔ dœ ɔlɔ, Ɔtshɔ ƙshiri sœ dœ 'e lœnœ. Mbœrœ tœnœ ataa, ala 'e gbɔ yé 'e zatœ 'e waa dœ waa ga tœnœ. 'E za ndje avwala nœ 'e mbœrœ azu nœ Ndjaba para kɔkɔ.

19'E za ndje avwala nœ 'e fœ Ndjaba mbœrœ mœ adœke tshe yisœ Ɔtshɔ O'onœ á zatœ ye yiwa tœnœ fœ mœ yeka á mœ kœpapandœ nœ dœ awa nene.

20œmœ kœdœ ayi kœyisœ Ɔtshɔ O'o fœ azu, mbœrœ tœnœ dá mœ sœ lœ kánga. 'E za avwala fœ Ndjaba adœke adja awa mbœmbœrœ mœ bale nene, kashe tshe to gbɔgbɔ á li dœ mœ kœpandœ œeneke á li adœke mœ pa.

Ndɔngɔlɔ abala

21Aya azœ dœ Tishike á tshe sœ kœmbœrœ akwa nœ Gbozu dœ lɔsu ye bale asœmœ, œshe dá pandœ o'o nœ mœ kɔ fœ 'e á 'e kœdji dœ ɔtshɔnœ yé á kœwu ndje sœ œeneke á mœ sœ kœmbœrœ tœnœ.

22Mœ sœ kœvwa she fœ 'e adœke 'e wusœ mara kœsœ nœ 'a ba ke yeka á kœza kœru lɔsu fœ 'e.

23Kaka Ndjaba Aba œdœ Gbozu Yisu Kristu za kœsœ gee, dœ kœyindœsho, œdœ pe kœyindœrœ fœ 'e dœ aayazu lœ Yisu kɔkɔ.

24Kaka Ndjaba to kane ye ga pa azu para kɔkɔ á endje yindœ Gbozu nœ azœ dœ Yisu Kristu dœ kœyindœsho á ka nene.

Filipo

Filipo 1

Abala

¹Ɔemœ Polo œdœ Timote, a'a dœ aayi akwa nœ Yisu Kristu, 'a sœ kœsu mbetinœ asœke fœ 'e dœ ayerœ azu nœ Yisu Kristu para kœkœ ba lakpi Filipo, dœ agbozu Ikrizia œdœ ndje aayi akwa tshelœ Ikrizia.

²Kaka Aba azœ dœ Ndjaba œdœ Gbozu Yisu Kristu ma ɔtshɔ lœsu nœ endje ga ndœ 'e, yé œ za kœsœ gee nœ endje fœ 'e.

Avwala nœ Polo tœ upu nœ azu Ikrizia

³Ɔlɔ kɔ á mœ kœsœ kœgbe dœ 'e, mœ sœ kœgi mershe fœ Ndjaba nœ mœ.

⁴ƆE kœsœ adœke mœ za avwala nœ mœ fœ Ndjaba tœ upu nœ 'e, mœ sœ kœza tœnœ dœ yanga,

⁵mbœrœ mara á 'e sœ kœti kane mœ lœ kœmĩndœ Ɔtshɔ o'o nœ Kristu kœto tœ ali olo œerr ga tœ ngɔngɔ asœke.

⁶Adja mœ wusœ nœ adœke Ndjaba á tshe te lima tœ kœmbœrœ ɔtshɔ akwa ugurutœ 'e asœmœ, tshe sœpe kœmbœrœ tœnœ œerr ga tœ kœkwa Yisu Kristu.

⁷ƆE sœ dœ ɔtshɔnœ adœke mœ sœ dœ gbetshelœ atamœ ga ndœ 'e para kœkœ. Mœ sœ kœgbɔndœ 'e ga tœ lœsu mœ. Gbambanœ nene, 'e ti kane mœ waa lœ akwa á Ndjaba za fœ mœ lœ ɔtshɔ lœsu nœ ye œdœ dœ lœkœ á mœ sœ ba lœ kánga œdœ ndje dœ lœkœ á mœ gugu lœ kánga nene, mbœrœ kœma ngbi adœke Ɔtshɔ O'onœ kœdœ adjapu yé azu sœ kœka ga mangba nœ.

⁸Ndjaba wusœ nœ dœ ɔtshɔnœ adœke mœ yindœ 'e para kœkœ waa dœ kœyindœsho á to lœ Yisu Kristu.

⁹ƆE kœsœ adœke mœ sœ kœza avwala nœ mœ fœ Ndjaba tœ upu nœ 'e, mœ sœ kœki adœke 'e yindœ Ndjaba yé œ yi ndje ndœtœ 'e tɔpanœ kpuru, tshe to kœwusœrœ fœ 'e yé œ kœrœ ala 'e,

¹⁰yeka á 'e kœwusœ kœke œrœ á sœ dœ ɔtshɔnœ ndœ kœmbœrœ tœnœ. Atamœ 'e wuta azu á ekperœ gugu lœ endje nene, á anga œrœ kœgbagbara endje tœnœ œ gu nene dœ lœkœ kœkwa Yisu Kristu,

¹¹dœ mara adœke œeneke kœ á 'e mbœrœ dœ adja ɔtshɔrœ á na ga ndœ azœ lœ awa nœ Yisu Kristu, mbœrœ kœgi mokœ fœ Ndjaba yé œ donga she.

Soro kœdœ Kristu

- ¹²Aaya mœ, mœ yindœ nœ adœke 'e wusœ o'onœ asœke: Œeneke á wuta ga tœ mœ, œ mbœrœ adœke Ɔtshɔ O'o na ga utshunœ.
- ¹³Mbœrœ tœnœ dá aayi kœgbœndœ anda nœ egerœ gbozu œdœ pe anga azu para kɔkɔ, wusœ nœ adœke mœ li ga lœ kánga mbœrœ upu nœ Kristu.
- ¹⁴Yé kœwu mœ lœ kánga, aaya azœ ndjoro sœ kœza lœsu endje ga pa Gbozu dœ mara adœke, endje tetœ kœpa avwaratœ endje yé endje kpa sœsœ dœ awa tœ kœmindœ o'o ama Ndjaba nene.
- ¹⁵Œ dœ adjapu adœke anga azu sœ kœyisœ œrœ tœ upu nœ Kristu dœ gbetshelœ nœ kœmbœrœ úkú œdœ gbetshelœ nœ kœgbugburu tshelœ o'o dœ mœ, anga endje sœ kœyisœ nœ dœ ɔtshɔ gbetshelœ.
- ¹⁶Endjeneke asœke, endje sœ kœyisœ nœ dœ kœyindœesho ga ndœ mœ, mbœrœ á endje wusœ nœ adœke mœ sœ lœ kánga tœ upu nœ kœmbœrœ adœke azu yi adja ndœ Ɔtshɔ O'o.
- ¹⁷Anga azu, endjeneke á endje sœ dœ úkú, endje sœ kœyisœ upu nœ Kristu dœ gbetshelœ adœke œne ropa anga œne. Œeneke á endje gbe kœmbœrœ tœnœ sœsœ ndjii nene, endje dá yindœ kpa kœwo tshandœ mœ.
- ¹⁸Œ mbœrœ œrœ bale nene! Œdœ endje kœyisœ œrœnœ dœ ɔtshɔ gbetshelœ too dœ ekpe gbetshelœ, kolœnœ adœke endje mindœ upu nœ Kristu. Yé mœ sœ dœ yanga tœnœ, mœ sœpe ndje sheko kolœ dœ yanga mbœrœ tœnœ.
- ¹⁹Gbambœ nene, mœ wusœ nœ adœke œneke kɔ œ kɔɔ awa adœke endje vwara mœ lœ kánga mbœrœ á 'e sœ kœza avwala nœ 'e fœ Ndjaba tœ upu nœ mœ yé Ɔshiri nœ Yisu Kristu sœ ndje dœ mœ awa bale.
- ²⁰Œrœ á mœ sœ kœkate dœ lœsu mœ bale, á sœ kœza gbetshelœ nœ mœ djigi ga tœnœ, œtœnœ kœdœ adœke mœ gbɔgbɔ tshula bale nene. Kashe gbetshelœ nœ mœ djigi ngɔngɔ asœke œdœ pe ɔlɔ dœ ɔlɔ kœdœ adœke mœ lisœ Kristu dœ undu mœ djigi, œdœ lœ soro mœ, œdœ lœ kuzu mœ.
- ²¹Gbambœ nene, ba tœ mœ, soro kœdœ Kristu yé kuzu kœdœ kœgbɔ œrœ tshangba akwa.
- ²²Kashe œ kœsœ adœke mœ sœpe dœ soro, œ li dœ mœ adœke mœ mbœrœ ɔtshɔ akwa, ataa mœ wuwusœ œrœ á mœ mbœrœ nene.
- ²³Mœ sœ ugurutœ o'o bisha á sœ kœgbota mœ: mœ yindœ kœkatœ kœsœ dœ soro pa ɔshɔ asœke ndœ kœsœ dœ soro awa bale dœ Kristu. Œtœnœ dá sœ dœ ɔtshɔnœ kœropa nœ.
- ²⁴Kashe œ sœ ndje dœ ɔtshɔnœ adœke mœ sœpe dœ soro mbœrœ 'e.

²⁵Mbærœ tœnœ ataa, mœ sœsœ dœ sharapu nene. Mœ wusœ nœ adœke mœ sœ dœ 'e awa bale mbærœ kœko ala mœ tœ 'e adœke 'e gerœ, yé œ sœ ndje dœ yanga lœ kœyindœrœ.

²⁶Atamœ, lœkœ á mœ kœkwatœ mœ ga ndœ 'e, 'e kpa li kœdonga tœ 'e tœ œneke á Yisu Kristu mbærœ fœ 'e lœ awa nœ mœ.

Kœshi gbi lœ koshe

²⁷Ngœngœ asœke œrœ á ropanœ kœ kœdœ adœke, mara kœmbœrœtœ 'e li dœ Ɖtshœ O'o nœ Kristu. Atamœ œdœ mœ kœna kœwu 'e too mœ kœnana nene, mœ yindœ kœdji adœke 'e sœpe kœru lœsu 'e dœ gbetshelœ bale, 'e sœ dœ lœsu bale mbærœ kœnga koshe nœ kœyindœrœ á Ɖtshœ O'o yisœ nœ fœ 'e.

²⁸E sœsœ dœ awa ayingba 'e bale nene. Asœmœ dá ma ambárá fœ endje adœke awa kuzu endje dá endje za, kashe 'e za œnœ 'e awa kœshe; œneke á to ba ndœ Ndjaba.

²⁹Gbambanœ nene, Ndjaba yisœ Ɖtshœ lœsu nœ ye ga ndœ 'e, adœke 'e wuta azu nœ Kristu. Tshe mbœmbærœ kolœnœ adœke 'e sœ dœ kœyindœrœ nene, kashe mbærœ adœke 'e wu ndje oyo tœ upu nœ ye.

³⁰Ngœngœ asœke, a ngbœtœ koshœnœ á 'e wu mœ kœnga tœnœ adœke azu yi adja ndœ Ɖtshœ O'o. Œtœnœ kœdœ koshe á 'e wu mœ lima kœnga tœnœ yé mœ sœpe kœnga tœnœ adœke azu yi adja ndœ Ɖtshœ O'o bœta á 'e wusœ nœ ngœngœ asœke.

Filipo 2

'E za mara gbetshelœ nœ Kristu

¹Bœta á kœyindœrœ nœ 'e ga ndœ Kristu za gbœgbœ fœ 'e, yé á kœyindœshœ nœ ye to uvuru ga lœ 'e, bœta 'e ngbœtœ 'e bale dœ Ɖtshœ Ishiri, 'e yindœtœ 'e dœ œ mbærœ ayo ugurutœ 'e.

²Atamœ, 'e mbærœ adœke lœsu mœ su dœ yanga mbærœ kœngbœtœ o'o ama 'e bale, dœ kœyindœtœ 'e, dœ kœsœ dœ lœsu 'e bale œdœ ndje dœ gbetshelœ bale.

³E mbœmbærœ œrœ bale dœ gbetshelœ nœ kœropa anga 'e nene, 'e dodonga tœ 'e nene kashe lœ kœzatœ 'e ga ati, 'e wu anga anga 'e bœta endje ropa 'e ye.

⁴Uzu gbegbe kolœ dœ undu ye dœ tœ ye nene, kashe œ li adœke tshe gbe ndje dœ anga azu anganœ.

⁵E sœ dœ gbetshelœ bœta á Yisu Kristu sœ lima dœ tœnœ:

⁶Mara koesœ noe ye koedœ lima œnœ Ndjaba. Œshe koedœ lima adja Ndjaba, kashe tshe gbegbe lima kœpara awa kœgbœndœ koedœ kolœ Ndjaba noe ye nene.

⁷Kashe tshe katœ œneke kœ á tshe sœ lima dœ tœnœ tĩ, yé œ za lima mara koesœ noe kanga. Tshe wuta lima bœta azu para kœkœ, yé œ za mara koesœ á azu sœ dœ tœnœ.

⁸Tshe za lima tœ ye ga ati yé œ za o'o ama Ndjaba ga tœ akwa lœ œrœ kœ á tshe mboerœ œrrr ga tœ kuzu, adja kuzu ba pa kurushi.

⁹Mboerœ tœnœ ataa, Ndjaba ti she galafo kœropa noe yé œ za i'iri á ropa i'iri kœ fœ she.

¹⁰Tshe yindœ noe adœke tœ kœlisœ i'iri Yisu, endjeneke kœ á endje sœ ba lafo, ba pa œshœ, ba ndœ akuzu, endje gote ga utshu ye.

¹¹Yé endje kœ, endje mindœ noe adœke Yisu Kristu koedœ Gbozu, ba lœ moko noe Aba dœ Ndjaba.

Akwa manda koeshe

¹²Ataa, e'e dœ aaya mœ á mœ yindœ 'e waa, 'e sœ lima kœlisœ o'o mœ dœ œlo kœ á mœ sœ lima ugurutœ 'e. Bata á mœ sœsœ ugurutœ 'e nene, 'e kpa lisœ noe ropa noe. 'E mboerœ akwa manda koeshe noe 'e dœ awa kœ.

¹³Gbambœ nene, Ndjaba dá sœ kœmbœrœ akwa ugurutœ 'e, adœke 'e yindœ noe, yé œ mboerœ œneke á tshe yindœ noe.

¹⁴Œ li adœke 'e kparawa kœle lœ ama 'e œdœ kœgbugburu tshelœ o'o,

¹⁵adœke azu kœgbœgbœ ádá kœpa ekpe o'o noe 'e nene, á kœwuwu ekperœ lœ 'e nene. Atamœ, 'e dœ agbolo noe Ndjaba á ekperœ gugu lœ 'e nene ugurutœ azu tshapashœ á endje sœ kolœ kœmbœrœ ekperœ. Œ li adœke 'e tshi ugurutœ endje bœta angerepe á tshi ba lafo,

¹⁶lœkœ á 'e sœ kœma o'o noe soro. Œdœ 'e kœsœ kœmbœrœ atamœ, mœ sœ dœ yanga lœkœ á Kristu œ kwatœ ye, yé œ ma ndje adœke akwa á mœ mboerœ lima œdœ ili á mœ vwi, œ sœsœ gbambœ nene.

¹⁷Œ kœsœ ndje adœke endje wo mœ, yé indji mœ tu, á gbœtœ ye dœ tokórœ noe 'e á dœ kœyindœrœ noe 'e ga ndœ Ndjaba, mœ sœ dœ yanga mboerœ tœnœ yé e'e para 'e te ndje ga ndœ yanga noe mœ awa bale dœ mœ.

¹⁸E'e ndje ataa, 'e sœ dœ yanga yé mœ te ndje ga ndœ yanga noe 'e awa bale dœ 'e.

Atimote dœ Epafrodite

¹⁹Ɔedœ Gbozu Yisu kœyindœ nœ, mœ wusœ nœ adœke mœ vwa Timote ba ndœ 'e lœ ondonœ asœke, adœke tshe gu dœ o'o tshandœ 'e fœ mœ yeka á mœ kœgbɔ gbɔgbɔ mbœrœ tœnœ.

²⁰Mœ sœpe kolœ dœ Timote á gbetshelœ nœ ye sœ bata œnœ mœ yé tshe sœ kœgbe kolœ o'o nœ 'e.

²¹Gbambanœ nene, anga udu azu para kɔkɔ sœ kœgbe kolœ o'o nœ kœmbœrœ œrœ nœ endje dœ tœ endje, kashe endje gbegbe dœ upu nœ Yisu Kristu nene.

²²'E wusœ nœ dœ tœ 'e mara á tshe ma ɔtshɔ akwa nœ ye. Tshe zatœ ye djigi mbœrœ kœmindœ Ɔtshɔ O'o awa bale dœ mœ bata á gbolo yakoshe œ ti kane abanœ.

²³Mœ sœ kœgbe kœvwa she fœ 'e œdœ mœ kœwu upu nœ mœ ngbi yekane.

²⁴Mœ sœ dœ kœyindœrœ ga ndœ Gbozu adœke mœ yi ndje kumu mœ ndœ kœwu 'e lœ ondonœ asœke.

²⁵Mœ wu adœke œ sœ dœ ɔtshɔnœ kœgi aya mœ dœ Epafrodite, yanga mœ lœ ama akwa œdœ lœ koshe á 'e vwa lima she adœke tshe mbœrœ akwa fœ mœ lɔkɔ á mœ sœ lima lœ oyo.

²⁶Tshe sœ dœ ogo kpa kœwu 'e para kɔkɔ, yé lɔsu ye sù dœ oyo kœropa nœ mbœrœ á 'e dji lima adœke tshe sœ dœ koba.

²⁷Adja Kobanœ za she lima ndoo dœ kuzu, kashe Ndjaba wu oyo ye. Ɔe dœdœ kolœ oyo ye bale nene, kashe Ndjaba wu ndje oyo mœ mbœrœ adœke adja anga oyo kpa wuwuta ga pa oyo nene.

²⁸Mbœrœ tœnœ dá mœ yindœ kœgi she katsha fœ 'e adœke lɔkɔ á 'e kpa kœwu she, yeka á 'e kœsœ dœ yanga á átá oyo nœ mœ kœka.

²⁹Atamœ, 'e za osho kœsœ fœ she dœ yanga kɔ bata aya uzu lœ ngbɔtœ nœ Gbozu. Ɔe li adœke 'e lisœ mara azu bata she.

³⁰Gbambanœ nene, tshe yi lima kœtshu mbœrœ akwa nœ Kristu. Tshe za undu ye fœ kuzu mbœrœ kœti kane mœ galafo dœ œneke á 'e lili má kœmbœrœ tœnœ fœ mœ dœ tœ 'e nene.

Filipo 3

Mara kœwuta uzu ndjii ba utshu Ndjaba

¹Yé ngɔngɔ asœ aaya mœ, 'e sœ dœ yanga mbœrœ kœngbɔtœ 'e bale dœ Gbozu. Mœ wusœ nœ adœke mœ sù lima o'onœ asœke fœ 'e utshunœ ye. Kashe mœ mɔ nene ndœ kpa kœsu tœnœ mbœrœ á kœli œrrr ga tœ lɔsu 'e.

²Ala 'e gbo dœ azu á endje sœ kœmbœrœ ekperœ. Endje sœ bata ekpe ayavoro. Endje kœdœ azu á endje sœ kœ'e tœ endje tœ azu nœ Ndjaba mbœrœ á endje za lœsu endje ga pa gaza bata egerœ œrœ.

³Adja azu nœ Ndjaba kœdœ azœ; gbambanœ nene, azœ kœdœ azu á a sœ kœdonga Ndjaba dœ awanœ, dœ gbœgbœ nœ Ishiri yé á sœ kœza lœsu azœ ga pa Yisu Kristu, kashe a koko lœsu azœ ga tœ undu azœ nene.

⁴Andaa, mœ li má ndje kœza lœsu mœ ga tœ undu mœ dœ tœ mœ. Œ kœsœ adœke anga azu gbe adœke œne li kœza lœsu œne ga tœ undu œne dœ tœ œne, mœ li ndje kœmbœrœ tœnœ kœropa nœ.

⁵Gbambanœ nene, endje wa mœ tœ gaza olo mindu dœ votœ manda kœzu mœ mara á awa akwa pa tœnœ. Ogo mœ kœdœ Israyele yé mara mœ kœdœ Bendjame. Œmœ kœdœ uzu Ebre yé aata mœ kœdœ ndje Aebre. Lœ o'o á wu awa akwa, mœ za lima tœ mœ djigi ndœ nœ, œmœ kœdœ lima Farisayi.

⁶Tœ upunœ kœmbœrœ akwa dœ egerœ ogo, mœ mbœrœ lima œrœ kanga fœ Ikrizia. Mœ za lima lœsu mœ adœke awa akwa œ fa mœ ndjii tœ ala Ndjaba, mbœrœ tœnœ ataa mœ sœ lima kœlœsœ awa akwa waa.

⁷Kashe œrœ kœ á mœ sœ lima kœwu bata œ sœ dœ ádánœ waa, ngœngœ asœke mœ wu bata œrœ á te tshakane mœ, mbœrœ kœza lœsu mœ ga pa Kristu.

⁸Kœropa nœ, œ dœdœ kolœ œrœ bale nene. Mœ sœ kœwu œrœ para kœkœ lœ ala mœ bata œ kpa dœ tafo œrœ nene, mbœrœ tafo œrœ á ropa œrœ para kœkœ kœdœ kœwusœ Gbozu nœ mœ dœ Yisu Kristu. Mbœrœ she, mœ kpa yiyindœ nœ adœke œrœ kœ á sœ lima tœ œtshœnœ tœ ala mœ, kpa dœdœ œtshœrœ tœ ala mœ nene. Mœ sœ kœwu œrœ para kœkœ bata œrœ kœko va ga pa ndikœ, mbœrœ á mœ gbo Kristu,

⁹yé á ngbœtœ mœ dœ she bale. Mœ wuwuta œtshœ uzu mbœrœ œrœ á mœ mbœrœ lœ awa nœ kœlœsœ awa akwa nene, kashe lœ awa nœ kœyindœrœ ga ndœ Kristu. Atamœ, mara kœwuta uzu ndjii to ba ndœ Ndjaba lœ awa nœ kœyindœrœ ga ndœ Kristu.

¹⁰Ogo nœ mœ adœke mœ wusœ Kristu, dœ gbœgbœ á she she lœ akuzu ascœmœ yé œ ngbœtœ mœ dœ she lœ œrœ kanga nœ ye kœ adœke mœ wuta bata she lœ kuzu nœ ye.

¹¹Mbœrœ tœnœ ataa, mœ za lœsu mœ ga tœ Ndjaba adœke, mœ she ndje bala lœ akuzu ye.

A kpa œrœ ga tœ osho á a yindœ kœwuta ga tœ nœ

¹²Mœ sœsœ kœpa adœke mœ gbo œrœ tshangba kœkpa œrœ nœ mœ ye nene, too ndje adœke mara kœmbœrœtœ nœ mœ wuta tœ œtshœnœ nene. Kashe mœ

søpe kœpa avwaratœ mœ adœke mœ gbɔ œrœ tshangba nœ. Wu ádánœ á Yisu Kristu gbe lima dœ tœnœ yeka á ke mœ.

¹³Aaya mœ, mœ gbegebe adœke mœ gbɔ œrœ tshangba nœ ye nene. Kashe mœ sœ kœmbœrœ œrœ bale: mœ kpa za ala mœ ga tœ œrœ á mœ ro ga manda mœ nene, kashe mœ sœ kœpa avwara kœwuta ga tœ œrœ á sœ ɓa utshu mœ.

¹⁴Ataa, mœ sœ kœkpa ɔɔ kœwuta ga tœ osho á mœ yindœ kœwuta ga tœnœ adœke mœ gbɔ œrœ á Ndjaba e azœ kœgbɔ ɓa lafo lœ awa nœ Yisu Kristu.

¹⁵Azœ para kɔkɔ á a dœ agbozu lœ kœyindœrœ, œ li adœke a sœ dœ mara gbetshelœnœ asœmœ. Yé œ kœsœ adœke 'e sœ dœ anga angbi gbetshelœ tœ œneke, Ndjaba œ yisœ nœ ngbi fœ 'e.

¹⁶Ataa atamœ gbaa, œ li adœke a sœpe kœna ga utshunœ tœ awa á a tetœ nœ œrrr kpesheke asœke.

¹⁷Aaya mœ, e'e para kɔkɔ 'e za mara kœmbœrœtœ nœ mœ. 'E ko ala 'e ga tœ endjeneke á mara kœmbœrœtœ nœ endje li dœ œneke á 'a yisœ nœ fœ 'e.

¹⁸Mœ pa lima o'onœ asœke fœ 'e yeka á kpa pa dœ ngola adœke: mara kœmbœrœtœ azu ndjoro sœ kœma adœke endje kœdœ ayingba kurushi nœ Kristu.

¹⁹Endje za awa kuzu mbœrœ ndjaba nœ endje kœdœ uvu endje. Endje sœ kœdonga tœ endje tœ œrœ á za tshula fœ endje yé gbetshelœ nœ endje sœ kolœ ga pa œrœ tshapashɔ asœke.

²⁰Kashe azœ, tshalakpi nœ azœ sœ ɓa lafo, ɓa tœ osho á sœ kœkate Ayi kœshe azœ, á tshe kœdœ Gbozu Yisu Kristu.

²¹Tshe fa undu azœ, œnœ tshapashɔnœ asœke adœke œ li dœ undu ye œnœ mokɔ. Tshe mbœrœ œneke kɔ dœ gbɔgbɔ á za awa fœ she adœke tshe dœ Gbozu pa œrœ kɔ.

Filipo 4

¹Mbœrœ tœnœ ataa, aaya mœ á mœ yindœ 'e waa, mœ sœ dœ egerœ ogo kpa kœwu 'e. 'E sœ kœmbœrœ adœke yanga nœ mœ sœ tœ egerœnœ yé mœ donga tœ mœ mbœrœ 'e. 'E dœ aaya mœ á mœ yindœ 'e waa, 'e wu mara á li dœ 'e kœshi gbi lœ soro 'e bale dœ Gbozu.

œrœ á li kœmbœrœ tœnœ

²Mœ za o'o fœ Evodi œdœ Setishe adœke endje sœ dœ gbetshelœ bale mbœrœ endje kœdœ azu nœ Gbozu.

³œɓœ ndje á ɓœ dœ adja yanga mœ lœ ama akwa, mœ yindœ nœ adœke ɓœ u ayashe bisha asœke adœke endje katœ kœle lœ ama endje. Gbambanœ nene, endje zatœ endje ga tœ akwa dœ mœ ndœ kœmindœ ɔtshɔ o'o, awa bale dœ

Klema œdœ pe ndje anga udu anga mœ læ ama akwa para kɔkɔ á i'iri endje sœ ala buku nœ soro.

⁴E sœ dœ yanga ɔɔ dœ ɔɔ mbœrœ e'e kœdœ azu nœ Gbozu. Mœ kpa pa adœke: 'e sœ dœ yanga.

⁵E sœ dœ ɔtshɔ ɔɔsu ga ndœ azu para kɔkɔ. Lɔkɔ kœkwa Gbozu ndo ye.

⁶E zaza ɔɔsu 'e ga lafo mbœrœ œrœ bale nene. Kashe læ œrœ kɔ, œ li adœke 'e za avwala nœ 'e fœ Ndjaba tœ œrœ á oyonœ za 'e. Yé lɔkɔ á 'e kœsœ kœza avwalanœ, 'e za dœ kœgi mershe.

⁷Yé kœsœ gee nœ Ndjaba á ropa kœwusœrœ kɔ, œ gbɔndœ ɔɔsu 'e dœ pe gbetshelœ nœ 'e læ Yisu Kristu.

⁸Aaya mœ, ndɔngɔɔ o'o á mœ yindœ kœpa fœ 'e dœke: œ li adœke 'e gbe kolœ dœ œrœ á sœ dœ ɔtshɔnœ, œrœ á li kœdonga tœnœ, œrœ á sœ ndjii, œrœ á ekperœ gugu læ nœ nene, œrœ á azu yindœ nœ, œrœ á endje lisœ nœ, œrœ á endje pa ɔtshɔ o'o mbœrœ tœnœ, 'e ko œrœnœ kɔ asœke ga læ kumu 'e.

⁹œrœ á mœ yisœ nœ fœ 'e á 'e wusœ nœ, œrœ á 'e dji yé á wu mœ kœmbœrœ tœnœ, 'e za ga tœ akwa. 'E za œneke á mœ yisœ nœ fœ 'e ga tœ akwa. Yé Ndjaba á tshe za kœsœ gee fœ azu, tshe sœ awa bale dœ 'e.

Mershe nœ Polo fœ azu Filipino

¹⁰Mœ sœ lima dœ egerœ yanga læ kœsœ bale dœ Gbozu tœ kœwu adœke 'e kpa gbɔ lima awa ndœ kœgbe dœ mœ. Adja 'e sœ lima kœgbe dœ mœ zœ yeka á 'e gbɔgbɔ lima awa ndœ kœyisœ nœ ngbi nene.

¹¹Mœ sœsœ kœpa atake mbœrœ á mœ sœ dœ ogo kœgɔ œrœ bale nene. Gbambanœ nene, mœ wusœ kœza ɔɔsu mœ kolœ ga tœ œneke á mœ sœ dœ tœnœ.

¹²Tœ osho kɔ á mœ sœ tœnœ, læ œrœ kɔ á wuta ga tœ mœ, mœ wusœ kœru ɔɔsu mœ œdœ mœ kœsœ dœ kœzɔrœ œdœ mœ sœ dœ ogo, too œdœ mœ kœsœ dœ œrœ ndjoro œdœ mœ kœgugu dœ œrœ kœli dœ gbetshelœ nœ mœ nene.

¹³Kristu sœ kœto gbɔgbɔ fœ mœ læ œrœ para kɔkɔ á wuta ga tœ mœ.

¹⁴Kashe 'e mbœrœ lima tœ ɔtshɔnœ kœgbe dœ mœ lɔkɔ á mœ sœ lima læ oyo.

¹⁵E'e dœ azu Filipino, 'e wusœ nœ dœ tœ 'e adœke pe dœ lɔkɔ á mœ ka lima tœ Masedwane ti mbœrœ kœna kœtetœ kœyisœ ɔtshɔ O'onœ, anga azu angbi Ikrizia titi kane mœ nene, kolœ e'e dá ti kane mœ læ awa nœ kœto makabo nœ ngendja fœ mœ.

¹⁶Lɔkɔ á mœ sœ lima læ Tesalonike, 'e ti lima kane mœ læ awa nœ kœvwa œrœ á mœ sœ lima dœ ogo nœ.

¹⁷Mœ sœsœ kœpara awa adœke 'e to œrœ fœ mœ nene. Kashe mœ sœ kœpara adœke anga angbi œrœ ndjoro kpa te ga pa œneke á 'e sœ dœ tœnœ.

¹⁸Mœ gbɔ œrœnœ kɔ á 'e vwa fœ mœ asœmœ yé œ dopa nœ ye. Œrœ á 'e vwa dœ Epafrodite fœ mœ asœmœ, œ li adja ngɔngɔ asœke dœ ogo nœ mœ yé œ sœ b̄ata yombo á tshafunœ ga, á sœ ndje b̄ata tokóró á ga tœ Ndjaba, á tshe sœ dœ yanga mbœrœ tœnœ.

¹⁹Yé Ndjaba nœ mœ œ to œneke kɔ á 'e gugu dœ tœnœ nene fœ 'e, lœ awa nœ kœngbɔtœ 'e dœ Yisu Kristu liaka adja kœngba œrœ nœ ye.

²⁰Kaka Aba azœ dœ Ndjaba sœ dœ mokɔ waa dœ waa. Ame.

Ndɔngɔɔ abala

²¹'E za abala fœ ayerœ azu nœ Yisu Kristu bale dœ bale kɔ. Aaya azœ á mœ sœ dœ endje b̄a ke, bala ndje 'e.

²²Azu nœ Ndjaba para kɔkɔ za abala fœ 'e, yé kœropa nœ endjeneke á endje sœ lœ gbagba nœ egerœ gbozu Sezare.

²³Kaka adœke Gbozu Yisu Kristu gbɔndœ ishiri 'e lœ awa nœ ɔtshɔ lɔsu nœ ye.

Kolose

Kolose 1

Abala

¹Ɔemœ Polo á Ndjaba ke mœ adœeke mœ te ayi avwa nœ Yisu Kristu, œmœ œdœ aya azœ dœ Timote,

²a sœ kœsu mbetinœ asœ fœ 'e dœ ayerœ azu nœ Ndjaba ba lakpi Kolose, á 'e sœ kœmbœerœtœ 'e lindœ kœyindœerœ ga ndœ Kristu. Kaka Aba azœ dœ Ndjaba ma ɔtshɔ lœsu nœ ye ga ndœ 'e yé œ za kœsœ gee nœ ye fœ 'e.

Avwala nœ Polo mbœerœ Akolose

³Ɔlɔ dœ ɔlɔ 'a sœ kœza mershe fœ Ndjaba, Aba Gbozu nœ azœ dœ Yisu Kristu, lœ avwala nœ 'a fœ she tœ upu nœ 'e.

⁴Gbambanœ nene, 'a djindœ kœyindœerœ nœ 'e ga ndœ Yisu Kristu œdœ pe mara kœyindœesho á 'e sœ dœ tœnœ ga ndœ ayerœ azu nœ Ndjaba para kɔkɔ.

⁵'E sœ kœmbœerœ atamœ mbœerœ á 'e sœ kœza lœsu 'e ga pa ɔtshœrœ á Ndjaba gbɔndœ nœ kate 'e ba lafo. Gbambanœ nene, gbɔgbɔ nœ kœza lœsu 'e to lœ awa nœ adjapu á 'e dji lima utshunœ á dœ Ɔtshɔ O'o.

⁶Ɔtshɔ O'onœ kurutshelœtœ ye pa ɔshɔ djigi yé œ sœ kœmbœerœ akwa na tœnœ veveve ko bata á ma lima tœ ye ugurutœ 'e, pe dœ lœkɔ á 'e gbɔ lima yé á wu ndje sœ ɔtshɔ lœsu nœ Ndjaba á tshe ma adja fœ azu.

⁷Aya 'a dœ Epafraze á a yindœ ye waa, á tshe sœ kœmbœerœ akwa awa bale dœ 'a dá yi lima sœ nœ fœ 'e. Tshe sœ ga lœ kudu 'a ba ndœ 'e bata adja ayi akwa nœ Kristu,

⁸yé tshe pa lima ndœ mara kœyindœesho á Ɔtshɔ Ishiri za ga lœ 'e fœ 'a kɔ.

⁹Mbœerœ tœnœ atamœ, á kœto kpoetœ olo á 'a djindœ nœ, 'a kakatœ kœza avwala nœ 'a fœ Ndjaba tœ upu nœ 'e nene. 'A sœ kœyu she adœeke tshe yisœ gbetshelœ nœ ye djigi fœ 'e, mangba kœwusœtœ kɔ œdœ kœwusœerœ á Ɔtshɔ Ishiri to.

¹⁰Ataa, 'e mbœerœtœ 'e bata azu nœ Gbozu nœ azœ yé kœmbœerœ œrœ nœ 'e œ za yanga waa dœ waa fœ she. Lœ œrœ kɔ, 'e li kœmbœerœ ɔtshœrœ yé 'e wusœ Ndjaba kœropa nœ.

¹¹Ndjaba to gbɔgbɔ nœ ye á sœ dœ mokɔ waa fœ 'e adœeke 'e sœ dœ ugu lœsu, yé œ wusœ kœshi gbi lœ œneke kɔ á wuta ga tœ 'e.

¹²'E gi mershe dœ yanga fœ Aba azœ dœ Ndjaba á tshe guma 'e adœeke 'e gbɔ ndje ɔtshœrœ á tshe gbɔndœ nœ kate ayerœ azu ba lœ ogo ishiri nœ ye.

¹³Tshe ko azœ lœ kanga nœ ubu osho, yé œ gi azœ ga lœ ogo tshagbozu nœ Gbolo nœ ye á tshe yindœ ye kœropa nœ.

¹⁴Dœ awa nœ Gbolonœ, a kpa dóédóé akanga nene yé tshe djerœndœ ekperœ nœ azœ ye.

Ndjaba za Yisu Kristu tœ Gbozu tshapa œrœ ko

¹⁵Kristu za tshatshu Ndjaba á uzu bale wuwu she nene, œshe kœdœ Eya Gbolo nœ Ndjaba á tshe ropa azu œdœ pe œrœ para kœkœ á tshe mbœrœ.

¹⁶Gbambanœ nene, Ndjaba mbœrœ œrœ ko lœ awa nœ ye, œrœ á sœ balafo œdœ ba ati, œeneke á a sœ kœwutœ nœ dœ pe œeneke á a sœsœ kœwutœ nœ nene, dœ gbœgbœ ko œdœ ndje ishiri ko á sœ bata agbozu lœ yugu dœ pe tshaati. Ndjaba mbœrœ lima œrœ ko lœ awa nœ Kristu adœke œrœ ko sœ mbœrœ she.

¹⁷Ataa tshe sœ utshu œrœ ko yé œrœ ko á li kœsœ tœnœ, ka mbœrœ she.

¹⁸Tshe kœdœ ndje Gbozu nœ Ikrizia, œshe kœdœ kumu Ikrizia, Ikrizia kœdœ undu ye, tshe kœdœ ali uzu, tshe kœdœ ali uzu á tshe she lœ kuzu ugurutœ akuzu; Mbœrœ tœnœ dá tshe wuta Gbozu pa œrœ ko á Ndjaba mbœrœ.

¹⁹Gbambanœ nene, Ndjaba dœ tœ ye dá yi lima ndœ nœ adœke Kristu za angwa œne djigi.

²⁰Lœ awa nœ Kristu, Ndjaba gbe ndje lima kœgi ayo ga ugurutœ ye dœ œrœ para kœkœ á tshe mbœrœ. Adjapu adœke lœ awa nœ kuzu Gbolo nœ ye lœkœ á indji ye tu pa kurushi, tshe guma tshaguru tœ ye dœ œrœ ko á sœ balafo dœ ba ati.

²¹Yé e'e ndje, 'e sœ lima lœ ingirinœ tœ Ndjaba, 'e dóé lima azu kœyiangba ye mangba ekperœ á 'e sœ lima kœgbe dœ tœnœ á sœ ndje kœembœrœ tœnœ.

²²Kashe ngœngœ asœke, lœ awa nœ kuzu á wo œkœ Gbolo nœ ye, Ndjaba guma tshaguru tœ ye dœ 'e adœke 'e te ayerœ azu neke á endje li tœ ala ye.

²³œ li adœke 'e tepa kœyindœrœ nœ 'e ngbirí, uzu bale fafara 'e nene. 'E za kolœ lœsu 'e ga tœ œtshœrœnœ á Ndjaba gumasœ nœ kate 'e bata á 'e dji lima lœ œtshœ O'o. œtshœ O'onœ asœmœ, endje yisœ nœ fœ azu ko pa œshœ, yé œtœnœ dá œmœ dœ Polo wuta ayi akwa mbœrœ kœyisœ nœ.

Akwa nœ Polo lœ Ikrizia

²⁴Ngœngœ asœke, mœ sœ dœ yanga mbœrœ oyo á mœ sœ kœwu tœnœ tœ upu nœ 'e. Gbambanœ nene, oyo á mœ sœ kœwu lœ œkœ mœ asœke te ga lœ kumu œeneke á Kristu wu lima. Mœ yindœ kœza oyonœ mbœrœ œtshœrœ nœ Ikrizia á dóé undu ye.

²⁵Mœ te ayi akwa lœ Ikrizia mbœrœ á Ndjaba za mœ adœke mœ mbœrœ akwa ugurutœ 'e. Tshe vwa mœ adœke mœ gbara o'o ama ye djigi.

²⁶Ɖe yindœ kœpa adœke: O'o á Ndjaba sœ kœza yiwa tœnœ balima katshatsha tœ azu. Ngɔngɔ asœke, tshe sœ kœyisœ nœ fœ azu á tshe ke endje.

²⁷Ndjaba yi lima ndœ kœyisœ nœ fœ azu adœke, œrœ á œne za yiwa tœnœ asœmœ kœdœ egerœ œrœ á ropa œrœ kɔ, yé á dœ mokɔ á sœ ba ugurutœ angbi azu. O'onœ á zatœ ye yiwatœnœ asœmœ kœdœ: Kristu sœ ugurutœ 'e yé dœ awa nœ ye, 'e ngbɔtœ 'e dœ she bale lœ mokɔ nœ Ndjaba.

²⁸Ataa, Kristunœ asœke dá 'a sœ kœpandœ o'o nœ ye. 'A sœ kœmi upu fœ uzu dœ uzu, œ sœ kœyisœ œrœ lœ kœwusœtœ kɔ adœke á guma endje dœ endje ngbɔtœ endje bale dœ Kristu yeka á endje kœgerœ lœ kœyindœrœ.

²⁹Mbœrœ tœnœ ataa, mœ sœ kœmbœrœ akwanœ yé œsœ kœnga koshe dœ gbɔgbɔ nœ Kristu, œtœnœ dá sœ kœmbœrœ akwa lœ mœ dœ gbɔgbɔ.

Kolose 2

¹Mœ yindœ nœ adœke 'e wusœ mara ɔgbɔ koshe á mœ sœ kœnga tœ upu nœ 'e, tœ upu nœ azu Lawudukiya œdœ pe tœ upu nœ endjeneke kɔ á endje wuwu damba mœ nene.

²Mœ sœ kœmbœrœ ataa mbœrœ á 'e kœshi gbi, mbœrœ á 'e kœsœ kœyindœtœ 'e dœ lɔsu 'e bale. Mœ yi ndje ndœ nœ adœke Ndjaba to kane ye ga pa 'e yeka á 'e kœsœ dœ kœwusœrœ neke á li dœ kœwusœ adja o'o nœ Ndjaba á zatœ ye yiwatœnœ: O'onœ á zatœ ye yiwa tœnœ asœmœ kœdœ Kristu dœ tœ ye,

³á kœwusœtœ kɔ sœ ba ndœ ye. Ɖeshe dá sœ kœkɔrɔ awa nœ kœwusœ œrœ fœ azœ

⁴Mœ pa o'onœ asœ fœ 'e mbœrœ adœke anga uzu bale kpa kœfafara 'e dœ undú o'o nene.

⁵Ataa mœ gugu ugurutœ 'e nene gbaa, lɔsu mœ sœ ba ndœ 'e. Mœ sœ dœ yanga kœwu mara á 'e ka ngbirɪ yé á sœ kœshi gbigbigbi lœ kœyindœrœ nœ 'e ga ndœ Kristu.

Kristu za ɔtshɔ soro fœ azœ

⁶Ataa, bata á 'e yindœ nœ adœke Yisu Kristu dœ Gbozu nœ 'e asœmœ, 'e ngbɔtœ 'e bale dœ she ɔɔ dœ ɔɔ.

⁷E li ga lœ ye bata á eshe ɔyɔ œ li ga lœ ɔshɔ yé 'e za soro djigi ga tshakane ye. 'E shi ngbirɪ lœ kœyindœrœ nœ 'e bata mara á endje yi lima sœ nœ fœ 'e, yé œ sœ kœgi ɔtshɔrœ fœ Ndjaba ɔɔ dœ ɔɔ.

⁸E sœ dœ gbɔdjela adœke uzu bale fafara 'e dœ kœwusœtœ nœ wala á sœ gbambanœ nene. Mara o'onœ asœmœ œ ka kolœ ga pa gbetshelœ nœ azu œdœ ga pa gbɔgbɔ nœ ishiri tshapashɔ; kashe œ kaka ga pa Kristu nene.

⁹Gbambanœ nene, undu Ndjaba djigi sœ læ Kristu;

¹⁰yé 'e gbɔ soro djigi læ awa nœ kœngbɔtœ 'e dœ she. Œshe kœdœ Gbozu nœ Ishiri kɔ á sœ dœ gbɔgbɔ.

¹¹Lœ kœngbɔtœ 'e bale dœ Kristu, tshe wa 'e tœ gaza. Gazanœ asœmœ dœdœ œneke á azu sœ kœwa tœnœ nene, kashe œtœnœ kœdœ gaza á to ba ndœ Kristu yé á gi 'e læ ekpe ɔtshɔ 'e lima utshunœ.

¹²Lɔkɔ á 'e gbɔ lima batisimu, œ sœ bɔta endje shi 'e awa bale dœ Kristu yé 'e she ndje awa bale dœ she mbœrœ á 'e sœ dœ kœyindœrœ ga tœ gbɔgbɔ nœ Ndjaba á she lima she læ akuzu.

¹³Utshunœ, 'e tshu lima læ ishiri mbœrœ á 'e sœ lima kœmbœrœ ekperœ œdœ pe mbœrœ á 'e dœdœ lima azu nœ Ndjaba nene. Ngɔngɔ asœke Ndjaba she 'e læ kuzu awa bale dœ Yisu Kristu, yé œ djerœndœ ekperœ nœ azœ kɔ ye.

¹⁴Utshunœ, a yo lima dœ ngbanga mbœrœ á a tsha lima upu kœmbœrœtœ azœ lindœ awa akwa nœ Ndjaba, kashe Ndjaba wo mbeti á wa lima ngbanganœ ga tœ azœ, œ za ekperœ læ kumu azœ œ za ga pa kumu Kristu lɔkɔ á tshe tshu pa kurushi.

¹⁵Ishiri kɔ á sœ lima dœ gbɔgbɔ, Ndjaba gbɔtœ gbɔgbɔnœ yé œ ko ishirinœ kɔ ga tœ ala azu, lɔkɔ á tshe i endje dœ djingiri á sœ kœna dœ endje mbœrœ kœma adœke, œne ropa endje læ awa nœ kuzu Kristu pa kurushi.

¹⁶Ngɔngɔ asœ, uzu bale wawa ngbanga ga pa 'e tœ upu nœ kœzĩrœ too kœendjœrœ nene. Œdœ tœ upu nœ olo angbo too olo kœwuta tafo yapu too ndje tœ upu nœ olo kœyatœ osho, uzu bale wawa ngbanga pa 'e nene.

¹⁷Alœmœ para kɔkɔ sœ kœma kolœ ishiri œrœ á wuta má lima, kashe adjapunœ kœdœ Kristu.

¹⁸Uzu bale mbœmbœrœ adœke 'e yo nene! Anga azu sœ kœdu okoro endje læ kœzatœ endje ga atĩ yé á sœ kœpa adœke azu donga aandjelu. Endje sœ kœzatœ endje kolœ ga tœ o'o neke á na ga læ ɔkɔrɔ endje læ ulu. Mara azunœ asœmœ sœ dœ egerœ kumu waa læ kœwusœrœ nœ ɔkɔ nœ endje.

¹⁹Azunœ asœmœ ngbɔngbɔtœ endje dœ Kristu á tshe dœ kumu Ikrizia nene. Kashe Kristu dá to kœzĩrœ fœ azu Ikrizia, á sœ kœmbœrœ adœke endje ngbɔtœ endje ga tœ nœ bale yeka á kœgerœ bɔta á Ndjaba yindœ nœ.

Kœtshu œdœ kœshe awa bale dœ Kristu

²⁰Bata á 'e tshu awa bale dœ Kristu á wuta tshakudu gbɔgbɔ nœ ishiri tshapashɔ, mbœrœ gadœ á 'e sœ kœmbœrœtœ 'e bɔta 'e sœpe azu nœ tshapashɔ á sœ kœyindœ mara o'o atamœ a? 'E yindœ nœ adœke endje pa fœ 'e adœke:

²¹«Zaza œrœ asœ nene, zizi œrœ asœ nene, yé tuturutœ œneke nene.»

²²Alœmœ kɔ, kolœ mbœrœ œrœ á œndœ nœ œ di nene. Azu dá guma awa akwanœ asœmœ kɔ yekane á yisœ nœ.

²³Ɔe dœe adjapu adœke awa akwanœ asœmœ matœ ye b̄ata œnœ kœwusœtœ, mbœrœ œ sœ kœza awa fœ azu adœke endje donga Ndjaba dœ mara á endje yindœ nœ, endje sœ kœzatœ endje ga ati yé œ sœ kœmbœrœ œrœ kanga ga tœ ɔkɔ endje. Kashe œ dœdœe tœnœ dá kɔ uzu tœ kœsœ dœ ogo œrœ á tshe yindœ nœ nene.

Kolose 3

¹Bata á Ndjaba she 'e lœ kuzu awa bale dœ Kristu, 'e para awa kœgbɔ œrœ tshalafɔ b̄a tœ osho á Kristu sœ tœnœ ga pa kuni Ndjaba.

²'E gbe kolœ dœ œrœ tshalafɔ. Adja 'e kpa gbegebe dœ œrœ tshapashɔ nene.

³Gbambanœ nene, 'e wuta b̄ata azu á endje tshu yé soro 'e zatœ ye wutœnœ awa bale dœ Kristu b̄a tshakane Ndjaba.

⁴Kristu kœdœ soro nœ 'e. Lɔkɔ á kœsœ adœke tshe kpa kwatœ ye, 'e wuta ndje awa bale dœ she lœ mokɔ nœ ye.

A katœ ongboro ɔtshɔ azœ ti

⁵Mbœrœ tœnœ ataa, 'e wo ogo œrœ tshapashɔ á sœ tœ lɔsu 'e, b̄ata kœmbœrœ angba budu, kœmbœrœ œrœ uburu, kœmbœrœ œrœ tshula, ekpe gbetshelœ œdœ kœsœ dœ ogo kœgbɔ ukpulu œrœ, gbambanœ nene, ogo kœgbɔ ukpulu œrœ sœ b̄ata kœdonga anga andjaba.

⁶Ɔœrœnœ para kɔkɔ asœke sœ kœgbota ókó nœ Ndjaba ga tœ azu á endje vwaratœ endje tœ kœdji O'o ama ye.

⁷'E ndje, ɔlɔ á 'e sœ lima pe kœro manda ogo ekperœnœ asœke; 'e mbœrœ ndje lima tœ 'e b̄ata azunœ asœmœ.

⁸Kashe ngɔngɔ asœke 'e katœ ongboro ɔtshɔ 'e asœmœ ti: kœsœ dœ ókó, kœoma dœ o'o œdœ kœsœ dœ ogo kœmbœrœ ekperœ ga tœ azu, kœpa ekpe o'o ga tœ uzu œdœ pe kœpa o'o tshula.

⁹'E fafaratœ 'e ugurutœ 'e nene mbœrœ á 'e katœ ongboro ɔtshɔ 'e lima ti ye,

¹⁰yé 'e wuta adja atafo azu. Ndjaba á tshe mbœrœ adœke 'e wuta atafo azu asœmœ, tshe sœpe kœmbœrœ tœ 'e dœ mara adœke 'e wuta b̄ata œne yé 'e wu ndje sœ œne dœ ɔtshɔnœ.

¹¹Ngɔngɔ asœke, œrœ á kurutshelœ Ayuda dœ angbi azu kpa gugu nene, œdœ azu á endje wa gaza œdœ endjeneke á endje wawa gaza nene, a sœ awa bale. Ɔedœ kara, œdœ uzu á tshe wuwusœ œrœ nene, œdœ kanga œdœ uzu neke á

tshe dódóé kanga nene a sœ bale tœ ala Ndjaba. Kolœ Kristu bale á tshe sœ ga pa œrœ kɔ, œshe dá sœ dœ azœ para kɔkɔ.

¹²Ndjaba ke 'e ɓalima katshatsha yé tshe yindœ 'e, e'e kœdœ adja azu nœ ye. Mbœrœ tœnœ ataa, 'e wu oyo anga 'e yé œ sœ dœ ɔtshɔ lɔsu ga ndœ endje. 'E zatœ 'e ga atɪ, œ sœ dœ lɔsu zɪtɪ œdœ ugu lɔsu.

¹³'E sœ ndje dœ kœru lɔsu ugurutœ 'e. Œ kœsœ adœke anga uzu sœ dœ o'o ga tœ yanganœ, 'e djitœ 'e dœ œ djerœndœ ekperœ nœ anga 'e ugurutœ 'e dœ tœ 'e. 'E mbœrœ ɓata Gbozu; gbambanœ nene, œshe ndje tshe djerœ lima ndje ndœ ekperœ nœ 'e.

¹⁴Lœnœ kɔ, œrœ á ropa nœ kœdœ adœke: 'e yindœtœ 'e, mbœrœ kœyindœsho dá ngɓɓa 'e ga tœ œsœnœ bale.

¹⁵Kaka adœke kœsœ gee nœ Kristu za osho tœ lɔsu 'e. Gbambanœ nene, Ndjaba ke lima 'e adœke 'e ngɓɓa tœ 'e ga tœnœ adœke 'e wuta uzu bale yé œ sœ dœ kœsœ gee ugurutœ 'e. 'E za kolœ mershe fœ she.

¹⁶Kaka adœke o'o ama Kristu œdœ pe ɔtshœrœ lœ nœ djigi sœ tœ lɔsu 'e: 'e yisœ œrœ ugurutœ 'e, œ gbagbaratœ 'e ugurutœ 'e dœ kœwusœtœ kɔ. 'E ɓi itshi kœdonga Ndjaba dœ lɔsu 'e djigi. 'E za mershe fœ she, œ ɓi itshi á to lœ ɔtshɔ fshiri.

¹⁷Œeneke kɔ á 'e pa, œdœ œeneke á 'e gbe kœmbœrœ tœnœ, 'e mbœrœ dœ i'iri Gbozu Yisu yé œ gi mershe fœ Ndjaba Aba dœ awa nœ ye.

Tafo mara kœsœ nœ azu nœ Kristu

¹⁸'E'e dœ ayashe, 'e lisœ aakɔ 'e ɓata œ li tœ ala Gbozu.

¹⁹'E'e dœ ayakoshe, 'e yindœ aawo 'e yé 'e sœsœ dœ ɔgbɔ lɔsu ga tœ endje nene.

²⁰'E'e dœ agbolo, 'e dji o'o ama ayi kœzu 'e lœ œrœ kɔ gbambanœ nene, asœmœ dá za yanga fœ Gbozu.

²¹'E'e dœ aaba agbolo, adja 'e zaza awa adœke agbolo nœ 'e so ókó, œ mɔ lœ gbetshelœ nœ endje nene.

²²'E'e dœ akanga, 'e dji o'o ama agbozu tshapa 'e lœ œrœ kɔ. 'E mbœmbœrœ asœmœ mbœrœ á endje sœ kœwu 'e tœ kœza yanga fœ endje nene, kashe 'e mbœrœ atamœ dœ ɔtshɔ lɔsu tœ kœkpa awa Gbozu.

²³Akwa para kɔkɔ á 'e mbœrœ, 'e mbœrœ dœ lɔsu 'e djigi ɓata 'e sœ kœmbœrœ fœ Gbozu, kashe œ sœsœ adœke 'e sœ kœmbœrœ fœ azu nene.

²⁴'E wusœ nœ adœke, Gbozu œ to œrœ tshamanda akwanœ á tshe guma fœ azu nœ ye fœ 'e. Gbambanœ nene adja ayengɔ 'e á 'e sœ kœmbœrœ akwanœ fœ she kœdœ Kristu.

²⁵Kashe uzu á tshe sœ kolœ kœmbœrœ ekperœ, tshe gbɔ o'o manda ekperœ nœ ye asœmœ, mbœrœ Gbozu keke azu dœ kœwu tshatshu endje nene.

Kolose 4

¹E'e dœ agbozu, 'e mbœrœ œrœ á sœ ndjii, yé á sœ dœ awanœ ga tœ akanga nœ 'e. 'E wusœ nœ adœke 'e sœ ndje dœ Gbozu pa 'e ba lafo.

Kœmi upu

²Adja 'e kakatœ kœza avwala nœ 'e fœ Ndjaba ti nene. 'E kœsœ kœza avwalanœ, ala 'e gbɔ, yé 'e gi kolœ mershe fœ Ndjaba.

³E za ndje avwala nœ 'e tœ 'a adœke, Ndjaba kɔrɔ awa fœ 'a tœ kœgbara o'o ama ye, o'o nœ Kristu á zatœ ye wutœnœ á mœ li kánga mbœrœ tœnœ.

⁴E za avwala nœ 'e fœ Ndjaba adœke, mœ gbara œneke ndjii bata á li dœ mœ kœmbœrœ tœnœ.

⁵Ala 'e gbɔ lœ kœsœ 'e ugurutœ azu á endje yiyindœ Yisu nene. Œdœ 'e kœgbɔ awa tœ kœmbœrœ ɔtshœrœ fœ endje, 'e mbœrœ œneke á li dœ 'e kœmbœrœ tœnœ.

⁶Kaka adœke o'o ama 'e ga tœ endje bata rœgo á li dœ ama uzu, yé 'e wusœ kœgi o'o á li tœ kœgi fœ uzu dœ uzu.

Ndangba o'o

⁷Aya mœ dœ Tishike á mœ yindœ ye dœ lœsu mœ bale, œshe dá pandœ o'o nœ mœ kɔ fœ 'e. Tshe sœ kœzatœ ye mbœrœ akwa nœ Gbozu dœ lœsu bale, tshe kœdœ yanga mœ lœma akwa.

⁸Ádánœ á mœ vwa she fœ 'e kœdœ adœke tshe mindœ mara á 'a sœ dœ tœnœ ba ke fœ 'e yeka á kœza kœru lœsu fœ 'e.

⁹Endje ro tœ awanœ dœ Onezime, aya 'a á 'a yindœ ye waa á tshe sœ kœmbœrœ akwa dœ lœsu bale. Tshe kœdœ uzu nœ 'e, endje bibisha dá mindœ œrœ á sœ kœmbœrœtœ ye ba ke fœ 'e.

¹⁰Aristarke dá sœ œnœ ye lœ kánga awa bale dœ mœ. Tshe vwa abala fœ 'e, dœ Marke yiwu Barnabase. 'E dji o'o dœ ɔtshœnœ tœ upu nœ Marke, œdœ tshe kœwuta ga ndœ 'e, 'e za osho kœsœ fœ she.

¹¹Yisu á endje e ndje i'iri ye Yustushe vwa ndje abala fœ 'e. Ugurutœ Ayudanœ á endje te ayindœ Yisu, kolœ endje dá sœ kœti kane mœ lœ akwa nœ ogo nœ Ndjaba yeka á sœ kœza kœru lœsu fœ mœ.

¹²Epafraze á tshe dœ uzu nœ 'e kpa vwa ndje abala fœ 'e. Œshe kœdœ ayi akwa nœ Kristu Yisu á tshe mœmœ tœ kœza avwala nœ ye fœ Ndjaba tœ 'e nene

adœke, 'e ka ngbiri b̄ata azu á endje li yeka á kœmbœrœ œrœ para k̄ok̄o á Ndjaba yindœ nœ.

13 Adja mœ wu mara á tshe sœ kœzatœ ye ndœ akwa mbœrœ 'e, dœ azu lœ Lawudukiya œdœ pe endjeneke á endje sœ lœ Hierapolise.

14 Monganga Lukasi, yanga azœ œdœ pe Demasi, endje vwa abala fœ 'e.

15 'E za abala fœ aaya œdœ ayingo lœ Yisu á endje sœ ba lœ Lawudukiya, dœ pe yingō azœ dœ Nifa œdœ ayindœ Yisu k̄o á endje ngb̄oba tœ endje basœnda nœ ye.

16 'E kœdi mbetinœ asœke œ kœka, 'e vwa ndje fœ azu Ikrizia lœ Lawudukiya adœke ayindœ Yisu ba zœ di ndje. 'E di ndje mbeti á mœ su fœ azu Ikrizia nœ Lawudukiya á endje vwa fœ 'e.

17 'E pa fœ Arkipe adœke: gb̄ondœ akwa á Gbozu za fœ bœ yeka á bœ kœmbœrœ dœ otsh̄onœ.

18 Cœmœ Polo, mœ vwa abala fœ 'e. Mœ sœ kœsu abalanœ asœke dœ adja kane mœ dœ tœ mœ. 'E gbe dœ mœ lœ kánganœ á mœ sœ lœnœ asœke kane. Kaka adœke Ndjaba ma otsh̄o l̄osu nœ ye ga ndœ 'e.

1 Tesalonike

1 Tesalonike 1

Abala

¹Ɔemœ Polo, Silase œdœ pe Timote, 'a vwa abala asœke fœ 'e dœ ayindœ Yisu lœ Ikrizia ba lœ Tesalonike. Kaka Aba dœ Ndjaba œdœ Gbozu Yisu Kristu má ɔtshɔ lɔsu nœ endje ga ndœ 'e yé œ za kœsœ gee fœ 'e.

Kœyindœrœ nœ Atesalonike

²Ɔlɔ dœ ɔlɔ 'a sœ kœza mershe fœ Ndjaba mbœrœ 'e kɔ, yé œ sœ kœgbe kolœ dœ 'e lœ avwala nœ 'a.

³'A sœ kœgbe dœ kœyindœrœ œdœ kœyindœsho nœ 'e á sœ kœmbœrœ akwa, dœ pe kœshi gbi lœ kœza lɔsu nœ 'e ga pa Gbozu nœ azœ dœ Yisu Kristu, ba utshu Aba azœ dœ Ndjaba.

⁴Alaya, 'a wusœ nœ adœke Ndjaba yindœ 'e waa, yé á ke 'e.

⁵Mbœrœ tœnœ ataa, lɔkɔ á 'a yi lima œsœ Ɔtshɔ O'o fœ 'e, œ sœsœ kolœ bata o'o gbambanœ nene, kashe œ sœ dœ gbɔgbɔ, lœ awa nœ Ɔtshɔ Ishiri yé 'a yisœ nœ adœke Ɔtshɔ O'onœ asœmœ kœdœ adjapu. 'E wusœ mara á 'a sœ lima kœmbœrœtœ 'a ugurutœ 'e mbœrœ ɔtshɔrœ nœ 'e.

⁶Yé ataa, 'e mbœrœtœ 'e lindœ mara œrœ nœ 'a œdœ œnœ Gbozu. Ataa 'e sœ lima dœ oyo gbaa, 'e yindœ o'o ama Ndjaba dœ yanga á to lœ Ɔtshɔ Ishiri.

⁷Mbœrœ tœnœ ataa, 'e fa azu á ayindœ Yisu lœ Masedwane dœ pe lœ Akayi li kœmbœrœtœ endje lindœ ɔtshɔ 'e.

⁸Yé o'o ama Gbozu to ba ndœ 'e, œ wuwuta kolœ ba lœ Masedwane œdœ pe ba lœ Akayi nene, kashe o'o tœ upu kœyindœrœ nœ 'e ga ndœ Ndjaba za osho djigi dœ mara adœke 'a kpa gugu dœ o'o kœpa mbœrœ tœnœ nene.

⁹Gbambanœ nene, uzu dœ uzu pandœ mara á 'e za osho kœsœ fœ 'a dœ tœnœ lɔkɔ á 'a na ga ndœ 'e œdœ mara á 'e katœ andjaba nœ 'e ti yé á fatœ 'e ga ndœ Ndjaba mbœrœ kœmbœrœ akwa fœ she á tshe dœ Ndjaba nœ soro yé á dœ ndje adja Ndjaba.

¹⁰'E sœ kœkate adœke Yisu, Gbolo nœ ye to ba lafo œ na; œshe á Ndjaba she she lœ akuzu, œshe dá ko azœ lœ ama ókó nœ Ndjaba á sœ kœna tœnœ.

1 Tesalonike 2

Akwa nœ Polo lœ Tesalonike

- ¹Alaya, 'e wusœ nœ dœ ɔtshɔnœ dœ tœ 'e adœke 'a nana lima ga ndœ 'e gbambanœ nene.
- ²'E wusœ nœ ndje adœke lima utshunœ, endje gu 'a yé œ mbœrœ œrœ kanga fœ 'a ba læ Filipino. Kashe Ndjaba to gbɔgbɔ fœ 'a adœke 'a mindœ ɔtshɔ O'o fœ 'e ugurutœ azu ndjoro á endje sœ lima kœkpa kundœ 'a.
- ³Gbambanœ nene, kœyisœrœ á 'a sœ kœyisœ nœ fœ azu kɔ toto læ djingili too læ ádá œrœ nœ uburu nene, yé 'a papara awa kœfara uzu bale nene.
- ⁴Kashe 'a sœ kolœ kœmindœ nœ bata á Ndjaba yindœ nœ, mbœrœ tshe wu lœsu 'a yé á za ɔtshɔ O'o nœ ye fœ 'a. 'A mbœmbœrœ adœke 'a ga tœ ala azu nene, kashe 'a ga tœ ala Ndjaba á tshe wusœ lœsu 'a.
- ⁵Mbœrœ tœnœ ataa, 'e wusœ nœ dœ ɔtshɔnœ adœke 'a papa o'o nœ afara bale nene; 'a sœsœ ndje dœ gbetshelœ nœ zindœ nene, kashe Ndjaba bale dá dœ timunœ.
- ⁶Yé œdœ ba ndœ 'e, œdœ ba ndœ anga azu kpi, 'a papara kœlœsœtœ ba ndœ uzu bale nene.
- ⁷Andaa bata aayi avwa nœ Kristu, 'a li má ndœ kœma tshagbozu nœ 'a dœ gbɔgbɔ fœ 'e ye. Kashe 'a sœ lima ugurutœ 'e dœ lœsu 'a ziti bata ayi gbolo á tshe sœ kœgbɔndœ agbolo nœ ye.
- ⁸Ataa, mbœrœ kœyindœesho nœ 'a ga ndœ 'e, 'a yiyi lima ndœ kœyi kolœ sœ ɔtshɔ O'o nœ Ndjaba fœ 'e nene, kashe 'a yi ndje lima kœzatœ 'a djigi fœ 'e. Gbambanœ nene, œsœ 'e li lima tœ ala 'a waa.
- ⁹Alaya, 'e gbe dœ ɔgbɔ akwa á 'a mbœrœ œdœ kœmɔ. 'A mbœrœ lima akwa butshɔ dœ ɔlɔ mbœrœ adœke 'a wuwuta kongba pa uzu bale nene, kolœ mbœrœ kœyisœ ɔtshɔ O'o nœ Ndjaba fœ 'e.
- ¹⁰E'e œdœ Ndjaba ndje kœdœ atimu kœwu adœke ɔtshɔ 'a ga ndœ 'e dœ ayindœ Yisu sœ lima yerœ, ndjii œdœ dœ mara adœke uzu gbagbagbara 'a nene.
- ¹¹Yé 'e wu lima sœ nœ adœke mara kœmbœrœtœ 'a ga ndœ uzu bale dœ bale ugurutœ 'e sœ bata mara á aba gbolo œ mbœrœ dœ agbolo nœ ye.
- ¹²'A yisœ o'o fœ 'e adœke 'e sœ dœ gbɔgbɔ yé 'a sœ kœpa kœœpanœ kœœpanœ adœke mara kœmbœrœtœ 'e sœ liaka gbetshelœ nœ Ndjaba, œshe á tshe sœ kœ'e 'e kœli ga læ Ogo gbozu nœ ye œdœ ga læ moko nœ ye.
- ¹³Mbœrœ tœnœ ataa, 'a sœ kœza mershe fœ Ndjaba ɔlɔ dœ ɔlɔ tœ upu adœke lɔkɔ á 'a mi lima ndœ o'o ama Ndjaba fœ 'e, 'e dji yé 'e zaza lima kolœ bata amba o'o nœ azu gbambanœ nene, kashe 'e dji bata adja o'o ama Ndjaba. O'onœ asœmœ mbœrœ akwa læ e'e dœ ayindœ Yisu.

¹⁴Gbambanœ nene, alaya, e'e dóé azu Tesalonike, 'e mboerœ tshetœ mara œerœ noœ azu Ikrizia noœ Ndjaba ba læ ogo Yuda. Endje sœ doœ kœyindœerœ ga ndœ Yisu Kristu. 'E wu oyo tshakane adja aaya 'e bata á azu Ikrizia læ Yuda wu lima tshakane aaya ndje dóé Ayuda.

¹⁵Endje á endje wo lima Gbozu Yisu doœ pe aayi kœgbara o'o, endje mboerœ ndje œerœ kanga fœ 'a, endje sœ kœmboerœ œerœ á gaga tœ ala Ndjaba nene, yé endje koedœ ayingba noœ azu para.

¹⁶Endje sœ kœpakata 'a ndœ kœyisœ o'o ama Ndjaba fœ angbi azu mboerœ kœshe endje, yé ɔlɔ doœ ɔlɔ, ekperœ noœ endje ropa noœ ye. Kashe ga tœ ndɔngɔlɔnoœ, ókó noœ Ndjaba te ga pa endje ye.

Polo gbe kœkwa ga læ Tesalonike

¹⁷Tœ a'a, alaya, 'a kurutshelœtœ 'a doœ 'e læ ɔkɔ læ olo teasho kashe œ dóédœ ba tœ lœsu nene. 'A mboerœ kɔ adœke 'a kwa kœwu 'e, mboerœ 'a sœ kœgbe doœ 'e waa.

¹⁸Mboerœ tœnœ ataa, 'a yi má ndœ kœkwa ga ndœ 'e; yé œemœ Polo, mœ gbe má kœkwa tœnœ awa ndjoro, kashe Satana dá pakata 'a.

¹⁹Gbambanœ nene, e'e dá 'a za lœsu 'a ga pa 'e, e'e koedœ yanga noœ 'a œdoœ ambárá œerœ á za egerœ kumu fœ 'a ba utshu Gbozu Yisu lœkɔ á tshe kwa bala tœ ye.

²⁰Adjapu, e'e koedœ mokɔ œdoœ yanga noœ 'a.

1 Tesalonike 3

¹Mboerœ tœnœ ataa, 'a kpa lili lima ndœ kœru lœsu 'a œerr nene, kashe 'a gbe kœsœpe kolœnœ doœ kuti 'a læ Atene,

²yé 'a vwa lima aya 'a doœ Timote, á tshe dóé yanga 'a læ ama akwa noœ Ndjaba læ kœyisœ ɔtshɔ O'o noœ Kristu. 'A vwa she adœke tshe to gbɔgbɔ fœ 'e doœ pe kœshi gbi læ kœyindœerœ noœ 'e.

³Yekane uzu bale ugurutœ 'e kœmɔmɔ læ ɔkɔ ye mboerœ œerœ kanga á a sœ kœwu tœnœ nene. Gbambanœ nene, 'e wusœ noœ doœ ɔtshɔnoœ adœke, œ li adœke a wu œerœ kanga ataa.

⁴Lœkɔ á 'a sœ lima ba ndœ 'e, á pa lima ndœ noœ fœ 'e utshunœ adœke a wu bala œerœ kanga. 'E wusœ noœ adœke œtœnœ dá wuta asœke.

⁵Mboerœ tœnœ ataa, bata á mœ lili ndœ kœru lœsu nene, mœ vwa Timote kœwu mara á kœyindœerœ noœ 'e sœ doœ tœnœ. Mœ sœ lima kœkpawa adœke Djaboro wu lœsu 'e yé á tshangba akwa noœ 'a kœsœ gbambanœ nene.

⁶Ngɔngɔ asɔe, Timote to ba ndɔe 'e ɔe gu ga ndɔe 'a, yé á pandɔe ɔtshɔ o'o nɔe kɔeyindɔerɔe nɔe 'e dɔe pe kɔeyindɔesho nɔe 'e fɔe 'a. Tshe pa adɔeke, 'e sɔepe kolɔe kɔegbe dɔe 'a lɔe gbetshelɔe nɔe 'e, yé 'e sɔe dɔe ogo nɔe kpa kɔewu 'a bata á 'a sɔe ndje dɔe ogo kpa kɔewu 'e.

⁷Ataa, alaya, 'a gbɔ gbɔgbɔ mbɔerɔe upu nɔe kɔeyindɔerɔe nɔe 'e, ata 'a sɔe lɔe oyo ɔedɔe lɔe ɔerɔe kanga kɔ.

⁸Yé ngɔngɔ asɔe, 'a kpa sɔe dɔe soro mbɔerɔe á 'e ka ngbirɔ lɔe kɔengbɔtɔe 'e bale dɔe Gbozu.

⁹Mara gade dá li dɔe a'a kɔeza mershe fɔe Ndjaba tɔe upu nɔe 'e a, mangba yanga kɔ á 'a sɔe dɔe tɔenɔe mbɔerɔe 'e utshu Ndjaba a?

¹⁰Butshɔ dɔe ɔɔ, 'a sɔe kɔeza avwala fɔe Ndjaba dɔe gbɔgbɔ kɔ adɔeke 'a kpa na kɔewu 'e dɔe tɔe 'a, yé ɔe kpa yisɔe anga ɔerɔe á gugu lɔe kɔeyindɔerɔe nɔe 'e nene ga pa nɔe.

¹¹Kaka Aba azɔe dɔe Ndjaba dɔe tɔe ye ɔedɔe Gbozu nɔe azɔe dɔe Yisu, guma awa adɔeke 'a na ga ndɔe 'e.

¹²Kaka Gbozu mbɔerɔe adɔeke kɔeyindɔesho á 'e sɔe dɔe tɔenɔe ugurutɔe 'e ɔedɔe ga ndɔe azu kɔ, gerɔe kolɔenɔe ɔe gerɔe bata kɔeyindɔesho nɔe 'a ga ndɔe 'e.

¹³Kaka tshe to gbɔgbɔ ga tɔe lɔsu 'e adɔeke 'e sɔe yerɔe dɔe mara adɔeke azu gbagbagbara 'e ba utshu Aba azɔe dɔe Ndjaba nene, lɔkɔ á Gbozu nɔe azɔe dɔe Yisu ɔe kwatɔe ye dɔe ayerɔe azu nɔe ye para.

1 Tesalonike 4

Mara kɔembɔerɔetɔesho á ga tɔe ala Ndjaba

¹Tɔe ndɔngɔɔnɔe, alaya, 'a yi lima sɔe mara á li adɔeke 'e mbɔerɔetɔe 'e lindɔe nɔe mbɔerɔe kɔega tɔe ala Ndjaba. Yé 'e lɔe kɔembɔerɔetɔe 'e ataa zɔe. Kashe ngɔngɔ asɔe, 'a sɔe kɔeyu 'e yé ɔe sɔe kɔeto gbɔgbɔ fɔe 'e dɔe i'iri Gbozu Yisu adɔeke 'e kpa mbɔerɔe kɔerɔpa nɔe.

²'E wusɔe awa o'o á 'a yi lima sɔe nɔe fɔe 'e dɔe i'iri Gbozu Yisu ye.

³'E wu gbetshelɔe nɔe Ndjaba kɔedɔe gade: ɔtɔenɔe kɔedɔe adɔeke 'e sɔe yerɔe yé ɔe gbɔndɔetɔe 'e tɔe kɔembɔerɔe angba budu.

⁴Kaka uzu bale dɔe bale ugurutɔe 'e to yashe dɔe mara á sɔe yerɔe ɔedɔe lɔe kɔelisɔetɔe,

⁵kashe tshe kakatɔe undu ye ti lɔe ogo nɔe ɔkɔ bata azu á endje wuwusɔe Ndjaba nene ɔe mbɔerɔe.

⁶Lœ o'o asœ, kaka uzu bale fafara ayancœ too œ mbœercœ ekperœ foe she nene. 'A pa lima ndœ nœ foe 'e, yé œ va lima tshelœ utu 'e tœ ɔgbɔ adœke: Gbozu œ za djofele foe azu neke á endje mbœercœ mara ekperœ atake.

⁷Gbambancœ nene, Ndjaba e e azœ adœke 'a sœ lœ œercœ uburu nene, kashe tshe e azœ adœke a sœ yerœ.

⁸Mbœercœ tœncœ ataa, uzu á tshe sœ kœvwaratœ ye tœ upu á endje mi asœ, tshe sœsœ kœvwaratœ ye tœ uzu nene, kashe tshe sœ kœvwaratœ ye tœ Ndjaba, á tshe to ɔtshɔ ʃshiri nœ ye foe 'e.

⁹Tœ upu nœ kœyindœsho lœ yazu, ádá nœ kœsu mbeti mbœercœ o'onœ foe 'e gugu nene. Gbambancœ nene, e'e dœ tœ 'e, 'e wusœ nœ adœke Ndjaba pa adœke 'e yindœtœ 'e dœ anga 'e.

¹⁰Yé kœyindœshoncœ ascœmœ dá 'e sœ kœmbœercœ tœncœ ga ndœ alaya para lœ Masedwane djigi. Kashe alaya, 'a sœ kœto gbɔgbɔ foe 'e adœke 'e kpa mbœercœ dœ kœrosœ nœ.

¹¹'E sœ dœ agbe nœ kœsœ dœ kœsœ gee, uzu dœ uzu za ʎsu ye ga pa o'o nœ ye dœ tœ ye yé œ mbœercœ akwa dœ adja kane ye bata á 'a pa lima tœncœ foe 'e,

¹²mbœercœ adœke mara kœmbœercœtœ 'e sœ dœ ɔtshɔncœ utshu azu á endje gugu dœ kœyindœrcœ nene yé 'e dœ kongba lœ kumu uzu bale nene.

Kœkwa Gbozu

¹³Alaya, 'a yindœ nœ adœke 'e wusœ adja o'o tœ upu nœ endjeneke á endje tshu mbœercœ á 'e kœsœsœ dœ oyo bata anga azu á endje koko ʎsu endje ga pa Ndjaba nene.

¹⁴Gbambancœ nene, bata á a yindœ nœ adœke Yisu tshu yé œ she lœ akuzu, a yi ndje ndœ nœ adœke lœ awa nœ Yisu, Ndjaba œ she endjeneke á endje tshu lœ kœyindœrcœ ga ndœ ye adœke endje sœ dœ she awa bale.

¹⁵œeneke á 'a sœ kœmindœ nœ foe 'e lindœ kœyisœrcœ nœ Gbozu dœke: azœ á a sœpe dœ soro œrrr ga tœ kœkwa bala Gbozu, a ro utshu azu á endje tshu nene.

¹⁶Gbambancœ nene, a dji egerœ tshama, dœ tshama gbozu tshapa aandjelu dœ pe iki ngbake nœ Ndjaba. Ataa, Gbozu dœ tœ ye œ to ba lafo œ jercœ yé endjeneke á endje tshu lœ Kristu, œ she utshuncœ.

¹⁷Manda nœ, azœ á a sœpe bala dœ soro, Ndjaba œ ko azœ ɔ tœncœ dœ endje lœ ondro ndœ kœgbœtœ azœ dœ Gbozu ba lœ yugu, yé atamœ; a sœ dœ Gbozu kpœtœ œscœncœ waa dœ waa.

¹⁸Ataa, 'e to gbɔgbɔ ugurutœ 'e dœ anga 'e dœ o'onœ asœke.

1 Tesalonike 5

- ¹Alaya, ádá nœ kœsu mbeti fœ 'e tœ upu nœ ada ɔɔ ndje dœ ɔkɔ á œrœnœ asœmœ œ mbœrœtœ endje gugu nene.
- ²Gbambanœ nene, e'e dœ tœ 'e, 'e wusœ nœ dœ ɔtshœnœ adœke, olo kœkwa Gbozu œ sœ ngbangi bata ayi angba á tshe na dœ abutshɔ.
- ³ɔkɔ á azu œ pa adœke: «'A sœ dœ kœsœ gee, upu gugu nene», yeka á ngbangi egerœ oyo œ te ga pa endje. Œ sœ bata oyo á yashe nguzu œ wu dœ ɔkɔ kœzu gbolo yé uzu kœkpa lœ amanœ œ gu nene.
- ⁴Kashe e'e, alaya, 'e sœsœ lœ ubu osho adœke olonœ asœmœ wuta ga tœ 'e ngbangi bata ayi angba nene.
- ⁵Gbambanœ nene, e'e para kœdœ agbolo nœ ingbɔsho, agbolo nœ ɔɔ. A dœdœ agbolo nœ butshɔ too nœ ubu osho nene.
- ⁶Mbœrœ tœnœ ataa, a lolo bata anga azu nene; kashe a sœ dœ gbɔdjela yé œ dœ agbozu tshapa undu azœ.
- ⁷Gbambanœ nene, azu á endje lo olo, endje lo dœ butshɔ; yé ayi kœndjorœ waa, ndjo dœ butshɔ á mbœrœ endje.
- ⁸Kashe azœ á dœ agbolo nœ ɔɔ, œ li adœke a dœ agbozu tshapa undu azœ. A za kœyindœrœ œdœ kœyindœsho bata læba okoro, awa bale dœ kpoto á dœ kœko ɔsu azœ ga pa Yisu yekane a kœgbɔ kœshe.
- ⁹Gbambanœ nene, Ndjaba keke azœ ndœ kœwu oyo tshakudu ókó nœ ye nene, kashe tshe ke azœ adœke a gbɔ kœshe lœ awa nœ Gbozu nœ azœ dœ Yisu Kristu.
- ¹⁰Tshe tshu mbœrœ azœ adœke a sœ awa bale dœ she, œdœ a sœ dœ soro œdœ a tshu.
- ¹¹Ataa, 'e ti kane 'e lœ tœ 'e yé œ to gbɔgbɔ ugurutœ 'e dœ anga 'e bata á 'e sœ balima kœmbœrœ tœnœ.

Ndɔngɔɔ kœmi upu dœ pe abala

- ¹²Alaya, 'a sœ kœpa fœ 'e adœke 'e lisœ endjeneke á endje sœ kœmbœrœ akwa ugurutœ 'e, endjeneke á Gbozu ko endje tɔ ga utshu 'e ndœ kœyisœ awa œdœ kœmi upu fœ 'e.
- ¹³'E lisœ endje waa yé œ sœ dœ kœyindœsho ga ndœ endje mbœrœ akwa á endje sœ kœmbœrœ tœnœ. 'E sœ dœ kœsœ gee ugurutœ 'e.
- ¹⁴Alaya, 'a ki ga tœ 'e adœke: 'e mi upu fœ azu djingili, 'e to gbɔgbɔ fœ endjeneke á endje sœ kœkwa ga manda nœ, 'e ti kane endjeneke á endje mɔmɔ yé œ sœ dœ ugu ɔsu ga ndœ azu para.

- 15 Ala 'e gbɔ adœke uzu bale gigi ekperœ manda ekperœ nene, kashe 'e para awa ndœ kœmbœrœ kolœ ɔtshœrœ ugurutœ 'e œdœ ga ndœ azu para.
- 16 'E sœ kolœ dœ yanga,
- 17 'e za avwala ɔlɔ dœ ɔlɔ,
- 18 'e za mershe fœ Ndjaba lœ áká œrœ kɔ. Œtœnœ kœdœ œneke á Ndjaba yindœ nœ adœke 'e mbœrœ lœ ngbɔtœ nœ 'e dœ Yisu Kristu.
- 19 'E papakata ɔtshɔ Ishiri kœmbœrœ akwa nœ ye nene,
- 20 'e vwavwaratœ 'e tœ o'o nœ aayi kœgbara o'o nene.
- 21 Kashe 'e tondœ œrœ kɔ kpœrœ kpœrœ yé œ gbɔndœ œneke á sœ dœ ɔtshœnœ.
- 22 'E kparawa tshelœ áká ekperœ kɔ.
- 23 Kaka Ndjaba nœ kœsœ gee fa 'e tœ ayerœ azu djigi. Kaka tshe gbɔ adja ndœ ishiri 'e, dœ uvuru 'e œdœ pe ɔkɔ 'e mbœrœ adœke á endje kœgbagbara 'e tœnœ nene lɔkɔ á Gbozu nœ azœ dœ Yisu Kristu œ kwa.
- 24 Ndjaba á tshe e 'e ascœmœ œ mbœrœ zœ; gbambœnœ nene, tshe sœ kœmbœrœtœ ye lindœ œneke á tshe pa.
- 25 Alaya, 'e za ndje avwala mbœrœ 'a.
- 26 'E za œyerœ abala fœ aaya para.
- 27 Mœ ki fœ 'e dœ i'iri Gbozu adœke: 'e di mbeti nœ ascœ fœ aaya para.
- 28 Kaka adœke Gbozu nœ azœ dœ Yisu Kristu má ɔtshɔ lɔsu nœ ye ga ndœ 'e.

2 Tesalonike

2 Tesalonike 1

Abala

¹Ɔemœ Polo, Silase œdœ pe Timote, 'a vwa abala asœke fœ 'e dœ ayindœ Yisu lœ Ikrizia ba lœ Tesalonike.

²Kaka Aba azœ dœ Ndjaba œdœ Gbozu Yisu Kristu má ɔtshɔ lɔsu nœ endje ga ndœ 'e yé œ za kœsœ gee fœ 'e.

Ndjaba œ wa bala ngbanga ɔɔ á Yisu œ kwa

³Alaya, œ li adœke 'a za mershe fœ Ndjaba ɔɔ dœ ɔɔ tœ upu nœ 'e, yé œ sœ adja ndjii adœke 'a sœ kœmbœrœ tœnœ ataa. Gbambanœ nene, kœyindœrœ nœ 'e sœ kœgerœ tœnœ, yé kœyindœsho á 'e sœ dœ tœnœ ga ndœ anga 'e sœ ndje kœgerœ tœnœ waa.

⁴Mbœrœ tœnœ ataa, 'a sœ kœdu okoro 'a pa 'e ugurutœ azu lœ Ikrizia ndjoro nœ Ndjaba, mbœrœ kœshi gbi nœ 'e lœ kœyindœrœ nœ 'e lœ œrœ kanga œdœ oyo kɔ á na ga ndœ 'e á 'e ru lɔsu tœnœ.

⁵Ɔerœnœ asœmœ kɔ sœ kœma ngbi adœke kœwa ngbanga á Ndjaba œ wa, œ dœ adja kœwa ngbanga. Gbambanœ nene, œrœ kanga dœ oyo á 'e gbɔ, guma 'e adœke 'e li dœ Ogo gbozu nœ Ndjaba.

⁶Adja upu, Ndjaba sœ ndjii, tshe gi oyo ga pa azu á endje sœ kœmbœrœ œrœ kanga fœ 'e,

⁷yé tshe mbœrœ adœke, e'e dœ azu á 'e wu œrœ kangœ asœmœ, 'e yatœ 'e awa bale dœ 'a lɔkɔ á Gbozu Yisu œ kwa bala dœ gbɔgbɔ kœto ba lafo dœ aandjelu nœ ye.

⁸Tshe na bala lœ laɓa owo, ndœ kœza ɔgbɔ djofele fœ endjeneke á endje wuwusœ Ndjaba nene, á vwaratœ endje tœ Ɔtshɔ O'o nœ Gbozu nœ azœ dœ Yisu.

⁹Ɔgbɔ djofele á endje wu bala dœke: oyo nœ waa dœ waa, endje sœ zara tœ ala Gbozu yé endje wu gbɔgbɔ nœ mokɔ nœ ye nene.

¹⁰Lɔkɔ á tshe kwa bala dœ olonœ asœmœ adœke ayerœ azu nœ ye za mokɔ fœ she œdœ adœke azu á endje sœ dœ kœyindœrœ ga ndœ ye lisœ ye. 'E sœ ndje ugurutœ endje mbœrœ á 'e yindœ Ɔtshɔ O'o á 'a mindœ nœ fœ 'e.

¹¹Mbœrœ tœnœ ataa, 'a sœ kœza avwala ɔɔ dœ ɔɔ tœ upu nœ 'e adœke Ndjaba guma 'e, 'e li dœ kœke osho á tshe ke 'e. 'A sœ kœki fœ Ndjaba adœke lœ gbɔgbɔ nœ ye, 'e mbœrœ ɔtshœrœ kɔ á 'e gbe tœ kœmbœrœ tœnœ yé tshe kpa mbœrœ adœke 'e za kœyindœrœ nœ 'e ga tœ akwa.

¹²Ataa, azu œ donga i'iri Gbozu nõe azœ dœ Yisu mbœerœ 'e, yé endje donga ndje e'e mbœerœ she. Cœ mbœerœetœ ye ataa liaka ɔtshɔ lɔsu nõe Ndjaba nõe azœ œdœ Gbozu Yisu Kristu.

2 Tesalonike 2

Cœneke á mbœerœetœ endje utshu kœkwa Gbozu

¹Alaya, tœ upu nõe kœkwa bala Gbozu nõe azœ dœ Yisu Kristu dœ pe kœngbɔtœ azœ indiri ye, 'a sœ kœki ga tœ 'e adœke: aaya

²œdœ azu kœpa fœ 'e adœke olo kœkwa Yisu li ye, kaka gbetshelœ nõe 'e sœ ziti yé 'e yiyindœ nõe nene. Cœdœ ndje uzu kœgbara o'o dœ i'iri Ndjaba, œdœ endje kœpa ndje fœ 'e adœke a'a dá su ga la mbeti gbaa, adja 'e zaza lɔsu 'e ga lafo nene.

³Kaka uzu bale bibili 'e dœ anga angbi mara nene. Gbambanœ nene, utshunœ adœke olonœ li, azu œ vwaratœ endje tœ Ndjaba yé ekpe Uzu œ matœ ye. Cœshe kœdœ uzu á Ndjaba œ wo she.

⁴Uzunœ asœmœ œ vwaratœ ye tœ œneke kɔ á azu sœ kœdonga tœnœ yé á sœ kœza bata ndjaba. Tshe yiangba œerœnœ asœmœ kɔ, œ na œ sœ ba læ Tepelo nõe Ndjaba, yé œ mindœ nõe adœke œne kœdœ Ndjaba.

⁵E gbegbe shema dœ o'o á mœ sœ lima kœpa fœ 'e lɔkɔ á mœ sœ lima damba ugurutœ 'e nene a?

⁶Yé ngɔngɔ asœ, 'e wusœ œrœ á sœ kœpakata she ye, dœ mara adœke tshe matœ ye yé. Ataa, tshe matœ ye kolœ dœ lɔkɔ á Ndjaba guma.

⁷Gbambanœ nene, gbɔgbɔ nõe uzunœ asœmœ tetœ kœmbœerœ akwa yaa ugurutœ azu ye. Kashe akwanœ asœmœ œ wuta ngbi nene œerrr adœke uzu á tshe pakata Ekpe Uzunœ kɔrɔ awa fœ she yekane.

⁸Yé Ekpe Uzu œ matœ ye, Gbozu Yisu œ uru izi ga tœ ye adœke tshe tshu yé œ ndi tshelœ ye læ awa nõe ishiri nõe kœkwa she.

⁹Tœ upu nõe kœna Ekpe Uzunœ, kœnanœ œ sœ læ awa akwa nõe Satana, œ matœ ye læ awa nõe tshelœ áká akwa nõe gbɔgbɔ, dœ afá œdœ œrœ kœbili dœ azu,

¹⁰œdœ læ awa nõe mara tshelœ áká kœbili osho kɔ á sœsœ ndjii nene mbœerœ azu á endje sœ læ ala awa nõe kuzu. Gbambanœ nene, endje vwaratœ endje tœ adja o'o nõe Ndjaba á li má adœke œ she endje.

¹¹Mbœerœ tœnœ ataa, Ndjaba vwa gbɔgbɔ nõe djingili á sœ kœmbœerœ adœke endje yindœ o'o nõe wala.

¹²Ataa, azu kɔ́ á endje sɔ́sɔ́ dɔ́ kɔ́yindɔ́rɔ́ mbɔ́rɔ́ adja 'o nene, kashe á sɔ́ dɔ́ yanga kɔ́mbɔ́rɔ́ ekperɔ́, endje wa ɔ́gbɔ́ nɔ́gbanga ga tɔ́ endje.

Kɔ́shi gbi lɔ́ kɔ́yindɔ́rɔ́

¹³Tɔ́ a'a nɔ́ 'a, alaya, ɔ́ li adɔ́ke 'a za kolɔ́ mershe fɔ́ Ndjaba ɔ́lɔ́ dɔ́ ɔ́lɔ́ mbɔ́rɔ́ 'e á Gbozu yindɔ́ 'e. Gbambanɔ́ nene, Ndjaba ke 'e balima katshatsha utshunɔ́ adɔ́ke 'e gbɔ́ kɔ́she, yé 'e wuta ayerɔ́ azu lɔ́ awa nɔ́ ɔ́tshɔ́ ɪshiri ɔ́dɔ́ ndje kɔ́yindɔ́rɔ́ lɔ́ adja o'o.

¹⁴Mbɔ́rɔ́ tɔ́nɔ́ dá tshe e 'e kɔ́gbɔ́ ɔ́tɔ́nɔ́ lɔ́ awa nɔ́ ɔ́tshɔ́ O'o á 'a mindɔ́ nɔ́ fɔ́ 'e. Tshe yindɔ́ nɔ́ adɔ́ke 'e gbɔ́ mokɔ́ awa bale dɔ́ Gbozu nɔ́ azɔ́ dɔ́ Yisu Kristu.

¹⁵Yé ataa, alaya, 'e shi gbi yé ɔ́ gbɔ́ndɔ́ kɔ́yisɔ́rɔ́ á 'a yisɔ́ nɔ́ fɔ́ 'e ɔ́dɔ́ dɔ́ ama 'a ɔ́dɔ́ ala mbeti á 'a su.

¹⁶Kaka Gbozu nɔ́ azɔ́ dɔ́ Yisu Kristu dɔ́ tɔ́ ye ɔ́dɔ́ Aba azɔ́ dɔ́ Ndjaba á tshe yindɔ́ azɔ́, tshe mbɔ́rɔ́ adɔ́ke lɔ́ awa nɔ́ ɔ́tshɔ́ lɔ́su nɔ́ ye, tshe to gbɔ́gbɔ́ waa dɔ́ waa fɔ́ azɔ́ yé ɔ́ mbɔ́rɔ́ adɔ́ke a ko lɔ́su azɔ́ ga pa ɔ́tshɔ́rɔ́ á wuta ba mbatsha.

¹⁷Kaka endje to gbɔ́gbɔ́ fɔ́ azɔ́ adɔ́ke 'a sɔ́ kɔ́mbɔ́rɔ́ kolɔ́ ɔ́tshɔ́rɔ́ ɔ́dɔ́ kɔ́pa ndje kolɔ́ ɔ́tshɔ́ o'o.

2 Tesalonike 3

Polo sɔ́ kɔ́yɔ́ndɔ́ avwala

¹Ba tɔ́ ndɔ́ngɔ́lɔ́nɔ́ kɔ́, alaya, 'e za avwala mbɔ́rɔ́ 'a, yeka á o'o ama Gbozu nɔ́ azɔ́ kɔ́na ga utshunɔ́ dɔ́ mara adɔ́ke azu donga ɔ́tɔ́nɔ́ bɔ́ta á sɔ́ ndje ba ndɔ́ 'e.

²E za ndje avwala fɔ́ Ndjaba adɔ́ke tshe vwara 'a lɔ́ma ekpe azu dɔ́ ahawo azu. Gbambanɔ́ nene, ɔ́ dɔ́édɔ́ azu kɔ́ dá sɔ́ dɔ́ kɔ́yindɔ́rɔ́ nene.

³Gbozu sɔ́ kɔ́mbɔ́rɔ́ ɔ́rɔ́ nɔ́ ye lindɔ́ o'o ama ye. Tshe to gbɔ́gbɔ́ fɔ́ 'e yé ɔ́ gbɔ́ndɔ́ 'e tshakane Ekpe Uzu.

⁴A sɔ́ kɔ́za lɔ́su 'a ga ndɔ́ Gbozu tɔ́ upu nɔ́ 'e: o'o á 'a za fɔ́ 'e, 'e sɔ́ kɔ́mbɔ́rɔ́ tɔ́nɔ́ zɔ́ yé 'e te lɔ́ma kɔ́mbɔ́rɔ́ tɔ́nɔ́ ye.

⁵Kaka Gbozu guma lɔ́su 'e adɔ́ke 'e sɔ́ dɔ́ kɔ́yindɔ́esho ga ndɔ́ Ndjaba ɔ́dɔ́ ga ndɔ́ kɔ́shi gbi nɔ́ Kristu.

Ɔ́ li adɔ́ke uzu mbɔ́rɔ́ akwa

⁶Alaya, 'a sɔ́ kɔ́mindɔ́ nɔ́ fɔ́ 'e dɔ́ ɪ'iri Gbozu Yisu Kristu adɔ́ke: 'e gitɔ́ 'e zara tɔ́ aaya kɔ́ á endje sɔ́ lɔ́ ɔ́dɔ́, á sɔ́sɔ́ kɔ́mbɔ́rɔ́etɔ́ endje liaka o'o á 'a yi lima sɔ́nɔ́ fɔ́ endje nene.

⁷E'e, 'e wusœ mara á li adœke 'e mbœrœtœ 'e liaka 'a ye. Gbambanœ nene, 'a sœsœ lima ugurutœ 'e lœ ɔɔ nene.

⁸A kakate lima kœzĩrœ nœ uzu bale nene, kashe lœ kœvwi ìlì œdœ kœmɔ, butshɔ dœ ɔɔ, 'a mbœrœ lima akwa kparawa adœke 'a wuwuta kongba pa kumu anga uzu bale ugurutœ 'e nene.

⁹Adja 'a li má lima kœ'esho ndœ œrœ tshakane 'e, kashe 'a mboemboerœ ataa nene. Gbambanœ nene, 'a yi lima ndœ nœ adœke 'e yamba œrœ á 'a sœ kœmboerœ tœnœ.

¹⁰Yé lɔkɔ á 'a sœ lima ugurutœ 'e, 'a pa lima fœ 'e adœke: «œdœ uzu kœyiyindœ kœmboerœ akwa nene, tshe zizì ndje œrœ nene.»

¹¹Andaa, 'a sœ kœdji adœke, ayi ɔɔ sœ ugurutœ 'e, œ sœ gbambanœ á sœ kolœ kœli ga lœ o'o nœ azu.

¹²Mbœrœ azunœ asœmœ, 'a sœ kœza o'o dœ ɔgbɔ dœ ì'ìrì Gbozu Yisu Kristu fœ endje adœke: endje mbœrœ akwa dœ lœsu ziti yekane á kœzi rœgo manda kane endje dœ tœ endje.

¹³Mbœrœ 'e, alaya, 'e mɔmɔ dœ kœmboerœ ɔtshœrœ nene.

¹⁴œdœ uzu kœzaza œneke á 'a pa ga la mbetinœ asœ ga tœ akwa nene, 'e sœ dœ gbɔdjela ga tœ ye yé 'e kpa awa kœsœ awa bale dœ she adœke ala ye kœtshu she.

¹⁵E yiyiangba ye œyi nene, kashe 'e yɔrɔ she bata á uzu œ yɔrɔ ayanœ.

Ndɔngɔɔ o'o

¹⁶Kaka Gbozu nœ kœsœ gee to kœsœ gee dœ tœ ye fœ 'e butshɔ dœ ɔɔ œdœ lœ mara kɔ. Kaka Gbozu sœ dœ 'e para kɔkɔ.

¹⁷œmœ Polo dá sù abala fœ 'e dœ kane mœ. Mœ sœ kœza kane mœ ga la mbeti kɔ atake: œtœnœ kœdœ œndœ kane mœ.

¹⁸Kaka Gbozu nœ azœ dœ Yisu Kristu ma ɔtshɔ lœsu nœ ye ga ndœ 'e para kɔkɔ.

1 Timote

1 Timote 1

Abala

¹Ɔemœ Polo, mœ kœdœ ayi avwa nœ Yisu Kristu á ayi kœshe azœ dœ Ndjaba œdœ Yisu Kristu á a ko lœsu azœ ga pa ye, za akwanœ asœ fœ mœ.

²Mœ sœ kœsu mbetinoœ asœ fœ bœ dœ Timote, adja gbolo nœ mœ lœ kœyindœrœ: Kaka adœke Aba azœ dœ Ndjaba œdœ Gbozu nœ azœ dœ Yisu Kristu ma ɔtshɔ lœsu, kœwu oyo ekperœ œdœ kœsœ gee nœ endje ga ndœ zœ.

Aayi kœyisœrœ nœ anga angbi o'o

³Sœpe lœ ongbo Efeze, bata á mœ za lima o'o fœ bœ ɔlɔ á mœ yi lima ndœ kœro ga lœ ogo Masedwane. Ɔ li adœke bœ pa o'o dœ ɔgbɔ fœ anga azu á endje sœ kœyisœ anga angbi o'o kpi, adœke endje katœ nœ ti.

⁴Pandœ nœ fœ endje adœke endje katœ kœdji ekpe ndœma toro, dœ kœdi uwu i'iri aata ndjoro. Mbœrœ, œ sœ kœmbœrœ adœke azu le lœma endje yé œ katœ kœmesho ga tœ gbetshelœ nœ Ndjaba á a wusœ nœ lœ awa nœ kœyindœrœ.

⁵O'o á mœ za ti asœ sœ mbœrœ adœke kœyindœsho gerœ, œneke á to tœ œyerœ lœsu, tœ ɔtshɔ gbetshelœ œdœ tœ adja kœyindœrœ.

⁶Mbœrœ anga azu katœ œrœnœ asœ ti, œ djingili awa, á tetœ kœpa o'o á œsœnœ lili nene.

⁷Endje sœ kœzatœ endje adœke œne kœdœ ayi kœyisœ awa akwa, kashe endje wuwusœ neke kɔ á endje sœ kœyisœ nœ dœ gbɔgbɔ nene.

Adja akwa nœ awa akwa

⁸A wusœ nœ adœke awa akwa sœ dœ ɔtshɔnœ lœ mara á a mbœrœtœ azœ lindœ nœ.

⁹Ɔ li adœke a wusœ neke dœ ɔtshɔnœ adœke: Awa akwa sœsœ mbœrœ azu á endje sœ ndjii nene, kashe œ sœ mbœrœ aayi sharapu dœ aayi gbɔkumu, aayi kœvwaratœ endje tœ Ndjaba dœ aayi kœmbœrœ ekperœ, aayi kœtshapu kœdji Ndjaba dœ kœtsha ndje upu kœlisœ œyerœ œrœ, aayi kœwo aaba endje dœ aayi endje, œdœ aayi kœwo azu,

¹⁰aayi kœpara awo azu dœ pe aayi kœpara akɔ azu, aayi kœlo dœ ayakoshe anga endje, aayi kœko azu yɔ œrœ, aayi wala, aayi kœdra œrœ wala, œdœ pe endjeneke kɔ á endje vwaratœ endje tœ ɔtshɔ kœyisœrœ.

¹¹Wu œneke á li dœ Ɔtshɔ O'o á to ba ndœ Ndjaba á tshe sœ lœ mokɔ dœ yanga. Ɔshe dá za fœ mœ adœke mœ yisœ nœ.

Polo donga Gbozu Yisu mbœrœ ɔtshɔ lœsu nœ ye

¹²Mœ gi mershe fœ Gbozu nœ azœ dœ Yisu Kristu á tshe to gbɔgbɔ fœ mœ ndœ kœmbœrœ dœ akwanœ asœke. Tshe wu lima sœ nœ adœke mœ mbœrœ akwanœ dœ lœsu mœ bale yekane á ke mœ ndœ akwa nœ ye.

¹³Ataa mœ kœpa lima ekpe o'o ga tœ ɔkɔ ye, á mbœrœ lima œrœ kanga fœ she, á mbœrœ lima œrœ dœ gbɔkote ga tœ ye, kashe tshe wu oyo mœ mbœrœ œneke á mœ wuwu lima sœ œrœ á li dœ mœ adœke mœ mbœrœ nene yé mœ gugu lima ndje dœ kœyindœrœ nene.

¹⁴Ɔtshɔ lœsu nœ Gbozu nœ azœ sœ ga ndœ mœ tɔpanœ kpuru. Tshe mbœrœ adœke mœ sœ dœ kœyindœrœ œdœ pe kœyindœsho á to lœ kœngbɔtœ azœ dœ Yisu Kristu.

¹⁵Wu adja o'onœ á li dœ azu para kɔkɔ kœyindœ nœ dœ lœsu bale: Kristu Yisu na ga pashɔ mbœrœ kœshe azu á endje mbœrœ ekperœ. Œmœ, mœ kœdœ uzu á ekperœ nœ mœ ropanœ ugurutœ azu kœmbœrœ ekperœncœ asœmœ.

¹⁶Kashe Ndjaba wu oyo mœ, œ yindœ nœ adœke Yisu Kristu ma ugu lœsu nœ ye lœ awa nœ mœ dœ uzu á ekperœ nœ mœ ropa œncœ azu kɔ, bata kœyisœrœ mbœrœ azu neke á endje sœ dœ kœyindœrœ, á gbɔ soro neke á ka nene.

¹⁷Kaka Gbozu á tshe sœ sheko, Ndjaba á tshe tshu nene, á uzu wuwu she nene yé á tshe sœ tshebabale, sœ dœ kœliscœtœ œdœ mokɔ waa dœ waa. Ame!

Kœnga ɔtshɔ koshe

¹⁸Timote gbolo nœ mœ, mœ za o'onœ asœke fœ bœ lindœ œneke á endje gbara lima tœ upu nœ zœ. O'onœ asœmœ za gbɔgbɔ fœ bœ yekane á bœ kœnga ɔtshɔ koshe.

¹⁹Gbœndœ kœyindœrœ œdœ ɔtshɔ gbœtshelœ. Anga azu vwaratœ endje tœ kœna manda gbœtshelœ nœ endje yé œ ndi kœyindœrœ nœ endje ga ndœ Yisu.

²⁰Aimini dœ Alekezandre sœ ugurutœ azunœ asœmœ. Mœ ko endje ti ga tshakane Satana mbœrœ á endje kœwusœ nœ adœke œ lili dœ endje kœgu œsœ Ndjaba nene.

1 Timote 2

O'o tœ upu nœ avwala

¹Mœ sœ kœza o'o utshunœ kɔ adœke ayindœ Yisu yœndœ œrœ ga ndœ Ndjaba, œ za avwala nœ endje fœ she yé œ ki ga tœ ye dœ œ za ndje mershe fœ she mbœrœ azu para kɔkɔ.

²Œ li adœke endje za avwala fœ Ndjaba tœ upu nœ agbozu nœ Lita œdœ agbozu tshapa akwa kɔ adœke kœsœ nœ azœ sœ lœ kœsœ gee yeka a kœkpa awa Ndjaba lœ kœzatœ azœ dœ mara á li fœ she.

³Wu ɔerɔe á sɔe tɔe ɔtshɔnɔe, á za yanga fɔe Ayi kɔeshe azɔe dɔe Ndjaba,

⁴á tshe yindɔe nɔe adɔeke azu para gbɔ kɔeshe yé ɔe li kɔewusɔe adjapu. ƆEtɔenɔe dɔemɔe.

⁵Gbambanɔe nene, Ndjaba sɔe tshebale yé ayi kɔeguma tshagurutɔe ye dɔe azu ndje bale. Uzunɔe kɔedɔe Yisu Kristu,

⁶á tshe zatɔe ye fɔe kuzu mbɔerɔe kɔeshe azu kɔ lɔe kanga. Tshe mbɔerɔe dɔe lɔkɔnɔe á li tɔe kɔema adɔeke Ndjaba yindɔe kɔeshe azu para kɔkɔ.

⁷Mbɔerɔe tɔenɔe dá Ndjaba ke mɔe adɔeke mɔe dɔe uzu kɔepandɔe ama ɔene, ayi avwa nɔe ɔene. Mɔe wuta ayi kɔeyisɔerɔe fɔe angbi azu adɔeke endje sɔe dɔe kɔeyindɔerɔe ga ndɔe Yisu, ɔedɔe kɔeyi ndje sɔe adja o'o. Mɔe sɔe kɔepa adja o'o, mɔe papa wala nene.

Ayakoshe dɔe ayashe lɔe ngbɔtɔe nɔe Ikrizia

⁸Mɔe yindɔe nɔe adɔeke tɔe osho kɔ á ayakoshe ɔe za avwala nɔe endje fɔe Ndjaba, endje sɔe lɔsu endje ngbi lɔkɔ á endje sɔe kɔeti kane endje ga lafo. Endje katɔe ókó yé ɔe lele lɔe ama endje nene.

⁹Mɔe yi ndje ndɔe nɔe adɔeke ayashe verɔe lɔeba nɔe endje dɔe mara á li, á sɔe dɔe ɔtshɔnɔe kashe dɔe egerɔe kumu nene yé ɔe mbɔerɔe kumu endje dɔe mara á sɔe dɔe ɔtshɔnɔe. Endje katɔe kɔeguma kumu endje dɔe ɔerɔe nɔe ɔrɔe, dɔe ɔgbɔ akidji ɔedɔe pe ndje kɔeverɔe lɔeba á amanɔe ropa nɔe ye.

¹⁰Kashe endje guma ɔkɔ endje dɔe kɔembɔerɔe ɔtshɔrɔe ɔata mara á li dɔe ayashe á endje sɔe kɔepa adɔeke ɔene sɔe kɔekpa awa Ndjaba.

¹¹Dɔe lɔkɔ kɔeyambarɔe, ɔe li adɔeke yashe sɔe koko yé ɔe zatɔe ye ga ati.

¹²Mɔe zaza awa fɔe yashe adɔeke tshe yisɔe ɔerɔe, ndje adɔeke tshe dɔe gbozu ga pa yakoshe nene. Kashe ɔe li adɔeke tshe sɔe koko.

¹³Gbambanɔe nene, Ndjaba mbɔerɔe lima Adamo utshunɔe yekane á mbɔerɔe Eva manda nɔe.

¹⁴Yé ɔe dɔédɔé Adamo dá Satana bili lima she utshunɔe nene, kashe yashe dá tshe bili lima she yekane á tshe li lima ga lɔe ekperɔe.

¹⁵Kashe ɔedɔe yashe kɔegbɔndɔe kɔeyindɔerɔe ɔedɔe kɔeyindɔesho, á kɔesɔe yerɔe yé á sɔe ndjii tɔe ala Ndjaba, adja Ndjaba ɔe she she lɔe kɔezu agbolo nɔe ye.

1 Timote 3

Agbozu Ikrizia

¹Wu adja o'onɔe á li dɔe azu para kɔkɔ: ƆEdɔe uzu kɔepara awa kɔete gbozu tshapa Ikrizia, dá tshe yindɔe ɔtshɔ akwa.

²ƆE li adœke gbozu tshapa Ikrizia dœ uzu á endje gbagbagbara she nene. Tshe dœ ɔkɔ yashe bale, gbozu pa undu ye dœ tœ ye, uzu nœ ɔtshɔ gbetshelœ, uzu á œsœ ye li, uzu nœ kœza osho kœsœ fœ agene œdœ uzu á tshe li kœyisœ œrœ,

³tshe dœdœ kanga nœ ipi nene, ayi kœyi awa ga lœ azu nene, kashe tshe dœ uzu á tshe sœ lœsu ye ziti, tshe dœdœ ayi œbœrœ too ayi egerœ lœsu ga pa ngendja nene.

⁴ƆE li adœke tshe wusœ kœgbœndœ azu tshelœ bingi nœ ye dœ tœ ye yé œ yisœ œrœ fœ agbolo nœ ye adœke endje dji upu dœ lœsu endje bale.

⁵Uzu neke á tshe wuwusœtœ ye tœ kœgbœndœ azu tshelœ bingi nœ ye nene, tshe gbœndœ azu tshelœ Ikrizia nœ Ndjaba kotoo?

⁶Uzunœ dœdœ uzu á tshe fatshalœsu ye ngœngœ nene, ete nene tshe tetœ kœdu okoro ye yé Ndjaba œ wa agbœ ngbanga ga tœ ye bata á tshe wa lima ga tœ Satana.

⁷ƆE li adœke azu á endje gugu lœ Ikrizia nene pa ɔtshɔ o'o tœ mara ɔtshɔ ye, mbœrœ á tshe kœgbœgbœ tshula nene yé á tshe kœtete lœ gbanda nœ djaboro nene.

Aayi akwa tshelœ Ikrizia

⁸ƆE li ndje adœke aayi akwa tshelœ Ikrizia dœ azu á œsœ endje li, á endje sœ ndjii lœ o'o endje. ƆE lili adœke endje dœ akanga nœ ipi nene œdœ ndje azu nœ kœgbœ ngendja lœ ekpe awa nene.

⁹ƆE li adœke endje sœ dœ ɔtshɔ gbetshelœ lœ kœyindœrœ ga ndœ o'o á Ndjaba mindœ nœ.

¹⁰ƆE li adœke endje tondœ endje utshunœ, manda nœ œdœ endje kœwuwu ekperœ lœ endje nene yeka á endje kœembœrœ akwa nœ aayi akwa Ikrizianœ.

¹¹Awo endje awa bale ndje, endje dœ ayashe á œsœ endje li, á endje dœdœ aayi parœ nene, agbozu tshapa undu endje dœ tœ endje, yé endje zatœ endje lindœ nœ lœ œrœ kœ.

¹²ƆE li adœke ayi akwa lœ Ikrizia dœ ɔkɔ yashe bale yé œ wusœ kœgbœndœ agbolo nœ ye dœ pe azu bingi nœ ye para kœkœ.

¹³Gbambœ nene, ayi akwa lœ Ikrizia á tshe sœ kœembœrœ akwa nœ ye dœ ɔtshœnœ, azu œ lisœ endje yé endje pa o'o dœ awa nene lœ kœyindœrœ ga ndœ Yisu Kristu.

Egerœ œrœ á zatœ ye yiwa tœnœ

¹⁴Mœ sœ kœsu mbetinœ fœ bœ dœ gbetshelœ adœke mœ yi kumu mœ ga ndœ zœ lœ ondonœ asœke.

¹⁵Ataa ændœ mœ køesœpe kœdi tœnœ damba, mœ su mbetinoe asœke fœ bœ adœke bœ wusœ mara nœ á li dœ uzu kœgbœndœtœ ye dœ tœ ye ugurutœ azu bingi nœ Ndjaba. Bingingœ asœmœ kœdœ Ikrizia nœ Ndjaba nœ soro, á sœ bata sharagunda dœ pe œrœ á sœ kœgbœndœ adja o'o.

¹⁶Adjapu, o'onœ á a yindœ nœ, á za lima tœ ye yiwa tœnœ, sœ dœ egerœnœ. Œtœnœ dœke: Kristu na œ matœ ye lœ ɔkɔ uzu, ɔtshɔ Ishiri pandœ nœ adœke œshe kœdœ uzu á tshe sœ ndjii, yé aandjelu wu lima she ye, endje mindœ ye fœ angbi azu, azu ndjoro yindœ ye pa ɔshɔ, Ndjaba za she ga lœ mokɔ ba lafo.

1 Timote 4

Afara œ mbœrœ adœke azu katœ kœyindœrœ

¹ɔtshɔ Ishiri sœ kœpa ngbi adœke: Dœ lɔkɔ kœka tshapashɔ bala, anga azu œ katœ awa kœyindœrœ nœ endje ti, œ te manda ishiri nœ afara dœ pe kœyisœrœ nœ adjabro.

²Ekpe azu dœ pe aayi kœpa wala œ fara endje dœ o'o ama endje. Afara nœ aayi walanœ ndi gbetshelœ nœ endje.

³Endje sœ kœpakata azu tœ kœtotœ endje, œ sœ kœpakata azu tœ kœzi anga kœziœ. Andaa Ndjaba dá mbœrœ kœziœ. Ayindœ Yisu á endje wusœ adja o'o lindœ kœzi tœnœ yé œ za mershe fœ she.

⁴Mbœrœ œrœ kɔ á Ndjaba mbœrœ sœ tœ ɔtshœnœ, œneke á endje pakata nœ gugu nene œdœ a kœsœ kœzi tœnœ lœ kœgi mershe fœ Ndjaba.

⁵Gbambanœ nene, o'o ama Ndjaba œdœ avwala sœ kœmbœrœ adœke œrœnœ asœmœ sœ yerœ.

Mara kœdœ ɔtshɔ ayi akwa nœ Yisu Kristu

⁶Œdœ bœ kœyisœ o'o asœ kɔ fœ aaya œdœ aayingɔ, bœ te bala ɔtshɔ ayi akwa nœ Yisu Kristu. Asœke œ ma adœke bœ te manda o'o nœ kœyindœrœ œdœ pe ɔtshœrœ á endje yisœ nœ fœ bœ dœ ɔtshœnœ.

⁷Kashe œ li adœke bœ vwaratœ zœ tœ kœdji ekpe ndœma toro nœ ayawaza á sœ kpi tœ kœyindœrœ. Kashe zatœ zœ djigi fœ Ndjaba.

⁸Kœkpa ɔɔ á uzu sœ kœkpa tœnœ adœke tshelœ ɔkɔ œne sœ hara, œ sœ yara tœ ɔtshœnœ; kashe kœzatœ osho djigi fœ Ndjaba dá ropa œrœ kɔ. Gbambanœ nene, uzu á tshe zatœ ye djigi fœ Ndjaba, tshe gbɔ soro nœ kpesheke dœ œnœ tshambatsha.

⁹Wu adja o'onœ á li dœ azu para kɔkɔ kœyindœ nœ dœ lœsu bale.

¹⁰Gbambanœ nene, œdœ a kœsœ kœwu oyo yé á sœ kœnga koshe, œ sœ mbœrœ a za lœsu azœ djigi ga tœ Ndjaba nœ soro, á tshe dœ Ayi kœshe azu para kœkœ, kashe ayindœ Yisu kœropa nœ.

¹¹Wu œneke á li adœke bœ mindœ nœ, yé œ yisœ nœ.

Timote, andiyi nœ ayindœ Yisu

¹²Uzu bale yiyiangba zœ mbœrœ á bœ dœ gbolo modo nene, kashe ma œtshœ œtshœ zœ ga ndœ ayindœ Yisu, lœ o'o zœ, lœ kœsœ bœ, lœ kœyindœsho nœ zœ, lœ kœyindœrœ nœ zœ œdœ lœ kœsœ yerœ nœ zœ.

¹³Kœka œerrr ga tœ kœkwa mœ, zatœ zœ ko ga tœ kœdi Buku nœ Ndjaba, kœmi upu ndœ nœ œdœ kœyisœ nœ.

¹⁴Kakatœ kœza gbœgbœ nœ œtshœ ishiri á sœ lœ zœ ga tœ akwa nene. Tœ nœ kœdœ gbœgbœ á bœ gbœ lima lœkœ kœgbara o'o tœ upu nœ zœ, á agbozu Ikria to lima kane endje ga pa zœ.

¹⁵Gbe dœ kœmbœrœ œrœnœ asœke dœ œtshœnœ yé zatœ zœ kœ ndœ nœ mbœrœ azu kœ kœwusœ mara á bœ sœ kœgerœ tœnœ lœ Yisu.

¹⁶Gbœndœtœ zœ dœ tœ zœ œdœ ndje dœ kœyisœrœ nœ zœ dœ œtshœnœ kane yé œ ru lœsu zœ lœ œrœ kœ. Mbœrœ lœ awa nœ kœmbœrœ atamœ dá bœ shetœ zœ dœ tœ zœ œdœ ndje azu á endje sœ kœdji bœ.

1 Timote 5

Mara kœmi upu fœ ayindœ Yisu

¹Mimi upu dœ œgbœ o'o fœ yagbozu nene, kashe mi upu fœ she bata aba zœ. Mi upu fœ amodo bata aaya zœ,

²fœ ayawaza bata aayi zœ, fœ ayawuru bata ayingœ zœ, lœ kœsœ yerœ nœ zœ.

Ayashe koya

³Li œsœ ayashe koya, endjeneke á endje dœ adja ayashe koya.

⁴Kashe yashe koya neke á tshe sœ dœ agbolo too dœ aatanœ, œ li adœke endje za kœyindœrœ nœ endje ga tœ akwa ga ndœ azu tshelœ adja bingi nœ endje yé œ mbœrœ œneke á li adœke endje mbœrœ fœ aayi kœzu endje too fœ aata endje. Gbambanœ nene, asœmœ dá sœ dœ œtshœnœ utshu Ndjaba.

⁵Yashe koya neke á tshe dœ adja yashe koya, á tshe gugu dœ uzu kœgbœndœ ye nene, tshe za lœsu ga tœ Ndjaba. Tshe eshondœ œrœ ba ndœ ye, œ ki fœ she butshœ dœ œlœ.

⁶Kashe ayashe koya á endje kœsœ kolœ dœ yanga œrœ tshapashœ, ataa endje sœ dœ soro gbaa, endje tshu lœ ishiri endje ye.

⁷Wu œeneke á li adœeke bœ mindœ nœ, mbœerœ á endje kœmbœerœetœ endje adœeke azu kœgbagbara endje nene.

⁸Ɔedœ uzu kœwuwusœ kœgbœndœ bingi nœ ye nene, adja azu neke á endje sœ scœnda nœ ye, dá tshe vwaratœ ye tœ kœyindœerœ yé tshe kœdœ ekpe uzu kœeropa uzu á tshe yiyindœ Ndjaba nene.

⁹Yashe á endje sú i'iri ye gala mbeti nœ ayashe koya, kœdœ yashe á tshe sœ dœ ungu kœeto kpœpa zazu votɔ, á i lima kolœ yakoshe bale.

¹⁰ƆE li adœeke azu wusœ ye dœ ɔtshɔ akwa nœ ye: tshe dœ yashe neke á tshe gbɔ lima ndœ agbolo, á tshe sœ kœza osho kœsœ fœ azu, á tshe sœ kœdjuto ada ayindœ Yisu yé á sœ kœgbe dœ azu á endje sœ lœ oyo. Tshe dœ ndje yashe á tshe li tœ kœmbœerœ tshelœ aka ɔtshɔrœ kɔ.

¹¹Kashe susu i'iri avoro ayashe koya nene, mbœerœ lɔkɔ á endje kœsœ dœ ogo nœ ɔkɔ, endje vwaratœ endje tœ Kristu yé œ kpa yindœ kœi ayakoshe.

¹²Ataa, Ndjaba œ wa ɔgbɔ ngbanga ga tœ endje mbœerœ á endje ndi tshelœ ali o'o á endje wa lima.

¹³Gapa nœ, bata endje sœsœ dœ akwa bale kœmbœerœ tœnœ nene, endje sœ kœna ana yoo yoo djelœ manda azu, kœpu lœma endje, kœli ga lœ o'o á dœdœ œnœ endje nene dœ kœpa o'o neke á gaga nene.

¹⁴Mbœerœ tœnœ ataa, mœ yindœ nœ adœeke avoro ayashe koya kpa i ayakoshe, œ zu agbolo, œ gbœndœ tshasœnda nœ endje, mbœerœ ayingba azœ kœgbɔgbɔ awa kœpatœ osho nene.

¹⁵Gbambœnœ nene, ili anga endje djingili awa yé œ te manda Satana.

¹⁶Ɔedœ anga yashe á tshe yindœ Yisu kœsœ dœ ayingɔnœ á endje dœ ayashe koya, œ li adœeke tshe to œrœ fœ endje; tshe kakatœ endje ti tœ Ikrizia nene, mbœerœ adœeke Ikrizia kœgbe dœ endjeneke á endje dœ adja ayashe koya.

Agbozu Ikrizia

¹⁷Agbozu Ikrizia neke á endje lœ kœko ala endje tœ ayindœ Yisu dœ ɔtshɔnœ, endje li adja kœgbɔ kœlisœtœ awa bisha, mbœerœ endje sœ kœzatœ endje ga tœ akwa nœ o'o ama Ndjaba yé œ sœ kœyisœ nœ.

¹⁸Mbeti nœ Ndjaba pa adœeke: «Ɔedœ 'e kœsœ kœwa ngwarœ dœ ngombe lœ kindi, i i ama ye ga tœnœ nene, yé œ li adœeke ayi akwa gbɔ œrœ tshangba akwa nœ ye.»

¹⁹Tœ kœwa ngbanga pa gbozu Ikrizia, œ li adœeke atimu bisha too votɔ yindœ o'onœ yekane á bœ kœwa ngbanganœ. Ete nene, œ li dœ bœ kœvwaratœ zœ tœ mezanœ á endje tɔ pa ye asœmœ ye.

²⁰Azu á endje sœ kœmbœrœ ekperœ, za ala endje tœ ala azu kɔ, á kœza ndje awa fœ anga udu azu kœmbœrœ ndje ekperœ.

²¹Mœ sœ kœyu bœ dœ ɔgbɔ ba utshu Ndjaba, ba utshu Yisu Kristu œdœ pe ba utshu aandjelu nœ Ndjaba adœke, bœ mbœrœtœ zœ lindœ œrœnœ asœke kɔ, dœ anga angbi gbetshelœ á sœ utshunœ nene, yé œ yindœ azu kɔ awa bale.

²²Toto kane zœ katsha ga pa uzu á tshe yindœ kœmbœrœ akwa fœ Ndjaba nene. Lili ndje ga lœ ekperœ nœ azu nene. Gbœndœtœ zœ adœke bœ sœ yerœ.

²³Ndjondjo kolœ ungu nene. Kashe ndjo ndje vinu teasho mbœrœ koba tshelœ nœ zœ, mbœrœ á bœ sœ ndje kœte kpɔkpɔ dœ koba.

²⁴Anga azu lœ zœ á ekperœ nœ endje sœ ngbi utshu kœwa ngbanga pa endje kashe ba ndœ anga endje, a wusœ ekperœ nœ endje kolœ manda kœwa ngbanga pa endje.

²⁵Awa bale ndje, ɔtshɔ akwa sœ kœmatœ endje ngbi kashe á lili kœmatœ endje nene, œ za ndje tœ endje yiwa tœnœ nene.

1 Timote 6

Akanga

¹Azu neke kɔ á endje dœ akanga, œ li adœke endje lisœ ayengɔ endje lœ œrœ kɔ, mbœrœ adœke azu kœgugusœ i'iri Ndjaba œdœ kœyisœrœ nœ azœ nene.

²Akanga má agbozu tshapa endje kœdœ ayindœ Yisu, endje vwavwaratœ endje kœlisœ ayengɔ endje mbœrœ adœke endje kœdœ alaya endje nene. Kashe, endje kpa mbœrœ ɔtshɔ akwa fœ endje kœropa nœ, mbœrœ ayengɔ endje á endje sœ kœti kane endje dœ akwa galafo, endje kœdœ ayindœ Yisu á endje kɔ, endje yindœtœ endje.

ɔtshɔ kœzatœ osho fœ Ndjaba

Wu o'o á li adœke bœ yisœ nœ, œ za o'o mbœrœ tœnœ.

³œdœ anga uzu kœna dœ angbi kœyisœrœ, á kœsœsœ liaka o'o nœ adja o'o nœ Gbozu nœ azœ Yisu Kristu nene, too dœ kœyisœrœ nœ azu á li dœ kœyindœrœ nœ azœ nene,

⁴uzu nœ asœmœ kœdœ uzu á kœzatœ osho bu ala ye. Tshe kœdœ uzu á tshe wuwusœ œrœ nene, ayi koba nœ sharapu á tshe sœ kœpara awa ndœ kœgbugburu tshelœ o'o gbambœnœ. œrœnœ kɔ asœmœ sœ kœza awa fœ úkú, kœbœrœtœ azu pa o'o, kœgu osho, ekpe gbetshelœ,

⁵kœbœrœtœ azu pa o'o á ádánœ gugu nene ugurutœ azu á kœwusœrœ nœ endje fu. Endje kpa sœsœ kœwu adja o'o nene yé œ gbe adœke kœzatœ uzu fœ Ndjaba kœdœ kœte ayi kœgbɔ ukpulu œrœ.

⁶Ɔe dóe adjapu adœke kœzatœ uzu fœ Ndjaba kœdœ kœte ayi kœgbɔ ukpulu œrœ kashe œ li adœke uzu za lœsu ye ga pa œneke á tshe sœ dœ tœnœ.

⁷Mbœrœ a na lima tshakane azœ gbambanœ ga pashɔ, awa bale a gu ndje tshakane azœ gbambanœ.

⁸Yé œdœ a kœsœ dœ kœzĩrœ, œdœ a kœsœ dœ lœba kœverœ ga tœ azœ, œ li dœ azœ koloœnœ ataa.

⁹Kashe azu neke á endje yindœ kœgbɔ ukpulu œrœ, endje li ga lœ afara. Endje yo ga lœ ama úkú mbœrœ ogo indĩ nœ endje dœ ekperœ, á ndĩ azu yé á mbœrœ adœke azu djingili awa.

¹⁰Gbambanœ nene, ekperœ kɔ to lœ kœsœ dœ egerœ lœsu ngendja. Anga ìlĩ azu para awanœ, œ gitœ endje zara lœ kœyindœrœ nœ endje. Endje shokɔ o'o ga tœ ɔkɔ endje dœ tœ endje.

Ɔtshɔ akwa nœ kœyindœrœ

¹¹Kashe œbœ, uzu nœ Ndjaba, kpa awa œrœnœ kɔ asœke. Para awa tœ kœsœ ndjii, kœzatœ zœ fœ Ndjaba, kœsœ dœ kœyindœrœ, kœsœ dœ kœyindœsho, ugu lœsu œdœ pe kœsœ dœ lœsu ziti.

¹²Nga ɔtshɔ koshe tœ upu nœ kœyindœrœ, tepa soro á ka nene dœ ɔgbɔ, á Ndjaba e bœ ndœ nœ yé á bœ pa lima o'o kœyindœrœ utshu azu ndjoro.

¹³Atamœ, mœ sœ kœza o'o fœ bœ utshu Ndjaba á tshe za soro fœ œrœ kɔ, dœ Yisu Kristu á tshe pa lima ɔtshɔ o'o ngbĩ tœ upu nœ kœyindœrœ lɔkɔ á Pose Pilato sœ lima kœwa ngbanga pa ye, mœ za o'o fœ bœ adœke:

¹⁴gbɔndœ awa akwa á bœ gbɔ, sœ yerœ adœke azu gbagbagbara bœ nene œrrr ga tœ lɔkɔ kœkwa Gbozu nœ azœ dœ Yisu Kristu,

¹⁵ Ndjaba œ ma dœ lɔkɔ á tshe guma. Ndjaba kœdœ Gbozu nœ gbɔgbɔ kɔ, Gbozu nœ yanga kɔ, Gbozugo nœ agbozugo œdœ Gbozu nœ agbozu,

¹⁶kolœ œshe á tshe wuwu kuzu nene, tshe sœ lœ ɔlɔ á uzu bale œ li kœwuta ba zœ nene. Uzu bale á tshe wu lia she gugu nene yé uzu á tshe li kœwu ndje she gugu nene. Kaka mokɔ œdœ gbɔgbɔ á ka nene sœ fœ she! Ame.

Kœmĩ upu fœ ayi kœgbɔ ukpulu œrœ

¹⁷Mĩ upu fœ ayi kœgbɔ ukpulu œrœ ba pa ɔshɔ adœke endje dudu okoro endje nene yé œ zaza lœsu endje djigi ga pa œrœ á œndœnœ œ dĩ nene, kashe endje za lœsu endje ga pa Ndjaba, á tshe sœ kœto œrœ fœ azu adœke endje sœ dœ yanga mbœrœ tœnœ.

¹⁸Za o'o fœ endje adœke endje mbœrœ ɔtshɔ akwa, endje te ayi ukpulu œrœ lœ ɔtshɔ akwa yé œ sœ hara hara tœ kœkurutshelœ œrœ nœ endje dœ anga azu.

¹⁹Atamœ, endje gbo ɔtshɔrœ á œndœncœ œ di mbœrcœ endje dœ tœ endje bala mbatsha, mbœrcœ kœtepa adja soro.

Ndɔngɔɔ abala

²⁰Uu Timote, gbɔndœ kœyisœrcœ á endje yi lima sœ nœ fœ bœ dœ ɔtshɔncœ kane. Kpa awa kœpa o'o ngbɪli ngbɪli á sœ kœyiangba Ndjaba œdœ o'o á azu gbe adœke œtœncœ kœdœ adja kœwusœrcœ, kashe œ dœdœ tœncœ nene.

²¹Anga azu gbe lima adœke œne sœ dœ mara kœwusœrcœ atamœ, œ gitœ endje zara lœ kœyindœrcœ nœ endje. Kaka ɔtshɔ lɔsu nœ Ndjaba sœ dœ 'e.

2 Timote

2 Timote 1

Abala

¹Ɔemœ Polo, œmœ kœdœ ayi avwa nœ Yisu Kristu á Ndjaba ke mœ, á vwa mœ kœpa fœ azu tœ upu nœ soro á tshe pa lima ndœ nœ lœ awa nœ Yisu Kristu.

²Mœ sœ kœsu mbetinœ fœ bœ Timote á bœ dœ gbolo nœ mœ á mœ yindœ zœ waa. Kaka ɔtshɔ lɔsu dœ kœdjerœndœ ekperœ œdœ pe kœsœ gee nœ Ndjaba Aba dœ Yisu Kristu Gbozu nœ azœ, sœ dœ bœ.

Polo mi upu fœ Timote

³Mœ sœ kœgi mershe fœ Ndjaba kœgbe dœ mara á aata mœ donga lima she, yé mœ kpa donga ndje she dœ gbetshelœ á sœ yerœ. Butshɔ dœ ɔɔ á mœ sœ kœza avwala nœ mœ fœ she, mœ kakatœ kœgbe dœ bœ nene.

⁴Mœ kœgbe dœ ngola zœ á tu lima, ngbewo mœ kpa sœ dœ ogo nœ kœwu bœ yeka á lɔsu mœ kœsœ dœ yanga.

⁵Mœ sœ ndje kœgbe dœ mara adja kœyindœrœ nœ zœ. Ɔeneke á sœ lima lœ ata zœ dœ Loyisi dœ pe ayi zœ dœ Enise, endje dá sœ lima dœ kœyindœrœnœ ascœmœ utshu zœ. Mœ yindœ nœ adœke tœnœ dá sœ ndje adja lœ zœ.

⁶Mbœrœ tœnœ ataa, mœ za o'o fœ bœ adœke bœ mbœrœ adœke, gbɔgbɔ á Ndjaba za fœ bœ ndœ kœmbœrœ dœ akwa pe dœ lɔkɔ á mœ to lima kane mœ ga pa zœ ascœmœ, kpa djedjerowa nene.

⁷Gbambœ nene, œ dœdœ ɩshiri nœ awa dá Ndjaba za fœ azœ nene kashe tshe za ɩshiri á tshe mbœrœ adœke a sœ dœ gbɔgbɔ, dœ kœyindœsho œdœ ndje kœdœ agbozu ga pa undu azœ.

⁸Sœsœ dœ tshula tœ kœpandœ o'o tœ upu nœ Gbozu nœ azœ nene, sœsœ ndje dœ tshula tœ mœ dœ ayi kánga tœ upu nœ ye nene. Kashe dœ awa nœ gbɔgbɔ á Ndjaba za fœ bœ, œ li adœke bœ wu oyo awa bale dœ mœ ndœ kœgbara Ɔtshɔ O'onœ.

⁹Tshe she azœ yeka á e azœ adœke á dœ azu nœ ye. Ɔ dœdœ mbœrœ akwa nœ azœ nene, kashe liaka œneke á tshe guma katshatsha œdœ ndje ɔtshɔ lɔsu nœ ye. Tshe ma lima ɔtshɔ lɔsunœ fœ azœ lœ ngbɔtœ nœ azœ dœ Yisu Kristu utshu kœmbœrœ tshapashɔ.

¹⁰Ndjaba ma ɔtshɔ lɔsu nœ ye ngbi lœ awa nœ kœna Ayi kœshe azœ dœ Yisu Kristu ga pa ɔshɔ. Ɔshe dá wo gbɔgbɔ nœ kuzu, á gbara o'o nœ soro á ka nene lœ awa nœ Ɔtshɔ O'o.

¹¹Mbærœ tœnœ dá Ndjaba ke mœ adœke mœ dœ uzu kœpandœ ama œne, ayi avwa nœ œne œdœ ayi kœyisœrœ.

¹²Mbærœ tœnœ dá mœ sœ kœwu oyonœ kœ asœke. Kashe mœ sœsœ dœ tshula nene mbærœ mœ wusœ tsheneke á mœ za lœsu mœ ga pa ye. Mœ wusœ nœ adœke tshe sœ dœ gbœgbœ kœgbœndœ œneke á tshe to fœ mœ œerrr ga tœ lœkœ kœwa ngbanga pa azu.

¹³Na kolœ manda adja o'o á mœ yisœ nœ fœ bœ, yé ka ngbirî lœ kœyindœrœ dœ pe kœyindœsho á a gbœ lœ ngbœtœ nœ azœ dœ Yisu Kristu.

¹⁴Dœ awa nœ Ɔtshœ Ishirî á tshe sœ lœ azœ, gbœndœ Ɔtshœ O'onœ á endje yi lima sœ nœ fœ bœ dœ Ɔtshœnœ kane.

¹⁵Bata á bœ wusœ nœ, azu kœ á endje sœ lœ Azi katœ mœ tî para kœkœ. Fijele ndje dœ Ermojene lœ ndje ugurutœ endje.

¹⁶Kaka Gbozu wu oyo azu lœ bingi nœ Onezifore, mbærœ tshe sœ kœu mœ ga tœnœ waa yé tshe sœsœ dœ tshula mbærœ á mœ sœ lœ kánga nene.

¹⁷Gbambanœ nene, kolœ kœyi kuma ye ga lœ Roma, tshe para mœ œerrr yé, œ gbœ mœ.

¹⁸Kaka Gbozu Ndjaba wu oyo ye dœ lœkœ kœwa ngbanga pa azu. Ɔbœ dœ tœ zœ ndje bœ wusœ œneke kœ á tshe mbærœ lima fœ mœ ba lœ ongbo Efeze ye.

2 Timote 2

Wu œsœ œnœ zœ oyo

¹Kashe œbœ, gbolo nœ mœ, kaka Ɔtshœrœ á Yisu Kristu to fœ bœ, za gbœgbœ fœ bœ.

²Ɔrœ á bœ dji mœ kœmîndœ nœ utshu azu ndjoro, yisœ nœ fœ azu á endje li adœke endje yi ndje sœ nœ fœ anga azu.

³Wu ndje œsœ œnœ zœ oyonœ mbærœ Yisu Kristu bœta Ɔtshœ turugu.

⁴Uzu á tshe mbærœ akwa turugu, tshe kpa li ga lœ o'o nœ azu á endje dœdœ aturugu nene, kashe tshe para kolœ awa nœ kœza yanga fœ gbozu nœ ye.

⁵Awa bale ba ndœ ayi kœkpa Ɔrœ, uzu á tshe wuta utshunœ kœdœ uzu neke á tshe mbærœtœ ye liaka awa akwa nœ Ɔrœ.

⁶Ayi kœdjo kindî neke á tshe shi kœ'dœœ lœma akwa kindî nœ ye, œshe dá dœ uzu utshunœ kœzi ngwærœnœ.

⁷Dji o'o á mœ pa asœ dœ Ɔtshœnœ: Gbozu dœ tœ ye dá to kœwusœrœ nœ kœdji tshelœ katœnœ kœ fœ bœ dœ Ɔtshœnœ.

⁸Gbe dœ Yisu Kristu á tshe to lœ aata Davidi, á tshe she lœ akuzu. Œeneke á Ɔtsho O'onœ pa tœnœ á mœ sœ kœpandœ nœ.

⁹Mœ sœ kœwu oyo lœ kumunœ, yé mbœrœ tœnœ dá endje i mœ dœ djingiri bata uzu kœmbœrœ ngbindirœ, kashe endje li kœi o'o ama Ndjaba nene!

¹⁰Mbœrœ tœnœ ataa, mœ sœ kœru lœsu mœ lœ œrœ kœ mbœrœ azu á Ndjaba ke endje adœke endje gbœ kœshe á Yisu Kristu to yé endje li ga lœ mokœ nœ waa dœ waa.

¹¹O'onœ asœke kœdœ adjapu: Œdœ a kœtshu dœ she, a sœ dœ soro awa bale dœ she.

¹²Œdœ á kœshi gbi, a wuta agbozu awa bale dœ she. Œdœ a kœvwaratœ azœ tœ ye, tshe vvara ndje tœ ye tœ azœ.

¹³Œdœ a kœzatatœ azœ lindœ o'o ama ye nene, tshe zatœ ye lindœ nœ, mbœrœ tshe li kœvwaratœ ye tœ undu ye dœ tœ ye nene.

Ayi akwa á Ɔtsho ye ga tœ Ndjaba

¹⁴Pa fœ azu, endje gbe dœ o'onœ asœke. Kpa pa fœ endje utshu Ndjaba adœke endje zatatœ endje ga tœ kœgbugburu tshelœ o'o gbambanœ á ádáncœ gugu nene yé œ sœ kolœ kœndi azu á endje sœ kœdji tœnœ.

¹⁵Mbœrœ kœ adœke bœ wuta uzu á tshe li tœ ala Ndjaba yé, yisœ adja o'o bata ayi akwa neke á tshe li kœgbœ tshula lœma akwa nœ ye nene.

¹⁶Kpa awa kœpa o'o ngbili ngbili á sœ kœyiangba Ndjaba, mbœrœ azu kœpa o'onœ asœmœ vwaratœ endje tœ Ndjaba.

¹⁷Kœyisœrœ nœ endje sœ bata uku á dele katshakatsha. Mœ gbe dœ Imini œdœ Filete ugurutœ azu asœmœ.

¹⁸Endje katœ adja o'o yé œ sœ kœpa wala fœ azu adœke kœshe lœ akuzu nœ azu mbœrœ balima tœ endje ye. Ataa, endje sœ kœndi tshelœ kœyindœrœ nœ anga azu.

¹⁹Kashe kiti anda neke á Ndjaba tœ, œ ka ngbirĩ. Gapa nœ dœmœ, endje sú ala Mbeti adœke: «Gbozu wusœ endje nœ ye», yé: «Uzu kœ á tshe pa adœke œne kœdœ uzu nœ Gbozu, œ li adœke tshe vwaratœ ye tœ ekperœ.»

²⁰Ba lœ egerœ anda, œ dœdœ kolœ gbarœ á endje mbœrœ dœ ɔrœ œdœ ngendja dá sœ lœncœ nene. Anga gbara á endje mbœrœ dœ ɔɔ œdœ ɔshœ œ sœ ndje zœ. Anga gbarœ sœ mbœrœ angbo kpi yekane angancœ sœ mbœrœ akwa kœ.

²¹Œdœ uzu kœvwaratœ ye tœ ekperœ kœ, uzuncœ wuta bata gbarœ á sœ ga angbo di, á li tœ ala ayengœncœ yé á li ndje ndœ kœmbœrœ dœ Ɔtsho akwa kœ.

Ayi akwa nœ Gbozu

²²Kpa awa ogo œrœ tshagbolo, para awa kœsœ ndjii, kœyindœrœ, kœyindœsho, kœsœ gee dœ azu má endje sœ dœ ɔtshɔ lɔsu, á sœ kœza avwala fœ Gbozu.

²³Vwaratœ zœ tœ kœgbugburu tshelœ o'o nœ gbambanœ mbœrœ œ sœ kœgbota azu ga lœ œbœrœ waa.

²⁴Mbœrœ ayi akwa nœ Gbozu lili kœbœrœtœ ye dœ azu nene, kashe œ li dœ she kœsœ dœ lɔsu ye ziti ga ndœ azu para kɔkɔ. Tshe wusœ kœyisœ œrœ, œ wu ndje sœ kœru lɔsu ye.

²⁵Azu á endje sœ kœshara o'o lœ ama ye, œ li dœ she kœpara awa nœ kœyisœ œrœ fœ endje dœ lɔsu ziti. Anganœ, Ndjaba œ mbœrœ adœke endje fatshalɔsu endje yé œ wusœ adja o'o.

²⁶Yé endje kpa gbɔ gbetshelœ á sœ ndjii, œ wuta lœ gbanda nœ djaboro á tshe te lima pa endje adœke endje mbœrœ kolœ gbetshelœ nœ œne.

2 Timote 3

Lɔkɔ kœka bala tshapashɔ

¹Wusœ nœ dœ ɔtshɔnœ adœke, osho sœ tœ ɔgbɔnœ mbœrœ tœ kœka tshapashɔ.

²Gbambanœ nene, azu œ dœ aayi ooro, aayi egerœ lɔsu ga pa ngendja, aayi kœdonga tœ endje, aayi egerœ kumu, aayi kœgu œsœ Ndjaba, azu á endje lisœ aayi kœzu endje nene, azu á endje wusœ kœgi mershe nene yé œ kpa ndje awa Ndjaba nene.

³Ala endje œ ɔɔ yé endje wu oyo uzu bale nene, œ dœ aayi kœpa ngbɔndi o'o ga tœ azu, aayi djipudji, aayi kœmbœrœ ɔgbɔrœ ga tœ azu, ayingba ɔtshɔrœ.

⁴Aayi kœva ɔtɔ anga endje, aayi ókó, aayibula lœ egerœ kumu nœ endje, aayi kœyindœ tshapashɔ kœropa Ndjaba.

⁵Endje matœ endje bata aayi kœkpa awa Ndjaba kashe endje wuwusœ gbɔgbɔ nœ ye nene. Kpa awa mara azu ataa.

⁶Anga azu ugurutœ endje œ li gasœnda, œ gbota ayashe á endje mɔɔmɔ, yé œ bili endje adœke endje yindœ o'o nœ œne. Ayashenœ asœmœ mbœrœ ekperœ waa, gbetshelœ nœ endje sœ dœ ogo kœmbœrœ ekperœ kɔ.

⁷Endje sœ kœyamba œrœ waa kashe endje lili kœwusœ adja o'o nene.

⁸Aayi kœyisœrœ nœ walanœ ascœmœ vwaratœ endje tœ adja o'o bata Ayane dœ Yambele vvara lima tœ endje tœ o'o ama Moyize. Endje kœdœ azu á kœwusœrœ nœ endje fu, á ádá kœyindœrœ nœ endje gugu nene,

⁹kashe endje na ga utshunœ nene mbœrœ azu kœ œ wusœ nœ adœke, endje ndi lœ gbetshelœ nœ endje awa bale bata endje wu lima sœ indi Ayane dœ Yambele.

Na manda œrœ á bœ yamba

¹⁰Kashe œbœ, bœ dji mœ dœ œtshœnœ lœ kœyisœrœ nœ mœ, bœ wusœ œtshœ mœ, dœ œrœ á mœ gbe kœembœrœ tœnœ, dœ kœyindœrœ nœ mœ, dœ ugu lœsu nœ mœ, dœ kœyindœsho nœ mœ, dœ kœshi gbi nœ mœ lœ awa akwa,

¹¹bœ wusœ œrœ kanga œdœ oyo má mœ wu ba lœ Atiœshe, ba lœ Ikoniyume, œdœ pe ba lœ Listre, œrœ kanga gadœ dá mœ wuwu nene a! Kashe, Gbozu she mœ lœ nœ kœ.

¹²Adjapu, azu kœ á endje yindœ kœna manda Yisu Kristu, á yindœ kœzatœ endje djigi fœ Ndjaba, endje wu kanga.

¹³Kashe akpe azu dœ pe aayi kœbili osho, endje li vwerema ga lœ ekperœ, endje bili anga azu yé œ bilitœ endje dœ tœ endje.

¹⁴Kashe bœ, sœ kolœ kœna manda œrœ á bœ yamba á yindœ nœ dœ lœsu zœ bale ascœmœ. Bœ wusœ uzunœ á tshe yisœ nœ fœ bœ dœ œtshœnœ.

¹⁵Bœ wusœ œyerœ Buku nœ Ndjaba pe dœ gbolo zœ, œ li tœ kœto kœwusœtœ á na dœ bœ œrrr ga lœ kœshe lœ awa nœ kœyindœrœ ga ndœ Yisu Kristu.

¹⁶œneke kœ á endje sú ala Buku nœ Ndjaba ascœmœ, endje sú lœ awa nœ œtshœ fshiri. Bukunœ ascœmœ li tœ kœyisœrœ, kœma ekperœ ngbi, kœyœœ uzu œdœ kœembœrœ adœke uzu wuta tœ œtshœnœ tœ ala Ndjaba,

¹⁷yeka á uzu nœ Ndjaba kœgumatœ ye dœ œtshœnœ, á kœli tœ kœembœrœ kolœ œtshœ akwa.

2 Timote 4

¹Mœ sœ kœpa ngbi fœ bœ, utshu Ndjaba, dœ pe utshu Yisu Kristu á tshe kwa bala tœ ye ndœ kœwa ngbanga nœ asoro dœ akuzu, lœ gbetshelœ nœ kpa kœkwa she œdœ ndje kœsœ Gbozu pa œrœ kœ.

²Mindœ o'o ama Ndjaba, mbœrœ œlœ dœ œlœ yé kaka tœnœ nene. Azu dji too endje dji nene, sœpe kœyisœ nœ. Yœœ endje, za ala endje yé œ mi upu fœ endje. Mbœrœ œneke kœ dœ ugu lœsu lœ awa nœ kœyisœrœ nœ zœ.

³Gbambanœ nene, dœ anga lœkœ bale, endje li tœ kœru lœsu endje ndœ kœdji kœyisœrœ nœ adja o'o nene, mbœrœ gbetshelœ nœ endje sœ kolœ kœna

manda ogo undu endje dœ tœ endje. Mbœerœ tœnœ ataa, endje œ ko aayi kœyisœerœ ndjoro, endjeneke á o'o ama endje sœ kolœ kœga tœ endje.

⁴Endje be utu endje ga tœnœ tœ kœdji adja o'o, yé œ fatœ endje kolœ ndœ kœdji ndœma toro.

⁵Kashe bœ, œ li adœeke bœ dœ gbozu tshapa undu zœ dœ tœ zœ lœ œerœ kœ. Sœ dœ kœru lœsu lœ kœwu oyo, mindœ Ɔtshœ O'o fœ azu yé œ mbœerœ akwa á Ndjaba za fœ bœ dœ Ɔtshœnœ djigi kane.

⁶Mbœerœ mœ, ɔlɔ kuzu mœ ndo ye. Mœ za soro mœ bata tokóró fœ Ndjaba.

⁷Mœ nga Ɔtshœ koshe. Mœ wuta ga tœ ndœngɔlɔ ɔɔ nœ mœ, mœ sœ kolœ kœgbœndœ kœyindœerœ.

⁸Ngœngɔ asœeke, œerœ tshangba Ɔtshœ akwanœ á mœ mbœerœ sœ kœkatœ mœ zœ. Gbozu á tshe kœdœ ayi kœwa adja ngbanga dá za fœ mœ dœ lœkœ kœwa ngbangœ asœmœ. Tshe za œerœ tshangba Ɔtshœ akwanœ kolœ fœ mœ dœ kuti mœ nene, kashe tshe za ndje fœ endjeneke kœ á endje sœ kœkate kœkwa she.

Ndœngɔlɔ kœza o'o

⁹Mbœerœ kœ adœeke bœ na kœgbœtœ zœ dœ mœ katsha.

¹⁰Gbambœ nene, Demasi katœ mœ ti ye, mbœerœ á tshe yindœ œerœ tshapashœ nœ asœeke. Tshe ro ga lœ Tesalonike, Kresene ro ga lœ Galate yé Tito ro œne ye ga lœ Dalamati.

¹¹Kolœ Lukasi dá sœpe dœ mœ kpœeke. Œ kœsœ adœeke bœ na gamœ asœeke, za Marke potœ zœ mbœerœ á sthe kœti kane mœ lœ akwa nœ Ndjaba.

¹²Mœ vwa Tishike ga lœ Efeze.

¹³Kœna bœ, za lœba izi á mœ katœnœ ba lœ Trowase ba ndœ Karposi, œ na dœ tœnœ fœ mœ. Ko ndje bukunœ na tœnœ fœ mœ, kœeropanœ kœ, œneke á endje mbœerœ dœ ɔkœ agea.

¹⁴Alekezandre, ayi ndawonœ, mbœerœ ekperœ fœ mœ waa. Gbozu œ gi tshangba œneke á tshe mbœerœ fœ mœ kœ li dœ ekperœ nœ ye asœmœ zœ.

¹⁵Œbœ ndje, titœ zœ tœ ye mbœerœ á tshe vwaratœ ye tœ œerœnœ kœ á a yi lima sœ nœ.

¹⁶Ali kœka mœ ga utshu ayi kœwa ngbanga, uzu bale nana manda mœ nene, endje katœ mœ ti kœ. Kaka Ndjaba gbegbe dœ ekperœ nœ endje nene.

¹⁷Kashe Gbozu sœ lima dœ mœ awa bale. Œshe dá to gbœgbœ nœ ye fœ mœ yeka á mœ mindœ o'o nœ ye ga tœ ndœngɔlɔ nœ. Endje neke kœ á endje dœdœ Ayuda nene, dji yé Ndjaba she mœ lœ ama bamara.

¹⁸Gbozu æ she mœ læ oyo kɔ, æ mbœrœ adœke mœ li ga læ ogo tshagbozu nœ ye ƒa lafo. Kaka adœke azu za mokɔ ƒœ she ngbugu dœ ngbugu. Ame!

Ndɔngɔɔ abala

¹⁹Za abala nœ mœ ƒœ Prisile dœ Akilase œdœ pe ndje azu læ bingi nœ Onezifore.

²⁰Eraste sœpe ƒa læ Koriti yé mœ ka ndje tœ Trofime ƒa læ Mile mbœrœ á tshe sœ lima dœ koba.

²¹Mbœrœ kɔ adœke ƒœ wuta ƒa ke utshu nœ yapu nœ izi. Ebule, dœ Pudese, dœ Linuse, dœ Klodia, ndje dœ pe ayindœ Yisu kɔ bala ƒœ.

²²Kaka Gbozu sœ dœ ƒœ. Kaka ɔtshɔ lɔsu nœ Ndjaba sœ dœ 'e para kɔkɔ.

Tito

Tito 1

Abala

¹Ɔemœ Polo, œmœ kœdœ ayi akwa nœ Ndjaba œdœ ayi avwa nœ Yisu Kristu á tshe e mœ mbœrœ kœyisœ œrœ fœ azu á Ndjaba ke endje, adœke endje sœ dœ kœyindœrœ ga ndœ ye yé œ wusœ adjapu lœ kœzatœ endje fœ she.

²Mœ sœ kœembœrœ akwa mbœrœ endje wusœ nœ adœke, œne gbɔ soro neke á ka nene, á Ndjaba pa lima ndœ nœ katshatsha utshu nœ kœembœrœ tshapashœnœ asœ, adœke œne za lima fœ endje. Tshe kœdœ Ndjaba á tshe fafa tshelœ ama ye nene.

³Tshe za o'o ama ye ga tœ awa akwa liaka olo á tshe guma. Ayi kœshe azœ dœ Ndjaba dá za o'o ama ye fœ mœ yeka á vwa mœ adœke mœ mindœ nœ.

⁴Mœ sœ kœsu mbetincœ asœ fœ bœ dœ Tito, adja gbolo nœ mœ lœ kœyindœrœ á a sœ dœ tœncœ ga ndœ Yisu Kristu. Kaka Ndjaba Aba œdœ Yisu Kristu ayi kœshe azœ, ma ɔtshɔ lœsu nœ endje ga ndœ zœ œ za kœsœ gee nœ endje fœ bœ.

Kœke agbozu Ikrizia

⁵Ɔdœ mœ kœkatœ zœ fa lœ Kelete, œ sœ mbœrœ bœ guma œeneke á sœpe adœke bœ guma, yé œ ke agbozu Ikrizia lakpi bale dœ bale liaka awa akwa á mœ pandœ nœ fœ bœ.

⁶Ɔe li adœke ɔtshɔ gbozu sœ dœ ɔtshœnœ adœke azu lele lœ endje mbœrœ she nene, tshe sœ dœ yashe tshebale, agbolo nœ ye dœ ayindœ Yisu mbœrœ azu kœpapa o'o tœ endje adœke ɔtshɔ endje gaga nene too endje kœdœ aayi sharapu nene.

⁷Gbambanœ nene, endje ke gbozu tshelœ Ikrizia adœke tshe ko ala ye tœ œrœ nœ Ndjaba, ádánœ á li adœke azu lele lœ endje mbœrœ she nene dœmœ. Tshe dœdœ uzu kœzatœ ye nene, uzu ókó nene, uzu kœza ama ye ti lœ ipi nene, uzu nœ koshe hawo hawo nene, uzu á tshe sœ kœgbɔ ngendja dœ ekpe awa nene.

⁸Kashe tshe dœ uzu kœza osho kœsœ fœ azu sœnda nœ ye, á tshe yindœ ɔtshœrœ. Tshe dœ uzu nœ ɔtshɔ gbetshelœ á tshe sœ ndjii á sœ ndje yerœ, yé tshe wu ndje sœ kœgbœndœtœ ye.

⁹Ɔe li dœ she kœzatœ ye kolœ ga tœ o'o á endje yisœ nœ fœ she. Atamœ tshe li tœ kœmi upu fœ anga azu lœ adjapu yé œ sɔ akpa aayi kœyisœrœ dœ wala.

Aayi kœyisœrœ dœ wala

¹⁰Gbambanœ nene, azu ndjoro, kœropa nœ kɔ ìlì endje ugurutœ Ayuda á endje te ayindœ Yisu, endje sœsœ kœmbœœrœtœ endje liaka kœyisœœœ nene, endje sœ kœpa o'o ngbìlì ngbìlì yé endje sœ kœfara azu.

¹¹Mbœœœ tœnœ ataa, œ li adœke bœ mbœœœ adœke endje ngbɔba ama endje ga tœnœ. Endje sœ kœndi gbetshelœ nœ azu kɔ lœ bingi, lœ awa nœ kœyisœ œœœ á lili adœke endje yisœ nœ nene, endje yisœ nœ mbœœœ kœgbɔ ngendja.

¹²Anga uzu nœ endje bale lœ Kelete á endje wu she b̄ata ayi kœgbara o'o, pa lima adœke: «Azu Kelete kœdœ aayi wala, endje kœdœ akatshagea, aayi ɔdɔ yé endje yi kolœ ndœ kœzĩrœ.»

¹³O'o kɔ á tshe pa kœdœ adjapu. Ádánœ á li dœ bœ kœza ala endje adœke endje sœ dœ adja kœyindœœœ,

¹⁴endje katœ kœdji ndœmatoro nœ Ayuda, endje ka ndje tœ kœmbœœrœtœ endje liaka awa akwa á azu á endje vwaratœ endje tœ adja kœyisœœœ guma.

¹⁵œœœ kɔ á azu nœ ɔtshɔ lɔsu œ mbœœœ dœ akwa sœ yerœ, kashe azu uburu á endje gugu dœ kœyindœœœ nene, endje wu œœœ kɔ tœ œœœ uburu, mbœœœ kœwusœœœ nœ endje œdœ pe gbetshelœ nœ endje sú dœ ekperœ.

¹⁶Endje sœ kœpa adœke œne wusœ Ndjaba kashe akwa tshelœ endje sœ kœma adœke endje wuwusœ ye nene. Endje yiangba endje mbœœœ ekpe akwa tshelœ endje, endje kœdœ aayi gbɔkumu yé endje lili kœmbœœœ ɔtshɔ œœœ bale nene.

Tito 2

Kœyisœœœ fœ agbozu

¹Kashe bœ, yisœ o'o neke á li dœ adja kœyisœœœ.

²Pa fœ agbɔ ayakoshe adœke endje dœ agbozu tshapa undu endje, azu á endje lisœ endje á endje sœ dœ ɔtshɔ gbetshelœ. Lœ œœœ kɔ, endje matœ endje tœ azu á endje ka ngbĩrĩ lœ kœyindœœœ, azu nœ kœyindœsho, azu nœ kœru lɔsu.

³Awa bale fœ agbɔ ayashe. œ li adœke endje mbœœœ tœ endje b̄ata ayerœ azu, endje papatœ azu nene, yé endje fafatœ endje tœ akanga nœ ipi nene. Endje yisœ ɔtshœœœ,

⁴endje yisœ mara á li dœ avoro ayashe kœyindœ akɔ endje dœ agbolo nœ endje,

⁵avoro ayashœœœ sœ dœ ɔtshɔ gbetshelœ yé œ mbœœmbœœœ angba budu nene. Endje mbœœœ akwa tshasœnda nœ endje dœ ɔtshœœœ, endje dœ ɔtshɔ ayashe, œ lisœ akɔ endje adœke endje kœgugusœ o'o ama Ndjaba nene.

Kœyisœœœ fœ adjagbala

⁶Mĩ upu ndje fœ adjagbala adœke endje sœ dœ ɔtshɔ gbetshelœ

⁷Ɔe Ɔe kɔ. Ɔe li ndje dɔe bɔe dɔe tɔe zɔe kɔema ambára ɔtshɔ akwa fɔe endje lɔe soro zɔe dɔe mara adɔeke, adja kɔeyisɔerɔe nɔe zɔe sɔe ndjii yé ɔesɔenɔe li.

⁸Za kolɔe adja o'o á li ga tɔe akwa yeka azu kɔeshara upu mbɔerɔe akwa nɔe azɔe yé á kɔefatshelɔe nɔe nene. Ataa, endje gbɔ tshula yé ɔe gbɔ awa kɔepa ekpe o'o nɔe azɔe nene.

Kɔeyisɔerɔe fɔe akanga

⁹Mi upu fɔe akanga adɔeke endje lisɔe agbozu tshapa endje lɔe Ɔe kɔ, endje mbɔerɔe Ɔe á za yanga fɔe endje. Adja endje gbugbugburu tshelɔe o'o dɔe agbozu tshapa endje nene.

¹⁰Endje ziziangba Ɔe nɔe endje nene, endje zatɔe endje mbɔerɔe akwa dɔe lɔsu bale yé ɔe kakatɔe anga tshakala akwa ti teasho nene yeka azu kɔelisɔe o'onɔe á a sɔe kɔeyisɔe nɔe tɔe upu nɔe Ndjaba á tshe she azɔe.

Azu nɔe Yisu Kristu

¹¹Ndjaba ma ɔtshɔ lɔsu nɔe ye á li kɔeshe azu para kɔkɔ.

¹²Ɔtshɔ lɔsunɔe yisɔe Ɔe adɔeke, a katɔe kɔevwaratɔe azɔe tɔe Ndjaba ɔedɔe kɔena manda ogo Ɔe tshapashɔnɔe asɔeke yeka a kɔegbɔndɔetɔe azɔe, á kɔete azu kɔelisɔe Ndjaba, azu á endje sɔe ndjii tɔe ala ye.

¹³A sɔe kɔembɔerɔe atamɔe, kɔevu olo yanganɔe á sɔe kɔekate azɔe dɔe lɔkɔ á a wu mokɔ nɔe Yisu Kristu, á tshe kɔedɔe Ndjaba ɔedɔe Ayi kɔeshe azɔe.

¹⁴Tshe zatɔe ye fɔe kuzu tɔe ɔesɔe azɔe mbɔerɔe kɔeshe azɔe lɔe ekperɔe kɔ. Tshe djutɔ azɔe adɔeke a te azu nɔe ye, azu á endje sɔe kɔepa avwara ndɔe kɔembɔerɔe ɔtshɔ akwa.

¹⁵Ɔe li dɔe bɔe kɔemindɔe upunɔe asɔe kɔ fɔe azu. Yisɔe awa akwa fɔe endje yé ɔe za ala endje dɔe gbɔgbɔ á Ndjaba za fɔe bɔe. Kaka adɔeke uzu bale didi bɔe nene.

Tito 3

Mara ɔtshɔ azu nɔe Ndjaba

¹Kpa mindɔe nɔe fɔe azu nɔe Ndjaba adɔeke endje lisɔe agbozu tshapa akwa kɔ nɔe Lita. Endje dji o'o ama endje yé ɔe yindɔe kɔembɔerɔe ɔtshɔ akwa.

²Endje gugu ɔesɔe uzu bale nene, endje para kɔesɔe gee dɔe azu yé ɔe dɔe aayi kɔembɔerɔe ayo, ɔe sɔe dɔe ɔtshɔ lɔsu ga ndɔe azu kɔ.

³Gbambanɔe nene, azɔe kɔ a djingili lima awa yé ɔe dɔe lima azu nɔe ekpe gbetshelɔe, a dɔe lima aayi sharapu, aayi indi, akanga nɔe ogo ekperɔe kɔ. A sɔe lima hawo hawo yé ɔe sɔe dɔe úkú, endje yi lima angba azɔe mbɔerɔe ekpe ɔtshɔ azɔe yé a sɔe ndje lima kɔeyiangba anga azɔe.

⁴Kashe, Ndjaba ayi koeshe azoe má foe azoe otsho losu noe ye doe pe koeyindoeshe noe ye.

⁵Tshe sheshe azoe mboeroe akwa noe azoe á soe ndjii nene, kashe aeshe doe toe ye dá wu oyo azoe. Tshe she azoe doe gbogbo noe Otsho Ishiri, á djuto azoe loe ekperoe yé á a wuta atafu azu yeka a gbo tafo mara noe koembaoerotoe azoe.

⁶Ndjaba vwa Otsho Ishirinoe tonge tonge ga pa azoe doe awa noe Yisu Kristu Ayi koeshe azoe,

⁷tshe mboeroe adoeke a wuta ndjii toe ala ye loe awa noe otsho losu noe ye, doe oe gbo soro á ka nene á a soe koevu toenee.

⁸O'onoe asoe koedoe adjapu yé moe yindoe noe adoeke boe ka ga pa koeyisoeroe noe adoeke azu á endje yindoe Ndjaba wotoe endje ndoe koembaoeroe otshoro. Wu oeroe oeneke á soe doe otshonee, á li doe azu koembaoeroe toenee.

⁹Kashe boe kpa awa koegbugburu tsheloe o'o á adánoe gugu nene, koegbugburutsheloe o'o toe upu noe koedi i'iri aata, oebaoeroe oedoe koenga koshe pa awa akwa, vwaratoe zoe toe oeronee asoemo. Oe soe gbambanoe yé adánoe gugu nene.

¹⁰Tsheneke á tshe para awa koekurutsheloe ayindoe Yisu, za ala ye awa bale too awa bisha. Á tshe koedjidji boe nene, katoe ye ti.

¹¹Wusoe noe adoeke, uzu ataa soe loe djingili, tshe koedoe ayi koembaoeroe ekperoe yé tshe soe koewa ngbanga ga toe ye doe toe ye.

Ndangba koemi upu

¹²Ob á moe koewwa Artemase too Tishike foe boe, pa avwara koena koegbo moe ba loe Nikopolise. Ba zoe, dá oendoe moe oe di mboeroe yapu noe izi.

¹³Mboeroe ko toe koegi Zenase á tshe koedoe avoka oedoe pe Apolo ga toe awa ana noe endje. Mboeroe oeneke ko á li foe endje.

¹⁴Mboeroe adoeke aaya azoe doe ayindoe Yisu zatoe endje ndoe otsho akwa doe losu endje bale, mboeroe koeti kane anga azu á endje soe loe oyo. Ataa, mara otsho endje oe soe gbambanoe nene.

¹⁵Azu para á endje soe doe moe ba ke vwa abala foe boe. Za ndje abala foe anga azoe doe ayindoe Yisu. Kaka Ndjaba yisoe otsho losu noe ye ga ndoe 'e para koko.

Filemɔ

Filemɔ 1

Abala

¹Ɔemɔe Polo, á endje za mɔe vwi ga lɔe kánga mbɔerɔe akwa nɔe Yisu Kristu, dá sɔe kɔesu mbetinɔe asɔeke ɔedɔe aya azɔe dɔe Timote. 'A su mbetinɔe fɔe bɔe Filemɔ, yanga 'a lɔe ama akwa.

²Dɔe yingɔ 'a dɔe Apia, dɔe Arkipe yanga 'a lɔe koshe ɔedɔe ndje fɔe anga ayindɔe Yisu á endje ngbɔtɔe endje ba sɔenda nɔe zɔe.

³Kaka Aba azɔe dɔe Ndjaba, dɔe Gbozu Yisu Kristu yisɔe ɔtshɔ lɔsu nɔe endje ga ndɔe 'e yé ɔe za kɔesɔe gee nɔe endje fɔe 'e.

Kɔeyindɔerɔe ɔedɔe pe kɔeyindɔesho nɔe Filemɔ

⁴Ɔlɔ dɔe ɔlɔ mɔe sɔe kɔegbe dɔe bɔe lɔe kɔeza avwala nɔe mɔe fɔe Ndjaba, yé ɔe sɔe kɔegi ndje mershe waa fɔe she tɔe upu nɔe zɔe;

⁵gbambanɔe nene, mɔe dji azu kɔepa o'o mbɔerɔe kɔeyindɔesho nɔe zɔe ga ndɔe ayerɔe azu nɔe Ndjaba para kɔkɔ ɔedɔe pe ndje kɔeyindɔerɔe nɔe zɔe ga ndɔe Gbozu Yisu.

⁶Mɔe sɔe kɔeyu Ndjaba adɔeke kɔeyindɔerɔe á ngbɔba azɔe dɔe bɔe ga tɔenɔe ma akwa, yeka á bɔe kɔewusɔe ɔtshɔrɔe kɔ á a gbɔ lɔe kɔengbɔtɔe azɔe bale dɔe Kristu dɔe ɔtshɔnɔe.

⁷Aya, yanga nɔe mɔe dopa nɔe kolɔe mbɔerɔe kɔeyindɔesho nɔe zɔe ga ndɔe anga ayindɔe Yisu yé mɔe ru lɔsu mɔe mbɔerɔe tɔenɔe. Gbambanɔe nene, bɔe mbɔerɔe adɔeke lɔsu ayerɔe azu nɔe Ndjaba zi tii.

Polo yu Filemɔ tɔe Onezime

⁸Mbɔerɔe tɔenɔe ndje ataa, Kristu za awa fɔe mɔe kɔepa fɔe bɔe, ɔeneke kɔ á li adɔeke bɔe mbɔerɔe,

⁹kashe mɔe sɔe kɔe'eshondɔe nɔe adɔeke bɔe mbɔerɔe kolɔe lɔe kɔeyindɔesho nɔe zɔe. Mɔe yindɔe kɔeyu bɔe tɔe ɔerɔe bale, ɔemɔe dɔe yagbozu Polo, á mɔe sɔe ngɔngɔ asɔeke lɔe kánga mbɔerɔe Yisu Kristu,

¹⁰mɔe yu bɔe tɔe upu nɔe Onezime, á tshe wuta gbolo nɔe mɔe á mɔe zu she lɔe kánga ba ke.

¹¹Utshunɔe lima, tshe sɔesɔe lima kɔembɔerɔe ɔerɔe bale fɔe bɔe nene, kashe ngɔngɔ asɔeke, tshe li kɔembɔerɔe ɔerɔe fɔe azɔe dɔe bɔe.

¹²Mɔe gi she fɔe bɔe, ɔeshe á tshe sɔe fata tshakala kote mɔe.

¹³Ɔe li má dœ mœ kœgbœndœ ye ba ìndiri mœ ba ke á tshe kœmbœerœ akwa fœ mœ tœ œsœ zœ lœ kánga á mœ li lœ kumu Ɔtshœ O'o.

¹⁴Kashe mœ gbege kœmbœerœ ataa utshu kœdji gbetshelœ nœ zœ nene. Mœ sœsœ kœtovworogbo bœ kœmbœerœ Ɔtshœrœ fœ mœ dœ Ɔgbœ nene, kashe œ li dœ bœ kœmbœerœ œneke á lœsu zœ yindœ nœ dœ tœ zœ.

¹⁵Anganœ endje kurutshelœ 'e dœ Onezime ndœ olo teasho adœke bœ kpa kœkwatœ zœ ga ndœ ye waa dœ waa.

¹⁶Ngœngœ asœke, tshe kpa dœdœ kolœ kanga nene, tshe ropa kanga ye. Tshe wuta aya azœ á mœ yindœ ye tœpanœ kpuru. Mœ yindœ ye waa kashe œbœ, bœ kpa yindœ ye tœpanœ kpuru œdœ bata uzu œdœ bata yindœ Kristu.

¹⁷Ɔedœ bœ kœwusœ nœ adœke œmœ kœdœ adja yanga zœ, za osho kœsœ fœ she bata á li dœ bœ kœza má fœ mœ.

¹⁸Ɔedœ tshe kœmbœerœ lima ekperœ fœ bœ, œdœ kudœ nœ zœ kœsœ ndje lima lœ kumu ye, za djigi ga pa mœ.

¹⁹O'o asœke adja mœ dœ Polo dá su: œmœ mœ gi kudœ tshaangba ye para kœkœ fœ bœ. Kashe œbœ ndje, bœ gbe dœ kudœ nœ mœ á sœ pa zœ kane: kudœnœ asœmœ kœdœ soro zœ.

²⁰Atamœ aya, mœ yu bœ adœke bœ mbœerœ Ɔtshœrœ fœ mœ adœke lœsu mœ zi tii mbœerœ a sœ bale lœ ì'iri Kristu.

²¹Mœ sù mbetinœ asœke fœ bœ dœ lœsu adœke bœ mbœerœ œneke á mœ eshondœ nœ ga tœ zœ yé mœ wusœ nœ adœke bœ kpa mbœerœ kœropa œneke á mœ gbe dœ tœnœ.

²²Ga pa nœ, œ li adœke bœ guma osho olo fœ mœ mbœerœ mœ wu adœke Ndjaba œ dji avwala nœ 'e yé œ kœrœ awa fœ mœ ndœ kœna ga ndœ 'e zœ.

Abala nœ azu fœ Filemœ

²³Epafraze á 'a sœ dœ she lœ kánga mbœerœ Yisu Kristu, vwa abala fœ bœ.

²⁴Aanga mœ lœ ama akwa: Marke, Aristarke, Demasi œdœ pe Lukasi á 'a sœ tœ kœmbœerœ akwa nœ Ndjaba awa bale dœ endje asœmœ, para kœkœ endje vwa abala fœ bœ.

²⁵Kaka adœke Gbozu nœ azœ dœ Yisu Kristu ma Ɔtshœ lœsu nœ ye ga ndœ 'e.

Ebre

Ebre 1

Ndjaba pa o'o lœ awa nœ Gbolo nœ ye

¹Utshunœ lima, Ndjaba pa o'o fœ aata azœ, tshe pa o'o lœ awa nœ aayi kœgbara o'o; tshe pa o'o fœ endje kpalakpala œdœ pe lœ tshelœ aka mara ndjoro,

²yé ngɔngɔ tœ ndɔngɔɔ oshonœ asœke á a sœ lœ nœ, tshe pa o'o fœ azœ lœ awa nœ Gbolo á tshe za she kœsœ tœ ayengɔ œrœ kɔ, lœ awa nœ ye ndje dá tshe mbœrœ tshapashɔ.

³Gbolo kœdœ kœtshi nœ mokɔ nœ ye, tshe kœdœ adja angwa ye. O'o ama ye sœ dœ gbɔgbɔ yé œtœnœ dá mbœrœ adœke œrœ tshapashɔ para kɔkɔ sœ zœ. Mangba kœdjutɔ ekperœ nœ azu, tshe sœ ga pa kuni Ndjaba á tshe sœ dœ gbɔgbɔ kœropa nœ kɔ ba lafo.

Gbolo nœ Ndjaba ropa aandjelu

⁴Gbolo ropa aandjelu ye. Dœ tœnœ ataa á Ndjaba za ì'irì kpi á rosœ œnœ endje fœ she.

⁵Atamœ, Ndjaba papa fœ anga andjelu nœ ye bale nene adœke: «Bœ kœdœ Gbolo nœ mœ, yé kœto kpesheke, œmœ kœdœ Aba zœ.» Yé tshe papa ndje o'o tœ upu nœ anga andjelu bale nene adœke: «Mœ dœ bala Abanœ, yé tshe dœ bala Gbolo nœ mœ.»

⁶Kashe dœ lɔndɔ á Ndjaba vwa lima eya Gbolo nœ ye ga pa tshapashɔ, tshe pa adœke: «œ li adœke aandjelu nœ Ndjaba kɔ gote ga tshatshu ye.»

⁷Tshe kpa pa o'o tœ upu nœ aandjelu adœke: «Mœ mbœrœ adœke aandjelu nœ mœ sœ bata ìshirì, yé mœ mbœrœ adœke aayi akwa nœ ye sœ bata lafa owo.»

⁸Kashe tœ upu nœ Gbolo, tshe pa adœke: «Uu Ndjaba, ngande tshagbozu nœ zœ sœ waa dœ waa. Bœ sœ kœmbœrœ akwa tshagbozu nœ zœ dœ mara á sœ ndjii.

⁹Bœ sœ kœyindœ œrœ á sœ ndjii, yé bœ sœ kœyiangba ekperœ, mbœrœ tœnœ ataa, uu Ndjaba, Ndjaba nœ zœ dá ke bœ adœke bœ sœ dœ yanga, yé tshe ma adœke œne yindœ zœ kœropa anga zœ.»

¹⁰Tshe kpa pa ndje adœke: «Gbozu, œbœ dá mbœrœ ɔshɔ pe tœ alinœ utshunœ, tshalafo kœdœ tshangba akwa ndœ kane zœ.

¹¹œrœnœ asœke kɔ œ yiwa bala ye, kashe œbœ, bœ sœpe zœ. Tshalafo œdœ tshaati œ wuta bata ongboro lœba;

¹²bœ vwele œtœnœ bala ga tœnœ bata á endje vwele yɔgbɔɔ lœba, yé endje yapa œtœnœ bata lœba. Kashe œbœ, bœ sœ kolœ bata á bœ sœ ascœmœ yé ndɔngɔɔ zœ œ sœ tœnœ nene.»

¹³Ndjaba papa fœ anga andjelu nœ ye bale nene adœke: «Na œ sœ ga pa kuni mœ, mœ ko ayingba zœ ga tshakudu ada zœ.»

¹⁴Aandjelu kœdœ adœ e? Endje para kœkœ kœdœ ishiri á sœ kœembœrœ akwa fœ Ndjaba: Tshe sœ kœvwa endje adœke endje ti kane azu á endje li kœgbo kœshe.

Ebre 2

Kœshe á gerœ dopance

¹Mbœrœ tœnœ ataa, œ li adœke a shi gbi lœ o'o á a dji œdœ a kœyindœ nœ adœke a djingili awa nene.

²Gbambanœ nene, œdœ o'o á aandjelu pa lima ndœ nœ kœematœ ye adœke œtœnœ kœdœ adja o'o, yé œdœ azu á endje ndi lima tshelœnœ, œdœ azu á endje vwara lima tœ endje tœ kœlisœ o'onœ ascœmœ kœgbo lima djofele á li dœ endje,

³azœ dœ tœ azœ a kpa lœ manœ kotoo œdœ a kœsœ kœembœrœtœ mara kœshe ataa? Gbozu dá yi lima sœ œrœ tœ upu nœ utshunœ, manda nœ á azu á endje dji lima she ma kikilœnœ fœ azœ.

⁴Ndjaba to ndje gbœgbo nœ ye ga lœ kœemarœ nœ endje lœ awa nœ ambára ndjoro, ogboro œrœ dœ tshelœ áká afá kœ, œ ga ndœ lœ awa nœ kœeto œrœ nœ Otshœ Ishiri fœ azu lindœ œeneke á lœsu ye yindœ nœ.

Yisu kœdœ ayi kœza kœshe fœ azu

⁵Gbambanœ nene, Ndjaba zaza tshapashœ nœ tshambatsha á a sœ kœpa tœnœ, fœ aandjelu nene.

⁶Andaa, anga uzu bale su o'o ala Buku nœ Ndjaba adœke: «Uzu kœdœ dœ yeká á bœ kœsœ kœgbe dœ she a? Too gbolo nœ uzu kœdœ dœ á bœ kœko ala zœ ga pa ye a?

⁷Bœ za she teasho ga tshakudu aandjelu, bœ za mokœ œdœ kœlisœtœ fœ she.

⁸Bœ ko œrœ kœ ga tshada ye.» Bata á Ndjaba za she tœ gbozu tshapa œrœ kœ, anga œrœ bale á tshapu kœsœ ga tshakudu ye gugu nene. Andaa, a wuwu damba nene adœke Ndjaba ko œrœ para ga tshakudu ye.

⁹Kashe œrœ á a sœ kœwu tœnœ dœke: Yisu á Ndjaba za lima she teasho ga tshakudu aandjelu, gbœ mokœ œdœ pe kœlisœtœ lœ kumu kœwu œrœ kanga nœ kuzu á tshe tshu. Ataa lœ awa nœ otshœ lœsu nœ Ndjaba, tshe tshu kuzu tœ upu nœ azu kœ.

¹⁰Gbambanœ nene, œ li adœke Ndjaba á tshe mbœrœ œrœ kœ, á sœ kœembœrœ adœke œrœnœ sœ zœ ascœmœ, za Yisu tœ uzu á tshe li lœ awa nœ kœwu oyo

mbœrœ adœke agbolo ndjoro kœwu mokɔ nœ ye. Gbambanœ nene, Yisu kœdœ uzu á tshe sœ kœyisœ awa kœshe fœ endje.

¹¹Andaa Yisu á tshe sœ kœmbœrœ adœke azu wuta yerœ lœ ekperœ nœ endje dœ pe endjeneke á endje wuta yerœ, endje sœ dœ Aba bale. Mbœrœ tœnœ ataa dá Yisu sœsœ dœ tshula kœ'e endje adœke aaya œne nene.

¹²Yé tshe pa adœke: «Uu Ndjaba, mœ pa bala o'o tœ upu nœ i'iri zœ fœ aaya mœ, yé mœ bi itshi kœdonga dœ bœ ugurutœ ukpulu azu lœ angbɔtœ.»

¹³Tshe kpa pa adœke: «Mœ za bala lœsu mœ djigi fœ Ndjaba.» Yé ga pa nœ: «Wu mœ, œmœ œdœ agbolo á Ndjaba ko endje fœ mœ dœke.»

¹⁴Ataa, бата á agbolo kœdœ azu á endje sœ dœ songba œdœ dœ indji, Yisu wuta ndje awa bale бата endje, tshe mbœrœ œrœ kɔ nœ mara nœ endje dœ azu. Lœ awa kuzu nœ ye, tshe ropa djaboro á tshe sœ lima dœ gbɔgbɔ nœ kuzu,

¹⁵œdœ dœ œnœ kœvwara azu á awa kuzu fa lima endje tœ akanga lœ soro endje djigi.

¹⁶Gbambanœ nene, tshe nana mbœrœ kœti kane aandjelu nene, kashe tshe na mbœrœ aata Abayamo.

¹⁷Mbœrœ tœnœ ataa, œ li lima adœke tshe wuta awa bale бата aayanœ lœ áká œrœ kɔ yeka á kœte egerœ nganga Ndjaba nœ lœsu kœwu oyo, á tshe sœ ndjii utshu Ndjaba mbœrœ kœdjerœndœ ekperœ nœ azu.

¹⁸Gbambanœ nene, бата á tshe wu lima oyo dœ tœ ye lœ kœwu lœsu nœ Satana, tshe li ndje kœti kane endjeneke á Satana sœ kœwu lœsu endje ye.

Ebre 3

Yisu kœdœ egerœ uzu kœropa Moyize

¹Atamœ, aaya mœ, e'e kœdœ ayerœ azu nœ Ndjaba á tshe e 'e ndœ kœmbœrœ ogo nœ ye ba lafo, 'e meosho ga tœ Yisu á tshe dœ ayi avwa œdœ egerœ nganga Ndjaba nœ kœyindœrœ á a sœ kœmindœ nœ.

²œ dœ adjapu adœke tshe sœ lima ndjii utshu Ndjaba á tshe ke she ndœ akwa бата á Moyize sœ ndje lima ndjii lœ anda nœ Ndjaba djigi.

³Endje donga ayi kœmɔ anda kœropa anda dœ tœ ye. Gbambanœ nene, mokɔ nœ Yisu ropa œnœ Moyize.

⁴Anda bale dœ bale kɔ sœ dœ uzu á tshe mɔ, yé uzu á tshe mɔ kɔ kœdœ Ndjaba.

⁵Andaa, Moyize za lima tœ ye kœmbœrœ akwa dœ lœsu ye bale lœ anda nœ Ndjaba djigi бата ayi akwa mbœrœ kœma œneke á li má adœke Ndjaba pa.

⁶Kashe Kristu zatœ ye kœmbœrœ akwa dœ lœsu ye bale b̄ata Gbolo, yé Ndjaba za she ga tœ kumu akwa lœ anda nœ ye. Anda nœ ye kœdœ azœ œdœ a kœsœpe kolœ kœyindœ nœ yé á sœ kœko lœsu azœ ga tœ œrœ á a sœ kœkate kœgbo tœncœ dœ yanga.

Azu nœ Ndjaba œ yatœ endje

⁷Mbœrœ tœncœ dá Ɔtsho Ɔshiri pa adœke: «Kpesheke, œdœ 'e kœsœ kœdji tshama ye,

⁸'e sœsœ dœ œgbo lœsu nene b̄ata lœndœ á 'e oma lima dœ Ndjaba, dœ olo á 'e wu lima lœsu ye b̄a lœ kpagagasho.

⁹Ba zœ, alaba 'e kœwu lima lœsu mœ dœ kœpara awa kœyu tshelœ mœ, yé endje wu lima akwa ndœ kane mœ

¹⁰manda ungu zazu bisha (40). Mbœrœ tœncœ ataa, mœ sœ dœ ókó ga tœ azu nœ oshonœ asœmœ yé á mœ pa adœke: “Gbetshelœ nœ endje sœ kœndi waa dœ waa, azuncœ asœmœ wuwu lima sœ awa mœ nene.”

¹¹Gbambanœ nene, mœ dara ama mœ lœ ókó nœ mœ adœke: A wu bala zœ, œdœ endje œ li bala kœyatœ endje b̄a ndœ mœ!»

¹²Alaya mœ, 'e sœ dœ gb̄djela. Kaka adœke uzu bale ugurutœ 'e sœsœ dœ ekpe lœsu dœ pe sharapu neke á vwa she kœfa tshangba ye fœ Ndjaba nœ soro nene.

¹³Kashe 'e to gb̄gbo ugurutœ 'e dœ anga 'e œlœ dœ œlœ b̄ata á endje sú ala Buku adœke œndœ «tshakpesheke» sœpe kœdi tœncœ, mbœrœ adœke ekperœ bibili uzu bale ugurutœ 'e, á tshe kœwuta dœ œgbo lœsu nene.

¹⁴Gbambanœ nene, œdœ a kœsœpe kœshi gbi œrrr ga tœ ndœngœlœ soro azœ lœ kœyindœrœ b̄ata á a gb̄o lima tœ alinœ, a wuta aayi kœmbœrœ akwa awa bale dœ Kristu.

¹⁵Endje su bala buku nœ Ndjaba adœke: «Kpesheke, œdœ 'e kœsœ kœdji tshama ye, 'e sœsœ dœ œgbo lœsu b̄ata dœ lœkœ á 'e oma lima dœ Ndjaba nene.»

¹⁶Azu adœ dá dji lima tshama ye, yé á oma dœ she a? Œ dœdœ lima azu kœ á Moyize ko endje wuta tœncœ ga ushu lœ ogo Ezipito nene a?

¹⁷Yé adœ dá Ndjaba sœ lima dœ ókó ga tœ endje manda ungu zazu bisha a? Œ dœdœ ga tœ azu á endje mbœrœ lima ekperœ yekane á tshu b̄a lœ kpagagasho nene a?

¹⁸Yé adœ dá Ndjaba dara lima ama ye adœke endje li kœyatœ endje b̄a ndœ œne nene a? Œ dœdœ mbœrœ azu á endje oma lima asœmœ nene a?

¹⁹Yé a wu adœke endje lili lima kœli ga zœ nene mangba œgbo lœsu nœ endje.

Ebre 4

¹Ndjaba pa lima ndœ nœ fœ azœ adœke a li bala kœyatœ azœ ba tœ osho á œne guma fœ azœ. Ataa, ala azœ gbɔ adœke anga uzu bale ugurutœ azœ tshatshapu kœli ga zœ nene.

²Gbambanœ nene, a gbɔ Ɔtshɔ O'o bata á azunœ asœmœ gbɔ ndje lima. Kashe o'o á endje dji lima mboembœrœ œrœ bale tœ endje nene, mboerœ aayi kœedji tœnœ dji lima tako kashe endje yiyi lima ndœ nœ nene.

³Yé azœ á a sœ dœ kœyindœrœ, a li bala kœyatœ azœ ba tœ osho á Ndjaba pa lima o'o tœ upunœ adœke: «Mœ dara ama mœ lœ ókó nœ mœ: Endje li bala kœyatœ endje ba tœ osho kœyatœsho nœ mœ nene!» Ndjaba pa atamœ, kashe osho kœyatœshonœ asœmœ, tshe guma lima kœto tœ ali kœembœrœ tshapashɔ.

⁴Gbambanœ nene, endje sú tœ upu nœ olo mindu dœ bisha (7) adœke: «Yé Ndjaba ya lima tœ ye dœ olo mindu dœ bisha manda kœka akwa nœ ye kɔ.»

⁵Yé endje kpa su o'onœ asœmœ adœke: «Endje li kœyatœ endje ba tœ osho nœ mœ nene.»

⁶Dœ tœnœ ataa, azu á endje dœ lima azu utshunœ kœedji Ɔtshɔ O'o, endje lili lima kœyatœ endje ba tœ oshonœ asœmœ nene, mbœrœ endje vwara lima tœ endje kœlisœ Ndjaba ye, andaa anga azu li kœli tœnœ ye.

⁷Ndjaba kpa za anga olo kœli ga zœ, á tshe e i'irínœ «kpesheke». Olo ndjoro manda nœ, tshe pa lima o'o waa lœ awa nœ Davidi lœ ada mbeti á endje pa tœnœ utshunœ adœke: «Kpesheke, œdœ 'e kœedji tshama ye, 'e sœsœ dœ œgbɔ lœsu nene.»

⁸Yé œdœ Yosuwá kœto lima azu li tœnœ ba tœ osho nœ kœyatœsho, Ndjaba œ kpa pa má o'o tœ anga angbi olo bala nene.

⁹Ataa, olo kœyatœsho nœ lœkɔ sabata sœ mbœrœ azu nœ Ndjaba.

¹⁰Gbambanœ nene, uzu á tshe li ga lœ kœyatœsho nœ ye, sœ ndje kœyatœ ye manda akwa á tshe mbœrœ bata á Ndjaba ya ndje lima tœ ye manda œnœ ye.

¹¹A pa avwaratœ azœ kœli ga lœ kœyatœshonœ asœmœ, adœke adja mara œgbɔ lœsunœ asœke kœembœmbœrœ adœke uzu bale te nene.

¹²Gbambanœ nene, o'o ama Ndjaba sœ dœ soro œdœ dœ gbɔgbɔ, yé amanœ ki kœropa ingiri yakamba á amanœ sœ bisha. Œ sœ kœli œrrr ga tœ kœkurutshelœ uvuru dœ ishiri, tshelœ kpoto ngbabi dœ vwala. Œ sœ kœwa ngbanga ugurutœ gbetshelœ œdœ o'o á sœ ba lœsu uzu.

¹³Anga œrœ bale á Ndjaba mbœrœ á zatœ ye yiwatœ nœ tœ ala ye gugu nene. Œrœ kɔ sœ kpendro, ngbi tœ ala ye, yé fœ she dá a li kœpa o'o tœ upu nœ œrœnœ kɔ á a mbœrœ.

Yisu kœdœ egerœ nganga Ndjaba nœ azœ

¹⁴A sœ dœ egerœ nganga Ndjaba á œsœ ye li, œshe kœdœ Yisu, Gbolo nœ Ndjaba. Tshe ro tɔ lœ tshalafo œ gu ga ndœ Ndjaba. Atamœ, a shi gbi lœ kœyindœrœ nœ azœ.

¹⁵Gbambanœ nene, egerœ nganga Ndjaba nœ azœ awa bale dœ azœ lœ kœmœ nœ azœ sœ zœ. Satana wu lima lœsu ye lœ œrœ kɔ b̄ata á tshe sœ kœembœrœ dœ azœ, kashe tshe mbœmbœrœ ekperœ bale nene.

¹⁶Ataa, a na dœ lœsu azœ djigi ga tœ ngande tshagbozu nœ ɔtshɔ lœsu nœ Ndjaba mbœrœ á tshe kœwu oyo azœ yekane á kœma ɔtshɔ lœsu nœ ye ga ndœ azœ mbœrœ kœti kane azœ dœ lɔkɔnœ á tshe yindœ nœ.

Ebre 5

¹Egerœ nganga Ndjaba kɔ, endje ke she ugurutœ azu mbœrœ kœmbœrœ akwa tshagurutœ azu dœ Ndjaba tœ upu nœ endje. Akwa nœ ye kœdœ kœko kœtorœ œdœ tokóró mbœrœ ekperœ.

²Tshe li kœsœ dœ ɔmɔ lœsu ga ndœ azu á endje wuwusœ œrœ nene yé á sœ lœ djingili. Gbambanœ nene, œshe ndje dœ tœ ye kœdœ uzu á tshe sœ dœ kœmɔ.

³Yé mbœrœ kœmɔnœ, œ li adœke tshe to tokóró mbœrœ ekperœ nœ azu œdœ ndje mbœrœ œnœ ye dœ tœ ye.

⁴Uzu bale lili kœketœ ye dœ tœ ye adœke œne dœ egerœ nganga Ndjaba nene. Kashe Ndjaba dá e uzu ndœ kœmbœrœ tœnœ, b̄ata á tshe e lima Aro.

⁵œtœnœ ataa dá Kristu zaza kœlisœtœ nœ kœwuta egerœ nganga Ndjaba ga tœ ye dœ tœ ye nene; kashe tshe gbɔ ba ndœ tsheneke á tshe pa fœ she adœke: «œbœ kœdœ Gbolo nœ mœ kpesheke, œmœ kœdœ Aba zœ.»

⁶Yé ba tœ anga oshonœ, tshe pa adœke: «œbœ kœdœ nganga Ndjaba waa dœ waa ba lœ mara nœ Melekisedeke.»

⁷Lœ soro ye ba pa ɔshɔ, tshe sœ lima kœza avwala dœ ɔgbɔ rawa œdœ dœ ngola fœ tsheneke á tshe li lima kœshe she lœ akuzu, yé Ndjaba yi lima ndœ nœ mbœrœ á tshe li lima œsœ ye dœ kœzatœ ye ga atɪ fœ she.

⁸Ataa œshe kœdœ lima Gbolo nœ Ndjaba gbaa, tshe wusœ kœlisœ Ndjaba lœ awa nœ œrœ kanga nœ ye kɔ á tshe wu.

⁹Yé manda nœ á Ndjaba fa she lima tœ uzu á tshe li, tshe wuta lima ayi kœza kœshe nœ waa dœ waa fœ azu á endje sœ kœlisœ o'o ama ye.

¹⁰Ndjaba ma she ngbi tœ egerœ nganga Ndjaba lœ mara nœ Melekisedeke.

Kœgbota tshelœ utu tœ upu nœ kœkatœ kœyindœrœ

¹¹A sœ dœ o'o ndjoro kœpa tœ upu nœ asœ, kashe kœpandœ ádánœ gbo waa mbœrœ 'e kpa sœsœ kœdji tshelœkata o'o katsha katsha nene.

¹²E dœ má balima aayi kœyisœrœ katshatsha ye. Kashe 'e kpa gbe adœke endje yisœ ali o'o nœ o'o ama Ndjaba fœ 'e. 'E sœpe damba kœgbe dœ kœa ɔngɔ, tœ œsœncœ adœke 'e zɪ ɔgbo rœgo.

¹³Uzu kɔ á tshe sœpe kœa ɔngɔ, tshe lili kœmiroetshelœ ye pa upu nœ œrœ á sœ ndjii nene, mbœrœ œshe kœdœ awaya.

¹⁴Kashe ɔgbo kœzirœ sœ mbœrœ agbozu á lœ awa nœ œrœ kɔ á endje mbœrœ, li kœkurutshelœ ekperœ dœ ɔtshœrœ.

Ebre 6

¹Mbœrœ tœncœ ataa, a fatœ azœ ndœ kœyisœrœ nœ agbozu yé œ katœ kœyisœrœ nœ agbolo ga manda azœ tœ upu nœ Kristu. A kpa kwakwatœ azœ ndœ œrœ á endje guma utshuncœ nene: kœfatshalɔsu tœ œrœ á sœ kœyi osho ga lœ kuzu nœ ishiri yé œ sœ dœ kœyindœrœ ga ndœ Ndjaba,

²kœyisœrœ tœ upu nœ batisimu, tœ upu nœ kœto kane ga pa azu, tœ upu nœ kœshe lœ akuzu œdœ pe tœ upu nœ kœwa ngbanga nœ waa dœ waa.

³'E wu œrœ á li dœ azœ adœke a mbœrœ bala œdœ Ndjaba kœyindœ nœ, dœ mœ.

⁴Gbambancœ nene, azu á endje wu ingbisho nœ Ndjaba, endje á endje wusœ kœtorœ nœ tshalafo á Ndjaba to fœ endje, endje á endje te azu nœ ɔtshɔ ishiri,

⁵endje á endje dji o'o ama Ndjaba dœ ɔtshœncœ œdœ gbɔgbo nœ tshapashɔ á na ba mbatsha

⁶yekane á kpa yo, œ li nene adœke endje kpa fatshalɔsu endje. Andaa endje kpa sœ kœkuru Gbolo nœ Ndjaba ga pa kurushi mbœrœ kœfatshalɔsu nœ endje yé œ sœ kœgu she tœ ala azu.

⁷œdœ ɔshɔ kœsœ kœndjoro ungu yavuru ɔɔ dœ ɔɔ yé á ɔkɔ ngwarœ nœ azu á endje lu kœsœ kœga tœncœ, œ yindœ kœpa adœke Ndjaba to kane ye ga pa ɔshœncœ ye.

⁸Kashe œdœ œ kœsœ kœzu ishi œdœ gusu á sœ dœ ishi, œ sœ dœ ádá bale nene. œ sœ ndoo adœke Ndjaba darandœ nœ yé œ sho.

⁹Tœ 'e dœ aaya 'a á 'a yindœ 'e waa, 'a yindœ nœ lœ o'o á 'a sœ kœpa tœncœ adœke, 'e sœ kœza ɔtshɔ awa á sœ kœto 'e na tœncœ ndœ kœshe.

¹⁰Yé Ndjaba sœ ndjii, tshe lili kœdjeroendœ akwa œdœ kœyindœsho á 'e ma ga tœ i'iri ye lœ awa nœ kœmbœrœ akwa á 'e mbœrœ lima fœ ayerœ azu œerrr ga tœ ngɔngɔ asœke nene.

11 Kashe ogo nœ 'a sœ adœke uzu dœ uzu zatœ ye djigi ndœ kœmbœrœ atamœ œerrr ga tœ ndœngœlœnœ yekane á kœgbœ œeneke á tshe za lœsu ye ga pa nœ.

12 'E mœmœ nene, kashe 'e za mara kœmbœrœ œrœ nœ azu á endje gbœ œrœ á Ndjaba pa tœnœ lœ awa nœ kœyindœrœ œdœ kœru lœsu nœ endje ga ndœ ye.

œrœ á Ndjaba pa tœnœ

13 Lœndœ á Ndjaba pa lima tœ œrœ fœ Abrayamo, tshe dara lima ama ye dœ i'iri ye dœ tœ ye; gbambœnœ nene, anga uzu á tshe ropa ye adœke tshe dara ama ye dœ i'iri ye gugu nene.

14 Yé tshe pa adœke: «Adjapu, mœ to kane mœ ga pa zœ waa, yé mœ mbœrœ adœke aata zœ ngba kœropœ.»

15 Abrayamo sœ lima kœvu dœ ugu lœsu yé tshe gbœ lima œeneke á Ndjaba pa lima tœnœ fœ she ye.

16 Azu dara ama endje dœ i'iri uzu á tshe ropa endje, yé œ sœ kœmbœrœ adœke sharapu sœ ugurutœ endje pa o'o á endje dara ama endje lœ kumunœ nene.

17 Andaa, Ndjaba yindœ kœma fœ azu á endje gbœ bala œœnœ á tshe pa lima tœnœ fœ Abrayamo adœke, sharapu œ sœ tœ upunœ nene. Tshe dara ama ye ndœ kœma adœke, o'o á œne pa dœ lœsu œne bale asœmœ, œne kpa yapa nene.

18 Atamœ, Ndjaba mbœrœ œrœ bisha neke á tshe lili kœyapa tœnœ nene œdœ ndje kœpa wala tœ upunœ nene, mbœrœ kœto gbœgbœ á rosœ nœ fœ azœ. Mbœrœ tœnœ ataa, a sœ dœ ugu lœsu, azœ á a sœ kœkate kœgbœ œœnœ á a ko lœsu azœ ga panœ asœmœ.

19 œœnœ á a ko lœsu azœ ga pa nœ mbœrœ adœke a shi mbœrœ tœnœ. Soro azœ shi mbœrœ tœnœ bata egerœ agba œ shi mbœrœ longo. œœnœ asœmœ li kpuru djagakele rido,

20† Yisu li ba zœ utshunœ mbœrœ azœ, yé œ te egerœ nganga Ndjaba waa dœ waa bata Melekisedeke.

Ebre 7

O'o tœ upu nœ Melekisedeke

1 Melekisedeke kœdœ lima gbozugo Saleme œdœ nganga Ndjaba nœ Ndjaba á tshe ropa œrœ kœ. Melekisedeke na para tshatshu Abrayamo dœ lœkœ á tshe sœ lima kœgu tœnœ manda kœnga koshe dœ agbozugo, yé œ to kane ye ga pa ye.

2 œshe dá Abrayamo ko lima œrœ bale lœ ndjokpanœ á tshe gbœ, fœ she. Utshunœ kœ, ádá i'iri ye kœdœ «gbozugo nœ o'o á sœ ndjii», yé ga pa nœ, œshe kœdœ gbozugo Saleme á yindœ kœpa adœke «gbozugo nœ kœsœ gee».

³Endje wuwusœ abanœ dœ ayinœ nene, endje wuwusœ o'o tœ upu nœ uwu aalatanœ œdœ olo kœzu she nene, endje wuwu ndje sœ ndɔngɔɔ soro ye nene; kashe tshe sœ ɓata Gbolo nœ Ndjaba: tshe dœ nganga Ndjaba nœ waa dœ waa.

⁴E wu mara á tshe dœ egerœ uzu, œshe á ata azœ dœ Abrayamo ko œrœ bale lœ ndjokpa á tshe gbɔ lœ koshenœ fœ she.

⁵Andaa, koeli dœ awa akwa, aata Levi á endje dœ lima anganga Ndjaba dá lima kœ'eshondœ œrœ bale lœ ndjokpa nœ azu Israyele, œ yindœ kœpa adœke aaya endje á endje kœdœ aata Abrayamo.

⁶Melekisedeke sœsœ lima lœ uwu aata Levi nene, kashe Abrayamo to lima œrœ bale lœ ndjokpa fœ she. Gapa nœ, tshe to kane ye ga pa Abrayamo á Ndjaba pa lima tœ œrœ fœ she.

⁷Andaa dœ sharapu nene, egerœ uzu dá to kane ye ga pa aya uzu asœmœ.

⁸Yé endjeneke á endje sœ kœgbɔ œrœ bale lœ ndjokpa kœdœ azu á endje tshuutshu, kashe tœ upu nœ Melekisedeke, endje pa adœke œshe kœdœ uzu á tshe sœ dœ soro.

⁹Tœ ndɔngɔɔnœ kɔ, œneke yindœ kœpa adœke, lɔkɔ á Abrayamo ko bale lœ ndjokpa asœmœ, œ yindœ kœpa adœke Levi á tshe sœ lima kœgbɔ œrœ bale lœ ndjokpa ko ndje œnœ ye yé.

¹⁰Gbambanœ nene, ataa endje zuzu lima Levi nene gbaa, œ sœ ɓata tshe sœ lima ɓa lœ atanœ dœ Abrayamo zœ lɔkɔ á Melekisedeke na lima para tshatshu ye.

¹¹Awa akwa pa adœke anganga Ndjaba œ wuta lœ uwu aata Levi. Andaa œdœ anganga Ndjaba lœ uwu aata Levi kœembœrœ lima akwa á li, ádá nœ kœgbɔ má anga angbi anganga Ndjaba ɓa lœ uwu aata Melekisedeke gugu nene tœ œsœnœ adœke endje ke endje ɓa lœ uwu aata Aro.

¹²Gbambanœ nene, œdœ endje kœyapa uwu kœembœrœ akwa nœ anganga Ndjaba, œ li adja adœke endje yapa awa akwa.

¹³Yé Gbozu nœ azœ á a pa o'o tœ upu nœ ye asœke, tshe sœ lœ anga angbi mara á anga uzu bale lœnœ mbœmbœrœ akwa nganga Ndjaba ɓa pa ndaba nene.

¹⁴Azu kɔ wusœ nœ adœke tshe to lœ mara nœ Yuda, á Moyize papa lima o'o bale ala mbeti nœ ye tœ upu nœ anganga Ndjaba nene.

Anga nganga Ndjaba ɓata Melekisedeke

¹⁵Yé œneke á sœ kœma œtœnœ ngbi kœdœ adœke: Anga nganga Ndjaba á tshe wuta, tshe sœ ɓata Melekisedeke.

16Tshe wuwuta nganga Ndjaba lindœ awa akwa tœ upu nœ aata uzu nene, kashe tshe wuta nganga Ndjaba lœ awa nœ gbɔgbɔ nœ soro á ndɔngɔlɔnœ gugu nene.

17Yé buku nœ Ndjaba má adœke: «Bœ koedœ nganga Ndjaba nœ waa dœ waa bata Melekisedeke.»

18Ataa, endje ka lima tœ ongboro awa akwa mbœrœ á gbɔgbɔnœ œdœ ádánœ gugu lima nene.

19Gbambanœ nene, awa akwa mbœmbœrœ adœke uzu dœ uzu á tshe li nene. Kashe anga ɔtshœrœ kœropa nœ á a za lœsu azœ ga pa nœ mbœrœtœ ye fœ azœ, yé lœ awanœ, a li kœgitœ azœ ndoo dœ Ndjaba.

20Yé œ mbœrœtœ endje dœ koedarama nœ Ndjaba. Anga azu tete anganga Ndjaba lœ awa nœ koedarama nene.

21Kashe mbœrœ she, tshe wuta lima nganga Ndjaba lœ awa nœ koedarama lœko má Ndjaba pa tœ upu nœ ye adœke: «Gbozu dara ama ye yé tshe yapa bala o'o ama ye nene: “bœ koedœ nganga Ndjaba nœ waa dœ waa.”»

22Mbœrœ tœnœ dá tafo ayo á Yisu wuta ayi kœgi sharapu ugurutœ Ndjaba dœ azœ, sœ dœ ɔtshœnœ kœropa ongboronœ.

23Ga panœ, anganga Ndjaba ngba lima waa mbœrœ endje sœ lima koetshu tœnœ, endje lili lima kœmbœrœ akwa nœ endje waa dœ waa nene.

24Kashe Yisu sœ dœ soro nœ waa dœ waa yé akwa nganga Ndjaba nœ ye œ ka nene.

25Mbœrœ tœnœ ataa, tshe li kœshe dœ mara nœ waa dœ waa endjeneke á endje na lœ awa nœ ye ga ndœ Ndjaba; gbambanœ nene, tshe sœ dœ soro á ka nene ndœ kœza avwala nœ ye fœ Ndjaba tœ upu nœ endje.

26Ataa, Yisu koedœ egerœ nganga Ndjaba á tshe li má dœ azœ. Tshe sœ yerœ, tshe gugu dœ o'o nœ uzu nene, tshe mbœmbœrœ ekperœ nene. Ndjaba za she kpi tœ aayi kœmbœrœ ekperœ yé œ za she ga pa œrœ kɔ.

27Tshe sœsœ bata anga angbi agboro anganga Ndjaba nene: tshe gbege kœza tokóró ɔɔ dœ ɔɔ utshunœ mbœrœ ekperœ nœ ye dœ tœ ye, yé manda nœ, mbœrœ œnœ azu ogo nene. Tshe za tokóró kolœ awa tshebabale lœkɔ á tshe za lima tœ ye dœ tœ ye tœ tokóró.

28Andaa, awa akwa sœ kœko azu á endje mœmœ tœ agboro anganga Ndjaba; kashe o'o nœ koedarama nœ Ndjaba á na manda awa akwa, za Gbolo á tshe guma œrœ ga tœ ndɔngɔlɔnœ djigi, tœ egerœ nganga Ndjaba mbœrœ waa dœ waa.

Ebre 8

Yisu kœdœ egerœ ngangã Ndjaba nœ azœ

¹Andaa, gilida o'o nœ azœ á a yindœ kœpa tœncœ kœdœ mara egerœ ngangã Ndjaba á a sœ dœ she, œshe á tshe sœ ga atĩ ga tœ kuni ngande tshagbozu nœ Ndjaba ba lafo,

²Ɔata ayi akwa nœ adja œyerœ osho œdœ œncœ adja gbanda tande á Gbozu mœ, kashe œ dœdœ uzu dá mœ nene.

³Endje za egerœ ngangã Ndjaba kœ ga tœ akwa mbœrcœ kœto kœtorœ œdœ tokóró. Mbœrcœ tœncœ ataa, œ sœ dœ ádá waa ye adœke tshe sœ dœ œrcœ kœto tœncœ.

⁴œdœ Kristu kœsœ lima Ɔa pa Ɔshœ, tshe dœ má ngangã Ndjaba nene. Gbambancœ nene, angã angangã Ndjaba á endje sœ kœko kœtorœ lindœ awa akwa, sœ zœ.

⁵Kashe endje sœ kœdongã Ndjaba ga tœ ishiri œrcœ, ga tœ desherœ á sœ kœma adjapu nœ tshalafœ. Mbœrcœ tœncœ ataa dá Ndjaba za lima o'o fœ Moyize utshu nœ kœmœ gbanda tande. Tshe pa fœ she adœke: «Wu, mbœrcœ kœ lindœ mara á mœ yi lima sœ nœ fœ Ɔœ Ɔa pa kaga.»

⁶Adjapu, tshe sœ kœmbœrcœ akwa á ropancœ kœ, mbœrcœ œshe kœdœ uzu Ɔa uguru Ɔtshœ ayo á ka ga pa Ɔtshœrcœ á Ndjaba pa lima tœ nœ.

⁷œdœ endje kœgbagbagbara o'o tœ upu nœ ayo neke lima utshuncœ nene, ádá nœ kœyapa tœncœ dœ bishancœ œ gu má nene.

⁸Kashe tœncœ kœdœ kœgbagbagbara osho dá Ndjaba sœ kœgbagbagbara dœ azu nœ ye lœkœ á tshe sœ kœpa adœke: «Gbozu pa adœke, dœ olo á na manda nœ, á mœ lu tafœ ayo ugurutœ mœ dœ azu Israyele œdœ dœ azu ogo Yuda,

⁹œ sœsœ Ɔata ayo á sœ lima ugurutœ mœ dœ aata endje lœkœ á mœ ko endje dœ kane mœ mbœrcœ kœko endje ga ushu lœ ogo Ezipito nene. Mbœrcœ endje dœ tœ endje, endje mbœmbœrcœtœ endje lima lindœ ayo nœ mœ nene. Gbozu pa adœke: œmœ ndje, mœ katœ endje ti ye.

¹⁰Gbambancœ nene, wu ayo á mœ lu bala dœ azu Israyele manda oloncœ ascœmœ dœke: ndœ kœza awa akwa nœ mœ, Mœ su bala awa akwa nœ mœ ga lœ gbetshelœ nœ endje œdœ ga lœsu endje. Mœ te bala Ndjaba nœ endje, yé endje te bala azu nœ mœ.

¹¹Uzu bale ugurutœ endje œ yisœ œrcœ nene fœ yangancœ too fœ ayancœ adœke tshe wusœ mœ, mbœrcœ endje para,œ wu bala sœ mœ ye, kœto kpœtœ aaya azu œrrr ga tœ agboro azu.

¹²Gbambanœ nene, mœ djerœ bala ndœ ekperœ nœ endje, yé mœ kpa kwatœ mœ kœtondœ nœ bale nene.»

¹³Dœ kœpandœ tafo ayo, Ndjaba fa œneke utshunœ tœ ongboronœ. Andaa, œneke á fa ongboro œrœ yé á gbœ ye, sœ ndoo kœyiwa tœnœ.

Ebre 9

Mara kœdonga dœ Ndjaba lima utshunœ

¹Ali ayo sœ lima dœ mara nœ kœdonga dœ Ndjaba œdœ pe Tepelo nœ ɔshɔ.

²Yé gbanda tande sœ lima kpœtœmœ, ali tshakalanœ sœ tœ osho á i'irínœ kœdœ Œeyerœ osho, á miinda dœ ndaba œdœ pe mapa á endje sœ kœto fœ Ndjaba sœ lœ nœ.

³Manda nœ, ba ngba bisha ridonœ, gbanda tande á i'irínœ kœdœ Œeyerœ osho kœropanœ,

⁴á sœ dœ ndaba á sœ dœ ɔrœ, á endje zo yombo pa nœ œdœ sanduku nœ ayo á endje dja kotenœ dœ ɔrœ sœ kpœtœmœ. Œerœ á sœ lœnœ dœke: lœsú á endje mbœrœ dœ ɔrœ á mane sœ lima lœnœ, tshɔngbɔɔ nœ Aro á ndɔkɔnœ wuta lima tœnœ œdœ pe ndaba nœ ayo.

⁵Ba pa sandukunœ, endje ko lima œrœ bisha ba zœ, œrœnœ sœ lima kœma akeluba, á yindœ kœpa adœke Ndjaba dœ tœ ye sœ lima ba zœ zœ. Andjelunœ saka tshelœ ombo endje ga panœ ga tœ osho á endje sœ lima kœto tokóro mbœrœ adœke Ndjaba djerœndœ ekperœ nœ azu. Kashe awa kœli ga lœ kœpandœ ádánœ bale dœ bale gugu nene.

⁶Endje guma lima œrœnœ kɔ dœ mara ataa, anganga Ndjaba sœ lima kœli ɔɔ dœ ɔɔ ga lœ ali tshakala gbanda tande mbœrœ kœmbœrœ akwa nœ endje.

⁷Kashe ba lœ bisha tshakala gbanda tandenœ, egerœ nganga Ndjaba sœ kœli ga zœ kolœ awa bale lœ ungu bale. Tshe sœ kœli dœ indji agea kœto dœ makabo fœ Ndjaba mbœrœ ekperœ nœ ye dœ tœ ye œdœ mbœrœ œnœ azu.

⁸ɔtshɔ Ishiri yindœ kœma adœke awa nœ kœli ga tœ œeyerœ osho mamatœ ye damba nene, mbœrœ gbanda tande neke utshunœ sœpe zœ.

⁹Tœnœ dá sœ kœma ambára nœ ngɔngɔ asœ. Œ dœdœ makabo œdœ tokóro á endje sœ kœto fœ Ndjaba dá sœ kœguma lœsu uzu adœke tshe li kœdonga Ndjaba nene.

¹⁰Œ sœ mbœrœ kœzirœ, kœendjorœ dœ pe kœdjutɔ kotœ uzu lindœ mara o'o nœ alata. Tœnœ kœdœ mara œrœ á azu sœ kœmbœrœ tœnœ œrrr ga tœ adœke endje yapa œrœ para.

¹¹Kashe Yisu na tœ egerœ ngangá Ndjaba nœ òtshœœ á sœ kœna tœnœ. Tshe li tœ lœ gbanda tande á sœ tœ egerœnœ yé á li, œ dœédœ ndje uzu dá mbœrœ nene, œ yindœ kœpa adœke, á dœédœ œnœ tshapashœnœ asœ nene.

¹²œ dœédœ lœ awa nœ indji akœ ayaburu œdœ avoro angombe nene, kashe lœ awa nœ indji ye dœ tœ ye dá tshe li kolœ awa tshebabale ga tœ œyerœ osho yé á vwara azœ lœ ekperœ nœ azœ waa dœ waa.

¹³Gbambanœ nene, œdœ indji akœ ayaburu dœ akœ ngombe œdœ pe vorowo ovoro ngombe á endje dja ga tœ azu á endje mbœrœ ekperœ kœsœ kœembœrœ adœke œkœ endje wuta yerœ,

¹⁴ataa, indji Kristu, á lœ awa nœ ishiri nœ waa dœ waa, á tshe zatœ ye dœ tœ ye tœ makabo fœ Ndjaba ßata uzu á tshe mbœmbœrœ ekperœ nene kashe á tshu, rosœ nœ ye. Indji ye œ djutœ bala lœsu azœ lœ ekperœ nœ kuzu adœke a mbœrœ akwa fœ Ndjaba nœ soro.

¹⁵Wu mbœrœ tœnœ ataa á Kristu dœ uzu ßa uguru tafo ayo dœ ongboro ayo. ßata á kuzu ye wuta mbœrœ kœyœ azu lœ kanga nœ ekperœ á mbœrœ lima tœ endje lœ ongboro ayo, endjeneke á Ndjaba e endje li ndœ kœgbœ œrœ tshangba nœ waa dœ waa á tshe pa lima tœnœ.

¹⁶Gbambanœ nene, œdœ mbeti kœko œrœ tshangba uzu kœwuta, œ sœ dœ ádá waa ye œdœ ayi kœsu mbetinœ kœtshu ye kane.

¹⁷Mbeti kœko œrœ tshangba uzu sœ dœ ádá œdœ uzunœ kœtshu; kashe œdœ tshe kœsœ dœ soro, ádánœ gugu nene.

¹⁸Mbœrœ tœnœ ataa, tœ kœtetœ kœmbœrœ ayo neke lima utshunœ, indji tu lima yeka.

¹⁹Lœkœ á Moyize pandœ awa o'o liaka awa akwa fœ azu para, tshe za indji ovoro ngombe dœ œnœ akœ ayaburu á djanga dœ ungu, á za aya ganea œyœ á i usu agea ga tœnœ yé á yi ga la nœ, yeka á vwi ga tœ buku dœ tœ ye dœ pe ga tœ azu para.

²⁰Tshe pa adœke: «Asœ kœedœ indji nœ ayo á Ndjaba za awa tœnœ mbœrœ 'e.»

²¹Manda nœ, tshe vwi ndje indjinœ ga tœ gbanda tande dœ pe gbarœ para á endje donga Ndjaba dœ tœnœ.

²²Lindœ awa akwa, indji dá sœ kœmbœrœ adœke œrœ kœ wuta yerœ, yé lœ awa nœ indji dá Ndjaba œ djerœndœ ekperœ.

Tokóró nœ Kristu gi ekperœ pa azu

²³Ataa, œdœ ishiri œrœ á sœ ßa lafo kœsœ yerœ lœ awa nœ mara kœdonga oshonœ asœmœ, œ li adœke adja o'o nœ tshalafœ dœ tœ endje sœ ndje lœ awa nœ tokóró neke á sœ dœ òtshœnœ kœropa nœ.

²⁴Gbambanœ nene, œ dóédóé ba tœ œyerœ osho á uzu mbœrœ dœ kane, á azu tondœ nœ yeka á mbœrœ, dá Kristu li ga loenœ nene, kashe adja ba lafo. Ba zœ dá tshe sœ kœmatœ ye ngɔngɔnœ asœ ba utshu Ndjaba mbœrœ azœ.

²⁵Yé œ dóédóé manda kœzatœ ye tœ tokóró awa ndjoro bata á egerœ nganga Ndjaba á tshe sœ kœli ungu bale dœ bale ga loe œyerœ osho dœ angbi indji nene.

²⁶Gbambanœ nene, œ kœsœ má ataa, tshe wu má lima oyo awa ndjoro kœtotœ ali kœmbœrœ tshapashɔ. Kashe tshe matœ ye kolœ awa tshebabale ba tœ ndɔngɔɔ osho mbœrœ kœwo ekperœ loe awa nœ kœzatœ ye tœ tokóró dœ tœ ye.

²⁷Yé bata uzu kɔ sœ mbœrœ kœtshu tœnœ awa bale yeka manda nœ, á Ndjaba œ wa ngbanga pa ye,

²⁸awa bale ndje ataa, Kristu zatœ ye tœ tokóró awa tshebabale mbœrœ kœgi ekperœ pa azu ndjoro, yé tshe kwa bala tœ ye tœ bishanœ mbœrœ upu nœ ekperœ nene, kashe mbœrœ kœza kœshe fœ azu á endje sœ kœkate kœna she.

Ebre 10

¹Awa akwa nœ Moyize nana lima dœ adja o'o fœ azu nene, kashe œ sœ lima kœma ishiri ɔtshœrœ á na bala. Awa akwa lili ndœ kœguma uzu á tshe yindœ kœna ga ndœ ndjaba nene. Mbœrœ tœnœ ataa ungu dœ ungu, endje sœ kœto kolœ tshetœ tokóró waa dœ waa.

²œdœ Ndjaba kœdjerœ lima ndœ ekperœ nœ endjeneke á endje sœ kœdonga she kolœ awa bale , endje wu má sœ nœ adœke œne kpa sœsœ loe ekperœ nene, yé œ ka má tœ kœto tokóró fœ Ndjaba ye.

³Kashe, ungu dœ ungu, endje sœpe kolœ kœto tokóró fœ Ndjaba mbœrœ kœgbe dœ ekperœ nœ endje.

⁴Gbambanœ nene, indji akɔ angombe too œnœ aakɔ ayaburu lili ndœ kœgi ekperœ bale nene.

⁵Mbœrœ tœnœ ataa, lɔkɔ kœna Kristu ga pa tshapashɔ, tshe pa lima adœke: «œdœ tokóró, œdœ makabo, bœ yiyindœ nœ nene, kashe bœ mbœrœ undu fœ mœ.

⁶Bœ yiyindœ agea á endje sho endje dœ owo ba pa ndaba too tokóró á endje to fœ bœ mbœrœ kœdjerœndœ ekperœ nene.

⁷Yé mœ pa adœke: “Uu Ndjaba, œmœ dœke, mœ na ga ndœ zœ dœ tœ mœ mbœrœ kœmbœrœ œneke á bœ yindœ nœ, lindœ œneke á endje sú tœ upu nœ mœ ba la buku á endje vwele.”»

⁸Kristu pa utshunœ adœke: «Ɔedœ tokóró, œedœ makabo, œedœ agea á endje sho endje dœ owo Ɔa pa ndaba, œedœ tokóró á endje to mbœerœ kœdjerœndœ ekperœ, Ɔœ yiyindœ œerœ bale nene yé œ gaga ndje tœ zœ nene.» Andaa, œetœnœ kœedœ makabo á sœ lindœ awa akwa.

⁹Yé tshe kpa pa adœke: «Wu, mœ na mbœerœ kœmbœerœ œerœ á Ɔœ yindœ nœ.» Tshe sœ kœewo ongboro mara kœdonga Ndjaba mbœerœ kœza tafonœ.

¹⁰Yisu Kristu mbœerœtœ ye lindœ œerœ á Ndjaba yindœ nœ; tshe zatœ ye tœ makabo awa tshebabale fœ Ndjaba, yé œetœnœ ataa dá a wuta ayerœ azu mbœerœ she.

¹¹Ɔlœ dœ Ɔlœ, nganga Ndjaba bale dœ bale sœ kœeka ga lafo ndœ kœmbœerœ akwa nœ ye, yé œ sœ kœeto tshetœ tokóró kpœpanœ kpœpanœ; tokórónœ ascœmœ á sœsœ kœegi ekperœ pa azu Ɔlœ bale nene.

¹²Kashe tœ upu nœ Kristu, manda kœzatœ ye tœ tokóró awa tshebabale ndœ ekperœ nœ azu, tshe sœ ga pa kuni Ndjaba waa dœ waa.

¹³Ngœngœ asœke, tshe sœ kœekate Ɔlœ á Ndjaba œ ko ayingba ye ga tshada ye.

¹⁴Gbambœ nene, lœ kœzatœ ye tœ makabo awa tshebabale ascœmœ, tshe mbœerœ adœke endjeneke á tshe sœ kœmbœerœ adœke endje wuta yerœ lœ ekperœ nœ endje, te azu á endje li.

¹⁵Tœnœ kœedœ neke á Ɔtshœ Ishiri dœ tœ ye sœ kœematœ nœ fœ azœ. Gbambœ nene, manda kœpa adœke:

¹⁶«Asœke kœedœ ayo á mœ lu bala dœ endje manda olonœ ascœmœ, Gbozu pa adœke: ndœ kœza awa akwa nœ mœ, Mœ su bala awa akwa nœ mœ ga lœ gbetshelœ nœ endje œedœ ga lœsu endje.»

¹⁷Yé tshe kpa pa adœke: «Mœ kpa gbe dœ ngbĩndĩrœ œedœ dœ ekperœ nœ endje nene.»

¹⁸Andaa, Ɔa tœ osho á kœdjerœndœ ekperœ sœ zœ, ádá nœ kœeto makabo mbœerœ ekperœ gugu bale nene.

A na ga ndœ Ndjaba

¹⁹Atamœ, alaya, a sœ kœeyindœ nœ dœ lœsu azœ adœke a li ga tœ œeyerœ osho lœ awa nœ indji Yisu.

²⁰Tshe kœrœ tafo awa á sœ dœ soro fœ azœ lœ awa nœ rido, œ yindœ kœpa adœke lœ awa nœ undu ye dœ tœ ye.

²¹Yé a sœ dœ egerœ nganga Ndjaba á Ndjaba za she ga tœ kumu akwa tshascœnda nœ ye.

- 22**Ataa, a na ga ndœ Ndjaba dœ lœsu azœ ndjii œdœ lœ kœyindœrœ djigi mbœrœ tshe gi azœ lœ ngbindirœ á sœ tœ lœsu azœ, yé œ djutœ undu azœ dœ ungu á sœ yerœ ye.
- 23**A mœmœ nene, a sœpe kolœ kœyindœ œrœ á a za lœsu azœ ga panœ; gbambanœ nene, tshe sœ kœmbœrœ œrœ lindœ œeneke á tshe pa tœnœ.
- 24**A gbœndœtœ azœ lœ ugurutœ azœ dœ anga azœ á kœmbœrœ adœeke a yindœ anga azœ dœ œtshœnœ dœ pe kœmbœrœ œtshœ akwa.
- 25**A kpakpa lœ angbœtœ nœ azœ nene bœta á anga anga azœ sœ kœmbœrœ tœnœ, kashe a to gbœgbœ lœ tœ azœ mbœrœ 'e sœ kœwu adœeke olonœ sœ kœendo tœnœ.
- 26**Gbambanœ nene, œdœ a kœsœpe kœmbœrœ ekperœ dœ lœsu azœ manda kœwusœ adja o'o, tokóró tœ upu nœ ekperœnœ asœmœ kpa gugu nene.
- 27**Kashe, œ sœpe kolœnœ adœeke a kate œgbœ ngbanga á Ndjaba œ wa ga tœ azu dœ pe egerœ owo á ju ayingba ye.
- 28**Uzu neke á tshe dara pa awa akwa nœ Moyize, endje wu oyo ye nene, œdœ azu bisha too votœ kœpa timunœ, ngbewo endje wo she ye.
- 29**Uzu neke á tshe wu Gbolo nœ Ndjaba gbambanœ, á gu œsœ indji ayo á mbœrœ adœeke tshe wuta yerœ, yé á dara pa Ishiri nœ œtshœ lœsu, 'e sœ dœ gbœtshœlœ adœeke tshe gbœ bala egerœ djofele á ropa nœ.
- 30**Gbambanœ nene, a wusœ uzu neke á tshe pa lima adœeke: «œmœ dá gi tshangba ekperœnœ asœmœ fœ endje, œmœ dá za bala djofele fœ endje»; yé ga panœ: «Gbozu œ wa bala ngbanga ga tœ azu nœ ye.»
- 31**œ sœ tœ ekpenœ waa adœeke uzu gbœ o'o tshakane Ndjaba nœ soro.
- 32**Kashe 'e gbe dœ ali olo nœ 'e lima kane: 'e gbœ ingbishi yé lœkœnœ asœmœ, 'e shi lima gbœ lœ egerœ koshe á gbœœgbœ.
- 33**Endje sœ lima kœgu anga anga 'e ugurutœ 'e dœ pe kœmbœrœ œrœ kanga fœ endje tœ ala azu, kashe e'e kœ, 'e yi lima ndœ kœsœ awa bale dœ anga 'e asœmœ lœ mara kœwu kangœnœ ata.
- 34**Yé 'e sœ ndje lima kœwu oyo dœ aayi kána; ataa endje gbœtœ œrœ nœ 'e gbaa, 'e sœ kolœ dœ yanga mbœrœ tœnœ, mbœrœ 'e wusœ nœ adœeke 'e gbœ bala œtshœrœ neke á œendœnœ œ di waa zœ.
- 35**'E kakatœ kœyindœ œrœ á 'e sœ kœeko lœsu 'e ga pa nœ ti nene, mbœrœ 'e gbœ egerœ œrœ tshangbanœ zœ.
- 36**œ li dœ 'e kœeshi gbœ lœ kœeru lœsu 'e, yé á kœmbœrœ œrœ neke á Ndjaba yindœ nœ yeka á kœgbœ œrœ neke á tshe pa lima tœnœ.

³⁷Gbambanœ nene, endje sú bala buku adœke: «Œ sœpe olo teasho, olo teasho gbambanœ, yé uzu neke á tshe na, œ na bala zœ, tshe kpalatœ ye nene.

³⁸Andaa, uzu nœ mœ á tshe sœ ndjii œ sœ dœ soro lœ awa nœ kœyindœrœ nœ ye, kashe œdœ tshe kœkwa ga manda nœ, lœsu mœ œ sœ dœ yanga mbœrœ she nene.»

³⁹Azœ, a dœdœ azu nœ kœkwa ga manda nœ yeka á kœli ga lœ kuzu nene, kashe azœ kœdœ azu nœ kœyindœrœ mbœrœ kœshe nœ uvuru azœ.

Ebre 11

O'o tœ upu nœ kœyindœrœ

¹Kœyindœrœ kœdœ mara á uzu gbœ dœ œrœ neke á tshe za lœsu ye ga pa nœ, œtœnœ kœdœ mara kœwusœ adja œrœ neke á uzu œ wu dœ ala ye nene.

²Ndjaba ma lima o'o tœ upu nœ anga azu utshunœ mbœrœ kœyindœrœ nœ endje.

³Lœ awa nœ kœyindœrœ, a sœ kœwusœ nœ adœke Ndjaba mbœrœ tshapashœ dœ o'o ama ye. Ataa, œrœ para á a sœ kœwu tœnœ, œ to lœ neke á a wu nene.

⁴Lœ awa nœ kœyindœrœ, Abele to œtshœ tokóró fœ Ndjaba kœropa œnœ Kayina. Mbœrœ tœnœ ataa, Ndjaba ma she adœke, œshe kœdœ uzu á tshe sœ ndjii. Gbambanœ nene, Ndjaba ma ngbï adœke œne yindœ kœtorœ nœ ye. Mangba kœyindœrœ nœ ye, ataa tshe tshu gbaa, tshe sœpe kœpa o'o zœ.

⁵Lœ awa nœ kœyindœrœ, Enoke wuwu kuzu dœ ala ye nene yé endje gbœgbœ she nene. Ndjaba za she gutœnœ ga lafo ga indiri ye; yé utshu nœ kœœ she ga lafo, endje ma lima o'o tœ upu nœ ye adœke tshe ga lima tœ ala Ndjaba.

⁶Andaa œdœ uzu kœgugu dœ kœyindœrœ nene, tshe ga tœ ala Ndjaba nene. Gbambanœ nene, uzu neke á tshe yindœ kœna ga ndœ Ndjaba, œ li adœke tshe yindœ nœ adœke Ndjaba sœ zœ, yé tshe sœ kœgi tshangba œrœ fœ azu á endje sœ kœpara she.

⁷Lœ awa nœ kœyindœrœ, Nowa dji lima o'o ama Ndjaba lœkœ á tshe ma œrœ á mbœrœtœ endje bala mbatsha fœ she. Nowa za o'onœ dœ ádá yé œ mbœrœ egerœ agba ndœ kœshe azu tshelœ bingi nœ ye. Ataa, tshe wa œgbœ ngbanga ga pa azu nœ tshapashœ yeka á wuta lima uzu ndjii tœ ala Ndjaba mbœrœ kœyindœrœ.

⁸Lœ awa nœ kœyindœrœ, Abrayamo dji lima Ndjaba á tshe e she kœna ga lœ ogo á tshe pa lima ndœ kœza tœnœ fœ she. Abrayamo katœ ogo ye ti ndœ kœna ga tœ oshœ á tshe wuwusœ nœ nene.

⁹Lœ awa nœ kœyindœrœ, Abrayamo na kœsœ бата gene ba tœ osho á Ndjaba pa tœ nœ fœ she. Tshe sœ lima kœlo sœnda gbanda tande bale dœ Izaka œdœ Yakobo á o'onœ á Ndjaba pa lima ndœ nœ, sœ ndje mbœrœ endje.

¹⁰Gbambœ nene, Abrayamo sœ lima kœkate ongbo neke á sœ dœ kiti anda ndjoro, á Ndjaba dœ tœ ye dœ ayi kœyisœ mara kœmœ tœnœ œdœ ayi kœmœ tœnœ.

¹¹Lœ awa nœ kœyindœrœ, Sara ndje, ataa ungu nœ kœzu agbolo ro lima ye, tshe zu lima gbolo mbœrœ á tshe za Ndjaba tœ uzu á tshe yayapa o'o ama ye nene.

¹²Mbœrœ tœnœ ndje ataa, uzu bale á tshe ndo dœ kuzu, zu azu ndjoro á endje sœ бата angerepe ba lafo dœ pe mindu tœ ama egerœ ungu á endje li kœdi tœnœ nene.

¹³Lœ awa nœ kœyindœrœ, azu para á endje tshu lima, endje gbœgbœ lima œrœ á Ndjaba pa tœnœ fœ endje nene. Kashe endje wu lima œtœnœ œ yindœ nœ lœ ingirĩnœ yé œ wusœ nœ adœke œne kœdœ agene œdœ aayi kœna ana pa œshœ.

¹⁴Gbambœ nene, azu á endje pa mara o'o ataa, sœ kœma ngbi adœke œne sœ kœpara ogo nœ œne.

¹⁵Yé œdœ endje kœsœ kœgbe dœ ogo á endje to lima lœnœ, endje kwa má tœ endje ga zœ ye.

¹⁶Dœ adjapu, endje sœ lima kœpara ogo á ga dopanœ, ogo ba lafo. Mbœrœ tœnœ ataa, Ndjaba sœsœ dœ tshula adœke endje e œne Ndjaba nœ endje nene; yé tshe guma ongbo bale fœ endje.

¹⁷Lœ awa nœ kœyindœrœ, Ndjaba wu lœsu Abrayamo, tshe za gbolo nœ ye Izaka tœ tokóró, tshe za gbolo nœ ye tshebabale, andaa Ndjaba pa lima tœ œrœ fœ she.

¹⁸Yé Ndjaba pa lima fœ she adœke: «Lœ awa nœ Izaka dá bœ gbœ bala aata zœ á mœ patœ endje fœ bœ.»

¹⁹Abrayamo sœ lima kœpa adœke Ndjaba li kœshe she uzu lœ kuzu. Mbœrœ tœnœ ataa, tshe wu lima gbolo nœ ye бата uzu á tshe she lœ kuzu.

²⁰Lœ awa nœ kœyindœrœ ndje, Izaka to kane ye ga pa Yakobo dœ pe Ezawu ndœ tshambatsha.

²¹Lœ awa nœ kœyindœrœ, Yakobo ndo ndœ kœtshu tœnœ, œ to kane ga pa agbolo nœ Yozefu bale dœ bale yé œ gote dœ kœtra kumu ye ga tœ mato tshœngbœlœ, yé á donga Ndjaba.

²²Lœ awa nœ kœyindœrœ, ndoo dœ olo kuzu Yozefu, tshe gbara o'o tœ upu nœ kœwuta agbolo Israyele lœ Ezipito yé œ za awa o'o tœ mara á endje mbœrœ dœ ngbabi ye.

²³Lœ awa nœ kœyindœrœ, Moyize, manda kœzu she, abanœ dœ ayinœ za lima she yiwatœ nœ manda yapu votœ mbœrœ endje wu lima kœga nœ gbolo nœ endje, yé endje sœsœ lima dœ awa awa o'o nœ gbozugo nene.

²⁴Lœ awa nœ kœyindœrœ, lœkœ á Moyize wuta gbozu, tshe vvara lima tœ ye adœke endje e œne gbolo nœ yawuru nœ Farawo.

²⁵Tshe yi lima ndœ nœ adœke œne wu oyo awa bale dœ azu nœ Ndjaba, yé œ vwaratœ ye tœ œsœ nœ kœsœ lœ yanga nœ ekperœ á œndœ nœ œ di nene.

²⁶Tshe wu lima kœyiangba Kristu ba ndœ ye bata kœgbœrœ ndjoro á rosœ kœgbœrœ nœ Ezipito; gbambanœ nene, tshe ko lima ala ye ga pa kœgbœ bala œrœ tshangbanœ.

²⁷Lœ awa nœ kœyindœrœ, tshe katœ Ezipito ti œ kpakpa awa oko nœ gbozugo nene, yé tshe shi gbi bata uzu á tshe sœ kœwu Ndjaba á endje sœsœ kœwu she nene.

²⁸Lœ awa nœ kœyindœrœ, tshe mbœrœ lima angbo Pake dœ azu Israyele, yé œ pa fœ endje adœke endje dja indji agea ga pa manda nœ endje mbœrœ andjelu nœ kœwo azu kœro, á kœwowo aeya agbolo yakoshe nœ endje nene.

²⁹Lœ awa nœ kœyindœrœ, azu Israyele zu lima egerœ odoro ungu ingbirî bata œœrœ osho, yé azu Ezipito yi lima ndœ kœzu manda endje yeka á ungu su ga pa endje kpœlirœ.

³⁰Lœ awa nœ kœyindœrœ, Azu Israyele fa lima dje indirî gbagba Yeriko manda olo mindu dœ bisha (7) yeka á kavwa.

³¹Lœ awa nœ kœyindœrœ, Rahabe, yashe gugati tshutshu lima awa bale dœ azu á endje vwaratœ endje ndœ kœdji Ndjaba nene, mbœrœ tshe za lima osho kœsœ fœ agene á endje na kœwu osho utshunœ yeka á kœgu kœvatœ nœ.

³²O'o gadœ dá mœ kpa pa a? Mœ sœsœ dœ lœkœ ndjoro ndœ kœpa o'o tœ upu nœ Jedeyo, Barake, Samesone, Jefete, Davidi, Samwele dœ pe aayi kœgbara o'o nene.

³³Mangba kœyindœrœ, endje gbœ lima tœ osho nœ anga azu ogo, endje za lima o'o nœ kœsœ ndjii ga tœ akwa, endje gbœ lima œrœ á Ndjaba pa tœnœ fœ endje ye, endje i lima ama amuru ga tœnœ;

³⁴endje ru lima gbœgbœ nœ owo, endje she lœ kuzu ingirî yakamba, endje á endje sœ lima dœ koba she dœ œtshœnœ, endje sœ lima dœ gbœgbœ lœ koshe, endje gœrœ lima angbi aturugu.

³⁵Ayashe wu lima azu nœ endje á endje tshu, kœkwa dœ soro. Kashe anga azu wu lima oyo waa, ataa endje vwaratœ endje kœwuta lœ ekperœ mbœrœ á kœgbo kœshe lœ akuzu.

³⁶Ayingba endje sœ lima kœmœ endje dœ kœbi endje dœ ndjapa, kœi endje dœ djingiri dœ kœko endje va ga lœ anda kánga.

³⁷Endje ve lima endje dœ badja á wo endje, œ wa tshelœ anga endje dœ sii, œ wo anga endje dœ ñgiri yakamba, endje sœ lima kœlo djezœ ngbangbangba, endje verœ lima œkœ apata too œnœ ayaburu; endje gugu lima dœ œrœ nene, endje sœ lima kœmbœrœ œrœ kanga fœ endje, endje sœ lima kœwu oyo waa,

³⁸endje á tshapashœ gaga dœ endje nene. Endje sœ lima ba lœ kpagagasho œdœ ba pa kaga, endje sœ lima ba lœ œngœ badja dœ pe ba lœ gorokpa.

³⁹Endje kœ, endje ma o'o tœ upu nœ endje mangba kœyindœrœ nœ endje, kashe endje gbœgbo œrœ á Ndjaba pa lima tœ nœ nene.

⁴⁰Yé Ndjaba kpa guma lima sœ œrœ dœ œtshœnœ kœrosœ nœ fœ azœ, œ li adœke azœ dœ endje, a sœ awa bale á kœli.

Ebre 12

Kœru lœsu lœ kœwu lœsu

¹Ataa, azœ ndje á a sœ dœ atimu ndjoro ñdirí azœ, a katœ kongba nœ azœ kœ œdœ ekperœ á sœ kœli azœ lœ ana nœ azœ, a kpa œrœ dœ kœru lœsu lœ awa á endje za ga utshu azœ.

²A ko ala azœ ga pa Yisu á tshe mbœrœ adœke a sœ dœ kœyindœrœ tœ alinœ œerrr ga tœ ndœngœlœnœ. Tshe yindœ kœtshu pa kurushi yé œ gbegbe dœ tshula neke á sœ mbœrœ mara kuzu ataa nene, mbœrœ tshe vvara lima tœ ye tœ yanga neke á endje gumasœ nœ fœ she, yé ngœngœ asœ tshe sœ ga pa kuni ngande tshagbozu nœ Ndjaba.

³E gbe dœ she tœ mara á tshe ru lœsu ye lœ œrœ kœ á aayi kœmbœrœ ekperœ mbœrœ ga tœ ye yeka á 'e kœmœmœ lœ gbetshelœ nœ 'e nene.

⁴Gbambœnœ nene, lœ koshe nœ 'e mbœrœ ekperœ, 'e nganga damba anganœ œerrr ga lœ kuzu nene.

⁵Yé œndœ upu á endje sœ kœmi fœ 'e bœta agbolo djerœ 'e ye a? «Gbolo nœ mœ, vwavwaratœ zœ tœ djofele nœ Gbozu nene, mœmœ lœ gbetshelœ nœ zœ nene lœkœ á tshe kœsœ kœgbagbara bœ.

⁶Gbambœnœ nene, Gbozu sœ kœyœrœ uzu á tshe yindœ ye, yé œ sœ kœza djofele fœ gbolo kœ á tshe yindœ ye.»

⁷Mboerœ koembœerœ ala foe 'e dá 'e sœ koewu oyo. Ndjaba sœ koembœerœ doe 'e bata agbolo nœ ye. Gbolo de dá abanœ zaza djofele foe she nene a?

⁸Ɔedœ endje kœzaza djofele foe 'e bata á endje za foe agbolo kɔ nene, dá 'e dœdœ agbolo nœ Ndjaba nene, kashe 'e koedœ agbolo á alaba 'e sœ kpi.

⁹Alaba azœ pa ɔshɔ koedœ aayi koembœerœ ala foe azœ, yé a sœ koedji endje. Tœ koerosœ nœ kɔ, œ li adœke a dji Aba azœ nœ ishiri yeka á kœgbɔ soro lœ ye.

¹⁰Yé endje, endje sœ lima kœza djofele foe azœ ndœ olo teasho bata á endje yi lima ndœ nœ. Kashe Ndjaba sœ kœza djofele nœ ye foe azœ mbœerœ adœke a sœ doe ɔtshɔnœ doe pe kœgi mara á tshe sœ yerœ doe tœnœ foe azœ.

¹¹Lɔkɔ á azu sœ kœgbɔ djofele, endje sœ koewu adœke tœnœ koedœ œrœ nœ yanga nene, kashe œrœ nœ oyo. Kashe œrrr manda nœ, azu á endje wu mara djofelœnœ asœmœ œ gbɔ œrœ á sœ kœza kœsœ gee œdœ koembœerœ adœke uzu sœ ndjii.

Kœmi upu œdœ kœgbota tshelœ utu

¹²Ataa, 'e yɔrɔ tshelœ kane 'e á mɔɔmɔ œdœ matshukuda 'e á sœ vwelevwele.

¹³Yé mbœerœ ada 'e, 'e guma awa ndjii mbœerœ adœke aayi gbada kœkoko ada endje tɔsho doe uku nene, kashe endje she.

¹⁴'E para kœsœ gee doe azu kɔ, doe pe kœsœ yerœ á mbœerœ tœnœ nene, uzu bale œ wu Gbozu nene.

¹⁵Ala 'e gbɔ adœke uzu bale wuwuta lœ ɔtshɔ lɔsu nœ Ndjaba nene. Uzu bale sœsœ bata eshe ɔyɔ á shuushu, á kœtetœ kœendanga too kœli ga lœ azu ndjoro nene.

¹⁶Ala 'e gbɔ tœ koembœerœ angba budu too ayi koembœerœtœ œrœ á sœ yerœ bata á Ezawu mbœerœ lima á ka tshagbozu nœ ye kolœ mbœerœ kœzirœ awa bale.

¹⁷Gbambanœ nene, 'e wusœ nœ manda nœ adœke, tshe yi lima ndœ nœ adœke aba œne to kane ye ga pa œne á œne kœgbɔ ɔtshɔrœ á Ndjaba pa lima tœnœ, yé tshe lili lima ndœ kœgbɔ tœnœ nene. Tshe gbɔgbɔ awa ndœ kœfa gbetshelœ nœ abanœ nene, ataa kœdi tshelœma nœ ye doe kœki doe ngola ye gbaa.

¹⁸E'e, 'e nana ndoo doe anga adja œrœ á endje li kœgoro tœnœ nene: bata owo á sœ kœju tœnœ, ubu osho, osho á wu nari, ndavuru yugu,

¹⁹tshama ngbake, tshama azu. Azu á endje sœ lima koedji tshama œrœ ataa, vwaratœ endje ndœ koedji anga o'o ga pa nœ ye.

²⁰Gbambanœ nene, endje lili lima kœru lɔsu endje tœ awa o'o asœke nene: «Uzu á tshe ɔ ga pa kaga asœ, œdœ agea, œ li adœke endje ve she doe badja.»

²¹Ɔerœ á endje sœ lima kœwu tœnœ za awa fœ endje, yé Moyize pa adœke: «Mœ sœ kœde gbaragbara dœ awa.»

²²Kashe e'e, 'e na ndoo dœ kaga siyona dœ pe lœ ongbo nœ Ndjaba nœ soro, dœ Yerusaleme nœ tshalafo, osho á aandjelu kutu dœ kutu sœ dœ angbœtœ nœ angbo,

²³œdœ angbœtœ nœ aeya agbolo á endje sú i'iri endje ba lafo, á Ndjaba ayi kœwa ngbanga nœ azu para, dœ pe ishiri azu á endje li.

²⁴'E na ga ndœ Yisu á tshe dœ uzu ugurutœ tafo ayo, á indji ye gœœ ekperœ para yé á kpa sœ kœpa o'o kœropa indji Abele.

²⁵Ala 'e gbœ adœke 'e vwavwaratœ 'e ndœ kœdji uzu á tshe sœ kœpa o'o fœ 'e nene! Gbambanœ nene, endje gbœ lima djofele lœkœ á endje vwaratœ endje kœdji uzu á tshe sœ lima kœgbota tshelœ utu endje ba pa œshœ. Endje á endje gbœ djofelœ ataa, á kœfutœ azœ a? A gbœ ndje djofele œdœ á kœvwaratœ azœ kœdji tsheneke á tshe sœ kœpa o'o fœ azœ ba lafo.

²⁶Ɔeshe á œshœ sœ kœturu tœnœ ndœ tshama ye, ngœngœ asœke tshe sœ kœpa fœ azœ adœke: «Tœ ndœngœlœnœ, mœ mbœrœ adœke kolœ œshœ dá turu nene, kashe tshalafo ndje.»

²⁷O'onœ á tshe kpa pa awa bale tœ ndœngœlœnœ sœ kœmindœ nœ adœke œrœ kœ á tshe mbœrœ lima ga pa tshapashœ á sœ kœturu tœnœ œ yiwa, yé œeneke á sœsœ kœturu tœnœ nene œ sœpe.

²⁸Mbœrœ tœnœ ataa, a gbœ ogo neke á turu nene, a tepa œtshœ lœsu nœ Ndjaba dœ œtshœnœ. Lœ awa nœ œtœnœ, a mbœrœ akwa fœ Ndjaba dœ mara á tshe yindœ nœ, a dji she dœ pe kœkpa awa ye.

²⁹Gbambanœ nene, Ndjaba nœ azœ kœdœ owo á ju œrœ.

Ebre 13

Mara kœmbœrœ œrœ á ga tœ ala Ndjaba

¹'E sœpe kœyindœtœ 'e dœ anga 'e bœta aayazu.

²Ɔendœ kœza osho kœsœ fœ azu djedjerœ 'e nene. Gbambanœ nene, mangbanœ dá anga azu za lima osho kœsœ fœ aandjelu, kashe endje wuwusœ nœ ataa nene.

³'E gbe ndje dœ endjeneke á endje sœ lœ anda kœnga bœta 'e dœ aayi kœnga awa bale dœ endje kane. 'E gbe ndje dœ endjeneke á endje sœ kœmbœrœ œrœ kœnga fœ endje, mbœrœ e'e ndje, 'e sœ dœ œkœ bœta endje.

⁴ƆE li adœke azu kɔ lisœ totœ, yé anga ayi totœ bale lolo dœ anga angbi uzu kpi nene. Gbambanœ nene, Ndjaba œ wa bala ɔgbɔ ngbanga ga tœ aayi angba budu œdœ ga tœ ayi totœ á tshe para angbi uzu.

⁵ƆE lili adœke kœyindœsho mbœrœ ngendja ndi ɔtshɔ 'e nene; 'e za lɔsu 'e ga pa neke á 'e sœ dœ tœncœ mbœrœ Ndjaba dœ tœ ye pa adœke: «Mœ katœ zœ ti bala nene, œndœ zœ œ djerœ mœ bala nene.»

⁶Mbœrœ tœncœ ataa, a li dœ lɔsu azœ djigi kœpa adœke: «Gbozu kœdœ ayi kœti kane mœ, mœ sœsœ dœ awa nœ œrœ bale nene. Ɔrœ gadé dá uzu li kœembœrœ tœ mœ a?»

⁷'E gbe dœ agbozu tshapa 'e á endje pa O'o ama Ndjaba fœ 'e kane. 'E gbe dœ mara á soro endje ka dœ tœncœ, yé œ mbœrœtœ 'e lindœ kœyindœrœ nœ endje.

⁸Yisu Kristu yayapatœ ye nene, tshe sœ awa bale libi, kpesheke œdœ waa dœ waa.

⁹'E zatatœ 'e ti lœ djingili ndœ o'o nœ wala nœ angbi azu nene. Gbambanœ nene, œ li adœke ɔtshɔ lɔsu nœ Ndjaba to gbɔgbɔ fœ 'e, 'e zaza lɔsu 'e ga pa awa o'o tœ upu nœ kœziœ nene. Endjeneke á endje sœ kœza o'o nœ kœziœ ga tœ akwa, endje gbɔ tshangbanœ nene.

¹⁰A sœ dœ ndaba á aayi akwa ba lœ gbanda tande lili kœko œneke á endje to dœ tokóró ga panœ á kœzi nene.

¹¹Gbambanœ nene, endje sho undu agea, á egerœ nganga Ndjaba œ na dœ indji ye ga tœ œyerœ osho mbœrœ kœyœndœ kœdjerœndœ ekperœncœ, ba ushu tœ gbagba.

¹²Mbœrœ tœncœ ataa, Yisu, ndœ kœmbœrœ adœke azu wuta yerœ lœ indji ye dœ tœ ye, tshe wuta ba ushu tœ ongbo á tshu.

¹³Ataa, a wuta lœ gbagba ndœ kœna kœgbɔtœ azœ dœ she, yé œ yindœ nœ adœke endje gu azœ dœ mara á endje gu lima she.

¹⁴Gbambanœ nene, pa ɔshɔ asœke, a sœsœ dœ ogo kpiri nene, kashe a sœ ndœ kœpara awa ogo neke á na bala.

¹⁵Lœ awa nœ Yisu, a kœto makabo nœ kœdonga Ndjaba, tœncœ kœdœ itshi á a donga dœ i'iri ye.

¹⁶Ɔndœ kœmbœrœ ɔtshœrœ djedjerœ 'e nene, dœ pe kœti kane 'e lœ tœ 'e, mbœrœ mara tokóró ataa dá sœ kœga tœ ala Ndjaba.

¹⁷'E dji agbozu tshapa 'e yé œ zatœ 'e ga ati utshu endje. Gbambanœ nene, endje dœ tœ endje dá sœ kœgbœndœ ishiri 'e mbœrœ endje dá pa bala ndœ upunœ fœ Ndjaba. Ataa, endje mbœrœ dœ yanga kashe dœ kœpulœma endje nene, ete nene 'e gbɔ œrœ tshangbanœ nene.

18'E za avwala mbœerœ 'a. Gbambanœ nene, 'a yindœ nœ adœke 'a sœ dœ adja ɔtshɔ gbetshelœ tœ lɔsu 'a ndœ kœmbœerœ ɔtshœrœ ɔlɔ dœ ɔlɔ.

19'E mbœerœ œtœnœ, mœ sœ kœyɔndœ nœ ɔlɔ dœ ɔlɔ adœke 'e za avwala tœ upu nœ mœ á Ndjaba kœza awa fœ mœ katsha ndœ kœkwa ga ndœ 'e.

Avwala

20Kaka Ndjaba nœ kœsœ gee, á tshe she lima Gbozu nœ azœ dœ Yisu á fa she tœ ayi kœgbœndœ apata, á tshe mbœerœ ayo nœ waa dœ waa dœ indji ye,

21to gbɔgbɔ nœ kœmbœerœ ɔtshœrœ kɔ á tshe yindœ nœ adœke 'e mbœerœ. Tshe mbœerœ fœ azœ œneke á ga tœ ala ye lœ awa nœ Yisu Kristu á moko sœ mbœerœ she lœ ngbugu dœ ngbugu. Ame!

Ndɔngɔlɔ o'o œdœ abala

22Alaya, mœ yœndœ nœ ga ndœ 'e adœke 'e ru lɔsu 'e tœ kœyisœ o'o ama Ndjaba asœ! Mœ susu o'onœ ndjoro nene.

23'E wusœ nœ adœke aya azœ dœ Timote wuta lœ kána ye. Œdœ tshe kœna ga mœ katsha, mœ na kœwu 'e awa bale dœ she zœ.

24'E bala agbozu tshapa 'e para dœ pe ayerœ azu kɔ. Ayerœ azu tshelœ ogo Itali vwa abala fœ 'e.

25Kaka ɔtshɔ lɔsu nœ Ndjaba sœ dœ 'e para.

Jake

Jake 1

Abala

¹Abala nœ 'e dœ azu tshelœ mara ndjokpa dœ bisha nœ Ayuda, á 'e ndjotshelœtœ 'e lœ ogo djezœ. Œmœ Jake, ayi akwa nœ Ndjaba œdœ Gbozu Yisu Kristu, mœ sœ kœsu mbetinœ asœke fœ 'e.

O'o tœ upu nœ kœru lœsu

²Aaya mœ, œdœ tshelœ áká ɔgbɔ o'o kɔ kœsœ kœna ga tœ 'e, 'e sœ dœ yanga waa mbœrœ tœnœ.

³Gbambanœ nene, 'e wusœ nœ adœke lɔkɔ á 'e kœli ga lœ ɔgbɔ o'o, á kœyindœrœ nœ 'e kœsœpe sheko ga ndœ Yisu, œ mbœrœ adœke 'e shi gbi lœ nœ yé 'e yo nene.

⁴Kashe œ li adœke kœshi gbi nœ 'e gerœ yeka á mara kœmbœrœtœ 'e kœsœ tœ ɔtshɔnœ lœ œrœ kɔ, yekane anga œrœ bale kœroro 'e nene.

⁵Œdœ anga uzu bale ugurutœ 'e kœgugu dœ kœwusœtœ nene, œ li adœke tshe yɔndœ nœ ba ndœ Ndjaba á tshe kœto fœ she. Gbambanœ nene, Ndjaba sœ dœ ayo waa lœ mara kœto dœ œrœ fœ azu para kɔkɔ dœ ɔtshɔ lœsu œdœ dœ kœgbagbara osho nene.

⁶Œ li adœke uzu e osho ndœ nœ dœ kœyindœrœ, kashe dœ sharapu nene, mbœrœ ayi sharapu sœ bata loko á yugu œ ivwi na tœnœ tœ osho kɔ.

⁷Uzu ataa gbegbe adœke œne œ gbɔ œrœ bale ba ndœ Gbozu nene.

⁸Mbœrœ adœke gbetshelœ nœ ye sœsœ bale nene yé tshe kaka kpiri lœ awa nœ ye nene.

Ayi oyo dœ ayi kœgbœrœ

⁹Kaka adœke gbolo nœ Ndjaba á tshe kœdœ ayi oyo donga tœ ye tœ œneke á Ndjaba œ ti she ga lafo,

¹⁰yé tsheneke á sthe kœdœ ayi kœgbœrœ donga tœ ye tœ œneke á Ndjaba œ ku she ga ati asœmœ. Gbambanœ nene, œndœ ayi kœgbœrœ œ di nene mbœrœ tshe sœ bata aya ɔyɔ tshelœ kpagagasho.

¹¹ɔlɔ œ tɔ vwege vwege, œ ɔrɔ ɔyɔnœ, ndɔkɔnœ œ yo ga ati yé modonœ œ ka. Awa bale bata anga ɔlɔ bale ayi kœgbœrœ œ ndi bala lœ ama akwa nœ ye kɔ.

Ndjaba vwavwa uzu ndœ kœmbœrœ ekperœ nene

¹²Uzu á tshe wusœ kœru lœsu ye lœ ɔgbɔ o'o, œshe kœdœ uzu nœ yanga. Gbambanœ nene, manda kœma kœru lœsu nœ ye lœ ɔgbɔ o'o, Ndjaba œ za soro

fœ she b̄ata œrœ tshangba akwa á tshe gumasœ nœ tœ koeto fœ endjeneke á endje yindœ ye.

¹³ƆE kœsœ adœke l̄osu uzu vwa she ndœ kœmbœrœ ekperœ, adja tshe papa adœke: «Ndjaba dá vwa mœ ndœ nœ» nene. Ndjaba gbegebe tœ kœmbœrœ ekperœ nene yé tshe vwa vwa ndje uzu ndœ ekperœ nene.

¹⁴Ogo nœ uzu dœ tœ ye dá mbœrœ adœke l̄osu ye vwa she ga lœ ekperœ.

¹⁵Manda kœgerœ ekpe ogonœ asœmœ, ekperœ œ wuta lœ nœ yé œ kœsœ adœke ekperœnœ gerœ yekane á kuzu œ wuta lœ nœ.

¹⁶ƆErœ bale fafara 'e dœ aaya mœ á mœ yindœ 'e waa asœke nene.

¹⁷Ɔtshœ œrœ kœ á uzu œ gbœ gbambanœ to b̄a lafo b̄a ndœ Ndjaba ayi kœmbœrœ ɔlœ, yapu œdœ pe angerepe. B̄a ndœ ye, tshe yayapatœ ye nene. B̄a ndœ ye, aya ubu osho gugu nene.

¹⁸Ndjaba yindœ nœ yeka á za soro fœ azœ dœ awa o'o ama ye á dœ adja o'o adœke azœ dœ azu utshunœ ugurutœ œrœ kœ á tshe mbœrœ.

Kœdji o'o ama Ndjaba œdœ kœza ga tœ akwa

¹⁹E'e dœ aaya mœ á mœ yindœ 'e waa, 'e wusœ nœ kœ tœ ɔtshœnœ adœke: ƆE li adœke uzu dœ uzu vwara tœ kœdji o'o kashe tœ kœpa o'o katsha katsha dœ pe kœso ókó katsha katsha nene.

²⁰Gbambanœ nene, uzu á tshe kœsœ dœ ókó, tshe lili tœ kœmbœrœ œneke á sœ ndjii tœ ala Ndjaba nene.

²¹Atamœ, 'e katœ œrœ tshula dœ pe ndje kœmbœrœ ekperœ kœ t̄i, yé œ yindœ o'o á Ndjaba za fœ 'e dœ ɔmœ l̄osu. Gbambanœ nene, o'onœ li tœ kœshe 'e.

²²ƆE li adœke 'e za o'o ama Ndjaba ga tœ akwa, gbetshelœ nœ 'e vwavwa 'e kolœ ndœ kœdjidji nene.

²³Gbambanœ nene, œdœ uzu kœdji o'o ama Ndjaba, á kœzaza ga tœ akwa nene, tshe sœ b̄ata uzu á tshe sœ kœwu tshatshu ye b̄a la wushir̄i.

²⁴Yé manda kœwu tshatshu ye, tshe gitœ ye yé œndœ tshatshu ye á tshe wu má ro she ye.

²⁵Kashe œdœ uzu kœza awa akwa nœ Ndjaba á li tœ kœvwara uzu lœ kánḡa, á yindœ nœ dœ l̄osu bale, œdœ œndœnœ kœroro she nene á tshe kœsœ kœdji tœnœ á sœ kœza ga tœ akwa, uzunœ asœmœ œ sœ dœ yanga lœ œrœ nœ ye para kœkœ.

²⁶ƆEdœ anga uzu kœgbe adœke œne kœdœ ayi kœdonga Ndjaba, á kœwuwusœ kœgb̄ondœ ama ye nene, gbetshelœ nœ ye sœ tœ kœfara she gbambanœ. Kœdonga Ndjaba nœ ye sœ gbambanœ.

²⁷Ɔerø á Aba azø dø Ndjaba yindø næ adøeke uzu mbøerø tø køedonga øene dø ɔtshøncø døeke: køegbe dø ayasuru dø ayashe koya læ oyo næ endje, øedø ndje pe køegbøndø undu ye læ ekperø tshapashøncø asøeke kø.

Jake 2

Adja 'e keke azu ndøe tshatshu endje nene

¹Aaya møe, øe køesøe adøeke 'e søe dø køeyindøerø ga ndøe Gbozu næ azøe dø Yisu Kristu á tshe søe læ mokø, adja 'e keke azu ndøe køewu tshatshu endje nene.

²E gbe dø o'o asøeke kane. Ɔedøe uzu bale køeverø øerø kane asøe dø ɔrøe, á verø ɔtshø læba á li ga tøe øesøe ngbøtøe næ 'e, á anga uzu neke á tshe køedøe ayi oyo køeverø agba læba á li ndje dø tøencø,

³øe køesøe adøeke 'e lisøe ayi køeverø ɔtshø læbanøe, á pa føe she adøeke: «Ɔebøe á bøe søe ke, søe ga ati kpøeke ga tøe ɔtshø osho asøeke», yé á køepa føe ayi oyonøe adøeke: «Ɔebøe asøeke, ka døe ada zøe ba e», too ndje «søe ga ati, ga tøe ɔshø ba tøe osho á møe ko ada møe tø ga tøe næ»,

⁴øeneke á 'e mbøerø asøemøe má adøeke 'e søe køewu tshatshu azu, yé 'e wuta bata azu køewa o'o á endje wa ngbanga dø ekpe gbetshele.

⁵E'e døe aaya møe á møe yindøe 'e waa, 'e dji møe kane. Ndjaba ke ayi oyo pa ɔshø adøeke endje søe tøe ayi køegbøerø læ køeyindøerø ga ndøe Yisu yeka á endje køeli ga læ ogo gbozu á Ndjaba pandøe næ adøeke, øene za føe azu á endje yindøe øene.

⁶Kashe e'e, 'e wuwu ayi oyo læ ala 'e gbambanøe nene. Azu adøe dá søe køembøerø agbø øerøe døe kumu 'e a? Adøe dá søe køena døe 'e ga utshu ayi køewa ngbanga a? Ɔe dødøe ayi køegbøerø nene a?

⁷Ɔe dødøe koløe endje dá søe køendi ɔtshø i'iri á Ndjaba za ga pa e'e nene a?

⁸Adja 'e søe køembøerø døe ɔtshøncø øedøe 'e køesøe køeza awa akwa næ Gbozu Ndjaba ga tøe akwa. Awa akwanøe á Buku næ Ndjaba øe pa tøencø adøeke: «Yindøe yanga zøe bata á bøe yindøetøe zøe døe tøe zøe.»

⁹Kashe øe køesøe adøeke 'e ke azu mbøerø køewu tshatshu endje, 'e søe køembøerø ekperø. Ataa, awa akwa næ Ndjaba yisøe næ adøeke 'e te døe o'o ye.

¹⁰Yé uzu á tshe køeza awa akwanøe djigi ga tøe akwa, á køekatøe anganøe bale, tshe te døe tøencø para køkø ye.

¹¹Gbambanøe nene, uzu á tshe pa adøeke: «Adja papara awo uzu too akø uzu nene», pa ndje adøeke: «Adja bøe wowo uzu nene.» Ɔe køesøe adøeke bøe papara awo uzu too akø uzu nene, kashe bøe køewo uzu, bøe te døe awa akwa næ Ndjaba para køkø.

12'E pa o'o, 'e mbœerœtœ 'e b̄ata azu á Ndjaba œ wa ngbanga pa endje liaka awa akwanœ á vwara azœ læ ekperœ.

13Gbambanœ nene, Ndjaba œ wu oyo nene œ kœsœ adœeke tshe wa ngbanga pa uzu á tshe wuwu ndje oyo azu nene. Kashe kœwu oyo azu ropa kœwa ngbanga ye.

Kœyindœerœ œdœ ɔtshɔ akwa

14Aaya mœ, œ kœsœ adœeke anga uzu pa adœeke œne sœ dœ kœyindœerœ ga ndœ Ndjaba, á tshe kœmbœembœerœ ɔtshɔ akwa nene, ádá kœyindœerœ nœ ye sœ zœ dœmœ a? Yé kœyindœerœnœ asœmœ œ she má she kotoo?

15œ kœsœ adœeke anga aya 'e too yingɔ 'e, á tshe kœgugu dœ læba kœverœ ga tœ ye nene, too ndje dœ rœgo kœzi ɔɔ dœ ɔɔ nene,

16anga uzu bale ugurutœ e'e kœpa fœ endje adœeke: «'E verœ læba izi yé œ gu yé œ zi œerœ dœ ɔtshɔnœ», kashe 'e toto œerœ á endje gbe dœ tœnœ fœ endje nene, ataa ádá o'onœ á 'e pa sœ zœ dœmœ a?

17œ sœ ndje awa bale mbœerœ kœyindœerœ ga ndœ Ndjaba. Gbambanœ nene, œ kœsœ adœeke uzu sœ dœ kœyindœerœ, kashe tshe kœmbœembœerœ ɔtshɔ akwa nene, kœyindœerœ nœ ye tshu ye.

18Kashe œ kœsœ adœeke anga uzu pa adœeke: «œbœ á bœ sœ ke, sœ dœ kœyindœerœ, yé mœ mbœerœ akwa», mœ gi fœ she adœeke: «Ma fœ mœ mara á uzu li kœsœ dœ kœyindœerœ ga ndœ Ndjaba á kœgugu dœ akwa nene, ataa læ awa akwa nœ mœ, mœ ma mara á mœ sœ dœ kœyindœerœ ga ndœ Ndjaba fœ bœ.»

19Bœ wusœ nœ adœeke Ndjaba sœ tshebabale? Tœ ɔtshɔnœ. Kashe ekpe ishiri wu ndje sœ nœ atamœ, yé endje de gbara gbara dœ awa.

20Bœ gugu dœ kœwusœerœ nene. Bœ yindœ nœ adœeke mœ ma fœ bœ adœeke kœyindœerœ á gugu dœ akwa nene sœ gbambanœ a?

21Ata azœ dœ Abrayamo wuta lima ɔtshɔ uzu tœ ala Ndjaba mbœerœ kœmbœerœ ɔtshɔ akwa, á mbœerœ adœeke tshe yi lima ndœ kœza gbolo nœ ye Isaka tœ tokóró fœ Ndjaba.

22Wusœ nœ adœeke kœyindœerœ œdœ akwa nœ ye na lima awa bale: kœyindœerœ nœ ye wuta dœ ɔtshɔnœ mbœerœ akwa á tshe mbœerœ.

23O'onœ mbœerœtœ ye b̄ata á Buku nœ Ndjaba pa adœeke: «Abrayamo yindœ o'o ama Ndjaba yé mbœerœ tœnœ ataa, Ndjaba wu she tœ uzu á tshe sœ ndjii.» Mbœerœ tœnœ atamœ, Ndjaba e she adœeke yanga œne.

24'E wusœ nœ adœeke, uzu œ wuta ndjii tœ ala Ndjaba mbœerœ kœmbœerœ ɔtshɔ akwa, kashe œ sœsœ kolœ mbœerœ kœyindœerœ bale nene.

²⁵Ɖe sœ ndje awa bale tœ upu nœ Rahabe yashe gu ga atĩ ba lœ Yeriko. Ɖe dóédœ mbœrœ akwa nœ ye dá tshe wuta lima uzu ndjii tœ ala Ndjaba na a? Tshe za lima osho kœsœ fœ ayi avwa nœ Ayuda, á ko endje kpa wuta tœncœ dœ angbi awa.

²⁶Bata uzu kœwuwu nene, tshe tshu ye, awa bale œdœ kœyindœrœ nœ uzu kœvwavwa she ndœ kœmbœrœ akwa nene, kœyindœrœ nœ tshu ndje ye.

Jake 3

Kœgbœndœ tima azœ

¹Aaya mœ, adja azu ndjoro ugurutœ e'e yiyindœ nœ adœke œne te aayi kœyisœrœ nene. Gbambœnœ nene, Ndjaba œ wa bala œgbœ ngbanga pa azœ dœ ayi kœyisœrœ, kœropa œncœ udu anga azu.

²Azœ kœ, a sœ kœyo tœncœ œœ dœ œœ. Ɖe kœsœ adœke uzu mbœrœ ekperœ lœ o'o á tshe pa nene, uzuncœ asœmœ kœdœ œtshœ uzu tako. Tshe li ndje kœsœ tœ gbozu tshapa undu ye kœ.

³A ko yarakowo ga lœ ama ambarata adœke endje dji azœ, yé a yœœ endje adœke endje na tœ awa á a yindœ nœ.

⁴E gbe ndje dœ masuwa: œ sœ tœ egerœncœ gbaa, œdœ ndje ndavuru yugu sœmœ á vwi masuwancœ gbaa, ayi kœgbœta tœncœ œ turu kolœ tœ aya yindœncœ teasho yekane á fa masuwancœ ngoro ngoro ngoro ga tœ osho á tshe gbe kœfa ga tœ nœ.

⁵Awa bale dœ tima azœ: œtœncœ kœdœ aya œrœ teasho lœ undu uzu, yé œ sœ kœmbœrœ ko ogboro œrœ. 'E gbe dœ aya owo teasho á tetœ egerœ gusu, yé gusunœ œ ju kpa.

⁶Tima kœdœ œrœ kote uzu á sœ bata owo. Ɖetœncœ kœdœ anda ekperœ. Ɖe ndi undu azœ dœ uburu yé œ tshi bata owo lifelo. Ɖe ju uzu kœto ba tœ kœzu she œerrr kpa ga tœ kuzu ye.

⁷Uzu kœ mbœrœ adœke œne dœ gbozu tshapa mara agea kœ, agea gusu dœ pe ayanu, dœ agea á endje œœ tœ œshœ, dœ ageatshalangu, yé endje dji she.

⁸Kashe uzu bale lili tœ kœsœ tœ gbozu tshapa tima ye nene. Tœncœ kœdœ ekperœ á uzu lili kœetepa nœ pa œshœ nene, œ suusu dœ ekpe œœ tœ kœwo azu.

⁹A donga Gbozu á tshe dœ Aba azœ dœ tima azœ, yé œ darandœ azu, á Ndjaba mbœrœ endje bata ishiri ye dœ tœ ye, kolœ dœ tima bale asœmœ.

¹⁰œtshœ o'o kœdonga dœ Ndjaba ndje dœ ekpe o'o kœdarandœ azu wuta ko kolœ ama azœ. Aaya mœ, œ lili adœke œrœ atake mbœrœtœ ye nene.

¹¹Adja œtshœ ungu dœ ekpe ungu wuta ba lima lœ ogoro bale a?

¹²Aaya mœ, ɔyɔ fige zu ele olive yeka œdœ ɔyɔ vinu á zu ele fige ma? Awa bale ungu kœndjoondjo wuwuta lœ ogoro bale dœ ungu ingbiri nene.

Kœwusœtœ á to ba ndœ Ndjaba

¹³Ɔedœ ugurutœ 'e kɔ kœdœ uzu kœwusœtœ œdœ kœwusœrœ a? Kaka tshe yisœ nœ lœ awa kœmatœ ye tœ uzu nœ ɔtshɔ ɔtshɔ yé œ mbœrœ akwa nœ ye para kɔkɔ dœ ɔmɔ lœsu œdœ pe kœwusœrœ.

¹⁴Kashe, 'e kœsœ dœ gbetshelœ kœropa anga 'e, á lœsu 'e kœsu dœ ekpe úkú, adja 'e koko ombo ga tœ 'e nene yé œ pa wala dœ i'iri adja o'o nene.

¹⁵Mara kœwusœtœnœ asœke toto ba ndœ Ndjaba nene, œ dœ kœwusœtœ tshapashɔ nœ asœke, kœwusœtœ nœ azu, kœwusœtœ á to lœ ekpe ishiri.

¹⁶Gbambanœ nene, úkú œdœ pe kœko ombo ga tœ azu dá sœ kœzu djingili œdœ pe ala ekperœ kɔ.

¹⁷Kashe uzu á tshe sœ dœ kœwusœtœ á to ba ndœ Ndjaba, tshe kœdœ uzu nœ œyerœ lœsu, tshe bœbœrœtœ ye nene, tshe sœ dœ ɔtshɔ lœsu, œ sœ ndje dœ lœsu nœ kœdji azu, tshe dœ uzu nœ kœwu oyo anganœ. Tshe kœdœ uzu nœ kœmbœrœ ɔtshɔ akwa, uzu nœ kœwu tshatshu azu nene yé tshe dœdœ wulapatshɔ nene.

¹⁸Azu neke á ndje yindœ kœsœ gee, endje lœ bata azu kœdjo kindi á endje gi kœsœ gee dji kpata indiri endje yé ngwarœ á endje rɔ kœdœ soro á sœ ndjii.

Jake 4

Kœyindœ tshapashɔ kœdœ kœyiangba Ndjaba

¹Ɔbœrœ œdœ pe koshe ugurutœ 'e to kpœta a? Asœmœ kɔ to lœ ogo nœ 'e dœ tœ 'e á sœ kœdutœ endje lœ gbetshelœ nœ 'e asœmœ nene a?

²'E sœ dœ ogo kœgbɔ œrœ kashe 'e gbɔ nene yé 'e wuta ayi kœwo azu. 'E sœ dœ úkú mbœrœ œrœ ndjoro yé bata á 'e sœsœ kœgbɔ œrœnœ nene, 'e fa ga lœ koshe. 'E gbɔgbɔ œrœ á 'e sœ kœpara nene mbœrœ á 'e ee osho ndœ nœ ga ndœ Ndjaba nene.

³Ɔe kœsœ adœke 'e e osho ndœ nœ ga ndœ Ndjaba, 'e gbɔ nene mbœrœ á 'e sœ kœ'e osho nœ dœ ekpe gbetshelœ; gbambanœ nene, 'e e osho ndœ œrœ kɔ mbœrœ ogo undu 'e dœ tœ 'e.

⁴'E sœ kœfara Ndjaba, 'e fatœ 'e bata ayashe angba. 'E wuwusœ nœ nene adœke kœyindœ tshapashɔ nœ asœke kœdœ kœyiangba Ndjaba a? Uzu á tshe kœyindœ tshapashɔ asœke, tshe wuta ngbewo ayingba Ndjaba.

⁵Buku nœ Ndjaba pa adœke: «Ndjaba sœ dœ úkú waa mbœrœ ishiri á tshe za ga lœ azœ.» 'E gbe adœke o'onœ asœmœ wuta gbambanœ a?

⁶Kashe Ndjaba sœ dœ ɔtshɔ lɔsu ga ndœ azœ kœropa nœ, gbambanœ nene Buku nœ ye pa adœke: «Ndjaba vwaratœ ye tœ ayengɔ egerœ kumu, kashe tshe sœ dœ ɔtshɔ lɔsu ga ndœ endjeneke á endje zatœ endje ga ati.»

⁷Atamœ, 'e zatœ 'e ga tœ o'o ama Ndjaba, œ vwaratœ 'e tœ Satana á tshe kœgitœ ye tœ 'e lœ ingirinœ.

⁸'E gitœ 'e ndo dœ Ndjaba yeka á tshe kœgitœ ye ndje ndœ 'e. E'e dœ azu kœmbœrœ ekperœ, 'e yapa ɔtshɔ 'e. E'e á 'e sœ dœ lɔsu bisha bisha, 'e mbœrœ adœke 'e wuta dœ lɔsu bale.

⁹'E yindœ nœ adœke 'e dœ azu oyo, 'e ki. 'E katœ kœmɔtœ 'e yé œ ki dœ ngola. 'E katœ kœsœ dœ yanga kashe 'e sœ dœ oyo.

¹⁰'E zatœ 'e ga ati utshu Gbozu yeka á tshe kœti 'e ga lafo.

Wawa ngbanga pa yanga zœ nene

¹¹Aaya, 'e papa ekpe o'o goro œsœ anga 'e nene. Uzu tsheneke á tshe kœpa ekpe o'o goro œsœ yanganœ too ndje á kœwa ngbanga pa yanganœ, œ sœ bata tshe pa ekpe o'o ga tœ awa akwa nœ Ndjaba too ndje tshe wa ngbanga pa nœ. Œdœ bœ kœwa ngbanga pa awa akwa, bœ kœdœ ayi kœwa ngbanga pa nœ kashe bœ dœdœ ayi kœza ga tœ akwa nene.

¹²Gbambanœ nene, Ndjaba bale dá dœ ayi kœza awa akwa dœ pe ayi kœwa ngbanga, œshe dá li kœshe azu too kœwo endje. Kashe œbœ kœdœ dœ yekane á kœwa ngbanga pa yanga zœ a?

'E katœ kœdonga tœ 'e dœ tœ 'e

¹³'E dji mœ dœ ɔtshɔnœ, e'e dœ azu á 'e pa adœke: «Kpœsheke too ba mbatsha 'a na ba lakpi asœke, 'a lo ba zœ nbugu bale, 'a ka œrœ nœ 'a yé 'a gbɔ ngendja.»

¹⁴Andaa 'e wuwusœ œrœ neke á wuta ga tœ e'e ba mbatsha nene. 'E sœ bata ngawo á da yé œndœnœ œ di nene yeka á yiwa.

¹⁵'E li má kœpa adœke: «Œ kœsœ adœke Gbozu yindœ nœ, á 'a kœsœpe dœ soro, 'a mbœrœ œrœ neke, too ndje œneke asœke.»

¹⁶Kashe ngɔngɔ asœ, 'e sœ kœdonga tœ 'e tœ œrœ á 'e gbe tœ kœmbœrœ tœnœ. Kœdongatœsho kɔ nœ mara asœke sœ tœ ekpenœ.

¹⁷Atamœ, uzu á tshe wusœ kœmbœrœ ɔtshœrœ á yiyindœ kœmbœrœ tœnœ nene, sœ kœmbœrœ ekperœ.

Jake 5

O'o tœ upu nœ aayi kœgbœrœ

¹'E dji mœ dœ ɔtshɔnœ, e'e dœ ayi kœgbɔrœ: ngɔngɔ asœ 'e ki, 'e sa rawa mbœrœ oyo á sœ kœkate 'e!

²Ɔœrœ nœ 'e á 'e gbɔ fu yé akɔkɔ zɪ læba nœ 'e ye.

³Ɔrœ nœ 'e dœ pe kowo nœ 'e ko ngbandji. Ngbandjinœ má fœ 'e adœke 'e ndo tœ kœsho 'e dœ owo. 'E ngbɔba kœgbɔrœ ndjoro mbœrœ e'e dœ tœ 'e, andaa kœka tshapashɔnœ asœke ndo ye.

⁴'E wu œrœ tshangba akwa kindi á ayi akwa nœ e'e mbœrœ fœ 'e á 'e vwaratœ 'e kœko fœ endje. Ɔœ sœsœ ndjii nene! 'E dji mara á endje sœ kœki tœnœ yé Gbozu á tshe sœ dœ gbɔgbɔ kɔ dji ìki endje.

⁵'E gbɔ œrœ waa læ soro 'e pa ɔshɔ yé 'e mbœrœ œneke á lœsu 'e yindœ nœ. 'E wuta b̄ata ayarœ ojoro á endje gbɔndœ endje tœ kœwo endje.

⁶'E wa ɔgbɔ ngbanga pa azu, 'e wo endjeneke á endje sœ ndjii tœ ala Ndjaba yé endje vwavwaratœ endje nene.

Kœru lœsu

⁷Atamœ aaya, 'e sœ dœ kœru lœsu œrrr ga tœ kœkwa Gbozu Yisu. 'E gbe dœ kœru lœsu nœ ayi kœdjo kindi: manda kœni ali yavuru, tshe tɔrɔ kindi nœ ye. Tshe kate anga yavuru œrrr ga tœ anga osho mbœrœ kœzi ngwarœ kindi nœ ye.

⁸E'e ndje awa bale, œ li adœke 'e sœ dœ kœru lœsu, œ shi gbɪ tœ lœsu 'e; gbambanœ nene, lɔkɔ kœkwa Gbozu ndo ye.

⁹Aaya, 'e pupulœma 'e ugurutœ 'e tœ upu nœ anga 'e nene mbœrœ á endje kœwawa ngbanga pa 'e nene. 'E wu: ayi kœwa ngbanga ka læ talamanda.

¹⁰Aaya, 'e mbœrœ mara œrœ nœ aayi kœgbara o'o á endje sœ lima kœpa o'o dœ ì'iri Gbozu: mara á endje sœ liya kœru lœsu endje læ ɔgbɔ o'o á sœ lima kœna ga ndœ endje.

¹¹'E wu: a e endje azu yanga mbœrœ kœru lœsu nœ endje. 'E dji o'o tœ upu kœshi gbɪ nœ Yobo yé 'e wu œneke á Gbozu mbœrœ fœ she manda nœ; gbambanœ nene, Gbozu sœ lima dœ ugu lœsu œdœ pe lœsu nœ kœwu oyo.

¹²Kœropa nœ kɔ, aaya mœ, adja 'e wawa ìgi 'e ndje dœ ì'iri Ndjaba nene, too dœ ì'iri uzu nene, too ndje dœ ì'iri anga œrœ bale nene. Kaka adœke 'e le «Ɔœ» œ kœsœ adœke 'e yindœ o'onœ. Á 'e kœle «œœœ» œ sœ adœke 'e vwaratœ 'e tœ o'onœ mbœrœ adœke 'e tete dœ o'o utshu Ndjaba nene.

Kœki fœ Ndjaba

¹³Ɔœ kœsœ adœke anga uzu bale ugurutœ 'e sœ kœwu oyo, tshe ki ga ndœ Ndjaba. Á œ kœsœ adœke tshe kœsœ dœ yanga, tshe donga Ndjaba.

- 14** Ɖe koesœ adœke anga uzu bale ugurutœ 'e sœ dœ koba, tshe e agbozu Ikrizia, yé endje ki fœ Ndjaba tœ ye manda kœta kada ga tœ ye dœ i'iri Gbozu.
- 15** Kœki fœ Ndjaba dœ kœyindœrœ œ she uzu lœ koba. Gbozu kpa to gbɔgbɔ fœ she œ iwwi she ga lafo yé œdœ tshe kœmbœrœ ekperœ, Ndjaba œ djerœndœ nœ.
- 16** Atamœ, œ li adœke 'e pandœ ekperœ nœ 'e uzu dœ uzu fœ yanga nœ, 'e ki fœ Ndjaba uzu dœ uzu mbœrœ yanga nœ yekane á 'e kœshe. Gbambanœ nene, ákpálá iki nœ uzu á tshe sœ ndjii fœ Ndjaba li kœmbœrœ egerœ akwa.
- 17** Eliya kœdœ lima uzu bata azœ. Tshe ki fœ Ndjaba dœ lœsu ye bale adœke, yavuru nini nene, yé œ mbœrœ ngbugu votœ dœ yapu mindu dœ amancœ bale, yavuru nini pa ɔshɔ nene.
- 18** Manda nœ, tshe kpa ki fœ Ndjaba, ngbewo yavuru ni, yé ele ɔɔ ko pa ɔshɔ.
- 19** Aaya, œdœ uzu bale ugurutœ 'e kœdji awa, yé anga uzu kœgi she ga tœ awa,
- 20** 'e wusœ nœ adœke uzuncœ á tshe gi ayi kœmbœrœ ekperœ lœ ekpe awa, she ayancœ yé Ndjaba œ djerœndœ ukpulu ekperœ nœ ye á tshe mbœrœ asœmœ.

1 Petro

1 Petro 1

Abala

¹Ɔemœ Petro, ayi avwa nœ Yisu Kristu, mœ sœ kœsu mbetinoœ asœke fœ 'e dœ azu á Ndjaba ke 'e, á 'e ndjotshelœtœ 'e á wuta agene ba lœ ogo Po, Galate, Kapadose, Azi, œdœ pe Bitini.

²Ndjaba Aba wu ba lima sœ 'e katshatsha utshunœ, yé á ke 'e adœke 'e dœ azu nœ ye. Tshe mbœrœ adœke 'e wuta ayerœ azu lœ awa nœ Ishiri nœ ye, adœke 'e dji o'o ama Yisu Kristu yekane á tshe kœdjuto ekperœ nœ 'e dœ indji ye. Kaka Ndjaba yisœ otsho lœsu œdœ kœsœ gee nœ ye fœ 'e to pa nœ kpuru.

A donga Ndjaba mbœrœ tafo soro á tshe za fœ azœ lœ Yisu Kristu

³A donga Ndjaba á tshe dœ Aba Gbozu nœ azœ dœ Yisu Kristu; gbambanœ nene, tshe sœ dœ oyo waa ga ndœ azœ. Mbœrœ tœnœ ataa, tshe za tafo soro fœ azœ lœ awa nœ Yisu Kristu á tshe shé she ugurutœ akuzu. Ndjaba mbœrœ ataa mbœrœ a kœko lœsu azœ ga tœ soronœ á a gbœ asœmœ,

⁴a sœ dœ otshœrœ á Ndjaba gumasœ nœ kate azœ ba lafo. Ɔœtœnœ kœdœ œrœ á yiwa nene, œ za ngbandji nene yé œ gba ndje nene.

⁵Ndjaba œ gbœndœ 'e dœ gbœgbœ nœ ye mbœrœ kœyindœrœ nœ 'e ga ndœ ye œerr adœke 'e gbœ kœshe á ndo tœ kœmatœ ye dœ lœkœ kœka tshapashœ.

⁶Mbœrœ tœnœ ataa, 'e sœ dœ yanga, œdœ œ kœsœ adœke ngœngœ asœke 'e wu oyo tœ tshelœ aka œgbœ œrœ kœ á wuta ga tœ 'e.

⁷Ɔe li adœke endje yamba kœyindœrœ nœ 'e bata endje yamba œrœ dœ owo. Andaa kœyindœrœ nœ 'e ropa œrœ ye; gbambanœ nene, œrœ kœdœ œrœ á œendœnœ œ di nene. Ɔedœ 'e kœtepa kœyindœrœ nœ 'e kperœ, adja Ndjaba œ donga 'e, œ za mokœ dœ kœlœsœtœ fœ 'e dœ lœkœ á Yisu œ kwatœ ye.

⁸Ɔeshe á 'e wuwu she dœ ala 'e nene kashe 'e yindœ ye, 'e wuwu she nene kashe 'e sœ dœ kœyindœrœ ga ndœ ye. Mbœrœ tœnœ ataa, 'e sœ dœ egerœ yanga nœ mokœ, á uzu œ li kœpandœ maranœ kœ nene.

⁹Gbambanœ nene, Ndjaba œ za kœshe fœ 'e bata œrœ tshamanda kœyindœrœ nœ 'e.

¹⁰Aayi kœgbara o'o nœ Ndjaba pa lima o'o tœ upu nœ kœshenœ yé endje gbara o'o tœ upu nœ otshœ lœsu nœ Ndjaba ga ndœ 'e asœmœ.

¹¹Gbambanœ nene, Ishiri nœ Kristu sœ lima pa endje yé œ gbara lima o'o fœ endje tœ upu nœ œrœ kanga á Kristu œ wu, œdœ ndje mokœ á tshe gbœ manda

nœ. Aayi kœgbara o'onœ para lima awa kœ adœke œne wusœ lœkœnœ œdœ pe mara á œerœne œœmœ œ mbœerœtœ endje.

¹²Yé Ndjaba yi lima sœ nœ fœ aayi kœgbara o'o adœke, endje gbara lima o'onœ œœmœ tœ upu nœ endje dœ tœ endje nene kashe tœ upu nœ 'e dá aayi kœgbara o'onœ gbara lima o'o á ngœngœ asœ aayi kœyisœ Ɔtshœ O'o nœ Yisu Kristu na dœ tœnœ fœ 'e. Endje yi lima sœ nœ lœ awa nœ Ɔtshœ Ɔshiri á Ndjaba vwa lima she kœeto ba lafo, yé ngœngœ asœke aandjelu sœ ndje dœ yanga mbœerœ kœewusœ nœ.

Mara kœmbœerœtœ uzu á za yanga fœ Ndjaba

¹³Mbœerœ tœnœ ataa, 'e guma gbetshelœ nœ 'e mbœerœ kœmbœerœ akwa fœ Ndjaba. 'E dœ agbozu tshapa undu 'e dœ tœ 'e yé 'e ko lœsu 'e kœ ga pa Ɔtshœrœ á 'e gbœ dœ lœkœ á Yisu Kristu œ kwatœ ye.

¹⁴Bata e'e kœdœ agbolo kœdji o'o ama Aba 'e, 'e zaza lœsu 'e ga pa œerœ nœ anga 'e nene bœta á sœ lima utshunœ adœke 'e wusœ œerœ.

¹⁵Kashe bœta tsheneke á tshe e 'e, œshe kœdœ œeyerœ Ndjaba, œ li adœke e'e, 'e sœ ndje yerœ lœ mara kœmbœerœtœ nœ 'e kœ.

¹⁶Mbœerœ tœnœ dá endje sú ala Buku nœ Ndjaba adœke: «'E sœ yerœ gbambœne nene, mœ sœ yerœ.»

¹⁷Yé œdœ 'e kœsœ kœ'e Ndjaba adœke Aba lœkœ á 'e kœsœ kœza avwala nœ 'e fœ she, œ li adœke 'e kpa awa ye lœ olo kœsœ nœ 'e pa Ɔshœ mbœerœ tshe wuwu tshatshu uzu nene, kashe tshe wa o'o nœ uzu dœ uzu kœeli dœ akwa nœ ye.

¹⁸'E wusœ nœ adœke mara kœmbœerœtœ 'e utshunœ á 'e gbœ lima manda aata 'e gaga nene. Ndjaba she 'e lœ nœ kœ, tshe sheshe 'e dœ œerœ á ndi bœta ngendja too œrœ nene.

¹⁹Kashe tshe she 'e dœ indji Kristu á amanœ gbœ waa. Tshe sœ bœta aya pata á anga œerœ kote ye ndi bale nene, á œndœ uburu teasho gugu tœ ye nene.

²⁰Ndjaba ke lima she utshunœ adœke tshe mbœerœ tshapashœ, yeka á mbœerœ adœke tshe na dœ ndœngœlœ oshonœ asœke tœ upu nœ 'e.

²¹Lœ awa nœ ye, 'e sœ dœ kœyindœrœ ga ndœ Ndjaba á tshe shœ she lœ kuzu, yé á za mokœ fœ she dœ mara adœke kœyindœrœ nœ 'e œdœ pe lœsu 'e sœ ga pa Ndjaba.

²²'E wuta yerœ mbœerœ á 'e tetœ kœza adja o'o ga tœ akwa. œtœnœ dá sœ kœvwa 'e adœke 'e sœ dœ adja kœyindœshœ, ataa 'e kakatœ nœ nene, 'e yindœtœ 'e ugurutœ 'e dœ lœsu 'e djigi.

²³Gbambœne nene, Ndjaba zu 'e tœ bishœnœ lœ awa nœ o'o ama ye á dœ soro, á œepe ungu dœ ungu. Kashe œ sœsœ lœ awa nœ uzu á tshe tshu nene.

²⁴Endje sú ala Buku nœ Ndjaba adœke: «Azu para kɔkɔ sœ bata a'eara ɔyɔ, moko nœ endje sœ bata ndɔkɔ a'eara ɔyɔ: a'eara ɔyɔ œ ɔrɔ yé ndɔkɔnœ œ yo.

²⁵Kashe o'o ama Gbozu Ndjaba œ sœpe waa dœ waa.» Andaa o'onœ asœmœ, œtœnœ kœdœ ɔtshɔ O'onœ á endje yisœ nœ fœ 'e.

1 Petro 2

¹Mbœrœ tœ nœ ataa, 'e katœ ekperœ kɔ, dœ kœfara osho kɔ œdœ úkú, dœ mara wulapatshɔ kɔ, dœ egerœ ogo kœgbɔ œrœ, dœ ndje kœpa ekpe o'o ga tœ uzu kɔ ti ye.

²Kashe 'e sœ bata awaya. Endje sœ kolœ dœ ogo kœa ɔngɔ ayi endje, ɔngɔnœ á li adœke 'e para kœdœ adja o'o yekane á 'e kœgerœ á kœgbɔ kœshe.

³Gbambanœ nene, œ sœ bata á endje sú ala Buku nœ Ndjaba adœke: «'E wusœ nœ dœ tœ 'e adœke adja Gbozu sœ dœ ɔtshɔnœ.»

Badja soro mbœrœ anda nœ Ndjaba

⁴'E na ga ndœ ye, œshe kœdœ badja soronœ á azu za lima vwi'i kashe Ndjaba ke lima, yé œ wu adœke amanœ gbɔ waa.

⁵E'e ndje atamœ, 'e wuta bata badja soro á Ndjaba sœ kœmbœrœ tœnœ dœ anda á Ishiri nœ ye sœ lœ nœ. Tshe fa 'e tœ ayerœ anganga Ndjaba, mbœrœ á 'e kœko tokóró nœ Ishiri neke á za yanga fœ she lœ awa nœ Yisu Kristu.

⁶Gbambanœ nene, endje sú ala Buku nœ Ndjaba adœke: «'E wu, mœ ke anga badja á anda œ shi mbœrœ tœnœ, á amanœ gbɔ waa

á za tɔ ba lakpi Siyona mbœrœ kœmɔ anda nœ mœ ga pa nœ. Uzu kɔ á tshe za lɔsu ye ga pa nœ, tshe gbɔ tshula bale nene.»

⁷Mbœrœ 'e á 'e yindœ ye asœmœ, tshe sœ bata badja á amanœ gbɔ waa; kashe mbœrœ azu á endje yiyindœ ye nene, ádá badjanœ asœmœ gugu nene. Endje su ala Buku nœ Ndjaba adœke: «Badjanœ á aayi kœmɔ anda vwaratœ endje tœnœ wuta badja á anda œ shi mbœrœ tœnœ.»

⁸Endje kpa su ndje adœke: «Badjanœ asœmœ, azu œ ko ada endje tɔ tœnœ, yé œ ko endje vesho.» Endje sœ kœko ada endje tɔ tœnœ mbœrœ á endje sœsœ kœyindœ kœdji o'o ama Ndjaba nene. Ataa œrœ á yi lima ndœ kœmbœrœtœ ye fœ endje asœmœ, dá na asœmœ.

⁹Kashe e'e, 'e kœdœ azu tshelœ mara á Ndjaba ke. E'e kœdœ anganga nœ Gbozu. E'e kœdœ ayerœ azu nœ Ndjaba, á tshe ke 'e adœke 'e gbara ɔtshɔrœ á tshe mbœrœ fœ azu. Œshe dá gbota 'e lœ ubu osho mbœrœ kœko 'e ga lœ moko nœ ye á ropa nœ ye.

¹⁰Utshunœ, 'e dóédóé lima azu nœ Ndjaba nene; kashe ngóngónœ asœ, 'e wuta azu nœ ye. Utshunœ, Ndjaba wuwu lima oyo 'e nene; kashe ngóngó asœ, tshe wu oyo 'e ye.

E'e kœdœ akanga nœ Ndjaba

¹¹Aaya mœ á mœ yindœ 'e waa, 'e sœ бата azu á endje sœ kœroro tœnœ, azu á endje dœ agene pa ɔshɔ. Atamœ, mœ sœ kœmɪ upu fœ 'e adœke: 'e vwaratœ 'e tœ ekpe gbetshelœ nœ ɔkɔ á sœ kœnga koshe dœ ishiri 'e.

¹²'E mbœrœtœ 'e dœ ɔtshɔnœ ugurutœ ayingba Yisu. Ataa œdœ endje kœpa adœke e'e kœdœ azu kœmbœrœ ngbindirœ gbaa, endje wu ɔtshɔ akwa nœ 'e á 'e mbœrœ yé endje donga Ndjaba lɔkɔ á tshe kœkwatœ ye.

¹³'E lisœ agbozu tshapa ɔshɔnœ asœke mbœrœ 'e kœdœ azu nœ Gbozu Yisu, œdœ ndje gbozugo á tshe sœ pa azu para kɔkɔ asœmœ,

¹⁴ndje dœ pe agbozu á tshe vwa endje ndœ kœza djofele fœ aayi kœmbœrœ ngbindirœ ndje dœ kœdonga aayi kœmbœrœ ɔtshɔrœ asœmœ.

¹⁵Gbambanœ nene, Ndjaba yindœ nœ adœke 'e mbœrœ ɔtshɔrœ yeka azu á endje ndi lœ ekperœ á wuwusœ œrœ nene, kœsœsœ dœ o'o ndœ kœpa tœ upu nœ 'e nene.

¹⁶'E mbœrœtœ 'e бата azu á endje kpa dóédóé akanga nene. Kashe adja œneke kpa zaza awa fœ 'e kœmbœrœ ekperœ nene, kashe 'e mbœrœtœ 'e бата akanga nœ Ndjaba.

¹⁷'E lisœ azu para kɔkɔ yé œ yindœ aaya 'e. 'E kpa awa Ndjaba, yé œ lisœ gbozugo nœ 'e.

A mbœrœ mara œrœ nœ Kristu

¹⁸'E dœ aayi akwa, 'e lisœ ayengɔ 'e. 'E lili kolœ œsœ endjeneke á endje sœ dœ ɔtshɔnœ ndje dœ endjeneke á endje sœ dœ ɔtshɔ lɔsu nene, kashe 'e li ndje sœ endjeneke á endje sœ dœ ɔgbɔ lɔsu.

¹⁹Gbambanœ nene, œdœ uzu kœru lɔsu ye lœ œrœ kanga á lili má adœke tshe wu nene mbœrœ kœkpa awa Ndjaba, œ ga waa.

²⁰Ataa, ɔtshɔrœ gadé dá uzu œ gbɔ œ kœsœ adœke tshe wu oyo mbœrœ kœmbœrœ ekperœ a? Kashe œ kœsœ adœke tshe wu oyo mbœrœ á tshe mbœrœ ɔtshɔrœ, œ sœ dœ ɔtshɔnœ tœ ala Ndjaba.

²¹Asœmœ kœdœ œrœ á Ndjaba e 'e mbœrœ tœnœ, gbambanœ nene Kristu dœ tœ ye wu lima oyo mbœrœ 'e. Tshe yisœ awa fœ 'e adœke, 'e wu mara á tshe mbœrœ lima asœmœ yé œ mbœrœtœ 'e ndje liaka nœ.

²²Tshe mbœmbœrœ lima ekperœ nene yé wala hiaru wuwuta lima lœ ama ye nene.

²³Azu gu she, kashe tshe gigi fœ endje nene. Endje mbœrœ ɔgbɔ œrœ ga tœ ye, yé tshe susuku dœ uzu nene kashe tshe za lima tœ ye fœ Ndjaba á tshe wa o'o dœ adjapu.

²⁴Lɔkɔ á endje wo lima she pa kurushi, tshe za lima agba ekperœ nœ azœ ga pa ye. Tshe mbœrœ lima ataa yeka á a kœwuta azu á endje tshu tœ œneke á dœ ekperœ yé á sœ dœ soro ndœ kœmbœrœ œrœ á sœ ndjii. Œshe, á ukunœ á tshe gbɔ asœmœ, œ she 'e.

²⁵Gbambanœ nene, 'e sœ lima bata apata á endje djingili awa; kashe ngɔngɔnœ asœke, 'e fatœ 'e ga ndœ ayi kœgbɔndœ apata, á tshe kœdœ ayi kœgbɔndœ ishiri 'e.

1 Petro 3

O'o tœ upu nœ ayashe dœ ayakoshe

¹E'e dœ ayashe ndje, 'e lisœ aakɔ 'e mbœrœ œ kœsœ adœke anga endje vwaratœ endje tœ kœdji o'o ama Ndjaba, yé œdœ 'e kœyiyi ndje sœ o'o ama Ndjaba fœ endje nene gbaa, endje fatshalɔsu endje mbœrœ kœmbœrœtœ nœ 'e dœ awo endje,

²kœwu kolœ okporo mara kœmbœrœtœ nœ 'e œdœ ndje pe mara á 'e sœ kœlisœ endje.

³Adja kœga nœ 'e mama kolœ tœ ye ba ushu nene: bata mara kœguma dœ sukumu 'e, dœ kœverœ œrœ á endje mbœrœ dœ ɔrœ ga tœ 'e, ndje dœ kœverœ lœba á ga waa.

⁴Kashe œ li adœke, a sœ dœ kœga á zatœ ye yiwa tœnœ ba tœ lɔsu azœ. Asœmœ kœdœ kœga neke á ndi nene: kœsœ dœ lɔsu ziti œdœ kœsœ gee, œtœnœ dá amanœ gbɔ waa tœ ala Ndjaba.

⁵Atamœ dá ayerœ ayashe liya utshunœ á endje ko lima lɔsu endje ga tœ Ndjaba, á sœ lima kœlisœ aakɔ endje, endje guma lima tœ endje dœ maranœ asœke.

⁶Bata Sara á tshe dji lima o'o akœnœ dœ Abrayamo, yé á e lima she gbozu nœ ye. 'E wuta yawuru nœ ye œ kœsœ adœke 'e sœ kœmbœrœ ɔtshɔrœ yé œdœ 'e kœkakatœ 'e ti adœke anga œrœ bale za awa tœ 'e nene.

⁷E dœ ayakoshe ndje, lœ kœsœ nœ 'e dœ awo 'e, 'e wusœ nœ adœke endje kœdœ amɔ azu kœropa 'e. 'E lisœ endje, mbœrœ endje ndje, endje gbɔ soronœ á Ndjaba œ za fœ azu awa bale dœ 'e. 'E mbœrœ ataa yeka anga œrœ bale kœkukundœ avwala nœ 'e ga ndœ Ndjaba nene.

'E wu oyo tœ upu nœ kœmbœrœ œrœ á sœ ndjii

⁸Ndangba o'o nœ mœ fœ 'e kœdœ adœke, e'e para kœkœ 'e sœ dœ gbetshelœ bale, 'e sœ dœ lœsu kœti kane anga 'e, 'e yindœtœ 'e bœta aaya azu, 'e wu oyo anga 'e yé œ kotœ 'e ga ati.

⁹Adja 'e gigi ekperœ manda ekperœ nene, 'e gugu ndje azu neke á endje gu 'e nene. Kashe 'e to kane 'e ga pa endje gbambœnœ nene, mbœrœ tœnœ dá Ndjaba e 'e adœke œne to kane œne ga pa 'e.

¹⁰œ sœ bœta œneke á endje sú ala Buku nœ Ndjaba adœke: «Uzu á tshe kœyindœ kœsœ dœ ɔtshɔ soro, yé œ sœ dœ yanga pa ɔshɔnœ asœke, œ li adœke adja tshe gbœndœ tima ye tœ ekpe o'o, yé œ gbœndœ ama ye tœ kœpa wala.

¹¹œ li adœke tshe katœ kœmbœrœ ekperœ, yé œ mbœrœ kolœ ɔtshœrœ. Tshe mbœrœ dœ mara kœ adœke, œne sœ dœ kœsœ gee dœ azu yé œ shi gbi.

¹²Gbambœnœ nene, ala Ndjaba sœ pa azu á endje sœ ndjii, yé utu ye sœ ndœ kœdji avwala nœ endje, kashe tshe fa tshaangba ye fœ aayi kœmbœrœ ekperœ.»

¹³œdœ dá mbœrœ ekperœ fœ 'e œdœ 'e kœzatœ 'e djigi ndœ kœmbœrœ ɔtshœrœ a?

¹⁴œdœ azu kœsœ kœmbœrœ œrœ kanga fœ 'e mbœrœ á 'e sœ kœmbœrœ œrœ á sœ ndjii, 'e sœ dœ yanga. 'E kpakpa awa endje bale nene yé 'e koko lœsu 'e ga lafo nene.

¹⁵Kashe 'e tepa Kristu ga tœ lœsu 'e bœta œyerœ Gbozu nœ 'e. 'E gumatœ 'e ɔlœ dœ ɔlœ mbœrœ kœpa ádá á 'e za lœsu 'e ga pa Kristu fœ azu á endje yu 'e tœnœ.

¹⁶Kashe 'e gi o'o fœ endje dœ ɔmɔ lœsu, dœ kœlisœ endje œdœ pe ɔtshɔ gbetshelœ yekane azu á endje sœ kœpa adœke e'e kœdœ ekpe azu, á sœ kœpatœ ɔtshɔ 'e kœgbɔ tshula.

¹⁷Kashe œ sœ dœ ɔtshœnœ adœke 'e wu œrœ kanga tœ upu nœ ɔtshœrœ á 'e sœ kœmbœrœ tœnœ œdœ Ndjaba kœyindœ nœ. œneke asœ da ga kœropa kœwu œrœ kanga manda kœmbœrœ ekperœ.

¹⁸Gbambœnœ nene, Kristu dœ tœ ye tshu lima awa bale ngbewo lœ kumu ekperœ nœ azu, œshe á tshe sœ ndjii tshe tshu mbœrœ azu á endje sœsœ ndjii nene, mbœrœ kœko 'e na tœnœ ga ndœ Ndjaba. Endje wo kolœ undu ye kashe tshe she lœ kuzu dœ gbɔgbɔ nœ ɔtshɔ Ishiri.

¹⁹Yé dœ gbɔgbɔ nœ Ishirinœ asœmœ, tshe na ndœ kœyisœ œrœ fœ aishiri endjeneke á endje lœ lœ kánga ba lœ ogo nœ akuzu.

²⁰Endje vvara lima tœ endje tœ kœdji o'o ama Ndjaba kashe Ndjaba kate lima endje dœ ugu lœsu dœ lœkœ á Nowa sœ lima kœmbœrœ egerœ agba á kolœ azu teasho, mindu dœ votœ li lima ga lœ nœ yekane á she lima la ngunœ.

²¹Ungunœ asœmœ má batisimu á she 'e lœ ekperœ nœ 'e ngœngœ asœ: ungunœ œ djutœ uburu tœ undu uzu nene, kashe œ she uzu œdœ tshe kœzatœ ye fœ Ndjaba dœ œtshœ gbetshelœ. Batisimunœ she 'e mbœrœ á Yisu Kristu she lœ kuzu ye.

²²Tshe gu ga lafo yé œ sœ ga ati ga pa kuni Ndjaba. Tshe kœdœ Gbozu tshapa aandjelu, ga pa tshagbozu kœ œdœ ga pa gbœgbœ kœ ba lafo.

1 Petro 4

A katœ ongboro mara kœmbœrœtœ nœ azœ lima utshunœ

¹Ataa, bata á Kristu wu oyo lœ œkœ ye, œ li adœke 'e sœ dœ gbetshelœ nœ kœru lœsu lœ œgbœ œrœ bata œnœ ye. Gbambanœ nene, uzu kœ á tshe sœ kœwu oyo lœ œkœ ye, katœ kœmbœrœ ekperœ ngbewo.

²Mbœrœ tœnœ ataa, 'e kpa nana manda ogo nœ œkœ nene kashe 'e mbœrœ œrœ á Ndjaba yindœ nœ lœ udu soro 'e pa œshœnœ asœke.

³Lima utshunœ, 'e mbœrœ lima œrœ á azu á endje wuwusœ Ndjaba nene sœ lima dœ yanga kœmbœrœ tœnœ. 'E sœ lima kœmbœrœ angba budu, kœza lœsu 'e ga pa œrœ nœ anga 'e, kœndjo œrœ œrrr adœke œ mbœrœ 'e, kœzi œrœ dœ pe kœndjo œrœ dœ wuma tœpanœ kpuru, kœdonga lima andjaba á dœ ekperœ á gaga nene.

⁴Kashe ngœngœ asœ, azu á endje wuwusœ Ndjaba nene za ama endje ti asœ tœ kœwu 'e yé œ tetœ kœgu 'e mbœrœ á 'e kpa sœsœ kœngbœtœ 'e dœ endje lœ kœmbœrœ kœngba œrœ tshulanœ alœmœ nene.

⁵Andaa œlœ bale, endje pa o'o tœ mara kœmbœrœtœ endje fœ Ndjaba á tshe gumatœ ye ndœ kœwa ngbanga pa azu á endje sœ dœ soro ndje dœ azu á endje tshu.

⁶Mbœrœ tœnœ ataa, tshe yi ndje lima sœ œtshœ O'o fœ akuzu adœke manda kœwa ngbanga pa endje bata azu, endje sœ dœ soro bata Ndjaba lœ awa nœ fshiri.

Mara kœmbœrœtœ nœ azu nœ Kristu

⁷œrœ kœ ndo kœwuta ga tœ ndœngœlœnœ ye. 'E ma kœwusœtœ yé œ dœ agbozu tshapa undu 'e adœke 'e kœli tœ kœza avwala nœ 'e fœ Ndjaba.

⁸Utshunœ kœ, œ li adœke 'e yindœtœ 'e ugurutœ 'e dœ lœsu 'e bale. Gbambanœ nene, kœyindœshœnœ asœ œ za awa fœ 'e adœke 'e djerœndœ ekperœ ndjoro.

⁹ƆE li adœeke 'e za osho kœsœ foe anga 'e kashe 'e mbœmbœrœ dœ kœpulœema 'e nene.

¹⁰Bata á Ndjaba ko 'e tœ aayi kœgbœndœ œrœ nœ ye, yé á to gbœgbœ liakanœ foe 'e asœmœ, œ li adœeke uzu dœ uzu za gbœgbœnœ ga tœ akwa mbœrœ kœti kane anganœ.

¹¹ƆEdœ anga uzu ugurutœ 'e kœsœ kœpa o'o, œ li adœeke tshe pa o'o á to ba ndœ Ndjaba. Yé uzu nœ kœmbœrœ akwa foe azu, tshe mbœrœ dœ gbœgbœ á Ndjaba za foe she. 'E mbœrœ adœeke mara kœmbœrœtœ 'e lœ œrœ kœ donga Ndjaba lœ awa nœ Yisu Kristu, á tshe sœ dœ mokœ, dœ gbœgbœ neke á sœ waa dœ waa. Ame!

'E ru lœsu 'e lœ œgbœrœ bata azu nœ Kristu

¹²Aaya mœ á mœ yindœ 'e waa, 'e zaza ama 'e ti asœ mbœrœ œgbœrœ á na ga ndœ 'e nene. 'E wuwu ndje bata anga œrœ kpi nene.

¹³Kashe œ kœsœ adœeke 'e wu oyo bata á Kristu wu lima, 'e sœ dœ yanga adœeke lœkœ á mokœ nœ ye œ matœ endje, e'e ndje, 'e sœ dœ yanga kœropa nœ kpuru.

¹⁴ƆEdœ endje kœpa ekpe o'o ga tœ 'e mbœrœ á 'e kœdœ azu nœ Kristu, 'e kœdœ azu nœ yanga. Gbambanœ nene, Ishiri nœ Ndjaba á sœ dœ mokœ asœmœ sœ pa 'e.

¹⁵Adja anga uzu bale ugurutœ 'e wuwu oyo mbœrœ á tshe kœdœ ayi kœwo azu, too ayi angba, too ayi kœmbœrœ ngbœndœrœ, too ayi kœli ga lœ o'o nœ azu nene.

¹⁶Kashe œdœ tshe kœwu oyo mbœrœ á tshe dœ uzu nœ Kristu, adja tshe sœsœ dœ tshula tœnœ nene, tshe donga Ndjaba mbœrœ i'irinœ á endje za ga pa ye.

¹⁷Ɔlœ kœwa ngbanga nœ Ndjaba tœ, yé tshe tetœ kœwa tœnœ utshunœ pa azu nœ ye. ƆE kœsœ adœeke tshe tetœ kœwa ngbanganœ pa azœ, ataa azu á endje vwaratœ endje tœ kœyindœ Ɔtshœ O'o, endje ka kpœta a?

¹⁸ƆE sœ bata á endje sú ala Buku nœ Ndjaba adœeke: «ƆE kœsœ adœeke uzu á tshe sœ ndjii œ wu oyo utshunœ yekane á Ndjaba œ she she, ataa œrœ gafe dá wuta ga tœ uzu á tshe vwaratœ ye tœ Ndjaba œdœ uzu kœmbœrœ ekperœ a?»

¹⁹Mbœrœ tœnœ ataa, azu á endje sœ kœwu oyo mbœrœ endje sœ kœmbœrœ œrœ á Ndjaba yindœ nœ, œ li adœeke endje sœpe kœmbœrœ œtshœrœ yé œ za lœsu endje djigi ga tœ Ndjaba á tshe mbœrœ œrœ kœ, á tshe yayapa o'o ama ye nene.

1 Petro 5

O'o tœ upu nœ aayi kœgbœndœ azu nœ Ndjaba

¹Mœ sœ kœmĩ upu fœ agbozu Ikrizia ugurutœ 'e. Œmœ kœdœ ndje gbozu Ikrizia bata 'e, mœ wu œrœ kanga á Kristu wu dœ ala mœ yé mœ gbɔ ndje bala mokɔnœ á ndo tœ kœmatœ ye asœmœ.

²'E gbɔndœ azu nœ Ndjaba á tshe ko endje fœ 'e bata aayi kœgbɔndœ apata œ mbœrœ. 'E mbœmbœrœ akwanœ bata endje vwa 'e ndœ kœmbœrœ tœncœ dœ ɔgbɔ nene, kashe 'e mbœrœ dœ lɔsu 'e bale bata á Ndjaba yindœ nœ. Adja 'e gbɔgbɔndœ endje dœ gbetshelœ nœ kœgbɔ œrœ ndjoro lœ kumu endje nene, kashe 'e zatœ 'e kɔ ndœ kœmbœrœ tœncœ.

³Adja 'e zazatœ 'e ga pa endjeneke á Ndjaba ko endje fœ 'e asœmœ bata agbozu nene, kashe 'e dœ azu kœyisœ mara ɔtshɔ neke á sœ tœ ɔtshɔnœ fœ endje.

⁴Yeka lɔkɔ á egerœ Ayi kœgbɔndœ apatanœ kœkwa bala tœ ye, á tshe kœko œrœ tshangbanœ á dœ kpoto mokɔ, á ndĩ nene fœ 'e.

⁵Awa bale, 'e dœ amodo, 'e lĩsœ agbozu Ikrizia. 'E dœ azu para kɔkɔ, 'e zatœ 'e ga atĩ lœ kœsœ 'e dœ anga 'e; gbambanœ nene, endje sú ala Buku nœ Ndjaba adœke: «Ndjaba vwaratœ ye tœ azu egerœ kumu, kashe tshe ma ɔtshɔ lɔsu ga ndœ azu kœzatœ endje ga atĩ.»

⁶'E zatœ 'e ga atĩ ga tshagudĩ kane gbɔgbɔ nœ Ndjaba, adœke tshe ko 'e ga lafo dœ lɔkɔ á tshe guma.

⁷'E katœ gbetshelœncœ á za oyo fœ 'e kɔ fœ Ndjaba; gbambanœ nene, tshe to œrœ á 'e gbe dœ tœncœ fœ 'e.

⁸'E dœ agbozu tshapa undu 'e, yé ala 'e gbɔ kane! Gbambanœ nene, Satana á tshe kœdœ yingba 'e sœ kœfa djezœ tœ osho kɔ bata bamara kœpara uzu ndœ kœsuru tshelœ ye.

⁹'E vwaratœ 'e tœ ye yé œ ka ngbĩri lœ kœyindœrœ nœ 'e. 'E wusœ nœ adœke, oyonœ á 'e wu asœke, anga anga 'e dœ aayi kœyindœrœncœ lœ ndje kœwu tœncœ pa tshapashɔ asœ djigi.

¹⁰Ngɔngɔ asœ 'e sœ kœwu oyo yé œndœncœ œ dĩ nene, kashe Ndjaba á tshe sœ dœ ɔtshɔ lɔsu kɔ, á tshe e 'e kœngbɔtœ 'e bale dœ Kristu lœ mokɔ á ka nene, tshe kpa guma 'e dœ tœ ye manda kœwu oyo teasho tœ 'e, tshe mbœrœ adœke 'e mɔmɔ lœ kœyindœrœ nene, tshe to gbɔgbɔ fœ 'e adœke 'e kœshi gbĩ.

¹¹Kaka tshe dœ Gbozu ga pa œrœ kɔ waa dœ waa. Ame!

Ndɔngɔɔ o'o

¹²Mœ su ondo mbetincœ asœ fœ 'e lœ awa nœ aya azœ dœ Sila, á tshe zatœ ye djigi fœ Ndjaba. Mœ yindœ kœza kœru lɔsu fœ 'e, œdœ ndje kœpa o'o tœ upu nœ ɔtshɔ lɔsu nœ Ndjaba á dœ adjapu, adœke 'e shi ngbĩri lœ nœ.

¹³Azu Ikrizia lœ Babilone ba ke á Ndjaba ke endje ndje bata 'e ascœmœ vwa abala fœ 'e. Gbolo nœ mœ ndje dœ Marke vwa abala fœ 'e.

¹⁴E za abala kœyindœsho nœ mœ ga ugurutœ 'e bata aaya azu. Kaka Ndjaba za kœsœ gee fœ 'e para kœkœ, e'e á 'e ngbœtœ 'e bale dœ Kristu.

2 Petro

2 Petro 1

Abala

¹Ɔemœ Shimu Petro, ayi akwa nœ Yisu Kristu œdœ ndje ayi avwa nœ ye, mœ sœ kœsu mbetinœ asœ fœ e'e á 'e wuta aayi kœyindœrœ. 'E gbɔ kœyindœrœ á amanœ gbɔ waa, awa bale b̄ata 'a lœ awa nœ Ndjaba nœ azœ á tshe sœ ndjii œdœ Yisu Kristu Ayi kœshe azœ.

²Kaka 'e sœ dœ egerœ kœsœ gee lœ awa nœ kœwusœ Ndjaba œdœ Gbozu nœ azœ dœ Yisu, yé endje ma ɔtshɔ lœsu nœ endje ga ndœ 'e tɔpanœ kpuru.

'E pa avwara adœke mara kœmbœrœtœ 'e sœ dœ ɔtshɔnœ

³Dœ gbɔgbɔ nœ ye œnœ Ndjaba, Yisu Kristu to œrœ kɔ á li dœ azœ lœ soro ndje dœ ɔtshɔ mara kœmbœrœtœsho utshu Ndjaba. Ɔshe dá e azœ lœ awa nœ mokɔ nœ ye dœ tœ ye, á mbœrœ adœke a wusœ ye ndje dœ ɔtshɔ akwa nœ ye.

⁴Ataa, tshe ko œrœ á amanœ gbɔ waa á tshe pa lima ndœ kœko fœ azœ yekane lœ awa nœ kœgbɔ tœnœ, á 'e kœli kœwuta lœ ekperœ tshapashɔnœ á azu sœ dœ ogo kœmbœrœ tœnœ á ndi endje asœmœ, yé 'e kœza mara nœ œne dœ Ndjaba.

⁵Mbœrœ tœnœ ataa, 'e pa avwara adœke 'e za ɔtshɔ kœmbœrœtœsho ga pa kœyindœrœ nœ 'e. Ga pa ɔtshɔ kœmbœrœtœsho nœ 'e asœmœ, 'e dœ azu nœ kœwusœrœ.

⁶Ga pa kœwusœrœnœ, 'e dœ agbozu tshapa undu 'e; ga pa nœ, 'e sœ dœ kœru lœsu. Ga pa kœru lœsunœ, 'e zatœ 'e djigi ndœ kœmbœrœ akwa fœ Ndjaba.

⁷Ga pa nœ, 'e sœ dœ kœyindœsho, yé œ sœ dœ ayo.

⁸Gbambanœ nene, œdœ 'e kœsœ kœmbœrœ œneke kɔ ɔɔ dœ ɔɔ, œ za awa fœ 'e ndœ kœmbœrœ akwa á zu leyɔ fœ Ndjaba. Ataa, œ mbœrœ adœke 'e wusœ Gbozu nœ azœ dœ Yisu Kristu.

⁹Kashe uzu á tshe kœsœsœ kœmbœrœtœ ye atake nene, tshe sœ b̄ata uzu á ala ye bu á tshe sœ kœt̄aba osho na tœnœ. Tshe djerœndœ nœ adœke Ndjaba djuto ekperœnœ á tshe mbœrœ lima kɔ.

¹⁰Ataa aaya mœ, 'e kpa pa avwaratœ 'e adœke 'e sœpe azu á Ndjaba e 'e, yé á ke 'e asœmœ. Ɔdœ 'e kœmbœrœ ataa, 'e yo ga lœ ekperœ bale nene.

¹¹Mbœrœ tœnœ ataa, sharapu œ gu nene, Ndjaba œ kɔrɔ awa fœ 'e tœ kœli ga lœ Ogo gbozu nœ Gbozu nœ azœ dœ Yisu Kristu, Ayi kœshe azœ, yé 'e sœ b̄a zœ waa dœ waa.

¹²Ádánœ ataa, mœ kpa katœ kœpandœ œrœnœ alœke fœ 'e nene, ataa 'e wu balima sœ nœ yekane á shi gbi læ adjapu á endje yisœ nœ fœ 'e ascœmœ.

¹³Kashe mœ wu ndjii adœke, бата á mœ sœ damba læ œkœnœ asœ, mœ sœ kolœ kœpa o'onœ asœke adœke 'e gbe dœ tœnœ œœ dœ œœ.

¹⁴Gbambanœ nene, mœ wusœ nœ adœke olo kuzu mœ ndo ye бата á Gbozu nœ azœ dœ Yisu Kristu yisœ nœ fœ mœ.

¹⁵Kashe mœ mbœrœ kœ adœke manda kœtshu mœ, 'e li tœ kœgbœndœ o'onœ asœke tœ osho kœ.

Azu á endje wu mokœ nœ Kristu

¹⁶A pa o'o fœ 'e adœke 'e wusœ mara á Gbozu nœ azœ dœ Yisu Kristu œ kwatœ ye dœ gbœgbœ. O'onœ asœke dœdœ ndœmatoro á azu guma liaka gbetshelœ nœ endje nene. Kashe 'a wu she læ mokœ nœ ye dœ ala 'a.

¹⁷Gbambanœ nene, Ndjaba Aba donga she œ za mokœ fœ she, mokœ nœ ye ropa œrœ kœ, yé á pa lima adœke: «Tsheneke kœdœ Gbolo nœ mœ á mœ yindœ ye waa, mœ sœ dœ yanga mbœrœ she.»

¹⁸Adja a'a dœ tœ 'a, 'a dji lima tshamanœ asœ kœto ba lafo lœkœ á 'a sœ lima tœ œsœnœ dœ she, ba pa œyerœ kaga.

¹⁹Ga pa œeneke asœke, 'a wusœ nœ adœke o'o á aayi kœgbara o'o gbara lima ascœmœ, œtœnœ kœdœ adjapu. Œ li adœke 'e dara utu 'e ndœ kœdji kœgbara o'onœ ascœmœ, mbœrœ œ sœ бата miinda á tshi læ ubu osho œrrr ga tœ kœkœrœ osho yekane á tombele kœtœ girigiri ba tœ lœsu 'e.

²⁰Utshunœ kœ, 'e wusœ nœ dœ œtshœnœ adœke, kœgbara o'onœ á aayi kœgbara o'o sũ ba la Buku nœ Ndjaba ascœmœ, anganœ bale toto læ gbetshelœ nœ endje dœ tœ endje nene.

²¹Gbambanœ nene, o'o ama aayi kœgbara o'o toto læ awa akwa nœ azu nene, kashe Œtshœ lshiri dá li ga læ gbetshelœ nœ endje yekane á endje gbara o'o á to ba ndœ Ndjaba ascœmœ.

2 Petro 2

Ala 'e gbœ tœ aayi kœyisœrœ dœ wala

¹Utshunœ lima, aayi kœgbara o'o dœ wala wuta lima ga ugurutœ azu Israyele. Awa bale, aayi kœyisœrœ dœ wala œ wuta ndje ga ugurutœ 'e, yé œ yisœ œrœ á li tœ kœendi tshelœ kœyindœrœ nœ 'e. Endje vwaratœ endje tœ Gbozu á tshe ko lima endje ga shu læ ekperœ, yé manda aya olo endje gbota kuzu nœ gbaga ga pa endje.

²Azu ndjoro œ za awa œerœ tshula nœ endje asœmœ, yé kpœlœ kumu endje, azu œ gu œsœ awa adja o'o nœ Ndjaba.

³Aayi kœyisœerœ dœ walanœ asœmœ, endje sœ dœ egerœ ogo kœgbœ œerœ waa. Endje pa wala mbœerœ kœbili dœ 'e yeka á kœgbœ œerœ tshakane 'e. Kashe Ndjaba wa ba lima ngbanga pa endje ye, yé kuzu nœ gbaga sœ kœkate endje.

⁴Gbambanœ nene, œdœ ndje aandjelu á endje mbœerœ lima ekperœ, Ndjaba wuwu lima oyo endje nene kashe tshe ko lima endje va ga lœ kudu owo, ba tœ osho á bu kongorole dœ djingiri tœ endje. Tshe gbœndœ endje kœkate lœkœ á tshe wa dœ ngbanga.

⁵œ sœ ndje ataa awa bale bata á Ndjaba wuwu lima oyo azu pa osho nene dœ lœkœ á endje vvara lima tœ endje tœ kœdji she. Kashe tshe mbœerœ lima adœke endje nduru dœ lœkœ nœ egerœ kœsu ungu pa œshœ djigi. Kashe tshe she lima kolœ Nowa á tshe sœ lima kœmindœ o'o á sœ ndjii, awa bale dœ anga azu mindu dœ bisha (7).

⁶Manda nœ, tshe wa lima ngbanga pa azu ogo Sodomœ dœ pe Gomora yé œ sho lima endje dœ owo, yé endje ju lima kœ. Tshe mbœerœ œeneke lima tœ kœma œerœ á wuta mbatsha ga tœ aayi kœmbœerœ ekperœ kœ.

⁷Kashe Ndjaba she lima Lota, uzu á tshe sœ ndjii, á lœsu ye sœ lima kœka she tœ œerœ tshulanœ á azunœ sœ lima kœmbœerœ tœnœ.

⁸Gbambanœ nene, uzunœ á tshe sœ ndjii, á sœ lima ugurutœ endje asœmœ, wu lima endje kœmbœerœ ekperœ œœ dœ œœ, yé œ dji lima endje kœpa ekpe o'o. Kashe bata œshe kœdœ lima uzu á tshe sœ ndjii, lœsu ye sœ lima kœka she tœ ekperœ nœ endje.

⁹Asœke kœ sœ kœma adœke, Gbozu Ndjaba wusœ kœmbœerœ adœke azu nœ ye wuta lœ œgbœrœ. Kashe tshe gbœndœ aayi kœmbœerœ ekperœ ndœ kœza djofele fœ endje dœ lœkœ nœ kœwa ngbanga.

¹⁰Utshunœ kœ, tshe za œgbœ djofele fœ aayi kœza ekpe awa nœ œkœ, á endje vwaratœ endje adœke Ndjaba dœdœ Gbozu nœ œne nene. Aayi kœyisœerœ dœ walanœ asœmœ gbe adœke awa akwa nœ œne dœ tœ œne li ye. Endje kœdœ aayi egerœ kumu, endje sœsœ dœ awa kœgu œsœ aayi mokœ ba lafo nene.

¹¹Andaa œdœ ndje aandjelu á endje ropa endje dœ egerœ gbœgbœ, endje papa o'o tœ kœgu œsœ aayi mokœnœ asœke utshu Ndjaba nene.

¹²Kashe azunœ asœmœ sœ bata agea á endje gugu dœ kœwusœerœ nene, á Ndjaba mbœerœ endje adœke azu gi uku endje, œ wo endje, yé endje fu. Endje sœ kœgu œsœ œerœ á endje wuwusœ ádánœ nene. Endje fu bata agea.

¹³Endje gbœ bala œerœ tshangba ekperœ kœ á endje sœ kœmbœerœ tœnœ, endje sœ kolœ dœ yanga ndœ kœmbœerœ ekperœ dœ adja œœ. œdœ 'e kœsœ kœzi

œrœ dœ endje tœ osho bale, endje sœ kœsœ dœ yanga kœbili 'e yé mara kœmbœrœtœ endje sœ kœndi i'iri 'e.

¹⁴Ala endje fa kolœ ndœ kœmbœrœ angba budu, endje sœsœ kœmœ dœ kœmbœrœ ekperœ nene yé endje sœ kœbili azu á endje mœœmœ ndœ kœmbœrœ ekperœ. Lœsu endje sũ dœ ogo kœgbœ œrœ. Ataa, Ndjaba œ wa œgbœ ngbanga pa endje tako.

¹⁵Endje katœ awa á sœ ndjii yé œ gu ndœ awa Balaame, gbolo nœ Bosœre á tshe yi lima ndœ kœgbœ ngendja lœ awa nœ kœmbœrœ ekperœ.

¹⁶Kashe Ndjaba gbagbara lima Balaame mbœrœ ekperœ á tshe mbœrœ. Mbœrœ mbarata á tshe papa o'o nene te lima tœ kœpa o'o fœ Balaame bata uzu, yé œ pakata ye adœke tshe gbagbara o'o iyinœ asœmœ nene.

¹⁷Aayi kœyisœrœ dœ walancœ asœmœ sœ bata kumu ungu á œœ, endje sœ bata yavuru á bu kpikpikpi, kashe œ ni nene. Ndjaba guma balima osho kœsœ á bu kporokoto kœ vu dœ endje.

¹⁸Endje sœ kœpa o'o á ádáncœ gugu nene mbœrœ kœmatœ endje. Endje sœ kœgbœta azu á endje wuta damba ngœngœ ugurutœ azu á endje sœ lœ djingili, adœke endje kpa kwatœ endje ndœ kœmbœrœ œrœ tshula á undu endje sœ kœvwa endje ndœ nœ.

¹⁹Endje sœ kœmindœ nœ adœke aayi kœza awa œne wuta tshakudu kanga ye, andaa endje kœdœ adja akanga nœ kœmbœrœ œrœ á yi osho ga lœ ufu œrœ. Gbambancœ nene, œdœ uzu kœtœpe œrœ deorrr, tshe te kanga nœ œrœncœ asœmœ.

²⁰Azunœ asœmœ wu lima sœ Gbozu nœ azœ dœ Yisu Kristu á tshe kœdœ Ayi kœshe azœ, yé mbœrœ kœwusœrœncœ asœmœ, endje wuta lima lœ œrœ tshapashœncœ asœke á ndi azu. Kashe œ kœsœ adœke endje kpa kwatœ endje ndœ nœ yé á kpa kotœ endje djigi ga lœncœ dœ mara adœke gbœgbœncœ ropœ endje, atamœ kœsœ nœ endje ngœngœ asœ wuta tœ ekpenœ kœropa œneke lima utshunœ.

²¹Gbambancœ nene, œ sœ má lima dœ œtshœncœ adœke endje wu lima sœ awa kœmbœrœ œtshœrœ nene. Kashe œ sœ tœ ekpenœ kœropa nœ mbœrœ endje á endje wusœ nœ yeka á manda nœ á endje kpa katœ œyerœ awa akwa nœ Ndjaba á endje yi lima sœ nœ fœ endje.

²²œneke á mbœrœtœ endje fœ endje asœke li dœ gbaguru á pa adœke: «Yavoro ndja œ kpa kwatœ ye kœzi kœndja nœ ye» too ndje adœke: «Endje djutœ kote kœso yé katsha tshe kpa vwiritœ ye lœ kpata.»

2 Petro 3

Adjapu Gbozu ɔ kwatɔ ye

- ¹Aaya mɔe á mɔe yindɔe 'e waa, asɔeke kpa kɔedɔe bisha mbeti á mɔe su fɔe 'e. Yé bala mbetinɔe kɔ bibisha asɔeke, mɔe su o'o tɔe kɔejo 'e tɔe upu á 'e wu ba lima sɔe nɔe adɔeke 'e wuta dɔe ɔtshɔ gbetshelɔe.
- ²'E gbe dɔe o'onɔe á ayerɔe aayi kɔegbara o'o pa lima utshunɔe kane, yé ɔe gbe ndje dɔe awa o'onɔe á Gbozu á tshe kɔedɔe Ayi kɔeshe osho ko lima fɔe 'e lɔe awa nɔe aayi avwa á tshe vwa lima endje fɔe 'e.
- ³Utshunɔe kɔ, 'e wusɔe nɔe adɔeke, ndo dɔe lɔkɔ kɔeka bala tshapashɔ, aayi kɔemɔ osho á endje sɔe kɔena manda ogo undu endje dɔe tɔe endje, endje wuta. Endje tetɔe kɔemɔ 'e,
- ⁴yé ɔe pa adɔeke: «Adja Yisu ɔ kwatɔe ye liaka ɔeneke á tshe pa lima zɔe da a? Gbambanɔe nene, aata azɔe tshu balima yé ɔerɔe bale yayapatɔe ye manda endje nene. Ɔerɔe kɔ sɔepe kolɔe liaka ɔeneke á Ndjaba mbɔerɔe lima kɔeto tɔe ali kɔembɔerɔe ɔerɔe pa ɔshɔnɔe asɔeke.»
- ⁵Azunɔe á endje pa o'onɔe asɔeke djercendɔe nɔe adɔeke, lima utshunɔe Ndjaba pa o'o yé tshalafo dɔe tshaati wuta. Tshe mbɔerɔe ɔshɔnɔe asɔeke lɔe awa nɔe ungu, yé ɔe sɔe dɔe gbɔgbɔ mbɔerɔe ungu.
- ⁶Yé Ndjaba ndi ndje lima tshapashɔnɔe asɔeke dɔe awa nɔe egerɔe kɔesu ungu á su lima pa osho djigi.
- ⁷Kashe kolɔe dɔe o'o ama ye bale, tshe pa lima adɔeke ɔene gbɔndɔe tshalafo ɔedɔe tshapashɔ nɔe ngɔngɔ asɔe ndɔe kɔesho tɔenɔe dɔe owo dɔe lɔkɔ á ɔene wa ngbanga ɔedɔe dɔe lɔkɔ kɔendi aayi kɔembɔerɔe ekperɔe.
- ⁸Kashe e'e dɔe aaya mɔe á mɔe yindɔe 'e waa asɔeke, anga ɔerɔe bale á li adɔeke 'e djercendɔe nɔe nene dɔeke: Gbozu wu olo bale tɔe ala ye bata ngbugu kutu bale, yé ɔe wu ndje ngbugu kutu bale tɔe ala ye bata olo bale.
- ⁹Gbozu gbegbeletɔe ye tɔe kɔembɔerɔe ɔerɔe á tshe pa tɔenɔe nene bata anga azu ɔe gbe. Kashe tshe sɔe dɔe ugu lɔsu ga ndɔe 'e mbɔerɔe á tshe yiyindɔe nɔe adɔeke uzu bale ndi nene. Kashe tshe yindɔe nɔe adɔeke, azu para kɔkɔ fatshalɔsu endje.
- ¹⁰Olo kɔekwa Gbozu ɔ sɔe bata kɔena ayi angba. Dɔe olonɔe asɔemɔe, tshalafo ɔe yiwa yé anga ndavuru tshama ɔerɔe ɔe ki. Owo ɔe ju ɔerɔe tshalafo para kɔkɔ yé ɔshɔnɔe asɔe dɔe pe ɔerɔe tshapa nɔe kɔ ɔe ju.
- ¹¹Yé bata ɔerɔe kɔ ɔe ju ataa, ɔe li dɔe 'e kɔedɔe azu adɔe? 'E mbɔerɔe kotoo á soro 'e kɔesɔe yerɔe a? 'E mbɔerɔe kotoo kɔelisɔe Ndjaba a?
- ¹²'E kate olo kɔewa ngbanga nɔe Ndjaba yé 'e kpa pa avwara adɔeke olonɔe wuta gbara. Olonɔe asɔemɔe, owo ɔe tetɔe kɔeju tshalafo, yé ɔerɔe tshelɔenɔe kɔ ɔe tshanga.

¹³Kashe a sœ kœkate tafo tshalafo œdœ pe tshapashœnœ á Ndjaba pa lima o'o tœ nœ adœke œne mbœrœ ascœmœ. Azu á endje sœ pa nœ œ dœ kolœ aayi kœembœrœ œrœ á sœ ndjii.

O'o tœ upu nœ gbœdjela

¹⁴Mbœrœ tœnœ ataa, 'e dœ aaya mœ á mœ yindœ 'e waa, lœ kœkate olonœ ascœmœ, 'e pa avwara adœke œ gbœ 'e tœ azu á endje sœ ndjii, á Ndjaba œ gbœ œrœ bale tœ kœgbagbara 'e lœ kumunœ nene yekane á 'e kœsœ dœ kœsœ gee utshu ye.

¹⁵'E wusœ nœ adœke ugu lœsu nœ Gbozu nœ azœ kœdœ awa nœ kœshe 'e. Mbœrœ tœnœ dá aya azœ dœ Polo á a yindœ ye waa ascœmœ su lima mbeti fœ 'e lœ awa nœ kœwuscœtœ á Ndjaba za lima fœ she ascœmœ.

¹⁶œtœnœ ndje dá tshe sœ kœpa tœnœ bala mbeti nœ ye para kœkœ, kashe átá ádánœ gbœ waa tœ kœwu tshelœ katanœ kporo. Yé anga azu á endje wuwusœ œrœ nene, œdœ endjeneke á endje yayamba œrœ nene, endje sœ kœfa tshelœ o'onœ dœ mara á lili nene. Endje mbœrœ ba lima kolonœ ataa dœ anga angbi mbeti, endje sœ kœpara kuzu dœ tœ endje.

¹⁷Atamœ e'e dœ aaya mœ á mœ yindœ 'e waa, mœ va œtœnœ fœ 'e utshunœ ye. Ala 'e gbœ adœke azunœ á endje vwaratœ endje tœ awa akwa nœ Ndjaba ascœmœ kœfafara 'e yeka á kœko 'e vesho nene; yé endje gbœgbota 'e lœ œrœ á 'e za lœsu 'e ga pa nœ nene.

¹⁸Kashe œ li adœke 'e sœ kœgerœ lœ œtshœ lœsu œdœ lœ kœwuscœrœ nœ Gbozu nœ azœ dœ Yisu Kristu, Ayi kœshe azœ. Kaka tshe gbœ mokœ ngœngœ ascœke, ndje waa dœ waa! Ame.

1 Yowane

1 Yowane 1

O'o nœ soro

¹A sœ kœsu o'o á wu Uzu á tshe sœ lima katshatsha utshu ali kœmbœrœ œrœ para kœkœ. A dji lima she yé a wu ndje lima she dœ adja ala azœ, a wu lima she dœ ɔtshœnœ yé a goro lima ndje she dœ kane azœ. Œshe kœdœ O'onœ á za adja soro.

²Soronœ asœmœ ma lima tœ ye ga ndœ azu, a wu lima dœ ala azœ, a sœ kœpandœ nœ yé á sœ kœmindœ nœ tœ upu nœ ye. Uzunœ á tshe za soro neke á ka nene sœ lima awa bale dœ Aba yekane á na kœmatœ ye fœ azœ.

³Œeneke á a wu lima yé a dji, a sœ kœyi ndje sœ nœ fœ 'e dœ ádánœ adœke 'e ngbœtœ 'e dœ 'a á 'a ngbœ ndje tœ 'a bale dœ Aba œdœ pe Gbolo nœ ye dœ Yisu Kristu.

⁴Yé 'a sœ kœsu œeneke fœ 'e mbœrœ adœke adja lœsu azœ su dœ yanga.

Ndjaba sœ bœta ɔɔ

⁵O'o á a dji bœ ndœ Yisu Kristu yé a sœ kœpandœ nœ fœ 'e dœke: Ndjaba sœ bœta ɔɔ, ubu osho gugu bœ ndœ ye bale nene.

⁶Œdœ a kœpa adœke a ngbœtœ azœ bale dœ she, kashe a kpa kœsœ kœna lœ ubu osho, dá azœ kœdœ ayi wala, a sœsœ kœmbœrœtœ azœ lindœ adja O'o nene.

⁷Kashe œdœ a kœsœ kœna tœ ɔɔ bœta á Ndjaba dœ tœ ye sœ bœta ɔɔ, dá azœ kœ a ngbœtœ azœ bale, yé indji Gbolo nœ ye dœ Yisu œ djutœ azœ lœ ekperœ kœ.

⁸Œdœ a kœpa adœke a mbœmbœrœ ekperœ nene, a sœ kœfaratœ azœ dœ tœ azœ yé adja o'o gugu lœ azœ nene.

⁹Kashe œdœ a kœsœ kœpandœ ekperœ nœ azœ ngbœ ga ushu, Ndjaba á tshe sœ ndjii, tshe za o'o ama ye ga tœ akwa. Tshe djerœndœ ekperœ nœ azœ yé tshe djutœ azœ lœ kœmbœrœ œrœ nœ azœ kœ á sœsœ ndjii nene.

¹⁰Œdœ a kœpa adœke a mbœmbœrœ ekperœ nene, dá a fa Ndjaba tœ ayi wala, yé o'o ama ye sœsœ lœ azœ nene.

1 Yowane 2

Kristu ayi kœnga pa azœ

¹Agbolo nœ mœ, mœ sœ kœsu œeneke fœ 'e adœke 'e mboembœrœ ekperœ nene. Kashe œdœ anga uzu bale kœmbœrœ ekperœ, a sœ dœ ayi kœnga pa azœ bale á tshe sœ indiri Aba: Œshe kœdœ Yisu Kristu, á tshe sœ ndjii.

²Gbambanœ nene, Yisu Kristu za lima tœ ye fœ kuzu mbœrœ kœgi kudá tshangba ekperœ nœ azœ. Œ sœsœ kolœ mbœrœ ekperœ nœ azœ bale nene, kashe ndje mbœrœ œnœ azu pa ɔshɔ kɔ.

³Œdœ a kœmbœrœ tœ azœ lindœ awa akwa nœ Ndjaba dá a sœ dœ kœyindœrœ adœke a wusœ ye tako.

⁴Uzu á tshe kœpa adœke: «Mœ wusœ ye», kashe tshe kœsœsœ kœmbœrœtœ ye lindœ awa akwa nœ ye nene, œshe kœdœ ayi wala yé adja o'o gugu lœ ye nene.

⁵Kashe tsheneke á tshe gbɔndœ o'o ama Ndjaba, dá sœ kœma adœke tshe yi adja ndœ ye dœ ɔtshɔnœ. Matamœ dá a wusœ nœ adœke a ngbɔtœ azœ dœ she bale.

⁶Tsheneke á tshe du okoro ye adœke œne sœ lœ ngbɔtœ dœ Ndjaba, œ li adœke tshe mbœrœtœ ye b̄ata á Yisu mbœrœ lima.

Tafo awa akwa

⁷E dœ aaya mœ á mœ yindœ 'e, œ dœdœ tafo awa akwa dá mœ su fœ 'e asœke nene. Œtœnœ kœdœ ongoro awa akwa á 'e wu ba lima sœ nœ. Gbambanœ nene, tœnœ kœdœ o'onœ á 'e dji lima katshatsha utshunœ.

⁸Ataa atamœ gbaa, œtœnœ kœdœ tafo awa akwa dá mœ su fœ 'e. Œ sœ kœmatœ ye lœ mara kœmbœrœtœ Yisu œdœ ndje 'e adœke œ dœ adjapu, mbœrœ á ubu osho tetœ kœyiwa tœnœ yé adja ɔlɔ tetœ kœtɔ tœnœ.

⁹Uzu á tshe kœsœ kœje ama ye adœke œne sœ lœ ɔlɔ á kpa sœ kœyiangba ayannœ, tshe sœpe lœ ubu osho.

¹⁰Uzu á tshe kœyindœ ayannœ, tshe sœ lœ ɔlɔ, yé mbœrœ tœnœ ataa nene, tshe kpa gugu dœ anga gbetshelœ teasho adœke œne gi úkú ga tœ awa uzu nene.

¹¹Kashe tsheneke má á tshe yiangba ayannœ, tshe sœ lœ ubu osho. Tshe sœ kœna lœ ubu osho yé œ wuwusœ osho neke á tshe sœ kœna ga tœnœ nene, mbœrœ ubu oshonœ bu ala ye ga tœ nœ ye.

¹²Agbolo nœ mœ, mœ sœ kœsu œeneke fœ 'e gbambanœ nene, Ndjaba djerœndœ ekperœ nœ 'e mbœrœ i'iri ye dœ Yisu Kristu.

¹³Alaba, mœ sœ kœsu œeneke fœ 'e mbœrœ 'e wusœ tsheneke á tshe sœ lima utshu ali kœmbœrœ œrœ kɔ. Amodo, mœ sœ kœsu œeneke fœ 'e gbambanœ nene, 'e ropa ekpe uzunœ.

¹⁴Agbolo nœ mœ, mœ sœ kœsu œeneke fœ 'e, gbambanœ nene 'e wusœ Aba. Alaba, mœ sœ kœsu œeneke fœ 'e, gbambanœ nene, 'e wusœ tsheneke á tshe sœ lima utshu ali kœmbœrœ œrœ kɔ. Amodo, mœ sœ kœsu œeneke fœ 'e, gbambanœ nene, 'e sœ dœ gbɔgbɔ, yé o'o ama Ndjaba sœ lɔsu 'e yé 'e ropa ekpe uzunœ.

¹⁵Adja 'e yiyindœ tshapashɔ œdœ pe œrœ tshapa nœ kɔ nene. Œdœ uzu kœyindœ tshapashɔ, dá tshe yiyindœ Aba nene.

¹⁶Œrœ tshapashɔnœ dœke: Kœyindœ kœmbœrœ œeneke á ga tœ gbetshelœ nœ zœ dœ tœ zœ, too kœyindœ kœsœ dœ œeneke á a sœ kœwu tœnœ pa ɔshɔ, kœsœ dœ egerœ kumu ga pa œrœ tshapashɔ. Œtœnœ para kɔkɔ, œ toto ba ndœ Aba azœ nene, kashe œ to ba pa ɔshɔnœ asœke.

¹⁷Tshapashɔ œdœ pe œrœ kɔ pa ɔshɔ á azu œ gbe dœ tœnœ œ ka. Kashe tsheneke á tshe mbœrœ œrœ lindœ gbetshelœ nœ Ndjaba, tshe sœ dœ soro á ka nene.

Ayingba Kristu

¹⁸Agbolo nœ mœ, a wuta ga tœ ndɔngɔɔ osho. Endje mindœ nœ fœ 'e adœke anga yingba Kristu bale sœ kœna tœnœ, kashe a sœ kœwu ngɔngɔ asœ adœke ayingba Kristu sœ andjoro zœ. Mbœrœ tœnœ ataa, a wusœ nœ adœke a wuta ga tœ ndɔngɔɔ osho ye.

¹⁹Azu asœmœ wuta lima lœ ugurutœ azœ, kashe endje dœdœ lima adja azu nœ azœ nene. Gbambanœ nene, œdœ endje kœdœ má lima azu nœ azœ, endje sœ má pe lima tœ œsœnœ bale dœ azœ. Kashe endje wuta lima ugurutœ azœ yé œ sœ kœma adœke endje dœdœ azu nœ azœ nene.

²⁰Tœ e'e nœ 'e, Yisu to ɔtshɔ Ishiri fœ 'e mbœrœ adœke á 'e kœwusœ adja o'o.

²¹Œdœ mœ kœsu o'onœ asœ fœ 'e, œ yiyindœ kœpa adœke mbœrœ á 'e wuwusœ adja o'o nene, kashe œ sœ ataa mbœrœ á 'e kœwusœ nœ. 'E wu ndje sœ nœ adœke adja o'o gugu dœ wala bale nene.

²²Atamœ, ayi wala kœdœ dœ? Œshe kœdœ uzu á tshe sœ kœmindœ nœ adœke Yisu dœdœ Kristu nene. Œshe asœmœ kœdœ yingba Kristu, tshe vwaratœ ye tœ Aba œdœ pe Gbolo.

²³Gbambanœ nene, uzu kɔ á tshe vwaratœ ye tœ Gbolo, tshe sœsœ awa bale dœ Aba nene. Uzu á tshe pa ngbi adœke Yisu kœdœ Gbolo nœ Ndjaba, sœ awa bale dœ Aba.

²⁴Mbœrœ tœnœ ataa, 'e gbɔndœ o'onœ á 'e dji katshatsha utshunœ asœmœ ga lɔsu 'e dœ ɔtshɔnœ. Œdœ 'e kœgbɔndœ o'o á 'e dji katshatsha ba lima utshunœ asœmœ ga tœ lɔsu 'e dœ ɔtshɔnœ, dá 'e ndje, 'e sœ bale dœ Gbolo œdœ pe Aba.

²⁵Yé œerœneœ á Kristu pandœ nœ dœ tœ ye adœke œene za fœ azœ asœmœ koedœ soro á ka nene.

²⁶Mœ su o'onœ asœ fœ 'e tœ upu nœ endje má endje sœ kœpara awa kœfara 'e.

²⁷Tœ 'e nœ 'e, Ɔtshɔ Ɔshiri á Kristu to lima fœ 'e sœpe lœ 'e zœ, 'e kpa gugu lœ o'o kœyisœ œerœ nœ anga angbi azu nene. Gbambanœ nene, Ɔtshɔ Ɔshiri sœ kœyisœ œerœ kɔ fœ 'e: Tshe sœ kœyisœ adja o'o kashe œ dœdœ wala nene. Mbœrœ tœnœ ataa, 'e mbœrœ œeneke á tshe yisœ nœ fœ 'e: 'e ngbɔtœ 'e bale dœ Kristu.

²⁸Mbœrœ tœnœ ataa agbolo nœ mœ, 'e sœ dœ lœsu bale dœ Kristu, mbœrœ lœkɔ á tshe kpa kœkwa bala tœ ye, á lœsu azœ kœsœ ziti yé a kœgbɔgbɔ tshula nene lœkɔ á tshe kpa kœkwatœ ye.

²⁹Bata á 'e wusœ nœ adœke Kristu sœ ndjii asœmœ, 'e wu ndje sœ nœ adœke uzu á tshe mbœrœ œeneke asœ ndjii, œshe koedœ gbolo nœ Ndjaba.

1 Yowane 3

Agbolo nœ Ndjaba

¹'E wu mara á Aba yindœ azœ! Tshe yindœ azœ adœke tshe e azœ agbolo nœ ye. Yé a dœ adja agbolo nœ Ndjaba. Wu ádánœ á azu tshapashɔ lili tœ kœwusœ azœ nene dœke: endje wuwusœ Ndjaba nene.

²'E dœ aaya mœ á mœ yindœ 'e, ngɔngɔ asœke azœ koedœ agbolo nœ Ndjaba, kashe endje mama damba mara á 'a sœ bala dœ tœnœ ngbi fœ azœ nene. Atamœ gbaa, a wusœ nœ adœke lœkɔ á Kristu kœkwa bala tœ ye, a sœ bata she mbœrœ a wu she kolœ bata á tshe sœ.

³Uzu kɔ á tshe kœsœ dœ gbetshelœ ga ndœ ye ataa, tshe mbœrœ kɔ adœke ekperœ sœsœ lœ œene nene bata á ekperœ gugu ndje lœ Kristu nene.

⁴Uzu kɔ á tshe sœpe kœmbœrœ ekperœ, tshe vwaratœ ye tœ kœza awa akwa nœ Ndjaba ga tœ akwa. Gbambanœ nene, mbœrœ ekperœ koedœ koetshapu kœmbœrœ œerœ lindœ awa akwa.

⁵Kashe 'e wusœ nœ adœke Yisu Kristu na mbœrœ kœvwara azœ lœ ekperœ, yé tshe mbœmbœrœ ekperœ teasho nene.

⁶Mbœrœ tœnœ ataa, uzu á tshe ngbɔtœ ye bale dœ she, tshe mbœrœ ekperœ nene. Yé tsheneke á tshe kœsœ kœmbœrœ ekperœ, tshe wuwu she too œ wusœ ye bale nene.

⁷Agbolo nœ mœ, uzu bale fafara 'e nene! Uzu á tshe sœ kœmbœrœ œeneke á sœ ndjii, tshe sœ ndjii bata Yisu Kristu sœ ndjii.

⁸Tsheneke á tshe mbærœ ekperœ, œshe kœdœ uzu nœ djaboro, mbærœ djaboro kœdœ ayi kœmbærœ ekperœ petœ ali kœmbærœ œrœ kœ. Gbolo nœ Ndjaba na mbærœ kœndi tshelœ akwa nœ djaboro.

⁹Uzu kœ á tshe te gbolo nœ Ndjaba, tshe kpa mbærœ ekperœ nene, mbærœ gbœgbœ nœ soro nœ Ndjaba sœ lœ ye. Yé бата á tshe kœdœ gbolo nœ Ndjaba, tshe kpa mbærœ ekperœ nene.

¹⁰œrœ á kuru tshagurutœ agbolo nœ Ndjaba dœ endje nœ djaboro dœke: uzu kœ á tshe kœsœsœ kœmbærœ œneke á sœ ndjii nene, tshe dœdœ gbolo nœ Ndjaba nene; yé tsheneke á tshe yiangba ayancœ, dœdœ ndje gbolo nœ Ndjaba nene.

A yindœtœ azœ dœ anga azœ

¹¹O'ó má 'e dji lima katshatsha utshuncœ dœke: A yindœtœ azœ dœ anga azœ.

¹²A sœsœ бата Kayina á tshe dœ uzu nœ ekpe uzu yé á wo ayancœ nene. Mbærœ gadœ á tshe wo lima she a? Mbærœ akwa tshelœ ye dœ kayina gaga lima nene, kashe œncœ ayancœ dá sœ lima ndjii.

¹³Alaya, œdœ azu tshapashœ kœyiangba 'e, 'e kikitœ nœ nene.

¹⁴A wusœ nœ adœke a wuta lœ kuzu ndœ kœgbœ soro, mbærœ á a sœ kœyindœ aaya azœ. Tsheneke á tshe kœsœsœ dœ kœyindœsho nene, tshe sœpe lœ kuzu.

¹⁵Uzu á tshe kœyiangba ayancœ, œshe kœdœ ayengœ kowo. Bata á 'e wusœ nœ, anga ayengœ kowo bale á tshe gbœ soro nœ wa dœ wa œ gugu nene.

¹⁶Yisu zatœ ye fœ kuzu lœ kumu azœ. Asœke má mara kœyindœsho fœ azœ. A za ndje tœ azœ fœ kuzu mbærœ aaya azœ.

¹⁷œdœ anga uzu bale kœsœ dœ œrœ tshapashœ asœ, yé á wu ayancœ á tshe sœ dœ oyo kashe á tshapu kœto fœ she, dá tshe sœ dœ kœyindœsho nœ Ndjaba zœ dœ mœ a?

¹⁸Agbolo nœ mœ, 'e yiyi kolœ ndœsho dœ o'ó too dœ œtshœ o'ó neke á wuta lœ ama 'e nene, kashe 'e ma ndje adja kœyindœshoncœ lœ awa nœ kœmbærœ œrœ.

¹⁹Dœ mara atake, a wusœ nœ adœke azœ kœdœ azu á a sœ kœna lœ awa adja o'ó, tœncœ ata dá lœsu azœ œ sœ gee ba utshu Ndjaba.

²⁰Gbambancœ nene, œdœ lœsu azœ kœsœ kœpa fœ azœ adœke a mbærœ ekperœ, Ndjaba sœ tœ egerœncœ kœropa lœsu azœ yé tshe wusœ œrœ kœ.

²¹'E dœ aaya mœ á mœ yindœ 'e, œdœ lœsu azœ kœpa adœke a mbœmbærœ ekperœ nene, asœmœ dá a za avwala fœ Ndjaba dœ lœsu azœ ziti.

²²Ɔeneke kɔ á a yɔndɔe nɔe, a gbɔ ba ndɔe ye ye mbɔerɔe a sɔe kɔembɔerɔetɔe azɔe liaka awa akwa nɔe ye, yé ɔe sɔe kɔembɔerɔe ɔeneke á ga tɔe ala ye.

²³Ɔeneke á Ndjaba pandɔe nɔe fɔe azɔe adɔeke a mbɔerɔe dɔeke: a sɔe dɔe kɔeyindɔerɔe ga ndɔe Gbolo nɔe ɔene dɔe Yisu Kristu, yé ɔe yindɔetɔe azɔe dɔe anga azɔe bata á Kristu pa lima tɔence fɔe azɔe adɔeke a mbɔerɔe.

²⁴Uzu á tshe kɔembɔerɔetɔe ye lindɔe awa akwa nɔe Ndjaba, tshe ngbɔtɔe ye dɔe Ndjaba bale yé Ndjaba sɔe ndje dɔe she awa bale. A wusɔe nɔe adɔeke Ndjaba sɔe dɔe azɔe awa bale lɔe awa nɔe Ɔtshɔ Ɔshiri á tshe za ga lɔe azɔe.

1 Yowane 4

Ishiri nɔe Ndjaba ɔedɔe ishiri nɔe yingba Kristu

¹E dɔe aaya mɔe á mɔe yindɔe 'e, adja 'e yiyindɔe o'o nɔe azu kɔ á endje sɔe kɔepa adɔeke ɔene sɔe dɔe Ɔtshɔ Ɔshiri nene, kashe 'e mesho yé ɔe wu akwa tshelɔe endje yeka á kɔeyindɔe nɔe adɔeke ishiri nɔe to ba ndɔe Ndjaba. Gbambanɔe nene, aayi kɔegbara o'o nɔe wala za tshapa ɔshɔ djigi.

²Ɔerɔe á ma fɔe 'e adɔeke 'e wusɔe Ishiri nɔe Ndjaba dɔeke: uzu á tshe sɔe kɔepa adɔeke Yisu Kristu fa adja uzu, uzunɔe asɔemɔe sɔe dɔe Ɔshiri nɔe Ndjaba lɔe ye.

³Kashe uzu á tshe kɔevwaratɔe ye tɔe kɔepandɔe nɔe atamɔe dɔe ádá nɔe Yisu, dá Ɔshiri nɔe Ndjaba gugu lɔe ye nene. Kashe tshe sɔe dɔe ishiri nɔe yingba Kristu á 'e dji lima o'o tɔe upunɔe adɔeke endje sɔe kɔena tɔence, yé ngɔngɔ asɔe ɔe sɔe ba pa ɔshɔ zɔe.

⁴Kashe 'e dɔe agbolo nɔe mɔe, e'e kɔedɔe azu nɔe Ndjaba yé 'e ropa aayi kɔegbara o'o nɔe wala. Gbambanɔe nene, Ishiri á tshe sɔe kɔembɔerɔe akwa lɔe 'e ropa ishiri á sɔe lɔe azu tshapashɔnɔe asɔeke ye.

⁵Azu kɔegbara o'o nɔe wala kɔedɔe azu tshapashɔ. Mbɔerɔe tɔence ataa, endje sɔe kɔegbara liaka mara azu tshapashɔnɔe asɔeke, yé endjeneke á endje dɔédɔe azu nɔe Ndjaba nene, dá sɔe kɔedji endje.

⁶Kashe tɔe azɔe nɔe azɔe, a kɔedɔe azu nɔe Ndjaba. Uzu á tshe wusɔe Ndjaba, tshe dji azɔe kashe tsheneke á tshe dɔédɔe uzu nɔe Ndjaba nene, tshe dji azɔe nene. Tɔence dá za awa fɔe azɔe tɔe kɔewusɔe Ishiri nɔe kɔeyisɔe adja o'o ndje dɔe ishiri nɔe kɔeyisɔe wala.

Ndjaba kɔedɔe kɔeyindɔesho

⁷E dɔe aaya mɔe á mɔe yindɔe 'e, a yindɔetɔe azɔe dɔe anga azɔe, mbɔerɔe kɔeyindɔesho to ba ndɔe Ndjaba. Uzu nɔe kɔeyindɔesho kɔedɔe gbolo nɔe Ndjaba yé tshe wusɔe Ndjaba.

⁸Uzu á tshe kœgugu dœ kœyindœsho nene, tshe wuwusœ Ndjaba nene mbœrœ Ndjaba kœdœ kœyindœsho.

⁹Mara á Ndjaba má kœyindœsho nœ ye fœ azœ dœke: tshe vwa Gbolo nœ ye tshebabale ga pa ɔshɔ mbœrœ á a kœgbo soro lœ awa nœ ye.

¹⁰Kœyindœsho sœ atake: œ sœsœ adœke azœ dá yindœ Ndjaba nene, kashe œshe dá yindœ azœ yeka á vwa Gbolo nœ ye, á tshe zatœ ye fœ kuzu mbœrœ kœgi kuda tshangba ekperœ nœ azœ.

¹¹'E dœ aaya mœ á mœ yindœ 'e, œdœ Ndjaba kœyindœ azœ atamœ, œ li ndje dœ azœ adœke a yindœtœ azœ dœ anga azœ.

¹²Uzu bale wuwu Ndjaba nene. Kashe œdœ a kœyindœtœ azœ dœ anga azœ, Ndjaba œ sœ dœ azœ awa bale, yé ayo nœ ye œ matœ endje djigi fœ azœ.

¹³Ɔrœ á sœ kœma adœke a sœ awa bale dœ Ndjaba yé tshe sœ ndje awa bale dœ azœ dœke: tshe za Ɔtshɔ Ɔshiri nœ ye ga lœ azœ.

¹⁴Adja Aba vwa lima Gbolo nœ ye adœke tshe she azu tshapashɔ. 'A sœ kœmindœ nœ mbœrœ a wu lima she dœ ala 'a.

¹⁵Ɔdœ uzu kœpandœ nœ adœke Yisu kœdœ Gbolo nœ Ndjaba, Ndjaba œ sœ dœ she awa bale yé tshe sœ ndje dœ Ndjaba awa bale.

¹⁶Yé azœ, a wusœ nœ yé œ sœ dœ kœyindœrœ adœke Ndjaba yindœ azœ. Ndjaba kœdœ kœyindœsho, uzu a tshe sœ dœ kœyindœsho sœ awa bale dœ Ndjaba yé Ndjaba sœ ndje awa bale dœ she.

¹⁷Ɔdœ a kœsœ dœ adja kœyindœsho ugurutœ azœ, awa lœkœ kœwa ngbanga nœ Ndjaba œ za azœ nene. Mbœrœ mara á Yisu sœ lima dœ tœncœ dá a sœ ndje dœ tœncœ ba pa ɔshɔnœ asœke.

¹⁸Kœyindœsho gugu dœ awa nene. Mara á Ndjaba yindœ azœ waa gɔrɔ awa. Kœyindœsho nœ Ndjaba gbɔgbɔ damba lœ lœsu uzu nœ awa nene, gbambanœ nene, uzu nœ awa sœ kœgbe dœ djofele.

¹⁹Tœ azœ nœ azœ, a sœ kœyindœsho mbœrœ Ndjaba yindœ azœ utshunœ.

²⁰Ɔdœ anga uzu kœpa adœke: «Mœ yindœ Ndjaba» yé á yiangba ayancœ, œshe kœdœ ayi wala. Ɔdœ tshe kœyiyindœ ayancœ á tshe sœ kœwu she nene, tshe yi má ndœ Ndjaba á tshe wuwu she nene koto o?

²¹Awa akwa á Yisu Kristu za fœ azœ dœke: uzu á tshe kœyindœ Ndjaba, œ li adœke tshe yi ndje ndœ ayancœ.

1 Yowane 5

A ropa tshapashɔ mbœrœ kœyindœrœ nœ azœ

¹Uzu kɔ á tshe yindœ nœ adœke Yisu kœdœ Kristu, œshe kœdœ gbolo nœ Ndjaba. Yé uzu kɔ á tshe yindœ Aba, tshe yi ndje ndœ agbolo nœ ye á tshe zu endje.

²Lœ awa nœ kœyindœ Ndjaba dœ pe kœmboerœtœ azœ lindœ awa akwa nœ ye dá a wusœ nœ adœke a yindœ agbolo nœ Ndjaba.

³Kœyindœsho nœ azœ ga ndœ Ndjaba œ matœ ye lœ mara á a lisœ awa akwa nœ ye. Awa akwa nœ ye kpa ka kote azœ waa nene,

⁴mbœrœ agbolo nœ Ndjaba kɔ ropa tshapashɔ ye. Yé awa nœ kœropa tshapashɔ kœdœ kœyindœrœ nœ azœ.

⁵Ɔedœ dá ropa tshapashɔ a? Uzu á tshe yindœ nœ adœke Yisu kœdœ Gbolo nœ Ndjaba.

O'o tœ upu nœ Yisu

⁶Uzu á tshe na lœ awa nœ ungu œdœ pe indji, œshe kœdœ Yisu Kristu. Ɔœ dœdœ lima kotœ ungu nene, kashe ungu œdœ pe indji. Ishiri dá pandœ nœ atamœ; yé a wusœ nœ adœke Ishiri pa kolœ adja o'o.

⁷Atimunœ voto dá pandœ nœ.

⁸Ɔtshɔ Ishiri, ungu œdœ pe indji; endje kɔ vovoto yindœ nœ awa bale.

⁹A yindœ o'o ama azu ye, kashe œnœ Ndjaba dá kpa ropa nœ yé tœnœ kœdœ o'o á tshe pa lima tœ upu nœ Gbolo nœ ye.

¹⁰Mbœrœ tœnœ ataa, uzu á tshe sœ dœ kœyindœrœ ga ndœ Gbolo nœ Ndjaba, œneke á Ndjaba pa sœ lsu ye zœ. Yé uzu á tshe kœyiyindœ œneke á Ndjaba pa nene, tshe za Ndjaba tœ ayi wala; gbambanœ nene, tshe yiyindœ œneke á Ndjaba pa tœ upu nœ Gbolo nœ ye nene.

¹¹Wu o'onœ dœke: Ndjaba za soro á ka nene fœ azœ yé a gbɔ soronœ asœmœ lœ awa nœ Gbolo nœ ye.

¹²Uzu á tshe ngbɔtœ ye bale dœ Gbolo, tshe sœ dœ soronœ asœmœ. Kashe uzu neke á tshe ngbɔngbɔtœ ye bale dœ Gbolo nœ Ndjaba nene, tshe gugu dœ soronœ asœmœ nene.

Soro á ka nene

¹³E'e á 'e yindœ i'iri Gbolo nœ Ndjaba, mœ sœ kœsu œneke asœ fœ 'e adœke 'e wusœ nœ adœke 'e sœ dœ soro á ka nene.

¹⁴Wu ádáncœ á a sœsœ dœ awa nene á lsu azœ sœ ziti utshu ye dœke: œdœ a kœyɔndœ œrœ ga ndœ ye liaka gbetshelœ nœ ye, tshe dji azœ.

¹⁵Bata a wusœ nœ adœke tshe sœ kœdji azœ tœ œrœ á a sœ kœyɔndœ nœ ga ndœ ye, a wu ndje sœ nœ adœke a gbɔ œrœncœ á a yɔndœ nœ asœmœ ye.

¹⁶Ɔdœ anga uzu bale kœwu ayancœ kœmbœrcœ ekperœ neke á sœ kœyiosho ga lœ kuzu nene, œ li adœke tshe za avwala fœ Ndjaba yé tshe za soro fœ ayancœ ascœmœ œdœ ekperœncœ kœscœsœ kœyiosho ga lœ kuzu nene. Kashe anga ekperœ bale sœ kœyi uzu ga lœ kuzu yé mœ papa adœke endje za avwala mbœrcœ œnekemœ ascœmœ nene.

¹⁷Ɔrcœ kɔ á scœsœ ndjii nene, kœdœ ekperœ; kashe œ dœdœ œ ekperœ kɔ dá yiosho ga lœ kuzu nene.

¹⁸A wuscœ nœ adœke uzu kɔ á tshe dœ gbolo nœ Ndjaba, lili kœsœ lœ ekperœ wa dœ wa nene mbœrcœ Yisu á tshe dœ Gbolo nœ Ndjaba sœ kœgbœndœ ye, yé ekpe uzu œ sœ dœ gbœgbœ ga pa ye nene.

¹⁹A wuscœ nœ adœke azœ kœdœ azu nœ Ndjaba, kashe tshapashɔ djigi sœ tshakane ekpe uzu.

²⁰A wu ndje sœ nœ adœke Gbolo nœ Ndjaba na, yé œ to kœwuscœrcœ fœ azœ mbœrcœ adœke a wuscœ adja Ndjaba. Yé a sœ lœ adja Ndjaba lœ awa nœ Gbolo nœ ye dœ Yisu Kristu. Ɔshe kœdœ Ndjaba tako, tshe kœdœ soro á ka nene.

²¹Agbolo nœ mœ, 'e zazatœ 'e ga tœ andjaba nene.

2 Yowane

2 Yowane 1

Abala

¹Ɔemœ dóe Gbozu Ikrizia dá su mbeti nœ asœ fœ Yashe á Ndjaba ke she œdœ pe fœ agbolo nœ ye á mœ yindœ endje tɔpanœ kpuru lœ adja o'o. Ɔe dœ kolœ mœ kuti mœ dá yindœ 'e nene, kashe œmœ œdœ ndje pe endjeneke kɔ á endje wusœ adja o'o.

²Gbambanœ nene, œ li adœke adja o'o sœ ugurutœ azœ, yé œ sœ dœ azœ bala waa dœ waa.

³Kaka Aba azœ dœ Ndjaba œdœ Gbolo nœ ye dœ Yisu Kristu ma ɔtshɔ lɔsu nœ endje fœ azœ, œ wu oyo azœ yé œ za kœsœ gee fœ azœ, adœke a sœ lœ adja o'o œdœ pe lœ kœyindœsho.

Adja o'o œdœ pe kœyindœsho

⁴Mœ sœ lima dœ yanga tɔpanœ kpuru kœwu adœke anga agbolo nœ sœ kœna lœ awa adja o'o, bata á Aba mi lima ndœ nœ adœke a mbœrœ.

⁵Yé ngɔngɔ asœke, Yashe, œneke á mœ mindœ nœ fœ bœ dœke: a yindœtœ azœ dœ anga azœ. Ɔe dóédóe tafo awa akwa dá mœ su fœ bœ nene, kashe œtœnœ kœdœ œneke á a wusœ nœ utshunœ lima katshatsha.

⁶Kœyindœsho kœdœ kœmbœrœtœ azœ liaka awa akwa nœ Ndjaba. Yé awa akwa á endje yisœ nœ fœ 'e lima katshatsha utshunœ kœdœ adœke 'e sœ lœ kœyindœsho.

⁷Gbambanœ nene, ayingba Kristu gu ngbakaka pa ɔshɔ. Yé endje tshapu kœyindœ nœ adœke Yisu Kristu kœdœ adja uzu. Kpœtœ oshonœ asœmœ dá a wusœ ayi afara, á tshe kœdœ ayingba Kristu.

⁸Ala 'e gbɔ mbœrœ adœke akwa á a mbœrœ ugurutœ 'e kœtshutshu nene kashe 'e gbɔ œrœ tshangbanœ á li dœ 'e.

⁹Uzu á tshe kœyiyindœ kœgbɔndœ œrœ á Kristu yisœ nœ ga tœ lɔsu ye nene á drapa nœ, tshe sœsœ dœ lɔsu bale ga ndœ Ndjaba nene. Kashe uzu á tshe gbɔndœ kœyisœrœnœ ga tœ lɔsu ye, tshe sœ dœ lɔsu bale ga tœ Aba ndje dœ Gbolo nœ ye.

¹⁰Ɔe kœsœ adœke anga uzu na ga ndœ 'e, á kœyisœ angbi œrœ á dóédóe œneke á Kristu yisœ nœ nene, adja 'e zaza osho kœsœ fœ she nene yé 'e babala ndje she nene.

¹¹Gbambanœ nene, uzu á tshe bala she, sœ kœngbɔtœ ye dœ she lœ ekperœ nœ ye á tshe mbœrœ asœmœ.

¹²Mœ sœ dœ o'o ndjoro kœsu fœ 'e, kashe mœ yiyindœ kœsu tœnœ ga pa kako mbeti nene. Mœ sœ kœgbe kœna ga ndœ 'e yekane á kœpa fœ 'e dœ ama mœ á lœsu azœ para kœkœ kœsu dœ yanga.

¹³Agbolo nœ Yingœ zœ á Ndjaba ke she, vwa abala nœ endje fœ bœ.

3 Yowane

3 Yowane 1

Abala

¹Ɔemœ dœ Gbozu Ikrizia, mœ sœ kœsu mbetinoe asœ foe aya mœ dœ Gayushi á mœ yindœ ye tɔpanœ kpuru lœ adja o'o.

²Aya mœ á mœ yindœ zœ, mœ yindœ nœ adœke œrœ kɔ sœ dœ ɔtshɔnœ ga ndœ zœ, yé bœ sœ dœ ɔtshɔ ɔkɔ zœ bata á bœ sœ dœ tœnœ lœ ishiri.

Yowane donga Gayushi

³Mœ sœ lima dœ yanga waa lɔkɔ á ayindœ Yisu na á mindœ nœ foe mœ adœke bœ zatœ zœ djigi foe Ndjaba yé œ sœ kœmbœrœtœ zœ liaka adja o'o.

⁴Anga œrœ kpi á za yanga foe mœ gugu nene kolœ kœdji adœke agbolo nœ mœ sœ kœna lœ awa nœ adja o'o.

⁵Aya mœ á mœ yindœ zœ, bœ sœ kœzatœ zœ dœ lɔsu zœ bale ga tœ œneke á bœ sœ kœmbœrœ foe ayindœ Yisu œdœ pe foe agene.

⁶Endje patœ kœyindœesho nœ zœ ba utshu Ikrizia. Mœ sœ kœki foe bœ adœke bœ ti kane endje lœ ana nœ endje bata á Ndjaba yindœ nœ dœ ɔtshɔnœ.

⁷Gbambanœ nene, mbœrœ kœmbœrœ akwanœ foe Kristu dá endje zatœ endje ga tœ awa. Yé endje vwaratœ endje kœgbɔ œrœ tshakane azu á endje yiyindœ Yisu nene.

⁸Ɔe li dœ azœ kœti kane mara azu atamœ mbœrœ a kœngbɔtœ akwa dœ endje á kœmindœ adja o'o awa bale dœ endje.

Adiyotrefe dœ Demetriyuse

⁹Mœ su mbeti teasho foe ikrizia nœ 'e, kashe Diyotrefe á tshe yindœ kœka ga pa œrœ kɔ, gbegbe ga pa œneke á mœ pa asœke nene.

¹⁰Mbœrœ tœnœ ata lɔkɔ á mœ kœyi kumu mœ ba zœ, mœ pandœ ekperœ nœ ye á tshe sœ kœmbœrœ tœnœ. Tshe sœ kœpa ekpe o'o œdœ wala tœ upu nœ azœ. Kashe œneke á tshe mbœrœ kɔ asœmœ lili tœ ala ye nene, tshe kpa vwaratœ ye tœ kœza osho kœsœ foe ayindœ Yisu lœ awa ana, yé œ sœ kœvwara ndje tœ ye tœ endjeneke á endje sœ kœ'e endje ga ndœ endje. Tshe sœ kœpakata endje yé œ sœ ndje kœgɔrɔ endje lœ ikrizia.

¹¹Aya mœ á mœ yindœ zœ, zaza mara kœmbœrœ œrœ nœ ekpe azu nene kashe za mara kœmbœrœ œrœ nœ ɔtshɔ azu. Uzu nœ kœmbœrœ ɔtshɔrœ kœdœ uzu nœ Ndjaba yé uzu kœmbœrœ ekperœ wuwusœ Ndjaba nene.

¹²Azu para kɔkɔ sɛ kɛpa ɔtshɔ o'o nɛ Demetriyuse. Adja o'o sɛ kɛpa ndje tɛ ye. A'a ndje, a sɛ kɛpa ndje tɛ ye awa bale yɛ bɛ wusɛ nɛ adɛke ɛneke á 'a sɛ kɛpa tɛnɛ kɛdɛ adja o'o.

Ndɔngɔɔ abala

¹³Mɛ sɛ dɛ o'o ndjoro kɛpa fɛ bɛ, kashe mɛ yiyindɛ kɛsu tɛnɛ ga pa kako mbeti nene.

¹⁴Mɛ sɛ kɛgbe kɛwu bɛ lɛ ondonɛ asɛ yeka a kɛpa tshama azɛ dɛ bɛ.

¹⁵Kaka kɛsɛ gee sɛ dɛ bɛ. Anga zɛ vwa abala fɛ bɛ. Za ndje abala nɛ mɛ dɛ tɛ zɛ fɛ uzu dɛ uzu.

Yuda

Yuda 1

Abala

¹Ɔemœ Yuda, aya Jake, œmœ ayi akwa nœ Yisu Kristu, mœ sœ kœsu mbetinœ asœke fœ 'e dœ azu á Aba dœ Ndjaba ke 'e, á yindœ 'e yé á sœ kœgbœndœ 'e mbœrœ Yisu Kristu.

²Kaka Ndjaba wu oyo 'e yé œ za kœsœ gee œdœ kœyindœsho nœ waa dœ waa fœ 'e.

Aayi kœyisœrœ dœ wala

³'E dœ aaya mœ á mœ yindœ 'e, mœ sœ balima dœ gbetshelœ kœsu mbeti fœ 'e tœ o'o nœ kœshe á Ndjaba za fœ azœ dœ 'e. Ɔ li dœ mœ kœsu mbetinœ asœ ndœ kœza kœru lœsu fœ 'e, á kœza gbœgbœ tœ kœnga pa kœyindœrœ á 'e sœ dœ tœnœ waa dœ waa ga ndœ Kristu.

⁴Mœ su mbetinœ mbœrœ ekpe azu á endje li yaa ga ugurutœ 'e, á sœ kœdjingili tshelœ o'o tœ upu nœ Ɔtshœ lœsu nœ Ndjaba yeka á kœmbœrœ ngbĩndĩrœ nœ endje. Endje vwaratœ endje tœ Yisu Kristu á tshe dœ Ayengœ azœ œdœ Gbozu tshebale nœ azœ. Kashe endje sú ala œyerœ Buku nœ Ndjaba ngbĩ adœke, Ndjaba œ wa bala œgbœ ngbanga ga tœ endje.

⁵'E wusœ œeneke kœ á mœ yindœ kœpa fœ 'e dœ Ɔtshœnœ. 'E gbe dœ mara á Ndjaba she lima azu Israyele ba lœ ogo Ezipito, yé manda nœ tshe kpa wo lima endjeneke á endje vvara lima tœ endje tœ kœdji o'o ama ye.

⁶'E gbe ndje dœ anga aandjelu á endje sœsœ lima dœ yanga kœmbœrœ akwa tœ osho á Ndjaba za lima fœ endje nene, yé á katœ osho nœ endje ti. Ndjaba i endje dœ djingiri ga tœnœ waa dœ waa, œ ko endje va ga lœ ubu osho œerrr ga tœ egerœ olo kœwa ngbanga.

⁷'E kpa gbe dœ Sodomo dœ Gomora œdœ pe anga tshalakpĩ kœ á sœ lima indĩrĩnœ kane. Azu tshalakpĩnœ za lima tœ endje djigi ndœ kœmbœrœ œrœ tshula bata kœna manda aandjelunœ. Endje mbœrœ angba budu dœ azu á lili má adœke endje mbœrœ dœ endje nene. Ngœngœ asœ, endje ko endje va gala owo á ka nene yeka ala uzu kœ kœgbœ mbœrœ tœnœ.

⁸Azunœ á endje li ga ugurutœ 'e asœmœ mbœrœ mara œrœ ataa. Gbetshelœ nœ endje sœ kœvwa endje adœke endje ndĩtœ endje ndœ kœmbœrœ angba budu, endje vwaratœ endje adœke Ndjaba dœdœ Gbozu nœ endje nene yé œ sœ kœgu œsœ ishiri moko nœ tshalafo.

⁹Kashe Mikaye, gbozu tshapa aandjelu mbœmbœrœ lima ataa nene. Lœkœ á tshe sœ lima kœshara upu dœ djaboro mbœrœ oko Moyize, tshe tshetshene

lima djaboro nene, kashe tshe pa lima fœ she adœeke: «Kaka Gbozu dœ tœ ye za djofele fœ bœ.»

¹⁰Azunœ asœmœ tshene lima œrœ á endje wuwu lima sœ nœ nene, endje lœ bata agea á endje gugu dœ kœwusœrœ nene á sœ kœkotœ endje ve ga lœ kuzu.

¹¹Oyo nœ endje, mbœrœ á endje za awa Kayina. Mbœrœ ogo ngendja, endje za awa Balaame yé endje tshu mbœrœ á endje mbœrœtœ endje bata Kore á tshe oma lima dœ Moyize.

¹²Lɔkɔ á 'e ngbɔtœ 'e ndœ kœzi rœgo yazu yé œdœ endje kœsœ ugurutœ 'e, mara kœmbœrœtœ endje œ za tshula waa. Gbambanœ nene, endje mbœrœ lœsu, œ gbe utshunœ dœ uvu endje dœ tœ endje yé endje gugu dœ tshula nene. Endje sœ bata ondro tshalafo á yugu sœ kœro dœ tœnœ kashe yavuru œ ni manda nœ nene. Endje sœ bata ɔyɔ á le nene ataa olonœ kœli, too endje sœ bata ɔyɔ á endje dji balima ga atɪ adœeke œ kœɔrɔ.

¹³Endje li dœ loko tshatœ ama kota. Endje mbœrœ œrœ tshula bata mara á furutsha œ wuta manda loko. Endje sœ bata angerepe á gitœ endje tœ œsœnœ, yé Ndjaba guma osho kœsœ ba lœ ubu osho kate endje adœeke endje sœ kpœmœ ngbugu dœ ngbugu.

¹⁴Ba lœ bingi nœ Adamo, Enoke kœdœ lima uzu tœ mindu dœ bisha lœ aata uzu. Tshe gbara lima tœ upu nœ azunœ adœeke, Gbozu sœ kœna awa bale dœ aandjelu nœ ye kutu dœ kutu,

¹⁵mbœrœ kœwa ngbanga pa azu para kɔkɔ. Tshe wa ɔgbɔ ngbanga pa endjeneke á endje vwaratœ endje tœ ye, mbœrœ ekperœ nœ endje œdœ pe ekpe o'o kœgusho kɔ á endje pa dœ í'iri ye.

¹⁶Azunœ asœmœ pu lima lœ ama endje olo para á endje sœ dœ oyo. Endje te lima kolœ manda ogo undu endje dœ tœ endje yé œ sœ lima kœu azu kolœ mbœrœ kœgbɔ œrœ.

¹⁷Kashe e'e dœ aaya mœ á mœ yindœ 'e, 'e gbe dœ o'o á aayi avwa nœ Gbozu nœ azœ dœ Yisu Kristu pa lima fœ 'e utshunœ kane.

¹⁸Endje pa lima fœ 'e adœeke: «Dœ ndɔngɔɔ osho, anga azu œ tetœ kœyiangba Ndjaba, endje tetœ kœmɔ 'e yé œ sœ kœna manda ogo undu endje dœ tœ endje.»

¹⁹Adja azunœ asœmœ, endje yi o'o ga ugurutœ azu adœeke endje kurutshelœtœ endje, Ishiri nœ Ndjaba gugu lœ endje nene yé endje te manda gbetshelœ nœ endje bata azuzu.

²⁰Kashe e'e dœ aaya mœ á mœ yindœ 'e, 'e sœpe kolœ kœza soro 'e ga pa kœyindœrœ nœ 'e á sœ yerœ. 'E za avwala fœ Ndjaba dœ gbɔgbɔ nœ ɔtsho Ishiri.

²¹'E gbɔndɔe ayo nɔe Ndjaba ga tɔe lɔsu 'e, ɔe za ga tɔe akwa mbɔerɔe kɔekate lɔkɔ á Gbozu Yisu Kristu ɔe wu oyo 'e á za soro neke á ka nene fɔe 'e.

²²'E wu oyo azu á endje lɔepe damba lɔe sharapu.

²³Ɛe sɔe bɔta endje yo ga tawo, yé 'e gbota endje la owonɔe kashe 'e wu oyo anga endje dɔe gbɔdjela dɔe ɔe yiangba ɔerɔe kɔ á endje mbɔerɔe. 'E gogoro lɔeba nɔe endje nene mbɔerɔe 'e ndi dɔe ekpe akwa nɔe endje.

A za mokɔ fɔe Ndjaba

²⁴A za mokɔ fɔe Ndjaba á tshe sɔe dɔe gbɔgbɔ nɔe kɔegbɔndɔe 'e adɔeke 'e yoyo nene. Tshe mbɔerɔe adɔeke 'e wuta yerɔe ga utshu mokɔ nɔe ye dɔe egerɔe yanga.

²⁵Ɛshe kɔedɔe Ndjaba tshebabale á tshe dɔe ayi kɔeshe azɔe lɔe awa nɔe Gbozu nɔe azɔe dɔe Yisu Kristu. Tshe sɔe dɔe mokɔ, tɔe egerɔe uzu, dɔe gbɔgbɔ, dɔe tshagbozu, kɔeto utshu ɔerɔe kɔ, ngɔngɔ asɔeke ɔerrr waa dɔe waa! Ame.

Kœwuroe

Kœwuroe 1

Tshatshu o'o

¹Mœ soe koesu mbetinœ asœke tœ kœyisœ o'o á Yisu Kristu gbara. Ndjaba za lima toenœ foe she, adœke tshe yisœ œeneke á lii koembœerœtœ endje lœ ondonœ asœke foe aayi akwa nœ ye. Yisu Kristu yisœ o'onœ asœmœ foe Yowane, ayi akwa nœ ye lœ awa nœ kœvwa andjelu nœ ye foe she.

²Yowane kœdœ timu nœ œeneke kœ á tshe wu bata ulu. Toenœ kœdœ O'o ama Ndjaba œdœ adjapu á Yisu Kristu pa.

³Yanga nœ uzu á tshe di mbetinœ asœke, ndje dœ endjeneke á endje dji upu nœ kœgbara o'o asœ, yé á gbœndœ œeneke á endje sú ga la nœ. Gbambanœ nene, olonœ ndo ye.

Abala foe azu lœ Ikrizia mindu dœ bisha

⁴œmœ Yowane, mœ vwa abala foe azu lœ Ikrizia mindu dœ bisha lœ ogo Azi. Kaka adœke Ndjaba ma ɔtshɔ lœsu œdœ kœsœ gee nœ ye ga ndœ 'e; ɔtshɔ lœsu œdœ kœsœ gee á to ba ndœ ye á tshe soe zœ, á tshe soe lima yé á soe kœena toenœ; ɔtshɔ lœsu œdœ kœsœ gee á to ba ndœ aishirinœ mindu dœ bisha á endje ka utshu ngande tshagbozu nœ ye asœmœ;

⁵ɔtshɔ lœsu œdœ kœsœ gee á to ba ndœ Yisu Kristu á tshe dœ adja timu, eya Gbolo lœ uгурutœ akuzu œdœ uzu á tshe soe ga pa agbozugo kœ pa ɔshɔ. Yisu Kristu soe kœyindœ azœ, œ gi azœ lœ ekperœ nœ azœ lœ awa nœ indji ye,

⁶yé œ fa azœ tœ anganga Ndjaba tshelœ ogo tshagbozu nœ ye ndœ koembœerœ akwa foe Abanœ dœ Ndjaba. Kaka tshe gbœ mokœ œdœ gbœgbœ mbœerœ ngbugu dœ ngbugu. Ame!

⁷E wu, Yisu œ jœrœ lœ ondro. Azu para kœkœ œ wu she, ataa endjeneke á endje sú lima she. Azu ogo pa ɔshɔ djigi œ ditshelœma endje mangba upu nœ ye. Œ, œ soe kolœ ataa. Ame!

⁸Gbozu Ndjaba nœ gbœgbœ kœ, á tshe soe zœ, á soe lima yé á soe kœena toenœ, pa adœke: «Mœ kœdœ alinœ œdœ ndœngœlœnœ.»

Yowane wu Yisu lœ ulu

⁹œmœ kœdœ aya 'e dœ Yowane á a ngbœtœ azœ dœ 'e bale lœ kœwu œrœ kanga, lœ ama akwa nœ Ogo gbozu nœ Ndjaba yé á soe kœshi gbœ lœ kœngbœtœ azœ bale dœ Yisu. Endje za lima mœ vwi ba lœ tshiki á i'irinœ kœdœ Patamose mangba kœzatœ mœ ga tœ O'o ama Ndjaba œdœ ga tœ adjapu á Yisu yisœ nœ.

¹⁰Ɔtshɔ ɪshiri sɛ lima dɛ mɛ dɛ olo nɛ Gbozu, yɛ mɛ sɛ lima kɛdji ɔgbo tshama bata luba djagamanda mɛ.

¹¹Tshamanɛ ki lima adɛke: «Ɔɛrɛ á bɛ sɛ kɛwu tɛnɛ, su ga la mbeti, yɛ ɛ vwa ga lɛ Ikrizia mindu dɛ bisha: ba lɛ Efeze, ba lɛ Simirnɛ, ba lɛ Peregame, ba lɛ Tiyatire, ba lɛ Sarde, ba lɛ Filadelfi ɛdɛ ndje ba lɛ Lawudukiya.»

¹²Mɛ fa lima tɛ mɛ mbɛrɛ kɛwu uzu á tshe sɛ kɛpa o'o fɛ mɛ asɛmɛ. Yɛ manda kɛfatɛ mɛ, mɛ wu lima ɛrɛ á endje ko tala ga panɛ mindu dɛ bisha (7) á endje mbɛrɛ dɛ ɔrɛ.

¹³Yɛ mɛ wu ɛrɛ ɛ ka lima ba uguru ɛrɛ á endje ko tala ga panɛ bata Gbolo nɛ uzu. Uzunɛ verɛ yɔgbɔɔ lɛba, ɛ i uwu á endje mbɛrɛ dɛ ɔrɛ ga lɛ okoro ye.

¹⁴Sukumu ye sɛ tɛ imbinɛ urrr bata imbi usu pata, yɛ ala ye sɛ bata laba owo.

¹⁵Ada ye tshi lima bata waya á endje yi ga ta wo yekane á ye kotenɛ. Tshama ye wu lima bata tshama udjuru egerɛ ungu.

¹⁶Ba tɛ kuni ye, tshe tepa angerepe mindu dɛ bisha yɛ ingiri yakamba á amanɛ bisha ki waa, sɛ lima kɛwuta lɛ ama ye. Tshatshu ye sɛ lima kɛtshi tɛnɛ bata ɔɔ á tshi dɛ gbɔku ɔɔ.

¹⁷Lɔkɔ á mɛ wu she, mɛ te ga tɛ ada ye bata uzu á tshe tshu ye. Tshe to kuni ye ga pa mɛ, ɛ pa adɛke: «Awa zaza bɛ nene! Ɔmɛ kɛdɛ ali uzu ɛdɛ ndɔngɔɔ uzu.

¹⁸Ɔmɛ kɛdɛ uzu á tshe sɛ dɛ soro. Mɛ tshu lima ye kashe ngɔngɔ asɛke, mɛ sɛ dɛ soro waa dɛ waa. Ɔmɛ dá sɛ dɛ herela nɛ kuzu ɛdɛ pe herela nɛ osho nɛ akuzu.

¹⁹Ataa, su ɛrɛ neke á bɛ wu, ɛneke á sɛ zɛ ɛdɛ ɛneke á na manda nɛ.

²⁰Tɛ upu nɛ angerepenɛ mindu dɛ bisha á bɛ wu ba tɛ kuni mɛ ɛdɛ ɛrɛ á endje ko tala ga panɛ mindu dɛ bisha á endje mbɛrɛ dɛ ɔrɛ asɛmɛ, wu ádánɛ á kotɛ endje yiwa tɛnɛ dɛke: angerepenɛ mindu dɛ bisha kɛdɛ aandjelu nɛ Ikrizia mindu dɛ bisha, yɛ ɛrɛ á endje ko tala ga panɛ mindu dɛ bisha kɛdɛ Ikrizia mindu dɛ bisha.»

Kɛwurɛ 2

Mbeti á endje sú fɛ Ikrizia ba lɛ Efeze

¹«Su mbeti fɛ andjelu nɛ Ikrizia ba lɛ Efeze adɛke: «Uzu á tshe ko angerepe mindu dɛ bisha ga tɛ kuni ye yɛ á sɛ kɛna ugurutɛ tala mindu dɛ bisha á endje mbɛrɛ dɛ ɔrɛ asɛmɛ, pa adɛke:

²Mœ wusœ neke á bœ sœ kœmbœrœ tœnœ ye, ìlì á bœ vwi œdœ pe kœru lœsu nœ zœ. Mœ wusœ nœ adœke bœ yiyindœ kœsœ tœ œsœnœ dœ aayi katshalœsu nene. Bœ wu lœsu endjeneke á endje sœ kœpa adœke œne kœdœ aayi avwa kashe endje dœdœ aayi avwa nene, yé bœ wu endje tœ aayi wala.

³Bœ ru lœsu zœ, bœ wu œrœ kanga tœ upu nœ ì'irì mœ yé bœ mœmœ nene.

⁴Kashe mœ sœ dœ o'o bale kœgbagbara bœ: bœ katœ kœyindœsho nœ zœ lima utshunœ ga ndœ mœ ye.

⁵Gbe tshelœ zœ tœ osho á bœ to tœnœ á te kane. Fatshalœsu zœ yé œ kwatœ zœ ndœ akwa á bœ mbœrœ lima utshunœ. Œdœ bœ kœfifatshalœsu zœ nene, mœ na ga ndœ zœ yé mœ gi tala nœ zœ tœ oshonœ á sœ tœnœ asœmœ ye.

⁶Kashe, œrœnœ asœke sœ mbœrœ bœ: bœ sœ kœyiangba œrœ á Anikolayiti sœ kœmbœrœ tœnœ bata mœ ndje.

⁷«Kaka uzu á tshe sœ dœ utu, dji o'onœ á ìshirì sœ kœpa fœ azu Ikrizia. «Uzu neke á tshe ropa ekperœ kœ, mœ za awa fœ she adœke tshe zì leyœ nœ soro á sœ ba lœ paradizo nœ Ndjaba.»

Mbeti á endje sú fœ Ikrizia ba lœ Simirnœ

⁸«Su mbeti fœ andjelu nœ Ikrizia lœ Simirnœ adœke: «Uzu á tshe dœ alinœ œdœ ndœngœlœnœ, tsheneke á tshe tshu lima kashe á kwatœ ye ga lœ soro, pa atake:

⁹Mœ wusœ œrœ kanga nœ zœ œdœ pe oyo nœ zœ, kashe œbœ kœdœ ayi kœgbœrœ. Mœ wusœ ekpe o'o á azu á endje pa adœke œne kœdœ Ayuda sœ kœpa ga tœ œkœ zœ kashe endje dœdœ Ayuda nene, endje kœdœ Sinagoga nœ Satana.

¹⁰Awa mbœmbœrœ bœ tœ œrœ kanganœ á bœ wu bala nene. Dji kane: djaboro œ ko anga azu ndjoro ugurutœ 'e va ga lœ anda kángaa mbœrœ kœwu lœsu 'e, endje mbœrœ œrœ kanga fœ 'e manda olo ndjokpa. Zatœ zœ ga tœ kœyindœrœ nœ zœ œrrr ga tœ kuzu zœ, yé mœ za bala kpoto nœ soro fœ bœ.

¹¹«Kaka uzu á tshe sœ dœ utu, dji o'onœ á ìshirì sœ kœpa fœ azu Ikrizia! «Uzu neke á tshe ropa ekperœ kœ, tshe tshu kuzu nœ bisha nene.»

Mbeti á endje sú fœ Ikrizia ba lœ Peregame

¹²«Su mbeti fœ andjelu nœ Ikrizia lœ Peregame adœke: «Uzu á tshe sœ dœ ìngirì yakamba á amancœ bisha kì waa, pa adœke:

¹³Mœ wusœ osho á bœ sœ tœnœ ye: œtœnœ kœdœ osho á ngande tshagbozu nœ Satana sœ tœnœ. Kashe bœ zatœ zœ kœ fœ mœ yé œ 'ea'ea mœ lœ kœyindœrœ nœ zœ nene, ataa ga tœ lœndœ á endje wo lima dœ Atipase á tshe dœ adja timu nœ mœ ba ndœ 'e, ba tœ osho á Satana sœ tœnœ.

¹⁴Kashe mœ sœ dœ o'o kœgbagbara bœ tœncœ: Azu á endje sœ kœero manda kœyisœrœ nœ Balaame sœ ndœ zœ. Balaame sœ lima kœu Balake adœke tshe gi úkú ga tœ awa azu Israyele mbœrœ kœvwa endje adœke endje zi songba agea á endje to tœ tokóró fœ andjaba œdœ kœvwa endje ndœ kœembœrœ angba budu.

¹⁵Ba ndœ zœ ndje, anga azu á endje sœ kœna manda kœyisœrœ nœ Anikolayiti sœ zœ.

¹⁶Ataa, fatshalœsu zœ. Ete nene, mœ sœ kœna ga ndœ zœ lœ ondonœ, yé mœ nga koshe ga tœ endje dœ ingiri yakamba á sœ kœwuta lœ ama mœ.

¹⁷«Kaka uzu á tshe sœ dœ utu, dji o'onœ á Ishiri sœ kœpa fœ azu Ikrizia. «Uzu neke á tshe ropa ekperœ kœ, mœ to mane á zatœ endje yiwatœncœ fœ she, mœ za bala imbi badja á endje sú tafo i'iri ga pa nœ fœ uzu dœ uzu; i'iri á uzu bale wuwusœ nœ nene, kolœ tsheneke á tshe gbœ, dá wusœ nœ.»

Mbeti á endje sú fœ Ikrizia ba lœ Tiyatire

¹⁸«Su mbeti fœ andjelu nœ Ikrizia lœ Tiyatire adœke: «Gbolo nœ Ndjaba á ala ye sœ kœtshi bœta owo yé ada ye sœ kœtshi ndje bœta waya á endje yi ga ta wo yekane á ye kotencœ, pa adœke:

¹⁹Mœ wusœ œneke á bœ sœ kœembœrœ tœncœ ye, kœyindœsho nœ zœ, kœzatœ zœ ga tœ kœyindœrœ, mara kœembœrœ dœ akwa nœ zœ œdœ pe kœru lœsu nœ zœ. Mœ wusœ nœ adœke œrœ neke á bœ sœ kœembœrœ ngœngœ asœke ropa œneke á bœ mbœrœ lima utshuncœ ye.

²⁰Kashe mœ sœ dœ o'o bale kœgbagbara bœ tœncœ: Bœ za awa fœ Zezabele, yashe á tshe sœ kœmatœ ye adœke œne kœdœ ayi kœgbara o'o ama Ndjaba. Tshe sœ kœfara aayi akwa nœ mœ ndœ kœembœrœ angba budu dœ pe kœzi songba agea á endje to tœ tokóró fœ andjaba.

²¹Mœ katœ olo fœ she adœke tshe fatshalœsu ye kashe tshe yiyindœ kœkatœ angba budu nœ ye ti nene.

²²Mbœrœ tœncœ ataa, mœ za she vwi ga pa kelekpa nœ œgbœ œrœ kanga awa bale dœ endjeneke á endje sœ kœembœrœ angba buduncœ dœ she œdœ endje kœkakatœ kœembœrœ angba buduncœ ti nene.

²³Ga panœ, mœ wo agbolo nœ ye. Ataa, azu Ikrizia kœ œ wusœ nœ adœke œmœ kœdœ tsheneke á tshe wusœ gbœtshelœ œdœ lœsu azu. Mœ za œrœ tshangba akwa nœ uzu dœ uzu liaka œneke á tshe mbœrœ, fœ she.

²⁴«Kashe tœ upu nœ 'e lœ Tiyatire á 'e vwaratœ 'e tœ ekpe kœyisœrœ nœ azuncœ asœmœ, yé á tshapu kœwusœ œneke á azuncœ sœ kœ'e tœncœ adœke “kœyisœrœ nœ Satana lœ ubuncœ”, mœ sœ kœpa fœ 'e ngbi adœke: mœ kpa za anga angbi kongba ga pa igi 'e nene.

²⁵Kashe 'e tepa œeneke á 'e sœ dœ tœnœ ngbirì œerrr ga tœ kœkwa mœ.

²⁶⁻²⁸«Azú neke á endje ropa ekperœ kœ yé á sœpe kœmbœrœ akwa nœ mœ œerrr ga tœ ndœngœlœnœ, mœ za bala tshagbozu á mœ gbœ ba ndœ Aba mœ fœ endje. Mœ za tshagbozu nœ kœsœ ga pa ogo kœ fœ endje. Endje gbœndœ azu ogonœ dœ œgbœnœ, yé œ ndi tshelœ endje krœna bata lœsú á endje mbœrœ dœ oto. Awa bale, mœ za tombele fœ azunœ asœmœ.

²⁹«Kaka uzu á tshe sœ dœ utu, dji o'onœ á fshirì sœ kœpa fœ azu Ikrizia!»

Kœwuroe 3

Mbeti á endje sú fœ Ikrizia ba lœ Sarde

¹«Su mbeti fœ andjelu nœ Ikrizia lœ Sarde adœke: «Uzu á tshe sœ dœ fshirì nœ Ndjaba minu dœ bisha, ndje dœ angerepe minu dœ bisha asœmœ pa adœke: Mœ wusœ œeneke á bœ sœ kœmbœrœ tœnœ ye, mœ wusœ œeneke á azu sœ kœpa tœ upu nœ zœ adœke bœ sœ dœ soro andaa bœ tshu ye.

²Ala zœ gbœ, yé za gbœgbœ fœ udu soro zœ á ndœ kœtshu tœnœ asœmœ kane. Gbambanœ nene, mœ wu adœke anga akwa bale á bœ sœ kœmbœrœ tœnœ á sœ tœ œtshœnœ utshu Ndjaba nœ mœ, kpa gugu nene.

³Gbe tshelœ zœ tœ o'o ama Ndjaba á endje yi lima sœ nœ fœ bœ yé á bœ dji kane. Gbœndœ nœ yé œ fatshalœsu zœ. Œdœ ala zœ kœgbœgbœ nene, mœ na trosha ga ndœ zœ bata ayi angba, bœ wusœ ada œlœnœ á mœ na dœ tœnœ ndœ kœndondoro bœ nene.

⁴Andaa, bœ sœ dœ anga azu ndœ zœ lœ Sarde á endje djadja kote lœba nœ endje nene. Endje verœ imbi lœba ga tœ endje adœke 'a rotœ awanœ bale dœ endje, gbambanœ nene, endje li dœ tœnœ ye.

⁵«Ataa, azu neke á endje ropa ekperœ kœ, endje verœ imbi lœba, mœ wo i'iri endje ala buku nœ soro nene. Mœ yindœ nœ bala utshu Aba mœ œdœ utshu aandjelu nœ ye adœke endje kœdœ azu nœ mœ.

⁶«Kaka uzu á tshe sœ dœ utu, dji o'onœ á fshirì sœ kœpa tœnœ fœ azu Ikrizia.»

Mbeti á endje sú fœ Ikrizia ba lœ Filadelfi

⁷«Su mbeti fœ andjelu nœ Ikrizia lœ Filadelfi adœke: «'E dji o'o á uzu á tshe sœ yerœ, á dœ adja adjapu, pa fœ 'e kane. Œshe dá tepa herela nœ gbozugo Davidi, á tshe kœkœrœ dœ manda, uzu bale œ li kœtshu tœnœ nene, yé á tshe kœtshu ga tœnœ, uzu bale œ li kœkœrœ tœnœ nene. Tshu pa adœke:

⁸Mœ wusœ akwa nœ zœ ye. Mœ wusœ nœ adœke bœ sœ dœ gbœgbœ teasho yé atamœ gbaa, bœ lisœ o'o ama mœ yé œ 'ea'ea nene. Mbœrœ tœnœ ataa, mœ kœrœ manda utshu zœ á uzu bale œ li kœtshu tœnœ nene.

⁹Ɔerɔnɔe á mɔe mbɔerɔe dɔe azu tshelɔe Sinagoga nɔe Satana, dɔe endjeneke á endje sɔe kɔepa adɔeke ɔene kɔedɔe Ayuda kashe endje dɔédɔé Ayuda nene mbɔerɔe endje sɔe kɔepa wala, dɔeke: Mɔe shosho endje adɔeke endje na kɔegote ga tɔe ada zɔe, yé endje wusɔe nɔe adɔeke mɔe yindɔe zɔe.

¹⁰Mbɔerɔe á bɔe gbɔndɔe o'o ama mɔe dɔe kɔeru lɔsu asɔemɔe, ɔemɔe ndje, mɔe gbɔndɔe zɔe lɔe ɔerɔe kanganɔe á na ndɔe azu tshapashɔ asɔe djigi mbɔerɔe kɔewu lɔsu endje.

¹¹Mɔe na lɔe ondonɔe asɔe. Tɔepa ɔerɔnɔe á bɔe sɔe dɔe tɔenɔe ngbiri adɔeke uzu bale zaza kpoto tshagbozu nɔe zɔe tɔe zɔe nene.

¹²«Uzu neke á tshe ropa ekperɔe kɔ, mɔe fa she tɔe sharagunda tshelɔe Tepelo nɔe Ndjaba nɔe mɔe, yé tshe kpa wuta ga ushu bale nene. Mɔe su i'iri Ndjaba nɔe mɔe dɔe pe i'iri ongbo nɔe Ndjaba nɔe mɔe ga pa ye. Ongbonɔe asɔemɔe kɔedɔe tafo Yerusaleme á to ba ndɔe Ndjaba nɔe mɔe ba lafo yeka á jerɔe asɔemɔe. Mɔe su ndje tafo i'iri mɔe ga pa ye.

¹³«Kaka uzu á tshe sɔe dɔe utu, dji o'onɔe á i'shiri sɔe kɔepa fɔe azu Ikrizia.»

Mbeti á endje sú fɔe Ikrizia ba lɔe Lawudukiya

¹⁴«Su mbeti fɔe andjelu nɔe Ikrizia lɔe Lawudukiya adɔeke: «Uzu á endje e she Ame, á tshe dɔe adja timu yé á sɔe kɔepa adjapu, ɔeshe á tshe sɔe lima utshu ali ɔerɔe á Ndjaba mbɔerɔe kɔ pa ɔshɔ, pa adɔeke:

¹⁵Mɔe wusɔe akwa nɔe zɔe ye: mɔe wusɔe nɔe adɔeke bɔe sɔesɔe kpaziti too wodawoda nene. Yé ɔe sɔe má tɔe ɔtshɔnɔe adɔeke bɔe sɔe kpaziti too wodawoda.

¹⁶Kashe mbɔerɔe á bɔe wo mboo, bɔe sɔesɔe kpaziti too wodawoda nene, mɔe ndja bɔe lɔe ama mɔe.

¹⁷Gbambanɔe nene, bɔe pa adɔeke: “Ɔemɔe kɔedɔe ayi kɔegbɔrɔe, mɔe sɔe dɔe ɔerɔe waa, mɔe kpa gbegbe dɔe anga ɔerɔe nene.” Kashe bɔe wuwusɔe nɔe nene adɔeke bɔe sɔe dɔe oyo, uzu á tshe gugu dɔe ɔerɔe nene, ayibula, ayi oyo ɔedɔe uzu á tshe sɔe kpendro.

¹⁸Mbɔerɔe tɔenɔe ataa, mɔe sɔe kɔemi upu fɔe bɔe adɔeke bɔe na ba ndɔe mɔe ɔe yo ɔrɔe á endje yi ga tɔe owo á ye kotenɔe, yekane á kɔewuta ayi kɔegbɔrɔe. Yo ndje imbi lɔeba mbɔerɔe kɔeverɔe ga tɔe zɔe yeka á kɔegbɔgbɔ tshula tɔe kɔndro zɔe nene. Yo ndje ɔyo kɔeta ga la zɔe mbɔerɔe á kɔewu osho dɔe ɔtshɔnɔe.

¹⁹«Azu kɔ á mɔe yindɔe endje, mɔe sɔe kɔeza djofele fɔe endje ndɔe kɔeyɔrɔ endje. Ma egerɔe ogo kɔembɔerɔe akwa nɔe zɔe yé ɔe fatshalɔsu zɔe.

²⁰Dji kane, mɔe ka lɔe manda yé ɔe sɔe kɔenge tɔenɔe. Ɔedɔe anga uzu kɔedji tshama mɔe yé á kɔrɔ manda, mɔe li ga ndɔe ye ɔe zi ɔerɔe awa bale dɔe she, yé ɔeshe ndje, awa bale dɔe mɔe.

²¹«Uzu neke á tshe ropa ekperœ kɔ, mœ za awa fœ she kœsœ awa bale dœ mœ ga pa ngande tshagbozu nœ mœ, бата mœ ndje á mœ ropa anga mœ yé á na kœsœ awa bale dœ Aba mœ ga pa ngande tshagbozu nœ ye.

²²«Kaka uzu á tshe sœ dœ utu, dji o'onœ á ðshiri pa fœ azu Ikrizia!»

Kœwuroe 4

Kœdonga Ndjaba ba lafo

¹Manda nœ, mœ wu manda á kɔɔ ba lafo. Mœ dji tshama á mœ dji lima utshunœ kœpa o'o fœ mœ dœ avwara бата luba adœke: «Ɔ ga mœ dœ mœ yisœ œeneke kɔ á li adœke œ mbœrœtœ endje manda nœ, fœ bœ.»

²Pe tœ œsœnœ, ðshiri nœ Ndjaba jerœ lima ga pa mœ, yé mœ wu ngande tshagbozu bale ba lafo ba zœ, anga uzu sœ lima ga pa nœ.

³Uzunœ asœmœ tshi lima бата badja á amancœ gbɔ waa, á i'irinœ kœdœ jaspe œdœ dœ badja á i'irinœ kœdœ sardwane. Avwenge á sœ lima dji ngande tshagbozunœ, sœ lima kœtshi бата badja á i'irinœ kœdœ emerode.

⁴Dji indiri ngande tshagbozu, anga ngande tshagbozu sœ lima zazu bale dœ vana (24) á agbozu Ikrizia zazu bale dœ vana sœ lima ga panœ. Endje verœ lima imbi læba ga tœ endje yé œ verœ kpoto tshagbozu á endje mbœrœ dœ ɔrœ ga tœ kumu endje.

⁵Ngande tshagbozunœ sœ kœyerœwa tœncœ, tshama sœ kœki tœncœ yé œ sœ ndje kœsɔ бата yavuru. Tala mindu dœ bisha sœ lima kœtshi utshu ngande tshagbozunœ, talancœ asœmœ kœdœ ðshiri nœ Ndjaba mindu dœ bisha.

⁶Kpœ utshu ngande tshagbozunœ, œ sœ lima бата egerœ ungu á sœ lima kœtshi бата wushiri, tshala ungunœ sœ lima ngbii бата badja á i'irinœ kœdœ kristale. Ba ugurunœ, dji indiri ngande tshagbozunœ, anga œrœ vana á sœ dœ soro sœ lima kpœtœmœ, ala za tshatshunœ djigi œdœ tshamanda nœ.

⁷Ali œrœnœ á sœ dœ soro sœ lima бата bamara, bishancœ sœ lima бата ovoro ɔkɔ ngombe, tshencœ votœnœ tshatshu ye sœ lima бата œncœ uzu, yé tshencœ vanancœ sœ lima бата divumbala á tshe sœ kœru tœncœ.

⁸œrœnœ á sœ dœ soro vavana kɔ sœ lima dœ ombo tœ endje mindu dœ bale, yé kote ombonœ kɔ sú lima dœ ala, dja ga pa nœ œdœ pe dja ga ati kɔ. Endje kaka lima tœ kœbi itshi ti nene butshɔ dœ ɔlɔ, endje sœ kœbi itshincœ adœke: «Yerœ, Yerœ, Yerœ, Gbozu Ndjaba nœ gbɔgbɔ kɔ, tsheneke á tshe sœ lima, á tshe sœ zœ yé á na bala.»

⁹Yé œ kœsœ adœke, œrœnœ á sœ dœ soro asœmœ sœ tœ kœza mokɔ dœ kœlisœtœ, ndje dœ kœgi mershe fœ uzunœ á tshe sœ ga pa ngande tshagbozunœ, yé á sœ dœ soro waa dœ waa asœmœ,

¹⁰agbozu Ikrizianœ zazu bale dœ vana (24) sœ lima kœgote ga utshu tsheneke á tshe sœ ga pa ngande tshagbozunœ, yé œ sœ lima kœdonga tsheneke á tshe sœ dœ soro waa dœ waa. Endje ko lima kpoto tshagbozunœ tœ kumu endje va ga ati ga utshu ngande tshagbozunœ asœmœ, á sœ lima kœpa adœke:

¹¹«Gbozu, Ndjaba nœ 'a! Bœ li adja dœ kœgbœ mokœ, kœlisœtœ dœ pe gbœgbœ. Gbambanœ nene, œbœ dá mbœrœ œrœ kœ; œbœ dá mbœrœ yé á yindœ nœ adœke œ sœ zœ.»

Kœwuroe 5

Buku œdœ aya Pata

¹Mœ wu buku á endje djeedje ga tœnœ lœ kane kuni uzunœ á tshe sœ ga pa ngande tshagbozunœ. Endje sú mbeti ga lanœ dœ pe tshapanœ kœ, yé œ pi dœ amende mindu dœ bisha.

²Mœ wu anga andjelu á tshe sœ dœ gbœgbœ waa kœta rawa adœke: «Uzu œ dá li kœ'i amendœ, á kœkœrœ bukunœ a?»

³Kashe uzu bale nene, œdœ ba lafo, œdœ ba pa shœ, œdœ ba budu œshœ, lili lima kœkœrœ bukunœ yeka á kœmesho ga la nœ nene.

⁴Mœ ki lima waa tœ kœwu adœke uzu bale á tshe li kœkœrœ bukunœ, á kœmesho ga la nœ, gugu nene.

⁵Kashe anga agbœ gbozu bale lœ agbozu Ikrizianœ pa fœ mœ adœke: «Kiki nene! Mesho, bamara lœ mara nœ Yuda, ata gbozugo Davidi ropa azu kœ. Tshe lii kœ'i amende mindu dœ bisha asœmœ yé œ lii kœkœrœ bukunœ ye.»

⁶Yé mœ wu aya Pata á tshe ka uguru ngande tshagbozunœ á œ œrœ vana á sœ dœ soro œdœ agbozu Ikrizianœ asœmœ sœ dji indiri ye. Aya Patanœ sœ lima bata endje wo she ye. Tshe sœ lima dœ idi ye mindu dœ bisha, dœ ala ye mindu dœ bisha á dœ ishiri nœ Ndjaba mindu dœ bisha á tshe vwa lima ga pa œshœ kœ.

⁷Aya Patanœ na ndoo yé œ za bukunœ lœ kane kuni uzunœ á tshe sœ lima ga pa ngande tshagbozunœ.

⁸Lœkœ á tshe za bukunœ, œrœ vana á sœ dœ soro œdœ agbozu Ikrizianœ zazu bale dœ vana (24) asœmœ gote ga utshu ye. Uzu dœ uzu sœ lima dœ kundi, dœ pe kopo á endje mbœrœ dœ œrœ á sú dœ yombo á dœ avwala nœ ayœrœ azu.

⁹Endje sœ lima kœbi tafo itshi adœke: «Bœ lii tœ kœza bukunœ, œdœ kœ'i amende tœnœ ye. Gbambanœ nene, endje wo lima bœ, yé lœ awa nœ indji zœ, bœ yœ azu fœ Ndjaba,

á endje to lœ mara kœ, lœ ama ogo kœ, lœ azu ogo kœ œdœ lœ ogo kœ.

¹⁰Bœ fa endje tœ anganga Ndjaba tshelœ ogo gbozu tshebale mbœrœ koembœrœ akwa fœ Ndjaba nœ azœ, yé endje te bala agbozugo tshapa ɔshɔ.»

¹¹Mœ mesho, yé œ dji tshama aandjelu ndjoro. Endje sœ lima kutu dœ kutu kœropanœ yé œ ka dji indiri ngande tshagbozunœ, dji indiri œrœ á sœ dœ soro œdœ pe dji indiri agbozu Ikrizianœ.

¹²Endje sœ lima kœbi itshi dœ agbɔ tshama adœke: «Aya Patanœ á endje wo lima she lii adja kœgbɔ gbɔgbɔ, dœ kœgbɔrœ, dœ kœwusœtœ, dœ koembœrœ djagbala, dœ kœlisœtœ, dœ moko, œdœ dœ kœdonga osho!»

¹³Mœ dji tshama œrœ kɔ á Ndjaba mbœrœ ba lafo, dœ œneke á tshe mbœrœ pa ɔshɔ, dœ œnœ tshabudu ɔshɔ, dœ œnœ tshalangu. Œrœ para á sœ zœ pa tshapashɔ, sœ lima kœbi itshi adœke: «Mbœrœ uzunœ á tshe sœ ga pa ngande tshagbozunœ œdœ aya Patanœ asœmœ, kaka kœdonga osho, kœlisœtœ, moko œdœ tshagbozu sœ fœ she waa dœ waa.»

¹⁴Œrœ vana á sœ dœ soro asœmœ pa lima adœke: «Ame!» Yé agbozu Ikrizianœ gote lima, œ donga Ndjaba.

Kœwurœ 6

Aya Pata 'i amende tœ buku

¹Manda nœ, mœ wu lima aya Patanœ, tshe 'i ali amende ugurutœnœ mindu dœ bisha asœmœ. Yé ugurutœ œrœ á sœ dœ soro asœmœ, mœ dji tshama tshenœ utshunœ kœpa fœ mœ dœ avwara bata kœsɔ yavuru adœke: «Na ga mœ!»

²Mœ me lima osho, yé œ wu imbi mbarata. Uzu á tshe ɔ ga pa ye sœ dœ ndjoboro tshakane ye, yé endje za ndje kpoto tshagbozu fœ she. Tshe na lima bata uzu á tshe ropa azu kɔ œdœ mbœrœ kpa kœropa azu kɔ.

³Lɔkɔ á aya Patanœ 'i bisha amendœnœ, mœ dji tshama bisha œrœ á sœ dœ soro asœmœ kœpa lima adœke: «Na ga mœ!»

⁴Yé anga mbarata tœ odoronœ wuta. Uzu á tshe ɔ lima ga pa ye asœmœ, endje za lima egerœ ingiri yakamba œdœ pe ndje tshagbozu fœ she adœke tshe gɔɔ kœsœ gee pa ɔshɔ yeka azu kœwotœ endje ugurutœ endje.

⁵Lɔkɔ á aya Patanœ 'i votɔ amendœnœ, mœ dji votɔ œrœ á sœ dœ soro asœmœ kœpa lima adœke: «Na ga mœ!» Yé mœ wu lima anga ubu mbarata bale. Uzu á tshe ɔ lima ga pa ye sœ dœ œrœ kœli dœ kilo tshakane ye.

⁶Yé mœ dji tshama uzu kœpa ba ugurutœ œrœ vana á sœ dœ soro asœmœ adœke: «Kilo bale nœ ble li dœ ngendja tshangba akwa nœ olo bale, yé kilo votɔ nœ orje li dœ ngendja tshangba akwa nœ olo bale, kashe mbœmbœrœtœ kada œdœ vinunœ nene.»

⁷Lɔkɔ á aya Patanœ 'i vana amendence, mœ dji tshama vana œrœ á sœ dœ soro asœmœ kœpa lima adœke: «Na ga mœ!»

⁸Mœ me lima osho, yé mœ wu mbarata á ɔkɔ ye b̄ata ungu ngondja. F'iri uzu á tshe ɔ ga pa ye kœdœ Kuzu, yé osho kœsœ nœ akuzu sœ lima kœna manda ye. Endje ko lima tshagbozu fœ endje ga pa anga tshakele ɔshɔ bale lœ vana adœke endje wo azu ogo dœ egerœ koshe, dœ egerœ ogo, dœ ekpe koba á za osho, œdœ dœ awa nœ akatshagea tshapa ɔshɔ.

⁹Lɔkɔ á aya Patanœ 'i mindu amendence, mœ wu ishiri azu á endje wo lima endje, b̄a tshakudu ndaba. Endje wo lima azunœ asœmœ mbœrœ á endje sœ lima kœzatœ endje ga tœ o'o ama Ndjaba, yé á sœ lima kœma œrœ tœ upu nœ ye.

¹⁰Endje sœ lima kœve rawa dœ ɔgbɔ adœke: «Gbozu á bœ sœ Yerœ á dœ uzu nœ adjapu, bœ sœ kœkate gafe kœwa ngbanga œdœ pe kœnga koshe pa indji 'a ga pa azu tshapashɔ a?»

¹¹Yé endje ko imbi rœbe fœ uzu dœ uzu, œ pa fœ endje adœke endje kate teasho mbœrœ kumu endje lili damba nene. Œ li adœke aanga endje lœma akwa œdœ pe aaya endje á li má adœke endje wo endje b̄ata endje, li yekane.

¹²Lɔkɔ á aya patanœ 'i mindu dœ bale amendence, mœ mesho œ wu, ɔshɔ tetœ koeturu tœnœ dœ ɔgbɔ. ɔlɔ bu kporokoto b̄ata lœba kuzu, yé yapu doro djigi b̄ata indji.

¹³Angerepe tshalafœ sœ lima kœyo ga tœ ɔshɔ b̄ata ele fige á gbɔgbɔ damba nene yé á egerœ yugu sœ kœmea tœnœ.

¹⁴Tshalafœ yiwa b̄ata buku bale á endje dje ga tœnœ, kaga para œdœ tshiki gitœ endje tœ osho á sœ lima tœnœ ye.

¹⁵Agbozugo tshapa ɔshɔ, azu á œ sœ endje li, agbozu tshapa aturugu, aayi kœgbœrœ œdœ aayi gbɔgbɔ, azu para kœkɔ, akanga œdœ azu á endje dœdœ akanga nene, endje ko lima tœ endje yiwa tœnœ ga lœ gorokpa œdœ b̄a lœ ɔngo badja lœ kaga.

¹⁶Endje sœ lima kœpa fœ kaga œdœ fœ badja adœke: «'E yo ga pa 'a, yé œ ko 'a yiwa tœnœ zara tœ tsheneke á tshe sœ pa ngande tshagbozu œdœ zara tœ ókó nœ aya Pata.

¹⁷Gbambanœ nene, egerœ olo ókó nœ endje wuta ye, yé œdœ dá she a?»

Kœwurœ 7

Azu Israyele kutu kama zazu bisha dœ vana (144.000)

¹Manda œeneke asœmœ, mœ wu aandjelu vana á endje ka ga tœ panga tshapashœ vavana. Endje sœ lima kœkundœ yugu vana ba pa œshœ adœeke adja anga yugu bale nana pa œshœ nene, œedœ pa egerœ ungu, œedœ pa œyo.

²Yé mœ wu lima anga angbi andjelu á tshe to ba tœ osho á œlo œ wuta tœnœ asœmœ, tshe sœ dœ œrœ a endje du dœ tshapala azu nœ Ndjaba nœ soro tshakane ye. Tshe pa o'o dœ œgbœ tshama fœ aandjelunœ vana á endje gbœ lima tshagbozu mbœrœ kœendi tshapa œshœ dœ pe egerœ ungu asœmœ adœeke:

³«'E ndindi tshapa œshœ, egerœ ungu œedœ pe œyo nene, œerr ga tœ adœeke endje du tshapala aayi akwa nœ Ndjaba nœ azœ yekane.»

⁴Yé endje pa lima ndœema kœengba azu á endje du tshapala endje dœ œrœ á endje du dœ tshapala azu nœ Ndjaba, fœ mœ. Azunœ sœ lima kutu kama zazu bisha dœ vana (144.000) lœ mara nœ azu Israyele para kœkœ.

⁵Ba lœ mara nœ Yuda, endje du lima ga pa ala azu kutu ndjokpa dœ bisha (12.000); ba lœ mara nœ Rubene, azu kutu ndjokpa dœ bisha; ba lœ mara nœ Gade, azu kutu ndjokpa dœ bisha;

⁶ba lœ mara nœ Asere, azu kutu ndjokpa dœ bisha; ba lœ mara nœ Nefetali, azu kutu ndjokpa dœ bisha; ba lœ mara nœ Manase, azu kutu ndjokpa dœ bisha;

⁷ba lœ mara nœ Shimeyo, azu kutu ndjokpa dœ bisha; ba lœ mara nœ Levi, azu kutu ndjokpa dœ bisha; ba lœ mara nœ Isakare, azu kutu ndjokpa dœ bisha;

⁸ba lœ mara nœ Zabulone, azu kutu ndjokpa dœ bisha; ba lœ mara nœ Yozefu, azu kutu ndjokpa dœ bisha; ba lœ mara nœ Bendjame, azu kutu ndjokpa dœ bisha.

Ukpulu azu ndjoro á endje to tœ osho kœ

⁹Manda œeneke asœmœ, mœ mesho yé œ kpa wu ukpulu azu ndjoro á uzu bale lili kœedi endje nene. Endje to lima lœ ogo kœ, lœ mara kœ, lœ azu ogo kœ œedœ lœ o'o ama ogo kœ. Endje ka lima ga utshu ngande tshagbozunœ œedœ ba utshu aya Patanœ, endje verœ imbi rœbe ga tœ endje yé œ ko kako ngima ga tshakane endje.

¹⁰Endje sœ lima kœmindœ o'o dœ œgbœ tshama adœeke: «Kœshe to ba ndœ Ndjaba nœ azœ á tshe sœ ga pa ngande tshagbozu œedœ ndje ba ndœ aya Pata!»

¹¹Yé aandjelu para kœkœ á endje ka dji ngande tshagbozunœ, dœ agbozu Ikrizianœ, dœ œrœ vana á sœ dœ soro asœmœ, endje gote lima ga utshu ngande tshagbozunœ, yé œ tara kumu endje ga ati, œ tetœ kœdonga Ndjaba

¹²dœ kœpa adœeke: «Ame! Mershe! Kaka kœdongasho, mokœ, kœwusœtœ, kœlisœtœ, kœsœ dœ gbœgbœ œedœ kœmbœrœ djagbala, sœ fœ Ndjaba nœ azœ ngbugu dœ ngbugu! Ame!»

¹³Ugurutœ agbozu Ikrizianœ ascœmœ, anga bale yu mœ adœke: «Azunœ á endje verœ imbi rœbenœ ascœmœ kœdœ adœ? Yé endje to kpœta a?»

¹⁴Mœ gi fœ she adœke: «Gbozu nœ mœ, œbœ dá wusœ nœ.» Á tshe kœpa fœ mœ adœke: «Endje kœdœ azu á endje wuta lœ egerœ œrœ kanga. Endje djuto rœbe nœ endje dœ indji aya Patanœ yeka á wuta tœ imbinœ urrr.

¹⁵Mbœrœ tœnœ dá endje sœ kœka ba utshu ngande tshagbozu nœ Ndjaba, yeka á sœ kœmbœrœ akwa fœ she butshœ dœ ɔɔ ba lœ anda Tepelo nœ ye. Yé tsheneke á tshe sœ ga pa ngande tshagbozunœ nœ Ndjaba ascœmœ, tshe gbo bala ndœ endje.

¹⁶Ogo kœzĩrœ dœ pe ogo ungu œ kpa mi endje nene, ɔɔ œdœ katshancœ œ sho endje nene.

¹⁷Gbambancœ nene, aya Patanœ á tshe sœ ba uguru ngande tshagbozunœ ascœmœ œ dœ bala ayi kœgbœndœ ayarœ, tshe to bala endje na tœnœ ga tœ kumu ungu nœ soro. Yé, Ndjaba œ turu bala ngola kœ lœ ala endje.»

Kœwurœ 8

Aya Pata 'i amende nœ mindu dœ bisha

¹Lœkœ á aya Patanœ 'i amende nœ mindu dœ bisha, osho yi taa ba lafo ga pa œrœ nœ miniti zazu bale dœ ndjokpa (30).

²Yé mœ wu aandjelu mindu dœ bisha á endje ka utshu Ndjaba, endje ko luba mindu dœ bisha fœ endje.

³Anga angbi andjelu bale na œ sœ ga ati ndoo dœ ndaba. Tshe za lima asasware á endje mbœrœ dœ ɔrœ, yé endje ko zuwa yombo ndjoro fœ she mbœrœ kœza tœnœ dœ avwala nœ azu kœ á endje sœ yerœ, ba pa ndaba á endje mbœrœ dœ ɔrœ yé á sœ ba utshu ngande tshagbozu.

⁴Ngawo zuwa yombœnœ to tshakane andjelu, yeka á sœ kœœ awa bale dœ avwala nœ azu nœ Ndjaba ba utshu Ndjaba.

⁵Manda nœ, andjelu za asasware, œ ko jiwo tshapa ndaba dœ tœnœ kperœ yé á za vwi ga ati ga pa ɔshœ. Ngbewo yavuru sœ, œsœ tshama ki, yavuru yerœwa yé ɔshœ turu.

Luba vana

⁶Aandjelu mindu dœ bisha á endje ko lima lubancœ mindu dœ bisha ascœmœ guma lima tœ endje kœuru tœnœ.

⁷Ali andjelu uru luba nœ ye, ngbewo aledjezœ œdœ owo á djanga tœ endje dœ indji, yo lima ga pa ɔshœ. Owo tshitœ tshakala tshapa ɔshœ bale lœ votœ, yé œ tshi ndje tœ tshakala ɔyœ bale lœ votœ dœ pe ngbœyu gusu para kœkœ.

⁸Bisha andjelu uru luba nœ ye, yé anga œrœ á sœ bata egerœ kaga owo, na œ te ga la egerœ ungu. Tshakala egerœ ungunœ bale læ votœ fa lima indji.

⁹Tshakala œrœ kœ bale læ votœ nœ œrœ kœ á sœ dœ soro, á sœ ba la egerœ ungu, tshu lima yé anga tshakala ogboro agba bale læ votœ ndi lima.

¹⁰Votœ andjelu uru luba nœ ye, yé anga egerœ angerepe á sœ koetshi tœnœ bata tœrshe to ba lafo, œ te ga la tshakala egerœ ungu bale læ votœ œdœ ga pa kumungu.

¹¹F'iri angerepenœ asœmœ kœdœ «Ushu œrœ». Tshakala ungu bale læ votœ wuta lima tœ ushunœ yé azu ndjoro tshu lima mbœrœ kœndjo ushu ungunœ asœmœ.

¹²Vana andjelu uru luba nœ ye, yé tshakala œœ dœ œnœ yapu œdœ pe œnœ angerepe bale læ votœ bu kporokoto. Lœ tshakala olo dœ œnœ butshœ bale læ votœ, œœ tœœ nene.

¹³Yé mœ mesho, œ wu anga divumbala á tshe sœ kœru ba lawutsha yé á sœ kœki dœ œgbœ adœke: «Oyo! Oyo! Oyo nœ azu tshapa œshœ lœkœ á anga aandjelunœ votœ œ kpa uru luba nœ endje!»

Kœwuroœ 9

¹Mindu andjelu uru luba nœ ye, mœ wu anga angerepe bale á to ba lafo á te lima ga pa œshœ. Endje za herela kœkœœ dœ ama divwili kudu fœ she.

²Angerepenœ kœœ ama divwili kudunœ, ngawo wuta læ nœ bata ngawo tshelœ egerœ furu. Yé œœ dœ pe tshalafo bu shoshosho mbœrœ ngawo á wuta læ kudunœ asœmœ.

³Akwakwa wuta læ ngawonœ asœmœ, yé œ za tshapa œshœ. Endje za tshagbozu fœ akwakwanœ asœmœ bata tshagbozu nœ akpalakongo.

⁴Endje za o'o fœ endje adœke endje ndindi gusu nene, œ ndindi œyœ nene, œ ndindi kako dœngœ nene, kashe endje mbœrœ œrœ oyo kolœ fœ azu á endje dudu tshapala endje dœ œrœ kœdu dœ tshapala nœ Ndjaba nene asœmœ.

⁵Endje zaza lima awa fœ akwakwanœ adœke endje wo azunœ nene, kashe adœke endje mbœrœ œrœ oyo fœ endje manda yapu minu. œrœ oyonœ á endje sœ kœmbœrœ ga tœ azunœ asœmœ sœ lima bata œrœ oyo neke á uzu œ wu œdœ kpalakongo kœœ she.

⁶Lœ olonœ asœmœ, azu œ para kuzu kashe endje gbœ nene, endje yindœ nœ adœke œne tshu kashe kuzu œ kpa tœ endje ye.

- ⁷Akwakwanœ sœ lima bata ambarata á endje guma endje mbœrœ koeto kowo. Cœrœ sœ ba pa kumu endje bata kpoto tshagbozu á endje mbœrœ dœ ɔrœ, yé tshatshu endje sœ bata tshatshu azu.
- ⁸Sukumu endje sœ lima bata sukumu ayashe, yé iji endje sœ lima bata œnœ abamara.
- ⁹Akwakwanœ verœ lima lœba waya ga tœ okoro endje bata œnœ aturugu, yé œsœ mambo endje sœ lima kœki tœnœ bata œsœ ukpulu share á ambarata ndjoro sœ kœgbota tœnœ na tœnœ ndœ koeto kowo.
- ¹⁰Akwakwanœ sœ lima dœ damba á amancœ sœ ndja ndja ndja bata œnœ akpalakongo. Endje za lima tshagbozu ga lœ damba endje adœke œ mbœrœ œrœ oyo fœ azu manda yapu mindu.
- ¹¹Gbozugo tshapa endje kœdœ andjelu nœ ðivwili kudu á i'iri ye dœ o'o ama ogo Ebre kœdœ «Abado», yé dœ o'o ama Greke kœdœ «Apolio». Ádá i'irinœ ascœmœ kœdœ «Ayi kœndirœ».
- ¹²Ali oyo ro ye, manda nœ, anga oyo bisha kpa li kœwuta tœnœ.
- ¹³Andjelu nœ mindu dœ bale uru luba nœ ye, yé mœ dji tshama œrœ koeto ba tœ panga ndaba vavana á endje mbœrœ dœ ɔrœ, á sœ ba utshu Ndjaba.
- ¹⁴Tshamancœ sœ lima kœpa o'o fœ andjelu nœ mindu dœ bale á tshe za luba adœke: «Katœ aandjelunœ vana á endje i endje ga tœnœ dœ djingiri ndoo dœ egerœ ungu Efrate ascœmœ ye.»
- ¹⁵Endje ka lima tœ aandjelunœ vana ascœmœ ye. Gbambancœ nene, endje guma lima endje kœkate ada ɔɔ, olo, yapu œdœ ngbugunœ á li lima adœke endje wo tshakala azu bale lœ voto pa ɔshɔ.
- ¹⁶Endje yi lima sœ kœngba aturugunœ á endje ɔ ga pa ambaratancœ fœ mœ, endje sœ lima miliyo kama bisha (200.000.000).
- ¹⁷Yé mœ wu ambarata œdœ aturugu nœ endje á endje ɔ ga pa endje lœ ulu, endje verœ lima odoro lœba waya á sœ bata owo ga tœ okoro endje, dœ ubunœ shoshosho bata badja safire œdœ dœ wolancœ bata wola zuwa á ju osho. Kumu ambaratancœ sœ lima bata kumu abamara, yé owo sœ lima kœwuta lœ ama endje, dœ ngawo œdœ pe wola zuwa á ju osho.
- ¹⁸Ogboro œrœ oyonœ voto á sœ lima kœwuta lœ ama ambaratancœ ascœmœ: owo, ngawo dœ pe wola zuwa á ju osho, wo anga tshakala azu bale lœ voto.
- ¹⁹Gbambancœ nene, tshagbozu nœ ambarata sœ ba lœ ama endje dœ pe lœ damba endje. Dœ tœnœ ataa, damba endje sœ bata ayakoro; endje sœ dœ kumu á endje sœ kœmbœrœ œrœ oyo dœ tœnœ fœ azu.

²⁰Tœ udu azu á endje she lœ egerœ œœ oyonœ asœmœ, endje kakatœ kœdonga andjaba á endje mbœœœ dœ kane endje nene. Endje sœpe lima kolœ kœdonga aekpe ishiri œdœ ishiri œœ á endje mbœœœ dœ œœ too dœ kowo, dœ waya á endje yi ga ta wo yekane á ye kotenœ, dœ badja too dœ œœ á lili kœwu œœ bale nene, á lili kœdji o'o bale nene, á lili ndje kœna ana bale nene.

²¹Endje kaka lima tœ kœwo azu, kœsœ dœ rawo, kœmbœœœ angba budu œdœ kœzi angba nœ endje ti nene.

Kœwuroœ 10

Andjelu œdœ aya buku

¹Mœ wu anga angbi andjelu á tshe sœ dœ gbœgbœ waa kœto ba lafo á sœ kœjerœ tœnœ. Tshe vwele lima tœ ye dœ ondro yé avwenge sœ dji kumu ye. Tshatshu ye tshi lima bata œœ yé ada ye sœ lima bata uwu owo.

²Tshe sœ lima dœ aya buku á endje kœœ, tshakane ye. Tshe to ada ye œœœ kuni ga pa egerœ ungu, œ to œœœ gele ga pa œœœ,

³yé œ ta rawa dœ œgbœ bata kœngá bamara. Manda kœta rawa, tshama kœœœ yavuru mindu dœ bisha wu.

⁴Yé lœœ á tshama kœœœ yavurunœ mindu dœ bisha wu, bata á mœ yindœ kœsu œœœœœ kœ ga la mbeti, kashe mœ dji tshama uzu ba lafo kœza o'o fœ mœ adœke: «Gbœndœ o'o nœ kœœœ yavurunœ mindu dœ bisha ga lœsu zœ, yé susu ga la mbeti nene.»

⁵Á andjelu á mœ wu lima she kœka ga lafo ba pa egerœ ungu dœ pe pa œœœ asœmœ, ti kane ye œœœ kuni ye ga lafo,

⁶yé œ dara œœœ dœ i'iri Ndjaba á tshe sœ dœ soro nœ waa dœ waa, œshe á tshe mbœœœ tshalafœ, tshapashœ, egerœ ungu œdœ œœœ kœ á sœ lœœœ. Andjelunœ pa lima adœke: «œ sœœœ dœ olo nene!

⁷Kashe dœ lœœ á andjelu nœ mindu dœ bisha œ uru luba nœ ye, Ndjaba œ mbœœœ œœœ á tshe za yiwa tœnœ, tshe mbœœœ bata á tshe pa lima ndœ nœ fœ aayi akwa nœ ye á endje dœ aayi kœgbara o'o.»

⁸Yé tshamanœ á mœ dji lima kœto ba lafo kpa kœpa fœ mœ adœke: «Na, œ za aya bukunœ á endje kœœ tshakane andjelunœ á tshe ka ga pa egerœ ungu œdœ ga pa œœœ asœmœ.»

⁹Mœ na ndoo dœ andjelu, yé œ ki fœ she adœke tshe za aya bukunœ fœ mœ. Tshe gi fœ mœ adœke: «Za, œ zi œœœœ. œ sœ tœ ushunœ ba lœ zœ, kashe œ sœ jorojoro ba lœ ama zœ bata ojoro awaterœ.»

¹⁰Mœ za lima aya bukunœ tshakane andjelu, yé œ zî. Œ œ lima ba læ ama mœ jorojoro bata ojoro awaterœ, kashe lɔkɔ á mœ merœ, œ wuta tœ ushunœ ba læ mœ.

¹¹Manda nœ, endje pa fœ mœ adœke: «Œ li dœ bœ kpa kœgbara o'o dœ i'iri Ndjaba dœ upu nœ azu ogo ndjoro, dœ upu nœ ogo ndjoro, dœ upu nœ ama ogo ndjoro œdœ dœ upu nœ agbozugo ndjoro.»

Kœwuroe 11

Atimu bisha

¹Manda nœ, endje za wara á œ bata tshɔngbɔɔ á endje di dœ œrœ ndœ kœwu kœgunœ fœ mœ, yé œ pa fœ mœ adœke: «Aafo, œ na kœdi kœgu Tepelo nœ Ndjaba œdœ pe ndaba. Di ndje azu á endje œ kœdonga Ndjaba læ Tepelonœ.

²Kashe katœ tshelœ gbagba utshu Tepelonœ ti, di di kœgunœ nene. Gbambanœ nene, endje za lima ti fœ angbî azu á endje zuru bala œyerœ ongbo manda yapu zazu bisha dœ bisha (42).

³Mœ vwa atimu nœ mœ bisha dœ læba pili tœ endje ndœ kœgbara o'o manda olo kutu bale dœ kama bisha dœ zazu votɔ (1.260).»

⁴Atimunœ ascœmœ kœdœ ɔyɔ olive bisha œdœ œrœ bisha á endje ko tala ga panœ á œ kpœ utshu Gbozu tshapa ɔshɔ.

⁵Œdœ anga uzu kœpara awa kœmbœrœ ekperœ ga tœ endje, owo œ kœwuta læ ama endje yé œ œ kœwo ayingba endje. Adjapu, œdœ uzu á tshe kœgbe kœmbœrœ ekperœ ga tœ endje, tshe tshu mara kuzunœ ascœke.

⁶Endje œ dœ tshagbozu nœ kœkundœ tshalafo adœke yavuru nini dœ olo nœ kœyisœ o'o ama Ndjaba nene. Endje œ ndje dœ tshagbozu nœ kœmbœrœ adœke ungu fa indji. Endje kpa œ dœ tshagbozu ndje adœke endje mbœrœ ogboro ekperœ kpalakpala ga pa ɔshɔ bata á endje yindœ nœ.

⁷Kashe dœ lɔkɔ á endje kœmindœ o'o nœ Ndjaba fœ azu á ka, agea á tshe œ kœwuta læ diwili kudu œ tetœ kœtɔ kowo dœ endje, tshe ropa endje dœ gbɔgbɔ yé œ wo endje.

⁸Oko endje œ œpe tœ osho læ egerœ ongbo, tœ osho á endje kuru lima Gbozu nœ endje ba pa kurushi tœncœ. Endje e i'iri ongbonœ ascœmœ læ kœgbara o'o adœke Sodomoo Ezipito.

⁹Azu ogo kɔ, læ mara kɔ, læ o'o ama ogo kɔ œdœ læ ogo kɔ, endje na kœwu oko endje manda olo votɔ dœ ngandinœ, yé endje yindœ nœ adœke endje shi endje nene.

¹⁰Azu tshapa ɔshɔ œ sœ dœ yanga tœ upu nœ kuzu endje, endje sœ dœ yanga yé œ yapa gado ugurutœ endje. Gbambanœ nene, aayi kœgbara o'onœ asœmœ bisha ndanga lima kuma azu kœrosœ nœ.

¹¹Kashe manda olo votɔ dœ ngandinœ asœmœ, ɪzi nœ soro á to ba ndœ Ndjaba, li ga lœ endje yé endje alafo. Ataa, egerœ awa za lima endjeneke á endje sœ lima kœwu endje asœmœ.

¹²Aayi kœgbara o'onœ bisha asœmœ dji ɔgbɔ tshama uzu ba lafo kœpa fœ endje adœke: «'E ɔ ga mœ!» Endje ɔ ga lafo lœ ondro tœ ala ayingba endje.

¹³Pe kpœtœ œsœnœ, ɔshɔ turu dœ ɔgbɔ, ndjokpa tshakala ongbo kavwa. Azu kutu mindu dœ bisha (7.000) tshu mbœrœ ɔshɔnœ á turu asœmœ. Awa litœ udu azu á endje sœ lima pe dœ soro, yé endje za mokɔ fœ Ndjaba ba lafo.

¹⁴Bisha egerœ oyo ro ye, kashe œnœ votɔnœ œ na lœ ondonœ.

Luba nœ mindu dœ bisha

¹⁵Andjelu nœ mindu dœ bisha uru luba nœ ye, tshama wu ba lafo dœ ɔgbɔ adœke: «Akwa tshagbozu nœ tshapashɔ sœ ngɔngɔ asœke tshakane Gbozu nœ azœ œdœ Masiya nœ ye, tshe mbœrœ akwa tshagbozunœ asœmœ waa dœ waa.»

¹⁶Agbɔ agbozu zazu bale dœ vana (24) á endje sœ pa ngande tshagbozu nœ endje utshu Ndjaba, tara kumu endje ga ati, yé œ donga Ndjaba

¹⁷dœ kœpa adœke: «Gbozu Ndjaba á bœ sœ dœ gbɔgbɔ kɔ, œbœ á bœ sœ zœ, yé á sœ lima, 'a donga bœ mbœrœ á bœ mbœrœ akwa dœ egerœ gbɔgbɔ nœ zœ yé á gi akwa tshagbozu nœ zœ.

¹⁸Ogo kɔ oma dœ ókó, kashe ngɔngɔ asœ, ókó nœ zœ dá sœ koematœ ye. Tœnœ kœdœ olo kœwa ngbanga nœ akuzu, tœnœ kœdœ olo kœgbɔ œrœ tshangba akwa nœ aayi akwa nœ zœ á endje dœ aayi kœgbara o'o, œdœ azu neke kɔ á endje dœ endje nœ zœ á sœ kœkpa awa zœ, agbozu too agbolo, tœnœ kœdœ olo kœwo azu para á endje sœ kœndi tshapa ɔshɔ.»

¹⁹Yé manda Tepelo nœ Ndjaba á sœ ba lafo kœrɔ, sanduku nœ ayo wuta lœ nœ. Yavuru yerœwa, ingiri tshama wu, yavuru sɔ, ɔshɔ turu yé ogboro aledjezɔ yo.

Kœwurœ 12

Yashe œdœ dalagona

¹Egerœ ambárá œrœ wuta ba lafo: anga yashe ka yé ɔɔ kpa dji she b̄ata lœba, tshe to ada ye ga pa yapu, œ verœ kpoto tshagbozu á angerepe ndjokpa dœ bisha sœ tœnœ ga tœ kumu ye.

²Tshe sœ lima dœ nguzu yé œ tetœ kœki dœ ɔgbɔ dœ koba kœzunœ.

³Anga angbi ambára kpa wuta ba lafo: ætœnœ koedœ lima odoro zamiti dalagona, kashe tshe sœ lima dœ kumu mindu dœ bisha pa ye dœ pe idi ndjokpa yé tshe verœ kpoto tshagbozu ga tœ idi ye bale bale asœmœ para kœkœ.

⁴Tshe sœ lima koengbœ tshakala angerepe bale lœ votœ ba lafo dœ damba ye, yé á sœ kœko va ga tœ œshœ. Tshe ka lima ga utshu yashenœ á li adœke tshe zu asœmœ mbœrœ kœzi gbolonœ lœkœ á tshe kœzu she.

⁵Yashenœ asœmœ zu gbolo yakoshe. Œshe dá gbœ bala ndœ azu ogo para kœkœ dœ œgbœnœ. Kashe Ndjaba za gbolonœ gu tœnœ ga lafo ga indiri ye œdœ ga indiri ngande tshagbozu nœ ye.

⁶Yé yashenœ asœmœ kpa ga lœ kpagagasho, ba tœ osho á Ndjaba guma lima fœ she mbœrœ adœke endje to kœzirœ fœ she manda olo kutu bale dœ kama bisha dœ zazu votœ (1.260).

⁷Koshe wuta ba lafo: Mikayele dœ aandjelu nœ ye tetœ koenga koshe dœ dalagona. Yé dalagonanœ dœ aandjelu nœ ye te ndje tœ koenga koshe dœ endje.

⁸Kashe, endje ro lima pa dalagonanœ dœ gbœgbœ yé osho kpa gugu lima fœ she dœ pe aandjelu nœ ye ba lafo nene.

⁹Endje gœrœ lima zamiti dalagonanœ ga ushu, œshe koedœ lima ongboro yakoro á endje e i'iri ye adœke djaboro too Satana, ayi kœfara tshapashœ djigi. Endje za lima she vwi ga pa œshœ awa bale dœ aandjelu nœ ye.

¹⁰Yé mœ dji tshama dœ œgbœ ba lafo kœpa lima adœke: «Ngœngœ asœke, lœndœ kœshe li ye! Ngœngœ asœke, Ndjaba nœ azœ ma gbœgbœ œdœ akwa tshagbozu nœ ye! Ngœngœ asœke, tshagbozu sœ ga tshakane Masiya nœ ye! Gbambanœ nene, ayi kœtœ meza pa aaya azœ, œshe á tshe sœ lima kœtœ meza pa endje butshœ dœ œlœ ba utshu Ndjaba nœ azœ, endje za she vwi'i ga ushu tœ tshalafœ ye.

¹¹Aaya azœ ro lima pa ye mbœrœ indji aya Pata œdœ ndje mbœrœ o'o ama Ndjaba á endje sœ lima kœma tœnœ; endje yi lima ndœ kœza soro endje ti, endje kpakpa lima awa kuzu nene.

¹²Mbœrœ tœnœ ataa, 'e sœ dœ yanga, tshalafœ œdœ 'e kœ á 'e sœ ba zœ! Kashe egerœ oyo sœ mbœrœ tshapa œshœ œdœ mbœrœ egerœ ungu. Gbambanœ nene, djaboro jerœ ga ndœ 'e dœ egerœ ókó, mbœrœ á tshe wusœ nœ adœke lœndœ nœ œne sœpe teashœ.»

¹³Lœkœ á dalagona wu adœke endje gœrœ œne œ za œne vwi ga pa œshœ, tshe tetœ kœza awa yashe á tshe zu lima gbolo yakoshe asœmœ.

¹⁴Kashe endje ko ombo divumbala bisha fœ yashe asœmœ adœke tshe ru œerrr ga tœ osho á endje guma fœ she ba lœ kpagagasho mbœrœ kœto kœzirœ tœnœ fœ she manda ungu votœ dœ ngandinœ, lœ ingirinœ tœ yakoro.

¹⁵Yé yakoro ndja ungu loema ye bata kota manda yashenœ adœke lokonœ za awa ye yé œ nduru she.

¹⁶Kashe ɔshɔ gbɔndœ yashenœ asœmœ, œ kɔɔ ama ye yé kotanœ á dalagona ndja lœ ama ye asœmœ, yɔɔngɔ li tœnœ ga lœ nœ.

¹⁷Dalagona sú dœ ókó ga tœ yashe asœmœ, œ na kœtɔ kowo dœ údú agbolo nœ ye, endjeneke á endje sœpe kœlisœ awa o'o nœ Ndjaba, á sœpe kœgbɔndœ o'o á Yisu pa.

¹⁸Manda nœ, dalagona na, œ ka ba tœ mangu egerœ ungu.

Kœwuroe 13

Agea bisha

¹Manda nœ, mœ wu anga agea bale kœwuta la egerœ ungu. Tshe sœ lima dœ idi ndjokpa dœ pe kumu mindu dœ bisha pa ye. Tshe verœ kpoto tshagbozu ga tœ idinœ yé endje sú i'iri á sœ kœgu œsœ Ndjaba ga tœ kumu ye mindu dœ bisha asœmœ.

²Ageanœ á mœ wu she sœ lima bata muru, ada ye sœ lima bata œnœ avwi yé ama ye bata ama bamara. Dalagona ko gbɔgbɔ, ngande tshagbozu dœ pe egerœ tshagbozu fœ she.

³Anga kumu ye bale sœ lima dœ uku á yindœ kœwo she, kashe uku kœwo osho nœ ye asœmœ yu ye. Azu pa ɔshɔ djigi ka lima tœ ama endje ti ɔsɔ yé œ tetœ kœna manda ageanœ asœmœ.

⁴Endje donga dalagona mbœrœ á tshe za lima tshagbozu fœ ageanœ. Endje para donga lima ageanœ dœ kœpa adœke: «œdœ dá li dœ ageanœ asœ a? œdœ dá li tœ kœnga koshe dœ she a?»

⁵Endje za lima awa fœ ageanœ adœke tshe pa o'o nœ egerœ kumu œdœ œnœ kœgu œsœ Ndjaba. Tshe gbɔ lima tshagbozu nœ kœmbœrœ œrœ ataa manda yapu zazu bisha dœ bisha (42).

⁶Tshe te lima tœ kœgu œsœ Ndjaba mbœrœ kœgu œsœ i'iri ye œdœ osho á tshe sœ kœsœ tœnœ, dœ pe azu neke kɔ á endje sœ ba lafo.

⁷Endje za lima awa fœ she adœke tshe tɔ kowo dœ azu nœ Ndjaba yé œ ropa endje dœ gbɔgbɔ kɔ. Endje za lima tshagbozu fœ she kœsœ pa mara kɔ, pa azu kɔ, pa ama ogo œdœ pe pa ogo kɔ.

⁸Azu para pa ɔshɔ œ donga she, œ yindœ kœpa adœke endjeneke kɔ á endje súsú i'iri endje ga la buku nœ soro nene kœto tœ kœmbœrœ tshapashɔ asœmœ. Bukunœ kœdœ œnœ aya Pata á endje wo lima she.

⁹«Uzu á tshe sœ dœ utu, dji dœ ɔtshɔnœ!

¹⁰Uzu á endje kœke she kœsœ ayi kánga, tshe li bala kánga. Uzu á endje kœke she kœtshu kuzu ingiri yakamba, endje wo she bala dœ ingiri yakamba. Mbœrœ tœnœ ataa, œ li adœke azu nœ Ndjaba sœ dœ ugu lœsu œdœ pe dœ kœyindœrœ.»

¹¹Manda nœ, mœ wu anga angbi agea kœwuta lœ œshœ. Tshe sœ lima dœ idi bisha бата œnœ aya pata, yé œ sœ lima kœpa o'o бата dalagona.

¹²Tshe sœ lima kœmbœrœ akwa tshagbozu kœ nœ ali ageanœ ba utshu ye. Tshe sœ lima kœshosho azu para pa œshœ adœke endje donga ali agea á uku kœwo osho nœ ye yu lima.

¹³Bisha ageanœ asœmœ mbœrœ lima egerœ afá. Tshe sœ ndje lima kœmbœrœ adœke owo to ba lafo œ jerœ ngarr dœ ala azu para ga pa œshœ.

¹⁴Tshe sœ kœfara azu tshapa œshœ lœ awa nœ afá á tshe li lima kœmbœrœ tœnœ, ba utshu ali ageanœ asœmœ. Tshe sœ kœvwa endje ndœ kœmbœrœ ishiri œrœ á kœlœsœ ageanœ á endje to lima uku tœ ye dœ ingiri yakamba, yé á tshe kpa kwa lima tœ ye ga lœ soro asœmœ.

¹⁵Manda nœ, bisha ageanœ gbœ tshagbozu ndœ kœto uvuru ga lœ ishiri ali ageanœ asœmœ adœke œ tetœ kœpa o'o, yé œ wo azu para á endje vwara tœ endje kœdonga ishiri ageanœ asœmœ.

¹⁶Ageanœ asœmœ sœ lima kœshosho azu para ndœ kœwa ati ga tœ kane kuni too ga tshatshu endje: œdœ aaya azu dœ pe agboro azu, œdœ aayi kœgbœrœ dœ pe aayi oyo, œdœ azu á endje dœdœ akanga nene dœ pe akanga.

¹⁷Uzu á tshe kœgugu lima dœ ndœla atœnœ, dœ i'iri ageanœ too dœ kœdi ama œrœ nœ i'iri ageanœ tœ ye nene, tshe lili lima kœka œrœ too kœyo œrœ nene.

¹⁸Kpœtœ oshonœ asœ, œ li adœke uzu sœ dœ kœwusœtœ. Uzu á tshe sœ dœ kœwusœrœ, li kœwusœ ádá kœdi ama œrœ nœ agea ye. Gbambanœ nene, kœdi ama œrœnœ asœmœ sœ kœma i'iri uzu. Kœdi ama œrœnœ kœdœ kama minu dœ bale dœ zazu votœ dœ minu dœ bale (666).

Kœwuroe 14

Aya Pata œdœ azu á Ndjaba yo endje lœ ekperœ

¹Mœ kpa mesho œ wu aya Pata á tshe ka ba pa kaga Siyona awa bale dœ azu kutu kama zazu bisha dœ vana (144.000). Endje su lima i'iri aya Patanœ dœ i'iri Abanœ ga pala endje.

²Mœ dji lima tshama bale kœto ba lafo á sœ kœwu tœnœ бата tshama egerœ udjuru œdœ бата tshama œgbœ kœsœ yavuru. Tshamanœ á mœ sœ lima kœdji tœnœ sœ бата tshama kundi lœndœ á aayi kœnœ kundi sœ kœnœ tœnœ.

³Azunœ ndjoro ascœmœ sœ lima kœbi tafo itshi ba utshu ngande tshagbozu, ba utshu œrœ vana á sœ dœ soro œdœ pe ba utshu agbozu Ikrizia. Yé uzu bale lili lima kœyamba itshinœ ascœmœ nene, kolœ azu kutu kama zazu bisha dœ vana (144.000), azu á Ndjaba yœ endje lœ ekperœ pa ɔshɔ.

⁴Azunœ ascœmœ djadja lima tœ endje dœ ayashe nene, endje gbœndœ tœ endje kœlœ. Endje sœ kœna manda aya Pata tœ osho kœ á tshe sœ kœna tœnœ. Endje yœ lima endje lœ ekperœ ugurutœ azu mbœrœ kœto endje tœ tokóró tœ azu nœ tshatshunœ fœ Ndjaba œdœ fœ aya Pata.

⁵Wala wuwuta lœ ama endje bale nene, endje gugu dœ ekperœ nene.

Aandjelu voto

⁶Manda nœ, mœ kpa wu anga angbi andjelu, á tshe sœ kœru ba lawutsha. Tshe sœ lima dœ ɔtshɔ O'o á ka nene ndœ kœmindœ nœ fœ azu tshapa ɔshɔ, dœ azu lœ ogo kœ, dœ mara kœ, dœ o'o ama ogo kœ dœ pe dœ azu ogo kœ.

⁷Tshe sœ lima kœpa o'o dœ ɔgbɔ tshama adœke: «'E kpa awa Ndjaba, yé œ gi mokœ fœ she! Gbambanœ nene, olo kœwa ngbanga nœ ye pa azu li ye. 'E donga tsheneke á tshe mbœrœ tshalafœ, dœ tshaati, dœ egerœ ungu œdœ dœ kumu ungu kœ!»

⁸Bisha andjelu wuta manda tsheneke utshunœ ascœmœ yé œ pa adœke: «Egerœ tshalakpi Babilone ndi, œ ndi ye! Œ mbœrœ adœke azu tshelœ angbi ogo kœ ndjo ipi yavuru angba budu nœ ye.»

⁹Votœ andjelu wuta manda tshenœ bishanœ ascœmœ yé œ pa o'o dœ ɔgbɔ tshama adœke: «Uzu kœ á tshe donga agea œdœ pe ishiri ye, yé á endje wa ati ga pala too ga pa kane ye,

¹⁰œshe dœ tœ ye, tshe ndjo ndje ipi yavuru ókó nœ Ndjaba á endje djadjanga nene, á fa ga lœ yashi ókó nœ ye ascœmœ. Tshe za djofele fœ endje bala wola zuwa á ju osho, ba utshu aandjelu á endje sœ yerœ œdœ ba utshu aya Pata.

¹¹Ngawo owo kœndanga osho nœ endje œ ɔ ga lafo waa dœ waa. Endjeneke á endje sœ kœdonga ageanœ dœ pe ishiri ye, yé azu neke á endje wa ati dœ i'iri ageanœ ascœmœ ga tœ endje, ɔlɔ dœ butshɔ endje yatœ endje nene.»

¹²Mbœrœ tœnœ ataa, œ li adœke endje á endje dœ azu nœ Ndjaba, azu á endje sœ kœmbœrœtœ endje lindœ awa o'o nœ Ndjaba yé á sœ dœ kœyindœrœ djigi ga ndœ Yisu, sœ dœ ugu lœsu.

¹³Manda nœ, mœ dji tshama kœto ba lafo kœpa lima adœke: «Su œneke: “Yanga nœ azu á endje sœ kœtshu kœto ngœngœnœ asœ lœ kœmbœrœ akwa fœ Gbozu.” “Œ, ɔtshɔ Ishiri pa adœke: yanga nœ endje, endje yatœ endje manda ɔgbɔ akwa nœ endje. Gbambanœ nene, ɔtshœrœ á endje mbœrœ, sœ kœza awa endje.”»

Kœkœ ngwarœ tshapa ɔshɔ

¹⁴Mœ kpa mesho œ wu imbi ondoro, yé ba pa ondoronœ ascœmœ, œrœ sœ pancœ bata uzu. Tshe verœ lima kpoto tshagbozu á endje mbœrœ dœ ɔrœ ga tœ kumu ye yé œ za ñgiri yakamba á luulu, á amanœ ki waa, ga tshakane ye.

¹⁵Anga angbi andjelu wuta lœ Tepelo yé œ ta rawa dœ ɔgbɔ tshama fœ uzu á tshe sœ pa ondoronœ adœke: «Za ñgiri yakamba nœ zœ á luulu ascœmœ dœ œ wa dœ ngwarœ. Gbambanœ nene, londɔ nœ kœwa mgwarœ li ye, ngwarœ pa ɔshɔ gbɔ ye.»

¹⁶Ataa, uzunœ á tshe sœ lima ba pa ondoronœ vwi ñgiri yakamba nœ ye á luulu ascœmœ ga pa ɔshɔ, yé á wa ngwarœ pa ɔshɔ.

¹⁷Manda nœ, anga angbi andjelu á tshe to lima lœ Tepelo á sœ ba lafo wuta. Tshe sœ lima ndje dœ ñgiri yakamba á luulu á amanœ ki waa tshakane ye.

¹⁸Anga angbi andjelu kpa to ba pa ndaba œ wuta. Tshe sœ lima dœ tshagbozu ga pa owo yé œ ta lima rawa dœ ɔgbɔ tshama fœ tsheneke á tshe za lima ñgiri yakamba á luulu á amanœ ki waa ascœmœ adœke: «Za ñgiri yakamba nœ zœ á luulu á amanœ ki waa yé œ wa ganea ɔyɔ vinu pa ɔshɔ; gbambanœ nene, elenœ gbɔ ye.»

¹⁹Andjelu vwi lima ñgiri yakamba nœ ye á luulu ascœmœ ga pa ɔshɔ, œ wa dœ kumu vinu ga tœ ɔshɔ yé á ko va ga lœ egerœ ngarambo nœ ókó nœ Ndjaba.

²⁰Endje pu lima tshelœ ele vinunœ lœ ngarambo ba ushu tœ ongbɔ, yé goma indji dá sœ lima kœwuta tœnœ. Indjinœ ɔ lima ga lafo manda metere bale dœ ngandinœ yé œ tara tœ osho manda Kelometere kama votɔ (300).

Kœwurœ 15

Aandjelu œdœ ndangba egerœ œrœ oyo

¹Manda nœ, mœ wu anga angbi ambára ba lafo, œ sœ tœ egerœnœ yé azu sœ kœkitœ œsœnœ. Cœtœnœ kœdœ aandjelu mindu dœ bisha á endje ko ndangba egerœ œrœ oyo mindu dœ bisha ga tshakane endje. Gbambanœ nene, ókó nœ Ndjaba œ ka lœ awa nœ ndangba œrœ oyonœ ascœmœ.

²Manda nœ, mœ wu œrœ bata egerœ ungu á tshalanœ sœ ngbi, œ djanga tœ ye dœ owo. Mœ wu ndje azu á endje ro lima pa ageanœ ascœmœ kɔ, œdœ pa ishiri ye œdœ pa kœdi ama œrœ á li dœ i'iri ye, azunœ ka lima ba pa egerœ ungu á sœ ngbi. Kundi á Ndjaba ko fœ endje, sœ lima tshakane endje.

³Endje sœ lima kœbi itshi nœ Moyize, ayi akwa nœ Ndjaba œdœ itshi nœ aya Pata adœke: «Gbozu Ndjaba á bœ sœ dœ gbɔgbɔ kɔ, akwa nœ zœ sœ tœ egerœnœ, yé azu sœ kœkitœ œsœnœ waa! Gbozugo pa ogo ndjoro, gbetshelœ nœ zœ sœ ndjii yé œ dœ adjapu.

⁴Gbozu, azu para œ kpa awa zœ, azu para œ na kœza mokɔ fœ bœ. Gbambanœ nene, œbœ kuti zœ dá sœ yerœ. Ogo kɔ œ na bala kœdonga bœ, gbambanœ nene, œrœ á bœ sœ kœmbœrœ tœnœ sœ ndjii yé œ matœ endje ngbii fœ endje ye.»

⁵Manda nœ, mœ wu Tepelo á anda tande nœ ayo nœ Ndjaba sœ lænœ, œ kɔrɔ ba lafo.

⁶Aandjelunœ mindu dœ bisha á endje ko œrœ oyonœ mindu dœ bisha ascœmœ wuta læ Tepelonœ. Endje verœ lima imbi læba urrr yé œ i uwu á endje mbœrœ dœ ɔrœ ga tœ nguku endje.

⁷Ugurutœ œrœnœ vana á sœ dœ soro ascœmœ, anga bale ko yashi mindu dœ bisha á endje mbœrœ dœ ɔrœ fœ aandjelunœ mindu dœ bisha. Yashinœ sú dœ ókó nœ Ndjaba á tshe sœ dœ soro nœ waa dœ waa.

⁸Tepelonœ sú lima dœ ngawo á dœ ambárá mokɔ œdœ gbɔgbɔ nœ Ndjaba. Ataa, uzu bale lili lima kœli ga læ Tepelonœ nene utshunœ adœke œrœ oyonœ mindu dœ bisha á aandjelunœ na dœ tœnœ, mbœrœtœ endje ye kane.

Kœwurœ 16

Yashi ókó nœ Ndjaba

¹Manda nœ, mœ dji ɔgbɔ tshama kœto ba læ Tepelo á sœ lima kœpa fœ aandjelu mindu dœ bisha adœke: «'E ro œ za ókó nœ Ndjaba á sœ læ yashi mindu dœ bisha ascœmœ su'i ga pa ɔshɔ!»

²Andjelu nœ utshunœ na œ za œnœ ye ókó á sœ læ yashi su'i ga pa ɔshɔ. Yé uku gbadja á ka osho waa wuta tœ kote azu á endje wa lima ati nœ agea ga tœ endje yé á sœ lima kœdonga ishiri ye.

³Andjelu nœ bisha za œnœ ye ókó á sœ læ yashi su'i ga la egerœ ungu. Ungu fa bata indji kuzu, yé œrœ kɔ á sœ lima dœ soro la egerœ ungunœ tshu ye.

⁴Andjelu nœ votɔ za œnœ ye ókó á sœ læ yashi su'i ga la kota dœ pe ga tœ kumu ungu, á fa indji.

⁵Yé mœ dji tshama andjelu á tshe dœ gbozu tshapa ungu, kœpa adœke: «œbœ á bœ sœ yerœ, œbœ á bœ sœ zœ yé á sœ lima, bœ matœ zœ ndjii læ kœwa ngbanga nœ zœ.

⁶Gbambanœ nene, endje sú lima indji ayerœ azu nœ zœ œdœ œnœ aayi kœgbara o'o, ga tœ ɔshɔ. Yé ngɔngɔ asœ, bœ za indji fœ endje adœke endje ndjo. Endje gbɔ œneke á li dœ endje ye.»

⁷Manda nœ, mœ dji tshama á to ba pa ndaba kœpa lima adœke: «Ë, Gbozu Ndjaba á bœ sœ dœ gbɔgbɔ kɔ, bœ sœ kœwa ngbanga á sœ ndjii dœ pe adjapu.»

⁸Andjelu nœ vana za œnœ ye ókó á sœ læ yashi su'i ga pa ɔɔ, yé ɔɔ gbo tshagbozu kœsho azu dœ owo nœ ye.

⁹Yé ndavuru kœwosho sho lima azu, endje gu lima œsœ i'iri Ndjaba á tshe sœ dœ tshagbozu ga pa egerœ œrœ oyonœ. Kashe endje vvara lima tœ endje tœ kœfatshalɔsu endje, mbœrœ kœza mokɔ fœ she.

¹⁰Andjelu nœ mindu za œnœ ye ókó á sœ læ yashi su'i ga pa ngande tshagbozu nœ ageanœ, yé ogo tshagbozu nœ ye sœ læ ubu osho. Azu sœ lima kœlo tima endje mangba djofelenœ.

¹¹Endje sœ lima kœgu œsœ Ndjaba nœ tshalafo mangba djofele nœ endje dœ pe uku nœ endje. Kashe endje kaka lima tœ ekpe akwa nœ endje ti nene.

¹²Andjelu nœ mindu dœ bale (6) za œnœ ye ókó á sœ læ yashi su'i ga pa egerœ kota á i'irinœ kœdœ Efrate. Ungunœ ɔɔ lima mbœrœ kœguma awa fœ agbozugo á endje sœ kœto ba tœ osho á ɔɔ œ wuta tœnœ.

¹³Manda nœ, mœ wu ekpe ishiri votɔ bata azɔɔngɔ kœwuta læ ama dalagona, læ ama agea dœ pe ndje læ ama ayi kœgbara o'o nœ wala.

¹⁴Endje kœdœ ishiri nœ adjabro á endje sœ kœmbœrœ afá, yé á sœ kœna ba ndœ agbozugo tshapashɔ djigi ndœ kœngbɔba endje ndœ koshe nœ egerœ olo nœ Ndjaba á tshe sœ dœ gbɔgbɔ kɔ.

¹⁵Gbozu pa adœke: «'E dji kane, mœ sœ kœna bata ayi angba! Yanga nœ uzu á tshe lo nene yé á gbɔndœ læba nœ ye. Ataa, tshe na ana kpendronœ nene yé œ gbɔ tshula nene lɔkɔ á azu kœwu she.»

¹⁶Aekpe ishirinœ ngbɔba lima agbozugonœ ba tœ osho á i'irinœ dœ Ebre kœdœ Aramagedɔ.

¹⁷Andjelu nœ mindu dœ bisha za œnœ ye ókó á sœ læ yashi su'i ga læ yugu, yé ɔgbɔ tshama to ba læ Tepelo, ba tœ osho ngande tshagbozu, œ pa adœke: «œ mbœrœtœ ye ye!»

¹⁸Yé yavuru yerœwa, ingiri tshama œdœ kœsɔ yavuru wu, ɔshɔ turu dœ ɔgbɔ kœrosœ nœ. œneke turu lima adja dœ ɔgbɔ kœrosœ nœ dœ mara á tuturu ba lima dœ tœnœ nene kœto dœ lɔkɔ á Ndjaba mbœrœ uzu ga pa ɔshɔ.

¹⁹Egerœ ongbo kurutshelœtœ ye votɔ, yé ongbo tshelœ ogo kɔ ndi. Ndjaba djedjerœndœ egerœ ongbo Babilone nene. Tshe za yashi á su kperœ dœ ipi yavuru ókó nœ ye fœ ongonœ asœmœ.

²⁰Tshiki para yiwa ye, yé uzu bale wuwu kaga bale nene.

²¹Ogboro aledjezɔ á li waa to ba lafo œ yo ga pa azu. Azu gu lima œsœ Ndjaba mangba egerœ œrœ oyo nœ aledjezɔnœ asœmœ. Gbambanœ nene, egerœ œrœ oyonœ asœmœ sœ lima tœ agbɔnœ.

Koewuroe 17

Egeroe ayi angba budu

¹Manda noe, anga andjelu bale ugurutoe endje mindu doe bisha á endje ko lima yashi mindu doe bisha ascemoe, na oe pa foe mœ adoeke: «Na ga mœ, mœ yi bala soe mara á endje wa doe ogbo ngbanga ga pa egeroe ayi angba budu á tshe doe egeroe ongbo á soe toe ama kota ndjoro, foe boe.

²Agbozugo pa osho mbœroe angba budu doe she, yé ipi angba budu noe ye mbœroe azu tshapa osho.»

³Otsho ishiri na ga ndoe mœ, yé andjelu za mœ na toenoe ga loe kpagagasho. Mœ wu anga yasho bale á tshe soe ga pa agea á tshe soe doe odoronoe tshee, á i'iri koegu œsoe Ndjaba soe lima toe ye. Ageance ascemoe soe lima doe kumu ye mindu de bisha œdoe doe idi ndjokpa.

⁴Yashenoe veroe lima otsho loeba á soe toe odoronoe tshee, yé lenge á endje mbœroe doe oroe, badja á amanoe gbo waa œdoe pe akidji soe lima toenoe. Tshe za lima yashi oroe á su kperoe doe ekperoe uburu á to loe angba budu noe ye ascemoe, ga tshakane ye.

⁵Endje su lima anga i'iri bale á ádánœ zatœ endje yiwa toenoe ga pala ye adoeke: «Egeroe ongbo Babilone, ayi aayi angba budu œdoe ayi koeyi ekperoe á za tshula ga pa tshapasho.»

⁶Mœ wu lima adoeke yashenoe ascemoe ndjo indji azu noe Ndjaba yé á mbœroe she, indji azu á endje wo lima endje mangba koeyindœroe noe endje djigi ga ndoe Yisu. Koewu she, mœ katœ ama mœ ti aso.

⁷Yé andjelunoe pa foe mœ adoeke: «Mbœroe gade á boe za ama zœ ti oso a?» Mœ pandœ ádá o'o á zatœ endje yiwa toenoe toe upu noe yashenoe ascemoe doe pe toe upu noe ageance á yashenoe soe pa ye, ageance á tshe soe doe kumu ye mindu doe bisha œdoe doe idi ndjokpa, foe boe.

⁸Ageance á boe wu she, soe lima doe soro, kashe ngongœ asœke tshe kpa gugu doe soro nene. Tshe wuta bala loe diwili kudu yé endje wo she ye. Azu tshapasho á endje súsú i'iri endje ga la buku noe soro nene koeto toe koembœroe tshapasho œ ka bala toe ama endje ti oso toe koewu ageance ascemoe. Gbambanoe nene, ageance soe lima doe soro, ngongœ asœ tshe kpa gugu doe toenoe nene, kashe tshe kwa bala toe ye zœ.

⁹«Kpœtoe oshonoe asœ, œ li adoeke azu soe doe koewusœroe œdoe doe koewusœtoe. Kumunoe mindu doe bisha ascemoe koedœ kaga mindu doe bisha á yashenoe soe ga ati toenoe. œtoenoe koedœ ndje agbozugo mindu doe bisha.

¹⁰Anga endje mindu ugurutœ tœ endje yo ye, tshenœ mindu dœ bale dá sœ kœmbœrœ akwa tshagbozu ngõngõnœ asœke, yé tshenœ mindu dœ bisha nana damba nene. Kashe lœkœ á tshe na bala, œndœ ye œ ði nene.

¹¹Ageanœ á tshe sœ lima dœ soro, á kpa gugu dœ tœnœ nene asœmœ, œshe dœ tœ ye kœdœ mindu dœ votœ gbozugo. Tshe sœ ndje ugurutœ agbozugo mindu dœ bisha yé tshe tshu ye.

¹²«Íðinœ ndjokpa á bœ wu asœmœ kœdœ agbozugo ndjokpa á endje gbœgbœ damba awa kœdœ agbozugo nene; kashe endje gbœ tshagbozu ndœ kœmbœrœ akwa dœ ageanœ manda ada œbœ bale.

¹³Endje ndjokpa para sœ dœ gbetshelœ bale adœke œne za gbœgbœ œdœ tshagbozu nœ endje ga tœ kœmbœrœ akwa fœ ageanœ.

¹⁴Endje tœ bala kowo dœ aya Pata yé tshe ropa endje dœ gbœgbœ, mbœrœ œshe kœdœ Gbozu tshapa agbozu œdœ Gbozugo tshapa agbozugo. Tshe ropa endje dœ gbœgbœ awa bale dœ azu á tshe e lima endje yé á ke endje, endjeneke á endje sœ dœ kœyindœrœ djigi ga ndœ ye.»

¹⁵Andjelunœ kpa pa fœ mœ adœke: «Ungunœ á bœ wu ba tœ osho á ayi angba budu sœ tœnœ asœmœ, kœdœ azu ogo, ukpulu azu, ogo kœ œdœ pe ama ogo kœ.

¹⁶Íði ndjokpa á bœ wu œdœ ageanœ asœmœ, œ yiangba ayi angba budunœ. Endje ko œrœ tœ ye para yé œ katœ ye kpendronœ. Endje zî songba ye yé œ sho udunœ dœ owo.

¹⁷Gbambanœ nene, Ndjaba to gbetshelœ nœ kœmbœrœ œneke á tshe yindœ nœ ga tœ lœsu endje. Endje mbœrœ œrœ dœ gbetshelœ bale ndœ kœko tshagbozu nœ Ogo gbozu nœ endje ga tœ kœmbœrœ akwa fœ ageanœ asœmœ œrrr adœke o'o ama Ndjaba mbœrœtœ endje.

¹⁸«Yé yashenœ á bœ wu she asœmœ, œshe kœdœ egerœ ongbo á sœ dœ tshagbozu ga pa agbozugo pa œshœ.»

Kœewurœ 18

Kœendi Babilone

¹Manda nœ, mœ wu anga angbi andjelu kœto ba lafo kœjerœ tœnœ. Tshe sœ lima dœ egerœ tshagbozu yé mokœ nœ ye sœ lima kœtshi pa œshœ djigi.

²Tshe ta lima rawa dœ œgbœ adœke: «Egerœ ongbo Babilone ndi, œ ndi ye! Ngõngõ asœ, œ wuta osho kœsœ nœ adjabro dœ œnœ tshelœ aka aekpe ishiri kœ, œ wuta wutu nœ tshelœ aka ayanu dœ agea kœ á endje sœ tœ ekpenœ yé á endje yiangba nœ.

³Gbambanœ nene, Babilone mbœrœ adœke azu tshelœ ogo kɔ ndjo ipi yavuru angba budu nœ ye. Agbozugo tshapa ɔshɔ mbœrœ angba budu awa bale dœ she, yé aayi kœkarœ pa ɔshɔ gbɔ œrœ ndjoro mangba angba budu nœ ye á rosœ nœ.»

⁴Manda nœ, mœ dji anga angbi tshama koeto ba lafo, á sœ lima kœpa adœke: «E'e kœdœ azu nœ mœ, 'e wuta lœ ongbonœ asœ ye, mbœrœ á 'e kœtete kœmbœrœ ekperœ awa bale dœ she, yé á kœgbɔ egerœ œrœ oyo á tshe gbɔ bala nene.

⁵Gbambanœ nene, ekperœ nœ ye tɔ kulukulu œrrr ba lafo yé Ndjaba djedjerœndœ ekperœnœ á tshe mbœrœ asœmœ nene.

⁶E mbœrœ œrœ fœ she bata á tshe mbœrœ lima fœ anga azu, 'e gi tshangba œneke á tshe mbœrœ, awa bisha fœ she. 'E su ipi kperœ dœ yashi nœ ye, ipi á nga awa bisha kœropa œneke á tshe sœ lima kœsu fœ azu.

⁷E ndanga she awa ndjoro dœ pe dœ œrœ oyo á tshe fa tœ mokɔ œdœ œrœ á ga waa asœmœ. Tshe sœ kœpa ba lœ ye dœ tœ ye adœke: “Mœ sœ ga pa ngande tshagbozu bata yashe gbozugo, mœ dœdœ yashe koya nene yé mœ mbœrœ bala matanga bale nene.”

⁸Wu ádánœ á ogboro oyo á sœ mbœrœ she œ jerœ ga pa ye kolœ olo bale dœmœ. Oyonœ dœke: kɔba kuzu, matanga œdœ egerœ ogo. Owo œ ju bala she. Gbambanœ nene, Gbozu Ndjaba á tshe wa ngbanga pa ye, sœ dœ gbɔgbɔ.»

⁹Agbozugo tshapa ɔshɔnœ á endje mbœrœ lima angba budunœ dœ she awa bale yé á te lima manda kœgbɔrœ nœ ye asœmœ, œ ki yé œ dítshelœma endje tœ upu nœ ye lɔkɔ á endje kœwu ngawo owo ongbonœ á sœ kœju tœnœ.

¹⁰Endje ka bala zara kparawa djofele nœ ye, yé œ pa bala adœke: «Oyo! Oyo neketa dá! Uu Babilone, egerœ ongbo á sœ dœ gbɔgbɔ! Ada ɔlɔ bale lii adœke endje wa ɔgbɔ ngbanga ga pa zœ ye!»

¹¹Aayi kœkarœ pa ɔshɔ sœ ndje tœ ki yé œ sœ kœdítshelœma endje tœ upu nœ ye. Gbambanœ nene, uzu bale sœsœ kœyɔ kongba nœ endje nene.

¹²Kongbanœ dœke: ɔrœ œdœ ngendja, badja á amanœ gbɔ waa œdœ akidji, lœba á endje mbœrœ dœ usu agea, ɔtshɔ odorɔ lœba á tshiitshi, lœba á i'irínœ kœdœ sowa œdœ tshelœ aka ɔyɔ kɔ á kaaka, tshelœ aka œrœ kɔ á endje mbœrœ dœ iji mbala, ɔyɔ á amanœ gbɔ waa, waya á endje yi ga ta wo yekane á ye kotenœ, yarakowo too badja á i'irínœ kœdœ marbre,

¹³kɔtshu ɔyɔ á i'irínœ kœdœ kanele œdœ anga œrœ kœfa dœ dɔngɔ, yombo, yombo á i'irínœ kœdœ mirœ œdœ zuwa yombo, vinu, kada, zuwa œdœ ble, angombe œdœ apata, ambarata œdœ share, akanga œdœ aayi kána.

14Endje sœ kæpa fœ ongbonœ asœmœ adœke: «Œrœ kɔ á bœ yi má ndœ nœ dœ lɔsu zœ, yiwatœ zœ ye. Kœgbœrœ nœ zœ kɔ œdœ œrœ nœ zœ á ga lima waa, yiwatœ zœ yé endje kpa gbɔ bala anganœ bale nene!»

15Aayi kœkarœ á endje te lima aayi kœgbœrœ lœ awa nœ kœkarœ nœ endje lœ ongbonœ asœmœ, œ sœ zara kparawa djofele nœ ye. Endje kɪ yé œ dɪtshelœma endje bala,

16endje pa bala adœke: «Oyo! Oyo neketa dá li ga lœ egerœ ongbonœ ataa! Ongbonœ verœ lœba á endje mbœrœ dœ usu agea, dœ ɔtshɔ odorɔ lœba á tshɪtshi, tshe verœ lenge á endje mbœrœ dœ ɔrœ, dœ badja á amanœ gbɔ waa œdœ pe akidji.

17Ada ɔɔ bale lii lima adœke endje ndɪ kœgbœrœnœ asœmœ para ye!» Aayi kœkpa dœ ogboro agba dœ aayi ana, ndje dœ azu kɔ á endje mbœrœ akwa la kota œdœ azu kɔ á endje sœ kœgbœrœ mbœrœ egerœ ungu, endje ka lima zara,

18yé œ sœ lima kœta rawa dœ kœwu ngawo owo á sœ kœju egerœ ongbonœ asœmœ adœke: «Anga ongbo á sœ ndje dœ egerœnœ bɔta œneke asœ gugu nene!»

19Endje sœ lima kœgɪ trusha ga lœ kumu endje, œ sœ lima tœ ɪkɪ, yé œ sœ kœdɪtshelœma endje dœ kœtarawa adœke: «Oyo! Oyo neketa dá sœ mbœrœ egerœ ongbonœ asœ ataa! Azu á endje sœ dœ ogboro agba la egerœ ungu te lima aayi kœgbœrœ mbœrœ kœgbœrœ nœ tshelœ ongbonœ asœmœ. Yé ada ɔɔ bale lii adœke endje ndɪ kœgbœrœnœ asœmœ para ye!»

20Tshalafo, sœ dœ yanga mbœrœ ongbonœ á ndɪ asœmœ! 'E sœ dœ yanga, azu nœ Ndjaba, aayi avwa œdœ aayi kœgbara o'o! Gbambanœ nene, Ndjaba wa ngbanga ga pa egerœ ongbonœ mbœrœ ekperœ á tshe mbœrœ fœ 'e!

21Yé anga andjelu á tshe sœ lima dœ gbɔgbɔ waa za badja á sœ bɔta egerœ tsheyɔ kafuru á endje tɔ dœ tshelœ indji ble, vwi ga la egerœ ungu dœ kæpa adœke: «Kolœ dœ maranœ asœke dá endje ndɪ bala tshelœ egerœ ongbo Babilone dœ kakavwanœ, yé uzu bale œ kpa wu nene.

22Endje kpa dji tshama aayi kœnɔ kundi, dœ aayi kœbɪ itshi, dœ aayi kœ'uru ngbake, dœ aayi kœuru luba, ɓa ndœ zœ bale nene. Anga ayi ndawo œ kpa sœ ndœ zœ nene. Yé endje kpa dji œsœ egerœ tsheyɔ kafuru á endje tɔ dœ tshelœ indji ble ɓa ndœ zœ bale nene.

23Ishiri tala œ kpa tshi ɓa ndœ zœ bale nene. Endje kpa dji tshama avoro atotœ ɓa ndœ zœ bale nene. Gbambanœ nene, aayi kœkarœ nœ zœ kœdœ lima azu á œsœ endje li pa ɔshɔ. Yé bœ djingili tshelœ kumu azu kɔ dœ tsharawo nœ zœ.»

24Indji aayi kœgbara o'o, azu nœ Ndjaba œdœ endjeneke kɔ á endje wo lima endje pa ɔshɔ, tu ɓa lœ Babilone.

Koewuroe 19

¹Manda noe, mœ dji ɔgbɔ tshama ukpulu azu ndjoro kœpa ɓa lafo adœke: «Aleluya! 'E donga Gbozu! Ndjaba noe azœ sœ dœ kœshe, dœ moko œdœ dœ gbɔgbɔ.

²Kœwa ngbanga noe ye sœ adjapu œdœ ndjii! Gbambanœ nene, tshe wa ɔgbɔ ngbanga ga pa egerœ yashe angba bubunœ á tshe sœ lima kœndi tshapa ɔshɔ dœ angba budu noe ye asœmœ. Ndjaba tɔ geda fœ she mbœrœ á tshe wo lima aayi akwa noe ye.»

³Yé endje kpa pa adœke: «Aleluya! 'E donga Gbozu! Ngawo egerœ ongbonœ á ju asœmœ, sœ kœɔ ga lafo waa dœ waa.»

⁴Agbɔ agbozu zazu bale dœ vana (24) œdœ œrœ vana á sœ dœ soro asœmœ gote, yé œ donga Ndjaba á tshe sœ pa ngande tshagbozu dœ kœpa adœke: «Ame! Aleluya! 'E donga Gbozu!»

Angbo totœ noe aya Pata

⁵Tshama to ɓa pa ngande tshagbozu, œ sœ lima kœpa adœke: «'E donga Ndjaba noe azœ, e'e dœ aayi akwa noe ye para kɔkɔ, e'e á 'e sœ kœkpa awa ye, agboro azu œdœ aya azu!»

⁶Manda noe, mœ dji anga tshama á sœ ɓata tshama ukpulu azu ndjoro, yé á sœ kœwu tœnœ ɓata œsœ egerœ udjuru ungu œdœ ɓata œsœ ɔgbɔ kœsɔ yavuru. Tshamanœ sœ lima kœpa adœke: «Aleluya! 'E donga Ndjaba noe azœ! Gbambanœ nene, Gbozu Ndjaba noe azœ á tshe sœ dœ gbɔgbɔ kɔ sœ kœembœrœ akwa ogo tshagbozu noe ye.

⁷A sœ dœ yanga œdœ egerœ yanga, yé œ gi moko fœ she! Gbambanœ nene, lɔndɔ angbo totœ noe aya Pata li ye, yé awonœ gumatœ ye yé.

⁸Endje za awa fœ she adœke tshe verœ lœba á endje mbœrœ dœ usu agea á tshiitshi yé á sœ yerœ.» (Gbambanœ nene, lœba á endje mbœrœ dœ usu agea kœdœ akwa noe azu noe Ndjaba á sœ ndjii.)

⁹Andjelu pa fœ mœ adœke: «Su adœke: Yanga noe azu á endje e endje ndœ angbo totœ noe aya Pata!» Tshe kpa pa fœ mœ adœke: «Œeneke kœdœ adja o'o noe ama Ndjaba.»

¹⁰Mœ gote ga utshu ye ndœ kœdonga she kashe tshe pa fœ mœ adœke: «Mbœmbœrœ ataa nene! Œmœ kœdœ ayi akwa ɓata ɓœ œdœ ɓata aaya zœ á endje sœ kœzatœ endje djigi ga tœ adjapu á Yisu mindœ noe. Ndjaba dá li adœke ɓœ kœdonga she!» O'o á Yisu mindœ noe kœdœ gbetshelœ á sœ ndje lima lœ aayi kœgbara o'o.

Ayi kœkpa dœ ambarata ropa œrœ kɔ

11Manda nœ, mœ wu tshalafo á kɔrɔ, yé anga imbi mbarata wuta. Uzu á tshe ɔ ga pa ye, i'iri ye kœdœ Uzu á tshe sœ Ndjii, yé á dœ adjapu. Tshe sœ kœwa ngbanga yé œ sœ kœnga koshe dœ mara á sœ ndjii.

12Ala ye tshi lima bata owo, tshe verœ ndje lima kpoto tshagbozu ndjoro ga tœ kumu ye. Endje su lima anga i'iri á kolœ œshe bale dá wusœ ádánœ, ga tœ ye.

13Tshe verœ lima yɔgbɔɔ lœba á indji sœ tœnœ. I'iri ye kœdœ: «O'o ama Ndjaba.»

14Aturugu nœ tshalafo te lima manda ye, endje ɔ ga pa ambi ambarata, yé œ verœ lima imbi lœba á endje mbœrœ dœ usu agea á sœsœ dœ uburu nene.

15Ingiri yakamba á amanœ ki waa sœ lima kœwuta lœ ama ye. Ingiri yakambanœ sœ lima mbœrœ kœwo dœ azu tshelœ ogo kɔ. Tshe gbɔndœ endje bala dœ ɔgbɔnœ yé œ pu bala tshelœ vinu ba lœ ngarambo yavuru ókó nœ Ndjaba á tshe sœ dœ gbɔgbɔ kɔ.

16Endje su lima i'iri ga pa yɔgbɔɔ lœba nœ ye œdœ ga tœ uku ye adœke: «Gbozugo nœ agbozugo œdœ Gbozu nœ agbozu.»

17Manda nœ, mœ wu lima anga andjelu bale, tshe ka ba la ɔɔ. Tshe ta lima rawa dœ ɔgbɔ tshama fœ ayanu para á endje sœ lima kœru lœ yugu bala wutsha adœke: «'E na ga mœ, 'e ngbɔtœ 'e awa bale mbœrœ egerœ kœzirœ nœ Ndjaba!

18'E na œ zi songba agbozugo, songba aturugu œdœ œnœ agbozu tshapa endje, songba ambarata œdœ œnœ aayi kœkpa dœ endje, songba azu para kɔkɔ, azu á endje dœdœ akanga nene too akanga, aaya azu dœ agboro azu.»

19Manda nœ, mœ wu agea, agbozugo tshapa ɔshɔ œdœ aturugu nœ endje, endje ngbɔbatœ endje ndœ kœnga koshe ga tœ uzu á tshe ɔ ga pa mbarata œdœ ga tœ aturugu nœ ye.

20Tshe te lima pa ageanœ asœmœ awa bale dœ ayi kœgbara o'o nœ wala á tshe mbœrœ lima afá tœ ala ye mbœrœ kœdjingili tshelœ kumu endjeneke á endje gbɔ lima ati nœ agea yé á sœ kœdonga ishiri ye asœmœ. Tshe ko ageanœ œdœ ayi kœgbara o'o nœ walanœ dœ soro va ga la adanga á wola zuwa á ju osho á owo sœ kœtshi lœnœ.

21Uzunœ á tshe ɔ ga pa mbaratanœ asœmœ wo udu azunœ dœ ingiri yakambanœ á sœ kœwuta lœ ama ye, yé ayanu kɔ sœ lima kœde songba endje.

Kœwurœ 20

Ngbugu kutu bale (1000)

¹Manda nœ, mœ wu anga andjelu á tshe to ba lafo á sœ lima kœjere tœnœ. Tshe sœ lima dœ herela kœkœrœ dœ ama ðivwili kudu œdœ kikiili djingiri tshakane ye.

²Tshe tepa dalagona, ongboro yakoronœ á ðiri ye kœdœ ndje djaboro too Satana, œ i she vwagbagba dœ djingiri manda ngbugu kutu bale (1.000).

³Andjelunœ za she vwi ga lœ ðivwili kudu œ tshu manda nœ kundœ ye dœ herela, yé œ pi lœba ga tœnœ mbœrœ á tshe kœdjidjingili tshelœ kumu azu ogo nene œrrr ga tœ adœke olo ngbugu kutu bale ro ye kane. Manda nœ, endje vwara she ndœ olo teasho.

⁴Yé mœ wu ngande tshagbozu ndjoro. Endjeneke á endje sœ lima ga pa nœ, gbo tshagbozu ndœ kœwa dœ ngbanga. Mœ wu ndje ishiri azu á endje wo lima endje tœ upunœ kœyindœrœ nœ endje djigi ga tœ adjapu á Yisu mi lima ndœ nœ œdœ ga tœ o'o ama Ndjaba. Endje dodonga lima ageanœ asœmœ œdœ ishiri ye nene, endje gugu lima dœ ati nœ ageanœ pala endje too ba tœ kane endje nene. Endje kwa lima tœ endje ga lœ soro yé œ mbœrœ akwa tshagbozu awa bale dœ Kristu manda ngbugu kutu bale.

⁵Anga akuzu kwakwa lima tœ endje ga lœ soro nene utshunœ adœke olo ngbugu kutu bale ro. Œtœnœ kœdœ ali kœshe lœ akuzu.

⁶Yanga nœ endjeneke á endje sœ lœ ali kœshe lœ akuzu! Endje kœdœ azu nœ Ndjaba yé bisha kuzu kpa gugu dœ tshagbozu ga pa endje nene. Endje dœ bala anganga Ndjaba nœ Ndjaba œdœ endje nœ Kristu, yé œ mbœrœ akwa tshagbozu dœ Kristu manda ngbugu kutu bale (1.000).

Ndjaba ropa satana

⁷Lœkœ á ngbugu kutu bale kœro bala, endje za awa fœ Satana adœke tshe wuta lœ kána,

⁸yé tshe na kœfara azu ogo tshapashœ djigi, œ yindœ kœpa adœke: Gœge œdœ Magœge. Tshe ngbœba bala endje mbœrœ kœnga koshe, yé endje ngba kœrosœ minu mangu egerœ ungu.

⁹Endje sœ kœna pa œshœ djigi yé œ sœ kœkpa dji gbagba nœ azu nœ Ndjaba, ongbœ á Ndjaba yindœ nœ waa. Kashe owo to ba lafo œ jere yé œ ju endje ye.

¹⁰Yé endje za djaboro á tshe sœ lima kœfara endje asœmœ vwi ga la adanga wola zuwa á ju oshœ á owo sœ kœtshi lœnœ, ba tœ oshœ á endje ko lima ageanœ œdœ ayi kœgbara o'o nœ wala ga tœnœ. Endje ndanga endje butshœ dœ œlœ waa dœ waa.

Ndangba kœwa ngbanga

¹¹Manda nœ, mœ wu imbi egerœ ngande tshagbozu œdœ uzu á tshe sœ ga pa nœ. Tshapa ɔshɔ œdœ tshalafo yiwa lima tœ ala ye, yé endje kpa wuwu lima tœnœ bale nene.

¹²Mœ wu akuzu, agboro endje dœ aaya endje, endje ka ba utshu ngande tshagbozu. Anga uzu kɔɔ buku ndjoro, yé œ kpa kɔɔ anga angbincœ bale: œtœnœ kœdœ buku nœ soro. Ndjaba wa ngbanga nœ akuzu lindœ œneke á endje mbœrœ lima, kœli dœ œneke á endje sú lima ga la bukunœ.

¹³Egerœ ungu ingbirɪ gi akuzu á endje sœ lima la nœ ye. Kuzu œdœ osho kœsœ nœ akuzu gi ndje akuzu nœ endje. Yé Ndjaba œ wa ngbanga nœ uzu dœ uzu lindœ œneke á tshe mbœrœ lima.

¹⁴Ndjaba za kuzu œdœ osho kœsœ nœ akuzu vwi ga la adanga owo. Adanga owonœ asœmœ kœdœ bisha kuzu.

¹⁵Uzu kɔ á endje súsú i'iri ye ga la buku nœ soro nene, endje za lima she vwi ga la adanga á owo sœ kœtshi lœ nœ.

Kœwurœ 21

Tafo tshalafo œdœ tafo tshapashɔ

¹Manda nœ, mœ wu tafo tshalafo œdœ tafo tshapashɔ. Ali tshalafo dœ pe ali tshapashɔ yiwa lima, yé egerœ ungu kpa gugu lima nene.

²Mœ wu œyerœ ongbo, á dœ tafo Yerusaleme á Ndjaba vwa á to ba lafo á sœ lima kœjerœ tœnœ. Œ sœ lima bata yashe á tshe gumatœ ye kœna kœtogba dœ akœnœ.

³Mœ dji anga ɔgbɔ tshama kœto ba tœ ngande tshagbozu á sœ lima kœpa adœke: «Ngɔngɔ asœke osho kœsœ nœ Ndjaba sœ ba ugurutœ azu! Tshe sœ bala tœ œsœnœ awa bale dœ endje, yé endje dœ bala azu nœ ye. Ndjaba dœ tœ ye œ sœ awa bale dœ endje, tshe dœ bala Ndjaba nœ endje.

⁴Tshe turu bala ngola kɔ lœ ala endje. Kuzu œ kpa gu nene; matanga, ditshelœma œdœ œrœ oyo œ kpa gugu nene. Gbambœnœ nene, ongboro œrœ œ yiwa bala ye.»

⁵Yé tsheneke á tshe sœ pa ngande tshagbozunœ asœmœ pa adœke: «Ngɔngɔ asœke mœ sœ kœmbœrœ œrœ kɔ tœ tafonœ.» Manda nœ, tshe pa fœ mœ adœke: «Su o'onœ asœ. Gbambœnœ nene, o'o ama mœ sœ adjapu œdœ œneke á li adœke uzu za lœsu ye ga tœnœ.»

⁶Yé tshe kpa pa fœ mœ adœke: «Œ li ye! Œmœ kœdœ Alfa œdœ Omega, alinœ œdœ ndɔngɔlœnœ. Uzu á tshe kœsœ dœ ogo ungu, mœ su ungu á sœ ba tœ kumungu nœ soro fœ she gbambœnœ.

⁷Uzu á tshe ro bala pa anganœ kɔ, tshe gbɔ œerœnœ asœmœ ba ndœ mœ. Mœ dœ bala Ndjaba nœ ye, yé tshe dœ bala gbolo nœ mœ.

⁸Tœ upu nœ aayi awa, dœ azu á endje katœ kœyindœerœ nœ endje tɪ, dœ azu á endje sœ kœmbœerœ œerœ á gaga nene, dœ aayi kowo, dœ aayi angba budu, dœ aayi kœmbœerœ œerœ tsharawo, dœ aayi kœdonga andjaba œdœ pe aayi wala para, osho kœsœ nœ endje œ sœ bala ba la adanga wola zuwa á ju osho á owo sœ kœtshi loœnœ. Œtœnœ kœdœ kuzu nœ bisha.»

Tafo Yerusaleme

⁹Anga andjelu bale ugurutœ aandjelu mindu dœ bisha á endje ko yashi mindu dœ bisha á su kperœ dœ ndɔngɔɔ egerœ œerœ oyo mindu dœ bisha, na œ pa fœ mœ adœke: «Na ga mœ dœ mœ yisœ yashe totœ á tshe dœ awo aya Patanœ fœ bœ.»

¹⁰Ishiri jœrœ ga pa mœ, yé andjelu za mœ na tœnœ ba tœ kumu ingiri kaga, á yisœ œeyerœ ongbo Yerusaleme á Ndjaba vwa á to ba lafo á sœ kœjœrœ tœnœ, fœ mœ.

¹¹Œ sœ lima kœtshi dœ adja mokɔ nœ Ndjaba. Ongbonœ sœ lima kœtshi tœnœ bata kœtshi nœ badja á amanœ gbɔ waa, á i'iriœ kœdœ jaspe á tshelœnœ sœ ngbi bata kristale.

¹²Ongbonœ sœ lima dœ ingiri muru, dœ manda ndjokpa dœ bisha. Yé aandjelu ndjokpa dœ bisha sœ lima kœgbɔndœ manda nœ. Endje su lima i'iri mara nœ azu ogo Israyele ndjokpa dœ bisha ga pa manda nœ.

¹³Tshakala ongbonœ bale dœ bale sœ lima dœ manda votɔ: votɔ ba tœ osho á ɔɔ œ wuta tœnœ, votɔ ba tœ osho á ɔɔ œ li tœnœ, votɔ ba tœ nœrœ œdœ votɔ ba tœ sudi.

¹⁴Endje mɔ lima muru ongbonœ ga pa kiti anda œnœ badja ndjokpa dœ bisha á endje sú i'iri aayi avwa nœ aya Pata ndjokpa dœ bisha ga panœ.

¹⁵Andjelu á tshe sœ lima kœpa o'onœ fœ mœ, sœ lima dœ tshɔngbɔɔ á endje mbœerœ dœ ɔrœ tshakane ye mbœerœ kœdi dœ kœgú ongbonœ, dœ kœgú manda nœ œdœ pe dœ kœgú murunœ.

¹⁶Kœgú tshakala ongbonœ vavana liili, kœgú ingiriœ liili dœ kœgú ondonœ. Andjelu di kœgú ongbonœ dœ tshɔngbɔɔ asœmœ mangba metere kutu bisha dœ kama bisha (2.200); kœgu ingiriœ, kœgu ondonœ œdœ pe kœgunœ ga lafo sœ lima awa bale.

¹⁷Andjelu di ndje kœgú murunœ: œ sœ lima mangba kude kama bale dœ zazu bisha dœ vana (144). Mara kœdi œerœ nœ andjelunœ sœ lima bata mara kœdi œerœ nœ azu.

¹⁸Endje mɔ lima murunœ dœ badja á i'irínœ kœdœ jaspe, yé endje mbœrœ ongbonœ dœ adja ɔrœ á sœ ngbii бата wushiri.

¹⁹Endje mɔ lima kiti muru nœ ongbonœ dœ tshelœ aka badja kɔ á amanœ gbo waa: ali badjanœ kœdœ jaspe, bishanœ kœdœ safire, votɔnœ kœdœ agate, vananœ kœdœ emerode,

²⁰mindunœ kœdœ onikese, mindu dœ balenœ kœdœ sardwane, mindu dœ bishanœ kœdœ krisolite, mindu dœ votɔnœ kœdœ berile, mindu dœ vananœ kœdœ topaze, ndjokpanœ kœdœ krizopræze, ndjokpa dœ balenœ kœdœ turkwaze, ndjokpa dœ bishanœ kœdœ ametiste.

²¹Endje mbœrœ lima manda ndjokpa dœ bisha ascœmœ dœ badja ndjokpa dœ bisha á i'irínœ kœdœ perle. Manda bale dœ bale sœ lima dœ perle bale tœnœ. Endje mbœrœ lima osho ba lœ ongbonœ dœ adja ɔrœ á tshelœnœ sœ ngbi бата wushiri.

²²Kashe mœ wuwu lima Tepelo lœ ongbonœ nene. Gbambanœ nene, Tepelo nœ ongbonœ kœdœ Gbozu, Ndjaba nœ gbɔgbɔ kɔ œdœ pe aya Pata.

²³Ongbonœ ascœmœ gugu lima dœ ogo ɔlɔ too dœ ogo yapu adœke œ tɔ ga lœnœ nene. Gbambanœ nene, mokɔ nœ Ndjaba dá sœ lima kœtshi lœnœ, yé aya Patanœ kœdœ tala nœ ye.

²⁴Azu tshelœ ogo ndjoro œ na bala tœ ishiri ye, yé agbozugo pa ɔshɔ œ ko kœgbɔrœ nœ endje na tœnœ ga zœ.

²⁵Mandanœ œ sœ bala tœ ɔsɔnœ dœ ɔlɔ, yé endje kpa tshu ga tœnœ bale nene. Gbambanœ nene, butshɔ œ kpa gu bala lœ ongbonœ bale nene.

²⁶Azu tshelœ ogo ndjoro œ na bala dœ œrœ á sœ kœza kœlisœtœ œdœ pe kœgbɔrœ nœ endje ga zœ.

²⁷œrœ uburu œ li ga lœ ongbonœ bale nene. Uzu á tshe sœ kœmbœrœ œrœ á gaga nene œdœ ayi wala, œ li bala ga lœ ongbonœ nene. Kashe kolœ endjeneke á endje sú i'iri endje ga la buku nœ soro á dœ œnœ aya Pata, dá li ga zœ.

Kœwurœ 22

Egerœ ungu á za soro fœ azu

¹Manda nœ, andjelu ma egerœ ungu á za soro fœ azu fœ mœ, œ sœ lima kœtshi tœnœ бата badja á i'irínœ kœdœ kristale á sœ lima kœtu tœnœ ba pa ngande tshagbozu nœ Ndjaba œdœ pa œnœ aya Pata,

²yé á sœ kœtra tœnœ ba ugurutœ osho lœ ongbonœ. Tshakala kota bale dœ bale sœ lima dœ ɔyɔ nœ soro á sœ kœle tœnœ awa ndjokpa dœ bisha lœ ungu

bale, yé á yapu bale dœ bale, œ sœ kœle toœne. Kakonœ sœ mboœrœ kœshe azu ogonœ lœ koba.

³Endje wu bala anga œrœ bale á Ndjaba darandœ nœ lœ ongbonœ nene. Ngande tshagbozu nœ Ndjaba œdœ œnœ aya Pata œ sœ lœ ongbonœ asœmœ, yé aayi akwa nœ Ndjaba œ donga she.

⁴Endje wu bala tshatshu ye, yé i'iri ye œ sœ bala pala endje.

⁵Butshœ œ kpa gu nene. Endje kpa sœ dœ ogo ishiri tala œdœ ndje œnœ ɔɔ nene. Gbambanœ nene, Gbozu Ndjaba œ za ishiri osho nœ ye ga pa endje, yé endje mboœrœ akwa tshagbozu ngbugu dœ ngbugu.

Kœna Yisu

⁶Manda nœ, andjelu pa fœ mœ adœke: «O'onœ asœ kœdœ adjapu, yé œ li adœke uzu kɔ za lœsu ye ga toœne. Gbozu Ndjaba á tshe za ishiri nœ ye fœ aayi kœgbara o'o asœmœ, vwa andjelu nœ ye mboœrœ kœma œrœ á wuta lœ ondonœ asœke fœ aayi akwa nœ ye.»

⁷Yisu pa adœke: «Dji kane, mœ kwa lœ ondonœ asœ! Yanga nœ azu á endje sœ kœgbœndœ o'o nœ aayi kœgbara o'o la bukunœ asœke!»

⁸œmœ Yowane, mœ dji yé œ wu œœœnœ asœmœ. Manda kœdji toœne œdœ kœwu toœne, mœ gote ga utshu andjelunœ á tshe má œœœnœ fœ mœ asœmœ ndœ kœdonga she.

⁹Kashe andjelunœ pakata mœ adœke: «Dodonga mœ nene! œmœ kœdœ ayi akwa bata bœ, bata aaya zœ aayi kœgbara o'o œdœ bata endjeneke á endje sœ kœgbœndœ o'o la bukunœ asœke. œ li adœke bœ donga Ndjaba!»

¹⁰Manda nœ, tshe pa fœ mœ adœke: «Zaza o'o nœ kœgbara o'o ala bukunœ asœke yiwatœnœ nene. Gbambanœ nene, lœndœnœ á endje guma adœke œœœnœ asœ kɔ mboœœœtœ ye, ndo ye.

¹¹Kaka ayi kœmbœœrœ ekperœ, sœpe kœmbœœrœ ekperœ nœ ye; ayi kœmbœœrœ œrœ uburu, sœpe lœ uburu nœ ye; ayi kœmbœœrœ ɔtshœœrœ, sœpe kœmbœœrœ toœne; yé tsheneke á tshe sœ yerœ, sœpe lœnœ.»

¹²Yisu pa adœke: «Dji kane, mœ kwa lœ ondonœ asœke! Mœ na awa bale dœ œrœ tshangba akwa ndœ kœto fœ uzu dœ uzu liaka œeneke á tshe mboœrœ.

¹³œmœ kœdœ Alfa œdœ Omega, ali uzu œdœ ndœngɔɔnœ, ali kœmbœœrœ œrœ œdœ ndœngɔɔnœ.»

¹⁴Yanga nœ azu á endje djuto lœba nœ endje mboœrœ kœgbo awa ndœ kœzi leyo nœ ɔɔ nœ soro œdœ kœli lœ manda ongbonœ.

¹⁵Kashe, azu á endje sœ kœmbœrœ œrœ á gaga nene, aayi kœmbœrœ œrœ tsharawo, aayi angba budu, aayi kowo, aayi kœdonga andjaba œdœ azu á endje yindœ wala yé á sœ kœpa wala, endje sœ ƒa ushu tœ ongbonœ!

¹⁶«œmœ Yisu, mœ vwa andjelu nœ mœ fœ 'e ndœ kœgbara o'onœ kœ asœmœ ƒa lœ Ikrizia para. œmœ kœdœ gbolo lœ ƒingi nœ Davidi, œmœ kœdœ tombele á tshi lœ gurutsha.»

¹⁷ƒshiri nœ Ndjaba œdœ pe Awo aya Pata pa adœke: «Na ga mœ!» Kaka uzu á tshe dji o'onœ asœ, pa ndje adœke: «Na ga mœ!» Kaka uzu á tshe sœ dœ ogo ungu na ga mœ, kaka uzu á tshe yindœ ungu nœ soro gbœ œtœnœ gbambœ.

Ndœnglœ o'o

¹⁸œmœ Yowane, mœ sœ kœpa o'onœ o'ara fœ uzu kœ á tshe dji o'o á endje gbara la buku asœke: œdœ uzu kœza o'o ga panœ, Ndjaba œ ko ogboro œrœ oyo á endje pandœ nœ ala bukunœ asœke, ga panœ fœ she.

¹⁹Yé œdœ uzu kœwa átá o'onœ á endje gbara la bukunœ asœke, Ndjaba œ ko œnœ ye leyœ œyœ á za soro fœ azu tœ ye, yé tshe sœ dœ osho kœsœ lœ œyerœ ongbo á endje pandœ nœ ala bukunœ asœke nene.

²⁰Uzu á tshe ma adœke o'onœ asœmœ kœ kœdœ adjapu, pa adœke: «œ, mœ kwa lœ ondonœ asœke!» Ame! œ mbœrœ kolœ tœ ye ataa! Na ga mœ, Gbozu Yisu!

²¹Kaka Gbozu Yisu ma œtshœ lœsu nœ ye ga ndœ 'e para kœkœ.

Esclarecimento

Trata-se de iniciativa particular, com os seguintes objetivos: (i) colaborar para divulgação dos diversos textos bíblicos disponíveis, e, (ii) facilitar o acesso a esses textos, inclusive por meio de download.

Todo esforço em tornar a Palavra de Deus acessível a todos, em quaisquer localidades e falantes das mais diversas línguas, precisa ser um objetivo de todos os que são guiados pelo Espírito Santo. Ele inspirou o profeta Jeremias a dizer “não ensinará jamais cada um ao seu próximo, nem cada um ao seu irmão, dizendo: Conhece ao SENHOR, porque todos me conhecerão, desde o menor até ao maior deles, diz o SENHOR” (Jer. 31:34).

Jesus, também, falou assim: “e será pregado este evangelho do reino por todo o mundo, para testemunho a todas as nações” (Mat. 24:14).

Muitas organizações foram constituídas com o propósito de fazer a Bíblia disponível nas diversas línguas. Não é uma tarefa simples. Anos de trabalho, dedicação e entrega são necessários para esta tão extraordinária missão.

O texto deste trabalho está disponível na internet, em páginas eletrônicas de organizações que produzem ou divulgam bíblias, sem acréscimos de notas ou comentários. Assim, reconhecendo e respeitando os direitos que possuem sobre seus trabalhos, incumbe a todos os que amam a Palavra de Deus, o esforço em contribuir para amplificar sua divulgação.

Se possível, faça download do texto, para que sejamos, também, guardiões da Bíblia, e, com isso, preservando-a para as futuras gerações.

Divulga a Palavra de Deus, ela mostra o Caminho e permite a todos, que se conheça Sua vontade, em todos os lugares e épocas.

Marcel da Glória Pereira
2021, Vitória/ES - Brasil